

天台詩選六卷補遺一卷續

〔明〕許鳴遠輯

吉林省圖書館藏民國元年排印本

附《四庫全書總目·天台詩選
五卷》提要

重訂天台詩選序

天台之有詩集自江東天籟始也南宋隆興間號稱能詩無出劉氏兄弟右者嗣是厥後若抱犢若高林若江村若新山若檜軒則全芳備俎稱之後村詩話著之顧俠君元詩選又並載之洎乎有明斯道廣續卷帙滋多其尤爲時推重者則有魯氏之竹素游思等集褚氏之怡笑集杜氏之樂全集范氏之丹臺集柏軒稿許氏之掇拾吟廬氏之黃州集夏氏之赤城集陳氏之霞山漫草以及陳竹窗袁知止龐石壁潘留鶴與雙澗梅壑許醉夢陳秋鶴而以竹居得月兩集爲之殿獨恨年代湮遙風流易主故家遺稿

天台詩選序

多埋沒於水火兵燹轉徙隆遺中其更代保守愁遺而至於今者惟方外寒山子最古餘則各族譜牒寄存一二蓋寥寥無幾矣藉非有網羅散佚之人爲之逐一編輯其安知不隨大江東去風流浪淘無復有古人名氏於來代讀者之口豈不大可悲乎此鄉先生帶存許氏所以有天台詩選之刻也攷四庫全書提要總集列此卷存目類前有小寒山陳函輝序蓋卽徐題翔訂本而刻於崇禎十五年者迄今垂三百載散亡殆盡許氏之後賢曰佩蓀品蘭者愛之以爲吾邑詩人雖或收於戚氏三台詩錄風雅遺聞暨天台山方外各志而無專選幸而有此而又令其日就

湮滅非惟辜吾祖輯選之意抑亦台人之辱也因願設法重印而商之吾友金君性山時性山方有國朝天台詩存之選用聚珍版排印業已告竣凡自國初三高士以下迄於同光諸子得一百八十餘家衷然成一代巨觀惟爲例甚嚴寧以人存詩不以詩存人雖有才華清卓而行事不軌於正樂行刪黜無登載者亦謝靈運心邪不許入社之例也而是選則開見較遠只辨其非天台籍者削之而補以滯見於各家之作使無漏遺又或時代倒敘方外閑媛襍糅其中爲前刻所未嘗糾正者一一爲之釐剔務與原刻不相反而實相成品蘭願而樂之將以某月日付印并

天台詩選序

二

道所以醜貨之故而巧余序其簡首余維繼承先志一舉而三善備焉後世之名君子所必爭高山之上深淵之下尙欲寄姓字於其間而况爲之苗裔者可聽其漸卽淪棄乎此舉出於家族有木本水源之思焉磨沙洗戟可認前朝古有以一物之愁畱卜聲名之永短出之灰塵加以拂拭是生死人而肉白骨也千年龍光終當復出正其時矣江右雲間劉驥而竊詩雖小道亦藉人靈台山夙稱奇秀倘無佳章雅什爲之鼓吹不令松桂笑人乎卽前賢亦不任受過也持此心也以往吾益於品蘭有厚望矣雖然循以通鑑不載文人之例則或者疑其無補於時而際此滄

海揚塵劫灰再黑之秋與其滔滔橫流靡知所屆孰若反吾初服相與聚先正一堂庶幾田陶咏所及或可畱吾道之真一於將來也夫豈僅做帚自享而已乎時壬子中秋后五日同邑後學緒傳誥

天台詩選序

三

序

予既排印國朝天台詩存告竣而許君佩蓀擬重刊其遺
祖明季淮安同知帶存先生天台詩選與予商定其體例
謹案是集之葺當崇禎之壬午是時流賊已逼廬鳳陷開
封殘汝甯京師岌岌朝不保夕合雖未被兵亦風鶴告警
而先生獨汲汲以詩選爲事所志若並不及乎他者逆知
天下已壞不可復支也故不二年而明鼎遂革中原離析
蕩盡而合之文獻獨不與兵火俱燼河山俱分裂者則此
次先生收葺之功爲不可沒也顧其體例亦頗有未善所
取皆本籍人而閒入寄寓釋道與閨媛並列不復別異前

天台詩選

序

二

後時代亦有譌舛斯三者固畧知編纂者所解道而先生
於此若獨有未盡然者名託於選詩而意不專在乎詩也
宗周將隕廢不恤緯漆室之憂魯女且然而况仁人君子
蒿目時艱關心於君國之故者乎嗚呼當先生攝篆新城
集民兵禦賊嚴斥埃警烽火浚濠塹擒剽盜撫饑民政績
偉然使羣州縣皆若是則流寇不作而明可以不亡其卒
亡者貪官墨吏之充斥於天下而如先生等輩喋不得施
用故也卒以漕事爲當道所中解職歸里杜門撰述詩選
之葺特借之以消遣日月終吾餘年而其耿耿不得已之
心抑鬱幽憂無可陳訴計惟古人可以告語默相印證而

於初志殊不然也然先輩之名篇雅什精神心血所寄轉
藉是以得縣延於世不可謂非厚幸而語言文字較量分
寸體例有未盡脗合者固先生所不屑屑措意也且亦是
手定未成之書經徐明經光允等續葺而義例仍參差別
出爰是與許君重加校正缺者畧爲增補惟是選曾經採
入四庫全書存目流傳必廣今考吾邑止有此本一經遭
失則廣陵散遂絕因促其急行付梓當茲廢經蔑孔異學
猖狂吾道淪胥之會刻此亦復何益然爲鄉邦文獻之所
係抑亦國粹將亡之轉藉以保存也然先生生不忍見亡
國之戚不數月而卒范文子祝宗所死竟如所願予不幸

天台詩選

序

二

二

遭非常之變與先生相似而禍勢劇烈更甚於亡明雖所
葺詩存或可與詩選爲後塵之步而禮義効節委懦不立
隱忍苟活偷延視息秉筆爲序愧先生多矣壬子季春邑
後學金潛

原序

天台之聞於天下也自孫興公一賦始也然漢卽有高蔡齊又有顧歡隱居其內遡而上之天冠應真之開拓韋卿子喬之神通晨肇耦而遊仙墨顓分而衍教台山不久以異跡著乎宇內八垓其宗五嶽若言及石梁華頂之勝則羣望俱俯首而揖讓之夫洞天之爲天寶也福地之爲地靈也其指可屈也而在台山不一而足也台以天名上應泰符之階下應星鳥之瑞天縱之矣詩曰維岳降神生甫及申名山不產異人是頑石也則名人之所以報名山肅爽凝而菁華吐其大者爲高勳偉烈忠臣孝子之光而

天合詩選序

二

次卽散觀於縣人高士金石聲歌之緒日星布彩川岳出雲其氣然也輝考古人之咏天合如沈隱侯徐孝穆之諸記李巨仁孟浩然元微之之諸篇碑辭未湮星瀨猶兀顧任翻三過終非卜築之幽居天姥一吟仍屬夢遊之逸客惟吾友許帶存先生所選詩集始自有宋之二劉下逮我明之今日或標舉一家之英或近取一邑之乘而餘卽台郡名賢皆不得以闡入焉在台言台明巖樵溪之結秀生動鬚眉赤霞瀑布之爭奇淵源昭穆言善必及其祖先言文必舉其家傳訓國人以孝悌之道而闡名岳以誕孕之房在是集矣其詩以有所刪訂則必言選而亦有佚於選

以外者亦有恕於選以內者父兄子弟之教關文徵獻之方也然合乎詩以論山山爲五宗之伯仲詩亦六代之裔苗非金庭玉京之秘無以發爲物華非巨卿才子之章無以抒爲邦彥誰謂一隅之爲知吾乎自茲以往代興復霸夫豈乏人筆橐家猷以扶大雅吾於繼起之後賢不能無望矣崇禎壬午仲冬小寒山陳函輝謹撰

天合詩選序

二

自序

天台先正詩無論顧張王展諸君子失傳卽南渡後黃待制宋閣學賈正叔靜學太祖幽忠錄表表見於邑乘者亦多淹沒潘梅壑先生彙集之夏赤城先生有序惟時已不能多得之久遠矣迄今百餘年手編殘缺後學日不經見慮併此近今者而失之因登之剞劂以永其傳重加蒐補間入仙釋及占籍之士共得詩若干卷高者似華頂之嶺光深者似石梁之崩注悲壯似瓊臺之孤清曠逸似桃源之閒嬾藻采分披又似赤城之秀麗或以詩傳或以人傳總之於聲沉響滅之餘寄高山仰止之意遺之後人遂及

天台詩選序

他善其功其德以不沒台山之靈云爾彼聞猿不忘機者句雖工不錄採詩之中尤重旌品願吾台士各相淬勵立德立功俾台山因我而益重毋使我因台山而重也更於先正有光焉崇禎壬午仲冬之吉許鳴遠書於赭霞溪房

本傳

朱之任撰

公姓許氏諱鳴遠字有璽號帶存別號赭溪居士天台人也其先居山左之巨野金鄉村宋宣和間登何煥榜進士仁隨蹕南渡爲右朝請大夫集英殿修撰以抗疏論汪黃觸忌遂偕修武郎趙士伾遊合因家焉至八世德著登寶祐進士以彈買似道未授官歸作幽忠錄至元十世嗣傳學嫻於詩劉誠意爲點評其集抗志不仕作詩訓子蓋公先世實篤忠貞云從祖敬軒明永樂歲薦爲儀部員外郎宣德間守汀州時繼况鍾擢二十五人爲郡守公其一至十八世贈君諱學慶陰行善而家日豐娶朱安人生丈夫天台詩選本傳

子三長鴻臚寺序班鳴遠季鳴遠鴻臚寺署丞公其仲也公風骨精岸目如耀星早年警敏絕人人知與不知無不以國器期公公於書無所不閱而尤邃於史每言史則歷歷有貫穿年十七補邑博士弟子試輒屈其儕偶以臺試第一廩於庠天啓辛酉恩選入太學屢試南北闕不利崇禎丙子授揚州府通判時流寇充斥犯九江破六合耽耽虎視則在揚以揚繁華佳麗爲南北咽喉是以屢闕焉公初蒞任卽署軍務爲飾城守厲軍政重偵探嚴保甲而揚州之壁壘一新會朝廷頗任內臣大璫楊顯名以巡撫鎮揚主鹽課作威福其中軍韓姓者方坐堂上聞中門公列

騶嚴呵過之其徒大噪以公不下乘左右以告公微哂次
日復列騶過之寂不敢動於是一郡稱公而瑞亦少欽丁
丑秋流寇犯大儀僧道橋諸鎮且備長衝大櫓欲以攻揚
上臺以新城爲賊所尤焚獨委公守時賊勢方張人懷疑
懼公集紳衿鄉保於三義閣慨盟誓人爲鼓舞日則稽
保甲夜則明烽火寢食於睥睨者三閱月賊知有備遁去
時兵備河南鄭公二陽稱邊才文武備具遇公如舊相識
任公如左右手先是公未至時鄭已增高其城但舊濠涇
塞公至遂以濠事任公公勤思瘁力爲濬新濠於舊濠外
縣亘百餘里自秋徂春凡六閱月而濠成於是詰奸究時
天台詩選本傳

二二

糗糧諭諸賈出資樹敵臺如林立且布德施仁民心益固
寇自是不復覬揚矣巡按奉旨查近年錢糧監司以屬公
務在一月報竣公奉檄卽按部稽覈虛者補實者清墨吏
奸胥無所上下不二句已竟其事有儀真倉使李徐二人
交盤未清相繼物故後至憚於宿逋罔敢承接其子李良
善徐時偉繫獄三年公爲嚴拘倉胥勒其底簿覈之清補
足數隨令交代并釋二子扶輿歸又京師大豪某常至揚
作奸亂吏治郡中苦之寓鹽商某家商宴勞贈賄無少失
豪欲誣以陰事商不獲已訟於鄭鄭亦屬公公立捕於庭
豪以權貴恐嚇公曰我方詰奸細汝何爲擾吾士遂置之

獄詎輒抵罪戍邊郡中無不大服戍寅歲旱蝗民且病疫
死者相望公煮粥於息浪庵以哺饑者劑藥於濟生館以
治疫者所全活甚眾及二麥告成蝗蝻復發公躬率焚捕
賞錢米以勸之設壇步禱祭告八蜡神不旬日風雨大作
盡飄蝗於江中而民害悉除論者以爲精誠所感冬置江
防江防多稅課計簿山積公追出濟操餉銀新舊侵漁於
竄胥及無批迴者數千兩瓜人感服己卯春署泰州試童
子拔寒士方苞爲首撫字備至泰人有許侯去思錄秋署
通州海盜縱橫一夕報犯任家口時有言急閉城門者公
斥之躬率鄉兵鳴金發炮以邀之隨遁去次日復犯公集
天台詩選本傳

三三

官民兵奮勇前擊盜復遁去未幾應天巡撫訂期會勦謂
通海如皋多係賊窟公友人靖江令陳公函輝時爲監紀
致書於公總河張公國維兵道林公自銘咸以擒渠之事
遙藉於公於是出密慮以建奇勦遣人密訪渠魁郭四大
王名郭希原注如皋以爭賭手刃四十餘人懼誅逸爲大
盜被蟒脊陸殺人淫汚官兵莫可如何公遂遣機幹數十
百人埋伏賊所經地如張網然不數旬郭希郭五陳禮等
皆就擒又有盜顧科顧察依倚宦勢縱橫出沒以城狐社
鼠難於勾攝取他盜鞠之竄名其中忽然行拏遂盡供焉
於是合州有包龍圖之謠而通盜悉平公在揚三載狀公

最者十餘疏正在議遷而漕撫朱公大典欲射陽湖以爲非公莫任於是特疏薦公擢淮安山清河務同知公至淮治湖築堤之檄交下射陽當淮揚七州縣下委壅則爲害大通則爲利亦大且海運可復新溝蘇嘴建義三堤則漕河利害攸係於是議治湖估費一萬二千餘兩先是朱公於煮賑疏中曾列工助一款奈大兵大荒無以勸助時適有踏丈灘田一案公申報履畝得田二百四十七頃可變價六千六百餘兩又察公書一案起獲巨窩房屋船隻等項估值銀九百一十餘兩淮撫具題因此二者充湖工之費但治湖殊有萬難多端者時孫孝廉條議意在築

天台詩選本傳

四三

堤不必探湖身之深淺撫臺亦頗主之公意則在溝深不在浮高其揭云古誌載湖身闊三十餘丈涇口北至益林三十里正當黃河三決口下流今爲淤泥充塞寬成平陸先年潞止一二尺僅通湖沙之水三分之一北行其二仍向流金溝東行瀾漫田間以爲民患又東作二里係湖水咽喉今盡涇塞水反倒流入湖若不濬深使有建瓴之勢水仍不出雖濬無濟詳察地勢濬一丈不如深一尺其下有淤泥者最難下手今惟以引水出口爲據成算已得於是分作三工旱工水工堤工委官及義民同力協作焉朱公經始之日深慮告竣無期公則豫定兩月今若左券開

壩放水水循故道逃竄災民皆聞風競歸相率以施耕種山鹽高寶海運之米皆達此湖而工作於是乎成矣湖工稍停三隄又爾告急公離湖上卽趨隄所躬親督率風沙烈日拮据五旬隄工方竣而催攢之檄又至往規漕艘三月過淮四月過洪以黃濁淮清至伏秋則黃水漲而淮水調勢必濁流灌淤必四月迺可避之奈是歲浙直苦荒湖廣苦寇五月方始至淮繼之旱魃爲災淮水縮流三十里黃水連漲二月餘運口內外幾爲絕流數十年未見之事公又當之竭心焦勞寢食俱廢晝夜疏濬漕艘方得盡出其如時已去何朱撫臺札云門下拮据蒸炎烈日之中不

天台詩選本傳

五三

問而知其苦科臣左懋第疏云河臣許某奔走河濱倉皇晝夜是則公之盡瘁竭誠兩公實鑒之矣乃當事者不問前之不至但咎此之不出而且欲自卸過公又正言觸忌遂飛章彈公公被議柯公夏卿銘其墓云時禁旅之興權杖青河令公力爲救解且抗言曰士可殺不可辱從無至憲司杖縣令事吳深衡之飛章抄河官十餘人公與焉至京上書自理蒙聖鑒有誤絲兌米之旨既而朱公抗疏論救以射陽湖功不可泯於崇禎十五年十月準復原職公以勞苦成疾遂用是歸矣論者咸以公未竟其才爲嘆公雖家居不忘憂國閱三年遭甲申之變終日悵快時或慟哭不食至仲冬竟以疾作而卒享年五十有七公孝友天

至事二人篤摯孺之慕幼與伯兄同學而事伯兄如事父
伯兄執家政公則專意就塾伯兄卒毀瘠踰禮如執三年
喪伯兄有姪四公爲撫育授書悉如己子衣則同彩履則
共朱熈戲則均受撻而猶子事公亦凜凜如嚴君季弟儀
吉受經於公妹四人皆厚賞以遺有疾親視醫藥則坐
守達旦比李英公燕巖猶過焉公爲人剛直健決而性仁
慈與人接曲而有情禮人有善如己善人有不善嫉之如
讎有童時受業師爲臨海人死其子不克塋殯於路側公
每往郡則披棘而拜其所出資付其子令買山以塋其子
終不塋公於是載附棺之物親詣八疊以塋焉至於周鄰

天台詩選本傳

六三

里以粟帛助戚屬之婚嫁從弟守行艱於嗣資其買妾以
續後明揚久游不歸膳其妻子作書招至署厚贈以全其
家有岳貧屢捐俸緘寄公卒二十餘年諸從弟言及無不
泣數行下岳翁家落鬻其宅於人捐百金贖還之此皆公
之餘事筆不能殫述任之先慈公之弟四妹也忝以宅相
愛任良深任受恩甚至茲謹按行事不爲妄溢一詞以備
他日蘭臺之採此則所以報公公男子四人長君求太學
生次君揚邑庠生次君徵邑廩生次君羅郡廩生孫十餘
人多英彥工文辭是公之昭明有融蓋未央也

贊贊曰予小子任欲贊公亦何能贊公且欲贊則嫌於私

親之言弗贊則異於大道爲公之旨由今觀之未孩朱公
則投公以艱難之任者也潛庵鄭公則倚公如左右手者
也蘿石左公則知公勞瘁之至者也朱公金華之守比之
張睢陽而尤烈鄭公庭對之言方之賈長沙而彌切左公
北使之時例之洪忠宣而更慘至若擠公陷公者或叩首
求活或蒙面事人忍凝碧之國恥頽隴西之家聲孰不昭
昭於人世間耶易曰同聲相應同氣相求傳曰美女者惡
女之仇又曰不知其人視其友豈不然哉豈不然哉

天台詩選本傳

七三

台州府志 仕進

許鳴遠字有望號帶存恩選入太學崇禎丙子授揚州別駕流寇猖獗集兵民城中三閱月賊知有備遁去攝篆通泰皆有異績總漕朱公以河決新蘇口特疏薦擢淮安河務同知至卽詳察地勢分旱工水工堤工三等同力協作不兩月挑湖七十里水落田出流民復業

天台縣志 仕績

許鳴遠字有望號帶存警敏絕人以恩選入太學授揚州別駕丁丑流寇猖獗殘破郡邑尤窺視於揚當事知其才以新城委之鳴遠集兵民於三義閣慷慨誓盟衆爲鼓譟天台詩選 郡邑志 一三

日則稽保甲夜則明烽火寢食於城上三閱月賊知有備遁去揚舊濠湮塞鳴遠爲開築縣亘數十里樹敵臺重鎮探賊遂不敢窺攝篆通泰皆有異績除豪猾擒大盜撫饑民清獄囚奏最應遷總漕朱以河決新蘇口山鹽舉實七州邑之田久成巨浸議興射陽湖及建議新溝蘇甯三堤之役特疏薦擢淮安河務同知鳴遠至卽詳察地勢分旱工水工堤工三等同力協作不兩月挑湖七十里水落田出流民復業海運以通後亢旱漕艘不至當事陰圖中之鳴遠上書自理朝廷以有治湖功旋命復職遂引疾歸著有歸霞集治湖錄天台詩選

四庫全書提要總集存目

天台詩選五卷明許鳴遠編鳴遠字有望天台人自序爲天台先正詩多湮沒失傳慮後學併此近今者而失之因加蒐羅開入僊釋及占籍之士起南宋迄明凡二百二十四家搜採不可謂不廣然元以前僅得二十餘人餘皆明人也

天台詩選 四庫全書存目

一三

凡例

一是集爲 先祖帶存公手輯每卷卷首謹遵原書登載惟參訂爲母弟鳴遠從弟鳴欽文慎抄錄爲嗣子君求君揚君簡君徵君羅胞姪君輔君匡君藩君翰君蓋君靖君恭增補爲徐明經光允名氏既繁不能備列而又不可遺漏特首揭於此以著一時相與有成之誼

一是集頗非完本如楊子肅十首余誦一首楊子偉五首楊士化二首楊士弘一首袁從韜一首戴慶一首夏鐸一首目錄具存而詩已失無別本可以考證今

天台詩選 凡例

一二

亦無從參補祇付缺如

一是集如方明敏陳澤雲塙係非本邑人刪去不載釋宗泐及列女嚴蕊亦然其補遺中在疑似之間者不在此例

一此次增補正集宋之瑞等十五人補遺及續補遺張令聞等二十六人閨媛三人方外十人較原書差備一四庫全書提要總集存目稱是選二百二十四家今案原書目錄續選與初選姓氏重複凡三十三家又除去楊子肅及方明敏等十二家實只得一百七十九家此次增補凡五十五家一共得二百三十四家

較原書爲數加巨尤冀博雅君子訂遺拾墜匡我不逮

一集中如徐一夔漢三老董公碑銘等類宜入文選惟原本既經選入今不復刪削仍從其舊

一原書第五卷俱係補輯第其詩前後錯出有同是題而數首見初選數首見續選者令人猝難辨識今合併爲一庶讀者一覽了然

一在詩選之後如徐印卿朱覺菴張菊人諸先生明雖亡猶心乎明即詩亦宜編入明然皆入清數十年猶有故金性山先生輯國朝天台詩存即首爲登載今

天台詩選 凡例

二二

不復列入以避重出新補入者除 帶存公詩外從祖鳴遠等凡八家

一原書釋道閨媛雜然並出不分門類似乖體製今另爲標出以清界限

一原書時代閒有譌舛今悉爲釐正免致前後淆亂

一原書五卷今釐爲六卷補遺不列卷數其續補遺皆在 帶存公後因刻 公詩而并及之

一排印經費係祀下公產提撥其不足者多由從叔新建堂兄芬同行擔任繼志述事以共成美舉例得并

書

裔孫佩蓀謹識

天台詩選

總目

第一卷 宋元

劉知過 三十二首

劉知變 十六首

宋之瑞 二首

丁可 三首

徐大受 六首

丁雷 三首

裘滄 一首

陸可大 一首

丁衡 一首

賈似道 五首

潘音 四首

丁復 十七首

許嗣 二十三首

許廣大 四首

天台詩選 總目

一二三

朱雪 四首

曹文炳 一首

曹文晦 五十九首

曹一介 二首

夏圭孫 一首

潘和道 一首

第二卷 明洪武永樂宣德正統景泰天順

徐一夔 八首

王澤 八首

楊秉爲 一首

楊天顯 二首

楊善 二首

吳昊 一首

朱思平 五首

周應顯 二首

夏迪 三首

朱文中 一首

余世安 三首

曹宜約 六首

魯穆 九首

陳祥 二首

朱應 三首

裘參 一首

徐善述 一首

褚子南 一首

褚思敬 二十首

許敬軒 二首

洪益中 二首

夏智 一首

楊子相 一首

陳川 二首

杜甯 十七首

范理 六首

夏魯 三首

童守宏 一首

齊汪 二首

許端弘 六首

陳宏 十五首

婁應奎 一首

天台詩選 總目

一二三

盧巖 二首

袁嵩 一首

陳南 二首

陳策 一首

袁冲 一首

夏埴 十首

魯昇 一首

魯崇志 七首

丁丕 二首

許端惠 二首

夏澄 二首

裘淑登 一首

第三卷 成化

潘禎 二十三首

楊澤 二首

范吉 八首

聞式 四首

潘祺 一首

季璫 三首

盧榮 二首
龐泮 十首
盧漢 三十七首
張敦 一首

夏堡 二首
潘慎 一首

許載 四首
賈穎 一首

方參 一首
賈恆 十首

姚淵 一首
潘葵 八首

王鑑 六首
孫豸 一首

夏鍊 四首
魯諫 一首

許崇高 一首
楊一奇 一首

夏埴 一首

天台詩選總目

三二

第四卷 成化弘治

夏鍊 一百四十首
徐廷試 一首

楊一貞 五首
王葵 三首

夏鎬 三首
王宗元 四首

許崇仁 二首
姜燧 八首

夏銑 一首
季雪梅 一首

潘漢 六首

第五卷 弘治正德嘉靖萬歷崇禎

潘球 二十三首
許性 一首

陳晦光 二首
裘致中 一首

陳紱 三首
季丕 一首
范榮 二首
楊一誠 一首

姜松 三首
徐宙 一首

許金 一首
龐櫟 三首

王玠 三首
陳壽嵩 一首

曹甯 一首
盧大韶 二首

汪富 一首
范洵 三首

陳瓚 四首
王理 二首

潘淵 十六首
陳臨民 二十一首

潘憲 一首
潘城 十八首

天台詩選總目

四二

賈詩 四首
徐璟 二首

陳木 七首
葉金 四首

許爵 二首
張進 五首

裘環 二首
范榮 一首

方瑀 二首
葉茂起 一首

季灌 二首
張世民 四首

夏準 五首
季復祥 一首

李儼 一首
王試 二首

葉象 一首
潘鴻榮 一首

曹夢松 二首
盧謨 一首

許繼烈 十二首

盧詩 一首

盧季鸞 二首

楊季 八首

葉繩宗 二首

徐冽 五首

潘學孔 二首

陳洵 一首

陳廡 一首

朱玉 二首

陳日躋 二首

陳光謙 一首

徐人文 一首

盧季鴻 一首

許國光 十二首

盧季鵬 一首

陳期奎 三首

范文學 一首

許爾奎 一首

盧季鯨 一首

天台詩選總目

五二二

陳守祺 六首

許鳴達 七首

楊三省 一首

潘鴻遠 一首

元維岳 一首

周英 一首

齊琮 一首

第六卷 閨媛方外

宋氏 一首

賈雲華 十五首

潘氏 九首

胡蓮 一首

司馬承禎 二首

徐靈府 一首

杜光庭 一首

陳寡言 一首

張無夢 一首

王中立 三首

寒山子 十七首

拾得 二首

豐干 二首

靈一 一首

如菴主 一首

惟茂 一首

法具 一首

蘊常 一首

處林 一首

至奘 一首

必才 一首

子賢 一首

曇埧 二首

自悅 二首

清澹 二首

先觀 四首

曇噩 二首

德榮 二首

心泰 一首

明統 六首

天台詩選總目

六二二

明玘 三首

仁淑 一首

傳燈 八首

補遺 後梁宋元

張令聞 一首

賀允中 一首

桑世昌 二首

徐逸 二首

金卞 一首

左君 一首

王亞夫 二首

林奘 一首

陳潤道 一首

劉瀾 二首

林希元 二首

楊貴亨 一首

金翼 二首

楊伋 一首

阮拱宸二首

林洵一首

董遠二首

葛蒙一首

杜本一首

李明復一首

詹夢一首

天台詩選總目

七

天台詩選第一卷

明許鳴遠帶存輯

裔孫佩藻重校

宋

劉知過

字與幾紹興中特科監南嶽廟與弟知變並有詩名時號二劉賀參政允中題其集曰江東天籟吳子良爲序

迎遠樓



幽人隔遐曠應接便無窮雲至白天末月來從海東大千包眼界寸碧在簾櫳彩筆難移得憑師訪畫工

贈隱者

閉門不曾出經今及幾年嬾將丹竈弄閒看白雲眠萬卷

天台詩選卷一

三

蟠胸次三山在眼前道餘宜隱物何但不居塵

月下觀潮

天外玉輪湧人間銀漢通臨江不識夜高浪欲浮空隱若雷將發翻疑水盡東誰家舟一葉棹入廣寒宮

窮居晚霽

背郭林塘秀新晴宇宙寬水鳴蒼玉珮月湧爛銀盤野性難簪笏高情易羽翰莫嘲狂處士刺字直疑漫

瘦怯胡床穩慵便夜氣涼面山心不俗洗梳興何長自許老元亮妻還小孟光何須入城府正擬到羲皇

仲夏對雨

海國梅黃候吳儂稼穡天亂絲懸碧落膏乳灑平川粉漬
竹間白珠星荷上圓秋租更無慮行賦小康篇

次陳教授秋懷韻

霽色本無礙超然况有臺水天霜後濶心眼病中開弋雁
留餐飲停腸待月來詩成還技癢不是雨能催

清泉

石眼近林垌涓涓一派清頗疑澆古本未盡濯塵纓明可
秋毫燭甘應玉醴爭微風遽然起吹作簞文平

釣石

春漲洗來淨漁翁坐得溫上無騎馬跡傍有繫船痕枯翠

天台詩選卷一

苔斑駁高低浪吐吞巖陵將不去千古作雲根

雨中寄丁致遠

幕蓮公舍雀堪羅試聽青藜老子歌鄉夢祇緣歸處斷客
愁偏向雨中多苦吟空累頭先白貰酒無緣面發醅心在
令威身不去細思終礙雨番過

易安樓

風雨無虞遂可廬宴閒何用屋渠渠十椽之下爲吾庇一
榻於中便有餘近世高名徒取瞰古人棲止或於車間君
所造何能爾一點胸中有廣居

陳致虛壁

梅海瘴烟都淨盡溪頭人物兩崢嶸我無車馬汗山色君
雜紘歌聽水聲市遠所須難卒辦夜來清話過參橫床頭
尚有餘蠹否重作東坡玉糝羹

悠然亭

元亮已歸天上去此亭猶慕見山篇欲觀東道差殊俗知
有斯人亦自賢莫認戴冠須漉酒也知操樂故無紘人生
獨有任真是此號世間無鶴仙

醉書彭道正壁

養丹彭祖形難老愛酒劉伶興不窮祖若丹成應惠我伶
逢酒熟不忘公逢場作戲饒人客相體裁衣看主翁此日

天台詩選卷一

醉餘三百盡明朝南北馬牛風

陶然軒

辛殷門戶未良謀潦倒冠紳總妄求計口買田聊卒歲杜
門開卷自忘憂泛舟海上千金子騎馬陳平萬戶侯試問
隴緣居士看從來誰慣識優游

太平寺

行到烟波縹渺間未應虛費草鞋錢從來道眼看山足更
憶僧房聽雨眠好鳥茂林皆念佛黃花翠竹總爲禪前身
似預東林社過客今朝憶種蓮

濯纓軒

客主俱閒坐濯纓勾拳風月到前楹便疑身在五湖上只
欠波間一葉輕半夜水明爭曙色滿空天願壯秋聲莫將
此景平分卻鼎足宜深劉更生

海棠

桃紅纔俗杏紅繁更有餘葩格似頑紫府與丹令透染東
風吹作配朱顏多情幾被無香惱勝賞曾於未睡間晨起
偶然佳興愜隔關遙取一枝攀

細香亭

重簷初喜碧差差鼻觀清芬忽有時一拂頓消餘醉盡飽
參須更好風吹莫薰沉水疑相亂更着疎梅卻似宜聞與

天台詩選

卷一

四

二

不聞都不辨心清寧異少陵詩

朱方來子六經成誦

天意斯人久諱窮童烏端付草玄公誦書此日超凡子落
筆他年嗣乃翁如我輩行甘束閣看渠名字早摩空即今
世上誰青眼試遇臨沂訪阿戎

國清

野人行遍天台寺究竟招提此最奇十里遠排清蔭入五
峯如案畫圖窺隋時便有高僧傳火後都忘過客詩重到
定知非近約岸巾高處立多時

與仲弟與權

藜燭家風幾代孫破荒期汝壯吾軍豈憂顏玉無清醕尚
有餘金換綠雲老去主張惟古道病中軒岸只斯文莫言
此話徒驚俗花萼相輝屬刈君

梅花

海鄉寥落見芳叢香色淒涼韻致濃水畔怯寒清淡淡玉
人低月素濛濛江南驛路腸先斷竹外漁家興欲窮趁有
臘醅須席地角聲遮莫五更風

凍合陂塘未有漸嫣然幽樹炤疎籬忻逢歲晚有生意看
到杪頭無俗枝大夢豈容梨竊伴過牆似與竹曾期誰家
植此勾情物端與詩人織髮絲

天台詩選

卷一

五

三

臘醅初澱面猶渾忽歎無花可倚憐憶得年時瘦風骨遂
窮來處訪溪源曲垣斷塹頻回首沙戶漁家或到門覓得
一枝香漠漠馬頭疑是楚姬魂

老蝶饑蜂愁不知嫩寒清曉破新奇鏡中素面溪頭影林
下仙風竹外枝春在歲頭開歲尾人言花早却花遲年來
爲汝供愁絕怕見參橫月落時

下第書情

日暮修途重着鞭駸駸又是祖生先一彈指頃多成佛九
轉丹砂卻不仙婦嘆此翁今老矣子嗟吾父喜歸焉小槽
無奈珍珠滑半夜豐城吼鑊干

次丁致遠山行

山路縈蛇卓瘦筇故將奇韻惱途窮真能謝屐穿空翠肯羨京塵踏軟紅把似簿書紛案上何如坵壑貯胸中傾情只恐忘攜手早晚隨君馬首東

次與權閒居韻

阿連閒淡水中鳬野史他年爲特書清客夢魂增道氣此君軒檻鬪僧居羣書浩浩焚香坐短髮星星炤水梳猶有妙年豪縱在波瀾未放筆頭枯

春日卽事

水滿池塘麥滿畦綠楊無數亂鶯啼花光透處日三丈睡

天台詩選卷一

六三

思清時雨一犁天外客心癡似阮屋中人事嬾於嵇早宜收拾高陽伴一片飛紅度隔溪

春日

晨起香塵十里晴晚來煙雨忽斜橫花開花落清明候山北山南杜宇聲追念舊遊渾是夢退思良計不如耕人中喜有彌天釋時吐清文慰此情

髯徐投滕運使廨

幕中佳客贊平戎樹下將軍閒論功能取鯨鯢築京觀愧憑梯機列修穹樂歸纔見書盈篋墨守繇來算不窮老病故園心慕蘭及門空歎馬牛風

劉知幾
字與權紹興十二年進士官池州教授

友至

烏鵲凌晨喜燈花昨夜開始疑佳客到果見故人來旋摘青蔬甲同傾濁酒盃人生能幾許相對且徘徊

水鑑庵

面與天長炤匣開應不凝溪流爲磨洗海月贊虛明影倒翻經案光搖供佛燈主僧今粲可撥露一潭清

答蔣子見寄

常記離亭月未收霜蹄催督迅難畱囊攜古錦投東下地隔黃墟負勝遊薄暮碧雲驚屢合幾番歸雁寫閒愁無端

天台詩選卷一

七三

枉卻千金璧縱得秦城價不酬

懷徐伯修

徐卿懷抱一生奇休說封侯志願違富貴倘來聊復爾身名俱困未全非桑榆已晚心誰合草澤雖癯道自肥君看烏鳶彈不去鳳凰千仞更高飛

清閨閣

拂雲直下見階除寒翠森然蔭坐隅客至誤驚秋意早席間長似雨晴初淇園比興遙相肯兔苑檀欒萬不如若道此中門可款恰來無怪我徐徐

濯纓軒

滄浪一水涓涓分漾玉光中棟宇新添見坐間多岸幘不
應頭上有京塵更須惠遠開三徑引取淵明牛主人嗟我
未遭微宦汚白髮來招擬抽身

洪家庄

淺淺林塘短短垣不妨井爨俗人連個中端有淵明契心
遠尋常地自偏

散步清風日一遭首忘峨弁帶忘腰馬蹄門外非吾事掃

地焚香課楚騷

唐叟小閣

野性愛山仍愛水是中觀水亦觀山人生只此爲佳境何

天台詩選卷一

八二

處更求身外間

單家庄

不須纔砌插疎籬恐礙年年燕子歸清斷舍南池較廣種

蓮開看水生衣

旅懷

落花時節已愁人客舍空囊負酒餽蠶熟麥黃歸未得不
堪烟雨對黃昏

法道院

此山形與華山分十丈蓮花玉井根正使仙家有堂室我
今纔是入門人

秀野堂

花下流泉走玉虬竹間柔蔓裊牽牛問君秀野如斯否面
客無言只點頭

葛蒲石

灰頭土色吾知免枕石漱流誰得雙門靜日長無一事十
洲三島落芸窗

臨安旅中

雪壓城樓萬瓦冰東風又是五更晴流漸不道人嫌汝猶
作空階夜雨聲

遊寺

天台詩選卷一

九二

草庵經月下簾鉤沈穗舉風裊玉虬花發鳥啼禪自定此
間春色轉爲秋

宋之瑞

字伯嘉號樵隱隆興元年進士仕至寶謨閣直學士孝宗嘗問天台名剎之瑞對曰唯是萬年其所著有天台圖經

石梁

石梁橫亘不知春閱盡憧憧幾許人正使更無蒸餅礙可
能前路絕荆榛

應緣身在已心空方廣那知只此中金雀茗花時現滅不
妨遊戲小神通

丁

可字無可號蟠隱隆興元年進士仕監行在惠民北局書陳趙鼎岳飛之冤忤時相湯思退致仕

題寒巖寺

大塊中間一竅開，佛龕禪榻徧巖隈。
羣峯爭汎玄雲出，絕磴祇容飛鳥來。
蝠穴巧藏人世界，蕉山驚見蜃樓臺。
重逢又與山僧別，鐘鼓無情鶴自哀。

萬年福田莊卽事

隱居結屋障青山，鎮日浮雲擁翠鬟。
一片隨風穿竹徑，幾回扶杖立松關。
氤氳自與晴嵐合，浩蕩應同白鳥還。
注目長空拋百慮，此身無復較忙閒。

夜對巾山題客樓

兩峯高並玉瓏鬆，絕頂浮圖插暮空。
飛雨入簾煙樹暝，半

天台詩選卷一

天燈火幻流虹

徐大受

字季可，號竹溪，淳熙十一年特科監行在草料場。嘗講顏子三月不違仁云。卽杜詩一片花飛減卻春也。朱子爲之擊節。興辨疑義，率多合遂定交。

題林詠道浮江別業

密林凝樹寂一葉，動須驚砌淨飛花。
影池深落葉聲正宜，鋪枕簟且復倒瓶罍。
向晚催歸急煙江，野艇橫

遊石橋至塔頭路

招手晴雲豁妙高，峯頂頭竹興搖。
午夢茗碗破春愁，俎豆羅千嶂。
虛空起一漚，危欄閒徙倚，萬象入冥搜。

輓劉亦樂先生

着破青袍竟弗遷，廣文官冷客無氈。
軒車駟馬不挂眼，棋局酒盃長伴年。
一落果成飛絮散，十年空費買船錢。
破荒人物今何在，衣鉢如今尙宛然。

送輝老自赤城住聖水

道人去住本無心，雲出空山鶴在陰。
試問白蓮同淨社，何如赤壁卧青林。
叫羣孤雁水天濶，啼雪冷猿烟洞深。
要勘山門騎佛殿，春風杖錫倘來臨。

入萬年謁簡庵清老追和曾使君韻

踏破深崖蒼石稜，八峰來謁簡菴清。
山花炤座一兩點，雪狖叫雲三四聲。
詩帶煙霞藏舊刻，門開樓閣見經行。
平田

天台詩選卷一

淺草歸時路，風月依然度百城。

鶴翎花

九葩一萼鶴翎紅，開落梅黃煙雨中。
千葉青蓮無路入，不知春在石橋東。

丁雷

字元震，著有高林詩稿，葉西澗王厚齋皆有題跋。

公無渡河

黃河白浪滔天起，公欲渡河挽弗止。
惜公身挂鯨鯢齒，信有忠言徒逆耳。
公身已墜河，妾心終不死。

戊婦詞

夜月冷空營，寒衣寄不成。
向空頻下拜，何日是休兵。

留春臺

春色平鋪人不見眼前物物是天機綠陰門外東風惡莫放殘紅一點飛

裘

淳字粹翁開禧元年一甲第三人歷武安軍節度推官著有五經晰義

詠雪

示兒莫學梁園賦教女休廣柳絮吟海上嚼齏冰剖鯉此風千古耿人心

陸可大

字知微

桃源

古來貞潔羞自媒神僊往往非凡胎劉晨阮肇如有道詎

天台詩選卷十

十二

二

肯廢禮婚天台桃花流水清如彼使之有知當洗耳傷心竹帛類堪哀安得聖人能復起

丁

衛咸淳七年進士國子監簿轉校書郎以賈似道當國棄官歸宋亡結素終身楊執中志其墓

黃榜山秋日感眺

秋色荒涼日已頽金風獵獵萬林摧浮沉一葉輕如許流落東山跡自灰

賈似道

字師憲號秋壘

歸葛嶺舊居

罷官歸舊宅山水得頻過息影堤邊樹清心湖水波勞無功可紀頑有命相磨見說連朝雨田家正翦禾

石梁

古路行終日僧房出翠微瀑爲煎茗水雲作坐禪衣尊者難相遇遊人又獨歸一猿橋外急便是不忘機

題孤山

半是樓臺換卻春幾回獨立更消魂斷堤野水梅花宅千古春風月一痕

天竺山行

山北山南雪未消村村店店酒旗搖春風過處行人少一任疎花傍小橋

昌化道中

天台詩選卷一

十三

二

西風落葉路漫漫衣袂微生旦暮寒只隔片雲家便到遠山移入夢中看

元

潘音

字聲甫生十歲聞崖山之變昏迷不食者累日長遂絕意進取非其力不食也築室南洲山中居閑感憤輒形之歌咏以洩其懷後以遺選徵固辭曰泉石膏肓不可療也年八十六卒有詩書錄及詩清軒遺稿皆署天台縣志佚之省志載新昌從其後所居也

南洲丁氏草堂

僊客棲真處衡門枕曲流地偏三島接天迴萬山浮匣劍星霜久函書洞壑幽忘機對鷗鳥華髮老滄洲

悼楊侍郎

屈指漢遺老如君復幾何鳳池冠劍近鈴閣典章多國已
成禾黍人還隱薜蘿那堪川上水東逝乏回波

山居阻雨

霏霏風雨暗郊原有客含悽獨掩門山鬼嘯雲移峭壁毒
龍將海浸孤村愁來自灑青楓淚戰罷誰招絕漠魂蘭足
空山無一語不因岑寂怨黃昏

真覺寺訪蔡上人

爲尋支遁訪禪關趺坐觀空出宇寰淨土無塵勞白拂天
花如雨落青山龍歸寶座香雲滿鵲繞經臺佛日閒誰謂
陶潛偏嗜酒從今蓮社未應還

天台詩選卷一

十四

二

丁

復

字仲容號笑隱一號檢軒延祐間客建業以詩鳴岸幘談笑操觚如飛其弟子遺集其甥饒介之門中煜孫伯融炎皆其弟子遺集其甥饒介之門人李謹之手編也李五峯調讀仲容詩令人欲飛日行千里衆馬雖十駕不能超上元場韻曰仲容詩必因酒作引觴揮毫若不經意而語率高絕蓋其胸次夷曠有隱君子之德而以酒自托故時論亦以太白方之

題畫馬爲方遠上人

上人超世資脫然了無爲猶有愛馬癖或比道林支天馬
由來出天池西大宛國乃有之房星寫神孕龍裔雄志偶
儼精權奇飛行激沒電莫追空塵留煙不得窺月氏之酋
那敢騎漢武遠慕穆天子欲隣崑崙游具茨遣使先開玉
關道鳳頭虎翼初就羈王良造父死已久當時不識馭者

誰唐人爲馬置馬監奚官果是何物兒况復教之作馬舞
跪拜起伏取笑娛伏仗能鳴輒引去俛首低摧青絡絲欲

從驚駘服轅下局促動遭箠策施非徒喪志失天性病骨
瘦柴宛如錐所以韓幹爲畫肉不忍神駿成凋羸大漠茫
茫天作屋饑斃飽卧驕且馳蒲梢蕭颯輕風度苜蓿參差
新雨滋胡爲束縛對嘶養長嘶無聲情內悲我豈伯樂知
馬者意與馬類傷馬時自從眼前見此卷把軸起坐歛還
披上人之意毋乃爾笑絕長題畫馬詩

醉歌贈雲心子陸華之

雲心子陸農師之子孫老來賣卜錢塘門搜元挾微學混

天台詩選卷一

十五

二

淪進退五緯扶兩輪皤父及芒兒束手就律呂不敢差毫
分前身定是張博望老樹倒騎上崦嵫投杼機上女飲牛
河畔人與之細說天地根卻來人世三千歲君平朽骨呼
不聞功名富貴不足云祇談禍福開盲昏得錢沽酒和天
吞赤城有狂客十年江海看浪翻歸來黃塵上拭目驚見
君抵掌一長笑各拂頭上巾別時綠髮滴可染祇今雪滿
縑吳盆少者忽已老老者不復存政須日日醉倒湖邊尊
尊已倒還再沽不愁黃金盡但恐清且無舉手招羲和低
頭叫天吳勸爾勿東逝止爾毋西徂西徂不可止東逝無
窮已囑付酒家兒明當復來此

蜀江春曉

蜀江二月桃花春仙子江頭裁錦雲牙檣艇子雙蕩漿蘭
葉衝破愁殺人浣花詩客茅堂小醉眼看花狎花鳥柳絮
拋風乳燕斜畫簾捲雨啼鶯曉藤蕪草生蘭葉齊碧流黛
石青無泥郭荷有酒君莫惜明日殘紅如雨飛

次夏允中禁體雪詩

衾夜生孤擁樓更死屢搥墨雲常黯黯絲雨先慙慙半醒
身何所全迷意罔涯露眠當莽莽風泊在蒹葭乍起平行
地俄聽亂撒沙羣愁搖始覺眾怪語仍譁慢卷爭成片裳
沾祗見些尺深良可待寸測即頻差熾炭肌還栗張燈眼

天台詩選卷一

十六

二

暈花闌明和月冷學舞逐風斜在臘時能應祈年歲必嘉
競投窗內隙密糝砌旁窪尾亞攢槍竹肪分破刃瓜恍疑
行朔幕只誤失胡笳賸有開罌貯渾無樹屏遮廊飄粘畫
翠庖炊泣炊赧靜凝簷頭髓清垂瓦口牙迴溝填小曲側
巷積微衰夕氣干牛斗豐城瘞鏤鏘暖融圓腐草晴綴嵌
空槎易化行人路偏多隱者家池心堅暮日山脊晃晴霞
馬齒沉虛履羊腸阻峻車荒叢喧餓雀垂蔓抱僵蛇縮頸
牛如蝟拳毛馬盡騮自須明潔淨誰敢訾疵瑕公子添重
錦夫人擬副珈聚羣沙簇雁作隊野屯鴉髣髴搖驚似髯
珠貫暫呀淵宮機斷織閨服帽初豔晉女吟稱謝唐人賦

憶父大田將有穀沃壤早宜麻久晚俛牆色寧論在土芽

舞娥臨月桂才士縱天葩朽歷傷頽架長支惜偃芭梅封

新舊舊薪爨濕杖柯京洛多豪富長安有狹邪墻開交擁

鮮戲聚或推爬帶泣張魚笱凌晨沒免置卧來窮就捉跳

出提從以乾食何煎迫萍蘆漫咄嗟跣趨哀躑躑志肆笑

矜誇數戰肩逾疎頻呵手更接唇呼吟蟋蟀足跌伏蝦蟆

嬾出從嘲驚甘貧任處蝸市春窮也糴鄰酷薄猶賒勢後

面似尚有數語
未完後人佚之

寄茅山黃鍊師

鸞輪峰頭鶴下空華陽洞口百花紅長林藥草無人識上

天台詩選卷一

十七

三

界蓬萊有路通爛醉前年春作客頻憐去日老成翁丹砂

不遣來城市故著題詩寄葛洪

題觀海圖爲張進延作

自古十洲三島勝幾時一釣六鰲連千年王母蟠桃實五

百童兒採藥船日出早看金柱湧天空只擬玉壺懸乘槎

欲接張公子直到牽牛織女邊

與李五峰先生

雁宕山前結屋牢先生欹枕聽松濤麒麟一出空祥瑞鳳

鳥孤飛惜羽毛漢代文章遷史盛晉時人物謝安高懶將

白髮供朝綬縱有金魚換酒醪

九月一日遊昭亭

山色江光帶近郊道旁楊柳舞寒條
半生九日黃花酒多在西風白下橋
千里客遊仍暮景異鄉人事又今朝
老來未遣登臨懶盡醉東家綠玉瓢

新寺次仲舉韻

天宮堦率下崔嵬結綺交疏面面開
地勢周圍龍虎國鐘聲疎應鳳皇臺
鼎湖仙去秋遺劍笠澤僧歸夜渡杯
千騎巡遊羣樂動五雲深處御香來

送僧歸廬山

廬山東南山水多石梁顛倒挂銀河
仙燈夜半天神落佛

天台詩選卷一

十八

二

屋脊深海客過五老芙蓉還好在陶翁
楊柳定如何布帆又起江湖興應道西風動薜蘿

題方壺子天台圖送曹士安省親還上清

仙人馳車竟獨往我家天台不得還
雲飛舍下兩白髮桃熟溪頭雙綠鬟
七十江上老爲客夜半夢中無數山
更煩爾祖方壺子寫我與君劉阮閒

逢僧話舊

朱雀橋邊白下門舊遊回首幾人存
令威不返遼東鶴圓澤難招石上魂
金刹火餘灰未冷錦囊詩在墨猶溫
南來邂逅逢僧話老泪臨風墮酒樽

題疊山卷

江山老骨歸元亮今古何心兩伯夷
半夜寒增霜院酒一編孤憤雪樓詞

絕句

沙遠晴波淺漾金魚苗初上小如針
將船載酒江頭飲水柳千株滿岸陰

次韻西湖竹枝歌

柳葉如眉枝似腰贈郎撥挽最長條
條長卽與儂心遠不是爲儂春態嬌

上塘楊柳下塘陰阿郎愛貌不愛金
塘水西流東入海

天台詩選卷一

十九

三

深不似阿儂深

錢塘潮來兩岸平錢塘潮落江月明
錢塘女子新樓開半夜吹簫驚鳳鳴

許

嗣字繼可號得靜山入純慈嚴重不妄言笑金華黃潛敘其集謂清高而不入於枯平實而不失

之佳詩皆本色不尙華綺有開世教

扇銘

執方易損故體以圓居潔易染故守乎玄
比月含光似雪混塵含光混塵與時屈伸

訓子

吾家詩書胄天運遭中歇雖乏兼濟功尙守清白節汝今

志學餘經史未明微歲月不汝延努力無暫輟斯文苟未
喪終當繼先烈世道多嶮巇含光養孤潔非財不可取勤
儉用無竭非言不可道處默無禍孽臨下必簡嚴事上必
柔悅持心思敬謹遇事無滅裂並馬誇豪貴吾謂非世傑
惟能師古道方與禽獸別國章有常典聖言亦諄切書此
爲庭訓汝宜踵前哲

山行避暑

赤鳥飛天張火幟困暑着人人似醉襟懷鬱熱結不開據
床欲坐還欲睡飄然逸興山外山青簾竹杖翩翩去千巖
萬壑杳靄閒十里五里崎嶇路蒼蒼老竹飛寒音矯矯長

天台詩選

卷一

二十一

二

松落空翠

寒巖

我遊明巖到寒巖路逢坂峻山復山淺溪東分入幽逕青
松半覆長沙灘松根躡雲數百步始見殿屋層壁間殿屋
巍巍一何好熊虎踞伏蛟龍盤雨聲不到四簷千巖萬
壑相迴環翠氣盤空白日濕碧泉瀉澗春風寒登高浩觀
天宇內寒拾茫茫去無還問之遺象不我答拊掌長笑心
自閒欲歸不歸更何待宴坐石上空盤桓

明巖

昔人已去今幾年空畱遺跡青山傳巖前幽石巖下屋飛

索白丈流玉泉泉聲瀟瀟瀉瀉蒼雨雖有白日無晴天試登
絕壑窮遠討石門天柱相勾連空壓玲瓏隱虛巖懸崖一
擊雷轟然昔嘗愛慕如饑渴我今偶客畱潢川春風啼鳥
二三月白花翠竹爭新鮮杖雲履石走不息濕蘿無路難
攀緣八寸關前一長眺黃猿叫落青松煙

夜坐

西山日落天已夕松枝桂葉風淅淅有人清吟夜不眠綸
巾羽扇盤幽石拊心四顧何茫然星斗錯落羅長天蒼崖
飛雪灑寒瀑虛巖蕭颼響空谷知有漁家住隔林孤燈一
點明深竹溪光浩蕩搖遠林老鶴起舞猿哀吟我歌此詩

天台詩選

卷一

廿一

三

良已久蒼蒼碧樹浮雲陰

古風

昔有人兮真英靈賦聲擲地磨金精飄然乘雲訪台岳指
點奧妙開聾盲高風灑落千載下氣吞星斗爭光明瑯臺
雙闕插天碧至今赫赫鏘高名風流人物繼芳躅匹馬忽
作桃源行彈劍長吟老龍醒一潭冰月詩懷清我欲與公
覽陳迹萬八千丈山崢嶸

和早行

孤館雞聲客夢殘星河皎皎五更天曉衣煖借蠶簾火野
爨香分麥飯烟柳絮淡風催斷漏梨花殘月促征鞭自憐

身世天涯遠半落江湖不計年

掃松

柳煙淡淡雨濛濛正是清明三月中
千古香魂埋野塚一杯清酒醉東風
紙灰飛掛松枝白血淚濺來花樹紅
恨望青山都是恨隔溪况有角吹桐

山庄

嶺煙淡淡月昏昏青霧橫橋人閉門
清磬數聲山北寺寒燈一點水南村
猿吟落葉空林靜鹿下枯藤野澗喧
到得山庄何所有山肴盈俎酒盈樽

壽王順齋總管

天台詩選卷一

廿二

二

風飄天樂夢初回碧樹葱蘢曉色開
千里清霜飛畫戟一天明月照瑤臺
馬肥塞草塵生缺鶴舞庭花酒滿盃
紫綬金章年少客人間何處有蓬萊

和偶成

芳草空齋掩暮春半牀幽夢得詩分
一聲啼鴂青山雨數點殘鴉碧樹雲
火冷丹爐存藥性塵埋玉匣暗琴絃
東風攪亂愁腸萬緒千絲莫解紛

卽事

簇簇青山一帶溪斷橋無路水平堤
晚春庭戶燕雙語曉雨園林鶯亂啼
藤引密陰遮壁暗竹拖疎影出牆低
書牀

睡起無情緒散策晴郊聽馬嘶

送春

渺渺韶光似箭催可憐終去挽難回
東風去旆春三月落日啼鴂酒一杯
芳草天涯情慘淡飛花路上意徘徊
今朝何似休歸去畢竟年年一度來

春遊國清

萬樹松陰捲翠濤遊絲飛絮滿林梢
五峯日煖龍蛇遠雙塔春深燕雀巢
丞相故基雲氣合仙人遺跡薜痕交
豐干去後無人到寂寂空門久不敲

野望

天台詩選卷一

廿三

二

烟外孤村八九家對門危岫鬱嵯峨
鞭行小徑竹生筍陰罩疎籬蔓引蘿
半嶺濕青埋宿鷺一溪晴綠漾春波
小欄立盡斜陽影數點歸鴉柳外坡

夏夜

羽扇停揮枕簟涼淡風吹樹月侵牀
夢魂飛過荷池上覺後滿身花露香

得靜齋

屋東樓高礙明月屋西酒熟來香風
燕子不來春寂寂玉瓶水淺櫻花紅
竹牀玉簟湘波綠南風吹人睡初熟
碧荷香冷時起來手

弄璋琴度清曲

枕邊詩卷牀頭易興味脩然萬慮空要識書家香種子一

庭丹桂生秋風

得靜山人隱塵郭笠似秋荷衣索索清香一炷讀黃庭曉

窗風急瑤花落

山庄

風靜天高雁叫雲清吟一夜絕塵紛不知山市更長短試

問梅花月幾分

寄衣至

滿身寒氣稍相違只怪寬長樣少宜不道別來多瘦減腰

天台詩選卷一

廿四

二

圍猶想在家時

許廣大字具瞻號龍城元元統進士授慶元路昌國判官調鄞縣尹並著政績詳劉基所撰遺愛碑

宿寒巖

幽尋入藤蘿谷轉樵徑少夕陽度遠岑鐘聲出林杪陰風

吹虛壑招提極深窅中有茹芝人冥搜事幽討揮手謝時

人高蹈羣峯表石牀思舊遊春林忽啼鳥夜來山雨多岩

巖落清曉

采蓮曲

萬頃芙蕖水拍堤凌波仙子唱歌來天孫機上錦初捲太

乙舟中翠作堆冰蘭風微香不斷蜂房露重澁難開紫驪

空有躊躇意笑整霓裳帶月回

孔林楷木

東海移來植孔林庭前雙檜接清陰蟠根直與乾坤大奕

葉常沾雨露深社木徒聞隨世變甘棠空憶在人心何如

萬代斯文重劫火炎炎莫敢侵

金波亭古松爲人所伐感而賦此

大夫去作棟梁材無復清陰覆綠苔惆悵金波亭上月夜

深休誤鶴飛來

朱雪字元白開戶讀書著雲齋集三十卷余伯顏薦授國子助教辭不赴原注本將訓導縣志職官並無其名詳見隱逸

天台詩選卷一

廿五

三

病足

江湖雙倦足病後覺蹒跚誰謂立身易自知行路難登山

深慮險涉水正愁寒百步青雲路邯鄲夢已闌

感興

抱病江邊閱逝波又驚落木墮孤柯一寒徹骨貂裘敝百

慮經心鶴髮多學道已知文掃地行軍徒見勇馮河傷時

杜老情尤切破屋秋風發咏歌

春雨

千山雲霧密難收滴碎傷春一段愁歌枕似嫌驚夢蝶隔

林殊覺厭鳴鳩園林頓洗花容淡野徑頻滋草色柔川上

曉來新水急行人正好理歸舟

春日懷舊

柴扉寂寞近荒郊世態炎涼亦寡交
重憶故廬簷下燕又從何處定新巢

曹文炳字君煥別號霞間老人

和監邑雜沙遊桐柏韻

台山僊所窟玉室雲爲關公來貪勝覽陟降忘疲艱
春遊厭嫵媚喜個秋闌珊霜崖兀坐碧似是廉士顏
中有雙瓊闕深潭非人寰散策流水曲長哦白雲間
芝草固莫問林實以可攀日暮鴉棲止僕夫催下山
慚非赤松子一去不

天台詩選卷一

廿六

二

復還

曹文晦

字獨伯同邑鄞縣尹許廣大嘗以儒學教諭薦不就築室讀書自樂號新山道人

效老杜出塞

月落悲笳動羣馬蕭蕭鳴驚沙寒掠面擊柝催晨征
中天怒招搖白光射霓旌腸斷隴頭水烏鳥聞哭聲

和汪本真韻

吾嘗笑甯子飯牛遂成歌悠悠白石音時哉將奈何
穉穉滿秋原風雨殘吾禾已矣奚足歎曳杖松閒坡
別本有君小人亦已多二句

水車歌

老農呼婦喚孫子齊上溝車踏河水浪走源頭雪
翻脚底風雷起颯颯昆明龍蛻骨宛宛常山蛇
顧尾倏爾盈科嘆水哉激之過潁縣人耳吼聲
漣漣河伯怒苗色荒田嘆喜阿香滴瓢苦瑟縮
鯨人泣綃無尺咫蘇枯幸活莊子鮒騰空如化
琴高鯉東村桔槔不亦勞西鄰轆轤安足擬
忘機却笑抱甕夫巧製端從斲輪氏天心普順
固無邊人力強爲終有已欲令田野息愁嘆要
在廟堂能變理五風十雨歲穰穰棄置溝車如敝屣

書所見

柳黃鶴袖桃花裙釵梁研金光射人顏如花紅語如燕氣

天台詩選卷一

廿七

三

態直與春爭新出門心事多於草愁滿雙蛾爲花惱昨夜
東風破碧桃過眼春光二分老爲誰微步過垂楊臨水插
花青鬢光回頭貪看雙蝴蝶不意前逢馬上郎

謬說行

老來休吟詩吟詩頭易白貧來休謁見謁見多逐客芙蓉
有色春不開祥禽夜鳴人所猜君王好少臣已老天寒賣
漿何謬哉茫茫歲月不我與有力莫回東逝水閒庭花落
盡陰移卧看遊絲穴窗紙

題曹筠軒友竹詩卷

有竹無人孤負竹有人無竹令人俗二者如何可得兼惟

有君家清意足君家竹圍青玉城君家有人冰雪清幅巾
相對弄明月是人是竹俱忘形東鄰種桑富紉綺西鄰種
花蜂蝶聚豈無紅袖引壺觴那有詩人扣門戶詩人愛竹
如愛寶娟娟秀色詩爭新君當開筵掃白雲相逢不是塵
埃人

夜緝麻行

松燈明茅屋小山妻稚子坐團團長夜織麻幾至曉辛勤
豈望卒歲衣阿翁幾番催罷機輸官未足私債急妾身不
掩笑足惜念兒辛苦種麻歸依舊懸鵲曝朝日松燈滅茅
屋閉麻盡機空得早眠門外催租吏聲厲

天台詩選卷一

廿八

三

用韻歎冬雨回聞集大

濕雲連野樹流水滿孤村兩月無來客終朝閉小軒冥冥
山氣重瀼瀼澗聲繁認作清明景紅芳惜不存

雙溪夜坐

微月懸孤榻殘雲過斷塍松風林外笛茅屋水邊燈久坐
忘爲客清吟未得朋沙頭有餓鵲昏暝亦飛騰

九日

殘日淒風岸登臨感物華早禾千頃雪秋樹半村霞酩酊
攜壺牧風流落帽嘉古人那可作一笑對黃花

和看雲庄樓壁舊題

舒嘯層樓表歸心強自寬山迴江勢曲樹密雨聲寒北使
軍需急東遊客興闌最憐苗未格空憶舞階干

九月一日清溪道中

老樹依沙岸柴門上下鄰斷橋歸郭路細雨過溪人白鷺
雙飛去黃花數點新惜無遺世友聯語坐苔茵

天合十景詩

桃源春曉

數點殘星挂綠蘿看桃行人舊山阿洞門花霧紅成陣沙
麓巖前翠作渦天外曙虹驚鶴夢水邊啼鳥和漁歌劉郎
去後無人到吟倚東風草色多

天合詩選卷一

廿九

二

赤城樓霞

赤城霞起建高標萬丈虹光映碧寥美人不捲錦繡段僊
翁瀉下丹砂瓢氣連海嶼貫旭日光入溪甕生春潮我欲
結爲五色珮碧桃花下呼周喬

雙湖觀瀾

桂峯堂下翠紛紛俯鑒澄淵氣自芬兩澗合流原有緒八
風吹水自成文沄沄尙想在川上混混終當放海濱欲舉
源頭問寒拾幽亭盡日對松雲

華頂歸雲

四萬八千山上山山中夜夜白雲還底須出岫彌六合且

復與僧分半間古殿結陰燈影淡長松畱暝寺門關謫僊
已覽廬山秀畱得書堂相對閒

螺溪釣艇

舊日溪源浸巨螺一竿來此老漁簑遠尋短棹輕舟興高
唱斜風細雨歌夜泊松潭明月近畫眠花港綠陰多朝朝
老瓦盆邊醉吟看王孫細馬馱

清溪落雁

清溪溪口荻花秋底事年年伴白鷗北去不辭書帛寄南
來非爲稻梁謀荒煙渺渺長橋外落葉蕭蕭古渡頭見說
洞庭風月好碧波千頃小漁舟

天台詩選卷一

三十一

南山秋色

觀彼南山小眾山霜明紅樹碧雲寒餘清入座挹不盡積
翠浮空染未乾漠漠祇愁晴霧隔霏霏休待夕陽看何人
會得悠然趣前有陶公後有韓

瓊臺夜月

萬仞臺端接絳霄秋風吹夢度金橋素娥獨倚紅雲闕羽
客雙吹白玉簫清氣逼人凡骨換孤光入酒醉魂消緒襦
甲帳今何在誰爲文生一見招

石橋雪瀑

山北山南盡白雲雲中有水接天津兩龍爭壑那知夜一

石橫空不度人潭底怒雷生雨雹松頭飛霧濕衣巾雲華
亭上茶初試一滴曹溪恐未真

寒巖夕照

巖戶陰森隔萬松暮雲捲盡寺林空天邊漸蝕千峯紫木
杪猶餘一縷紅兩個歸僧閑竹院數聲殘磬度溪風憑誰
喚起寒山子共看迴光入梵宮

詠十器詩

鶴骨笛

長頸中虛發妙音秋風一曲水龍吟喚回城郭千年夢吹
斷雲霄萬里心楚水棹閒修竹老孤山春去落梅深此時

天台詩選卷一

三十一

銷盡揚州興只有山陽淚滿襟

雉尾帚

綺翼離離昔所珍拔毛用世亦彬彬當時照炫水中影今
日掃空堂上塵五采備成思補袞千金私享更何人老來
自喜諸緣盡揮拂書齋日日新

鶴子杯

養成鳴埵老松柯破殼人間尙巨羅中斷有形分混沌內
虛何地着陽和小槽酒滴清光透老瓦盆空飲興多好約
彌明醉聯句傾銀注玉未能過

虎頭枕

九守天關孰敢前
豈知顛骨後人憐
願家晉職將軍號
華嶽堪供處士眠
肖貌既無飛食肉
刻符休望遠臨邊
年來已悟邯鄲事
一覺高歌雪夜甦

雁羽扇

烹不能鳴有近憂
羽毛之美爲誰留
揮殘赤壁千年敵
借得衡陽六月秋
蒲扇未書當待價
素紈捐篋有餘愁
西風不受元規汗
一幅綸巾對白鷗

魚魀屏

何人遺公魚魀屏
定須東海膾長鯨
不應虛室自生白
正與幽人相對清
素色曉涵銀漢冷
寒光夜照玉蟾明
平生

天台詩選卷一

三三

二

未識豪家客
金雀徒聞後世名

龜殼冠

久厭糟牀伴
夜寒如何束髮儼
旁觀剗腸難脫頂
且細畱骨堪爲子
夏冠避世有靈寧
受溺小人在位不
須彈諸公衰衰登
臺省黑豸高義恐
未安

蝦鬚杖

曾讀安南奉使書
海翁往往策蝦鬚
隱居素號江湖侶
老去仍充疾病扶
不涉畏途愁鬼奪
怕行滄海見龍趨
烏巾鶴鬚舒徐步
宜入香山九老圖

猪毫筆

美人贈我猪毫筆
圓健尖齊用有餘
食肉休思二母貌
拔毛能助五車書
鼠鬚過晉今無用
兔穎封秦亦不如
誰念江淹今老矣
尙何才術註蟲魚

鵝毛褥

野老鋪陳亦好奇
聚毛曾到蔡州池
每思疊雪敷雲處
尙想眠沙泛浦時
坐石未溫驚客至
累衾雖貴恐身危
正宜布被梅花帳
荳粥凝香起未遲

畱別友竹軒

紫凝山前野水長
阿咸深住五雲鄉
八年不見頭全白
九日雖過菊未黃
屋外松篁寒作伴
堂前孫子肅成行
從今

天台詩選卷一

三三

二

相就須宜數
不見西山易夕陽

梅魂

或傍茅檐或水隈
豈知環珮下瑤臺
幾番冰雪凍不死
一點陽春喚得回
東閣夜寒人已去
西湖春早鶴同來
何當唱我新詞曲
時向花間酬一杯

分得瑤姬換骨丹
人間妖豔不能干
小橋流水乘春早
斷角殘鐘伴夜寒
雪霽忽驚開後變
月明常恐見時難
神交自有孤山客
撫樹清吟興未闌

和山居

早年節槩慕長纓
晚入玄關探杳冥
其歲計儘餘供鶴米
家

傳只有相牛經三更清氣坐生白千載空名避殺青兒輩
幸能書姓字底須辛苦學黃庭

毀譽何曾畏簡書是非終不到庭除衣忘執綺食忘肉山
可樵蘇水可漁民物遇秦多坎坷世情如蜀幾崎嶇有時
自說江湖夢一笑梅花月上初

和劉伯溫感懷

舊時左轄下三台堅壁相持久不開但欲黃金留翠袖豈
知白骨長蒼苔兩年征伐多荼毒一旦功名付草萊大謬
最憐分間帥受降未了敵還來

風雨瀟瀟震廣川前村茅屋冷炊烟潮聲有信來還去賊

天台詩選卷一

三四二

影無時斷復連怯篋難存懸磬室汗邪化作不毛田何時

甲洗天河水月色滿城江可憐

入水無媒得緯蕭誰能驅退惡溪潮沈沈城郭貌貅老洶

洶波濤蛟鯉驕敗艇似聞川鬼哭畏途不奈客魂消舞楫

干羽今何在千載曾聞格有苗

采蓮曲

采蓮入南浦欲寄遠方書不知蓮葉下自有雙鯉魚

九日登玉霄峯

嶺頭回首是官塘野樹青紅天雨霜清氣着人吟不盡玉

霄峯頂過重陽

洞戶陰森翠霧開十年三度夢中來殷勤爲問松頭鶴白
髮登高更幾回

重陽昔與少年遊紅袖黃花送酒籌今日西風崖石路白
頭烏帽不勝愁

赤城下瞰碧雲遮喬木深秋氣自嘉老瓦盆空無過客一
軒風雨負黃花

自寧川如鄞道中

盤盤古堰帶崩沙綠樹陰中四五家十二寶橋今日過一
灣流水浸桐花

賣魚河頭搥團鼓採蟹途中坦肩女橋南少憩綠陰風天

天台詩選卷一

三五

二

外潮來白如雨

殘陽送棹奉川口初日迎人甬水灣但覺夢回風景別沿

河不見幾青山

九曲樵歌

昔考亭朱夫子作武夷九曲樵歌予少小
愛之誦甚習近登桐柏嶺路盤回亦有九

折因做之賦桐柏九曲樵歌固不敢較
先賢之萬一是亦做弊而忘其醜也

瑤闕戛戛接太清五雲洞口問長生欲知嶺上無窮景聽

取樵歌四五聲

一曲初過亂石碕兩山松柏翠重重下方樓閣天台觀坐

聽殘陽數杵鐘

二曲歲前發軔初升高自下着功夫玄關萬古無肩鑄不

退端能致大無

三曲天開罨畫屏松風吹鬢不勝清山城石甃無蒼蘚絕
愛鏗然放杖聲

四曲峻嶒上石梯鳥巖千仞與雲齊巖前風起藤花落一
個畫眉松上啼

五曲翻身看晚霞平川歷歷見人家桐溪水滙清溪水山
似遊龍水似蛇

六曲峯回路稍平長松落落對孤亭亭邊湧出涓涓玉一
插使人哀鬢青

七曲彎彎翠樑林風吹萬葉自清音行人已在長松杪回
天台詩選卷一

三六二

首原田似井深

八曲松根看奕盤玄機勘破入重關千年羽蓋芝輶路畱
與常人自往還

九曲巖腰坐碧苔吹簫人去有空臺雲深不見來儀鳳野
鳥自啼花自開

題白翎雀

沙原菽盡雪霜多忍凍饑鳴奈爾何休向城中啄遺粒冷
官門外日張羅

曹一介

字筠軒有友竹稿

漫興

野老山中宅蕭蕭水竹旁風吹紅藥蔓花落紫藤牀得句
教兒和開樽與妓嘗婦本來厭拘束不覺太疎狂

晚過寒巖

草樹含秋淨寒山看晚過日光畱半壁泉響落深蘿野路
門前改僧房雲裏多十年興廢事塵劫更如何

夏圭孫

字學可號貞靜贈僉都御史

春寒

野水流冰細江沙帶月明芳菲開未得寒色與春爭

潘和道

名順號竹坡隱華頂築雲山一覽亭劉伯溫勸之仕不應

大覺寺避暑

天台詩選卷一

三七

三

避暑入禪林蕭然清客心半窗修竹滿一徑花落深把酒
看山色移床就樹陰晚來欲歸去風雨促新吟

天台詩選第二卷

明許鳴遠帶存輯

裔孫佩藻重校

明

徐一夔

字大章博學善屬文危素薦授建寧路教授元末避兵嘉興之白苕里門有大柞樹名士多爲題咏洪武初薦任杭州教授修杭州府志召入史館纂修元史以足疾辭歸有始豐稿宋潛溪

序爲

漢三老董公碑銘

秦政不綱義旗四舉紛紛籍籍孰爲義主緬彼有道鴻飛冥冥不聞其聲矧見其形猗嗟董公時止時作懷寶在躬不迷而覺劉弱項強公有深憂討逆致順公有遠猷一言

天台詩選卷二

二

之出萬鈞不拔什項與劉此機之發維此董公其執不倚維茲之言允也其時公言既用公述愈邈維公之用可興禮樂漢雖公道公言不隱公言不隱大道之維

漢紀信碑銘

黃金可消白石可磨將軍之志之死靡他一念之精如霆之發視刃不銛視火不烈榮陽之圍漢累卵危委八尺軀全一帝基死生之際夫豈易與興亡之決在此一舉捐軀殉國有若斯人緬想先烈莫之與京

齊王蠅碑銘

猗歟先生國之貞士之特也志弗隳以貞矢金石也眾反

顧以生行不惑也執義之兵退仁宅也固然獨行匪矯激也休有烈光輒亂賊也我揭其英髮上直也

至正己亥兵後明年八月之望同守繆公招諸彥同

集南湖卽席分韻得久字

青邱緩頰磴黑臙城九有海走翻蛟宮山移若蟻阜雖愛赤城霞歎薄當窗牖棄擲不敢顧欲卧豈得久里處擇其仁於焉得林藪衍原饒稂莠詩書足朋友何期復中兵難作在丁酉東西競奔竄顧尾不救首幸云全此軀常疑是夢否還見湖上月兼之對名酒狂奴有故態噓然開笑口辛丑秋七月曹廣文招同諸子憩西郭景德寺分韻

天台詩選卷二

二

得半字

野闊天逾豁川平路疑斷不知何朝寺哭兀古河岸潭羶白氣沒林密翠霏亂勝地固清涼火流七月半合井洵難得通塞奚足算廣文厭官舍亦此事蕭散風櫺爵屢行蘿磴席頻換但覺清歡發寧願白日吁吾欲紀茲游埽壁勞弱翰

桐柏

吾鄉之山動千數獨有桐柏非凡山孟冬之月日氣薄浩有老興窮躋攀峻嶺盤迴三百折日晏始陟青霞關芙蓉蒼翠幾千朶四面周匝如城環其中地勢坦若掌別是天

上非人間飛樓湧殿墮灰甃烟光霞氣猶未殘長松夾道
狀礫柯檠葉打帽聲珊珊欲尋古碑究年代往往斷礫遺
荆管仙人道士出迎客羽衣蒼佩朱爲顏桑田滄海易變
幻坐閱大劫輕人寰澗東雲房尙哭兀掃榻延我忘疲艱
丹泉作酒麻作飯慙慙餉客情非怪忽驚風雨亂人耳滿
山石瀨流潺潺

題破窗風雨圖

疎窗久零落亂帙自縱橫方與聖賢對那堪風雨驚乾坤
含暝色林壑作秋聲想子心如石看書夜到明

題徐良夫遂幽軒

天台詩選卷二

三二

臨風一讀遂幽篇鄧尉穹窿在眼前愧我未安三畝宅想
君欲問五湖船春明載酒穿花塢日暮扶藜看稻田多少
長安軒冕客枉勞魂夢到林泉

王

澤字叔潤嘗僑寓山陰江北里著有青霞集徐
豐崖品詩以爲王澤天府之珍自然適口

寄友人

我本東海人家住東海頭自從卅角時便向西州遊邇來
西遊十九載夜夜思歸夢東海此身厭逐戎馬間落魄惟
存壯心在今年始欲向東還便將歸老天台山相隨仙人
養雞犬笑弄綠水桃花間况聞溪上桃已熟仙女嬋娟面
如玉春風綰結雙綠鬟腰解按山香曲去年羣仙遙見

招謂予自是王子喬山中何嘗識酒禁日日爛醉吹瓊簫
昨日纔經四明道故人相見驚絕倒閒關萬死得生還顏
色還同舊時好忽聞天吳落海隅到海要拾明月珠大風
三日撼天黑海底吹折紅珊瑚洪濤如山老蛟怒白日江
皋塞烟霧仙山咫尺不得歸目送冥冥鴻飛去掉舟惆悵
卻西回側望仙山心欲摧空懷帝子芙蓉闕遙望中天兩
玉臺愁來昏昏枕書睡呼酒狂歌不成醉丈夫出處真可
憐往往長遭不如意作詩爲謝丹霞仙金堂石室無清緣
有心未罷歸來約更待秋風海月圓

寄泖季潭

天台詩選卷二

四二

寶樹香雲合龍河綠水新涼多今夜雨僧少去年人一騎
畱京國孤鴻入塞塵西天幾萬里沙草濶無垠

送白虛室往武陵分韻得亭字

涼雨初收樹秋潮欲滿汀馬喧臨水驛人倚渡江舲城亘
長虹白山聯翳鳳青青莪沾教雨散桂隱文星祖帳延華
席離觴倒玉瓶愁心望未極雁落是長亭

姑蘇感事

天星夜落水犀軍又見吳宮走鹿羣睥睨金湯徒自固倉
皇玉石竟俱焚將軍只合田橫死國士應無豫讓聞風雨
年年寒食節麥盂誰上太妃墳

此用張士誠作杜東原詩
餘錄蔣一葵堯山堂外紀

並取
此詩

小遊仙

山中千日酒初醒却愛玄都夜景清
起坐天門吹玉笛月中珠樹起秋聲
東度扶桑看日華卻從王母借廳車
夜涼海色平如掌倒看青天起赤霞

竹枝青鳥

阿母瑤池信不通茂陵松柏老秋風
野垣春雨叢生綠青鳥猶來認故宮

徽宗書瓶中牡丹

天台詩選卷二

五

三

玉色宮瓶出內家天香誰貯月中花
六宮只愛新涼好不道金風捲翠華

楊秉爲

同姪遊赤城

久擬尋真到赤城

阿威今日促同行近山便覺塵心淨
登洞渾疑羽化成僧定座中禪復醒
水流巖畔咽還鳴振衣直上峯頭望
五色祥雲護玉京

楊天顯

字秉哲洪武中由儒士舉授蕪府長史

奉詔題日本畫扇賜琉球使臣

銀花尺楮裁冰輪來自東海扶桑濱
明如半月行秋旻捲

若積雪無纖塵上有圖畫妙入神丹青黼聖俱精新健牛
拖車負輪困猛士挾之氣溢津車中裳冕者何人衛以騶
導儀宰臣前後張騎動成羣弓刀在手介在身氣雄海內
威強鄰誠心慕中國自然遐福臻區區一隅之國尚如此
何況萬乘居北辰八埏以爲家四海無不賓窮飛與賁育
驂駟及麒麟畫扇誰能製賦詩難具陳奉詔爲書此持歸
謝君親時使臣立丹墀觀其奉命揮灑毫不思索頃刻爲異才

重遊赤城

不到赤城今五載行行直上玉京天
巖泉長滴半空雨野草時連滿岫烟
一點禪燈紅霧裏千年丹竈白雲邊
無生

天台詩選卷二

六

二

厭聽僧家話笑酌山花改舊聯

楊善

字子善歷仕湖廣沅州府同知樂平知府居官清慎事親以孝聞與宋景濂友善見大朋友賈

詩鈔

江上秋懷

水國風高木葉霜滿舟山色入荒涼
小孤殘照收江左大別寒煙鎖漢陽
新飯軟炊菰米白濁醪香泛菊花黃
故鄉千里空懷想雲樹茫茫鬢髮蒼

書懷

鮑樓空濶望京華蘆荻江楓岸岸花
山色漸濃昏霧薄水光搖動夕陽斜
故鄉鴻雁書千里遠浦牛羊屋數家
邊塞

柳營多苜蓿石田空憶舊桑麻

吳

字彥欽洪武庚戌
鄉科朔州衛知事

桐柏

平生看山愛桐柏有山如此爲名山九峯雙闕迢遞起秀
色可掬煙霞間樓閣崔嵬迴相向桃花洞門深不關葛僊
一住幾千載閱此日月雙轉環鶴背笙簫振寥廓遺音往
往聞林端西崖有井數百仞丹光靈彩浮朱殷昨夜長松
發天籟似驚遺珮聲珊珊蓬萊咫尺原易到獨愁踪跡迷
榛菅此來暫欲須大藥服之駐我將衰顏山中羽客吾宗
胄相與攜手超塵寰竹房宴坐已半月笑歌頓覺忘憂艱
天台詩選卷二 七 三

手招喬盈非不好但恐泉石緣猶怪芝草琅玕隔雲圃小
橋流水空潺湲摩讀古碑視往事章殘字缺苔斑斑臨風
徙倚獨回首惟見絕壁青巔屹武陵從來憩漁釣曼倩自
足追僊班他年變成有消息吾其抱琴來往還

朱思平

字廷準洪武丁丑進士翰林院侍讀靖難
時方在籍賦哀君王詞四首仰藥而卒

寄題雲居

水村深處結幽居心與閒雲共卷舒萬竹綠陰當戶密一
天清氣入簷虛閉門穩臥衣裳冷放意從渠禮法疎我亦
生平愛飄逸何當乘興訪琴書

過興化嶺

石澗泠泠瀉碧湍嵐光飛翠幕生寒松頭老鶴歸來晚露
滴山窗濕未乾

橫山塢

近水人烟三兩家夕陽昏鴉送歸鴉西風薄暮羅衣冷零
落秋江白藕花

桃源

疊嶂堆螺三百丈半空石洞未曾開蒼苔已斷桃花盡不
見金橋戲翠鬟

題畫

簪笠蒙頭一老翁幾將心事托焦桐吟鞭不着霜蹄滑緩
天台詩選卷二 八 三

步林坵自在中

周應顯

字伯煥父爲人所害散財復仇方正學
先生爲作復仇記洪武中薦聘不起

鳳山春感

鳳山重過故人家往事于今病眼花開遍海棠春不管滿
庭芳草屬官蛙

清溪泛舟圖

清夜寥寥興浩然扁舟一葉小千蓮玉簫聲斷空回首秋
滿江鄉月滿天

夏

字廷簡洪武丁卯舉人官
左副都御史詳見郡邑志

送朱廷佐還鄉

聞君秋思動江皋匹馬遙過海子橋何事五陵花正好却
當三逕菊相招衝寒吳會聽新雁帶月錢唐趁早潮何日
醉歸松下卧願從彭叟讀風騷

秋日偶成

塊坐南窗日易過井梧又見葉辭柯丹心不向愁邊改白
髮偏從病裏多每爲論交思鮑叔敢因請苑擬蕭何且將
往事同流水時復開懷一浩歌

國清寺

振鐸鈴鈴下五臺披榛步峭入天台萬松夾徑莓苔滑八
桂凌霜錦繡開曉洞龍歸雲入鉢晚潮鷗逐浪浮杯雨花

天台詩選卷二

九三

亭上涼如水貝葉經幡取次裁

朱文中

字从敬洪武庚戌由益都教諭應山東鄉試中式第一仕甯國知縣陞知澤州所著有北征稿

大覺寺

崖谷歸雲雨氣收江風不動水安流重樹深樹行人少惟
見漁郎晚泊舟

余世安

字汝正號貞齋洪武中辟授訓導

天封訪僧遇雪

昔年曾踏白雲層百折羊腸迸石藤訪寺又來前度客入
門還有舊迎僧竹邊坐酌杯涵影雲裏題詩筆帶冰自笑
衝寒忘力倦折梅還上最高屏

過靈濟宮和風秋官希哲韻

纔到玄關心已清紅塵自絕動幽情人從天姥山中過鶴
向蓬萊頂上迎仙籟疎音春晝寂兼烟細影午風輕閉門
道士吹龍笛閑向東風聽數聲

葡萄

蒼龍吐驪珠顆顆光射斗只恐風雨生夜半空中吼

曹宜約

字以禮號友橋青修天台志稿

寄古學張廷璧先生

吾衰學不成志弱掩昏氣端居念前軌茫然發深歎譬彼
斷溝潦朝滿夕已匱惟學不能古投老羞自棄君學古且

天台詩選卷二

十三

醅白昔聞英譽才氣本邁倫源流更淵懿黃河西極來萬
里遠奔注變化雜魚龍風雲際良遇文淵耀奎璧圖籍啓
深祕榮依日月光位重星辰次日食太官羊暮直玉堂署
回視草莽間豈特雲泥異願我一禿翁何足塵齒記琳琅
金玉音天矯虬龍字細覽想儀刑感激徒瞻企作詩寄獻
勤于以志吾媿

華頂晴雪

千山晴雪浩漫漫華蓋峯高曉眩看銀地遠聯光晃朗瓊
臺孤並勢高寒猶疑海上冰蓮涌自覺胸中水鏡寬毛骨
灑然渾不禁凌風直欲振飛翰

橫山秋月

秋氣橫空宿雨殘月生東阜影團團天垂四壁星河近人
立九霄風露寒折桂曾聞凌倒影題詩聊復暢遐觀遙知
長嘯清光下靜夜山靈破膽肝

和王天秩牡丹

萬紅開後始萌芽彈壓東風最後花畱詠雅宜金縷曲托
根終愧野人家露盈搖曳傾香液翠袖低徊闕采霞舊日
風流還好在問花猶記昔人麼

春雪寄許伯雨

春寒閉閣暢幽潛自信居窮老更諳雪滿衡茅無客過天

天台詩選卷二

十一 三

游心跡許誰參梅花夢好詩先得石鼎茶香思愈酣今夜
溪頭饒月色扁舟定過墨湖南

聽雨樓

涼滿高樓夜氣清一燈孤坐轉初更乍停颯颯簷前吹可
愛蕭蕭竹上聲謾道忘形澄俗慮應知側耳寄高情舊聞
今聽多佳趣應有新詩細品評

魯

穆

字希文號文溪永樂丙戌進士累官至右僉都
御史風節凜然楊士奇贈詩有入閩監海國六
月涼風威之句又曰安得今之貪竇者皆希文
哉平日所著有葩經或問禮記曰抄竹素游思
等集詳見

郡邑志

陪梁參憲遊國清

雅節寄士林流光饒宛轉歸來無幾何又復經飲餞邂逅
會同襟按部車輶輶攬轡日多暇風度肅宏遠約我以遊
娛登臨歷陵緬谿逕夾萬松陰森遶密箭雙澗瀉鳴琴五
峰披層巖寒山有遺踪茫茫誰能辨定僧談玄微官客相
繼繼仰止思靡馳習險情還展棲志托幽深濯纓俯清淺
金素澄紺圓光風蕩蘭畹良覲欣晏如妙契覺原聞飄然
物外趣緩步歸慮款逍遙極良辰煩襟足取遣願續興公
篇騁詞愧連蹇

寄問嚴貞可先生

羣陰浸解剌一陽播容光眷言懷君子情思何渺茫憶昔

天台詩選卷二

十二 二

侍函丈深藉開榛荒離隔曠千里一別經十霜別時風正
薰高明年尚強別後今何如鬢髮應已蒼顏範嘆睽違客
思淒以涼薄終理所尤恩義良不忘鐘山隔兩浙各在天
一方願趨地無縮欲濟川無梁何年遂歸期再拜稱壽觴
談舊聆玄誨俾我心凱康

清溪

清溪之水清徹底名不虛成良可喜洗濯冠纓期日新瑩
潔心神當自此憶我別往五六年涓涓依舊無渣滓借問
陽侯何爲爾信有源泉來不已

溪上芙蓉含奇英溪下茶蘼爭紅榮烏鬼曬翼忻自得白

歸苦饑眠欲驚惟有滄浪不世情東流如舊聲泠泠物色
生態何不類愧我感慨徒纏縈

別閩中

積歲南遊粵茲辰西出城雲移孤嶂影潮湧半江聲綠橘
垂枝盛黃花繞逕生井州舊風景畱似故鄉情

題夾竹葡萄

水晶燦員光琅玕媚幽姿結根偶同生交翠相因依勁節
良可則脆弱難久持君子重所託寧忘歲寒期

送人

宿雨初晴春意饒維舟送客度河橋臨岐惜別情無限斜

天台詩選卷二

十三

二

倚春風看柳條

新柳

迎風未放六花飄拂岸先垂百尺條我亦不圖聲色美莫
教學舞小蠻腰

山居

雲橫幽壑隨時滅春透芳林到處新雞犬聲聞叢竹裏人
家應只在嶙峋

陳

祥字崇倫號吉夫永樂甲午舉人工科給事中

題臺

三台詩錄作春遊國清詩只遙山二字作五峯之異

幾日林霏暝不開遙山飛翠濕亭臺鈎簾閑探春消息一

對尋巢燕子來

清溪

遙山人望翠屏張一水涵空白練長恰我踏青時候也東

風縷縷杏花香

朱

禪字廷禮

花影

雨過庭前日正中瑤階疊疊復重重難將紅紫分顏色好
向陰晴定淡濃

題南豐石仙觀

青山小堞亂雲堆盤破雲根石屋開一派玉簫大外曉道

天台詩選卷二

十四

三

人騎鶴夜歸來

南山石竈

南山石竈竈無釜但見山青花欲燃夜半烹星煮明月一
溪風捲綠楊烟

裘

叅字原觀號點存永樂己丑進士烏羅府同知

橋門聽雨

得無字

長風捲霧來天衢混沌一氣含太虛東來有雨如隨車聲
聲滴瀝鳴階除風飄入竹疾且徐瀟瀟濺濺葉如流珠橋門
有客夜讀書燈火紅落芸窗虛愁來捲卷起躊躇耳邊彷彿
聞笙竽更長意久不可孤呼朋酌酒相懽娛酒酣拔劍

擊唾壺狂歌激烈聲鳴嗚方今盛世際唐虞紐金佩玉皆
吾儒感懷不必增嘆吁丈夫忠孝良難無

徐善述

字好古左春坊左贊善以輔
導仁廟功贈少保諡文肅

題贈許伯貴先生寄子書

先生家世業斯文遺訓昭昭重典墳步武青雲能有子韜
光白首不忘君古詩自昔鄉邦頌令譽于今翰苑聞昨日
南宮觀手札依然華藻藹烟雲

褚子南

名良侯號雪堂以字行永樂辛卯舉人
任四川蒲江教授改河南延津教授

陳給事春遊國清同韻

並履幽溪一徑開萬松深處雨花臺短蕪襯步懷寒拾豈

天台詩選

卷二

十五

三

爲豐干饒舌來

褚思敬

名文輝以字行永樂戊戌
進士庶吉士翰林院簡討

史嶺茶亭

古嶺何盤屈茶亭著處幽荷筐收石乳接竹引清流試煮
黃金鼎傾翻碧玉甌往來人憩此一飲不勝秋

西山道院

崇堂遺古觀寒暑幾經年青帔真人窟丹霞小洞天疎鐘
寒雨外遠樹夕陽邊厭却人間事相從擬學僊

竹溪明月

溪上蟾光墮波間竹影移綠陰分翡翠素魄浸琉璃夜迴

天逾靜砂明水落遲一般清意味於我最相宜

僊巖釣磯

一磯當巨浸千古屹崢嶸夜雨蒼苔長春風綠水平漁竿
時入伍鷗侶日通盟雅有投閑意猶慚絆此名

畫夢

畫長春睡足飛夢到親闕手捧雙鸞語身披五色衣祝齡
情眷眷問寢語依依最是怡情處翻驚客叩扉

吳山晴望

曉陟高岡望天開圖畫幽吳山連越樹湖水接江流鐘磬
僧歸寺帆懸客上舟更多奇絕處一覽豈能週

天台詩選

卷二

十六

二

晚宿長安河下

舟次長安道人家兩岸多客喧車晚塢機響織輕羅日落
酒旗捲月明漁唱過步蟾三四輩同我問姮娥

除夜寓邳州

跡寄他鄉裏年窮此夜濱英雄孤棹客寤寐兩年人節序
隨時舊功名與歲新明朝權且舞南北拜君親

題隱居

市朝喧獨厭山宇靜偏宜雨霽栽蘭菊雲閒到鹿麋墮松
填溜瓦蔓草補疎籬俗客無來往看書只自怡

滄江漁父圖

出沒滄江裏怡然得趣多數聲風月笛幾曲水雲歌釣作
棲遲柄舟爲寓樂寓市朝奔走客勞逸較如何

瀘溝曉月

一灣綠水碧潺潺倒浸銀蟾清淺間耿耿天河星漸落微
微烟樹曉將還影斜茅店人開戶陰轉村橋馬度關聽得
鐘聲來禁闌早朝知是列仙班

誕日思親

我生十月二旬三客裏進來興未堪萬里作官畱薊北雙
親缺餐在江南黃花舊採東籬菊香顆新分內苑柑更有
玉堂頒賜酒獨憐無路得歸參

天台詩選卷二

十七

二

送人還廬陵

觀光萬里上巒坡老壯寧論兩鬢皤眼底故人逢處好囊
中詩句別時多霜晴吳樹千林落月上秦淮一棹過此去
故園春正好東風桃李樂吟哦

題章郎中父翠微樓

危樓百尺聳清虛水色山光半有無簾引竹風清汗簡窗
涵松霧浥編蒲鑑湖風靜開文練天姥峰高列畫圖最羨
一經能教子早從前哲步亨衢

久不得鄉間消息

不見南鴻思渺然故鄉消息竟疎傳海天雲起望應斷京

館月明看未眠白雪恐侵堂上鬢紅顏愁老鏡中年鵲聲
忽向窗前噪罷却呼僮取卜錢

憶春郊行日

五畝幽居隔翠微春來物物自芳菲柳條綠染絲千縷花
萼紅開錦數機庭樹雨晴黃鳥鳴池塘水暖白魚肥弟兄
行樂知應好回首天涯我獨違

慰李茂弘主事內艱

宦情鄉思正相依此日那堪聞訃歸旅邸忽驚雙鶴至孤
山空墜片雲飛哀猿慘慘啼清夜落葉蕭蕭點素衣三釜
榮登親不逮臨風唯有淚頻揮

天台詩選卷二

十八

二

送劉行人陞陝西僉事

皇華使者舊才賢到處青山馬上看絳闕久誇傳寵命烏
臺今喜拜新官萬家雨露三春煖一道風霜六月寒別後
要知相憶處玉堂人靜獨凭欄

送柳主事還南京

方從京邸笑相迎又向都門惜送行王事獨勞心炯炯宦
途頻歷思營營春遊古沛詩懷好夜醉長淮酒價平酣倚
畫橋分手處夕陽芳草不勝情

謝趙師道先生惠炭

廣漠風寒下掩扉烏金蒙惠愜心銘方將火向爐頭熱便

覺春從膝下生，燂酒不妨畱客飲。煮茶還得敘人情，夜深窗下猶宜處。一卷青編對短檠。

許敬軒 號南湖永樂甲午貢，歷官禮部員外知汀州府名宦。

題扇面暗梅

半幅銀箋巧樣裁，冰花數朶暗中開。先春消息應難覺，惟有香風滿面來。

回雁圖

數聲嘹唳落滄洲，驚起瀟湘一片秋。莫向城頭高處喚，思鄉人倚夕陽樓。

洪益中 號夢菊永樂中中書舍人陞司正。

天台詩選卷二

十九

雨庵訪隱

清溪一曲小橋通，君住橋西我住東。幾欲訪君無覓處，祇聞雞犬白雲中。

題葡萄

瘦藤屈曲翠相連，馬乳累累秋正懸。明月滿天陰滿地，驪龍清夜抱珠眠。

夏智 字大慧號竹隱。

題觀梅圖

風雪西湖幾樹梅，柴門孤鶴報初開。吟成香景情無賴，獨棹寒波月裏回。

楊子相 號舉零縣縣丞。

雪中寄人

乾坤浩蕩素光寒，江上漁簑最好看。卧病偶然門倒插，旁人錯擬漢袁安。

陳川

題夏圭溪山清遠圖

我來東南邱壑好，曲折雲林護危杪。澗阿流水春自香，石楠碎葉秋如掃。縛柴野橋松雨涼，鳴鐘破寺茶香杳。山椒茅亭如笠大，石脚漁舟似瓢小。人家制度太古前，雞犬比鄰往還少。酒杯吹香小店門，落日漁樵多醉倒。六年不歸

天台詩選卷二

二十

二

長夢見白髮忘情負，魚鳥晴窗見畫三。摩挲舊夢微茫亦了了，不知何處得此圖。覺我山居殊草草，安得溪南寫石田。便攜妻子從茲老。

米元暉茗溪春曉圖

扁舟昔過江南道，兩漿吳歌弄春曉。野水蘭苕月欲低，滄洲白蘋風不悄。閑晴水氣盡冥冥，破暝雞聲殊草草。人煙蒼莽隔朝墟，鷓鴣夢微茫墮湖島。輕花吹送客櫓遙，羣鳥驚翻曙鐘早。初陽忽露何處村，曲折青林山寺小。見圖歷歷舊所遊，白髮摩挲愧幽討。前身恐是杜牧之，題詩解寫江南好。

杜

寧

字宗謹號樂全宣德丁未廷試第二人歷官至兵部侍郎土木之變與于忠肅公謙同議立邸王有社稷功居官以清介聞詳郡邑志者樂全集

龍馬歌

龍媒古今天下稀
欵見呈祥出西陲
聖主仁恩被遐邇
一朝效貢來彤墀
天閑十二總奇匹
睹此咸驚羣辟易
稟氣本是房星精
素文帶得冰霜質
雙瞳夾鏡炤夜明
四蹄琢玉追風輕
紅綬錦韉黃金勒
閭闔出入駟龍駟
靈姿駿格迥無比
漫數纖離與騄駼
奮迹寧須伯樂顧
瑞時自致大顛喜
御苑春深花正香
驕嘶蹀躞過長楊
足底渾疑駕雲霧
道旁頓覺生輝光
神物繇來不伏櫪
會思盡展平生力

天台詩選卷二

廿一

二二

千年長侍瑤階前
萬國永使烽烟息

元夕觀燈

鳳城春蚤辟餘寒
雪霽雲收月正圓
錦繡筵前呈萬舞
金蓮花下集千官
光搖銀漢天逾近
漏滴銅壺夜未闌
願祝皇圖磐石固
年年長侍聖君看

送許南湖之任汀州

五馬駢駢出帝畿
官梅纔放兩三枝
天書鄭重宜圖報
民瘼艱難在念茲
問郡不妨春後到
天台又是畫遊時
離歌唱闕無他囑
汲取寒潭水一卮

五柏庄八景

竹徑

萬箇玉森森
苔封一徑深
清陰飛翠雪
不許俗塵侵

梅窗

老梅心鐵石
歲晏吐瓊花
不與羣芳競
窗前伴月斜

松籟

聳蚪百尺蟠
風度翠濤寒
時到幽人枕
驚回午夢殘

泉聲

遶舍水泠泠
潄金漱玉鳴
雖非絲與竹
靜聽有餘清

尖山

開戶南山好
朝來爽氣多
幾番新雨過
一點濕青螺

天台詩選卷二

廿二

二二

疊石

鬼斧何年琢
千尋絕壁形
蒼苔從不掃
長作黛痕青

東皋

春深布穀鳴
處處隴頭耕
落日平蕪裏
時聞牧笛聲

南園

南園枕潯溪
桑麻嫩綠齊
落花隨水去
錯訝武陵蹊

自君之出矣

自君之出矣
涼風吹洞房
思君如病葉
日夜成萎黃
自君之出矣
望望征輪回
思君如孤燭
寸心坐成灰

題桃源小景

藥草靈芝滿碧溪
瑣窗珠箔暖雲低
劉郎也愛桃源好
爭奈春山杜宇啼

題睡鶴

玉簪玄裳絕點埃
月明曾共舞仙臺
一聲喚醒朝元夢
滿地松陰鎖綠苔

老梅

葭琯初飛一氣回
漏傳春信雪中開
誰知商鼎和羹實
却自寒花寂寞來

春日即事

東風胎蕩更無私
紅紫紛紛又一時
惟有庭前老松柏
青

天台詩選卷二

廿三

青依舊不曾知

范理

字通濟號操齋宣德己酉鄉試第一庚戌廷試第三人進士由外任累陞至南京吏部左侍郎實心任事功德在人詳見郡邑志所著有丹臺稿及讀史備忘天台要畧等書

自德安歸偕杜內翰遊國清

飄飄隨薄宦茲遊久已疎
纔從松徑入便覺心境舒
稍稍即幽秘荒宇凌空虛
五峯森羅列晴嵐滴襟裾
寒泉落幽淵左右相榮紆
雞犬復寥寥麋鹿馴庭除
翛然人世不覺輕名譽
况偕金閨彥清論飛瓊琚
許身既王事瞻眺徒躊躇
相期在歲晏卜築來此居

赤城

軒冕信羈人佳遊久未展
偶歸事冥搜猛欲窮崖巘
紺宇雲倚封苔階未經踐
山露染衣裾澗水清且淺
縞侶忻相從經聲聞更遠
超然志慮空塵念無煩遣
赤日已西移忘却行騎轉

塔頭山

年來暫息機曉出尋幽秘
纔登佛隴岡森然列多異
遠山紫翠重近郭烟花媚
輕雲冒層嶺遠靄埋深寺
參差萬井中周覽惟一視
即此已蕭森萬事都如棄
前搜何用窮內省寧多慮
吾儕如可投時來滌煩思

華頂

天台詩選卷二

廿四

三

台嶽信奇挺絕頂復在茲
眼看東滄溟手攀南尾箕
赤城採丹霞玉筍橫翠眉
迢迢鯨音來拂拂香飈吹
憩旣深迴沿流濯漣漪
鶴馭相翩躚松蘿亦參差
風物多異態長生固其宜
清爽了在日浩浩興遐思
已忝藩方寄難忘國士知
夫去畢世用重與浮坵期

遊桐柏

萬丈懸崖一徑斜
丹梯躡盡到仙家
金庭縹緲迷青嶂
雙闕峩巖散紫霞
野鶴階邊窺玉粒
山童洞裏熟胡麻
桃源此去無多路
流水中間認落花

遊石橋

萬疊雲山紫翠重微微一帶路遙通忽聞鐘磬穿雲出漸見樓臺隱霧中瀑向巖前飛玉雪人於天上踏銀虹此身即是登方廣變幻何須更遠窮

夏魯字太魯號易齋宣德乙卯臨安教諭

方廣寺

招提隱隱翠微中知是台山第幾重望入冥濛惟見日坐餘暉暖但聞鐘涇雲長護千峯雪晴霽深埋兩澗松更陟峯巒躋絕頂孤猿啼月竟無蹤

過趙同條草堂和裴仲翁韻

草堂幽寂白雲連露浥山窗濕未乾紫燕歸來花正落一

天台詩選

卷二

廿五

二

庭風雨晝生寒

綠樹陰聯暑氣微荷花風淡浪紋稀竹簾不捲鮑烟上閒

坐空庭看燕飛

童守宏宣德丁未進士官行人使琉球

輓嚴貞可先生

林壑優游八十春生平書劍守清貧旁求不應天邊詔鄉飲常爲席上賓白璧酬恩多國士青雲得路半門人于今道喪斯文遠立悵西風淚滿巾

齊

汪字元澄號靜菴下統丙辰進士兵部車駕司郎中應駕至土大殉難楊樹史善以詩弔云應從

旌旗出錦州知若志與國同憂義明主辱身先死厲鬼猶思斬冠仇今祀鄉賢祠

元宵宴集

京兆筵開聚德星何須追憶古蘭亭溶溶月影穿簾入款款歌聲倚席聽火樹通宵看不厭銀箏勸酒送無停高情未足還相約他日重來醉綠醺

題司馬悔橋

終南不及九峯高雲鎖青山雪捲瀉羽客已辭天室省餘情猶悔出蓬蒿

許端弘

名振以字行號味道正統辛酉鄉科官遂溪新會教諭嘗分典廣西應天府試彭殿撰教張學士元正皆其所拔士人至

天台詩選

卷二

廿六

三

午日喜得家書

閒看營中射柳回故鄉忽報有人來三千客路從頭問一幅家書帶笑開隴上松楸依舊長階前蘭桂又新栽遠懷聞此權無限醉後仍呼酒滿杯

咸時述懷寄諸弟

歷歷終日坐山城還憶南陽舊草亭作客已逾千里遠隨身長伴一甌青池塘有興誰廣句官舍無聊自剪燈却笑不如湘浦雁江南江北每年經

登岳陽樓

百尺高樓俯大江歸然歷盡幾興亡巴陵雨灑來朱檻湘

浦雲飛繞畫梁鐵鎖有時光
烟烟君山千古色蒼蒼樓前
多少烟波客總把孤帆挂夕陽

題竹

不入桃李叢孤標自容異
山窗朝雨晴青鸞忽飛起

秋江待渡

曉日逗林樾秋光淡沙渚
渡口急呼舟寸心懸萬里

過嶺口

澗道餘寒雪未消數村雞犬隔山坳
行行暫憩長松下閒看飛絲滿樹梢

陳

宏字廷受號竹窗嘗與杜司馬寧
唱和有竹窗稿三子皆登仕籍

天合詩選卷二

廿七

二

山水圖

大山秀拔摩蒼穹小山削出金芙蓉
珠殿連雲擁琪樹翠崖噴瀑飛白虹
元氣乾坤秘不得結作萬頃烟霞濕涼風
吹落桃花溪五色細縕漾晴碧何人隱處溪上亭
松窗竹塢芸香清扁舟短策有來客琴書共結山中盟
山中讀書采芳杜山中鳴琴瀉流水山中不肯赴旁求
天下蒼生望霖雨我奈若人不與語日暮逍遙久延伫
出門雲隔大小山欲往從之渺何許

雪景圖

何人夜醉江亭月夢入蓬萊白銀闕
素皇駕車丹雲中天

寒風急電幾烈起來凭欄窺化工萬里江山三尺雪
人家深掩松下闌錦帳羔羊酒初熟乾坤清氣誰能收盡在漁翁舟一葉

題牛石

天遣平岡化作牛巉巖屹立幾春秋
無人可使畊南畝有力難牽飲上流
怕著泥塗先沒膝一逢烟雨便籠頭
牧童最喜天晴日橫笛眠吹得自繇

題竹梅

可堪姑射與瀟湘兩地清幽共一鄉
玉骨上頭雲弄影琅玕深處雪生香
縞衣公子垂青珮翠袖佳人試淡粧
鐵石

天合詩選卷二

廿八

二

肝腸貞節操任渠歲晏只尋常

西江夜泊

曉掛輕帆出海門歸來渡口正黃昏
潮生潮落船高下雲去雲來月吐吞
梵磬數聲山北寺漁燈一點水南村
得魚薦酒蓬窗底款乃聲中夜未分

梅軒

瀟灑軒前雪霽時梅花忽吐兩三枝
月移疎影侵書幌風帶寒香拂硯池
東閣吟成應自樂西湖雅趣許誰知
嗟予未遂荊州識清白馳名爲賦詩

竹軒

綠遶幽居竹萬竿出塵高節許誰攀
懶同桃李爭春色只與松梅傲歲寒
月影滿簾金點點風聲落枕玉珊珊
本根自是栽培厚更見龍孫迥不凡

幽溪道中

三台詩錄題作高明寺

高明宮殿鎖烟霞水繞山迴自一家
石甃有泉流玉液瓊臺無路覓丹砂
黃猿夜嘯千山月白鹿春眠一洞花
最喜道人能愛客幾回畱我飯胡麻

廣嚴寺

疊嶂重巒勢欲吞紫雲白鶴護僧門
一溪流繞山菴路萬樹陰連水竹村
貧嫗有緣鐘尚在柴師無礙骨長存
我來

天台詩選

卷二

廿九

二二

不盡登臨興援筆題崖拭薜痕

答僧惠茶因索筭

分我靈芽意藹然鎗旗雀舌總堪憐
採來想在春風後寄至方當穀雨邊
紗帽籠頭還自煮瓷甌在手許誰傳
飲餘已覺襟懷爽更欲尋叅玉板禪

漁樵

一葉舟中白髮百年江上青山鷗鷺飛來飛去無心只在

雲間

幽谷無人獨往仙源有路還通行到綠蘿深處誰家雞犬雲中

子猷訪戴

夜雪寒埋數尺深剡溪迢遞隔山陰
及門返棹成何事要識論文只在心

墨菊

陶令歸時酒滿樽黃花猶有一枝存
誰人移向書窗下硯水澆來帶墨痕

題畫

綠柳輕陰護草堂懸巖千尺倒晴光
一聲柔櫓歸舟晚江霧滿天山月涼

婁應奎

號無味嘉祥訓導

天台詩選

卷二

三十

二二

怨女詞

妾學精五飯舉世甘膏飭妾學縫衣
裳纂組爲世稱交相薦友善嘆妾無技能習尙旣妾異妾身還誰憑東家阿姐
嫁琴瑟諧和鳴西家重阿妹百兩云已承老大獨遺妾何當未問名深閨揜鸞鏡
滿地青苔生布衣破尋補素志冰霜凝細想得所歸家道亦易成媒妁媚夫媚日爲求娉婷
紛紛施粉黛自賣良足輕假使妾將出猶懷失已驚吟餘付長嘯人靜宿月明

盧巖

字則高正統丁卯鄉科永寧教諭

登蒼山

寒蘿上山頂振翠落寒空擬嚇龍生雨歸來海日紅

秋郊閒行

水淺蘆花瘦天空雁影稀板橋無客過霜月伴人歸

袁

號知止與杜司馬爲莫逆交以其博洽呼爲袁書府年九十卒夏都憲墳挽詩有一瓢已絕千秋筆雙屐長閑百藥欄之句著有知止集數卷

遊國清

勝地重遊處橋憐再度時依然流水在不見故人期草色侵衣袂花容炤酒卮西風如有意催雨又催詩

陳

南字恆叔號熙齋正統初明經山東武成訓導

東皋六言

天台詩選卷二

三一

三二

十里綠楊紅杏一溪曲澗青蘿最愛茅檐深處遙聽牧笛

山歌

屈曲花深小路橫斜柳外溪橋驢背渾忘遠近醉中贏得逍遙

陳策

桃源

黛橫千尺巖綠泛一溪水春暮遲游情桃花復如綺

袁

號坦菴嘗任霍邱華亭教諭博洽見蔚然儒宗秩滿歸華亭人思之爲立碑

桃花源

步入桃源洞煙霞杳靄間馬牙鵬萊綠屐齒印苔斑院靜

鷺自下松高鶴未還道人何處去空負一蹏攀

夏

墳

字宗成號介軒景泰辛未進士擢御史巡按廣西福建江西所至著風裁由江西布政使進副都御史巡撫四川有方面功引疾歸所著有嶺南集嶺南江西行稿三巴稿及奏議數十卷

重陽思父母

萬里江山一轉蓬歸心日夜憶江東每逢佳節花相似獨對輪車路不同北去直過揚子渡南來又近伏波銅登高總是瞻雲思不比龍山落帽風

晏眠

大德絲來在市廛日高惟伴小窗眠丹山碧水王維畫白雪陽春杜甫篇巢樹已經千載上結繩又在六經前花開

天台詩選卷二

三二

三三

花落年年在從此無心浪草玄

一身俯仰在乾坤幾萬年前混沌分有數盈虛東海月無心舒卷北山雲太音寂寂聲何在玄酒泠泠味不醺世事未應長太息成周時節已多文

寄蘇州林太守一鶚

多景樓頭醉幾回吳王臺下又啣盃有才濟世頻遷轉無分安居數往來銀漢迢迢瞻北闕白雲縹緲望天台思鄉戀闕同懷抱別後應須寄隴梅

漫興

寫生有技貧崔白賣卜無金富范丹却嘯綈袍千古事秦

宮卿相不曾寒

孟嘗君

怒視雄吞虎在西果然得士可強齊如何第一收功處函
谷關前夜半雞

臘月十五見月

朔風向晚淨雲烟海底銀蟾上碧天莫訝倚欄看不盡再
團圓夜是明年

重過湘江

持斧南來事遠征還朝誰肯後王程相知惟有湘江水舟
比來時一樣輕

天台詩選卷二

三三二

重遊國清

佛殿僧房鎖夕暉重來又是十年期若教坐石論興廢只
有青山是舊時

題范蠡遊湖圖

數點青螺出水晶片帆帶雨五湖遙不知日暮歸何處碧
樹叢中是定陶

魯

昇
字崇古
號養性

賦得孤雁寄弟

嘹嘹復嘹嘹哀多聲更高居人情自如遊子獨無聊夜深
宿江渚霜繁蘆亦彫寒月炤孤影朔風吹蕭蕭南來川途

渺北去雲路遙應候解隨陽遠害知避鵬依依林中鳥栖
息各有巢泛泛江上鷗出沒偕波濤念爾寡儔侶自應憐
羽毛

魯崇志

字茂功景泰甲戌
進士應天府尹

寓懷

余生秉微尚愛此孤桐枝紆紆類愚直微瑩昭無私古調
雖自適古意人少知安得百代下復見鍾子期

出塞曲

我本羽林士出師來戍邊邊城多倣急終夜常不眠刁斗
手中擊白羽腰間懸悲笳一聲響生死行向前所志在殉

天台詩選卷二

三四

三

國微軀何足憐

怨歌行

清如玉壺冰潔比藍田瓊持此事君子恩愛期一生何知
席未煖君子有遠行出門移新愛畱滯襄陽城襄陽臨大
堤諸女多儂輕貌姣德不足君心胡不明君行若不返妾
眉苦不展憂來托素琴絃哀思亦慘不恨歸軒遲但恨歲
月晚盛年守空閨遲暮容色減

揚州懷古

繁華自昔說揚州楊帝遺踪可在不玉樹不聞前日曲楊
花似見後人羞寒烟衰草空凝恨落日西風漫自愁願我

有懷書未及羣鴉散盡戍城樓

淮陰驛

扁舟落日次淮陰漂母祠邊感慨深一飯有恩猶食報百身興漢却成擒早知富貴能傾族何似饑寒不易心莫怪後人偏致意雌雄珠樹惜珍禽

遊琅琊寺

萬疊峰巒一徑微上方深處是招提清風入座客初到綠葉滿庭鶯亂啼古字石間看不厭新詩席上醉能題匆匆未盡登臨興景落幽巖奈日西

思天台山

天台詩選

卷二

三五

名山多說天台秀勝標僊踪眼界賒隨地有苗多藥草經春無水不桃花萬松夾徑維摩剎雙闕凌虛道士家願我別來嘗夢想西風幾載隔天涯

丁丑 號巢雲

咏風

神機不可測嘘吸自鴻濛簾動三湘水琴鳴萬壑松扶青歸柳葉剪翠入梧桐世上惟公道寒炎處處同

桃源

桃源渺何許雲樹隔重重紅泛落花水青橫過雨峰尋幽還着屐陟險更扶筇仙子終難遇含情獨倚松

許端惠

名煬以字行號處默景泰癸酉舉人國子監學正

偶吟

扁舟湖海幾年勞矯首長憐曉日遙草屋不煩安石召桃花溪口映春潮

板橋流水霜林晚攜手秋風話白頭安得深山雞犬寂百年酒盞對沙洲

夏

澄字宗廉天順丁丑進士工部主事

書樓

尋常八九月把筆向誰題大阮書樓好吹香近木樨

西湖

天台詩選

卷二

三六

二

千里湖光圍翠樹畫樓簫鼓四邊開怪來南渡成何事贏得西湖翠一堆

裘淑登

字介庵天順壬午鄉科鄞縣知縣有惠政龐給事泮范太守吉皆其門人

遊石橋

羈身宦海路漫漫夢入青山白石寒今日重來亭畔坐飛梁依舊水潺湲

天台詩選第三卷

明許鳴遠帶存輯

裔孫佩菴重校

明

潘

禎

字應昌號留鶴成化丙戌進士歷山東提學僉事嘗除南京大理寺正平反冤獄脫罪囚以萬計留鶴書無不讀以心爲底本不取聞見爲廣博草書奇拔詩文自成一家與陳白沙吳純菴莊定山友善唱和名動一時嘗論詩有五聲全備者少惟得宮聲者最優可兼衆聲李太白杜子美之詩爲宮聲退之詩爲角以此例之百家可推蓋其父受之鄉先輩者也子夔號野泉女號碧天道人並工詩

題月梅卷

廣寒宮闕開天中瘦蛟起盤江波空陰精夜啼山竹裂六

天台詩選卷三

一一二

橋十里皆春風疎花老餘凍不折大丈夫心一寸鐵

輓邑令方公

陶潛本高節五斗可能羈王道行真簡斯民初不知死方公論定心直化工熙敢借春秋筆大書人去思

復齋卷

道人手執一編易親見庖犧語化機雪壓山齋方夜半雷行地底正聲稀梅花月炤天心益玄酒春回帝力微三十六宮從此啓頽然獨笑與誰歸

遊龍洞

盤古以來畱此寂天教觀物作閑人空同本自涵元氣哭

兀應知有谷神造化小兒真亦戲洪濛老子可容親題詩不盡孤高興肝膽直收千載春

常疑混沌本無痕萬古誰通此一門天造也知非斧鑿我來驚別有乾坤諸公洞口穿雲入太極圈中坐石論卻笑白雲攜不去作亭期與老僧分

道人偶出亦何心只愛名山故入深真有神龍盤九曲豈無空洞透千尋斷碑試讀前朝刻古木常畱半壁陰笑墮塵寰空白髮一尊且對晚峯斟

來鶴亭

萬里青天片雪橫孤飛誰放下吾亭冰霜心事元相炤風

天台詩選卷三

一一三

月情懷本共清蓬島春深歸有路瑤臺花落步無聲塵埃驚眼知非地欲御天風八極行

長鳴皎羽忽飛從清獻千年又我公頸閣瘦軀三尺雪影翻明月九秋風孤山處士梅邊步赤壁仙人夢裏逢最是霜臺閑立處從容一老際時雍

月夜池亭白菊

花壓池亭水月明花枝隨月炤先生不愁太素無人愛白有寒香適我情獨鶴徘徊邊真一色瘦筇扶處本雙清悠然道境誰知妙不是堯夫不放行

與胡通府鉉余貞齋世安遊清涼寺

萬里江山來二子天教此地看芙蓉六丁夜學蓬萊股千丈春開太極容坐石偶然分踞虎倚松聊與拂髯龍狂夫歌罷狂猶甚更上孤崖一醉同

書醕鶴亭壁

我戲羲皇領至音古心清極念俱沉委形天地元非我散髮鴻濛可假髯偶愛遊魚臨水石閒看舞鶴立花陰九重幸有神堯在莫怪先生卧海岑

登泰山

千重蒼翠壓塵寰尼父當年我再攀混沌以來惟此老乾坤之外更何山六經正脉真同聳萬古狂瀾藉一閑起讀

天台詩選卷三

三三

秦碑驚世換西周孤鳳幾時還

大翼垂雲須九萬天遊今日殆忘還千年誰更觀滄海老

眼吾方到泰山雨過春巖龍自戲松生太古鶴常閒題詩

不盡孤高意起立中岑看世寰

神仙鶴背也超然太岳朝登凌紫烟山歷東溟盤大地路

橫北斗到青天手中日月誰同弄象外風光我得先一笑

人間空萬古太清聊倚興無邊

天教觀物此癡翁蕭寺尋登又萬峯太古有松聊我倚盤

空無路不雲封要畱老眼觀西鳳敢望清時起卧龍行樂

聖門春日好泰山花鳥一家風

登沂山

海上諸山愛有緣東遊今日又青天直消一杖空中倚看盡千峯地上眠老樹猶存堯植幹斷碑不記舜封年題詩偶懶畱名姓只恐人疑我是僊

題梅花卷

一夜湖亭三尺雪此花忽起弄精神極清已奪乾坤秀太素猶涵混沌真何物水仙風自下畧畧山客冷相親平生心事原同潔老眼看圖興也新

遊紫陽菴

閑攜瘦竹過肩杖拄至吳山訪紫陽七竅鑿來無混沌斷

天台詩選卷三

四三

崖鞭得有秦皇洞門開處青天大樓觀飛邊白日長回首

黃塵自人世太清聊倚一峯蒼

夢遊華頂

三台詩錄題作秋日夢登天台山絕頂

華峯四萬八千丈鶴背秋風夢一登坐使羣山卧平地笑

看杯水瀉東溟此心本是天寥廓大塊真能載我形擬過

赤城尋隱處倚霞結屋老吾生

看菊

獨憐九月在天涯夢遶東籬海上家千里一官空白首十年雙眼又黃花

題枯木竹石

拄天老樹三千尺拔地孤崖幾萬年秦漢已來誰此節清
風吹斷首陽巔

西湖夏景

十里湖光蕩白蓮柳風幽岸裊茶烟萬花香裏孤舟老不
數神遊太乙仙

題談侍御梅花

萬里乾坤冰雪夜霜臺明月炤梅花也知此老清如水不
踏桃源處士家

楊

澤字商霖號兌齋成化壬辰進士歷
福建副使有文行程篁墩甚重之

寒巖

天合詩選卷三

五二

一宿寒巖寺秋深木葉飄泉聲來樹杪暝色隔雲霄洞口
畱龜石天邊駕鵲橋丹如成九轉何必問王喬

遊石橋

乘興探奇到石橋古碑拂藓認先朝八峯羅擁晴虹卧雙
澗飛流凍雪飄方廣寺鐘聞縹緲曇花亭路望岩巒振衣
便覺輕塵世直上洞天不憚遙

范

吉

字以貞號伯軒成化乙未進士授刑部主事汪
直以善權調爲鳳翔通判後任寧國知府工古
文辭及草書有柏軒稿

連雲棧

未入連雲棧焉知蜀道難嵐昏晴亦雨林密夏猶寒嶺上

翻愁下橋危轉是安笑看周道客穩步也嗟嘆

張忠宣公卷

精誠貫日氣橫秋自古忠臣爲國憂百世是非憑史筆一
朝成敗豈人謀雲埋邊日昏無色魂返長江咽不流展望
女嬃真命薄九泉終不怨靈修

盆梅

盆中亦自可窺天五瓣花開理自全月到小窗人靜後春
回大地氣萌前孤撐玉骨寒誰怕清沁詩脾語莫傳庾嶺
底須千萬樹一枝儘足對冰弦

蟠松贈隱者

天合詩選卷三

六三

託根天地不須寬正直無端受屈蟠風入虬枝終有韻翠
飛芸閣欲生寒自甘卑處能巢鶴不用崇封虛美官紅杏
碧桃徒豔冶霜梅雪竹共盤桓

再詠瓶梅答麗芹齋

千百林中有一枝一清偏與主人宜挽回元氣見能事收
拾風光有韻詩生意不煩新汲水貞心肯負舊盟時渴來
頓覺精神爽應在瓶前得趣奇

遊華頂和噩夢堂

老去高山愈好登不知遊跡幾多屨海生脚底寧愁渴天
閣頭膽不怕崩縱目無邊疑入夢洗心有寶欲涵冰墨池

書法看長在古樹懸崖繫短藤

對菊

三台詩錄
作對雨誤

秋思淒清軒檻幽素琴橫几菊香浮尊中有酒美人遠空對寒芳搔白頭

題畫

萬丈華峯倚壁空松篁臺殿白雲封石梁咫尺桃源洞遊遍名山興未窮

聞

式字敬之
號尋樂

幽居

幽居一個好舉首見南山幾樹清陰在半窗綠意環鶯聲

天台詩選卷三

七

三

畱我聽松韻藉風彈欲放白雲人有門長不開

尋樂翁

尋樂翁兮不是呆一筇到處任徘徊花知春好頻含笑鳥見人閒只自陪帶月歌殘青草野和衣睡倒白雲堆鬚眉昨夜通消息今古紅顏不再來

見梅有感

冰姿不怕朔風吹半樹橫遮塢竹籬自嘆生平甘淡薄肯移顏色去投時

小園着眼炤心明對此無妨醉一觥踏雪苦吟緣底事也知端不爲調羹

潘

祺字應昇號清溪成化乙未進士山西右布政使

題畫送季憲長致仕

萬頃湖光裏蕭然水竹居山環四面好人坐一亭虛采藥雲生袂鈎簾月在書小舟沙際客應是濟川餘

季

璿字世美
號方麓

秋夜有感

獨坐暗愁生寒蛩斷續鳴白頭燈下影黃葉雨中聲變亂烽初息交遊訃屢驚不眠悲世事翻愧野雲僧

秋澗爲寧國寺僧題

蘆花兩岸灑金颺一派西來碧水遙寒帶菊香浮近海清

天台詩選卷三

八

二

涵雲影落平湖微瀾靜處明心印天宇空時浸斗杓雲鶴山前深注目塵機都向此中消

與姪竹軒一齋遊方山

躡屐方山興頗濃飄然拂袖兩三翁笑從莎路穿雲樹謀歷松岡到頂峯亞雨菊叢黃間白經霜楓葉綠兼紅憑虛送日乾坤大萬象浮沉向此中

盧

榮字世顯號了翁成化庚子舉人沛縣教諭

游金山寺

天地奇觀在登臨兩腋輕雲橫低波烏潮落遠吞城帆影晴空沒漁歌夕浦生乘風坐來久孤月海東明

書所得

春深桃李倚門牆共醉晨風與夕陽幾度開樽講堂下衣
衫都惹落花香

麗

字原化號芹齋成化甲辰進士歷刑科給事中
居諫垣十二年大著直聲出爲廣西左布政有
石壁諫垣稿邵
尚書寶爲序

清風祠

赤城過剡溪三日山路迫彼兇方窺覬曲承罔敢逆詒言
服衰衣正理屈邪惡脫死實非心竊欲乘其隙豈無睡酣
時拔劍盡殲復仇志已萌從死義乃得百方謀不諧血
泪徒偷滴詩句發幽憤寫此千丈石投崖殞厥軀潭水清

天台詩選卷三

九

三

無極泉下見夫君妾身原不易弱質長閨門乃抱鐵肝膽
視義重如山赴死甘如食至今草木馨清風自朝夕溪山
凜如生過者不敢射嗟嗟胡中笏焉用好顏色

送弟原潤還家長歌

吾宗出自周文王畢公之後封麗鄉得姓於今幾千載支
分派別最久長中間賢知愚不肖豈能一一無紛更春秋
之世守不失戰國大將相縱橫漢廷名臣樹佳政德公高
隱居襄陽鳳雛亞等卧龍者南州冠冕皆琳瑯荊涪陵
鉅鹿三太守曰渙曰肱曰仲剛由晉入隋更華顯越東總
管來初唐涇陽一派到浙水廟祀千里專城隍堅公忠義

貫金石宋相德業尤輝煌大中祥符有台尉施仁積德當

餘慶爲愛勝地佳山水爰卜爰居寄此石湖之西岡五百
年來世益衍幸能不斷詩書香或於中秘校文字或以萬
戶宰鄉邦或爲節制威臨蜀或丞臨川居西江四一支
最豪俠明一支多善良剔去殘蠹附枝葉八子時稱麟
鳳凰石湖居士獨好學隱居樂義不與時低昂昔曾陰德
活人命國初兩被徵薦章託疾不起守世德乃以有遺名
其堂手植萬松繞居屋花墅山下萬松莊莊前莊後盡虬
翠十里一色千尺強餘功發我稼軒祖善積能散隨行藏
歲丁壬午邑大歉出粟千斛裨兵荒我伯我父守庭訓一

天台詩選卷三

十

三

門和氣生福祥庭前芳榭悻復秀堂上椿萱耆而康伯仲
孺典敘江右之新昌惟我與弟年最少弟更讀書能安詳
相離每動相思切幸荷看兄來大梁大梁新麥酒正熟一
舉無慮數十觴我兒鶴齡適去贅山右根兒執壺樵也將
外姪夏謨性獨穎能與榮子同趨蹌正好綢繆解愁緒又
聞話別添淒涼歸爲上覆諸兄弟諸子諸孫成百行合從
期功皆卓立衣食頗頗安耕桑歲時慶賀走各宅蠶蠶舊
居連新房更喜科名世不乏癸卯辛酉連翹翹只今秀才
七八輩豈無一二能傳芳自是先世厚積累致此榮盛非

尋常大家勉力做好事務使鄉里咸稱揚祠堂早晚加修
葺先世手澤慎勿傷遺訓俾典宜佩刻租稅及早輸官倉
更延明師訓童穉莫教困落隨牛羊我今年已五十四齒
牙脫落鬢髮蒼況兼無才身又病竊茲厚祿徒惶惶才難
不逮心自奮清慎一節安敢忘若得天佑我門戶稼軒祖
墓終焚黃更當乞身歸來山光水色與我兄弟一笑一咏
終餘生以徜徉

金山和唐人韻

萬里長江瀉衝巖逆浪分頽波支砥柱高頂入層雲帆度
東西錯潮來曉暮聞登臨有高興不覺散餘醺

天台詩選卷三

十二

曹娥祠

盱眙漫浪竟騎鯨娥也悲號亦墮溟頓絕豈知身尚在追
沉只道父猶生江山百里皆從姓骨肉千年未了情幾度
登祠看香火怪禽啼咽不勝聽

歸興

馬首薰風拂佩襟天公憐病護輕陰歸途正喜逢清爽去
路何須嘆陸沉素志敢云期竹帛閑情今已付山林傳家
賴有六經在借我餘光可討尋

花墅松聲

花野山岡繞長松覆綠陰好風時自至滿徑奏瑤琴

長洋草色

習習長洋路春明草色妍馬頭隨意綠不異在窗前

彭祖墓

在扶溝邑旁有明道祠

誰謂彭鏗壽桑然亦古坵何如程伯子香火自春秋

岳武穆祠

煌煌君命敢相違亦有軍中不受時望見金牌便返旆兩
河士女付之誰

中原不絕僅如絲正是人臣授命時一面提兵伸大義功
成歸死未爲遲

盧

字希哲號別溪成化丁未進士由刑部郎出知黃州府有異政江有楠木爲妖撰文投之三日

天台詩選卷三

十二

本自浮出收以爲學宮柱江思遂息歷知安南邵武二府以耿介作上官歸著有涉粟稿黃州集

征婦怨

尙作樵夫妻莫作征人婦樵夫相對貧征人相憶苦龍沙
腰金刀漁陽手鼙鼓遙遙千萬山妾眼長如覩

呂梁詞

時被讒謔得釋

巖牙排戟兮烟水深長鯨時吼兮驚羣心中流一箭兮達
平壤赤日中天兮神鬼臨樞花兩岸兮炤行笈白鳥一過
兮分青林薰風吹我兮清瑤琴嗚呼作歌兮空外音
北邙行謁曹先生墓有感

北邙山上樹成拱北邙山下多高塚西風蕭瑟秋轉深浮
烟慘淡淚如湧獨憐金帛起高樓燕去樓空成古坵牀頭
有酒廚有肴莫辭豪飲吹玉簫君不見墳前羊虎潭底石
銅雀臺中鎖荆棘

送李潘二侍御過臨清

千里迢迢地三年始到時馬蹄分去路鳥語送離危風物
還堪畫江山合有詩星軺臨晚發天末凍雲垂

送錦衣國章乃弟還雲南

萬里牂牁路千年棠棣情鳴騶空冀野孤劍壯邊城紅葉
浮雲斷青山落照平莫嗟離別苦隨地是功名

天合詩選卷三

十三

三

泊舟

一棹移江渚三更共酒杯扉清連竹瘦牆缺見梅開黃土
豺狼地青山草樹隈吾廬在何處煙雨上階苔

白雲寺小酌

侵曉出西郭薰風快綵衣一寺白雲定萬山紅霧稀野衲
悅冲曠稻花侵翠菲欲借琉璃簾睡足看斜暉

夜雨

光滅一窗碧聲回萬葉乾天涯迎還夢帷底覺輕寒花落
仍黏塊塵飛不到鞍定須郊壘上牟麥幾分看

黃巖道中呈謝方石先生

放眼山園我停驂鳥避人白雲開翼鳳碧草細鋪茵歲月
驚誰夢衣冠寄此身不知湖海裏烟雨幾番春

秋興

露墮池蓮倒風臨野樹號楚帆橫水碧關月傍山高南北
愁聞雁乾坤拂醉袍逢時應有頌捉筆愧王褒

夜靜梧飄葉簾疎菊吐花燕鴻知地主裘葛紀年華落日
一江水清風三椀茶西成堪足食歌舞集農家

蛩吟惟斷壁月落尚孤村浮梗憐羈思殘編識主恩冰消
風楫定山遠草亭昏輾轉愁千古行藏此道存

野燒緣堤斷林煙抱石浮數聲寒谷語一片淡雲秋海闊

天合詩選卷三

十四

三

誰傳鯉江澄獨倚樓舉杯酬令節天地不知愁

曉意

遲遲鐘破曉靄靄物生輝露重千林瘦天空一鳥飛塞風
橫此地江水炤誰衣獨笑多岐在忘言亦是非

歲莫懷天瑞汝愚二貶客用夏赤城韻

木落寒江咽不流百年世事未忘憂天邊消息誰青鳥鏡
裏勦名尙黑頭主聖便憐蘇子命地寬還着賈生遊梅花

冷落更籌緩一夜腸迴十二州

九日遣興

江南鴻雁隨雲沒江北黃花冒雨開客裏光陰年似月眼

前愁緒去還來誰將黑髮看庭樹且對青山促酒杯一笑
樊籠吾分在錯教鷗鳥浪相猜

過買一之宅

閒過青山處士家壺中天地別生涯鳥聲過雨曉來濕梧
影隔溪秋自斜花圃獨栽陶令菊秫田兼種邵平瓜此遊
驚與紅塵遠吟對屨聲數去鴉

雨中游東山東諸同游

冒雨看山意若何萬峯堆裏擁青螺梅臨淺渚橫斜見鳥
借寒風斷續歌敢以裙釵譏謝老閑將苜蓿對曼陀勸君
滿酌還徐步人事天時一逝波

天合詩選卷三

十五

三

次中秋有懷韻答章翠屏

江明星散會難收幾度搗尊上翠樓千里青山仍故態滿
庭黃葉又新秋金莖未解相如渴夔府渾添老杜愁寫得
一槭尋驛使數聲雲雁起沙頭

寄潘野泉親家

終日浮雲對碩人不知人世有紅塵狂來吹徹梅花調靜
劇吟通李白神華頂石橋雙脚力黃庭周易一家春伴歸
卻值清秋夜注目江頭月色新

搗衣曲

秋月明於晝搗衣不停手月影倚依人寄衣知到不

春游曲

柔花迷曉露輕燕掠長林白日繡簾靜葦烟草屋深

采蓮曲

爭唱入湖深荷風動羅襪爲惜初開容不敢隨手折

次韻答清狂索炭

庚嶺新年雪梅花徹夜寒丹成還乞火笑殺老豐干

鸚鵡吟

鸚鵡何年更有洲江深雲淡日悠悠平生不爲能言誤笑
抱梅花在隴頭

感嘆

天合詩選卷三

十六

三

溪水無情歲月流野花煙草赴羈愁不須更問東風信多
少黃鸝在樹頭

山霧濛濛碧草深仙人橫笛探春心臨風莫弄梅花調近

日東風屬杏林

秋日遣興

西風蕭瑟萬山秋古樹摩空寄遠愁何處玉人吹短笛一
燈挑盡倚西樓

折楊柳

數枝交影玉河邊啼斷黃鸝賸有烟欲折贈人人已遠滿
空明月伴孤眠

問鄧鴻臚疾兼送瓜

聞說微疴不下牀又孤秋色滿籬黃邵平亦是知心者一味清涼仔細嘗

問山東賈白齋

一官長缺買山錢何敢逢人問舍田獨愛淇園近君壑他時容得釣溪烟

贈節婦史氏

氏夫以海貢飄暹羅守節二十年後夫以通事進貢重逢送至南安而別

李陵何必悲蘇武蔡琰終當愧孟光我欲揮毫書故事一天寒月滿藤牀

鐵心豈許花同謝珠淚還甘海共流咫尺鏡鸞夷夏隔莫

天合詩選卷三

十七

二

看織女與牽牛

謁徐孺子

清風萬古一亭高閱盡浮華到野蒿昨夜伐檀歌已罷放教明月炤衾袍

賀李太學壽

幾年契闊隔滄溟今日華筵拜壽星不用持盃深祝壽吾師心已熟黃庭

題山水寄王大方

赤城山下石橋東中有茅廬隱卧龍愧我孤身湖海外千林烟樹一歸鴻

春柳

遊騎相將度水濱柔條翠葉綠裙新若能繫得東風住蕭索船頭更贈人

張敦

字廷厚號則古

絕句

汨汨塵中暫得閒扶筇欲踏遍溪山怪來怪石多崎險行到小溪溪上還

夏堡

號怡靜

山行

入谷身披翠恍奇兩眼忙魚鱗溪尺白鶯織柳梭黃雲斷天合詩選卷三

十八

二

山腰破花殘水面香多情松頂鶴見客舞斜陽

鋤蕨

鋤破青山雲敲落黃昏月兒女充一饒不知爹汗血潘慎

游華頂和噩夢堂

字永言號巢雲

扶筇攀磴若天登此是名山第一層幽澗墮林聲欲咽高

峯摩漢勢疑崩仙翁煉藥空遺竈老衲烹茶旋煮冰五百應真何處去斷碑無字鎖寒藤

許載

字崇厚號墨湖著有梅庄十咏

緣事吟

卞和抱玉璞舉世皆爲欺三獻被三刑寸心終不移一朝
遇明主剖之得珍奇所以千載下耿耿名節垂

吾聞柳下惠素以直道行三仕復三黜怡然心自寧舍之
不爲辱用之何足榮人生天地間所重身後名

對鏡有感

二十照妾時妾顏多美秀四十照妾時妾顏成醜陋苟使
照妾心妾心應似舊

遊石橋

笑指千山小吟穿一徑微野花迎靈戟嵐翠濕緋衣橋險
無人渡林深有路歸去尋方廣寺次第問玄機

天台詩選卷三

十九

二

賈

穎字宜寶號謙
亨泗州訓導

宿新昌客舍有感

日斜烟暝倦趨程草宿新昌舊旅亭記得往年同索笑怪
來今日獨開情野花濱水嬌爲態黃鳥依巢巧作聲強展
單裯不成寐一窗月色透疎櫺

方

叅字志觀
號菊隱

游華頂和噩夢堂

老矣華峰今始登芒鞋直上到高層羲之池午墨猶凍太
白堂春雪未崩秋雁從來能識候夏蟲原自不知冰行行
疲倦還趺坐笑看玄猿掛老藤

賈

恆字一之
號白齋

野菊行

秋來野菊花已明冰爲枝葉霜爲英江湖泠泠作瀟灑雲
山疊疊是藩屏生長何滋養壤力新鮮豈觀樂榮自能
吹香滿幽谷更能招影空滄溟何似名園紅紫開歌舞
舞倚生活朝暮揚塵轍迹多逸馬奔牛遭踐踏故將寒質
託孤暎不煩貴遊相品題天地生物各有情請看饑餓甘
夷齊

湘江烟雨圖

野人腸胃無江湖有客示我湘江圖湘江可聞不可見竹

天台詩選卷三

二十

三

林萬頃連蒼梧江雨霏霏江水濶江聲兩岸啼鷓鴣似訴
英皇怨不盡更悲水底忠魂孤千載陳情遠相感清愁無
奈君知乎君若知之益可愁請看滿幅春陰烏呼嗟曹謝
不可呼短歌清苦聊支吾

寒鴉圖爲潘子良題

三伏炎蒸如火爐感君出示寒鴉圖圖中寫寒豈療暑便
覺寒意生髮膚從來談冰不付熱講火自然愁酷烈世間
萬事多假設何必大冬真風雪

瀑布泉

飄蕭飛不停倏忽無常聲畫譜誰堪肖詩家寫未成無雲

終日雨有月微宵明擬待朔風暫來看百丈冰

次黃學師春郊漫興韻

騎馬尋芳歷水行水雲萬頃馬前迎桃花野角村墟靜曉
日漁船洲渚清心與蒼生曾有約眼看白屋豈無情閑中
若肯詢瘡痍病葉衰枝春可生

白題賈壑

誰遣一壑在空山天與山人待老閒石面不因溪雨淨杖
頭時帶夕陽還鶯花漸改人間世崖壁猶存太古顏流水
似嫌遊未數灘聲對我益潺潺

霞澗飲中小述

天合詩選卷三

廿一

二

淺石紋流水青苔繡紫陰新年連日飲此地獨開心

赤城山房

一龕古佛一面經滿屋閒雲不見僧我入雲迎出雲送可
無題作訪雲亭

雪窗對梅

窗幽檻靜梅花小一樹頻年炤草堂記得軟泥藏核子枝
枝是我手中香

國清

十里青松到白雲寺門斜倚兩溪分山僧有約遙相待笑
傍青藜立水根

姚淵字元潛成化庚子舉人松江通判

曉山

曙色蒼茫映寶花須臾散作赤城霞推窗漫拭雙青眼細
看層樓疊翠華

潘夔字堯鳳號野泉

桃花行

天台山乃錢塘之南甌越之間上有撐雲柱日千丈高峯
挺崒光下有奔霞噴霧萬仞深壑流潺湲是爲上清玉平
洞天府樓閣十二神仙寶碧桃吹香曉風煖蒼松鎖翠春
霞間中有綽約雙姝子玉爲肌骨花爲顏彼美劉阮郎採

天合詩選卷三

廿二

二

藥來此攜傾筐尋幽遠去不知極遂使歸路迷羊腸載饑
載渴日云暮欲進不進徒徬徨且攀桃實爲餓糧且掬澗
水爲渴漿一瓢何處忽流出知有人家居上方且涉一水
盤一岡可人止見雙姝行雙姝笑相迎喜氣回春陽問郎
來何晚相攜入洞房與郎夙世有緣契共郎結作雙鸞鴛
便呼小玉排金鎖開綺窗珍珠簾前珊瑚帳雲母屏風玳
瑁床四鄰仙客來相賀手持七寶玻璃觴酌郎酒勸郎嘗
願郎慎勿思故鄉胡麻飯山羊脯願郎飽餐心弗苦丹雘
歌白鶴舞金童吹簫玉女鼓油雲膩雨昏自晨仙家日月
四時春翠禽無端巧僂舌隔窗喚醒思歸人耶思歸心何

太初只爲塵根難斷絕，留郎不住送郎行。袖羅掩面難爲別，攜手行行出洞天。欲尋歸路何茫然，只見崩城敗郭慘。淡炤斜日荒村古，隴蕭索凝寒煙。甫欲詢子孫，子孫已是七葉傳。甫欲詢故人，故人已是枯骨消。黃泉只在中，方半載。豈知世上成千年，進無所依退無據。卻憶仙家舊遊處，撫心惆悵欲往從。奈此千山萬山隔，烟樹雙姝有約不負人。到頭畢竟還相遇，何人貌似仙家踪。縞素歷歷回靈風，主人索我寫枯語。惜無健筆難形容，舉頭遙望天台路。赤城霞氣橫天東，神仙之說未必無。但恨凡胎濁質難相從。

天台詩選

卷三

廿三

二

湖堂月夜書事

雪殘竹林草堂孤，月在梅花影在湖。漠漠山無一鳥過，寥寥吾有短筇扶。清寒極處神逾凜，獨夜無人賴自呼。夜半還歸窗下坐，只含冷興味河圖。

荒祠

側望青山舊草堂，正憐寒日半牆黃。一階短草欲暮色，四壁無人空隙光。荒村野畝殘雪縞，細路遠岸生烟蒼。叢竹梅花是何處，淡然又入小詩忙。

登山

上盡青山石路苔，始臨絕頂俯江開。長空不着一鳥度，海

際忽驚雙槩來。頑石翻倒虎豹死，怪松舞斷蛟龍摧。酒闌訪古披雲路，拂破青苔第幾堆。

石橋

石梁幽處人不到，陰木十里森蒼寒。直下青苔深壑底，仰看飛瀑長松端。重翠濕衣涼葉響，明蟾欲墮曉霜殘。更尋水石窮奇處，橫閣先生一釣竿。

梅花

短籬處處清埋雪，山落家家冷放梅。破帽鳴風驢背坐，幽香浮日水邊來。詩情到骨如冰玉，野色依人欠酒杯。好把清琴瀉溪瀨，夕陽留我未西頽。

天台詩選

卷三

廿四

二

五峯

入寺五峯開出寺五峯合，峯峯有寒翠。白日滴松葉，

月夜看菊

花上三更霜月白，籬根一個草蟲鳴。人間萬木渾如睡，只有黃花共爾醒。

王

鑑字崇重號松窗成化丁未進士工部員外

香閣幽恨次賈謙亨韻

風冷雲屏春冥冥，冰肌曉怯香羅薄。忽聞纖手拍玉肩，推枕徘徊夢初覺。起來花臉半含羞，臨鸞慢整金搔頭。緩步香閣出，繡閣衷腸欲吐又還留。已知芳譽垂仙錄，不向藍

田索雙玉可是尋常奉箕帚當與公侯託心腹袖中抽出
金碧絲上天去織雲錦衣時人豈識補袞手高才應與天
孫知日月無光炤盤覆蜂蟻時來吐辛毒縱使厖聲驚我
心還擬瞻烏集渠屋東鄰醜婦何險巖西鄰拙姬何婁羅
銀瓶細絕不必弔玉簪已折空勞磨叮嚀大家且絃默珠
殿瓊宮暫相隔天生麗質不可滅時來選在君王側雙雙
黼黻渙綸音寵恩深得君王心回首香閨寂寞處始終一
點冰雪枕

國清

寂寂空山與世違白雲流水護柴扉草荒石徑無人到月

天台詩選卷三

廿五

二一

滿松壇有鶴歸貝葉陰幽垣古塔琪華香老炤空磯壁間
畱得紗籠句深夜有光明紫微

殘春

乍看飛紅覆綠苔客懷又是一春回東風便覺無張主滿
路楊花逐馬來

和曹弘大韻

功名何必太山齊老鶴空中亦倦飛一枕羲皇清夢穩半
窗紅日鳥頻啼

寫懷

杜鵑啼血滿幽林啼到更深愁愈深驚醒客窗欹枕夢十

年塵事一酸心

簾捲東風燕子飛營巢終日掠香泥哺成乳翼雙飛去話
盡春愁只自知

孫

豸字志忠臨
邑教諭

送劉大尹朝京

萬壑千山雨後天輕衣北渡曉江船鐘聲驚動三刀夢海
晏天寬蚤著鞭

夏

鍊字惠華福
清訓導

題紫陽化身處

先生羽化已多年喜見新祠傍水邊金鼎久封丹竈火玉

天台詩選卷三

廿六

二二

爐香透紫檀煙鶴歸華表春長在雲散西江月正圓要識
神仙原有術不須長誦悟真篇

桃源

斷崖飛瀑勢層層細路穿雲足倦登澗底嵐深琪樹老洞
前春煖碧桃生煙霞縹緲無人跡流水微茫絕鳥聲欲問
劉郎何處去滿山香繞藥苗青

岳武穆王

出師萬里事垂成南渡君臣各異情大將有心安社稷天
王無意望中興金牌十二持南國虎士三千泣虜庭禍遺
蕭牆人不識北朝原自有書生

宿寧海崇法寺

古寺今朝帶雨登山前山後樹層層倚門看處紅塵遠茅

屋半間雲伴僧

魯諫字公輔

臘月舟次偶成

兩岸少人煙孤村一繫船客心愁雨雪鄉夢隔山川擊石
炊松火敲冰汲井泉何如閑傍犢耕治鹿門田

許崇高名在號友山

環翠樓

百尺嵯峨聳渺茫四圍秀色鬱蒼蒼綠陰遠映琴書濕清

天合詩選卷三

廿七

二

氣遙連枕簟涼雲起疎松撐翡翠風涵修竹奏笙簫於今
吳越遨遊者貰酒何曾醉岳陽

楊一奇

字瑞夫號靈溪通道教論

溪頭獨坐圖

誰貌英雄未遇姿頽然溪畔似真癡揮毫寫乘軒態追
憶無言獨坐時

夏

均字宗壽號拙誠

詠泉井

疊甃規成巧韜光鑑古今泉澄沙影冷苔腐屐痕深日蘸
波紋起雲篩月彩沉沄沄源不竭永振輓轡音

天合詩選第四卷

明許鳴遠帶存輯

裔孫佩藻重校

明

夏

銖

字德樹號赤城巡撫填子成化丁未進士不樂仕進乞就近府縣職吏部尚書王恕惜其才不許歷官大理評事等疏救庶吉士鄒魯進士李文祥御史湯養等諸所陳奏皆切時弊屢以母老乞歸卒日貧無以葬侍郎新昌吳公為舉其殯赤城生平詩文以擬退之文集先梓於天沈氏繼王武守廷幹又增刻之趙方龍於馬合二本參校以先生自定本為的與會稽待御俞汝虞重校板今所傳本是也

投高明寺

深山小路脚帶鳴泉澗收磴起雲斷石聯碧落過興地底

天合詩選卷四

一

吹烟險中集勝理或補偏計程量晷跳下青蓮

遊意

空山杖履獨樹孤雲何以寫意有箇無琴

鄰園

鄰園足幽討露草無行跡泓延竹溝清菴藹蘿戶黑方池
片雨過回風吹樹仄不見灌園人霜畦帶煙碧

遊蔣山

泠泠玉澗泉鬱鬱鐘山石至今秣陵尉逐盜畱遺跡畫欄
秋雨深繡瓦春苔積升階眺靈光寒日挂松柏

登冶城

天清登治城曠望開襟抱涼風送雁遲缺月墮江早回首
弔荒墩長歌起煙草日斜驅馬歸彷彿西州道

入寺

鳴鐘風滿廊正午衣裳冷院中無人來獨立空庭影飲水
開道書呼童汲深井

新涼讀陶

涼風款四體頓失三伏熱一卷手中書復親陶靖節提翰
出心素新疏陶治別語多超然會思或聞而冽循聲若比
屋賞韻乃殊轍篇章誠獨步風槩亦孤絕

初冬

天台詩選卷四

二二

冬初風日好閒館雨洗餘垂蘿四壁靜行蟻空階除高林
未落葉綠映手中書

遇興

庭柏散疎雨牆蒿弄柔姿美人隔窗戶遺我長相思相思
空悵望白日下青嶂妙曲雖不揚無言怨牙曠

卧琴雙膝上含情共不發美人隔秋山不彈嗟遠別秋山
一萬重豈無雲路通愿攜金徽去負重難相從

大化去不回閱人自成世昆池有劫灰榮名何足恃西爭
日月光日月將墜地即時一杯酒尊羹有深意

遙遙隴西鳥辭家向中州金籠觀光彩未叩聲先酬似言

生處好常懷琪樹頭何知白日暮做此綠貂裘能言終爲
累客苑薤青坵爾身亦何求嗟嗟鸚鵡洲

巫山有神女憲像何微茫能傳宋玉賦轉使楚王傷雲歸
無處所詞在白飛揚焉知非托諷豈獨貴文章荒淫成夢
想君看祖莊王強壘不暇飲而暇夢雲陽

歲暮何所懼但有階前月下彈十指弄冰雪初歌
商嶺芝再哦西山雪若無此曲清何繇對霜月

任公爲大鈞投竿破東海芳餌五十情終歲力不怠歲餘
始得之蒼茫何杳隗牽肘若轉山騰波灑千里揚聲晦白
晝終然就蕭蕭若無久待誠何繇厭若腥眾人惜小貴大

天台詩選卷四

三三

事故不成

榮華若桃李依倚春風勢朝爲日月光暮作冰雪霽青鳥
幾時來朱顏留不住已已復何言貂裘采藥去

願隨黃鵠去刷羽玉井瀾黃鵠不我顧六翮空攢屹孤鳴
天路遠響落彩雲端咸激雖自此偈塞高飛難吾將訪玄

鳳飲水憩丹樹

幽鞠生南園晦此芳時令金玉比佳色冰霜見貞性春蘭
久矣歸芳香與誰並月中有桂樹同聲豈相應

伯益始作井龍去登玄雲醴酒一不設危幾復前聞去人
看顏色聚訟期紛紛明明當路子信武亦昭文如何覩榮

利階折方欣欣世事已如此吾言復何云

遊赤城寺

荒池響蛙鼃古殿空丹漆客來掃紫苔共卧青山日逕回
秋草長中有優婆塞飽霞出寺門松高鶴飛一斜陽流水
外人影燒山前長風起西方吹月上空天月色夫何如皎
皎青竹興在輿夫何如一吐雙月珠名山一爲梁霜清陂
水涵曉拂梧桐枝即事不如昨但恨瑣飲人無才稱大杓

蚤發延豐寺聞趙栗夫在黃巖郝性之已抵雁峯矣

趙郝期我來崎嶇憩蓮室山長路不盡再落青天日青天
何茫茫白日復東出欄馬驚人起林鴉啼曙畢僕夫破煙

天台詩選卷四

四二

去脚帶霜草疾清雞過白村朗月指黃邑二公柏臺秀手
弄謫仙筆閒尋謝康樂笑理登山屐翩然過微廬去矣手
頻執趙公主文字未解黃巖緯郝公官事了身先兩峯人
夏子在歧路寒風正蕭瑟推毫且傾瓢前路未一一

偶行作

連雨報初晴溪聲涼入樹行呼竹林伴笑向亭中去此處
若通塵再卜清心處

閒意

推窗見落葉誰識歲莫心衆人狗所欲志士但悲吟雄劍
鳴匣中塵埃何處深

登金陵報恩寺塔

浮屠屹屬空高步足幽尋解帶投瑤戶回梯盡閣閣暗出
蛟龍腹牙角羅環琳危窗過白日鳳鳥翔其陰氣凌三山
隘標鎮五天深寸眸圍八極懷抱曠古今歌弄太無理隨
風憾清音舉首問玄宰俯聽列仙吟惜哉六代烈舜禹薪
梧心天地久豺虎崇高興荒淫輔世亦有道驅車但從禽
趨去履平地許身雙南金

秋日閒居

遁身閭里間且免形跡拘散髮出門去嘯歌烟水區儻來
扣旁舍盤饌隨耕漁既飽各分散歸覽案上書抽帙恣所

天台詩選卷四

五二

欲客至偃蓬廬本自懶將迎久與世中疎

曉起郊行緬懷石橋華頂舊遊

秋氣入練幃涼卧不覺曉童奴卷衣出窗色白顚顚盟櫛
須待人呼求朝務了把書仍嬾讀去去溪亭好高霞過雨
明灌柳辭煙蚤興來還獨去郊行即幽討風襟度園竹露
屐侵行稻野壁暗垂蘿寒塘餘采藻愿言窮勝界往跡今
已掃

秋興

出門望所思雞聲遠煙谷愴怳垂蘿徑微茫入林屋人行
連樹陰犬吠小池綠自非息心侶誰來願幽獨

亭中

野亭落葉深不遺家童掃掃葉見苔痕不掃意自好刻木
加青黃作用非吾道

雷公

祝融放火燒白晝雷公驅水來相救頓令大暑去几席更
遣清風入窗溜病夫睡起出戶看白雨走階檐不覆黑雲
遮天不見日霹靂打破青天漏須臾日出如沐浴淨洗光
輝臨宇宙病夫噉天白上帝請拜雷公爲盪寇

龍鼻泉歌

巨靈何年一血指劈開百丈蒼色石驅龍出山不出山至

天台詩選卷四

六

二

今尙有蜿蜒跡雲斷天乾石自潤龍息深深泉一滴世間
萬事見者真病眼摩挲尙青壁

望白鷺洲作

白鷺曾向江心過等閒坐占芳洲草朝飛暮宿自成家碧
沙綠浪區中老江上雲光雨乍晴洲前樹色獨分明謫仙
只說新林浦我亦金陵看水經

久別離

美人別來良悠悠絨書不寄畱牀頭桃花幾回釀紅泥紫
燕雙飛入翠樓傾情寫意心相結綠酒金尊對芳節對芳
節恐遲莫涼風生鴻雁度別鄉千萬里離心竟前路

中秋對月

難得今宵月完完已在東氣高行物表規小着天中不說
秋毫末能令夜色空願畱微燭照點點付長風
坐久牀陰轉看多願免愁清涵九地影潤接一河流玉漱
平堪掬金光迴不收誰言人間世不是廣寒遊

歲暮答客

客來強我語客去但高眠小寢春催柳孤城臘送年因循
看劍佩磊落問炊烟及物非吾事饑鳥啼墓田

送客還飯陳村移宿下西山因志喜

喜在安耕鑿從人問麥麻雙門臨野水獨月照田家犬卧

天台詩選卷四

七

三

長松樹雞棲短菊花本憂民力竭蔬肉戒紛奢

明巖

山圍十畝地仰面見青天我來三出日只看一噴泉丹壁
從飄拂銀河與接連自將分硯水畱姓白雲邊

送約齋周大參還鄉

爲客憐渠久商量獨此翁分詩勝果寺對酒上清宮道恥
狗時合文能背俗工聚離朝暮事江海此心同

燕京對月

五載重來客長安看月圓秋光近北闕流彩過中天八表
同時見一輪何處懸丹心空自許慘澹曉雲邊

登鳳凰臺

未能逐鷗鳥且上鳳凰臺江帶天聲落山將海色來登高
無好句爲客只深杯望極燕關北歸懷幸少開

精潭

不着一浮萍清將活水屑竹涯添淺綠苔壁亂衣背擁霧
涵明鏡規沙閣小亭更兼湍急下紇管日來聽

佛國寺看竹

玄棘白蓮西公餘獨杖藜此君吾雅舊一見許相攜徑鶴
高低合窻禽來去啼虛心原不染淨理與蓮齊

黃浦阻風先寄銅鈍二弟

天台詩選卷四

八二

夜發華亭月晨炊黃浦煙魚龍吟白晝雲水漾空天平日
不到地北風未住船遙知兩阿愚迎望眼俱穿

靈巖

僧迓緇顏見峽開青不關奇峰立五六遠客笑中間朗月
待今夜美人期此山短歌招玉女雙跨紫鸞還

和同寅雞鳴寺韻

二里城西路雙林擁貝宮烏啼禪榻靜花散佛衣紅山墮
明湖裏人遊碧落中五雲飛極北江盡望無窮

巾山十詠

其四其八巾山詩如日光初射地山翠
欲吞城掃石留痕影歸雲帶鶴聲山色春

城酒江聲夜燭花白日寒江
駛青天落木疎等句俱佳

睡起雙峰濕驚回片雨收野鼠行詩卷山禽掠酒籌海天

先得暮江月只宜秋一筵誰家發隨風到上頭

十年雙蠟屐百里一青巾石磴提攜舊詩聯警策新神仙

遺底物天地老何人頗愛任公子吟邊足雅馴

與王伯安夜登塔山

秉燭暮何之聞山不敢遲白雲封欲迴清露濕相宜僧定
自禪榻鶴驚空樹枝有懷支許攀塔盡草離離

陪祀發昌平

倦馬方辭樵鳴雞已在田松風藏五寢雲日露全熱赤羽
猶乘障黃茅未款邊瑤臺將事日玄朔亦祥烟

天台詩選卷四

九二

萬年寺

風雨重山暮煙雲近寺秋壯遊今日始長嘯八峯頭地迴
雲芽長庭空木氣浮真成無上乘猿鶴不啻遊

寄李天瑞

舫中琴詠起相求往往神交水上投冰雪栖遲雙旅雁江
湖憔悴一眠留阜囊何日上封事白髮新年憶遠遊聞說

賈生宣室召欲乘病舸離鄉州

野望

玉筍峯前沙苑外杖藜隨步散冬初高天落日江波遠平
野清霜水氣疎禹穴斷碑山北盡神橋遺事海東虛孤城

歲晚寒煙裏悵望空歸誰與居

黃巖路

兩舍雞聲篴竹地數椽林影白雲村千山北望連華頂萬壑東行到海門渡口烟曠畱短筵道旁冰雪霽微痕謝家酒賦經年斷去坐方巖仔細論

遊雁宕呈趙半江

十年去厭山中卧今日來消海上憂天開繡壁參差入地擁香雲次第收前頭恐有扶桑樹過眼不數蓬萊坵未扣玄關訪金液且將海水問陽侯

舟住張家灣

天台詩選

卷四

十二

秋盡不騎燕市馬病來獨上潮陰船桅檣水落猶高岸旂旆風生亦近川鄰女悲啼空遺問故人談笑不忘眠淹畱未覺歸心切黃柳白鷗春可憐

王公草堂

凍雪依人祇閉門春風提杖踏沙村草堂自對梅花發山鳥爭栖野水昏竹裏刪詩驚杖屐雲中沽酒走兒孫白扉今夜畱明月喜及衰翁共一尊

崇法寺次韻

半年城郭一閉中寺裏行歌又落紅梵室人聲蘿戶黑香臺鳥跡石欄空龍歸優鉢半山雨虎過旃林滿寺風擬就

閣黎三日醉山杯不似野情濃

九月羣飲復攜酒江干賞菊

蒼茫徑路遶蒹葭清影相將度軟沙江漲不漫紅樹裏月殘還照白雲涯東流一杖風吹鬢北斗三更水浸花醉卧小舟調牛女便當銀漢弄星槎

岳武穆王

肩輿逐暑至湖邊樹裏丹楹再拜看四壁風塵迷甲仗千年雲水誠衣冠至今有廟祠諸葛他日空碑壟謝安志復中原誰獨苦商量一字寫心肝

天台詩選

卷四

十一

三

岳家祠廟金湯重畱與乾坤歷大奸終古函冤湖上土幾人回首望中還天王自足三分國大將空爲九仞山却笑欬嗽中夜起至今一語在人間
金牌十二映斜暉唾手燕雲事已非天意似憐諸虜盛人間斷送此軍歸空教督府推神算終遣書生識禍機他日誰將百口保忠肝義膽路人知

歸途依韻和周時可先生下車登浙江譙樓

極知霞上有雕欄方伯登臨一饌間人語來看朱鳥外鐘聲去和白雲閒樓臺此日驚春暮江海他時識面難賦罷虛教題紙送負公詩債不曾還

雪後餘寒獨步尋訪

紫霞面面映青藜獨步風泉傍石溪雪意尚留山日薄煙
痕欲盡野牆低未曾攀折香隨手準備吟看酒滿棹款坐
晴沙驚落片還尋荒薜問幽蹊

前川

風輕日白午天幽郭外溪邊即勝遊花萼乍明來小院柳
條初散近高樓老翁穉子逢春語野客羈人到晚留共說
年年行樂地朝廷有道自消憂

和潘梅壑再辭徵辟韻

霜毛一枕未拋書贏得身閒註楚辭道在菲羹憐屈子書
當軟媚笑羲之四科辟士無虛詔百里辭堂有好詩謾說

天台詩選卷四

十二

三

學通高尚士淹留我亦負清時

畢方伯父母齊壽八旬

仙鶴參差舞誕晨燭花遙向故園春萬無二品生前養百
有六旬堂上人翠翟烏紗饒雨露長庚寶婺爛星辰雙雙
眼裏方瞳子看到孫枝奕葉新

春日紀遊

相尋出郭消愁地不近山樵近澤漁細水隨行人個個晴
沙擁坐柳疎疎林鶯起徙雙歌罷市酒提攜一笑初燕微
杏園仍浪跡不才多病欲何如

笑逐鄰翁乞午觴酒闌隨意散林塘雙禽自睡青苔巷一

杖驚飛翠竹牆雨過乍如潘岳園花開亦似杜陵莊春風
旁舍不行樂何用天涯憶故鄉

和韻贈林居魯

金華書來委篋塵白頭相見問何人越山偃卧居閒好燕
市過從酒債新多病百年須我輩晚來一笑更情真南行
不道能相逐同看江流憶紫宸

京城積陰始開病間書事

正月下旬冬涸在五更鳴雨曉雲開牆頭日出翻林鳥階
面泉流漱石苔雪色九門猶黯黯花枝三苑尚低回官曹
曠跡淹多病歸思春生不易裁

天台詩選卷四

十三

三

和何老先生大司馬八十自壽韻

嬾作三清上上仙脫身來濯五山泉園同迂叟獨行樂榻
亞希夷有睡緣肝膽未忘經世業齒牙纔及後來年登高
賦就南飛曲越絕東頭各暮天

宿江心曉步雙峯同遊則高南郭

雙崖過雨苔收滑赤日上天雲亂開三山只在遠色裏一
鳥不度晴空來焉知疊浪非鯨室欲借雙洲作釣臺踏遍
長廊連石磴杖頭今日洗塵埃

送王盧同年赴召

童穉相看雙書錦忽聞嚴召欲駢駢澗毛流水原同調雲

翼高天不共飛且乞斑衣容老母羞將好事與心違別來
面目君須見只在高樓望帝畿

華頂

二十年來兩度登學空還上最高層山形北盡蜿蜒起海
氣西流混沌崩三閣烟蘿空對雨一亭風露劇圓冰百年
未滿勝情在拌取杪羅映紫藤

新霽即事

溟波日出山烟開雨濕城頭霽曉回綠樹影中騎馬去碧
湖光裏放船來搖鞭每指屏風嶺解帶還尋望月臺一曲
菱歌聽入郭始知門外少塵埃

天台詩選卷四

十四 二

舟次張家灣

雙闕來駐潮縣旁百年登覽此風光東臨碣石三山遠西
望河源一水長去國逡巡宮樹綠還家迢遞海雲黃未言
行止饒文字且盡春前病後觴

望金山

十年聞此水今日見金山舟楫分明在風波欲渡難

題潘子良畫山水

周秦俱失鹿山水自青空草玄人去後淡泊在隆中

見歸戎

碧山歸暮客紅葉渡秋溪白頭尋舊里門巷不曾迷

見離人

今夜月色苦離人此出門人知門外月還照幾黃昏

相和歌

美人羅帶長風吹不到地低頭採玉簪頭上玉簪墜

移舟

泛月尋山寺移舟宿水亭好風吹雨過仍卧一潭星

柴門

二里溪橋路人家水影中柴門經日掩紅葉滿籬風

方山

亂冠緇袂微呼几玉亭亭不見巢雲子寥天虛翠屏

天台詩選卷四

十五 二

瀑布

號空出雲蘿墮地作煙雨我來三出日屏息不得語

梅花

野水槎邊去梅花石上眠病夫無料理閒管一溪烟

柳塘霽色

綠漾風紋細黃垂日綫齊一年春好處回杖柳塘西

館寶雲別寺僧

煮茗分禪榻看花悟佛乘甬東無限寺只與寶雲僧

臨溪歎

好日臨溪石激激風吹衣中央水自去四面山空圍

送春

把君今日殘滿送春風去明日又誰家南園看綠樹

古寺梅

玉種旃檀隙珠搖定水波空林人不到香趁病維摩

月下獨坐

一片秋空月流光在戶庭更闌人不寐蟋蟀壁間鳴

友人別業

鳥語四檐靜人來一室清龍琴掛素壁風動自成聲

初夏岳祠別室午枕

丹棘一叢苔甌紅樞幾點竹屏鼠跡閉窗乍到鳥聲午枕

天台詩選卷四

十六

二

初醒

香縷細縈素壁松絃只隔紙窗有酒不須更去眼中一榻

無雙

幾家門巷如水一個衣冠似僧已借閒窗几榻不妨淨院

香燈

晚眺

低日射人千尺芒野風吹斷晚蒼蒼山歌一曲騎牛去家

在林鴟第幾牆

門外晴溪日幾回白沙巨石溪塵埃浮烟翠練穿山去月

掛銀鈎人水來

吳掌教寓舍看菊值主人不在

細雨斜風濕面來冷官門戶盡常開入門數盞黃金菊不見陶潛籬下杯

間日新齋蒙招飲花間

泮水東頭苑滿園清香吹到野人門明朝更約看花伴認取青苔舊履痕

臘月望見月

牢落空江客影單冰輪飛上水光寒閨中此夜思千里一樣團圓兩處看

除夕

天台詩選卷四

十七

三

孤舟夜泊驛門前燈火家家正未眠遙想高堂應念我兒今何處送殘年

遊開法寺

青鞵白路出門閒便濟深深望遠山滿地野香垂手過一潭晴影看雲還

夏日齋居

鄰桑分蔭過牆西燕壘蛛絲戶牖低獨卧小齋清似水盡長惟聽一聲雞

秋夜與客論北邊事

肉食何人補袞忙白頭野老說行藏草堂一夜南風急恐

有微言徹帝旁

暑飲張都閫爛柯深處

一幅湘簾雲影淨半池梅雨石痕新爛柯深處無人到除是桃源洞裏人

送陳訥齋秩滿北上

油幕飛塵到亦稀十年官冷釜生魚旁人莫道歸裝薄抄盡雲房石室書

畫茶

攪得村園紙上看紫霜萸滑露華鮮良工健筆如流水不寫司徒食萬錢

天台詩選卷四

十八

三

自述

病鶴已無鳴澤韻苦匏猶有濟川才年來動止君知否慣向人家乞酒杯

山中雜興

門外清江是釣家白頭漁父卧晴沙虛舟一個午風靜流向中流載柳花

雨過春山偶獨行藤花穿木小菴清半窗綠意無人管付與幽禽三兩聲

行過深溪放馬蹄草茵鋪到小堂西陰陰竹路殘花滿童子開門鳥自啼

何處風光欲斷魂水邊雲裏有芳園馬蹄不識山家路相趁溪聲到小門

泊舟

落木孤村帶夕曛寒鴉飛盡水沄沄故鄉此去一千里終日船頭望白雲

次蘆萬紀

逢人一醉秣陵秋回首新知是舊遊他日相思何處所敬亭花發又春愁

送李德舉守長沙

把酒逢春江上頭白雲兩地更悠悠行人若問金城柳依天台詩選卷四

十九

三

舊青青滿御溝

畫鶴爲張都閫希孟題

一筆能傳萬里心春風吹雪午堂深更須寬買明州絹添寫將軍大樹陰

梅

雪伴烟籠添寂韻天空日白奈閒愁屋西三叉尋梅路段段苔衣破杖頭

雞鳴寺雨中晚眺

蔣帝山高幕府空雞籠頂上望西宮傍人莫問六朝事只在滿城煙雨中

廣陵

九曲池亭龍氣消誰家水調並蘭橈眼前亡國無窮恨江水東邊是六朝

送同年輩德隅

纔是王郎又董君朝朝騎馬大江濱從今分付臺城柳不辦飛花只送人

原注昨日送王天德

十五年前紅杏花與君同日映烏紗于今更折臺城柳別意春條亂似麻

題湘皋烟雨竹

半幅蕭颯帶雨看苦心誰遣寫江天怪來昨暮湘陰報失

天台詩選

卷四

二十

二

卻東皋一段煙

七夕口號

蚤年不落王韋套中歲應無乞巧辭若問老夫今夕事生來不作女兒詩

送張推府

涼傘輕衫避俗巾荆湖歸去拂清塵于今世上無真眼只有梅花識主人

初夏

盤簇青蟲新啖麥箕收紫葢遠條桑清和時節無多景閒坐空庭看燕忙

明巖方竹

方外人情供細藥眼中物理課新篇八寸關前此君子一樣無心獨惡圓

咸春

桑疇散綠雞孫悅花塢埋紅燕子忙年事幾何春又老卷書不語坐匡牀

方正學祠

野廟荒城舊里閭松檐雲棟自清虛先生氣與商薇盡只恐英靈不肯居

一個爲忠九族亡全身遠祿亦綱常夷齊死後君臣薄力

天台詩選

卷四

廿一

三

與乾坤繼首陽

西湖

淺山疑黛水疑臙定有湖靈似美姝試向船頭問黃帽淺波襪子見來無

綵船綠岸聽鶯聲喚起跣趺遶岸行西北殷雷將雨過片雲不礙六橋晴

三年七度醉湖雲湖上雲來一一聞昨夜湖靈乞詩話斷歌歌似雲中君

西湖更著岳王墳粧點西湖壯水雲幾度繫舟楊柳去醉圍絲竹看碑文

三絕句東寄潘子器

豪傑爲文惟已出次猶師意不師言杜詩左史家家楊獨
怪崆峒是別門

篇章對客謾評許紫色原來認不真詩自晚唐文晚宋至
今誰是起衰人

陪祭諸陵歸不知者擬索一賦答用一絕

馬蹄三日遊玄圃輿地全燕壯帝都共說子雲多賦料袖
中桑土一行書

題潘子良徵君林下一人圖

誰家健筆向秋深看起紅塵淡淡心不數楓階鳴劍佩只

天台詩選卷四

廿二

三

圖遺老在山林

輓邑令方公

百歲伊周虛事業半年召杜結民心廉頑自有清風在不

許西山重士林

理書

簡識分釐手不支九流四庫眼中滋卻憐學殖今荒落記

得祈招一首詩

徐廷試

字宜舉號東谷成化庚子舉人吉安府通判

九日泊舟濟寧與同年飲太白樓遊觀瀾館

中秋纔過又重陽節序更新去路長籬菊吐香秋意老江

雲凝碧午天涼謫仙樓訓碑銘古畱鶴亭觀濟水茫摘友
登臨思禹蹟不辭劇飲共徜徉

楊一貞

字吉夫號靜齋榮府伴讀

遊國清

肩輿十里憩山堂晴旭遙連遠樹蒼雙澗水聲清到枕五
峯霞氣醉飛觴疎鐘林外傳霜信古塔峯邊挂夕陽護道
得閒僧共話丹心猶在紫雲傍

題伴鶴山人卷

年來味靜只宜山獨與山中鶴往還高枕石頭山月上夢
回人與鶴俱閒

天台詩選卷四

廿三

二

和嚴誠心先生辭辟歸舟圖

到手功名誰肯休先生苦憶北山遊門前春浪高于屋閒
卻江頭萬斛舟

奉和周蓮渠大尹春雨韻

清時誰解素餐羞明府朝朝抱百憂要使四方無瘠叟廟
堂須是相韓休

寓岳州送二弟方齋之任雲南

柳色長堤一望齊岳陽門外曉風輕片帆直向君山去楚
北滇南兩地情

王

薊字廷錫號石峯

冬至日遊隱巖

一陽初復日又上隱巖頭風景先春暖壺觴傍石幽素烟
穿落木青嶂映寒流拭目千山迴驚心兩鬢秋笑看飛漢
鳥閒逐陸沙鷗行樂都無訝人生夢裏遊

病中

抱病日如年愁眠夜難旦燈暗落殘花天寒叫新雁

題陳以莊杏花一枝畫

一枝筆底奪天工粧點佳人臉暈紅可似上林新着雨醉

扶春色款東風

夏

鑰字德文號南川

天台詩選卷四

廿四

二

宿蘭溪

嶺頭殘雪擔頭梅迢遞關山東復西夜半酒醒何處夢滿

蓬煙雨宿蘭溪

梅花

野店山橋報早春鳥聲山色漸爭新誰知落葉萌荻底只
有梅花是故人

梅花月夜

山松老幹一枝橫此地煙雲只我爭夜靜碧天眠不着滿
溪流水月三更

王宗元

字子春號西軒有德而壽夏赤城錄爲作西軒記

南山秋色

倚杖望南山疎林早送寒風高天宇淨霜落水痕乾紅葉
依人舞黃花帶酒看一年推好景尊興比陶韓

清風廟

婦人不著冠爲難凜起孤風天地間北面臣胡千紫綬中
流砥柱一紅顏精神敢與日同赤義血能於石上斑到此
反令男子愧解嘲全倚首陽山

讀崖山誌

岳侯欲蹂闕氏血忠簡乞竿秦檜頭宋室若能從兩策崖
山豈復列千舟運移宋祚人難勝星散南天海亦愁前度

天台詩選卷四

廿五

二

廢興都不管早乘旦氣理箕疇

寄華雲龍鎖門讀書次邵二泉韻

三月西齋不出門披圖玩易見義墳方塘忽得源頭處更
比寒泉清幾分

許崇仁

名集以字行號任真成化庚子舉人潮州通判

過鎮江

扁舟南去思悠然水色山光接遠天風定波心凝皺綠雨
餘谷口散輕烟潛魚出戲蒲芽短歸鳥爭飛樹影連吟罷
掀篷遙注目長安只在五雲邊

瘦馬

一身雲霧四霜蹄汗血功成力已衰肉眼不知毛骨異只
於官肆覓龍媒

姜 燧 字廷仁
號三泉

晚秋至國清

溪長清注郭寺在晚秋天塔影雲端落鐘聲樹裏傳板橋
新跨水藥籠舊生煙竹底逢僧處看花供午眠

秋夜宿陳公草堂

歷盡寒山千里蒼喜從樵者共秋光半輪月上柴扉白一
陣風來巖桂香愛爾無求爲客少傾尊相對話心長閉門
試與看星彩浙浙林風天欲霜

天台詩選卷四

廿六

二

閒坐有懷赤城先生

吟疏怕見書盈几醉劇還看酒在觴佳客不來嫌畫永碧
桃窗外自吹香

秋日散懷

樹色天容早換秋此懷未與二毛愁西來一片疏疏雨喜
有新涼到小樓

濕雲窗外收殘雨野菊籬邊媚晚秋酒伴不來呼釣伴脫
簑貰飲且銷憂

丹楓紅葉江城曉白露黃花野寺秋一片客懷無着處苦
吟只自倚層樓

秋夜

踏遍歸來眠未得狂歌明月酒還酣碧天露下三更後坐
看黃花影上簾

閒訪

十里秋聲紅葉路一溪流水白雲村草堂只在疏林下不
用旁人引到門

夏 銑 字德貞
號西郭

雪後尋梅

嬉笑出門無蹇策便從溪路踏晴沙淡煙流水涯邊瘦翠
圓玄風竹外斜客步遽而冬沍慘歲云莫矣雪痕賒誰知

天台詩選卷四

廿七

二

思絕疎枝外已拚寒吹到晚鴉

季雪梅 號雪梅

溪山雜興

到處溪山好行吟興不怪婆娑松月下款乃水雲間烏兔
催人老乾坤放我閒眼中花陣陣笑看點苔斑

潘 漢 字朝宗號五峯弘治辛未
進士吏部觀政卒于京

過露筋廟用呂工部韻

翠羽明璫在孤踪尚可尋一坵埋白骨千古炳丹心斷字
緘苔蘚荒祠傍水林青禽相對語猶似舊時音

過揚子江有感

千里長江浸石頭天然形勢障南州一帆風送如飛度兩岸潮來正穩流北據淮揚背西臨漢沔扼咽喉何人誤作強吳計鐵鎖橫江是壯猷

癸亥除夕宿龍標

暫憑停使宿龍標萬慮千愁酒一瓢最是異鄉爲異客可憐今歲盡今宵官因老至風斯下鬢遲春來雪不消試向燈前算裏造一周花甲又明朝

孤村獨坐

石縫飛龍烟珮珩響層曲欲會川上心須結面山屋

歸舟圖

天合詩選卷四

廿八

三

老夫臥穩懶開門江上雲生日被昏好把漁舟牢繫着打頭風急雨傾盆

登雞鳴寺

石磴盤桓樹影層躋攀俯瞰石頭城竹簷風靜嵐花落人在僧房得韻清

天合詩選第五卷

明許鳴遠帶存輯

裔孫佩藻重校

明

潘

球字伯韶號東涯歷常州訓導公安徽州教授博洽經史購書積萬卷嘗有詩云筆硯堪同老妻孥莫浪嘆貌貌緣憂國瘁家爲購書貧其風致如此所著有篋桶錄存華錄

雁

雁雁南來雁羣飛率成行慘澹孤飛鴻哀鳴獨徬徨人生苦不易齷齪虛流光感物傷此心垂涕沾衣裳
玄霜九月墜鴻雁復南征記得去年秋傍雲數飛鳴物性且知時遊子豈無情願言拂衣去無使羈塵纓

天合詩選卷五

一

贈黃蕃秀才

我有綺盈疋織之久始成粲粲五采章兩兩字分明問之是何字字惟怨與誠裁製爲裳衣價抵雙玉珩持之贈吾子茲意良匪輕勉子服無斃無爲虛此生

賦歸兼懷古

美人隔江水秋風動練幃遙遙空悵望良親安可期抱璞復誰省負暄惟自知默默思徬徨雙鬢已成絲
市隘陋封墟煩喧迷靜寂俗物苦刺眼抱琴發嘆息掛冠依嶂瀨淡志守玄默夜案理琴書曉筇穿竹石行坐隨吾意和平養胸臆

聖賢久寂寞藝籍良在茲耿耿人如在寤寐常見之芳晨
常自惜年邁空嗟咨俗塵不可掃世道將安爲

秋日寓萬柳書屋雜興

杖破荒田草風吹狂客衣疎林餘勁葉野水送殘暉歲晚
花經眼更深月滿扉幽情常自得事業獨相違

不寐

通宵渾不寐何事獨相尋髮短緣秋落顏衰爲老侵枕邊
嗔鼠走牀下怯蟲吟漏盡仍多思詩成亦費心

山居雜興

慣傍青山卧長依碧水吟朱顏隨日改不改百年心

天台詩選卷五

二二二

渴飲秋江水餓餐夕嶠霞路旁人莫問茅屋一貧家

秋日偶興

曉起日在軒忽忽雲滿屋晴雨吾不知撫琴弄清曲
欲奏陽春曲無人知此音鍾期去不返千載費追尋

秋興

庭外落葉滿雲端雁飛過主人坐庭中不知秋又暮

偶成

禦寒衣不足糊口食無餘莫道質如洗充楮萬卷書
筆硯堪同老妻孥莫浪嗔貌緣憂國瘁官爲購書貧

秋日西山書院

春晝如泥夢覺短山童數問供茶椀簷風半夜不禁吹曉
起庭前落花滿

送陳蓮幕歸閩

尋常蓮幕休官去士論民心兩事難試問歸囊何所有贈
行詩冊半肩怪

仲夏偶成

碧樹層陰溽暑收風簾竹簟思悠悠年芳不爲愁人住却
不多時又是秋

春閨

人言春好妾如冤柳眼花枝和泪看妾在空閨夫在戍錦

天台詩選卷五

三三三

衾生煖意生寒

休傍江邊看水流水流終是不回頭征夫遠戍疑相似有
盡江流無盡愁

春居

一度春光去覺賒已傳消息到山家檐風吹歇夜來雨落
盡亭前紅杏花

春深石徑花交落雨過山窗日乍開忽聽幽禽一聲好還
尋樹底坐青苔

春日即事

江上春花兩岸開江船獨載老漁來穿烟坐日深深去過

午雙竿挂網回

許

性字秉彛弘治壬子舉人章江教諭

輓邑令方公

一夜霜風殞玉枝台民相弔失相依清聲徒嘆知民瘼善政空勞達帝畿日落霞城雲慘淡春殘花縣雨霏微傷心最是來時路萬里銘旌旅櫬歸

陳晦光

字德輝號東山弘治戊午舉人長汀教諭師範端凝士類推服見汀州萬賢錄

俞大升邀遊霜湧巖和韻

半里莓苔滑屐階躋攀絕頂五雲開山中天地春長在高咏何人此一來

天台詩選卷五

四

三

送人還錢塘

山人入眼問行藏喬木千年自古杭尊酒笑談忘倦處一天孤月和梅香

裘致中

字大本鄉貢士

輓邑令方公

斯民方蒙恩萬戶祝馨香何期甫期月遽爾轉悲傷流泉咽悽澗林嶺振哀商問之何爲然賢侯今忽亡當俟其未來我邑殊蕪荒侯來一披鋤惡猾頽其芒從茲邑里清編戶安耕桑逃屋春風歸寒竈松火煌所以遐邇民沉酸摧衷腸春融化秋色瑞露凝寒霜治績光日月歷久乃彌彰

召父及杜母異代遙相望口碑載道立沒世永不忘他年太史氏應爲傳循良

陳

紱字大治號兩巖梧州府通判

月下觀芙蓉

月上東南露氣清芙蓉照水自分明羈人今夜清無極欲做還家夢不成

偶題

一泓綠水萬株松下榻層樓紫翠中愛却團圓松頂月時來水面與人同

經三廢寺

天台詩選卷五

五

三

梵宇輪宮廢幾秋殘碑斷石卧荒正盤崖止有台山字上映台星墨未收

季

丕字輔夫號一齋

明巖

未扣三生院先經八寸關文殊果何在刺史不知還人抱千年夢僧偷半日閑荒碑無個字今古一青山

范

榮字同爰號鶴山

國清

半天秋日五峰明野鶴雲邊唳一聲山寺松陰僧坐石道人閒過雨花亭

題扇面

歌罷滄浪一曲餘
午風吹枕夢如如
漁竿插在孤蓬背
不問清波有恁魚

楊一誠

字立夫號方菊弘治甲子舉人官工部員外郎

華頂和噩夢堂

華蓋撐空苦未登
杖藜曾上最高層
天凌極北高無匹
山壓江南勢欲崩
仙竈丹甕三劫火
禪關心瑩一壺冰
墨池書院紅塵隔
古剎荒涼壁絡藤

姜松

號月窗

睡起

天台詩選卷五

六

三

欹枕和雲卧夢回
春盡時嵐光凝几
濕花影上窗遲清
磬敲山寺幽禽轉
竹枝眼前多景物
催我起吟詩

遊斷洞

古洞尋靈跡捫蘿
陟翠巖兩崖藏白
日一竅露青天坐
石掃雲起敲棋驚
鹿眠十年塵勝地
今日見神仙

除夕

經年盡此一宵中
光景催人作老翁
把酒燈前還自喜
衰顏明日換春風

徐宙

號迂拙續溪教諭

觀棋

當局相持復自疑
定須機變決雄雌
旁觀更得其中勢
漢楚興亡在指麾

許金

字大有號柳泉應天司訓封工教諭

初秋偶成

晉向耶溪喚採蓮
採蓮人枕小舟眠
欠伸覺後茫無語
菱角雞頭儘自便

麗櫟

字弘壽號瓊臺

天封道中

春日上天封崖花
炤眼紅路盤深谷
裏寺隱萬山中雲
外開重嶂橋頭蔭
古松我來新雨霽
溪上夕陽春

天台詩選卷五

七

二

和潘梅壑新柳韻

婀娜柔條滿眼新
東風縹得綠絲勻
飄零最愛樓前笛
離別惟憐陌上人
江郭亂垂流水碧
溪橋斜倚落花春
無端一樣難吟處
淡月輕烟認不真

曬書

先世寥寥愧乏儲
宦囊惟有幾乘書
清風窗下翻芸葉
皓日階前曝蠹魚
天祿九流應未較
石渠四庫已無餘
如今不檢封侯策
聖道何妨一卷書

王玠

字汝大號損齋

即物

潮生江水驕秋入山形瘠拳石小池春無聲又無色

秋夜山莊

秋屏夜靜粟生肌半壁蛩聲月影微寂寞小窗誰是伴山
螢撩亂點人衣

題廢宅

客子出門江柳暗藥欄無主野棠陰逢人莫道興亡事一
夜不眠霜滿林

陳壽嵩

字允高
號玉泉

牧牛圖

山童簑笠牧平堤嫩草含春犢已肥頻聽隔林啼布穀滿
天台詩選卷五

溪風雨卻忘歸

曹

寧
字弘泰
號青峯

暮春郊行

杖藜閒步覓餘芳綠樹輕陰覆短牆萬點紅飛春欲去一
聲雁叫盡初長荒階雨過苔痕潤夾岸風來柳絮狂亭午
倦歸無些事北窗一枕夢羲皇

盧大韶

字仲美
號松澗

題明巖

屈曲山前路澄清澗底泉數竿崖上竹一綫洞中天兩面
石孤聳四圍山倒懸相傳果相信此地出神僊

爽齋遊國清

雨後天開霽春深日午時山僧供茗碗野老愛吟詩愧我
愁多病從人叫賣痴百年行樂地清興屬誰知

汪

富
字仲致香
山敘論

題潘梅壑滿湘烟雨圖

夢入淇園飲夜深半空雷震老龍吟離離鳳實垂新雨
盡龍孫長舊林豈謂無心存節操還知有意弄晴陰是誰
寫作詩家卷冷氣侵人幾肅襟

范

洵
字允卿號玉峯正德甲戌進士
歷官吏科給事中湖廣僉事

九日送南山王隱君

天台詩選卷五

九三

九日開尊處三年苦別身遠行肝故國高致出風塵
煙光老松關月色新一絨堂上發無奈未歸人

又書送行卷

病客逢行客道遙永夕難相將詩句好悵望酒杯寬迢遞
脊令路徘徊霜雪寒河橋雲水外歲晏賦長安

省親撫州舟中與歛之程文中別

東書東向渡蒼茫千里逢君夜雨床雅量江河敷麗澤劇
談文藝漱瑤漿槐堂遺蔭仍雲舊竹所高標愛日長揮手
臨歧畱別意酒杯何日再相將

陳

瓚
字宗器號霞山正德
庚午舉人上元知縣

夏

一天雨霽淨炎蒸不秉齋絜坐亦清懶散只宜閑白晝疏
情無復念蒼生風於荷葉翻青蓋日與榴花簇絳英醉也
醒來神思爽隔窗時送讀書聲

歸自上元舟中

夜靜風高已暮秋數聲霜雁起鄉愁一天河漢三更月千
里江湖兩槳舟閱世無營空自老疏才獨拙只宜休腰間
傲骨還依舊歸去清閒對酒甌

曉行

天明未明踏馬蹄日入旋出結烟霏客行十里過茆店人

天台詩選卷五

十三

起孤村開竹扉寥落梧桐山月冷蕭疏楊柳塞鴻飛不堪
此際鄉心切隔水誰家又擣衣

登金山寺

揚子江干繫客船來遊真與世相懸雲崖疊處高低地雪
浪排空上下天變故迭興猶有寺英雄過此莫論年浮生
履歷真如夢獨倚危欄一愴然

王

理字汝正
號一山

涼牀

澗峯寬閒暑景便祝融任爾煽威權屏圍四徹風長入膝
竹雙清盡可眠幸少棘蠅來枕上喜無柯蟻夢庭前曲肱

尙自成真樂金玉犀牙枉費錢

和姚春宇郡倅遊兩巖途次韻

迢迢小徑入巖隈紅有飛花綠有苔山犬一聲林外發僧
房遙向白雲開

潘

淵

字默之號雙澗正德間貢歷知雲夢馬平二縣
著有玉霄吟雙澗集 雙澗嘗進嘉靖龍飛頌
內外六十四圍五百段一萬二千章效蘇軾
錦圖縱橫成文世廟以其難讀令開寫正文以
進亦曠世奇才
也惜詩多佚

子夜吳歌

井梧飄一葉長安月色寒擣衣千萬杵直欲到三邊邊草
色不綠征夫馬上眠驕胡西飲馬不敢越幽燕

天台詩選卷五

十一

三

秋思

擣衣霜月高葉落砧聲急行將贈征人忙對西風泣西風
何不早來吹君正寒時妾未知妾身如水心如火願作沙
場萬縷絲

無題

世路迢迢遠行來步步難有孫方是子致仕始成官燕爲
秋分別鴻無春社緣人心苦營計一飯自天然

江村

起看江上景欲去更徘徊雲補林腰斷苔絨石面開鷗鷺
隨短棹風月引長杯醉向簑衣睡通租想不催

宿曹城

湖海寄萍踪愁眠夜未中夢搖風捲浪吟苦雨敲蓬遠浦
漁燈暗臨河酒店叢滄浪何處咏清濁不相同

華頂

駭矚參差強自躋飛空無術有青藜東溟地縮潮聲近北
極天隨斗柄低六月近時還見雪三更初候即聞雞于今
洗淨登臨屐去踏華嵩頂上泥

玉霄峯

步入深山興轉賒層巒低處盡煙霞手依北斗攀明月日
送東溟過遠槎榻下有緣叅白足袖中無意放青蛇山童
天台詩選卷五 十二 三
知我詩腸澁破竹牽泉煮細茶

春宮

步搖新整瑣瓊瑩坐聽君王玉輦聲簾翠曉開紅錦爛熳
薰畫永白雲輕門迎細柳啼鶯巧溝湧殘冰睡鴨平不忍
東風淹紫陌海棠飛夢入華清

聽雪

沉沉天籟枕邊傾驚斷瀟湘楚夢清萬箔春蠶齊食葉一
川秋蟬亂行汀敲窗韻只梨花重翻幌聲同柳絮輕趁曉
推蓬問消息滿山風雪夜飄零

小景

雨過小園濕山寒見夕暉寒梅香欲盡飛落坐間衣
雪霽竹門靜天空月浸江何人堪共語對影自成雙

莫春

雨後西郊歇小車卻將杯酒送韶華蜘蛛早辦畱春計羅
網高張待落花

桐柏

瓊臺深處覓金丹白日能令生羽翰兀坐小齋聽亂瀑染
霜紅葉打書寒

桃源

一溪水曲松陰斜不見雙姝路轉賒却恨劉郎動歸思碧

天台詩選卷五

桃千樹爲誰花

題子良蘇武牧羊圖

一節剛持十九年不知鬚髮已幡然麒麟閣上丹青手難
寫肝腸雪共藍

沙潭曉發

秋林曉露濃如雨步不傷苔亦染衣爲寫斷聯收柿葉獨
行因帶夕陽歸

陳臨民

字以莊號秋鶴高才博學善草書善結社西湖
與修兩浙全忠錄嘉靖間貢授福甯訓導陞平
和教諭有太白
吟存笥集行世

雜詠

能言綠羽禽結成崑崙樹翻身下雲端因而受羈錮鳳凰
杳不聞咄咄嗟所遇

青蠅日擾擾食我案上墨反將汚我衣縞素無顏色軟竹
挂壁間吁嗟任滋息

嗟彼雙飛燕謀身固深密築壘向高堂哺子受安逸但恐
時節更去畱自難必

朝投紫塞去暮返青林宿青林賢主人慮我戒童僕此生
無以報願食羌胡肉

瓊臺歌

造化之理何奇哉插空幻出鬼鬼臺濶如瓊玉琢古鼎屹

天台詩選卷五

十四

三

若砥柱四不連根茲日月掩其頂蛟龍蟠其隈奇勝本爲
神所設世人豈得輕相猜葛仙翁馬道士夙有深緣來住
此吹鐵笛彈素琴朝而升夕暮而止託身臺上雲濯足臺
下水石牀丹竈尙依然莓苔綠遍山中雨東撫扶桑樹西
挈崐崙正玉簫引卻鳳來遊舉頭直欲摩牽牛

登鎮江城

春色滿丹徒高城入望初江澄宿霧斂天闊遠峰孤地姓
曾從楚人聲不改吳周遭着眼處舊迹盡荒蕪

舟中雜咏

落日饒烟景揚林可渡村羣鴉歸寂靜獨雁訴黃昏川淨

三更月風淒萬里魂天高斜浸斗深坐對空尊
挑愁去京國快意泝川流柳送孤舟晚蛩吟兩岸秋星河
浮近枕烟水夢隨鷗卻憶長安夜佳人尙倚樓
水行官有禁登望且消閑欵野茫茫樹扶空淡淡山莫隨
雙鳥去偶共一僧還殘磬收來興蓬窗月正彎
促棹不可遠沿緣魯舊疆川文爲篆曲岸口露巖張雨歇
林光變日斜人影長半秋觴酒興多在水雲鄉

自鄭州至雄縣道上卽事

露冷客衣薄趨程濟北鄉霜陂涵地闊沙路帶空長柳影
牽漁樵波光送馬韁白鷗渾見慣浮近若相忘

天台詩選卷五

十五

三

次臨清

落帆沙渚就官征市上青煙散午晴隔岸涯花如索笑近
人水鳥不知名風光媚日看春盡野色扶空向晚明莫爲
羈愁傷逸興且呼黃帽問餘罍

長安中秋對月

學破秋光半已平月臨高處看逾清長空不着片雲礙大
地同歸此夜明輝映乾坤真一色動搖江海却無聲百年
瞻仰今來近起弄花枝露盡生

鶴去庭閒小簾秋滿空白月夜虛浮有懷不見吹簫客盡
興須過賣酒樓贏得清光看自好坐移瘦影笑相畱憑誰

攜我向高處一曲共聽來風遊

起望孤飛出海東河流淡瀉挂高空盈虛有信與誰約
物無心到處同清是首陽人獨坐寂涵太極夜方中
草堂

着眼天機活絕勝虛飄一笛風
井梧高映白絳絳坐聽寒更已過三滴處若憐完是壁生
時須悟小如蠶本來舊物無相假縈着些雲便不堪今夜
姮娥炤人世朗然飛過楚天藍

秋高獨步有懷

暫拂飛塵出市喧獨隨啼鳥過晴川故人樹色秋雲外別
墅猿聲夕炤邊藥圃昔曾攜我種詩筒今且向誰傳煙霞

天台詩選卷五

十六

三

有約終難負莫更深深鎖洞天

落葉

蕭瑟清商一夜風漸辭高樹逐西東和烟堆處江村冷帶
月敲時山殿空邂逅頗曾親翰墨栖遲何愧託蒿蓬行人
若問緣陰事已讓新芽着化工

漂母祠

水煙飄落廟門空癡癡端然兩鬢蓬若把知人論戶祝鄼
侯何得位元功

雪中閒述

落片迴風態轉新盡封香土斷飛塵卻嫌眼底梅花少誰

爲清寒作主人

滿空瑞色擁簾鉤入眼分明可盡收饒卻金山嫌太素也
應清助玉泉流

潘 憲 字子章 號華峯

山家秋夜

更深松露滴山靜月明孤四遠天如水蕭然獨見吾

潘

城字子長號梅壑淹通經史放情山水兩辭徵辟
許大府贈詩有石梁華頂峯頭酒桐柏桃源洞
底詩之句 葉海峯序梅壑昆蟲百咏無所遇
故奇詭士裏樵行游天下幾三十年卒無所遇
而歸又言子行三十年見人多矣誰也贊誰也
鳳誰也爲鳩鳩之仇巧而使子卒無所遇合然
則梅壑蓋亦不得志而自放者也

天台詩選卷五

十七

二

秋日書懷

饑饉易人愁迂夫且自繇夜涼風動樹秋好月當樓酒滿
通宵飲山晴數日遊頗知詩債積容或小綢繆

宿巾子山

雙嶺東南勝浮屠出漢標山分華頂雨江接海門潮有興
游青嶂多緣卧碧霄松堂清不寐明月夜迢迢

萬年山

妙蓮千佛閣遠映八峰尊樹色秋天老泉聲雨夜繁梁空
來海燕殿靜宿山猿老衲談奇勝冥心但不言

河胤潭

久淡神龍地肩輿破曙烟嶺崖難覓路絕壑不容船潭底
通滄海山頭閣碧天要知人望急霖雨足豐年

宿雲華亭

兀坐曇花送落暉了無一物與心違水聲破卻眼中夢月
色炤空身外非豈小金猿啼慧樹不看青鳥下禪機天明
但覺衣衫濕疑是華峰灑露歸

月峽

我來月峽正中秋孤絕能空世上愁數到極中成定體人
當明處見源頭只消此夕無風雨不必他年望斗牛萬仞
蒼崖千尺桂寒光素豔徹深幽

天台詩選卷五

十八

湖山一覽亭用邵二泉韻

窗涵蒼翠望中遙湖長芙蓉萬頃嬌滄海升沉山結頂浮
雲來去日穿腰何勞羽客尋三島坐見遊人過六橋無限
清風與明月登臨不必問前朝

絕句

貧病難禁老清閒便是仙閉門無俗客終日枕書眠

自述寄王石梁工部

愛閒因懈業好客任貧家慣着青裘舞無心問落花
溪山憑縱適花鳥共怡情採藥朱顏駐吟詩白髮生
妓席權分坐僧房喜借眠出門常遇月得句動經年

敗舟滄海夢病鶴五湖心白日三杯酒青天一操琴

自評

未老鬢皤吟作祟不荒食缺腐爲妖先生甚有著生念茅

屋三間水一瓢

金陵尋梅弔古

鳳臺天闕雪中身尋得梅花御水濱恰是孤山亭子畔淡
烟疎月自精神

含章便殿落梅花點額新粧帝子家今日梅開荒草裏春
風依舊月鈞斜

尋梅

天台詩選卷五

十九

三

藜杖芒鞋簪兩肩嗅香探影夜忘眠水邊山脚人家畔折
得橫枝猶帶煙

越中清明

去年寒食吳山頂今日清明越水濱把酒獨看沙上鳥春
風兩度客中人

春晴小景

光風十里午烟消三兩雞聲睡正饒半月柴扉開一度暫
容春色到茅寮

賈

詩字以言
號石溪

太白書堂

在華
肩山

太白千載乘神遊渺湖海漠漠此山中而有書堂在崖斷
綠蘿深澗寂寒泉改撫景一悲傷彷彿隱雲采

歌風臺懷古

亭長當年作帝歸荒涼舊址照斜暉
蛇夜澤魂猶壯逐鹿中原事已非
偶成大風歌慨因思猛士助聲威
韓彭英魄如猶在夜過臺前淚滿衣

送劉子正歸新城

我本青山人來送青雲客
青雲不我留青山翠空滴

玉右軍墨池

在華頂山

墨池千古覆青冥
內史當年寫道經
換卻白鵝今不見空

天台詩選

卷五

二十一

三

遺寒碧炤山僧

徐

字邦介號石門嘉靖壬午舉人汶上知縣

國清寺

十里松門別有天
檐帷款馬喜相聯
虹拖遠渚收殘雨
鳥度平林織晚煙
澗水縈迴驚異客
天花飛墜想當年
山僧莫數隋唐事
仙跡冥冥恐浪傳

繇清溪驛抵長樂舟中

水細沙長短棹輕
掠人景物望中明
山迴谷轉煙蘿淨
傍水人家雞幾聲

陳

字敏之號玉京山人昨城教諭

七夕

七夕客途逢寸心千里折卻憐牛女星無事生離別巧不
謀身乞且休一宵權會一年愁人間多少愚夫婦朝暮相
看到白頭

春日即事

獨坐空齋午韶光入品題蝶來鄰圃靜春滿畫牆低風細
遊絲漾松幽過鳥啼忽驚春事減桃片落牆西

夜過清陽驛

行李官舟促去程棹歌昏黑下聊城孤燈柳外疎星遠雲
氣天邊湖水平茅屋秋墟新近火野塘烟艇晚吹笙舊時

天台詩選

卷五

廿一

三

民俗稱鄒魯極目長河萬古情

宮詞

十三選入掖庭中二八容華冠後宮
閒種天桃今上屋幾翻絳蕊領春風
鬢雲憔悴怯新秋北斗中天掛壓頭螢火飛來人獨坐靜
聽簫管隔西樓長信宮前淡月痕琉璃鴛瓦冷黃昏笙歌起處銀燈煖靜
坐無言蚤閉門淡掃蛾眉只自誇動人春色在妍華于今準備君王寵學
得新粧闕內家

葉 金 字 國 重
號 可 山

江山小景

雅愛江山景飄然一短篷
舉杯吞皓月弄笛引清風
秋樹凝煙紫漁燈照水紅
荒林雲出沒隱約畫圖中

春畫圖

兩屐破春晴山雲斷復生
門前無俗侶溪鳥雜風聲

秋山

秋光萬頃畫圖新雨後秋光倍可人
要識秋光奇絕處半

山 葉 半 山 雲

晚泊平潭

天台詩選 卷五

廿二 三

柳底漁家水繞村桃花夾竹半溪雲
小舟夜泊平潭口雞

犬聲中有幾人

許 爵 字 大 動
號 柏 亭

赤城避暑

海上仙人宅重重幔彩霞絳宮迷草樹
丹竈護龍蛇寒溜通雲竇晴空散雨花
石牀無些暑清夢遶天涯

廣巖夜飲還水竹山庄

水竹居連古寺雲杖藜頻眺夕陽曠
靈鐘撞起山頭月帶醉與僧中半分

張 進 字 抑 之
號 碧 潭

幽居雜興

藏拙仰高窩詩成只自哦
隔簾花氣動欹枕午涼多
世道常如是人情任若何
靜言閒適處誰更語禪那
兀坐偏成趣幽情未易論
心清仍對竹客至偶忘言
案上書多亂窗前草自繁
何當花信好鈎引到桃源

登赤城山

步步青天近回頭徑路遙
捫蘿恣勝賞倚杖慙輕颺
洞古聯霞氣壘荒長藥苗
誰能祛俗軼絕頂結雲寮

幽居

華峯雲氣赤城霞小小幽居是我家
經史滿前看不厭溪

天台詩選 卷五

廿三 二

山密邇樂無涯壺中日月應誰翫
枕上功名漫自誇
伫立茅簷成莞爾忙忙相逐正蜂衙

踏雪至赤城巖下得梅

野人亦有孤山興衝雪行吟到紫霞
不是巖前暗香動茫

茫何自得梅花

裘 環 字 國 鳴
號 味 川

覽勝樓和范聚峰韻

春日春山放馬蹄滿樓好景溢東西
香緣客散花千樹清
爲人留月半溪泉石百年還自許
乾坤雙眼笑誰迷
齊雲不必高千尺歸馬從教柳外嘶

寒巖

八寸闕前方竹根原來物外有乾坤陰沉穿洞疑無路旋繞通霄更有門窺飯鳥回霜葉落聽經龍伏海雲屯石瀾萬頃清光滿野老時時許共分

范

藥字同丹號雪墅

書窗新夏和韻

微雨輕寒綠樹低黃鸝聲和杜鵑啼時來睡起窗前玩正是枝頭杏子肥

方

瑀字廷佩號心菊

六十山中自詠

天台詩選

卷五

廿四

三

老去煙霞惟浪迹年來潦倒復何爲放情村落忘迂拙覓句林泉越歲時近水羣鷗閒作伴逢吟獨鶴漫相隨仙源佛隴皆吾室白髮青藜任所之

東岳廟閒坐有懷赤城先生

曾記檐前日上時先生攜我與言詩寥寥今日天空濶滿砌綠苔春畫遲

葉茂起

字鳴之

登望海峯

萬八峯頭兩屐登日高雲淨逼空青圈中三島扶桑見象外六鯨混沌形目斷越吳雙地窄肩齊牛斗七星熒只消

半日清魂夢何事聲名樹帝庭

季

灌字世功號方泉

漫興

白雲堆裏懶樵家挹翠屏圍四面賒地僻青蘿沿水石草深斜徑絡晴霞放情枕上三竿日樂意籬邊一帶花時抱枯琴臨水面野鷗分我半汀沙

朝來無事探幽奇新蔓搖風若有知旭日自添遊客興好山還欠野夫詩躡雲短屐輕於羽着露鮮花爛若脂渙泮漫嫌山炤落猶堪秉鋤拚歸遲

張世民

字時畏號水窗黃巖人避寇家天台

天台詩選

卷五

廿五

三

病懷

斗室常高枕清談仗美鄰藥爐香辟穢茶竈煖生春世亂空愛國年衰只累身朱顏不可駐隨意自因循

避寇來雙闕投身未十年耕慚鹿門叟閑似武陵仙病減知心話愁多閉戶眠夢魂何所住先隴白雲邊

秋夜書懷和韻

浙瀝蒹葭響莫秋狂吟隨意小堂幽霜花滿地草蟲語夜色入窗河漢流浮世事多渾欲睡碧山道遠未曾憂驚鵝鴻雁君知否沙草汀花也自由

秋居述懷

浮萍悲浪迹征雁怨離羣寥落茅簷底愁來獨看雲

夏準字文範號墨泉

觀瀑布泉

穿開山骨破雲流震地雷聲動斗牛應是媧皇天煉石起
翻銀漢瀉高秋

遊國清寺雨花臺宿卧雲樓

卧雲樓上枕雲眠露挹山窗濕未乾紫燕歸來春盡靜一
庭嵐翠雨花寒

宮詞

金屋歌殘日已闌月明仙掌露華圓君王自覓長生藥門

天台詩選卷五

廿六

三

掩春風十二欄

讀遜齋集有感

紀錢紛紛總失真品題予奪在詞臣先生肝膽輸困外只
屬乾坤不屬人

春晚看花

背谷幽花紅映溪山深雨暗到來遲最憐日月看花眼吹
斷東風總不知

季復祥字一瑞號澹山

聽蟬

蛻脫仙肌亦化工聲容不與舊時同神遊槐柳清高處夢

斷葵槓豔冶中白日無求惟飲露清秋有興更吟風休嫌
嘆咽乘音律贏得紅塵一念空

李儼字敬夫號畏齋

雪崖

玉雪來孤月銀瓶插老梅了無紅紫迹詩向此間裁

王試字廷用號鳳山太倉亭正

秋興

野寺疏鐘裏村烟落照中江空水雲寂何處叫征鴻

題畫

野老山居翠竹牆淡烟一抹帶斜陽飲牛牧子不知夜橫

天台詩選卷五

廿七

三

卧石橋歌晚涼

葉象字國略

除夜

爆竹聲連作燈光漸覺春半宵分兩歲新歷舊時人

潘鴻業字賢仲號玉田嘉靖丙午舉人知臨清州

清溪落雁

水澗沙平蘆荻秋倦飛時下逐溪鷗正須中澤棲身穩不
與邊疆繫帛謀浴罷碧波歸浦口啄殘紅夢宿沙頭江南

潤北胸中舊驚夢時聞一葉丹

曹夢松字文信號康泉

春盡

九十韶華漸覺稀
溪山竹樹綠陰肥
一聲啼鳥午還歇
數點落花春又歸
風細遊絲繁客袂
雨深荒蕚上漁磯
尊前莫厭沉沉醉
明日相看事總非

草堂新夏

嫩竹新槐齊雨餘
天空畫靜草堂虛
人間萬慮消磨盡
掃榻焚香坐讀書

盧謨 號從吾

遊國清

翠霧青煙近不迷
松陰殿影自高低
入門未與山僧揖
即

天台詩選卷五

廿八

三

向東溪放杖藜

許繼烈 字義剛號見柏貢士未授官卒

五十生辰

百年此日半春暉
學道蹉跎鬢漸稀
莫謂從前都不是
應教此去總無非
夢時尚識周公面
樂處猶慚巖子磯
悟到盈虛渾是命
笑開酒禁對芳菲

阻雨萬年宿王敬翁歸隱園書贈心泉上人

寺前寺後多古松
松上白雲何重重
蒼蒼翠色經年積
漠漠清陰盡日封
子規啼月許同宿
神龍作雨能相從
丈夫出處亦如此
山澤巢居恐未容

題粉桃花

玉色和煙潤甜香帶月寒
何如趙飛燕自舞水晶盤

題扇

蘆荻半江秋漁人出上流
得魚還整網欲渡藕花舟

題菜

春深老圃茂青標不逐甜香入市朝
偶別貴人三五載一尊林下復相招

東方朔圖

雞皮鶴髮草衣裳鹿背春風海日長
一食仙桃塵已斷漢官寧得記東方

天台詩選卷五

廿九

三

瀟瀟荷裳首自搔行行隨鹿下平皋
漢廷直覓長生藥不與瑤池一個桃

雜題

梅閣寒烟淡更濃依稀花在有無中
玉顏恐爲東風擾簾幙重重鎖碧宮

紅杏花殘愁粉蝶綠楊枝盡怨黃鸝
不如翠竹春長在勁節清風任鳥啼

桃源山夾流水斜曲徑通幽別有家
半夜東風春雨歇沙頭洗手弄飛花

華頂山根水浴鵲波搖石動寒光浮
黃花滿地浸明月有

客吹簫近上流

題烟竹

漠漠平林露未乾
翠微亭榭鎖春寒
怪將勁節羞桃李
半捲紗窗帶醉看

盧

號龍田敦行有文素
華峯吳見屏甚重之

題赤城山塔頂

身與青天近
心同碧水閒
千年誰健步
能上赤城山

盧季鶯

字鳴道號弘庵
萬歷己酉舉人

武林遺懷

寒風逗我兩三月
看盡錢塘山與湖
幾度清尊靈運屐

天台詩選

卷五

三十

三

天佳景輞川圖遠
峯鐘磬禪心定
細路松梅月色孤
莫放深杯卻歌舞
曉窗華髮滿頭顱

遊石橋

日射千山雷隱隱
我來六月雪霏霏
雲華亭迴如天上一
杵疏鐘出翠微

楊

季訓導陞保昌敦諭

重陽前一日

清暑臨街巷尋常
不禁譁重陽
明日是丹菊幾時花
佳節催詩句餘錢
送酒家但能常得客
痛飲不須賒

借墨

寒窗無事學吟詩
吟罷堪題奈復遲
毛穎免冠應有待
枯生坦腹已多時
祇憐維翰空成硯
卻笑羲之有臍池
問說東齋封下邑
可能兼愛濟楊絲

春日郊行

春日郊行景色腴
眼前如意足歡娛
平沙半里晴鋪草
晚渚雙橋淺浴鳬
吟料有情應可待
好懷無酒亦須沽
韶光自合千金價
白首那堪容易孤

池亭卽事

夜來驟雨滿池塘
早起凭欄試一望
平展九霄懸幅畫
空萬里憶仙航
從來過眼翻真幻
何必勞心印老莊
吟罷欲將身世看
鏡池先見鬢毛蒼

天台詩選

卷五

三一

三

欲將身世看鏡池
先見鬢毛蒼

旅館惜春

荏苒春光半已過
小樓獨坐意如何
紅桃輕減三分色
倉鳥頻催百轉歌
棋客不來忙更少
故人別去夢偏多
明朝重上西陵道
緩放舟行傍釣簑

旅館卽事

暫借山樓景亦新
無端詩祟若催人
東簾嫩竹晚搖翠
南檻晴雲曉送春
啼鳥數聲回客夢
落花幾點灑游塵
倚欄長嘯忘羈旅
歌酒圍棋不計貧

苦雨吟

積雨山齋思寂寥水平橋路客難邀閒開劍匣龍驚躍軟
落琴絃鶴待招薪桂幾能黔墨哭米珍剛好足顏瓢惟餘
一種淒清趣夢覺紗窗響綠蕉

桃源春曉

偶探靈壩訪奇踪迎旭桃花萬樹紅巖石龍從香氣擁樓
臺縹緲絳雲封胭脂狼藉娥粧冷藥汞飄流仙窟空我老
但知行樂地笑他劉阮欠從容

葉繩宗

字武之沾
化教諭

方山道中

疋馬西行破草煙盤旋溪壑又層巒鶴鳴翠竹日將午楓

天合詩選

卷五

三二

二

落平原景乍寒買酒隔雲歸柳市覓漁臨釣坐江干相逢
且盡棲遲興自古開懷一笑難

遊桃源

水流洞口日初昏洞下行人欲叩門滿地白雲無犬吠一

株梅蕊出巖根

徐

字惟深號詰
峯潮州通判

仲春山行登塔頭寺僧雲光陪遊諸勝因索紀游

遲日登蘭若薰風花氣蒸慚非畱帶客喜有脫凡僧共說
無生話還燃不盡燈謾言題勝槩聊亦記吾曾

除夕寓燕邸

別家方五月歲序又更新野鳥仍悲凍牆花欲放春鳳樓
瞻日近天際望雲頻捧檄知何日南還慰老親

過封山壑見和尚巖

遙望巖巖石俗傳和尚頭苔衣連碧漢香鉢浸清流閑盡
瀟湘客均爲名利遊予今相別汝復見亦堪羞

陳華南以台山百咏卷見示賦贈一律

雲壑幽棲不記春悠然太古葛天民遨遊諸勝頻多咏博
極羣書廣授人予已投簪忘世態君堪出社結風塵相期
登眺桃源景歲歲花開訪玉真

孟冬過廬州府庠不覺傷感

天合詩選

卷五

三三

三

先君六載春風地今日星軺我再遊四顧低徊不忍去寒
飈落木思悠悠

潘學孔

夏日坐邸舍憶同遊諸友兼憶故園山水

雨過涼生半短簷碧槐深院送新蟬乍開門巷少相識莫
問生涯誰與憐歲月已經三伏暑友朋不寄一行箋何當
共走山泉去笑傍屨陰步遠天

寓西山家兄三槐書來

書到開絨兩地情獨憐身世是浮萍山前澗水穿雲落坐
石低徊看脊令

陳 洵 號養和

和祺姪長門怨韻

長門月浸水晶寒牛女貪看燒燭殘自惜玉顏容易老錯

教夢裏聽和鑾

陳 廌 號近庵

桃源

晉在仙山雙跨鳳幽貞獨抱春無夢阮劉何處得相逢一

片白雲封古洞

朱 玉 字子美號省山

雨後觀花

天台詩選卷五

三四

二

霽色融融雨乍收攜壺苑上作春遊最憐花落如紅雨搖

颺春旂傍酒樓

題紅梅

誰招姑射飲流霞醉倚西湖處士家幾度東風吹不醒至

今顏色似桃花

陳日躋 字思聖號華南

精溪

崖分赤城骨水落白雲根帶月沉天漢和煙出海門

春遊

一春渾是未能閒偶踏晴沙望碧山綠草擬隨遊屐偏白

雲都付鳥飛還

陳光謙 字世亨自號穎沙字先生

賦雪

綴枝梅遜白堆碗玉添清博識裨孫子孤忠植漢卿玉樓
支不起騰馭壘難升廣廈均休庇幽懷切杜陵

徐人文 字子奎號簡庵青田司訓陞孝豐教諭

石橋

危崖對峙跨長虹融結元非斧鑿工兩澗奔流噴雪羣
峰挹秀翠浮空墨華上接雲霄表梵梁遙傳杳闕中到此
迴然塵世隔卻疑身在藥珠宮

天台詩選卷五

三五

三

盧季鴻 字鳴壘

遊台山

山譏天台萬八千捫蘿今日躋巔巔漫從危石占星象且
拂蒼崖訂古銷世上塵埃常浹日此中雲鳥自高天玄尊
獨對峰頭月一笑無懷太古前

許國光 字邦迎號鑒翁家貧有守好著述有粹齋編醉
夢集續偶言自號醉夢人作醉夢人傳又月贊

云醉不以酒夢不涉睡祇抱寸衷之不欺與古
人而相對陳寒山序其遺集并稱續偶言一賦
全以心光占德提覺世人所撰詩歌陶寫性靈
真有安貧樂道之趣非但如陽五鄭榮唐伯虎
之流專以打
油腔混世也

春日飲草堂和韻

興趣春來好何勞問索居光陰真過客天地亦遯虛愛子
無梨栗留賓僅草蔬風吹花片落點綴案頭書

感懷

窮巷少來往故人多凋疎獨持千古意誰寄數行書雨徑
時看竹秋園或摘蔬茗澆攤飯後翻覺厭羣居
無地堪行樂問天惟乞閑藏書能幾卷賃屋只三間遠岫
翠欲滴寒流清自潺湲然忘去住豈惜鬢毛斑

偶成示守垣姪

世運休論短與長須臾終古兩茫茫天于萬物有安頓人
卻一毫難主張日出烟雲呈瑞影春來花草發清香欲挾

天台詩選卷五

三六

二

香影歸藏處口欲言時意已忘

新春橫山道中

梅花開遍柳條青景物隨時若繫情行路漫嗟今日事遊
春長負隔年盟紛紛世態雲空度默默天機鳥自鳴回首
蒼山聊極目已看華月起東瀛

重遊石倉

混沌曾看此盤開煙雲擁護客重來休嫌韞璞無殊寶且
喜他山有美才砥植中流千古柱因成高阜九層臺從今
識盡乾坤富園廩豐盈玉滿堆

弔方正學先生

巍巍正學表當時靖難捐軀分自宜天地豈能無缺陷君
臣不忍負斯須生前大節堅難奪死後芳名遠自垂淚灑
雨華臺畔草年年青映首陽薇

即景

高樹遙山相對青小樓日日自開情慙慙更喜幽禽在竹
外時啼三兩聲

梅花

爲愛春風第一花長從姑射挹仙葩閒渠清致誰堪伴雪
魄霜魂共月華

曾對逋仙醉未醒月寒霜冷夜香清若教解得孤山意羌

天台詩選卷五

三七

二

笛何能敢作聲

袁星海師官舍雨中桃花

綽約丰神豔冶粧東風幾度笑劉郎于今卻厭穠穠態淨
洗鉛華對玉堂

三魔

幾度詩魔敵酒魔酒兵背水筆揮戈戰酣卻喜睡魔到坦
腹便便與講和

盧季鵬

字鳴宇號念菴高安敘論

京都寄祝陳養和舅七旬壽

吟哦遊子駐他鄉罔極懷恩到涇陽壽域開時桃子熟爛

衣舞處菱荷香北辰親見祥光燦南極遙瞻瑞氣長華祝
無絃頻寄話瞻雲疊進紫霞觴

陳期奎

字豫嘉號奕恒萬歷壬子舉於鄉授鹽城令郡
以射陽湖水決爲民患土豪朱勝蛟犯法釋弗
治令倡義築堤以捍湖水人呼爲陳公堤有僧
優曇積薪自焚火焰遍體猶誦經不輟衆爭捐
資建剎先生以其節付丞收之得千餘金而學
宮煥然重新陸秀夫墓祠祀捐俸修葺妖人借
神自殺其不廉得其寶置諸法并設神廟邑稱
神君後明鼎革監國魯王由台遁入四明之舟
山先生具衣冠
哭拜不食而卒

雞鳴歌

東方欲曙爛神都絳幘維人三唱呼曉鐘清冷敲殘月旌
旗飄颻執命吾六宮沸奏鈞天樂萬戶千門列畫圖此時

天台詩選卷五

三八

二

高卧山中客沐浴羲皇夢有無

桐柏宮

桐柏山高溪十里九曲環從天際起滿林桃花夾岸飛落
日朱霞明鏡裏水從石出晚拖煙斷橋人立儼神仙到此
並無心可洗泠泠空流飲犢泉我來猶有閒雲倚振臂抱
冰清徹底宛轉輕披澗壑風練影寒潭翻綠綺領暑當年
有子微坐看水瘦與山肥瓊臺月下悠悠去騎鶴當年歸
未歸

曹娥祠

古祠欽孝女傍水盡陰陰不爲湘妃泣甘同屈子沈江流

迴雪魄玉碎剩冰心黃絹慚無語聊申客路吟

范文學

字良蔚號還靈
軍波府學教授

莊無垢贈詩次韻奉答

講幄新移赤嶠隈詩腸頻灌紫霞杯談天有客攜琴至問
字無人載酒來幾度草堂凌白鳳等閒屐齒印蒼苔陽春
一曲難爲和心折先生倚馬才

許爾奎

字守垣
號毓奇

贈幻爲子

原註幻爲子兼參二氏
之學故詩中仙釋並用

蓬萊山高天際頭下凌海水寒光浮東山日上五雲起縱
觀寰宇皆仙坵仙家種桃有靈術不待春風花鬱鬱問他

天台詩選卷五

三九

二

桃熟是何時三十萬有六萬日忽見老鶴出雲端縞衣朱
頂不知年翺翔鳴向菩提樹樹下真人坐悟禪真人年半
百家在海山裏草衣木食厭珠璣逍遙獨白烟霞處有時
掛錫山之陽山花爛漫日初長洗腸海上呼仙侶一笑相
攜形自忘饑來採得仙桃食渴取桃間甘露吸翩翩老鶴
日相隨坐對乾坤渾一息渾一息桃幾花鶴長兒孫遍海
涯一炷香燒聚萬石應有神龍法護華

盧季鯨

字鳴遠萬歷間貢縣縣訓導
兄弟並有名稱盧氏三季

中渡道中

問津心欲倦覓句興無窮磴曲松崖古溪深石罅空鳥聲

山上下風景岸西東何以舒民物江天白日融

亦見黃州集

陳守祺

字邦介號鏡修

落花和朱蘭謁太史

隋園灼灼自春冬萬卉濃華斂冶容香散飄風猶冉冉
隨流水信溶溶獨憐西子含情斷頗耐東皇著意備古木
青陰長不改一樽移對大夫松

桃李爭春未肯降忽來風迅到紗窗南園高樹飛無蝶夜
月前村吠有龍懶把鉛華承玉露空將穠豔試銀缸知渠
不負陽和約他日相逢向曲江

數陣東風力氣微名園紅雨自霏霏枝頭豔減香猶在葉

天台詩選

卷五

四十

三

底心堅澗白稀不向碧簾傳秀色獨畱綠樹對斜暉來年
酌酒知堪賞莫道春深事已非

姮娥歌後已無刪何事東皇重解顏祇爲易開容易謝故
交吹散復吹還從風起舞呈金縷帶月凌空闌翠鬢一種
靈根應有意芳容終許向陽攀

嬌紅嫩綠映青陽忽到窗前滿地香片片越羅驚燕剪飛
飛隋彩亂霞腸人間淑景文章煥陌上風光錦繡揚造物
不堪春色盡朱衣分付與樵房

料峭春寒苦易侵洛陽風信已相尋吹殘玉樹粧奩罷舞
傍瑤臺蛺蝶深遊騎不堪重問侶美人何處覓知音湘簾

暮捲凭闌聽三月園林遍綠陰

許鳴達

字有章號閑然側貢未授官卒

立秋

飛起窗前幾葉書秋風知已到山廬向來暑氣旋消盡便
得清光漸裕如桂子月邊香信近夢花江上客懷舒十年
琴劍嗟行路笑對今朝酒滿盃

高明寺

山寺深深景滿前紅塵隔斷息諸緣忘言悟到高明處誰
道儒家不解禪

萬松庵

天台詩選

卷五

四一

二

萬株松樹一僧房午夢清虛借竹床風雨乍驚茶鼎沸起
憑流水漱花香

石橋

橫崖幾尺凌雲起飛瀑千尋到海涯方廣僧從何許渡夕
陽空自坐曇華

曇華亭

亭貯曇華幾夕陽寺僧相對說平章當初黃屋無完蓋可
有工夫到石梁

濯纓亭遺扁

石扁封苔問老僧水邊原有濯纓亭憑誰移近江湖畔一

洗參差驚鷺翎

慈雲寺

竹下清虛影漫流
晚山紅日殿西頭
放勾橋畔金鱗逝
呼酒臨風翠滿甌

楊三省

字晉甫號紫
疑茂州知州

贈鄒兵憲轉學憲

從來山斗重文章
大業昆陵獨擅場
三尺焦桐清海甸
一腔煖箔布宮牆
高懸水鏡光牛女
亟選天閑空馬良
上賞進賢應有受
紫泥頻看下昭陽

潘鴻逵

字少台史
館中書

天台詩選

卷五

四二

三

雪後步萬年寺書菊屋畱題冊

妙閣晴窗雪禪燈
畫亂星社蓮千瓣
白貝葉萬年青
瀑向層空下鐘宜
靜夜聽山僧笑不
語欲我草黃庭

元維岳

號志善

宿廣嚴寺

古寺深連水竹村
鐘聲朗朗月黃昏
山僧說法歸來晚
倚杖雲間半啓門

周英

號芝房崇禎丙子舉人任山陰教諭陞授江
西東鄉知縣有惠政明鼎革掛印歸隱梅園

東鄉縣解組有作

坤維勢欲折羣盜
蝟毛生中原無景
畧太息涕縱橫嗟
我

一腐儒忝竊墨綬榮虛糜升斗祿胸中無甲兵黃巾不能

翦何以埽檣檣長城不能築何以衛疲氓徵兵及轉餉小

邑難支撐迴天既無力葵藿徒自傾急流不勇退俟河何

日清爰賦歸去來且效陶淵明

齊

琮字良之
號玉霄

猴

容與便宜自有依
山餐水飲不啻饑
一聲長嘯秋天月
肯博君王賜着緋

天台詩選

卷五

四三

三

天台詩選第六卷

明許鳴遠帶存輯

裔孫佩菴重校

閨媛

宋

氏

夫姓名不傳本屬大家以貧鸞所居室爲詩別之員者得詩卽以室還不索原值見詩英行營

雜錄

鸞廬

自歎年來刺骨貧吾廬今已屬西鄰殷勤說與東園柳他日相逢是故人

賈雲華

少名娉娉故相似道女母與魏鵬母指腹爲婚後鵬來錢塘母中悔雲華踐前盟死去復甦卒

天台詩選卷六

卷六

一二三

歸鵬詳見賈雲石所作傳

題魏生卧屏

花柳芳菲二月時名園賸有牡丹枝風流杜牧還知否莫恨尋春去較遲

簡魏生

春光九十懣無多如此良宵莫浪過寄與風流攀桂客直教今夕見嫦娥

魏生醉卧戲題練裙

暮雨朝雲少定踪空勞神女下巫峯襄王自是無情者醉卧月明花影中

七夕

梧桐枝上月明多瓜果樓前豔綺羅不向人間賜人巧卻從天上渡天河

斜軀香雲倚翠屏紗衣先覺露華零誰云天上無離合看

取牽牛織女星

與魏生永別

集唐十首

兩行情淚語先流千里佳期一夕休倚柱尋思倍懊恨寂寥燈下不勝愁

相見時難別亦難寒潮惟帶夕陽還細蟬金雀皆零落離

別煙波傷玉顏

天台詩選卷六

卷六

二二三

倚闌無語倍傷情鄉思撩人撥不平寂寞閒庭春又晚杏花零落過清明

自從消瘦減容光雲雨巫山枉斷腸獨宿孤衾淚如雨秋宵只爲一人長

紗窗日落漸黃昏春夢無心只似雲萬里關山音信斷將

身何處更逢君

一身憔悴對花眠零落殘魂倍黯然人面不知何處去悠

悠生死別經年

眞成薄命久尋思宛轉蛾眉能幾時漢水楚雲千萬里雨君不住益淒其

魂歸冥漠興歸泉卻恨青蛾誤少年三尺孤墳何處是每
逢寒食一潸然

物換星移幾度秋鳥啼花落水空流人間何事須惆悵貴
賤同歸土一邱

一封書寄數行啼莫動哀音易慘悽古往今來只如此幾
多紅粉委黃泥

明

潘

氏

提學潘留鶴之女適貢裘致中著有碧天道人稿、國雅稱潘氏五言夜八人未眠碧水蕩秋月未開雲外戶先聽水邊松七言不知燕子樓何處此際東風依舊回明月曉光移檻白芙蓉秋色映江紅玉帶之賦

天台詩選

卷六

三二

寓金陵寄長兄野泉

萬丈華峯浙以東天涯秋晚思無窮弟兄南北三年別吳
越山川兩念同明月曉光移檻白芙蓉秋色映江紅鴉鵲
誦罷情逾黯片楮聊將託便鴻

西江

江上水正平日炤西山口遠樹一尺長岸濶風吹柳

秋月

園亭當水中兩岸蘆花雪夜深人未眠碧水蕩秋月

重陽

落葉西風裏窗前滿地紅飛禽鳴老樹白月正當空

獨坐小窗下幽蛩不絕鳴青天孤月淨滿耳是秋聲
蓮塘

月白東山上風從渡口生孤舟蕩煙水滿袖藕花香

桃源洞

千年老樹萬年山洞口仙娥自玉顏劉阮當時那得見浪

傳浮跡在人間

桃花開盡錦重重綠水青山映遠空欲向仙家探消息茫

茫古洞白雲封

咏柳

剪剪輕風二月天如絲楊柳滿庭前子規驚動深閨夢起

天台詩選

卷六

四

二

捲珠簾看翠烟

胡

蓮

字茂生工詩畫與杭林天素齊名後入閩隱園溪即所謂水口者也武林汪然明汝謙素善天素其游閩也屢思訪茂生不遇有寄懷詩云名噪三山籍甚時盈一水正相思憶詞爭擬李清照寫竹渾如管仲姬勝日聞君多唱和殘年憐我獨棲遲蕭然一棹停江上欲訪僊源未有期茂生亦嘗以詩畫寄然明其間名兩相傾慕如此茂生著有涉江集見汪然明閩遊詩記汪啓淑撰芳集亦有其詩

采園春集

得遂探幽計閒雲襯履飛花香雜鳥韻苔翠亂人衣醉眼
看誰是狂歌覺我非班荆頻未厭相對坐餘暉
方外

唐

司馬承禎

全唐詩傳字子微河內人居天台玉霄峯則天睿宗明皇累召見問道傳卒贈貞一先生

陳眉公香案廣司馬先生善金剪刀書腦中有小兒誦經聲玲玲如振玉額上小日如錢羅射一席餘詳志乘不備錄

玉霄山居洗心詩

不踐名利道始覺塵土腥不味稻粱食始覺神骨清羅浮奔走外日月無晦明山瘦松亦勁鶴老飛更輕逍遙此中客翠髮皆長青草木皆古色雞犬無新聲若有出俗志不貪英雄名傲然脫冠紱改換人間情去矣丹霄上向曉雲冥冥

天台詩選卷六

五

答宋之問

時既暮兮節欲春山林寂兮懷幽人登奇峯兮望白雲悵緬邈兮象郁紛白雲悠悠去不返寒風颼颼吹日晚不見其人誰晤言歸坐彈琴思逾遠

徐靈府

自號默希子居天台雲蓋峯會昌中頻詔不起

言志呈浙東廉訪使

野性歌三樂皇恩出九重那煩紫宸命遽下白雲封多婉書傳鶴深慙紙畫龍將何佐聖主甘老在巖松

杜光庭

字聖賓號東瀛子天台道士僖宗召賜紫充麟德殿文章應制後入蜀蜀王建賜號廣成先生

委羽山

竇然靈岫五雲深落翮標名振古今芝朮迎風香馥馥松

煙蔽日影森森從師只擬尋司馬訪道終期謁奉林欲問

空明奇勝處地藏方石恰如金

陳寡言

字太初越人隱玉霄峯號曰華琳昔以詩咏自娛將尸解謂徒劉介曰當盛我以布囊置室中勿以木爲也見高道傳

玉霄山居

醉卧茅簷不開關覺來開眼見青山松花落處宿猿在麋鹿羣從林際還

宋

張無夢

字靈隱號鴻濤子居天台之瓊臺真宗嘗召合講易未幾乞歸山

天台詩選卷六

六

福聖觀

天台瀑布落青天觀在天台瀑布邊道士只今燒藥處僊翁舊是種芝田龍歸古洞遺殘雨鶴出高巢點破煙暫別靈溪遊五岳不知重到又何年

王中立

字定民號足庵桐柏觀道士潛心教典元初賜仁端純素真人者有語錄史孝祥爲序

感事

雪花如席朔雲低一曲琵琶淚滿衣山色似梅江似練何時明月送將歸

歸來江令頭空白遠道金山淚暗垂關月自低霜自落尋

前莫唱鷓鴣啼

長夜漫漫夢不成可憐涼月透疎櫺睡壺敲碎無人語獨坐空階看曉星

唐

寒山子

居寒山有詩三百餘首皆拉雜書石壁竹木間者後人共編成卷錢曾謂應同龐居士詩並添入三藏目錄中庶不致泯沒無傳困學紀聞寒山子詩如施家兩兒事出列子羊公鶴事出世說如子張卜商如侏儒方朔涉獵廣博非但釋子語也對偶之工者青蠅白鶴黃籍白丁青蚨黃卷七札五行綠熊席青鳳裘而楚詞尤超出筆墨畦徑

三字詩

寒山道無人到若能行稱十號有蟬鳴無鴉噪黃葉落白

雲埽石磊磊山隩隩我獨居名善導子細看何相好

天台詩選卷六

七

二

寒山寒水鎖石藏山青現雪白日出照一時釋從茲暖衾

老客我山居勿人談白雲中常寂寂

寒山深稱我心純白石弗黃金泉聲響撫伯琴有子期辨

此音

重巖中足清風扇不搖涼氣通明月照白雲籠獨自坐一

老翁

寒山子長如此獨自居不生死

書巖石雜詩

玉堂掛珠簾中有嬋娟子其貌勝神僊容華若桃李東家春霧合西舍秋風起更過三十年還成甘蔗滓人言是壯

丹佛說是花箭射人入骨髓死而不知怨王勿剪知新錄花箭字說女色極奇

寒巖雜興

重巖我卜居鳥道絕人迹庭際何所有白雲抱幽石住茲凡幾年屢見春冬易寄語鐘鼎家虛名定何益

楚詞

有人兮山陲雲卷兮霞縷秉芳兮欲寄路漫兮難征心惆悵兮狐疑懸獨立兮忠貞

寒山閒居

登陟寒山道寒山路不窮谿長石磊磊澗闊草濛濛苔滑

天台詩選卷六

八

二

非關雨松鳴不假風誰能超世累共坐白雲中

寒山即事

可愛寒山道而無車馬蹤躡溪難記曲疊嶂不知重泣露千般草吟風一樣松對此迷幽徑形影問何從

家住綠巖下庭蕪更不芟新藤垂線繞古石豎巉巖山菓

獼猴摘池魚白鷺啣僊書一兩卷樹下讀喃喃

城中蛾眉女

城中蛾眉女珠珮何珊珊鸚鵡花前弄琵琶月下彈長歌三日嚮短舞萬人看未必長如此芙蓉不耐寒

題山家

茅棟野人居門前車馬疎林幽偏聚鳥谿闊本藏魚山菓
供兒摘皋田共婦鋤家中何所有惟有一床書

白拂

白拂旃旒柄馨香竟日閑柔和如卷霧搖曳似行雲禮佛
宜當暑高提復祛塵時時方丈內將用指迷人

寄懷

吾家好隱淪居處絕鷲塵踐草成三徑瞻雲作四鄰助歌
聲有鳥問法語無人今日娑婆樹幾年爲一春

登華頂

閒遊華頂上天朗書光輝四顧晴空裏白雲同鶴飛

天台詩選

卷六

九

二

訪僧

閒日訪高僧烟山萬萬層師親指歸路月掛一輪燈

拾得

國清寺僧不知姓凡相傳豐干於赤城道上
聞兒啼聲尋見之遂名拾得亦天台異僧也

無題

迢迢山徑峻萬仞險隘危石橋莓苔綠時見片雲飛瀑布
懸如練月影落潭輝更登華頂上猶待孤鶴期

松月冷颼颼片片雲霞起匝匝幾重山縱目千萬里溪潭

水澄澄徹底鏡相似可貴靈臺物七寶莫與比

豐干

國清寺僧或云其父嘗爲尚書形貌醜惡好披
髮歌唱人莫測也貞觀中閭邱太守問豐干大
合有何賢聖答云國清有寒山拾得普賢文殊
後身也太守往訪之見二人方據火談笑遽作

禮二人曰豐干饒舌耶遂攜手
出門而去豐干後於天台示寂
國清寺房中題壁

余自來天台凡經幾萬回一身如雲水悠悠任去來逍遙
絕無閑忘機隆佛道世途歧路心衆生多煩惱兀兀沉浪
海漂漂淪三界可惜一靈物無端被境埋電光瞥然起生
死紛塵埃寒山特相訪拾得常往來論心話明月太虛廓
無礙法界卽無邊一法普徧該本來無一物亦無塵可拂
若能了達此不用坐兀兀

題松石間

日日日東出日日日西沒不知千古萬古人送向春山成

天台詩選

卷六

十

二

底物

靈一

妙藥院

王喬所居空山觀白雲至今凝不散壇場月露幾千年往
往吹笙下天半瀑布西行過石橋黃精採根還採苗忽見
一人擎茶碗異花昨夜風吹滿自言家住在東坡白犬相
隨邀我過松間石上有棋局能使樵人爛斧柯
玩詩詞意是道士作

宋

三台詩錄以
爲僧詩仍之

如菴主
見五燈
會元

答郡守

三十年來住此山郡符何事到林間休將瑣瑣塵寰事換得此生閒又閒

惟茂見容齋隨筆

住山

四面峯巒翠入雲一溪流水漱山根老僧只恐山移去日午先教掩寺門

法具字國復華頂寺僧

登華頂山

行盡一徑龍蛇蟠病身忽上青雲端天公豈念客來遠偶

天台詩選卷六

十一

二

然一陣松風寒摩挲老眼坐嘆息信有物表非人實去天尺五步可到雲夢八九吞何難微陽遠映眾山綠景物搖動如波瀾青蘿吐花葉嫋嫋淺水落澗聲潺潺盤空巨石碧如削暗淡老樹煙波漫簷牙卓地殿影出蝸涎上階夜雨殘昔人遺跡不復見但見滿目圓蒼鬱懸知此地可送老黃葉滿庭風閉關玉京五城信不遠神仙綬短誰能攀妄庸柳泌真可笑安用採藥乘朱殷

蘊常國清寺僧

赤城

杖藜扶我過橋東便覺晴嵐翠埽空紫府百年藏玉簡丹

崖千尺挹仙風釋籤書到新羅國卧佛殿連舊梵宮稿首導師悲願在我寧辛苦守詩窮

元

處林字大才

答正水堂上見心和尙

時危無計訪瀛洲何處山川可浪遊天外羽書勞傳馬江間戰艦起沙鷗正思蓮社香雲滿未覓桃花春水流東望雙峯情似海乘槎擬欲共廣酬

至免

春草綠波亭

天台詩選卷六

十二

三

爲愛幽居好清池近草堂雨晴春淡沲月白夜光芒憶弟情何極題詩興不忘祇應無一事濯足向滄浪

必才字大用

卽事

負郭有田多不種種熟軍收要民送明年誰復事犁鋤卒歲妻孥受饑凍忍饑受凍可奈何直須趕到焚其窠去學短衣帶刀箭倒向他家刮良賤

子賢

字一愚聰慧絕人禪定外肆意作詩最爲揚鐵崖所賞七言如題絳筠樓云五色雲開丹嶽下

九天風動翠蛟飛寄敏仲謙於洞庭翠峯寺云魚龍出沒隨潮上橋樑參差壓樹低送李仲舉云玉帛樓船煙雨暝錦官臺殿夕陽收皆極閑整無荒苟氣

送葉明齋如京

傷君遠行邁白日何淒其微陽漏林光稍稍照人衣天高
鳥垂翼風繁花落枝荒臺俯流水萬里長相思

雲

墳字大章友人褚守行坐死其子遠徙不遠千里
筆所寄金帛還之劉伯溫有白雲僧舍記爲大

章上人作其地
在天台之五峯

送王宗禮尙書趣還京

轉海靈濤萬里踪長風指日整京華南州已入諸侯賈北
極初回奉使槎內宴宮花迎馬首御溝官柳拂龍沙從容
好奏安時策坐見車書渾一家

次韻答慈元恕

天台詩選卷六

十三

二

茅齋住在清江曲瀟灑渾無俗客過流水自懸春藥碓落
花閒度煮雲鍋不耽元石三年酒只賦梁鴻五噫歌退食
歸來塵事少舊遊回首隔風波

明

自

悅號白雲天台人居餘姚之獨溪
洪武初徵至京賜住靈隱寺

續蘭亭會補任城呂系詩

崇阿撫神秘微風扇和瀉靈雨既云沐品彙區以陳蘭若
濯中吐葩萼媚芳辰散懷得真契引觴答朋春

梅花道人墨菜

已有食肉相青菰且自裁丈夫成事業都是菜根來

清澹號蘭江天台人住天界寺
洪武中曾召對有望雲集

漫興

困來高枕卧崑崙覺後凌風到海門信手攙回推日輟轉
身挨到洗頭盆山川也作紅塵化富貴徒留青塚存好在
黃眉脫牙齒且同花下醉芳樽

夜坐

寂寂虛堂獨坐時小窗推起更思惟江城萬井煙花白月
到松頭鶴未知

先

觀葉姓號無見
華頂寺僧

山居

天台詩選卷六

十四

二

莊生有意能齊物我也無心與物齊獨坐蒲團春日煖一
聲幽鳥隔窗啼

偶挑野菜過坑西嫩草齊腰路欲迷春雨弄晴春日淡村
鵲啼住竹雞啼

兔走鳥飛不暫休道人只是卧林坵梧桐樹頂西風急羸
得簷前一夜秋

秋深終日掩柴門布衲藍衫帶薜痕經歲不來坑下路偶
因送客到巖根

雲

噩號夢堂國
清寺僧

華頂

華頂高哉不易登溪流曲曲樹層層崔巍陡起地如縮廓
落難攀天欲崩山翠濕衣晴亦雨井花寒齒夏猶冰老僧
住久生涯在一個蒲團七尺藤

石橋

曇華亭外萬峯青滑石危橋孰敢登無影無形方廣寺如
癡如兀半千僧沿崖猛獸馴金錫獻菓玄猿挂老藤夜靜
時間鐘磬響倚欄何處看天燈

德榮

號楞菴國清寺僧

和天寧寺僧木庵遊寺韻

野寺尋幽石徑重崢嶸殿角倚崆峒千尋老樹巢仙鶴百

天台詩選卷六

十五

尺澄潭蟄卧龍峯拔地形山上下水春巖陡玉丁東個中
僻靜無塵雜一片白雲長自封

國清寺

竹院深深近翠微短簾時墜掩斜暉香殘瓦鼎僧初定月
上松巢鶴未歸落澗祇供煎茗水行雲難作坐禪衣客遊
正值春將半風逐桃花片片飛

心泰

國清僧

聽雨閣

在國清寺

有時夢破雨聲疾似泊小舟煙浪中卻是子陵垂釣日長
竿掣動巨鰲風

明

統嚴寺僧

雪中觀石梁

瑩白生虛閣嚴寒獨自看瓊崖人境別銀海玉虹懸作巧
天無意窮奇心更玄若教論四際此是未分前

飛來峯

西域飛來舊所聞神祠瑤瑤尚凝痕九天空濶還青鳥八
面玲瓏走白猿蓬島許誰誇更好石梁應已得評論山靈
剛有重來約攜我方筠種石根

明嚴寺出方竹

國清

絳色繽紛塵海隔支提千尺頂中天隋唐人去遺碑在寒

天台詩選卷六

十六

拾臺荒蔓草連密樹罅通紅日下飛泉上有白龍眠緬懷
一行當年事雙澗何曾見逆泉

翠寒亭

在嵯巖會安寺

何處山亭占斷幽鹿臺孤絕郭居稠列朝樓閣重來好萬
壑煙霞一覽收濃翠怪來晴釀雨寒空忽爾夏生秋半生
出定酬佳客百尺松梢月墮鉤

華頂和噩夢堂

幾年無分泰山登直扣華峰第一層眼底涵虛滄海近耳
邊聽顚玉河崩無人煉藥空丹鼎有客烹茶汲澗冰翻笑
老猿能解悟聞經終日坐蘿藤

遊虎跑泉用東坡韻

蘇老詩香水亦香遊人千古洗心涼
乳翻泉眼驅珠濺松蔭苔花石磴長
放下塵緣來有地上升仙子去何方
陸翁評品煎茶譜輸我雲根得細嘗

明 玊號石室慧明寺僧

遣懷

草木各有依女蘿附喬松托根在平地
結交青雲中歲寒色不改生死心乃同

晚秋漫興

谷口雲飛濕未收葛巾短褐獨悠悠
歸林倦鳥負殘照抱

天台詩選卷六

十七

三

葉寒蟬急晚秋高興豈緣黃菊報壯懷未許白雲畱年來浪跡真成癖蘿月荻洲相對愁

曉行

傍舍未聞雞報月隔林惟有葉吟風
馬蹄十里無行跡不

覺扶桑曙色紅

仁

淑字象元天台人住徑山興聖萬壽禪寺見皇明詩選

關山月

白楊風蕭蕭胡笳樓上發壯士不知還
羞對關山月去年天山歸皎皎照白骨
今年交河戍明明凋華髮交河水東流
征戰無時歇斗帳皆楚歌歌罷淚成血

傳

燈字無盡高明寺僧博求內典善

圓通洞

一穴才容膝居然景自幽溪聲長在耳
山色已盈眸契我林間性甘茲物外游
倦來枕石卧身世復何求

幽溪般若臺

亭亭盤石上長日作跏趺濁世遺榮辱
浮名任有無苔痕依水綠松蓋倚巖孤
麋鹿情相契時來伴野夫

同臨海王伯無遊赤城山宿玉京洞

遙望丹霞勢欲飛到來還在寺門西
昇騰直藉罡風力身與天台眾岳齊

天台詩選卷六

十八

三

入山身世已超然步步凌空踏紫烟
誰謂神仙盡虛誕金光瑤草尚芊芊

已登絕頂再行行冒險攀蘿檢玉京
亦有王生同嗜癖數聲長嘯當吹笙

看霞何似住霞中身映袈裟徹體紅
已放月明來石榻洞門還倩白雲封

一泓清可每流霞竹索承來好煮茶
無用神仙施秘訣老僧日日服丹砂

山僧久住已忘山野客初登忘更難
只恐連霞輕舉去不將踪跡報人間

天台詩選補遺

明許鳴遠帶存輯

裔孫佩揅重校

後梁

張令聞

隱居不仕號天國山人見全唐詩錄

寄杜光庭

試問朝中爲宰相何如林下作神僊一壺美酒一爐藥飽

聽松風白晝眠

宋

賀允中

字子忱官參知政事紹興初移家萬年寺側嘗苦遠汲乃焚香默禱而甘泉即進出有應心泉

記見邑志

天台詩選補遺

一一二

游石梁

敢祈方廣現危梁千古傳燈共此光試問茶花便歸去杖

頭挑得晚風涼

桑世昌

字澤卿別號天台老樵蒼梧太守公肅子博洽有時名甚爲謝子肅所重著蘭亭博議十

五卷又輯回文類聚及西湖紀逸考林惠事甚詳

寄丹正林詠道

用林和靖韻

小別俄驚歲屢周尺書每每寄江頭逢時共歎君肥遯投

老誰憐我倦遊書足三冬應潤屋詩成千首必輕侯一尊

縱負東湖約尙及黃花碧樹秋

夜對巾山塔燈呈史君李孟達寺簿

光明臺畔舊曾逢何自飛來碧海東未間眼根齊等級要

先心地證圓通入還究竟千光合四面回旋一視同坐想

玉霄風月夕超然清對一詩翁

徐逸

字無競號抱獨子仇遠種史徐抱獨小與朱文公及文公提舉浙東過其家燃燈夜話至鐘鳴而別又嘗托作謝恩表書曰可放筆力稍低使人見之無假手之議其推重如此按稗史所稱疑卽朱子與竹溪先生往來傳聞之異至託作書一事金氏汝白台學流明指竹溪言之可證也又有句云誰與深春共憔悴隔江一樹紫桐花見羣芳譜

晝眠治平寺

在西湖北山

頻年遊覽不暫留野艇往來無數程雨休最好見鷗浴風

靜更清聞鶴聲酒家新熟欠前債僧榻借眠餘宿醒嵩高

天台詩選補遺

二二三

大華未掛眼髣影蕭颯難爲情

孤山

咸平處士風流遠招得梅花枝上魂疎影暗香如昨日不

知人世幾黃昏

金卞

見刻錄

金庭觀

尋真窮異境崇妙路迢迢洞掩峯千疊塵分水一條白雲

生石罅飛閣插崖腰隱隱存僊跡渾疑在碧霄

左

容齋三筆云左君天台士人有才善講居西湖上人畏其口竟終布衣

題秦檜賜宅

格天閣在人何在偃月堂深恨亦深不見洛陽園白髮但知邯鄲積黃金直言動便遭羅織舉目寧知有照臨炙手附炎俱不見可憐泥滓滿牆陰

王亞夫知仁和縣見考亭志

題考亭

山川以人重百世亦興起我觀朱考亭畢見師友義惟翁紹元公動靜參至理萬物備一身會景皆可喜朱塘豈其夢寓意聊復爾經營得面勢猶想翁所指問誰亭中游高山同企止禽魚悟飛躍風月挹光霽溪水流湯湯源流自洙泗考亭修師傳偉哉賢父子紫陽厥新居封國表故里

天台詩選補遺 三 三

此意公不忘班亭千萬祀

石梁和韻

天巧何年鑿千峯亂入雲濺飛雙澗合崖斷一橋分樹色春猶凍猿聲夜或聞靈踪如可見煮茗共爐薰

林 奐字文叔附見周元公集

游濂溪

我來濂溪拜夫子馬蹄深入一尺雪長嗟豈惟濂溪廉化得草木皆清潔夫子德行萬古師坡云廉退乃一隅有室既樂賦以拙有溪何減名之愚水性本清撓則濁人心本善失則惡安得此泉變作天下雨飲者猶如夢之覺

陳淵道見陳郁話腴

吳民女

吳民嗜錢如嗜飴天屬之愛亦可移養女日夜望長成長成未必爲民妻百金求師教歌舞便望將身贖門戶一家飽煖不自憐旁人視之方垂涎朱門列屋爭妍麗百計逢迎主人意常時疎棄自悲啼一旦承恩多妬忌古人怕爲蕩子婦夜夜孤眠淚如雨今日甘爲貴人妾得意失意花上月蕩子不歸寧空房主人喜怒多不常

劉

方字義源號江村學詩有悟磨瑩工書自謂晚唐方回云江村死而處士詩名遂絕响矣劉後村云天台劉君集四卷篇篇如新戒縛律大篇如散聖安禪詩之體製畧備有東風半綠官圩草

天台詩選補遺

四

西日遙紅別岸山
散句見梅磡詩話

桐江夜泊

風蕭蕭雨瑟瑟淡煙空濛冠朝日灘頭枯木如畫出鵲鶴飛來添一筆

夜訪祝直翁

疏飭亂見星危坐冷無燈索句髭先白餐蔬貌欲清棲禽翻麓雪墜栗破溪冰昨夜中峯頂人看海日升

元

林希元應奉翰林文字見浦江鄭氏麟溪集與許廣大同時又見紹興府志四明山志

清暉亭

昔聞劉仙翁曾作上虞宰長年養神丹靈藥時自採一朝
跨飛鸞喬木凌蒼鶴下視塵寰中桑田幾滄海嗟余骨未
換何由抱丰采高躅在人間深懷共千載

題贈鄭氏

浦陽江上鄭家川弟兄幾院同炊煙人傳九世如一日世
以恩義相繼餘聲日日齊人起忍字房房當面懸共飯
定使兒輩後分衣務到老人先映門碧峯皆古色繞舍綠
水無荒田溪民換姓溪流改宅前喬木長蒼然遮莫豪家
滿墟郭儒素獨許君家賢山中情性愛官少珪組亦復相
蟬聯問道縣中風俗好長官只坐理琴絃

天台詩選補遺

五

三

楊貴亭

號愚谷官浙東僉都帥府

贈見心上人

清泉老子多蕭散定起談空思不羣一室天香秋更好千
林月色夜初分詩傳黃閣新題句碑讀蒼崖舊勒文我欲
相期傍幽隱經函松下共看雲

金翼

字敬德

鄭宜州蘆花淺水亭

新築茅亭也白幽闌千曲曲面滄洲一簾花氣都成雪片
石潮痕只溪鷗客醉有時迷夜泊月明無處覓漁舟老夫
亦有滄浪趣便欲移家住上頭

題明皇曲江春宴圖

五雲樓閣擁層闌帝子金根御白鸞日日醉花吟上苑春
風不似蜀中看

楊

伋字謙思一作謹思博學善屬文有皇慶萬言書
愛知省齋張公平野李公以史館薦不就詩名
重於時至元間
辟嘉定教授

和楊鐵厓竹枝

大船槌鼓銀酒缸小船吹笛紅繡窗鴛鴦觸棹忽驚散荷
花深處又成雙

阮拱宸

至正辛丑自瓢湖放舟時雲日晝晦西北有龍蜿蜒

天台詩選補遺

六

三

隨下雷若震物狀泊舟別激見有蛇長可十丈許

俯首不敢動舟人迫視死矣因喜而賦

維龍其神爲雨爲雲以利我耕耘以育我下民彼蛇弗仁

雷其震

彼蟲之毒維蛇維蝮以齧我草木以傾我陵谷維龍弗伏
蛇弗育規效昌黎筆亦占峭同時章安徐孝基又作
羣龍歌皆有威於至正間羣龍縱橫也

林 洵 字季文

觀丁祀

風作秋聲度八寶駿奔多士且趨班宗周禮樂脩禋祀尊
魯衣冠拜聖顏鳳展香飄涼月下龍旂影動瑞雲間萬年

道統垂天地洙泗東流達泰山

董

遠字仁仲見徐達左金蘭集及張翥吳中人物傳徐達耕漁子傳

城頭烏示良夫徐達左字

城頭擊柝邊月低啼鳥繞樹寒不棲天邊明星白如日空
階落葉風淒淒房帷靜悄夜何永青燈無眠照孤影蠅蛸
在戶人未還關河十月衣裳單

寄徐良夫

石湖西去望煙霞孤塔峯前孺子家清晝臨池書烏篆閒
時閉戶看蜂衙日蒸林圃丹心棗雨長山田綠蔓瓜愧我
扁舟萍梗迹思君高興待秋槎

天台詩選

補遺

七

葛蒙

倪雲林竹

美人翠華裾步人虛堂裏月落聽秋聲憶在湘江水

杜

本字伯原號清菴清江高士從居天台其先世本台人也

寄楊仲宏

老來自愛黃叔度少日真期魯仲連高卧獨無田二頃曳
裾誰有客三千蒼波渺渺浮鷗鷺白日翩翩換歲年却憶
江東楊少尹劇談終夜不成眠

李明復

梅花道人墨菜

嗤彼膏粱徒豈知蔬食樂所以士大夫滋味甘淡泊

詹

參按詹即參字徐達左金蘭集詹參題無爲菴海棠花詩中云丹邱先生遊俠客意即其人

崔氏友竹軒

伊人何蕭灑尙友孤竹君平生秉高節特立迴不羣朝軒
晴旭亂夜榻清陰分涼颺拂琴張餘芳襲爐薰翛然淡相
對祇有南山雲

天台詩選

補遺

八

三

天台詩選

總目

續補遺

許鳴遠 十七首

許鳴遠 二首

許文慎 二首

許鳴欽 三首

徐光允 四首

張文郁 一首

陳可及 一首

陳必逢 二首

張福 一首

天台詩選 續補遺總目

二二

天台詩選續補遺

許鳴遠 事實詳見卷首

崇川顧母壽言

靈芝在山烟霞發之名儒在國賢姝長之聿有顧母實產
華胄敬遵內則孝先姑舅克諧夫子用勸堂構晚節松筠
教子克就斧藻羣書馳聲文囿推本母儀孟操姜守海屋
初簪鶴鹿並奏丹芝一本許子所壽

古風懷汪汝震

時遊義安

睠言西江道我懷良在茲秋風吹客袂似惜別逾時庭樹
月忽上砌蘭露方滋嗟彼如玉人悠然繫我思追隨詎非

天台詩選 續補遺

二二

願羈足將何之收緣行路難而畏飛夢馳雙鴻下遠渚獨
鵲鳴高枝悵悵清秋節念此心相知相知復相知君歸勿
更遲西窗曉披卷幾廢蒹葭詩

三月三日書懷

紅英爛漫蝶蜂稠煙鎖晴山隔畫樓金屋烏啼花自落武
陵人遠水空流天涯芳草迷歸路陌上東風憶舊遊春色
春心誰共惜夢魂飛向柳梢頭
獨坐草堂春晝長堂前時見燕飛忙一簾晴日花枝豔滿
院東風柳絮狂天上美人消息遠人間遊子信音荒韶光
已過三之二極日芳郊空斷腸

中秋對月

雲淨天長露氣清
空庭獨坐聽吹笙
人生百歲光陰幾
月到今宵分外明
丹桂香傳秋萬里
碧梧影轉夜三更
無言卻憶丹山鳳
何日飛騰起玉京

今夜平分一半秋
摩挲病眼望丹邱
彩雲欲度銀河渚
明月高懸鵲樓砧
杵搗回榆塞夢
雁鴻啼破玉關愁
去年風景依稀似
空對嬋娟憶舊遊

題畫

山色依雲起
泉聲帶雨遲
清閒無一事
搔首坐吟詩
烟鎖蘆花渚
波寒湘水湄
板橋人可渡
空繫柳陰舟

天台詩選續補遺

二二

深林通曲徑
古木覆茅堂
夜靜人觀易
天寒月似霜

追和得靜齋韻

分青入簾庭下草
吹香到枕花間風
宿雨初晴人未起
小桃朵朵含嬌紅

紙窗斜映芭蕉綠
畫長瓦鼎烹茶熟
更有風從池上來
菱荷香滿欄杆曲

月高金井梧桐冷
露滴僊臺玉宇空
廣寒影動一枝桂
滿庭拂拂傳香風

白雲人在青山郭
攜杖閑行興蕭索
梅花籬畔送春來
吟成滿紙瓊瑤落

北上途中雜咏

雨灑平原遍黑沙
馬蹄踏處噴黃花
長安只在雲深處
遙望天邊綉彩霞

九日清江浦舟中

江南鴻雁隨雲沒
江北黃花隔岸開
停棹欲登高處望
滿風雨滿江來

萬年寺

深山雲樹萬年幽
舊夢登臨已十秋
今日來尋煙景晚
老僧相對雪盈頭

海會菴

天台詩選續補遺

三二

萬山深處小窗憑
千尺蒼松卷翠藤
攜卻寒山詩卷在
夜吟分得坐禪燈

許鳴遠

字有漸號龍吉由諸生選授鴻臚寺序班轉署承立朝數月而金陵不守遂隱居明自號明巖逸叟著有菊隱草

濟溪隱居

吾意欣有託
渺茲天地身
睠此山水間
衡茆樂天真
松篁夾幽徑
魚鳥自相親
披衣閒選石
載酒徇垂綸
便是濠濮想
豈慚松菊人

早朝

氍毹羽旄繞蓬萊
金殿傳呼曉漏催
仙掌影高南極迴
香

煙微動紫宸開鳴珂簇擁千官入拂簡齊趨九列回最是
侍臣多寵渥親聞笑語自天來

許文慎

字守行號惺存自號百拙子著有百拙草

初度言懷

五十年來鬢已皤又逾四載事如何風微難展圖南翮日
戾空揮返舍戈霜葉籬邊紅似錦塞山窗外碧於螺眼前
風物堪娛樂且對清樽一浩歌

且對清樽一浩歌年華流水任閒過人生夢幻蕉間鹿世
事風波燭上蛾如意扶筇尋好友何須作賦逐貧魔昔人
吾愛元真子落月溪頭卧釣蓑

天台詩選續補遺

四二

許鳴欽

字守明號涵中著玉笥集藏於家

山中春日

茆屋倚山窩松枝掛薜蘿白雲迷逕斷青嶂接天摩竹外
流鶯囀花前舞蝶過適逢和煦日遊覽興偏多
雨久初開霽戶庭春晝時柳鶯啼曉曉梁燕語參差爲黍
嘗新笋烹茶拾落枝優游還自得意味許誰知

淮安廟瞻署中登樓眺望

寂寞幽深處樓遲孤客踪韶光催鬢白曙色映花紅故國
山川遠長淮烟樹重登樓頻眺望渺渺憶華峰

徐光允

字長淵號龍翔天啓間貢孝豐教諭隱居著山齋筆乘墨餘狂言醉蝶齋語等書陳

山中漫興

寒山序

問我今何往深山卧白雲此中禽語好一曙便相聞
青山伴我吟白水供我飲倦來一曲肱天地爲衾枕
平生不喜酒長帶醉時意援石效希夷瞑然席大地

秋吟

半奩新月照旂幢一派商音入竹窗欲寄懸腸何處泊笑
蓉寂寞倚秋江

張文郁

號太素天啓二年進士授工部主事督修三殿累陞至右副都御史添注工部右侍郎罷歸有保全鄉里功至今人德之

天台詩選續補遺

五二

石梁

吾鄉山水競尋幽碧樹丹溪曲曲流繡壁直飛清響落銀
河倒掛白雲浮勢如走壑憑誰挽筆少懸河不易酬天樂
恍然飄隔水冷冷身世似浮漚此詩郡縣志所載互有異同

陳可及

字國智號心帖聞見博洽太史揚守劉遊天台一見深器之著有竹居集得月樓稿

登華頂

昔云置身太華巔千山萬山皆如拳我今扶搖一萬八千
丈飛鳥孤雲不能上赤輪燒海煮天低烈燄弩飛射來往
精金在冶藥在爐倏忽騰躍天之都噹噹杲杲漸大階小
水山山人畫圖參差卑高盡蜿蜒橫縱崩瀉無窩坎雲去

雲來莫名狀嵐氣足底相摩盪變幻陰晴日夕奇潮退潮
生捲長浪放歌呼吸帝座通不知天半天之中壯哉偉哉
遲絕特傾盡右軍墨池御罡風

陳必逢字允現號宇輪篤學有志操築二以園課子弟楊太史廷鑑誌其墓

重過桃源

不識僊家路桃源幾問津一從劉阮後重到更何人古洞
惟流水閒花空白春白雲看滿眼回首欲傷神

遊石梁

飛瀑斷山徑層崖駕石橋半空懸素練千丈瀉銀潮入夏
寒猶在經春雪未消清風吹兩袖疑是上雲霄

天台詩選續補遺

六二

張 綱字陳九

山村訪友

青山未許白雲遮示我匡廬一角斜地傍流泉通曲澗人
隨仄徑到仙家滿園秋末生菰菜有約重陽就菊花平地
神仙來作伴題詩他日莫籠紗

重校天台詩選後序

佩蓀就傳時檢家藏書篋得天台詩選一帙頗殘缺手爲
整理初不究所自來也後從諸昆案上見是書較完好心
以爲善然亦不其措意最後閱四庫全書存目始知是書
係吾 先祖帶存公所手輯亟欲重梓以家藏非完本迺
從諸昆處求是書不可得退而索諸吾邑藏書家又不可
得旁縣益鮮有聞者而是集歸然如魯靈光矣亟取而讀
之則上自宋元下至有明凡二百餘家其詩有如山川出
雲旁礧氤氳倏忽萬狀疑鬼疑神變動不能自名者如日
之曙如花之明如竹雨之瀟爽如玉雪之晶瑩如鏡潭之

天台詩選後序

一

倒影內涵虛碧如松風之震瀑天籟自成無窮出清新者
雄兵百萬疾雷怒發風雨雜遡勢不可遏而嚴整部伍止
齊步伐雄壯仍不詭於律法者空山無人水流花開真境
獨造脫落凡胎超妙寧得謂非仙才者撫時感事拔劍斫
地哀猿啼鳥壯士隕涕尤足助人悲慨者其他所造更不
能以殫述斯其人固皆吾台山水靈傑之氣所聚而鍾也
而此鴻篇鉅製又諸名賢之精神心血所寄也惜中多參
差脫落字體漫漶無別本可以考證使并此而俱失之是
先人之手澤不復記錄無異簞談之數典忘祖也是鄉邦
文獻聽其與飄風飛渡昆池劫灰同歸滅沒比於杜宋之

無徵也是異學猖恣國粹淪亡并此區區者而不愁遺也是斯文將盡後生小子恬然於時勢之所趨而不之怪雖有賢傑振起以復古爲事亦苦於無所依據而見吳思遷也會性山先生刻國朝天台詩存已竣因亟與商定而著其義於凡例中間亦就正九雲先生以求歸於至當嗚呼世變日棘風馳電掣不可究詰是集之刻未知將來之果傳或雖傳而不及於久遠則傳與不傳等然經此次廢續之後安知後之人無續述祖先及搜羅鄉邦文獻爲務者則是此集終竟不泯與吾台山水並名於無窮而必不令華頂石梁之獨秀東南轉致囁於人文之不振也壬子重

天台詩選

後序

二
三

陽前五日九世孫佩蓀謹識

天台詩選五卷

浙江巡撫
採進本

明許鳴遠編鳴遠字有望天台人自序謂天台先正詩多湮沒失傳慮後學併此近今者而失之因加蒐輯間入僊釋及占籍之士起南宋迄明凡二百二十四家搜採不可謂不廣然元以前僅得二十餘人餘皆明人也

續垂棘編初集六卷二集十

卷三集十卷四集九卷

〔清〕范鄩鼎輯

上海圖書館藏清康熙三十四年刻本

附《四庫全書總目·續垂棘編

三集十卷四集九卷》提要

垂棘續編序

柳 葵

彪西范子出其眼光游於古今人之心吾入吾出
吾進吾退古今人升降焉而垂棘續編成蓋嘗思
一代文人冥懷靜氣忽然有遇當其放筆落墨而
精神已流行於天地之間故毋論啓君父之悟抒
身心之樂其孤情微緒咸足捫天下後世之意思
於極靈極朴真迥真秀之中天下之廣後世之久
有一人焉起而咨嗟歎賞之選者之胷中不死作

賈序一

者之面上如生機鋒忽合本色活現斯亦千古一
快也若夫蒼吾之才澹吾之識日經營於文之內
外左右而一時闡幽發隱之詞或反出作者念慮
之所不到此無他天趣混同兩人一手品題之餘
非作者之文而選者之文矣雖然人心世道之所
藉以扶持不壞者道而已維我晉國徒呂文章見
長無濟也今海內操觚家時著其俳諧妖幻之說
後生小子讀之心喜遂至貽害學術而不可據文

章○之○禍○如○此○其○烈○而○善○作○者○則○因○文○以○明○道○善○選○者○則○本○道○以○論○文○晉○唐○虞○之○傳○也○典○謨○而○降○代○有○傳○人○明○時○河○津○薛○子○倡○明○理○學○直○踞○陽○明○白○沙○之○上○讀○書○兩○錄○精○實○活○潑○天○下○文○章○莫○大○於○是○沿○及○今○日○天○地○之○靈○不○闕○山○川○之○奇○盡○吐○光○華○爛○然○矣○彪○西○從○事○斯○役○手○一○編○於○梅○牖○竹○榻○之○間○聲○臭○既○泯○哭○笑○亦○出○或○黯○然○而○光○或○悠○然○而○遠○或○穆○然○而○深○厚○得○其○消○息○以○表○章○之○取○其○可○以○用○世○可○以○選○

買序二

世○而○要○之○可○以○傳○世○而○不○至○於○壽○世○嗚○呼○彪○西○夫○亦○有○人○心○世○道○之○思○也○哉○抑○聞○之○鍾○伯○敬○曰○班○固○以○父○彪○所○續○前○史○未○詳○乃○潛○精○研○思○以○就○其○業○此○孝○子○之○心○也○司○馬○遷○史○記○亦○受○命○於○父○古○人○著○作○本○領○如○此○一○片○精○神○始○終○元○化○與○六○經○對○非○專○恃○文○字○而○已○也○其○斯○為○彪○西○之○續○編○也○夫○

康熙癸丑小春曲沃同學年弟賈鳴璽荆生甫頓首

拜撰



門朱

序

選書一道予九四變矣初年五經應試時酷愛左國秦漢八大家寢食俱廢十指幾禿抄寫成部附諸古文會編後曰續古文會編以資耳目作章句綽有餘地既而厭其平熟探奇尋異以伏羲皇策神農軒轅典岫嶠碑石鼓詩逸周書諸書為祖以古周禮乾坤鑿度夏小正連山歸藏穆傳爾雅諸書為宗節以陰符太玄水注元包神異五經廣成蒲衣而下齊丘抱朴計五十六子參以漢叅同契亂以

序

樊紹述顏曰宛委餘編其文古恠殊甚既而又厭其古恠翻盡二酉爛極五車於我方寸一塊但有勞而無益偶閱先別駕做人鏡奉行授梓復得我

世祖

章皇帝牛戒彙鈔勸善要言脫囊重梓由是好善之念勃然不能已偏訪勸善語錄等十有餘種日批日點且評且注刊刻有心經費無力夙奉胡西華諒嘉棟萬曆居家戒李上黨諱中白順治居鄉格于謁誓絕酸寒依然脫囊不足繼以室人雜佩雜佩不足繼以先人土田予糊口不稱

權輿而剽剽氏飽欲死十餘種刻完稍稍租資之積購紙
施於四方無虛日四方有謂其近因果之說者梓潼帝君
曰遇上等人說性理遇中等人說因果劉沁水述李龍湖
謂公看斯世誰不願為聖人於是思以性理之學從事性
理諸書前代俱有成集邇來苦無定本每欲覽其全而進
退之幸得辛復元先生手錄理學四冊益增刪楊月湖集
而成之者嗟乎言理學於今日有不識其迂且腐者乎予
謂人不為理學將為何如人文不為理學將為何如文果

序

二

能以真理學為文章則為真文章以理學文章出而為經
濟為節義為事功則為真經濟真節義真事功即操此以
選書庶幾把柄在手不至如前此茫無津涯倏愛倏厭倏
取倏棄奪吾有用之日月而勞勞於朝華夕秀之間也夫
六經自有真本百家亦是糟魄理學固不在乎摘句尋章
修詞琢字而已然而天有日月地有草木人有文章當今
作者林立見獵心喜竊欲始自明迄我
清合十五國輯三百年以成書而識尚未充力亦不給耿耿

不寐有志未逮先刻續垂棘編聊以見自通自卑之意云
康熙壬子春王三月方園菴中人范鄣鼎序



九例十一則

蕭棘曰續繼先人也○先人原刻文三百篇○集二十卷○浩煩難以問
世○今於原刻中錄其十分之一○另為一集○原例即冠其前○例既言
者○茲不贅言○例未言者○附識於茲○
原刻既成名篇○後至當年不及借光○今日目而增重○其蓋推論定
有在前○刻者另為一卷○用別

昭代尊

王也

爵里姓氏○不敢再記事祖也○不以人既見原刻而遂附其文於原
刻○防濫也○不以文既見原刻而遂畧其人於續編○開幽也○讀者不
九例

得以殊塗目之

原刻成於明季○立乎故積以邇洪○未故時代無素○茲編始於我
清○鉅公才子雲集○一時因文到有後先○分名位之次第○目以甲乙○定
非知音

原刻無圖點批○語續編益焉○謹點前哲之晴○用提後昆之耳○若滿
篇畫圖○無字不點○令讀者目迷而莫適所主也○予滋懼矣○
陳伯璣○詩曰○不敢如近選先生夫子之多○所以安愚賤○所以存
古雅○倪開公○詩曰○選事至今日而極賤○詩文之中○有市道焉○一出
一入○心事豈可對人○予未鑒於此○就文論文○矢免靡他○謂予不信

有如數日

張爾公○詩曰○曹操興平十四年○令鍾伯敬稱為千古奇文○予特
削之以明亂臣賊子○文雖工○弗錄其評周訥○語集又曰○使知文
以人重○雖文未盡善○而其人足傳○自當與日月爭光○夫亂賊之文
不錄固已○而文以人重○似非衡文正論○先輩云○讀書是學問中一
事○作文是讀書中一事○人各有能有不能○孔子兼之○曰○我於辭命
則不能也○人豈必專以文乎○倘其人足傳○即傳其人於仕國人文
仍缺其文於茲編○人文以人為主○茲編以文為主○雖然文亦未可
輕為主也○文足傳人○不足傳其文○不錄人足傳文○不足傳其文○亦
九例

不錄

刀○崇吉○斯文正統○不愧理學文章四字○其例曰○玩物適情○遊戲小
技○一切不錄○予但恐文章不本於理道耳○文章本於理道○雖玩物
適情○遊戲小技○錄之何妨○
兩都二京○總是風雲月露○故賦頌放表之類○例所不及○真西山文
章正○宗果宗其人乎○抑宗其文乎○茅鹿門推班馬○蘇柳劉歐○蘇七
子為聖於文○果聖於理乎○抑聖於詞乎○風教所關○精神有限○操選
政者須留心○勿徒為詞章所蔽○
盧文子○詩元曰○率意之筆○往往至冗○冗不可不刪○尤不可不改○改

則罪擯不改罪阿與罪阿仍罪擯予曰擯亦有兩罪焉改近於恃
已長刪近於護人短護人短罪小情已長罪大與罪大仍罪小
神榮山澤喜觀島瘦如寒指染聲名偏愛班金賈玉揆諸正理俱
讓中行謀篇倘有可登立品差堪節取累其貴賤任我升黃
子性熾學疎辛丑倖第後抱病歲餘六年於茲越丁未而獻策
羽以數今又六年終歲健閱畏人如虎同鄉大家多未謀面徵文
小啟未能過呈真恕我孤索不吝珠玉茲編尚未告竣詩文仕國
音詩板亦並行速速惠教致于望之

康熙壬子夏四月

鄒鼎識

凡例

三

續垂棘編初集總目

第一冊

曹于沐 三篇

張銓 一篇

楊天氏 一篇

王臣直 一篇

辛全 兩篇

王允成 一篇

程啓南 兩篇

魯世任 兩篇

朱之俊 四篇

畢振姬 七篇

程康莊 兩篇

馮如京 一篇

馮雲驤 兩篇

陰應節 三篇

趙師尹 一篇

陶世徵 一篇

第二冊

傅山 三篇

戴廷斌 三篇

翟鳳翥 十篇

朱裴 五篇

翟貞儀 一篇

薄言震 兩篇

賈鳴璽 兩篇

李華然 三篇

續垂棘編初集總目

李名顯 兩篇

王廷諫 一篇

袁鉞珂 一篇

侯七乘 一篇

楊義 兩篇

李喬晉 一篇

衛嵩 三篇

第三冊

趙天麒 一篇

趙三麒 兩篇

鄒成 一篇

蕭有聲 一篇

辛經世 一篇

魏象樞 一篇

蘭完璧 一篇

苗胙土 一篇

白肩謙 五篇

董緒 五段

李而洵 一篇

溫旌光 一篇

武攀龍 一篇

李方纂 一篇

劉鬱草 七篇

養正集 三篇

王邵 十篇

總目終

范爾梅梅臣

范一偉个臣

晉婁山范鄧鼎彪西選定

受業

任重任辛叟

手錄

男范翼奉前

答辛復元書

曹于沐 安邑

承翰教更拜諸格言感謝感謝天地萬物一體仁體如是學至此
無餘矣見深造矣來論行去尚生滋必是質語但生滋之由各人
受病不同在自勤耳有本一而以為二者本末一而以為一者入
續書林編卷一 五經堂選定

二門而談一者入一門而不知其一者楊子非一而墨子亦非一
也子陵二而顏子則非二也變為犧牲豈將以為一乎講堂不容
皂隸和尚豈將以為非二乎孔子之於荷蕢孟子之於尹士誰一
誰不一易知也禹放龍蛇春秋一是一是不一難知也親在
而喜徽親終而高卧先固一而後可謂非二乎見逐履霜達比同
游彼固一而可謂非二乎其中固難縷悉者大概仁為政則一我
為政則二仁為政者由仁義行我為政者行仁由仁行者父之慈
子也行仁者子之孝父也父子一繼而父為根子為枝由根及枝
易故無不慈之父自枝返根難故有不孝之子慈無生滋幸有生

慈○天○道○也○而○孝○或○從○人○道○人○而○合○天○如○彼○亦○子○奚○生○滋○之○云○率

談○以○復○倘○不○妥○明○摘○之○是○荷

一○體○二○字○是○因○圖○語○從○未○剖○晰○至○此○
范彪西

晦○菴○與○季○通○書○芭○山○謂○有○古○師○弟○之○誼○幸○為○曹○門○下○士○親○此○可

見○梗○概○又○評

自○勤○自○字○作○者○原○對○辛○說○讀○者○不○必○專○作○對○辛○說○看○
范个臣

於○作○用○上○微○體○體○字○方○不○落○空○且○便○於○入○手○也○真○後○學○津○梁○
范孝前

書自渡語

前人

自渡語誠一自題其語也渡曰自非人之所能與也未渡而望洋
自望也不克渡而溺自溺也既渡而登岸自登也師不能得之徒
父不能得之子天亦不能得之人或不知在溺甚且安其溺長年
憐之大聲疾呼聽之漠然甚且憐然將如之何故渡者自渡也雖
然未渡之先一自而已既渡之後無非自者無不渡故禹急已溺
之思伊切內溝之恥完其自渡而已矣
古文短篇一書字句簡嚴可取猶惜練意未講耳若得此文定
當壓卷
范彪西

類劉孺人苦貞錄

曹子休 安邑

江右直指以劉孺人類氏婦節於天子欽命旌之士大夫形諸歌頌其子仲集為快曰苦貞錄劉子念其母艱辛指摺狀其苦之則宜余亦蚤孤共余母守貧貧未若劉氏之甚而亦艱於甘旨余或食於富貴之家或舉箸躊躇不能入口既登仕版無他長獨不敢輕費人錢安知其不似吾一錢之難彼以一錢為母子命豈其不如我也劉子仕矣不忘母子之苦當亦知民間母子之苦孺人以貞而成其子之貞劉子以貞而顯其母之貞俾其先君子有妻有子端在是乎嗟夫孺人艱於初貴於終劉子之懷可抒而其先

續聖賢編卷一

三

五經堂選定

君子又艱於年安得起九原而報養之則劉子之不能舉箸入口當有時時動者抑亦沒齒而已矣此又余與劉子同者也揮筆至此淚潸潸不可遏遂止其自言耶為予言耶讀未竟遂止亦如當日揮筆時范彭面仁孝至性纏綿筆端可補南陔有願諸什范孝前

慕古錄序 有節句

張銓 沁水

士生千百世之下而欲與千百世以上之賢人君子若覩面而握手心並時而程業非詳考其生平亦胡以得精神於寥廓之表參符契於絕續之間哉余不敏於書鮮所窺測願獨好觀史傳每憑几開卷讀古人之嘉言善行可法可則者則勃然興其神謀秘畫投機合寡巧法奇中者則惓然喜或情與事相觸意與時相違若隱若合若合若離者則沉然思又或忠而獲罪信而見疑志之不得伸功之不得遂甚且身之不得完也則慨然嘆而灑然泣要以摹往古之神參天下之變挈已成之矩作後起之法而已頃奉簡書續聖賢編卷一

續聖賢編卷一

四

五經堂選定

延行素蜀止携唐應侯左編一種稍加刪定一以諸史原本為準又擇其中之人品殊絕者凡百餘人別錄一冊以便披覽名之曰慕古錄慕之云者有志而未逮焉者也夫在者嚶嚶然而尼父獨亟稱之取其志耳士不古人之志而誰志哉語不云乎取法乎上僅得其中取法乎中將至於下今夫射與奕小藝也然試執學射奕者而告之曰爾且為羿與秋也雖不能至亦必欣然慕之豈士君子而出藝人下哉若謂我不能學古人是自誣也謂古人不可學並誣古人矣

刀初陽曰忠烈冠登科即以古人自期先別駕亦謂節義文章兼有子僅錄此以見人文阜備非徒文以人重也范魁西

冊立冠婚號

揚天民太平

竊惟太子者國之大本家之冢嗣樹本欲固未有不自蚤正名號
始者衍嗣欲昌性事未有不自蚤諧伉儷始者今皇長子二十齡矣冊
立之期已過十年冠婚之期亦越五載皇上詵想今日宗廟杜稷
大計續承故佑良謀事尚有重於此者乎情更有切於此者乎胡
千惟音地曉不通如此
乃屢旨雖明竟無一踐且近於舉朝公請俱番中不報即間有別
論亦復以必不能完之珠寶為詞是上之意益不可知而下之情
益不敢信矣夫上不可知則窺伺之端也下不敢信則逢迎之漸
必至之勢
也有窺伺將有覬覦有覬覦將有陵逼有逢迎將有黨附有黨附

續香齋編卷一

五

五經堂選定

漢書韓福傳卷一
五
五經堂選定

將有讒構故○舉○賢○臣○等○雖○不○敢○盡○言○然○古○之○名○臣○則○嘗○言○之○矣○
昔楚共王不蚤定世子屈建曰楚心多亂一兔走於街萬人追之
一人得之萬人不走分未定則萬人皆爭分已定則貪夫知止今
楚多庶子而世子不定○亂自此生矣又宋仁宗不蚤建太子司馬
光曰向者臣進祿建太子之說今寂無所報此必有小人言陛下
春秋鼎盛何遽為此不祥事小人無遠慮特欲倉卒之際立其所
厚善者耳定策國老門生天子之禍可勝言哉由此觀之可見計
關儲貳不○必○君○父○實○有○他○念○顯○有○別○圖○始○足○貽○亂○惟○當○機○密○斷○反○
汗○座○常○則○此○基○因○家○之○理○要○不○小○也○皇○上○味○古○人○之○言○決○今○日○之○

策尚○可○循○豫○非○徊○而○不○為○父○安○長○治○慮○哉○以下又推一步况○男○女○之○欲○及○時○而○開○
父○母○之○心○推○情○而○體○豈○以○萬○果○之○子○體○充○氣○旺○之○日○好○述○在○望○鼓○
瑟○未○調○竊○恐○愆○積○久○而○展○則○為○勞○鬱○結○深○而○情○神○鮮○暢○此○自○關○皇○
上○天○性○至○愛○又○無○俟○於○臣○等○之○曉○寃○者○也○臣○等○待○罪○掖○垣○分○旦○力○
諄○通○僅○附○名○公○疏○則○以○旦○夕○靜○俟○之○旨○可○信○可○待○恐○冒○激○阻○之○嫌○
耳○乃○今○時○已○往○矣○望○已○負○矣○抑○豈○敢○效○尤○將○順○首○鼠○兩○端○辱○朝○廷○
糾○繩○之○司○誤○國○家○宗○社○之○計○哉○伏○乞○皇○上○虛○心○省○納○銳○意○蚤○行○母○
燕○成○命○以○駭○中○外○之○心○毋○泥○曲○說○以○來○讒○慝○之○口○將○冊○立○冠○婚○諸○
禮○亟○勅○所○司○刻○日○并○行○奏○國○本○固○於○芑○桑○典○

續書錄後集

六

五經堂選定

此爲萬曆二十九年南謫疏○當時言建儲者謫遣者而人先生
既凡十二上○最後以此得罪○上手批百餘語○蓋憤甚○猶以情真
不至重典耳○不一載而儲位定○伊誰之力○越熹宗元年○台臣上
其事○請加卹錄而疏傳矣○近日臺省大人閱之○能無同心○
所著疏稿二十四篇○言言石畫○爲吾晉三百年僅見○侯予有力
時批註全集以傳○
遙言得罪而直聲遠適域中○非臣子之幸也○以此等言而得罪
不可謂非臣子之幸矣○
范梈臣

世之熙攘營國自謂為功名計身家計子孫計遠而勸止安肯放
手予謂正遠不肯真為功名身家子孫計耳若果真肯為功名
身家子孫計自然不肯舍却上著妙算而甘心於下著敗局也如
功名二字從來人多誤認蓋子進學秀才中舉進士之類皆曰此
吾功名事也其實止是一已富貴何功何名安得謂之功名或立
功於一方或立功於天下或立功於後世使一方傳其名天下傳
其名後世傳其名如漢之蕭曹龔黃唐之房杜姚宋宋之韓范富
歐諸人方纔算得功名之士有此功名之士天下救大半矣惜哉

誤以富貴二字作功名者也因不識功名二字從低用功名二字
問何不識低用曰不敢以道德自任又不肯以富貴自甘只得
藉功名字而益富貴本懷雖是認理不明亦實天真不容掩沒既
知功名之士勝富貴者一籌且請出函谷而遷喬木然功名之士
將不享富貴乎曰富貴之徒恐決不能立功名真功名之士正好
享富貴也但載富貴者草之更安能安穩耳世之求富貴利達者
自謂為身家人亦謂斯人為身家其實不會為身家有二人焉其
一人使其身為心廣體胖之身令聞廣譽之身聖賢君子之自治
其家為勤儉禮義之家清白仁厚之家福壽綿遠之家其一人使

其身為寡廉鮮耻之身為人非鬼責之身為小人鄙失之身使其
家為驕奢淫佚之家暴橫乖戾之家傾覆敗亡之家精細細一想
算此二人者誰為身家誰不為身家當必有憬然悟矣然夫勃然
奮者世之求富貴利達者自謂愛子孫人亦謂斯人愛子孫其實
不會愛子孫有二人焉其一人子孫雖欲不勤儉謹厚不可得雖
欲不孝弟禮義不可得雖欲不為賢人君子不可得其一人不知
子孫之蕩敗而不能教明知子孫之蕩敗而不敢教甚至深恨子
孫之蕩敗而真可教讀細細一想算誰會愛子孫誰不愛子孫當
必有憬然悟矣然夫勃然奮者

范貞侯曰痛切之說不覺潸然不覺愧汗急猛一悟天真豁朗
人品卓犖大家同登賢閣矣
作勸世文可作救世書可作理學語錄聖賢格言亦無不可范
亦面
為家棟師告白樂天云兒童雖曉得八十老翁行不得也讀此
應存此想任華史
不惡而嚴聞者共悅戲笑皆是文章矣范華前

驅游民議

辛全梓州

天下之人原以治天下之事人人各盡其職天下無廢事矣今天下無法遊民太多或作為小巧耗費天物或專攻和術煽惑民心或逃差而為僧道或賣偷而為優伶或造酒而靡費五谷或賭博而漸習賊盜遊手遊食者多務本力田者少天下猶一家也一家中一人耕之衆人坐而食之欲求不困得乎坐而食之猶無害事况諸遊食人所作於世道人心大有害也宜將力田務本者量減徭役其無田而為商工者聽有田而願為商工者則浮民也略增其徭以示重本抑末之意僧道坐食無補作亂敗俗往往有之宜

續垂蘇編卷一

九

五經堂選定

預先諭以正道願還俗者即以娼妓之無夫者配之授之以田使其男耕女織為世道有補之人一倡一隨享人間太平之樂有堅志欲真為僧道不願還俗者聽其山林靜養自修不得誘惑居民夜聚曉散師巫厭鎮諸術人令其力田不得後施其術違者罰以充戎良家子弟有投充世家為戲子者許世家放還焚其戲本嚴具盡令歸農娼優各許從良有夫婦者解耕不得再為淫亂違則充戎其能從良力田者與良民一体相待凡作淫巧器物不關衣食切要皆令歸農造酒藥費五谷無益民生盡絕亦恐違難惟將各處酒家從後略加之重則為者漸次寡矣於各省絕寬處所再

續垂蘇編卷一

十

五經堂選定

為建置州縣州縣村落少者多為建置村落不惟便於行旅預消盜賊則遊民又不患無可耕之田矣流遺孤兒十三歲以下責令養濟院孤老收撫每月將常食外多加谷糧十三以後教令生理其替啞跛跛諸人十三以上五十以下不能求衣食者有司設法措置擇寬閑處所給以資費擇識字教人編為小詞凡孝弟勤儉忠孝分之意令其明明白白為人勸教其習學於厭鎮淫詞畫竹禁止違者不惟不許供給尤罪所教之人啞如諸人教學打繩織網紡花織鞋刊字諸藝有能施財供給殘廢者或作歌詞以教替人學習者即書德行一次以備表揚有司不加意者許提調官嚴法繩之如此則不惟無遊民而殘疾亦無不各得其所矣此舉大略也

衙門并一書共計三綱八目其文如五谷家家不可缺略錄其一以見絳陽經濟平易近人大抵如是范彭西

揮毫論地落筆經天亦止是紙上一副太平圖須要說得實行得去此等文章真有十朋之益范孝前

問途費自序

魯世任 垣曲

學問之事○出迷證覺而已○知迷即是覺○執覺旋成迷○迷無窮○覺亦無窮○嗚呼○是焉得不學且問也○乎任生而奮又迷於習自丁己歲○忽焉有覺○負笈跋涉○以問途於吾師辛先生之門○一見而聞人禽之判○津然汗潛焉泣也○自以為出迷矣○從而進焉○又覺其迷更多也○再從而進焉○又覺其迷愈甚也○今且二十年於茲矣○又似另開一覺○誠不知將來視此○又何如也○然而深知其尚迷○學因弗敢已○問又焉可不汲汲哉○今春客燕時○指吾迷者○隨在而是○因摘笥中稿○以當問途之費○懇好我者○而示以周行○俾不迷於所往○

續費自序

十一

五經堂選定

自奮盟

前人

誓自今痛革前非○力求自新○先正理學之書○須細心體認○當世明師之教○必至力佩○行凡學必實講○講必實行○務使心必存○意必誠○言必謹○動必慎○生則表於人○死則烈於秋○使人知講學之益○始不枉百里拜師一場○始不枉糾衆立會一場○始不枉業儒讀書一場○始不枉父母教養一場○始不枉天地生長一場○迨到屬續之後○也不含羞地下○矣如不自奮○天譴神誅○所難逃矣○半塊尹登明丁卯賢書治鄭州有穀狗難土人立忠烈祠至今靈應如響○先大父稱為忠意做好人不負男兒鬚眉者○范應西

乞賜骸骨疏

程啓南 武

自古治亂榮辱之端○在所信任○藉子曰○冰炭同處○必至交爭○蓋藉共器久當遺臭○臭言君子小人不同位也○今魏忠賢威移主上○蟠連禁闈○倪文煥崔呈秀等○扇黨與搖唇膏吻而橫於世○指夷光為嬖母○借鉤鉅作刑書○如鄒元標孫居相葉向高李邦華張光前等○咸削籍排擯○不容於位○萬璫楊璉坐掠重身○死魏大中左光斗趙南星○又禁錮桎梏○坐法枉造駐欵○以王振劉瑾之勢○加之鄧都之手○可不謂犯難極難○不止彼魏良弼魏良才等方且坦腹加官○意廣心軌○危毒海內○語曰○民志不入獄○因自出○况齊州荒旱○彭城水災○江南

續費自序

十二

五經堂選定

地震關中○承效反天○不祥於斯○見之矣○乃尚有進王璽賦鳳儀者○以便偏指○非臣所望也○臣愚以為衆正立即朝之禎祥○群枉立即國之效孽○今即使朱草日生○於庭麒麟在園○臣猶以為無因而至○而敢為回面汗行○不思變轍者○乎臣愚非徒抱寂寥之志○有不求聞達之說也○臣實不欲同罷職為群○與汨俱沒○臣知此言出○必與忠賢有卻○將枉王度刺○臣然臣出萬死○不顧一生之計○願盡忠○奉乞陛下信忠賢等○耗亂國柄○舉應死○早加元標等○於近勝之上○厲賢子祿臣即受敗害○固所不辭○臣聞忠無不報○信不見疑○陛下即過意○以摧臣間伍之中○稍勿程督當放臣還山○幸陛下裁察○無

使臣困頓長安終無所益

忠肝義胆目空生死可與韓忠定公誅閹宦疏並傳范彭西
此郎中公諱嘉績之父別駕公諱康莊之祖也享壽九十歲其
立朝事業指不勝屈宜乎累世科甲綿綿只今秋壬子頃吾省
鄉荐者武鄉三人一為先生第五子兩為先生曾孫惜予俱未
面無由詳叩履歷以志盛耳翟象陸安仁署中一聯略曰急國
事皇急家事為民謀兼為孫謀誠哉是言積善餘慶何可誣也
又評

續垂棘編卷一

三

五經堂選定

自誌有節句

昔宋景文公作治戒訓其子以儉嗇皇甫謐周盤之徒咸有違親
不欲務崇侈予因自為誌不令我死買文章求諛非我志其言頗
涉怪者而已不及生平政績予生以壬戌月辛亥日如其年時如
其月予年十七百日習一經曾納涼慈雲寺假寐覬覬扇扇予面
侍者為拂予面上劉子三傑見面具之予笑而不答予喪父喪母
喪王父薦遭閔凶九年不得就試俗送形之日則持盆陰陽家治
桃菊急驅遣予急止之曰人受生於父母乎受生於桃菊乎受生
於父母父母必愛予子必願見父母遺之何為予尚恐不得見父
母子勿遺傷我心予李南郡郡中人失火燒萬餘家惟徙家室
不暇舉自太守郡丞以下跡至皆使人救火火愈不得息予聞往
向火指畫令其返火即返所燒空際處移時亦無火南漳縣并楚
不成諸囚瘴暑陽驕寒輒欲盡予視其地穿之未三尺得古井短
梗可汲由是在奉常觸奸不死在冬官以尚書服俸領左丞三代
同爵蔭及妻子此亦布衣為人臣之極也我即終慎勿請謚世官
祭墓留應得之物以還朝廷母聽入鄉賢留非分之榮以予孔廟
吾歿後峴山勃海之間魂魄常依於此此於桐鄉為足矣蓋埋之
法棺以周身栢三寸櫛以周棺松二寸蓋輜前具銘旌一書予官

續垂棘編卷一

十四

五經堂選定

程格南武鄉

爵具帆十書難露其上。芻靈從宏父本等止十六人不須多亦不足用。教練毋用熊能四目使系門誦經。毋使俳優揚清哇如俗。伴衣衾足覆惡器以瓦管兆止勿犯五終。吾欲露形脫囊而下。汝等理難為吾子孫萬勿務華求觀美不聽改之改之是以吾為真也。汝豈忍以吾為真哉。為吾誌日行年八十二為明崇禎十六年癸未吾日誌墨反覆作細書不曳杖如三四十歲人眼前即五世子又孫孫又作人父男女幾四十人。兵亂以來散處方隅予多不能識。即識其稍長者。可作醒世格言。范鹿西

續垂蔭編卷一

主

五經堂選定

按此為崇禎癸未筆。越順治七年乃卒其詳見前評中。又評原誌澤內生光箕中發火白猿懸几以至崔君廟洪鈞自樂靈巖寺化僧預知等事。予偕剛以存中庸。又評

秦客氏收言官公疏

王允成 澤州

自古致治之隆。靡不以受言為兢兢。舜曰。來。禹。汝亦昌言。又曰。子達汝所。汝無面從。退有後言。是故士獻詩。魯獻典。史獻書。陳誦嘏。賦百工。諫庶人。傳誦蓋無人不可言也。而其後尤特設立言官。此何以故。人情喜諛諂。而天下之為諛者多。為直者少。藉今寬而聽之。或言或不言。究且至於不言。惟以言為官。是事之使言督之。便不得不言。言即為忠。為愛。為格。共不言即為非忠。為非愛。為非格。居是職者。其誰敢為苟容。以干罪譴也。者。故事而當明主行之。有補於君德。有裨於治道。國家收言之利。言即不當明主容之。不

續垂蔭編卷一

主

五經堂選定

獨納汙穢。而以鼓士氣。開言路。國家亦未嘗受言之害。盛世以來。無不熱者。我皇上仲齡嗣位。公車之牘。朝上夕報。堯舜都俞之隆。復再見之。通者以奉聖夫人客氏一事。諸臣有言。仰激聖怒。一摘再摘。幾成抱蔓之悲。竊念客氏之為保姆。十六七年。想其夙夜忠勤。必有大當於聖心者。第三宮既立。淑女好逑。琴瑟鐘鼓之樂。業足以宜家人式。四國聖上於此。自應剴情於客氏。而客氏自愛亦且可以出而出矣。向聞傳旨待先帝棄事後。客氏即出宮中外。臣庶無不舉手加額曰。聖上之御客氏。能以義自裁也。如此能不為情奪也。如此比出宮之日。龍顏煥然。珍奇樂器。而且金幣之豐。

養○瞻○之○後○種○種○破○格○又○孰○不○曰○聖○上○之○特○厚○保○姆○也○如○此○情○文○蒸○
至○而○定○期○不○爽○又○能○昭○大○信○於○天○下○也○如○此○又○孰○不○曰○客○氏○小○心○
勤○慎○能○見○重○於○聖○上○也○如○此○客○氏○之○知○幾○也○如○此○客○氏○急○流○勇○退○
利○有○夫○夫○進○退○義○之○概○也○如○此○聖○上○之○與○客○氏○真○能○相○與○有○成○
者○矣○胡○然○出○不○越○宿○報○復○宣○召○或○者○當○前○侍○御○尚○不○覺○其○怨○懣○一○
去○目○前○落○落○實○實○殆○有○難○為○情○者○顧○聖○上○之○召○還○者○情○也○情○則○一○
時○之○感○一○人○之○私○可○過○而○不○可○迷○者○也○蓋○省○之○苦○言○者○制○也○制○則○
傳○之○祖○宗○垂○之○孫○子○可○遵○而○不○可○背○者○也○諸○臣○一○念○芥○曝○沾○沾○媚○
茲○豈○料○輒○以○觸○怒○乎○今○倪○思○輝○未○欽○相○王○心○一○等○皆○相○繼○而○降○外○

矣○上○天○雨○露○風○雷○無○非○至○教○聖○上○挂○扣○言○官○淵○邃○之○衷○嘿○有○玉○成○
者○寓○焉○誠○非○職○等○所○能○窺○測○但○念○諸○臣○當○其○清○夜○草○疏○炯○炯○丹○心○
惟○知○引○君○當○道○鬼○神○可○泣○金○石○可○貫○其○言○非○以○自○為○所○以○為○君○為○
國○也○非○以○沽○名○所○以○盡○職○盡○心○也○婚○禮○告○成○保○姆○出○宮○祖○宗○世○守○
家○法○炳○如○日○星○即○我○皇○上○前○此○傳○肯○示○以○有○定○之○期○至○日○出○宮○毫○
無○牽○制○之○念○亦○豈○非○有○見○於○祖○制○必○不○可○違○私○情○必○不○可○繫○嫌○疑○
必○不○可○不○違○而○宮○開○必○不○可○不○肅○也○乎○昔○開○神○宗○以○十○餘○歲○陳○
皇○后○當○日○移○宮○嫡○母○且○然○其○何○疑○於○他○人○至○十○五○歲○大○婚○李○太○后○
亦○登○移○宮○生○母○且○然○其○何○疑○於○保○姆○即○去○年○選○侍○亦○必○急○急○移○宮○

而○後○聖○上○入○居○乾○清○禮○之○所○以○別○德○明○微○者○此○也○其○何○疑○於○外○人○
此○一○舉○也○關○國○體○之○為○尊○為○重○繫○君○德○之○為○完○為○始○憶○先○帝○諭○皇○
上○當○為○克○紹○職○等○謂○皇○上○之○於○客○氏○循○初○念○使○之○出○宮○即○是○克○是○
舜○循○今○日○轉○念○後○召○即○非○克○非○舜○分○念○即○為○分○途○倍○當○嘿○嘿○體○認○
橫○而○充○之○奈○何○遽○警○言○官○一○鳴○輒○斥○也○耶○况○今○非○無○事○之○時○外○侮○
割○據○於○遼○陽○首○寇○肆○於○熱○中○套○通○蹂○躪○於○延○綏○募○軍○作○變○於○西○
蜀○搶○掠○幾○逼○中○原○早○望○亦○至○數○省○人○人○無○國○志○在○在○有○危○機○終○日○
求○言○以○斬○消○弭○禍○懼○不○及○猶○懼○有○掛○梅○福○之○冠○歌○紫○芝○而○不○來○者○
有○可○以○頌○寺○而○屢○換○忠○言○乎○儻○諸○臣○因○而○慙○助○將○諛○者○不○肯○言○懽○

者○不○敢○言○諫○者○不○即○言○負○意○直○者○亦○躊躇○內○惕○而○不○盡○言○侵○辱○
成○風○其○時○貽○患○恐○不○在○言○路○而○且○中○於○宗○社○也○兩○京○郊○寺○同○聲○而○
手○之○而○北○臺○省○支○口○而○諍○之○豈○直○為○諸○臣○之○降○罰○計○哉○為○皇○上○計○
也○亦○為○奉○聖○夫○人○計○也○試○思○諸○臣○披○謫○客○氏○自○心○循○省○當○必○有○愾○
然○其○不○安○者○可○以○決○矣○伏○乞○皇○上○有○倪○思○輝○未○欽○相○王○心○一○等○
五○十○賜○環○而○於○奉○聖○夫○人○裁○之○以○義○將○克○紹○之○盛○德○成○矣○
無○獎○不○剔○無○詞○不○說○跪○中○聖○手○明○紀○稱○忠○賢○等○格○成○妃○殺○
王○安○等○皆○客○氏○力○當○時○表○裏○為○惡○無○過○而○賦○武○卿○程○疏○擊○魏○而○
不○及○客○氏○此○疏○擊○客○而○不○及○魏○罪○有○辜○焉○惡○惡○他○分○決○小○人○之○足○
不○及○客○氏○法○也○並○錄○再○作○以○存○遺○孤○武○以○為○忠○魏○誤○矣○

雙烈婦傳

五臣直錄

雙烈婦王陳絳之泉掌鎮吉永泰妻妾也。永泰落拓不羈，有古俠士風。然性急不能容人，過王歸泰入宰中，饋無愁儀，執巾櫛十餘年。無遠夫子也。泰既饒，取適聲伎，王覺之，語色溫謹。如平時，恐失泰歡，泰雖閨情小踈，然念其簪之佐，好合未倦意。甚德之。且堂有老母，代泰修問視禮，姑時稱婦賢孝。顧念薦於諸媳，一日思其未續，為泰謀買妾。至是泰復恐失王歡，王已廉陳女，聞靜委禽而後，聞陳女入門，為具服容甚麗，操作提汲則自往，不以煩新婦也。泰每醉出語無章，示陳聲色小峻，王自侯宴息，揮頭垂絲編卷一。

九

五經堂選定

陳勿近數年女字陳，陳亦感激母事之。便有同生同死之感矣。會流寇掠絳，攻破鎮泰，以任俠格開死。死之日，為十一月十一日。王與陳日夜伏尸哭，悲酸動衆，勸節哀毀者，鱗次至，痛不休。陳見王容漸羸，偵起居愈委，悉揮泣曰：「夫子捐館未匝月，若隨地下，我豈忍獨生哉？」王顧謂陳曰：「從夫子地下，吾志已決，我則已矣。子則奈何？」日來欽泣，強飯為兩，謀終身之計。事諧死，瞑目矣。陳血淚交橫，再拜且泣曰：「是何言？數年愛憐無異膝下，今胡中道棄置？生則同生死，則同死，墓固已面矢之矣。」王猶慮陳年少，從一良難，會議親者，趾錯於門。王力贊其成，陳堅弗許，志意怏怏，腹痛如刺。王慰諭

續垂絲編卷一

十

五經堂選定

再三遂寢仇儷之議。先是王染時疫，陳親嘗藥餌以進，滌器除矢，皆手任之。王火沸於肺，舌弗能聲，聲幾弗能達。陳夜臥並枕仰王，視息左右翼腋之。家人懼病侵商，以婢代陳曰：「余畏染，婢獨不畏染耶？」故情誼甚篤。云王屢窺陳意，不可奪，因約與從夫勿洩也。仲春之望，向辰，府門呼不應，故扉視之，則並投綬梁下矣。家人惶懼，不意兩人死，又不意一夕同死也。方伏尸號哭，時見其酸愴不勝，相與防其死。是時王不死，則恐死後不見陳，有終身之托也。更恐死後陳未得所，一少婦孀處孤幃，或以累夫子也。迨陳許以死相殉，而王亦私喜陳之得死所也。可與同死矣。家人輩就死所觀之。

敗名喪行之垢焉然則王之死死夫也陳之死死王也王死亦有賢妻陳死亦有賢妻千古而後兩人之榮者不其與之榮者不其與也則雖謂兩人俱為夫死可也是以謂之雙烈也

按此載雙烈編刻於崇禎壬午年編內尚有合學李日茂等及鄉約地方等公呈崇禎學道張公批准編獎仍俟題請再按幸復元先生存烈編亦載此但句法較此稍冗可見此事的確與世之附會者殊類曰雙烈庶乎不愧此外復有尚有諸貞烈小傳共計二十四節侯續入予三晉烈節志以傳范起而何以所欲有甚于生所惡有甚于死程子曰餓死事小失節事

續垂棘編卷一

世

五經堂選定

大令與俗人言便謂迂闊道學矣然則兩烈婦亦迂闊耶范薦紳家相嘗者輒斥曰婦人女子婦人女子猶有是嗚呼

續垂棘編卷之二

范爾梅按臣

范一儒个臣

任重任華叟

男范翼孝前

朱之俊汾州

周易纂序

易有三曰象曰理曰數數不離理理不離象分之則三合之則一也四大聖人寄精神於三者之中遂使千萬世以下之人各及其精神之所至而用之不竭焉此易之所以為妙也四聖既往門戶

續垂棘編卷二

五經堂選定

遂分卜子夏唱演名理漢晉諸儒通相效倣唐孔穎達奉太宗詔定易正義獨宗王弼至宋伊川考亭而益著然弼精象談理敢於作俑范審比之築紂非獲言也數學始於希夷終於康節謂邵子聰明別有領悟則可若紐卦以為圖創先天後天之說考之伏羲文王周孔殊無此論即漢馬融鄭玄之徒亦無此論也紫陽氏雖為註釋他日答王子合書云康節言伏羲卦位近於穿鑿附會且當關之則二圖未可為確據也至於象數因何孟喜以及國端六家之外無聞焉然皆窺其一隙而未親其大全朱子集諸儒大成尚有於象理會不得之說無可奈何強作卦變仙井李肆臣謂舍

本卦而論他卦皆所不取文山進講實卦剛上文柔一段亦不以
卦變為言其見卓矣勝國宋梁山高隱窮年刻意揣摩得錯綜
二字發明象義大快人心朱子卦變益覺其謬自謂契二千年不
傳之秘旨焦弱侯謂其妄自負許非蛙之見及觀弱侯所撰易筌
說象說變大半本羅塘氏明斥暗取忌才習氣獨不畏識者勘破
耶夫易者象也理得象而活數得象而神若易象不明並其所為
理與數者而皆非矣是故古之至人會其全體提挈形氣燁旋剛
胸以竅領天下此得易之神者也古之聖人先心研慮擬言議動
身無咎而民行以濟此得易之精者也後之智者引伸一節運用
續書林編卷二

二


五經堂選定

無方可以厝可以律可以陣可以仙此得易之變者也夫易至變
至精至神豈理數所能盡即聖人立象盡意而易亦豈象之所能
盡哉噫自易之學不明大雄氏始駕其說於吾道之上不知無思
無為寂然不動感而遂通數語已括盡三大藏之奧旨近人謂華
嚴八十一卷不出良之一卦良非虛語柳宗元有云大易一書盡
在佛經羅必議其憤憤謂其倒言之也夫肩天下之道者易也二
氏九流不能出道外即不能出易外吾願世之學者併精神於一
路以窮大易之無窮功無本現行盡源成行且與三古聖人同會
一堂之上則余考同辨異惟登路是誠者其猶在蓬蒿之間也哉

續書林編卷二

三

五經堂選定



來註為古今第一奇書他年有以矣鮮先生分祖且於四聖人
前者定從此序悟出矣兼施即非哉
引証比勘後俱成鐵案一字不可動移又
易之為書也不可遠今日始有確註
范其誠

仕國人文

朱之俊

文於今世幾無人焉○錦繡茶組人之衰也○論文於古○世幾無人焉○
馬太○漢○文○之○至○也○故○古○人○大○名○即○大○忠○義○流○於○石○香○之○清○輝○
雁○於○南○唐○之○月○露○腐○於○兩○宋○之○道○學○而○留○於○秦○人○之○一○火○韓○愈○之○
言○曰○人○其○人○火○其○青○論○世○之○意○微○矣○哉○吾○晉○以○十○六○字○為○文○章○之○
祖○乃○陳○常○明○九○鑿○草○野○之○聰○發○天○地○之○寶○不○啻○混○沌○六○經○嬰○孩○二○
十○一○史○也○者○破○鏡○之○勝○而○後○世○知○有○君○爵○首○陽○之○微○而○後○世○知○
有○父○觀○畢○井○之○變○而○後○世○知○有○先○生○達○師○曠○之○耳○而○後○世○知○有○治○
亂○文○至○此○雖○筆○如○蓮○不○能○增○減○一○字○舌○如○張○不○能○塗○飭○片○言○漢○宋○

續素集卷二

四

玉經堂選定

不○漢○魏○不○六○朝○亦○不○醇○唐○蓋○工○詩○非○其○志○也○故○言○若○此○行○不○與○焉○
非○不○能○也○或○曰○九○子○狂○者○也○志○多○進○取○予○謂○九○子○不○但○狂○蓋○指○者○
也○實○有○所○不○為○九○子○所○知○不○無○富○貴○人○富○貴○人○或○欲○資○九○子○九○子○
輒○乾○焉○以○為○辱○持○九○子○才○類○繼○不○修○康○陽○以○言○交○錄○諸○公○卿○如○茂○
秦○次○梗○焉○者○以○成○其○名○何○有○九○子○卒○擇○地○踏○擇○言○言○不○屑○苟○為○周○
章○聞○人○以○疾○名○教○是○有○所○不○為○也○蓋○指○者○也○唯○志○狂○故○言○高○而○踈○
狷○故○索○而○孤○而○其○言○之○體○亦○康○而○不○貪○嗚○呼○士○不○得○志○于○時○惟○言○
可○貪○而○卒○亦○不○貪○使○不○以○儒○生○死○風○節○其○性○以○詩○傳○者○耶○傷○哉○風○
節○往○往○不○能○以○儒○生○傳○也○無○已○傳○詩○九○子○詩○實○不○盡○此○露○盤○所○搜○

輯得此耳○予畧為刪存之○然其失者多矣○故畧曰○曠林一校○
者九子讀書處也○

惟狂狷可不以詩惟狂狷可以詩○予謂詩非閑吟小適讀此益○
信○范○魁○西○

居然蔚素手○筆安得此等文數十篇○冠冕拙選以救世之萎靡○
者○純○資○者○食○古○短○釘○而○靡○靡○無○氣○者○又○解○

公他詩焉○海內共知自謂我非詩人○此云無已傳詩又云工詩○
非其志此豈詩人心口耶○文清公曰作詩到工處只做得詩人○
言○哉○是○解○臣○

續素集卷二

五

玉經堂選定

文○光○埋○土○瀝○壯○穆○之○血○而○法○黃○戰○勝○於○乾○坤○唐○室○關○龍○蜀○道○
為○難○耀○睢○陽○之○劍○而○著○華○掩○照○於○日○月○外○是○裴○霍○秋○文○之○相○業○
平○衡○薛○之○將○才○王○宋○柳○白○之○詞○章○皆○一○代○偉○人○樹○旗○鼓○於○名○節○忠○
義○之○理○者○也○或○有○進○子○而○正○之○者○曰○君○晉○人○也○毋○太○過○子○曰○人○之○
用○能○通○節○義○之○窮○今○人○一○古○人○也○文○之○用○能○空○經○史○之○變○古○文○即○
今○文○也○二○毛○之○傳○不○以○註○詩○文○中○之○變○不○以○併○易○史○記○何○足○以○名○
腐○遷○春○秋○何○足○以○重○孫○盛○至○若○溫○公○居○鄉○化○在○朝○朝○安○甚○至○遷○
人○相○戒○曰○中○國○相○同○馬○與○慎○勿○生○事○開○邊○釁○此○又○軍○第○一○資○若○
鑑○之○力○已○哉○然○則○非○其○人○而○存○其○書○吾○謂○不○如○祖○龍○之○灰○也○范○子○

耀見識此意矣○編曰○人文友○友古○道該是與周樂作而十五國
之風大備於季子札一聽○聞范子其無扶焉○晉書也可○
識破此意殊覺○繡虎雕龍盡成務○狗扁輪糟魄之說知言哉○受
兼此部鼎註○
夫子著述○海內共見○荒裔藏本偶為司理井公袖石先於家刻
中錄一二序以傳○又載
其氣力足以吐洩其識見○范其識

續垂錄編卷二
五經堂選定

發設先宿法相寺記

張公伯雨于公忠肅祠墓皆在焉○予因念此篠根孤窟之人○向者
亦嘗鳴笳伐鼓於兩湖羣山之間○及一棺戰身○雖與馬揅香歌笑
謹譚亦不聞不見○死者即無言生者猶未悟乎○乃宋人猶謂西湖
風月不及東華門外一片軟紅塵嗟乎○予謂即使軟紅塵中碌促
百年不及向湖山抱膝閒坐一日○予鄉雖乏佳山水○然秋初彪嶺
春秒文湖若以西湖之意游之一波一石便是餘杭○予向屢語公
亮吾及四十之年便避位尋山訪勝以畢餘生○終不老入長安街
上至此地○吾念益決矣○
一副清涼散○鼎識

五經論畧叙

朱之俊 汾州

虎西天下才也○與余素通聲氣○曩曾讀其制義○飄飄有凌雲氣○讀
其古文辭○登峰造極○直擬作者之壇○斐山平水間久樹一赤幟矣○
辛丑鼓氣怒飛○大展垂天之翼○乃舊錦方新而葉鉛不輟○近復以
所著論義○走札相質○余老而耄及一切典籍○盡度高閣○惟黃庭妙
簡○縹緲府真文○時一寓目○然燕雉之疑○亥豕之失○承訛襲舛○未即了
了○又概置之○自分澄神遠慮○顧真逸谷○不見不聞○放令耳目各歸
本性矣○偶閱公新論○不覺舌橋心折○見獵有喜○不見其於大方之
家耶○曰念古人著書立言○必動合天心○靜得地意○方可藏諸名山○

續垂錄編卷二
五經堂選定

傳之其人○如○邵子○皇極經世書○全從○百原山○中○靜○參○得○來○豈○摘○葉
異枝○盜名欺世者○所敢望乎○余手是編○迴環咀嚙○為傳○浪推為定
遠穴為督元○九為雪窖節為陰平○兵大而律同○細而曲學○必妥諸
實際窮極本原上○可以脩顧問下○可以正文體○有才如此○殆謝康
樂所稱慧業文人者○與余故喜而弁之○懸諸國門○信可作世人眼
目矣○
前半獎勵似過闊之殊覺緒煩○後幅則字字入裏○與敬作鞭策
何日忘之○受業范部鼎識
先生答陳百史云○言貴見道○安用機鋒○讀此可見一斑○范一偉

壽武明府序

畢振姬 高平

遠左隸有蓋州山石亦傳有蓋州皆起於唐云唐拔蓋州以其扼
滂水湯池之要內接牟羅外薄熊岳羊欄而衣帶混同江水目以
為州其人雄傑而駭厲性簡而直行敏而習事以勤故人才足以
佐天下國朝從龍之彥大者公侯小者牧伯郡守師帥間人東
方蓋州接踵而出山石所謂蓋州不振矣好義多謹急公而知節
傾側援接兵火之餘俗亦少衰焉心氣怡於後靡政教失於寬緩
史傳昭義高都之人甲天下漠然山澤無存者蓋州名同而實異
一至此哉唐以高平隸蓋州宋以蓋州隸高平高平之邑古郡也

續香林編卷二

七

五經堂選定

商蓋自周公不下光狼寬谷羊頭建興所在秦趙周齊漢宋之壘
存焉雜民之所居疑者索起而邑長視色觀瞻多欲鳴絃馴雉坐
理高平實難矣振姬記二十六政陸二令耳令可以治邑不可以
治郡高平古郡令多非治郡之才才或非百里而寬以濟寬後亦
與僕豈復有效乎我振翁武老父母能治郡者也自朝城刺延綏
守姑蘇所至有效去後令人思項謫晉閭佐軍政撫軍楊公祖檄
署高平南下車問民風俗疾苦嚴課士禁輕生遠邪教明慎用刑
案無留牘以蓋州之簡直治蓋州之俊靡以蓋州之勤敏治蓋州
之寬緩彼亦一蓋州此亦一蓋州蓋事決月姦邪之民愿趨簡慢

續香林編卷二

八

五經堂選定

之民整齊暴亂惡心之民不敢犯難民之所居安見其為名國而
實異矣乎子由有言曰商俗駁厲能自立於廢弛之後曰以救夫
寬後大效者也故三月親政以其速三言親政以其明車中親政
以其決堂上堂下親政以其精明速決以其所治郡者治邑邑
豈足治公治三邑高平直其寄焉耳先是振姬見朝城約東推為
牧伯郡守師帥之才無施而不效蓋州地靈使然獨在有益
州哉公誕辰高平學博劉先生率諸弟子謀所以頌公者此亦一
蓋州也政教之所及心則氣和氣和則聲和和以剛柔而不同
以水火是故劉以濟泰其子為火其孫為水水內景火外景天地
之運也東升其光午美盡西入其照子美盡今以遠左蓋州治山
右蓋州稱治東西無不盡焉豈有盡焉精以治粗明以治暗天地
以然始也朱子言天下大水四而混同江最遠公起蓋州之混同
首尾江河水之內景壽於天三山百濟泰人盡敬所從出入也又
何有乎山石仙井哉

省去西母東公勞振贏得南山北海安閑從治民處發出一段
不朽事業此等手筆獨有千古矣
自然之極又識
在東西蓋州上看出壽意別有天地非人間
范一偉識

賀武明府序代

畢振姬

可治之地更數人而不治人不治也能治之人更數地而無不治地無不治也治具因乎事治行視乎才天下之才不以冥冥決事故不以事大小焉古者縣大於郡上大夫受縣下大夫受郡才大難為用治蒲治荊其以函牛之鼎烹雞哉司農主軍市九卿謫令長才無事不辨非故拙於用大也從大視小不真從小視大不盡不足以論天下之才亦久矣唐詔言高平重郡郡大於縣頃以縣吏之才求其治商鉅驅河也中更數人雙鳧去乘雁來事日散而陰誠情謾未有以震之求治難矣武公假令高平纔數月簿書事

續垂棘編卷二

後一

五經堂選定

一日春事二十五日祀事陰不出日獄訟事陽不移日一日較士文事以興一日賦民民事催科征繕以無乏日中拊鼓遠近探九之事靜日暮鷄鳴狗盜之事不敢發至廟社壇為鬼事鄉三老嗇夫尉丞馬監為吏事雖日不暇給而條記所下方皇聞雷車之聲則捧其首以立蓋以治郡之才治縣也以其治姑蘇大郡治高平重郡高平之險誠情謾無大姑蘇者能治之人遇可治之地意常主於法之所必行恩每周於威之所不用形勢不得為非險誠情謾常若存雷在其耳制其神明者然也震之初九陽動於下也龍雷動不越呼吸嘆然以止茁然以生吏治亦貴自見其才耳安能

營營歲計數困難成之事為平子言政戒欲速自謂期月而可天下之才遠於治故其治不疾而速治目欲速堂上下以其人而介子推治治齒勞星出入以其馬而巫馬期亦治君雁州縣府四轉官治狀不一已治高平之民任其勞地顧為之哉乃受治者無一事翕然仰止之威奉法惟謹高平可治之地不同日而語姑蘇爾朱子筮震之九四震於地之所不便所以用其才者良難台州之事何異君姑蘇之事宜遂泥而未光也東榜太原守行簡又舊伍符舍人兒與諸廝養卒無犯虞侯典軍主簿才乃太常人刻日小可以大也盡舉大可以小也見其人不見其人之才如是已矣

續垂棘編卷二

前

五經堂選定

謫官多不喜事事且使越樽近代高平治事如此得攝尺寸之柄欲有所用其未足其為雲蒸霞變誰識才之大小哉治某歲平才與不才之間頗聞人以彼其才自郡守主軍市代令長治軍終朝而治治民數月而亦治謂大才當晚成必不其然然則速如平陽一主吏可治齊勞如鄴侯一主吏可治秦震之六二七日得家盡人才之用是不在乎能治之人與可治之地也

重修三壇記

畢振姬 高平

社壇在東稷壇在西高平南壇不可識古者長平建國此其古之
侯社乎抑大夫以下立一社或其置社也或曰壇主祀風雲雷雨
是漢所祀靈星也北而有壇答陰也坎座以陰時陰位轉皆顯色
喪祝掌其禮甚嚴于路曰有民人焉有社稷焉高平三壇皆祀有
民人無社稷先後令坐法免往歲劉佑君教諭以黑水奉祀事荆
棘莽然址内外卧牛馬惡草具縮酒為齋下窺其几攫之肉跪起
不成老嫗束短帚為尸燕鄉之社燕國之稷至此其極哉已謀之
於余余悲里社樹無懸錢歲時叩覓拊缶以為樂朱絲樂社若武
壇舊林編卷二 九 五經堂選定

會武公假縣令佑君以其事請慨然捐金尚尉因助以其貲三壇
並築春鋪畢從不數日而工竣餘金覆之以瓦春秋工事作之書
毀之書錄縣之老罷矣澤門有哲映其役而歌者止況於社稷之
役哉數日而工竣此其社為樂公石相也春秋鼓社救兵鼓社救
水衛先生為秦畫長平之策獨饒滿坑周齊東西之所爭周漢南
北之所掠屠以爾朱父子焚以粘木制以關賊姜逆水旱螟螣之
不時固其變也一中散坐白社董威駐輦數十百萬僂屍蒸焉疫
厲又無地安其神神其吐之乎先成民而後致力於神三壇且矣

抑聞之句龍為社柱為稷者有年殷以旱易夏稷周以兵屋殷社
淮南子曰禹勞天下死而為社稷作稼穡死而為稷外除遷轉不
一其人亦若長吏之能官與其失職上功曰景下功曰殿云乃今
三壇基置小鳴大响自此有賢君子其間吏行勉之矣藥巴以鬼
道治民而民治張魯以鬼道治民而民亂三壇陰神使鬼物取以
形夫吏治之得失蓋亦人事也哉振姬叩覓拊缶相和而歌以為
樂鵲鳴樂諸人間社稷存焉耳武公謫太原揖錄高平又僦工修
拔一廢亭皆以佑君請勸事其於人事知之矣
沽潑不可提尋常不可到竊莫誤認拱宗師一流
受業范部壽

續舊林編卷二

十

五經堂選定

古博縱橫或可以學而得之讀至末幅再三低個復令學人閣
筆范其

重修敬一事記
亭在華經閣明倫堂之間可以言學矣六經之學博以約約主乎
收斂無內外一也五倫之學知而行知主乎省察無動靜一也
者敬而已矣程子言入道莫如敬蓋自小學進於大學其於灋掃
應對進退之事持養已久是以大學始教皮弁祭服示敬道也
庫敬也也序敬賢也術敬業也類官敬祖也經以詩易理性情倫
以綱常立天地有間有堂不可以無亭今使閣有藏書堂有尊卑
族姓無主於其中非竊而文之則狎而侮之矣敬之為道中有主
而心自存心用之一事他事更不能入者事為之主也事為之主
續香齋編卷二 十一 五經堂選定

心可強而不渝況於敬為主乎有主則虛有主則實兩言皆載
近思錄以是內外動靜之說起內欲不出曰虛外誘不入曰實則
內外未始非一動有而靜無曰虛動有而靜亦非無曰實則動靜
未始非一者敬而已矣子曰執事敬要便心之全體整齊嚴肅
以為主流行周浹以為用豈有一念之武歧一息之或問哉新安
敬義取諸易以其義為學問思辨之善而善一南軒敬仁取諸書
以其仁為視聽言動之禮而禮一濂溪敬誠取諸禮以其誠為喜
怒哀樂之中而中一夫似中者延平不以為中中無主耳中無主
而禮以定命善以誠身豈復能一哉平日虛心觀理豫養之未

而一意一端擇而兩之四之參之伍之執而十之百之千之不使
憾其心之所不覺覺有持循無將獲寬段於其私自無放佚於其
理私不一而理一也常在曰止自知曰獨極深曰幾疎然若有所
畏物不奪其心則知止安止天矣介然若有所持動不違其心則
守獨慎獨王矣惕然若有所承心不遺於事則沈幾知幾神矣主
一之謂敬無適之謂一以致精致其虛此心無內外動靜主收
歛不主上蔡之展托一以備萬備其實此心有內外動靜主省察
不主金華之存在一為主二為用用止於九九復變而為一者
形變之始也水火之生化食貨之源流星辰之順逆政教賞罰之
續香齋編卷二 十二 五經堂選定

先後鬼神禮樂之幽明主於敬用五事事主於思以心作聖聖人
之所為學性情也而其學學天地也豈不約而可行哉此亭之所
為作也嘉靖詔大小學立亭歲以敬一實以程子四箴四箴所由
適於敬之路也已當是時五星聚於房氏為天廟故甚敬祠而重祭
以嘉靖學有殷殷尚敬敬之失以鬼不能學武丁之學是豈主一
無適而聖哉日齊哉今上詔修太學及於郡邑之學學武丁之
所學承以大夫師長莫敢不一於敬敬德之興也高平敬一亭
學博劉君儀修難就功武君假令數月一舉成之亭成內外動靜
皆從敬入經術性情之微倫常天地之大未有致知不約之敬者

貞夫一也○程子目點數倉柱○指示學者操存之道○觀於亭者知學○矣○以亭主學以敬主事○以其尊經而明倫也○主敬其益進此而學○也○哉○亭址高於舊二尺○柱尋而極常○參節錯下○可南○可北○東西○墻如防截○亭上偏闕為兩○可十四楹○朱子言終覺間斷便已相續○然則吏能敬官學能敬業已○

若爰居之駭鐘鼓○未有卒其亂者○于鱗不得專美矣○太清德園○見之應亦俯首下拜○受業此德園焉○確是理學中開山手○又識○

未嘗於敬一亭外溢得分毫○而崇巖峭壁○勢不可躋○先生其今○

續香林編卷二

十三

五經堂選定

之李隴西乎○范一偉識

無窮妙議○高人百倍○范其識

知縣張晦之墓誌銘

畢振姬

晦之令海寧○客死○踰二年○乃克葬○督子持恒之狀○問銘為言○貧故○因具知海寧屈折宦惡○咸仲之產不謂晦之官貧以死也○使晦之○貧不能推擇為吏○即為吏不必令海寧○可以不死○晦之死海寧當○非死令令何足以貧晦之死○晦之哉○方伯之子廷尉之侄○參政之○弟中丞之婿○生長世家○貴厚及其身光耀榮華○才志過人○先其叔○舉孝廉○薄門族○明經齊郎○蔭子不試吏○固嘗贊○王師振國○耻一○紆父母之急○上功曰○最不以此時取富貴○海寧五兩之銅○長吏坐○貧且死○乎初方伯為國鉅○王師澤州先下軍中○倚名族計賊賊○

續香林編卷二

十三

五經堂選定

盡銳壁上黨兵○其利先入○以晦之按定上黨○民大兵方乘勝遠聞○謀聞賊間道會圍晦之○入收兵數千○嬰城二十四里○七晝夜其上○老弱負戶而汲○鷄狗不聞聲○城下井堙壞○潰如蓬室○發其機牙○敢死士焚攻具○肉薄蟻附者○顛賊懼散走○諸城反為賊降之○為國○原之上黨以完上黨○天下之脊○勝則郡守中丞留後尚書敗則以○身劇夾版晦之較孫揆無官語田邑有母方程千里無家倉卒以○義討賊上黨推晦之能兵○兵譯假監司拜撫軍○晦之幅巾歸里口○不貪天功以為己有○方伯老而恭政累官在遠也○晚就海寧作令○長是為上黨守○狼孟長也者海上用兵○武以海寧方上黨晦之謂○

勢有強弱政有順逆○強勢亂政以逆○弱勢敝政以順○故奸與盜同○
○如變化之道○棄而安與危殊○施海寧城可灌潮○戒寇來○汝防盜出修城料止三
十金○荒度堤三十里○工費印給縣官見下九萬○不苦役戕○舡淺船
料解軍興○檄大木數百○記下某山樹可材○官舍祠亭墳墓之樹○禁
勿剪陰以兵法○部署政宜強也○田地山蕩丁口歲徵計兩額八萬
連千○清糧官丁本折以石計三萬四千○先是令貪多藉支藉支不
能請資盜○資盜不能發○聚隱上下通而通賊多連敗數官○催無出
餘無名○賄之度不能獨為代償○海寧推賄之能賦政宜強也○然海
寧不加派一錢○掃上黨饗軍犒士之資○羊馬田園減半○孫儒人脫

類編卷二

十三

五經堂

○晉理獨兩見○命此在兵法不見爾○居二年坐欠清糧○則一○
○官恭卒勝之卒而吏民悲○爭出錢賄○喪事使賄之考註中上○未必
不死○賄之即不死○海寧或追錄上黨戰守○召拜任○賄之即不死○
家不貧亦死○等死○死○貧自賄之令海寧乃以貧死○抑何損治兵○
賦之能已乎○魏無知言下所舉者能也○上所議者行也○今有尾生
孝已之行○守一郡不能令一邑不能他何能之有○漢守令兼兵賦
盜起或親詣壘門○放散官錢不可治○賄之兩稱曰能重以尾生孝
已之行而時失不可及之功○官貧以死才不憚獨任志不慕族升
大行顧不得受大名乎○賄之長七尺少言沈深有遠畧○陸額廣額

豐順有欲舉山法為持重堅忍敢任事自母郭太淑人背哀毀如
成人○事繼母楊太淑人梁太淑人如母事伯叔父如父方伯終八
十哭泣如慕○既葬如疑○諸為方伯執友如家人○生長世家貴厚學
殖無中落○日記數十百言○爭名當世之文章科第如其家故物○彼
汲汲於名者○猶汲汲於利○賄之官貧以死無憾也○賄之諱聲是七
歲失母十八補弟子員娶孫中丞鼎相女二十八舉於鄉四十二
喪父五十一令海寧五十四卒生萬曆壬子七月二十二日酉時
卒於清康熙乙巳十月十九日未時葬於戊申二月二十七日旁
先塋焉○曾王父曰朝器朝器前三世由克敬始著朝器生思烈以
續再續編卷二

十三

五經堂

子封贈皆有官恩烈八男方伯諱光緒起家進士最大世系伯叔
詳墓誌兄弟無白衣大小試吏貴顯富壽子孫推方伯方伯六男
賄之聲是舉孝廉最有名故形象謂地靈在仲然伯兄累官大府
監數郡○詔下西寧道恭政聲昇得贈祖父母父母如其官同母
弟聲最異母弟聲昌聲暉暉即余姪恒之也○兄弟無白衣先後註
官此四人者見在賄之與賄弟聲世官不過令長年不逮中壽貧
不衍生產世業疑仲子數奇不驗賄之四男伯仲尤最有名○短悍
短悍廉於庠記數十萬言○短悍觀其從父海寧破產為海寧滿額
間道數千里奉衣以歸卜地營葬不遺力○踰南陽阡遠矣○種細

喪父孫孺人教之遺子一臂可以大天之所興方伯之子孫必復
復必於其仲子則晦之為不延晦之久而諸子立有成則晦之為
不貧活千人者當封晦之積行有大功不食其報非謂形家驗云
太史公傳人世次形以世漸短記性以世漸少官以世漸卑無以
處夫精神大於身者也子女皆孫出孫男追驥驥出驥娶諸生王
憲伊女孺娶孫大司農居相女孫孺娶姬章章顯廷女神娶諸生
王域瑞女女四長適董郡丞子斌次適趙食憲子永斯皆世又
次適苗中丞孫繩之季女字李縣令子李超聽女字王廷尉曾孫
王舜年孺女未字語日輟折輻不撓任衆輻衆任晦之轍也其
續香林編卷二 十三 五經堂選定

畧外以別內也春秋治大夫以上加諸部吏賢仲子也何賢乎仲
子假守愈於守有令愈於令何愈乎守上黨而晉蓋奔秦盜奔然
後父母安天下之勢成乎上令海軍而損上益下上損然後民人
定天下之賦成乎下國功曰伐民功曰庸也
昔人謂循吏列傳史畧而漢詳似此形容清廉有濟處詳畧合
法足無二家之長末以銘誌誌匪夷所思受業范部再誌
張爾公讀陳大士太乙山房因戒及門曰壽序誌銘不宜涉筆
間一為之亦不宜刻入文集恨不令大士聞予言耳夫爾公之
意蓋謂壽序誌銘陳陳相因才人學人從來所難予嘗謂壽序
誌銘原本嘗難人人自難耳如吾畢夫子子偏錄其壽序誌銘
諸作以俟後眼又議
不從先世願叙不將能行功平起勢提貧死在前設出疑陣龍
性恁地難馴叙先世後忽送一難叙子姓後復作一難也不令
文中有平蹊熟徑昔荆川云墓誌詩文若皆存在世間即以大
地為架子亦安頓不下矣使文章盡如此彼復何議哉范爾梅

給事中張公合葬墓誌銘

畢振姬

綠蘿長姬十九歲晚為志年交至死死屬姬銘姬走位哭詣其第
辭不得跡公循吏三縣華華務得民和以為常召拜諫官駁諫
上用其言而未竟也今年歲在丑何以死哉公諱京字毅臣別號
綠蘿冀山封翁長子冀山諱所蘊自所蘊六世祖徙河東別為河
東之張張故澤大家冀山貧不能推擇為吏教授里中公從里中
黃父書講易承指畫語深稽於古今得失算數軍書刑律及吏所
為荒政水利屯田無不通曉里中子弟出其下因師事之郡守王
賓吾見而怪其美士嘗目送曰張子舉趾齊面多權骨跡爛爛不
續番棘編卷二

十三六

五經堂選定

必為骨鯁之臣辛酉自諸生舉於鄉年二十八益竟學數為人
哭時政以高論從進士試比諸封事不中第窮無以自其大人選
高陽長勳貴坐寶舍二十四家吏恭客見初偕私曰高陽兄亮舜
之教吏敢有鬚耶與語如不可干以事客退益恭先是中貴主奸
先亡命庭柱之間常滿通飲食藉交令長間以危法中異已者而
戚晚奪確確穿溝壑自利緡錢半輸之家吏結姻媚事為奸狀民
益失職公料民困不能償者得請舒通賦七年饑請官粟積萬餘
人開口東望其左西望其右從帥請龍華獻俘得戒死八千人事
聞關南瀛莫安順廣信告兵事爭之平界上調雄縣最走馬道軍

續番棘編卷二

十三七

五經堂選定

立公日夕亭事食豆粥曰父老之食食而衣者猶多矣不忍視
為塗人三年乃給大兵從枕席上過即衣袴唱籌軍市一人燕兩
人之食立辦軍中皆目之退召長老諸生問所以安集百姓有時
避正堂受學父事如封翁以是所取所造皆大士學成而政舉順
無不行果無不徹先以清簡無不化三年封冀山翁如其官趣治
行考選記勞元令三縣兩廣行取分較文武兩關祀之龍華社一
南來采石湖陽多腐之祠碑像費者五仁者講功天下有司治行
宜在左右獻替者推公已丑拜工科給事中先皇帝求直言念
令長親民嘉與條上民隱進退天下之令長者御史蓋給諫內外

相形○寵異○無與○比○當○是○時○歲○遣○使○者○巡○行○不○以○其○言○彊○諫○佐○百○姓○
之○急○召○按○舉○劫○或○不○當○吏○民○不○相○得○中○垣○度○不○可○撼○不○復○引○故○事○
封○駁○諸○言○事○碎○上○益○厭○之○公○待○詔○久○無○所○言○問○以○國○家○人○政○所○疑○
直○視○不○語○一○日○奏○彈○三○御○史○直○聲○震○天○下○退○侍○冀○山○翁○曰○三○怨○將○
作○累○及○老○父○下○吏○一○人○銳○頭○數○規○以○敏○一○人○顧○危○顧○削○躡○高○齒○
鮮○一○人○歸○臯○豸○腹○艱○於○行○帶○溢○一○束○皆○少○年○有○氣○力○首○尾○一○身○貴○
近○多○為○耳○目○者○公○入○有○出○於○待○辯○者○頂○目○光○攝○人○師○聽○其○辭○不○
能○詰○視○偉○公○曰○西○方○之○神○蓐○收○也○以○面○多○鬚○主○擊○罰○故○云○事○久○不○
鮮○然○家○嗟○誣○公○以○所○舊○為○上○憐○其○直○終○不○屈○欲○令○自○安○便○即○先○

續資治通鑑長編卷二 十三 五經堂選定

下○當○聖○旨○令○坐○事○奏○人○曰○張○敬○從○閣○下○七○歸○行○用○之○矣○戰○以○直○言○
置○何○事○封○還○詔○書○公○去○高○陽○雄○逸○留○頓○舍○當○塗○喜○道○之○境○人○
曰○循○吏○今○亦○可○為○哉○三○虎○夜○來○人○其○謂○之○何○亡○何○上○終○用○其○言○
遂○三○御○史○及○其○他○議○罷○巡○方○至○今○左○遷○諸○諫○官○不○為○盡○言○於○是○疏○
然○知○上○之○重○言○責○也○事○自○例○當○還○職○會○冀○山○翁○老○且○死○遂○嘗○藥○營○
葬○不○起○已○聞○國○感○心○傷○其○老○難○為○用○泰○室○之○所○憂○者○方○深○病○亦○尋○
劇○嘆○曰○起○草○野○臣○夢○登○天○哉○辛○丑○九○月○卒○於○家○年○六○十○八○終○僊○
妻○三○世○不○遇○當○夫○君○臣○之○交○初○合○資○川○公○言○不○過○去○三○數○人○立○定○
巡○方○議○罷○而○復○復○之○而○罷○之○無○為○也○沂○公○識○呂○申○國○以○其○奏○請○知○

之○公○為○令○所○請○不○少○得○久○留○內○次○第○拾○遺○捕○闕○詎○不○為○中○貴○效○
議○獄○議○兵○議○餉○歌○者○之○田○且○止○先○皇○帝○何○取○約○束○紛○更○之○為○
今○上○推○前○人○遺○意○十○策○之○可○行○者○某○某○公○雖○老○幸○急○用○之○至○其○擁○
以○主○守○成○深○堅○實○有○不○能○奪○汲○黯○之○難○斯○亦○殆○近○之○矣○公○即○不○竟○
其○用○居○家○堤○西○郭○梁○大○陽○橋○倡○脩○文○廟○葺○公○死○王○事○祠○自○捐○穀○
立○義○倉○朝○夕○卿○賢○祠○奉○文○訓○子○弟○有○成○家○延○碩○儒○趙○君○日○暉○以○館○
賓○作○生○死○友○設○醴○致○敬○七○載○如○一○日○以○散○仁○度○累○試○輒○冠○軍○計○費○
財○三○分○之○不○可○乃○八○分○之○公○子○羽○宸○弟○子○也○鄉○先○生○沒○而○祀○於○杜○
各○與○實○果○孰○多○哉○封○翁○長○七○尺○公○長○八○尺○姬○初○器○封○翁○受○書○退○讀○

續資治通鑑長編卷二 十三 五經堂選定

公○所○著○數○種○綠○璽○即○使○竟○其○用○非○久○因○陋○不○能○著○書○以○自○見○云○世○
次○詳○封○翁○墓○誌○公○配○段○氏○云○丈○夫○子○三○長○恕○楨○即○仁○度○廉○膳○副○真○
子○榜○云○以○某○年○月○日○合○葬○綉○屏○新○阡○之○原○初○綠○璽○喜○形○家○卜○地○
死○以○遷○塋○合○墓○示○仁○度○仁○度○勿○不○滿○數○尺○乃○能○盡○力○大○事○仁○而○直○
者○有○後○哉○姬○雖○長○仁○度○亦○忘○年○交○勸○仁○度○從○治○命○銘○曰○直○而○尸○諫○
也○儲○仁○而○尸○祝○也○杜○說○禱○且○禱○自○瞻○而○尸○衆○人○不○忘○其○母○家○人○不○
異○其○父○父○耶○母○耶○然○而○共○止○此○墓○也○
一○幅○忠○直○千○古○臣○鵠○受○業○范○智○鼎○機○
細○讀○仁○度○行○狀○乃○知○此○文○之○妙○向○謂○那○移○一○字○不○得○尤○信○又○識○

露訪王君墓誌銘

畢振姬

死○生○之○理○易○有○之○謝○上○蔡○曰○氣○盡○也○氣○非○有○盡○散○焉○耳○氣○聚○乎○此○
則○理○命○乎○此○矣○當○其○散○也○父○母○奉○以○為○鬼○神○鬼○神○乃○精○神○魂○魄○精○
神○父○母○之○志○也○魂○魄○吾○父○母○也○宰○我○聞○鬼○神○之○名○乃○無○愛○其○父○母○
父○又○生○子○子○又○生○孫○氣○有○盡○而○理○無○斷○滅○較○然○不○欺○其○志○心○若○縣○
於○天○地○之○間○不○亡○以○待○盡○况○夫○志○於○學○而○仁○孝○敬○誠○者○乎○志○氣○之○
帥○也○鬼○神○二○氣○之○屈○伸○死○生○一○氣○之○聚○散○根○於○理○而○日○生○豈○有○盡○
乎○雪○訪○王○君○學○易○居○心○仁○事○親○孝○立○身○敬○與○物○誠○志○強○而○氣○弱○貧○
不○推○擇○為○吏○其○生○也○蓄○能○以○其○學○學○諸○子○總○見○一○子○之○成○而○死○生○

續垂棘編卷二

十三

五經堂選定

制○之○死○生○命○也○氣○也○貧○富○天○也○理○也○子○孫○之○成○學○也○志○也○生○以○父○
之○精○神○假○子○之○精○神○死○以○子○之○精○神○接○父○之○魂○魄○抑○可○以○為○繼○志○
矣○王○故○獲○入○路○城○令○景○淵○徒○法○八○世○至○嗣○周○君○大○化○七○八○木○火○之○
神○生○於○東○南○九○六○金○水○之○神○終○於○西○北○易○之○理○固○爾○嗣○周○君○二○子○
其○仲○雪○訪○諱○就○予○字○我○正○八○歲○失○趙○母○父○客○鄧○兄○客○單○十○八○讀○四○
子○書○未○周○嗣○周○歸○曰○兒○深○於○痛○長○於○思○終○日○端○坐○類○有○志○者○志○乎○
知○者○速○志○乎○行○者○速○勉○為○體○靜○為○用○且○當○觀○其○晚○成○去○師○南○陽○黃○
先○生○一○年○辨○志○歸○補○法○第○子○員○辨○志○故○敬○業○敬○業○故○敬○身○立○無○跛○
視○無○還○聽○無○淫○言○無○枝○葉○自○威○儀○動○作○至○父○子○兄○弟○夫○婦○朋○友○無○

續垂棘編卷二

十三

五經堂選定

不○敬○而○行○也○安○雅○歌○擊○節○志○在○流○水○星○上○漏○下○漏○左○右○圖○書○性○理○
莫○不○因○其○已○知○之○理○而○益○窮○之○無○意○為○文○姻○家○累○試○命○中○第○曰○文○
勝○理○不○如○卿○理○勝○文○不○如○我○門○人○以○是○先○行○誼○傳○有○六○材○教○無○八○
疾○是○非○其○仁○耶○事○嗣○周○君○家○蓋○貧○數○米○以○娛○老○其○志○樂○也○盜○起○守○
視○父○病○以○孺○子○委○僕○趣○去○樞○在○畢○陽○乳○在○李○善○典○與○父○同○命○父○死○
甲○車○羽○毛○制○敵○不○克○葬○推○事○文○以○事○母○母○胡○惟○一○女○資○嫁○胡○卒○合○
三○喪○吊○者○不○知○其○異○母○推○事○文○以○事○兄○歲○饑○巨○嫂○會○食○姪○開○口○接○
含○飯○不○知○其○父○父○客○也○是○非○其○孝○耶○族○大○以○君○著○約○束○貨○先○貧○徭○
先○富○族○諸○治○人○宗○法○治○鬼○為○家○人○之○志○里○中○的○直○輸○平○訟○不○易○一○

此○舍○猶○視○是○易○恒○其○德○貞○婦○人○吉○夫○子○凶○也○生○某○年○月○日○卒○某○年○月○日○元○配○張○氏○首○祭○國○嚴○女○前○死○孝○廉○姊○弟○依○繼○母○麗○忘○亡○越○鷄○不○能○伏○卵○魯○雞○固○能○矣○鄉○人○指○孝○廉○類○母○大○母○見○孝○廉○思○婦○狀○所○傳○聞○仁○孝○敬○誠○而○止○為○妻○夫○不○飲○盜○泉○為○婦○姑○不○食○他○肉○為○如○租○不○淫○餘○為○家○鄰○不○剥○棄○棄○糠○星○燕○火○且○春○夜○繼○十○五○年○拜○山○南○堂○初○不○肯○備○會○稽○市○若○婦○怨○無○終○意○夫○子○臨○事○而○變○志○未○可○知○也○婦○妹○筮○而○黃○裳○頌○易○固○易○哉○生○某○年○月○日○卒○某○年○月○日○孝○廉○疑○合○葬○非○古○振○姬○鉢○曰○夫○婦○之○虹○根○生○也○夫○婦○之○劍○冶○化○也○河○大○水○深○風○鳴○上○下○志○之○所○不○安○固○即○理○之○所○不○順○志○不○安○理○不○順○氣○散○而○

續書錄編卷二 十三 五經堂選定

致○死○之○其○學○謂○何○廣○川○言○死○生○木○火○一○氣○父○子○也○橫○渠○言○鬼○神○陰○陽○二○氣○夫○婦○也○子○朱○子○曰○人○之○氣○常○與○天○地○之○氣○接○况○吾○父○母○乎○仁○孝○敬○誠○一○求○諸○易○孝○廉○收○淚○乃○行○張○母○生○孝○廉○萃○二○先○後○婦○繼○天○錦○劉○國○俊○女○云○子○為○光○孫○為○水○一○氣○所○憑○雪○訪○之○精○神○魂○魄○原○未○嘗○死○生○宜○志○士○之○不○忘○哉○某○年○月○日○葬○邢○村○之○新○阡○以○張○母○附○麗○母○存○以○益○生○氣○塚○中○易○人○間○世○直○內○散○方○外○義○夫○婦○賓○鬼○神○繫○子○孫○父○死○生○契○人○循○理○地○主○氣○以○易○為○學○即○以○易○名○子○易○與○天○地○準○况○死○生○鬼○神○乎○京○房○郎○顓○董○易○用○五○行○恐○不○如○此○融○洽○受○業○范○節○鼎○識○

陳伯饒入學序

程康莊 武鄉

士○之○始○進○以○文○遇○知○於○督○學○使○者○其○功○不○足○以○濟○三○戶○其○聲○華○氣○力○不○足○以○自○贍○養○歲○之○舉○者○率○以○二○十○五○人○蓋○其○所○飲○聞○而○為○故○例○也○而○何○至○矜○名○寵○能○綴○文○奮○辭○以○稱○其○美○乎○程○子○曰○是○不○然○吾○嘗○見○為○童○子○試○者○矣○童○子○去○諸○生○特○一○間○耳○試○之○前○獨○毀○其○三○代○籍○貫○扶○同○詐○冒○吏○持○其○卷○必○十○倍○其○直○試○之○日○以○割○裂○極○枯○澀○之○題○審○其○才○思○限○其○光○魁○其○售○者○百○或○得○五○七○焉○其○不○中○試○者○雖○負○英○才○豈○隸○得○加○之○以○威○稍○有○不○充○其○欲○者○必○借○端○中○傷○是○以○困○窮○既○不○獲○肆○力○於○詩○書○而○名○之○以○富○又○有○身○家○門○戶○之○累○藥○沸○之○患○

續書錄編卷二 十四 五經堂選定

上○下○不○可○知○毀○身○惟○志○尚○恨○無○以○自○保○又○何○優○游○執○經○之○樂○乎○石○盤○陳○伯○饒○吾○知○其○免○於○此○哉○其○父○似○鶴○累○葉○席○仁○恕○以○農○事○起○家○伯○饒○年○弱○冠○能○習○經○書○大○義○已○載○其○名○於○二○十○五○人○中○循○是○而○往○不○易○其○行○即○欲○久○淹○巖○穴○不○可○得○也○韓○愈○之○言○曰○文○章○之○作○恒○發○於○羈○旅○草○野○至○若○王○公○貴○人○氣○滿○志○得○非○性○能○專○好○之○則○不○暇○以○為○使○伯○饒○生○於○王○公○貴○人○之○家○雖○不○受○窘○辱○然○未○必○涉○穢○書○傳○今○請○書○專○一○之○氣○以○取○時○名○而○又○無○向○者○藥○沸○之○患○庶○其○克○濟○也○哉○張○爾○公○原○許○云○贊○樓○見○古○致○後○段○回○顧○前○段○酷○似○昌○黎○范○虎○而○極○力○抑○壓○正○是○極○力○揚○處○抑○揚○之○法○盡○乎○此○矣○范○个○臣○

壽張笑莊明府序有節句

程康莊武鄉

取○其○華○力○雖○似○甚○盛○而○不○美○
山○之○西○其○縣○七○十○有○八○其○七○十○隸○於○府○其○八○隸○於○州○然○獨○沁○州○土
故○為○最○堪○武○鄉○乃○隸○之○境○匪○甚○於○州○其○地○連○山○二○百○餘○里○土○分○少
而○石○分○多○即○其○土○之○所○界○又○崕○崕○不○平○耕○者○畏○其○盤○紆○九○折○使○牛
摩○斃○脫○肉○而○欲○其○舊○捕○得○乎○迺○引○而○下○之○為○大○沙○磊○磊○嘗○不○絕○每
水○涉○則○傷○稼○岸○易○為○谷○怨○陽○則○困○麓○成○塵○不○毛○之○地○九○什○九○乃○使
之○出○租○賦○守○條○籍○歲○較○其○入○往○往○以○積○逋○致○困○其○里○杜○蕭○條○率○二
十○里○落○落○十○餘○家○皆○穴○處○於○峻○嶂○之○間○遷○徙○之○支○體○危○踈○形○色○非
人○矧○身○於○疲○曳○者○歟○蓋○無○人○耘○耔○者○復○如○此○其○權○店○驛○懸○隔○百○里
續○垂○棘○編○卷○二

十五

五經堂選定

而○縮○風○霜○兵○火○之○餘○人○湮○滅○沒○諸○臺○司○部○使○者○朝○夕○至○或○不○得○僦
屋○暫○居○九○鷄○精○脂○膚○輸○蹄○惟○慢○之○需○無○一○不○取○資○於○縣○給○極○紛○卒
不○可○治○或○風○雨○之○交○河○流○迅○急○擊○之○不○斷○不○能○辨○牛○馬○者○又○時○時
有○之○為○屬○吏○即○不○敢○謝○守○土○必○親○詣○承○命○迎○道○左○以○是○率○為○常○夫
權○店○之○為○塗○也○既○遠○而○南○關○之○在○其○封○內○又○為○鄭○州○代○其○置○郵○至
兼○程○散○策○而○去○何○憊○也○其○水○陸○無○所○產○無○翁○伯○素○封○持○篋○資○候○時
轉○物○以○通○商○賈○獨○士○大○夫○貴○盛○喜○讀○書○情○洽○通○美○有○登○高○而○賦○者
此○類○酬○綸○相○與○發○其○光○華○準○其○尺○度○則○金○我○之○際○亦○有○其○勝○者○焉
荆○南○張○公○之○泣○是○邑○也○毛○米○無○侵○條○葉○其○地○丁○之○荒○亡○者○由○大○中

正○白○公○代○請○報○可○免○其○十○之○四○馬○鳴○庫○昔○之○人○困○之○以○稅○田○灌○輸
之○法○而○公○之○利○行○之○於○轉○盼○俄○頃○之○間○先○號○後○笑○民○今○而○後○得○以
優○將○用○寧○矣○大○抵○公○之○為○人○也○仁○厚○沉○靜○不○決○躁○險○嚴○以○其○類○而
考○之○必○有○增○秩○之○榮○與○難○老○之○壽○以○應○夫○修○母○致○子○之○理○予○故○即
公○所○為○逾○強○之○事○而○推○言○之○期○進○三○公○而○壽○諸○國○馬○其○於○可○父○之
道○也○顧○不○偉○歟○顧○不○偉○歟○

張○爾○公○原○評○云○無○一○語○涉○祝○頌○套○選○予○猶○嫌○其○後○幅○治○行○語○太
多○恐○涉○套○選○耳○借○節○數○言○殊○覺○雄○健○范○彪○西
條○彙○荒○亡○事○即○了○九○先○生○寶○坻○行○徑○也○壽○無○算○矣○任○華○東

續垂棘編卷二

十六

五經堂選定

塞上金自序

馮如京代州

夫詩言感也三百一十一篇大抵皆發悲憤之辭道激楚之志故
抹之者以脩風焉慨自中原多棘天室淪亡鳴羽斯張鳳鳥鏤翼
么庸作雲儼然而王明懷帝恥以全盛之業不克終守慷慨而殉
維我新朝揚朱旆驅虎旅救民水火雪恥中國大業鼎建應運
而興生其間者能無發興之感且逆寇肆頑人士共耻文武諸賢
或赴節沙場青屍原野飲血於斷烟衰草之間暴骨於野石堆沙
之畔天當陰雨猶或聞鼓或目眦張責其不臣數其兇德雖金
磔鼎烹猶然目光不瞬千秋百世義骨猶香魂其身滅終能翺戴

續香林編卷二

十七

五經堂選定

一人於地下或貞女節婦素達大義夫子忠亡歿身義死精潔之
志方日明齊微矣生其間者能無忠孝節義之感且余自晉如
秦當兵燹之餘百里絕人千門斷火黃羊暮走烏雀朝啼棘橫沙
迷輪曳蹄陷山川雲物之悲涼風雨晦明之凄感人之喜戰樂兵
素農兢武挺又走盜又羽檄日奔馳矣歲暮小醜跳梁我兵戰勝
殺人安人已幸余志青燐橫野言之惻然徂夏則西夏南雄之間
又寇四起矣余日心惕惕然夜目顰顰然思以禦之而士卒鵠面
鵠衣餐杖則仆祇作借箸之謀烏能效范子之懾夏膳哉復其地
者又烏能無人物兵燹之感三感併焉激楚內生悲嘯外發又烏

能不詩舍此篇讀焉道我懷又烏可不詩此余龍塞之暇漫為俚

語期寓其志姑畧其文以及脈脈讀書公署若清香滿之時亦竊

為俚語詩酒可樂干戈易戢要其指則我生不辰之感耳而三

感見於斯矣塞上金者從其地也從其時也

詩亡然後春秋作此詩可作春秋讀范鹿西

續香林編卷二

續香林編卷二

十六

五經堂選定

興國寺重修碑記

馮雲驥 代州

壬寅秋月馮子與客數遊南郊止興國寺聞僧有誦華嚴者明梵
鳴時山雨欲來天風蕭颯寺僧海鳳亦來共坐其言寺毀於兵
鞠為豐草僧海鳳拈拈募化二載落成叢林之創蓋自今始馮子
謂客是僧清苦能脫三毒達三觀非僅修造以為功德客問馮子
我聞金布祇園應堂鹿苑然修寺建塔或謂小果如此修造有功
德否馮子謂客謂有功德即無功德以無功德心為功德事如此
功德不可思議無功德心是無名心是無勝心是空一切相空一
切心空一切相一瓦一木即同金布一念圓明即成無滿大地山

續書錄編卷二

十九

五經堂選定

河○妙○明○內○境○以○天○為○屋○以○地○為○堦○如○此○修○造○詎○可○思○議○客○問○馮○子○
如○此○寺○宇○或○成○或○毀○似○亦○有○數○異○日○成○毀○可○預○計○否○馮○子○謂○客○相○
有○成○毀○本○無○成○毀○法○無○成○毀○心○無○成○毀○知○法○知○心○寺○無○成○毀○我○親○
佛○法○本○無○增○減○我○親○人○心○本○無○死○生○一○念○定○慧○即○具○正○覺○瓦○礫○場○
中○當○與○七○寶○法○界○同○一○莊○嚴○總○無○分○別○如○此○寺○宇○有○成○毀○否○客○問○
馮○子○心○無○死○生○其○義○云○何○馮○子○又○謂○人○性○本○天○性○動○為○心○未○有○人○
時○即○有○此○性○汝○試○自○觀○目○視○耳○聽○曾○假○習○學○曾○假○思○議○我○性○渾○淪○
通○天○通○地○不○以○生○生○不○以○死○死○若○謂○生○生○未○生○之○前○此○性○所○寄○當○
在○何○處○若○謂○死○死○目○視○耳○聽○口○食○鼻○臭○心○思○意○想○何○以○長○在○獨○與○

後人一念妄想是成輪迴若無妄念即復本性本性淨明與虛空

等客問馮子若誦華嚴有功德否馮子謂客誦者以口誦者以耳

飛鳥過目秋風吹聲若此誦聽何有功德不以口誦是為真誦不

以耳聽是為真聽我有華嚴曾無文字以不誦誦以不聽聽是不

假思是不斷思我有我在何用求人德山何杖臨濟何喝千聖過

影大藏權指無法可說是謂至法客問馮子寺名與國於義云何

馮子謂客國能自興是以佛興佛法慈憫國是以仁佛法降魔國

是以最佛法布施國以薄飲佛法救度國以省刑我觀佛國天地

萬古曾無盛衰曾無興亡我觀萬物皆有佛性一物失所佛如自

續書錄編卷二

廿

五經堂選定

苦凡治國者百姓饑寒當視一體我聞雲中天子降禍乃緣諸人

分種種相起種種業人不自祐佛不能祐佛若告人自今懺悔空

貪痴想生誠實心忠孝肅敬君親即佛富貴愚智各恭天道與國

永興雲中永綴僧合掌謂余言善馮子書此付僧刻石因系以倡

我觀一切人如夢幻泡影乃以泡影中謬作千年計吾自有心在

一切皆無用能以平等心信受平等法一日即十年是謂得大悟

明道橫渠陽明深探禪宗之後皆晚而歸聖見聖之足以該禪

也禪是聖學中一點微機文能識破范應西

說空門之理都向實際一造足見以儒說佛之力范孝前一

潼關行序

馮雲驥

有明末造逆寇張大司馬孫公傳庭危時授戟泣血誓師遠道
秋霖援絕糧盡潼關抗節裂臆斷胸鼓死城摧氣虹血碧三秦同
事之人率目擊能道其梗槩也至夫人張氏從容就義聞長安之
將陷淪寒井以明心教姬連袂相從弱女吞聲就死孤兒流落民
間越二載餘長公子世瑞千里裹糧蒼茫而向問之潼關父老皆
知大同馬盡節之地而遺體不可復識矣爰求母骸攜其幼弟間
道歸里蓋張夫人出之井中他人率不可復識夫人獨容色未消
衣裳不毀其孤心苦節足以動天地而感鬼神故特訶護其身誠

續垂棘編卷二

又

五經堂選定

則形理固然也嗚呼其於臣道要道可謂交盡無遺憾矣夫人
已捐軀能以大義自贖孫公刑于之化亦可知矣且夫人之死率
閨房衆輩以從不留遺一人以辱司馬其節苦其志密矣獨怪其
小星妾媵皆視死無難色顏沛造次之頃非有法令之可繩也其
內政之肅何如哉孤嬰數歲間里哀而食之不加毒戾孫公之於
黎民厚哉公子艱難道路奔走饑寒求其弟而得之其孝友哉而
今世或猶有不得其詳者謂孫公遁逃不知死所夫何不問之當
時諸將士余同里人也知之悉至若張夫人尤著矣時又有監軍
道喬公元柱定襄人潼關罵賊伏劍死後寧武有周將軍遇吉力

龍門遺法

戰死皆殺身成仁之賢也故作歌以紀孫公張夫人而并及之

梓持世界金賴此種

范元西

潼關行

馮雲驥

續垂棘編卷二

五

五經堂選定

會試連卷疏 有御句

陰應節 洪洞

題為會試之盛典宏開請更連卷之制以公取士之法事竊惟
制科之設其來舊矣先之四書經藝以明性學繼之論表策判以
覘才識法執善焉但法久弊滋臣深思一得之愚遠慮救時之規
伏念皇上雅意作人於丁酉鄉試大憲壞法之徒戊戌會試親
遠考官之選海內人士悉悅皇上之鄭重制科既嚴且慎已近
者黜漢大定禮闈再舉期得天下之英才共襄化理甚盛典也
然欲得其才須求良法臣愚以為闈中校閱其如更連卷之舊制
俾三場分閱始得至公而無私蓋舊制三場之文雖用硃謄彌封

續香棘編卷二

十一

五經堂選定

然皆連卷而閱之厥初取便於查對厥後遂易於叢奸以故一好
其頭場者即二三場有悖謬典則不達時務之語違違扶同而遷
就此俗有國論點表裁判查策之謬也至畧嫌其頭場者即二三
場有淹貫經史可裨治安之句竟置高閣而不目此士多厭棄後
場日趨浮薄之習也況且三場而閱於一人雖曰名不分房而卷
各一號即云彼此泰閱而人有專經恐閱節之易於潛通而師生
之猶然巧承耳今欲嚴絕弊實惟不使連卷一法令三場之中各
任分校如額數中百人則頭場取百焉二場取百焉三場取百焉
待拆號之日視其三場名字合否如皆合此真學識之兼優者

可膺上選然而有未盡合者不妨擇其兩場合者以足其額數焉

如兩場合者而尚不足與當視其不足之數三場平分而均取
焉以其餘者為副榜如此則無善者可取而單長者亦錄人無不
學之病士無遺才之嘆即有善於鑽營者必不能三場而取三人
即有巧於植黨者亦不能暗中摸索而三場悉獲於一手關中之
獎庶可盡杜也云奉 旨禮部議奏
當與糊名易書之制並垂不朽 范鹿西
憐才却弊無如此議 范个臣
嚴而能公良法也 范孝前

續香棘編卷二

十二

五經堂選定

慎選司牧疏 畧

前人

夫地方有冲劇之各異人才有大小之不同倘執成例而不知所
變計竊恐顛倒人才之害小貽誤地方之害大嗣後銓除新任知
縣宜俟明舊例照甲乙貢之途定上中下之缺蓋春秋兩榜前程
遠大每多愛鼎之思貢行一途資格微小易生不肖之念且進士
合十五國之人文而 御殿臚唱原超鄉舉里選之上舉人業通
省之賢雋而月窟高攀亦異賢官脫穎之傳資格原分授職應殊
進士宜例授上缺舉人宜例授中缺貢士宜例授下缺庶幾人地
相宜銓法攸當矣

為特糾弱職主司提 國法以蔽賢路○假名器以植私人○仰祈
乾斷嚴加處分事竊惟 國家設科取士○期選真才以脩大用匪
徒營私樹黨○濫側書升也○故膺典試之任者○必矢公矢慎○秉正不
阿○斯無負我 皇上簡任之至意○如此闢科場作弊○已法難少貸
矣○臣望外省諸考官○不無 國耳忘家○公耳忘私○以仰體 盛朝
作人之雅○庶不至為制科玷也○孰意江南主考方猷等○闖中獎實
多端○聞榜發後○士子怨其不公○哭文廟○毆幕官辱 國體而傷士
心○難以悉數○因違傳無據○不敢入 告○臣姑就其事之章著者為

續書錄編卷二

廿三

五經堂選定

我 皇上陳之○如見任少詹方拱乾○第五子方章鉞○取中鄉試第
八十三名○當其放榜之日○遂有方拱乾五子登科○全憑猶子等誑
喧傳南國○敬震 都門○此固大小臣工○所共聞而駭異者及 臣查
方猷同年齒錄○則現書拱乾為伯父○伊子立成○亨成○膏茂等○為昆
仲○是猷為拱乾之姪也○明矣○夫非同宗而聯宗○已犯 功令○係同
宗而不迴避○作獎昭然在散身膺重任○乘事權之在握○便宜行私
在拱乾父子妻親名器○幸線索之可恃○漫無顧忌○以 朝廷○才
廟後之典○為伊家○榮○寵○之階○自非關節之潛通○實由阿私其
所好○臣不能為猶解○亦不能為拱乾父子解也○臣復查 臣同官尚

九遷仰遷 上諭一疏內同姓聯宗一教奉有結納行私殊為可
惡之 旨○且閱卷有弊罪在不赦煌煌 天語○盡人宜稟猶等條
官而未之聞○平乃敢乘機滋弊○如此也○臣知拱乾父子同 朝知
交其廣○山○右○孤踪難免言出禍隨○然蒙 皇上知遇○拔置諫垣
自矢○嫉邪若讐○以言報 國○况科場大典○殊勤 睿慮○臣敢不仰
體 皇衷○為之摘奸○發伏○伏祈 皇上立賜提究○嚴訊弊端○庶
朋邪知法○而 國典攸光○矣○奉 密旨○發刑部提審
人之所不能言○不敢言○不肯言者○獨言之可為先生疏中第一
亦可為古今疏中第一 范彪西

續書錄編卷二

廿四

五經堂選定

聖門功臣○斯文座主○又評
悍然自我為之○不顧利害○死生○非實有忠肝義膽者○斷不能道
隻字○范个臣
鐵面御史○亦今復出○范序前



丁祭簿正序代

趙師尹

余治絳之二年諸廢暫舉視先師廟廡雖頗完善而奎樓厨庫風雨剝蝕乃捐俸葺之餘則一循舊典無暇考亦謂不必考也適蒞州李公諱元來絳絳謂官無崇卑當盡廢職乃選蒐古典首正聖賢名位如孔氏子孫皆不稱姓若子思于是也子蔑于國以類而推則伯魚氏亦不宜稱姓矣石作奚容句井宰父左人公夏公良公肩公祖皆正單為覆左氏傳春秋者正覆為單泰離于期封高苑為青州地誤作宛秦子南秦人也封鄆城為弘農郡說文與鄆同字一誤為鄆再誤為鄆則不成字矣諸名歲字哲者或誤歲為

續香林編卷二

廿五

五經堂選定

箴哲為哲郭牽遙切誤為鄆却涓畦切誤為邦及許魯齋字誤平仲薛敬軒字誤德潤文翁室圖孔門弟子七十二人史記家語皆七十七今七十九兩廡位次既皆侍先聖必當自北而南歷朝先儒雖祀有後先斷以時代為次序黃之謬者正之缺者補之亦既肅然不素矣至爵登豆上以少以又手持肉以祭也詩于銅俎遵豆簋簠則修其壘而增其乏猪羊鹿兔黍稷稻粱羹果蔬醢必核其實而注為式豕交曉羊羴羶並祛不用帛制一丈八尺必如其數故聖配從奎星彷彿體解法自庖祭品不干舊額凡此皆李公拮据盡職裡事聖賢者也葺祠宇而亟用塗茨造登銅而易以漆

錫則余小子與有力焉為聖人僕盡吾輩所宜卑今日心俾後人有考則此之先簿正而吾無窮也未可謂非舉廢從宜之一端敬紀其事而弁諸首簡

此有功聖門文字不當以字句為甲乙者也然其字句錯綜亦在風俗白虎之間范彪而

博而能洽所以可貴范孝甫

續香林編卷二

廿六

五經堂選定

一友○漢○道○之○難○得○余○曰○道○不○是○法○虛○寂○滅○與○人○隔○絕○之○物○亦○不○是○有○形○有○象○可○以○把○捉○之○物○不○過○天○理○人○欲○二○者○而○已○果○有○心○求○道○但○於○日○用○起○居○動○靜○語○默○之○際○辨○其○孰○為○理○孰○為○欲○孰○敢○對○天○知○孰○不○敢○對○天○知○孰○敢○與○人○言○孰○不○敢○與○人○言○孰○合○於○聖○賢○之○心○孰○背○於○聖○賢○之○教○孰○為○王○法○所○加○孰○為○王○法○所○宥○孰○為○鄉○黨○所○敬○服○孰○為○鄉○黨○所○笑○罵○自○已○心○上○既○辨○別○得○分○明○良○知○自○不○容○昧○可○行○者○行○可○止○者○止○一○一○合○於○天○理○合○於○王○法○合○於○人○心○自○朝○至○暮○自○一○日○至○終○身○知○得○明○守○得○定○行○得○表○裏○如○一○無○一○毫○間○斷○無○一○念○

夾○雜○始○而○勉○強○終○而○自○然○雖○大○聖○大○賢○亦○不○過○如○是○已○括○無○遺○窮○理○者○窮○是○盡○性○者○盡○是○至○命○者○至○是○堯○舜○之○心○孰○敢○是○禹○之○祇○台○祇○是○湯○之○日○新○新○是○文○之○敬○止○止○是○武○之○敬○勝○敬○是○周○公○之○仰○思○孔○子○之○一○貫○顏○子○之○樂○曾○子○之○唯○子○思○之○率○性○孟○子○之○集○義○曾○點○漆○雕○開○已○見○大○意○皆○如○是○至○周○程○張○朱○薛○胡○諸○大○儒○通○相○修○明○省○察○者○亦○不○過○如○是○而○已○今○者○吾○輩○有○志○於○道○知○父○慈○子○孝○君○仁○臣○忠○兄○友○弟○恭○夫○義○婦○順○是○天○理○便○知○不○慈○不○孝○不○仁○不○忠○不○友○不○恭○不○義○不○順○是○人○欲○知○非○禮○勿○視○勿○聽○勿○言○勿○動○是○天○理○便○知○視○非○禮○聽○非○禮○言○非○禮○動○非○禮○是○人○欲○知○惻○隱○羞○惡○辭○讓○是○非○之○

心○是○天○理○則○知○無○惻○隱○羞○惡○辭○讓○是○非○是○人○欲○於○此○大○擇○事○事○擴○充○將○去○存○之○心○而○心○正○發○之○意○而○意○誠○體○之○身○而○身○修○皆○之○家○國○天○下○而○齊○治○均○平○莫○不○由○是○而○出○若○舍○此○而○他○求○必○至○反○中○庸○廢○人○倫○不○至○賊○仁○賊○義○不○已○也○友○曰○天○理○人○欲○之○辨○差○在○微○芒○嘗○臨○事○而○不○能○決○別○間○決○別○矣○而○舊○習○牽○纏○不○能○斬○斷○豈○生○來○孽○重○福○薄○天○地○鬼○神○實○不○欲○吾○類○此○大○道○而○奪○其○靈○耶○曰○敬○軒○先○生○有○言○吾○心○誠○志○於○學○天○理○其○遂○吾○愿○乎○如○吾○子○舊○習○牽○纏○種○種○分○明○此○誰○使○之○良○心○不○昧○若○是○耶○皆○天○啓○其○聰○也○天○方○啟○之○乃○云○奔○乎○但○要○發○勇○猛○心○立○堅○確○志○循○序○漸○進○日○新○月○盛○聖○賢○地○位○不○患○不○到○

又○何○憂○孽○重○之○不○可○消○福○薄○之○不○可○厚○也○變○化○氣○質○即○是○自○造○哲○命○道○之○必○得○責○誠○在○我○頭○共○勉○之○更○告○有○志○者○說○理○如○說○家○常○話○欲○令○草○木○鳥○獸○俱○曉○得○箇○中○真○消○息○也○堂○堂○七○尺○軀○却○於○何○處○躲○避○范○梈○而○理○欲○二○字○今○日○出○頭○范○个○臣○可○作○道○不○遠○人○句○註○疏○一○切○理○障○無○敢○犯○其○筆○端○范○孝○甫○

續垂棘編目次 三卷四卷共一冊

傳 山 字公仙隱逸著霜紅龜詩略



都公傳略 三先生小傳 序郭九子

戴廷栻 字楓仲文學著羊可集

叙霜紅龜詩 杜遇小序 石道人傳

翟鳳翥 字象陸順治丙戌進士布政著凍水編桐園譜義氏世傑凍水豫泰楚閩等書院記

凍水編序 五經制義序 社倉序

趙母傳 江孝子傳 王義民傳

姜源墓記 玉皇廟記 大清觀記

五經堂選定

鄉約跋言

朱 裴 字小晉順治丙戌進士御史著栢臺詩栢臺奏疏

京師八款疏 訪貧疏 刑名疏

寬峪莊記 筆帖式疏

翟貞儀 字一齋 貢士象陸子著閩遊草哭父篇

閩遊草自序 以上三卷

薄言震 字懷岳順治甲午舉人著玉穀園集

參兩說 恒社序

賈鳴璽 字荆生康熙癸卯解元丁未進士著一齋詩文集

關聖帝經序 介妹墓誌銘

李華然 字斐林文學著一瓣香子路喜勞心錄求正草等

尊聖八典 四書要 祭常二府文

李名顯 字肖石文學著曉夜燈理學正宗

道德說 寒天向日賦

王廷諫 字念蓼順治丙戌進士給諫臬司著疏草

遠異教疏

袁鏘珂 字二懷崇禎己卯舉人邑人私謚文貞

卻壽說

目二

五經堂選定

侯七乘 字仲輅順治戊戌進士同知

序哭父篇

楊 義 字崑嶽崇禎戊辰進士工尚書著疏稿吳越課士錄

移駐防兵疏 敬陳疏

李喬晉 字霍旭順治庚子舉人著南北吟

草草草六集序

衛 蒿 字匪莪原名麟積文學著絳山稿

列國錄序

論嵇紹

孟子游歷考序

以上四卷

范爾梅梅臣

范一偉个臣

晉婁山范鄧鼎彪西選定

受業

任重任華嬰

手錄

男范翼孝前

明榆林兵備道泰政都公傳畧

傳山太原

未申冬春間秦晉先後亂河東西問絕一時守禦死事臣事蹟皆無所聞而開封都公實以才畧官兵備榆林太原門下士陳謚皇皇詢訪公有亡憂形於色蓋知遇之義也訪之於山曰子亦聞吾

續垂棘編卷三

一

五經堂選定

都先生存亡何如者耶山初無聞也曰試言子之所知見都先生者而為子決之謚曰謚知先生居鄉有慧名山曰何以言之謚曰請鄉大夫之所習為者先生有所不為人咸以為故汲長孺之名婦焉山曰地矣謚又曰謚知先生之服官惟知有朝廷山曰何以言之謚曰先生官晉時有某生者貧為先生舊人先生愛之嘗以言之謚曰先生官晉時有某生者貧為先生舊人先生愛之嘗許作養之生一事懇先生先生正色曰諸生何得遽與此生曰小事先生曰事無小朝廷之法在焉吾安敢以朝廷之法私吾舊士也某生遂復進曰事惟小故敢白以其罪之誣即微某言亦出如此則罪當入耶先生曰事無小即罪亦誠誣即入非朝廷之法

出亦有朝廷之法諸生何得輕與此吾安敢以朝廷之出人者而為故舊士出之其再勿言謚曰是知先生服官知有朝廷也山曰死矣謚曰何以言之山曰謚知有朝廷也謚曰何以言之山曰一切全身保妻子之臣直不知有朝廷故無事發富貴有事却肩縮頭以逃先生惟知有朝廷故人之所為先生不為人而不為先生決為之斯謚之名之所由歸乎獨不聞先生之官既轄矣而廉平而參政而憲副而參議乎莫非以知有朝廷而謚也謚斯忠忠遇難斯死矣其死也何疑謚諱然曰然乎哉然乎哉既而謚聞諸秦人曰賊之陷西安也全秦郡縣皆風靡獨榆林不下榆林固多

續垂棘編卷三

二

五經堂選定

世將家將家數多養敢戰士先生倡義懲惡之共與厲器械嚴飾捍禦登堦誓死士卒莫不鼓氣向義奉先生約束憑城殺賊幾萬級賊益憤急攻城破士卒不降亦不逃血戰三日夜殺尸充達巷血為渠先生死之先生名任字弘若癸丑進士石道人曰都公守戰以死其詳素人士當能道之異日有良史必能采而傳之道人何足以贊公陳生謚受公知以公官晉久欲晉人知公之不泯泯焉死屬記之存野稟故畧為序述如此然猶及聞先生官晉某時有兩偉事云丙子歲申頒藩國規儀先是晉藩權閹某煽橫假名曰欲籌制監司郡縣官時監司官多屈意與

往來公獨不問方志之會規儀朔望監司官當入朝王藩閭約公
往朝公不往藩閭皆難之公據會典朔望朝王唯都布二司祖宗
之制所以不及按察司者正以其明刑肅紀東府有諸不法事司
且得而糾察之故不令典二司同朝防微杜漸之義也何朝為或
云○且以建朝建制構公勅公朝公曰朝廷之所有我不敢無朝
廷之所無我不敢有揭會典示之卒不朝闕亦憚公無所構未幾
按御史某構學使袁公監司官不敢一顧袁公曰獨時時過袁
公館與周旋之卒以此怒御史坐計典錫公職三嗚呼慈哉又袁
公赴部勸貧無贏資公焚囊裝三百金遺之未嘗告人也

續香林編卷三

三

五經堂選定

不是氣節人不必作氣節傳但必以氣節見之傳中終是傳中
氣節刻畫情狀如此似不必專作都傳讀范鹿西
為傳體另開生面又評

計甫草曰龍門一書歷代文章大宗師也其高出百家只一絮
字今日忽睹絮字手筆能無起舞又評

惟慈故地惟慈故終不地非慈而居鄉吾知其為鄉恩非慈而
居官吾知其為模稜范个臣

陳生何以能知都公至此公何以能決都公至此此中未許
俗士問道范幸前

三先生小傳錄王

傅山太原

太原播紳先生如山所親見者則獻明王先生喜言虛舟錢先生
文蔚皆非近代所易有王先生昆仲八人先生長諸弟為老
大真模煥簡好道求燒煉之法老而不厭游宦二十餘年貧不任
辦美衣精食然亦性不屑此時有宦途人所饒書儀者諸弟遇之
輒棄去不令至老大手遙語老大是某人饒者我適急用老大為
報書與之我何去了也老大笑而領之曰何去何去如此其常山
生平不登宦人之堂敬先生風以事拜先生先生所居大房在橋
頭庭堂爐戶不能得縹風鳴鳴然索坐客椅子不得有成對者二

續香林編卷三

四

五經堂選定

張也好園棋終日夜不倦亦不用心信手談耳陳生證言曰過先
生棋索卓子卓子殘毀不穩喚小厮不來自起繞地尋支高木瓦
支之定對奕食時中出小米飯二碗黃鹹菜二碟過對證云客待食
則食我蓋不敢讓證亦頗怪之何遠爾爾及看先生食甚香美
不林意以是信先生之貧之真守西安撫郡之煩劇苦求調簡得
寶慶喜曰是中出丹砂未任蔡從傳山曰王先生晉人也今之人
何足以知之類樸厚而高眉秀目鬚冉冉得風如古道士
輕描淡寫總期傳出清廉二字范鹿西
塵土俱淨讀者眼開范幸前

序郭九子曠林一校

傳山

傳山曰余讀九子詩蓋傷儒生風節不傳而傳詩詩為士之窮云
 露盤又告余九子詩先有藺山先生評本伯祖擬梓之南都為殷
 太舉給諫得而秘之矣子又傷九子生不得志而為貴人
 所重哉知九子名因重九子詩九子風節可不以詩傳也坎壈以
 儒生也其期諸中者未見無已傳詩九子詩從晚唐學者也然氣
 調險峻往往在孟郊于漢間稍進而學六朝以野性不能為多俳
 麗故小曲似之後見當代鍾譚詩氣味與近乃又為鍾譚格矣然
 其志不惟不屑唐六朝亦非好詩必燕燕魏漢馬期而詩卒

續香齋編卷三

五

五經堂選定

叙霜紅龜詩畧

戴廷栻 初學

余嘗問詩於公他主別號先生先生曰我非詩人余疑之而竊讀
 其詩支離神勝而不得其解然太息先生豈欺我哉先生非詩
 人也無何而復聞先生之言曰詩無才則不高不博則不典無氣
 則不厚無力則不雄不藻綵則不艷不老則不淡不淡則不遠無
 性則不真無情則不風流無理則倍重理則腐無格則野變化則
 神神非內非外非離非合余聞之疑固在也急取先生之詩讀之
 橫口之所言時高時典時雄時厚時老時整時淡時遠至性至情
 純乎風流而未嘗無格遇使我得過使我失晦明之間雲蒸龍變

續香齋編卷三

五

五經堂選定

美人滿堂而目成者知其神之所任先生殆欺我哉先生真非詩
 人耶遂私信其詩取其所得見者若干篇梓而藏之以為晉人之
 詩先生聞之曰我非詩人也何哉晉人之不映然也余聞之疑猶
 在也

惟老戴說得出惟老傳當得起可稱雙絕 范彪面

凡文易直易畫前曰我非詩人使不太直後曰我非詩人使不

遷畫 范梅臣

再泰之赤水先生三觀九還其於詩法思過半矣 范孝前

杜遇小敘

戴廷斌 和

余舊游燕於陳百史架見李空同手批杜集草草過之其後每讀杜詩以不及手錄為恨因索解於公他先生先生指一章即一章上口曰第如此正自不必索解若得一解當失一解難一審即易一審因人作解不惟空同之解不可得即復工部正當奈何余即還覓舊本日乙而讀之始覺失一解乃得一解易一審愈難一審方其難也若與杜近以為易也復與杜遠至於有得若我信杜忽復失之若杜疑我先生所云神遇果安在哉其解猶在乎難易得失之間復問之先生先生曰第讀正自當解余且讀且疑久而始

雙垂棘編卷三

六

五經堂選定

信以我喻杜不若以杜喻我以杜喻杜不若使我忘我猶梗概空同所解諸體固當至謂五言古少選漢魏七言絕不及太白龍標斯言也猶茹熟各半之解也余謂不必以漢魏之詩論子美之五言古亦不必子美之七言絕與太白龍標論遂抄集朝夕怡悅所遇於杜者凡若干首謂之為杜遇莊生之言曰知其解者且莫遇之耶餘戴生之所遇於杜者如此心活而筆靈具此天分不愧風雅宗主范彪西文履善集杜序云但覺為吾詩忘其為子美詩也又云詩句自是人性情中語煩子美道耳所見大畧同此又評

石道人傳

戴廷斌

石道人真山者還陽真人之弟子也父離垢先生母貞髦君孕十二月而生道人先是道人從叔某托朝海比丘造梅檀香佛佛至所費過贏中悔離垢先生告貞髦君貞髦君出所積蓄珥貲百金請事佛即夢佛指一曜老修為比丘曰以是子汝及生道人時見所指比丘來俄而龍起所居屋極雷電大雨道人生而雨止生獲不啼離垢先生出卜遇替比丘告之故離垢比丘言但向彼道既來何必不啼當即啼如所言果啼三歲時離垢先生偶誦心經句問道人道人不覺應聲誦其下句六歲見離垢先生買黃精云服之

雙垂棘編卷三

六

五經堂選定

不此獻出入取嗽不肯復穀食強之乃復穀食七歲使就小學凡所授書傾注如宿通者十五補太青先生小試博士弟子員因小病取讀神僧傳慨然神通非難致事二十試高等藥錄以舉子業不足習遂讀十三經讀諸子讀史至宋史而止因肆力諸方外書會袁山袁公提晉學見道人藝以為是子忠孝人不僅僅一文章士置第一公於三立書院教晉國諸才士三百餘人以道人為祭酒而道人讀方外書如故公被巡按御史某恭誣道人伏闕願辨以奇計公事得解以公道學終不告公故太史君常馬先生為作義士傳比之裴瑜魏勃公補官泰州約道人遊道人方服栢葉辟

穀不吝公事終身不肯見公撫軍蔡公怡雲修三立書院故事復
以道人為祭酒道人雖期集然不肯衣紳衣講學書院人怪道人
道人善病受道還陽真人其人蓋神宗朝以祈雨驗賜印劍及紫
雲綉衣者其神異見諸高邑趙忠毅公傳中歲壬午道人夢上帝
議刻給道人單字不可識單尾識高尚字且賜黃冠柶頭心知無
功名分遂製冠柶如夢中賜者放榜罷百三十歲長壽止立賀道
人道人曰此立誣矣吾不中式比立曰不中故賀道人領之取所
製冠柶服之甲申之變竟服之不脫為真道士道人傳姓字仁仲
一字公他今年六十七歲矣

續垂棘編卷三

七

五經堂選定

戴廷杖曰道人世家子時潔野穢以逃於人而畏人稱其家世人
或以節義稱道人道人不受曰我方外人不知節義道人習舉子
業則讀方外書及為道人乃復乙儒書而讀之道人喜遊每遊諸
山水勝剎至其門不肯入攀肩謂同遊者是有閣有廊有池及花
樹是左右向果閣廊池花樹左右向如所度蓋近於宿命通矣道
人猶自謂聞道而苦於情重豈真於情有未忘耶吾惡足以知之
傳其出家慧根乃如此

伏闕跪辭處聞聲救苦時大慈悲大法力將前佛指比丘一段
方不虛說却又不似廣頭中飽个肉菩薩為吾道中老與愿也
公他才學胆識可敬一班范鹿西

涑水編自序

翟鳳翥 附言

象陸子曰諸子不知文而好為文以紀事也予不知詩而好為
詩以寄予情也亦猶予不知學而好言學以省予過也予好言學且
好言人之學為予省過鏡也諒學學道也文若詩道之餘也學道
而非有得於心以實體之於其身而見諸行事言雖多奚為雖然
非言其道又無以明夫言非吹也而嘆嗟而刁刁而誦讀非云籍
乎歟音曰天猶黃口耳予之文若詩亦若是舊刻災梨重複出之
何異嚼蠟徐仲光陳惟易曰卷帙參差尚宜簡點三山林孔碩陳
伯宗重加評次題曰涑水編以予涑人且為涑水書院也嗟予以

續垂棘編卷三

七

五經堂選定

是益媿且懼矣日言學而學益疎日求寡過而過益多日勉強為
善而不善益出文雖施矯與貴乎况乎其為無益宿病耶雖然予
之文若詩又予之山林園圃也日者講課之間間以山林山林之
間間以歌咏坐涑潦之上取寄情紀事之書游而涑焉蓬蓬然夢
相惻然覺亦任頽吹之自至而已工弟工吳與哉
講學端於省過見立言有體范鹿西
可作生平譜又評
敬書一通於座右洗心對之不覺悚然起敬范鹿西

五經制業序

程鳳翥

予向以理荒之役日走而豐之野終已端陽登靈谷山北望匡廬
南眺麻姑從姑諸峰華蓋玉田異氣隱隱也而象山仙嶽之蹟又
出雲林以東谷中右軍康樂之流風荆國中山之故武梗楠竹箭
英巨王人之嘉秀俱在以是有山在諸峯上人疑天際來之句時
鄭進士唐孝廉車游諸生從予遊互為酬倡計今數年矣予遊太
華歷江漢又以閩藩之命進彭蠡溯汝水肝江上之諸子復候予
靈谷山下江山如故故人再晤誠快事矣惟是安場蕪溪諸郡屯
民皆于靖寇開山營田理賦卯翼孺哺之民有安業者有能殲死

續香林編卷三

五經堂選定

出法

通者殊增今昔之感耳諸子出所集五經制業問予而匡廬蠡海
之奇雲林英巨之勝以迄王盤嘉樹之氣又在尺幅間則又足慰
積懷舟中午夜點次之授之梓人將榜以質于涑水諸子並楚閩
問學之士也雖然五經大義非文章已也而况科名乎格物窮理
行道而有得於心於以立身經世斯真文章出焉斯大事業焉
西臺稱理學浦藪象山草廬之教至今存也諸子勉乎哉
有一字墮落理障否范鹿西
安民作人兩大政俱既和盤托出范孝前

孫孝子杜倉序

程鳳翥

社倉法宋文公準常平義倉而起者也與鄉約保甲一以貫之厲
以有司編以杜首總推之以賢士大夫仁義之道公私之利萬世
不能易也歷代著為令典朝廷屢加申飭而卒有行有不行即
行矣而卒有效有不盡效豈法之未善哉誠弗足也天下事誠而
已正心誠意文公講學之要旨即治國平天下之要旨也誠之至
者石可射山可移井可跑星可櫟埋兒可以得金湧泉可以躍鯉
而况博施仁義之事一出於中之誠然有不立見成效者乎不然
或修故事或博聲名或有所為而為之甚且利利其中也事之不

續香林編卷三

九

五經堂選定

克乃終不於其既矣不誠無物也樂安孫悔庵先生則大異先生
孝子也仁義人也而誠者也其為毋視櫟魚躍鱗下一事視古則
米湧泉為尤奇誠格之也至孔廟書院橋梁義田等施數千金又
捐穀八百石做社倉法行之數年積穀至三千餘石以具賑濟其
為仁義也大矣夫人即好行仁義偶一為之一再為之而中倦且
廢者多矣先生輕財樂施不一而足壹本至孝出之即當事上聞
之朝廷特加優叙先生不以為是也今又錄社倉法請廣其事非至
誠之不息不已而樂善不倦至此哉社倉法文公行之崇安而崇
安效行之南康而南康效當時下其法於浙東諸路而各有效予

守○饒○時○做○而○行○之○以○其○餘○建○堂○建○學○建○書○院○甚○有○濟○焉○今○立○之○邑○
鄉○矣○聞○孫○先○生○此○舉○恨○不○徒○步○千○里○登○堂○下○拜○焉○樂○道○其○事○而○先○
為○之○序○

社○倉○鄉○約○保○甲○近○日○幾○滿○域○中○誠○心○行○之○者○何○人○乎○一○經○拈○出○
可○當○晨○鐘○范彪而

文○章○不○得○大○道○理○作○間○架○詞○章○雖○麗○議○論○雖○高○徒○亂○聽○耳○此○序○
以○社○倉○屬○仁○義○推○本○千○孝○而○統○於○誠○是○何○等○間○架○范梅詎

貞母趙太淑人傳

翟鳳翥 同書

貞○母○趙○淑○人○者○東○萊○王○鮮○元○章○之○母○也○鮮○元○成○進○士○矣○曰○鮮○元○者○
以○母○逮○鮮○元○不○遠○成○進○士○且○欲○以○前○鮮○元○終○者○王○子○初○志○也○鮮○元○
父○六○一○翁○諱○應○吳○弱○冠○冠○邑○卒○再○應○鄉○試○不○第○益○愈○發○憤○下○帷○以○
勞○三○十○而○卒○時○趙○方○二○十○有○六○歲○鮮○元○未○三○週○又○善○病○喘○喘○呢○呢○
撫○之○笑○曰○舅○璋○相○繼○早○世○所○天○又○不○天○止○此○雖○此○雖○可○活○吾○且○活○
以○活○此○雖○家○世○貧○茅○屋○數○椽○四○壁○半○圯○藁○萊○蔽○其○門○每○風○雨○不○能○
蔽○一○樞○解○元○一○日○與○羣○兒○戲○見○有○呼○翁○牽○袂○為○商○羊○解○而○去○者○
目○恆○之○歸○而○索○父○於○其○母○母○指○屋○下○樞○木○曰○此○而○翁○也○鮮○元○仍○泣○

索○之○母○且○慰○且○泣○泣○鳴○咽○不○能○下○日○夜○坐○續○樞○傍○即○坐○鮮○元○腋○下○
教○以○讀○續○聲○書○聲○泣○聲○出○達○鄰○間○一○嫗○點○背○弄○主○人○去○向○墓○賓○鄰○
媼○以○宿○歲○大○稔○自○厭○糲○糲○以○糜○哺○兒○伯○以○蚶○蚶○長○寸○許○一○飯○三○給○
之○以○是○母○瘠○而○兒○肥○矣○鮮○元○成○童○狎○與○不○逞○少○年○遊○毋○戒○諭○之○不○
已○視○其○衣○範○樞○前○轡○背○九○七○紐○以○頭○搶○地○呼○天○而○哭○曰○而○無○良○吾○
徒○苦○耳○不○如○蚤○從○而○父○九○泉○也○鮮○元○卒○自○悟○每○有○過○負○杖○以○請○祈○
毋○好○掌○其○面○始○敢○起○下○帷○力○學○年○逾○二○十○數○奇○猶○就○章○于○試○田○止○
兩○餘○夫○不○及○歛○賴○與○石○田○等○賦○稅○徭○役○雖○偏○朝○夕○艱○之○其○先○君○子○
樞○不○蔽○風○雨○其○母○遂○頭○禿○十○指○春○織○攻○豎○鮮○元○始○入○郡○庫○母○哭○

謂之曰而父在頃二十四年矣所不即安土者母子形影相弔
○範相○依○在○樞○樞○舉○案○也○立○而○以○報○而○父○而○今○乃○可○以○安○土○矣○而○今○
乃○可○以○見○而○父○九○原○矣○葬○之○次○歲○終○再○解○元○舉○於○鄉○再○歲○而○母○年○
五十五卒○謚曰貞○嗚呼貞豈易言哉○忠臣義士以一飯狗國其節
國足尚矣○有○隱○忍○還○回○於○數○十○年○之○後○者○或○以○為○其○君○或○以○為○其○
親○或○以○為○天○下○之○讓○陶○潛○張○子○房○諸○人○其○始○終○之○心○固○自○一○也○程○
嬰○立○孤○視○梓○白○為○尤○難○以○今○親○王○母○梓○未○亡○人○日○夕○藐○藐○執○紼○
蘇間者三十年卒能立其子以大王氏解元日講聖賢之學里中
稱○為○真○孝○廉○丁○亥○成○進○士○令○陞○山○以○不○事○逢○迎○左○遷○閩○幕○幕○子○屬○
續香林編卷三

十二

五經堂選定

予不敢以屬遇也○督軍李少保公加重之○歷檄龍嚴溫麻諸邑事
所○至○以○薰○慈○聞○成○毋○教○也○李○公○益○加○重○之○夫○介○如○李○公○豈○輕○易○可○
人○者○乎○解○元○初○舉○時○舉○緇○示○壽○母○母○育○之○以○布○絮○終○如○不○蔽○風○雨○
時○解○元○每○言○毋○報○長○潛○不○能○已○如○泣○杖○時○嗚○呼○斯○所○謂○終○始○一○之○
者○矣○以○是○書○曰○貞○並○書○其○子○曰○孝○
一團血性○緣統筆端○文章到此地位○至矣○至矣○范應西
以十分筆力○寫十分人情○范應西

江孝子小傳

翟鳳翥

孝子江德用鄱陽山鄉農人也○兵亂負母避之○母歿棄室茹素○
茅廬墓一第○供送薪米○鄉鄰有親○照者○紙帛焚墓前一切弗受○踰
三年猶未下山○夜嘗有虎○不為害人○咸稱之○辛卯太守饗象陸下
車○聞其人○以各帖延至郡城○太守先往拜之○短襦芒屨○樸樸然一
啣○大也○一坐○一茶○之禮○未語也○太守製布袍制冠遺之○延為鄉飲
賓○每朔講約列坐○諸生間詳問院道直指張公特題旌表十年
矣○其人樸樸如故○以四十五歲不取遽為立傳○割股長齋二事不
可以風于嘗開論之○亦能自解○畧紀數言為修志也○因憶太守昔

續香林編卷三

十三

五經堂選定

年○卑○騎○自○九○江○來○至○童○子○渡○慈○道○旁○樹○下○一○鄉○民○不○知○姓○名○坐○話
民○間○疾○苦○者○半○响○杯○酒○酬○飲○而○別○不○知○為○太○守○上○世○之○民○與○其○人
有○類○孝○子○
此為通神佳手○司風教者肯懸一幅細玩之○自然教聞不絕
范應西

山窮水盡處忽開一洞天○原評此之東坡海外諸作可謂知言
范應西

王義民傳

翟鳳翥

王龍蒲州韓守台太守僕人也事韓有年家頗殷一妻一妾俱有貞順之德甲申正月初流寇渡河州人多倡迎者不則憐匿山中守台公死矣其恭人繼繼死寵視殮畢顧謂其妻若妾曰吾儕小人哉人僕也明民也臣妾賊乎不事二姓婦人之道予願與若同焉於中堂設几筵列杯箸懸三纓製三木主一題大明小民王龍之位一題大明小民王寵妻某氏位一題大明小民王寵妾某氏位位置已備酒餚酬勸至夜半視妻妾次第經死已遂就縊死之次辰賊至三木主列中堂矣州人食稱曰義民議祀鄉賢祠野史

曰王義民一僕隸人耳其妻若妾一鄉人女為僕隸人婦即不死賊未必及之即賊至炮烙縊紳恐為其主逮其主人既殺又未必逮僕及妻若妾也乃竟死之自題木主係以明此豈僕隸人女子所能識乎士大夫對此何如士大夫至今日皆賢郡邑祠至凡案不能容義民于此亦難與並坐矣噫北都陷澤州王昇字賀鏡京師自縊死鄱陽鍾岸徐生不食七日死進賢一漁人投骨死可以並傳詞意之妙固不必言予尤喜其几案不容數語有風人遺意可為近日士大夫效范鹿西

姜嫄墓記

翟鳳翥

邑西北三十五里有水池焉世傳后稷棄此詩云冥之寒水鳥覆翼之是也俗傳云稷棄於此鵬羽白虎哺乳蛇蟲衛之與詩語同又旁有蛇虎淵即謂此池東為姜嫄廟廟下即其墓山後大洋荒壘數十畝為有邵氏墳土人清明日迎嫄祀之曰婦婦俗沿舊矣先年地陷人穴而入碑石莊砌如宮室朱綠猶新廟下墓亦如其事甚異其蹟甚古郡邑志云稷播穀於此始故名其山曰稷山上有后稷陵山下有姜嫄墓國語展禽謂稷勤百穀而山死似也按帝嚳高辛氏都亳其先少皞都曲阜姜嫄出有邰為帝元妃極

續垂棘編卷三

十四

五經堂選定

祀郊禘實始生稷稷像然為元子矣以天予而棄之隘巷平林寒水之間有是理乎且嫄既為帝妃尚云無人道乎且居然生子不折不蓄以赫厥靈尚云怪乎巨人跡與夫赤龍飛燕之說或當時識夢之事耳電火虹星古記往往有之稷堯契三大聖人生自有異兆非真與異物交感而然也然則詩言非與愚疑三誕字可與雲火老人分席詩人虛設之詞以明天意所在或姑實之以試之而後舉之以明天意所降李京氏曰詩因名棄故云史記褚先生曰見其有天命精微之意耳雖然又有疑焉帝嚳父也帝也聖人也乃詩曰厥初生民時惟姜嫄又曰赫赫姜嫄其德不回何夙而不及其父歟

鄭氏謂姜嫄為高辛氏世妃乃帝嚳後世子孫之妃也太史公帝
嚳紀止云娶陳鋒嫄嫄氏生放勳勳未及有邵若云帝妃堯稷契
皆賢兄弟堯在位七十載不能用以待舜舉之耶朱傳亦云姜姓
有邵氏女名嫄高辛氏之世妃是也且嫄名也以帝妃稷而名
之乎曰有邵氏女也平陽府誌云有邵氏女姜嫄出野見巨人跡
心忻履之歸而有娠漫大怪惡之卜筮種祀以求弗子終生子以
為不祥棄之隘巷牛馬辟不踐送之平林之中伐平林者薦之覆
之箕之冰池上鳥來翼之以為異乃收以歸因命曰棄嫄好稼穡
棄兒戲好種麻麥及長好畊農相地之宜民皆則之堯聞之舉為
農師由諸說觀之嫄非帝妃明矣稷以履武生信有之張子曰天
地之始人固有化而生者夏母齊所殷母吞卵萬世粒食之祖生
不循人事或有之詩故曰敬初生民也史記戴禮當以
詩言為正又邠州有履跡碑又武為古有邵有
姜嫄墓又絳縣有姜嫄墓夫邠州至公劉始著公劉去稷約數百
年非稷在邠也邠而坪而薄乎堯以後稷有功於民封有邵詩曰
即有邵家室今謂即武功或相於彼而遷於此乎抑武功其食邑
乎李汝寬氏曰墓者墓也古聖人祖仁四海若喪考妣殊俗之人
各立塋而祭起土而墳是以所在有焉所謂衣冠之墓是也猶漢

時諸遠郡國皆有天子廟也舜葬九疑安邑鳴條岡有舜陵當以
鳴條為是豈以天子南巡卒不能歸葬故都而道路之平謂之卒
於蒼梧可也謂之葬於九疑非也堯都平陽稷佐堯及舜其母
俱葬於此以理斷之為是韓子曰祀而徧天下者惟社稷孔子祀
孔子既可及其父祀后稷亦可及其母雖徧天下墓之可也武功
之墓終之墓又何必辯矣
生龍活虎何處捉墓不可無一不能有二范鹿西
難得痛快斷得分明此等文最益人神智范梅臣

重修玉皇大帝廟記

有節句 翟鳳翥 聞喜

禹甸之右○瓊池之陽○嶺曰堆雲○既阜而品○望鳳嶺而帶涑水○騰龍
澗而架瑤臺○為西夏勝地○古有玉皇大廟○高出諸天○五社時亨○
歌帝德也○按天神之大者曰昊天上帝○亦曰玉皇大帝○王者之祀
也以鄉人而祀王者之祀○不亦云泰乎○曰天者人之始也○父母者
人之本也○人勞苦疾病則呼天呼父母者○常也○王者父天母地○小
民亦父之○母之○大哉乾元○萬物資始○雷以動之○風以散之○雨以潤
之○日以暄之○四名五號○六氣七衡○八絕九靈○天也○民日戴天○不知
天之高而羣生大仰○莫不尊為百神之主○故天主以報所受以教

續垂棘編卷三

十七

五經堂選定

民○孝○也○備○之○封○土○立○社○天○子○有○大○社○諸○侯○有○國○社○降○而○鄉○社○者○百
姓○之○祀○也○百○姓○既○可○以○祀○社○因○社○而○帝○亦○人○本○乎○祖○之○義○乎○王○者
大○敬○天○使○天○下○皆○知○有○上○帝○故○不○在○功○令○之○中○也○傳○云○東○王○公○居
雲○房○之○間○紫○雲○為○蓋○青○雲○為○城○白○雀○黃○龍○之○異○王○京○之○盛○其○以○是
端○然○煥○然○者○象○之○乎○然○以○是○為○上○帝○之○廟○是○矣○以○是○為○成○禮○而
禘○事○之○鄉○人○固○弗○知○也○

使狄梁公見此應亦從俗而祀矣○文之有開風教如是○范彪西
實有一段至理○吳因之所云創个天下大觀○豁人胃脾者也○范
梅臣

重修大清觀記

翟鳳翥 聞喜

宋村為相壁名莊其來遠矣○攷金石文○先代有千戶侯○聖子若男
者○且地多古蹟○巨家蹟也○父老相傳○東西兩村原合中社而一大
清觀大覺寺鼎峙其間○迄今猶稱東頭西頭云○觀近東頭○先大父
大人迄予世讀書其中○大父時重修老子殿而中殿廊廡頽圯如
故○今為增修聿新益田二十畝○以供課文講約之費○餘則道人香
火焉○大覺寺亦如之○夫子歷建書院○以興文學志也○職也○老佛之
官切嘗刺之○茲則為寺又為觀何耶○曰亦所以為學也○觀若寺予
兩頭學者讀書課業於其中○父老子弟講約修睦於其中○往來官

續垂棘編卷三

十八

五經堂選定

長遊客止宿供應於其中○若然則琳宮驚刹亦猶夫書院館舍也
予每喜讀老子豎莊列諸書道德南華與易學中庸之旨○亦有符
者○吾夫子未嘗不過而問焉○殊用而合體○未可槩以異學擯之也
考觀建自金大定三年○額曰大清○至今大清故運而重新焉○其
亦有數存乎○待今日而興耶○是為記○

神似蘊文○不惟不裝蘊一句○并不裝蘊一字○詩家所謂偷勢手
范彪西

琳官驚刹却歸到學上去○提不欲一言苟且遠其初心○范梅臣

柳約敬言

翟鳳者 聞喜

柳約六言聖學王道盡之矣予為諸生時受學臨汾桑先生之門
 又嘗講學弘道書院丁丑自北雍歸取先代諸公六條訓解編纂
 成篇曰鐸書端社大課畢即集士友父老宜講大覺寺共相勸勉
 此已卯壬午間事也既而以世變行遠間之庚寅出守饒州時民
 殘學蕪蕪橫兵驕諸如溺女徒訟迥異舊風喟然曰非柳約法不
 能理也仍取鐸書舊本增刪刊行每朔大集僚屬紳士人等會講
 一次蒙撫按諸臺頒行各郡數年頗有成效如鄱陽石門王姓兄
 弟殺人拒捕兵役不能獲差一老隸持殊票一紙鐸書一本令該

續書錄編卷三

尤

五經堂選定

圖約長宜諭自縛服法為重責而以事在赦前歸之自是一方無
 復逆命者萬年山鄉果賦一千六百餘石趙令單騎持書宣諭旬
 日得通賦過半孝子江德周鄰鄉農民也往拜之每講廷坐諸生
 間一父訟其子者令其子跪聽卒感泣為孝凡有大訟即於紛所
 公處之驚風漸息至全活溺女有以子官與姓名其女者理屯湖
 東到處宣諭勸民婦農江霧山冠數千里聞風就屯實以此也諸
 如建學建書院置學田以課士立常平倉社學以育民率本是書
 經緯而出甲午呈進 御覽下部飭行戊戌觀察秦鳳鸞悍視江
 右為甚以刑治之不勝刑也特詳各院臺修舉斯典咸寧生員蕭

凌漢藍田鄉民成繼以小事角訟各給鐸書一本次日感悔靡爭
 自是焚香息訟者所在以聞有臨潼民余印為茶商誣監之至驚

妻不足以償縣錄武超蛟等集香資代完官銀出其人贖其妻以
 啼以聽約動之也柳約法固隨行而隨效矣惟在上焉者以身先
 之以誠動之翟子曰予生平學問惟此一書居鄉居官以是為雖
 有議其迂濶好名者予不卹也勉強力行大家提醒講柳約即講
 學也而治平天下之道盡之矣同心者勵我為祝
 此陽明先生鄱陽舟中舉動也使 聖主見此應稱有用道學
 矣有民社之責者幸勿作文字讀 范應西

續書錄編卷三

什

五經堂選定

京師八款疏

朱 斐 閣 奏

題為○京師首善之區○教化宜先○法度宜嚴○恭陳八款○以期作則○
四方事○切惟移風易俗○導世之微權○彰善癉惡○觀摩之妙用○古之
治天下者○止治其國○誠以邦畿者○四方之所取象焉者也○一惡未
除○一俗未善○亦足為太平之累○臣故抒八款○恭為我皇上陳之○
一曰○尚節儉○以阜財○用古者乘輿服舍○吉茵寶皆有品制○不敢
濫○不敢僭○近見都城風俗○靡麗相爭○金珠之飾○盛於氓隸○綺紈之
好○侈於婚姻○居住則雕牆畫棟○商賈可為駟乘○則金相玉飾○吏胥
偏勝○至於裂幣毀繒之事○旗下記黜為之○漢人亦有從而效習者○

我皇上○浣衣散裘○躬自節儉○而下循以駑奢相習○似非養源培
本之道○請乞 勅下禮部○考較典則○將服舍婚祭之禮○考定制○度
勿使浮僭○咸遵約束○庶民藏可厚矣○一日○禁師巫○以正風俗○午運
中天○魁魘何憑○古者崇經黜邪○所以定民志也○近見都城齋壇之
設○半於男女巫鼓之聲○撒乎滿漢遠近○效尤邪教○盡興勸不過成
仙了道之說○侵於人心○以則廣募偽札之事○造於幽室○直省入告
者○紛紛不一而足○嗟此生民○始於無知○一念誤入○難救重條○寬之
不可殺之○不忍不重○可憫亦重○可危也○依折一嚴○飭五城家諭戶
曉○開誠布導之餘○以重法繩其後○除有名釋法外○如有男女雜處○

聚齋修會之事○著力嚴拿○務求實實禁禁○勿止以期望具結了事○
庶幾縉紳之術○難以迷亂於盛世矣○一日○辨名分○以別貴賤○從
古以貴治賤○以賢治不肖○此一定之理○近見都城華卑莫辨○狐狸
橫行○滑吏積習○分庭抗禮○於縉紳之前○優人排倡○併轡齊驅○於冠
蓋之列○罔知顧忌○其可誰何○不爭辨則番首喪氣○一較論則引類
呼朋○不冒稱有旗○則假指投主○誰暇與之辨真贋哉○如此行徑○豈
盛世所宜有○伏乞 天語勅下刑部○嚴立無職詐職○無旗詐旗之
條○載入新例○庶幾體統立而宵小消矣○一日○驅姦宄○以靜地方○經曰
邦畿千里○惟民所止○止者止至善之人也○近見直省衙門○積蠹巨

續書棘編卷三

廿二

五經堂選定

姦作惡貫盈○或本官發覺○或被入許告○則潛逃○京邸以為躲雨
之所○佯言投旗○刀稱揭主○携倉庫之金錢○浪費於章台○負滔天之
重案○逍遙於紫陌○在本官懼為難治之金○在本犯恃為負隅之虎○
以致法度不行○鳴張效尤○通衢通賊○若輩耗其大半○皆由京棍相
為招窩○相為指示○伏乞 勅下五城○每季終照巡按拏訪之例○將
土豪大棍○力為體訪○不時拏拏○庶輩數之下○不為此輩藏污之
所矣○一日○稽軍器○以防賊盜○近者禁馬之議○意在縛賊之手○而却
賊之步也○殊不知綠林大寇○皆披堅執銳之人○能暗通牙儉○以市
馬匹○即能假冒官役○以購盛甲○近見都城矢函如林○保無有賊外

販者○平○古○者○家○不○藏○兵○盔○甲○原○係○官○造○伏○乞○ 勅○下○兵○部○查○照○舊○
例○設○盔○甲○廠○如○或○難○行○亦○須○設○官○司○市○除○滿○洲○出○兵○照○舊○買○易○外○
如○有○外○官○差○人○易○買○者○須○持○印○信○批○文○驗○明○上○稅○方○准○收○買○無○印○
符○者○即○以○奸○細○治○罪○出○門○之○時○仍○許○顯○露○公○驗○不○得○韜○索○帶○藏○違○
者○並○處○此○亦○消○弭○盜○源○之○緊○要○矣○一○日○舉○孝○順○以○敦○根○本○孝○順○者○
百○行○之○源○京○師○者○天○下○之○本○我○皇○上○孝○性○天○生○她○美○虞○舜○化○行○
自○近○都○城○之○內○得○無○有○孝○子○順○孫○以○及○節○烈○之○人○但○外○省○巡○方○復○
命○例○得○旌○題○都○內○五○城○官○如○傳○舍○未○有○此○例○首○善○之○地○何○可○泮○沒○
請○ 勅○部○議○年○終○許○五○城○御○史○兼○舉○真○孝○真○節○以○憑○旌○表○臣○習○見○

續書錄編卷三

十三

五經堂選定

都市之中千百成群○聽說說者甚多○何如○ 勅○下○五○城○擇○其○善○
講○者○將○擇○書○六○論○每○城○於○莊○岳○之○間○各○設○講○所○以○廣○教○化○則○天○下○
郡○縣○鄉○約○亦○皆○聞○風○舉○行○有○裨○人○心○世○道○不○淺○矣○一○日○除○高○級○以○
勵○廉○恥○古○者○青○樓○之○列○惟○犯○淫○刑○者○尤○之○近○見○都○城○通○衢○僻○巷○處○
處○章○台○皆○同○一○種○窮○鬼○思○提○將○人○市○婦○女○窩○買○到○手○百○般○凌○逼○或○
強○為○侍○妾○或○販○入○花○柳○本○善○良○子○女○一○遭○毒○手○不○顧○死○活○所○以○涕○
零○沾○襟○哭○聲○震○地○ 京○城○何○地○而○可○容○若○輩○公○然○屈○良○作○賤○哉○伏○
祈○ 勅○下○五○城○著○力○嚴○查○如○有○此○項○兩○隣○不○舉○治○以○重○罪○庶○不○有○
誨○淫○畧○善○之○事○矣○一○日○禁○搜○納○以○清○積○逋○禮○戶○兵○工○四○部○皆○有○錢○

糧○各○省○赴○京○解○納○者○或○養○民○或○養○役○愚○民○一○到○京○城○忙○無○頭○緒○事○
有○一○種○走○部○惡○棍○貨○借○宅○舍○假○裝○體○面○窺○有○外○解○人○役○挾○帶○而○來○
者○或○迎○風○於○城○外○或○周○旋○於○部○門○團○哄○到○家○誘○以○代○納○或○一○總○包○
攬○或○零○星○科○派○遠○來○愚○懦○一○落○籠○牢○不○能○自○主○將○本○折○錢○糧○全○賒○
到○手○任○意○花○銷○部○比○則○百○般○支○吾○以○致○解○戶○終○年○不○能○掣○批○者○有○
之○甚○至○竟○自○逃○走○解○戶○傾○命○賠○補○者○有○之○請○ 勅○各○部○細○訪○嚴○拿○
治○以○重○罪○嗣○後○解○批○投○部○必○驗○果○係○原○解○方○准○收○銷○勿○得○容○縱○攬○
頭○廣○錢○糧○無○乾○沒○滂○桑○之○弊○矣○以○上○各○款○或○曾○經○戒○禁○未○見○定○寔○
舉○行○或○出○芻○蕘○未○議○不○知○有○當○ 國○計○臣○愚○以○為○元○氣○當○培○風○化○

續書錄編卷三

十四

五經堂選定

阜○况○浙○楚○江○淮○水○災○叠○告○山○右○秦○川○雷○震○時○聞○未○必○不○由○奢○侈○
驕○淫○人○心○不○古○之○所○致○也○欲○挽○四○國○之○頹○風○當○自○ 京○師○始○緣○係○
條○陳○字○稍○逾○格○統○乞○ 嚴○照○垂○宥○施○行○奉○ 旨○該○部○議○奏○
字○字○金○石○言○言○許○謨○當○道○者○拿○住○一○副○實○心○腸○做○將○去○自○然○有○
好○光○景○出○來○ 范○鹿○西○

請飭督撫訪貪疏

朱 裴 開

為督撫之訪貪宜有密法道府之揭報未可盡拘請稍破成例以
急救貪風事竊惟我朝懲貪之法設督撫以糾劾之必憑司道
府廳以揭報之非有揭報不敢糾劾其意原欲取耳目之同固也
不知耳目之弊即至此而極何也督撫欲恭勤一人必問之藩臬
藩臬問之監司監司問之府廳府廳不開送一官司道無如之何
矣司道不開送一官督撫亦無如之何矣督撫雖明知其極貪極
酷而非得道府之開報終無出疏糾劾之例亦惟有聽其貪酷已
耳所以道府徇庇之權較督撫而更重有司逢迎道府之事較督

續香林編卷三

十五

五經堂選定

撫而更急其始也非不借督撫之查察大張聲勢而究也一手障
定網漏吞舟魚魯推飲魯打點是皆之為督撫者一今之為督
撫者什其有司之苦不可勝言者非有司之苦百姓之苦也近如
江南督臣即廷佐據揭糾參不職官員事一疏內稱江西一省寂
未見司道揭報一官止套具才守年貌冊司道各官徇庇情弊牢
不可破任臣嚴厲查察終置不聞等語又如山陝督臣白汝梅特
糾貪酷縣令併奏徇縱道官以肅吏治事一疏內稱冀南道恭議
劉芳聲徇庇貪酷知縣馬有喜公呈私稟代為請寬等語此其一
二處之摘發而天下之棠蔭養貪者尚不知其凡幾也 臣請 皇

上勅議專督撫以瘴惡之權不必悉拘以揭報之例凡所在官司
有不廉不法者耳有所聞即以入告明試接見之時較年貌冊為
最真也○有大過大庸者目有所見即以入告密訪道路之口較官
評冊為最寔也道府之揭報不必盡憑亦不必盡禁總求戢戒貪
風休養民力仰副我皇上諄諄禁私汰嚴覈饒之諭而止
如此則事權歸一督撫不得借口推諉道府亦不得借端需詐有
司之打點少減百姓之私汰亦少戢也倘有糾參不當坐督撫以
失寔之罪又何必畢取道府廳之公揭而後為有據哉 奉 旨
該部議奏

續香林編卷三

十六

五經堂選定

說有司之苦痛快委宛非有司之福百姓之福也今日百姓請
念佛以待之 范應西
召父杜母有種此疏結成胚胎 任華斐

條議刑名疏

朱 裴 聞

題為直指東省刑名淹滯之源○
議覆以佐梓刑事竊惟○
允協以情真罪當為主要○
境以來披閱罪囚案卷克棟○
敢忽畧一字但最可嘆者有十餘年之久而不能定一案有一案○
未定而已監斃多人者原其淹滯之由或因人命傷格彼此參差○
盜情口供前後懸殊以致屢駁屢異茫無成議近如刑部駁出蘭○
孟斗李以茂諸案皆係元年之事至今未結○
已遵行將歷年承

續香林編卷三

廿七

五經堂選定

問各官六十餘員題請○
等遵諭陳言一疏內稱問刑衙門審擬一切罪犯必須証佐分○
明口供的確按律定罪庶免冤枉至於年久之案務要速結庶獄○
無淹滯相應如憲臣所請通行申飭在案○
登清則端自初招始請為皇上陳之可乎亦思法之最重大者○
莫過兩端人命盜情是也人命盜情之最喫緊者亦莫過兩端作○
作捕役是也請以人命言之人命有謀殺故殺開殺誤殺切殺過○
共殺之不問而總以檢驗為主物招檢驗傷格人命定案之胚胎○
也必官之公而且明者推鞠得情則到底不錯不然作作得以高

下其手則以輕為重○
多口詞益亂臣以為檢驗之最喫緊者此也○
蒸臭多置屍於數十步之外一任作作喝報且有累月不檢經年○
不報者其間弊不勝窮○
有捏報者嚴加一處分之法檢驗過五日致有朽變者嚴加一處○
分之法再驗仍用初驗作作致有扶同者嚴立一處分之法如此○
則承問者知所儆戒初招無不真確矣再查前朝有洗冤錄一書○
辨別人命傷痕細於牛毛○
錄以折其疑則人命不至草菅而一代之祥刑定矣請以盜情言○
續香林編卷三

廿八

五經堂選定

之盜有強盜竊盜窩盜得財不得財同行不同行之別而總以緝○
捕為主緝捕初獲口詞盜情定案之胚胎也必官之明而且斷者○
訊諒有法則撒底不冤不然捕役得以煅煉其間則以有為無以○
無為有而盜情鮮不共其真矣後雖行楊益嚴供吐益安臣以為○
捕役之最喫緊者此也○
緝緝之人非刑攻拷或指鹿為馬波及善良或牽引別案以消積○
件難盡究臣請○
擅用腦箍竹簽等刑致良民畏刑畏供者官役加等治罪有不供○
結案定罪捶楚楚斃命一案監故多人者官役加等治罪初供招

已○定○不○許○續○板○兩○案○未○經○面○質○不○許○附○會○如○此○則○承○問○者○知○所○畏○
惕○而○訟○獄○無○不○清○理○矣○再○查○應○捕○害○人○前○按○程○衛○會○具○疏○禁○革○但○
賊○盜○緝○捕○亦○須○用○人○律○文○開○載○凡○犯○竊○盜○者○罰○克○警○跡○請○ 勅○部○
議○凡○有○竊○盜○案○內○之○人○姓○發○本○處○捕○盜○則○賤○徑○易○知○而○捕○盜○之○飛○
誣○絕○矣○抑○臣○更○有○請○者○凡○一○切○繫○獄○要○囚○古○皆○有○餼○粥○以○給○之○名○
曰○囚○糧○今○內○而○刑○部○尚○不○廢○此○外○而○州○縣○則○絕○然○無○之○以○致○獄○囚○
不○飽○於○顯○戮○而○斃○於○幽○囚○者○十○有○八○九○臣○請○於○各○州○縣○贖○錢○內○秋○
冬○積○穀○一○半○以○賑○饑○民○一○半○以○養○囚○犯○鈔○司○獄○吏○目○典○史○等○官○掌○
其○出○入○按○數○登○銷○仍○令○正○印○官○五○日○一○至○獄○庭○親○為○查○驗○一○以○禁○

續書錄編卷三

廿九

五經堂選定

獄○卒○凌○虐○之○弊○一○以○消○獄○囚○反○越○之○萌○有○偷○安○怠○玩○視○為○故○事○者○
臣○訪○寔○恭○處○庶○威○不○掩○恩○而○我○ 皇○上○好○生○之○德○所○滂○洽○者○多○云○
奉○ 旨○該○部○議○奏○

是○屠○康○僖○公○為○刑○部○時○宿○獄○中○細○尋○情○罪○的○真○手○段○也○循○此○行○
之○天○下○定○無○冤○民○范○彪○西○
既○刑○名○者○有○矣○如○此○愷○切○詳○明○罕○見○其○儔○任○華○史○
讀○書○兼○讀○律○不○如○讀○此○疏○范○孝○前○

寬谷莊記

朱 裴 開書

凍○水○之○陽○山○曰○城○眉○城○眉○惟○蜀○為○著○此○或○山○顏○相○似○故○亦○名○焉○上○
則○高○阜○而○隴○下○則○崎○嶇○而○峪○縣○治○之○北○離○城○十○五○里○寬○谷○莊○其○余○
祖○居○也○環○面○皆○山○中○得○一○區○如○屏○如○笏○羅○列○四○壁○有○建○於○之○勢○藍○
田○輟○川○峪○口○形○勢○頗○有○相○似○故○峪○以○寬○名○職○此○意○也○地○甚○狹○且○礦○
磧○難○耕○道○多○嶮○折○稼○事○之○多○者○田○不○過○百○畝○少○則○四○三○十○畝○刈○獲○
植○種○車○輶○不○行○悉○以○肩○仔○井○深○三○百○餘○尺○農○忙○賃○鄰○一○孟○亦○必○償○
之○屋○必○茅○陶○水○可○十○浣○民○至○苦○至○此○苦○又○苦○矣○穡○至○艱○至○此○艱○而○
艱○矣○他○處○農○以○三○時○此○則○嚴○冬○隄○寒○灰○糞○之○輓○運○不○得○休○息○畝○之○

續書錄編卷三

卅

五經堂選定

所○獲○大○有○不○過○一○釜○少○數○則○西○成○無○望○所○資○者○若○什○若○陌○梨○棗○成○
行○且○楓○柿○如○錦○採○之○以○釀○酒○漿○可○易○金○錢○以○助○賦○稅○之○用○亦○可○乾○
餒○充○饑○以○佐○梁○菽○之○不○足○女○子○善○績○紡○辟○纆○之○聲○達○夜○不○絕○不○施○
粉○飾○不○習○詬○詈○一○以○淳○樸○勤○勤○為○事○所○以○然○者○陶○唐○葛○屨○之○風○不○
待○言○矣○地○逼○近○稷○下○與○冰○池○村○為○鄰○即○后○稷○教○稼○處○也○民○習○其○遺○
風○精○於○農○事○不○沿○末○作○貴○穀○重○農○雖○糠○粃○不○輕○棄○於○道○路○積○藏○之○
以○預○災○旱○之○防○瓦○房○棟○屋○代○不○概○見○穴○居○陶○甓○什○有○八○九○此○余○祖○
宗○淳○龐○之○風○千○百○年○世○守○之○而○未○改○者○也○愚○家○子○矜○之○士○雖○書○香○
代○有○而○科○制○未○之○前○聞○愚○自○乙○酉○叨○第○以○來○薄○宦○二○十○有○餘○載○凍○

祖德之仁○慈○不○敢○虐○民○慢○士○念○門○祚○之○薄○弱○不○敢○誇○耀○鄉○里○但○昔○也○龍○織○而○今○則○綺○繡○有○之○昔○也○校○果○而○今○則○梁○肉○有○之○昔○也○茅○茨○而○今○則○架○棟○有○之○昔○也○劬○苦○徒○步○而○今○則○逸○適○肩○輿○有○之○昔○也○所○滋○懼○而○不○遑○寧○處○者○恐○鑿○祖○宗○之○儉○德○而○開○子○孫○以○淫○逸○之○漸○也○故○為○是○記○以○志○田○舍○翁○之○實○蹟○云○

上官三立曰○可作傳家珍○劉子厚曰○書一通奉為家訓○翟有翼曰○為天下補偏救敝○于此文券之原○評之妙如此○范彭西通篇俱是來龍○愚所滋恨○以右方是到頭一穴○讀者幸勿憤憤又評

摩詰詩○范个臣

視柳州諸記用意處○有深淺之別○頓覺後來居上○范彭西

更訂筆帖式疏

朱裴

題為督撫藩臬之筆帖式○宜加更訂○仰祈○睿○燭○事○臣○惟○督○撫○藩○臬○係○通○省○大○僚○事○有○專○官○權○無○旁○設○此○古○制○也○原○與○在○內○部○院○衙○門○朝○入○公○署○暮○歸○私○舍○者○不○同○康○熙○七○年○因○為○差○滿○州○官○員○出○仕○外○省○彼○時○恐○語○言○不○通○文○移○擇○格○特○准○督○臣○其○所○請○摺○督○准○帶○筆○帖○式○八○員○巡○撫○藩○臬○各○帶○六○員○以○為○翻○譯○漢○文○之○資○帶○之○誠○是○矣○近○者○我○皇○上○睿○慮○周○詳○每○遇○前○項○缺○出○必○有○諭○旨○令○吏○部○將○熟○通○漢○文○者○開○列○如○此○是○皇○上○業○知○筆○帖○式○不○必○久○用○也○明○矣○當○日○准○帶○筆○帖○式○原○為○不○通○漢○文○而○設○今○既○精○通○漢○文○則○筆○帖○式○不○為○贅○員○乎○伏○乞○勅○部○詳○加○酌○定○如○有○漢○文○未○諳○者○始○舊○留○用○外○將○精○曉○漢○文○之○臣○筆○帖○式○一○概○裁○回○或○以○原○缺○補○用○或○念○其○外○用○勞○苦○量○加○錄○叙○皇○上○自○有○睿○裁○如○此○則○事○無○贅○員○官○無○糜○俸○倘○臣○言○可○採○仰○惟○勅○部○議○覆○施○行○奉○旨○該○部○知○道○言○簡○而○意○盡○可○與○辛○復○元○先○生○經○世○石○畫○並○傳○不○朽○范○彭○西

閩遊草自叙

瞿貞儀 聞喜

何遊乎記事也何聞乎記地也遊不止聞而以聞記事以地也聞不止遊而以遊記地以事也記事則以飲以食以應以酬皆事也記地則以山以水以草以木皆地也記事以地記地以事則以風以雨以日以月以平以陂以往以復何非事何非地也閩遊幾五千里凡兩閱月而豫而吳而越而騎而舟而興在耳者目者胸臆者均有可記記之誠是也昔太史公經歷名山大川記則以史蘊長公遊寄所記以文以詩記之不負地也不負遊也余茲之役省親也非遊也何敢言遊茲之集記事也非詩也何敢言詩願詩者

續香齋編卷三

廿三

五經堂選定

示我以詩遊者示我以遊則予將藉以自鏡矣雖然余敢言詩乎哉余敢言遊乎哉

真氣流行無今無古 范鹿西

一字連數十轉此善學於陵子公孫龍子而得其神者又許

一串牟尼珠 范海臣

續香齋編卷之四

范爾梅梅臣

范一佛个臣

任重任華叟

手錄

晉妻山范部鼎彪西選定 受業

男范翼孝前

參兩說

薄言震洪洞

說卦曰參天兩地而倚數天地間有理必有數數非理不出理非數不彰宋儒好談理故略於參兩之義而易為三二之說夫著數老陽為九老陰為六少陽為七少陰為八聖人豈臆創此數哉大

續香齋編卷四

五經堂選定

約本於河圖之生數者近是一三五天數也二四地數也聖人於是有參兩之法焉參者參五之義非三也兩者則貳之義非二也其法維何有參天者有兩地者有參天而兩以地者有兩地而參以天者參天之一與三與五而為九此老陽之數所倚而起也兩地之二與四而為六此老陰之數所倚而起也參天之一而兩以地之二與四則為七參天之三而兩以地之四亦為七參天之五而兩以地之二又為七此少陽之數所倚而起也兩地之二而參以天之一與五則為八兩地之四而參以天之一與三亦為八此少陰之數所倚而起也且參天之一三五而為九固已參天之

與五○未始不可為六○參天之三與五○未始不可為八○兩地之○二○四
而為六○固已不可復益為七○又安可復益為九○是天地能純地而地
不能純天○從此而悟太極可也○故數也而理存乎其間矣○奈何以
天○圓地方之形解之○遂有三二之說○夫天既圓而圍為三○亦可為
五○地既方而圍為四○何止於二○即曰陽饒而陰乏○地可退四而為
二○天亦可進三而為五○耶○是三二之義且不可曉○況乎三三三三
諸說哉○究其故蓋泥於三二而不明參兩之義也○嗚呼聖人不以
臆創數○後人竟以臆改經矣○可乎哉○
來註雖與舊說異○參兩仍以三二言此懷岳自註之言也○吾欲

以考亭之理○與鮮之象○懷岳之數○為周易鼎足○世人信否○此言
如不信○君請問包犧○范彭西

乾坤在手○渾身是易○宜乎吉凶悔吝占無不應○此其大略也○
仕莘更

開手提明以下層層申說○層層照應○極有法律文字○范孝前

恒杜序

薄言震 洪洞

杜何以恒名○取諸易也○易之坤曰○西南得朋○同人曰○出門交有功○
兌曰○朋友講習○語皆可取○而獨取諸恒○何居○蓋坤為純陰○以陰
而風人所戒○不可訓也○同人○天之為象○天火為象○天處高而火旺不常○
其始合而終睽耳○兌之義為悅○象為口○以口舌悅人○豈可久之○道
乎○六十四卦○不盡於恒○而可以名吾杜者○莫美於恒○恒○立心如一○
日也○其象上震下巽○於五行為木○於五德為仁○仁人心也○故
仁為五德之首○故從一○一者太陽之數○故又從日○恒之取名其在
斯○與彖言道○又言德○明乎以道德為恒○則可久○不以道德為恒○則

不可久也○夫以一恒為合仁統道與德如此○則吾杜之所以名恒
者○可知矣○且恒之綜為咸○錯為益○咸之象曰○君子以虛受人○益之
象曰○君子以見善則遷○有過則改○皆於交友之道○為切此○吾杜所
以名恒也○與

不粘六朝風雲○全是先秦骨力○懷岳素不讀兩漢以下書○其手
筆應當如是○面對一體○裏隔千里○甚而坐偃月計○蘇雲非多
口而盟則轉盼而寒耳○此文其云○故乎潔淨精微○於易數尤其
剝枝○范彭西

海潤天空○山明水秀○似此文心○范孝前

關聖帝經序

賈鳴璽

天○青○日○白○山○峙○海○汎○茫○茫○大○地○備○眼○皆○聖○聖○不○可○知○名○曰○神○神○
何○寄○乎○曰○有○不○可○磨○滅○之○氣○氣○何○寄○乎○曰○有○不○可○磨○滅○之○理○理○何○
寄○乎○曰○有○不○可○磨○滅○之○經○經○者○何○理○也○理○宣○於○經○也○理○者○何○氣○也○
氣○運○夫○理○也○氣○者○何○神○也○神○主○乎○氣○也○神○者○何○聖○也○聖○至○於○神○也○
關○夫○子○漢○人○也○人○之○盡○則○聖○也○聖○之○盡○則○神○也○神○之○盡○則○天○地○之○
之○所○至○也○聖○神○之○理○之○所○傳○也○不○可○磨○滅○也○嗚○呼○誰○不○處○天○地○之○
中○道○理○只○在○俯○仰○我○亦○立○家○國○之○間○名○分○無○過○君○父○夫○子○之○心○
千○古○斯○在○

續垂棘編卷四

四

五經堂選定

一氣呵成百轉不斷古今有教文字 范彪西

介妹墓誌銘

賈鳴璽

康熙十年秋八月曲沃賈鳴璽之妹卒越五十日葬夫子衛文諸
墓中鳴璽思弗傳也志曰妹生時當先王父病中蓋命名介云
先王父嚴每漏下輒呼鳴璽輩談古今忠孝節義事時大人抱妹
侍妹不作啼笑聲家人嘆異之及笄歸文緒踰年誕一男子弗育
庶成春緒死妹乃稱未亡人矣先是鳴璽奉命應中書考廉成之
役大人公車長安逮歸妹則病也初病在口口病不已病鼻鼻病
不已病目目歷七月病已病又在脾家人皇皇然問諸醫問諸
巫妹惟一笑詰之顧又弗語今歲秋病大漸家人環泣妹日無哭
續垂棘編卷四

續垂棘編卷四

又四

五經堂選定

哭則辱吾死也吾亦顧吾名耳遂卒距生於順治庚寅年四月初
八日亥時歷年終二十有二齡而已鳴璽日妹蓋得先王父之教
者與當先王父命名時妹孺子耳何以若確然知有今日者然則
先王父亦明矣哉獨是鳴璽兄弟不肖俱無以承兩尊人歡賴妹
左右之而今已矣妹日無哭能弗哭耶銘曰其何以死歟惟有取
天日星是地河嶽是而豈女子千秋之骨末只

張爾公稱韓昌黎筆橫銘愈于程明道邵公墓誌者以其慧而
早死一句外毫不溢美一詞予於荆生亦云 范彪西
先王父五見大人兩見兩尊人一見讀者須識此意 又評

尊聖八典呈詞 有節句

李華然 異域

為謹考尊聖八典懇乞申請 題行事 嘗聞一代之興必有秉勢
更新之規模使人踴躍而思奮而一代之興必有日時補救之制
度使人痛快而政觀竊惟古今道德之極莫盛於孔子古今隆重
之典亦莫盛於孔廟乃性帛謚號僅及孔子之身未及孔子之先
也世官世爵下逮其所出也而其上叔梁紇齊國公之封自宋大
中祥符元年始及元至順元年加封塔聖王至明嘉靖九年用輔
臣張璁議改稱塔聖公孔氏詔立塔聖祠奉祀進額無繇曾點孔
鯉孟激配享程珦朱松蔡元定周輔成從祀濟濟一堂豈不稱殷

禮哉夫孔子政文宣王稱至聖先師七十二弟子俱改公侯伯稱
聖稱賢而至聖之父仍然稱公豈猶不如孟子之弟子如公孫丑
等之稱侯伯耶此塔聖公公字在所當議者也舊又曰孔氏夫孔
子弟子從祀先儒俱稱子而至聖之父下等於顏曾思孟周程朱
蔡之父之稱氏豈至聖之父僅同諸賢諸儒之父之尊耶此孔氏
氏字在所當議者也果代之事孔子無不至矣乃加恩所自僅及
其父進之而伯夏又進之而防叔俱不得享封崇構俎之榮可乎
合熙叔梁紇一體追封奉祀壇宇無用別營第就故聖祠倣同堂
異室之例增設二龕以防叔處伯夏處左叔梁紇處右酌定謚

法分別世次如曰防叔伯夏無所表著豈顏曾周程等之父俱有
表著乎顏曾思孟大賢也視孔子則遠矣周程朱蔡大儒也視孔
子則又遠矣彼且以其父配享從祀而孔子配享僅一敬聖而止
無所加於諸儒諸賢何亡等也近例保傳大臣一沾高位恩榮三
世豈至聖先師反出保傳下耶孔子自稱丘般人也則契孔子之
祖也教化之宗明倫之源道統所自來也乃淪沒而不祀何草草
也請於文廟東偏立祠奉祀則功臣祭典聖學淵源兩得之矣孔
孟皮字伯尼孔子之兄也論語孔子以其兄之子妻之兄孟皮是
孔氏父子祖宗聚首一堂而孟皮獨在官牆之外孔子為弟之心
如斯其厚也

續香林編卷四

六

五經堂選定

得安乎古云一人向隅滿堂不樂且孟皮子孔忠字子篋既列在
七十二賢從祀西廡則孟皮配享故聖祠位在顏無由之上孔廟
祀事斯無缺典矣聖門志鄭曉云聖門十哲直取陳蔡一時與難
之賢非聖門定論夫有若之言四見於論語大類聖人公西赤志
於禮樂孔子嘗稱立朝與言云子言語政事其優於宰子冉求可
知魯參未與陳蔡之難既進配享於正殿又補顏孫師於十哲則
進有若公西赤於宰子冉求之上似亦為當也孟子魯公族孟孫
之後也稱其父先賢孟孫氏似也聖門志云孟子之父名激字公
宜而少之祀志皆曰孟孫氏魯之以孟孫稱者多矣不近況與觀

此則正殿孟其子而啓聖祠孟孫其父是父子有兩姓也孫之一
字似亦當刪也○更有請焉士為四民之首士風不振則平民益
憤由於天下無真儒程頤所謂千載無真儒則天下賢賢焉莫知
所之人欲肆而天理滅者此也○往見前代名臣○申時行楊廉李紳
張九功等題請真儒薛瑄王守仁陳獻章胡居仁從祀孔廟迄今
真儒之靈安矣而諸名臣亦膾炙人口但前代真儒不止此四人
聖門志云○懸壺至曹端三十五人擬祀孔廟趙岐孫奭錢唐擬祀
孟廟韓愈擬配孟廟夫孟廟所擬可也孔廟所擬似乎過多○嘗讀
理學宗傳侍側紀畧等書○宋儒如呂大臨羅從彥謝良佐李侗明

續書林編卷四

七

五經堂選定

儒如蔡清曹端羅倫羅洪先馮從吾顧憲成呂坤鹿善繼辛全此
一十三人其學問心術出處德業光明正大有裨名教皆宜從祀
孔廟或從祀契廟亦未為不可也○即如魯哀公十六年孔子卒十
七年孔廟成而啟聖祠遷之二十一年至明嘉靖九年而始
成然則曠世大典有時存焉非聖君察相不克振興而創舉之也
若然所議謚祀至聖之祖崇父兄○改姓氏補配諸賢分組真儒
一百四十餘年之疎畧又將待今日而修崇之矣○况我皇上今
春特行臨雍之典崇儒重道千載一時懇乞申轉題請此舉一
行上見知於古聖前賢下獎服於天下萬世萬一東禮諸大人等

議或不即行而天下萬世公其之聖賢自有天下萬世公其之尊
崇日久而行之亦今日之申轉為之兆也上呈

華然字斐林充本縣衣頂年寔六十五歲所著一辨香等六七
種採集聖賢語錄字字箴銘今春舉此呈於本府即蒙允申且
批明經稽古大有可採等語請題依議事在且幕下言而上
行誠曠典哉為記年月以誌其盛云○十年辛亥重陽
山農野老聞此應亦鼓掌擊節凡我同人得志於時者聞之更
當何如○按辛復元先生云孔廟祀典即據陳蔡十人似少變
通若拘此例則曾子不當入矣曾子子思孟子與顏子皆得配

續書林編卷四

八

五經堂選定

享不拘此例則南容有若漆雕開決不宜抑諸兩廡間也即王
文中周程朱薛亦可躋諸升堂之列冉有宰我子張祀之兩廡
可也俟議禮者裁之○又記
若有一字入公門便非學者本分事此吾家五經堂中之戒也
如此等字又恐遺一字不得入公門耳○范小臣
此為家大人節筆原呈內多用斷語且末幅題請以下仍用
後說體家大人極力洗濯惟欲信行不嫌俯竊急命予小子錄
入集中嗟乎縑衣黃冠尊崇二氏無所不至我輩之爭者也伊
誰之賜勿令縑黃見笑是有望於大人先生矣○范孝前

四書要

李華然 吳城

范氏曰學者必務知要○知要則能守○守約則足以盡博矣○子曰○詩三百一言以蔽之曰思無邪○思無邪詩之要也○程子曰○經禮三百曲禮三千亦可一言以蔽之曰毋不敬○毋不敬禮之要也○余徘徊世情深有感於無忌憚之小人○恣意於獨知之地○不怕天地不信鬼神○武斷鄉曲○蹂躪愚懦○嘗引而伸之聖賢萬語○不過是一個意思○四書亦有要○大學中庸亦可一言以蔽之曰慎○獨慎○獨大學中庸之要也○論語亦可一言以蔽之曰畏天命○畏天命論語之要也○孟子亦可一言以蔽之曰民為貴○民為貴孟子之要也○學者不

續香齋編卷四

九

五經堂選定

可不務知也○知此三要○將一部四書都包括無遺○辭受取予○獨不敢不慎○窮通得失○天命不敢不畏○驛寡孤獨○民不敢不貴○知民為貴○則操券合符○時時警惕○知畏天命○則利害禍福○聽其在天○知慎獨○則心存心○存便看出自家罪過○鬼責人非○不容不憂○勤惕勵不容不汲汲○皇皇何謂慎獨○不可說得懸了○亦不可看得難了○顏叔子之秉燭達旦○魯男子之不可學○可楊伯起之暮夜却金○趙閱道之事必告天○司馬溫公之可與人言○夏原吉之雪夜下馬○海忠介公之渡舟留錢○皆真能慎獨者也○能慎獨則畏天命○民為貴○又一以貫之矣○故程子曰○其要在謹獨○千尺竹萬丈玉○范鹿西

祭保定常二府文

韓大志本系文城人願

李華然 吳城

嗚呼先生胡為而遽歿也○吾終不得見先生○生耶○程子云○堯舜數千年矣○而其心至今在○先生之所政者○形也○夫形生必有歿○如畫之有晦也○而其不能歿者○心也○此心不與萬物俱盡○經湮沒而益生○心既生矣○則形亦化而為精○其隱躍人心目之中○吾豈無所以見先生乎○吾見貞勝編格物篇○如見先生也○吾見忠愍祠忠烈祠○如見先生也○吾見歲寒居○蒼岡文集○如見先生也○而不特此也○道見寒士○餓夫之凍餒○如見先生○捨衣而散錢也○野見荒墳古塚之暴露○如見先生○掩骼而埋胔也○市見雜劇熟牛之喧闐○如見先生○戒

續香齋編卷四

十

五經堂選定

戲而禁殺也○而不特此也○保定之人○頭批軍黨○寫像樓而捧之○吾見州邑像樓○如見保人○捧先生也○梓潼之人○負米戴錢○走百里而贈之○吾見道路負戴○如見梓人○贈先生也○潛山之人○官陞五載○立生祠而祀之○吾見郡縣生祠○如見潛人○祀先生也○雖然此皆就其及人者約畧言之耳○憶余客上谷時○先生兩次四噓我○四日三醉我○且前餽未已○而後餽復繼○不啻一而再○再而三○而惠我也○吾其如見先生於黃壤也哉○雖然此猶其小者也○先生不啻賜我唐詩○字韻○並賜我讀朱陸兩全集乎○不啻欲費七十金○刊我長天集乎○又不啻如古國子司業○陽城告諸生○學以忠孝為本○使我歸而省

慈乎昔人謂一人知己足以不憾者先生是也○吾其如見先生於○
秦前倚衡也哉○雖然吾之所以畏敬先生者尚不止於此○先生不○
章○章○吾○吾○學○學○得○得○力○力○於○於○先○先○生○生○與○與○天○天○為○為○徒○徒○吾○吾○品○品○進○進○益○益○於○於○先○先○生○生○淡○淡○然○然○自○自○好○好○
吾○吾○貧○貧○受○受○用○用○於○於○先○先○生○生○吾○吾○其○其○如○如○見○見○先○先○生○生○於○於○江○江○漢○漢○秋○秋○陽○陽○也○也○哉○哉○嗚○嗚○呼○呼○有○有○道○道○之○之○
心○心○月○月○到○到○風○風○來○來○有○有○道○道○之○之○靈○靈○雲○雲○影○影○天○天○光○光○吾○吾○何○何○嘗○嘗○不○不○得○得○見○見○先○先○生○生○乎○乎○吾○吾○見○見○先○先○
生○生○恨○恨○不○不○能○能○披○披○肝○肝○瀝○瀝○胆○胆○以○以○血○血○灌○灌○地○地○降○降○先○先○生○生○恨○恨○不○不○能○能○剪○剪○髮○髮○斷○斷○水○水○身○身○嬰○嬰○白○白○
茅○茅○薦○薦○先○先○生○生○並○並○者○者○特○特○焚○焚○易○易○經○經○來○來○注○注○格○格○物○物○圖○圖○言○言○做○做○古○古○桂○桂○刺○刺○妥○妥○先○先○生○生○先○先○生○生○
今○今○果○果○如○如○主○主○棘○棘○場○場○之○之○夢○夢○今○今○翌○翌○我○我○文○文○章○章○之○之○靈○靈○氣○氣○精○精○往○往○神○神○來○來○今○今○
只○只○如○如○見○見○二○二○字○字○却○却○使○使○千○千○古○古○之○之○下○下○凜○凜○有○有○生○生○氣○氣○范○范○彪○彪○西○西○

續書棘編卷四 五經堂選定

道德說

李名顯 異域

性理云天下至尊者道○至貴者德○至難得者人○夫人之所以難得○
者○以其有道德也○夫道者事物當然之理也○德者行道而有得於○
心○之○謂○也○非○有○甚○奇○異○不○可○知○高○遠○不○能○行○者○人○但○於○應○事○接○物○
之○際○加○一○番○體○貼○此○事○於○自○己○心○安○否○於○人○情○便○否○安○則○行○便○則○
行○不○安○不○便○即○勿○行○時○時○存○此○心○行○此○事○便○合○著○當○然○之○理○矣○即○
所○謂○道○也○行○之○以○自○覺○快○然○有○得○於○心○矣○即○所○謂○德○也○日○用○間○只○
用○這○個○功○夫○便○至○尊○至○貴○在○我○即○所○謂○難○得○之○人○矣○人○何○故○自○暴○
自○棄○而○不○肯○為○之○哉○ 范彪西

寒天向日賦

李名顯 異域

乙巳之冬臘月哉○生明之次日○天色清明○日氣融和○陰雲不作○冽○
風○不○生○三○冬○氣○候○宛○如○九○十○春○光○野○叟○就○日○於○臘○天○伏○地○軒○下○藉○
草○為○毡○移○石○作○枕○偃○仰○屈○伸○於○其○上○但○見○日○白○天○青○昭○徹○五○臟○六○
腑○平○日○閑○思○亂○想○頓○覺○冰○消○霧○釋○一○段○天○機○自○是○活○活○潏○潏○因○思○
前○賢○雲○淡○風○輕○天○光○雲○影○一○切○吟○風○弄○月○之○句○其○光○景○趣○味○大○抵○
不○過○如○斯○因○題○曰○潛○身○在○光○天○化○日○之○下○遊○神○在○陶○唐○義○皇○之○上○
接○心○於○高○明○廣○大○之○域○混○迹○於○流○俗○濁○世○之○中○清○風○明○月○是○吾○友○
前○賢○往○哲○是○吾○朋○民○安○物○阜○是○吾○願○春○風○沂○水○適○吾○情○粗○衣○淡○飯○
續書棘編卷四 又十一 五經堂選定

續書棘編卷四 又十一 五經堂選定

神仙便是儒門道學○與那鄭處生不同○
隨吾分不貪不妬○畢吾生題罷○躬躬然一夢○不知天地間之有野○
叟○又○安○知○野○叟○之○在○天○地○間○ 范彪西

可作點爾何如一節之註○
稽琴阮嘯放達自喜○何曾尋得孔顏樂處○范梅臣○
薛文清公曰○心清則理明○幾與天地同體○殆謂是與○范孝前

遠異教疏

王廷諫

為遠異教以正人心以節國用事臣嘗讀先聖書有曰節用而
愛人又曰務民之義敬鬼神而遠之誠以從古聖帝明王壽身保
民享國長久之道在於實政而不在虛幻也恭惟皇上明見及
此惟以節用愛民為急務親政以來首勸罷城工兼罷碑版
寺項近却進貢之旨這賞賜照例給與喇嘛將侍奉佛像銅塔
進貢於理不合并番犬以後永不許進該部知道大哉王言天
下莫不仰聖人有道今忽聞造塔皇城兼有建寺之說臣殊
不信以為却貢未幾而豈遽然為此且皇城何地防禁宜加甚

續書錄編卷四

十二

五經堂選定

飾諸臣且不得擅入可容番僧輕進耶當僧何人不過遠方臣子
自當恪尊朝廷可容乘馬出入無忌耶再四思之決非皇上
之本念也意彼或以壽身保民享國長久之說進而皇上偶信
也臣請解之曰堯舜禹湯文武之君壽皆百有餘歲其國祚綿歷
有四百六百年者有至八百者彼時何嘗有佛教也迨後漢明帝求
書天竺魏世宗作末明開居寺梁武帝建同泰寺起十二層浮屠
其三朝之享祚視二帝三王修短奚若由此觀之壽身壽世亦何
係於佛哉即以佛論夫佛不過慈悲為心普度眾生耳我皇上
軫念風霾不雨下肯熱審次日即霖雨滂沱不知普度幾千萬

億生靈一念精誠感格上帝則佛即在心頭更何處覓佛而

以塔祀之又或者以燕京歷經數代鬼魅作祟之說進而皇上
偶疑也臣請解之曰從來建都之處代不一姓前國之墟社即
與朝之勝基人傑則地靈全不關地也況天子者天地神人
之主也天未有不佑天子者鬼魅未有不惧天者今聖明在上
朝氣伊始百靈方且護衛有何鬼祟敢伺左右此等不過借虛誕
無影之事以為固寵獲利之謀皇上亦不過一念之動偶而為
之此不沉溺於此但恐中外愚民效尤成風如我朝山西絳翼
等處之呵呵念佛男女混雜聚眾謀叛江南長合等處邪教作亂

續書錄編卷四

十三

五經堂選定

煽惑愚民結黨劫掠諸如此類深可慮耳且造塔建寺所費財力
不貲雖不忍取民間之財必需府庫之積雖不忍以民間之役供
興作必藉旗下一之力為拮据夫府庫金錢錙銖積者也今秦楚蜀
等處飢兵欠餉動及經年若發餉百萬則可養兵數十萬矣旗
下壯資戰守者也今當夏氣炎熱與之休息以養精蓄銳則用之
征勦益自騰驤効用矣若以內帑有用之金錢旂下有可用之
費之無益之地聖心固有不忍佛心或亦不安事佛而可使佛
心不安乎我皇上流覽史書手不停披凡古今得失事體可否
自洞若觀火不待臣言但犬馬微忠不容自嘿即斧鉞難寬亦所

不怕伏乞 皇上乾剛獨斷立罷工役或以遠人可系姑給賞資
以遂其志則天下咸服 大聖人之作用可行可止真追唐虞而
媲三代矣云奉 旨俞晉
較佛骨表摯而婉以彼直斥佛此曲獎佛也孔子曰諫有五吾
從其諷此可為進言者法 范處西
佛在心頭佛心不安不知者以為兩舌耳然轉移君心處偏是
此等得力范處西

御壽說

袁錫珂 翼城

雁客是歲仲冬六十矣彤修寡聞視息偷存子女輩豫請屆期開
筵以壽雁叟聞之憂額急拒之曰惡乎壽惡乎壽固請曰夫女惡
知其不可也昔宋齊禕代之際王琨以壽為戚子非敢謬附古人
蓋忠義性發盡人皆具讀書學古嚮往有志其不可者先大人
壽五十五先孺人壽僅四十一而終養慚一日恨卽終天言念及
此未嘗不泣然流涕以故與他人宴見戲珠介壽輒掩面飲淚且
羨且悲茲躬當其會則代鼓考鍾擊鮮烹肥入口刺勝惟有向隅
而泣安能盡懽而散其不可者二致諸詩書壽原於德有德則一

日百年不則鑒往亦鑒予日莫途窮尤悔叢集德未格於家庭行
未孚於里黨踰量過福不揣妄舉識者姍笑予深耻之其不可者
三婚嫁大事當前難却茲有何關係而為此可已不自己之務加
以嚴冬寒沍寸暑九轉而主僕汲皇晝夜不休試一回想真如嚼
蠟其不可者四抱疴閉閣懶癖習成居恒見一生客則怛怛中動
坐對不憚今俾予偃僂盤折竟日醉咎心煩意亂是益之疾也龍
鍾鶴骨豈不自憐其不可者五有此五不可而女肆几筵肅賓客
以號於人曰壽吾親以致孝噫取順承歡不歡體不辱親貽父母
以令名是乃所謂孝也已固不在區區稱觴酌斗之謂也吾意決

其其母絮言

郭者老聶破忍書惜少此一歎
范彪西
其其文詞想其人品足壽千古仕華吏

讀其母絮言

十六

五經堂選定

序哭父篇

侯七乘

汾西

乙巳歲先嚴捐館舍○予待罪武平○不能歸○愁苦無聊○讀琵琶記而
破其後曰琵琶苦者也○予以苦人處苦境○讀苦書○但覺為吾書忘
其為東嘉書也○一齋翟子與予生同鄉○習同業○其拔幟於弟子員
也○聲同噪○甲午同家弟譜予仕闕而先嚴逝於家○翟子家居而方
伯公終於闕○其飲恨終天不及訣也○又同僚予曾以例故不獲登
逐○奔喪翟子亦以方伯公任事未楚遲遲於扶輶而旋里也○遭逢
又適相同翟子一日以哭父篇見示○字字心血○言言至情○予讀之
淫淫決下幾不知其為翟子言為予言者○數昔之讀琵琶記又倍

讀其母絮言

十七

五經堂選定

情深矣○夫至哀無文○情關骨肉○一形筆墨○反覺縮餘○然如古人陳

情表十二郎文及鍾竟陵之祭肆夏○沈君烈之哭震女讀其編者○
有其事○無其事○無不流連感嘆○則不可謂非華墨之靈也○雖然曾

氏攀柩○引柩者不前○曹娥抱屍○雙柏翳翳○冰哭竹之事○世人皆

能言之○情之至者○金石可開○鬼神可告○能使無情化為有情○古今

人情○不甚相遠也○今或以至情之言告人而漠然不動者○有矣○落

陷阱○不一引手援者○矣○豈情有未至耶○抑無情者○可動而有情者○

反○不能動耶○不則古人之所謂感金石○動鬼神者○類皆神奇其說

而不可盡信者耶○此則予之所不解矣○還以問之翟子○休兩顧猶使

性論有節句

賈中太平

諸子之言性也○荀子言性惡○揚子言善惡混○韓子言性有三品○及
乎宋儒則曰有理義之性○有氣質之性○斯言出真可以正諸子而
輔往聖矣○愚尤惜其未盡當也○夫何不曰有理義之心○氣質之心○
而曰有理義之性○氣質之性也○蓋心有善有不善○可分理義與氣
質言性○性一理豈可以理義氣質對言○以理義氣質對言○分明言
性○不但有理義兼有氣質是○以氣質為性矣○氣質又不齊也○既以
氣質為性○必以氣質之不齊者為性○既以氣質之不齊者為性○必
以性有不齊而言性○有不善也○其流弊將與諸子等維然○宋儒之

續齊東野語卷四

十八

意未可盡○非也○意者謂以理義不離氣質者為性○以氣質不離理

義者亦為性○理義之性○氣質之性○皆言善也○所以明人之有善也
其原不善者在言外○循云有理義之性○而不能保有氣質之性○而
或時失此言外之不善○所以明人之有不善也○不然既開諸子以
宋儒知已○性有不善為非○而復以氣質不齊言性○與諸子言性有不善何以
異哉○設也○宋儒以有理義之心○言不惟可以明人之為善○並可以
明性之善○以有氣質之心○言即有不善○亦是氣質之心○有不善非
性有不善也○如此則可以破諸子不知氣質之故○以氣質為性○以
氣質之有不善為性之不善之說矣○夫何不曰有理義之心○氣質

之心○而曰有理義之性○氣質之性也○

此朱馬程皆人議其不善學禿翁如此於宋儒不其心否○東坡
云不妨不妨○乃是喚醒他○范應西

辛復元先生曰○人人有聖賢的氣質○從此參出○宜乎為辛門中
名流○洗淨爐

續齊東野語卷四

十九

五經堂書

後駐防兵既

楊義 洪洞

為請○勅後駐防兵○以靖山寇○以安殘黎○事竊惟三晉偏處西都○為神京右臂○自流寇蹂躪以來○困於兵火○雖屢勤征○萬山層谷之中○尚有伏莽○號澤之好○臣生長斯土○每為桑梓抱杞憂焉○近聞印報見撫臣陳應泰題補傳宣缺員等疏○一則曰平陽山寇未靖○正在用兵○再則曰平陽一帶○自戚姜過之後○而山中遺孽未靖○是撫臣誠無日不為辦賊計矣○臣思匪賊者○山之勤賊者○兵也○賊縱橫在深山○兵道遙在樂土○有兵之地○無賊有賊之地○無兵○兵至則賊遁○兵去則賊來○綠林日見跳梁○百姓不得安枕○亦兵怪哉○查

續補錄卷四

廿

五經堂選定

臣平陽舊設守巡二道○守道駐蒲州○樹幟大河○為秦晉之屏翰○巡道駐隰州○建威重山○作陵谷之保障○迨其後也○巡道改駐平郡○守道仍駐蒲城○我清定鼎於平郡○又設副將一員於蒲城○又設遊擊一員○自是增兵衛民之長策○但道將同城○標兵雜處○目前兩地粗安○可借以有用之兵○盡聚無用之地○遠近賊窺○策應不靈○緩急將安賴乎○臣為今日籌急著莫若就道將見在之兵○求扼要分防之法○巡道既鎮郡城○矣應調平陽之副將○移駐隰州○掃蕩西山一帶之遊寇○守道既鎮蒲城○矣應調蒲州之遊擊○移駐聞喜○搜勦紫金等山之餘孽○萬一役賊出沒無常○燭檠於平蒲之左右地方而

道將南北犄角聲勢呼應相應○可勦則勦○可撫則撫○況今官兵齊集○軍威克振○將見公唐邪氛○巢穴立搗○奔突無門○山寇計日可靖○殘黎轉危就安○庶不負朝廷責成○聞外之意○及事平功成之後○再議回營○未為晚也○云奉旨兵部議奏

此豈僅為一鄉圖安全者乎○天下者○鄉所積也○个个為其鄉圖安全○則天下太平矣○范應西

前段見兵當移後說不移之害○與移之利○切中緊要○范標臣任天下事○以實心議天下事○以虛心○於事平功成三語可悟○范孝甫

續補錄卷四

廿一

五經堂選定

楊義洪

續香齋編卷四

廿二

五 匪 堂 思 定

揮筆勢絕筆

續垂棘編卷三

竹三

五經堂

如臣等

各色義舉正項不知申報何官奉旨何日且各處俱革行力臣
邑各行受累半價不償焚燬子遺刻肉醫瘡困苦無告善良拆骨
支撐愚頑逼迫為盜此平陽各山之餘孽伏莽堪憂良有由也一
也如此他邑效尤弊將安底相應勅下督撫嚴行所屬無名利
冰併行戶取貨之弊盡數查革凡有犯者官吏依律治罪庶大害
除而人民之疾苦少避矣奉旨呂官因病難痊已准回籍餘
著該部議奏

或講大臣體面或謀小民身家總從一片赤心中流出視沿習
嚼餘者不啻天淵范應西

讀香齋編卷四 廿四 五經堂選定

最後一裁尤為急務細玩其意隱然有杜賄賂之思范應西
仁人之言范下臣

草草六集序

李喬晉 洪洞

讀滄溟集而知學詩之難也讀晦菴漫齋諸語錄而知詩之難學
難於性靈之學近日詩人未嘗學而輒能詩輒謂性靈中自有詩
而無異於古人之詩古人苦心終身旬鍛月鍊不曰語不驚人死
不休則曰一生精力用於詩是何古人之惡逸而今人之不勞也
夫詩固性靈中事而能善用其性靈者則非性靈之事吾友范西
胞羅百代目歷千古於詩一道撫鬚苦吟不敢自謂能詩每一韻
成貽予曰一介之士必有客友况我兩人乎而何不以教我予兩
人固密友哉而非僅密友也太翁徵聘公垂棘諸刻時採先人學

讀香齋編卷四 廿五 五經堂選定

陸勝遊等集且把臂倡和無虛日暨乃伯乃仲夙聯鷄窓非朝伊
夕茲又與范西為視咲所謂三世同心是耶非耶以三世同心而
豈能不為一言以序始末况予同門石城李左龍晉陽閻錦濤諸
集于既不能辭其嚴據今范西詩刻六出而予豈能不為一言以
序始末雖然予非能存范西之詩者加以沉疴三年又非能讀范
西之詩者偶見篇中所云曲堰迷鴻鵠倒池騰鳳凰是即古人浴
是含藻戲驚鷺帶魚飛之句也所云露墜瑞麟懸碧殿星邀片甲
入寒宮是即古人若非琥珀休為枕不是琉璃莫作屏之句也此
等語謂之不能詩者乎抑謂之能詩者乎以此質之主風雅者當

亦謂其能善用性也○已○彪○西○通○來○開○戶○下○惟○無○異○寒○素○理○學○勸○
善○諸○刻○走○遍○海○內○予○雖○不○能○讀○之○予○尤○欲○進○而○讀○之○矣○
昔○人○云○詩○有○別○才○非○關○書○也○篇○中○善○用○性○情○一○語○從○來○論○詩○家○
所○不○遺○雖○謬○從○許○可○不○無○獎○予○之○過○而○序○數○代○所○胆○不○使○此○道○
棄○如○土○尚○賴○此○文○范應西
師○苦○吟○數○十○年○却○被○此○叙○傳○出○一○字○一○句○皆○可○想○見○范梅臣

孟子游歷考序

衛萬曲次

學者讀孟子○須知孟子歷履○不然則無以考見始末而識聖賢出處○
處○去○就○之○大○鄭○便○是○不○曾○讀○孟○子○也○孟○子○游○歷○列○國○世○無○詳○其○先○
後○者○而○史○記○獨○言○梁○齊○然○列○傳○孟○子○游○事○齊○宣○王○宣○王○不○能○用○造○
梁○古○史○因○謂○孟○子○先○事○齊○宣○王○後○乃○見○梁○惠○王○襄○王○齊○湣○王○而○不○
知○皆○非○事○實○也○蓋○太○史○公○誤○滅○齊○威○王○十○年○遂○以○威○王○後○十○年○事○
歸○宣○王○宣○王○後○十○年○事○歸○湣○王○宣○湣○二○王○皆○前○移○十○年○而○湣○王○則○
於○在○位○之○數○增○十○年○矣○故○以○周○赧○王○元○年○丁○未○齊○伐○燕○為○湣○王○十○
年○事○而○蘇○氏○因○之○亦○未○考○哉○資○治○通○鑑○以○伐○燕○之○歲○為○宣○王○十○九○
年○蓋○司○馬○溫○公○據○戰○國○策○為○之○固○已○正○史○記○之○訛○而○確○有○可○遵○矣○
且○據○經○目○周○顯○王○三○十○三○年○乙○酉○孟○軻○至○魏○實○惠○王○之○三○十○五○年○
也○慎○靚○王○二○年○壬○寅○魏○君○釐○卒○孟○軻○去○魏○適○齊○實○惠○王○後○十○六○年○
宣○王○十○有○四○年○燕○王○噲○元○年○也○赧○王○元○年○丁○未○齊○伐○燕○取○之○釐○子○
之○殺○故○燕○君○噲○孟○軻○去○齊○實○宣○王○十○九○年○也○是○歲○宣○王○卒○明○年○為○
湣○王○元○年○則○孟○子○先○至○梁○而○後○適○齊○見○宣○王○未○嘗○一○日○與○湣○王○遇○
也○明○甚○大○全○辯○曰○孟○子○先○游○齊○後○適○梁○今○本○書○首○梁○王○意○者○義○利○
之○分○繫○列○國○興○衰○治○亂○之○本○而○仁○義○二○字○尤○孟○子○學○術○淵○源○所○自○
故○特○首○之○與○夫○謂○孟○子○先○游○齊○後○適○梁○者○史○記○之○誤○已○詳○之○矣○而○

遺梁亦非歷聘之始也○朱子曰孟子○書記事散出而無先後之
次故其說必參考而後通○今據孟子○本書及通鑑綱目○史記戰國
策參考叙次如左○以竊附朱子之意○其無可証驗者○姑闕之以俟
博洽君子教焉○

讀書論世此為不愧○范彭西

此溪陳氏論讀書法○旁搜○毋曲○引○恐涉於鑿也○如此旁搜曲
引○大有功於聖賢○殆神明於法者○范孝前

謹按孔夫子生於八月二十七日○卒於二月十八日○孟夫子生
於二月初二日○卒於十一月十五日○吾家例每屆期齋戒沐浴○

續聖錄編卷四

以承祭祀○不敢怠也○適期屆而錄此作附識以告同志○再識

唐宋間列國錄序

衛 嵩

唐宋之間○朱子所謂無統之世也○國各有史○雖梁唐晉漢周為大
國○然不容特以勢言而不折之以義也○自宋祖命薛居正作五代
史○而歐陽公又私為之○蓋有不滿於薛史者乎○惟不為韓曄眼立
傳○為關如而侃然論馮道之為人○實足繫千秋名教○然亦以五代
稱○猶有勢之見也○有焉○迨司馬公奉命修資治通鑑○擷取一國之
號○以紀年○以為便於記事耳○而既非大統○終難系屬綱目○出於甲
子○下分注列國之年義○其精哉而不無可折衷者○朱溫賊也○當時
晉岐淮南西川○猶稱天祐○天復○溫為友珪所殺○此與安史皆見屠

續聖錄編卷四

十七

五五五五五

於其子者何異○况國亦隨亡○此豈足據諸國之上○而接唐統者乎
且南唐固非唐裔○不得比於漢之昭烈○隱帝遇害○世祖紹統○義無
正於此者○而以郭周繼漢○據此漢於劉鋹○孟景之○間不與跡千古
之大義乎○綱目凡例○謂大國紀年○小國紀元○未免後據其一時之
勢○而以宋受周禪○為介介耳○蒿不敏○輒敢以五代之說○為有宋作
史之誤○而非百世不易之定論也○今但名之曰唐宋間列國○而紀
年○以建國為先後○必闕稱藩於晉南唐奉周正朔○取號江南○然後
序晉周宋○下也○庶有當乎○至於紀事○不過錄其興廢始末○及圖其
譜系已耳○若夫其詳○則有本史○洎通鑑綱目○在未敢多贅焉○或者

謂自唐昭宣遣使奉冊寶於溫歷唐晉漢周而及乎宋其餘雖建
國而寶不在焉以是為相傳之火第鳴呼曹操之篡也而寶在魏
然不得不以昭烈為正統晉之南渡也而寶在漢趙至詆晉為白
板天子然不得不以正統為東晉若是者何也義也何獨於唐宋
間列國而清之耶夫義之所在雖薛歐馬朱之編有不可盡信者
故敢附孔子竊取之義而為說如此或者又謂繼思繼元皆壽和
假子以偽亂真不足繼漢則將應之曰唐明宗周世宗非乎且以
牛易馬未聞以是而抑東晉况漢之建國也前乎周及其亡也後
乎周者九再世而盛其故臣也夫安得於北漢乎獨以之惟其義

十一

五至堂記

不惟其勢則土地之廣人民之衆蓋有不足較者朱子嘗曰如本
朝必以併河東為正統至哉言乎而徐氏乃以當時之勢度之謂
六國不足以敵秦吳陳不足以敵晉隋河東不足以敵宋且引
氏之說而明朱子語為一時問答云然於春秋之義果有當乎此
蓋終不敢信薛歐馬朱諸編而竊附孔子之意也
此書在開寶間定使扈蒙盧多遜等閣筆即歐陽公所修亦未
必得列國子監中止班劉可作舍此其誰范處西
樂城五代論但言其治亂存亡之由迴瀾總論又只奏集成語
成文無闕大義必如此篇方可起薛歐諸人而服其心范梅巨

論新紹

衛蒿曲次

稽侍中血百世以為美譚紫陽綱目特書予之文丞相正氣歌亦
引稱之何可輕議然私心有所未安不敢題勉附和也司馬氏墓
也有志者必以立乎其朝為深耻紹父康見殺非其罪殺梁傳野
謂父不受誅子復仇可也紹力不能復仇使其痛內切於心如王
哀終身不向面而坐以示不肯臣晉弟子且為之廢蓐我吾又何
間然者蓋此非幹壘之地與鄭禹與不同伍子胥猶鞭平王之
屍豈紹也而不可警晉也哉君子可以終身無官不可一日立於
惡人之朝紹已於仕晉時失之一且難作死不死皆坑谷也若紹

黃新宋局卷四

十一

者其亦可謂死於非義矣豈得與常山古睢陽齒同年語哉尋固
失其謂之能忠吾不信也不然死事即尋也道豈有二乎先儒胡
氏謂子路徒知食焉不避其難之為義而不知食親之食為非義
也吾於稽紹亦云故特表而出之以戒夫仕不擇主者
寥寥數言使侍中見之不覺汗浹背皇曰血滿頸乎與醒無窮
可作詩人與體讀范處西
論古有深識不被前人瞞過范海臣

續彙編目次 五卷六卷共一冊

趙天麒 字平符崇禎壬午癸未五經聯捷有舉行不仕著理學真詮此原山房稿續高士傳四書貞一等

陳情疏

趙三麒 字乾符貢士知州平符著輯山樹清

武氏韻經序 葬亞神女墓碑 文備公狀

郝成 字米壘布衣著日知錄等

一齋解

蔣有聲 字範字文學著山居閑筆經濟名言等

擬進呈疏

五經堂選定

字經世 字道亨文學復元子

擬上始皇書

魏象樞 字環溪順治丙戌進士給事中御史著庸言

端教化疏

蘭完璧 字廷獻文學

伯夷叔齊論

苗胙土 字晉侯天啓壬戌進士著中丞集

上督臺書

白肩謙 字東谷崇禎癸未進士刑部尚書著歸唐集

讀曾文

贈甥說

庸說

復魏環溪書

仕說

董緒

字經倩崇禎壬午舉人同知著白鶴集等

史論

李而洵 字眉公崇禎丙子舉人戶司務

三溫名字考

溫旌光 字冠麟崇禎己卯舉人廣文

讀古質疑

武攀龍 字順治丙戌進士

目二

五經堂選定

節儉疏

李方纂 字仙葉順治丁酉舉人廣文著迪士錄

兩壇條議

望麓草略錄 祖著祖諱弘嗣字耀昆通判奉旨保舉抗疏辭歸有仕國人文二十餘種行世

三晉正學序

最上一乘序 蒼園集序

方明府序

文苑評

義塚碑

寄陸扶搖書

養正書屋集略錄 父著父諱益茂字丹虹文學有潤南業洪乘編等行世

養心錄序

彙選小引

贈晉伯陽序

王 邵 字炳恭保德州人崇禎辛未進士歷官翰林院簡討

飭脩宜周疏 才德策 焦黃兒說

三楚墨裁序 王旌直稿序 貽燕序

再集貽燕序 奇嵐學記 名山藏述言

律例指掌疏

憶康熙乙卯春初集肇啓名篇尚關因于祖父著作之後附以拙作并及異兒荒草迄今覆閱真同續龍亟為芟除另補王炳恭先生名篇十首以成完璧

康熙戊辰秋

范部鼎識

目三

五經堂彙錄

續垂棘編卷之五

范爾梅梅臣

范一儒个臣

任重任辛叟

手錄

男范翼孝前

陳情疏

趙天麒 武鄉

為母死未得送終父老須人伴養竊恐 皇上至德要道崇事 皇太后昭 孝治以全烏私事仰惟我 皇上至德要道崇事 皇太后備極情文即古至聖無以復加且 錫類不置老老及人凡內外

續垂棘編卷五

五經堂選定

臣工或 准終養或 允歸葬草野窮陬莫不聞風感激興仁興孝矣臣母張氏因 臣胞弟趙三麒於順治七年授湖廣衡州府桂陽州同知去任二載音信杳然 臣母已馳萬里之憂忽接家報云隨任家役五人皆病死止晉隻身力疾視事 臣母驚聞暈跌多方救護自此延染成病叫子之聲不絕於口欲着人往視家貧苦無路費且人咸疑無肯去者 臣與慰親心備經險阻躬往探信不意 臣身去後 臣母愈添兩子之望月餘不起求訣之日 臣兄弟並未在傍 臣真天地罪人也乃撫按臣不以 臣為不肖遂 臣保舉奉有考覈酌用之 肯在案今服制方闋官司敦促北上 臣弟三

○ 麒○抵○奉○期○限○亦○同○來○京○此○正○
○ 生○之○數○之○與○不○同○情○乎○今○世○
○ 員○趙○廷○朴○八○旬○有○一○矣○在○三○之○事○
○ 且○喜○且○恨○倘○臣○兄○弟○俱○邀○一○命○之○榮○既○不○得○晨○昏○奉○侍○又○不○得○
○ 迎○養○就○祿○父○子○兄○弟○各○在○一○方○湯○藥○饗○食○遠○不○可○開○萬○一○旦○晚○不○
○ 測○不○幾○又○抱○終○天○之○恨○乎○
○ 臣○親○老○景○逼○桑○榆○兄○弟○終○養○臣○弟○督○力○方○剛○前○當○湖○南○新○入○版○
○ 圖○戰○紅○頭○賊○撫○撫○民○不○憚○馳○驅○見○今○侯○捕○俾○弟○以○養○親○有○兄○
○ 得○一○心○以○報○効○臣○以○服○官○有○弟○得○竭○力○以○承○歡○作○忠○作○孝○何○莫○非○
○ 皇○仁○之○燕○拔○哉○伏○讀○會○典○親○老○而○兄○弟○俱○仕○在○外○無○人○侍○養○者○許○
○ 續○新○錄○編○卷○五○
○ 五○經○堂○選○定○

○ 放○回○終○養○又○查○陳○情○復○姓○俱○係○自○行○具○疏○臣○並○與○例○合○臣○事○父○之○
○ 日○短○事○君○之○日○長○哀○折○天○鑒○俯○慰○烏○情○犬○馬○有○心○非○其○自○廢○
○ 於○堯○舜○之○朝○也○云○奉○聖○旨○吏○部○知○道○
○ 出○師○陳○情○合○而○為○一○無○一○點○忠○孝○真○心○者○不○勞○讀○此○
○ 公○以○五○經○聯○捷○崇○嶺○壬○午○癸○未○為○吾○晉○三○百○年○第○一○人○及○讀○四○
○ 書○貞○一○書○又○服○其○理○學○在○薛○河○津○辛○絳○州○之○間○再○觀○此○疏○益○
○ 信○人○品○不○作○第○二○流○矣○惜○余○未○睹○全○豹○除○錄○此○疏○外○因○燕○錄○其○
○ 人○載○于○仕○國○人○文○中○又○評○
○ 字○字○從○至○性○沉○出○非○若○他○人○奏○集○耳○目○所○得○以○為○文○也○
○ 范○梈○臣○

○ 開○平○符○先○生○在○日○務○實○靜○修○閉○戶○寡○交○一○切○詩○詞○古○文○不○多○落○
○ 筆○間○一○為○之○亦○不○存○筆○故○著○作○流○傳○者○甚○少○乙○卯○秋○余○次○大○南○
○ 從○同○人○處○搜○得○對○聯○數○條○附○錄○于○此○以○志○景○行○其○題○書○齊○云○君○
○ 親○恩○大○同○天○發○表○陳○情○報○効○何○能○一○二○賢○聖○理○深○似○海○蕪○經○擬○
○ 第○進○修○殊○愧○萬○千○題○滯○牢○居○云○持○身○性○儉○穿○兩○領○粗○布○衣○吃○三○
○ 食○家○常○飯○淡○中○有○味○論○世○無○暇○上○一○篇○陳○情○表○寫○幾○行○却○聘○書○
○ 忙○裏○偷○閒○題○齊○雲○蓋○云○懷○古○情○深○登○巖○幾○層○居○上○世○厭○凡○心○甚○
○ 觀○川○一○望○付○東○流○
○ 續○新○錄○編○卷○五○
○ 後○幅○補○遺○
○ 三○
○ 五○經○堂○選○定○

○ 題○家○庭○云○臣○居○市○井○可○役○不○可○召○子○侍○皆○庭○知○愛○宜○知○年○題○輕○
○ 利○官○舖○云○無○閑○國○計○寧○辭○富○有○得○民○生○豈○厭○貧○又○云○推○已○與○人○
○ 可○以○謂○仁○矣○辭○多○受○少○是○為○欲○富○乎○

武氏韻經序

趙三麒武知

夫韻皇以前未有字先有聲韻者乃天地自然之元聲所謂天籟也人秉天地之氣以成形形發為聲清聲屬陰濁聲屬陽平上去入四聲童兒走卒順口呼之則是何嘗有以教之此人心自然之良能所謂讀無字書也自雅音亡而梵聲作沈約別之為韻略君實得之為反切即充夫以多良千刀等為八十二聲以古黑安夫等為一百三十音皇極書以地之一百五十二音上和天之一百一十二聲詳則詳矣而傷於繁經世審音以黃大太夾姑仲林夷南無應十二字為母胡僧了義以見溪等三十六字為母約則

續垂棘編卷五

三

五經堂選定

稱矣而不無訛漏至正韻射標七音二合經緯諸書各立門戶互相扶掖及使天地人心自然之聲而為聲韻矣夫北唱南登東茹西舌風氣不齊聲音各別難以傳訛一差未差讀書者陋在不識音接談者每謂為方言余欲訂補韻學彙為一編以質有道概以浪跡未逮茲承乏馮州閱州藝文誌日有武伯抑韻經四卷板為亂燼購其書不得越四載其子諸生慶熊不忍父書之湮也於其邑文獻家所藏舊本錄而問序於予將重梓以成先志予因得讀其書始知伯抑先生家學淵源傳聞庭訓兼傳於雷菴菴張聯叔兩先生折衷諸家表說而裁定為經實非師心自用是可傳者如

續垂棘編卷五

四

五經堂選定

損微嫌非清床之母而益經驗祭覃念排效萬覽認之十母定為四十二字母損十六轉之止江梗咸深曾六母而益節軌二母為十二母庶無交五重復借用八聲之失矣正假二門以為有入無入之別則廣通狹倚之門可刪也且以四呼生聲以陰陽生音以十二轉生韻共計八千六百四十四聲除原無八聲一千四百四十四聲又除原無上聲去聲二千一十六聲實在得二千六百八十四聲再四讀之皆氣機所必至理勢所當然庶使天地人心自然之元韻招揭於中天聲正則字正字正則樂正樂正則人心正審音知德聲音之道與治通耶盛代同文之治精闢性命道德之旨有功於後學者其武氏父作于述之力也歟韻學如樂律識者寥寥得此序庶幾振衰挈領矣范彭西將歷代諸韻書細細品題一番方入武氏韻經不凌虛不蹈空可謂序文金科玉律世華史

葬亞神女墓碑

趙三麒武鄉

志傳亞媛者元州守亞哥之女也。在閭靜淑言行內則每抱漆室憂國之思。亞公曰：此女迥凡甚，憐重之時，州苦旱，垣折罔驗。公乃構於九龍之神，曰：得雨，燕民願以女侍左右。雨果即霽。媛隨暴逝，遂以遺骸立像於寢官，泊明景泰間，廟圯，厝媛柩於後殿，神龕內至崇禎五年，司寇李公鉉式廓址，宇再移於前殿，龍神座下。迄今享祀四百載，每窺視，媛骨煥然，金色不易。州牧鄧公鉉以其事不經，謂惟神正直，非私可格。又或誣若馮道故事者，或擬為龍神解脫者，此故不可思議。但以神人之在天地總一誠布，漢亞公憂

續華蘇端卷五

五

五經堂選定

民之誠不憚，與古之剪爪，誠感神非動以欲也。其事之荒誕，所具論不博，而謂廟目擊遺軀，暴露意以神之所難安，人之所不忍義之所必掩也。乃謀葬於紳士諸父老間，有惑於禍福者，即然難之。予曰：鬼神無形，無聲人，歸得土斯安。骸暴騷神大不敬也。再考春秋繁露云：析雨下令掩骼埋胔，茲旱魃濟威民間，停柩尚宜，即殯焉有神。前媛骨可久暴乎？衆謂非古不宗果三筮三吉，天人協從，是謂大同。乃登東阜以相宅，穿龍穴於美墟，令約長治葬事，禮識管窆。食柳儀導不後，不陋於東。熙五年四月十一日，卜葬於龍池之良位，禮也。庶神靈安而人心安，媛之蒸

也可與渣之。媧陵邵之奴塚，並峙不朽矣。予謹綴次而表其墓系以辭曰：賢哉亞媛，今葬惠質以蕙，萬民孝哉。亞媛，今信厥考以彰遺愛，著定爾數。今還坤德於資生，神物呵衛，今招香魂於鼎食。紫氣結佳城，今南依玉女芳美，照青塚。今北娛維妃，敝佑今驪母左。右兮媼妹，環珮兮九福如泉。靈貺乎一方，環珮兮大地成泥。血食去億載。

奇人奇事至理至文，易奇而法，殆謂是與。○四百年曠典得乾符此舉，豈不快心。范彭西

予按乾符官同州如考正名宦祀典，重刻翟象陸鐸青等務皆

續華蘇端卷五

六

五經堂選定

政蹟之表表者，附識以為有官有土者告。又評與狄梁公奏毀淫祠事異而意同，大抵正人君子舉動合禮則神人俱服，即此可想臨民作用。在華史

文備公府君行述

趙三麒

先大人諱廷朴字獻吾別號橋坡姓趙氏世為武鄉人籍崇仁坊五甲高祖廩生公諱斗生四男長即先曾祖處士公諱興邦處士公生先王父增廣生諱克寬以鍊石補天賦冠多士不屈閹賊死節仲子禮部儒士廷舉報仇同難旌表監坊詳孝子集賢已志增生公配孟太宜人生五子先大人其行四也幼受業於先王父治尚書謂今河道不合禹貢依經著河貢圖讀周書製聖狂分念圖傳極五經著五經塵折衷諸儒講義為一家言舞象時偕生員趙朝傑往鄰邑就傳途次見魏某浴河淹沒心甚悲之既魏之子姪

續重棘編卷五

後六

五經堂彙選

誣謗張令德圖財推河死令德以苦拷誣服擬絞明年先大人歸里始聞張冤誣曰魏某死於浴我與朝傑確見之何與張事乃獨代白通控數駁經年張冤乃釋案結就試以經明行脩補博士弟子員躬耕力學試轍高等入闈以門檢過苛乃曰國家求賢如防盜蓋士行未取信耳即拂衣去不專事八股淹博經世書樂道事親以孝聞先王父解時門人魏君應元別駕兗州府請先大人偕之任辭答云門下前官大同時寄物產鼠至僕獻之父師墓已知門下不忘本今俸黃堂惟冀行志以不負師教為幸豈效世俗輩作梧桐客卒不往魏公寄一帛先大人亦焚於先王父墓如親元

續重棘編卷五

後六

五經堂彙選

白魏公為御史時先大人兩移書令其直糾逆璫設教於漳沁間及門弟子七十餘人分受五經倡明理學令諸弟子座右各粘文昌寶訓日記功過格朔望講五倫書拾焚遺字及門有貧者如廬生楊州俊趙福奇張孝行安大成張素養段甥觀棠等先君解衣推食州俊病親為醫禱忽一鳥折足伏書案先大人曰樹頭老鳥誰為哺耶乃扶其足令門人范學仲飼痊遠舉越數日鳥復來集案悲鳴如訴先大人曰鳥語勸孝小子識之錄鳥言一冊再著四書貞一解子史辨疑十二卷四方之士從游請業者百有餘人門生魏子以嘉幼事父孝先君以子妻之道魏數載未育先君誠女

隱逸賢才以先大人名奏固辭乃得免曾曰二十年後兵起禍首
薦紳果如其言讀揭重熙五經墨曰能識五經字始無忝制科庭
訓天麒習兼經天麒十九歲以五經中壬午省試捷癸未進士明
崇禎召問汝年尚幼何以便通五經對曰臣在襁抱時臣父即口
授經義初不知難也帝又問父之年對曰臣父年過花甲乃命同
賜進士授七品服次日天麒表謝第歸賀進飲少輒醉先君猶施
夏楚無異諸生時天麒泣杖父力衰矣傷關僭號試士授職先大
人挈妻子隱東山堅不赴試賊怒削其名皇清定鼎凡紳士有
因爲檄削籍者仍復其名先君爰告衣項焉順治十二年間天麒

過幾件不孝直對果當於理乃安見宅廨地無不欲勞民率家僕
葺除務堅如治家然居半載恐以猪肝累思歸再刪定功過格自
撰一序並跋文昌寶訓論三麒重刊臨行爲不孝書一扇皆先正
格言康熙六年七月躬政恩詔以不孝職封奉直大夫陝西西
安府同州知州贈先妣張氏爲太宜人三麒縻文請終養以士民
保留當事慰勉未逮厥志復病乞休接手書云往任州者五六年
必遷今子俸深八載而官不調是汝德未修也朝廷不負人子當
益加忠愛慎終如始至爾妻子至家老敬不衰爾兄嫂亦各盡孝
乃汝復何內顧等數百言此九十歲燈下所作小楷字更遒麗不
可○作○天○麒○書○
孝製爲錦帙志手澤焉三麒一日寄俸伍兩爲先大人壽捧來誠
云古有爲蜀官者不寄川椒且家中衣食自饒子俸良薄原銀封
壁以爲後監親友時閱書美服終身不知奕局不置勝御遠出則
布衣肩輿至郭門緩步遇負薪者道擠墜橋渠水濡衣先大人起
振衣去無怒顏負薪者察知惶恐請罪先大人曰汝弗識我汝有
何罪反欺舖勞之繼配張氏即先慈妹也生子迺麒先大人年已
七十仍自訓以義方已酉夏忽病間召諸子孫曰吾已矣衣朝服
望闕再拜曰草莽臣○思願養○今告終謹謝復引拜祖先大人
曰倘此去有知當面拜祖宗耳病漸不事藥餌不令禱覲越三日

易○算○不○及○他○事○送○終○視○歎○者○子○姪○三○世○孫○外○孫○男○女○等○合○一○百○七
十○八○人○惟○不○孝○三○麒○以○一○官○違○膝○下○未○得○面○訣○風○木○遠○恨○門○人○私
謚○曰○文○備○先○生○著○有○聖○學○日○新○錄○本○草○必○宗○文○集○十○二○卷○生○於○萬
曆○五○年○丁○丑○七○月○初○六○日○卯○時○終○於○康○熙○八○年○己○酉○五○月○初○二○日
成○時○享○年○九○十○有○三○

詩○文○出○於○真○性○則○工○此○吾○河○東○之○教○也○况○家○庭○之○間○尤○當○以○質
樸○為○上○余○之○最○愛○此○作○者○以○此○彪西
文○備○公○家○學○深○遠○詳○在○余○三○晉○語○錄○二○集○中○合○而○讀○之○方○知○此
文○非○誣○又○評

一齋解

朱○子○曰○一○者○誠○而○已○矣○周○子○曰○聖○可○學○乎○曰○可○有○要○乎○曰○一○為○要○
一○者○無○欲○也○無○欲○則○靜○虛○動○直○静○虚○則○明○明○則○通○動○直○則○公○公○則
溥○明○通○公○溥○庶○矣○乎○經○傳○所○載○若○一○德○若○一○貫○誠○之○說○也○所○謂○聖
也○若○惟○一○若○克○一○無○欲○之○說○也○所○以○學○聖○者○也○致○力○于○無○欲○而○聖
可○學○矣○荆○翁○賈○先○生○以○一○名○齋○請○以○二○夫○子○之○說○進○
是○真○有○道○之○言○鄙○人○稽○首○拜○教○賈荆生
讀○書○全○錄○二○十○卷○一○言○以○蔽○之○曰○一○齋○解○范孝翁
一○是○聖○門○傳○道○要○訣○有○心○斯○道○者○其○細○玩○之○
范孝翁

擬代復元師進呈疏

廉有聲 太平

臣河汾下士少而孤貧孀母甘窮茹苦撫育讀書因親鄉先臣薛瑄言行遂勃然有思齊期許謝絕考試專心求性命經濟定望不怨稍有所窺然後出而應世萬曆四十二年蒙學臣南居益過採虛聲招延策試授本庠廩膳生次年蒙巡撫都御史臣吳仁度疏薦于朝天啓四年又蒙巡撫御史臣李日宣疏薦于朝崇禎二年督學臣楊作樸特延臣為平陽二十四歲師儒為諸生式更蒙巡按御史臣祝徽具疏特薦已奉旨下部待覆臣一介書生感國家作養宏恩無可圖報惟是著書講道逢人接引然發念雖殷終屬小

續重刊編卷五

八

五經堂選定

補去年以積廩應崇禎八年歲貢士初到京師仰見我皇上聰明聖智真堯舜之主也有堯舜之主決可成唐虞之治今尚未成唐虞之治臣實有不甘心者在矣思聖試機緣進呈生平纂著不意道途瘴火突發咽喉腫痛延遲尋醫又兼遍野盜賊所在梗塞日而廷試愆期四月二十一日將原領單卷赴禮部投遞蒙部代題聖恩補試如此隆恩圖報何日臣在旅次間聞報見逆寇日劇震動祖陵聖主憂勤焦勞為臣子者誦法古昔者何在効忠一念不敢自違初心凡正士習清吏治人心止危運勦賊安民轉亂為治皆有條陳款項未敢遽塵天覽先將生平著述數種及海

續重刊編卷五

九

五經堂選定

內顛連疾苦情狀呈進御前伏祈聖明鑒覽採擇或容臣續進條款或便殿賜臣面陳使臣見君如見父談國事如談家事敢必士習可正吏治可清人心可收危運可止逆寇可勦弱民可安唐虞太平之治決可再見于今矣云云叙次平生所學不激不諂能使復元先生一腔熱血透出紙背范彪西此為擬進治平野謀一書而作也欲呈而未果頃之先生沒被人竊呈于偽賊矣聞今尚有副本且夕可遇自當與拙刻侍側紀畧並傳也又評

石隱者讀此應當自愧范个臣先生讀薛子言行遂勃然有思齊期許予讀家大人所刻先生紀畧敢自暴自棄平孔孟學術堯舜事業先生合而為一予將終身誦此矣范孝甫

擬扶蘇上始皇帝書

辛經世

臣扶蘇昧死言○臣承命監北方軍○聞陛下東狩○從陛下者○為丞相○斯將軍殺臣○無慮也○臣與恬日修戎事○期無負君父之托○今者○拜詔○突賜臣死○然陛下賜臣死○臣安敢不死○軍中士卒擁臣馬首○皆以臣請而後死○為勸○且有言非出陛下意者○陛下法如雷霆○令必行○禁必止○左右之人○誰敢假陛下之詔而殺臣○即陛下之必欲殺臣○而臣果得何罪○陛下棄骨肉父子之親○而殺臣于邊鄙千里之外也○向者臣愚不自知○屢諫陛下用刑之慘○不過欲陛下為堯舜耳○陛下果以是而殺臣○耶○夫天以高而能覆地○以厚而能載○陛下

續垂棘編卷五

十

五經堂選定

不能廣天地之量而容一子○何何以駕唐虞而執商周乎○臣死不足惜○陛下以父子之親○一念思臣○臣死不可生也○陛下以社稷之重○一念思臣○臣死不可生也○或陛下欲立臣弟胡亥而殺臣○耶○若此○則何必殺臣也○臣弟誠賢○陛下立之○立臣弟與立臣一也○使臣得備藩臣之位○以羽翼王室○不猶勝于殺臣乎○即不然○流臣荒僻○廢為庶人○使臣黔首終身○竟其天年○不猶勝于殺臣乎○撫陛下殺臣丞相斯居陛下左右○胡無一言也○將軍殺侍帷幄中○胡無一言也○即陛下天威不可以言諍○臣弟胡亥以父子之親○兄弟之誼○從容言于陛下○或泣諫于行○在臣意○陛下必悟而不殺臣○臣弟亦胡

續垂棘編卷五

十一

五經堂選定

無一言也○陛下殺臣○臣分死矣○不知左右何以謝臣○臣弟何以謝臣也○嗚呼○臣知之矣○趙高忌臣之長諍于世○故且素隙臣○忍臣立而不得肆其奸○使陛下以帝王而行殺子之事○使臣以帝王之子而有見殺之慘○夫至賤莫如奴隸○而至親莫如骨肉○以奴隸而間骨肉○愚者不為○曾以陛下之智而不之察也○臣即死○陛下倘悔之○殺高千萬○何足當臣也○蒙恬聞詔○號招三十萬衆○殲兵秣馬○將東向○而請君側之賊○以滅高而死○臣之所不敢者○恐萬世而後謂臣為何○如子也○今出于陛下者○不可同分○之在臣子者○有必死○臣死之後○陛下修中和之正○去刑罰之慘○善訓臣弟○親賢遠奸○俾秦世世長有天下○則臣死之年○皆生之日也○臣遠在邊○恐臣死而陛下不察也○故敢以書奏○臣子殺身而無濟于君父者○史冊每惜之○此文真可為愚忠愚孝作一榜樣○范彪西○道亨為復元先生○秉賢而所學有更生父子之殊○然即此書以論其識力○頗有高人處○益令人思先生之教于不衰○又評此非畏死貪生○第不敢陷君父子不義耳○有此一疏○扶蘇可釋幸子矣○范小臣

端教化疏

魏象樞 蔚州

題為教化係國家根本之圖謹陳愚見以佐大政事臣家居魯
抄讀上諭謂至治之世不專以法令為務而以教化為先蓋法
令禁於一時而教化維於可以若徒恃法令而教化不先是舍本
而務末也臣讀未竟而知皇上欲教化之大行矣竊思朝廷之
教化安能家喻而戶曉惟共分朝廷之教化以為教化自能端本
以澄原是在滿漢諸臣之為父兄者家自為教身自為教也何也
滿漢諸臣有為我太祖太宗培植者有為我世祖培植者
有為我皇上培植者皆受朝廷高爵厚祿與國家休戚相
繫

續書林編卷五

三

五經堂選定

關其子弟或進士舉人或貢監官宦以及世襲之爵一命之職
官約畧計之幾半天下內而部院外而民社無一非皇上貴戚
重託之人較之民間愚子弟更為緊要如父兄孝則子弟必孝父
兄忠則子弟必忠父兄廉則子弟必不貪父兄仁則子弟必不暴
益父兄居家居官子弟習聞習見如標然標正則影正標邪則影
邪此之謂身教孟子云身不行道不行於妻子又安望子弟之道
能行於國家耶夫以四海之大八旗之廣賢父兄賢子弟固不乏
人倘父兄所為不正子弟視為榜樣尤而效之或馳情於聲色或
薰心於貨利或旁惑於異端邪說或深溺於驕侈奔競如近日所

謂打馬吊開混江之類尤壞人心違人之事非父兄其誰察之設
異日以不肖之子弟作不肖之臣子國家竟不獲人才之用是
子弟負朝廷實父兄之負朝廷也臣魯蒙世祖章皇帝頒
賜勸善要言一書提醒人心言簡意盡如晨鐘發省冷水洗背讀
之未有不不知非悔過者伏願皇上重製序文再頒內外滿漢大
小臣工各一部令父兄先讀之凡有子弟日講一條養其性情正
其心志一家之教化即朝廷之教化也教化既行在家則光前
裕後在國則端本澄原十年之後清官良吏君子善人皆從此
中出將見人才日盛世世共賴太平矣云奉旨該部議奏

續書林編卷五

三

五經堂選定

伊川晦菴為講官時建言想亦爾爾理學一燈賴此不墮
康成春得睹
善要言方悔平生罪惡海深山重急與翼兒焚檀力行奉為四書
五經真註疏破囊重梓年來持贈同人約有萬冊偶讀此疏益
信草茅新進與大人君子所見亦有合也部覆云既經
世祖頒發無庸再行頒發夫既經頒發之議豈謂其不必行乎實謂
其既行無俟諄諄矣嗟乎
朝廷視為既行而草野不能廣行以致
昭代根本之書存而不傳也是誰之責與又識

伯夷叔齊論

蘭完璧 太平

史稱武王伐紂伯夷叔齊扣馬而諫軍士欲殺太公義之令扶而
去後武王滅紂耻食周粟餓於首陽山下迄今千載無不欽其忠
義或曰主德仁暴之關王室安危之界夷齊豈不知之乎商辛不
道夷齊豈不聞之乎彼既有維持王國之志當時正宜上書極諫
不聽至於再三死而後已庶幾悔悟亦未可知夫何計不出此避
居北海釀成貫盈之咎俾武不得已而興師始適道扣馬欲以口
舌止驍騁之衆幸太公令扶而去脫軍士殺之不幾委身於無益
之地哉曰夷齊於紂不必諫也夷齊於武不可不諫也何也夷齊

續書錄編卷五

古

五經堂選定

於紂特一亡國公子身不掛半道之籍口無有可說之實且商家
賢聖盈廷諫非乏人如鄂侯九侯西伯伯梅伯箕子微子或居台
輔或任父師皆因諫而殺因賤豈一亡國公子之諫能回其心
免其身哉迨後周師一動八百率從商室之戚指日而已且武實
商臣紂實武君以下伐上變出非常夷齊豈忍坐視况周召畢散
實贊其事而隱其言非如商臣之諫也武以仁聞不飾其非而拒
其諫非若商君之比也萬一因其諫而回心返師宗社猶可綿延
於一綫即聞其諫而隱忍不顧大義猶可昭著於千秋是不能留
其身於一時猶欲留君分於萬古後世跋扈之謀篡逆之黨清議

不容筆削難道者未必非此諫之遺也然則武王非平曰武非富

天下也故民於水火之中也無武王之征誅則暴君不知有民無
夷齊之諫論則奸臣不知有君故為君者當念大武之征誅而常
懷勝予之懼為臣者當佩夷齊之議論而恒嚴尾大之譏

不失孔氏家法兼見湯武仁人可以表暴聖賢非止扶救坡老
也 范處西

宋幅議論與劉道源呂東萊郭用亨諸說甚合○按伐紂乃武
即位之十三年似無不葬其父之理陳明卿曰武祭於畢而曰
父死不葬好學深思者宜詳之武謂扣馬當在丁卯觀兵孟津

續書錄編卷五

主

五經堂選定

時去戊寅伐紂之前凡十二年去文王之崩甫一年故曰不葬
而程子朱子謂必無觀兵之事蔡西山亦力辨之要之扣馬之
說出於史記未敢盡信耳 范處西

上洪亨九督臺書

苗昨土 澤州

某冒昧妄言在昔兵力卑微疆域互隔利在賊分取其易敵也今
台臺以元老壯猷提衡於上而一時大帥智勇有聲者咸萃帳下
則利在賊合茲賊黨盡合於關中矣各帥又鱗集楚豫間為八年
來未有之機緣矣圖之此其時也計入秦門戶不過四五而大帥
且十餘人若台臺嚴定期分扼要害俾賊無得逸出某路出則
某帥執其咎然後步步結營節節接剿賊黨雖多勢必分應我兵
我兵十餘路賊亦分十餘路非復昔日瀰漫之勢也即此堂堂正
正誅渠散脅再加兵士不復貪餌賊人不能買路則蕩平之績計
續緝賊編卷五

十六

五經堂選定

日待耳雖目下所慮者賊人再遁漢興或竄入河套若用重兵二
技一由鎮安商州入一由河縣成縣入權時拆斷棧道賊無再犯
漢興之路矣至河套則延鎮邊兵自足以當之然敵窮則踴馬窮
則啄是在各大帥加之意也說者曰葛盧大山尚有餘孽所當兼
顧某謂不然天下之勢宜從其大者今多兵既集賊方震悚先入
關中迅掃渠魁再振旅出關窮搜山谷彼不死則散如疾風之掃
秋箨耳惟是兵行糧從本色為難請將勦渠西郡某能任之若秦
豫諸郡亦斷宜分任料理或秦楚豫三省各以一監司綜理方得
應手亦惟入告乃可責成凡此皆千慮未必一得但知無不言某

續緝賊編卷五

十七

五經堂選定

之夙心也伏乞台臺宥其狂言姑備採擇
指畫勦賊方畧言言中款概覽佳稿元落筆着想無一時不為
勦賊計也當道俱如此定無甲申之變
光緒西

讀曾文

白眉謙 陽城

○曾子固宜黃縣學記論學之成材有關於實用而不成之材足以
 害治所以歎動學者之虛最精切又梁書目錄序言佛之徒自以
 為得諸內而取聖人之所為內者以折之得失較然王遵嚴謂唐
 以來未有其言宜非過也而茅鹿門以子固之言為非曰佛非以
 吾儒之外而彼自識其內也○只欲見本性故將一切聲色臭味多
 為去之而非以徇內也○噫鹿門于是乎失言矣世儒多推尊韓子
 續于孟子之後者謂其佛骨表原道二文也○鹿門評之有云退之
 元不知佛氏之學其意謂韓子所言皆佛之外者耳子固云世之

續垂棘編卷五

六

五經堂選定

論佛者皆外也故不可誣意正謂此也故作為此序以助韓子未
 發之志而鹿門非之不亦異乎且其所謂見本性而去一切者不
 謂之徇內而何與蓋聖人之道之在于天下未有不由內統外而
 為言者無一偏之理也○今即子固二文讀而思之其亦庶乎可以
 無惑于道與彼此之問而已矣是故謂子固之言唐以來未有可
 信也○夫時因教子鴻學而併告以斯言遂識之
 呂見齊云佛之道理自好但作用處不是夫道理內也作用外也
 其內者君子猶有取焉故曾子固與之辨若其外則不待言矣非
 敢過為是不平之說也要而論之中庸曰智者過之其佛之謂與

不昂時文材料惟辨大道是非讀古教子加人一等○范處西
 薛文清公曰漢儒識維九流之書唐士釋老辭章之支至宋儒
 出而道術定于一○今學校之教經書之習絕口于此皆宋儒之
 力予嘗謂宋以前二氏于吾道混故拒之宜力宋以後二氏于
 吾道遠故待之宜寬夫二氏亦人耳大道何所不容而開口必
 拒二氏講堂不容和尚豈以是為至公者耶○况山取海濫之遠
 王法或可暫避天理斷難終地輪迴報應愚頑聞而知驚未必
 非二氏之力予每論及此頗覺不謬偶讀此文此評真前說之
 有合謹識又評

續垂棘編卷五

七

五經堂選定

如來聞之亦必俯首請教○范今臣

贈甥孫成生說

白眉謹識

有先司空之曾外孫成生曰周望來謁于其年去童子未幾失口談辭執筆為古文辭皆大契合于予心此不待問而知其材器早晚達于世矣父友端博雅識古文字工書翰間作為經學字考謂得其子之助力欲使開于有司予止之曰不可夫人有高明道衆之資與天相近極其所就雖至于聖賢非難矣而恒不至由其志之弗力也志之云者盡已務實之謂昔子夏始學于夫子見紛華靡麗而悅及其既通則曰君子學以致其道雖小道必有可觀致遠恐泥君子弗為也今古文制義比諸聖學故謂之小賢與字則

續垂棘編卷五

于

五經堂選定

猶小矣鄉舉里選之法託發士合則我無由進于有司生而不勉焉蓋生之于古文其易如彼制義之于古文則猶易可知也吾里范山沁渭二先生皆用古文為制義故聲光照耀當時范范沈映于後其他制義之士即不為二先生而攘攘奮進于功名之塗亦未肯多遜也予今日相生之材器可追比二先生次之亦不失為制義養身之倫故舉以相屬焉其尚勿以近小者自限哉匪是而欲驟進于有司殆于不可雖有他說吾不敢為生誣矣其詞意與程朱相類抑揚有法猶其剡技范彪西

庸說示光昭孫

白眉謹識

先伯父大司空公道德勲名炳于前史而并其學修之法尤為吾家開宗其後嗣曾孫三人玄孫二人俱勤學家塾所望洪衍先人之遺澤者將于是焉在其長日光昭獨能孝友率作諸弟子于聞而喜之昭乃燕見予求誨之以言者至再于材下失學行弗逮先人遠甚微勿許故不敢忘其先人之嘗以誨予許之將何云憶于初為舉人計偕辭司空公公命曰倘得第必無依傍門戶歲辛未謁費縣王稷海公于京師問公起居曰昔吾令陽城公語我曰人學為庸人止耳吾時未喻今數十年佩服其言始知有味也王公

續垂棘編卷五

北

五經堂選定

言之予亦未喻今又三十年更一世矣蓋信其言之為至則公之議論之平正品識之端卓蓋有得于學問間歷者素且精矣當時之指歸往往相依傍以博名勢公維持公薦之誼靖共于朝位至其居于鄉操履靜以約老而彌恪允哉言大臣之則而其儒之範也已予年來究讀醒心錄有云庸德庸言便是作聖路徑間又悟夫庸者道之所寄而中其體時其用因以增進名譽之庸亦無非誦法家學而然昔孔子論道曰中庸其至矣乎而其孫承之遂作為中庸一書豈非繼志述事之大者哉予曰庸者依本分不為怪異之事云爾就今世之正論庸以順父母和兄弟樂妻孥皆是

也○而○盡○人○性○盡○物○性○贊○化○育○參○天○地○何○莫○不○由○乎○斯○淺○之○乎○論○庸○
則○言○顧○行○行○顧○言○皆○是○也○而○考○三○王○建○天○地○質○鬼○神○俟○百○世○何○莫○
不○由○乎○斯○是○故○為○戒○慎○恐○懼○而○弗○敢○為○無○忌○憚○者○也○為○素○位○不○顧○
外○而○弗○敢○為○行○險○徼○幸○者○也○為○因○知○勉○行○之○愚○柔○而○弗○敢○為○苦○撓○
陷○阱○之○予○智○者○也○舍○是○而○外○形○迹○之○顯○晦○道○達○之○亨○屯○人○情○之○順○
逆○世○俗○之○毀○譽○舉○紛○紛○不○足○以○動○其○中○也○所○以○者○何○一○言○以○蔽○之○
曰○誠○而○已○予○謂○與○昭○言○所○謂○忠○信○之○道○亦○即○此○而○已○司○空○公○曰○誠○
不○可○掩○偽○難○有○恒○又○曰○誠○者○敬○之○熟○除○却○孝○弟○無○道○除○却○敬○畏○無○
學○夫○不○敬○胡○以○至○于○誠○不○誠○則○無○以○為○庸○鳴○呼○盡○之○矣○為○公○之○子○

續聖賢編卷五

世

五經堂選定

孫○者○非○是○之○服○從○將○于○何○服○從○乎○矧○于○欲○舍○是○求○一○言○之○益○于○汝○
而○有○所○不○能○昭○乎○盡○慎○繹○之○勿○或○厭○本○分○而○趨○怪○異○墮○乃○先○人○之○
志○斯○可○謂○孝○亦○庶○幾○予○之○所○藉○以○對○于○先○人○也○

理學文章 范處而

醒○心○語○僅○得○數○葉○一○刻○于○先○別○駕○晉○國○垂○棘○中○再○刻○于○予○三○晉○
語○錄○中○三○世○來○奉○為○大○訓○琬○琰○未○嘗○怠○也○因○念○此○公○作○德○如○此○
定○有○正○人○君○子○紹○承○德○言○情○于○終○年○饒○關○不○敢○徑○通○聲○氣○無○由○
表○積○善○餘○慶○之○詳○讀○此○差○慰○鄙○意○令○我○狂○喜○叫○絕○又○評○

復魏環溪書

白眉謙

還○山○數○月○病○狀○猶○存○其○獲○免○於○在○官○之○失○竊○祿○之○愧○誠○屬○聖○恩○
其○不○能○報○國○補○過○忘○身○之○疾○病○則○臣○罪○曷○辭○焉○然○不○才○自○量○願○
熟○以○為○不○能○忘○身○之○疾○病○而○報○國○補○過○不○過○庸○人○之○分○其○罪○僅○
于○一○身○若○竊○祿○而○踰○在○官○之○失○貽○誤○于○社○稷○蒼○生○其○罪○大○故○審○
擇○而○為○乞○退○之○舉○凡○以○求○心○之○安○而○非○為○身○謀○也○然○所○謂○心○安○者○
亦○非○必○合○乎○禮○義○之○為○安○究○竟○不○過○求○無○忤○于○庸○人○之○分○而○已○矣○
不○識○知○已○者○以○為○然○否○比○狀○會○客○坐○談○絕○少○而○閉○戶○尸○寢○之○日○為○
多○非○故○欲○爾○氣○力○不○支○也○過○靜○時○未○免○讀○書○體○驗○或○存○養○省○察○皆○

續聖賢編卷五

後二十二

五經堂選定

了○無○所○得○近○始○小○有○微○窺○所○謂○真○實○下○手○得○力○之○處○雖○不○離○聞○見○
而○不○著○聞○見○如○聽○人○說○某○果○某○某○之○美○終○不○是○美○畢○竟○自○已○口○中○
嘗○得○美○如○何○乃○為○知○味○雖○不○能○告○人○而○自○信○確○然○不○疑○又○如○登○華○
山○騎○不○得○馬○坐○不○得○堯○子○一○步○一○步○要○自○己○脚○下○親○歷○所○謂○欲○其○
自○得○之○也○因○此○竊○欲○妄○擬○為○中○述○一○卷○待○就○當○請○教○大○方○指○歸○何○
如○執○事○根○器○高○明○志○趣○廣○遠○華○華○于○道○所○進○定○卓○來○教○尚○以○門○內○
之○事○未○盡○為○遜○辭○何○也○集○杜○忠○孝○淫○性○堪○泣○鬼○神○鄉○約○詞○曲○益○有○
老○成○在○行○何○不○并○示○儒○錄○若○何○鄙○見○須○甘○行○業○並○著○者○學○行○次○之○
經○術○又○次○之○若○文○詞○曆○律○象○數○之○末○不○足○深○道○此○君○子○小○人○儒○之○

○辭○不○可○不○慎○以○為○何○如○里○中○友○自○東○山○白○山○外○遠○希○白○山○恒○抱○織○
○慈○東○山○又○將○出○也○夢○夢○空○山○徒○切○兼○葭○伊○人○之○思○奈○何○奈○何○歸○復○
○依○耿○不○盡○

○林○下○工○夫○較○在○朝○時○更○密○他○人○看○作○桑○者○開○開○兮○殊○誤○
○素○慕○魏○先○生○著○作○問○道○無○由○僅○拾○一○二○片○玉○借○光○小○集○每○擬○呈○
○正○未○果○今○夏○先○生○先○施○札○曰○選○擇○宜○精○考○定○宜○詳○一○有○夾○
○嫌○便○非○傳○書○其○教○我○如○此○又○曰○區○區○小○著○幸○勿○拾○及○其○謙○光○如○
○此○又○曰○今○日○學○文○清○之○學○者○惟○白○東○谷○先○生○為○最○讀○此○書○益○信○
○兩○公○之○相○得○有○成○也○附○識○以○作○執○轡○又○評○

仕說二

白眉謙陽城

○欲○識○仕○學○之○宜○尤○莫○先○明○義○利○之○辨○夫○仕○何○義○所○以○體○天○地○之○仁○
○正○君○臣○之○分○展○素○學○之○具○弘○性○生○之○理○也○澤○流○四○海○名○施○於○後○其○
○義○非○微○而○已○書○曰○天○工○人○其○代○之○此○之○謂○與○而○未○聞○以○利○雖○在○朝○
○廷○有○養○賢○之○典○然○食○人○之○食○而○憂○人○之○憂○非○可○以○坐○食○也○乃○或○者○
○欲○緣○之○以○為○利○則○棄○君○倍○公○毀○法○盜○國○病○下○賊○民○無○所○弗○用○于○以○
○自○肥○而○資○之○以○鳴○豫○鮮○所○愧○耻○于○意○安○乎○其○寃○也○將○使○朝○廷○之○爵○
○祿○生○民○膏○脂○徒○委○諸○谿○壑○又○將○使○布○衣○藿○食○勤○身○苦○心○于○學○者○僅○
○責○報○于○宮○室○與○馬○妻○孥○口○腹○之○奉○而○已○矣○而○豈○其○然○乎○皆○義○之○所○

○不○出○也○况○夫○邪○行○不○悛○穢○名○彰○溢○淫○夸○之○積○不○有○人○罰○必○有○天○殃○
○刑○患○隨○之○焉○不○旋○踵○是○以○君○子○惡○之○荀○子○曰○君○子○之○學○為○窮○而○忘○
○困○憂○知○禍○福○始○終○而○心○不○惑○也○是○故○以○試○之○于○仕○而○上○眈○下○顧○寡○
○怨○而○遠○罪○無○所○憂○隕○則○可○以○仕○矣○彼○欲○懷○利○而○仕○焉○幾○何○不○蹈○賊○
○于○火○中○招○鱗○于○網○罟○也○必○無○幸○矣○然○則○君○子○有○終○身○之○學○不○肯○易○
○以○一○日○之○仕○豈○離○君○而○背○上○棄○公○而○樂○私○與○其○決○擇○誠○審○也○
○大○小○官○吏○讀○此○皆○可○為○聖○賢○倘○有○心○者○更○持○贈○一○張○愈○于○持○鉢○
○念○佛○喚○醒○超○度○絕○大○法○力○絕○大○慈○悲○
○朱○子○廷○象○山○于○白○鹿○洞○發○揮○喻○義○章○聽○者○泣○下○想○亦○如○此○

亮南征問計於譚曰用兵之道攻心為上攻城為下○心戰為上○兵戰為下○亮深加器用此以服南人○至於街亭之敗○亮敗之也○而獨罪譚何哉○才能各有所長○用人各有所宜○勿常蓋世奇才○用之運籌帷幄○可也○用之臨陣決機○豈所宜乎○若高帝使良平畧地○攻城成功○乎○任三傑而各當所謂天授之美明也○亮以魯資謀○畫之譚而授以將帥之任○其致敗也○必矣○當其下獄○十萬之衆○為之垂泣○是豈易得者哉○善乎蔣琬之言曰○楚殺得臣○然後文公喜○可知也○天下未定而戮智計之士○豈不惜乎○李遜亦諫亮曰○秦赦

續垂棘編卷五

苗

五經堂選定

孟明用伯西戎○楚誅子玉○二世不競○言至此○即石人亦為感動○而亮卒不聽○亮亦剛愎殘忍之人也哉○
從萬衆垂泣○慶者出老馬謀畫○可令武侯反舌無聲○
不聽蔣李之諫○遂有剛愎之目○善言之不可拒如此○又評
八陣圖始自風后○諸葛亮八陣圖有三○在夔州者六十○有四陣法
也○在牟彌鎮者一百二十○有八○當頭陣法也○在棋盤市者二百五
十○有六○下營法也○人傳江水暴發○陣石依然○予不之信○杜甫詩曰○
江流石不轉○遺恨失吞吳○又信然有之○此詩不為陣圖而言○吳蜀
之與國也○隆中之對○吳可援而不可圖○已有定算○先生不知天下

大勢一伐吳而大事去矣○亮之遺恨正在此○惟子美能道之○
論古讀詩作詩三善俱備○范彪西

上行幸河東○嘗亡書三篋○詔問莫能知○唯安世識之○具述其事○後
購求得書以相校○無所遺失○安世能識亡書三篋○非獨以敏勝○亦
以慧勝○以敏識易○以慧識難○非一切書○應暇習行○秘書輩可比也○
其輔少主○處盛滿○作用條理之妙○實從學問中出○與霍氏成敗相
反者○學不學之效異也○
宰相須用讀書人○范彪西

續垂棘編卷五

董

五經堂選定

可與立功○遂雷不去○後穎舉兵反○以陸機為前鋒都督○聽宦者孟
玖之譖○收機雲皆殺之○機臨刑歎曰○華亭鶴唳○可復聞乎○按機天
才秀逸○辭藻宏麗○張華嘗曰○人之為文○當恨才少○而子更患其多○
弟雲與書曰○君苗見兄文○輒欲燒其筆硯○君苗應璩從弟也○後葛
洪著書以為機文猶玄圖積玉○無非夜光○其宏麗妍瑋○美觀漂逸○
亦一代之絕乎○而不明去就之義○其於殺身惜哉○
與前段互相發明○此正書處度第一流人○乃知章句之學○終不
濟事○
韓琦奏罷新法帝袖其疏以示執政曰○琦真忠臣○雖在外不忘王

室朕始謂可以利民不意害民如此且坊郭安得青苗而使者亦
強與之安石勃然曰此周官遺法也帝終以琦說為是論執政罷
青苗法曾公亮即欲奉詔趙抃獨曰新法皆安石所建不若俟其
出一出而持之愈堅豈不能罷矣○趙抃上遺摺無窮是誠何心
也○劉琦謂其囊括拱手專務依違誤國欺天自貽之悔可見焚香
告天一琴一鶴皆偽而不足取矣○論趙抃
一琴一鶴在今日豈非聖賢推論到偽不足取原非取倒他瑕
瑜不掩日月有食可為清獻知已○范龜西

續垂棘編卷五

宋

五經堂選定

三溫名字考

李而洵

余讀新唐書溫大雅字彥弘弟彥博字大臨大有字彥將三人兄
弟而兩以大為名彥為字一以彥為名大為字殊異之至宰相世
系表則云彥將字大有而博雅同後見大唐創業起居注係大雅
所撰也中云煬帝遣使夜至太原溫彥將宿於城西門樓上首先
見之報兄彥弘馳以啟帝帝方回聞而驚起執彥弘手而笑據此
則三溫之名皆從彥而此書首題乃云大雅奉勅撰不應於其間
敢自稱字已而詳考之高宗太子諱弘受醜於武后追崇曰孝敬
皇帝廟曰義宗故諱之者以弘文館為昭文弘農縣為恒農徐弘
敬為有功韋弘機為韋機等則大雅之名實後人追改之載觀顏
魯公叙溫氏之盛曰思魯大雅慈楚彥博遊秦彥將三人名字
其益真乎

續垂棘編卷五

七

五經堂選定

博而弗約實學不貴然魯魚亥豕貽誤千古宰相須用讀書人
君子所以多識前言往行以畜其德也持此法以論世知人方
稱有用之學○范龜西

讀古質疑 卷五

溫旌光 介休

天下事○惟○揆○之○於○理○而○已○矣○理○之○所○有○則○信○之○理○之○所○無○則○當○明○
 辨○之○不○可○泥○於○成○說○而○其○之○察○也○予○讀○讀○垂○棘○編○見○武○鄉○趙○君○葬○
 亞○神○女○墓○碑○而○竊○疑○之○據○本○傳○元○州○守○亞○哥○有○女○靜○淑○不○凡○時○州○
 苦○旱○壘○折○罔○驗○公○乃○構○於○九○龍○神○曰○得○雨○獲○民○願○以○女○侍○左○右○雨○
 果○即○霽○女○隨○暴○逝○遂○以○遺○骸○立○像○於○寢○宮○洎○明○景○泰○間○朝○圯○層○燬○
 樞○於○後○殿○神○龕○內○至○崇○禎○五○年○司○寇○李○公○鉉○式○廓○基○址○再○移○於○前○
 殿○龍○神○座○下○迄○今○享○祀○四○百○載○視○煖○骨○焚○然○金○色○不○易○趙○君○構○雨○
 謁○廟○始○以○禮○葬○之○且○表○其○墓○而○系○以○辭○焉○傳○其○事○者○一○以○彰○龍○神○

續垂棘編卷五

五

五經堂選定

之○靈○應○如○响○一○以○著○亞○公○之○為○國○忘○宋○至○歷○世○久○遠○經○名○公○表○揚○
 而○厥○事○益○確○然○無○可○議○予○獨○以○為○不○然○何○言○之○從○來○神○自○神○人○自○
 人○各○有○配○合○不○相○遺○也○九○龍○之○為○神○幾○何○年○矣○豈○彼○時○尚○子○然○無○
 偶○而○必○須○亞○女○以○為○配○乎○且○神○固○昭○明○正○直○而○查○者○也○聰○明○則○不○
 惑○正○直○則○不○回○是○以○能○查○以○構○雨○之○故○而○善○女○以○侍○左○右○此○悅○之○
 不○以○道○神○當○吐○之○者○乃○逆○俯○而○從○之○則○與○污○吏○之○納○賄○何○異○度○神○
 必○不○若○是○時○而○早○時○而○雨○主○之○者○天○也○龍○神○不○過○奉○行○已○耳○假○令○
 早○期○未○滿○天○不○欲○雨○九○龍○必○不○敢○矯○命○行○之○以○了○此○段○姻○緣○若○謂○
 兩○出○帝○命○九○龍○又○安○得○貪○天○功○以○為○已○力○乎○九○姻○緣○天○配○古○今○同○

然豈獨不為九龍作配哉○令其自娶於人間○抑豈亞媛即天之所

以○配○九○龍○因○媒○妁○無○所○用○其○力○故○先○早○後○雨○使○乃○父○登○願○以○代○媒○
 妁○之○言○乎○人○世○苟○合○便○棄○物○議○謂○其○違○禮○而○悖○義○也○九○龍○尊○神○其○
 以○禮○義○自○範○當○更○切○於○恒○人○棄○禱○雨○之○意○直○受○人○女○而○不○辭○禮○歟○
 義○歟○既○非○禮○義○安○得○對○幽○明○而○無○憾○耶○况○惟○天○好○生○大○旱○既○久○必○
 降○甘○霖○此○定○理○也○如○謂○以○亞○媛○得○之○使○亞○公○無○以○悅○龍○神○即○有○以○
 悅○之○而○龍○神○或○不○受○雨○將○終○不○霽○乎○今○年○早○舉○此○以○為○得○計○他○年○
 早○將○何○以○為○繼○也○州○早○幸○有○亞○媛○他○處○早○又○將○何○以○為○格○神○之○
 具○也○此○予○所○以○反○覆○思○之○而○未○敢○信○也○然○則○此○事○之○所○以○傳○至○於○

續垂棘編卷五

五

五經堂選定

今○者○何○竊○以○為○有○早○有○雨○數○也○憂○旱○禱○雨○情○也○亞○媛○之○逝○會○逢○其○
 適○偶○也○立○像○傳○奇○聳○人○聽○聞○世○俗○之○見○之○誤○也○相○沿○日○遠○人○皆○信○
 之○以○說○傳○記○也○名○公○亦○為○煖○煖○不○復○致○疑○習○而○不○察○也○不○觀○河○神○
 取○婦○一○案○乎○方○其○事○之○興○也○翕○然○從○之○未○有○敢○以○為○非○者○而○其○後○
 竟○何○如○也○事○之○不○足○信○大○率○類○是○嗚○呼○予○之○為○此○言○也○豈○好○為○翻○
 案○哉○特○以○天○下○之○事○半○於○理○而○天○下○之○理○具○於○心○心○之○所○未○愜○即○
 理○之○所○未○安○與○其○輕○信○成○說○曷○若○詳○加○辨○論○既○以○白○神○之○誣○燕○以○
 解○人○之○惑○庶○令○後○之○學○者○知○怪○誕○不○經○之○談○終○有○寢○息○之○日○而○不○
 偏○讀○書○窮○理○洵○未○可○苟○焉○已○也○雖○然○趙○君○之○澤○及○枯○骨○盛○舉○也○不○

可○沒○也○

以○且○代○某○羅○受○斯○性○至○誠○感○神○六○經○多○有○觀○篇○中○會○逢○其○適○句○
原○未○抹○殺○亞○媛○之○逝○但○不○欲○附○會○性○誕○以○欺○後○學○耳○可○與○趙○作○
荒○誕○弗○論○句○互○相○照○應○故○並○錄○之○一○見○亞○牧○公○而○忘○私○一○見○趙○
守○澤○及○枯○骨○一○見○溫○公○讀○古○有○識○加○人○一○等○也○
魏○環○瑛○曰○神○皆○聰○明○正○直○者○不○受○誦○媚○榮○可○知○矣○又○曰○持○一○百○
錢○俯○首○階○下○諒○不○取○也○取○之○者○何○忠○臣○孝○子○義○士○也○人○不○能○為○
神○所○取○而○徒○恃○報○賽○殊○為○可○笑○甚○且○預○許○祭○祀○隱○行○祈○禱○非○分○
之○祭○罪○莫○大○焉○此○文○神○固○一○段○畫○情○道○破○又○評○

頌書棘編卷五

世

五經堂選定

即○事○窮○理○勿○謂○說○勿○雷○同○此○即○格○物○致○知○法○也○
范○梅○臣

節儉疏

武華龍 交城

題○為○修○省○之○大○端○在○節○儉○謹○因○時○陳○言○以○備○採○擇○事○
臣○思○先○王○制○
禮○不○廢○嘉○會○然○旨○酒○樂○賓○而○亦○致○戒○於○酣○歌○恒○舞○誠○以○浚○汴○寧○靜○
行○已○之○大○端○坊○世○之○先○務○也○
臣○聞○邸○報○見○禮○部○二○本○為○禮○儀○事○俱○
奉○有○今○年○歲○歉○民○困○免○行○慶○賀○之○旨○欽○此○仰○見○我○
皇○上○富○有○
四○海○而○不○忘○民○懷○則○大○小○臣○工○宜○何○如○恪○恭○震○動○以○仰○副○實○清○也○
臣○再○四○思○維○無○先○宴○會○一○節○矣○宴○會○之○禮○至○明○季○而○甚○一○座○之○需○
可○錢○三○四○千○而○實○不○能○下○一○箸○一○盞○之○戲○可○銀○五○六○兩○而○實○未○嘗○
觀○一○齣○至○有○數○席○同○期○日○不○足○而○繼○以○夜○腹○未○果○而○力○已○疲○揚○波○

頌書棘編卷五

世

五經堂選定

逐○流○率○仍○明○舊○而○不○知○其○弊○至○此○極○也○不○思○連○年○大○水○米○珠○薪○桂○
諸○人○日○用○之○費○業○已○不○貲○而○彼○此○往○來○矜○尚○不○休○勢○必○至○探○囊○消○
索○高○者○為○市○販○卑○者○為○貸○乞○又○其○甚○者○為○請○託○如○是○則○廉○傷○且○夫○
人○筮○仕○而○後○即○以○身○為○
皇○家○之○身○朝○而○考○職○晝○而○謀○政○夕○而○序○
事○方○可○勉○供○臣○職○而○一○入○周○旋○腑○臆○皆○俗○出○朝○而○外○奔○走○不○暇○安○
有○幾○心○思○以○籌○幾○務○幾○筋○力○以○效○股○肱○也○如○是○則○事○廢○又○况○乎○剔○
骨○洗○髓○剝○腹○剗○心○一○席○之○命○不○可○以○數○計○一○歲○之○命○不○可○以○億○計○
宛○轉○刀○俎○之○間○畢○命○鼎○鑊○之○下○矧○暴○天○物○又○傷○和○之○大○者○乎○嗟○嗟○
堂○上○列○奇○珍○而○饑○民○糟○糠○不○厭○庖○厨○供○甘○旨○而○流○民○菜○色○堪○憐○真○

今人食不下咽矣。臣興言及此，每每相對橫眉而勢不能止。誠以習俗移人，賢者不免也。伏乞皇上勅下儀部，修為條典，用戒將來。例有公會者，歲終一行，例有公分者，從儉為率。至於小集，不過五簋，非帖惟許，單載其餘，不時宴會，概為禁止。期以共修實政，消疹召和，肉食少則米價減，民物無不結之憂。人事靜則精神暇，庶績有其凝之益。其於歲歉，民困未必無小補也。昔漢文中主力行節儉，而海內殷富。況我皇上罷職造，停工役，却貢異，平開稅，克勤克儉，仰符舜禹而大小臣工不一體。皇上之心為心，耶禮緣情起，臣非不近人情，妄瀆宸聽，誠見一時奢儉，即一代質文所續垂林編卷五

三

五經堂選定

開亦百職張弛所係，故不得不激切言之也。聞至殺生一段，今人目慘心傷，庶幾得不網不宿，不忍死不食肉之家法乎。世儒言及戒殺，輒斥曰：「二氏是可忍也。」范彭西歸結到米價減精神暇四語，卓然有識。又許

兩壇條議 李方纂 曲沃

申為請正祀典，以和風雨事。語曰：民為邦本，食為民天。古者治民之道，莫不於祀神為兢兢。誠以壇壝明則神人治，神人治則風雨時，是物無天札而歲有豐登也。去歲八月，上戊卑學，奉委致祭。聞其社稷山川風雲雷雨同祀一壇，固已疑其非制。及詣壇行禮，見其建屋四楹，只塑龍神五像，更深訝其悖禮。竊思壇壝豈宜有坐社稷山川風雲雷雨，豈得有像抑豈止有五邪。歸而訪求其故，皆云社稷山川壇，明季原在晉王府內，蓋以藩王有社稷之稱。請侯當祭封內山川。國朝定鼎，移祭風雲雷雨壇中，未嘗別立壇位。續垂林編卷五

三

五經堂選定

查外省及本省之外府州縣，社稷為一壇，風雲雷雨山川為一壇。其古者未始或異，何獨山西省會索祀差誤。因陋就簡，二十年來不一為之考正。平卑學到任，入載於歲歲歲，藉雨雖上臺誠仁公正，禱即得雨，歲亦稱稔。但風多往烈，雨多愆期，或亦神不安其位之所致也。依卑學易說之，乃建一壇以祀社稷，即於本壇仍祀風雲雷雨山川，撤其屋宇，並像三張，肅其齋戒，變其牲醴。掃壇而祭，庶於禮制有合。更有請者，謂刻八蜡神廟與官亭止隔一牆，官亭重修更新，而八蜡廟坐落神主蕩然無存，獨有瓦礫，遂增禮創自伊耆神農夏禹，名曰嘉平，商曰清祀，周曰大蜡，至漢唐

宋元明末書或廢乃於百穀告成之後載舉大端之禮以報先者而勞來農民以報其勤勩之告是舉先王之禮亦以廣大思也若併加修葺時其祭祀從此絕地天之通合神人之情必五日風十日雨而大有史不絕書其於國計民生未必無少補矣事關祀典不敢誠然理合申請伏乞憲臺查制酌復施行

事關典章吾取其義識出廣文吾取其胆○按此詳申後上臺即有如詳舉行作速督修之批莫謂近日官做不得莫謂近日官言不得○范應西

以文字論亦極質朴不入風雲月露一沐○又評

三晉正學編自序

范弘嗣

吾晉自二帝開天剖一中以醒萬世而五人一堂見知獨與專主鼻教達大國達小國立王固素王之鼻祖也而庭堅煥煥一談番之經所稱心傳之聖臣乎學有源矣卜子範西河顧孫子起陽山親炙杏壇而炎漢西典毛公得商之緒餘衍風雅之絕學隋末皇網敷而魯壁苦侵銅川子太平美不售退而隱河汾讀六經擬洙泗中說力障吾道至宋真儒出而東水潛修性命無一語之妄通鑑儼麟筆也孫子講學于泰山侯子授業于程門其洛閩之流亞哉至明河津以居敬窮理為本其學見于讀書錄和順先德行而

後文藝其學微之博超稿是二聖九賢或面承于欽明或口授于尼山或風聞于異代孔廊半豆之享抑何榮也自是稷王晴石陽城省菴荷氏珍吾師封真子孫即復元獲不傳之秘樹道學赤熾傳標醒世窮妙仰節義心諸書成而理脈大昌航聖漬而紹派傳燈矣余晉產也知有晉人而已既刻晉詩續雅十卷仕國人文十二卷晉國番棘二十卷至是仰官櫛數仰不得其門自吾晉起虞周歷漢宋以及于今摘粹言為語錄四卷嗚呼鑒度卦驗倉頡郭璞之修也詩序葩訓于夏毛公之箋也左釋華王發微賈逵孫明復之撰也新禮家範吉西宗紀編年記事裴松之司馬光文彥博

之者也○次論學庸義孝經注爾雅圖天文三晉志王勃王邵裴
子楚司馬康之解也○五偉大私筆造澤源晉所由防矣○芸編走
學理學入孔林請自晉始二聖是嚴師十餘賢是良友○語錄是
載錄誦讀體認間如同堂對語如一家相依即泰岳巖巖可陟其
巔○涿水洋洋可登其岸勿徒曰肩拍還抑擅美譽于詞場為書巢
中汗馬牛也○
理學一經○此不滅生斯土者○能無興感○李本阜先生原評
品題先賢有針芥之合○視于理學名臣○錄更覺簡嚴○辛復元先
先王父徵聘公所著○世襲草二十卷○半為名公採錄○予欲彙刻
五經堂彙錄

全書而未逮也○節取一二集諸名公批點○附此問世○禮記曰○先
祖無美而稱之○是誣也○有善而弗知○不明也○知而弗傳○不仁也○
嗟乎○祖書難讀○表章有待○不明不仁○何日贖之○孫部贈稽首謹
五經堂彙錄

最上一乘自序
選明文者數十家○俱不堪與漢文選唐文粹宋文鑑元文類並傳○
聖教文衡止脩國初東沙文苑尚多駁雜而文範文規文英文微
國寶宏辭奇賞珠蕪葵可刪余欲倣姚鉉例築臺彙選用闡文明
之盛○以宋方劉王為高文之冠而輔以李迪大紳以長沙東里為
宣英之首而輔以張山伯衡以何李徐顧康邊為孝武之儒而輔
以允寧伯安用修渙石于鍾于衡勉之濟之以歷下瑯琊新都江
夏為肅莊之豪而輔以于相子與允明浚明肖甫助甫順甫德甫
以相奎赤水眉翁石公為神宗之冠而輔以百谷寧塾本寧聯恭
五經堂彙錄

若士子愿卓吾文長諸人庶一代人文集大成矣○然苦於名家刻
無由多購聊於半閒並搜箚中珠最上者有關於世教得百餘首
計十餘卷分為四帙諸體頗備除僻者必熟庸腐者不錄熟讀之
則筆可扛九鼎而陣可掃千軍矣○茲集出不敢謂人人膾炙亦昌
歌羊素之嗜特以供吾好耳○錄完目以最上一乘并其集
有功斯文不小○李太苞先生原評
宇不數百確是一部文獻通考○韓大基先生原評
讀君人文一書○眼在天下○古今于固不辭繁雜矣○不知者猶作
區區丘里之言得此一舉庶令昨舌○朱滄起先生原評

蒼園集序

范弘嗣

新○都○才○數○也○往○代○力○論○嘉○隆○間○伯○王○先○生○文○章○高○今○古○弁○州○服○其○
簡○而○法○且○有○致○太○函○成○而○操○觚○家○朝○拔○而○父○晚○矣○余○誦○習○之○欲○獲○
卿○之○人○相○揚○推○庚○午○春○奉○臺○檄○抵○歷○下○時○幕○府○游○覽○林○公○新○都○產○
也○偕○余○共○事○轉○餉○之○役○初○晤○公○于○府○署○不○知○為○詩○人○也○會○公○來○德○
若○談○把○臂○盡○風○雅○語○目○投○以○人○文○公○頗○賞○愛○迨○都○門○事○竣○余○兩○人○
各○道○俗○吏○之○風○塵○之○艱○辛○而○田○園○蕪○矣○宜○廢○耕○桑○之○辭○公○貽○余○信○
史○乃○五○雲○劉○君○著○者○內○採○余○登○絕○頂○三○首○公○噴○噴○獎○借○未○幾○公○
出○蒼○園○險○見○示○余○朗○讀○數○過○洒○然○異○也○集○皆○公○游○之○地○為○黃○山○馬○

續香齋編卷六

四

五經堂彙錄

萬○少○征○途○勝○覽○而○雲○波○起○味○烟○巒○供○興○目○之○觸○足○之○發○窮○幽○探○與○
盡○取○而○收○之○毫○穎○以○發○洩○山○靈○景○况○依○岩○業○桐○霜○月○計○桂○所○不○盡○
奇○巧○之○態○其○氣○之○蒼○仰○而○聯○乾○象○耶○其○色○之○蒼○喬○松○下○尺○黛○而○拂○
雲○耶○其○韻○之○蒼○骨○之○蒼○玉○色○霞○而○萬○玉○琅○耶○公○名○蒼○園○殆○類○是○夫○
新○都○故○多○才○伯○王○晚○而○始○為○詩○當○無○能○輸○公○者○集○中○如○性○石○學○雲○
舞○龍○作○雪○吹○坐○業○雙○禽○疑○客○過○穿○藤○亂○石○礙○雲○低○多○屬○剏○造○即○
伯○王○而○在○亦○避○席○而○內○遜○公○云○余○幸○契○結○一○朝○盟○訂○千○秋○嚶○爾○友○
生○吾○道○不○落○莫○矣○相○視○而○笑○似○不○必○把○腕○途○之○窮○若○阮○生○也○
清○勁○古○朴○絕○無○學○人○習○氣○陳○明○鍾○先○生○原○評○
叙○出○道○義○之○文○想○見○此○公○作○德○德○水○先○生○原○評○

方明府入計序代

范弘嗣

國○制○三○載○群○天○下○方○每○守○令○述○職○闕○下○太○宰○循○資○程○能○賢○者○超○拜○
次○亦○重○書○褒○卓○特○用○余○邑○侯○方○旦○心○公○將○北○上○籍○紳○士○大○夫○謂○余○
宜○贈○之○言○余○百○歲○人○也○老○而○倦○且○謝○筆○研○雖○然○嘗○為○汝○南○尹○矣○以○
余○百○歲○中○所○耳○目○無○若○侯○者○侯○弱○冠○成○進○士○令○壹○期○年○而○稱○良○以○
才○調○洪○余○策○杖○謁○於○庭○侯○虛○心○而○善○下○觀○其○貌○玉○凝○接○其○詞○霏○屑○
得○侯○之○器○已○而○讀○公○車○言○風○塵○稿○士○林○珍○為○天○球○至○公○餘○雜○者○出○
而○詩○追○大○曆○以○前○文○凌○咸○陽○以○上○即○一○條○一○令○靡○非○西○京○人○石○畫○
得○侯○之○才○五○鼓○坐○堂○皇○華○摩○考○而○按○鑑○其○藝○拔○異○寺○為○三○會○賞○資○

續香齋編卷六

五

五經堂彙錄

有○差○選○文○以○式○儒○童○數○百○分○會○而○作○課○蒙○養○數○千○設○學○而○肄○業○得○
侯○之○教○業○積○盈○積○程○管○而○剖○決○無○滯○諸○道○太○府○有○疑○訟○偏○之○侯○不○
侯○兩○造○畢○而○情○洞○肺○腑○左○右○胥○吏○咋○指○辟○易○若○負○霜○得○侯○之○斷○勅○
民○頒○鄉○約○之○諭○禁○奢○刻○選○雅○之○錄○新○倉○以○實○風○氣○建○樓○以○培○人○文○
學○田○養○士○節○義○勵○俗○教○有○助○病○有○藥○濟○涉○而○施○義○渡○澤○枯○而○置○義○
塚○華○末○和○之○代○徵○申○籽○粒○之○軍○餉○平○徭○役○清○郵○傳○得○侯○之○政○下○車○
來○賦○稅○不○染○罰○錢○不○問○耳○米○藥○絕○囑○托○虎○而○冠○者○不○敢○挾○勢○以○撓○
法○得○侯○之○介○蒞○任○甫○二○載○荏○苒○不○驚○是○秋○偶○不○熱○侯○焦○心○痛○腸○開○
水○泉○之○澤○亟○下○十○三○禁○皆○救○荒○之○奇○策○也○得○侯○之○仁○中○丞○直○指○數○

公○薦○刺○晏○騰○一○旦○營○族○殊○助○茂○績○番○之○青○瑣○以○脩○九○卿○之○選○侯○安○
能○終○惠○余○洪○也○士○大○夫○意○各○不○自○得○爭○欲○尼○其○輟○輟○車○不○獲○發○余○
謂○士○大○夫○曰○第○恪○守○彝○訓○世○世○無○相○忘○余○洪○不○忘○侯○而○侯○亦○奚○忍○
忘○乎○洪○

如○讀○傳○公○治○縣○譜○文○之○最○有○益○於○守○令○者○李○本○寧○先○生○原○評○
召○父○杜○母○井○語○不○勝○車○載○斗○量○獨○從○實○政○上○拈○出○乃○是○上○乘○
而○石○先○生○原○評○

文苑評

三人○事○而○自○見

范弘嗣

有○明○詩○文○自○羅○玘○始○脫○陋○習○李○夢○陽○遂○通○漢○魏○何○景○明○並○擅○聲○華○

於○時○薛○蕙○揚○慎○高○叔○嗣○陳○東○徐○慎○卿○陸○槩○袁○襄○鄭○善○夫○屠○應○峻○何○

良○俊○黃○省○曾○各○就○所○近○成○一○家○言○而○王○維○楨○王○廷○陳○文○立○尤○春○容○

爾○雅○卓○然○名○世○矣○嘉○隆○間○李○攀○龍○立○幟○濟○南○王○世○貞○嗣○聲○江○左○與○

具○國○倫○徐○中○竹○梁○有○譽○宗○臣○號○六○才○子○汪○道○昆○劉○鳳○張○佳○胤○皆○拱○

所○長○以○主○夏○盟○即○才○識○不○同○體○裁○迥○別○要○之○不○離○古○則○也○若○皇○甫○

三○子○余○曰○德○張○九○一○魏○棠○李○先○芳○豐○坊○莫○如○忠○黎○民○表○袁○福○徵○王○

世○懋○孝○康○王○文○祿○國○學○盧○樹○文○學○徐○渭○布○衣○沈○明○臣○俞○允○文○謝○榛○

續垂棘編卷六

七

五經堂彙錄

雋○才○藻○思○詎○在○六○朝○下○哉○邇○來○老○成○凋○謝○士○罕○標○模○而○李○維○楨○屠○

隆○穆○文○熙○湯○顯○祖○馮○時○可○方○沆○余○寅○王○穉○登○陳○文○燭○馮○夢○楨○鄒○迪○

光○郭○正○域○郭○子○章○奔○軼○絕○塵○未○見○其○止○至○孫○文○恪○陸○夫○人○楊○氏○李○

都○憲○昂○宜○人○陳○氏○香○奩○秀○句○綽○有○雅○音○斯○一○代○文○章○之○宗○工○也○

一代文獻千古定論○文湛持先生原評

以此附四部文評之後○當今余州相視而咲○徐丹山先生原評

雖繁為贅○揚須於字句內得其軒輊處則善矣○吳其宸先生原

義塚碑代

范弘嗣


義塚舊在城北玉峯山下近詔天下郡邑建園漏澤以祀陣亡焚
 溺疾死而無依者歲九三舉制也歷季二百有餘地廣袤僅畝而
 白骨嶙峋新鬼愁冤遑遑暴露枕藉墓裡無從余憐之慟之尋視
 公隙地約四畝有奇別創義塚收貧而殮無具並無所者廬焉數
 月而垣壘之立幾徧封域因投文告曰傷哉民之困若至此耶爾
 晉產也亦聞大夏之實沈為厲汾洮之臺駘為祟乎若崇後立止
 于良霄叢塚誦義于青州蓋有所歸與爾有室家不干此待命爾
 有田里不干此賁生誰為骨肉而號啼誰為妻子而酸鼻嗟嗟幽

續垂棘編卷六

五經堂彙錄

係極矣余悲夫死者而深嘆有司生養之不以道也願於旦暮未
 填溝壑者求所以生矣訪無告而月給衣糧老有生平哀寡娶而
 日令紡績有生平悲曠胥配而藥餌有局壯者病者有生乎余
 之所以生全者心太苦計太拙庶不致溝中瘠而賢桑之猷萃或
 鮮載於路嗚呼同胞開情名塚以義與其生而義也寧不愈於死
 而義哉且掩骼埋斃王政急務是在良司牧者養生送死之兩無
 憾也揚主上欽恤之德全帝天好生之仁余媿生之未能而茲於
 此乎有感

讀至後幅乃知牧民原有上策若但死而識塚猶是凶羊補牢



方旦心先生評
 說義塚却不重在義塚上相題有識補題有法
 評那少鶴先生評

義碑尾九

寄陸扶搖書

范弘嗣

子學荒才疎○兼乏師友○竊念黃山人之○
艷慕○駭吉千里○投心劉嵩○
陽之執轡用修○願結襟帶○二先生尚哀其誠○而提撕勤渠○公肯以○
囊待黃劉者○待予耶○不揣拙課數篇○如峯周子索而梓之○正欲就○
正門墻○魏夜即王忘其漢大也○悚汗悚汗○予更有請焉○邇來文勝○
極矣○宋方二○太史博大渾厚○東里揚濶長沙○波靡北地○矯之逆河○
而航亦雄已○迨卿瑯琊王○先生出○才華蓋世○氣焰冲天○凌厲乎七子○
飛蓋乎四傑○前無古而後無今者○新都齊南羽翼之王允寧之壯○
麗吳明卿之秀雅足登旗鼓○長卿眉翁差可伯仲○晉江不遠毘陵○
續香齋編卷六

五經堂彙錄

遠耳藝苑危言○臚列六十餘家○抑何評次之確也○鹿門庸而燦華○
華粗而豪○御龍辭而溢百谷巧而弱九思博而深邇來馮琢菴郭○
青螺葉台山焦漪園李本寧吳寧野俱有集行○不知時五子何如○
而漁石唐子孫陽田子時從友人觀其散文○精簡有致○惜未閱全○
編若黃離日惕○徒謂災木供覆瓿矣○卓吾石公○曠菴又為宋人張○
價焉獨怪西吳陸弘祚集明十大家○何以稱十大家也○近以空同○
南漢鳳洲滄溟刊四氏集者○庶幾稱隻眼神識焉○公築壇一詮次○
之一代文章之盛○斯集大成矣○南望吳江○空切惘然○倘風便何以○
教我

元遺山在三○評陽三十首雖確○不過功在風騷耳○似此軒輊○
一代累黍不真○尤爲僅見○文太青先生原評○
予奪的當○可作信史○劉天台先生原評○

寄陸尾十一

養心錄後序

辛復元先生人人心也先生為人人心而先生猶不自有其心於是刺養心錄一書予讀之欽襟拜曰先生豈有異心哉不過得我心之所同然者雖然我輩血氣之心先生義理之心安可與同然先生義理之心仍在此血氣腦子裏則知終無以異而養之者異也苟得其養不必從先生問心更不必從養心錄問先生之所以養心於存親編孝經翼等見心乎孝焉於聖諭解衡門芹等見心乎忠焉於存烈編救急單方等見心乎節義焉於省察格自醒鑑伊洛淵源等見其心之純乎理學焉於神京偶記經世石

續香齋編卷六

上

五經堂彙錄

畫等見其心之純乎經濟焉於池陽中天諸會語學則易測四書說等見先生之心有大文章焉於樂天集遊龍門記等見先生之心有真風雅焉於開聖集求教語闡然編等見先生之心之虛靈不昧神明萬物焉於心譜見心之統系精微亘古今天地而常存焉先生之心如此先生之所以養心者如此今其書具在有心者取而讀之不以目讀不以口讀而以心讀且不從先生求心而惟從心以求先生也先生應當心悅而首肯我

拙刻俱蒙嘉獎固非余所敢當然此等文章大有用處勿自秘也辛復元先生原評

先生一生苦心數言道破而文法神似詩傳尤見家數深遠矣

魯規尹先生原評

予見童時先君投以養心錄且命之曰此為辛先生第一書如河圖洛地者必書貼壁看千古隻眼予序尚未括及予其懷之近今幸書猶是而筆硯非昔我心重傷錄此以存手澤

俱然曾王父文側集諸名公燕次愚不敏輕贊一字

續香齋編卷六

上

五經堂彙錄

彙選明文小引

范芸茂

文章一道通來崛起明開國初宋景濂方希古劉伯溫王子充為
 之冠永洪則解胡緒起宜正則楊慎揚藻而丘瓊山程篁墩吳原
 博謝鳴治亦該洽敷腴弘正間羅景鳴力能反古而此地一變而
 西京道推先生為第一人同時康德涵何仲嘿王子衡崔子鍾殊
 自斐然用修閔情陽明超逸獨王允宰出入史漢姚黃空同海內
 稱曰李王嘉隆七子並奮濟南崛起東吳同調新安雅集而吳明
 卿宗子相徐子與謝茂秦梁公實與焉惟元黃先生集大成矣于
 麟伯仲天下同舌而尊曰王李一時唐荆川茅鹿門王遵岩董涇

續香林編卷六

五

五經堂彙錄

陽皆不敢頡頏他如顧華玉羅葵正唐六如屠南良祝拔山成避
 席遜之近來屠赤水李本寧黃真父董汝寧湯若士徐文長李卓
 吾袁中郎小修文太青虞德園陳眉翁陳明卿曹能始汪季重吳
 寧楚王百谷亦鉅錚詞壇者也
 無遺無溢有倫有要在諸家叙中亦集大成矣
 簡而能該絕大文章
 汪元伯先生原評

贈晉伯陽序

范芸茂

洪柏陽晉公以名宋子播其聲河以東公於科名為高第初令邑
 而清節卓異鄙人戴而祠之銓曹上績廉官第一奉旨下海內為
 百司風倫特擢亡何權有力者所阻三典劇郡而介操愈峻天中
 漢東畿輔伏臘而碑功德與勢豪不獲通其靈淹蹇比部告旋復
 召起即司冠值崔魏挫柄而公薑桂之性不改於是權璫忌而北
 平之命下矣公知梗介不諧於世以繼慈終養甫入里綠林赤眉
 橫整平水之界士大夫爭推公主盟忠統以一身担荷捐金餉士
 建重城增重門即莖年而晝夜防守不少懈力止大總戎兵馬不

續香林編卷六

五

五經堂彙錄

城進軍匪賊黨剽據最慘壯丁出死力擒剪而上臺反抵坐七
 人公極辯得釋巨慈李華先兄弟駭毒洪趙立疎之市洪首患在
 移廢人牧馬於城當賊氛震夜神奸乘隙潛入胎禍不淺公
 力諄令君仍置閩外且定收法著為式其疎亂尤在募壯丁八百
 日餉必之里甲公憂危於激太息於僱度尋即罷洪令報歸而代
 庖某廣文貪婪異常日科無辜殺石百斛自涸東吏司會計芻粟
 不給某添註上戶協濟金多者賄免又假借審飛詭以戒則為范
 直開邑重足側目公逮止之千總喬長年求虎視大捐賞錄抄
 置兵之門白晝扒城而畏禍法台寬縱之渠反詎守城無于株累

公走○書○白○其○先○與○土○賊○蜂○起○公○密○奏○總○臺○遣○將○緝○捕○凡○為○地○方○保○
護○為○先○盜○匪○迅○亟○為○少○司○馬○張○公○後○先○而○中○丞○宋○公○許○公○泊○大○將○
軍○諸○中○貴○條○陳○釋○朝○廷○西○顧○之○憂○敗○歷○中○外○二○十○餘○載○經○濟○直○亮○
國○史○述○之○旃○常○銘○之○而○田○居○方○四○載○粉○榆○一○片○地○特○公○長○城○天○報○
忠○良○石○麟○晚○降○亦○奇○矣○洪○人○謳○詠○思○波○勒○其○功○蹟○余○欽○公○絕○代○人○
物○居○朝○居○鄉○似○庭○堅○執○法○似○忠○定○誅○逆○似○衛○太○守○表○風○俗○似○公○家○
父○子○祖○孫○著○峻○嶽○嗟○乎○士○大○夫○當○官○不○染○指○易○出○膽○智○而○建○勛○流○
惠○難○致○政○不○囑○托○易○奮○忠○義○而○謚○百○善○保○孤○城○更○難○值○泰○寧○奏○功○
易○慶○鼎○沸○而○轉○危○為○安○開○人○不○敢○開○之○口○做○人○不○敢○做○之○事○難○之○

續垂棘編卷六

十六

五經堂彙錄

難者公其三十年所僅睹也○朝莖實仰賴不徒以出屢繫安危焉○
詳而有作○後段更足不朽○周敬伯先生原評○
一篇居鄉箴○柳文所先生原評○

四郊氛靖飭備宜周疏

王邵

竊連年兵燹○塗炭生靈○請蠲議恤○睿思無刻不厯○儲餉治兵○聖謨○
亦無事不慈○際茲普天輯瑞○率土稽颡○塵淨風和○陰消陽長○誠物○
睹昌辰○日升泰象也○乃微臣鯁鯁過計者○則見九重巽命頻頒○百○
司奉行多舛○日課實效○仍應虛文○四望鴻飛○莫盼嗟來之食○六師○
貌肅徒聞燁震之聲○且也回鄉而靡枝○可棲保無險復挺乎○實伍○
而匪籍是核○保無盜是揖乎○語云○前事者後事之師○反其失即為○
得在當事者急圖之而已○故不撫字固圉○則城不守○雄肅諸邑是○
也不清內地以邊外○則銜轡其操○昌平是也○猶是民而薊密以地○

續垂棘編卷六

十七

五經堂彙錄

雷捷矣○猶是兵而涑涑以憑城奮矣○顧得人何如○豈必易民與兵○
而後取效哉○抑京師者天下之極○詩云○惟民所止○況逢玉帛攸同○
信是譯鞮罔辨○或假肆觀○或借公車○或竿牘梯榮○或賄營燃燼○或○
匪投沙射○或入水拖人○令無所不嚴○奸無所不藪○臣固知饒有其○
人也○絕○究○抑○競○信○惟○此○時○宜○亟○矣○第○善○惡○有○別○擒○縱○貴○明○帕○儀○之○
二語已○包○有○明○三○百○年○失○國○之○系○
爰○戎○宜○懲○而○暮○夜○之○疊○疊○蓋○問○持○柝○之○巡○擊○宜○密○而○細○民○之○嚮○販○
當○通○曩○者○交○訐○之○日○商旅○南○還○買○遷○外○梗○至○于○煤○米○騰○價○衢○巷○寥○
寥○一○時○蕭○瑟○光○景○真○不○堪○舉○眸○者○今○幸○聖○福○如○天○冠○裳○貴○萃○堂○堂○
全○盛○之○朝○不○應○使○有○繁○絃○重○足○之○象○且○儘○多○要○務○惟○懼○後○時○文○臣○

可廷咨利病將帥可面試脫強東邊本折置極何以使羸舊伍新
軍練補何以無弊欲實所輔慎選積餘之才欲在本根須早去
蟻蝨之害而又于發奸救法之內嘿施勞來安定之方使天下四
民歡欣鼓舞翹首跂足而願以京師為歸則元氣既壯神氣自張
冠望投戈息喙安攘之策或即寓此臣每見市井貿易不出閭閻
未暮旋收詢之曰稍遠即虞觸憲也至于疲瘁貧丐赤體紛紛亂
羸群號而乞無門逃無所心竊惻焉我皇上至仁惻怛倘一見聞
必慨然不忍速下寬恤之詔矣而未聞述以告者豈諸臣不共是
心或曰令方急詰奸此細事言則取咎耳臣謂不然夫詰奸者詰

續垂棘編卷六

六

五經堂彙錄

夫真正作奸之人非槩為良民設也塗無人則奸勝愈便頃者保
逆之舉衆皆駭怖彼亦自知違天乃狡焉雄行閔不畏死意出人
情物理之外何以故則輦金熱其中遂恃有與可援隻手可障耳
奸莫大是何未見渠醜獲耶非藉靈斷如神幾致吞舟比比故臣
妄謂皇上勅詰奸首詰此等巨奸也若夫小民熙攘與夫衣冠行
路辨認果真聽其攸往以昭王政之平臣又信聖心之蕩蕩矣猶
記辛未之夏禱雨戒屠犯者多熾益烈旋奉聖旨小民生計愈蹙
仍許市易遂致時雨甲戌冬有以席棚失火者令申飭之坊官誤
傳將棚肆盡毀居民怨苦上以一御史言悉許如舊且重咎承行

之不善焉以是仰推天心察見但為皇上宣德奉令者意張意弛
失調倒施種種非一耳臣恐雉兔脫因噎礙餐邦本攸關無纖
非鉅為是旁采輿情謬摭狂言伏祈嚴勅當事諸臣一洗從昔肺
腸力修當盡職業杜告密之門獎忠諫之氣而于民靈未盡祛民
便未盡宜者一一仰體聖心恪遵聖諭行之否者法無赦將薄海
朝宗共戴生成無外殊方題齒同祝天地無疆
匪投沙射入水拖人杜告密之門長忠貞之氣種種皆當時殿
衛橫行門戶軋札之弊故師欵欵言之骨鯁之節不在楊左下
門人王
岱原識

續垂棘編卷六

九

五經堂彙錄

練意練格練句練字不蹈陳幾亭六禁此必傳之作 鹿西
按通志載王先生官翰林時獨立不懼平臺召對口疏用人在
得用人之人為上眷注載在實錄頃以疾乞歸憂勞國事卒著
有二彌存稿十卷子慕教有日未得寓目戊辰秋會楊端齋先
生自都門惠寄存稿十卷敬錄若干公之海內并識端齋表章
前哲之意不敢忘也端齋諱作楨絳州人丙辰進士見任翰
院編修又識

才德策

天啓辛酉鄉墨

王邵

聞之雖有忌心者○不疑耳目以耳目腹心之耳目也○雖有吝心者○不廢股肱以股肱腹心之股肱也○人以一人之才為才○一人之德為德○而大臣合天下之有技彥聖為才德○故其品不易造而其度不容封堯舜之世○爰有臯鼐稷禹之數聖者○何嘗以德名以才顯而才與德○隻千古無兩○夫非水火教養合而奏成熙之偉績哉○弟論人於叔季與太古異○古之人才德出於一○今之人才德出於二○才德渾而詣已純○不言學可也○才德分而貴有本○不言學不可也○故才而煥之以學○則雲錦之機也○不則無根之華也○德而毓之以

續垂棘編卷六

廿

五經堂彙錄

學則中衢之尊也○不則無口之瓠也○愚生晉產也○未暇遠引○即執事所稱臯有村稷有山○亦既表表晉乘矣○而代興獨無人乎○漢唐諸君子不具論○姑述所睹記於我明者○若耿清惠之清正○韓忠定之貞鯁○楊承芳衛英王雲鳳之廉介端方○雖制行不一○不皆德之緒耶○功在國家○無踰二王○一則殄逆濠而指授方畧○一則款俺答而中外宴安○雖表監自異○不皆才之流耶○至周文端經濟本朝罕儼○即謂兼大臣之才德亦可而未也○進之則文清氏乎○彼其讀書一錄駸駸登賢聖之堂○召對僅再游揆席○無幾時而啓沃開導○宛然臯鼐稷禹○都俞吁咈之作用○使宵小無阻○而畢其致主之志○十

續垂棘編卷六

廿

五經堂彙錄

堯九辯何足云也○而世儒猥以理學目之○不猶蛙窺而蠹測哉○今元老同升○慮無不精○白承休和衷共濟○愚竊願位均勿軋○權重勿專○寵威勿偪○同室戈矛○勿用以掃除異己○而用以折衝禦侮○徒薪曲喻○勿用之以橫樹威權○而用之以卧薪嘗胆○虛而公出之○斷而謀資之○耳目不必侵腹心之權○無耳目非腹心之佐○使股肱未嘗竊腹心之柄○無股肱非腹心之運用○此其才德直接踵臯鼐而晉先正○又不足限量矣○不然○憑几諄諄○期共輔以堯舜者○言猶在耳○忠豈忘心○而生平所學何事○仰止何人○能無望龍門而颯汗耶○論才德以學為主○論人物以文清為主○真正理學文章○鹿西

焦黃兒說

王邵

我里有鬻黃餅為生者。焦其氏也。年可六十餘。兩目矇矓。惟隙光未漸。客父言。族無錐立地。阿弟哀之。資以錢數十。易黃米二三升。為養為養。漸之地。之。爰成黃餅。蓋俗達寒食。則食之。今以麥餅貴。遂為常食也。余里居。聞其呼聲。不絕耳。每荷一具。晨出晚歸。茂不售。詢之里人。曰。其為黃兒。不失味。且無機以欺。三尺故也。余羨之一日。中貴至。郡中問巷。漢城郭無寧地。貴賤小大。賢愚無帖。席鴟犬無息。或釜中泣耳。而黃兒號呼。聲自若也。又一日。冠華至。京師戒嚴。徵調檄如雨。郡為經渡。處官民震怵。計無出。遙憶都

續垂棘編卷六

廿

五經堂彙錄

人士堅壁何策。推隻輪何策。物價騰貴何若。義之民。拋兒擲女。棄墳廬如鶩。又何若。即老衲袈裟。弗自保。行脚僧頭顱。懼為斬級。充首功。噫。嘻。日出長眠。夜涼味月。可復識哉。于斯時也。至尊宵肝肉。食張皇我輩。耻墨郵。緯尤百倍。夫蚩蚩者。方相對。攢眉。肯芬不下咽。而黃兒聲。仍自若也。焦更平。何以得此。于今之世。平奇矣。余益美之。思為說未遑。又一日。余為先人。移鉅珉于山谷間。往督之。則見群役中。矇矓焉荷一具者。猶然焦黃兒也。余于是嘆其逐蠅。而又憐其走險。盡易其餅。以犒役卒。而挽一人導之。登途。余心安矣。將就寢。聞其弟求之之音。問故。則焦黃兒未歸也。余指以處。然是

夕寐。遂未成。蚤起。亟問其弟。掖而歸。曰。無恙也。余喜甚。當日之役。卒無不忻。忻舞且蹈。云。焦更平。復何以得此。于山谷間乎。噫。又奇矣。而余于是不能無說也。太上無為。其次守朴。物惡其雕。智戒其鑿。力出于已。以累易之。既罕。羣僮。不為榮。梯理亂。哀如耳目。為贅。耦居靡精。赫而臨者。亦靡與。且時方返結。何以寒谷不災。人皆墮戶。何以豺狼不駭。神全。耶。天定。耶。鬼呵。歟。維玄佑之歟。其視攘攘。嘈嘈。驅納。弗辨。懸紫。誤蒼。失得為患。百年必世。種其愁根。而一瞬半畝。不克恬其緒。况者。奚啻相萬。歟。况夫談剿議撫。舍之築。幾同餅之畫。講孝稱忠。立之戰。何如黃之吉。籌兵索餉。渴而掘泉。奉漏

續垂棘編卷六

廿

五經堂彙錄

沃錡。果能炊無米。而飽啖此脫巾之貌。隊哉。焦更平。癡而不昧。賈而不貪。身無累日。偏長。殆華胥之國。無懷。黍豆之民也。乎。余恨余之不能焦黃兒。而又悲舉世之焦黃兒。少而不焦黃兒者。多也。為之說。以志心師。嗚呼。精心分于請謁。全力疲于竿牘。患得患失。謀身謀家。羞對衾影。難告妻妾。種種惡態。願借焦黃兒。作西方聖人。南閻覺士。以救之。虎西

刻三楚墨裁叙

王邵

余之以文相若材也膏發皆瘵竭弦晦始克竣役遂華華焉有如
求而獲之之喜余何幸抑余何能則共事之同心而共余簡書之
格蒼之全神映注愛昇余以逸也余怍怍泊璽書則堂牀珠輝榜
懸而衡旬筭樂矣居頃之學使澄川公前余曰子樂胥子所擯率
余菁子冠余冠也乘而哀之布諸寓可乎余唯唯既成帙旌以墨
裁則余醮又即此蓋余與若蛾習子曰矣吾黨狂簡斐然成章不
知所以裁之夫材莫如聖門裁之母如子使子得邦家抑能舍求
賜諸人分兵農禮樂之曹而擊春風沂壤之歌哉且子亦既諸候

續垂棘編卷六

古

五經堂彙錄

之矣而所以裁云云當必非高語性命岐問學勛名二之若後儒
之捫燭也聖心棘利濟又懼褻裳故曰臨事好謀戰則克行藏之
妙裁也審矣是以其治魯也慶表聽獵較聽而一價塗分却之誅
之墮之之功奏于奄僚亦欲二三子深維而善用之自不止蟹筐
難割汾老汶遊或誤而為歛為殖為言行之殊梓浮之果而有成
可以人人考東周不必自為之云爾易泰之慶大來也以財成輔
相屬之后而初吉即言茅茹明乎同患斯民調燮天地之權蚤已
付衆君子而所需衆君子之中行是尚者重且擊也今天下亂賊
訐甚子在宜何取材而士之誦法者業鵲鵲彙征矣其猶恤艱謀

食歟比匪翻富賦帝祉如怒敢戲渝承之隍傾頤聞尚堂燕狎之
乎此其趣約歸中行而其機微在包荒有內聖外王之作用而後
可以言輔相有由不可學聖可之變化而後可以大財成不則輅
與柴觸璞以礫傷趾滅尾唾俾有識還咎吾黨文即斐如實聖人
所不與也故又曰神而明之存乎人神明者裁也其人存則群盡
渙○成○亨○陰○消○陽○長○萬○邦○懷○而○嚳○離○錫○華○左○右○之○咸○宜○弱○我○后○以○
垂拱是多士之所以裁而裁多士者與有力矣余則何能
詞古與而理正大似崔文敏一種手筆 飛西

續垂棘編卷六

古

五經堂彙錄

王雄直行稿序

王邵

天下事作之以氣故曰浩然塞天地予告子路則欲其塞之不變是氣所縛有道無道無二也今士大夫孔俊則塞統指則變遂咎世有迫之而愚謂所以塞者原不足也試觀寇到走彘來潰索精則吳見敵則次且豈由氣乏耶昌黎不如即墨乎萊州不愈睢陽乎漢鄒之莒蓋崔符立清祁連之單煒兒犯并殪效章章指不勝屈奏此皆我輩也即日者宣雲之役或不攻而陷矣或環而不勝或整居而隻輪無虞或駭喙而藜藿不采又或農販子縛名渠獻之長吏而折楊從事也異哉余有以論其故矣兵不足請卹乎民

續垂棘編卷六

其

五經堂彙錄

餉不支請薄其賦師不武請鼓之舞之平守令虞朝歌魏雲州守也非將也而亦守亦將豈異人任今夫股至強懼至則慄氣却之也髮至弱怒至則衝氣豎之也詩味之矣其聲丁嚶神聽和平氣所結所召豈微哉余終不敢謂今日之才必借今人之氣不再振而今時之匱之異之証之不可全力轉也冉有亦政事科然非子路匹乃用才入齊師孔子義之氣足壯耳猶是聖人徒何多讓焉氣焉取則今茲之翱翔輦上金比堅筑共吹我黼黻佩一日千秋者是

開手極似薛文清序許道中文集以浩然之氣為主後幅兵民守將之議更覺切中時事彪西

貽燕序

王邵

憶先君嗜學之篤也少而壯研精墳典于時業遺書亦罕然旁求遠致已多為珍襲宦遊時歷歷指授不肖俾善藏之今其開示原冊固在也蜀距吾鄉數千里有異書必頻寄皆仕優手訂而卒業者不肖仰體篤好恒以先君之心為心已酉秋遠寄金助塲事既失意悉以買書先君聞之喜曰不負吾俸矣原開擬鄴儲可攷也辛酉叨鄉薦因縱目書肆購滿載歸蓋坊銀過半焉奉先君簡閱之益孳孳喜曰若善成吾志乎於是博極萬卷手不停披有得輒記之壁幾徧書亦幾完或為我輩談述之津津忘倦其篤嗜若

續垂棘編卷六

其

五經堂彙錄

此泊見棄之夏靈雨為崇架軸多濕泥諸弟東西移之遂參錯茫無序次余心恫爰聚族營理區分類別一一懸籤凡浹旬竣事亦開一冊以示後題曰貽燕亦以傳家顯世惟此物耳余懶于學不逮前修萬一然始終以先人之心守先人之書求世勿失所自信也昔人謂積書以貽子孫未必能讀不曰積書多矣當有好學者興吾宗乎後之人尚有感于斯言

書香作求可為世祿家良規○先聘君遺訓曰予積書多矣恐子孫輩不能讀除擇人贈送外分配八箱俾八房分守吾手澤不能守者比于不孝讀王公序令我風木潸然彪西

再集貽燕序

王邵

居恒未恢耳目之幅也。輒謂吾家聚書多。漫標鄴侯架矣。迨友天下。善縱挹石渠祿閣間。乃知家笥伯不二三也。載游金陵。出泗三湘七澤間。而益知家笥伯不二三也。多書多益。世食福寧有窮期。說者曰。嘉萬來。讀書者宮壇紛繁。黎藁災其為晦性拂經。亂趣舍不少。戕天下幾莫抹。轉憶秦炎之慘。利害失得半焉。噫。此有激言之也。鄉令壁不出。塚不開。則千古亘其夜。又令我祖不揭日。將侏偶狂狂。曷與易文明。而三百及卜年。戡綏藻濯之煨炳。疇奏其庸。猶云書負世。數余故曰。遺金滿籬。不如一經。吾家貽燕止此耳。或

續垂棘編卷六

廿

五經堂彙錄

又曰。子哆。叻。積書似矣。饑易療。刈保世傳乎。則余又否。聞金來。瞰不聞書。召。映。聞。金子孫。愚不聞書。子孫賁。盜其守之。則世寶也。即散佚。亦天下琛也。使天下分吾金。而唾我魯。孰與讀吾書。而念我清風之韻。馥哉。

積書善矣。不知所積者。資耳目乎。資身心乎。愚後學敢為先生獻一策曰。請于鄴架上分三層。一曰六經四書。二曰性理綱鑑。伊洛淵源。近思錄。孝經。小學。讀書居業諸錄。三曰諸子百家。未知先生納言乎否。彪西

崑崙州鼎新廟學記

王邵

聖祖闢乾。長宵再旦。其昔濯征斯赫。彪奮桓桓。而息焉倉皇。延耆儒。肇科登士。一以誦法。孔子為宗。詔天下廟。恤時享。罔敢或誠。謂孔子之道。鐸萬機。津一時。俎聞此志。戰克止斯物也。即二百七十年。氛靖風熙。詰名項背出。曷匪崇隆。明効。迺或云。平世。憑之。亂則否。至取。臚。跌。刃。室。諸人。竊。蒐。賦。用。矛。之。支。緒。者。逆。而。駕。其。上。以。云。救。也。噫。與。于。不。武。之。甚。焉。矣。慨。夫。武。不。競。也。難。之。曰。墨。鐵。徵。師。師。罷。急。餉。餉。急。毆。民。民。提。險。褒。衣。士。且。須。吏。莫。必。命。而。駕。求。不。得。者。亦。障。奪。於。絲。能。索。于。令。日。竭。蹶。避。鏑。誅。是。營。罔。以。追。聖。興。文。謙。謙。

續垂棘編卷六

廿

五經堂彙錄

未遑爾。嵐郡有異焉。嵐處晉西偏。而我郡邑之壤。比夫嵐者。以嵐為要會地。諸大吏學使至。必釋奠。醕更。駸奔走。唯肅第無如墜圯。何宮墻堙廢。木主露零。有心咸。瞻對。哀。徊。嗟。手為束。而不虞新之自今日也。其新之也。材資山。鍛資礪。饒饒種種。資陶冶諸家。而力總資于俸。獨百廿餘金。以及邪許。而合擊者。勿擾勿亟。四閱月落之。旋以其暇。晉青青而攜示之。鹿吻鴈題。聚與訓。兼奏。易牧乎嵐者。其真異乎人之求之與。迫獨紆。苦獨適。節錯乃運。斤建威也。而顧右文。薄伐以寧。有踰諸上。廣厲學宮。布孝經。小學。射義。干郡國。勅迪有加。世祿之家。悉俾采芣之役也。顯有孚哉。嘗過魯。趨聖。

域矣而廟奕然而隴蕭然而林表數十里蒼然周爰之檜幹
楷森千秋喬嶺潢池異類望而喙先凡近聖居者耕耦絃喧恬遊
迄無發豈非聖人之文無不開之泰往聖人之武無不戢之震來
而誦聖人者猶口實所為極難耳將難有甚孔子當年乎試取孔
子之道俾乎奕世者塾規序砥數學半焉則信夫恂恂申申隱道
也便便侃侃仕道也徹克餉法也獵較汰兵法也矍相圖訓練法
也道不拾冠弭也都墮跋扈見也夾谷而左右司馬從俘首駢如
冠鋒折也舍文猶別無武烈舍孝子決無忠臣舍孔子正誠為本
之經術又烏有事業哉吾與若疇辭肩仔夫以孝忠徽芳文武懿

續垂棘編卷六

卅

五經堂彙錄

樂大利見于今茲而祗緣追聖興文之一舉食報無疆也則新廟
坊不誣矣新之者誰郡侯東萊夏公某也鳩厥工而趣余言者張
生某楊生某斌斌髦也
切時事以立言足令白面書生讀之氣壯 彪西

名山藏述言

王邵

學問之道大矣哉博則不陋敦則不息致治則未勦傾則寧格主
則肅微至盈明進止之機則類瀾砥而四維張於萬斯年聖統王
猷弗之有逾也而從事寥寥齟齬者無論已卓焉者鮮與墨醜恣
毫雲露腸厭其靈梨涕其灾日憧憧髯枯頭皓而不知底究于身
若世絲髮焉禪吾師鏡山先生則可謂終身于斯而已余出其門
讀其書已得其名山一集更華華嘆美無以加而誠服夫子之
修詞居業非無本而然也大都士大夫之病在親利名遠經史故
躋通撫有術而決惟惺無術推異已有據而推古今無據或驕語

續垂棘編卷六

卅

五經堂彙錄

述稽而當代費如或嘆口寅恭而救時束手為問我國家祥濬何
源祐秩何派二祖列宗沿革幾何法世守幾何事應斟酌幾何事
后續嗣徽幾何氏諸王封建幾何國名臣芳蹟曁最其貽穢者曁
最九州八紘種落奚狀馴悍異情販章之大山川險夷異扼要禮
樂政刑弛張棘徐執中漕輓錢鹽諸制兵農凋牧諸大務孰整孰
善窮變通久執與時宜有犁然掌畫應聲而熟數者伊何人歟况
則不可多得
平巷寺之倭忠方技之遯見以及女流之幽芬奇幹并其名耳食
罕矣過而問焉者誰噫帖括梯榮律令導主誤社稷蒼生者職是
也吾師之學根底誠正而得力於洗心退藏者居多終其身出

山日少家食時賒無一念實國郵實無一念繁奢組其立朝也請
定冊有疏止東封有疏守廣寧散蓮賊有疏留都之浮費漕艘之
節裁各有疏鑿鑿然經濟訐謗無不頌文靖早見而欽仲淹之先
憂者至于海濱巨鯨勢已滔天乃以擊樓逸叟綸羽一揮稽首歸
命眎小邾在春秋不軟大國之血願季路一言而無盟者乎格之
神幾幾過之使其時汲引有人而得畢其論思匡弼之作用十先
九舜干舞鳳儀于親見乎何有惜也逆焰如燎典刑抱蔓遂與南
畢少墟聯翹霞翔南都再召年餘拂袖而師以鏡山老矣要以經
術經世方之古人又多讓哉余鄙人也鄰孤聞訃弗克稟師傳表

續垂棘編卷六

世

五經堂彙錄

章師學暢吾師未竟之業于方來而斌斌繼師體者亦清白世堅
手遺編無策授梓相對歎歎忽參藩魯二雲其人者蒿眸世蹇軒
志千秋式師廬而懷焉蠲祿鳩工勒厥編以行世是編也約而該
瞻而不靡上下二百七十年修齊治平之道包舉無漏即以繕呈
一覽附列講筵脩纂閣之引陳分前星之餘照繹祖啓后之功行
得與大本實副諸書並垂石室而奕世不朽不亦可乎曰可矣
海鹽鄭端簡所著吾學編徵吾錄今言三書予服其在從信諸
錄之上以其詞簡事該故後人有博古則有通今則未之評先
生此言其與淡泉同心者乎名山全集旦暮可睹企予望之
西彪

律例指掌跋

王邵

昔文翁之治蜀也去科條崇簡易遺弟子受業太學彬彬至比齊
魯漢天子嘉其治行第一武侯為相務刑罰以約齊其衆即釀具
井竈細事亦設有規則論者稱為王佐才夫二君子識淵慮遠皆
垂芳于蜀而其為政若不相蒙者何也蜀之通于中國也晚帝王
之教或未暨文翁在漢初難遽以漢法繩之故飾儀章以誘導使
之相顧而化可矣武侯當閭閻之餘威令中沮民生多辟故斤斤
以法從事明斷勇決法行而蜀治焉之二君子者所謂易地則皆
然也先君子令懷時懷草昧區爾其民彘漢雜處貿貿然畧畧不

續垂棘編卷六

世

五經堂彙錄

知辟美利亦不知趨于是為之勝其田廬其廬取妨民者除之便
民者圖之又取一切鉅細利病布之如衣履之等水火盜賊之禁
錢穀訟獄出入之法城守攻戰之備學教興育之宜恒苦心擘畫
所以厚懷人之生者計無不在必世以後已猶慮民不若于訓而
輕扞罔也乃取高皇帝律例手訂之提其要者其文請于中丞臨
城喬公刻為教民之書頒之全蜀期戶誦誦習父兄以語其子弟
長老以諭其宗黨斟酌于恩威之交搏挽于心術之隱使賢者得
之擬議以成變化不肖者守之亦足以懾心而遠殺抑亦武侯必
罰之權而于文翁雅化之意微有會焉者也余不肖不能快繼承

萬一睹斯編也○惻然有民散哀矜之感○因復梓以成先志○
小民犯法者○眾皆因不知律例○無心誤入此三赦三宥○所以一
則曰不識一則遺忘○今果有頒律例指掌者乎○三復此文○能無
明允之慕○
彪西

續垂棘編卷六

卅四

五經堂藏



叙

續垂棘編者○晉諸大儒先生之所作也○
是邦源淵有自○繼前人之志○而集厥成○先後續出○凡若干
卷○文章曰古○義理曰新○嗚呼○何其薪盡而火不窮耶○古人
著書立說○不過明道而止○明之斯可行也○若夫古人成說
具在○而大道終晦○則表章之功○豈不在人哉○三晉風稱理
數○西河而後○前有河汾○後有河津○聖道賴以不墜○豈但龍
門之筆橫絕古今○後之君子○居相近○世相接○各有所見聞
壬午一


以故人文輩出○往往以山川鬱勃之力○離奇變化○發洩至
理○無理不發○彬々乎盛哉○然散軼者○多有傳有不傳者矣
而或不盡信○雖曰世教衰○民不興行○道者之責○而有心
者獨憂之○念斯文之在茲○恐微言之遽絕○茲編之續○誠有
大不得已者○而又不知功自己而功前人○謂非仁人孝子之
用心○能如是其勤且至歟○竊聞之○考亭道外○有物固不足
以爲道○文而無理○又安足以爲文○編中所列○大都皆身心
性命之物○綱常名教之事○文在斯○道在斯也○即作者○觸緒

不一撰著各別不皆言道也而莫非言道也三寸之矩可
以盡天下之方夫亦安往而能有外耶然則是役也非以誇
風土紀方物後成郡國之書已也亦非矜奇賭與思以文
承服諸邦也讀者靜心理會識其大旨之所在則學醇理
正上之可以堯舜其君之下可以三代其民中之可以孝
弟忠信仁義廉節其父子昆弟夫婦朋友明道者明此行
道者行此南海北其理同也古聖今賢其揆一也此表
章之意也如曰在晉言晉則禹棘誠晉產也夫明王道正

任序二

人心春秋獨魯史乎哉

康熙丁巳長至日午同學弟任楓頓首謹識



續垂棘編二集卷之一

晉妻山范部鼎彪西選定

范爾梅梅臣
范一偉个臣
任重任筆叟
手錄
男范翼孝前

序子堅遺詩

戴廷拭曰吾知子堅不及見子堅而子堅死知子堅者公他先生
與絳文子正之文子之言曰吾與公他子堅為異姓紫荆樹甲申
之變文子曰人問存亡恐其人之忘之也書赫蹏丁寧之曰至西

續垂棘編二集卷之一

五穀堂選定

河即先問王子堅至太原即先問傅公他其餘的不必問渠其人
至西河果忘所問姓名曰出所書赫蹏問之西河人西河人怪文
子而笑子堅公他於子堅之卒也有小傳足以盡子堅此知子堅
者子堅之言曰後來俊才有傳家須男以宋錦文許遺須男曰子
他日文章當如此錦須男知已之感未嘗去諸口實以為才名賦
物也前輩忍於抑後進跡而交無知者聞而嫉妬惟我子堅先生
不抑不變不妬所謂仁智博物君子也此子堅所知者知與所知
人皆如此子堅正復何恨吾至今恨其不及見子堅而止於梓其
詩其詩五言修削類九子九子與子堅同時初少之後善七言則

法長吉而多快亮語○惟快亮故不似長吉也○

吾友任木菴云○近日時文○非填實則翻空○予謂古文亦然○而填

實者尤多○倒用字眼○以古其句○晦引典實○以博其學○作者居然

名手○選者浪推大家○吾竊恥之○收此以告隻眼○范彪西

知子堅者○朕朕見子堅者○墨墨聲氣一道○此文有之矣○又評

古腔古調○古字古句○洗濯殆盡○一種真氣○溢於毫端○今日計甫

草先生○可以彷彿○范个臣

續垂棘編二集卷一

五經堂選定

序文子遺詩

戴廷拭

戴廷拭曰○吾既得子堅之遺詩○梓之不數日而正之○稿亦至○豈

文章神理有冥會耶○且讀且笑○其才士哉○吾文子正之也○嘗讀子

長七十弟子列傳○妄以為聖人門牆之下○原不優貧劣富○七十子

之內○貧者不過原思○顏淵其他未聞皆盡無衣食之人○始得為升

堂入室之士○若但以貧賤為賢○則凡苟且不立者○皆顏淵原思也○

易地○皆然有敢為子與氏之論者○否○讀吾正之聖賢英雄之章○禱

以嘲諧曰○愈益大笑不止而自信其言之不為河漢○讀至傳即輒

歌宛轉○悲悼哀痛○慧辨婦自死性非死才蓋君子之篤論也○途中

續垂棘編二集卷一

三

五經堂選定

念我傳子公他之作○可謂情至矣○吾文子正之也○其才士哉○

儒者之優劣○斷不在區區貧富間○此唐采臣之說也○甲寅正月○

余為賈荊生一齋作記○曾暢其旨○以救士大夫言貧之病○今讀

此文○喜而不寐○范彪西

字二百餘○而有昌明博大之勢○他人數千言○未必如此透徹○范

孝前

序宛山小集

戴廷拭

戴廷拭曰○宛山公與白嵩虎谷兩公同時且友善○白嵩工小篆○
轉茂美○毫髮無憾○虎谷能漢隸○時小出入○宛山真書似西涯相公○
以書品論○宛山下虎谷○虎谷下白嵩○以文章言○虎谷上白嵩○宛山
上虎谷○宛山黑沙嶺三義祠一碣○居然大家鎔裁○詩則虎谷壓兩
公也○白嵩○宛山伯仲間耳○聲律邊幅平而不窘○蓋盛世之音多如
此○凌霄小賦勁簡可誦矣○
宛山得與王喬並傳者○此文之力闡幽表微○吾道干城○
蒼老之極○又評○
范彪西

續垂棘編二集卷一

四

五經堂選定

與王荆公征處士墓表同一作法○
范个臣

序萋芳小集

戴廷拭

此西河伯渾王孫詩○平時諸王孫率狗馬鷹鷄○
惟伯渾不狗馬鷹鷄○絲竹喜讀書○工時文○知前輩法○試必高等○小
楷逼曹娥碑○時出入平魯公○於今茲也○為詩○詩復靜好○知昆沙禪
翁○則知詩之所自來○正不必鑄無相瘦佛供養○春草今萋萋○王孫
遊○今不歸○王孫遊○今將歸○春草今萋萋○詩在於此○王孫有之○
真易真簡○文品之至貴者○
范彪西
狗馬絲竹者○傳乎詩書○文章者○傳乎富貴家○尚慎旗哉○
一字不可增減○遠山淡水○天造地設○或謂楓仲有意于簡○非也○
又評○

續垂棘編二集卷一

五

五經堂選定

范孝前
神似擅弓○孝前又評

書商鞅傳後

戴廷式

商鞅之人自不足論○吾讀其傳○即目開塞之法○論讀書為文之道○
 開塞如治水○開謂決之使流○塞謂障之使出○一道不開○則水不超○
 下不塞○則水不合流○文章之道○喜堅喜摯○喜健喜高○簡喜不陳○喜○
 變化之數者○皆由於才○惡靡惡冗○惡弱惡腐○惡步趨之數者○皆由○
 於醒觀之論○先入其中○喜者開之○故使子弟讀史○記惡者塞之○故○
 初不使子弟讀唐宋之文○鞅之策地篇之言○曰任力以窮詐○今之○
 為文者○皆詐而無力○無力由於不富○不富由於不專○不專則不精○
 不精則荒其地而貧○無以自立○譬之史記○猶子弟之田○子弟為之○
 續垂棘編二集卷一

六

五經堂選定

○累精而熟之○則田不荒○不荒則文之蕪穢之草○自鋤○鋤則富○富則○
 強○強則無往不勝○而無迂闊糟腐之弊○始可以語於精神變化○此○
 之謂文章之開塞○至於成人○則開子弟之孝弟○塞子弟之傲慢○開○
 子弟之仁慈○塞子弟之殘忍○開子弟之謙虛○塞子弟之驕滿○開子○
 弟之高朗○塞子弟之卑賤○暖昧○此用其言而反其刻薄之道○傳謂○
 鞅令秦之父子兄弟○同室內息者○為禁○可謂最有功於秦者○秦人○
 怨而不道○可也○後之人○亦豈可以此為刺薄○舉而不道○吾不為○
 少恩之論也○來民一篇○果如其言○三晉之民○亦有不愛秦之首功○
 之戮者矣○其書有唐蔑莊躋長平之戰○皆鞅死後事○非鞅之原書○
 為鞅此說足見仁厚

也

張旭見擔夫與公主爭道○公孫大娘舞劍而悟草書○薛文清公○
 見燒栗而悟雷震之理○見獨木橋而悟處世之道○湛甘泉見竹○
 竿上戲而悟誠觸類旁通○解人不當如是耶○范彪西○
 照應開閣俱有法度○又評○
 一開固有之天理○塞外來之人欲○又不止讀書子弟而已○善讀者○
 自能善悟○范孝甫

續垂棘編二集卷一

七

五經堂選定

文學范先生小傳

戴廷斌

文學范先生諱芸茂字贊衮洪洞諸生聘君德州判竹溪公之子
從聘君遊於理學先輩幸復元之門天性孝友力行所講執敬之
學崇禎庚午賊流至洪洞人皆趨避先生以母病卧牀恐驚母方
遲疑賊已至先生即負母以趨方趨走聞其母忽然躍離先生背
如無病與先生偕而趨離賊不數武賊竟不及甲申之變聘君避
地卦地偽官吳姓者撈諸緝紳入城且令曰隻身來不來者藉敢
與偕者死聘君八子先生次六不謀及兄弟代聘君入城見偽官
偽官見先生與聘君代怒曰汝聞令乎否而敢與代先生不激不
續垂棘編二集卷一

五經堂選定

迫從容婉言曰聞令但幾人子也父老且病不忍聽其行甘違令
例偽官為之色解不問甲申後杜其門謂子弟曰吾生逢亂世加
之衰病不能復進取矣汝輩讀書無忘世業可也甲午卒於家子
部鼎成進士養母不仕復力行所聞祖父執敬之學續聘君仕國
人文垂棘編行於世晉之稱文獻掌故者必以楊之范為先也
戴廷斌曰程子之言曰性中只有仁義禮智四者曷嘗有个孝弟
來吾每疑之以為性中只有孝弟離過孝弟從何處見得仁義禮
智子與氏事親從兄之論何其有著落也今讀文學先生負母侍
父事而吾益自信吾說之為不妄也不忍驚母仁也不謀及兄弟

續垂棘編二集卷一

九

五經堂選定

而代父以見偽官義也杜其門全生全歸禮也婉言以解偽官之
怒智也於斯時也文學先生只知其有吾父吾兄並不知其為孝
為弟又安知其為仁為義為禮為智此固非學之所能及講之所
能至並理之所不能測理也者性之用於事物而分別是非者也
而理不足以盡性之神性也命也神也惟孝子悌弟有此文學先
生世居師鄉師曠之故鄉也故聘君復著有聰聖志云
脫盡史漢陳奎獨拈大意是文之有把握者初以事係于家恐
近互相標榜之弊置之不選既而讀至卦地一節拍案痛哭哭
而復讀讀而復不成聲聲咽且止卦地事余猶能記憶之矣地
在邑東南五十里外山絕頂處即伏羲畫卦地未申間祖孫父
子避此日講河圖洛書一堂聚首不知漢魏偶一夜三更賊令
擄先聘君入城先夫子隻身以代全無難色與縣作永訣語除
讀書事母外再無他言爾時不能留先夫子往又不能聽先聘
君徑往牽依膝下腸斷魂飛仆地者竟夜乃蘇幸天眷涼德祖
父俱免而婦今讀此文宛然身在卦地祖孫父子聚首講論時
見此文見吾父矣見此文見吾祖矣祖兮父兮呼之或出筆墨
小道動我骨肉之慟增我風木之傷安得避標榜之名置而不
選范部鼎附識

程墨選序

程墨選序
選起洪武乙丑訖崇禎癸未科止首尾癸未之秋永樂子孫畢矣
洪武臣民亦畢矣過此甲申甲申古多變數哉理學傳幾三百年
先後節義之臣累數百人各自獻其心能程能墨此洪武用人之
始終也永樂以建文鄉會合諸洪武革除死難諸臣推本洪武之
天下勢也蓋洪武之天下勢成矣詔天下守令訪求學識德行之
士尋徵天下隱逸先貢舉後薦舉為其舉孔孟而元不能用天下
至大不可以小道理也先時議設六科三年科舉連試或一年兩
試用人之急如此當是時禮樂之權在天子而法猶未一兩漢舉

續垂林編二集卷一

十

五經堂選定

孝廉不平與詞科進士傳為唐宋之傳學鴻詞同歸於無用一以
經義為進退制策傳騰大化人無去取乙丑詔先書後經各主傳
註於是經義窮理論表傳古策問通今戊辰始錄程文洪武二
十一年也永樂頒經書大全以四子書窮經以傳註窮四子書以
程墨窮傳註選舉之法推而行之大夫忠而士信各用其心如此
五經所傳先舜禹湯周文之用人以容以色以言以聲以度夫惟
不用其心天下之絕才為用此天理也漢魏唐宋元明之用人以
書以易以詩以禮以春秋夫惟各用其心天下之常才為用此人
理也四子天人之理倫矣自天子至士庶人尊經術傳古今窮其

聖振姬

續垂林編二集卷一

十

五經堂選定

理於夫子之門有以見此心之體之全此心之用之大程墨不遺
於用則是夫子所以教二三子至無用也夫子不置其心於無用
之地亦明矣子路出公西華侍子貢出宰我侍顏淵出冉伯牛侍
夫子以六子自厲用人也顏氏傳詩孟氏傳書漆雕氏傳禮樂正
氏傳春秋又各有以用其心舉孝廉成進士用心程墨也久不能
傳之無窮要為世用碌碌未有表見使人置為無用之空言孝廉
進士始棄遠矣禮曰天下有道中人用焉孝廉進士中人之聰明
智辯者也明初收聰明智辯之才於科目前元官役游食奔競之
除授不行中外文臣皆由科舉自兩京以至郡司州邑戎衛莫不
有學科試兼收南北小吏冗從逮於滇黔交趾高麗日本琉球之
子弟有以震厲人心人心即為國勢大夫士遵功令為程墨窮其
旨者不敢言相與勉強砥礪學為聖賢文章之萬一此心此理同
也人心之所同然後乃置為無用豈理也哉農學兵刑律曆河渠
屯牧鹽鐵下之心為上用此聖賢之理有理有勢經濟因之以赴
功經濟效而後理學成聲色貨貝遊田祠祀神仙土木奄戚朋黨
上之心為下用此非聖賢之理有理有數方正用之以直諫方正
不效而後節義奮有明經濟方正不設科在物之理處物之義聖
賢務利心焉心有體必有用指馬之百體非馬而馬立於前者百

體皆為之用也。緣而理之。墨也。為緝為升。為式為紀。為縵用不亂。其經疆而理之。程也。為剛為逆。為溝為洫。為澮。用不失其正文。章莫大乎是矣。莽則不治。逆則不行。將焉用之。此程墨之有用無用也。設科取士。欲得方正。經濟以為用。如掃祖宗。官府朝市。子孫蒙業而安。必恭聽古今得失。拯斯民於寇賊。胥吏之手。必使政平訟理。賦役多少。歲時水旱。疾疫必預。關梁險易。邊腹安危之防。必備上明聖而德布。開親君子。遠小人。必以孔孟之道。格其非理。學明而節義立下。之心為上用也。上之心為下用。朝用巷伯。暮用皇父。一切可用之人。置為無用。即凡可以用其心者。不用矣。聖賢為不

用立言。程墨為求用立言。為求用立言。即以中說為論。語。書。為孟子原道。為大學復性。為中庸非有聖賢之一體。具體與無用等。何有程墨之空言矣。乎理不域其心之所不通。身家國意通之明。其意才乃全散。為才子成為大家。儒宗意有所不明。險阻不盡。其才則域之。義不飭其心之所不受。愛憎死生。欲受之絕。其欲氣乃一剛正。為直諫官。死封疆。為繕吏。仗節為行人。屬國欲有所不絕。饑渴不充。其氣則飭之。復此理。知此理。六年請書出。則宸濠投首。與昔麓用。藤峽交趾。哈密之叛。降一理。成此義。苑此義。風雨廷杖。捧國信使。絕域與昔。北狩南巡。監場馬市。議禮黨錮之利害。一

觀理於人心之體之全。人心之用之大。程墨較然矣。洪武至宣德。五朝初盛。禮樂自天子出。制策必由上問。或躬親閱卷。造之嚴。收之寬。養之久。仕之速。舉措不以我。以理。人心知有所向。剝削元人之訓。詰為漢人之動。橫程墨雄。以直至犯顏。敢諫一變。用以戡定。揭亂理也。此理不明於上。保舉例廢。大夫不薦賢。省試改命。朝官諸侯不貢士。仕未入流者。不收。曹掾始無辟召。教職不與京考。大比始便。關節法亂。法散。禮樂之權。落於下。正統成化。正德嘉靖。賞罰不以理。以勢。中更景泰弘治。隆慶三朝。最盛。天子用人。不雜大臣之見理也。明守理也。定各以古文名世。人心知有所歸。開闢漢

人之蒼健。為宋人之連綿。程墨疏以通。至名遂為一變。用以守成。深堅勢也。萬曆國勢衰矣。上不接其臣。其臣以權市交。天下是非不定。君子小人之勝負。垂五十年。浸淫至於泰昌。天啓。毀書院。逐正人。試卷勘當。數年門生。亦連起大獄。取舍不以理。以數。大夫專而庶人議。服先疇食舊德者。為古學相。琢磨天下靡然嚮風。人心知有所復。至崇禎為文盛。廓清諸子之險怪。為經言之宏。敬士不復喜科舉。其程墨矯以激。至主辱臣死。一變。用以損益異代。數也。數能盛衰。程墨程墨亦治亂乎。數國勢移於人心之中。諉之數則有之。明五癸未三秋。試永樂大亂。至治也。天順多難。與邦也。崇

積亂極思治也○貢院焚死士不問○疫死士不問○明年甲午上受之○
何崇禎似天順乎○天順間議求樂靖難累其下也○義則君臣之理○
一民心或不如臣○雖微訟謳歌易慮力能措天下於泰山之安○侍○
講止求一是○國變累其上也○君為社稷之理一臣心或不如民○雖○
賢者不免低徊保全妻子於亂世東鄉自為不知已者死天下之○
理得而人心去○留曰教嘉靖重熙累洽也○萬曆父道化成也○前後○
疏士習叛註糾科場關節不理○清寧火桓僖災也○江陵逝無駭卒○
也○子以逆祀躋父統嗣之宗理不一下卒受之君以戮死施生輕○
重之微理不一下又受之天下之理未得而人心強弱曰勢非勢○

續垂棘編二集卷一

十四

五經堂選定

也○嘉靖壞洪武之法○萬曆末○樂之權○至崇禎○乃此理○已○
絕其棄遠孝廉進士置其程墨為無用○固宜洪武以經適用是○
以尊經學古之人用於明成劉三吾竟其黨黨議之始也○永樂以○
權及經是以荒經蔑古之人用於明枝朱友仁火其書妖書之始○
也○南北取舍也○公程朱好惡也○正公且正也○理惟洪武能用人也○
夫抑惟洪武之人能用其心也○夫六十年當大變必由科舉科○
舉之程墨人心也○天理也○國勢也○知無用之為用大矣○吾友戴楓○
仲用為侍講即不用為東鄉五右之縣別為無用而拮之拙於用○
大也○上下十有六朝鄉會試累百舉鄉會每試士累千選程墨三○

續垂棘編二集卷一

十五

五經堂選定

百有奇意主窮理窮理不得不尊經○尊經不得不合傳○未嘗緝○
膠固於傳註之言而別遇乎理學節義人心所然功令存焉用其○
心○如此○曩使世用楓仲且得有此大也○邪○癸未禁黨人節義故○
也○以語人而人心沮○癸未命朱子教授理學故也○以語人而人心○
勸○興朝鄉會開科以程墨為勸沮人心之具○禮樂百年而興○
仲其選也○選補建文一朝弘熙泰昌不開鄉會試併叙除建文士○
午一科增永樂癸未一科甲申會試殿試起永樂訖成化○
于八股中看出一代存亡興廢之故○有此學識兼有此筆力方○
能抵掌而談不作踟躕態○楓仲謂其似新唐書選舉志而綿密○
過之不誣○受業范鄱鼎識○
今之為程墨者○將以程墨為無用乎○抑以程墨為有用乎○將用○
心于程墨以求榮乎○抑用心于程墨以窮理乎○老頭巾讀此不○
怨天狂後生讀此不恃性○此救世鴻文○非徒以洋洋萬言稱雄○
詞章已也○范異識○

賀計百周公卓異守太原序

畢振姬

春秋○字○中國○之○附庸○字○列國○之○命○大夫○周○公○計○百○五○雲○中○移○守○太
原○八○為○附庸○出○為○命○大夫○稱○字○曰○公○振○姬○國○人○公○焉○爾○往○振○姬○請
河○南○春○秋○春○秋○絕○少○因○以○其○間○寓○詩○易○已○得○公○為○春○秋○墨○守○姬○不
力○公○猶○不○出○而○觀○公○之○言○動○察○其○行○能○悉○其○家○世○乃○知○公○於○春○秋○
最○深○也○公○澤○人○澤○周○之○高○都○徙○家○延○津○或○以○國○氏○周○或○以○邑○氏○都
六○世○三○進○士○三○錦○衣○樂○軒○公○制○三○邊○真○董○公○服○一○品○搜○粟○都○尉○銅
仁○府○君○至○方○壹○公○辭○錦○衣○公○補○弟○子○已○賜○族○而○為○大○夫○春○秋○去○中
行○未○賜○族○而○身○為○大○夫○春○秋○書○無○職○耻○春○秋○之○世○官○世○邑○而○求○合

續垂棘編二集卷一

五

五經堂選定

於○聖○人○之○言○動○春○秋○盡○性○之○書○守○法○之○律○也○知○諸○侯○大○夫○戎○敗○習
朝○祭○蒐○田○刑○獄○豫○水○旱○災○異○周○廢○之○春○秋○邪○周○澤○之○春○秋○邪○更○數
年○道○章○江○公○以○李○見○益○已○舉○孝○廉○成○進○士○李○凌○南○矣○聞○所○謂○王○叔
之○獄○無○官○元○咄○之○獄○無○反○雖○糾○之○獄○無○內○梗○陽○之○獄○無○貨○引○經○斷
事○用○春○秋○顯○廣○川○之○繁○露○平○津○之○雜○說○待○詔○議○三○十○餘○事○駁○漢○事
六○百○餘○條○公○侯○之○子○孫○必○復○其○始○房○鳳○豈○春○秋○都○尉○哉○父○之○改○雲
中○行○都○尉○春○秋○不○與○烏○孫○乃○與○雲○中○振○姬○以○事○遠○邊○邊○長○老○能○言
之○其○佐○守○也○賢○佐○仁○仁○佐○賢○也○其○行○微○也○義○者○行○仁○者○守○也○其○乘
塞○也○城○虎○牢○也○其○和○戎○也○納○無○終○也○其○治○軍○終○日○而○畢○也○其○興○學

續垂棘編二集卷一

七

五經堂選定

朝○暮○而○議○也○其○獄○不○上○下○也○其○屯○不○夷○癸○也○其○杞○微○坊○也○其○微○朝
雉○也○朝○廷○之○賞○罰○不○先○於○賞○春○秋○之○賞○罰○也○諫○官○之○是○非○是○不
倚○於○非○春○秋○之○是○非○也○是○非○定○賞○罰○行○最○雲○中○秩○太○原○易○曰○君○子
得○與○民○所○載○也○詩○曰○無○衆○如○濡○邦○之○直○也○易○以○窮○理○詩○以○達○情○春
秋○以○盡○性○聖○心○之○是○非○無○例○無○例○則○蕩○平○好○惡○王○事○之○賞○罰○無○例
無○例○則○赫○濯○聲○靈○君○不○可○以○不○知○春○秋○臣○不○可○以○不○知○春○秋○也○料
民○太○原○之○後○春○秋○作○於○晉○陽○之○後○春○秋○終○夏○既○脩○太○原○周○薄○伐
太○原○唐○不○唐○乃○晉○春○秋○太○原○之○提○諸○侯○之○為○之○也○簡○子○不○塞○晉○陽
襄○子○必○走○晉○陽○晉○不○晉○乃○趙○春○秋○晉○陽○之○甲○大○夫○之○為○之○也○罰○大

夫○專○賞○大○夫○順○春○秋○繼○詩○也○詩○曰○維○子○之○好○賞○也○不○如○子○之○衣○命
也○太○原○之○賞○也○義○其○命○也○忠○義○故○大○夫○榮○忠○故○大○夫○勸○詩○之○靡○藍
春○秋○之○執○秩○大○夫○官○表○也○詩○之○葛○生○春○秋○之○州○兵○大○夫○軍○政○也○詩
之○蟋○蟀○春○秋○之○韓○田○大○夫○以○覆○寓○兵○也○詩○之○葛○華○春○秋○之○刑○鼎○大
夫○之○以○刑○佐○民○也○參○所○以○高○汾○所○以○下○戶○所○以○戒○壘○所○以○增○秦○所
以○塞○代○所○以○通○大○夫○不○尋○命○矣○詩○曰○有○扶○之○杜○生○於○道○左○彼○君○子
丁○噬○肯○來○遊○大○夫○問○東○方○之○士○自○我○人○居○居○公○安○能○少○晉○陽○而○今
晉○陽○多○公○公○安○能○輕○晉○陽○而○令○晉○陽○重○公○春○秋○杜○外○交○謂○振○姬○輩
不○謂○晉○陽○之○薦○紳○先○生○父○老○子○弟○也○文○翁○以○春○秋○守○郡○行○縣○從○飭

行者與俱左○咸以春秋○守郡徒眾○日盛不能盡人之性○謂可成公○
是受上賞○頒寵命○采芩之詩○無然哉○春秋盡性之書○守法之律也○
公○延津同學○都使君○先後以春秋成進士○公守太原○都使君○令○
駐○孟言春秋之義在兩人矣○

公為夫子門下士○得力於春秋○以春秋之治治大鹵○聲聞藉甚○
莫知其原○惟吾夫子能推見至隱○歷歷言之○若此○
此等題與壽序誌銘等同○前輩陳大士張爾公諸公俱難之○且○
不止兩公為然○試取有明二百餘年諸大家○如余州四部諸集○
有能出諛頌園套之外者乎○洗魏晉之詞○布秦漢之氣○推陳出○

續垂棘編二集卷一

大

五經堂選定

新自我開山○平心開眼而讀○方知余言非阿好也○又識○
不遺一筆○不遺一筆○春秋之義見矣○范翼識○

捕風文

畢振姬

大清康熙十三年六月十四日○伯方畢振姬謹約田畯畦園升煙○
薦茶裸告○當筵血殷○當午自念振姬退耕○伯方十有四年○伯方之○
以水旱告者五○水不沒確田○旱不澤隱土○水不為災○旱必稱苦○小○
早可穰○大旱無補○自六月上旬○逆數由往歲八月火田自六月上○
旬順數至今秋八月○清畝無雨○何苗無苗○何歲無歲○何民無民○何○
吏無吏○何倫吏下所在乞雨○開南門○開北樞○土龍巫覡○徙市通渠○
牲醴介鬯○不敢宰居○玉杯繁露○靈草雨書○應上公之尸祝○四溟神○
之瀕驅自六月上○旬下雨○所在漸訖○雲上豐隆○雨來潮澤○地皆連○

續垂棘編二集卷一

九

五經堂選定

肝雷無虛日○發黷朝浮○雷穿宿滴○肅者伯方焦枯告急○越陌登隴○
一乾一濕○批郢尋根○半摧半立○飄風南來○逢迎逆擊○搖蕩砲車之○
威○掀翻石尤之敵○噫氣怒號○天晴風息○伯方寸草順風○仆背風僵○
伯方四隣○澤下人生○上及老幼○從而輟耕○鬼神自此廢食○六月雨○
不六月息○南風薰○不南風泣○天何棄此○伯方風伯於焉溺職○風過○
鉦鉦砢砢○萬馬千幢○魚鱗草莽○遼巢青紅○掃碧落貫鴻濛○騎羊角○
封竹宮○茅飛散土○葉脫漫空○天聲條忽○不見形容○樓蓬指其國邑○
拔樹索其犧○鐘振姬瞿然起曰○必封禪之狡童也○堯水九年○長陞○
大風封禪為虐○後羿關弓○伯封故國○湯沐神叢○屹而不祀○旱則紛○

嘯虞夏鳴條有湯乾封趙馬韓布周雲龍飛雨師下瀨風伯橫衝
虹蜺抱日而颺與偷連箕而終太山之雲不雨汝陽之稼一空漢
不烹羊鄭不榮龍伯方何罪封稀何功此鬱鬱而色變彼調調而
心通自言太虛授英造化煥銅虞幕素箸石鑿鼓宗吹臺上下入
律雌雄異壘之先庚後甲觀畜之天上地中勾拆伯方之草木毛
尾伯方之足蟲太息三巖窮門乃窮人不薦以珍隄我何杞夫祝
融韓退之官以憂早程明道學以捕風人既饒乎鬼士何利乎農
振姬聞風哉哉不能折角頌尹穆如悲稀不學羿叛國非叛民風
主生不主教野荒民散則壇杜屋廟墟不臘變梳篦于之江油法
續垂棘編二集卷一

廿

五經堂選定

嫁泣妻之親髮歎一足之游魂憑四目之早懸寒風刀而熱風燒
舊雲捲而新雲壓風固先湯之伯封伯方易世抑何覺且伯封夏
后天官君臣弱而盜發伯封吉甫愛子兄弟懷而鳥歸搭矢貫蟲
黍離霑衣封稀脂脂雖悔可追翼軫多風鳥鵲南飛南風聲絕師
曠知微南風塵汚茂弘心非梵蝗螟騰田鼠蜘蛛無木無麥小曠
大饑伯方故壘酒熟牲肥六月風息五日風競樓雲爛熳山雨蜚
微舊都舊國言告言歸必若驅車三峽張幕五行大兵赤地積屍
衝城聚散龍鵠來往蒼青犯頻鼻噪助華孤鳴蜚廉開口蛇蟻袒
脰耽伯方之遺黎徂大旱之偃兵兵早仍而不已先湯怒而徂征

堯弓九合湯網三平含光宵練赤羽青莖自千鬼青往即天刑羿
弋風而簇飲畢雲雨而盆傾况參狼之注弩兼商羊之排營祝已
封稀卷舌以水洗血飲杜虛徐搭腔冷徹天收其聲地藏其熱雨
賜煥寒稻梁菽麥田鼓鼙喧村承昉截風不鳴條伯方懷德振姬
以是為請伯方自今為節尚饗

小集不入詞賦不選四六豈以詞賦四六為非文乎正謂文太
甚無真性情耳組經職史中純以意匠經營是謂情勝于文
受業范郎鼎識

田祖有神應亦蒼然淚下
范異識

續垂棘編二集卷一

廿

五經堂選定

伯方社倉約記

畢振姬

康熙十一年○詔起曲沃衛公公入條復社倉數事○畢頌其議於天
下○吾晉院司公祖便其議○檄府州縣行社倉○府州縣捧檄難之○吾
邑○白父母先之勸課紳衿富室○自占其有以家量當社薄輸之倉
以備賑恤○各出粟積貯有差○邑北鄉民極窮○振姬數米而身廢且賤○猶
及見吾鄉人社倉矣○昔運使父子在鄉○長平一倉○義莊一倉○在邑為倉
上畢氏畢倉不可問市井斗級開口是皆李斯之倉鼠也○豪右
走利而驚吏胥虎而角且翼民窮卒莫之嘗省見其害不見其利
久矣○今衛公之經國昔畢氏之安鄉一也○禮家施不及國振姬社
倉垂棘編二集卷一

世

五經堂選定

義○莊○於○伯○方○輸○粟○百○石○社○長○平○於○得○義○輸○粟○五○十○石○為○振○姬○鄉○人
家○人○耳○社○倉○利○在○鄉○不○利○在○邑○在○鄉○便○也○在○邑○不○便○也○民○以○為○便
則○安○鄉○安○鄉○則○重○家○指○謂○倉○粟○在○鄉○去○此○乎○民○以○為○不○便○則○危○鄉
危○鄉○則○輕○家○指○謂○社○倉○在○邑○留○此○乎○邑○有○倉○而○無○倉○法○故○也○有○倉
貴○盜○抑○或○視○其○鄉○人○之○殍○不○肯○發○歲○以○為○輸○封○識○至○紅○腐○不○可○食
無○以○賑○恤○水○旱○蝗○螟○饑○疫○之○災○豈○法○哉○故○法○不○可○不○便○也○清○興
踰○三○十○年○往○年○分○道○賑○恤○使○者○冠○蓋○相○望○惻○然○出○於○至○仁○之○心○而
法○猶○未○立○周○禮○小○行○人○之○官○札○喪○凶○荒○厄○窮○為○一○書○蓋○周○公○之○法
也○衛○公○將○順○其○美○斟酌○常○平○義○倉○廣○惠○諸○法○見○為○社○倉○周○公○之○遺

續垂棘編二集卷一

世

五經堂選定

意○而○奏○議○焉○仁○人○哉○周○公○施○於○國○縣○都○郊○里○各○有○委○積○從○民○利○以
為○利○以○三○十○年○之○通○制○國○用○王○安○石○施○於○國○青○苗○保○甲○各○有○條○例
滋○民○害○以○為○利○以○三○十○年○之○變○籌○國○息○無○他○利○民○便○民○害○民○不○便
乎○民○也○賑○恤○水○旱○蝗○螟○饑○疫○之○災○必○有○積○貯○以○待○之○鄉○有○積○貯○漢
初○都○鄙○康○庾○皆○滿○後○周○公○而○民○便○邑○有○積○貯○隋○唐○洛○口○黎○陽○砥○柱
皆○滿○前○安○石○而○民○不○便○利○害○較○然○法○亦○從○可○便○計○矣○白○父○母○為○利
民○先○之○仁○者○利○法○周○公○府○州○縣○為○害○民○難○之○仁○者○不○利○法○安○石○周
公○之○法○至○安○石○不○勝○其○害○宜○其○遠○巡○也○為○民○父○母○率○其○紳○衿○富○室
徒○逡○巡○於○社○倉○之○利○害○而○不○賑○恤○何○以○鄉○何○以○邑○不○積○貯○抑○何○以
賑○恤○則○是○窮○於○法○也○已○又○安○所○得○常○平○義○倉○廣○惠○之○利○先○之○乎○初
元○常○平○利○民○耿○壽○昌○請○官○錢○平○糴○錢○不○出○於○庫○今○其○法○窮○開○皇○義
倉○利○民○長○孫○平○請○百○姓○里○人○計○戶○出○粟○粟○不○出○於○里○今○其○法○窮○慶
曆○廣○惠○利○民○韓○魏○公○請○諸○沒○官○之○田○承○佃○輸○租○倍○賑○租○不○出○於○官
田○今○其○法○又○窮○即○不○窮○而○官○貯○之○官○發○之○官○歛○之○其○害○止○於○不○便
民○貯○之○官○歛○之○官○又○費○之○其○害○近○於○不○仁○民○與○吏○胥○爭○利○不○勝○也
即○有○水○旱○蝗○螟○饑○疫○之○災○何○以○待○之○此○非○周○公○之○法○也○朱○子○誦○法
周○公○終○以○社○倉○為○便○乾○道○四○年○請○府○籍○常○平○米○六○百○石○夏○受○粟○於
倉○冬○收○加○息○凡○十○有○四○年○中○間○息○米○造○倉○籍○米○還○府○見○儲○米○三○千

一百餘石歲給鄉四十五里石止收耗三升不復加息陸象山知
制誥編入淳熙賑恤真西山帥長沙做為嘉定積貯彷彿周公遺
意助王以養其民者也安可以利害廢法哉害嘗伏於利之中安
石暗於防害故以周公之法籌國息利嘗倚於害之內朱子勇於
興利故以周公之法制國用此間我友不走遠縣倉為軍需矣
救粟乃活不利金生金為熙寧債本矣更來急於火也衣冠倉精
士人無催牌斗級老小多於雀也升禽家量三老無斛面白沙詔
損費詔之絕也出穀主戶家一石客戶家五斗游食不占青苗書
寬剩書聚歛也收息舊穀石一斗新穀石二斗因陳無息小饑息

續垂棘編二集卷一

苗

五經堂選定

其半中饑獨其息夫饑本待豐年建陽五夫本活法也富民有取
而無與貧民有取必有與奸民自取為盜八字救荒策也儻直一
石飲散在廟也更十年當造倉僱役一石收受須人也至三百當
加廉舉放阻於宿惡蚰蠅坐食矣宋以官長理償肩支出於里門
禽鳥飛食矣元以保人代納社倉約如此林駟有言民不必甚利
無害而已矣昔運使安鄉鄉五其六數三十穀六其五亦三十三
十年一變此周公之通也衛公經國始此近可法景德安內遠可
法開皇實邊將順至仁之心覆於天下安石與於不仁之甚者何
為遠巡利害難此社倉之法矣乎父母先而紳衿富室不敢後官

與豪右爭民無不勝也自此見其利不見其害雖無水旱蝗螟饑
疫之災亦有以待之矣鄉之人皆曰便
忽開忽闕隨收隨轉經濟文章運以神化手筆能不奪人目精
受業范鄧鼎識

豐年王荒年穀范一偉識

續垂棘編二集卷一

五

五經堂選定

王二彌存稿序

畢振姬

振姬始綴耕讀書丁丑經房心嚮往二彌先生先生家保德距長
平踔遠已卯先生授楚材升戎車之殿茅戟受鉞干戈上下車
四尺造父之繫矩也井蠅之駭輪也連城之風水官商也各資其
師也辛巳先生死保德振姬歸里飭耒終耕會二彌仲子宗本以
家乘問序振姬束帶而讀之高堅澤經術通達諳治忽善敗之世
務鈎棘艱難林檎僅拘串了之習熟一切蓋保德洪河大山靈鼓
黃蛇隱見魚龍奔注之勢千萬里間有新湮渥沫是非不謬于聖
人不失為孟韓歐陽之詩易春秋誰序此文者更數年宗本丞良
續垂棘編二集卷一

共

五經堂選定

鄉振姬儼居待放得展拜先生畫像宗本出平臺召對冊葉當是
時天子數見群臣引問天下利害因熟察其學術之淺深言官聶
需被詰責有司顛沛于封疆兵賦之不支失所以對詞臣進進而
預天下之至計講舍敷陳通聖賢之志必參驗以治忽善敗天子
和顏色而受之詞臣于進退存亡如此人謂漢儒進不能退宋儒
亡不能存以方明臣亦誤矣俗學選言古義有名當世之公卿大
夫軒輊倏快為文章騰踔踴躍得氣以去天子詢治忽善敗之端
蒙然開口取僅拘串了之習熟一切以對此無志之甚者漢宋人
羞為之豈能負主上登乎天先生之高堅通達進亦憂退亦憂其

於存亡之機立決死崇禎辛巳天也晉人多後先生死抑何幸不
幸之殊也乎先生死三十九年弟子教授王山長刊其文章以傳
志先生之志以其文招其人漢末荆襄隋末河汾宋末金華一代
之人才學術成為文章棄之用之不盡然則保德荒圯五十步第
子執經尋師安在非延陵之一劍也振姬仰止保德老當綴耕
業焉因為之序

此等文章抹檄僅拘串了之習熟一切受業范鄧鼎識

二彌先生諱邵字炳藜崇禎辛未進士出倪文忠元路之門選
庶吉與黃石齋文鐵菴輩友善以名節砥礪授檢討起居注時

續垂棘編二集卷一

七

五經堂選定

外則寇賊搶攘內則門戶奮爭先生獨立不懼前後拜疏數千
言長嘆慟哭召對平臺口疏為上眷注載在實錄黨起以疾歸
旋召司業不赴竟憂勞國事卒此先生之大畧也附記以作此
文箋註又識

續通志二集卷之二

范爾梅梅臣

范一偉个臣

受業

任重任莘叟

手錄

男范翼孝前

重修舜陵廟記

呂崇烈

舜陵者有虞氏大舜陵寢也山陵巍然碑石為方塚後有廟宮殿
差巖儼然一朝君臣垣內大栢五十餘章皆數十圍奚啻千歲物
但創立無碑記可考其重修止有嘉靖十六年路公天亨記又有
續通志二集卷之二

五經堂選定

萬曆二年胡公志發記傳聞原有古碑上台多索墨榻滋擾土人
秘藏失其處也無稽矣所可疑者有明一代祭帝王陵寢則舉事
於蒼梧此何說耶又或有明太祖崛起江南人遂執史記舜崩蒼
梧之說而從事焉迄于孫朝不敢變仍之而已遂致此地荒蕪為
村人報賽之祠宇耳幼讀孟子舜卒於鳴條弱冠時躬謁舜陵在
鳴條崗下恍然合於所讀者確乎不易矣及仕承乏館職見朝
廷遣學士白公清謙祭舜陵於蒼梧之境蓋因前代之典而行歟
為是余感滋甚爾時極欲疏辨然無詳可據姑不敢言歸里數載
博稽旁書始知孟子之言是而遵史記者非孟子曰舜卒於鳴條

鳴條今在我安邑境內文王卒於畢即註言近豈鎬即今廊縣地
有文王墓所謂東夷西夷者猶俗云東邊西邊也安邑二縣正東
西相對相去果有千里若蒼梧則與文當言南北矣且有數千里
之隔孟子大學正論取信千古其立言必不舛錯至是太史公去
古較遠且文人立言好奇火情實後人焉可不信經而信史况以
天子之尊而葬於極荒無人之境猶棄之也當日之子臣生中古
文明之世敢忍於鹵莽而舉此大禮乎後之學者據理而斷之可
也考之四書通典辨鳴條舜陵在安邑明矣現今安邑志可証然
猶曰上著一家之言也至學者張爾公自烈豫章產也註四書大

續通志二集卷之二

二

五經堂選定

全亦極辨舜陵在安邑李卓吾贊溫陵產也博物名流著書疑耀
辨古今大疑極言舜陵在安邑不在蒼梧信夫此地舜陵真且確
也然此朝廷大禮所關且當制作之始以不可因陋傳謬但不
在其位上書無由不無待於當路之君子雖然其斯以為舜者孝
弟而已惡在山川封域之異同也苟為孝弟之人入廟而拜舜焉
舜將福汝矣苟不為孝弟之人入廟而拜舜焉舜將禍汝矣即不
為孝弟之人入廟而懷然悟悟然改舜將轉汝之禍而為汝之福
矣何也凡神皆靈况大舜乎立廟之意原以報聖人德於既往即
以作孝子法於將來視諸頑冥不經之祀方之懸矣初時左近鄉

人謀重修廟貌余割俸金佐之又公言於地方主者以及巡方大
人而諸鄉人益肆力募化於四方義士達官凡得金錢若干庀工
鳩材始事於順治八年三月至十二月落成當時功德僧覺正三
屬余記余思帝陵關係至大於是原其始終大義而筆之石
辨前代之訛○有開典制原立廟之意○實係風化○以此募緣功德
無量且使沿門講經○逢人說福田者○昨舌○范彪西
或問鳴條即湯與桀戰地也○而竹書有南巡不返○禮記有二妃
不從之說○何與朱子曰孟子之言○必有所據○二書駁雜○恐難盡
信○蔡虛齋曰禮記出於諸儒之附會○漢汲冢始得古文竹書○誠

難盡信也○由是觀之○傳所謂舜葬蒼梧象為之耕○山海經所謂
蒼梧山帝舜葬於陽○丹朱葬於陰者○皆誕妄不足信○范梅臣

魯義姑姊詩序

薛瑄

魯義姑者○今魯之寧陽人也○春秋時齊兵入境○見一婦人抱一兒
携一兒以行○兵且及之○婦人乃棄其所抱○抱其所携○急趨山谷○齊
將異焉○追及而問其故○婦人對曰○棄其所抱者○子也○抱其所携者
姪也○妾迫於兵○懼子姪不能兩全○故寧抱姪棄子○將割私愛而全
公義也○齊將異其言○遂釋之○且使言其事於齊君○遂還師○魯得免
於兵○因訪求婦人○賜之帛○號曰義姑姊○其姓名則史失其傳矣○於
平義者○天理民彝之大端也○義姑一婦人耳○乃於兵戈危迫之際
能據天理之宜○寧割愛子之思○以全存侄之義○遂致義感敵人卒

安宗國○視世之人○背公義而溺私恩者○平時尚然○况顛沛流離之
際乎○然則義姑賢達於人矣○順天府尹王公惟善實為邑人○讀書
而好義○於義姑之事○雖在千百年之前○猶欲表白之以勵俗○乃求
士大夫之詩章○以發揮其潛德○詩凡若干首○皆得此興之體○諷詠
之間○足以感發人之善心○其於世教不為無補○因屬余序○遂書其
事於卷端云○

其事若存若亡○其文有典有則○范彪西

有理學者○必有文章○有文章者○不必有理學○讀文清公諸作○益
信○又評

許先生文集序

薛 恒

予少寒食時聞東魯許先生善古文○屢欲裹糧相從○弗果○長而遊
宦京師○始獲趨問○先生不鄙賤予○出示古文二十七卷○予讀之○竟
乃知先生之文○本乎浩然之氣也○夫浩然之氣○至大至剛○塞乎天
地之間○人得之○斯有○形○形○斯有○聲○聲○斯有○言○言○極其精而文○文○極
其精而古○氣○充之也○苟自餒焉○形聲雖具○有言不文○莫以古為且
文○所○古○者○非○取○其○辭○不○同○於○今○意○不○同○於○人○特○以○其○道○有○合○於○古○
人○爾○古○人○之○道○順○理○而○已○氣○充○則○辭○達○辭○達○則○理○順○理○順○則○道○與
古○人○不○相○背○是○以○三○代○而○下○司○馬○遷○充○是○氣○而○文○古○於○漢○韓○退○之

續垂棘編二集卷二

五

五經堂選定

柳宗元○充是氣而文古於唐○歐陽永叔○蘓子瞻○充是氣而文古於
宋○先生○充是氣而文古於今○文不同而歸於古○是皆天地浩然
之氣○貫古今而流通○故先生之古文○隨氣指氣○隨文肆義○無盡句
勢○無盡體○彼文學馬遷者○見之以為似漢○學韓柳者○見之以為似
唐○學歐蘓者○見之以為似宋○不知果漢乎○唐乎○抑宋乎○質之先生
先生亦不知其為漢為唐為宋○然則余知之矣○先生其不漢而漢
不唐而唐○不宋而宋○歟○何也○氣○相○似○也○氣○雖○相○似○而○非○氣○者○其○能
盡○相○似○乎○馬○遷○韓○柳○歐○蘓○在○當○時○皆○不○得○大○行○其○道○身○困○志○窮○發
為文辭○傳諸後世○先生十八舉進士○第○尋入翰林○為庶吉士○歷官

檢討編修修撰○老職館閣○身在朝廷○殆五十餘年○望重位隆○涵養

有素○文章見於功業○載在簡冊○足以傳於永久○又何其不相似耶○
此○非○氣○不○相○似○命○不○相○似○也○命○不○似○復○何○損○於○文○先生○聞○其○言○顧

謂予○女論文○乃言氣言命理○惡在予曰○氣之浩然○命之窮通○悉有
理○以○為○之○主○先生曰○女言不泥○可書以序吾文○遂書其言○先生名
彰○字道中○號養浩○世家魯之寧陽者○稱為東魯先生○故文集因其
稱而名之○

填寫者得此○不妨於實○觀空者得此○不妨於空○人何憚而不為
此○范彪西

續垂棘編二集卷二

六

五經堂選定

扶持韓柳諸家○是為學韓柳者引進之法○非過談韓柳也○又評

許先生詩集序

薛瑄

詩三百十一篇變而為騷些選體古風律詩其體之變極矣世之
作者雖代不乏人要皆有其實則形諸言者雖體之變不一而發
乎性情止乎禮義而變之中有不可變者存焉此所謂言之精者
為詩而心之實有邪正則言之美惡不可掩也東魯許先生道中
處心坦易好義樂善既有其實矣故其發而為詩也雖多近體而
和粹春容冲澹高古無峭刻駁雜穢麗淺俗之失所謂發乎情性
止乎禮義而變之中有不可變者先生之詩有焉先生自登科第
入翰林前後陞秩不離館閣者三十餘年負詩之重名於當時縉

續垂棘編一集卷二

七

五經堂選定

紳士大夫求之者日衆雖武臣貴家亦皆慕先生之名求其篇什
而諷誦之先生之詩傳播遠通一時名能詩者罕與儔焉去年冬
余承乏大理先生自翰林陞大理少卿又專太常今陞太常卿余
得與之同朝先生出示所集俾題其端余因論詩之變不一而有
不可變者禮義是已詩非發乎性情止乎禮義又烏足以言詩哉
先生之詩有得於是則不惟盛行於當時而傳諸後世也灼灼可
信矣

近日詩人滿天下願言持此作權衡范彪西

退思軒記

曹端

太守與其佐貳同受命造一方之福則思民為君之赤子官為民
之乳保民安則國安國安則君可以無憂焉蒲州太守延安劉公
九成別駕鳳翔侯公淑儀節判鳳陽李公時亨同心協九重之心
施惠一方澤生千里其于利之所當興與之所當革者無不熟思
而審處之其意若曰于持已也敬義有不立而暴怒有不戒與于
事神也正祀有不修而淫祀有不除與于理民也良善有不妥而
奸宄有不去與教化有不行而刑罰有不中與于行事也緩所當
急而急所當緩與輕所當重而重所當輕與于接人也親所當遠

續垂棘編二集卷二

八

五經堂選定

而遠所當親與于聽言也是所當非而非所當是與以至學教之
所以興尸口之所以增田野之所以闢盜賊之所以息詞訟之所
以簡賦役之所以均休老之所以養常平之所以設大凡承上接
下格神感人者靡所不思思之靡所不得得之靡所不行行之靡
所不為由是上官使相罔不稱賀閭里老稚罔不歌謠禮部員外
郎張公原範因題其軒曰退思且勉其始終惟一端忝正儒學而
辱諸公以心交待之竊嘗申張公之意于左右而期夫罔致君子
有不能成人之美之嘆焉
其理日月江河其訓布帛菽粟或嫌其以待滿記不知此與待
滿同原者也非原于待滿者也先生豈向元之拾牙慧哉范彪西

李御史傳

傳山

戊子石道人寓西河有李御史之子隆○勤懇見問其籍則原延之○
米脂人○道人為之咋舌曰米脂而姓李其亦何以解免於今天之○
下哉○隆故吃益踣踣曰隆隆是其所以乃求先生之言為先御史○
一酒之御史蓋名振聲壬午添差巡湖北者甲申聞入晉時實偽○
榜揭御史名同江夏相賀逢聖受偽官既一再聞清潤惠世揚汾○
陽劉昇祚之言乃知御史實死未嘗受偽官也○惠偽相歸而語鄉○
人曰閩數謂賊黨李御史死值萬金劉偽為政府歸傳其言曰御○
史既被執有偽官劉獲者說御史降御史不屈聞親御史為同宗○
續垂棘編二集卷二

九

五經堂選定

御史辨其族里○摺御史入南陽又且入關御史有手筆詒逃營某○
約以賊營情形聞賊微得遂令賊將谷永者手及御史且曰是皆○
劉獲者之言也○又三年而商丘陳生明盛之言來而御史之死大○
著其言頗與劉異同然御史確死陳生以諸生陷賊營以醫押賊○
是知御史死之日之地其言曰癸未正月承天陷關得御史即大○
兄御史御史不應關書貽御史伺役錦繡金銀服器御史置不報○
已復數會御史譙御史亦為醉醉輒厲詞及賊賊未即殺移舟送○
御史襄陽令右營劉體純者謹伺之賊亦頗知不可奪是後不復○
見御史七月會孫督師出關東討賊賊甚憚督師師傳御史有書○

通督師賊且殺御史○移御史裕州臺署一日賊要御史出城御史○
即上馬出城南門賊曰請下馬御史曰我國知之○下馬東北西北○
各九拜謝天子及其祖宗○遂遇害是在裕南門之西數武間有義○
者排馬牆掩之是為九月二十八日未之時也○隆聞之聞關往叩○
陳陳慨引隆至其所果得御史骨歸隆往時上郡李生成德實與○
偕親見之李介而能文不妄語者御史先知郿城云政亦有聲後○
行取特授湖北差侃侃言如欲有為夫人臣之事君莫大於死○
矣餘事不著著其死事○

石道人曰先是聞五省督臣楊公維岳被賊執求殺賊亦知重之○
續垂棘編二集卷二

十

五經堂選定

不即殺營幕之卒不食死○迺又得一李御史○死誠亦難矣○
陳生死賊中而其言不傳則亦取諸其惠劉之言即不確始末要○
非飾不死為死當惠劉受偽官時其心其口當不欲天下復有一○
不賊之人也矣而卒不能誣不賊者而賊之天也莫見乎隱莫顯○
乎微君子苟自盡焉小人亦安所施厥汚穢者邪于劉惠之傳御○
史之死益信天地鬼神終不容小人妄誣君子也○嗚呼劉無足論○
於惠重有難明惠顧當世小人所指為講學門戶人也蓋黨人自○
居賢者之派夫群小之於道學實無時無事不欲媒孽其短倖而○
有隙焉乘而攻之以快崔魏時道學門戶之徒受慘毒死者殆盡○

因受慘毒多死者而門戶之望益峻○小人欲一厠足焉不能意亦
備受慘毒獨不死○悠忽至甲申失身為閹○相何其能忍於彼而
不能忍諸此○迺又知道李御史之死○亦何無耻甚哉○夫固使小人
好媒孽之得而謫之曰○彼門戶顧如是○是且以一世揚○諸道學
矣○然惠辱道學非道學皆惠○以予所聞甲申之變○李公邦華死○倪
公元璐死○馬公世奇死○孟公兆祥父子死○金公鉉死○晉自曹公于
汴云亡○無真講學者矣○間有焉○或世揚者○流和故○無死者○獨有登
其堂者一人○為舉人○乘拱陽拱陽逃之山○病餓死○吾亦嘗攻諸門
戶學士大夫行事率多執拘○無長才不皆厭○吾意要之門戶人未

續垂棘編二集卷二

十二

五經堂選定

必皆賢○然賢者○采非門戶者○未必皆不賢○而顧名思義者○或寡焉
嗚呼○難言之難言之○蓋棺而後論定○華歆不足挽○祁原管寧一
世揚果足以○免諸道學先生者哉○學果可以不講者哉
於他人瑣小細微之言○述得極詳極備○確是傳信之法○可為傳
體第一法門○至評斷處○全是借題發意○讀者須會心於主客輕
重之外○
卒之死○不必道學門戶惠之不死○不必不道學門戶而甲申諸
公又何必不道學門戶死也○此等議論○終不磨滅○
公也○先生詩曰○破衲黃冠猶未死○曰○不死良無耻○至傳李韓文
又曰○著其死事○服其死也○嗟乎○先生豈真輕生者哉○
范孝前

巡撫蔡公傳

傳山

公名懋德○字維正○蕪之崑山人○即萬曆己未榜陳懋德也○既復姓
蔡○以壬午正月○巡撫山西○方先帝憂勞天下○凡撫臣陛見○皆召對
問○方畧召公對曰○臣至晉○當先令晉百姓有飯喫○先帝領之○公至
晉○不貪不擾○虛心好士○士沾沾負功名者○亦歸之○又堅求通民情
願聞已過八字于牌○出則揭之以行○益新建自期也○公名道學先
生○先是官浙○推官歷多省○監司莫不講經濟學○庶幾一用之有建
樹○晉有三立書院○祀晉先賢○實為舊講堂○江陵時廢○南樂魏公允
貞撫晉時○表章修葺之○造士士多得第○尋習為故事○曰書院提學

續垂棘編二集卷二

十二

五經堂選定

官較士於其中○於所謂三立者○不知其何如也○後幾四十餘年而
興化吳公姓撫晉○適宜春袁先生繼成提晉學○復共大表章之○造
士士亦以帖括向佳○先生多得第於所謂三立者○不知其何如也
公至晉○即擬集晉士講學會○秋變起東郡○公奉旨移鎮固關○一帶
防變○癸未四月○公始還太原○飭集晉士講堂○館餼如袁先生法○聘
武鄉魏知縣權中○絳州韓舉人霖○平陽府桑舉人拱陽○潞安貢生
申○
等講戰講守講火攻誠明道統講財用講防河各有其說
而山東人李木虎○講木虎李木虎者○云公舊從游○老矣喜談兵○大
畧云○以木版為虎城○凡若干節合之○如衛車中容百許人○機行之

可以攻城陷陣而人不能攻之陷之也有司聞之竊笑之遂號其
人為李木虎以是有司多迂公講學舉公及汲約月三集初集講
聖諭六句薦紳先生至鄉耆里老成在焉再集講經濟八國家大
政難務切時利害莫不諮辨之期實効而鄉耆不與三集則課諸
生制舉義蓋因有司既迂公諸生帖括外又多無所知故未及之
以寓志時聞賊已入秦秦警孔孟士沾沾要功名者益多陽浮慕
歸之如予所謂三立立功者且暮焉而已也秋九月聞賊報窺河
公移防河平陽十二月賊渡河公還太原飭守太原城至甲申二
月賊攻太原公既以巡按御史汪宗友劾奉旨革職聽勘新撫郭

續垂棘編二集卷二

十三

五經堂選定

景昌至固關聞破汾州退不敢進而關部李建泰遁入倩化又
還真定又退入保定公督晉城守亦頗殺賊有功賊日衆無援標
營小將張權者舊賊也開南門內賊公經死三立書院公中軍應
時盛請侍公死而死之別見或云存中先是公檄寧武周總兵遇
吉入太原為戰守計而太原人群噪之以為周以遣兵入城不可
測周至忻矣公檄止之乃還
傳山曰余晉人故特傳公撫晉事今世所行書多云公聞賊從保
德州渡河遂自平陽北還非也賊實無從保德渡河事賊既渡河
入蒲晉王恐實以書速公歸公亦以太原蒲封會城且第歸守之

圖後效其情也然既死矣復何責公之死蓋陳不占杜之善之流
也即此三立書院公可謂不負講堂哉余嘗公論公撫晉雖死實
無功公有大功在為江西提學時首議揭公重熙而萬公元吉曾
公亨應皆公得意士之數公者節義文章爭先日月公實先為朝
廷物色得之矣本朝人才命脉係提學官綦重如此
講學求材訪治守城死節功莫大乎是收虛却用無功一語此
等作法他人不惟不能且亦不解也讀至江西提學人才命脉
一段不禁雙手加額仰天叩頭為蔡先生作拔劍斫地之歌
彪而

續垂棘編二集卷二

十四

五經堂選定

公他先生嘗謂朱文公實廉吏而短於用兵古善用兵獨孔子
耳故曰我戰則克其傳李御史亦謂諸道學先生率無長才不
皆厭吾意再讀此文庶可想見先生之才之志
范梅臣

兩漢書人姓名韻叙

傳山

先大夫為古文好班氏漢書先居士乃獨好檀孟刻檀孟批點於家以教愚兄弟而乃復以先大夫手澤漢書授之塾山幼不知讀也後聽先子由兄誦量大夫言兵事如欲辦之乃一思尋量錯傳談兵事疏外仍不知好也尋又見漢東方生金門記歸而讀東方朔傳頗好之矣以是漸次卒業復讀之始不能釋見諸傳中附見諸人最有奇節高行愈益好之矣且同姓名如安國武侯王陵著矣而又有沛公至丹水襲侯陵降之王陵東陵侯召平著矣而又有為陳勝狗度陵與齊相者兩召平彈冠之貢禹著矣而前有續重棘編二集卷二

五經堂選定

五經堂選定

高祖時舉冬云貢禹新莽著矣而前有衛尉王莽長孺韓安國著矣而復有定襄太守韓安國紅休侯劉歆著矣而同時復有莽封祁烈伯奉頌頌後之劉歆之類不一二數因此而輯之編以洪武正韻名下長編一半句便參攷焉見眉請曰范氏東漢書較班史預速矣然中興大業不可廢也遂亦編之綴范詳於班書蓋班書終無釋手之時范書則取其記事而已編成示眉抄之曰何如眉曰是吾家讀書一法也然哉韻以正尊王制也壬午八月書蘭台二百三十九年間得此始有眼目范順陽自謂才用不盡不知肯抽芬華振金石於此乎此豈止為一家讀書者法而

均徭呈節

任佐

呈為重大災傷人民凋耗分豁代徵銀兩事切照敝縣地方先在嘉靖七年三時亢旱二麥薄收秋穀批瘦人民已不聊生至嘉靖八年春又旱二麥止收一半幸而秋田茂盛若可仰望不意飛蝗大食於前蠅子流毒於後一時苗稼俱成赤地晚蕎摧於嚴霜所獲不多憂費終是菜類難以濟飽夫一日再食終歲製衣人情也况晉絳土瘠民貧十室九空四鄰一色穀糠麥稊以為上等木葉重根聊且延時關門閉戶斷親戚之往來賣妻鬻兒絕骨肉之恩義餓殍盈途衆犬爭噬乞丐延息何人救濟兼之瘟疫流行傳染

續重棘編二集卷二

十五

五經堂選定

滋甚哭泣葬埋無日無之昔人所謂十里路埋千百塚一家人哭兩三般者敝縣有矣父母斯土者雖素有賑貸之恩然所得未能捕其所傷視昔盛時前後頃殊昔盛時戶口頗增編派門銀頗多崇當道者通融一省之丁力辦納一省之徭役每歲代納襄陵等縣京差等項徭役二千餘兩溥徧均平未敢有違今因災傷重大敝縣高知縣據實申請未蒙示下若不早為議處一時催徵難湊况今春秋祭祀應用等項銀兩尚且不足代納二千餘銀何人出辦恭惟都憲大人先生握重權而便宜行事采羣言而撫綏一方乞批委臨近衙門公正官員協同敝縣掌印官從實體勘如果

人民凋耗○丁力消乏○即與除節○令襄陵等縣○照舊辦納○夫綱常萬古○不變制度○隨時而更○固也○其承之國學○起復天官○路經薇垣之○下○心切鄉土之厄○輒忘僭妄○迺效芻蕘○松覺同胞之苦○不避出位之嫌○言出中懷○未敢欺詐○尚冀宵亮○不勝仰戴○昔人謂詩中有畫○畫中有詩○以此與流民圖觀○亦可謂圖中有文○文中有圖矣○地方上有此等鄉紳○真貴縣梁君立○所謂不負里鄰喜且賀者○范應西

興學六事疏節

仕憲

臣由歲貢伏蒙聖恩○授臣河南汝州○郊縣儒學訓導○當世道清明之會○居師表禮法之官○身沐洪恩○天高地厚○且臣父嘗為是官○臣得以續父之業○實為厚幸○但臣犬馬之年長矣○即入官之始○已迫告老之期○臣非不知終守山林○優游卒歲○臣實感陛下厚恩○作養有年○卒無涓埃萬一之報○分義美在○惜教職卑末○何足短長○然亦不可空食無補者○正以官無崇卑○職有攸存○使臣職不修○虛糜升斗○自規順頌多矣○然臣亦不敢越俎過譚○姑跡時事○有涉學官者○請披瀝言之○我太祖高皇帝○初設教職○府五員○州四員○縣三員○設

必如此之備者○使之各修職業○期於實用○藉如中縣之士○僅有百○人○分教者○分其半○則五十人矣○以一日之間○而授五十士之業○與乎不知○亦猶○東漢書○蘇武傳○送平之發經義課藝○業勵實行○權時宜有問則答○有疑則辯○有失則抹○而又射以觀德○字以驗心○歌咏以養性情○一日之間○能暇給乎○而今之士○則不然○有終歲不一至學○使師不遍識其弟子○即朝朝謂○廟供事有司○外一揖而退○視學官蓋不啻若贅員矣○究其因○在於號舍頽敝○士無肄業之所○祖宗時○士宿學宮○師生會饌○朝暮升講○而今不復聞矣○夫士習不端○由於教官曠職○教職不盡○由於成規漸弛○以致海內紛紛多事○捉衿露肘○不獲齊一○無皆知刑名錢穀○

遠○防○營○造○之○是○急○而○不○知○教○化○所○當○先○欲○先○教○化○當○自○學○宮○臣○竊
謂○號○舍○所○當○修○也○臣○又○照○祖○宗○朝○御○製○書○暨○頒○賜○經○書○天○下○儒○學
至○今○日○久○間○或○不○存○又○孔○廟○祭○器○亦○多○殘○缺○每○祭○有○減○其○原○數○者
有○假○他○器○而○代○之○者○有○終○不○喻○其○所○少○者○至○於○府○學○樂○器○十○據○四
五○每○奏○不○成○音○律○國○家○豈○真○審○於○財○而○顧○畜○此○耶○或○者○以○緩○不○及
事○也○經○書○散○逸○無○以○迪○士○祭○祀○苟○簡○何○以○格○神○臣○又○謂○各○學○之○書
與○祭○器○當○補○而○府○學○之○樂○器○當○修○也○臣○又○仰○祈○陛○下○於○大○明○會○典
中○暨○大○明○集○禮○中○摘○其○切○於○士○民○者○刊○刻○成○書○頒○布○天○下○仍○令○有
司○凡○遇○民○間○善○古○樂○一○二○音○者○復○其○身○而○淫○樂○有○禁○淫○詞○有○禁○艷

續重華編二集卷二

十六

五經堂選定

巧○奇○怪○之○物○皆○有○禁○然○亦○不○徒○在○於○禁○令○天○子○建○中○和○之○極○必○靜
有○存○動○有○養○諸○不○在○禮○樂○之○中○者○絕○之○使○勿○進○今○陛○下○加○惠○元○元
朝○野○肅○清○羣○工○效○力○但○間○闕○略○若○艱○食○而○禮○樂○正○以○息○民○凡○由○於
禮○樂○之○內○者○簡○約○出○於○禮○樂○之○外○者○奢○靡○奢○靡○則○日○不○足○簡○約○則
日○有○餘○可○見○禮○樂○貴○及○時○而○興○亦○救○時○之○具○正○陛○下○今○日○之○謂○哉
臣○又○照○我○太○祖○高○皇○帝○適○立○社○學○陳○養○童○蒙○邇○年○以○來○存○者○百○無
一○二○伏○乞○各○都○各○里○仍○立○社○學○擇○頗○通○文○藝○為○人○謹○厚○者○傳○之○亦
以○次○升○材○之○一○助○云○臣○又○照○士○居○四○民○之○首○朝○廷○教○化○賴○以○宣○明
請○禁○生○員○之○家○不○許○作○佛○事○有○作○佛○事○者○即○係○行○止○有○虧○教○官○知

而○不○舉○以○不○職○論○庶○士○心○正○則○衆○志○不○惑○大○道○明○而○群○邪○自○熄○矣
臣○又○照○國○家○養○賢○貴○得○實○用○語○曰○舜○有○天○下○選○於○衆○舉○臯○陶○不○仁
者○遠○矣○夫○舜○舉○臯○陶○僅○一○人○耳○而○不○仁○者○遠○是○所○舉○之○士○貴○精○不
貴○多○也○今○陛○下○所○撫○之○民○獨○無○適○種○之○德○如○臯○陶○者○乎○乞○諭○巡○按
御○史○巡○歷○一○年○已○滿○各○舉○所○知○一○人○於○朝○或○在○野○或○在○市○或○在○山
林○或○在○學○官○弟○子○無○問○其○類○惟○賢○是○求○做○我○太○祖○高○皇○帝○招○擢○諸
元○勲○之○意○如○本○境○無○人○得○以○越○境○相○舉○將○謂○御○史○徇○私○然○其○公○者
什○九○其○不○公○者○什○一○安○可○以○一○之○私○而○廢○九○之○公○將○謂○銓○選○人○才
未○免○壅○滯○然○一○歲○之○中○不○過○得○十○數○士○耳○於○別○項○中○少○加○伸○縮○安

續重華編二集卷二

十九

五經堂選定

有○刺○員○試○請○行○之○數○年○無○功○臣○其○受○妄○言○之○斥○且○山○林○隱○逸○我○在
令○甲○原○許○薦○舉○故○臣○言○儲○養○人○才○因○及○禮○樂○因○及○辟○舉○實○以○數○者
機○軸○本○相○關○涉○近○親○陛○下○屢○降○詔○旨○正○文○體○節○行○誼○崇○經○濟○以○求
實○用○而○學○校○之○中○卒○不○聞○有○仰○副○聖○心○之○萬○一○若○綠○諸○生○踴○躍○故
常○多○放○誕○而○不○修○教○官○苟○延○歲○月○率○因○循○而○不○振○故○臣○陳○數○事○皆
祖○宗○朝○之○所○已○行○者○伏○願○陛○下○仰○思○舊○典○俯○察○愚○衷○云
萬○曆○十○三○年○九○月○二○十○一○日○禮○科○給○事○中○鍾○羽○正○一○本○為○禁○人
言○以○回○天○變○事○奉○聖○旨○今○後○凡○有○事○堂○上○官○代○題○各○官○不○許○上
言○時○李○植○江○東○之○羊○可○立○今○袁○山○陵○不○妄○用○事○者○共○囑○羽○正○假

勦賊獨眼疏

仇文茲

竇陳全晉貼危情形仰祈聖明照察以終勦局以殄殘黎事慨自秦賊煽虐流入晉鄙始發難於河曲嗣播毒於平陽殘燬西山一帶蚕食汾水諸方州縣等數遭害不忍見聞致皇上眷焉西顧每厯宵旰之憂屢命嚴勦誠以寇一日未滅地方受一日之苦時刻難堪三年奚忍但一載以前賊猶倚山自固未敢遽入腹裏不過攻劫村堡未敢窺伺城池以官軍尚有對敵之名鄉兵尚有堵截之勢也自賊出狡謀以招安誘我當事者為其所愚屢招屢叛終不省悟且有殺一償二之禁自是官軍不言戰州縣不敢禦專以

續垂棘編二集卷二

廿一

五經堂選定

招安為事賊日驕橫無忌遂長驅深入指稱官軍莫敢誰何大肆焚殺以成旦古未有之慘于是本年七月間賊衆二十萬頓離巢穴掠平陽迤北穿潞安之腹復繞平陽之南轉劫千里執旗傳呼軍賊不辨所至屠戮擄掠老弱半死婦女一空烈燄燎天屍骸山積儲糧俱燬雞犬無遺除前歲連斃民命十餘萬外近計潞安府府縣殺死男婦若干口擄去若干口平陽府府縣殺死男婦若干口擄去若干口曲沃縣殺死生員常學孔等二十名鄉民吳永裕等六千五百四十五名口擄去男婦三千一十五名口職等父兄弟身受荼毒以及宗黨親友鮮有得免者哀此百萬生靈

續垂棘編二集卷二

廿二

五經堂選定

大施鴻澤將殘破地方天恩蠲賑如陝西山東例不惟地方餘黎仰荷再造將神京右臂安全體俱安關係非渺小也崇禎間流賊煽亂陽以就撫愚當事既撫焚掠如未撫時抑又甚焉蓋撫後賊曰我官軍也官軍焚掠誰敢抗者當壬申癸酉之際賊流喬山一帶殺人無算令帥鄉勇擒獲三十餘名磔之當事中以擅殺官軍之罪禍延紳士時先王父稱諸生就鞠抗辨於庭曰官軍而殺人耶是當辨其殺人與未殺人不當辨其官軍與賊也殺人而曰官軍夫人亦何樂乎官軍而賊又何憚而不招安以裨官軍而仍恣其賊而人又何苦而不由賊以至

官軍國家治亂之故可觀矣○當事意稍憮然○不釋終繞其巾先○
王父卒○擗臂不得意○終老田間○讀此○歎不覺淚下○員鳴璽識○
甲申之變○流賊折楊炮烙○惟鄉紳為甚○嗚呼○此中得無有昔日○
當事○首謀○釀禍者乎○首謀○釀禍○干天之怒○以致玉石俱焚○可恨○
哉○有勸撫之責者○讀此○尚其留心○范麗西○

刻藥言說○士大夫立身行已○顧可廢模範哉○依規矩為方圓○畢竟大段無錯○
倚才任性○或有暗合古法者○特僥入○僥出○極其造就○究亦祇成中○
品人物○法上得中法○中安底乎○我輩日用步趨得嚴師為繩尺○尚○
矣○不則得一二畏友相晨夕○若師遊友○朕毋寧仍向簡編求之○余○
性鈍○復善忘○嘗讀薛文清公語錄○先生自云○讀書至心有所開處○
隨即錄之○蓋以備不思而還塞也○橫渠張子曰○心中有所開○即便○
割記○不思則還塞之矣○先生蓋倣之云○予從此得讀書法○間有啓○
悟○即割記於壁○用備繹思○他日披覽古訓○凡諸割記○都不出前輩○
所已言○曰○嘆吾人不到著書立說○不知胸中之無藏○但落筆古人○
皆已道過○無如仍存古人面目○朝夕儼思○片言了義○如甘露沁心○
一語著痛○若冷水洗背○為嚴師為畏友○莫是切矣○聞參入一二臆○
見○亦曰緒相引○仍發端○古人非出自性靈也○癸卯秋○卸選期屆○顧○
瞻四壁○輒徘徊不忍置○曰○思一行作吏○此事便廢○欲常坐是屋○可○
易得耶○爰擇其關切身心者○不倫不次○彙成一帙○蓋予十年來種○
種病痛○實賴此為鍼砭○無可名之名之藥言云○明年春○携之北上○
逐霧奔塵○中間有晷暇○亦必展讀一過○如以藥力制慣症○防其潛○
發也○一日友勸之梓○余愧謝之○自惟拾人牙後○孰非有耳有目所○

習聞習見也者對武林人誇西湖山水適足令其捧腹耳躬無實
踐而謬勸人為是要譽也醫不自醫如他日羞何丁未四月復携
之尹消五載來為國為方敬稟此為規矩良未敢廢模範而自用
也頃以勸民興行既行孝弟忠信禮義無恥之說刊鐸書為邑人
士倡第恐身先作慝表不正而責影之直其誰與我繼刊是編徧
授之尚予言行相連心口背馳也者許邑人士持編面詰以糾其
所不逮為予嚴師畏友又孰切於是乎若曰梓是編為邑之賢士
大夫勸則又未多如疇昔所云對武林人誇西湖山水者度非區
區所敢出矣

續垂棘編二集卷二

廿五

五經堂選定

靈丹仙方救人膏育口誦心惟便覺霍然文氣亦復周詳慎密
可醫粗率之病范彪西
服之無數却病延年范介臣

舉行鄉約文

王之旦

鄉約之設歷代良法本朝典則所以勸導百姓遷善改惡移風
易俗之善規也凡牧民者若不能力行鄉約使一邑之中息訟解
爭弭盜靖奸化暴安良講信修睦終非報國澤民本領終是竊
位素餐陋習本縣家食時每究心於此魯倡率鄉黨糾眾講解即
見成效所謂親於鄉而知王道之易易也茲叨牧績邑若不實力
舉行生平所學謂何毋論有負爾民抑且自慚衾影何則上天生
人个个全天理个个具良心此理此心東西海至南北海个个相
同前百世至後百世个个相同大聖大賢與愚夫愚婦个个相同
續垂棘編二集卷二 廿六 五經堂選定
故人人可為善人可為君子可為聖人以此理此心無不同也但
為習俗陷溺天理不存良心不發若以講解勸導日漸月摩本
性中物依舊還來語云習聞正言習見正事習學正人久之自
亦正所謂蓬生麻中不扶自直也習聞不正之言習見不正之事
習學不正之人久之自已亦不正所謂白沙入泥不染自黑也故
講解勸導最為第一急務今與爾百姓約大家奮發力行此事父
與子言孝兄與弟言弟尊長與卑幼言恭讓共相勸勉公相警戒
各安生理禁止非為則訟自息爭自解錢自省糧自完盜自弭奸
自靖信自講睦自修禮義自成仁讓自興人心自正風俗自厚刑

焉得不簡政焉得不清為仁里為德鄉以副本縣民胞物與善與人同之意以成聖天子萬物各得其所之政也不枉天地生爾等一場不枉父母養爾等一番況天理良心人人具足不待外求人易行不是難事只須講說明白自然至性剖露今將講約規條詳示開列爾百姓其奉行毋忽

平平蕩蕩王道之文舉而措之天下太平范彪西
格不必練詞不必琢信筆而成可想作者心胸又評

改官練兵疏

張慎言

臣恭遇皇上俯允副將楊德政疏各於府州縣改官練兵此誠建威銷萌安民戢暴之策但創制之初當觀究竟大綱之內尤有科條若不斟酌審定蚤絕其紛紜滯礙之端此亦天下之大利大害之關也臣謹畧陳管見敢該部從長斟酌須上有益於國下無害於民庶可經遠不負銷萌戢亂之初意臣先以一縣論先止以兵一百名論每兵一名日給銀伍分一年當得一十八兩弓箭腰刀胖衣快鞋復歲得三兩是一兵非二十一兩不可每百名領銀二千一百兩矣過則倍之逸過則逸倍之况復有火藥神器操賞旗

幟等費又約得銀多寡有差止以五百名計已費萬金有奇此項錢糧不知議之丁徭乎地畝乎抑富民士紳也兵荒之後丁徭地畝既當酌議士紳復有貧富多寡有無不等甚至一邑之中並無一榜借令有之以何定其多寡之額恐征歛不敷勢不可支此錢糧之當酌議也郡縣兵數定多寡逸增少則無濟於成敗之數多則錢糧當漸增於萬一之外且此兵未知議於戶口抽丁乎抑招募也若抽戶口恐窮鄉下里不識此舉原以安民戢亂復懸慮有征調之役百計規免不則游手應募無事糜餉有事恐其掉臂此招募之當議也此征派錢糧抽募兵丁中間綱目殊多果盡委

之把總以上○抑兼之以郡縣正官也○兼則有一柄兩操之患○若盡
委之把總等官○則糧餉里甲○皆郡縣守令之事○恐彼此齟齬事理
難行○把總等官○徑行派抽○亦恐士民未肯帖然○此事權之當議也○
且州縣已如此矣○至府中守備○其所抽募者○仍是縣中之里甲○所
征派者○仍是縣中之士民○里甲士民○既已應本州本縣之抽募○征
派○復能再應府守備之抽派乎○此郡與縣之當議也○且守備等官○
官新而事剝任大○而責重驟膺此任○非諳練老成者○此不知果用
武科○抑選之各衛所世職也○更練兵之役○錢糧至數千金○人至數
百名以上○非小役也○中間紀律訓練之方○若才不足以濟立致債

尤

五經堂選定

續垂棘編二集卷二
事此選用○考核之當議也○臣聞吏部覆疏○意將盡改天下之府判
州判主簿等官○臣再四思之○未必縣天下之府州縣○皆改官練兵
也○且如真定府○已有巡撫保定○已有鎮臣昌平○已有鎮道等官○則
此三處者○或盡改之○抑不必再添於鎮道巡撫之外也○推之省直
皆以此類○且詳之又○如府已改府判為守備矣○附郭縣似不必再
改也○此府州縣有宜改○不盡改之○當議也○且沿邊有要害緩急不
等邊徼且然○况腹裏乎○當確議各省直郡縣○有必可改者○有必不
盡改者○三輔重地○易見也○如閩廣吳越滇黔之地○水鄉澤國○及僻
遠險絕之郡縣○為寇兵從來所未至者○果盡改練乎○抑不必一例

也○又郡縣有大小○肥瘠之異○物力亦且不等○百名數百名之額○亦
未可以槩定○此郡縣未必盡改○兵數未可槩同之○當議也○且有事
之時○盜賊猖獗○此改練之役○尚存見火○若已無事矣○郡縣之中○聚
此數百帶劔挾弩之衆○無田可耕○無俸可饒○散則不可聚○則安可
使之無事而食○如近者客兵鎮督○尚不能禁其謀劫○况守備以下
乎○且訓練之初○此官此兵○亦當明告以無事養爾輩○為何有事借
爾輩之用○敵愾禦侮○待征發之期○安家行糧○各有措處○庶有勇知
方○臨期得用○若不明白申說○倉卒征調○必致譟譁○否則逃潰○此久
與暫之當議也○以上諸疑○皆改官練兵中綱紀節目之繁○必該部

手

五經堂選定

確有成議○畫一可行○使受此責任者○遵定制而奉行之○庶不致紛
紜滯礙○久之將事習而民安矣○
正統時○有于忠肅之奏○撫嘉靖時○有楊忠襄之挑選○得此可與
鼎立○
范應西
綱紀節目之繁○亦既籌無遺策矣○而猶求該部確議○任事以實
心○議事以虛心○此文有焉○向讀泊水齋詩集六卷○知金銘先
生風雅宗匠也○及見此疏○益信古人枕席上過師○言不誣矣○李
長吉曰○男兒何不帶吳鉤○若箇書生萬戶侯○恐非知言○又評

范爾梅梅臣

晉妻山范部飛西選定

受業

范一偉个臣

手錄

任重任莘叟

存國本疏

張度

奏為宮禁極疎幾推國本封章未力莫攀宸聰懇祈聖明速諭法
司細勘願末以靖群奸以安宗社事臣於本月上旬間晨興赴部
忽接邸報見有逆犯張差一事狠笑大內但擊肯官不覺魂飛髮
續重刊二集卷三

五經堂選定

指已復幸為天地祖宗呵護無虞竊憶皇上罹此克禎不知何如
警省何如震怒衛卒門寺何如誅殛脅從渠魁何如勒訊主使的
繫有人情景業已大露更非昔日匿名妖書可比迨一經提問若
巡視若法司若臺省若部察續有諸疏無難批發迄今悠悠淡旬
漫無影響乃在廷大小臣工躊躇隱忍亦不復批鱗請劍稱後勤
者君側藏奸上下蒙眛昏默默然景默然臣願正言而無諱可
乎夫皇上與東宮恩出天性器主承祧自不以外臣有言如親無
言加疎者是以東宮三十餘齡英資日壯誕育神孫仁孝著聞允
稱克類非我皇上密加保愛當不及此周幽晉獻斷斷無之然猶

有未盡善者則以精神偏注召見絕稀儀數半虛情文未孚致令
朝野生猜訛傳時有歷來莫非皇子之對三王並封之謠其有其

無惟皇上與當事諸臣知之無庸遠述即如冊封費幾多力選婦
費幾多力通時出講泊喪葬等項費幾多力雖間強從不勝中寢
者之強半也彼宦寺者流安得不妄生揣度假竊意旨陰蓄不逞
以微幸於萬一哉至於福藩後縱諸王偃蹇同一病源可為痛哭
傳云婦怨無極女德無終臣昧死上言惟皇上蚤計之若夫內閣
九卿諸臣年則黃髮台背閱歷已精官則八座三台寵祿已極榮
脩生前蔭及後嗣國家不薄於大臣矣無奈壯懷浩氣漸爾消磨
續重刊二集卷三

五經堂選定

悔吝吉凶擇而審處觸目時事委之罔聞如云露章不可胡不密
陳單請不可胡不公憤而詢不逮胡不伏閣論塗人耳目今日
開門明朝宣諭止咎天聽彌高而臣力已竭可與楚俘代封誰實
階厲端揆長往僅收招延四皓之功鼎食悠將不聞調和兩宮之
策先臣憂原不可尚矣近如王家并者幾何人哉若夫科道言路
諸臣薇省風清柏臺霜凜乘輿可指城社何嫌凡於國家大疑大
微大根本大利害靡不與九卿同肩期以去就生歟諱者孰如今
日極溺救焚須臾莫符居嘗泛云去就似原無關去就者茲誠有
人焉掛冠以爭是真不惜去就矣泛云處生似原無關死生者茲

誠○有○人○焉○伏○斧○鑕○以○爭○是○真○不○惜○死○生○矣○王公諸人至今生真向榮學在朝最聞詔○以○對○不○得○不○爾○若○王○之○案○之○推○見○隱○情○陸○大○受○之○畢○仲○前○議○實○繫○部○案○此○外○翹○然○鳴○鳳○者○惟○有○王公諸人至今生真向榮學在朝最聞詩○教○之○規○諷○何○士○晉○之○婉○曲○臣○在○散○曹○未○睹○全○報○其○他○日○事○附○聞○深○衷○納○牘○諒○亦○不○再○教○人○而○止○耳○先○臣○鍾○同○不○可○尚○矣○近○如○王○德○完○者○幾○何○人○哉○臣○草○野○微○生○叨○沾○一○命○王公諸人至今生真向榮學在朝最聞尺○未○睹○天○顏○豈○不○却○愿○小○積○債○轉○狂○愚○取○戾○惟○是○靜○聽○長○安○竟○未○見○有○王公諸人至今生真向榮學在朝最聞潛○易○默○導○回○天○浴○日○干○指○顧○間○者○且○恐○非○久○如○部○泰○馬○三○男○李○外○父○並○奸○閹○等○輩○載○生○他○變○或○致○遠○逸○根○株○不○明○面○目○金○易○天○下○事○尚○恐○言○哉○臣○世○受○國○恩○視○難○秦○越○傍○觀○強○聒○其○罪○

續垂棘編二集卷三

三

五經堂選定

不辭臣不勝激切屏營之至

為言官者不可不讀不為言官者更不可不讀率土之濱莫非

王臣彼君子兮不素餐兮范彪而

或曰甚哉先生之難也余謂踐土食毛者皆不得不如此况部

屬乎范孝前

平反大獄疏

石鳳臺

臣聞獄者天下之大命也○死者不可復生○刑者不可復贖○高皇帝○臣聞獄者天下之大命也曰○刑罰禁民為非○使遠罪非以陷民○刑官議法○乃密○非朕所望也○文皇帝曰○朕於一物不忍傷害○而况於人○萬一冤濫○不畏國法○獨不取陰譴乎○即重囚亦當矜恤○無令死於饑寒○肅皇帝曰○刑罪國家重事○感石天變○尤切歷觀我朝○是聖祖神宗○以天地之心為心○列聖續承○以祖宗之法為法○總之平恕○明允○而行之○以欽恤○今則有不然者○承平日久○人習玩器○中外諸臣○貪婪欺隱○轉相効尤○誤國害民○無所底止○即民間姦盜人命○所在見告○皇上赫然震怒○以

續垂棘編二集卷三

四

五經堂選定

為非大加懲創○則丕變無時○故法行自近○緝訪時嚴○大臣與小臣

並治○首告與私詰同收○此皇上提醒世道之機權也○然臣二月初

七日○受事提牢○照視獄囚○官犯內犯盜犯雜犯○凡千人有餘○晝夜

巡緝○見有仰天號慟者○有俯首歎歎者○有鬼形鵠面者○有跛足瞽

目者○有瘡痍待斃者○有杖瘡呻吟者○封樞之時○散飯之後○每次點

名稱冤屬○半獄情之不平○槩可見矣○且官犯累累○三尚書二總督

二巡撫○八臺省數十中官○京外吏如櫛如林○雖自已作罪自

已受○然貫城塞滿○容足無地○夢魂涕泣○日望金書○視古刑措之世

下車之泣○皇上當惻然動念○矣憶古聖帝明王○養臣子之庶恥惜

百工之名節故貪污者不曰不廉而曰簞簞不飾淫穢者不曰不
謹而曰帷簿不修且刑不上大夫五刑之中每存一議牢獄之中
仍復拔才即令罪不可原法不容赦亦須確審細究立成鐵案求
其生而不得然後以死付之所謂讞者與死者兩無憾也今諸臣
以積穢之身觸皇上如霆之怒赫赫懷懷刑官胆落每見輕擬輒
駁重擬輒可故隱忍昧心曲加鍛鍊非刑官之樂於死人也全人
之性命則將自喪其性命矣往日死狗之病入於膏肓今日深刻
之禍慘於刀僧廠衛參送者刑部無平反之事刑部案結者大理
無平駁之時皇上誠思此拘繫桎梏者豈盡情真罪當無冤無抑
乎臣以為律者萬世之經也例者一時之典也不用律而用例已
違祖宗憲典而引例者復割裂牽扯何以服罪人之心乎臣祈皇
上體天地好生之心遵祖宗裁定之律一獄情可矜可疑者發
賜赦除即情真罪確三人難追而議獄緩死破格垂憐萬物萌芽
之時品物繁夥之候斷不宜常加處決也抑臣更有請焉犯人罪
之極重者至斬絞極矣斬首絞項一刀一縲苦在片刻近者小臣
月觸天威動則賜杖臣見其皮開肉綻骨折魂飛長轉悲號求生
不能求死不得呼天呼母見鬼見神或三五日或十數日方絕性
命是杖之罪視斬絞猶為烈也伏祈皇上雷霆之中仍存雨露即

有賜杖戒諭衛士止以示辱勿至斃命將臣子曲全性命者感恩
世世矣挽回天變獄情第一云
顏光祿曰事情得而後可論是非究輕重生無痛苦死無疵痛
其為陰德孰大於是讀此疏作如是觀范處西
句句真字字真愷悌慈祥之意溢于毫端非徒于天威震怒時
效折檻也范孝前

陰陽錄序

馬諫

先君喜讀書工筆札○彬彬然以文學顯矣○乃先大父雅不欲以博
士業困先君○遂命徒業以鹽筴起淮揚○淮揚多賈○故衣奇服為
純綺遊備曼便娟二八迭進○先君獨披服若儒生○樂善好施不近
聲伎操算外○即手一編尤為好我聖祖所頒為善陰陽得之坊間
舊本稍異全書斷章題味不載字畫湯沸不便觀覽先君特手錄
之○自孫叔教而下若干人○悉能記其行事津津語人○嘗謂天地好
生○人得天地好生之心○以為心則滿腔不忍○純是生機無間聖凡
矣○惟仁人君子常存此心○方能埋蛇救雀渡蟻放鶴方能跟安還

續垂棘編二集卷三

七

五經堂選定

帶娶替娶啞方能施四十萬錢捐五百斛麥助喪方能傾二萬緡
家償三百千債贖命他如今食嫁婢○發粟賑饑抱續申孝婦之
棄官免寺吏之死○此其人皆心同天地道合聖賢標懿美於當年
流聲華於後世為我聖祖所必錄也○倘此心不存即家庭骨肉間
不免鉤欄德色之態○尺布斗粟之謠而况肖翹之物行路之人乎
諸賈聞之盡變其初習無不人人效先君好施者○然先君卒以好
施故無餘財易簪時僅以書一帙屬不肖諫曰○此我所錄諸陰德
行事也○以此遺汝○視金帛賸矣○汝其佩服以竊此於此哉○不肖諫
捧帙長痛肺腑識之○迄今通籍十有五年矣○獲于謂士自一命而

續垂棘編二集卷三

八

五經堂選定

上苟存心於利物於人必有所濟則諫之宰邑樞關儘可布德施
惠而天質不美奉職無狀竟不能舉所嘗識者景竹片善希踪一
人以仰承先君德意伏自循省無地容身九原有知何所逃罪斯
日夜所為凜凜也○因檢所授原帙續以新聞敬登之梓庶幾傳之
通邑大都必有觸其不忍之心施恩民物如前所稱孫叔教輩者
當不乏人則諫雖不能奉行先君慈訓而藉是刻以電先君勸善
素心猶之乎淮揚邸中記其行事津津語人者也○
一部陰陽錄○包含殆盡是作序正式載考先生權政紀拙一書
可謂不負君不負親其於陰陽殆以身為錄矣○
存幾希橫惻隱此文之力也○近日章句家琢詞修字自以為新
異自以為古與一見此文必曰腐○
范孝前

論韓信

王維古

信○為○漢○之○傑○出○殺○身○不○免○有○謂○高○帝○之○待○功○臣○也○薄○薄○故○用○之○有○
事○之○日○殺○之○無○事○之○秋○漢○真○少○思○此○一○說○也○有○謂○信○不○善○若○功○未○
遇○無○守○貧○之○操○既○貴○無○勞○謙○之○德○因○盈○取○禍○此○一○說○也○有○謂○蒯○通○
教○以○背○君○信○也○果○忠○當○嚴○拒○深○絕○乃○先○為○正○言○以○謝○後○乃○以○遇○之○
厚○僅○猶○豫○不○忍○背○跡○其○心○可○此○可○彼○豈○待○陳○兵○出○入○通○謀○告○變○而○
後○動○在○上○者○之○疑○哉○信○若○不○死○未○必○終○能○事○漢○則○信○之○殺○通○殺○之○
也○又○一○說○也○有○謂○鄧○侯○深○知○信○之○為○人○可○與○任○大○央○勝○未○可○使○之○
父○握○兵○權○故○其○始○求○之○也○甚○切○而○其○後○謀○之○也○甚○速○給○其○賀○而○加○

續垂棘編二集卷三

九

五經堂選定

以○殺○何○之○謀○也○則○信○之○殺○何○殺○之○也○又○一○說○也○愚○獨○謂○不○然○信○之○
殺○項○王○殺○之○也○何○言○乎○項○王○殺○之○也○信○固○嘗○仗○劍○從○楚○矣○從○乎○楚○
則○所○食○者○楚○之○祿○所○膺○者○楚○之○爵○在○項○王○可○以○高○下○其○職○在○信○斷○
不○可○以○有○無○其○忠○誠○使○致○身○効○力○朝○夕○無○懈○安○知○項○王○不○先○漢○高○
而○築○大○將○之○臺○即○曰○項○王○未○深○知○信○言○有○不○從○亦○一○時○之○誤○耳○相○
從○者○父○又○安○知○增○昧○等○不○交○相○薦○拔○如○鄧○侯○者○而○信○顧○怒○焉○舍○楚○
去○之○可○也○士○君○子○不○見○任○於○人○有○從○巢○許○遊○耳○豈○區○區○以○功○名○
累○耶○未○幾○而○復○用○於○漢○為○之○解○者○謂○擇○主○而○事○智○者○嘗○為○之○信○何○
為○獨○不○然○抑○思○大○將○之○任○重○任○也○為○漢○謀○楚○即○惟○恐○楚○之○不○亡○而○

羽○之○不○死○嗚○呼○今○日○之○仇○昔○日○之○主○也○今○日○執○漢○符○之○將○昔○日○從○
楚○遊○之○臣○也○烏○江○自○願○信○實○致○之○於○漢○為○盡○謀○於○楚○則○弑○主○臣○而○
可○以○弑○主○乎○哉○臣○而○弑○主○猶○能○倖○存○苟○活○於○天○壤○之○間○也○哉○夫○以○
信○視○故○主○尚○弑○之○而○其○心○則○以○漢○視○信○即○戮○之○而○何○惜○信○一○日○不○
死○恐○羽○之○目○一○日○不○瞑○未○央○之○殺○其○軀○天○地○啓○之○鬼○神○助○之○而○實○
項○王○之○英○靈○與○氣○有○以○憑○之○也○故○曰○項○王○殺○之○也○然○則○信○將○存○楚○
乎○於○事○漢○之○義○何○居○曰○有○道○在○仗○漢○之○命○擊○齊○拔○趙○可○也○禽○魏○取○
代○可○也○至○於○楚○則○當○以○君○臣○大○義○請○於○漢○帝○或○以○布○越○代○將○而○刃○
不○自○已○持○謀○不○自○已○出○楚○雖○滅○庶○可○以○免○信○耳○乃○必○使○滅○楚○之○功○

續垂棘編二集卷三

十

五經堂選定

親○出○其○手○禍○之○及○也○宜○哉○吾○竊○謂○漢○之○殺○信○當○與○殺○丁○公○同○論○
元○遣○山○曰○撼○樹○蚍○蜉○自○覺○狂○書○生○技○癢○愛○論○量○如○此○論○量○是○為○
漆○身○吞○炭○一○種○人○說○法○全○無○書○生○之○氣○范○彪○西○
官○不○過○郎○中○亦○是○一○官○位○不○過○執○戟○亦○是○一○位○豈○曰○戲○下○無○所○
知○名○遂○絕○君○臣○之○義○乎○回○憶○武○涉○與○足○下○有○舊○故○數○語○信○雖○佩○
上○將○軍○印○未○免○為○永○食○所○累○恐○溫○飽○者○以○為○口○實○又○許○
信○于○漢○不○為○無○功○茲○文○畧○其○功○而○詳○其○罪○毋○乃○刻○平○曰○否○所○以○
然○者○杜○叛○逆○之○原○為○後○世○事○君○而○有○二○心○者○之○明○戒○也○范○孝○前○

止生員捐納疏

田六善

題為生員新難捐納請嚴定處分學臣之法以存文教以全聖
治事臣聞總河王有捐納生員一疏事繁密題其詳臣不得知然
度必因兵餉起見燕之憤世嫉俗之心而故為此說也雖然此說
一行單寒之子將投筆羅講詩書當高閣束矣我皇上紹述帝
王之道表章聖賢之學方將度越百王垂訓萬代此事自有
酌臣何敢置喙臣思兵餉之急目用兵起也用兵之道欲定已亂
之民安待治之民也事之利少而害多者諸臣不宜立論事之利
絕而害最大者諸臣更宜深籌臣謂此事斷斷不可行者有五危

續垂棘編二集卷三

士

五經堂選定

微精一之旨發自唐虞道德仁義之說傳自孔孟其間聖君賢臣
之出治賢人君子之立身莫不於經書是賴今捐納則所謂經書
者盡無用矣以我朝彬彬郁郁之盛一旦欲追洪荒草昧之風
不可者一○天下之讀書者衆矣惟魯朴實之人始安於農商聰明
才智之子盡歸於讀誦其幸而顯達或借詩書之意以通於用其
不幸而困頓率得迂腐之致以老其身故取士一法古今求賢之
道亦安天下之具也今捐納則所謂詩書者皆無望矣將使聰明
才智之士盡為愁苦嘆泣之人揆諸情勢可念可矜不可者二禮
義肅恥國之四維今學臣率多不肖生員或有以邪徑進者人之

視已○皆曰此以賄賂也○已之欺人猶曰我之文章也○推其欲蓋之
心○仍是羞惡之心○今捐納則公然無恥矣○人之不畏恥也○當立法
以教之○人之猶畏恥也○奈何開例以驅之○不可者三○且捐納則其
利必少○納監者從來所有之例○納生員者自古未有之條○且前費
官之士○皆是詩書之人○忽以二百兩者○廁其中○則人皆不與之齒
矣○有力之家○必惜體統○如此進步○何足為榮○臣謂雖懸捐納之例
必無應納之人○無益兵需○徒傷國體○不可者四○且捐納則其害
必多○不定額數○則督者亟亟必加諸百姓○奉法之州縣○愈思派懦
以應令者○有之不肖之州縣○免此報彼○以射利者○有之○強天下以

續垂棘編二集卷三

士

五經堂選定

不堪之事○開天下以不靜之端○不可者五○嗟乎此皆學臣之罪也
學臣不公不法○惟利是圖○今日極其至矣○在外督撫不肯指參在
內科道聞風無據○臣謂事極必變○其變之而善也○在嚴處學臣之
法而已○其變之而不善○則孔孟一脈○不至於斷絕不止○而今河臣
果有此說也○伏祈我皇上嚴定處分學臣不公不法○並嚴督撫
徇隱之罪○令其洗滌肚腸○振興文教○將河臣捐納之請○乾斷不
行○法道幸甚○天下幸甚○河臣雖繫密疏○其大指人人盡知○臣以事
關重大○不敢不言○並祈 睿鑒施行○奉 旨九卿科道會同覆戶
部所覆王光裕本一並議奏

在一時則一時欣傳在後世則後世敬服經濟文章合而為一
立德立功立言始于燕之矣○范彪西
草野有心臺省有口主聖臣直嘉謀嘉猷又評
此為康熙十五年二月初十日疏時其卧床多日一讀此文霍
然病已○范孝前

糾臬司疏

田六善

為臬司識獄疑竇甚多謹據冊駁參以重人命事○臣竊惟臬司一
官全省刑名繫之爰書一定之間即罪人死生之路居此官者不
知宜如何明慎如何虛公而後可以仰副我皇上委任至意乃
湖廣按察司陳其○其人則有不然者如生員蔣昇失事一案被害
甚慘失物甚多查冊內開載除劫銀三百兩外其餘金銀首飾及
衣服器皿累繫也及拿獲張見楚等一十五人除監斃四人外十
一人據供定招盡繫臬斬並未起獲一絲一物已屬可疑且查招
內蔣昇係順治十五年四月初五日失事黨楚南供伊於十五年

續垂棘編二集卷三

十三

五經堂選定

文有宜詳者此類是也

四月初一日糧道提督漢陽縣收監及審同事胡騰霄解役楊奉
之係歇李榮甫等供糧道行提先係楚南姪子黨守國頂解後糧
道要正身黨楚南原係四月初一日投見收監有迴批監簿可查
據此則蔣昇失事之日黨楚南不顯然在漢陽監禁乎劉八供順
治十五年四月初二日因李天開告了在府點到因以人犯差李
玉押伊要人初六日聽審及審歇保嚴祥供順治十五年三月二
十八日李玉押劉八向伊尋保四月初二日點到知府又差李玉
押伊叫人六月結案據此則蔣昇失事之日劉八不顯然在府差
押乎金荒兒供順治十五年四月初五日在荊州上豆及審道差

王新宇供三月二十八日船上見過荒兒又審劉信之供見金荒
兒在船上三月二十八日上豆知縣李彥廷斬之曰荊州去安陸
五日二十八至期五日有八日此中有無固未可知獨不查招內
李二供四月內有金荒兒引我過河又耿七供相約係三月二十
三日過河係四月初三日臣查順治十五年三月係小建二十八
卑初三終四日耳計相約之日與過河之日金荒兒不又顯然在
荊州上豆未回乎且金潤兒金殿金公黨楚南劉八俱係赴府投
到之人未待拘拿李二金三金潤兒俱係以經審釋之人未肯逃
遁金潤兒又供有與捕役唐伯林徐輝等有警等語徑不細訊緣
續垂棘編二集卷三 十三 五經堂選定

由耿七又供有臨審時還認不得那一個是黨楚南等語徑不詳
推情實節未安在在可疑此一案也賍物既無足憑即任意鋪
張難成確案口供又多可異雖忍心鍛鍊莫掩疑端呈詳者曰嚴
刑則招釋刑則辯未敢定擬夫嚴刑則招者見問官刑逼之狀匪
罪人輸情之供會審者曰獄貴初情前供已明變口難信夫獄貴
初情者似具招依樣之辭豈覆審虛心之論獄已具矣臣何敢謂
此數人者果是良民証口昭然臣亦何敢謂此數人者即是真盜
除具稟呈堂會駁外臣恐承問各官欲飾已非盡報獄變故執成
見依舊含糊職掌所在緘默非宜理合駁參伏祈 皇上勅下該

撫查照招內情節親行確審如究無實據將陳等從重處分庶
此後問刑衙門不敢止圖結案草菅人命矣奉 旨該部議奏
迪吉錄曰官府簿書如麻不情阻隔或乘其聰明或乘其火氣
或乘其忙錯種種皆能枉人讀此文猶不動心所謂與禽獸無
擇者以此 范梈

續垂棘編二集卷三

十三

五經堂選定

清倉糧疏

田六善

為倉糧積弊難清敬陳善後之策以重國儲事臣前見京倉開
報缺少米石一疏其既經勘明者皇上已有旨處分其見在
支放者皇上已有旨申諭臣無容置喙于其間矣臣思京通
二倉之弊頭緒紛紜牢不可破及至敗露近者已歷數載遠者已
歷十數載其中經營各官賢愚不同經承各役存亡不一雖有明
斷之才亦鮮跟求之術今當徹底清查之際宜立明白易曉之規
臣有愚見不敢不奏臣聞各倉廩座官役任意開放及至水落
石出牽涸難明則一廩宜清一廩米數也如放天字一廩必使額
續垂棘編二集卷三

續垂棘編二集卷三

書

五經堂選定

粒盡完查照原收石數有無短少報部存案方許再開別廩但各
廩米色不一如領米官丁揀擇美惡則倉後樂於借端法不立則
事不行請發特旨嚴禁令監碑左右下翼如領米人不待此廩
放完逼令再開別廩者及管倉官役通同附和者分別治罪則
涸之弊可清矣臣聞善算者積米一壘必其週圓若干高下若干
便知米數况倉廩四角方停高下直立豈難估計則一廩宜定一
廩貯數也如天字一廩四方幾大上下幾丈應貯米若干石再以
今年新收米驗之自無不准他廩亦倣此例經管衙門各行刊印
一冊為照新官接管之時查照廩內虛盈米數自見即有放過半

廩者量其底去幾尺細行除算亦易清楚則交代之官有據矣臣
聞旗甲所欠米石發坐糧廳追比及至追完有欠左翼之米行文
歸右翼者有欠右翼之米行文歸左翼者有無不便開會則追完
之米宜令仍歸本翼也夫盜米於夾帶者有限盜米於空文者無
窮若令各歸本翼則上下吏書何至隱射為奸臣聞旗甲運至米
石倉廩派發即行註定廩分若係空廩自應收受若尚有米最易
涸淆前後如何清算則運至之米不必預定廩分也夫舊米短少
正在敗露之際新米一入便為遮蓋之端若令止入空廩則收放
員役何處支吾自飾如果臣言不謬伏祈皇上勅部議覆施行
續垂棘編二集卷三

續垂棘編二集卷三

書

五經堂選定

云奉 旨戶部議奏

朱晦菴先生曰陸宣公奏議末數卷論稅事極盡纖悉是他便
理會來此都是經濟之學許魯齋先生曰自古無不曉事情底
聖賢合觀二說可知此文之妙 范鹿西
世有問錢穀謝不知者讀此自當惶愧汗出 范梅且

禁奸民疏

田六善

為奸民叩聞之謀已蒙乾斷伏請專責督撫以肅綱紀以安良善事臣竊惟治天下之道必使官有執法之權民無撓法之意而後政立必使善無意外之憂惡無僥倖之路而後民安臣前見王式等以部民而誣告督撫等官臣近見沈天甫等以詐財而捏告逆謀等事視執官為得意之計倚騙人為致富之資幸蒙皇上洞鑒王式等奉旨正法矣沈天甫等奉旨議罪矣此誠興朝之大法盛世之弘模也臣思奸民捏成莫大之詞莫逞無疆之欲題目有四其在南方者不曰通海則曰逆書其在北方者續垂棘編二集卷三

五經堂選定

不曰于七則曰逃人謂非此則不足以聳上聽非此則不足以嚇下民臣思天下大矣皇上不能獨治故設州縣府道以治之又恐州縣府道不法不公故又簡任督撫以治之謀叛何事督撫身家所關即至愚昧民有困苦而不為憐恤者有矣斷未有見告謀叛而不准者逃人何法督撫降華所派即至愚昧民有冤抑而不為伸理者有矣斷未有見告逃人而不准者此其就中借口之詞難欺皇上如神之照臣請勅下督撫以後如有首告真正謀叛逃人等事該督撫應即與審理立定招案亦不許株累無辜借題生事審實者擬事奏聞審虛者依律反坐如奸民不候督

撫審結徑來叩聞謹稱曾告不准曾准不審者豈真報効國家總欲詐害里黨應照依光棍律治罪無善類可安邪謀知蔽自非然者奸民伏朝廷之威行吃喫之計一出長安官吏不得而治焉將使狡猾之徒處處相效風俗漸至刁頑抑奸民託赴名為網民之術一入姓字身家不得而保焉將使殷實之戶人人自危問里何由安靜臣恭讀上諭內有都察院科道官員職司風紀言路有關係國家應行要務即應直陳之旨臣謂世道人心之所係莫大於此故敢極言之不諱云奉旨該部確議具奏說事妙說理說情說法妙引証譬喻處無一不臻其妙文至此續垂棘編二集卷三

必傳必傳范彪西

十三

五經堂選定

緝盜疏

田六善

為請酌緝盜之令○示各官以可遵之條○以杜欺蒙○以安良善○事○臣竊惟治天下之患○莫患於○朝廷有愛○之意○而澤不下究○尤莫患於地方有盜賊之恐○而事不上聞○今日盜劫紛紛○所在都有○匪不肯報○屢見疏章○如都昌縣失事不報○江都縣失事不報○蘄州府楓橋失事不報○安慶府桐城失事不報○雖偶發其二○三○終不盡其萬一○夫盜賊者○人之所惡○誰盡忍甘○庇盜之名○官祿者○人之所惜○誰盡肯犯○諸盜之罪○如此則其所以匿不肯報者何也○謂不報則尚可微俸於一時○一報則必不能開復於異日也○如一失事也○

續垂棘編二集卷三

十三

五經堂選定

或失主於倉皇之時○約畧賊數○或盜賊於嚴刑之下○涸報賊名○報一十名者○部中以二十名督責之○報三十名者○部中以三十名督責之○無論失主之報數○未必盡真○盜賊之報名○未必盡確○即真矣○確矣○有二十名者○即極能緝盜之官○能二十名○盡得乎○有三十名者○即極能緝盜之官○能三十名○盡得乎○在內者一駁不已○則再駁○明示其刁難在外者○諱無不能○則諱竊暫圖夫苟免○故今日各直省盜賊○公行州縣○不惟不報○且不敢緝矣○謂緝一人○則相牽不已○劫殺時有失主○不惟不報○且不敢言矣○謂出一言○則貽累無窮○臣聞盜劫官衙○盜且戒官曰○汝勿報○上報上則自惹葛藤○盜劫民家○

盜且戒民曰○汝勿報○官報官則自取罪悔○雖出於風聞○勢可度其必至○積弊已久○流禍匪輕○除從前者○臣不敢置論外○伏祈皇上勅下該部○將以後諸盜者○除革職外○仍治以貽誤地方之罪○其依實具報者○果能盡獲○固其職分○至於該部考成○止應以能獲真盜數及七分○為率○其餘既有名數○皆准存案○嚴緝不累○陞遷失主○除認贖外○不許頻行提解○再破身家○庶民無不敢報之盜官○無不敢緝之盜吏○之開復有望○則諱盜不如報盜之為安○盜賊之同夥○既擒○則得此何憂○失彼之不可獲○事莫大於盜賊○弊莫甚於欺飾○臣忝遇陳言之時○敢竭一得之慮○云奉旨知道了○已有旨了○

續垂棘編二集卷三

十三

五經堂選定

絕難題目○遇能文者○定有一篇好文字○出來○絕難事體○遇善處者○定有一段好謀畧○出來○何也○心真故也○意非豪傑而聖賢者○安肯以真心為真言○如此○范應西

罷買牛疏

田六善

為買牛為晉省大累伏祈 勅部查照舊例以甦民困事 臣查太
常寺衙門 却祀歲用犧牛舊例即係在京牛戶估價市買於順
治十六年間該管官役希圖出差哭辦山西牛賤委官採買當日
此官一出閭井騷然禮部知其厲民 題定不許再差行令本省
每年春秋買解牛二百隻事偶出於一時害遂歸於百姓各州縣
於春月耕種之時查取民間牛隻一次於秋月收穫之時查取民
間牛隻一次差役下鄉指無指有民累於票催送牛到縣或舍或
留民累於官驗解府有費不費則肥瘠推敲解司有費不費則大
小批駁且畏途有倒斃之虞計日有草料之用思百姓所恃耕田
以活命者惟牛如此既奪之牛復加之費雖云發價鄉愚何知其
苦不堪彈述夫別省豈無牛隻何為獨派一方京城豈無牛隻何
必遠催解送例既非舊事且不均 臣恭讀 上諭有法制未便致
民失業必如何而後始得遂其生計之旨 臣謂即此一事之弊
其害無窮則亦致民失業之一端也伏祈 勅下該部查照太常
寺衙門 却祀牛隻當日錢糧原領何項買辦原屬何官仍照舊
例遵行庶晉省窮民不致有偏枯之歎矣 奉 旨該部議奏
起見若曰單為晉省亦淺之乎讀是文矣 范鹿西

十三

五經堂選定

風水吟序

侯七乘

君子之立身也莫先于孝○君子之立言也莫先于教○孝道之難
言豈盡在不讀詩書不識義理之人也哉○世固有功業滿天下文
章高千古而尋常定省之事求為鄉里庶人之孝而不可得者徐
文長吊曹娥祠詩曰○總為金釵收正氣○可憐泉鏡遶爺娘○泉鏡之
人○大都皆自名教中來也○予讀琵琶劇見趙貞女于養生送死之
際○流連悲咽不啻鄭重把玩再四○乃使人知作者之意○吾夫子聞
車魚而嘆息○良有以矣○周子光仲少而孤○失其父○撫所存○今遍歷
荒山○逾越險阻○聽之神卜之夢○誠極而通○乃得收一十七年之遺
骸○歸之瑩兆○光仲既嚙血為哀○而一時聲氣亦皆競為吟咏○以唁
之美之言○倫矣○予復何說之辭○予惟思同病者易為憐○同憂者易
為戚○昔穎考叔舍肉遺母○莊公曰○爾有母遺○繫我獨無○曾弗人為
謝母作銘曰○爾亦孤子○予亦孤子○惟予傷予是亦傷爾○近日尤悔
菴之祭秦母○亦曰○小人有母○七十方強○傷哉貧也○菽水莫將○豈如
若母榮及存亡○夫言他人之親而輒思及于己之親○此非獨仁孝
之盛○人有同情○亦可見凡百有心處○夫倫之間能快然而無憾者
蓋亦鮮矣○予之先大人○非如光仲尊人之零落不偶也○予輩兄弟
亦非如光仲之少而孤苦不識封樹所在也○然自先子捐館舍以

續垂棘編二集卷三

十四

五經堂選定

○堪輿人想仲翰定○不○此○
來○但以惑于堪輿之說○牛眠未卜○繼而半通催人○各自奔走天涯○
遂使就木餘魂○停厝于寢室者○幾十年于茲○晏子曰○生者不得安○
命之曰○蓄憂死者不得葬○命之曰○蓄哀○夫死以得土為安○予○以蓄○
哀之罪人○不能遺先人以得土之安○聞光仲之事○有報然汗下○戚○
然不能自已○于懷者○而又安能為光仲作弁言耶○艾東鄉跋余孝○
子表揚錄○自言已為古文二十年○天下之士多見于言○獨不得孝○
子而述之○今其言○殆將借余孝子而傳也○光仲孝子也○予為孝子○
而有言謂予之言○借光仲而傳○則有之矣○若謂光仲之待予言而○
傳也○則予豈敢○

續垂棘編二集卷三

五

五經堂選定

此與初集所選序哭父篇○同一機軸○字字帶着血淚○令我讀之○
心酸聲咽○是文之有真性情者○故錄此○不嫌其複○范彪西○
功過格作一篇○關係世道文字○一功○殆謂此等○范梅臣○

廣信府志序

侯七乘

官以同知○名謂其同知一府之事也○而實則無一事之可知者也○
廣信同知所知者○兩所旗丁○項尾流離逃絕○殆盡而缺額運船與○
積遺漕米○年年未了之追○可嘗使醫刻無計○又七邑界連閩浙深○
山窮谷草○草木魁鼠竊狗偷之徒○一有風鶴動○以職名付交○袋此○
皆其最○不願知而不得不知者○外此○則閉戶攤書○如破衲老僧○看○
守古剎○迎暄捫虱○而外無所事事也○惡乎知雖然○既為同知矣○今○
所不知者○古○可以知登堂○所不知者○退食○可以知簿書○所不知者○
細帙○可以知今○使名為同知而問以建置沿革○曰不知○問以山川○

續垂棘編二集卷三

六

五經堂選定

平險曰○不知問以風俗所尚○物產所宜○財賦戶口○所消長○曰不知○
問以前賢往蹟○丘陵墳衍○事業文章之可法而可傳○曰不知○又安○
以同知為意○如是以為知○則非志不知也○非合七邑之志以為志○
則亦不能盡知也○乃廣信之缺志○百餘年于茲矣○予履任初○即與○
太守高公計議纂脩○而大部亦隨有通行之例○于是檄召各邑○悉○
與更始○迨邑志齊○太守又以班馬之筆○刪繁葺要○成一郡之書○書○
成而予得取而脩觀焉○觀其建置沿革○而所謂上合虞璣○下揆周○
及州變而國○國變而路○路變而郡者○可知也○觀其山川易險○而所○
謂有仙山名有龍水異道稱福地○佛號靈鷲高天下襟為帶而○

屏為礪者可知也○觀其風俗物產而所謂國奢示儉○國儉示禮○袖
髻從好墨紫從尚園屋漆林馬氏石夸上幣中幣等甲乙而次壬
癸者可知也○觀其財賦戶口而所謂度田受租量口出調成丁給
役計役受庸六十上養十六上長在卯而衰至午而美鳩世世而
扈戶戶者可知也○觀其前賢往蹟丘陵墳衍文章事業之可法可
傳而所謂任茲土者為隨鶴為渡虎為拔鶴為留犢為雉之是馴
而魚之是懸可知也○生茲土者為管榻為燕節為季劍為郭巾為
程門之雪立而馬帳之經橫可知也○流寓茲土者或閣以序傳或
亭以記重或樓以詩求或溪以愚垂或壁以一賦而千秋峯以投
續垂棘編二集卷三

七

五經堂選定

書而不可知也○他若羽士之丹鼎間多異聞○楚苑之雨花不無
畎跡○縹緲深閨之風節又皆志貞于栢舟義凜于娥江而無不一
一具知焉○夫然則今所不知者古可以知○登堂所不知者退食可
以知○簿書所不知者細帙可以知○于是乎一郡之事予皆得同然
而知之矣○既同然而知之又同然而序之是之謂同知
寧陵呂先生曰○衙門各命以名○顧名思職○緣職盡分而天下治
矣○讀此文不禁忻躍○范彪西
句句出于同知○欲移一字不得○又評
竟有十年讀書而入官茫然無知者○吾不知其所讀何書○范梅

興安縣志序 節數字

侯七乘

今上御極之十年○予授廣信同知○八月抵任○越十月○公事往
省○省回道經興安興安為信州屬邑○故同知雖冷局亦以上司呼
之○而側得信宿于憲署焉○入城見茂草載道巷無居人○荒堆敗壁
之餘依稀得官衙民舍寥寥數處便如空谷足音○登然而喜及進
署又見門無板簷無瓦居無四壁斜風細雨木落天高寒蟬叫濕
孤雁嘹空蕭瑟之狀除藉草鋪地而外求一床一几一椅一橙以
供欠伸偃仰了不可得○是時縣正缺人日暮矣忽捕官手持豆腐
一塊青菜一握水酒一瓶芒芒然疾趨于憲下○予既不忍下咽又

續垂棘編二集卷三

十六

五經堂選定

懼其以如許煩費騷擾地方也○乃亟止之而忍寐以達旦焉○越明
年新令劉君至○予未暇悉其宦况何似○然每見予則未嘗不感額
橫眉咄嗟浩嘆不自知其涕之橫集也○蓋極天下渺小戕破荒僻
窮苦之所未有○甚于興邑者矣○今歲例修邑志而興邑亦以志
書來呈予取而觀之不覺色然喜適然訝也○何則志之為言謂其
有可志而志之也○興之為邑予幾疑其無一可志矣○乃他邑有建
置沿革山川輿圖以志其地也○而興邑亦然○他邑有名宦人物
流寓仙釋義賦戶口以志其事也○而興邑亦然○他邑有名宦人物
流寓仙釋義夫烈婦以志其人也○而興邑亦然○夫然而興之為邑
不居然一邑

後豆腐幾句尤有以身說法之想
范彪西

也哉興之邑其地其事其人既猶然于各邑並著則目前之荒殘
特甚者時也數也變也而非其常也方今天下氣運方升兵戈不
作○天○正○于○上○民○安○于○下○剥○極○而○復○理○固○應○爾○况○又○有○循○良○之○吏○以○
多○方○招○撫○吾○安○知○此○荒○殘○特○甚○者○不○轉○而○穀○擊○肩○摩○城○滿○煙○火○而○
戶○滿○倉○廩○也○哉○然○則○予○何○以○為○興○邑○序○哉○昔○日○之○興○邑○予○既○不○能○
以○遠○言○矣○異○日○之○興○邑○予○又○不○能○以○豫○言○予○之○所○言○者○亦○曰○豆○腐○
一○塊○青○菜○一○握○水○酒○一○瓶○此○則○予○之○所○知○于○興○邑○者○歟○
言○地○方○之○窮○苦○望○司○牧○之○撫○字○此○作○志○序○通○例○也○但○出○之○拙○筆○
便○覺○筆○路○藍○縷○不○堪○入○目○此○文○形○容○窮○苦○處○殊○有○古○趣○錯○落○末○

貴溪縣志序

侯七乘

古○有○無○題○詩○矣○未○有○無○題○而○文○者○非○惟○無○題○不○可○以○為○文○有○題○矣○
而○題○中○之○端○委○曲○折○未○之○或○恐○則○門○面○鋪○排○之○語○不○過○如○優○伶○借○
貨○行○頭○衣○冠○粧○飾○雖○無○不○具○備○下○場○後○終○非○已○物○故○亦○不○可○以○文○
也○今○年○奉○例○纂○脩○志○乘○予○之○為○志○序○也○屢○矣○郡○志○有○序○也○饒○志○
有○序○也○興○志○有○序○也○三○序○者○皆○未○嘗○目○覩○志○中○之○端○委○曲○折○而○後○
為○之○言○故○其○言○偏○師○野○戰○不○尋○刀○斗○止○以○悲○感○諛○浪○之○氣○自○發○其○
意○中○之○所○欲○言○則○雖○謂○之○無○題○也○予○之○為○志○序○也○雖然○郡○志○饒○志○予○之○所○身○
蒞○者○也○興○邑○亦○予○嘗○經○過○其○地○而○目○覩○其○荒○殘○僻○小○者○也○無○題○矣○

而○猶○能○撫○摩○于○題○之○左○右○焉○若○貴○溪○則○予○雖○偶○一○假○道○然○戴○星○而○
風○駕○解○色○而○晨○征○匆○匆○即○次○之○餘○山○川○人○物○實○渺○乎○未○之○一○睹○乃○
一○日○邑○令○畢○君○忽○以○邑○志○告○成○求○予○言○以○為○之○弁○夫○邑○志○而○既○告○
成○矣○予○意○其○中○將○必○有○圖○索○疆○域○焉○將○必○有○田○賦○戶○口○焉○將○必○有○
官○師○選○舉○嘉○言○懿○行○之○表○表○而○足○垂○不○朽○者○焉○而○予○固○未○之○見○也○
未○見○其○圖○索○疆○域○則○不○可○以○為○圖○索○疆○域○序○未○見○其○田○賦○戶○口○則○
不○可○以○為○田○賦○戶○口○序○未○見○其○官○師○選○舉○嘉○言○懿○行○之○表○表○足○垂○
不○朽○則○不○可○以○為○官○師○選○舉○嘉○言○懿○行○序○然○予○嘗○命○題○而○課○七○邑○之○
士○貴○邑○之○文○風○固○獨○甲○于○七○邑○也○讀○史○而○觀○桂○州○貞○齊○之○遺○傳○貴○

邑之科第與相業又獨甲于七邑也訪道而追跨鶴乘雀之往事
貴邑之重溪古洞仙踪化跡又無不甲于七邑也以此推之貴邑
之志其所謂圖索疆域田賦戶口以及官師選舉嘉言懿行之表
表而足垂不朽者度無一不甲于七邑可知矣夫桓譚序法言見
所謂法言者也皇甫序三都見所謂三都者也李漢序退之見所
謂退之者也未見其書而為之序則世俗所謂畫師為廣文寫真
目不及面信手而揮曰天下廣文總一樣也若予之序貴邑則豈
其然亦曰其文風如是其科第相業如是其仙踪化跡又如如是則
其志中之所載諒無不如是者况又有畢君者以循良而兼史館
續垂棘編二集卷三

廿

五經堂選定

之才出其如椽之筆為國家備採風之求此豈同于稗乘小說之
環璫者哉然則予雖未觀志中之端委曲折若何也姑懸揣而為
之序所以補天下之有無題詩而少無題文者
原是據實寫來却成空靈文字今人但知用虛不知用實即知
用實必不能用實成虛虛實實之間遇仲輅相視而笑范彪

西

弋陽縣志序

侯七乘

予童時聞里社演劇即相傳有所謂弋陽腔者然不知起自何義
出于何方也迨予獲任信州而屬邑之中有弋陽焉詢之則弋陽
腔之名實始于此乃予三過弋陽邑令陶君為予言斗大一城竝
未有人焉出而克梨園弟子者昔之弋陽腔至今日而幾廣陵散
矣今年纂修志乘陶君携邑志十卷求序于予予劉覽一過不覺
亞然笑曰此其為弋陽之劇本也乎乃其腔則不啻陽春白雪矣
蓋陶君教之也且夫天地一大劇局也國史一大劇本也山川與
國劇中之臺閣簾櫳也器車澤馬劇中之拍板門槌也喪葬婚娶
續垂棘編二集卷三

廿

五經堂選定

禮樂兵刑劇中之離合悲歡也官遊旅跡孝子忠臣節婦義士黃
冠縞流戲中之生旦淨丑副末老外也勒石于山投書于淵池留
舊蹟墓表錢碣詩可汗牛賦堪充棟劇中之南宮北調仙呂仲呂
九曲十八腔之異名而殊牌也顧劇同也而演劇之法不同史同
也而作史之法不同元詞七百部止以西伯為第一國史廿一書
必以司馬為無雙有是夫劇與史之皆未可以易言也志非作史
之一體乎今之作志者胸未著于腐史班祿之壇而師心自喜率
意屬筆或苟徇情面或妄加附會或魚魯豕亥之不辨或金匱石
室之未窺以此勉應故事勒成一書譬如西遊水滸但說俗耳無

可徵信○又如猿滿偶人指笑宮○肺腸肢節儼然具備而折之則
與薪無異○又如李晉王登臺上場○只徒兒戲而不免優人之批其
頰○又如楊狀元塗脂傅粉○變了舊演天魔舞而不知其將為名
教之羞其卑者○如點鼠壯丹亭案上之書全壞于村僮之手而其
高者亦如菩薩蠻迴文借局○以作備其舛錯者如辛稼軒歌麻
雜用不堪譜入官商○而其鄙俚者又如閩南鄉談曲拍手自喜而
聽者不解為何語○若而志者趙承旨所謂戾家把戲耳烏足與史
而並傳○故修志非難修志而得其人之為難修志而得其人是彌
衡揭鼓而桓伊彈箏也○是馬融吹笛而王維搗琵琶也是大獲唱
續香林編二集卷三

五經堂選定

大江東而柳七歌楊柳外也○是關之瓊筵醉客而王之花間美人
也是薩天錫之天風環珮而楊澹齋之碧海珊瑚也○是荆幹臣之
珠簾鸚鵡而沈和甫之翠屏孔雀也○陶君其庶幾乎陶君以單父
之琴武城之絃而鼓吹盛世○跌宕詞場其較警之精嚴按羅之詳
備真足使鉄板承前○紅牙侍後易弋陽之腔而進以陽春白雪皆
于斯志乎徵之矣○乃陶君方切切焉求予而就正焉予非周郎也
何能為陶君助一顧○但梨園演劇必擇弟子中之最無用者出而
冠帶開場○予于文章一道如老婦如妓面目可憎所謂天下之最
無用者也姑為陶君一開場可乎

竟有戲笑怒罵皆成文章之樂妙妙○范處西
志書等題與祝壽誌墓等同○非具二十分才學二十分胆識者
必不能除陳腐垂餘○况一題而四五作乎吾無以測仲翰矣
史之權與天與君之權均○此文正非戲言
范梅臣

續香林編二集卷三

四

五經堂選定

補 35—278

續垂棘編二集卷
必憚然曰命之矣

朱謝趙三先生祠宇此疏已預為募修矣舉筆關係正學不徒
言在此而意在彼沾沾以生龍活虎稱慧業而已范彪西
着意在理學文章氣節高隱却從修茶山拈出故妙范梅且
唐采臣先生評家大人文有曰周程張朱之理班馬歐蘇之氣
合而出之于務以贈此文亦覺不愧范莽前

生何以祠志愛也。祠何以賈司馬公志人也。生祠何以公建志不
 媿也。公建生祠何以記志不慚也。公負奇氣好讀書略觀大意文
 不優孟孔孟武不胡盧孫吳磊落倜儻有唾手功名志其任俠者

續垂棘編二集卷四

五經堂選定

與巍然自命不屑屑與流俗伍遂來流俗之忌或有起而侮之者
艱難處 嘗情偽偽知若在俗手定為公肆之矣
 百鍊剛金一翻烈火舉于與氏之所謂行拂亂其所為者以一身
 歷之天降大任宦成一無新問若有德於我者不妨一飯千金其
 大度者與遨遊燕市重氣誼不侵為然諾危者扶困者濟一時
 廟廟諸公咸傾心焉其尚義者與長安多寔人子每暮鐘晚雞時
 號聲徹耳公煮粥不已繼以給錢一歲全活幾數萬衆其施仁者
 與世祖章皇帝時與余同寅司空時奉命督修奉先殿大
 工有議燬玉泉山以作灰者公毅然不可爭辯數十次終克保全
 功在杜稷舉朝敬服焉間有人所不能區畫之公務聖心特

簡命任凡口外腹內差遣不辭艱共如期立辭世祖章皇帝甚
器重之曰朕左右手也天下腹心重地惟中州欽哉爾其往撫公
至豫念其幅員遼廓經界久湮力正豪強隱占墾闢蕪田數百萬
畝為國家歲益金錢四十萬有奇而下亦不至病民隨奉溫
綸嘉其實心任事從優議叙遂晉尚書焉解雲貴兵餉獨先序官
保焉崇本抑末改正驛道不吐不茹不具強禦其有為者與再撫
陝念秦隴為天首半臂天下而當兵燹之餘元氣未復計所以安
輯勞來之者甚備糴楚糧以供大兵嚴保甲以絕盜源禁火耗罷
關稅惠行戶清刑獄開連雲之險疏龍首之渠至乙巳春旱則步

續垂棘編二集卷四

二

五經堂選定

構三十里外野人瞻拜道左有垂泣者至誠格天澍雨大降是歲
因以有夏其恤民者與秦豫相習宰牛牢不可破公嚴立禁約屠
者易業其愛物者與蓋公之盛德大功彰彰如是于在朝廷則
朝廷重太常景鐘為元勳首庸在豫豫祠之在秦秦祠之戊申奉
命朝京師過梓里其所以嘉惠士民者眎秦豫且有加一日父老
子弟登春臺而享大年以手加額歌咏功德不衰食思所以答生
成報顧復者將以昭茲來許為鄙薄頑懦者觀感薦紳先生曰往
禮闈之歲士裏糧走數千里外寄食金臺或露宿焉公慨然念之
既創建曲沃會館矣又置三晉會館日督作課備供給焉數十年

無倦意至仕宦資斧無不取足從未計息且有焚券不問者聞有
意外事公矢公竭力援之于鄉則開設義學令講習課業其中且
資之學糧以圖永久自是履后凡我輩進德修業以藝術自藝礪
緊我公陶冶栽培之貽其有克自振拔歲舉鄉升鳴南宮對大廷
宜皆出公門下其功德視士民又有加焉而公在豫有祠在秦有
祠在朝廷紀太常銘景鐘功德赫奕而在沃反闕焉非所以昭
後世聞天下于是率先士民詣縣大夫以公生祠為請公則力辭
薦紳士民則力爭得之爰是卜園內城南門之外意者翰意基者
輸基財者輸財力者輸力不日而功落成以余前與公共事又
續垂棘編二集卷四

三

五經堂選定

至咸日侍天子左右珥筆史臣後誼當無私言宜允乃走函索
記於余余曰諸君子其行直道者與惟公之人足以當諸君子之
愛而不慚惟諸君子善用其愛于公之人而不媚皆盛事也故為
之記
據事直書不誇張不彫琢一團古朴老實令人畏敬范部鼎識
名過其實大雅不受頌多于規斯文日下所以慶賀祝贊諸章
拙選概不敢收防其偽也試將此人此文相提而較公論在人
直道難限其真偽自有能辨之者若曰阿好則吾豈敢又識
歷傳賈公經濟全無堆砌氣味八大家中最得未盡之神范鼎識

放生池碑記

賈漢復

余奉簡書來撫茲土九六年所其于民間休戚利害靡不咨詢
謀度舉所宜與除所宜革夙夜是凜罔敢有遺力蓋雍州當天
形勝之首安危治亂為四方綴旒矧值兵燹槍攘之餘凋殘已極
非加意惠養因事教導使知好生而惡殺以克其為善去惡之心
則上之人所為仁民愛物者安在其于天德王道不去之益遠乎
戊申春余奉命還朝因思昔撫中州時曾捐俸為放生池迄今
彼土以為美談考雍州志有蓮花池在景樂園東北二里許方
其盛時綠芡方塘碧波數頃綠舟映帶鷗鷺隨行乃遊觀之勝區
續垂棘編二集卷四 四 五經堂選定

也自三渠阻淤池久涸瓦礫委焉余既克工重濬三渠資民汲飲
井鑿斯池易名放生欲蒞茲土者顧名思義不忘愛物之心益廣
仁民之事是池固當有求不可廢者豈徒為觀美已哉將使生
斯者過之不忍之心油然而動爭訟不興干戈不起馴致民安物
阜以沐浴太平之風而四方君子之遊于斯者且徘徊詠歌而不
能去則余六載拮据庶幾少紓可以上報朝廷矣故不敢以將
去之身而忽然置之工既竣乃礪石為之記

刻薄者讀之必曰此佛教吾儒不取易稱王用三驅嘗稱魚鱉
咸若詩稱相彼投兔春秋成丘禮記不合圖凡此皆佛教乎
先輩云仁厚刻薄是修短間善讀者自能類推 范彪西

提學題名碑記

王雲鳳

我朝建學天下以教士而取以官之用康兆民正統初又設提學
官學之政皆統焉至今氏若干人矣其姓名爵里俾可考也提學
由指各稱說可異哉
與他職事異士之賢者必進不肖者必黜不以請托偏昵之私雜
乎其間天下之紀綱所以振也徵倖無門則奔競之念自息天下
之士風所以正也如是則人皆務學修行而孝弟忠信之化行天
下之民俗所以厚也嚴其科條以作其怠寬其期限以養其成一
言之兵有懲一行之違有罰天下之人所以盛也然必能絕去
私意胸中純天理用事而至於仁人之地然後好惡足以公天下
續垂棘編二集卷四 五 五經堂選定

而服人心不好賢非仁也好賢不薦非仁之至也不惡惡非仁也
惡惡不甚者其好賢必不薦是故為提學者求仁而已矣是說
也自勉以告諸後之君子云
此為古之提學官言耶抑為今之提學官言耶吾目眩神瞿口
誦心惟不能辨不敢辨不忍不辨也與近日陽城都御史田公
止捐納一疏同垂千古 范彪西
求仁無多端只不愛錢三字盡之 范梅臣

三原弘道書院記

王雲鳳

嗟乎○作書院而以弘道為名者○學者亦有惕然于中者○嗟乎是

道也○君子之所以治身○元王之所以治天下也○而今學者乃諱言

之一○有誤及則互相告語以為笑○不曰此其勉彊非自然也○則曰

彼某事過也○某事不及也○夫勉彊行道○董仲舒言之○吾夫子亦有

取於勉彊而行之者○自然安行○非聖者不能豈能一生而聖哉○

世之放意恣情○以為不善者○不議其非○乃重勉彊為善者之罪○此

何理也○執中乃堯舜禹之能事○孔門中行亦未多得○今干為善者

洗垢以索吹毛○以求不以為過○必以為不及○而同流合污者○乃以

續垂棘編二集卷四

六

五經堂選定

為中一人倡之○十人聚而和之○此又何理也○夫道晦于衰周之際

者○楊墨為之也○晦于漢晉隋唐五代之間者○佛老為之也○今學者

少之所習○終身之所誦○無非聖人之書○而以學者求道為笑○一遇

規行矩步○端顏正色之人○則嘲論紛起○而誹謗橫生○遂使學以講

道為諱○然則又暇責彼異端者乎○君以弘道名書院○非徒然有獨

見之智○不及此嗟乎○凡學于此○其有惕然于心者乎○吾有是身○固

有天命于我者之性○學者亦惟盡吾性焉耳○夫能此之謂弘道○持

此不懈在主敬而察此天命者○在謹獨○吾性既盡○然必盡人物

之性○至於贊化育○參天地○乃為弘道之極功○而亦非吾性外事也○

嗟乎○凡學于此者○其有惕于心者乎○若獨以舉業為務○以科目為

念○以功名顯達自期○待毀方瓦合○以求避世俗之笑○則安用此書

院○抑豈所謂弘道者哉○

文則真文○理則真理○虎谷先生非酸寒頭巾○庶可壓倒互相告

語以為笑者○范處西

讀書錄曰○學者讀書○只安排作時文材料用○故一時所資以進

身者○皆聖賢之糟粕○終身所得以行事者○皆生來之氣質○與不

學何異○此文舉業科目一段○正是今人病根○范梅臣

續垂棘編二集卷四

七

五經堂選定

章法向法字法無二不妙

續垂棘編二集卷四

五、經堂選定

虎也不為虎傷足矣然則許子隱而不出可也

發道不可枉戒之戒之

隱居所求之志何如

曰或為魯齋言或為借口魯齋者言范梅臣

白印謙

續重刊編二集卷四

九

五經堂選定

修辭立其詞書辭尚簡要此道近人棄如土苴型范虎西

庸言小序

白印謙

薛文清夫子少習詩賦及見周程張朱書歎曰此道學正脉也遂專精焉印謙向逐辭章科舉之末晚抱歧路亡羊之悔頃甫欲棄其舊徑望門來歸而蓬蒿未開問晤環溪魏子自言四十後不喜風雲月露語因著庸言諸說為補偏救弊之行披讀之舉示坦明提撕警切凡人不無此偏弊即凡人均可自補救而不得舉示提撕者將迷惘一生然則所謂補偏救弊乃魏子遜辭實皆大中至正之道學聖賢者必歷之階梯耳竊尤愛其考行說君子不為小人之句句而易其行苟無常行便是小人景的確最要約大足堅

續垂棘編二集卷四

十

五經堂選定

學道者進修之志文清謂天理人事精粗無二致宿開魏子寡欲盡倫之論正從下學人事上達天理之旨而此編讀書說引昔人舊一尺不如行一寸又與文清知一字行一字知一句行一句之言恰相吻合總以覺人為心是故求接文清之正傳者于今日舍吾環溪氏誰焉哉幸勉旃勿墜印謙弗敏願執鞭以從是真以文清夫子為衣鉢者其文氣真切亦復相似范彪面近人讀書知且不講違問乎行如辛先生四書說友人多置高閣曰非時文材料也讀此定當幡然范个臣

青島泉山人集後

白印謙

集胡可泉續宗詩文偶得而讀之其言有曰政不本于王霸而已矣教不本于聖藝而已矣有志于周孔其惟深造極致哉夫政則法周公教則宗孔子既大且正矣三代以下不多見此論也又有曰必義之卦文周孔子之辭古之所謂文若董仲舒韓愈歐陽修三子雖文矣猶非古也及讀濂溪之圖明道之道伊川之傳之說橫渠之銘考亭之註之語知文在茲是其談文直邇本原又崇尚正學不徒區區以文藝鳴者可敬哉詩載韓范洛評云詩以調也匪意匪辭非甘之辭淡校畫之意近而文王之化彰鄭國之淫見

續垂棘編二集卷四

十

五經堂選定

矣又云尚辭而詩亡由漢魏而下可徵焉夫言詩者衆矣匪意匪辭而獨以調罕有能及之者朱首之辭淡淡則意遠而歸于和平故風化之美彰校畫之意近近則辭鄙而泥于妖艷故習俗之淫見吾讀是書如獲一益友也詩人文人得此意而行之庶不枉費精神勞勞于無用之地范

復魏環溪

白印謹

與亭侍養之樂何啻三公願珍重為道自愛不肖衰病侵尋無補
于朝不知何時釋此愧政也家廟之禮實茫然未學辱下詢重
達台指敢妄對以臆何如來問四世以上主當遷或即祧之義遷
當何處按朱子家禮有百世不遷之宗有五世則遷之宗蓋遷即
祧也遷之處當祭告而遷諸其墓穴塚為坎而掩之又贈官者作
何添入有于主外另設神牌者何如按家禮程子云加贈易世則
筆滌而更之可見加贈當改題原主或先用水滌紛改其外層而
書之陷中仍舊祭告而行之可也豆登器教家禮雖載有設饌之

續垂棘編二集卷四

十三

五經堂選定

圖竊謂炙肝脯醢未必今古制合不若隨其鄉俗稱家之有無酌
定儀則為常便耳至于祭主分大小宗家禮雖廟因支子而立亦
宗子主其祭所以有季子介子之稱故邑士大夫家立廟者有之
主祭則未開推之宗子蓋宗法久廢若能舉而行之以率後人甚
善但非愚所能妄議也病中昏冒率此奉答乃寒家祖先尚未立
專廟俟再有訪聞更以求正亦望高明教之幸甚
文貴典雅固已他人之典雅以使人難醒為主此文之典雅以
使人易醒為主難易之間可覓心術一斑范彪西
母子頭孫之言其有闕世教文字知于學之無本也又評此方

秦誓論有明句

崔靖

天下人不皆聖人而有君子人不皆君子而有小人人不終於小
人而可至於君子且可至於聖人夫人而既為小人矣而謂其可
以至於君子與聖人者何哉則以其心之不安於小人也○不安於
小人以其因事觸發有以動夫羞惡之念而自悔之深也○如書之
記秦誓是已書之記秦誓何嘉悔過也其嘉悔過何以霸之能近
於王也說者曰孔子之刪書也漢王風之不競而憂其入於秦故
以秦誓終之若然則是孔子著經非有覺世誨民之意獨以是驗
其智耳奚其可耶且秦之終有天下固無容孔子之憂者也○使周

續垂棘編二集卷四

十三

五經堂選定

天子能發奮修政而又有賢聖子孫承繼則周之天下可以百世
不敝使其紀綱日駁法度日廢以失祖宗美法美意則人之繼
周而王固其宜然孔子憂之亦何益哉書之終於秦誓其不為憂
秦之有天下斷斷然矣而吾獨謂其霸之近於王者則何也王聖
人君子也○霸小人也○悔過暫時事耳遂可與其近於王耶○況當日
者五霸之內惟桓為盛雖孔子亦嘗許其正大其功一時仗義執
言尊王攘楚赫赫在人耳目其誥誡誓命之間寧無足以傳諸
後人○光耀史冊而獨有取於秦誓之誓也哉○不知王霸之為功於
天下也同功而心異王者身之也○霸者假之也○身之者有安天下

之功而無利天下之心○假之者有利天下之心○而後為安天下之
功○大凡天下之人○心有所利而為之○雖功蓋天地○其事恒不足垂
之天下○後世何者○以其偽也○心無所利而為之○雖事業無聞○其心
恒可以稱之○當年奕奕○何者○以其誠也○由是言之○穆公悔過○霸者
之誠○王者之心○也是故孔子之與桓也○以其近於王者之功○而其
與穆也○則以其近於王者之心○有王者之功而無其心○則其功可
以告之天下○後世而其心不可以為天下後世之則○故孔子因論
仁而與之○與之僅以存美於一人也○無王者之功而有其心○則其
功雖不足以稱之當年奕奕○而其心足以為當年奕奕之法○故孔
子因刪書而錄之○錄之所以垂訓於來世也○書之誌穆而不誌桓○

續垂棘編二集卷四

十四

五經堂選定

子因刪書而錄之○錄之所以垂訓於來世也○書之誌穆而不誌桓○
豈無說哉○向使穆公推其悔過一念○清心寡慾○親賢遠奸○率王章
謹侯度○終始如一○安在○身之不為聖人○君子功之不為周武殷湯
而不進霸而為王耶○惜也○誠之未久○假以易之○此穆公之所以終
於霸也○夫穆公終於霸而有一念之誠○孔子猶必取之○况乎誠之
不息者耶○讀秦誓者○其以穆公之誠為法○抑又以其誠之不終為
戒也夫○
不求異不修詞不尚綺靡不入詭僻踈踈朗朗開明大義而止○
想其落筆時其心胸可一望而知也○范彪西

翼乘拾遺并語有刪句

溫旌光

翼乘幾經纂修以來○天文地理○人文物華○賢孝節義之類○載之脩
矣○康熙癸丑奉旨重修○又舉數十年後起之○人之事○悉登簡冊○
昌言乎遺也○曰此為節婦宋孝姪孫青姬言之也○二人本皆妓女○
然能深自珍重○一則從良已久○遇難慷慨捐軀○一則從良未遂○托
言從容自盡○平心論理○應宜並錄之以勵風化○乃竟以出身卑賤
而不果○故曰遺也○雖然何可遺也○當其脫風塵而去○固已自躋於
良家之列○况乎節義表表者哉○孟子曰○出幽谷遷喬木是尚不謂
能出能遷乎○春秋傳曰○聖人大改過○許遷善是尚不謂可大可許

續垂棘編二集卷四

五

五經堂選定

乎竊以其寄跡烟花也○是棠不潔之兩西子也○及從良而俱以節
義顯○居然惡人而齋沐者矣○夫以上帝之所歆○聖賢之所取而獨
為流俗之所棄○九泉有知○不將自悔從良為多事○捐生為失策歟○
芝草產於糞土○人必不以糞土棄芝草○明珠落於淤泥○人必不以
淤泥棄明珠○願獨欲以烟花棄節義也○鳥足以折二人之心哉○况
人情鼓舞則興○挫折則廢○大抵然也○二人見錄○凡屬青樓○必將聚
族而語曰○我輩苟能自立○亦遂為士君子所鑒賞也○如此則二人
之後○安知無接踵而起者○否則二人見棄青樓中人○亦將聚族而
語曰○我輩一落烟花○永無出頭之日○縱從良效死○亦復何益○則是

五經堂墀定

五經堂選定

為耐人之所不能耐○安人之所不能安○表裡如一○常變無二○非純孝而能若是哉○是可以動凡為婦者之心矣○誰無公姑○明如此之為孝○則知反此之非孝○不孝而何以為婦○將和順之意○油然而生○亦即可以動凡為子者之心矣○誰無父母○婦且不容不孝○子豈反容不孝○不孝而何以為人○將悖逆之習○翻然一變○故曰天下大德不可沒○大德而出於女子○愈不可沒也○以其關於人心風俗○如是其重也○爰於表章三節之後○復表乎此○以俟採風者○否則坐視沉埋置之不問○縱當年孝婦本心○原非要譽後世○吾不知邑乘之所錄以垂法者○為何等也○意

續垂棘編二集卷四

前十七

五經堂選定

以文章論終和且平○范彪西
三節者一宋孝娃從良閭姓生一女方幼順治甲午間避亂堡中高傑兵向堡指名索之堡人恐宋慨然携女出兵喜而擁走過一橋臨深淵携女同墜死一孫青姬原良民牛氏女胎名紅蓮年十二值亂落於孫遇庠士王倬訂偕老約會王丁父艱不果氏誑言出家勉王以大義盡孝等語飲毒死一張一貫妻孫氏年二十二順治壬辰春夜冠至夫被傷氏抱屍哭冠欲污之抱一樹不釋冠斷其手足罵益甚支解月餘樹亦枯附記於此以表作者之意於不朽云又評

東林議

李中履

東林何昉乎昉自明○痛求其初○初之宋王陶葉是繼之方黃齊練是再繼之薛鄒王陳胡蔡是皆社稷之臣道德之彥無其名而有其實者也○自斯文日重吾黨日華陽德方亨正氣方茁而脉清矣人人君子事事善行世運未遑士心不曲而道顯矣宗盟攸尚羽翼克承先達鼓吹後進仰止而教彰矣宇內咸以道學自外為愧而名遂立東林名立道學之門開聲援之門亦開盛在此衰亦在此盛者吾道之行衰者收類之汎汎則中材不肖亦與托足而議東林者遂起甚至半面未識一刺未通凡為國起見昌言敢諍者

續垂棘編二集卷四

七

五經堂選定

俱指之曰東林○俾東林之自負愈高深機險智之流不惟議之且思有以矯之更思有以角之然始猶飲其跡也迨神宗靜揖而伸其喙矣恭駁是工無事不左不翅水火焉薦李許李爭之如市敵之如仇獨此案是烈雖多屬留中其間不無互勝者求其得志東林尚十居六七大如三王封寢金華怒釋主龍遐馭嗣龍再飛熹宗以中齡踐祚君子秉正國是是裁小人與休隱邪自伏後權魏障天東林惡之彈之耻之避之焉無奈小人之阿附也中外勢成傾陷日熾東林之在位者今日下刑部明日下鎮撫在籍者緹騎如輪繫逮如織東廠一席地盡為東林屠肆矣未已也以挺擊移

官紅丸三案纂修成錄題曰三朝要典東林幾一網打盡幸先帝
藩封未就龍潛王印目經其變耳習其奸大位一正首誅客魏盡
戮虎彪三朝要典追人其書非諸客上顧感二祖十四宗鑒其慘
而降之罰能若是哉東林宜慶彈冠矣先帝求治太迫責賢太刻
用東林而不盡其用鳥程宜與久擁首輔此東林之所以不盡其
用也于是有一月而行半載而去故卜甫登揆席流放即置嶺南
東林之於政府若此大聲疾呼之章宜投手忙脚亂之疏徒上畧
點朋黨之詞便映激烈之紀東林之于諫諍若此即欲盡其用亦
烏能盡其用哉雖然試就其所得自盡者思之挺擊為激非激也

續垂棘編二集卷四

六

五經堂選定

不激則前星之副車雖設而震位之金鉉難防移官為燥非燥也
不燥則一時之隱默為寬而兩官之支節易起紅丸為刺非刺也
不刺則奇策之速効任李捷收而君父之弱急恐崔輕試至于東
隅發難能死之道臣雙烈不屈之直指孤忠東林也而餘無聞于
逆璫會血欲噴而無能腐尸因鬚而得辨遺疏赴沼義激民毆捶
腎立斃弱詩坐斬疊索忠魂指不勝屈東林也而餘無聞于閹獄
束約赴死閹門殞難父子同忠夫妻共節城頭慘殺用洒霜鋒之
赤衣冠着體樂投金水之橋不愧社稷凜凜如生者尚自有人東
林也而餘無聞東林之為哀也也可謂表表矣即有附之而不終

叛之而與敵亦何足為短也乎即有將錄之聚二十四氣之毀
亦何足為免也乎大清真鼎民物一新明室忠貞東林不辱議
禮有宗伯陷載有督臣江上之閣部唯盡武侯之血絕粒之諸公
仰同枋得之風指生晦跡者何莫非東林也邪不亦光日月精金
玉哉讀豫聞謚法程策真可謂東林春秋千載不沒矣文出歐陽
譜之永叔可與齊芳壽之典冊可繫來漢何仇東林者必欲坐致
其無憚煩也可慨夫大疑大難東林不計死生小累小疵局外妄
忘筆舌謹勸是議非護東林正欲付仇東林者令自為權度而已
矣噫余于東林何德于不東林何尤

續垂棘編二集卷四

沈

五經堂選定

附註

東林名立顧憲成鄒元標李三才趙三王封寢王家屏金華怒
釋鹿繼一月而行鉅半載而去孟文震故卜甫登揆席流放即置
嶺南吳大聲疾呼之章飛路振手忙脚亂之疏方大畧點朋黨之
詞便映激烈之魄章應望為溫體仁平挺擊劉光復移官楊連
紅丸者以許世子不嘗湯藥比之獄君主藥道臣雙烈何廷魁直
指孤忠銓舍血欲噴中腐尸因鬚光斗遺疏赴沼高攀義
激民毆周順撫腎立斃弱詩坐斬疊索忠魂指不勝屈李
昇黃汝亨周起元等束約赴死倪元閹門殞難全家父子同忠

孟兆祥 子章明 夫妻共節 馬世奇二妾 王城頭慘殺 王承樂投金水 金鉉

不愧社稷凜凜如生 尚自有人 范景文李邦華許直凌晟渠賀 仲軌吳麟徵王章吳來恭成德

周鳳翔張慶 議禮有宗伯 左懋 陷載有督臣 袁繼江上閣都可史 鑒趙之璽等

法絕粒諸公 慎言等 指生 黃道周陳子晦 跡鄭三俊余戒 龍劉同升

餘流寓隱名者不能悉載

王恭襄立朝辨

涉真胡所紀者有屏匿朱寧與寧使在坐之外邪屏匿真在坐誣
矣在坐真屏匿誣矣一事既各載之不同兩紀果何從之是確此
余之所以辨也朝廷九天九淵之升墜思威原自不測公不五載
而三進公孤或出聖意或出權奸是未可知觀文清薛公之叅知
政府知者言宜為拜酬薛公曰烏有受爵天朝而拜恩私室者乎
不拜因為落職公之罷錫果係權奸自酬拜之不遑如不酬拜必
斥逐之不實此余之所以辨也通紀所書胡為哉余有說焉從來
才者忌功者忌敢任者忌有一于此忌所不免公則備焉公評丘
文莊併義補謂能博不能約丘公間世之美尚以此評况丘公右

續重刊編二集卷四

廿

五經堂選定

者是才為人忌宸濠不軌中外俱無人色公獨自如必待諸臣追
逮莫措公徐曰贛撫王伯安久任上將正侯寧變數日可以授首
果如所算衆雖共服衆實共嫌是功為人忌至土魯番之降花馬
池之復陝西一遑其功已立三邊奏議言言石豈謂要害攸分
當事功罪立見雖社稷克承担當不遑是敢任為人忌况與首
輔廷和楊公甚左疏劾楊公可斬楊公內侍立之功外恃門生
故吏之衆親侍子升菴公賜望文壇于紀聞見而秉筆者何難于
託也公飭躬太方居心太刻不喜南人紀聞見而秉筆者又無俟
于託也安見通紀之書不出于此者就逆濠一案公之人品心術

更自昭然濠劫奪金長安結識大臣之有望者輒數千金壽無不
腹果公毫無所染其淡于利者如此後濠擒叙功王文成自疏追
孤逐免者臣終縱指使者璦公若留心世券可得公獨不櫻心其
淡于名者又如此若是乎誣公者之即可以揚公解也楊公善誣
人者也梁公厚齋何如人哉尚以復發衛誣之矧與公有銜乎乃
善誣者之慣以誣行也若是乎為公陷澤之即可于彭公求也彭
公善陷人者也蟻薛侃以上疏指夏言以起草令侃備極諸刑欲
以鍛鍊成獄致夏言不耳與張孚敬排入殿中閣者不納上意稍
悟次日復審令孚敬不親鞠所空坐閣中夏公之冤始自激罵之

續重刊編二集卷四

廿

五經堂選定

狡何異蟻疏之狡匿屏之工不殊指草之工乃善陷人者之慣以
陷行也楊彭原一氣之歎王公受兩衡之敵余檢卷至此安得不
憐憫致辨也晉學使益軒呂公以此革公鄉賢從祀太原諸公具
呈曰在文成尚錫三等之命圭豈恭襄不保一爐之香火呈入復
迎從祀余勤是辨果可為人人為投杆之信也可即否為人人為
弓影之疑也亦可同聲之和不欲續之是則余之為余而已矣讀
史者參之

可為讀經讀史知人論世者作一榜樣非止為恭襄一人鮮嘲
范彭而

臣聞臨朝願治皆欲求忠自為舉賢自輔乃真忠真賢者其心操
其人多苦勁而拂意偽忠偽賢者其心險其人多狡詐而願旨此
親疎之所以分而治亂之所以相尋而不可挽也臣見我皇上臨
御以來未明求衣日具忘倦批答如流嗜學若渴可謂堯舜主矣
堯舜之世不乏四凶豈謂今日而無若人哉所貴乎天聰明之盡
者在灼見而速屏之耳目者臣堂官左副都御史楊璉疏恭大瑞
魏忠賢臚列其罪狀纒纒數千言義泣鬼神忠貫金石通都吐舌
相顧且手額交慶謂奸邪從此可逐朝政從此可清海宇從此可

安自璉之疏出而諸臣或公疏或單疏發憤吐瀉攻擊不遺餘力
臣於其間何容再置一豕顧當此時我皇上宜急採箴誦之言以
補不逮赫然震怒寘忠賢於理而濡沫卵翼尚未損其一毛臣始
惶汗大恐而不容默然矣夫今何時哉雨澤愆期兵車互駕正皇
上焦心毀顏宵旰圖治之日尚可令賊或在內虎或在傍怨讟盈
路容容而不為之所乎夫聞監如忠賢去之不過一孤雛腐鼠耳
果安所關於治理而為大利大害若是則以從來小人之禍國家
者其始猶有所顧忌而不敢恣既經指摘自知不為君子所容既
已破矣顧之何益遂甘心於大惡而不之恤舉前日彌縫變幻之

計盡肆為猖狂無忌憚之行且皇上亦知忠賢猙獰之態乎手操
王爵口含天憲少拂其情能立致人死命縱橫顛倒罔不如意是
禍患生於肘腋而左右之間有戈矛也豈不殆哉今國家外憂未
寧內患又起然外憂不過邊事選將練兵可幸無恐內患則上下
相蒙表裏煽惑臣聞叔向曰大臣重祿不極諫小臣畏罪不敢言
下情不上通此患之大者璉大臣也與公忠正直之左光斗等親
受先皇之顧命擁戴我皇上於日月之際亦功臣也勦奸制壘正
是盡職易危就安正是醉思而曰尋端沽直夫諫諍之事觸忌以
伸詞蒙死而竭智當人意氣所激無不欲犯顏苦口為主上一言

而思却慮其閉喙而休投贖而廢者多矣自非忠蓋天植誰肯
批鱗奮尾輕以其身試於不測之淵哉昔王曾正色危言使宦官
不敢窺視而君德日就臣於璉等有厚望焉諺曰千人所指無病
自死蓋言衆怒之難犯也今舉朝以為不可通國以為不可即傳
諸普天之下量亦以為不可者而皇上肯獨以為可乎故衆口沸
騰如矢之集的怨氣滿腹似鋒之攢身人非鬼責合併交加清夜
內省能一帖席否忠耶不忠耶賢耶不賢耶亦大負皇上命名之
初心矣夫親賢納諫從善如流此理道之所以日隆也拒諫飾非
狎近匪人此王業之所以日頹也顧其要在乎能斷語曰饒邪

弗利無異鉛刀又曰當斷弗斷反受其亂惟我皇上大奮乾剛早賜聖斷將魏忠賢速加罷斥明正其罪以洩神人之忿云奉聖旨已有晏旨了不得煩貽該部知道

起伏轉折盡平文章之致讀者當用包蒙吉讀韓文公原道篇讀法勿徒效茅鹿門錢豐山諸公只從文章起見范彪西二十四罪疏此為定註矣如桑欽水經得鄧道元益傳范孝前續垂棘編二集卷四共五經堂選定

銓政疏節

翟學樞

維茲主爵之臣豈非諸臣中所稱以人事君而為我皇上儲夾袋之材備藻龍之物者哉其道貴公一毫私曲弗得與也其道貴明一毫隱伏弗得參也今之銓政公耶私耶明耶昧耶臣不能知則見其徇情逐面者有矣波頰茅靡者有矣巡撫大吏京卿清秩每缺一出奔走如狂初猶托人後則自討甚至擠人以自便敗名喪節莫此為甚其奚以立群工之上稱師帥為表率乎京官如此何况外官大臣如此何况小臣故監司統轄郡縣者也每營美缺輒貨長安蓋謂不如是則不得也郡縣親近百姓者也垂涎善地暗續垂棘編二集卷四共五經堂選定

通明講且具呈獲允矣亦謂不如是則不得也於是司道各屬臭味相通巧者被親拙者見遠賢而未必開開而未必賢幾令乘馳之激揚蕪淡無色而二三下吏遂鷹擊毛舉莫且暮可足吾事殫其地之出竭其廬之入不足以供魚肉充朶順焉與臺皂隸躬飭綺縠而民不得極口厭果肉而民不屬糟糠嗚呼何令吾民一至此極則源濁而求流清形曲而望影正為必不得之數也故曰國家之敗由官邪也官之失德寵賂章也吏奸而不知禁法斂而不修民困而不知恤始實然喪其樂生之心而賊盜充斥死地如鶩豈民之故於奸亂哉則貪婪暴虐之政實有以激之耳語

曰饑寒切於人之肌膚欲其毋為奸邪不可得也此非細故也若
使○人○與○官○稱○官○與○地○宜○可○耳○至○於○制○裁○已○落○二○義○奈○何○當○大○庭○廣
衆○之○中○為○塗○人○耳○目○之○計○缺○定○於○先○籤○掣○於○後○高○下○其○手○掩○耳○偷
鈴○將○欺○皇○上○乎○則○欺○君○者○有○罪○不○當○偽○也○將○欺○海○內○乎○則○如○越○人
隔○垣○觀○五○臟○洞○其○底○裡○不○必○偽○也○不○當○偽○也○不○必○偽○而○明○作○此○態○有
同○見○戲○果○何○說○乎○是○今○日○之○所○當○急○議○者○也○臣○猶○記○為○令○時○見○今
我○政○侍○郎○朱○光○祚○銓○政○一○疏○鑒○鑒○可○行○奈○何○寢○閣○而○不○報○豈○其○不
便○於○已○私○乎○夫○其○不○便○於○已○私○也○正○其○有○便○於○官○常○也○正○其○有○便
於○生○靈○也○而○舉○之○殆○不○容○一○日○緩○者○矣○

續垂棘編二集卷四

大

五經堂選定

直糾合部積弊亦既渾身是胆又推究到貪汙剝民民窮作盜
虞令○人○主○不○能○不○寒○心○也○當○日○肯○錄○一○通○於○堂○右○甲○申○之○變○何
自○而○起○范○彪○西

袁忠魂疏節

習學程

邦定陝之三原人也○以貨繼揭為業僑寓安岳而急難熱腸恒義
形於色邑中父老子弟罔不交口誦之○臣○卑○禮○厚○幣○延○為○上○賓○其
曹○耦○在○本○縣○者○在○鄰○封○者○若○而○人○俱○聘○之○使○來○赴○赴○桓○桓○自○成○一
隊○乃○邦○定○槍○法○絕○精○凡○有○格○者○輒○應○手○而○倒○臣○每○於○操○練○亟○賞○其
能○謂○之○曰○爾○大○將○材○也○俟○此○中○平○定○薦○爾○為○國○用○可○乎○則○應○之○曰
唯○唯○此○時○邦○定○感○臣○特○達○之○知○葉○心○許○臣○以○死○報○矣○山○有○猛○獸○藜
藿○不○採○其○不○敢○引○弓○而○嚮○者○踰○兩○月○所○故○賊○中○誰○云○立○得○起○的○安
岳○打○不○進○的○銅○梁○奈○劇○盜○揚○童○以○山○高○城○卑○說○諸○賊○而○安○岳○之○禍
續垂棘編二集卷四

十九

五經堂選定

始矣○前歲十二月初七日賊兵七千有奇去縣二十五里○劉○營○派
湖○鋪○來○犯○臣○集○多○人○議○應○敵○之○策○邦○定○進○曰○凡○外○山○高○者○不○守○况
無○水○乎○兵○法○制○人○而○不○制○於○人○賊○在○外○據○險○則○賊○勝○我○在○外○據○險
則○我○勝○可○將○一○切○倉○庫○錢○糧○設○法○收○藏○而○統○大○兵○登○山○頭○迎○敵○此
高○屋○建○瓴○之○勢○也○蔑○弗○濟○矣○臣○讀○史○見○許○歷○告○趙○奢○曰○先○據○北○山
者○勝○竟○用○是○敗○秦○而○我○成○祖○文○皇○帝○曰○守○城○之○衆○以○戰○則○不○足○禦
賊○則○有○餘○若○軍○在○城○祇○自○示○弱○彼○得○專○攻○無○復○他○顧○甚○非○良○策○出
兵○於○外○奇○變○隨○用○內○外○犄○角○破○賊○必○矣○則○僕○邦○定○一○麾○騰○絕○桓○之
子○市○賈○之○人○而○遷○徙○之○徒○也○何○暗○合○古○兵○法○有○如○是○乎○遂○於○初○十

日以兵萬人合戰○邦定○統陝兵當先○千總何餘○統鄉兵繼後○議不
反○顧計不旋踵○各懷怒心○如報私讐○乃殺群賊三百餘人○賊首五
人○獨邦定連殺賊十一人○其子李官亦殺賊三人○顧天表英雄○捨
柄斷折○李官拉邦定去○則植髮銜冠○怒目大叱○自斷其衣冠○款胸
偃仰於地○曰賊狗奴快來老子死在你手裏○捐生取義○視死如歸○
壯矣哉○外陝客王汝魁○善使流星鐵鎗○殺賊四人○同時遇害○賊衆
披靡○當下遠遁○至次日○哺時○猶食不下咽○委悉在通詳中○故督臣
朱燮元曰○兩陳極爲得力○維時蜀信斷絕○聖意焦勞○副使王世仁
具疏上聞○而我皇上西顧之憂○藉以少慰○孰非邦定深謀遠慮之
績○垂棘編二集卷四

卅

五經堂選定

所貽哉○臣以守土奮不顧身○分固應爾○邦定儘可視為鄉鄰之關
而竟若此○倘無帷蓋之報○令與草木同腐○是邦定不負○臣臣負邦
定也○目其未瞑矣○矧今國難未平○人心宜勵○伏乞皇上勅下兵部
並彼處撫按○再加查覈○如果○臣言不謬○將李邦定與王汝魁○量恤
其後○仍令本處有司建祠享祀○云
聖賢文事武備合而為一○如臨事而懼○好謀而成○及天時地利
人和等○原不諱兵○後世若箇書生○聞鉦鼙而喪七也○以云我戰
則克宜乎○為吳鉤男兒○傾倒也○今果有如翟公之於邦定者乎
令我尚見兔耳干城之風○而不能已○范彪西

續垂棘編二集卷之五

晉妻山范部鼎彪西選定

受業

王 傳書升

手錄

保身保治疏錄六段

王允成

一慎防範○防者何也○非僅食息起居之斤斤也○試觀往事○可為今
鑒○神宗為父止慈○而龍蔡燕尾○幾搖國本○先帝在潛邸時○二十餘
齡○何以不冊立○何以不冠婚○何以不講學○何以不設東宮之護衛
何以欲斷孝端皇后之養○聖母郭后何以陵園不守○王太后何
以發引不定○輔臣王家屏何以封還詔書而去○台省王德完等何
續垂棘編二集卷五

五經堂選定

以斥杖無虛日○儀即王紀○何以辭親友○備后事○而以死爭○悲哉先
帝○曾不見為長子之樂○而日有為太子之憂○今四十年之恩威自
在也○封后之奢○願未忘也○素所卵翼之李進忠田詔等數百萬家
私○所迫能幾○必有安頓之所也○以此思防○防可知已○先是萬曆元
年○春正月○皇祖乘輿出乾清宮○有男子偽着內使巾服○由西階趨
而前○為守者所執○搜其衣○得劍刀各一具○道其名為王大○臣東廠
嚴究○的名章龍伏誅○又先帝在東宮時○張差持梃大棍徑入其
內○鬼神呵護○得免于難○說者謂為風癩然青宮豈發風之地○龐保
劉成豈并風之人○皇城排門列戶○何獨風入太子之宮○讀何士晉

王之來等參疏與刑部愛書良可寒心是宜防之証也一慎內旨
通來章奏疏過多恆人意間有一二聖諭忽從中出識者憂之蓋
以中旨而當且恐開叢假之端萬一不當臣工互為執爭必成反
汗之勢則亦何益之有孰若事無小大盡歸閣票之為愈也票之
即有未合聖心者不妨重發重票肯悉本于閣擬則左右可以謝
過而相臣無所推諉或者虞其攬權自恣也遠者且不具論獨不
聞張居正沈一貫之敗轍乎彈章雖未盡覽獨不見鄒元標劉台
陳嘉訓孫居相之疏乎雖削其籍殺其身降其級奪其俸猶然不
顧而請尚方也卒之身名俱敗為天下笑揆諸諸臣啟鑒不遠况
續垂棘編二集卷五

二

五經堂選定

新參俱由廷推俱先帝特簡無可顧忌自當以赤心報君七尺許
國故以票擬專任輔相以糾彈專責言官而內旨不降是亦制治
清濁之源也一謹票擬閣臣名為政本票擬即屬綏綏寧可漫無
主持而以摸稜為也事有應部覆者而亦有可以徑處者人有宜
酌議者而亦有可以徑定者但云該部知道豈無寢閣之憂豈無
紛擾之患日者泰昌紀年一事此子不忘親臣不忘君之意何難
片言立決即有不一之論周公之愛兄孔子之愛君耳何過之有
一經會議幾築道旁之舍今之內閣已非單匱之象儘可協贊以
成廟謨自今以後某肯係共擬某肯係某擬肯下之次日發抄曉

然與舉朝共見之其有未委者有推諉者臺省得而指摘焉大臣
被劾或姑留之以全體而再之謂甚而况玉手糾彈之身既難任
事進退維谷反成虛拘至如閣撫王士昌貪婪無厭聞言移鎮巧
取愈甚民間屢罷市矣且指獎為驕及有司矣豈可不逐之使速
去也即此推之則票擬之當斷可知已一杜旁落聖上英安天授
照臨之下忠佞洞燭但自古近習固多乘其早闇而尤易乘其高
明我皇上冲年而臨萬幾事未諳練不得不借聽于貂璫然左右
前後未必皆居州也得無有以緩為急急以為威者乎以急為緩
緩以為德者乎職謂城狐社鼠雖難薰灌而批鱗折檻實繁有徒
續垂棘編二集卷五

三

五經堂選定

願皇上為紀言紀事之法今日某璫作何事今日某璫發何言上
所欲行而某璫請止上所欲罷而某璫請行臨朝一一對臣下言
之誰是誰非宜去宜從可以止辦倘有作奸犯科者自有臺省之
白簡在而中涓之邪謀不攻自破即欲假借以作威福豈可得乎
憂時君子無不慮其故敢為此防微杜漸之說也一嚴部覆
言事在臺省行事在閣部邇來章疏隨上隨下在聖主有從諫如
流之懿所以贊襄之而將順其美者則部覆為重而部之所覆幾
何或寢之而不報或報之而不逮甚者以言路之彈章為部臣之
薦贖則亦何利焉然司官各有職掌肯下即為抄出秋刻立限議

覆○不○得○仍○前○延○揆○以○欲○辦○駁○之○門○以○開○請○托○之○徑○覆○一○事○即○可○結○
一○局○覆○二○人○即○可○了○一○案○何○必○待○連○篇○累○牘○積○日○累○月○而○後○為○公○
論○也○即○如○職○前○日○論○遼○東○失○事○諸○臣○事○極○重○大○而○久○不○見○覆○疏○豈○
輦○金○之○已○入○乎○抑○畏○威○而○不○敢○行○乎○抑○中○有○私○昵○而○不○能○覆○乎○聖○
上○納○言○而○部○臣○不○行○其○言○豈○社○稷○之○福○也○則○部○覆○不○可○不○速○也○一○
殲○庶○取○元○輔○方○從○哲○自○鄭○宗○周○首○上○糾○叅○之○疏○而○明○攻○暗○刺○者○豈○
止○百○章○然○懸○身○于○不○進○不○退○之○間○攬○權○于○半○真○半○假○之○地○則○新○叅○
反○得○借○口○推○諉○矣○而○從○哲○忍○恥○不○肯○決○去○者○何○也○抑○知○其○始○進○之○
由○乎○皇○祖○時○君○臣○相○隔○二○十○餘○年○宵○人○遂○多○徑○竇○結○寵○妃○為○與○援○

續垂棘編二集卷五

四

五經堂選定

借○李○盡○忠○等○為○腹○心○托○內○監○書○辦○為○通○使○故○能○為○所○欲○為○癸○丑○春○
月○中○肯○突○出○用○以○典○試○皇○祖○久○不○御○朝○何○由○知○京○城○之○內○有○家○食○
之○翰○林○需○次○侍○即○可○以○入○場○而○不○爽○其○期○乎○自○此○而○揆○路○獨○據○一○
手○握○定○不○疼○不○癢○國○是○日○非○而○不○恤○向○者○聖○上○于○選○侍○移○宮○後○發○
一○聖○諭○不○過○如○常○人○表○明○心○迹○之○意○耳○而○封○還○謂○何○宰○相○封○還○詔○
書○必○其○有○關○大○利○害○大○是○非○大○典○禮○者○也○此○則○何○所○關○也○封○后○之○
命○何○不○封○還○都○督○之○命○何○不○封○還○降○處○周○朝○瑞○之○命○何○不○封○還○
馬○昭○之○心○路○人○知○之○矣○位○極○人○臣○寵○冠○一○時○已○無○可○加○或○俟○加○九○
錫○耳○猶○不○肯○自○裁○請○下○九○卿○一○會○議○之○何○如○不○然○糾○彈○不○動○好○官○

自○為○傳○之○后○世○謂○為○頑○鈍○無○恥○之○相○公○其○有○愧○漢○之○節○義○多○矣○
原○疏○十○事○事○事○石○畫○然○而○古○今○異○寧○好○尚○不○同○故○止○收○其○半○餘○
未○收○者○仍○存○原○稿○俟○與○太○平○楊○全○甫○諸○疏○合○為○一○書○用○徵○吾○鄉○
文○獻○范○彪○西○
每○愛○名○公○奏○疏○有○益○軍○國○民○生○所○謂○得○位○行○道○功○德○無○量○孔○子○
曰○我○欲○托○之○空○言○不○如○見○之○行○事○深○切○著○明○也○自○愧○病○軀○終○養○
無○緣○沾○升○斗○以○圖○尺○寸○讀○此○等○疏○恍○然○置○身○于○行○事○之○間○快○心○
快○心○又○評○

續垂棘編二集卷五

五

五經堂選定

外○官○赴○任○以○憑○為○准○對○月○領○憑○不○知○何○故○臣○謂○每○月○推○陞○急○選○大○
選○至○多○不○滿○千○人○憑○限○不○過○標○日○別○無○情○弊○可○查○三○二○日○之○間○即○
可○了○當○即○當○催○之○出○京○不○得○久○任○都○門○為○鑽○求○請○託○之○地○改○一○月○
為○十○日○是○不○可○行○乎○
此○為○催○各○官○到○任○并○請○用○人○疏○中○一○段○通○篇○固○佳○而○此○段○尤○屬○
不○朽○錄○之○以○存○典○型○范○彪○西○

請錄忠貞疏

王允成

奏為遺佚奉旨會議○幽貞尚未卸錄○謹聞公道○以勵臣忠事天地○至大至剛之氣○人臣得之而為忠貞○彼其自靖自獻○原出天性○所重在君父而不重身家○所念在國是而不問用舍○奪不足以辱之○死不足以難之○貧賤以致避世○無悔然在臣子原無望報之心○而在天朝○豈廢激勸之術○是以國家有賜環舉逸之典○有贈官易名之典○非徒褒既往○所以勵將來也○非為市私恩○所以培正氣也○神宗御極二十年前○白駒絕轡于空谷○二十年後○碩人長咏乎考槃○盡忠之臣○有幸有不幸○而恩詔之施○有及有不及○起廢屢布明綸○

續垂棘編二集卷五

六

五經堂選定

而廢臣雖不勝起一日不死○尚爾彈冠○蓋指已定堪憐化碧○臣謂廢臣宜起也○廢而死者宜卹也○然有自上而廢之者○有自下而廢之者○爭國本之蚤建○諫殫稅之停止○請中宮之篤厚○裁寵妃之恩私○此其廢廢在上也○廢在上則天地包荒而懷心○不及于飄瓦○又或講辛亥之察典○爭年例之職掌○論五臣之去留○察姦儉之相國○此其廢廢在下也○廢在下則禁錮難破而飛彈時及於冥鴻○彼英雄豪傑○麋鹿為侶○雲水逍遙○幸而入明王之夢○將扶杖以待弓旌○又不幸而犯門戶之忌○反考察以待黜○臣甚不忍以賢而見棄者○又以不肖而見猜也○甚不忍以鬱抑于君臣之不接者○而復見

續垂棘編二集卷五

七

五經堂選定

棄于地○天之交泰也○然有一人也○而互為賢否○有一省也○而共為雌黃○有此薦而彼遺○有象舉而獨棄○羅雀之門○多此一苗○推歎既奉咨訪之旨○想廟堂自有公論○即云議論未一○不有善者○好不善者之惡乎○不有三人占則從二人之言乎○諸臣各矢虛衷○發完起廢之局○以光盛治○臣不敢拾殘唾○以市德于在野之逸士○而敢請特典○以優卹乎作古之賢人○巖棲穴處○半登山公故事○雖有蚤基終難棄擲○而當時與諸賢同心報國○觸忤權姦○適逢聖怒○致遭貶斥○齋志隕身者○寔繁有徒○不可不為表揚○以開其抑鬱之氣○以作其忠直之風○如忠而忤旨者○則揚天民○王如堅○張棟○孟化○鯉○錢一○本陳尚象○李獻可○維于仁○顧憲成○萬自約○吳定○曹學程○馬經綸○楊文煥○王學曾○顏文選等也○如忠而忤相者○則羅大紘○陳嘉訓○千孔兼王教○薛敷教○諸壽賢○汪若霖○王士麒○湯兆京○林秉漢○宋壽姜士昌等也○忠而忤璫者○則馮應京○華珏○吳宗克○沈聰之○焦元卿○李來命○王邦才○王之翰等也○此輩不肯依阿苟容○上而為國○下而為民○駢解之骨○敢諫之忠○雖死猶生○臣所記憶不多○查考無據○亦如起廢之例○發單九卿科道各舉所知○分別次第○或予之以廕○或予之以謚○或贈其官○或復其職○使朽骨欲化者○得以增松楸之色○異日垂之青史○千秋而下○尚論者○猶有弔古之心焉○臣去年內外曠官

既內亦曾照一段謂父廢者應急起用老病者分別加銜已化
者破格贈銜例轉者漸次起補荷蒙俞允茲敢再申前議而尤
倦於無勢可媚無權可依無灰可燃之臣區區一念只欲使忠貞
報國者不與草木同朽腐耳草既已畢適聞即報讀薛國用既深
嘆一死一生臣節乃見按臣張銓非有封疆之任遠域被圍經臣
西向讓三將選精銳使破圍而還廣寧而張銓以死自矢指揮如
故城破不降守節而死至道臣何廷魁崔儒秀亦皆從容就義哀
經畧雖不能全城而猶能守死視之臨難而逃浮海而還者人品
天淵矣文武死難諸臣尚不悉其名總之急宜褒嘉無若昔年劉
續垂棘編二集卷五

五經堂選定

縱使其破產陳請以負死者於地下可矣云云奉旨該部院查
議具奏

陸象山曰義是個大世界呂叔簡曰公正二字是撐持世界底
沒了這一字便塌了天崇節義彰公道此等人此等文范彪西

請明紀綱疏 刑後半

王允成

奏為直進中興第一義以振積玩以挽凌替事竊聞之韓愈云善
醫者不視人之肥瘠察其脉之病否而已矣善計天下者不視天
下之安危察其紀綱之理亂而已矣請看今日之天下安耶危耶
試觀今日之紀綱理耶亂耶寶鼎盜矣龍座竊矣妖犯亂言於文
華之殿姦人潛聞于寶應之門皇城內之紀綱何如也白晝越獄
強盜公行刑餘洶洶一開而立毀宗伯之署假印累累屢犯而未
正司寇之刑都門內之紀綱何如也陵軍謀而臺臣窘矣南營譁
而省臣去矣調兵而領軍之役久觀望于天津徵餉而加派之銀
續垂棘編二集卷五

九

五經堂選定

徒果腹于墨吏詔使可截直指可圍藩臬可逃軍政可辦四海之
紀綱何如也不但不能如二祖之嚴如世宗之肅而亦不能如皇
祖之初年俯仰之際感慨係之矣皇祖靜攝幾三十載部院十事
而九不行臺省十疏而九不下祖制多所權宜法度半至廢墜政
令殆玩上下怠懈幸賴陛下勵精圖治無不用之人無不行之政
無不聽之言人思中興之效且夕改觀其如餘風猶存積習不振
何近接邸報無不扼腕怡堂之雀嗟嗟此何時也安危存亡懸于
頃刻尚可泄泄沓沓為耶職謂欲成中興之治別無良策敢以脩
明紀綱之說進欲明紀綱首戒姑息為國之法有似理身平則致

養疾則攻焉○今已實頑不靈○若非加以針砭○終成錮疾○是惟執法
不撓○訖成訖富○功疑惟重○矧功在不疑者○何可不賞○如近日拏獲
姦細○不啻臨敵擒將○自臺臣以至兵備○皆當有不次之擢○罪疑惟
輕○若罪在不疑者○何可不罰○如逃難逗遛之官○不啻失陷城池○自
文臣以至武弁○皆當有不赦之罰○凡部院卿寺藩臬守令○或不上
緊幹辦者○罪無貸○若曰小不忍則有大忍○敵兵殺我軍民幾數十
萬○我實有以貽之○向令蚤申祖宗之法○嚴失事之誅○則法令明而
人心肅○豈遂至此○此其機握之自上者也○在上其要于戒姑息而
在下其急于破因循○然因循之弊于今為甚○而因循之害則曲徇
續垂棘編二集卷五

十

五經堂選定

人情沿襲故套者○為甚○有斷然當速行之事○或以前此未行○或因
人言不行○故寧誤國家○而必不敢以忤私情○而必不能以破舊例
不思為人臣子○當從君父起見○而勢之緩急○問理之是非○而已畏
首畏尾○身其餘幾○況災非剝牀○而已近膚○世之人有不愛父母兄弟
弟妻子者乎○吾之急急君國○即所以急急于父母妻子兄弟也○君
國之事畢而太平復見○則得平吾君以安我父母妻子兄弟之
樂計不出此○悠悠忽忽○不任一件不竭力幹一事○恐天下
事去而此身隨之○父母兄弟妻子○下落更有不思言者○凡我臣
工興念及此○尚可不打起精神○而因循苟且為乎○尚可不急

救○君○國○而○曲○循○人○情○沿○襲○陋○規○為○平○間○部○大○臣○動○言○會○議○總○因○循○
之○別○名○勞○可○任○怨○可○任○而○必○不○可○以○憂○譚○畏○譏○之○心○為○太○平○鎮○靜○
之○客○也○所○謂○因○循○之○不○可○不○戒○者○此○也○我○無○姑○息○彼○無○因○循○紀○綱○
法○度○秩○然○中○內○轉○弱○為○至○強○將○在○此○舉○明○紀○綱○千○理○財○之○際○則○
微○解○不○敢○後○時○支○放○不○敢○冒○破○火○耗○不○敢○濫○加○里○書○不○敢○作○弊○而○
紀○法○不○明○豈○但○不○清○之○遠○餉○三○百○萬○部○臣○有○議○有○註○尚○未○正○侵○剋○
之○罪○而○洋○海○巡○死○之○臣○且○有○挾○銀○而○歸○者○矣○明○紀○綱○千○理○財○之○際○
則○愛○命○者○不○敢○不○來○在○任○者○不○敢○徑○去○薦○舉○者○不○敢○夾○帶○私○人○選○
除○者○不○敢○照○顧○門○戶○紀○法○不○明○豈○但○貪○橫○之○徐○大○化○破○壞○察○典○彈○
續垂棘編二集卷五

十

五經堂選定

曾○讀○呂○新○吾○先○生○憂○危○疏○幾○千○萬○言○皆○切○時○事○無○一○閒○字○冗○句○
勿○論○經○濟○第○一○即○其○文○章○千○古○無○二○此○疏○竟○堪○曉○美○范○鹿○西○
劉○切○似○陸○宣○公○剛○直○似○汲○長○孺○使○胡○廣○中○庸○味○道○摸○稜○真○無○
作○生○活○王○書○升○

補守令題驛通疏前

王允成

○行○道○施○之○官○裁○各○院○舉○動○必○取○憑○於○道○府○道○府○所○底○各○院○有○聞○
○即○坐○名○查○取○而○開○薦○如○故○甚○有○查○之○愈○急○而○庇○之○愈○切○究○且○不○得○
○不○薦○也○院○道○無○親○理○之○事○惟○守○令○承○行○守○令○所○不○欲○行○雖○院○道○屢○
○催○而○聞○之○自○若○守○令○所○不○欲○廢○雖○院○道○屢○禁○而○行○之○自○如○大○利○大○
○弊○各○院○止○有○與○除○之○令○而○守○令○乃○能○有○與○除○之○實○古○人○位○至○三○公○
○恨○不○為○縣○令○此○之○謂○也○守○令○之○重○何○如○如○之○何○可○缺○也○驛○道○之○通○
○行○血○脉○之○流○貫○也○在○內○有○車○駕○專○司○在○外○有○驛○傳○專○道○大○臣○方○賜○

續香林編二集卷五

六

五經堂選定

○馳○驛○公○差○方○有○勘○合○關○係○頗○重○邇○來○冒○濫○極○矣○驛○道○亦○疲○累○極○矣○
○南○京○臺○省○緊○要○章○奏○每○遲○至○三○十○餘○日○不○得○上○達○况○其○他○乎○近○者○
○元○輔○條○議○樞○相○覆○行○極○其○周○到○然○細○節○或○有○未○詳○者○臣○今○新○市○鹿○
○泉○兩○衛○邑○頗○為○留○心○頗○知○就○中○之○弊○謹○再○詳○細○一○發○揮○之○累○驛○通○
○者○首○在○該○驛○積○棍○彼○假○小○利○以○交○歡○驛○宰○驛○宰○亦○施○小○惠○以○結○其○
○心○朋○比○為○奸○指○使○換○以○冒○破○用○一○開○十○將○無○作○有○借○座○馬○以○免○差○
○原○無○馬○匹○空○冒○工○食○過○承○舍○之○重○包○則○累○人○答○應○遇○人○情○之○騎○坐○
○則○聊○一○點○銀○預○支○費○放○銀○無○可○分○之○銀○馬○多○註○免○差○繁○有○重○疊○
○之○苦○祇○令○人○吞○酸○而○忍○氣○耳○一○驛○有○一○棍○則○少○一○馬○學○伯○宦○僕○又○

復效尤每驛止數十人稍或不支則倡全逃之說以難其官事

○不○得○已○則○又○出○頭○以○為○調○停○之○計○此○驛○逃○之○累○驛○逃○也○一○驛○官○也○
○此○驛○官○不○止○一○驛○官○矣○
○例○外○起○例○初○到○有○見○面○之○禮○既○任○有○克○賀○之○禮○生○辰○則○有○祝○儀○令○
○節○則○有○節○儀○甚○者○買○茶○買○扇○給○散○馬○戶○而○倍○收○其○值○親○友○往○來○抽○
○豐○馬○戶○以○慶○足○其○欲○每○日○占○一○座○馬○一○引○馬○一○燒○茶○馬○數○日○折○一○
○茶○果○之○馬○周○月○折○一○長○差○之○馬○查○盤○循○環○問○罪○吏○書○怠○玩○問○罪○總○
○派○閭○驛○均○攤○又○聞○有○一○驛○派○定○直○日○聽○事○牌○子○有○官○經○過○該○驛○止○
○於○官○支○銀○內○量○出○米○幾○升○幾○錢○許○肉○幾○斤○餘○則○直○日○者○包○賠○每○日○
○賠○多○賠○少○聽○之○造○化○有○直○不○過○三○日○而○中○人○之○產○已○罄○者○馬○戶○骨○

續香林編二集卷五

七

五經堂選定

○舖○幾○何○工○食○幾○何○堪○此○銷○鑠○此○驛○官○之○累○驛○逃○也○守○令○出○入○肩○輿○
○常○緊○座○馬○何○用○甚○至○有○自○養○馬○匹○以○扣○工○食○者○有○派○驛○遞○備○程○飯○
○者○有○公○出○俱○用○驛○遞○中○火○者○有○受○驛○遞○之○餽○獻○者○有○派○令○買○鋪○陳○
○器○皿○等○物○者○有○府○發○之○銀○輕○入○而○稱○短○少○者○有○借○支○之○銀○重○允○而○
○利○羨○餘○者○有○逐○日○撥○夫○撥○馬○往○來○家○鄉○不○絕○者○佐○貳○首○領○亦○有○占○
○住○一○二○座○馬○者○亦○有○上○司○經○過○折○一○二○馬○以○賞○人○者○有○吏○書○比○較○
○折○馬○以○充○使○換○者○州○縣○多○賢○豈○必○如○此○而○不○肖○者○之○流○弊○互○相○沿○
○襲○此○守○令○之○累○驛○逃○者○也○道○府○經○過○書○門○有○長○規○厨○役○有○長○規○貼○
○馬○歇○損○有○長○規○至○于○徇○環○倒○簿○止○為○吏○書○倒○打○點○耳○幾○曾○查○得○一○

弊做得一事每年不過問罪數次至于查盤理刑儼然身史之威
府同府判皆仗依假之勢旌旗蔽日金鼓震天一夫一馬總屬驛
中物力稍不如意提吏提官甚者如石炬李承諸人到處必要察
院然他物尚可卒辦而官署豈可遽建虎役折銀五六兩而後遷
就住焉此則府道之累驛遞也各院承舍行必帶貨包重至一百
二三十斤鐵鞍重數十斤二上馬輒加鞭飛去馬之筋力有幾不
旋踵而斃矣每馬貼至一二兩跪而獻之尚怒目而不收公事有
誤駕言某驛不應付以至提解一提解而馬戶且隨枯而魂消矣
此則各院之累驛遞也馳驛官員臣在新樂三年前站家人不要
錢者惟兩人而已有既用坐司飯而又支廩給銀者鋪陳奉旨又
革有索之甚迫而出銀以賃用者有家人暗帶繩條坐褥器皿而
驛使不敢問者此則過往官府之累驛遞也至于中璫之縱橫王
府之進貢其如狼如虎之狀言之令人酸辛更不待言而知其苦
已凡此皆大累也知所累則知所禁禁之道宜窮于法而使不得
行軍定于一而使不可犯何謂窮于法乎州縣給散工食必以其
時當堂稱兌必如其數唱名親領必授其人開使換者不惟不聽
且從而加責焉若強為扣除被人告發以贓論如此即有侵漁之
心無所施其巧矣此大公之法也州縣與驛遞分而為二不相照

管非體也守令宜親查牌票置立馬戶夫役循環牌二架不拘驛
丞大使佐貳首領座馬探馬經過官員所用夫馬挨序摘牌魚貫
走差不許隔越一人長差之錢另置一筒另立一簿亦次序如前
法明明白白欲占便宜不得欲苦良善亦不得此均平之法也驛
遞應付必照號票號票掌之書手假牌票舊勘合費銀幾兩朦朧
掛給前途不察而應之竊謂出京不必問涿良不必問會館彼其
夫馬多自覓者當改定與新城掛號遇府再驗驗有不當應用者
輒罪掛號官吏在外起程當請該州縣號票沿途查驗亦如之總
之掛號與查驗之衙門多則假者必露費者必多費多而終不免
欺露人亦何利而為之此精覈之法也所謂窮于法而使不得行
者此也何謂定于一乎官員經過鮮有偽者惟家眷遺牌多不可
知江南驛遞尚問有無勘合河南北直等處但以發行牌票為准
臣曾查革數人而查之不得者不知凡幾此不煩巧妙之術在京
在外自閣部而下俱當先查勘合有真正坐名勘合雖假亦真無
真正坐名勘合雖真亦假可以造牌即可以討勘合在京討之兵
部在外討之撫按雖欲借情既以坐名而名色不得別立矣此事
例之定于一也隔屬馬票原不應付舊是潼關潁州與河南監兌
等道尚有混行而濫應付者宜嚴加禁約凡隔屬各院兩司並各

部差總兵衙門與順天應天馬牌並王府自置符驗一縣不准應
付間徇情行一紙則人指一紙為例不若斬然不行即借口公事
相干者勿聽也府廳票行一省亦多濫做人情凡府同府判推官
之牌盡行禁革廳有公事許討府牌府牌明書某廳差人往某處
紀簿凡各廳行私票者事發不但提吏責究即以此定本官之評
如此則誰不自愛而肯輕以借人此事例之定于一也所謂定于一
而不可犯者此也是以題驛遞乎曰未也各院道府俱有倒
換循環之簿然倒一次即有一次之打點至如驛傳每次不下十
數兩方今按差二年一代一年即查盤一次各院之事俱在查盤

續垂棘編二集卷五

廿

五經堂選定

之內似不必再用循環文簿其餘府道緊免倒換兩直則本道各
省則驛傳仍照舊行或分上下兩半年省其二期可也倒換之時
嚴禁吏書不得需索可也小過免究每年少問數罪可也撫按於
此得無意乎是足以題驛遞乎曰未也南北官幾倍于昔誰
其覓夫覓馬而往來者乎況運糧餉運器械押兵之官絡繹于道
工食未增于昔而差使數倍即云有所禁革然亦禁其所不當應
付者耳即云嚴催協濟然亦協濟于舊額之內者耳宜量增工食
以濟其乏今加派于無可加又何從而增之然各州縣於驛外俱
有馬匹僻靜之處亦然在衙路半以應旗吹之用半以待州縣吏

書之用官員往來盡革旗吹固妙不然步行以效役體純何嘗不
嚴肅乎况銜途雖經撥馬出城即徒步矣亦何益哉合無馬匹盡
歸于驛驛頭亦改為馬令其通融走差僻靜州縣馬上公文能有
幾件門書用馬將欲何之私裁其半猶屬有餘扣工食以給各驛
兩院通融而分派之是又題息之要著也此皆為極衝處言耳若
僻省之差不過照常即間出意外亦屬偶然毋煩紛更為已蓋必
有加添之工食而後可以題因必有必行之禁約而後可以不累
耳部既詳于大而畧于細臣疏詳于細而畧于大合之方成其美
勿以指及瑣屑而置之也臣自考選以來言守令不可缺者至三

續垂棘編二集卷五

廿

五經堂選定

言驛遞之不可濫者至再豈其好為孟浪之談哉於此中利弊見
得頗為清切不勝忿激故專言帶言暢言要言而不恤其煩也伏
乞聖明勅下部院速議施行將民生有賴而根本不至渙散驛遞
疏通而血脉不至壅閼矣然天下之所以長治而不壞者恃有法
度以維持之立法而不必其行行法而不必其必則將焉用法為
矣輔臣條陳驛遞非輔臣之立法耶然我朝清胃濫之嚴無如張
居正有犯必懲毫不假借今當如江陵之斷斷行法乃能有所嚴
憚不然其輔臣為國立法而不能為國行法也今年大計澄汰頗
嚴非眾宰之立法耶貪官之賊餉宜嚴追第一大貪如原任兩淮

疏理道世振者勘問年餘尚未正法徵問十萬通神金錢通布
以求脫網本內未獲之犯人俱已買逃當官已執之犯人尚欲買
去彼五十萬之賊可終令其不一吐乎國家懲貪之法可終廢乎
向者徐縉芳賊銀四萬屬之烏有世振豁鑒盈溢又復脫然于三
面之外安見貪吏不可為也不可殺限催問乎不然吏部為國
立法而不能為國行法也臣因論守令難缺驛遞難支故再憫憫
以行法望之

忠臣視國事如家事然家中米鹽水薪之類主伯亞旅之繁即
善治家者未必一一推算一一記憶如此夫驛遞亦政事之一
續垂棘編二集卷五

世 五經堂選定

何其推算記憶如此詳密也以此心視國事較視家事更加苛
願為言官者心其心尤願不為言官者心其心范鹿西

恭婦寺疏

王允成

為大柄旁落政事日非謹矢憂危苦口之辭以惕聖心以安宗社
事方今國家漸漸多事人情處處可憂敵虎踞于廣寧關蹂躪于
西蜀安跋扈于黔滇冠窺伺于延綏此外患之可憂者也東土苦
妖人之亂徐淮有震鄰之驚軍譁士驕而不可問民窮財盡而不
可為此中原之可憂者也婦寺多鹿馬之姦長門懷蛛網之恨三
字將為一網清流可投濁流此根本之可憂者也譬之人身耳目
四肢無不病近且及于腹心恐扁鵲望之欲走賄銅駝而與嗟思
治安而太息若之何其臣抱孤憤而欲言久矣每讀邸報丙夜無
續垂棘編二集卷五

世 五經堂選定

眠當食廢箸欲言而不果者屢矣想我皇上聖明天縱具大有為
之質豈少虛懷納諫之美而不直言盡言負吾君且負吾心矣聖
上邇來舉動稍不如初聞在官中以遊戲為常事視詩書若冠飾
諫至此不止近日所難即求之古人亦不多見
獻忠言為逆耳樂諂媚為易親賢輔之言不信而憐夫佞人信之
臺省之疏不信而微言冷語信之賢人君子未見其親宦官官妾
偏覺其昵惟朝朝魏進忠客氏用事而已關雎之好合曾幾何時
而三宮有寂寞之恨范氏之進宮何時而入而突然有慧妃之封
海內疑之且為陛下危矣陛下試思先帝時之光景與我共腹心
者誰乎試思移官時之情態為我防不測者誰乎內庭顧命之璫

大食其餘不及惟蓋之報外庭顧命之老中肯催去立見田里之
收以小馬為馳騁之資誰敢盤於遊田之漸以大臣為釋念之地
誰敢拂其考長之機聖上何不一察之也劉朝等初亦不預外事
自沈灌邵輔忠提其線索而傀儡始動此端一開遂恣肆而無忌
未幾而王心一倪思輝朱欽相等諸臣去矣未幾而京營奉再生
之父竟裁饒景暉之任矣未幾總憲有再推三四員之旨將以私

宛然十月之交第四章

其所厚矣未幾而點司空之陪推矣又未幾而以中旨用考試官
矣是易置大臣之權在二宦也近則弄權愈甚遠大臣如振落刑
部尚書王紀革職為民太僕寺卿滿朝薦革職為民是驅除大臣
續書林編二集卷五

續書林編二集卷五

苗

五經堂選定

之權在二宦也省臣轉科目有定叙給假推遷舊例皆然惡周朝
瑞之正直而突有給假不許推用之旨是陞遷百官之權在二宦
也三皇親家人熱審不得沾恩并不得臥涼簷下以緩須臾之死
是生殺人命之權在二宦也素藩以小宗繼大宗之後諸子不得
并封郡王禮科爭之不得而去宗伯爭之不得而去是冊封諸藩
之權在二宦也招權納賄作福作威二宦播弄於外客氏播弄於
內岌岌乎殆哉況將以其須有之獄網羅善人善人國之紀也無
善人則國隨之劉瑾王振之禍將復見於今日伏乞皇上御門召
九卿科道官面問魏進忠劉朝客氏果否弄權臣言果否有據詔

臣即畏威不敢盡言亦必不敢不言速行進逐以清君側之姦天
下事尚可為也臣言過切直在皇上必能亮臣在魏進忠等必不
能容臣亮臣而去此大壽天下之幸宋社之福也臣盡臣心臣盡
臣職即不能容臣從龍達比干於地下免見亂離之慘亦有餘榮
矣

忠肝肯筆鋒俱發血淚與墨汁交流 范鹿西

續書林編二集卷五

苗

五經堂選定

止秦藩濫恩疏

王允成

爲王封自有祖制○祈查舊章以杜倖竇○事親親之恩○至我朝而厚○極矣○爵級之尊○至親郡王而崇○極矣○雖以開國元勳○不得濫焉○雖○世代相承○亦有限制○不得人人濫焉○我朝郡王繼親王之後○第承○其爵○仍支本等俸祿○其後子孫承繼○嫡長封親王○而其餘諸子○仍○照郡王例○以漸而殺○應將軍者○將軍○應中尉者○中尉○世世相沿○無○敢更也○秦藩恃敵國之富○溺愛不明○貪心無厭○直欲升髦祖宗之○法○而開子孫濫觴之漸○聖上何獨厚于秦藩○何偏愛于存機等○而○爲是異數哉○玩其屢旨○曰○後不為例○曰○首藩特典○曰○任其執爭○夫○續垂棘編二集卷五

廿六

五經堂選定

原缺後半葉

愛不得私○厚雖有甚○惜不得私○戚神宗○能○先帝之○婚○冠○而卒○不○能○廢○先帝之○冊○立制故也○能○遷福王○桐○葉之封○而卒○不能○止洛陽○之轍制故也○代藩以已廢之長子而卒立之○以已立之愛子而卒○易之制故也○祖制所在○在臣子不得不遵守○在陛下不得不率由○如曰○唐○魯○秦○王○百計鑽營○何利而憊憊若此○聖上視之○爲虛爵而○存機等得之○爲實授○即云○虛爵臣亦以爲不當然也○晉文公有勞○于襄王○請一隧○道○隧○道○墓中虛事也○襄王責之不許○况一經封王○衣冠禮樂○儼然王也○而可輕乎○繫纓小物也○孔子惜之○不以與人○况一郡王之爵乎○惟名與器○不可以假○入旨哉○言乎○閱印報孫慎○續垂棘編二集卷五

廿七

五經堂選定

行去矣○周道登去矣○周朝瑞去矣○顧東諫則又起而爭矣○爲一人○無厭之陳○祈而遷各藩封典○爲宗室之虛爵○而使大臣掛冠○聖心○終有所不忍○伏祈查祖宗之制○存機等給以應得恩典○仁至義盡○而不相悖矣

恭親王其胆壯也○援祖制其識卓也○于制字內一意迴環○故作○轉折其學博而精○其筆快而利也○當與梁宰相益秦藩地制並○垂千古○范彪西

續垂棘編二集卷之六

晉妻山范部鼎彪西選定受業

范一偉个臣手錄

參壇辨體引附廣義

王含光

七言律始於唐故詩家謂之近體而名以律者為其嚴整難犯也後之學者往往詞意足賞而聲調未諧則一三五不論之說悞之耳夫一三五固有不論者亦有必論者有似不論而實論者有一句單論者有兩句合論者唐體甚晰奈何槩云不論哉且律生於

續垂棘編二集卷六

五經堂選定

音而音見乎吟故善作必須善吟倘心有平仄而口無平仄土音雜出失而不覺烏在官商迭奏金石成聲耶惟熟玩唐句審音朗誦悟入自然信其必不容紊則率意之失或鮮矣至若前人偶有無心之誤而後學輒援以自寬此狃於便安者所為非深心斯道者也今就鄙見所及引證唐句分為正變拗三體質諸同心倘淹洽君子廣我未聞則風雅鼓吹端有賴焉

廣義

一字之誤雖大家亦不能免如子美句武陵一曲想南征橫擣背指菊花開一既借仄三不還平難免尺璧之瑕非不論也蓋武一

兩字為料所屈橫背兩字為景所逼則傷句起不得已而用之可恕也又有刊本訛字如每依北斗望京華一本作南斗從南為是依南望北於理既通借每還南於律又協也學者惟執多以概少舍短而取長則不為小疵所悞矣

律有起手散行者如崔顥詩昔人已乘黃鶴去此地空餘黃鶴樓黃鶴一去不復返白雲千載空悠悠前四句散行也杜甫詩春三月巫峽長晶行雲浮日光前二句散行也李白詩杜陵賢人清且廉沈佺期詩龍池躍龍龍已飛李頎詩遠公遊跡廬山岑首句散行也在絕句如王勃詩九月九日望鄉臺之類凡此皆先古

續垂棘編二集卷六

二

五經堂選定

意而後近體諸大家偶一用之初學勿謂一三五不論而視為常格也凡讀唐詩不可捺草念過必按節循聲求其自然之律此人心無字詩也大抵平聲是歇喉處仄聲是轉喉處歇喉處宜畧緩轉喉處宜畧急讀平宜輕讀仄宜重勿讀平而似仄勿讀仄而似平土音既淨天籟自生又不待按譜尋聲矣唐制以詩設科故當時學者鑄格精嚴審音條達至可被之擊歌播之絲竹未容任意馳騁也宋元以來其音漸杳然唐音雖杳唐句猶存讀者惟潛心諷詠則抑揚緩急之妙必自有得自一三五

不論之說出初學喜其簡便靡然從之唐音幾絕響矣然近代諸
大家如何李七子輩固未嘗不論而江以南至今多有知者豈風
土使然耶但大方既不屑言及而小家又秘之以坐持短長是可
慨也僕不揆孤陋願以一斑之見私質同心共追正始敢強衆以
所不樂哉

觀尚書詩言志節則知聲律之道亦吾儒不廢近日詩人自謂
聲律已精遂罕吾儒事則非也况未必精乎請看吟壇辨體而
後可自審其精與否已余固不解詩錄此以廣夫精於詩者
范彪西

首藩于他藩一體而首藩係太祖封建于皇上為遠支祖廟親盡
則祧親盡之祖可割恩以就義况于宗藩乃欲違例而傷恩乎後
既不為例則不可為例明矣則前此之無例又明矣奈何當聖上
之朝而創一代未有之例乎今日之所行者即為後人之定例今
日可無例而起創他日何難引例而此例爭執于無例之時尚未
見其轉圜爭執于有例之後又安望其止聲聖上令出惟行凡理
之所通例之所應有者誰敢不奉如著蔡速如流水至存機等之
封期期以為不可以思已總之自古立國必先立有定制制重
而後國體尊制行而後國祚永制也者域人于必趨之途雖有甚

居園池記注

趙師尹

絳即東雍為守理所東參實沈分氣蓄雨河潤有陶唐冀道風餘
思冒讀從、句從。後倣此

絳治雍州之東規天星得參實沈括地盡命兩河間揆人理則
陶唐冀方地

晉韓魏之相剝削世說總其土田士人全無硤雜據宜得地形勝
瀉水施濠狀

由晉暨韓魏來競剝削析世稱各總理其地與人俾無硤薄
及紛驚者宜乘勝迹恒泯其地治其人

豈新田又冀限不可居州地或自有與廢人因得附為奢儉起
乃既徙新田慮最隘復遷復故絳又州地屢遷土風亦異
將為守悅致平理與益後心耗物害時與自將失敦窮華終披夷
不可知

詰為園者易制治耶易驕恣耶無亦失敦朴窮華麗將終至披
靡廢夷已乎

陴緬孤賴阿偶五武分
緬緬之訛

城因山勢女牆餘遶北聳
踞守居割有北自甲辛苞大池泓橫硤旁潭中

地○右○觴○園○戲○守○居○之○北○苞○而○為○池○深○廣○東○西○橫○硤○其○旁○而○潭○其○中○

癸○次○木○腔○瀑○三○丈○餘○涎○玉○沫○珠○

池○北○右○次○是○水○所○由○入○奔○湑○磯○錯○

子○午○梁○貫○亭○曰○徊○連○虹○蜺○雄○雌○穹○鞠○觀○蠶○磯○俱○島○坻○淹○淹○委○委○莎○

靡○縵○羅○蕃○翠○蔓○紅○刺○相○拂○綴○

梁○穹○窗○中○踞○貫○池○南○北○構○亭○名○徊○連○上○視○虹○掣○下○趨○如○窺○蠶○宮○

列○奇○石○行○步○觸○齧○循○島○坻○開○淹○淹○委○委○折○岸○莎○披○靡○縵○布○羅○蕃○間○

翠○蔓○紅○刺○亂○相○牽○拂○點○綴○

續○垂○棘○編○二○集○卷○六○

五

五○經○堂○選○定○

南○連○軒○井○陣○中○踞○曰○香○承○宇○寢○睥○思○

豎○香○亭○鑑○有○熊○氏○井○陣○法○四○繞○木○籬○連○瑣○布○罪○藉○守○寢○室○睥○潤○

足○人○深○思○

西○南○有○門○曰○虎○豹○

闢○門○守○居○之○右○繪○兩○壁○虎○象○有○武○豹○象○有○文○

左○畫○虎○搏○立○萬○力○千○氣○底○發○奔○匿○地○努○肩○腦○口○牙○快○抗○電○火○雷○風○

黑○山○震○將○台○

虎○伏○疑○底○厲○怒○發○忿○快○杆○抗○舉○似○擊○烈○將○撼○山○欲○合○極○其○猛○驚○

右○人○騎○黃○帶○累○珠○丹○碧○錦○換○身○刀○囊○鞬○過○繡○白○豹○玄○斑○飲○距○掌○

脚○意○相○得○

人○馴○豹○髮○髯○髯○服○履○錄○幡○筆○刀○佩○亂○映○豹○斑○飽○于○鉤○距○手○抵○

背○膊○閒○人○臥○相○習○殊○無○怖○逆○

東○南○有○亭○曰○新○前○舍○曰○槐○有○槐○眉○護○薔○鬱○蔭○後○頤○渠○決○決○綠○池○西○

直○南○折○燕○赴○可○宴○可○衙○

東○南○新○亭○之○額○巨○槐○作○力○擁○護○薔○鬱○蔭○鬱○自○前○頤○蔭○亭○後○頤○有○

渠○自○西○直○南○曲○折○向○燕○來○赴○茲○亭○可○宴○息○亦○可○判○決○衙○事○

又○東○齋○渠○曰○望○月○

池○東○齋○舉○過○望○月○渠○

續○垂○棘○編○二○集○卷○六○

六

五○經○堂○選○定○

又○東○齋○窮○角○池○研○雲○曰○柏○有○柏○蒼○官○青○士○擁○列○與○槐○朋○友○境○陰○洽○

又○極○東○為○柏○亭○柏○影○研○摩○池○雲○蒼○者○官○青○者○士○與○槐○閒○植○高○陰○

渥○色○穠○郁○莫○京○

北○俯○渠○憧○憧○來○刮○級○迴○西○

北○瞰○渠○流○靡○定○水○與○階○平○又○滿○漫○西○折○

吳○隅○開○黃○原○映○天○汾○水○鈞○帶○白○言○謁○

吳○隅○所○見○原○如○玦○水○如○鉤○據○地○宏○敞○有○以○考○言○察○竹○來○告○謁○者○

亦○于○斯○亭○

旦艮開遠岡青紫近樓臺井間懸畫梁可四時合奇士觀雲風霜
露雨雪所為發生收歛賦歌詩

晨視民方幼適青灼微抄恒聚士人游諫時物

正東曰蒼塘時瀕西游望瑤翻碧漱光文切鑒翠漢挽挽收第

塘在東故名曰蒼由林木間俯俯沈沈聯聯淪連水紋波刻動
挽挽岸英始收

正北曰風陵乘猶左右北回股勢塘橫蹴塘衝渠飲池南植榦景

怪蠲蛟龍鉤牽寶龜靈龜文文章陰欲整啟煙漬露聚桃李蘭

意神君仙人木棠難岩可會脫赤熱

續垂簾編二集卷六

七

五經堂選定

受風曰風陵正北連左右相陵駕橋持旁陵返抱大似兩

臂勢力止巖珍轉蹊塘之半街帶小渠而散享于大池直南接

于午梁倒影在水光怪咸燭檣格則蛟龍之鉤牽柱礪則龜腹

之游泳鑲則文合則章真若鱗介羣來隱變下喻有時煙四浮

露棠錦桃李蘭蕙正芳水涌花明雖神人仙子衣棠娟娟凌波

以度不是過矣風斯隄也即長夏多人賜暑可祛

西北曰蒼蟻原開台儲虛明茫茫眼頃耳可大容故鐘鼓樂提

騰擊驚伯池豪渠憎乖憐園
其西北字平原取水如盤掘地即取蒼蟻名原信關大饒儲蓄

其涵光寥廓則開台也奇崛柱目閣轄盈耳則儲也開台儲嘉
賓樂矣復俯睇騰騰驚若在提舉似滿乎池豪視乎渠故作向背
可嫌也實亦可愛

正西曰白濱蒼蒼淑梨素女雪舞百伶水翠披靡千幅迎西引東

土長厓挾橫埤曰卯酉燕塗塢徑幽委蟲鳥聲無人風日燈火之

晝夜漏刻詭婉絢化

西濱樹梨百本得白之名繼演舞動水翠開之驚視若千幅畫

迎此引彼土厓挾持而橫亘者卯酉埤也塗徑隱折歷日夕動

定諸時詭異婉雅絢采幻化

續垂簾編二集卷六

八

五經堂選定

大小亭榭池渠開走池隄上亭後前隣乘壩如連山羣峰擁地高

下如原隰隄路輕

凡亭置小池渠開蓄洩四注走池水隄上紆折旁流間自諸亭

周顧塘原演埤則皆以堞連壩如亂山之環擁由土迤下若層

臺之迭承

水引古自源三十里鑿高槽絕竇壩為池溝沼渠瀑深潭終出汨

汨街街畦町阡陌開入汾

引古水自九原之麓二泉所匯不三丈許清一濁一匯流過郡
鑿其高槽其絕竇其壩以為斯池疏鑿異形其殺水名義繼流

以出厥聲汨汨然經民巷陌復寶壩南入于汾
巨樹木資土悍水沮宗族盛茂秀蔭遠映錦繡交葉枝香晚麗絕
地郡

土剛水洳卉木所由盛也枝實離離晚葩郁郁甲于州界
考其臺亭沼池之增蓋豪王才矣襲以奇意相勝至今過客尚往
往有指可創起處余退常吁後其能無果有不補建者應

考唐刺是州如徐王元禮鄭王元懿韓王元嘉許王素節岐王
範絳王恪及孔橫張錫趙彥昭嚴浚韋陟韋武崔弘禮輩或于
園池不無增易即過客嬉游猶有可指建者是以退慙之餘懷

續垂棘編二集卷六

九

五經堂選定

往昔悲方來知將創陟失制匪記構所克常保

池由干場及者雖文安發土築臺為拒誅幾附于汗宮

池則由隋大業間附漢王諒反者為絳人薛雅聞喜人裴文安

伐土為臺拒周羅睺之誅幾比檀檀弓所云誇其宮而諸焉者

水本于正平軌病井涵生物瘠引古沃漸人便幾附于河渠

水則自隋開皇間正平令梁軌開十二渠使人溉沐幾比司馬

遷所言河渠之利

嗚呼為附于河渠則可為附于汗宮其可書以薦後君子

嗚呼河渠而可為也汗宮而不可為也擇而取之將進後人正

告之矣

長慶三年五月十七日記

黃太音序曰宋王晟倅絳時嘗為解注劉忱亦有注皆不及見

元陶宗議輟耕錄云見灤陽趙仁舉注乃亦僅句讀耳余按灤

陽句讀于衡異又一本注不著姓名又并研胡菊潭注俱與

子衡異于衡生于絳頻下使君捐周覽園池按址為注非紹述

之記而子衡之記矣余家藏姚寶臣唐文粹一百卷而獨缺此

使早得子衡注寶臣應亦收錄以成一代完書范處西

雖文人之文亦博學家所不廢故既收小刻仍寄入通志中評

續垂棘編二集卷六

十

五經堂選定

距吾儒從禪說有節句

李華然

背有一學仙者問辛復元先生曰天生人原非儒非道非釋也儒道釋強增之名耳先生曰天生人個個皆是儒者為儒不失其初為道釋則失其初矣學仙者曰何所據而知生人皆儒也先生曰三皇五帝佛乎曰非也曰道乎曰非也曰三皇儒而皇五帝儒而帝也由是觀之天地間尊有過於吾儒者乎貴有過於吾儒者乎夫何項儒冠被儒服讀儒書為吾夫子之徒一旦見異而遷也將謂吾夫子不及佛乎儒書曰舜其大孝也與佛其大孝否又曰以子觀於夫子賢於堯舜遠矣又曰聖人人倫之至也佛賢於堯舜

續垂棘編二集卷六

十一

五經堂選定

否佛人倫之至否原依佛之心不過怕死二字求坐化之術耳夫真極曳杖非吾夫子坐化乎塔足啓手非曾夫子坐化乎俯仰天地間浩然獨無愧非邵夫子坐化乎焚香沐浴新衣幅巾非陸夫子坐化乎大風拔木洪水崩山非朱夫子坐化乎七十六年無一事此心惟覺性天通非薛夫子坐化乎如之何見異而遷乎而不特此也堯舜周孔吾道中諸佛菩薩也顏曾思孟吾道中金剛羅漢也周程張朱吾道中護法伽藍也此非臆說也先輩嘗言之矣司馬溫公曰忿怒似烈火慈悲似銘鐸終朝長戚戚是名阿鼻獄顏回安陋巷孟軻養浩然富貴如浮雲是名極樂園舜弟通神明

續垂棘編二集卷六

十一

五經堂選定

忠信行願變積善來百祥是名作因果言為百世師行為天下法久久不可掩是名不壞身仁人之安宅義人之正路行之誠且久是名光明藏道善脩一身功德被萬物為賢為大聖是名佛菩薩沈氏弋說曰近世宰官慕大雄之教輒脫冕弁居作老衲狀子竊笑之夫我等為窮措大則無如之何耳幸而通籍給符如龍乘風雲枯槁咸待澤焉視結棒之孔潤於江河者勞逸鉅細懸矣何必作區別見而謂仕宦非淨業乎其著烏紗帽即鬼盧冠也鞭笞即痛棒也呵怒即熱喝也見冤抑而隱之即是慈悲道場之死而致生之即是方便道場窘迫於上官而為民受屈即是忍辱道場

晦也○佛○八○十○二○歲○佛○未○嘗○不○死○也○堯○百○有○二○十○歲○舜○百○有○十○歲○即○以○歲○月○論○不○循○愈○於○佛○乎○或○謂○貧○賤○憂○戚○富○貴○危○疑○甚○難○打○熬○鹿○忠○節○公○曰○政○於○難○打○熬○處○見○本○領○

佛教行於中國自漢永平八年後讀唐傳奕韓愈諸表可見道
教始於朝廷自唐上元二年加試貢士老子後讀玄宗詔舉人
戒尚書論語策加試老子可見二氏之教初易風俗漸立科場
非宋儒極力闢逐幾駕吾道之上宋以後迄於明四書五經頌
之學官如日月江河二氏之不能與並夫人而知之矣然而因
果報應二氏之說也存其說亦足以惧愚民輔王法之不及余

續垂棘編二集卷六

十三

五經堂選定

嘗謂宋以後我輩不必力拒二氏者以此若堂堂衣冠舍吾大
子而崇信二氏誦般若而持準提此何為者附紀以質高明
范應西

或曰距從禪宜將儒禪大異處極力形容如真極曳杖等語使
佞佛者轉一語曰禪家坐化即孔子真極曳杖也云云奈何予
曰不妨此正是善於引誘處觀端木氏夫子之求之也可知
范个臣

日月交食說

傅新德

或有問於予曰日月食之為天變昭昭矣乃其交食之故古今星
曆家雜言之而卒不得其一照則孰為正應之曰予亦知日月之
所以分明乎不知日月之所以分明則不知日月之所以合食蓋
昔之論月者曰月本無光受日之曜乃光信斯言也日與月遙對
幾億萬里照且能曜之使光而况月與之同度反能掩其光乎論
日者曰日衝有暗大地之影即暗信斯言也暗影之大於月當不
下幾百倍則凡食月必既必經夜而後可乃何止於時刻分度之
間乎愚嘗以二說求之於日月食終有所不通者竊以為月自有

續垂棘編二集卷六

十四

五經堂選定

光而月之光非日曜也日自有暗而日之暗非地影也顧月有光
而光生於魄日之受食也正當其魄時也日有暗而暗舍於明月
之受食也適值其闇衡也難者曰月魄為水水之體黑是安取光
而月明萬古又何處有暗是大不然凡宇宙間之理陰陽互根間
關互用未有陰自陰陽自陽者月之魄本純陰於卦為坎而坎中
有先天一畫之真陽故為陽之母明漸生焉厥象玉蟾日之體純
陽干卦為離而離中有後天一畫之真陰故為陰之父暗虛含焉
厥象昂鷄凡二曜之合璧者皆陰地也而交食者皆陰勝也陰中
之陽未生而以其陰體通加于離之外又陽中之陰對衡而以其

時虛偶射于坎之中○又○是以○情○變○為○薄○生○為○分○則○各○自○為○明○
合○則○交○相○為○暗○當○合○而○合○則○為○晦○為○常○不○當○合○而○合○則○為○食○為○變○
故○必○知○其○所○謂○明○而○後○知○其○所○謂○食○必○知○其○明○之○分○而○後○知○其○食○
之○合○也○然○余○又○聞○之○易○象○箕○子○所○云○天○人○成○召○之○故○桴○鼓○不○爽○故○
變○不○虛○生○惟○人○所○致○有○道○之○世○則○當○食○不○食○蓋○人○定○而○天○從○之○矣○
豈○徒○諉○于○陰○陽○貞○勝○之○數○哉○後○世○直○付○之○一○星○史○耳○奏○鼓○用○陰○曰○
是○固○然○而○姑○然○推○驗○咎○徵○曰○是○適○然○而○未○必○然○焉○乎○其○亦○弗○思○也○
已○雖○然○人○知○天○變○之○交○食○而○不○知○吾○心○之○交○食○知○致○警○于○為○治○而○
不○知○致○警○于○為○學○此○猶○未○足○以○語○觀○象○玩○占○之○旨○也○夫○日○乾○陽○之○
精○也○吾○人○之○神○像○之○月○坤○濁○之○精○也○吾○人○之○氣○像○之○若○乃○狂○燥○暴○
率○其○熱○焦○火○則○志○意○動○氣○而○吾○心○之○皓○月○障○矣○委○靡○倦○疲○其○寒○疑○
冰○則○志○不○帥○氣○而○吾○心○之○皎○日○昏○矣○交○而○養○之○使○純○陽○無○陰○而○萬○
里○明○淨○此○道○家○之○玄○訣○釋○氏○之○上○乘○而○亦○吾○儒○之○一○貫○也○深○乎○此○
理○者○當○自○得○之○

續香林編二集卷六

十五

五經堂選定

月本無光○等○說○程○子○邵○子○朱○子○張○子○皆○以○為○然○千○古○無○敢○有○起○
而○難○之○者○自○來○瞿○唐○力○辨○其○非○而○日○月○乃○得○經○天○矣○余○深○服○瞿○
唐○掉○上○置○鏡○筒○中○置○燭○諸○喻○不○獨○使○沈○存○中○諸○人○心○折○即○起○程○
邵○張○朱○應○亦○肯○肯○惟○日○食○不○開○修○德○此○言○余○不○敢○輕○信○耳○蜀○有○
瞿○唐○公○晉○有○文○恪○公○三○百○年○來○兩○人○而○已○先○起○而○

太子講學疏節錄

傳新德

臣聞禮制人君之子年八歲為置少傅教之書記以開其明十五
置太傅教之經典以道其志及乎既冠成人免於保傅之教則有
司過之史虧膳之宰替史詩書二調箴諫士傳民語春誦而夏絃
冬書而秋記而又妙選前後左右端正博聞有道術者以旦夕承
弼其間故太子生而見正事聞正言行正道化與心成而中道若
性此虞夏殷周之所以代有哲王也夫虞夏殷周其遠者也我高
皇帝甫立皇太子即建大本堂居之聚天下之英俊耆碩俾從容
譚說經義又採經傳格言為儲君昭鑒錄授之宜懋懋於稼穡勤
績垂棘編二集卷六

十六

五經堂選定

儉之常鼎羹羹寶愛之訓文皇帝又推廣其書為文華寶鑑聖學心
法俾日進講曰帝王道德之方修已治人之要盡矣夫二祖猶其
遠者也我皇上初年經筵日御寒暑屢更遜志允懷緝熙罔間當
時郊廟露禱蚤朝宴罷用人行政批荅如流中外牧宰災變不作
至今猶令人景範孰非講學勤政之左驗哉今不範之以十五年
前之勵精而乃示之以二十年後之靜攝則臣見聖慮之不繼也
夫我皇上新云一體而分者也臣猶記丁酉以前皇太子之出講
也乘燭戴星即隆冬采烈猶錦被擁護而出諸臣之進講也聞鐘
待漏即風雨晦冥猶油衣趨踰而入於時皇太子經傳也明字畫

端楷間有屬對矢口而成雖天縱之岐嶷然亦不可謂非披文採
快叩典問津之効也夫何丁酉而後間有傳免甲辰以來遂致停
歇塵翳金華之席盡蝕玉檢之編五年所矣夫操縵者三日不習
則荆棘生於指間為山者一簣未終則崔嵬虧於目下以茲典學
所間率止三日而所虧率止一簣也哉且學非徒龍空文占古語
而已也學而止於龍空文占古語也則一能文宮人可備勸講一
知書內侍可充輔導有如宋儒程頤所譏者而學果如是而已哉
其大者乃在涵養氣質薰陶德性故跬步不可離正人也且夫廣
廈之間細施之上下左右瞻矚莊立以諷則容體皆學也戲言剪桐
續垂棘編二集卷六 七 五經堂選定

執冊請書則言辭皆學也檠前折柳春和進規則舉動皆學也祖
誠鮑魚饌去邪蒿則飲食皆學也目不問鴻臚之色耳不聞擾笑
之聲口不習操斷之書居不近邪佞之黨游不恣禽獸之荒既不
愛遷之珍則耳目手足四肢無之而非學也其與深宮燕處玩
日愒歲者可同年而語哉且博學而審問譬之日也獨居而靜思
譬之火也舍日於庭而就火於室已為小有所窺大有所失矣况
乎輔弼疑丞之日遠則宦官宮妾之日親雖有萌蘖之生亦為芽
徑之塞其與儒紳啟沃溫故而知新者又可同年而語哉臣稽唐
史乾封元年皇太子久在內稱與官臣接見與膳丞邢文偉微膳

進諫帝下詔褒美彼叔季之君猶能如是今陛下聖明過乾封萬
萬而臣等愚忠豈在一典膳丞之後伏願邇三代之芳軌監二祖
之成憲緝勸學之初志復出講之常期當此普天獻壽之辰而忽
視橫經問道之典則東明之銀榜華金甌以無虧而西海之瑤山
戴嵩呼而增峻矣
理明詞簡可以為奏疏可以為舉業策策論可以為道學文章
誄篇之宜左右而近雅俗也如此 范應西
章法從莊辛幸臣輪得來 又評

徐化溥

續垂棘編二集卷六

九

五 鐙掌選定

庶墓得之編氓○地方主自當特獎○以厚風俗○若士君子之孝○則
 不必區區於此○世非三代○外戶且閉○而蠟蠟在疚○敦簪獨荷○聞
 其無人能無動梁上君子之心乎○况乎蠃蛇慕慕○封狐千里○借
 曰致命○不知其益於二人者安在也○雲問此書○應與孝經並傳
 矣○范疵西

徐化溥

義婦姓李氏字仲存家世族父祖逝而早孤年十七適姚姚亦名門夫弘化字民熙未幾補庠弟子聰穎坦夷由此稍累于黜黜出一女適士人仲日勸勵之類如也不事生業偃蹇者二十餘年家人羣詬辭一日奮然謀諸婦曰吾其東行乎尋故人于長安一或贍囊橐安知檳榔不滿載也飲泣而別于閩一往三年不復音耗耿耿有告仲者曰弘化汎汎矣何自苦為且壯年寡居將毋因物議仲正色曰我貧婦也非寡婦也吾知待吾良人歸耳何說遲數十年四壁數畝而村居伶仃萬狀不可殫究老僕女併招贅俱竊

續垂棘編二集卷六

✱

五經堂選定

○不遇盤根錯節○以別利器○吾於姚○亦云云○
○逸益復不可支○月獲米三五升數而炊○兩餐半粥○初不知鹽梗為
○何物○突煙冷便已捷門坐卧○即隣姬不悉動靜○忽可籌求則卜沆
○不告窹出○諧禪茶啖■之餘○今且期至二十八年○垂年六十有三
○矣○人更有咎其不早適者○仲泣曰○吾知待吾良人歸耳○又何說○嗚
○乎○義婦與節婦心一而事稍不同○彼節婦者○親見夫死○護家保赤
○脚根站定○絕無二三遊移之擾○仲垂年亦貧○守家無貲○守子無續
○女復寡且寡安所事事○不守家不守子○惟守此不忘良人之血淚
○云爾○昔之懿女○以完行著于鄉傳曰○魯義姑○余于姚亦云云○
○贊曰○姚之亡人曰○或死○仲亦曰○或死○吾期矢吾志○人曰○必死○仲曰○

不必死○吾期迷吾所異○夫其遂與不遂不可知○而所可知者生而
望夫千百折死而見夫千九原○是以謂之節且義○
姚既未嘗果亡○率自不得再醮○此定理也○獨其安貧無怨言○筆
情纏綿○寫出○人文雙絕○篇中薑桂之性○一段贊頌落套○蕪子卿
一段引用未忌○先母一段恐緣宗親之故而掩其賢○冒昧刪去○
想大雅能容吾狂○范范西

再答李贊字書

估平家何從自私

曹千沐

夫道無之○非是無人○弗足講學○以明道士農工賈皆學道之人○漁
牧耕讀皆學道之事○隆古無講學之名○其人皆學故無名也○國家
以文學取士○天下學校無慮千百○章縫之士○無慮萬億○蓋令其日
講所謂時習○所謂孝弟○所謂性命仁義○而以淑其身○待天下之用
也○乃人心不古○遂有口耳活套○撮拾粉飾○以為出身之媒○師以是
教○上以是取○恬不為異○非其質矣○而於立身行政○毫無干涉○於是
君子厭薄其所為○而聚徒講道○人遂以道學目之○若以為另是一
種○豈不惑哉○然講學之中○亦或有言然而行不然而藉是以干貴
績垂棘編二集卷六
廿
五經堂選定
人捷仕徑者○而其名為道學也○是有口耳活套之實○而更美其名○
人誰能甘之○則群起而相攻○而講者益寡○道益晦○與夫大抵所學出
於實則必闇然○自修○不論大節細行○一一不肯放過○雖力量不同○
未必盡無庇而不自文○以誤人也○所學出于名○則有張大其門面○
而於其生平○未純處○亦曲為言說○而謂其為道○夫夷之隘○不害其
清惠之不恭○不害其和○然亦何必曰此隘此不恭○正道之所在○而
陋孔子於下風乎○羅近溪逢人問道○透徹心體○豈不可尚○而關畧
處亦誠其病○乃學者得其間畧○以為可便其私也○而或多不羈○誠
有如此巷疏○所謂賄賂干請○任情執見等說○是其坐女子於懷○而

亂之而猶然薄魯男子不為也而可乎但今因止卷之五而遂
禁其講是因噎廢食夫此學乃乾坤所由不毀何可一日廢也似
更當推廣而俾千百學校億萬章縫無不講以及農工商賈無不
講才是而其機則自上鼓之若得復辟召之典羅致四方道學做
程子學校之議布之天下以主道教於一切鄉學社學之衆漸次
開張而申飭有位之士以興學明道為先圖其學則以躬行實踐
為主隨其人之根基引之入道或直與天通或以人合天或直臻
悟境或以修求悟夫天人合一修悟非二舍天而言人舍悟而言
修則淺矣近時學者知皆及此然言天矣而人尚未盡言悟矣而
續垂棘編二集卷六 三 五經堂選定

修且未能世豈有能致中而不能致和能正心而不修身者哉則
不可不戒也大抵果能合天則必益盡其人孝果能真悟則必益
盡其真修堯舜文王孔子何人也而就就業業望道未見徒義改
過沒齒以之也汴淺陋不能窺道毫末其於所謂人所謂修百孔
千瘡故謬陳如此
鄒先生元標疏曰琳宮會館舉目如林韻語新聲拂耳如雷豈
獨碍此嚶嚶則古昔談先王之儒紳耶豈獨多此衣冠萃正之
壇坫耶又曰不講學不聞道即位極人臣了不得本分事生是
虛生是虛死臣所以束髮至老不甘頽墮也與此並傳范彪

五經遊泮序 黃數年

趙嗣彥

丁巳仲夏學使虎林魏鹿公按澤歲試炳初仁翁公子鐵山應
童子科日未午成書藝二五經藝各一論一共八作筆不停揮文
不加點虛公特拔冠軍為朝廷得人慶榜發時官紳士庶以及
四屬生童吏胥負販輩千口同聲嗷呼暢快以為不負所學碩果
不食可存讀書之種聞風興起凡書肆五經註疏文字購買者捆
荷懷抱踵相接也諸親知喜觀稽古之樂樂賄積善之報製錦揚
芬屬余言以侑酌余與炳初弱冠定交三十餘載文行互勉墳笈
倡和鐵山自孩提及稍長至於舞象操觚皆所目睹近鐵山居余
續垂棘編二集卷六 四 五經堂選定

宅相甥館實託蔭草承諸君微文之命其何敢辭側聞古人為學
唯務明經桓榮能安生尚已昌黎原道進學解及柳州論師論作
文必以五經為本迨分經取士崇業其一小試又不以此為重并
一經亦倚席不講惟登制科必諸經旨然本經外秦越視之自顧
茂猷先生以五經欽賜殿試天下翕然嚮往若揭先生重熙譚先
生貞默等間有通四經三經者若陳先生際泰章先生世純等海
內指不多屈吾省若武鄉趙天麒先生洪洞范鄺鼎先生名稱藉
甚吾州止王拱垣先生曾以五經考諸生趙等此外邈焉寡儔今
炳初喬梓足稱繼響炳初學本五經旁參史傳鐵山少承庭訓經

史百家皆炳初身為指授不假外傳至炳初算大人瑞玉先生博
物洽聞垂訓誥謀尤多佑啓雖鐵山閉戶下帷三冬用足而繩武
率行箕裘弓冶所得良云厚矣抑余修郡志見炳初曾大母操堅
竹并嫩婉相舟瑞翁少失母事大母色養終身官司旌表節孝卓
煥然瑞翁後奉幕府邀遊燕豫吳齊間曾三遭城陷俱先期神
告促使還轅甫至中途旋聞失守目不睹兵燹之慘非至德仁厚
曷能手格如斯且宣稱萊婦梁紫眉齊每逢雙壽登堂歡祝幾千
人于逐隊稱騶極贊盛矣八旬偕壽五福聯臻篤生炳初文行又
為人坊表是尤鐵山博學宏詞乘風破浪之所自設非然者當此
續聖錄編二集卷六 五經堂選定

功令限額大州止得四名○噉使文章有用竟得寒酸首標不寧惟
是盧公更厚師生之誼○重知遇之情厚幣敦請俾其入署讀書
肅敬延許以聯鑰登第○或慮盛名招忌尚煩實副寶持乃鐵山恂
恂若處女蕩蕩法吉人即開報之日通都什舞欲狂鐵山獨據謙
若○歛足規器量遠大○定不駐足泮池○行隨炳初登朝展采簪綬
輝煌食節孝仁厚之報○只操左券以取今茲之賀特權與耳
只碩果不食二語○大有關於名教○世之考試不得志○怨天尤人
者請以鐵山為解○滿腔不平之氣直如紅爐點雪矣○范彪西

修冷口遼工紀略

王求命

余自庚戌秋七月終旬受遷安事○府兩月餘恭逢聖駕東巡十
月初遂同工部大人九山東寨等處搭橋以備巡行朝夕河瀾道
府兩憲俱集不敢率處先時崇道憲撤為兵工二部大人估計冷
口遼城俾縣陪侍及初四日傳二部大人來臨縣以搭橋不遑道
憲親詣冷口而止縣往然二部估計大人實尚未至也迨初八日
二部大人令換什庫召余至縣適撫軍大人又自西來二部大人
因諭免縣隨詣遼估畢回部越明年辛亥正月終旬道憲撤委縣
路協督修遼時余以本縣有修城之役特次第起工勢難分身不
續聖錄編二集卷六 廿六 五經堂選定

無捉襟露肘之慮且縣距冷口五十里距修遼盡處則七八十里
不止也往還申詳陳奏攝之難甚悉諸大人不允余思既係王
事遠近何避乃奮愚衷發猛力於二月縣城開工日夜督催竭力
捐輸四越月至仲夏望前修完縣城周垣坍塌者八十餘丈併前
令報完未修後修忽圯未報者皆舉焉凡此勉力奔忙從事甚迫
者以有遼工之接續也實則縣城未告歇之時遼城奉檄催屢矣
及接部估工料原冊冊註補修遼城四百八十五度一尺關城樓
一座開門關房如冊原估工料銀三千三百一十五兩先發一千
三百兩道憲定期六月初三日起工自此以後則皆坐馬督走雁

嶺還暑奔日冒雨食風之時矣先時綠山海攬工商人迫不肯就
定修有人而陷而挽者反覆多故此中定議決紛幾費萬度縣
當此亦蒸難耳然責在分內敢辭艱險一力撐支總無畏避及工
開以後大雨時行不得全修遇日乘時自圮曠塔華始若火石崖
若常高崖若千戶亭若觀音溝若玉皇廟若東尖山若閭官墩若
琵琶長嶺若黑樓二樓以及關門城樓履險登危日復一日工復
一工幾不敢廢乃事原估工料先發者隨工隨支復續發者工滿
給盡其修工估計丈度之數照原冊猶有溢額告成則在孟冬十
月之中旬也前此祇就大概言之伏念 欽工重大仰副道憲委

續垂林編二集卷六

廿七

五經堂選定

任其間次第節目又未嘗踰諸從事一工起必慎一審調停一處
成必重一審教課一所如法必申一番慰勞一節失格必加一番
駁責至於灰筋之多寡磚料之生熟石塊之側平人工之疎密與
夫根基之清純盤固通體之勾搭堅完固已唇焦舌敝力盡心枯
與此數百人數月內聒聒較量者幾不知有身也噫王事靡盬政
告勞哉所賴坐鎮之高掌路共事贊襄巡視之韓總司董率之歐
捕衙併出策力以及工房書快群銷鑠於冷雨酸風瘁瘁於峻嶺
岷崖而不暇也余雖謬承守土當此艱大何敢忘之謹記其始末
並隨所得俚句附之他日開卷猶見余竭蹶供職之苦心砥礪官

方之風志云

經濟文章合而為一設身處地能不心折范處西
劬菴家居時一靜人也閉戶著書世事不聞及筮仕遷安滿漢
祿虞繁難第一即以建修言之如東巡橋梁儒學察院城樓牆
棚如寅賓館教練場如壇壝馬祠等修成各有詩記又似一動
人也殆動靜不失其時者乎然須從靜中養出端倪方能動亦
定靜亦定左宜右有如斯其生而廟食于遷安也宜哉又評

續垂林編二集卷六

文

五經堂選定

松韻堂餘筆自序

王永命

松韻堂者選邑泣政之次堂也。因其松聲滿座，清韻悠然，余任署
額以廢助筆陳者也。夫政者正也，堂列於正，則筆規於正，所由然
者何自而復有餘筆也？有說焉：凡堂之冊籍卷案，正筆也，文移招
詳正筆也，以及批判閱牒看審條示稟請申覆之類，何一非正筆
也？若然，則松韻堂一奉正筆之堂，將上傳之形，管應行之金毫
內外尊信之殊，尖初終候符之鐵筆，舉積此筆，亦舉積此堂，是松
既莊焉，壯焉，韻亦肅然，離然，恰如畫松家，得其正而端勁，鄭重之
筆，不得其側面秀潤流動之筆也。一意膠持，筆花枯落，無已而求
續香林編二集卷六 五經堂選定

其餘蓋以正者筆嚴而峻，餘者筆寬而易，嚴峻者索森而可畏，寬
易者脫洒而可怡也。且正筆連續長快而不可盡，餘筆小篇短什
而更可舉也。此松韻堂之存餘筆意也。雖然，梅與松風蕭瑟聽雨
正亦為餘，簿書執掌王事棘心，餘亦歸正，揚子不云乎：鴻文無範
恣於川，切恐文法束縛之後，無復繡澹通潤之論，間有逸思，不出
塵俗，松應還撫堂而笑其弟韻，余亦急素餘而不敢需筆者已。
仕而優則學，可作此文註脚，然須從學而優得來。范彪而
吾邑郭九子詩曰：客譚難不欣，山水民事君無厭，簿書可與此
文互相發明。又評

望義操引

王永命

昔之人有讀藝義而廢者矣，廢之者何賢也？今之人有讀藝義而
諧者矣，諧之者何不肖也？賢伊何洞洞屬屬與古為體，備藝義之
身而不忍著也，誠賢也；不肖伊何愴愴憾憾，釋背懷疚存藝義之
心而不敢忘也，誠不肖也。雖然，愧不肖之音而響若隨焉，鼓不肖
之氣而風若襲焉，疏不肖之情與志而木若槁律若變焉，是有諧
者不求與廢者合，有不肖者不敢為賢者擬也。
呂叔簡對沈龍堂曰：古者設重以依神，而丁蘭刻木，徐孝肅園
父像為影堂，而程正叔作主，孝思所極，不相祖述，然則諧藝義
續香林編二集卷六 五經堂選定

廢藝義其揆一也。范彪西

哀辭操引

王永命

緊背有恩親操矣○側注而泣悲迴風騷○舉靜神博○聲留意渺○此聖
而哀者也○哀而不激○緊背有履霜操矣○悵焉若懼○惶乎無從○悵
悼幽愴情懷遠○此賢而哀者也○哀而不摘○若夫非聖○非賢○且教且
摘呼○驚耶○叫娘耶○諱之以哀名○不得易之以哀名○更不得則亦止
可曰○哀辭已耳○夫呼○爹耶○叫娘耶○嬰孺之天籟也○嬰孺天籟而余
謂之恨○不為嬰孺也○抑呼○爹耶○叫娘耶○常人之不廢也○常人不廢
而余謂之痛○不及常人也○

夢我操凡十二段○哀辭操凡十三段○每一展讀○令我涕泗滂沱○

續香林編二集卷六

五經堂選定

痛呼先夫子○腸斷肝裂○幾不欲生○猶幸慈顏在堂○恐其聞聲增
悲也○強起而止○文之能移我情如此○
范彪西

考妣忌辰謝紙事客啟

王永命

紙花飛青○每念椿恩○而戴德椿葉○化碧○常悲萱反○以銘仁懷○二
之去焉○日遠一日○而心愈近○感諸公之賜也○年增一年○而情益多
地庫裕金錢○豈等諸持贈小子○天廂儲帛幣○要惟是推惠先人○追
嚴廿七年歲歲椿輪○繼繼黑幕○慈十八載時時錢反○伴蝶紅積禮
為思總緣恩在父母○而無間疊報稱德○奚啻德如生成○以有終拜
其寶之多○頌媿稽首之少○自旅爵登新○願篇先敢以薦賓○祭筵繁
羔羊享親因之享客○借此一嚙一卮之敬○用申百拜百謝之誠○仰
新成臨共昭特愛○

續香林編二集卷六

世一

五經堂選定

五經四書○聖賢之文章也○揆聖賢之意○不過求有益於綱常倫
理而止○得其解者可讀此文○
范彪西
拙選不收○四六既附○謹於一卷○捕風文之後○偶聞天僑子集○有
曰○上林子虛○兩京三都○如今學究○擬通考類要之書○分門搜索
求其一言一字○出於心之所自得○無有也○客難解嘲○七辨七徵
之類○命辭遣意○如出一轍○此與今之稚子○執筆為八股○摹倣抄
襲○有何差異○此等語甚合余心○余嘗謂世之作四六者○果能從
性情中流出○使人一見而動心○如此四六○吾又何憾○又評

五旬祀親請客小故
離孤墓遠天皇皇那將一日猶憐戀初地忽忽已負五旬念長萬
之無成答承生之憂補父恩懷疚母難自傷攀親顏而莫從伏賓
集而如在恭依明午肅陳薦筵几且盼親容有客想見霽色樽俎
邀台座娛賓聊追歡客大人用光小子家慶
拙選香蘇初編內載東二懷却壽說余取其文余師其事矣須
一得祀親事以補東說之所不逮方稱合作 范彪西

假旋考忌請客小啓

王永命

在說祭田移俸資祀殊少空陳旅豆羈官廢祭已多計出千八百
辰念忌辰而焚繞主側連嚴四十一載惕化載而哀動影堂憶廿
齡罹孤歷少壯老之時遙徙魏知年達蚤痛弱體失怙通身子孫
之世衍深悔愛日奉遲百歲介親子之情誕日半而忌日將半人
子何以堪此一朝邀享客之賜賓筵馨而祭筵同馨嘉客能不顧
焉十八借光百千銘感
忌辰謝客五旬祀親假旋請客三事俱堪為余師亦堪為人人
之師文情典麗其餘技也 范彪西

任重仕華臬

晉妻山范部鼎彪西選定 受業王 傅書升手錄

范爾梅梅臣

捕虎啓

薛瑄

辰故五溪地山險多虎近時尤劇往往群行搏噬無間晝夜既飽
肉得氣去愈縱橫噪躍無所顧畏居民行旅悉苦其暴縣吏以聞
於朝命下總戎逐捕之時宣德五年閏十二月也三日有以虎在
近郊來報者總戎率將士往遂殺三虎明日遣將士往又殺一虎
續垂棘編二集卷七 一 五經堂選定

連而日四虎就殛行者相賀于途居者相賀于室將吏以其事來
白于予且曰辰之四境若四虎比者蓋不知多少也總戎方發近
衛兵將包羅山谷搜剔其窟穴而焚誅之期醜類盡絕乃止夫除
惡安民亦繡衣公之志也敢併以為賀予愧乎其言則應之曰夫
利五兵結網罟除山澤惡物為人害者自先王之制已然況我皇
明奄旬萬姓仁柔義濡期使覆載遠邇無一民之不獲其生而僻
茲蠻方醜類稔惡乃爾則擲刃網繩之施其可後也不而日而四
虎殛期畢舉而羣惡盡是皆將吏能用總戎之令耳予遂披者無
能為也何賀之敢當然予于是益有感焉彼皮毛之斑炳爪牙之

結利魚依乎山林搏噬民物以自肥者人皆知其為暴而可殺如
前所云者是也抑又孰知于此有不皮毛不爪牙不山林號為靈
物而剝人之脂膏以自養者暴不甚于彼而可惡也哉況彼之暴
者蠢然強悍力有餘而志則否野夫小子有能高其垣籬謹其出
入猶可避其患也此則以養養之資挾翕張之勢或柄一隅或純
一軍或任一邑無間瘡殘害富悉被其朝吞夕噬之苦是又孰得
避之哉且彼異類也為暴自其性然此則同類也而至于斯極子
又不知此誠何心哉然彼之暴汝總戎職也行見悉皆殄除而民
物全安矣此則于職也國家憲紀素以完具方圖所以少施其方

續垂棘編二集卷七

二

五經堂選定

畧以覃惠澤于遠邇將吏之賀可休矣衆乃相屬以目屏氣促武
而去

聲振金石字挾風霜或疑同類而至于斯極等語言太赫赫予

曰此夫子繡衣時作也鐵面總馬應當如是范部鼎識

向錄先生著作于他集註評註字從同也今得先生全集集首

繪先生德容宛然見先生矣小子何人敢曰評曰字乎師前第

名分固應爾書名書識志余前過再識

先生文集除重訂垂棘之外續編二集所載二首得之山東通

志中今讀全書深幸先生著作余小子竟畢睹也先錄若干附

小刻以傳今秋將有事于金壽之刻再按續編二集所載三首
則又出于全書之外然則先生著作余小子尤有未睹之憾再

續垂棘編二集卷七

三

五經堂選定

蕭絳守居園池記後

薛瑄

近得樊紹述絳守居園池記石本於今太守臨川王公汝續記前
後刻孫冲何亮序書多輪樊記之失偶記舊收元人文集中有是
記句解檢得之則潯陽趙仁舉辨疑附其後復深辨孫何之說非
是余既未得親考絳之遺跡與樊記合否但以趙說觀之恐今石
本中尚有舛誤賢太守更能參五考正并句解刻之則千載奇文
晦而復顯亦可備絳郡遺事之一端他亦不足深辨云
博聞強記以此為法范部昂識
他亦不足深辨着此句是文中有體裁處范部昂識

續垂棘編二集卷七

四

五經堂選定

書諸葛武侯出師表後

薛瑄

嘗謂義利二者不能並立古之君子能建大功立大業垂大名于
萬世者未嘗不重義而輕利也如諸葛武侯自昭烈枉顧即以身
許馳驅其所以勞心焦思謀畫規圖者曷嘗頃刻而不以討賊興
漢為義哉至其為子孫衣食之計者不過成都之桑八百株薄田
十五頃而已外此則別無絲毫取于人而益其家也其重義輕利
如此故能虛炎光于已燼之日續漢統于既絕之秋雖弗克遂其
攘除姦寇興復漢室還於舊都之志而大義固已伸于天下宜其
偉烈洪名垂諸萬世而不泯也切惟後之君子建功立業者莫不
續垂棘編二集卷七

五

五經堂選定

慨然以古人自期然其為義之公○或有不勝其計利之私○故其正
大光明之業有不及古人遠矣愚因讀武侯出師表有感而書此
于其後云

周海門語錄曰一友謂學莫先于義利之辨曰更須識取當下
一曰當下如何時天暑人各搖扇先生舉扇示之曰只此一搖義
耶利耶辨耶不辨耶其友默然鹿伯順說約曰喻義喻利是分
關拍總的話聖狂之介原只于此南軒以無為而為有為而為
分義利象山過喻于志惟不得冬月汗下終知道如今的義都
是利乃一操生活西溪主意愚因讀先生書出師表有感而書
此于後云范部昂識

與楊秀才書

薛瑄

楊生進道秀才。天下先君子來官河內時。先曾與生相識。于時生固有相親之心矣。其後先君子官河內。生遂朝夕相親。而心愈篤。及先君子沒。世舊有別業在榮陽。因往治菜。生遂徒步相從。時秋雨積潦。大河北壩尤甚。生泥行三十里。水行十餘里。跋涉良苦。而暑無愠色。其冬。瑄扶先人柩西歸。生送至孟津。山下流涕為別。大事訖。瑄來榮陽省老母。生復自河內來。留月餘。既去而往來書問不絕。瑄惟人之所急。惟利與勢而已。生於瑄。非有二者可趨。而乃殷勤稠密。相從不厭如此。非篤于為義。而好眾人之不好者。能

續垂棘編二集卷七

六

五經堂選定

爾邪。行念方將上京師。愧無以為意。因畧陳其固陋。以為生勗瑄。七八歲時。侍先君子左右。聞其稱古之人。某為大儒。今之人。某為偉士。竊自私記于心。曰。彼亦人耳。人而學人。豈無不可及之理也。其時瑄雖有志于是。顧方屬對偶習教詩。而尚未知所以為學也。又六七年。先君子見可教。遂授以四書。及他聖賢書。曰。此為學之要也。汝其勉之。瑄拜受所教。遂發奮專心。誦習晝不足。則繼之以夜。夜坐倦。則置書枕側。而臥閱之。或有達旦未已者。至于行立出入起居飲食。不輟諸口。則思諸心。雖人事膠擾。未嘗一日而易其為學之志也。如是者積十餘年。然後若有以察夫聖賢千言萬

語之理。無不散見於天地萬物之中。而天地萬物之理。無不統會於此心微密之地。自是以來。澄治源本。而恆懼夫邪慮以消之。篤專修習。而不敢以他好奪之。積之既久。閒因以其中之欲發者。發而為文辭。則但覺來之之甚易。若或有物以出之于內。而迫之于外也。其後以先君子命。從試于有司。一往即得之。仰希大儒偉士。雖不敢及。然韓子所謂在進士中。粗為知讀經書者。竊以為近似焉。今退居又六七年矣。中間遭值大故。哀痛悲傷之餘。尚懼頑愚荒怠。以負先君子之大訓。因時取向。所授書而溫繹之。但覺意味之愈切。理趣之愈深。蓋有得于心。而不能形諸言者矣。此瑄之所

續垂棘編二集卷七

七

五經堂選定

以自少及長。凡勤苦僅得。而猶不敢自己者。此也。今觀生之於瑄。求之可謂勤矣。然徐察生之志。則所慕者科名之未得。所急者文詞之不足。是以求之愈勞。而得之愈難也。瑄以謂不若且置此汲汲欲得之心。取四書與凡聖賢書。若瑄十六七以後時。又加力焉。則他日蓄積之深。無所不有。以其餘施之于辭。則析理精切。而不差錯。諸事則典實。而可行于以應有司之求。求可一舉足得之矣。又何科名文辭之足患哉。此乃不求之求。實為學之要法也。不然。涉獵記誦。愈勞愈難。縱使得之。亦何益于人已哉。鄙見如此。惟深加思勉。毋以斯言為迂。而虛用其勤。幸甚。

聞之行狀○呂之祠記○固能記其大畧○終不若先生此書○自記之
為切也○余欲補入拙選理學備考之後○惜板既出而未逮○意
鄙鼎識

向讀陽明全集○見與人諸札○無論人之問致良知與否○但以致
良知為言○今讀先生諸札○因問而答○絕不專主一說是陽明先
生之教人也○以我教人○先生之教人也○以人教人○兩先生之微
有不同者○以此附記

戒子書

薛瑄

人之所以異于禽獸者○倫理而已○何謂倫○父子君臣夫婦長幼朋
友五者之倫序是也○何謂理○即父子有親君臣有義夫婦有別長
幼有序朋友有信五者之天理是也○於倫理明而且盡始得稱為
人之名○苟倫理一失○雖具人之形○其實與禽獸何異哉○蓋禽獸所
知者○不過渴飲飢食雌雄牝牡之欲而已○其于倫理則蠢然無知
也○故其於飲食雌雄牝牡之欲既足○則飛鳴踴躍羣遊旅宿一無
所為○若人但知飲食男女之欲而不能盡父子君臣夫婦長幼朋
友之倫理○即煖衣飽食終日嬉戲遊蕩與禽獸無別矣○聖賢憂人

之陷于禽獸也○如此其得位者○則修道立教○使天下後世之人○皆
盡此倫理○其不得位者○則著書垂訓○亦欲天下後世之人○皆盡此
倫理○是則聖賢窮達雖異○而若師萬世之心○則一而已○汝曹既得
天地之理氣○凝合父母祖之一氣流傳生而為人矣○其可不思所以
盡其人道乎○欲盡人道○必當于聖賢修道之教○垂世之典○若小學
若四書若六經之類○誦讀之○講貫之○思索之○體認之○反求諸日用
人倫之間○聖賢所謂父子當親○吾則于父子求○所以盡其親○聖賢
所謂君臣當義○吾則于君臣求○所以盡其義○聖賢所謂夫婦有別
吾則于夫婦思○所以有其別○聖賢所謂長幼有序○吾則于長幼思

所以有其序○聖賢所謂朋友有信○吾則于朋友思○所以有其信○此五者無一而不致其精微曲折之詳○則日有身心自不外乎倫○理庶幾稱其人之名○得免流于禽獸之域矣○其或飽煖終日無所用○心縱其耳目口鼻之欲○肆其四體百骸之安○耽嗜于非禮之殼○色臭味淪溺于非禮之私欲○宴安身雖有人之形○行實禽獸之行○仰貽天地凝形賦理之羞○俯為父母流傳一氣之玷○將何以自立○于世哉○汝曹其勉之○敬之○竭其心力以全倫理○乃吾之至望也○金忠節曰○凡讀書須要討實落受用處○纂集眾解求得博覽之名○此等病與好貨好色之念○爭不相遠○余亦曰○凡讀書而不讀

此等文○雖目兼十行○胸滿五車○與白丁蚩氓無異○苟恃其才學○舞文弄筆○作為傷風敗俗之書○或編詞曲○或演戲本○此等才學○吾恐又降白丁蚩氓一等矣○讀先生飛鳴躑躅○群遊旅宿諸言○為之發汗○范鄆鼎識○如讀性理○如讀家禮○如讀四書大全○中諸儒名論○必傳必傳○范

答閩馬錫書

薛瑄

瑄再拜書復廣文先生○禹錫足下○自來金陵○未及一年○三辱手書○示問重叙河汾之會○以及瑄之出處○藹然忠厚之意○溢于言辭○為荷○不淺○但前後所推許者○皆不敢當○瑄本世俗之學○中年稍知理趣○而卒有所未得○亦僅置于心○而不忘耳○承喻所學之正○進修之為○敬羨○敬羨○第別紙所錄○釋毀賦多用騷意○竊惟古人為已之學○於人不知○不知與夫毀譽之言○皆不足以動心○若此賦之詞○似有激發不平之意○得不為此心虛明之累乎○所望一切除去此意○日求吾所未至○使反身誠而樂其大○則彼毀譽之言○烏足以動吾心○

哉○第二書又謂學徒告以微妙○茫然若夏虫之疑冰○是誠然也○夫以子貢之高識○猶僅克悟性○天道于晚年○况他乎哉○程子終身不以太極圖示人者○正謂是耳○故教人之法○最宜謹其先後深淺之序○若不量所至○驟語以高妙○不止不能入○彼將輕此理為不足信矣○其他書辭不能盡答○惟所學之正○進修之篤○他日所就○殆未可量○固非老拙日退者之可望也○所求文獻通考○叢書二書○叢禁所未見○通考家故有之○博而不約○殆非理學之所急○良輔亦有二書○見寄○尚未奉答○茲因鄉人薛生之便○率此奉復○尚冀心照○不宜心懷之虛○學問之正○切磋之益○舉一筆而數善皆得者○無如此○范鄆鼎識

廣文閣先生足下別來數年以氣味之同未嘗少忘于懷兩年連得兩書乃知足下之見愛亦如愚老之思足下也但前後所稱道者皆不敢當耳承喻陞清秩得以所學勵英才樂可勝道耶又喻取朱子文集語類諸書擬其精者題曰晦菴要語云欲寄示此正欲快親早寄為妙所要讀書續錄但愚老自倦遺忘耳亦何足觀也近讀近思錄程子謂方道輔曰經以載道誦其言辭解其訓詁而不及道乃無用之糟粕耳觀足下由經以求道異日見卓立于前有不知手之舞足之蹈竊謂因經以求道乃進學之至要蓋凡

續垂棘編二集卷七

十三

五經堂選定

聖人之書皆經也道則實理之所在苟徒誦習紙上之經而不求實理之所在則經乃糟粕如程所云也以足下之明敏於程子要語從事必熟特以愚老敬慕之切故敢實言之更希留意妙甚率此奉復欠備惟心照不宣

讀此札可不讀晦菴要語矣讀此札益令我思晦菴要語于不置云

范即所識

昔秋梁公登太行顧瞻河陽白雲飛繞親舍凝立者久之後世思親有以望雲自名者遂以為故事蓋慕梁公之風而興起焉余以謂人子愛親之心蓋出于天性之真而不能自己其或至于睽違膝下為時久遠則其思之之切蓋有隨時感發而不可抑遏者又豈必登高山望白雲之繞親舍然後可以動其念哉然則梁公白雲之思特其一時之興前是無時而不致其思者固可見矣是則後之君子求梁公思親之實可也慕梁公思親之名不可也余友鄭君元吉為其友霍志剛氏求望雲思親序于余造余廬而請者

續垂棘編二集卷七

十三

五經堂選定

四五至而不厭余竊念素與志剛不相識其思親之慕名與實皆不可知獨所謂愛親之心出于天性之真而不能自己人皆有是非特志剛有是也志剛家山東二親皆安好無恙而志剛游太學者有年親舍邈在海岱之間音容久曠定省久疎則所以思之之切固宜隨時感發初不待于望白雲之飛揚而後動其念也而猶以是自名何耶豈慕梁公之風而求其實邪志剛其加勗哉他日著忠節建事功而可垂之後世者未必不自於望雲思親之實之心推也是為序

艾千子寄陳大士書云許人一序文如許兒女與人婚聘贊人

一字如贊周孔即座師公祖父母之前亦宜語言持重端詳
記柳文有云來柳州見一刺史即周孔之今而去我道連而謁
于湖之二邦又得二周孔去之京師京師顯人為文詞立教名
以千數又宜得周孔千百何吾生胸中擾擾為多周孔哉千子
之言既如此惜當時不引先生此等序為之救藥范部鼎識
俗儒浪稱古文不知古文為何物韓昌黎曰愈之為古文豈獨
取其句讀不類於今者耶思古人而不得見學古道則欲兼通
其詞又曰古之道不苟毀譽於人如先生此作絕不誇獎志剛
一語是真能學古道是真能為古文者范翼識

送建昌尹陳總賢序

昔有程朱夫子在心目間所以左右逢源

薛瑄

昔明道為邑嘗書視民如傷四字于座右夫以大賢為政必視民
如傷則其慈良惻怛愛民之心出于至誠而自不能已者為可知
矣今之為令者曰字民字者養也養民而能以古人之心為心則
民焉有不得其所者哉南康為江右之名郡建昌于南康為大邑
昔濂溪以道學為二程之倡紫陽以道學接二程之傳二君子皆
嘗宦遊其地則其流風餘韻被于里閭入于人心至今必有尚未
泯者士君子幸而受聖天子之明命往字其民夫何為哉亦惟景
行前哲推慈良惻怛之誠心以及其民焉耳衡陽陳總賢氏由科
日進身初知沛縣後知睢寧皆有惠政今丁內艱起復知建昌建
昌張惟明登進士與余為同年為御史與余為同官喜得總賢氏
其邑也來徵言以贈其行夫明道大賢也其為邑無逾于愛民
如傷南康又為道學君子過化之地周程朱氏同一道也總賢之
往復何待于他求也哉亦惟質諸簡冊詢問故老求周程朱氏所
以施設者如何所以愛民者如何苟能企而慕之又以程子所箴
戒者書于座右時自省焉則慈良惻怛之心出于中及于民油然而
而有不可遏者矣余既以是復惟明因以為繼賢之官之規
理學文章天造地設范部鼎識

送黎恭政致仕序

薛瑄

逾嶺而南○皆古百越之地○延袤數千里○危峯穹壁○長溪大壑○相與
削拔迴環○深窈莫測○奇草異木○生其間者○榮凋花實○率不以時○循
嶺東南○又皆大海○瀾漫旋繞○每晝夜晴霽○涵星斗浴日月○水之百
恠靡不軒豁○呈露至颶風○或作則濤波澎湃○噴薄盪摩○霆轟鼓擊○
聲震山谷○其霧氣頌洞○輻輳茫無畔岸○洲島雜國○若扶南真臘黃
支婆利國之屬○動以萬計○而四時溫涼蒸鬱之氣○發作無節○故居
人行○旅將息之道○為難○今山東大叅黎公○嶺南清遠人也○自讀書
茲仕出入中外○多歷年所○官已達矣○一旦引老將歸○其鄉藩臬諸
續垂棘編二集卷七 六 五經堂選定

公有以嶺表山川風氣之異○如前所云者○為黎公告○且重其歸而
勸其擇地○以處焉○黎公曰○不然○吾家嶺外○舊矣○封樹成列○先祖之
丘壠存焉○間里如昨○童稚之交○遊在焉○今之歸方○將存○藟藟以伸
罔極之孝○思具饘醪○以款平昔之親○故又為以風土之異○移易吾
之心○哉○余謂不忘所本○孝也不遺故舊○義也○合孝與義○可謂篤于
人倫○將不擇地而安矣○風土之說○誠不足以動念○
未嘗不風華○未嘗不典○瞻然而先生本色○終不為風華典瞻所
蔽也○范部鼎識

贈知韓城李居敬序

薛瑄

韓城○古韓國也○居河山之間○地廣民衆○先時為邑者○率多與吏民
不相得○連以是去○人皆謂其風土剛勁○民奸伺察其長之失而中
傷之○關陝邑之劇而難治者○必曰韓城云○今李公居敬○以鄉貢
進士來知是邑○始拜官時○人皆以韓城之難治○如前所云者○為言
居敬不以介意○及到官○痛剔剔官府里閭宿弊○潔身以先之○祿食
外○一毫不以介意○及到官○痛剔剔官府里閭宿弊○潔身以先之○祿食
故不得出縣門○人以賄交者○悉皆拒絕○民有事至縣者○必告以孝
弟忠信○敦本厚俗之道○辭氣懇懇○出于誠實○民為之感動○信既在
續垂棘編二集卷七 七 五經堂選定

民○凡事不待督促而集○賦稅以時里閭無事○居敬在官○始終如一
日○由是僚吏庶民○皆服其廉公○聲稱之美○著于遠近○及九載考績
將去○民恐失之不約而合○辭乞留者○千百人○藩臬以其狀上朝廷
以民之安之也○陞秩俸還○所治居敬固自持不易民之信愛益深
予謂天下古今人心一也○謂獨韓城之民難治者○豈理也哉○吾以
誠感其民○民亦以誠應○吾以智籠其民○民亦以智應○猶影響之于
形聲也○切怪長民君子○誠之不足而歸咎于民之難治○殊不知自
求其誠○使持身之廉○處事之公○一出于誠○人將信愛之不暇○又焉
有不可化之民哉○韓城之民○前日之民也○何前日之難治而今日

易治乎由居敬知民不可以智籠可以誠感故其持身處事者皆不敢舍此而取彼積其誠信之久民皆愛慕不已將去而猶懇留之尚何難之不可易哉以是知天下古今民心皆同有民社者勿謂其難治但當責其治之誠有未至焉耳如有不信請質于居敬云

凍水編大半類此范部鼎識

竹溪處序

薛瑄

杭之土宜竹郡人朱景暉環其室種之幾萬竿冒烟雨搖星月暑風飄爽霜雪寒暑晦明動息之變千態萬狀皆因竹以得勝而境益清居益遂忽若不知塵囂之紛貼也景暉時與一二佳客往其間商確古今道理誨子孫以孝弟廉恥禮義之行治其家以勤儉整肅人倫內外之防脫去習俗之浮靡一還古人之淳朴蓋皆自於竹溪處思而得之非若昔人有以放逸自高者往往恣肆於戎密之間或以博奕耽好為樂或以酣飲歡呼為達否則溺意於詞章圖畫字書技藝之淺事而不知天理人倫之大道甚矣其皆非中庸之行也是豈景暉之用心哉監察御史謝君衡景暉友也常造其處而得景暉之議論知其必有可取者因求文於余遂書此以還之使知所擇焉

莊木齊擬真珠達磨二泉竹木花卉瞻碩滿前賦詩尋樂為日不足焉少墟不赴宴會飲奕之間不涉園亭圖畫之玩乃兩先生理學則大同也余嘗謂遊觀玩好顧其人何如耳觀孟子對梁王立沼上齊王在雪宮可見即如文清公於竹梅蓮蘭菊不嘗稱五友乎不嘗作五七言絕句與近體乎先生原欲人遇物便知所擇非徒序竹溪一處為然也范部鼎識

會試錄序

薛瑄

今皇上膺天命光復寶祚紀元之春適當會試之期天下士領薦
書而至者蓋三千餘人禮部左侍郎臣幹等以考試官請上命臣
瑄、臣原往蒞其事同考官臣溥、臣賢、臣泰、臣正、臣必、臣恂、臣世資、
臣節、臣淳、臣鏞監試御史臣烈、臣鑑暨百執事罔不夙夜祗承凡
三試得文之中程式者若干名并擇其文之尤粹者彙而成錄臣
切惟為治莫先於得賢養士必本於正學而正學者復其固有之
性而已性復則明體適用大而負經濟之任細而釐百司之務焉
往而不得其當哉故三代小大之學養士之法皆以復性為本其
續垂棘編二集卷七 廿 五經堂選定

得賢致治之效蓋可考矣漢唐以來正學緒微養士不本於復性
往往溺於雜學術數記誦詞章之習體有不明用有不周雖或有
傑出之才亦不過隨所學以就功名而已其視三代之賢才為何
如哉至宋道學諸君子出其論養士之法始皆本於復性雖其說
不得盡行於當時而實有待於盛世洪惟天眷皇明列聖相繼大
建學校慎選師儒其養士之法必以三代孔孟程朱復性之說為
本是以九十餘年薄海內外文教隆洽士習粹然一出於天理民
彝之正而雜學附教記誦詞章之習剗削磨蕪復前季之陋雖
曰科目以文章取士然必根於義理能發明性之體用者始預選

列類非詞章無本者之可疑也故其得賢致治之效足以追隆前
古今諸士荷朝廷正學教養之恩既以有本之文得在選列行見
對於大廷益當以明體適用自勵隨所器使以忠乎國以愛乎民
以贊助皇明重熙累洽之治於無窮俾正學得賢之效有光於前
有垂於後顧不偉歟

科目舉業糊名易書三代而後取人之法此為第一矣惜士習
間有不端者廢弊乃生所以胡叔心幸復元理學諸先生激為
廢科目變舉業之論也試觀此序所云根於理義發明性之體
用等語尚謂舉業有妨實學否 范鄒鼎識

續垂棘編二集卷七

廿

五經堂選定

艾千子之論八股至矣盡矣獨未拈出復性二字不免缺陷此
其文人聖人之辨與 范翼識

車窓記

開平俱有書法

薛瑄

河東薛德溫官御史近五年始買小屋兩間於京師僅容几榻床席又苦其東壁暗甚力不能辦一牕小子淳乃取廢鹿車上轉卸去兩傍長木以中方穿櫺類若牕者穴壁而安置之余歸自外來因嘆曰以御史之顯曾不能辦一窓致以此物為之使富者見焉必睨目而哂掩口而走矣御史之拙於生事乃至乎此既而取古書讀其下則旭日漏彩清風度凉心神通融四體迢爽忽不知天之迥地之廣而屋之陋也復從而自解曰吾之屋如是可謂陋矣然安之而忘其陋是居雖小而心則大也彼貪民侈士巍堂綺戶

續垂棘編二集卷七

廿三

五經堂選定

可謂廣且麗矣彼方福躁汲汲若不足以自容日夜勞神憊精思益以擴大之是其居雖大而心則小也小大之說君子必能辨之於是作車窓記

居小心大與居大心小二語真是危微之辨理欲之分人禽之介死生之閑念哉范淵鼎識

孫月峰謂眉山文小題目能大做翼於先生亦云而一派端方正大之氣眉山恐不能也范翼識

末思堂記

薛瑄

人子生於親之膝下方其幼也其親出入顧復惟恐驚之稍之饑之渴之蓋未嘗頃臾忘其子之身而欲其安也及少長也其親誨諭諄悉示之以孝弟忠信之道陶之以詩書禮樂之方未嘗一念忘教其子而欲其入於善也逮其成立處於鄉則欲其子以賢行自著仕於官則欲其子以忠廉自修是其親之心又曷嘗一日忘愛其子而欲其始終有所成就哉親之恩如是故其沒世雖遠人子之喘息呼吸即親之遺氣人子之身體髮膚即親之遺體則所以追念其親之撫摩保愛教誨期願之恩而惻愴悲思之情出於

續垂棘編二集卷七

廿三

五經堂選定

中心之誠自不能忘於一息之間與子之身相為始終者是乃天理民彝之至非由外鑠也詩人所謂末言孝思者殆以是歟楊君伯玉江西瑞之高安人也自在鄉里時已失怙恃每撫遺體感遺氣而追念其二親撫摩愛誨期願之恩泫然憂悲不能自已因取詩人末思之言以名其所居之堂其後伯玉登進士第為御史為按察僉事累官至四川參議所至官舍必寓以末思之名所謂惻愴悲思之情出於中心之誠無間於一息與吾身為終始是乃天理民彝之至者伯玉白首不渝焉其可謂能踐末思之孝者已伯玉兩任風紀荷國家推恩皆得贈其親之官如已之秩榮貴泉壤

光動里間伯玉又足以遂求思之情矣今參議九年秋滿前後居
顯官者三十年所至必舉其職而無纖毫之玷是皆自求思之孝
擴而為事上之忠既忠且孝有子如伯玉雖其二親亦可無憾於
九原而是堂之名亦將傳於永久矣于是乎書
讀求思堂記而不墮淚者其人必不孝
范部鼎識

遊草堂記

薛珏

景泰元年九月二十五日、僉都御史李匡約余泊大理少卿張固、
監察御史羅俊同為草堂之遊、草堂乃唐杜甫子美避地蜀中時、
裴冕為作於浣花溪者、子美詩所謂萬里橋西一草堂是也、當時
之草堂廢已久矣、而後世作堂以象之者、則累累不廢焉、至蜀
王崇尚子美之忠賢、一新其堂、且刻子美蜀中諸詩於板、以示景
行前哲之意、每歲時良辰勝日、蜀之衣冠士庶與夫裁白之叟垂
髮之童、皆知草堂之名而出遊其地、人物車馬雜遝道路、至填溢
草堂不能容、由是草堂遂為蜀中之勝跡、雖朝之縉紳大夫有事
續垂棘編二集卷七

於蜀者亦必至其地焉、余與李張羅四人者皆以事在蜀、既為斯
約、是日早出中和門、度萬里橋、循錦江西上、時霜降水落、江流之
湍急、鏘鳴金石者有以清人之耳、其洄澤之澄碧、涵虛者有以清
人之目、與凡近岸之疎篁折筍、遠波之浴鳧飛鷺、皆足以娛心意
而供出遊之觀、西行可五六里有橋曰過仙、過橋有宮曰青羊、乃
道家者言老子降於蜀、青羊肆云後人因即其地以為宮、宮西行
約一里、過溪橋、扁曰草堂寺者、蓋因子美之草堂而得名也、寺西
行僅半里、門扁曰杜工部祠、以子美嘗為工部郎故、以是扁其祠
云、入門有堂三間、以奉子美之神、後有中堂三間、以為遊者宴息

之所最後有堂三間覆之以茅蓋象子美當時之草堂也余四人者相與觀子美詩刻中有所謂重嶺錦江者蓋皆在今草堂之西南然江山雖如故而詩中所詠當時之物蓋有不同者矣方徘徊間四川藩臬都閫諸公皆至具小酌中堂有絲竹之聲以侑酒焉酒半而起還過青羊宮復留小酌至暮而歸余惟子美草堂不過江村一陋室耳今去唐垂千餘年當時之草堂已化為塵土而荆榛矣後世作堂以象之者年愈久而名愈新是豈徒以子美詩之工而妄誇古今冠絕百世哉蓋唐至中葉為女子小人盛惑君心竊弄權柄紀綱大壞逆賊橫發黃屋出奔四海潰亂其人臣平日

續垂棘編二集卷七

其

五經堂選定

載高位食厚祿號為親信而近幸者率多傾軋賊庭受其偽職子美在當時一布衣耳亦嘗陷賊中乃挺然無所污其視失節之臣已不啻麟鳳之與犬豕矣及其援賊中赴行在肅宗拜拾遺未幾竟以直言去官乃客秦州入隴蜀遂寓居草堂適嚴武鎮蜀奏為檢校工部員外郎或去或來不離草堂者僅五載焉夷考子美平日所作諸詩雖當兵戈騷擾流離之際道路顛頓凍餓之餘其忠君一念惘然不忘故其發而為詩也多傷時悼亂痛切危苦之詞憂國愛民至誠惻愴之意千載之下讀之者尚能使之太息而流涕感慕而興起則子美之忠始終不渝又如此非特不污賊中之

一節為然也夫忠在人之心乃天理民彝萬世之所同故後世慕子美之忠則慕其為人慕其為人則併慕其所居之室此子美之草堂所以屢興不廢而名末長存也且自子美草堂以來以全蜀之盛歷代之豪族富家高臺巨棟歌臺舞榭蔽雲日而出風雨者不知其幾萬億室也今皆消滅泯盡寂無名稱獨子美區區一草堂而為後世之所景慕興茸遊觀愛賞之不忘名將與天地相為悠久孔子所謂誠不以官亦祇以異者子美殆近之與嘗讀子美詩有所謂百花潭者今訪諸草堂之側無此潭豈歲久而湮塞歟獨浣花溪在今草堂東北即青羊宮西行所過橋下溪是也時同遊

續垂棘編二集卷七

其

五經堂選定

者布政使張惠按察使茅惟揚僉事劉福都指揮李榮周萬廉恭藩臬都閫共六人其餘文武將吏甚眾不能悉書

韓柳歐蘇一變而為周程張朱在反掌間耳茲文非明效大驗與范部鼎識

平陽府儒學重修記

薛瑄

平陽為山右之大郡統屬三十有五而郡學寔人才風化之所自
出為支屬之所觀法為郡之政固非一端宜其先於學政今姜守
德政三衢名家子蚤游太學出令上元上元為應天劇邑素稱難
治姜守歷職九載事無不舉遂陞禮部郎官又三年陞知是府蒞
任之初進謁大成至聖文宣王廟庭退見神厨學舍率多敝陋及
有屋宇當立而未備者因誌諸心及半載間值時豐人和乃區畫
擬植之具斯削之材以及龔墾百需既合矣於是就工先作神厨
次作明倫堂作學門以及師生宅居退室繚垣道途靡不完整平
續垂棘編二集卷七 五經堂選定

直又表頌宮之扁覆以重屋始事於天順五年二月凡五閱月
工訖學舍為之鼎然一新郡博生徒咸願刻石以紀其事乃來求
余文余惟道之大原出於天若古唐虞三代之教學雖各有不同
而皆本於道蓋道之明即人倫之明考諸載籍可見矣自孟軻氏
沒堯舜禹湯文武周公孔子顏氏曾思之道不傳歷漢唐以來間
亦設學立經置師弟子員然道既鬱而不傳而其所以為教為學
者徒矻矻於訓詁名物口耳枝葉之淺陋甚至雜於異端惑於功
利汨於百家衆技之偏曲支離雖有臨雍拜老增廣生員如漢唐
之盛亦不過侈當時之觀美卒莫能究大道之歸而復隆古明道

明倫之盛至宋河南二程夫子出始有以接千載不傳之統於是
發明性即理也以見道之大原出於天表章大學中庸明古人為
學之次第造道之問與以讀論語孟子而不知道雖多亦奚以為
周子以剛柔善惡中焉而已矣論為師之道張子教人必欲變化
氣質復天地之性至朱子會萃周張程子之學以迺堯舜禹湯文
武周公魯鄒之道註釋四書為講學之本又集小學為大學之根
基以及詩易既有傳義諸經亦發其大旨資治通鑑綱目則理一
天人義兼巨細由是教人之法大備雖所入之途各異而其要歸
皆本於明道明倫如唐虞三代之教然當時講論極為明備而乃
續垂棘編二集卷七 五經堂選定

屢為狂言所詬竟莫能施其教於學政達其道於天下逮我皇明
統一萬方道隆千古內建國子監外設府州縣學而師弟子之所
講習小學四書諸經史之義理皆本於周程張朱之說以求堯舜
以來千古聖賢之道而前季訓詁詞章異端功利偏曲支離諸說
皆不得淆雜乎其真由是濂洛關關之學得以備施於學政盛行
於天下而大有以復古昔明道明倫之盛今平陽郡學人才風化
所關姜守知為政之先務而新理之事神育才咸有所為師為
生徒者其必仰思朝廷建學之意篤志講明正學而無怠庶幾人
才所出有實用而風化之美亦延及於支屬所謂明道明倫者將

不為虛語○斯於晏守之興學○與有稱焉○於是乎書○

一篇道統總論○出於文清之口○建諸唐虞之地○安頓恰當○范邵鼎識

續香林編二集卷七

五經堂選定

故贈兵部主事陳先生墓表

薛 瑄

浙江富陽陳復初先生○以宣德十年十月初十日卒于河南沁水之官○次又十五年為景泰元年始克表于其墓○先生諱原復○初其字也○其裔出陳太丘之後○自漢晉隋唐宋以來○陳氏仕於其世者○代有顯人○以家牒弗存○不能詳其世次○至先生曾大父子高大父仲遠父思明○此三世皆積善行義於鄉里○種而不食其穫○施而不求其報○思明尤讀書好禮○及生先生○有異質○知其必有立也○遂遣游庠序○從良師友○以開發涵養其心性○時未幾○學識驟進○不凡流輩○咸推服以為不可及○後以明經入太學○益考業於明師儒○且得

續香林編二集卷七

五經堂選定

盡友六節○天下英俊之士○聞見日益宏○發經日益著○進學行有成者○分教四方○學校先生○遂有山西沁源儒學訓導之命○先生既至○官謂曰○官無崇卑○願職所盡○何如耳○且天下莫大於道○訓導為人師○師道在焉○道有不脩○何以盡其職○乃充其學○以道自勵○早夜懇懇○以啓迪諸生者○皆經籍所載○聖賢所傳○三綱五常之道○異端誕妄不經之說○無以干其念○由是學子翕然從其化○山右稱善教者○皆推先生為最後調劑之興化縣學○兩任江西饒州府河南鄭州郡庠○皆以舊職合四任秩滿○陞沁水教諭○又九年將去而陞秩○諸生狀其善教之績○上章願留○以卒業詔許其請○竟以疾卒于官

享年六十六矣。汜人慕先生之德教者，不但庠序諸生，又延及里閭齊民。既葬先生邑東龍泉鄉之原，復留其家占籍於汜焉。先生既有美質，又克之以正大之學，歷教五郡邑，將三十年，無倦之心。始終一致，所至成就人才，隨其器質，弟子名薦書入官，躋仕途者，聲蹟於世者，林立相望。若先生可謂無忝於師道而能盡其職矣。先生信道既篤，安於所職，無絲毫自貶求人知薦意，性復樂易，寬大接人，洞見表裏，坦然明白，不為防謗崖岸，苟賢矣。雖貧賤禮之有加，苟不肖雖顯者，亦視之漠如也。居家不問有無，尤喜賓客，每客至，卽呼酒延款，連日夜不厭，急於行義，嘗斥其餘以賙貧乏人。

續香林編二集卷七

世

五經堂選定

有死無葬具者，卽助之棺槨。其友葉全，曾先生以白金百鎰，全亡召其子以金還之。鄉人孫景原，戎邊客死汜水，先生遣人護其骸骨，并妻子以歸。嘗道經睢州，逆旅張貴家見庭槐，群鳥護巢哀鳴，問其故，貴曰：「家貧無以自活，已售此槐以給食，伐者將至，鳥懼傷其雛，故哀鳴。」若此，先生問槐價幾何，卽如其數，探囊金使還市槐者，責舉家遷拜槐，得不伐。群鳥卽噪不聲。先生平昔舉義甚多，此特其一耳。他不能盡述也。嗚呼！先生自其曾大父以來，皆積善行義，隱德弗耀。至先生始以文儒起家，益衍先世之慶，又位不滿德，而以教付厥子。其長子鑑，克守家業，次子銓，登進士第，今為兵

部職方司主事三子銓，中鄉試，禮部乙榜，任大名府儒學教授。銓為主事三年，例得推恩於其親，於是勅贈先生如其子之官。其配呼氏，贈孺人，光寵赫然，動於一時。先生雖沒，亦可以無憾矣。夫惟所蓄者久，而深故所發者遠，而大蓋其理有必然也。余少從先君子典教榮陽，其地介鄭汜間，余往來嘗抵宿其館舍。先君子沒於覃懷官舍，先生又遣人致賻，復遣銓從余學，故余知先生履歷行實，頗詳。用敢序次其事，表於墓左，以明先生所以承休於前而貽榮於後者，皆本於德善之積，不惟其子若孫當永承嗣服無替，而世之人亦得以有所觀覽興起焉。

續香林編二集卷七

世

五經堂選定

小刻學者須知袁顏合刻開卷有益，觸目警心，諸書皆積善之效。說者曰：「事近報應，上智弗道。」嗚呼！讀文清公陳主事墓表，可

以止矣。
范師昂識

策五十八道錄三

薛瑄

問造化不過一理陰陽五行化生萬物而已○即周子太極觀之可見矣○所謂一理者何所寓歟○陰陽者何所運歟○五行者何所布歟○萬物者何所生歟○一理理也○陰陽五行氣也○理與氣果析而為二○與其化生萬物也○理與氣與化生萬物之後理氣與之俱往歟○亦恒存而不易歟○窮理為學之首事○試詳陳造化之秘○問天地陰陽形氣之實體也○天之氣充塞上下四方無少間隙○而天之外又果有何物歟○地之形居天之中是其為體至靜也○而天之氣又何以流貫乎其中而發生萬物歟○且天既無窮而包乎地○

續垂棘編二集卷七

世

五經堂選定

之外矣○其地之形又果有邊際歟○抑與天之氣俱無窮盡歟○天氣也○地形也○氣與形又何所依附附歟○夫日明於晝月明於夜○說者謂月本無光○受日以為光○且日既西入地中矣○而月三日始生○明八日為上弦○十五日為望○而月之光何所受於日歟○及既望之後○月又生魄○至下弦而為晦○而又何不借光於日歟○天地之所以大小○日月之所以明晦○皆窮理之事也○其詳言之○問選舉之法○雖見於有周○于時未有科舉之名也○其事果始於何時歟○漢有制策以取士○若董仲舒○公孫弘○皆由是以進○後世之策士○抑又本於是○勳進士之科盛於唐宋○而唐宋之前又始於何時○

續垂棘編二集卷七

世

五經堂選定

與廷試之策○其即漢之制策歟○說者謂策傑之士由科目而進○宜所得者皆方正賢良之人也○夫何由進士而出者有君子小人之不同歟○古人謂不知言無以知人○糊名考文○文即其所發之言也○何能言之○士文有餘而實不副歟○元之科目有古賦○蓋詞章之流○今罷古賦以論易之說○近於義理之文矣○得人之盛果有盛於前古歟○朱子有曰○為科舉之文者○亦能言廉○亦能言義○及其所行則不廉不義者多矣○蓋惟從事於紙上之虛文而不知反求諸身心之實也○茲欲習舉業者○讀聖賢之書○必欲行聖賢之道○使文如其行○行如其文○以免朱子之所譏○果修何學政○施何教法○而可以化○

續垂棘編二集卷七

世

五經堂選定

天下之士而至於廷試○詳陳其說○彙既得先生全集四十卷○先錄其文若干○為拙選續編第七卷○復得河汾續集兩卷○下卷所載行實祭文等○見全集內上卷策問五十八道○除第一問外○餘皆全集之所未載○復錄其三○附錄於後○餘容附全集重梓○謹按續集出於寧先生手○仍將寧原序節錄於後○以備參考○寧序畧云○讀書錄敬軒諸集○皆行於世矣○至其策問若干首○獨未入梓○果於巡撫河東○遣運司學鍾教授昇○請先生里搜採遺稿○歸得是帙○云○正德丙寅○蓬萊後學寧果書○范部鼎識○

男 翼孝前

晉妻山范郎鼎彪西選定 受業范爾梅梅臣手錄

姪 翹羽豐

陳言疏會推捐納

為遵 諭陳言事臣伏讀 文章占一 龍門得者 田六善

致庶績未熙事多業勝之 天語仰惟 皇上誠知用人為致治

之大關也 且思在外緊要之官 莫過千督撫布按督撫 皇上簡

命且無容置喙至布按之會推 斷宜循序詳議也近見會推布按

續垂棘編二集卷八 五經堂選定

凡係參政副使等官俱得拔用 夫不次用人者 皇上之大權揆

失討論者會推之舊例今日廷臣失公失慎仰體 皇上立賢無

方之意如前日會推于成龍衆論僉同真足激揚清吏但近日官

如于成龍者不可多得 臣恐行之既久各官皆萌覬覦之心臨時

不無資緣之弊 臣謂推布政仍宜於按察中揆次求之推按察仍

宜於參政中揆次求之如按察參政俱有指實不可當此任也方

可於副使以下揆次求之夫按察參政官非小而任非輕也如按

察不可推布政尚可為按察乎如參政不可推按察尚可為參政

乎或老或病或人地不宜或才力不逮廷臣果有真知確見者不

妨明白直說始可隔過另推如此則議論既詳賢否自無涸涸之

慮矣 臣謂在外親民之官莫如知縣今日知縣皆捐納矣又有納

先用者又有納即用者以名器之重似為捐納者開利之場 朝

廷以賢求人尚恐賢否混淆此輩以利進身涸涸又當何似 臣謂

知縣仍聽照例捐納外以後捐先捐即者概宜停止夫以白丁納

銀千餘兩使為銅章墨綬之官尚不謂榮乎必欲早得一縣其意

安在是明明以窮困之民副之為償債之地也 臣意司農必以兵

餉不足者暫議權宜 臣謂用捐先捐即以生財何如去貪官汚吏

以克用如河南撫臣董 入稅糾參便得賑銀賑賑 臣請 皇

續垂棘編二集卷八 五經堂選定

上嚴勅各督撫將布按道府及州縣等官真正貪惡積贓巨萬者

列疏糾參每省得四五人便可得賑銀四五萬如謂今日而無此

輩臣不信也天下之人亦不信也區區捐先捐即能得幾何矣如

果臣言不謬伏乞 皇上採擇施行奉 旨知道了該部知道

初讀之喜其理明筆快再讀之服其胆壯氣雄三四讀之如白

丁償債臣不信天下不信等語不覺警怖其言猶河漢而無極

也同日邸報中又有兵科劉崇漢 諱沛先四先生一疏內云查

向來選知縣者非若捐納以一白丁而忽居民上然猶多不肖

屢見彈章若捐納之人其心果於公平抑其心別有在也而乃

急急以求選錄用之不足而先用先用之不足而又先用此
何為也若欲操本以求利舍少以取多則民不堪命矣如此等
語不太直乎乃俱蒙
皇上俞旨何也翟璜曰君仁則臣直長孫皇后曰主明則臣直草野
病夫為之霍然范彪西評

陳言疏督撫

田六善

為邊諭陳言事臣竊惟設官分職原期共勦化理今我皇上
敬天勤民孜孜求治大小臣工不能仰體聖意推廣皇仁
在內者或推諉成風在外者或貪污任意官長刻剝之政到處皆
然間聞愁嘆之聲所在都有以致暑氣炎赫天色乖異皇上乃
復省躬引咎睿慮深至臣知諸臣奉此煌煌天語清夜自思
盡當愧死無地矣伏讀上諭內而部院總天下之樞機或條制
有未盡善外而督撫繫生民之休戚或吏治有未澄清皇上於
內外情形已洞若觀火臣謂條制之不善尚易更張吏治之欲清
難難奏效何也今日官至督撫遂無人為之糾察而聽其自恣也
或謂有部院之考績臣謂部院止可得其功過不能得其私且
督撫加級甚多擬冊而求功多過少矣或謂有科道之糾察臣謂
科道止可得之風聞不能得其實據且督撫財力甚大過風聞
虛多實少矣居莫敢誰何之勢自非大賢鮮不縱放道府每年規
禮若干再行搜括若干則道府所轄之官民如賣之道府不問矣
州縣每年規禮若干再行勒索若干則州縣所屬之士民如賣之
州縣不問矣加派雜差則貧者之困苦無告網羅詞狀則富者之
冤抑無告坑損行戶則商賈之消乏無告縱容積蠹則善良之詐

害無告臣謂非時遣巡方則此弊究不能解百姓終不能安地方終不能寧也臣見世祖章皇帝時山東巡按程衡奏巡撫耿淳矣江南巡按秦世禎奏巡撫土國寶矣兩撫皆置重典一時天下肅然今日若聚差巡方恐選擇難得多人伏乞皇上欲澄清某省令都察院堂上官於御史中慎選一人具奏兩省則選兩人或一年或二年再清某省則再選不必一時俱遣出其不意示以不測使天下貪惡之官不敢恃督撫之熟交而肆志即有不肖之督撫亦不敢自謂處莫敢誰何之勢而庇貪害民大誤地方矣若巡方則責令都察院堂上官不時察訪如不稱職不時糾參治以重

續垂棘編二集卷八

五

五經堂選定

罪○如果正已率屬不畏強禦著有實績者皇上不次陞擢當此重大之任前有重賞後有嚴處俱不得以平常考核以便庸庸者塞責了事如果臣言不謬伏乞皇上採擇施行奉旨知道了該部知道

督撫而賢也讀此涇渭有辨喜而且感督撫而即不賢也讀此省過能改喜而且感然作者之意豈計喜與感果否但憑此一片為國為民之心寫此一篇興利除害之文總求不負聖天子皇皇求言之意而止

范彪西

重名器疏

李宗孔

題為治平貴在用人請分缺之繁簡重名器以收民望事自古帝王建極不外用人故賢人在而天下服一人用而天下從又曰勤於求賢而逸於得人凡以言俊傑在位百職就理萬姓樂業天子垂拱也我皇上御宇以來時時求賢事事愛民文教日宜武備雲集唐虞三代可屈指也值因逆賊犯順計部日以軍需為急而條議者紛紛無不食從納官之事倒開矣在內之官始而不過中書開曹繼而上及主事員外等項矣在外之官始而不過有司下僚繼而上及道府等項矣夫援納一項頭緒繁多仕途混濁難以

續垂棘編二集卷八

六

五經堂選定

拔舉臣姑就知府知縣牧民緊要之官言之如知府一官大府管三二十州縣不等錢糧數十萬一二百萬者戶口數百萬者一聽顧指不咸一小省巡撫其降級還職猶可言也而革職者朝而白身乃以五千兩募而黃堂矣彼既費有重資能保其不取償百姓魚肉地方乎臣查世祖章皇帝時另開四十大府以待賢能今合無仍行長法將錢糧多者定為大府約以八十府為期其餘小府以為還職降職援納者之缺非苛刻之也以五千兩驟復四品大夫專司數誠未為不得也若夫知縣輕視之乃百里之寄耳而不知大邑錢糧亦有十餘萬二三十萬不等者土地人民生童胥

吏聽其裁成○今不問才也○能也○文理優通也○朝為白○丁上○一千○七○百○兩○而○幕○則○堂○堂○令○矣○再○上○一○千○兩○而○先○用○矣○再○上○一○千○兩○而○即○用○矣○通○計○不○過○三○千○七○百○兩○即○授○一○小○縣○而○烟○火○萬○家○司○其○政○令○光○榮○極○矣○豈○薄○待○之○乎○查○世○祖○章○帝○時○招○民○授○職○所○費○七○八○千○兩○甚○而○有○萬○金○者○尚○行○考○試○文○理○通○順○者○為○知○縣○不○通○者○改○授○守○備○部○案○俱○在○何○不○舉○而○行○之○乎○合○無○以○應○選○縣○缺○通○盤○打○算○除○糧○重○地○繁○之○外○分○糧○輕○地○簡○者○十○分○之○三○以○為○錄○用○先○用○即○用○之○缺○則○銓○補○各○不○相○妨○矣○昔○仲○叔○於○奚○請○繁○纓○孔○子○惜○之○謂○惟○名○與○器○不○可○假○人○夫○繁○纓○微○物○也○聖○人○猶○重○焉○况○大○府○大○縣○乎○今○銀○

續垂棘編二集卷八

五經堂選定

既納矣○無可挽矣○不得已○分別繁簡○以存激揚之意○則用人之大權○仍歸廟謨○非有錢者○視功名如寄○取而大府大縣且聽之○不可知之竹籤矣○如果○臣言可採○伏乞○勅部議覆施行奉○旨○知○道○了○該○部○知○道○

為捐納者各設一法○其法皆率由舊章○絕不自作聰明○真是議天下事○以虛心○任天下事○以實心○者○向讀前代太平楊全甫澤州王復我諸先生疏○言人所不敢言○不能言○不肯言之事○近讀邸報○偶得同時陽城田閣喜朱大同李諸先生疏○較前代楊王更進一步○惜余病居深山○不能遍抄○以傳思之○忉忉○范彪西

官戶疏 李宗孔

題為另立官戶○易知由單○開增除○以清混冒○通有無○以安民生○事○竊惟天下之錢糧○由于地畝○而地畝之在官在民者○原非世業○交易無時○有無輪轉○全賴地畝○互為授受○此民生通融之大關鍵也○自官戶加三之議○行比歲以來○官戶為加三之田○如有急需而復授其田者○而官戶因民有急需○則官戶苦重賦而不相授○而民戶困通融之路塞○而田為飽繫○此其一○又田肥瘠不等○有錢糧加三有盈除者○有錢糧加三之外○苦賠償者○不論富歲凶歲○糞其田而不足○此其一○又雜職例監武職等項○最為繁多○槩入官戶○究竟莫

續垂棘編二集卷八

五經堂選定

可稽察○官吏侵吞○無由而知○朝廷有加三之名○而吏胥飽加三之寔○此其一○又會議以官戶加三○不當雜辦○既奉○俞旨○有司何敢固違○但官戶日增○小民難辦○益重○又其一○此外不肖有司○擇監生等項○愚懦可嘆者○加以隱漏名色○私相勒詐○亦不可定○此又其一○彼時會議從軍需起見○以為凡我有官固所樂輸○誰能思及既行之後○業弊多端○至此極也○即今軍需方缺○亦何庸更議○臣以愚見酌行數策○在錢糧仍可無虧○或足以補偏而救弊○敢為皇上陳之一民戶買官戶之田○本年稅契○即照民戶納糧○官戶買民間之田○本年稅契○既上稅契之銀○准作本年加三○而田土有交易之事

矣一田高下不一現在加三者恐行更改以滋弊竇此後新增官
戶宜有加一加之別上田加三中田加二下田加一瘠土者可
以樂業矣又加三之法從納銀起科不從地畝起科彼重賦之產
加三已足矣後經部議又將糧米一併加三實不能支此議政王
大臣會議之所未及所當豁除而賦重之田得以稍甦矣一官有
崇卑祿有厚薄素封之家加三不累終實之族正課維艱如吏員
衣食不週雖考雜職守候無期又武職微弁守備以下身在行間
既無坐糧八口為累即在本籍寔難查考諸生究經二三十年守
一歲貢望一教職通遇無期鄉紳物故後人如有官守則官戶固

續垂棘編二集卷八

九

五經堂選定

所不免乃有子孫求一監生亦不可得者其涼薄可知本人居官
即分家之子義無辭矣弟兄族人不宜混派以上數項田既無多
加亦有限徒混耳目以飽奸胥不如一槩豁除之為當也至進士
舉人貢監未曾出仕田既高下不等人亦貧富各別所當行加一
加二之法以各安其生理無負其讀書之初志者也臣非敢妄請
沽名市恩也此年撥納監生不下數千納縣納主事納佐貳等官
不可勝計頃又鄉會在即官戶日積月累錢糧有增無減唯是朦
混不清有名無寔中飽居半諸如此類變通其法若不將官戶另
立易知由單頭緒斷然不清臣請嗣後一縣另為一單開明本縣

官戶若干本年田地交易若干新增若干應除若干應豁若干加
一加之若干本縣官戶通盤打算共銀若干一目了然送部科磨
對如有差錯即指名奏究此法行田土可以交易有無可以轉移
卑末微員得安貧仕新進小臣得餘升明經國學得共饒粥地
之高下有定賦之重輕惟均官戶之分途既清奸吏之隱射難施
止可以廣皇仁而下究無虧正供也孔子曰忠信重祿所以勸
士也茲軍需惟重逆賊煽惑咸此而後朝食則可耳蕩平之日伏
乞我皇上首除此法也綠條陳官田事理字多逾格如果臣
言不謬仰乞睿鑒施行奉 旨知道了該部知道

續垂棘編二集卷八

十

五經堂選定

除弊必究弊之根與利必開利之源所謂即凡天下之物莫不
因其已知之理而益窮之以求至乎其極者此格物之書也勿
但作經濟文章看范彪西
認得上可以廣皇仁而下無虧正供故縱說橫說無非至理
一字一句俱可見之實行真天地間大文章也王書升

停遷移疏

李宗孔

題為駐防家口輕遷重費恭請 恩綸暫停遷移省驛累以惜窮
兵以安殘黎事從來設立重鎮雖以防禦一方原聽不時調遣乃
兵數不過三千而家口反至萬餘是糜費錢糧按之戶口則繁多
核之兵數則無幾非設鎮之意矣如續順公下大小官員及馬步
甲止二千一百四十二名家口乃至一萬四千零一十九名是家
口七倍於兵丁也豈非有用之人少而無用之人多虛費金錢莫
此為甚乎臣見廣東巡撫金一疏內稱續順公官兵家口遷
移江西省城安插需用座舡三十隻河舡一千一百七十餘隻人

續垂棘編二集卷八

五

五經堂選定

夫一萬七千零八名竹塹六千乘粵省征勦頻仍額設舡隻撥應
不敷民舡僱覓殆盡家口隻舡實難猝辦乞將家口分作四五次
起行方能無誤等因部覆已經允行奉 旨這需用舡隻人夫等
項為數甚多着差戶部賢能司官一員前往察看議奏仰見我
皇上愛惜兵民慎重其事臣何容致喙又本年二月十二日張慶
吉又有搬移家口一疏部覆撥兵防護至江西省城俟安插後即
請來潮州等語彼時張慶吉以續順公臨在海島恐附近文武未
必共諒故有搬移家口江西省城內地安插之請推原其情蓋
以家口遷居內地割白其無他也目今湖南蕩平各處賊勢如

臣心事如此

別舉明鑑

風掃落葉矣凡職兵民何嫌何疑乎若從尚氏起見彼已寧居省
城其餘家口在潮州與在江省安插似無輕重今移此一萬四千
餘人勞民傷財即事關緊要尚宜斟酌况費不貲之軍需供閒散
多人之坐食乎且兵丁三百餘員名護送至江西又調回潮州往
來跋涉種種無益不獨此也在旗兵丁一聞家口遷移之信凡難
三苦皆必有之○事必至之○情他人未之知也○未之知也○未
以東裝動用諸物勢必變賣門窗戶牖取為柴薪此該鎮兵丁之
苦也○粵省民舡千有餘隻勢必早為封鎖斷其貿易夫至萬人聚
積守候饑餒不免此粵省夫役之苦也○倘到江西省城官房有限
必借民居所到驚惶搬運失業此江西百姓之苦也○以臣愚見刻

續垂棘編二集卷八

前十一

五經堂選定

下將續順公旗兵家口准其所請移至江省終非長策不若暫停
遷移仍住潮州另候調遣為一勞永逸之計俾粵東人民不致挽
拽失業在江西殘黎久經兵火皇上特發恩綸免其二三百萬
之錢糧方在歡平各安生理特旨自天俾各守廬舍咸得寧家
一舉而數善備矣如以潮州濱海家口頗連可念則尚氏現居省
城合無就近量移粵省內地借費軍民所全較多是或一策也恭
候 睿鑒施行奉 旨該部議奏
不傷財不害民真有節用愛人心腸不愧古純臣之風初得先
生兩疏後又得此補而成三魏徵三百田錫子燕而有之矣西

崇祀典疏

朱斐

題為國之大事在祀敬因陳言之上諭諸增崇祀典以明職堂
事○臣○備員太常叨領駿奔凡肅俎豆而協神人○詳典故而消怨悵
是其專責若夫雨暘不時災侵不釋○與神祇者之過也備考紀載
臣有五請為我皇上陳之一曰尊隆泰山夫泰山為五嶽之長
古之帝王燔柴於其上蒞明堂而朝諸侯提岱史所載自唐虞以
迄後代凡祈和祥而禳水旱者七十二君况肇自東土為我
家發祥之源尤宜加隆臣請定制每歲遣該省巡撫恭代致祭一
次減去騎從不許擾民其香火錢糧嚴加稽核勿容滲漏盡作修
績垂棘編二集卷八十一 五經堂選定

理殿宇之資伏候上裁一曰追崇孔子查大成至聖文宣王
封爵傳至歷代所以祭用王者之禮樂明嘉靖年間始改為先師
孔子當時亦如聚訟夫曰先師則布衣儒者之稱耳至於祭儀則
牲用太牢樂用六奏不惟於稱謂不符揆之聖心殊有未安况我
皇上尊師重儒古之帝王莫能與京目前選取博學弘詞一代文
獻之士輻集華下請勅禮臣及學問淵博諸儒考較古今典
制以何者為是或仍襲舊號或別有徽稱總期以光一代之文治
伏候上裁一曰推隆封典夫臣子秩至一品皆得封其三代
至聖先師功在萬世止追封啟聖公一人於典制似有未光再如

四配皆封公十哲皆封侯舊制也查顏子於唐貞觀二年從房玄
齡之請陞入配位孟子於宋元豐七年從林希之請陞入配位又
宋咸淳元延佑年間恭請曾子自十哲入配子思自兩廡入配及
今歷有年所哲庶之中豈無有再堪陞配者乎如子路有若年長
而衛道功深行實而體貌相似皆可議也伏候上裁一曰鄭重
經筵我皇上勤學好問日講不輟即當用兵之際春秋經筵
毫無倦色查明肅宗於文華殿奉皇師伏義神農軒轅帝師陶唐
有虞王師夏禹商湯周文王武王九聖南向在周公右孔子東西
向春秋開講伏候上裁一曰採取功臣我國家定鼎中原三
績垂棘編二集卷八十一 五經堂選定

十餘載凡有從龍文武大臣開闢疆圉之功扶危決策之烈佐
輔居揖之勲自不乏人合無勅下禮臣通行查取從公與議有
文學者請從祀文廟有武畧者從祀功臣廟一以酬報勲勞一以
鼓勵將帥再如創制清字之臣學問淵弘可比蒼頡功亦不淺應
否從祀伏候上裁以上五款臣從增修職掌起見字稍溢額伏
候鑒宥勅覆施行奉旨知道了該部知道
說明職掌又說是事實又說典神祇者之過便見得所陳之言
既非沽譽亦非越俎隨入五事筆稱殷禮成秩無文大半皆從
理學推出可謂日月不刊之書從諫則聖後見三代氣象又謂
最喜歡疏皆舉知道了之旨從諫則聖後見三代氣象又謂

郭璞傳序

朱裴

或問郭景純先生為何許人、裴應之曰、吾烏足以知之、譬問尊者以鐘鼓叩盲者以青黃也、雖然、裴與先生生不同時、辱在閑里、竊嘗擬之先生、擅今古巨儒著作、充斥或目為詞賦之客者、有之、先生精天人秘奧、占驗如神、或目為識緯之家者、有之、皆非所以知先生也、裴謂智仁勇三者具備、他其緒餘耳、當晉世清亂之日、測象而知興亡、審音而明休咎、智也、抗疏極諫、動以青災肆赦、軫恤民瘼、為先事仁也、再觀與王敦之言、慷慨激烈、義形于色、正直不阿、視死如歸、非勇而何、有此三者、他其緒餘耳、川嶽之氣、鍾于續垂棘編二集卷八

十二

五經堂選定

心齊故其註海經水經解若迎刃、精明之姿、磅礴日月、故其疏洗髓爾雅、較若列眉、宜乎周顗溫嶠陶侃王導輩日奉為著、蔡而莫之違也、說者謂景純曠代史材、惜乎涉于術數、不知蔡西山真道學、邵堯夫隱君子、皆能羽翼六經、表章周孔、卒也理精而教莫迷、是豈足以隘景純哉、裴生也晚學、且謝陋未能蒐羅往事、幸有裔人郭錦城者、撮其祖烈、編纂成帙、問跋于裴、是不避臆見而為之序、

活趙固之馬、買太守之婢、按驢鼠之卦、碎栢樹之身、諸如此類、未可更僕數也、作者獨從赦過省罪、思患豫防、諸疏內悟出一

片忠肝義膽、春秋善善長賴有此文、范鹿西

王陽明集云、正德庚辰八月二十八日、夢晉忠臣景純氏、以詩示予、因為詩以紀其畧、先聘君人文集云、景純為中興才學之宗、跡此則智仁勇三字、堪為千古定評無疑、又評此與奎樓記皆連

旨進呈之文、一以表古人、一以勵今人、大臣隨時謨弼、想當如是、豈必左隸門下、右隸中書、大則廷議、小則上封、然後謂之啓心沃心哉、又評

續垂棘編二集卷八

十二

五經堂選定

武邑奎樓記

朱 裴

恒山之屬城曰武邑。邑有閣曰奎星。奎星之名史弗載。相傳神掌爵祿科第。能於虛漢中進退天下士。以故薦紳士大夫多有事焉。按天官家言。斗魁戴匡。是為文昌宮。有司命司中司祿等星。而二十八宿中奎為封豕為溝瀆。為天之府庫。其文與後說不符。釋史載宋徽宗朝羽士奏青詞言奎宿即蘇軾。事誕妄不可信。要其大指。顯中正微淫。愚惺禍福影響之柄。以播敷大文。斯其功。茲名教之功。偉矣。閣而禮之宜哉。歲月浸久。鶴巢蛇盤。重以霜露清飢。兵燹蕩析。頽滅於狂風。惟兩者半矣。今上御極十有七載。裴同里

續垂棘編二集卷八

士三

五經堂選定

甯令實尹茲土。宣化飭紀。祗祗威威。治告最民。大和廼周。視城隍樓堦。臺堦橋梁。暨邑之庠序。祠廟之秩祀。典者毀者。建墮者舉。既整既飭。觀閣之圯也。喟然曰。是非所以鼓髦士育德興行。而斯邑之巍巍壯觀哉。剝落蕪穢。一至于此。且夫邑無小。北眺恒嶽。西絕濁漳。地氣盤鬱。荀兒毛萇之經術。亭伯孟陽之詞賦。百藥巨山之制誥。居址壤錯。遺風綿延。天子方嚮用儒雅。訪求卓犖宏博之士。蒐釣山澤。守土者欲以風動鼓吹。繡黻商皇休盛之治。微是閣也。曷以勸且夫昔之人。雖一丘一池。一亭一榭。苟可以寓耳目。猶將諮詢廢址。勒石志勝。俾勿壞桑門黃老之徒。齊盧精舍。無裨於

吾道也。好事者猶捐靡金帛。輪焉奐焉。邑介趙冀交多平原廣野。桑麻棗栗。無有深巖邃谷幽險詭恠園亭臺觀。賞心縱目之勝。惟茲閣巋然正中。奮迅埤堦之上。窮睇大牧。仰接河漢。闐闐聚落。歷歷井井。而又足迎神禧。集天祉。弘文化。肅志心。於羣曷其柰何。弗新爰下教曰。余其理邑之士大夫。僉曰。俞。廼筭程度。庀車牛。儲祀梓劇。俸入以飼役夫。勿亟勿怠。決歲工。日竣。悅乎若奎壁之精。煇耀此一方也。噫。嘻。寧令可謂靈以牖乃民矣。昔文公之善俗也。式禮樂為鑑。鍾陶鑄。黔首其下化之。講堂石像。蜀人到今。侈美譚武邑。肇自茲君子。惇詩書。小人實忠信。以歲時詰閣下。修飲射。讀法

續垂棘編二集卷八

士三

五經堂選定

之禮雅歌。投壺蔚然。斐然。飢椒我邦。家以敬。迂靈貺。其疇不體令之誠。而歌詠令之德。只是役也。始某年月日。迄某年月日。畢工。廣表若干丈。尺高若干丈。尺視舊制。有加。既集事。馳書裴于長安。裴嘉其能。厲文雅。以擾民也。叙其事。而識諸石。不作薦紳士夫邀求科第之想。亦非騷人墨客酣興遨遊之所。其事神也。為治民也。其治民也。為敬官也。大文章原有種子。在善讀者自知之。范鹿西

書周侯水陸圖後
封禪起郊禘廢水陸起封禪又廢封禪敬於僊天子祀竈曰竈水
陸敬於佛庶人祀天曰借天地設而人有祖父父生人本乎祖天
子尊祖地生人本乎天天子尊天四主以祀天族上帝兩主以祀
地族四望先王先公享異見先祖先妣享異樂旂常服物畫績生
焉土以方火以圓藻以潔雉虎以智以義所以禮天神地祇人鬼
之常易曰殷薦之上帝以配祖考詩曰懷柔百神及河喬嶽天子
之所有事也天子之諸侯大夫賜土四境賜官五祀賜姓五世賜
氏三世大司徒以祀禮教則民不苟周公行之孔子言之庶人敢
續垂棘編二集卷八

十三

五經堂選定

祖其祖天其天乎敢別求他人祖更求天上之天乎出禮入刑創
以庶人之刑是其秩以天子之禮也書曰天秩有禮天子以禮尊
天獨以刑折民之生死耳生人道死鬼道僊佛貪生畏死乃務生
死之所無以為天子祭焉庶人從而祭焉抑何以折庶人乎天地
形也生死氣也人受天地之氣以生氣之聚散形之生死鬼神之神
屈伸也僊佛離天地言生生死生可變化死不輪迴截然自為一物
以待夫人祭祀之求而時出以饗之漢為封禪為僊也泰山之日
東出萬物生於有方士以鬼學僊之衰矣梁為水陸為佛也恒
沙之水西流萬物死於無岸屠以鬼學佛之衰矣黃老變為申

緒終始秦漢之天子方士曰吾祖也推而加於天之上莊列派為
釋氏終始十六國南北之天子浮屠曰吾祖也推而加於天之上
則不以天為主雖使生而不死死而復生名曰逆天天子無以折
民之生死則禮失而刑不能勝諸儒欲誦法孔子斥曰孔子所從
問禮耳秦不繼周之禮起諸侯為天子漢不改秦之禮起庶人為
天子雍祠二百三所唯十五所應禮郡國祠六百八十三所二百
八所應禮卒不正嚴父配天之禮却掃不得不廢黜周霸封事圖
用玉幣明堂圖五女樂石壇仙人祠瘞辟駒寓龍馬不能得其象
於古不能象不能圖也半見為仙半見為鬼封禪不得不廢然齋

續垂棘編二集卷八

十四

五經堂選定

居盡天地太一紫壇畫日月北斗雲車招搖之怒靈旗太一之鋒
五利文成往即天刑天子尊天而後天子尊漢後天子間為之天
書從識識從僊僊正之孔子聞立德封禪圖旁盡孔子宅里則凡
秦諸侯臺上天趙大夫臺上天亦難矣庶人敢天其天乎庶人天
其天自渠之水陸始也梁武見佛不見天乃至見鬼不見佛首山
之欄周義葛計浮山之堰魚鱉數十萬計跡其沈竹木出植溪持
空山下荆郢籍人頭詐山陽史稱帝蹈空而行乃夢見蹈空而行
戴鬼青徐司洛之間奉佛金山之上將以三慧答景百坐接謹而
賀焉焉天監末祈告天地祖宗去殺牲牲皆代以麵中大通設無

遮大會○法衣捨身○去殺無刑○法衣捨身○無禮是則○庶人已○庶人○祭○
為○庶人○從而○祭焉○天下○庶人○皆為○之○不復○知為○天子○之○所為○天子○
不○事○天○而○後○失○所以○事○三○昧○從○微○微○從○佛○佛○假○之○莊○莊○莊○諸○侯○
藏○則○果○武○大○夫○代○齊○既○帝○制○而○天○子○自○為○聽○佛○為○之○鬼○為○之○吳○道○
子○水○陸○圖○末○盡○莊○襄○五○臣○則○凡○蛇○自○天○降○鄭○時○龍○自○地○升○連○業○
涉○庶○人○貴○庶○人○敢○天○其○天○者○敬○也○天○所○生○日○月○星○辰○春○秋○異○限○
李○地○所○生○山○川○草○木○春○秋○譏○水○溢○石○言○人○所○生○聰○明○正○直○春○秋○逆○
桓○僖○之○災○升○朱○之○降○閔○莫○教○之○饑○伯○有○之○厲○夫○是○天○地○人○之○不○常○
不○常○則○死○死○則○不○祭○不○當○祭○而○致○生○之○當○祭○而○致○死○之○則○刑○之○春○
秋○天○子○之○刑○書○蓋○禮○書○也○梁○武○傳○孔○子○春○秋○孔○子○不○躋○於○水○陸○何○
水○陸○之○為○水○自○無○生○有○以○海○為○居○晦○也○微○也○天○子○之○無○為○也○爾○雅○
高○平○曰○陸○以○土○為○會○有○死○而○有○生○天○子○之○有○大○也○該○公○以○無○造○有○
天○之○上○地○之○下○死○生○之○前○後○事○說○有○鬼○道○焉○道○子○以○有○威○有○青○赤○
之○文○赤○白○之○章○白○黑○青○之○黼○黻○蓋○意○有○人○道○焉○南○朝○四○百○八○十○
寺○天○下○且○無○慮○萬○數○水○陸○見○幾○道○子○哉○義○濟○英○禪○師○曹○溪○少○休○天○
水○孤○山○趙○州○相○與○紹○述○誌○公○水○陸○儀○獨○天○下○泥○瓊○朱○縣○石○恪○勾○龍○
夷○趙○公○枯○李○公○麟○相○與○紹○述○道○子○水○陸○圖○又○獨○天○下○而○封○禪○絕○少○
漢○詔○黃○門○臺○周○公○周○公○之○郊○祀○宗○祀○與○八○神○五○時○諸○儒○得○泰○讓○罷○

復○梁○武○不○引○僧○繇○畫○孔○子○揚○諱○儒○者○寢○尋○於○水○陸○矣○於○庶○人○乎○何○
尤○振○姬○見○誌○公○像○嶺○南○鐵○道○子○水○陸○圖○平○陽○平○陽○之○水○陸○清○曠○雲○
中○之○水○陸○陰○森○清○曠○近○人○陰○森○近○見○以○人○使○鬼○不○主○一○家○之○學○紹○
述○道○子○耳○明○王○天○王○栗○陸○栢○皇○綠○覺○聲○聞○風○陵○化○身○七○情○火○池○五○
天○初○利○肉○角○三○更○人○面○十○世○疑○為○盤○古○天○子○之○墳○書○闢○羅○天○子○之○
簿○計○六○合○之○外○論○而○不○議○其○畫○佛○日○入○天○子○坐○諸○侯○五○上○三○身○四○
智○如○一○所○向○其○畫○像○大○帝○天○子○之○宮○五○帝○六○宗○雷○電○雨○風○岳○瀆○朝○
宗○清○見○乎○通○明○殿○中○太○陽○盡○月○之○天○子○一○以○為○若○木○望○舒○紫○微○畫○
星○之○天○子○一○以○為○太○一○常○居○帝○王○盡○中○國○群○臣○民○物○之○天○子○一○以○
為○太○液○尚○書○天○子○上○統○文○武○忠○勇○天○子○下○陳○列○女○智○仁○天○子○儒○縫○
掖○近○天○子○道○草○履○微○天○子○治○休○祥○脩○天○子○授○妖○孽○深○水○陸○何○嘗○不○
事○天○子○哉○衣○官○異○設○氣○韻○高○揚○風○起○雲○屯○水○流○火○熱○林○崖○城○闕○草○黃○
羽○白○矢○埋○戟○折○屨○穿○衣○結○虎○狼○滅○血○龍○蛇○被○墨○鬼○工○哉○抑○人○事○也○
關○全○胡○翼○為○一○人○張○南○孫○位○為○兩○人○契○丹○人○楊○素○東○丹○人○李○贊○華○
不○敢○斥○為○長○城○絕○域○之○人○績○工○若○鄧○若○安○何○用○別○為○唐○人○情○人○平○
東○北○神○明○之○舍○龍○城○去○天○極○近○長○城○冠○帶○引○弓○之○鬼○相○枕○藉○地○可○
人○可○鬼○仲○舒○要○之○以○天○天○子○道○九○原○無○億○出○蕭○關○無○佛○人○不○可○億○
不○可○佛○章○機○進○之○以○儒○坎○一○畫○禮○所○生○天○年○六○星○置○其○刑○於○空○虛○

不用之地○撐犁赫連依於天○招搖施頭拱於斗○白羊樓頊朝於機○
鳥桓之高辛高車之神農淳維之夏禹從於祖○人之在北唐虞三○
代起顓頊不敢祖其祖○以其祖為天子之祖○天之在北日月五星○
起牽牛不敢天其天○以其天為天子之祖○天子之祖○營室清廟天○
子之天○牽牛犧牲郊禘○天子之所有事也○孔子曰○合鬼與神教之○
至也○水陸不敵於佛馬邑尉史為天王天子之邦丁夫人不詛番○
范夫人不詛漢則天子之庶人靖封禪不敵於仙○甘泉從祀為天○
幸天子之命○嫫姚出禪姑衍休屠入祀徑路則天子之諸侯大夫○
威跡夫沙陀兵馬天子之諸侯見其圖必環拜雁門大守天子之○

續垂棘編二集卷八

十七

五經堂選定

大夫圖其形○憚而不敢射○專天子也○人生○死○於○天○庶○人○生○死○於○天○
子○儼○不○能○生○佛○不○能○死○今○乃○知○天○子○之○尊○已○若○見○正○於○周○公○孔○子○
以○禮○齊○民○若○見○棄○於○周○公○孔○子○以○刑○佐○民○是○天○子○之○諸○侯○大○夫○哉○
道○子○圖○以○北○周○侯○圖○以○南○陸○得○骨○氣○而○肉○附○水○得○煖○氣○而○質○成○也○
大○而○能○入○微○而○能○出○班○駁○奇○詭○變○化○屬○對○絕○續○予○奪○之○奇○覺○地○
天○仙○佛○神○鬼○俱○從○筆○間○受○命○可○偶○史○遷○封○禪○之○書○受業牛兆校
郊○禘○封○禪○水○陸○歷○代○舉○之○廢○之○脩○於○此○矣○按○漢○書○祀○黃○帝○用○一○
象○一○破○鏡○按○齊○書○張○中○鎮○西○時○還○吳○國○取○菜○菓○蒸○嘗○約○觀○二○事○
豈○非○莫○敢○舉○其○敢○廢○之○明○驗○與○何○為○起○而○廢○廢○而○又○起○如○此○有○
心○世○道○者○應○有○考○禮○正○刑○尊○王○敬○天○之○想○記○謂○祭○有○十○倫○吾○於○
此○跋○亦○云○受○業○范○鄧○鼎○識○

李君墓誌銘

畢振姬

三汲生於辛酉九月初六日卒於順治辛丑十二月朔四日明年
十二月朔二日葬城南之祖塋其父母為營葬也將葬問銘於余
余方急病兒女明年余仲子死困極不有吾子人子豈可易乎其
父數趨之銘將於寒食即石而藏焉余事三汲父子三十年三汲
蚤世余為亡友告困其無辭矣三汲姓李氏諱海唐宗人宰相夷
簡後狀祖元文簡公晏晏子襄獻公仲舉有名皇統大定間其在
晉城莊靖先生俊民成進士第一入明李氏稍衰三汲四世祖副
榜於鄉率其子孫世受易為諸生父明經歷奇嵐州學正棄官三
汲垂棘編二集卷八

大

五經堂選定

汲震母憂大蛇入腹生類好女潔婦喜危坐榻無疑慮湛如也與
人接溫裕以莊不妄假言笑里中張刺史診其生稟女脉十五試
冠邑子弟邑子弟出其下入學錄科補增廣生直指環晉之士拔
其尤八人三汲居一日記數千百言所讀書若手未觸其學長於
應舉蓋三汲之學多父教之其所友皆父門人也既長為積舉子
業風雨古寺伏讀膝所擁窪然以坎又接致員才得志立名之人
指畫程式為之求通於時以是人喜延譽文章有華實可觀丙戌
舉於鄉六試禮部不中丁亥副榜乙未收而復放父母老就試吏
部吏部環天下欲仕之士拔其尤三汲第三例得知州部議改推

官不果三汲夫去求一第父歸又強教之三汲能奉其意終不言
病發張氏生子未時而夭張亦前死父為之繼娶買妾然竟無子
父於三汲婚官謀至矣三汲病不任婚官不能成子姓以死命乎
父狀悔其誤子也三汲病且死不忍父母家人知其篤朔日書祝
文請禱已遂不起志非不如古人非不如今人而名卒不成其
諸名成志立得其欲富貴於一時或長子孫其才與學愧三汲不
少而三汲止薦於鄉不試於吏不昌於後又登世不末於年可謂
困也已易之困坎下兌上子逢父母然而在上揜我有困焉三汲
困而父悔易之義哉易所謂困非謂夫行自困者謂夫行足以通

續垂棘編二集卷八

十九

五經堂選定

而困於命者耳古之人有極天下之困其志能不移其名能無累
才大不憂其難學成不疑其廢者蓋有以處之也荆公論九卦足
以自通乎困之時處之之道甚設子瞻謂坐而見制不知易矣余
往從三汲問易因究天地之剝復鬼神之屈伸男女物類之成毀
身家之盛衰進退存亡易之學至於是備三汲不省三汲方以易
為舉子業學易而不知易是以一困於命動而見病至乃不能自
存不知所以處之之道也三汲以株木為困無以通乎困之時今
之通人從舉子業仕宦始自州縣推官坐困者衆即成進士官益
顯困亦益多酒食金車赤紱豈可久長哉此哉胡仲虎讀困卦知

安命知其不可奈何而安之若命不可以為通李夷簡白發朱泚
之詐捕賊東都起小吏為宰相晏父子更事金元告歸詔以仲畧
侍晏牛澤州三進士皆通乎困而俊民受皇極經世書善易以狀
元歸不起何困之能為故夫通乎困者關朗知來而王栢占往文
中子喜退而許衡勸進商瞿舉數子而溫公繼姪衛元嵩主養生
而景純順死變動不居之謂易變則通通則不困三汲之學易得
假以年博求天下善易之人而正焉以窮盡其得失其才其志其
名當有以處之富貴非所願無子孫而有子孫其行未之或困也
三汲學易而不知易等死死困難矣哉余之困而不學矣易著此

續垂棘編二集卷八

廿

五經堂選定

妖五代范延光夢蛇蛇女子祥弟子三汲母誤占夢刺史誤醫張
良崔浩如好女為帝者師何晏服女子之服豈待切脉哉帝告巫
陽不告三汲三汲讀困卦利用祭祀誤禱父為三汲置妾誤卜傳
曰同姓之生不善李為李妻兒上兒下豈困乎卜祝醫藥占夢之
書本乎易不知易而一誤數誤今其悔是哉三汲死且葬余與其
父正之三汲年四十一父諱鐸母史氏妻張氏前三汲死得附葬
繼娶趙氏妾李氏無子三汲取其甥為子曰楷弟涵游受易三汲
為諸生得書銘曰父母葬汝兮汝位汝妻待汝乎幽隧妻死結襦
子死時一舉孝廉六不第天官召試李其吏男象女形不汝責澤

無水困力五刺二女同居揮平棄死奉一鼻斷一臂蛇不成龍珠
乃類聖門懷柔村尾季三汲之學志未遂王陸塚中將問易
奇者讀之謂之奇古者讀之謂之古余獨服其以易為舉子業
及余與其父正之等語古道相與不以死生而易近人奸諛誑
銘壽序尤甚觀伯皆無慚一語方知此文為功不小受業
曾南豐寄歐陽舍人書曰千百年來公卿大夫至於里巷之士
莫不有銘而傳者蓋少其故非他托之非人書之非公與是故
也歐陽公為老泉誌曰君少獨不喜學年已壯猶不知書職方
君縱而不問鄉閭親族皆玩之茲文三汲問易一段其識力在
續垂棘編二集卷八
曾歐之間○范翼識

五經堂選定

馬游村安貞堡記

牛兆捷

晉○定○沈○好○兵○故○吾○鄉○俗○尚○武○健○而○周○秦○漢○宋○之○壘○難○然○距○泣○西○偏○

曰○馬○游○村○俗○獨○好○文○有○友○人○張○家○賓○霞○者○止○於○此○余○性○好○奔○逐○山○

川○古○人○蹟○問○村○落○所○自○來○其○長○老○為○余○言○南○不○至○里○地○寬○厥○可○十○

餘○頃○坪○曰○白○起○疑○秦○白○起○馬○游○焉○故○名○余○嘗○醉○登○蘭○相○山○頂○按○其○

鄉○西○通○空○倉○嶺○不○二○十○里○南○望○古○光○狼○城○又○東○距○省○寬○谷○下○不○數○

里○四○顧○心○動○疑○長○老○語○不○虛○殆○亦○一○壘○也○而○志○畧○或○不○傳○或○曰○今○

源○泉○泉○里○猶○尚○存○燕○頤○塚○焉○余○皆○弗○深○考○第○以○耳○目○所○聞○見○聞○獻○

進○妻○之○屬○之○疎○曠○屠○割○燬○燬○於○斯○者○已○三○十○年○而○今○言○者○猶○為○希○

續垂棘編二集卷八
五經堂選定

霍○不○置○豈○必○專○若○稽○稽○開○哉○歲○甲○寅○王○良○策○馬○大○江○上○下○游○陝○之○

南○時○用○兵○焉○寒○宸○感○往○事○為○未○然○計○謀○作○新○堡○苦○不○能○就○而○乃○叔○

張○五○鵬○九○輝○者○豪○士○也○慨○然○遂○以○其○身○任○一○時○屬○而○和○者○三○十○三○

人○餘○力○弱○或○不○願○助○者○聽○相○形○勢○則○得○地○於○村○西○之○鄭○家○坪○創○於○

二○月○吉○十○月○告○成○為○今○堡○堡○圖○畝○十○四○徑○四○三○分○畝○之○二○垣○以○土○

雉○堞○角○嶄○嶄○高○積○三○尋○奇○堡○之○門○通○河○水○上○派○上○臨○城○樓○極○五○方○

廣○如○一○修○倍○城○下○石○為○窰○若○左○右○眼○伺○門○門○之○衝○又○為○大○士○作○堂○
以○乞○靈○焉○堡○既○成○鵬○九○則○偕○三○十○三○人○者○約○日○殺○牲○饗○酒○登○城○平○
臨○河○共○盟○心○於○大○神○告○無○罪○聖○日○鄉○長○老○不○與○事○者○皆○為○勞○

半酒通三十三人○鵬九合置大會廣列侍姬○雜劇六博歌呼夜飲
酒酣其長老共三十三人者同執盞呼曰○鵬九吾鄉固古戰場也
繼自今特世世有所憑依○或不至罹往者憂○戴吾子請盡吾盞鵬
九一飲都盡為醉○舞蒼長老願勿言異日○象忽俯首牛飲喉棘不
能通氣其七八姬者復為小詞○君馬驪曲低吟○情飲隅隅然相懽
也○已若相既而宋宸氏忽正言曰○吾聞思危而預防者安○不狃安
於一時者安○以貞今同人豈若藝耶○吾方將以此名吾堡○其急醒
時舉座則又狂呼稱善○而翌日宋宸氏因過于蜀記碑○余既重宋
宸請又壯鵬九之為其鄉戶○廣謀也○猶能慮禍於無形而堡之而
續垂棘編二集卷八

五

五經堂選定

安貞之至矣○猶若不敢○竟視為歌舞地者○况沉歌舞而忽未○然其
可為鄉人哉○且與能安貞幾何而○今也堡以之則後之稱此名自
今始

練意練格○練句練字○至茲文而極矣○後幅忽出安危一段○尤見
老成石畫○不止照前實沈好兵○徒求工於文章之間而已○
西苑

尋常秀才母序

牛兆捷

孝養之義大矣○發諸心○根諸天地○事列於詩書○人詳於歷代史傳○
道則士君子之道也○記曰○敬老為其近於孝○則親之老為加重焉○
士君子養親之老○尤加重焉○夫人自能食能言○先知有母○別食外
言漸遠其母○伏首策謁當世食天子之食○官言府言庫言朝或
宰守數千里外○每不遺事吾母○而母已老○遊子仗劍從王事○忽一
念至思致養○致養不得思迎養○窮官遠郡載道之跋涉○父及養而
母不及養○思歸養或終不可得○或為之說曰○以志養也○雖有難
憂其志樂也○溫忠武懷慎濟國不為無旂帛○勲不能令其母不執
續垂棘編二集卷八

廿四

五經堂選定

為我心惻○終養之請其何能已○
其裾不能令其母再執常執其裾○徐元直有王伯器出而建縱橫
之畧○以有母棄而歸養○親願以祿養○捧檄則生喜親願以善養○棄
業舉講道窮廬○親之志何如哉○子之養何如哉○竊以為天下道有
至大而無不可托其中者○忠孝之說是獨是○顯其華而循其根○幸
而有母可事○幸而有母之賢○得以善所事○幸而父及母同堂○垂白
得合戚里賓客○懷心以全所事○再幸而家不甚貧○孫與子皆好學
樂善○足以給所事○斯亦孝養之極致○生人所願○望不敢必得者○乃
曰○養志者專在彼○是令伯不足高○尹煒不足賢○而元直不足大○非
為論也○嗟夫○惟其然○余是以多我友○常白中白中○素嚴整有士行

不隨衆俯仰○偕其弟某與余同學數年○為積舉子業○相士者卜為
一日千里之才○小築源泉北堡○養親讀書○訓子看班衣敬身秩
秩然若外無屑為者為親屈也○其父珍字長者○壽屆七十母范孺
人差次一歲○同人謀續觴焉○而以余言先○謂余綴戚屬末○知孺人
壹教正設也○孺人為名德范文學愛女心知內則女史大義以寬
簡佐夫不逮性溫惠而慎以勤年七十無少咎○細至僮手指鉞
繡絢織之業○焚火脂夜作以為常課子輩則整肅存大體長成德
器吾邑博士弟子六百人○推白中昆仲為才○今天下方急須才賢
關大闢難至得以資除補白中昆仲挾其才中流擊節以驅馳當

續垂棘編二集卷八

廿五

五經堂選定

世誰不可者而獨怡然○養其親不以萬鍾之養為有餘○必求備不
以布衣之養為不足○不求備不求備者○父母春秋高不得以外物
滑其真○必求備者○子之分親之微志也○易曰乾道成男坤道成女
子之志父與同而母與異○今白中昆仲以養親為志○其父若母同
以安所養為志○父固長者也○而母亦賢母矣○在賓位者百數其子
其姪方九歲○即能兼數經章句○娛二老人堂上○白中率以延賓上
壽○盡物遂志是有母而壽○壽而賢○賢而又得與其父同壽同壽而
合衆人惟家足○以致養多賢子孫○白中於親備矣○孝養之極致矣
萬鍾於我何加焉○而執以為親志也○且執一以為養志者○恐亦非

士君子之道也○何樂為

竟是一篇教孝文○一切祝壽活套○不啻驅逐於千里之外○作者
胸次殊覺海闊天空○范鹿西

續垂棘編二集卷八

廿六

五經堂選定

重民策

趙用光

天地間止此民耳○天為民而立之○君君於民之中○擇所為賢有德○才足建事而智足以參政術之變者○使相助為理○民於是乎稅役○供之而父母戴之○君臣民上下之間○智不各見○即力亦不各營元○首耳目四肢百體○賤而存焉○而精神益然融貫周洽於其內○夫然○後相倚以安○而相固抱以久○後世人主不明于天○所以立君之意○而曰此蚩蚩者其懦弱可玩○其顛闚可欺○其誘而東西走如驚也○可智籠其首○刈蹤踏之不敢叩首抗也○可權使威劫也○意非然哉○夫民猶水○水至弱且闊○可隨地決○亦可押入而游也○故挹之則勝○

續重教編二集卷八

廿七

五經堂選定

壅之則勝○激之則勝○蹈之則勝○然至於大浸稽天○則涇陵谷○漂室○廬蕩維嶽○而覆舟航者○惟水能也○是以衆小不勝為大勝也○夫民○則何以異是○聖王知其然○故必重民○重民必愛之○畏之○慎之○而蚤○為之所逢滑曰○國之興也○視民如傷○其衰也○以民為土芥○則愛之○說也○張拭曰○明主畏其民○而闇主使民畏已○畏民者○昌使民畏已○者亡○則畏之說也○陳子昂曰○天下有危機禍福因之而生○百姓是○也○則慎之說也○馬周曰○自古百姓怨國○未有不危者○人主當修○之於可為之時○而不當悔之於既失之後○則蚤為之所之說也○此○四言者持議不同○然使臨民而願治○固皆有國之司南矣○明興太○

續重教編二集卷八

廿八

五經堂選定

祖出斯民於火熱水深之中○而成祖奠之○列聖在席之○我皇上起○而拊摩輿咻之○法令甚具○德澤甚周○二百四十年來○休養生聚○所○在熙然稱極盛之際○已通以疆場之不戒○東事倭西事喃事○民死於轉輸鋒鏑者○至以谷量重○以畿輔之水○晉秦之旱○江淮之○疫○齊魯之蝗○楚之亂○津海豫之河○而民之死者○已過半矣○乃其毒○之中於民最慘○而民最不聊生者○則徧天下○無地不有之○中使中○使之毒民甚也○慘至於戈矛漂溺○困餓瘟疫○死亡離亂○室家蕩析○而腐皆赫然相藉於原野○止矣○而以為民最不聊生何也○蓋前數○者之變○天實為之○民靡所控訴○則亦相與悲生之○不辰而所遭之○無祿耳○若中使之毒民○則人為之也○人為之而不我矜恤○焉民○於是始怫然怒○填乎膺○而不肯甘為之魚肉矣○怫然怒○填乎膺○而○不肯甘為之魚肉○而又以有司者○部署嚴○不得驚然而快其所欲○逞不得驚然而快其所欲○逞○而○其刻骨之恨○始柴柵鬱勃於胸中○相與目眦心計○思得一遂焉○以發其憤憾○不洩之氣○蓋宋蘇子由○之言曰○天下之民○惟無怨於其心○怨而得償○以快其怒○則其為毒○也○猶可以少解○惟其鬱鬱而無所洩○則其為志也○遠○而其毒深○故○必有大亂以發其怒○而後息○今之民○不幸類是為之上者○宜蚤夜○焦勞圖所以還定安集之○若挾焚掘溺然○以佐元元之急○而乃恬○

焉安焉若駕膠舟履駭浪而舟中之人方相視語笑以為不足深慮也○宋人所謂匹夫群起之禍可不旋踵而見於今日矣○執事慨然求急務○本計為斯民請○一旦之命者非生所能及也○無已○有二焉○急在於省催科而本在於簡親民之吏○二三年來值大捷三大慶○二無歲不下蠲租之詔○問其所蠲率取浮泛不急之賦○聊優假之以塗民耳目而身親督併之部使者與銜命之吏已先後而錯其趾於境上矣○夫此子遺之民○死於兵○死於水○死於旱○死於疫○死於蝗○死於亂○死於河○死於中○使之所不盡者而以催科盡之危哉○猶自萬仞之山播而入深淵其亡而不振也必為人上者又奈何○

續垂棘編二集卷八

十九

五經堂選定

鑄鍊不以寬民為國家無窮之計也○而或曰庾亮若掃計臣日仰屋歎也○驟而議蠲租亦何容易則生有味乎周文端之言也○時省臣昂言國用不足請盡括諸省稅役金錢輸太倉公持不可曰國用不足宜儉於國不宜浚於民○織造燒造土木內供費益廣不節乃欲括天下財盡歸京師臣昂言非是夫孝廟時百姓給足手滿錢口滿用民萬不至露根公猶不欲以不足之故為浚削計也○矧今日之民哉第居今而求所為儉於國有必不能者四○然當力持則俸薪○抽○戒○摶○垣○罷○不急之土木省可已而不已之內供有必不得者一○然當力請則求發礦稅之積於內帑者苟釋此而徒急征

故人主而明於天所以立君之意○則必重民○重民則必愛之○慎之○而早為之所愛之畏之慎之而重為之所則省催科而簡親民之吏之兩言者不可不深念也○雖然之兩言者之敗也什而九以中使則生又有感於衛薄疑家之蔡姬也○疑母之愛疑也甚然其家巫有蔡姬焉○疑言之而母未始不與蔡姬衛之也○由是蔡姬得中據以飽其私而薄疑家之敗不廢矣○夫處君與臣民之間有所挾以行私而橫以漁民毒以整親民之吏則有國者之蔡姬也○夫中使而可與共此民哉○

續垂棘編二集卷八

十一

五經堂選定

驗將來臣日夜祈天惟願臣言不驗為此策者想亦有祈天不驗之願耶○不然何字字帶痛哭流涕之意如斯○范彪西

范爾梅梅臣

晉妻山范部鼎彪西選定 受業房之奎文光手錄

男范翼孝前

申明憲綱疏

魏象樞

題爲申明憲綱恭請嚴飭以靖政治本原事臣才庸年老歷任
無寸長復叨總憲之命願名思義惶悚益深敢不申明憲綱期
與諸臣共圖報稱竊念國家之根本在百姓百姓之安危在督
撫肅則物阜民安貪則民窮財盡此固宸衷之所洞鑒部院科

續垂棘編二集卷九

五經堂選定

道諸臣皆歷歷言之即督撫諸臣亦非盡不自知也獨不思封疆
大吏按諸羣寮簡在帝心委以事權寵以爵祿自當潔已奉公察
吏安民以報朝廷恩遇乃往往未陞督撫才能尚有可觀一經
簡用操守頓爲改節受恩愈深負恩愈大清查自遂于心何安我
皇上宵衣旰食尚不忍以需餉之嚴加派百姓爲督撫者何忍因
肥家之故縱貪殃民以屬官之奇貪爲一己之奇貨耶雖一時著
績封疆撫綏兵民糾糾大貪大酷克盡厥職者亦自有人然而不
可多見矣臣願爲百姓留膏血爲國家培元氣因不敢不爲
朝廷正紀綱爲臣子勵名節風紀所在臣之職也恭請嚴飭而申

明之一各府州縣等官不許謁見督撫布按此風在世祖章皇

帝時屢加嚴禁未敢公行今且日甚一日以謁見爲定例屬官到

任未嘗挾貨而來勢必卹提借貸竭力逢迎冀得歡心日後剥民

補償貽害無窮所當申飭者一也一督撫不許差內使人等偕訪

事爲各往各州府縣所差之人一到地方口稱賢否較督撫親臨

懼怕更甚暗地供奉流弊難言所當申飭者二也一各府州縣等

官擅離地方往省拜壽貪緣通賄獎賞多端至督撫每次加級更

宜感恩圖報若令屬官每次餽銀行賀兼以金屏錦幃等物屬官

何出惟有剥民所當申飭者三也一督撫布按不許自開便門令

續垂棘編二集卷九

二

五經堂選定

所屬官役人等出入傳事並內使人等早晚往來不但風憲失體
抑且諸弊易生以至道府州縣等官漸廢關防所當申飭者四也
一督撫布按不許遊客星卜及優伶人等或留住省城或轉送各
府州縣作興抽豐動挾上官威勢擾害地方在京官員亦不許書
帖薦送所當申飭者五也一督撫布按凡所應造冊籍投送各衙
門不許收取費用陋規稱部費縱容屬官科歛苦累民間所當
申飭者六也一督撫所屬學道考試生童關係文教宜嚴行查訪
凡有不公立行提參不許受餽縱容賄賣生童溢額移取漫無
糾參科歲事畢宜嚴加考核分明優劣報部以彰公道所當申飭

者七也一督撫布按稽察州縣凡召買米豆草束及委官修造兵械製辦火藥砲鉛船隻等項不許捏報價值代為開銷不許將民間所辦米糧物件情不給價一切應追應賠銀兩不許分毫無完代請豁免官養驛馬不許擅發里民喂養行戶貨物過關收稅萬苦千辛不許官價取用此皆督撫拘庇縱容以致有司肆行無忌所當申飭者也一私派補庫及變賣倉糧督撫不許徇庇有司衛所等官任意濫派取之無名亦不許借稱錢糧准算部民子女轉送人情所當申飭者也一府州縣等官離任凡有花費庫銀收解不明指稱民欠及衙憲侵肥錢糧無著落督撫不許勒囑新

續垂棘編二集卷九

三

五經堂選定

官交代以致錢糧愈欠愈清後雖發覺追補多不能完總以家產盡絕結案錢糧付之烏有所當申飭者也以上十款皆係督撫所行事宜關係吏治民生者自今嚴飭以後閣部者力圖振作貪污者洗滌肺腸若有因循陋規臣之白簡無私稽查有據立有糾參即事屬風聞亦不敢不指陳入告請 旨密察庶幾大法小廉風清弊絕以成端本澄原之治矣奉 旨這所奏事情切中時弊該部院會同詳議具奏

伏讀切中時弊之 旨仰見良臣知無不言 聖主從諫如流草茅下士何敢贊贊惟有一讀一拜一字一歌手舞足蹈喜五經四書真作用和盤托出有用道學想當如是 范應西

科場題

魏象樞

題為科場弊竇多端請嚴開防之法以重 大典事竊惟國家至公者莫如科目而最要者莫如考官必上體 朝廷額俊之心下鼓士子讀書之氣選舉嚴而名器重乃可以收人才之效也今科主考官員蒙 皇上引見之後不論次序重以 欽點示以不測各省榜發頗無訾議但臣與侍御孫 學士陳 奉 旨磨勘順天試卷荒謬疵蒙不一而足臣照例恭處訖臣愚竊謂既懲其前當防其後從來科場之弊不止一端其賄賂詭秘關節巧妙之虞雖未易窺乃有知人人恨之流涕嘆息于無可如何

續垂棘編二集卷九

四

五經堂選定

者祇因內簾深處乃耳目不及之地主考同考果皆精白乃心敬慎從事夫復何慮倘有不肖之輩蒙面喪心通同作弊斷不肯互糾間有一人舉發衆人又互相解釋並無別官在內可以查糾者雖至公堂有監試御史專查冒籍頂替換卷聯號傳遞錯失等事恭疏繫繫其在內簾重門封鎖從無糾察在內之弊臣任御史時曾監試二次備知之矣且思事關大典不厭詳慎請自今以後順天內簾宜照內外監試一體添差滿漢御史不與文事應在聚奎堂向上設坐會經堂左右歇宿所當查糾者八款請為我 皇上陳之一曰場外費題入場擬題一二道假作掣籤此一弊也今

後凡擬題之夜四書製定幾章每題每人各擬一道五經製定幾章每題每人各擬一道俱送主考官署寫入簡御史手製以杜預洩之弊二曰同考官主考交頭接耳暗通私言揣摹某卷係某人係某名士此一弊也今後凡入闈之後各房隔別不許私訪聚談如擬題閱卷時所言公言之俱不許至主考官座側噴噴耳語亦不許彼此越掉私窺其薦卷放于中間案上御史驗明內無私通小帖方送主考官閱以杜暗通之弊三曰退食晚宿私相密語及携卷入房藉口商訂暗查關節此一弊也今後每日公堂所閱硃卷天曉之時當面查入各箱御史與主考共加封鎖次日公同開

續垂棘編二集卷九

五

五經堂選定

閱以杜私查之弊四曰同考官薦卷因有私人暗通主考姑容取中雖有佳卷再不呈薦致屈真才此一弊也今後凡有佳卷盡數呈薦或取或擯主考箱內封存不許同考官看每人薦卷若干御史記數如有托詞少薦及將荒謬之卷妄薦者非係不公必係不明御史一面題明主考一面同衆搜閱以杜埋沒之弊五曰同考官將不應密圈之文滿篇圈點呈主考此一弊也今後同考官看卷止用句圈句點御史驗明送主考詳閱聽其圈點註批放榜以後再不許私改文卷飾加批評以杜欺朦之弊六曰暗帶主文相公假粧僕從跟入內簾尋查關節代點落卷此一弊也今後跟隨僕

從御史搜檢放入主考各帶三人同考各帶二人御史亦各帶二人寫本筆帖式書役各一人再不許一人出入以杜夾帶之弊七曰頭場二場俱有硃卷三場反無硃卷或三場未貼而又無卷埋藏偷換誤人功名此一弊也今後御史嚴查根究所謄之卷匿在何處一面歸入本號卷內一面糾恭以杜隱害之弊八曰不中落卷何篇有疵不將擲落緣由批出或畧加數點或亂抹一筆竟行棄去此一弊也今後落卷于開榜之後即發本生自看如無批語及妄抹佳文阻抑真才者許本生具呈原內簾御史查明恭究以杜阻抑之弊此八款固屬緊要更有詭秘之事惟在御史鐵面冰

續垂棘編二集卷九

六

五經堂選定

心如意嚴查有弊即糾臣衙門查其參疏二八月一體造冊進呈御覽如或容隱不糾日後別有發覺一併重處至于一切封門發題進卷分卷供給關防諸事責在御史令主考專心閱卷庶不致取中之文不暇註批二場三場之文不暇周閱矣臣之獨言順天者何也各省主考率皆京卿部科等官而同考不過州縣微員易於彈壓素非親暱難以私通惟順天主考率皆編檢等官而同考除知縣一二員其餘率皆部屬中行評博進士也或官則比肩或情屬素交即有一二謹慎之人難敵衆手障蔽之巧且京師仕宦子弟以及遊學就館之士與應開考試之官朝夕相近題目易洩

關○節○易○通○無○怪○乎○人○言○噴○噴○文○章○荒○謬○之○多○也○若○再○不○立○法○嚴○防○
竊○恐○首○善○之○地○大○典○不○光○文○運○士○風○因○循○漸○壞○所○關○不○小○至○于○會○
試○主○考○雖○係○大○臣○而○同○考○多○員○心○術○不○一○難○保○無○私○必○主○考○與○御○
史○共○相○關○防○庶○可○登○弊○亦○應○照○順○天○鄉○闈○一○體○行○之○臣○從○科○目○起○
見○鰥○鰥○過○計○如○果○稍○禪○場○務○即○將○臣○疏○刊○刻○滿○漢○字○一○冊○入○場○之○
日○交○與○監○試○御○史○伏○乞○勅○下○禮○部○確○議○務○絕○弊○端○緣○係○列○款○字○
數○逾○額○並○乞○睿○鑒○施○行○奉○旨○該○部○確○議○具○奏○
依○此○而○行○制○科○應○與○天○地○不○朽○矣○昔○耿○天○台○先○生○協○理○院○事○時○
亦○著○知○天○知○人○等○說○理○學○經○濟○心○同○理○同○范○彪○西○

續垂棘編二集卷九

七

五經堂選定

再陳科場疏

魏象樞

題○為○再○陳○科○場○條○例○以○期○實○可○遵○行○事○竊○照○賓○興○大○典○糊○名○易○書○
父○兄○不○能○知○鬼○神○不○能○洩○乃○天○下○第○一○公○道○事○也○自○丁○酉○年○科○場○
作○弊○曾○經○科○臣○任○克○濟○等○糾○奏○蒙○世○祖○章○皇○帝○赫○然○震○怒○以○嚴○
法○處○之○人○心○肅○然○猶○恐○分○闈○有○弊○改○為○公○閱○公○薦○謂○一○人○尚○可○以○
行○私○而○衆○人○遂○可○以○祛○弊○也○自○定○此○例○不○意○名○雖○公○而○實○私○欲○祛○
弊○而○弊○反○多○矣○臣○敢○悉○言○之○夫○分○房○閱○卷○者○每○官○分○閱○硃○卷○若○干○
即○于○卷○面○上○將○某○經○某○房○印○子○親○手○註○批○如○所○取○有○弊○或○科○道○訪○
糾○或○部○科○磨○勘○即○將○本○房○本○官○嚴○加○處○分○百○喙○何○辨○若○所○取○者○公○
續垂棘編二集卷九

八

五經堂選定

通○國○之○人○皆○稱○之○矣○今○有○四○人○五○人○閱○二○經○者○有○三○人○二○人○閱○一○
經○者○其○中○人○品○心○術○豈○無○賢○不○肖○之○分○倘○遇○處○分○例○無○分○別○賢○者○
受○寬○不○肖○者○得○意○非○法○之○平○也○如○果○係○公○閱○公○薦○即○目○擊○一○字○手○
著○一○筆○均○任○其○咎○亦○正○難○辭○然○而○卷○至○數○千○勢○亦○不○能○公○閱○試○問○
近○科○以○來○鄉○科○主○考○同○考○等○官○誰○能○一○語○斯○人○曰○原○係○公○閱○公○薦○
者○倘○曰○公○閱○公○薦○也○臣○以○二○事○証○之○如○順○天○丁○巳○科○監○生○胡○承○啓○
書○經○落○卷○批○云○此○卷○余○連○薦○三○次○而○究○不○得○中○者○非○天○意○不○中○而○
為○今○科○之○人○不○中○也○可○惜○可○嘆○此○必○一○人○所○批○而○非○三○人○公○批○者○
如○欲○查○其○何○人○筆○跡○是○何○情○由○而○其○可○究○詰○也○概○以○公○閱○之○例○任○

其○屈○負○耳○又○如○順○天○戊○午○科○磨○勘○中○式○監○生○詩○經○卷○內○子○
夏○言○語○破○稱○聖○人○應○抹○不○抹○且○加○密○圖○此○必○一○人○所○圖○而○非○三○人○
公○圖○者○如○歌○查○其○何○人○筆○跡○是○何○意○見○而○亦○不○可○究○詰○也○祇○以○公○
閱○之○例○一○概○議○處○耳○由○斯○類○推○公○閱○公○薦○之○定○例○既○為○藏○垢○納○污○
之○妙○法○又○為○卸○責○分○罪○之○美○名○而○非○實○實○遵○行○者○也○况○卷○面○既○不○
印○某○經○某○房○字○樣○則○同○考○主○考○等○官○欲○中○私○人○暗○查○閱○節○偷○換○試○
卷○其○弊○更○大○矣○臣○再○以○二○事○証○之○如○順○天○戊○午○科○同○考○官○內○閣○中○
書○張○潤○民○閣○中○自○立○誓○詞○內○云○有○一○私○心○身○首○異○處○死○不○還○鄉○如○
有○偷○卷○換○卷○者○亦○如○之○等○語○其○原○非○公○閱○公○薦○可○知○現○有○刊○刻○誓○
續○垂○棘○編○二○集○卷○九○九○五○經○堂○選○定○

所○請○添○差○內○纂○監○試○御○史○先○將○更○經○分○房○之○官○面○同○主○考○封○簽○手○
掣○再○將○謄○入○硃○卷○之○數○面○同○主○考○閱○分○打○印○如○某○房○有○弊○御○史○郎○
將○某○官○指○名○糾○奏○其○同○考○一○經○者○不○例○銜○名○不○加○批○語○自○不○任○處○
分○之○咎○也○各○省○鄉○試○責○在○主○考○亦○照○順○天○例○行○之○我○皇○上○法○度○
紀○綱○務○崇○實○效○豈○有○開○科○取○士○之○大○典○而○虛○懸○功○令○者○哉○抑○臣○
更○有○請○者○臣○磨○勘○之○時○見○禮○部○條○例○舉○子○處○分○甚○當○考○官○處○分○反○
寬○故○法○輕○人○玩○閱○文○草○率○將○荒○謬○疵○蒙○之○文○取○中○非○所○以○重○大○典○
也○臣○聞○水○柔○則○易○狎○火○烈○則○難○犯○以○後○考○官○處○分○一○視○舉○子○所○犯○
為○輕○重○如○舉○子○應○斥○革○者○主○考○即○行○革○職○舉○子○應○罰○俸○二○科○者○考○
續○垂○棘○編○二○集○卷○九○十○五○經○堂○選○定○

官○即○應○降○調○舉○子○應○罰○俸○一○科○者○考○官○即○應○罰○俸○則○人○重○犯○法○必○
實○心○閱○文○失○公○失○慎○矣○我○皇○上○天○縱○聰○明○為○萬○國○右○文○之○主○對○
酌○損○益○務○求○無○弊○作○何○垂○法○于○萬○世○作○何○示○警○于○將○來○伏○候○ 睿○
裁○再○請○ 勅○下○禮○部○會○同○吏○部○確○議○定○例○字○數○逾○額○併○乞○ 鑒○宥○
施○行○奉○ 旨○吏○禮○二○部○會○同○確○議○具○奏○

篇○中○非○實○遵○行○兩○見○可○知○公○閱○公○薦○法○原○善○也○惜○行○之○不○實○耳○
易○曰○窮○則○變○變○則○通○凡○事○則○然○况○取○人○大○典○乎○按○唐○武○德○間○
始○薦○棘○闈○之○搜○索○機○可以○防○偽○監○宋○雍○熙○間○試○院○始○設○監○門○差○
官○廊○下○察○視○景○德○間○始○為○巡○視○舖○天○聖○間○始○有○巡○舖○官○蓋○嚴○于○
防○小○人○正○以○重○于○用○君○子○也○前○後○兩○疏○頒○行○真○才○寔○學○永○無○托○
脫○矣○快○心○快○心○ 范○鹿○西○

學道既

魏象樞

題為學道一官○關係士風○文教請嚴考核○竝杜積弊○事臣惟天下
之最為不平者○孤寒無進步之路○而天下之牢不可破者○學道多
昧心之人○此一官者○乃士風淳流○文教興廢之根本○而即國家
才真偽之關頭○故直隸特用翰林各省俱以進士升授○誠重之
也○其重之者何也○為其素習經史○學問優長○較士聞文衡鑒不真
也○又為其寒窗燈火○半世艱難○諸生辛苦之情○備嘗于前○必能曲
體于後也○又為其讀書立志○理欲分明○師嚴道尊○楷模多士○所而
者○孝弟廉讓○所至者○奔競鑽營○且上有功令○中有清議○下有子
孫○垂棘編二集卷九

士

五經堂選定

孫時時○驚惕良心○難昧也○乃近年以來○賢者雖有一二○而其大謬
不然者多矣○口讀聖賢之書○其犯名教之罪○身居絳帳之內○竟入
蕪斷之登○從來入學額數甚多○士子進步頗易○今因捐納之例○暫
將府學減為五名○大學減為四名○中學減為三名○小學減為二名○
猶夫銓選之分○缺竝用以見○朝廷于軍需開例之中○尚留孤寒
入學之路○為學道者○亦何忍將此路盡為其利藪○令孤寒之子○廢
書而痛哭○投筆而怨恨哉○今當舊學道考核之時○據臣所聞○內有
考較公明○士子悅服者○首則江南之邵嘉次○則山東之勞之辨○可
謂鷄群之鶴○中流之柱矣○若肆行無忌○士子痛哭而怨恨者○首則

山西之

次則浙江之

也請

初吏部詳加考核分

別優劣○作何勸懲○以昭公道○於天下再○初禮部磨對學冊○分別
新舊有無混冒○以杜朦朧○于特來至于現升學道○率皆老成持重○
知且新鑒於○副臣何敢以不肖之心○待之○但不許赴席受賀○以開
後日干求之端○更不許罔上行私○以蹈前人賄賣之弊○臣謹列十
欽以為三年考核之實據○一曰童生未經府考冊內無名○錯求學
道徑取入學○巧圖捷便○此一弊也○二曰考試各府縣衛所童生額
外滋取○撥發別學○明收冒籍○以佐本學正額○此一弊也○三曰彌封
編號印簿及場內坐號紅簿○不發該府州縣封貯○乃收存道署私
藏垂棘編二集卷九

主

五經堂選定

查某卷某號係某人對號賄賣○此一弊也○四曰考完一府○不將紅
案速行發學○任意遲延○徇私通賄○更改等第○按作上○此一弊也
五曰每考一處○令書辦承差快手人等○出入過付○暗訪生員○稍有
家貲者○先開六等章單○賄詐保等銀兩○送入准放○三等此一弊也
六曰文章額少○武童額多○將文章充為武童○入學之後○賣錄改文
娼優肆率○濫行收取○善騎射者○擅而不錄○此一弊也○七曰各府地
方設有考棚○憚于親臨○將生童遠調考試○其各州縣告病生員○預
抬驗病困苦難堪○此一弊也○八曰縱容無賴教官○包攬生童私通
線索○效勞分潤○名為作興大壞風教○此一弊也○九曰曲徇上司同

條情面盛京官鄉宦私書及親族朋友隨住地方計情抽豐將孤
寒之文棄如糞土此一弊也十日報部學冊將額外濫取入學之
童生未經科歲考試預副三等其姓名不入新案造入事故衣頂
項下以趙甲頂補錢乙混作實在之數朦報禮部此一弊也以上
十弊能除則為賢不能除則真不肖矣人各有心誰肯其為不肖
哉惟在皇上嚴行申飭考課實跡督撫不許需索陋規州縣不
許傳遞私書親朋不許私住關說鄉紳不許投刺請席俾學臣得
以自愛其名節實修其職業如果其心不肖則臣之白簡在後矣
至于科歲兩試報完之日例應該督撫將學道稱職者薦舉公明
續垂林二集卷九 五經堂選定

尤若者保舉徇私溺職者指參原非令其咨報也嗣後該督撫分
款註明十弊有無字樣合詞具題吏部照例考核但學院任滿
自報吏部並無實跡考核何事亦宜自行具疏十弊作何整剔逐
款題明吏部一併考核倘有捏飾違錯仍以咨文報部者吏部
駁參將督撫學院照例處分其十款例冊未載如有指參發覺
將學臣又知何例處分伏乞 勅部確議一並嚴飭務使開報與
考核確然有據士風與文教肅然一新庶幾仰副我 皇上憐才
右文之盛心矣緣係例款字數逾格地乞 鑒宥施行奉 旨該
部確議具奏

王虎谷先生曰提學官與他職事異必能絕去私意胷中純是
天理用事然後好惡足以公天下呂叔簡先生曰廟堂海宇杜
稷蒼生其設施措置都是一顆秀才是學政美惡三公九卿不
任其咎百司庶府不任其咎督學使君又將誰咎哉兩先生之
歸重學道如此起兩先生于今日而讀此疏應有後來居上之
嘆范起西
語云孟子功不在禹下又云朱子功不在孟子下余亦曰先生
之功不在朱文公下仕華夏
庸齋斗方曰考試生童上聞 朝廷之教化下係士子之功名
續垂林二集卷九 五經堂選定

世道文風俱非細故先生為國家樹人此念久矣我輩做秀才
的也須學為好人安分讀書切勿負此一番上 殿闕言之至
意范華甫

舉廉疏 康熙己未十有一月

魏象樞

題為遵 諭舉廉以惜人才以勵官方事○臣謹任風紀不能激濁揚清每一撫心惶愧無地○前隨諸臣之後跪聽 上諭諄諄以用得其人為要○以操守清正為本○又於本月初四日○隨吏部滿漢諸臣面奉 上諭更見進退黜陟務期確當之 盛心○臣思用人者在知人○懲貪必先舉廉○謹按周官六計○獎吏曰廉○善曰廉○能曰廉○敬曰廉○正曰廉○法曰廉○辨成冠以廉也○京察大計冊開四註曰○守曰才○曰年○曰政○以守為先也○人生大綱有四曰忠○曰孝○曰廉○曰節○是廉吏與忠臣孝子節烈並重也○邇來吏治不清貪以為能廉

續垂棘編二集卷九

五

五經堂選定

以為拙○雖風俗漸染實由○臣等不能表率所致○今 天語既宣之○後砥礪名節者必當躍躍而興起其在 天語未布之前謹守廉隅者亦未可泯泯而無聞也○孔子曰舉爾所知○臣雖不才無所知○識又曷敢沒人之善以負我 皇上至公至明至虛之心哉○除諸臣見在部院等衙門皆 聖心洞悉者○臣不敢舉其在外各官已○經會議令督撫將見任清政賢良者薦舉○臣亦不必舉○臣謹將侍郎以下素有清廉之名者滿漢得十人為我 皇上陳之○原任戶部侍郎雷虎滿洲人老成愼直清名甚著○臣在戶部時司官言及此人無不嘆服○臣雖未識其面嘗慕其人○今請告在旗聞其年齒

稍衰原任戶部侍郎班迪滿洲人居官清正○臣曾共事二年○又奉

旨查戶部各 見其念念為 國後 差江西○臣不知因何事處分○今降級隨旗上朝○原任兵部督捕侍郎達哈塔滿洲進士清謹自守四壁蕭然人有醇樸之風行無奔競之習○今京察降級原任刑部侍郎高珩山東淄川縣進士性甘淡薄志絕俗塵並不自有其身安知世有富貴告病在籍年過六旬○原任大理寺卿胡密子滿洲人清謹自守家道甚貧素閑安靜之風兼有讀書之志○今京察降級隨旗上朝○原任吏部郎中內陞宋文運直隸南宮縣進士清而且直守正不阿掌選之時錄錄有聲○臣與同時內陞識其一

續垂棘編二集卷九

五

五經堂選定

面○今候補在籍原任翰林院侍講蕭惟豫山東德州進士督學畿輔大著清名士子至今頌之○臣雖不識其面曾聞其人○今終養在籍原任湖廣布政使未任告病畢振姬山西高平縣進士歷任部郎道員臬司清操絕世才畧過人請告十餘年躬耕百畝猶讀古不輟○臣前以有體有用薦之○左副都御史劉捷亦薦其操守清嚴一塵不染至回籍之日一僕一馬而外了無長物真學行兼優之人○係臣丙戌同榜年過六旬原任直隸內黃縣降調知縣張沐河南上蔡縣進士清操惠政深得民心有古循良風因註誤銷級去任之日老幼追送臨河尚不忍捨其愛戴如此○臣雖未識其面曾

聞其人今保舉軍前候用原任江南嘉定縣革職知縣陸龍其浙
江平湖縣進士清操飲水愛民如子因誣誤被革萬民怨何未去
而皇皇罷市既去而家家尸祝又聞與妻同駕小舟惟有圖書數
卷其妻織機一張而已前薦舉博學到京臣有一面之識今丁憂
在籍以上十人有候補者有候用者有告病者有終養者有降級
者有革職者臣祇就平日之清操仰陳於座右俾天下曉然知
此等清廉之人當世所輕者而朝廷特重之其曾任京官者原
在器使之中擢一人而四方觀感其曾任外官者雖無起用之
例褒一字而千載光榮皆非臣之所敢必也若臣所舉非廉有

續垂棘編二集卷九

古

五經堂選定

達天下之公論臣自不敢辭答矣純乞 睿鑒施行奉 旨據奏
雷虎老成頗直清名甚著等語此人朕亦素聞其清因補授戶部
侍郎見其凡事不肯身為擔當偷安之日居多如問以本衙門官
員但稱其好惟恐獲罪於人不肯直對且督修 孝陵之時多費
錢糧造冊又不開明款項以致後來無憑稽察茲者數年以來時
嘗用兵需人凡有血氣者皆宜奉職效力之時雷虎係滿洲乃家
居安逸文武之事咸無所預其身又無大病朕亦知之欲俟事平
之日將此輩察處以懲怠惰規避今經魏象樞特薦着兼禮部侍
郎授為內閣學士班迪原為內庭侍衛之長因其勤慎特加簡用

自為戶部侍郎以後嘗聞其清慎之名及差往江西所審軍機事
情並未明晰問以民生苦樂又不能知緣此降級令其隨旗上朝
非係未悉其故餘着吏部詳議具奏

清名甚著者雷侍郎也不肯擔當者亦雷侍郎家居安逸者雷
侍郎也為內閣學士者亦雷侍郎疏謂

至公至明至虛之心大畧可睹矣帝曰吁益曰都益曰吁帝又曰俞

唐虞氣象且暮遇之 范部鼎識

皮日休曰盡日一菜食窮年一布衣清似匣中鏡直如琴上絲
蘇子瞻曰竭來廉泉上捋鬚看鬚眉好在水中人到處相娛嬉

續垂棘編二集卷九

古

五經堂選定

此道今人棄如土尚賴此文存典型 又識

昔之大臣有薦人至再四君裂其牘而復補綴以奏之者宋史
稱之使睹此疏應悔英氣太露 范翼識

與友人論初更鷄啼

段 袁

昨得奉教於某公齋頭玉屑霏霏加以某公之談文綺珠璣錯落
快哉盤耳矣承問初更鷄啼事吉凶弟愚以為吉凶當在人事不
在鳥聲中也故以偶然之物反常為妖亦聖賢借以警人令修省
耳妖由人與人無靈焉妖不自作乃足下復謂某將守某城時聞
初更鷄啼以為此荒鷄也厥地當為丘墟亟引去而城亦遂陷竊
恐今日亦復類此弟心不敢謂然而未暇悉其愚也大抵物理深
遠而之所以然之故非精於格物者未易窺測若執已事何異守
株家語記孔子將近行命從者盡持蓋已而果雨巫馬期問曰旦
續垂棘編二集卷九 五 五經堂選定

無雲且日出而夫子命持兩具敢問何以知之子曰昨夜月畢詩
不云乎月離于畢俾滂沱矣以是知之及他日月離于畢而竟不
雨左傳載昭公十七年冬有星孛于大辰西及漢鄭裨竈言於子
產曰宋衛陳鄭將同日火若我用璣華玉璣鄭必不火子產弗與
十八年五月火作一如竈言裨竈曰不用吾言鄭將復火鄭人請
用之子產不可曰天道遠人道邇非所及也何以知之竈焉知天
道是以多言矣豈不惑哉遂不與亦不復火弟謂萬物之變本於
天文而天文極顯其應尚在或然或不然之間况物之幽隱者乎
且鷄之鳴也固必有感之者矣昔者孟嘗君逃秦至關關法鷄鳴

出客孟嘗恐追至適其最下客能為鷄鳴而鷄鳴得逸去當其時
鷄之鳴固非其時也則以人感之也秦文公得玉鷄於陳倉山以
為神禮之或歲不至或歲數來嘗以夜燐若流星從東方來集於
祀城狀若雄鷄其鳴殷殷羣鷄夜鳴當是時鷄之鳴又非其時也
則以物感之也今日初更鷄啼其感於人耶吾不得而知也其感
於物耶吾亦不得而知也遽指為荒鷄不亦甚乎且孤枕之象令
鷄夜鳴燥濕之氣令鷄夜鳴所感既異所應亦殊吾何從而斷其
為凶也某先生者博物君子也所畜牝鷄初更時忽作雄鳴家人
以為不祥欲殺之先生曰無傷也鷄感氣而鳴是時其日果
續垂棘編二集卷九 六 五經堂選定

而不復有所謂不祥者史書載徐州人吳清者從軍時殺鷄求
福梓中鷄頭忽鳴眾以為妖已而破賊獲其渠帥論功清得拜太
守則是鷄之妖更為祥也夫鷄死而鳴與非其時而鳴孰甚牝鷄
非其時而鳴與雄鷄非其時而鳴孰甚死鷄不為妖而生鷄反為
妖乎牝鷄不為妖而雄鷄反為妖乎今某先生謂鷄感氣而鳴為
天變之兆今日初更鷄啼亦感氣也亦天變也然則昔感氣天變
而兩今感氣天變而雪如是而已即曰物反常為妖當必有所謂
不祥者則今日之雪大寒異常人畜鳥獸多凍死其為不祥亦已
大矣而或者終以某將守某城為疑則不肖於此亦更有說彼

鷄為荒鷄地當五墟夫鷄荒不荒固不可知而彼業已棄城去矣
城安得不陷然則城之陷固不陷於鷄之鳴而陷於人之去也今
者秦賊未息又因上年焚殺之慘居民驚魂未定而又以荒鷄之
說疑之當必有携家而徙者相率而去比賊至城已空矣是陷其
將之故轍也誰為守之而不陷耶弟甚不願荒鷄之說聞於人也
況此河東西官軍已破賊即今大雪賊凍死者以萬計救死不暇
而尚敢圖大城邑乎賊勢既弱而吾州武備又過於昔道尊威靈
赫奕遐邇皆知鼎鑪有耳賊不聞道尊文武全才杜塢之役親手
滅賊乎不聞騶從材官選諸四方其傑豪壯賈勇人人氣吞賊賊

續垂棘編二集卷九

十七

五經堂選定

乎不聞道尊出千金購榆林諸遺像臂善射之士穿楊貫虱箭不
虛發乎不聞少林天下名寺其僧以三十人當曹副將鐵甲軍三
十殺其千總一可當百乎不聞絳州火炮之盛其大者殺人於二
十里之外其小者制度精巧百發百中雖鐵石亦透乎弟愚以為
流賊已破勢將不復渡河即欲渡河而吾絳固萬萬乎無事也即
欲過慮當有別圖能知流賊之所以起即知流賊之所以消竊謂
流賊之起天實為之而上天之怒本於民窮下民之窮本於上不
恤下富不周貧飢寒逼體怨讟生心苟不忍以身轉於溝壑則起
而為賊亦理勢之不得不然者為今日計惟有上下相恤貧富相

周○固○結○民○心○挽○回○天○怒○故○富○能○恤○貧○則○一○家○可○無○盜○賊○官○能○恤○民○
則○一○方○可○無○盜○賊○天○子○恤○民○則○天○下○可○無○盜○賊○而○上○下○相○恤○則○非○
吾○輩○之○所○能○為○也○或○集○同○志○量○力○捐○賑○建○立○仁○會○濟○民○格○天○民○既○
和○矣○乃○與○高○城○深○池○効○死○勿○去○互○相○聲○救○內○外○一○心○是○則○可○為○也○
孟○子○曰○天○時○不○如○地○利○地○利○不○如○人○和○天○時○不○如○人○和○天○時○不○如○人○和○
乎○地○利○且○不○如○人○和○况○天○時○乎○天○時○不○足○言○鷄○鳴○違○時○又○何○足○論○
乎○從○來○天○下○大○亂○必○有○一○二○處○不○受○兵○者○其○處○民○情○必○和○風○俗○必○
美○今○日○民○情○吾○不○知○其○何○如○也○挽○回○風○俗○則○吾○輩○當○力○任○之○如○此○
則○吉○不○如○此○則○凶○他○尚○何○問○焉○敢○據○鄙○見○復○於○高○明○

續垂棘編二集卷九

十六

五經堂選定

旁○引○曲○証○總○以○暢○發○其○吉○凶○當○在○人○事○一○語○而○止○後○幅○推○開○一○
步○過○慮○別○圖○之○議○則○又○繼○經○世○石○畫○衡○門○芹○諸○書○而○起○矣○吳○草○
廬○與○陸○象○山○同○郡○人○請○其○有○鄉○情○如○此○鄉○情○夫○復○何○謂○范○虎○西○
九○章○段○先○生○為○絳○名○宿○遭○時○旱○活○人○甚○衆○今○其○子○孫○計○第○不○絕○
皆○積○善○之○報○也○余○昔○年○受○業○寄○菴○吳○先○生○函○丈○彼○時○已○知○其○名○
後○搜○其○遺○稿○得○辛○未○緒○言○一○部○茲○篇○特○摘○錄○者○今○歲○春○呈○政○
苑○八○子○付○梓○因○識○其○履○歷○云○
祿○命○堪○輿○皆○作○如○是○觀○
范○个○臣○
開○公○拔○

泰山藥王碑記

文養蒙

藥亦有帝王焉。開天立祖者，師傳鉢布教者，聖帝王位之正也。師聖位之閏也。咸可壽世，康民千萬世，尸祝不磨，如嘗草化毒以興。醫源咨岐而作內經，神農軒轅帝也，而不冠以藥功，蓋有大藥其餘耳。故易傳推尊五帝，洎岐伯素問為黃帝師，因有天師之號。歷代名醫不一，獨漢張仲景特冠醫聖而亦弗王也。惟扁鵲有神應王之稱，又弗冠以藥，或曰良醫太醫視師聖轉下矣。其擅藥王二字之號，韋慈藏一人而已。明太祖遣祀先醫于西廡十四位，韋慈藏偏冠以藥王，東廡十四位止扁鵲，仍神應名王，不名藥，餘但列。

續垂棘編二集卷九

十九

五經堂選定

姓字至岐伯自天師外，此並無聖者，思邈即冠以真，而藥王之號則有一不可二也。然則後代之崇祀藥王者，其為韋慈藏無疑。索俗多繪象三座，統顏曰藥王祠，未審三者孰是，或良醫而華陀神應而扁鵲，真人而孫思邈，分祀自應各顯，以所膺之封合祀，則或總以名醫醫宗之號亦焉得，不王而王之也。其為涸稱王恐無以妥諸神之靈，而藥王之不得奪享，韋慈藏也。更以妥韋神之神靈，夫醫祖始於神農，軒轅去藥而崇帝者，帝之名視藥而尊，故先尊帝也。歷代而下之醫，皆有事于藥濟之功，而不盡隆藥王獨於韋慈藏者，王之名因藥有加，故並尊藥也。信韋慈藏為百世不桃章。

明載者，今其崇祀在晉墟太邑，迄南土人燭奉配享藥王經文類記。新朝更革而壯麗之用，錫不朽，想相封踵唐重厚，繼書周

臣邱落如繼概巨族殷富，北柴處最俗，競奉神祈，祐崇本拙者取大生義也。配以藥王者，取長生義也。按韋大唐人諱，訖慈藏其遺號也。本傳醫中之聖，藥中之王，內聖外王，故特表而彰之。即以神農軒轅二帝之靈，謂弗與藥家嫡系者，弗王也。可時糾首竣役，元奇弟子衛弘剛，弟子張重叶夢卜，獲神嚮告云：韋慈藏是韋慈藏，是並以告天下後世之知有藥王而不知有韋慈藏者。一藥王耳。來歷詳明，方可傳信。然亦不專向山堂肆考等作照。

續垂棘編二集卷九

廿

五經堂選定

鬼簿也。推是道也，以往可與博學矣。范處西。余以醫藥活人，于今十有一年，每逢施藥之期，晨起沐浴告神，尚未考神為何許人也。讀此以誌余不學之過。又評正之文先生，幼愛業君，常馬先生之門，後與傅公他先生同為家樂師，所重士為文精潔古雅，不屑拾人牙慧，茲篇蓋得之其侄文克生手授者。聞公哉。

現園詩選序

韓蘇

現園詩選、石子子約所作、予所選也、石子性孝友、讀書更世變、交
 雖廣別具心、眼讀其詩、知其人、可以傳矣、予每謂今人好作詩、而
 不能循詩之本、詩安得佳、詩言志、今奚志、詩之為言、持今罔持、詩
 思無邪、今不恥邪、詩用之郊廟燕饗房中、臣事君子、事父、今市名
 貢諛、自鳴意之失、得詩通以爾雅、大小序傳箋、今但言過半、詩編
 周魯齊邶鄘諸國、上及有殷、迺得三百、今人能成帙、夫詩具六經
 其為書、春秋禮樂易、知其為易、難知、深於詩者、自知之、是故學者
 宜盡心焉、學詩而不作詩、可也、不學詩而作詩、惡、可作詩者、其體
 續垂棘編二集卷九 廿二 五經堂選定

與辭隨變、益下猶可也、志與思下惡、可傳、可廢、當以是為斷、雖
 有他論、予不為易也、若石子詩、可以傳矣、
 可以繼白沙先生都憲朱公詩序而起矣、
 薛文清公讀相在爾室一節、謂此即川流不息之意、余謂即志
 與思之意、與又評
 范彪西

學宮典禮議

薄言震

道統相傳、猶世統相傳、子孫有善、歸諸祖父、不忘本也、道統亦當
 如是、粵稽有虞、始建學、夏商周因之、以祀先聖先師、似非止一位
 也、唐以前、周公南向、孔子東向、至開元間、始正孔子南面之位、而
 獨尊之、尊之誠是矣、但將孔子以前、先聖先師、概廢質之、孔子在
 天之靈、當亦不安、述而不作、子嘗言之、是以知其不安也、至七十
 子之外、漢唐宋明諸儒、皆得祀之、西廡為之後者、尚且分半豆之
 享、而為之先者、顧可無一辨之香、與竊意、當為五廟之制、但工費
 浩大、不便遽行、姑以文廟正殿中間、通列五層高平各二尺許、伏
 續垂棘編二集卷九 廿二 五經堂選定

義以一畫立文字之祖、神農黃帝皆創未有之制作、伏羲主位居
 中、神農左、黃帝右、倉頡始造字、位居側西、向為第一層、堯舜禹一
 堂授受十六字、堯主居中、舜禹列左右、皆南向、契為司徒、教以人
 倫、乃孔子之始祖、位居側西、向鼻陶為士師、刑以弼教、稱邁種德
 位居側東、向為第二層、堯曰允執厥中、湯能執中、契之後、至此而
 始食報、主位居中南、向伊尹樂堯舜之道、位居左側、說命三篇終
 歸典、學位居右側、箕子叙九疇、與八卦相表裏、位次尹微子崇德
 象賢、受周封宋、而弟微仲、系及孔子二微共一主、位次說為第三
 層、文王自后稷積德以來、生有聖瑞、至繫易彖辭、闢伏羲數千年

之秘主位居中南向周家一代之制定於周公若周禮一書萬世
可行又不獨為一代計也位側西向召公旅葵召誥二篇以慎德
敬德為先實本堯舜兢業之傳位側東向為第四層孔子終契之
教以傳萬世主獨居中南向為第五層四配以下悉依舊例如是
則孔子之位自尊孔子之心始安也然非予意之也道統相傳猶
世統相傳是則微郊禘之義而已失或曰道統相傳猶世統相傳
有之微郊禘之義而已失或曰道統相傳猶世統相傳
契與微箕皆孔子之祖位何不南向曰契為司徒是堯命之舜禹
亦皆為君分則然也箕子微子聞道在尹傳之後自應次之此論
道統非論世統也曲阜寢廟或當以世統定之或又曰伏羲以後

續垂棘編二集卷九

十三

五經堂選定

傳道者豈止此數人曰伏羲以後傳道者固多人予惟取經書斷
之伏羲神農黃帝倉頡則取諸易之繫辭傳頡名雖不顯以書契
推之堯舜至周召則取諸尚書及孟子而按其尤者耳或曰尚書
紀世也賢人繁多拔尤可也孟子專為道統而言禹惡旨酒章有
武王由堯舜章有萊朱太公望散宜生何不及之曰武王制禮作
樂皆述之文王而成之周公况謚以武與道統不倫故略太公雖
有丹書之傳而三略六韜終屬武功武學祀之足矣萊朱散宜生
行事鮮有明著于經者姑闕之以俟博洽君子詳議焉
余曩有特建三皇廟之議茲復及之何也彼以功德言四民皆

當祀此以道統言是吾儒之所專祀者禮則並行義非重複方
今

聖天子崇儒重道一時碩學宏才雲集都下應有議禮之舉卑微
冷暑間議不識可備詩非之采否
五廟之制廟皆居中如今之神廟前後疊層非太祖居中昭穆
列於左右之說又自識
只為之後者尚分半豆之享四語便可壓倒元白篇中區處儘
有着落雖不敢自謂石畫亦可佐聖君賢相之片獻乎願以
質諸建言大君子云
先施西

續垂棘編二集卷九

十四

五經堂選定

洛書非九疇之數辨 節數字

王含光

大傳曰河出圖洛出書聖人則之五帝紀云伏羲氏即位以木德繼天而王帝德合上下天應以鳥獸文章地應以河圖洛書此圖書竝出伏羲之世載在經史確有明徵也秦漢以來多務術數未識圖書自希夷傳至邵子八圖始出乃冠韋編誠大易淵源尊經者共寶焉洎乎宋季雖煩儒解卒鮮發明既不知圖合乎卦遂不知書合乎圖書之於易存若鑑羊而已甚且索解不得更謀所以去之誤作洪範皇極以亂書者蔡沈所為也觀其註洪範云按孔氏曰天與禹神龜負文而出列於背有數至九禹遂因而第之

續垂棘編二集卷九

五

五經堂選定

以成九類易言河出圖洛出書聖人則之蓋治水功成洛龜呈瑞如蕭韶成而鳳儀春秋作而麟至亦其理也世傳戴九履一左三右七二四為肩六八為足即洛書之數也今按孔氏之言至成九類而止以下皆沈註也所云孔氏者孔安國也安國漢人也按漢五行志曰禹治洪水明洛書法而陳之洪範未云洛書出於禹時安國之言不知何所考據且漢志本云禹明洛書之法而沈於洪範篇首引漢志為註則云漢志曰禹治洪水錫洛書法而陳之洪範是也易明為錫引志乎改志乎夫明者有所通也錫者有所予也明洛書法亦猶師其意而錫洛書法則若或授之矣以錫易明

不過欲成天乃錫禹洪範九疇之說耳若然則商書所云天乃錫王勇智不知天果以何物授湯也又曰治水功成洛龜呈瑞如蕭韶成而鳳儀春秋作而麟至亦其理也夫鳳凰來儀虞書載之西狩獲麟春秋載之洛龜呈瑞夏書不載何也又曰世傳戴九履一左三右七二四為肩六八為足即洛書之數也夫洛書載在本義自有古圖至若戴九履一之說俗說耳而沈特引此為註且鋪陳折數不分黑白者恐為陰陽之數所碍耳蓋古圖白數為陽黑數為陰而洪範之法難分陰陽故特溷之以數耳如謂一五行為陽則二五事可謂陰乎如謂三八政為陽則四五紀可謂陰乎如謂

續垂棘編二集卷九

五

五經堂選定

五皇極為陽則六三德可謂陰乎如謂七稽疑為陽則八庶徵可謂陰乎如謂九之五福為陽則九之六極亦可謂陽乎即使此說足據不分黑白但憑折數而折數之奇偶即陰陽之老少試問五行何以屬太陽之一五事何以屬少陰之二八政何以屬少陽之三五紀何以屬太陰之四三德何以屬老陰之六稽疑何以屬少陽之七庶徵何以屬少陰之八五福六極何以屬老陽之九沈於此有說乎無說乎且既云治水功成洛龜呈瑞是必大異凡龜乃堪此於麟鳳使僅如沈之所圖則枯殼敗板何處無之而天乃錫禹以昭其治水之功徒足資人嘲笑猶謂理所當然耶夫夏書

不可信而漢志乃可信孔子不可信而安國乃可信古圖不可信而俗說乃可信乎及觀九疇則洛書圖網日相符者稽疑一疇耳餘不知何以按書而配也夫洛書之數非止分宮位置也一九相對二八相對三七相對四六相對皆成十數合於中五皆成十五所以為神物也今九疇之目四正四維既不合十合以皇極亦非十五乃謂取法洛書豈疇之綱合乎書而疇之目不合乎綱耶如徒用綱之九而已也則井田亦分九宮以疇法田甚通也何不云九疇法井田而必云法洛書乎況九功九叙九道九州何其非九而獨云九疇法洛書也如謂禹之用九皆法洛書則餘之九載

續垂棘編二集卷九

宅

五經堂選定

亦可謂法洛書耶且用九亦不自禹始也五帝常用之矣如伏羲氏立九部以理民事神農氏生烈山而九井出黃帝氏受八門九地之要造五幣九棘之利師岐伯以立九法受神鏡而有九乳雲陽氏立九危之法作九淵之樂顓頊氏立九寺九卿帝嚳氏作九招之歌創九州之賦堯典親睦九族虞書官以九命樂以九成皆用九也夫三王法五帝者也如謂禹法洛書不知五帝何所法也此沈之範數用綱不能強合於書者如此再觀其積算皇極舍洛書而講大衍則愈疑矣昔箕子為武陳洪範未嘗為武陳著策大衍之數何自而至哉夫大衍之數本平河圖自伏羲畫卦幽贊生

著始立策數此時何有九疇而沈輒謂四十有九之用皆用範數蓋因洛書之數四十有五而沈積範數得五十若曰範之數雖不合於洛書猶幸合於河圖耳何不曰範之綱合於書範之目合於圖乎然而不可也若然是始焉龜負書而出既焉龜又負圖而出矣故不敢謂極數合乎圖數而反謂衍數出自範數也若然是沈始焉欲易洛書既焉又易河圖矣至於積算五十之數去皇極之一以為太極九為可疑夫皇極者君道之準也太極者中漠之名也太極中詎有所謂造就之方數言之訓而皇極內亦能生兩儀生四象生八卦耶如去皇極以為衍數則皇建以下八節亦可謂

續垂棘編二集卷九

宅

五經堂選定

衍文耶夫七曰明用稽疑此九疇之一耳今乃舉範之全數盡歸卜筮則九疇化為一疇若然是沈始焉易洛書既焉易河圖終焉乃易洪範矣此沈之極數用目不能強合於書者又如此故合二圖而觀之則沈之所作固可商而易之垂晦深可慮使洛書今日不歸易則義文終古無卦位而宣尼並舉圖書卒成不解之疑理有所難安勢在所必爭予豈好辯哉予不得已也易學三述王似鶴先生所著邵子昆先生所寄也開卷得盛珍示序曰如論河圖為八卦所由生人所及也論河圖非五行之數論洛書非九疇之數非人所及也如論中五為無形之河圖

人所及也。論河圖為未布之洛書。論洛書為無卦之圖。圖非人所及也。如論先天小橫圖出於河圖。人所及也。論圓圖之出於橫圖。俱按洛書之數。非人所及也。如論大圓圖大方圖。法天象地。人所及也。論大橫圖重儀重象。顯開啟蒙。非人所及也。至其論後天也。悉本洛書所坐之數。而謂文之橫圖出於羲之圖。圖文之圓圖出於羲之橫圖。有變通無改易。其理更確而可徵。尤非人所及也。似鶴凡例曰。八圖皆遵朱子本義。蓋邵子所傳也。它如鄭樵河圖。蔡沈洛書。以偽亂真。首剷除之。又曰。是編專為發明八圖。又推歷代講易。惟信州楊氏周易古今全書。猶存其續垂棘編二集卷九

元

五經堂選定

聚此三述之大畧也。余讀數次。雖愚柔未識精義。竊嘆其議論足以納忠於九峯。錄此以見大意。至于病狂喪心。悍然罔領等語。恐不善讀者。疑其詆毀前賢也。惜刪以存渾厚。范彪西未梁山曰。講者議其理。非議其人也。若九峯之人。似鶴自能景仰。無俟余贅。又評

象數

王含光

易者聖人象數之學。載道之書也。象數者道之枝葉。窮理者窮象數之本也。象數之本。窮而道見。故學易必自象數始。先天之易有象數。而無文。後天之易。本象數以設教。不知象數而談易理。是不辨星宿而度天行也。即使名言娓娓。而揆之命辭之旨。必無當矣。然象之見於經者。猶可識。如乾。天。坤。地。震。雷。巽。風。之類。是也。數之見於經者。每難解。如七日。八月。九陵。十年之類。是也。是故數者聖人所秘惜。難得而易失。可知而不可言也。得必由於師授。言則大洩天機。知而不言者。聖人也。言而不露者。賢人也。不知而言者。妄

續垂棘編二集卷九

卅

五經堂選定

人也。知而言言而露露而妄傳者。小人也。禍且不旋踵而至矣。故曰。君子得之固躬。小人得之輕命。大傳曰。神而明之。存乎其人。默而成之。不言而信。存乎德行。是也。聖人知數而不言。數用數而不恃。數故樂天。知命安土。敦仁而依於理也。百姓不惟不可使知數。亦且不可與言數。故易之以貞。固惕之以憂。虞而納於理也。宋人言理。不言數。不知數耳。非知而不言也。謂數不宜言。則可謂數不宜知。則不可。河圖洛書。天地示人以數也。天一地二。孔子教人以數也。極數知來之謂占。占不外乎數也。極其數。遂定天下之象。象不外乎數也。故易之失也。由於知者不言。而言者不知也。又由於

知者言之而不知者不知其言之也。宋儒知數者希夷康節而已。由知數以知道者亦希夷康節而已。雖二子之學失傳然授八圖以垂世使象數亡而猶存則宋儒大有功於易者亦惟希夷康節而已。

聞易有三曰象曰理曰數。數不離理。理不離象。分之則三合之。則一不知象數而談易理。豈僅不辨星宿而度天行直是舍却舟楫而渡黃河矣。宜乎望洋嗟嘆也。范鹿西
程朱本義集傳自屬不朽。恐是專主理以矯當時之妄言數者。與不知數者似有別。附此候正。又評

答陶山琰書

王復初

昨承台教。極詆陸王之非。足稱直諫之言。可謂不畏。但第之不敢。議陸王者。亦自有說。夫人身在堂上。然後辨堂下之低昂。若彼在雲霄。我在塗壤。尚未窺見其堂。與又安敢妄為擬議哉。莊子云。井蛙不可以語于海者。拘于墟也。夏蟲不可以語于冰者。篤于時也。曲士不可以語于道者。束于教也。予未出于涯涘。觀于大海。又安能達心以徇人耶。近來是朱陸諸儒之論。焚焚矣。予以為入門不同。則可。而拒為邪說。屏為異端。未免持論已甚也。夫朱子由博反約。格物致知。躬行實踐。自是康莊之正路。孔孟之的派也。而陸

子守其心靈。虛靜湛然。則妄念不生。天理流行。其于中庸誠明之旨。孟子求放心之說。未嘗敢為背謬也。至于陽明王子致良知之說。本於孟子夫人由一念之仁。推而至于念念之仁。一念之義。推而至於念念之義。則橫而克之。仁義不可勝用矣。何曾言未始有生之前。而離民生日用之實修哉。且近有言朱子為道問學。而陸子為尊德性者。此皆拘儒之偏論。夫問學而不本之于德性。則不成其為道問學也。德性而不濟之以問學。則不成其為尊德性也。陽明先生辨之詳矣。而豈陽明之立論哉。且朱子之知行有序。體用兼該。不俟言矣。今觀象山文集所載。未嘗不教其徒讀書明理。

而其所稱述以示人曰居處恭○執事敬○與人忠○曰克己復禮曰萬
物皆備于我○曰學問之道無他○求其放心而已矣○此皆孔孟之言
烏在其為異端者乎○如陽明王子著述甚富○功業甚偉○而其詩曰
箇箇人心有仲尼○自將聞見苦昏迷○而今指與真頭面○只是良知
更莫疑○即此數語○何曾遠于聖學耶○孔子曰○衆惡之○必察焉○衆好
之○必察焉○若不求諸自心○而徇于衆論○恐非夫子立言之旨也○孟
子顧學孔子者也○其于夷尹與孔子曰○不同道○以夫子為好古敏
求之至聖○而伯夷伊尹猶任氣質之偏也○乃其言曰○皆古聖人也○
吾未能有行焉○何等虛心○何等公平○而敢以伯夷伊尹為異端哉○

續重刊二集卷九

世三

五經堂選定

我輩年已七旬○惟求素位而行○居易俟命○尋孔顏之樂○消氣質之
偏○可矣○何敢自標門戶○乘前薪之易○變引枯竹○以樹黨耶○管見如
此○請質高明大約兄之高見○欲于同處推索其異○而弟之婆心○欲
於異處原亮其同○至於客氣求勝○則非琢磨之益○大道之公也○惟
兄亮而教之○

詞異而正氣和○以平想見作者心胸○議論當與呂涇塾陳幾
亭兩先生並傳○范彪西

祿祓神像考

王復初

石像三○懷懷而男者居○中副禱而女者列左右○皆跌坐像○甚古○無
碑記○可考○舊扁曰祿祓之神○五經要義曰高辛氏祠于高禘而生
契○禘祠也○祠以求子之神也○古有媒氏官○因以為神也○周之祿著
於月令○漢之祿著於本紀○自是而魏晉齊隋代有祀焉○晉元康六
年○高禘壇上石中破○從東晉議埋而更鑄焉○禘之主以石有自來
矣○然亦未審何形也○三石像而題之曰禘○然與否與禘天子之祀
也○天子之祀○非天子則不得而祀之○人間何得有像○豈當日鼎革
之際○流落民間○虔祠者廟而置之○歟○祓除惡祭也○詩云○以弗無子
續重刊二集卷九

世四

五經堂選定

弗祓也○祓無子也○平原厭次有漢大中大夫東方先生廟○捏塑為
形像○二細君侍焉○以觀今像○似又東方先生之像焉○武帝令先生
作禘祝○豈後人曰作祝而即以禘祀如古者勾龍配土○玄冥配水
之類歟○今像前更增以像多侍衛○恐傳之既久○並所謂禘者不得
而知也○未免雌拾遺而惛宋祖也○謹記之○擬書石以俟博洽者詳
焉○
紀子伯言子盟于寒○夏五郭公○聖人之慎也○得其傳者朱子○無
論經書註疏○即程子遺書等○猶曰○既不敢以意形容○又不能保
無謬誤○前賢之闕疑慎言○類如此○讀此文能無興感○范彪西

答范彪西書

王復初

承賜經訓極為敬服。老社翁胃羅今古學貫天人而淑已度人念
念精端不惟吾晉僅有而海內所希觀者也。近蒙虛懷下詢弟就
其所見者言之。今夫人性本善聖賢體用人人俱足箇箇現成只
為氣稟物欲沉迷顛倒以致天淵懸隔也。蚩蚩之衆日用不知者
勿論矣。乃有學富才雄師心自用以致機械變詐罟獲陷阱所謂
小人而無忌憚此其罪業淵深較之庸愚百倍也。惟是存心養性
為善去惡幽獨之中儼若上帝臨汝神明降鑒則妄念不生天理
來復此戒慎恐懼之正脉而作德降祥自求多福如影隨形如响
續垂棘編二集卷九 五經堂選定

應聲所必然矣。邇來道學之士以為談理而不必言應夫無所為
而為是生知安行也。概觀宇宙生安者幾人乎。生安者不可得而
抹殺果報不幾開人之縱肆乎。乃謂羿禹稷南宮之問未必盡
然夫子所以不答愚以為夫子不答是深契于心而不答非迂渺
其說而不答也。彼之問明明折衷三家推尊孔子若一有答未免
着相而極稱其君子再讚其尚德則夫子之嘉與可知而善惡之
報斷然不爽可知也。又謂地震陰雨之禁禁是偶然耳不與人事
夫天之垂象所以警人之作德所以挽天故成湯自責而致其
霖宋景一言而挽星變日變修德月變修刑諸如此類史不勝載

聖天子尚多方脩省而敢云不關人事乎。又謂人死無知夫死而
無知則無輪迴也。無鬼神也。無果報也。他不具論獨以易稱精氣
為物游魂為變是故知鬼神之情狀。細味變字則輪迴之理已兼
該矣。鬼神不惟有其理且有其情不惟有其情且有其狀。人世有
賞罰身後亦有報應。事人鬼知生知死一以貫之此孔聖之訓
而非後人之臆說也。又有謂聖人歿後其氣亦散然則郊社禘嘗
在帝左右俱屬空言而手植一檜何以不朽繫牛一木何以嘗存
凡此一皆因循罔真。而二年檜樹天祚有五。已嘗其一二。則
孔林之飛鳥何以不下秦皇之開塚何以先知明則為人幽則為
神俱屬誕妄不經矣。然則報應因果非徒勸愚頑而尤以警賢知
續垂棘編二集卷九 五經堂選定

也。以愚流猶知信而賢知不信其釀害者更深也。先生洞三教之
源派覽百家之要旨文章必取其高古譚理必取其精當而一以
勸善警惡為指歸弟之佩服出於中心之誠然耳。偶因尋問敢布
素心言之不文深愧學力之蹶淺也。惟先生教之
生安者不可得云。天子尚多方修省云。手植一檜云。讀之令我
折腰稽首相視而笑。愚按朱子註參同契註陰符經遂謂朱
子入于二氏可乎。我輩不敢以朱子自居未嘗不可以朱子自
勉。小刻化書等集之行非得已也。王陽明曰只為世人多慾著
且從情欲起因緣三復尊札幾欲負笈就正 范彪西

垣曲石雲根

晉妻山范部鼎鹿西選定 受業絳州關 握手錄

靈石房作所

請葬母疏

于成龍

題為徵臣母喪未葬遷陳哀祈仰 聖慈俯允以全子道事竊
惟聖朝敷教崇孝所以勸忠孝子立身竭忠必先盡孝未有子道
有虧而可以事君臨民者也臣山右寒儒早年失恃蒙繼母李氏
視臣猶之已出教養勤劬恩同乳哺臣于順治十八年叨選廣西
續垂棘編二集卷十 五經堂選定

羅城縣知縣其時臣父久已有繼母在堂家世清貧甫除一職間
關萬里欲奉母之任而力有不能僅偕二三僕人擔囊而往拋離
母氏囑臣妻子奉養絕裾之情至今思之猶有餘痛在粵七載於
康熙六年陞授四川蜀道險阻自昔稱難欲迎母侍養而又不可
得至康熙八年陞補湖廣黃州府同知雖轉選已就近地而在任
四年兩次入 覲燕奉上司委調不常奔馳靡有寧宇及十三年
二月內報陞福建寧府知府留補武昌府知府因浮橋一案革
職旋補黃州府知府正值兵興終未遂迎養之私是臣竊祿有年
臣母從未一嘗臣之食也至康熙十五年十月內接臣母病故訃

音五內摧崩隨照例詳請回籍守制乃以逆賊梗化軍務倥偬督
撫諸臣不以臣謝勞勉臣移孝作忠慰留再四隨經 題准在任
守制臣于斯時私念母在既不能盡菽水之歡而多事之秋若復
力請回籍又不能諱鞠躬之義則忠孝兩失由是抱哀供職馳驅
於軍旅之間而臣母停柩在家不遑顧也嗣蒙 皇恩起擢於康
熙十六年十月內特陞湖廣分巡下江防道十七年六月內陞福
建按察使尋陞本省布政司十九年二月內 簡授今職古來知
遇之隆從無過此臣前任江防道湖南有阻聲教及臣聞省藩臬
漳澄正在用兵自抵今任一年有餘而滇黔餘孽未盡殄滅 禁
續垂棘編二集卷十 五經堂選定

旅尚煩征討 宵旰未舒臣之私哀何敢遽及且臣受 命
繼以來毫無寸補 聖眷有加本年二月內率夫沙河因得 陞
見特蒙 製詩褒美更 賜幣金千兩御馬二匹又本年九月內
駕幸雄縣復蒙 賜鹿兔魚鴈等物及臣趙候 聖安又蒙 賜
銀鼠掛并奶酒寵賜頻頒榮施逾分感激之私捐軀莫報惟慮暮
氣已侵 勳業莫効何敢有去辜負 聖恩獨自臣于繼母生不能
養死不獲殮罪已深重今停柩五載有餘尚未歸土如臣之為子
亦何賴焉天倫父母事有未盡何以為人况臣今年六十有五
就衰邁若再遲延遺此未了大事而瀝先朝露則通天之罪百世

莫道是以每一迴思而拊膺頓足情難自已者也臣前此之奪情
留任歷久不敢有歸者緣以四字未寧○皇事靡盬人臣義不遑
顧親之時也茲接部文滇南逆孽蕩平率土歸○王普天同慶從
此兵革不興臣民共享太平之樂我皇上誕敷德教首在扶植
綱常敦崇倫理以維萬世之人心以固無疆之厯服臣謬任巡撫
代宣○聖化亦維以綱常倫理教人乃躬際太平之盛非復從前
多事之時若不歸墓母喪是貪戀顯榮忘親背義不孝之名不免
貽譏于天下後世對屬臨民之際先懷慚歎又何以勸民興孝思
致化民成俗之效耶伏祈○皇上鑒臣私衷允臣回籍安墓母喪
續垂棘編二集卷十

三

五經堂選定

伴臣子道獲全完此一生大事則身外更無他慮犬馬餘年皆圖
報○聖恩之日矣奉○旨于成龍所奏情詞懇切准假三個月回
籍墓母事竣速行赴任供職該部知道

許魯齋論古今文章約有二語曰性分之所固有者不可自民
也○職分之所當為者不可荒慢也○茲文無他奇只是不自民性
分不荒慢職分耳識得性分職分豈非古今大文章○君親于
我皆無盡忠孝須君兩不慚○范鹿西

附 御製詩 并序

直隸巡撫于成龍○秉性惇樸○廉介夙聞朕心嘉賴○俾典節鉞○保登

幾輔惟能激濁揚清始終如一清潔之操白首彌厲真國家之可
重○人所不能也茲來陞見爰賜以詩用示敦勵之義且以風有位
焉

如續二集卷十

自昔崇廉治勤思吏道澄郊○折王化始○鎮鑄重臣膺政績聞○留續
風期素欽冰易哉貞晚節褒命日欽承

康熙二十年二月十三日

于先生之清廉初非有心求人知也乃蒙

聖主嘉獎寵錫如此廉吏不可為而可為信哉附錄以志喜起之盛

臣范鄒

續垂棘編二集卷十

四

五經堂選定

飭學政文

康熙二十一年六月

于成龍

為直快學政之舉○以飭官方○以端士習○事照得○國家以掄才為○大典○造就培養○始貴官况江南大邦○係人才會萃之地○學道為○通省文衡○責任甚重○務在精白○乃心矢公○矢慎○操守肅潔○振拔孤○寒○庶不負○朝廷任使至意○若懷不肖之念○苞苴盛行○致開奔競○之途○徑實百出○煌煌功令○置若罔聞○學政廢弛○有江河日下之○勢○所以前經左都御史魏○題請○剔除十弊○禮部覆准○奉○旨○通行○已久○謂可○地○挽頹風○乃本部院下車以來○訪知積弊多端○有○難悉數如上下交通○則獎在有司○表裏作奸○則獎在胥吏○鑽謀賄○

續垂棘編二集卷十

四

五經堂選定

托則弊在生童○竟之種種情弊○皆由學道無繫已之念○不能正○以○率下以故○難于○糾○從來學道一官○非進士出身○不在是選○當○其做秀才時○若遇不公不則之學道○必有大不平之鳴○怨憤訕謗○而罵詈隨之矣○自○已○做到此官○則又躬自蹈之○全不記寒○乞○佔畢之苦○寡廉鮮恥○敗壞身名○莫此為甚○則謂銅山金穴○利令智○昏○不暇為榮身之謀○然誰無子孫○誰不願子孫成名顯達○而瞞心○昧已○賍私○獨不畏明有○王法○幽有鬼神○現在發覺○則有身○家性命之憂○日後凋零○更受男盜女娼之報○應乎至于孺童赴試○為士子進身之階○務須守正待時○何必妄求躁進○乃素封之家○

錢神為作合○統禱之子○恃竿牘以求通○是父兄平日先以自炫自○驚教其子弟○則子弟所習見習聞○無非賁綠賄賂○又安肯潛心肄○業○以望學問之有成○古來由白屋而為公卿○取紫青不藉門第○載○在史冊○不可勝數○更如近代之王元美○陳卧子○皆江南人文領袖○何嘗不出簪纓世胄○又何嘗藉祖父餘蔭○以取科第○即此可作讀○書人榜樣○爾等有此營求之費○何不資其膏火○慎擇良師○俾子弟○下帷攻苦○磨礪以需○而必欲百般鑽刺○以奪單寒上進之路○致使○懷才自好之輩○皓首窮經○卒不得一青其矜○抑鬱沉淪○愁嘆之聲○載道○聞之心惻○思之髮指○誠使爾輩翻然自悔○各安誦讀○不為習○

續垂棘編二集卷十

四

五經堂選定

俗所移○則考試官無從射利○雖欲不公○不可得矣○何患弊源之不○清乎○聖賢學問○只在義利兩途○蹈義則為君子○趨利即為小人○由○一念之公私○分人品之邪正○何不洗心滌慮○勉做好人○本部院上○體○朝廷右文作人至意○下為憐才剔弊起見○諄諄誠諭○并將訪○聞各項情弊○為十弊中所未有○或有而未詳盡者○條分縷析○為十○一欵如左○

附原註

衡文者愛惜人○家好文字○爾子孫有文字○定為衡文者愛惜○若○一味愛錢○只恐子孫總會做文字○決不出頭○更恐○神鬼怒恨○

老夫迂談

續重刊編二集卷十

四

五經堂選定

畢各歸本署供職不得參見

一考試前一日府官送童生案冊。教官送生員學冊。以備學道點

縣繳回母蹈前轍

續垂棘編二集卷十

15

五經堂選定

憚真才何由得達今後歲科二試縣府考拔取童生務令公明開

卷不妨一覆再覆以杜傳通代倩等弊覆試既畢即發全案無得
稽留以待鑽刺仍粘連三卷送道查對筆跡如所取卷內有文理
荒謬必係府縣官徇情受賄該道即申報本部院以憑嚴究
一廩生保結原係稽查刑喪過犯冒籍娼優隸卒等項不得混試
近有不法劣紳受賄作弊朦朧濫保外更有串通外有文無行之
人先作本縣儒童冒名赴考往往俸獲及發案有名或索勒本童
謝銀或朋奸覓人頂買俗有活切頭飛過海名色殊屬駭異嗟嗟
取額幾何寧堪此輩網利該道按試日先期傳集各學廩生逐名
嚴訊各具甘結所保儒童如蹈前項等弊罪甘獲革仍加究處法
續垂棘編二集卷十

四五

五經堂選定

在不宥
一進學儒童原分大中小縣著有定額每大縣賄買人多限于額
數將本童填入窮僻小縣案內仍恐小縣攻擊冒籍俟發紅案後
巧令本童具呈改學仍歸本縣者又商籍取數較多赴考儒童與
民籍較少亦有以民籍赴考儒童混進商籍者接木移花為弊匪
細今該道務期嚴核本籍秉公閱卷毋得混淆
一按試一府閱卷既畢即當發案或因私案未飽故為稽延竟將
試卷帶往別府童生則懸價以待招邦入局生員又貧富教官素
所熟悉至有不肖教職故以富生姓名聲言考置劣等賄賂提換

貪婪無忌莫此為甚有蹈此弊者該道即行揭報提處又捐納童
生有一體發案之部文尤得藉口稽遲嗣後捐納童生陸續取齊
外先將取定正額童生于覆試次日即將原卷發府拆號填名
報本部院以憑查對

一童生試卷必經發府拆號填名所以學道之權往往知府得以
操之因而交通關節一切過付皆出其手不惟去取竊擅甚至拿
捏說頭累千盈萬擬為已有及學道索取結局府官以業經紅案
有名特為無可如何竟致白賴者學道亦以曖昧自悞不敢聲張
惟有隱忍而已此等大沒良心人傷天害理該道何苦徒損心術
續垂棘編二集卷十

四六

五經堂選定

受制于人名利交失自己不能逃鬼神之譴責子孫又必受禍患
之報應可不畏哉是在學道廉潔自矢則上下體統凜然具在自
不受屬官之挾持矣
一試官例設掛號胥役收進文書學道職在衡文專司學政無軍
務刑名錢糧緊要等事近各府州縣鄉紳以私函不便直達往往
借現任官封贈囑門役擅行投遞或因勢迫情邀以致真才淪落
深可痛恨此後凡有官封文書止許開口投遞如有請託私書該
道即刻將原封原書呈送本部院一併題參至于沽名弄
競所在有之而盜竊虛聲下江尤甚每借憐才二字藉口公薦聯

名罕○賸○究○屬○朋○利○私○心○而○于○孤○寒○實○學○毫○無○裨○益○亦○當○嚴○行○杜○絕○
一○不○肖○官○屬○上○下○關○通○交○互○作○弊○每○遇○一○考○于○府○取○正○案○試○卷○之○
外○別○送○空○頭○印○卷○多○寡○不○等○遇○有○身○未○赴○考○肯○出○大○錢○及○鑽○求○大○
來○頭○薦○書○者○竟○代○作○文○字○二○篇○居○然○入○泮○此○獎○首○當○嚴○禁○其○前○列○
生○童○例○應○將○原○卷○解○部○不○得○擅○行○改○竄○至○于○刷○卷○等○弊○往○往○有○之○
俱○應○痛○革○

一○設○科○取○士○文○武○並○重○豈○以○學○習○鉛○鈔○遂○可○視○同○弁○髦○近○日○每○以○
武○途○忽○視○為○徇○情○交○際○之○具○或○送○往○來○過○客○或○賞○巡○捕○等○官○乞○恩○
或○進○士○一○二○人○舉○人○四○五○人○明○目○張○胆○扛○說○一○名○竟○為○成○例○遂○有○
續○垂○棘○編○二○集○卷○十○

五經堂選定

市○井○遊○子○無○賴○之○人○目○未○識○丁○不○諳○騎○射○賄○托○鑽○營○邀○叨○名○器○一○
入○武○庫○便○納○結○匪○類○三○五○成○群○借○衣○頂○為○護○身○之○符○視○衙○門○為○壘○
斷○之○地○把○持○謗○訕○肆○行○無○忌○此○皆○係○學○道○拔○試○不○加○慎○重○于○始○致○
滋○流○惡○成○風○此○後○考○試○武○途○生○童○務○須○秉○公○校○視○果○係○弓○馬○熟○嫻○
策○論○優○通○方○准○拔○取○毋○得○縱○意○徇○私○致○使○干○城○失○守○
以上○諸○款○皆○係○本○部○院○察○訪○最○真○切○中○時○弊○自○示○之○後○該○道○務○與○
各○提○調○教○職○官○吏○紳○衿○人○等○洗○滌○肺○腸○實○心○痛○改○得○真○才○以○報○
朝○廷○振○文○教○以○吐○士○氣○本○部○院○斷○不○沒○人○之○善○定○行○特○疏○獎○薦○倘○
怙○終○不○悛○陽○奉○陰○違○本○部○院○耳○目○最○近○隨○時○隨○地○密○行○察○訪○如○前○

十二○獎○有○一○于○此○立○刻○飛○章○入○告○官○則○摘○印○于○矜○點○革○候○
按○律○擬○罪○其○惡○習○奸○棍○即○刻○斃○之○杖○下○本○部○院○實○心○實○政○斷○不○託○
諸○空○言○使○官○墻○名○教○之○地○為○爾○等○藏○垢○養○癰○也○云○云○
天○鑒○在○茲○

程○子○謂○治○天○下○以○正○風○俗○得○人○才○為○本○史○惺○堂○解○云○得○人○才○為○
正○風○俗○之○本○篇○中○全○從○人○才○起○見○有○志○于○天○下○風○俗○者○當○各○書○
一○通○與○金○鑑○大○寶○諸○錄○並○傳○
或○疑○督○學○多○賢○哲○最○文○不○惡○傷○其○類○乎○余○聞○伯○益○曰○周○淫○于○樂○
舜○曰○汝○無○面○從○禹○曰○無○若○丹○朱○微○皋○陶○曰○萬○事○墮○哉○唐○虞○君○臣○

續○垂○棘○編○二○集○卷○十○
四八
五經堂選定

尚有此等微成後人何疑之有

又評

此外○檄○文○尚○多○如○禁○賭○檄○則○云○本○部○院○安○肯○收○官○敲○骨○吸○髓○之○
賊○物○而○平○分○男○盜○女○娼○之○報○應○也○云○云○如○禁○私○孤○兩○檄○前○指○出○
五○十○九○款○次○指○出○二○十○款○俱○是○懸○諸○日○月○不○刊○之○書○小○刻○語○錄○
曹○牧○先○生○自○戒○等○語○皆○謂○與○呂○公○實○政○錄○相○似○細○玩○此○等○檄○文○
恐○實○政○錄○當○放○出○一○頭○地○矣○除○收○入○治○學○一○貫○外○容○專○成○于○公○
實○政○一○書○又○評

于○先○生○其○真○天○神○也○耶○賈○太○傅○之○痛哭○流○涕○陸○宣○公○之○愷○切○詳○
明○尚○遜○此○一○籌○石○屑○寸○

程墨正學小序

崔靖

八股何為而設也○為取士而設也○古者取士曰九德○曰三物而今
乃曰八股○不以實行而惟文之是務○亦見夫學之日清而時之不
古也○曰否○中庸曰道不可須臾離○文未始非道也○今觀夫文之
作者○曰純曰雅曰精曰明曰雄曰暢○然則所謂純者○非以其純於
斯理耶○所謂雅者○非以其雅於斯理耶○所謂精明與雄暢者○非以
精於斯理明於斯理而雄暢於斯理耶○如其然也○則是文未始非
道○而說者乃皆之為學之日清時之不古○不亦謬哉○且今之學者
以為聖人作為五經四子何為也○耶○其僅使後之人誦讀其說○以

續垂棘編二集卷十

五

五經堂選定

要其上耶○抑將以示人共明其理○以自勉於成人之道耶○如僅示
人誦讀○以要其上○則是五經四子亦不足○以益後學之身心○又何
有於文也○如將示人共明其理○以自勉於成人之道○則今之為文
者○但無乘乎聖人之旨○不可謂非明其理也○其所謂勉於成人之
道者○猶在也○而又何嘗乎吾觀古者太史邦國採風陳詩○以正人
性情也○孟子曰誦其詩讀其書○欲人於誦讀中見古人也○韓子作
師說○其言曰先乎吾而聞道者吾師之○然則使今之讀文者○如以
為五經四子聖人之言也○斯文者○聖人之言也○惕然醒焉○凜然
畏焉○文之言善也○吾樂而法之○文之惡不善也○吾懼而以此為戒○

續垂棘編二集卷十

六

五經堂選定

則是斯文也○亦猶詩之足正人性情也○吾謂之讀之○固無異於誦
詩而讀書也○若是則即以斯文為吾之師也○又何不可而預以此
與古之九德三物為有異焉○不已異耶○乃余因之○又有感矣○今之
學者○所以皆八股為非實行者○其言因曰弟子之方讀文也○其心
即曰我將以要上也○將以此幸名而獲譽也○將以利吾身而肥吾
家也○夫然故其與古之學者○遂至遠甚如是○執此以為說也○假令
方今朝廷一旦下令曰吾將取士以九德○取士以三物○吾不知
世之學者果皆得為聖人否耶○倘其為學之始○徒虛飾為九德虛
飾為三物○而其心亦曰我將以邀上也○將以此幸名而獲譽也○將
以利吾身而肥吾家也○則其失與今之學文者○亦何以異○况其甚
者○資緣成風○真贋莫辨○是選舉之弊○反不若糊名易書者之示其
公也○豈不惜哉○然則今之文也○其亦未足深譽也○明矣○雖然余之
不敢易視夫文○將以明道也○所以示人共明其理而自勉以成其
人也○如使讀文者○不以文為道○而其心果欲以要上也○果欲以幸
名而獲譽也○果欲以利其身而肥其家也○則是誠學之日清而時
之不古也○而國家又何賴乎有斯文○余深悲世之不以文為道而
反多其譽也○故因讀鄉會墨文而名之正學○
薛胡王陳四先生皆不重八股之習而胡為甚觀其言曰使科

目可以得人○則程朱狀元矣○吾鄉幸獲元先生○九惡習八股至
今及門士○耻言科舉○嗟乎○使八股果負人○何薛胡王陳四夫子
而由此途出者三也○耶神而明之存乎其人○請正學序○真是補
前儒所未發○范應西

河東池上記

崔靖

錢塘西湖之盛○古今傳為談美○即前賢如樂天東坡諸君子○亦寄
興於是○樂而忘倦○幾不知其老之將至○庚戌之夏○予先大夫督學
浙江○追隨台嚴○若溪間○親歷山陰道上○在湖州過釣臺○在嚴州富春山○而獨於西湖甚適之跡○未嘗一往○明年而
父沒○又不欲往○及今與朋友論及西湖逸事○莫不以予未與其樂
為憾○予獨以為不然○西湖之可樂○予未嘗不與碩人未知予之樂
爾○戊午春○予有事安邑○遠眺鹽池○其水泓然以深○凝然而靜○其光
煙霞萬狀○如玉色然○予乃心曠神怡○顧而樂之○因思天地間造物
續垂棘編二集卷十

五經堂選定

之奇○何地不有○世嘗說南北風景不相及○以今觀池水○西湖之盛
豈有異焉○假令斯池也不有天產○不以地禁其間○樓臺之聳○笙歌
之響○僊客騷人之韻○山川原隰○禽虫花草之勝○不知凡幾○當必有
如樂天東坡諸君子○載酒而遊○長嘯而賦○以怡情山水者○人之樂
此○豈必不西湖耶○然而予之所以深樂斯池者○又不在是○是池也○
無論奇麗之盛○僅如西湖○即使樓閣人物足為觀美者○且十倍焉
或百倍焉○予心亦甚不取何者○斯固衆人之悅目○而非君子之可
樂者也○君子之所為可樂者○樂天地以自然之利○與之物○聖人以
自然之利○公之民○爾是故斯蓋之利○以和五味○以去民疾○長人者

不欲自專其利○且調劑之足民裕國之道實寓于是○予之所以願而深樂者○蓋以此也○至於前之樂西湖也○亦然○湖水之流○借以溉民田者○無筭○杭郡屬邑○多於此○獲利焉○予嘗慨後之君子○樂斯湖者○每在笙歌花柳間○而水利反不得與是舍大○而取小○隱其美而揚其惡○未見其所樂之善也○然則古之君子○樂斯湖者○非與曰古之君子○先民之憂○而憂後民之樂○而樂蓋自有其樂實不在區區山水間○不然○遊其地者○人且比比以爲古今來盡如樂天東坡其人可哉

練意練格練句練字無一不臻絕頂○如讀聶坦之田家公子

續垂棘編二集卷十

行諸作○范鹿西

遊徐記

崔靖

史書稱項氏入關後○掠子女坑降卒○戮子嬰於咸陽○焚秦宮室○然後分封諸侯○自號霸王○繼而與高帝前後大小數十戰○未嘗挫志○雖事業未成○豈不憤憤乎其勇哉○雖水之戰○漢兵截滅水為不流○其後被圍垓下○士卒解散○獨能奮力一呼○辟易萬夫○迄今數千年○後過梁陳淮徐間○覽其形勝○詢及父老遺事○猶令人心志凜凜○思拜下風也○奈何一敗不救○遽至喪身○呼虞悲歌○雄傑短氣○豈非天哉○豈非天哉○嘗聞之○天無視聽○自民視聽○得乎丘民斯為天子○予讀史至約法三章及蕭何養賢致民數語○每至廢書慨息○知漢之

續垂棘編二集卷十

十

五經堂選定

所以王與其享國長久○由來舊矣○天欲興起人○聖家信非偶也○向令項氏去秦○湯火休養生息○要之以忠信○而措天下於衽席○雖無戰勝之勇○民之歸之○如水思下○楚雖欲不王○不可得矣○不此之圖○專事殘虐○使漢為業○淵已為鷙獮○及大命有歸○乃自言曰○是天亡我○非戰之罪○嗟嗟楚之亡○羽自以為天亡○吾子亦以為天亡○羽羽言之○天下信之○悲夫○當羽之在烏江也○父老相謂曰○江東雖小○亦足王也○羽不能忍而死○後世咸以此惜羽○是烏知羽者哉○羽之亡○不待於東歸之日○而已○基於入關之時○人心既解○即令羽能渡江○亦一獨夫耳○謂其足王○夫誰信之○世人又有言者○項氏以誠亡高

帝以詐得予竊謂其不知言高帝之詐詐而行仁者也項氏之誠誠於虐民者也不愛其民烏乎用其誠哉嗟乎詐而愛民天猶眷之兄愛以忠信者耶因作雒水吟曰驅馬徐州道遙望雒水濱嘗言楚項氏曾藏漢家人橫尸塞流水陰風動四隣挾殺為快意默黎不可親我來遲遲行呼僕去問津土人為予說記得楚君臣毒淚遍秦豫宇宙化灰塵前是垓下地當年自刎身我聞土人言悽愴欲露巾悲哉戰戰地獨留草色新還念漢高帝龍蛇屈求伸何由得如此養賢致萬民

與薛文清公西蜀草堂記同一作法然其筆力簡潔處極類龍

續垂棘編二集卷十

十一

五經堂選定

門較文清公九冬修詞之功范鹿西

馮少墟曰仁義原是天理假仁假義便是人欲貨色原是人欲公貨公色便是天理篇中詐而行仁誠於虐民諸語足稱有用道學又評

與吳石可問答記

崔靖

康熙十有七年春予違母膝下遠事南遊一月至維揚又半月至武林又一月始得北歸若溪當陸行跋涉風塵勞頓中名山大川歷者不知凡幾然予心未之見也登舟而後山水之勝足以騁觀悅目者若若競秀洎洎爭奇予心亦未之見也及抵武林假館天長寺天雨連綿遠名宦祠拜先大夫神主於額垣漏滴歸而杜門不出書先大夫文集兩旬始畢雖有西湖樓閣之美不暇過而問焉予將北歸謂公翁先生乃邀予湖上林丘滿目笙歌入懷遠眺近玩莫非名奇予心終未之見也傳曰心不在焉視而不見余之續垂棘編二集卷十

十一

五經堂選定

謂與歸至若溪寓於獅林與吳上人石可遇相坐通姓名外石可曰子非南丘先生子耶予應之曰然曰曾見先生祀堂耶予應之曰予在武林薄奠名宦之祠石可曰子之所云非吾所謂斯時也予愕然起進而請故焉石可曰錢塘門外非與予問之曰孰為之耶豈台士耶嚴士耶抑胡士與曰否杭士為之子訝之曰子言其真與與或曰病耶先大夫在浙僅一年耳先試台嚴次之湖次之簡拔孤寒拒絕請托五夜勞瘁手不停批食不下咽形不能復期無負幼學告無罪于天子嗚呼悲哉竟致捐軀杭城諸士實未及試祀堂之設胡為乎來哉石可曰嗟子豈知之坐吾為子

詳之先生之歸憶昔之日我去杭城出錢塘門外寓肇慶寺有山

記述體類要如此詳悉

一隅孤峯獨出我乃攝衣而上過一祠焉題其門曰文宗崔公之

祠我親見之非先生其誰耶入而徧觀有僧相揖我問是祠也伊

誰之力僧曰噫斯杭之士其有所思而為也南丘先生既沒而歸

杭之士塗哭巷祭恨相遇先生晚恨已之才能不見庸於一試怨

先生不先試已怨天奪先生之速而不使先生終其事思無所寄

乃為斯舉中惟先生杭士尸俎廊廡之侍以祀其祖若父春秋不

絕廟貌孔固愛設祀田寒士其利我聞斯言也過臨其域熱視焉

父留焉瞻碩堂中題其位曰文宗崔公神主我親見之非先生其

續垂棘編二集卷十 五經堂選定

誰耶子無疑速歸其視杭之舉湖匪遠伊通予起而謝曰見之矣

聞子之言我心傷悲情馳而往神飛其地勝念斯祠宛如在目心

已悉之矣必予之戾止記曰存著不忘於心如或見之于之謂與

臣之忠子之孝士風之厚和盤托出行一物而三善皆得者此

文之謂與范鹿西

翁渭公諱祖曰觀崔使君而知德之感人更深於政也聞之古

有功及於民者得祀之今先生奉檄武林較閱僅周三郡湘東

之管奉盡試也而人士之哀慕乞祠奔走恐後如此是則先生

之忠愛誠篤有不戒而平者乎附此以為督學者法又評

春秋春王正月解

崔靖

三代改易正朔時月之說前入解者已詳謂三代不改月時者九

峯蔡子之說也謂周人於周月夏月互用之者朱文公之說也謂

周僅改月不改時者則胡文定夏時冠周月之說也此三言者皆

昔賢有稽之言而吾俱不能無疑今試先就蔡子與朱文公之言

辨之蔡子之解書者曰商書記惟元祀十有二月乙丑元祀太甲

即位之元年十二月者商以建丑為正也謂夫三代雖正朔不同

皆以寅月起數當朝觀會同頒曆授時則以正朔行事至於紀月

之數固莫不以寅為首也如蔡子所言則商信改正不改月矣但

續垂棘編二集卷十 五經堂選定

元祀之下不以冬書又不知其改時否耶其曰三祀十有二月朔

亦未嘗見其不改時也其引秦史記始皇三十一年十二月更名

臘為嘉平解之曰臘建丑月也秦以亥正則臘宜為三月言十二

月者則寅月起數秦未嘗改也又引三十七年記十月癸丑出遊

十一月至雲夢七月而崩漢仍秦制其元年亦書冬十月由此觀

之商之改正不改月秦之不改月時固為明甚而特未可例之周

也周書記惟十有三年春蔡子曰春建寅之月也夫十三年為武

王即位之十三年是武王事紂者已十三年也紂未伐則殷制未

改果其未改則周之不改月時未可以此為斷也其言一月亦仍

殷制也不然是武王先變殷矣此周制之不可同於商秦者一也
蔡子又引詩曰四月維夏六月徂暑若周不改月時矣夫改月並
改時則四月之夏商與周亦異以辨而周之六月為夏之四月四
月而徂暑其言宜也此周制之不可同於商秦者二也秦史記年
先十月而後七月春秋皆先七月而後十月其間又有不侔者未
可一槩論也此又周制之不可同於商秦者三也周制不可同於
商秦蔡子乃欲混三代而一之予未敢信其盡合也朱文公之解
詩也於小雅六月之詩謂六月以夏正言建未之月也於十月之
交又曰十月亦以夏正建亥之月也而其於孟子七八月之間早
續垂棘編二集卷十

十三

五經堂選定

臨終尚改歲意意註可見著述之不易也
則復曰周之七八月夏之五六月也夫惟五六月之早其屬民為
特甚解之於義為當而詩之六月十月則又未見其必為夏之建
未與建亥也周人之互用夏正文公於何知之詩豳風七月之篇
曰七月流火九月授衣乃夏令也文公以為周公述后稷公劉之
化作此為王告戒則與時令不合無可疑也其曰一之日齋發二
之日栗烈解之曰一二云者一陽二陽之月也以為周之先王固
已用此紀候及周有天下遂以為一代正朔夫豳風述后稷公劉
時事周之因之信矣而六月十月四月之詩又皆以為夏正豈作
詩者皆壞法亂紀人耶戰國之時猶然遵昭代之典章而春秋以

前遽已變時王之制度是何說也周人之互用夏正文公於何知
之予竊於文公之解詩亦未敢深信也至於文定春王正月之下
解之以夏時冠周月以為孔子嘗言春秋天子之事矣以夏時冠
周月垂法後世之辭也不知所稱春秋天子之事者以周先王之
賞賞人以周先王之罰罰人也以先王之賞賞人以先王之罰罰
人而不以先王之法以一天下之人聖人之所為果如是乎且夫
子嘗曰行夏之時矣夫曰行夏之時是明以周之制未盡當也當
作春秋之時何不並改正朔哉如正朔不可改則時亦何可改孔
子筆削他人將以為天下萬世法而乃自蹈變革之罪處於不夏
新語諸先生俱道過

十四

五經堂選定

不用之問亦何以杜當時僭竊之萌服亂臣賊子之心哉聖人之
所為必不若是乃或者謂文定之說非無據而言也稽之周制
以中春苗以中夏種以中秋狩以中冬若謂改時則中春是夏之
十二月何以蒐也中秋為夏之六月物未備何以獮也是則夏之
政不可改也夏之政不可改而周之蒐苗獮狩之月一如夏之月
焉是周不改夏之時也春秋桓公八年書正月蒸文定解其為再
蒸見讀書非不時也其引古之言曰夏數得天百王所同其在商
周革命改正示不相沿至於巡狩烝享猶自夏焉今周官所載烝
以中冬而魯之正月即夏之中冬也以此証其非識不時而周之

時其不改乎夏之時因是可見文定之說豈無據而為之者哉雖然未足為定論也考春秋僖公二十八年冬記天王狩於河陽春秋之所為冬即夏之八九十月也若以中秋之義論之何不曰天王狩於河陽而乃曰天王狩於河陽耶狩而書冬則周之中冬非復夏之中冬亦可知矣至於四時之祭周官之制皆與蒐苗獮狩同時其說似為足據然予雜考經文季春之田見諸郊特牲衛六月之禘又見諸祭統而春秋記魯郊禘之非禮於正月書其不郊書改卜牛於四月書其卜郊夫正月之郊冬至郊天之禮也四月之卜郊將行夏之禘也四月而卜六月而禘其於滌牛三月之說

續垂棘編二集卷十

五

五經堂選定

與夫衛侯六月之禘實若相符而正月之烝未必非以示譏成周之制未必一依周官亦安見周之時不改夫夏之時哉文定之說予豈敢深信者乎由是以言三賢之說皆予之所未敢輕從者也夫三賢之說皆未易從然則將何人之是從乎亦曰從之於聖人耳周以建子為正夫子言正月則周之改月可知也言正月而係之於春則周之改時可知也言春而係之玉則時月為周之時月夫子從周而不敢改又可知也所以然者何也大凡一王之興聖人建極法天以體陰陽之造化立制以新愚賤之耳目不必強同也周之制所謂一改而無不改者也改其正矣因以改其月改其

原缺第十六葉

讀書法

崔靖

文不以理者不可讀李斯善文字其逐客書已雜而不純矣至勸行督責書悖謬又甚讀者多曰佳文愚不解其謂也人曰孔子不以人廢言吾讀其文也非有取於其人而讀之也夫何害曰所謂不以人廢言者言之合於理也督責之書合於理否耶曰其理非法則善矣吾讀者法耳曰六經四子者文之本也學者童而習之白首而不能求其似苟得是法雖稱天下才可也豈必學非理之法哉理失而言法以此求佳不亦遠乎且夫莊之淫詞雜記非無法也日於是而求之使人內多淫邪放言無耻而終不可以入聖

續垂棘編二集卷十

七

五經堂選定

賢之道可謂善乎予故表而出之以為讀書者法且以戒吾弟子既知不讀非聖之書矣而佞者猶曰讀之取其文可也取其法可也豈知文與法俱不可取也耶敬書一通於座右末作箴銘使張芭山見之定當作古文短篇序

范鹿西

原缺第十八、十九葉

衛翰公行略

石博

順治丙申夏五友人衛翰公失怙○執喪盡禮九月既葬○午夜飲泣○殆將戒性○余獨深念翰公為死孝○每以宗嗣之大為言○翰公心雖之而不能自解免也○丁酉春翰公疾日以甚○先君子雅重翰公○自翰公病○每以為憂○為之求醫問卜○命諸子曰○視之○未幾先君子即世○翰公感先君子知已○長號不已○病益深○必欲力疾造喪次○家人多方阻之○不能得○既至○伏泣逾時○靈涕謂余曰○若知吾所苦乎○繼自今○有所得○無以告○有所苦○無以告○即使讀書致五鼎○安能得吾親顧而笑之○坐而飲食之耶○雖然○若所遇則與吾異○且若裝以續爭棘編二集卷十

計

五經堂選定

吾無死者○以吾寡兄弟○子女故○吾今以若無死者○正以若多兄弟○子女故也○已復大恸○同卧苦由間達旦○始去○諱諱為不肖孤家門○計又甚悉也○最後出訣○語聲色黯悴○余且哭且慰○約綴榻敬齋中○或庶幾有廖也○不果而去○越數月○翰公已棄世○嗚呼○余兩人同學同志○不幸又同孤方○惝怳相對○時各以死為愈○各以無死相慰也○而翰公竟死○悲矣○且死而有知○翰公與其等人○別僅十五月耳○方父子聚首○重有天倫○樂何幸如之○余今不見先君子○且十有七月矣○淒淒忽忽○對主而悲○過墓而泣○不則惶惶焉○如有所畏○矯云不死○何翰公若哉○何翰公若哉○通讀守微處○勉事帖啞○自痛失怙

程嬰○曰○立孤難耳

即失師而更失吾友○又不忍吾友之湮沒已也○將為求傳操觚家○以不朽○翰公故事吾兩人交之始終○以見其生平焉○翰公名京○翰公其字為邑鉅族○以下世系借刪○絕不道翰公嘉言如何○善行如何○祇叙兩人相與而父子朋友之情○筆筆傳出○嘉言善行○其過于此○此為文之爭上派者○范鹿淅水盡而寒潭清○又評

續重棘編二集卷十

計

五經堂選定

續垂棘編三集自序

垂棘晉寶也○先聘君在明季○彙選吾晉文章二十卷行世○名曰晉國垂棘○邇來同鄉諸公○罔念余小子○不克紹聞衣德○有篤世好者○有邇流風者○佳篇源源而來○余小子恐墮世業○竊不自揆○有續垂棘初集二集問世○越二年○積得佳篇若干○又成三集一書○書成披讀而自嘆曰○諸公錦心繡口○不啻球琳琅玕○余老農也○惟知有布帛菽粟耳○衆寶錯落○繁兮若列星○非惟不敢取○且亦不能識○仍名續垂棘○不自欺乎○雖然一布也○有為綿為葛○為麻為苧之不同○一帛也○有賜于太守○頒于隱士○贈于聖賢之不同○菽為衆豆之總名○

續垂棘編三集自序

其體則不同○粟為嘉穀之子○實其用則不同○余于布帛則求其經之綸○之污之幹之者○于菽粟則求其或春或揄或簸或蹂者○此種布帛菽粟是大有造于日用者也○是大有功于饑寒者也○老眼迷離見此種布帛菽粟○如見球琳琅玕焉○愛此種布帛菽粟甚于愛球琳琅玕焉○仍名續垂棘○不亦宜乎○倘有魚目伏俟隻眼論定○康熙甲子夏六月

洪洞范鄆鼎謹識

受業閭閻句讀

續垂棘三集

總目

冊一	梁綱	五篇	譚田明	三篇	王復初	兩篇	馬光啓	一篇
冊二	李旭升	兩篇	呂元音	一篇	白循謙	六篇	畢振姬	一篇
冊三	戴光啓	一篇	戴廷栻	五篇	閻若璩	三篇	朱裴	兩篇
冊四	師謙	兩篇	千成龍	十四篇	武昌翁	一篇		
冊五	王臣直	四篇	陳廷敬	兩篇	韓文	一篇	李淮	一篇
冊六	李汝寬	三篇	李謹	一篇	徐弘先	一篇	劉時俊	一篇

續垂棘三集總目

五經堂藏板

冊一	吳夢熊	一篇	成德	十三篇	王恭先	七篇	張潤民	兩篇
冊二	韓文	八篇	崔道岸	一篇	崔起鳳	一篇	王復初	兩篇
冊三	曹續祖	四篇	朱裴	兩篇	孫子羽	十二篇	馮繼祖	一篇
冊四	高暄	一篇	郭新	四篇	吳雯	四篇	陳懿訓	一篇
冊五	曹干沐	十三篇	馮繼祖	三篇	徐昌時	一篇	徐弘先	八篇
冊六	曹續祖	四篇	賈佩徵	一篇	張京俊	三篇	戴廷栻	一篇
冊七	楊敬儒	三篇	田自立	一篇				

總目終

續垂棘編第三集目次

卷一

梁緝 見重訂垂棘

祠志序

聖制記

宗祠記

義塚記

慈闈遺囑

譚田明 字見甫 絳縣人 康熙丙辰拔貢

絳老問答

止園圖學亭記

隅蟻草序

王復初 見二集

古稀辨

夢義姑說

續垂棘編第三集目次

五經堂選定

馬光啓 字玉霽 順治壬辰進士 吏部郎中

粵遊記畧序

張烈婦傳

李旭升 字晴海 康熙壬戌進士

臨場藝自序

殉難徐君傳

呂元音 字仲麓 翼城文學

先考狀畧

白眉謙 見初集

武方塘詩序

近思要錄序

朱子要錄序

薛子要錄序

林下晚開跋

白氏宅祠記

卷二

畢振姬 見初集

孔子弟子傳後

戴光啓

字仲升 祁縣人 隆慶辛未進士 歷官寧夏兵備道

明分義疏

戴廷斌 見初集

孫督師傳

蔡忠襄傳

周將軍傳

衛趙畢三公傳

三奇人傳

閻若璩

字百詩 太原縣人 文學淮安籍

續垂棘編三集目次卷一之二

五經堂選定

自齊薜魯解

與傅青主

與陶紫司

朱 裴 見初集

六髦偕遊記

廣理學序

師 謙

字沐賢 聞喜布衣

宗族疏

建準提閣序

洪洞范部鼎彙選

受業

絳州閣

擢

聞喜楊廷相

參閱

垣曲石雲根

靈石房作所

梁氏二祠志序

梁綱

曲禮曰支子不祭祭必告于宗子余讀而竊嘆者父之曰嗟乎宗子也支子亦子也祭以享親支子與宗子一也何獨于支子而遺哉祭義曰春雨露既濡君子履之必有怵惕之心秋霜露既降君子履之必有悽愴之心夫雨露霜露者時也怵惕悽愴者情也宗子支子所履同即所感同而何獨有祭有不祭哉而又何以曰

續垂棘編三集一卷

五經堂彙選

祭而必宗子告也曰告宗子凡以重宗廟也厥意淵乎微矣竊疑宗子支子同處宗國告之固當藉令宗子他適則何所于告支子他適則無用于告是祭也固將廢而不舉乎由斯以譚祭必告于宗者分也感時而動而禮以義起者又支子所用以通其變于不窮者也孔子曰望墓為壇以為時祭禮祝曰孝子某使介子某執其常事皆是物也余不穀網支子也上承祖考壹稟于伯兄所云告宗子者不敢少廢如云雨露霜露而因時以自効又何敢以支子而自委矧我先慈廟祔方新乃葬而讀祭禮時也而又何宗子支子間哉因取二祠儀畧由布之如左聞經書之與義補註疏所未逮有功吾道不小西

梁氏塋制記

梁綱

梁氏塋制記者記先大父時齊君塋制也先大父歷官秦府右長史卒既二十餘年以先給事君貴推贈奉政大夫蓋五品之階云朝制五品塋地周圍五十步墳高一丈塋高四尺石碑圓首方跌各若干尺石羊馬望柱各二凡以昭寵數表幽光也即今塋制稍稱備獨羊馬望柱未具爾往余有懷以力學弗逮比通仕籍則又為官守奪去以故缺畧至今也通以陳情歸里屬在優暇且舊有俸餘可資顧值乃謀諸同姓鳩工伐石始獲如制更豎石恭刻誥命勅命制非螭首龜趺不可酌用之非僭云既竣後乃偕諸

續垂棘編三集一卷

二

五經堂彙選

同姓展拜墓下而仰嘆曰嗟乎此朝廷優禮臣工之盛典也所以為殺者榮也惟我先大父躬爵祿以顯之身而又思推于既歿生死始終信享有餘榮者要歸本于阜積而然凡我子孫仰承履露以獲有今日發科名廣田宅安居肉食而無復身世為累此安所從來哉蓋亦念先大父苦心誦讀艱難起家益思所以繼承而光大之讀者明理以效用勿污辱于苞苴畔者勦力以卒歲勿自陷于刑辟凡長幼尊卑之相臨各自盡其所當盡勿相凌犯暴戾以自流于罪惡之歸庶幾顯約無失身名俱存以無貽先大父羞豈非克賢克肖類耶不然者即非我先大父之子孫也諸為子孫者

所當共斥而不容與並者也。亦我先大父所不祐也。吁。可懼哉。為是記。石期與族人共勉之。且用以告來裔。

包公家訓云。子孫仕宦。有犯職濫者。不得放歸本家。亡歿之後。不得葬于大塋。不從吾志。非吾子孫。仰珙刻石于堂東壁。以詔後世。茲讀勿污辱于苞苴數言。直與孝肅並傳千古。龜西

按先生祖溥。弘治己酉進士。歷官秦府右長史。父格。嘉靖乙未進士。歷官南兵科給事中。所著警子文一篇。真為仕宦藥石。先聘君收入晉國垂棘中。兄紀己酉舉于鄉。養親不仕。先聘君推為文中文正文清後一人。弟維戊午舉于鄉。累世簪笏。似從警

續垂棘編三集一卷

三

五經堂彙選

子文瑩制記兩篇文字得來。又識

梁氏宗祠記

梁綱

聞之君子。將營宮室。必先立祖廟。若庶人。則祭于寢。制也。余家自上世受耕讀。重以醫師。以命於司里。至余不穀。綱十五世長矣。追惟世德。率由以之。間嘗秩祀於正寢之東。如昔賢所云。然止於四代。自四代而上。以及我始祖。顧獨未祠。蓋誠於力也。然貴本始。表積厚。君子與。以哉。用是疚心。日不自置。曰。此安可以貧為。解檢笥中。可百金。乃不穀賓興于鹿鳴者。即以佐費。更出他羨。合之得百五十金。卜址近丘第間。周若干弓。寔惟葵塏。度可聚族共祠事。乃鳩工除絮。已須材。關中泛黃河。東下。凡三越月。始達于汾。以板

續垂棘編三集一卷

四

五經堂彙選

余稷材。惟良。經始萬曆壬午三月甲辰二十四日。以明年清明吉。安主告成。厥制以始祖。韓梁公為不遷之主。而以四代配之。其它則本支相承。洎有宗功。經術宦蹟者。代附別龕。昭穆列焉。孔子所謂親盡廟毀。有功而不及宗。故有取于大嘗云。或謂先祖者。類之本也。類同則本鈞。局可以。而取舍于間。蓋五世祖免。于禮漸殺。矧支屬乎。而可槩及之乎。至有宗功。經術宦蹟。凡以大余梁氏宗者。不是列矣。又安得卒世不見哉。且也。禮大夫三廟。則三之外。不可復益。茲自四代而上之。則不啻三矣。得無云踰禮。然由四代而遡及始祖。即古三廟之遺。其他同堂而別為龕室。又禮以義起者。

故曰繼之以姓義無絕也抑亦云禮之于裕乎故後之子孫由本
支者而朝夕之將無曰此其著代若是其綿綿長遠也則思以繼
體由象賢者而朝夕之將無曰此其功德若是其駿發也則思以
亢宗辟之瓜苗有衍于則庇其蔭而食其實所冀以雨露滋培而
引長其計安可後乎是謂合莫禮適于始廟祀又云支子不祭祭
必告于宗子余不穀綱即小宗支子哉然從大夫後于禮宜廟至
歲時奉嘗則伯兄先焉此又告宗子意也余不穀綱惜乎哉未也
祠正堂三穗虛其前為廊左右為翼室各三穗二門一穗最前為
大門門左右各一厦令馴謹者居之共後除云

續垂棘編三集一卷

五

五經堂彙選

神明於家禮而出之可作仁人孝子法則
康熙丁巳余有作龜文辛酉先妣見背余有塋域記癸亥稷山
高陸石假我高粱全集披讀之餘竊幸余小子有偶合于先生
處敬錄若干未守典型又識

梁氏義塚記

梁綱

萬曆丙戌歲且侵明年又大疫余不佞綱為出粟分賑一隅已檢
橐裝可百金又出而槩賑之以莊生言直涸轍升斗水耳能濟乎
哉尋又大疫甚至闔門諸以饑而死者什之三以疫而死者什之
二殮無具塋無所又未可一二數也本之則惟貧故耳傷哉貧也
何是之劇也已又私念余非有奇贏惟是輸將徒以爾重困爾爾
有全嗟不爾全又不爾死所哉為卜封域惟曰平衍遂以俾之間
與遽條以裹以昇不旬日後先壘壘者皆是已因竊嘆生人之須
莫急于衣食尤莫急于死所生養得矣而死無所歸則所惡有甚

續垂棘編三集一卷

六

五經堂彙選

于死者死而無知曰戮尸如其有知則為厲為崇昔所稱實沈臺
貽固吾晉故實也又寧不是鑒哉矧茲髮膚厥受惟均而設以身
處何異溝中是可慨已故終骸埋胄王政所急青州叢塚千里誦
義諸在篇典者可攷而知而又何俟于今也我朝置有漏澤恩至
渥矣碩歲久盈止藁裡無從惟茲更卜庶死者獲有處所而生者
亦藉以無憾充類之盡亦義之似也因借擬曰義塚俾後之觀者
繼跡而為之困窮之人尚亦有利哉不然千金飾裘馬萬金被土
木而里中綴急一不之卹同胞之謂何昔孔子周急先之曰隣里
鄉黨遇舊館人喪即脫驂以賻之豈不以生死之際人世至計而

一念惻隱固不以遠近戚疎間也故曰生死亦大矣余以是日有
殷懃而尤望于後之人蓋以同然者是期云塚在邑東郭外演武
場北廣袤可十畝又明年戊子余為之記

萬物一體吉凶同患初讀之為我心惻再三讀之潛焉出涕推
衣推食欲立欲達之念私衷耿耿而不能已已 苑西

余僭立義塚三所既數年于茲仍于戶口繁多往來聚會處續
園增立以盡區區讀此又喜與先生有弋獲云 又識

慈闈遺囑

梁綱

始母太宜人居疾牀第間乃不肖輩日夜在侍侍而悉囑之已握
不肖綱手曰兒年齒長矣而子若是獨奈何兒也且我在一日兒
依我一日無難違者脫有他兒竟何依兒曩以隆慶庚午携衛孫
觀來自汶上以我一念痛兒兒即解官我依當是時我固知官榮
誠不忍兒孤身千里程也我母子依依以迄于今有年矣我即老
無憾獨奈何兒也惟時不肖更因不能應一語獨以其囑心藏之
無何棄養不肖號踊用無營省乃其故聞則禁不敢往既墓踰月
家人以杯捲填委不即理恐類窳數如口澤何因強之往至則無

續垂棘編三集一卷

八

五經堂彙選

他聽觀獨巾櫛儼然如生時乃不肖一痛即仆既蘇則木生左足
若不仁狀此醫家所謂五志之感過極而卒中者也因而追惟遺
囑夙夜以之而此身營營頓失所依果如囑言則母之先慮也嗟
嗟不肖尚異生存為哉坐是病悻又以長潛夷其左明悲鬱橫集
遂失常度而病目嬰諸訊者至不能悉語即語又痛不能既為委
具之且以求所思云

先生自言耶抑為余不孝言之耶先妣見背越二年矣每望故
闈不能仰視私心以為孺子之泣哀痛無節不可繼也讀先生
此文始知真性難掩賢愚同然類如此 苑西

絳老問答

譚田明

絳老者絳縣老人也。按左傳魯襄公三十年三月癸未長曆以為二十三日晉悼夫人食輿人之城杞者。絳縣人或年長矣。無子而往與於食。有與疑年使之年曰。臣小人也。不知紀年。臣生之歲正月甲子朔。四百有四十五甲子矣。其季於今三之一也。吏走問諸朝師曠曰。魯叔仲惠伯會卻成子于承筐之歲也。是歲也。伐魯叔孫莊叔。于是乎敗。于鹹獲長。僑如及虺也。豹也。而皆以名其子。七十三年矣。史趙曰。亥有二首六身。下二如身。是其日數也。士文伯曰。然則二萬六千六百有六旬也。客有讀傳而疑者。過余曰。一生年續垂棘編三集一卷

九 五經堂彙選

也。何以在老人。則以為四百有四十五甲子。其季于今三之一。在師曠則以為七十三年。在史趙則以為亥有二首六身。下二如身。是其日數。在士文伯則以為二萬六千六百有六旬。此四說者。或可解。或不可解。子絳縣人也。宜知絳縣事。其為我詳言之。可乎。余曰。傳稱老人以或。則是老人未嘗留姓名也。後雖使助政為絳縣師。其執事已不可考。又安從而知之。雖然。嘗聞諸父老。徵之史策。老人之生。當在晉靈公五年正月甲子朔。據春秋為魯文公十一年夏。叔仲彭生會晉卻缺于承筐。冬十月甲午。叔孫得臣敗于鹹。與師曠之言正合。其間履歷起自晉靈公五年。盡十四年所歷

十年。成七年。景十九年。厲八年。悼十五年。平十五年。止。共計七十四年。以春秋考之。起自魯文公十一年。盡十八年。所歷八年。宣十八年。成十八年。襄三十年。止。共計七十四年。再以文公十一年正月甲子朔。至參之春秋。載冬十月甲午。則月分內甲子至甲午之次第。屈指焉。而又合。獨是七十四年者。而曠止云七十三。年想是除去當年而言。蓋以當年自正月。至三月癸未。未滿一歲耳。且志載本傳。寓置閏法。坐致非難。此師曠之說可知也。老人自云。四百有四十五甲子者。是老人未嘗紀年。但紀甲子耳。今以一甲子六十日推之。則當有二萬六千七百日。又云。其季于今三之一者。此即一甲子六十日而三分之也。一分二十日。則二分當四十日。自三月癸未而逆數之。壬午辛巳。以通及夫甲子。得二十日。是歷一甲子三分之一。千前二萬六千七百日之中。除去一甲子三之二。分四十日。餘二萬六千六百六十日。是謂二萬六千六百有六旬也。老人所謂四百四十五甲子者。總一甲之成數而言。若稽其實。止四百四十四甲子。零二十日而已。此老人與士文伯之說可知也。至史趙所謂亥有二首六身。下二如身者。此則未易臆測矣。蓋二首六身。俱指亥字而言。二首者。亥字之上二橫。畫為二首也。六身者。亥字之下三豎。畫為六身也。何言乎為六身。算法家

如太玄洪範每以豎一當五數橫一當一數若上者是五與一合
 為六數之象而亥下豎橫之畫若多者造有此三箇六數之象以
 為六身其下二如身之說是則舉其上之二橫下而豎之于左如
 川者為下二也又舉亥下三豎三橫之六六象作三行竝列如
 此者為身也言如身者言下二之首如平六之身也由是從左向
 右數之若性者是謂二萬六千六百有六旬與史趙之日數恰符
 此史趙之說又可知也嗟乎老人以前未聞紀甲子者老人以後
 亦未聞紀甲子者乃天以甲子生老人老人以甲子終其天年亦
 奇矣哉彼史趙者得無亦奇其甲子之紀而因以亥字紀其日數
 續垂棘編三集一卷 五經堂彙選

算法字畫兩相脗合宛然天造地設不尤奇乎竊謂甲者天干之
 始亥者地支之終合天地之始終以論老人其姓名軼事雖不可
 知而獨闢此今古未聞之奇以迥異於泥塗之中宜乎其照耀史
 乘聲施後世令後之人鄉祀未艾也向使老人不過晉悼得無退
 民民矣乎抑使老人為絳縣師而大展於時其表見不益赫赫乎
 然而老人固未嘗求名也未嘗求名而名傳易曰善不積不足以
 成名意老人者其善之所積有不容掩者與然而老人未嘗求名
 更未嘗留名也容解順而退

原傳叙明層層清出似何椒丘讀史臆見又似徐筆洞掘理辯

言老人得見甫可與天地同老○近日士大夫留心實學者誤
 用致良知一言輒曰學不在博不然取一部山堂肆考置之案
 頭足矣沒字碑無源水對此能不赧赧○鹿西

止園圖學亭記

譚田明

伏案處見來學淵源

先夫子宰維南歸依宅南之岡高者肇墊下者築圃高圃而下墊者綠塲西北地狹且陂作所統以園門命不肖名之不肖擬以止先夫子曰吾望爾曹學求日進何乃云止明拜曰止者士窮之義其學在易之艮大學之至善大人嘗云欲得止先求止必至於是而不遷朱注自妙竊意大人屢微不起宜有合於艮之時止小子佩服庭訓敢不勵不止以求止之功與先夫子曰善子必勉之會友人趙君子衡為余書額遂名止園園之門陽曰聖功帝力陰曰富有日新直門者壁面壁列指之右為僕廐之所左為禾稼之塲續垂棘編三集一卷

中為花木之圃入圃小徑深曲行栢林中圃盡而墊墊高九尺南北綴以花牆拾級詣門外額止隅登也內顏止水臨也圃無水而云止者若渴於梅望也對門結小樓曰仰止馮樓覽山川雲物苑都禹甸宛然在目有草堂曰敬止菲齋曰文止四時供先師讀書課子弟於其中南設門曰觀止門外層巒屏列深澗帶濠余聯云開門嘗見山園坐到岸方知水護園由此迤邐敬止堂背東西廣不及常南北輪廿倍之地可學射曰止戈坪西與塲接園之大概皆取止為義也而尤有取夫不止者澗水東南來經墊之南崖下轉而西循圃外復折而北繞圃盡紆迴不舍然後西北以去一似

士

五經堂彙選

續垂棘編三集一卷

十四

五經堂彙選

過客之顧盼逆旅而意欲停驂者圃土磽确高於澗曾不沾升斗之潤又似地主之閉戶謝客弗下榻而拒其憩息者地自未為圃之先迄既為圃之後水之不至止也久矣水之不止豈水之過歟余願以力止之先發三大願一願法神禹之鑿龍門二願如五丁之開蜀道三願師愚公之移南山初審地勢在尊水而下圃虛中以實外實外者匝圃周遭固其堰垣以防潰岸虛中者虛圃之中為臺臺上翠栢亭亭羅列左右夾道升墊於焉度其中與外之際盡鑿磽确沙土而輦於西北之狹陂兩閱月圃之高者下水之卑者尊如是而水可以止矣余願弗止也次開澗道耦伐之出水輒入焉余笑曰此一手足之烈也奚煩五丁為如是而水可以止矣余願弗止也又察土形尚有磽确沙石之未盡者因其下而更下之移諸郊遂不毛之鄉既磽确沙石盡鑿深三四尺空中一聲雷動溪頭半夜潮來臺在水之中央人踞臺之上游恍然身到瀛洲步月狂歌一片玻璃境界浸假而截澗橫堤定見挂瀑岩頭噴珠蹴玉飛灑一束碎雨離時水灌圃而潤以化其燥圃涵水而癯者變為肥宛若士別三日刮目相待非復吳下阿蒙者爾乃開小渠鑿小池綠渠構橋環池插柳四畔治菜畦前後雜植茂樹嘉卉每水至無奮沫亦無怒聲若山中休糧道士寡靜無言令人對之塵

續五經編三集一卷

薛河津之獨木橋耶○湛增城之竹竿戲耶○處處是園○處處是學○處處是物○處處是道○繁兮若列星奪人目○精兮我不能辨○不欲辨○不必辨也○
鹿西

偶蟻草自序

譚田明

道原於天○天○圓○象○也○圓○之○所○化○天○垂○日○月○雨○露○地○長○草○木○果○花○人○
生○耳○目○頭○顙○物○產○禾○珠○蟠○卵○凡○切○之○形○惟○圓○居○多○推○之○乾○坤○統○會○
於○一○元○聖○人○位○參○天○地○理○有○然○已○乃○夫○子○開○口○論○學○上○習○四○時○
下○來○四○方○教○人○每○舉○一○而○反○三○自○志○必○從○心○不○踰○矩○他○如○分○四○德○
定○八○卦○明○五○倫○同○九○井○若○有○極○乎○圓○而○基○於○方○者○何○哉○竊○意○方○者○
徑○一○圓○四○以○為○圓○則○度○贏○圓○者○徑○一○圓○三○以○為○方○則○度○縮○緣○象○以○
悟○理○而○氣○數○貫○於○其○中○其○下○學○上○達○登○高○自○卑○之○道○與○余○讀○書○先○
人○之○止○隅○末○由○奉○教○大○方○而○筆○墨○之○緣○時○來○几○臆○伸○濡○應○酬○隨○手○
散○去○癸○亥○春○洪○洞○范○徵○君○先○生○見○索○余○呈○絳○荅○園○記○就○正○先○生○不○
以○為○鄙○刻○入○垂○棘○晉○詩○諸○選○因○念○幸○經○慧○眼○品○題○詎○可○甘○自○暴○棄○
搜○之○筭○猶○有○存○者○錄○為○四○卷○用○資○承○教○復○揣○樛○櫟○之○質○素○未○從○繩○
就○方○敢○望○規○方○成○圓○然○有○說○焉○圓○之○大○小○不○一○而○皆○謂○之○圓○亦○猶○
夫○丸○之○精○粗○不○一○而○皆○謂○之○丸○也○若○蜣○蜋○之○糞○函○谷○之○泥○濂○溪○之○
太○極○同○乎○異○乎○而○皆○謂○之○丸○者○何○也○圓○也○圓○則○大○而○天○小○而○管○皆○
圓○也○同○乎○異○乎○余○既○不○能○以○管○窺○天○又○不○能○以○隅○通○方○茲○草○其○蜣○
蜋○之○丸○也○夫○

推陳出新得之理學文章尤難

古稀辨

王復初

今日之賀七旬者○愈曰古稀○蓋以上壽百歲○中壽八十○下壽六十○前此而殤夭者○比比○壯歲者○比比○中年者○比比○至於年逾花甲○又歷十春○亦云稀矣○余以為稀在德○而不在年○今夫人之異於禽獸者○幾希耳○庶民去之○君子存之○去者多而存者寡○則存之者為稀也○故舜禹湯文○是君德之稀者也○稷契伊周○是臣德之稀者也○孔子集千聖之大○成為生民之未有○是師德之稀者也○孟子揭性善之宗○開先聖之道○是亞聖之稀者也○三代而後○蓋難言矣○蓋子有儒者氣象○非漢儒之稀者乎○文中擬先聖之經傳○非階儒之稀者乎○

續垂棘編三集一

卷一

王復初

乎嗣後而醇疵參半○聖學纂纂○爰及有宋○周程張朱○紹述聖統○繼述開來○遂使孔孟之道○炳若日星○是又大儒之最稀而有功於萬世者也○至於前明理學蔚起○薛胡王陳○羽翼聖經○配享孔廟○是非一代之稀者耶○凡此者○帝王師相○碩賢名儒○皆以其德之可貴耳○而何嘗計及年華哉○然此猶以道統論也○推而廣之○立功立言○皆可不朽○如姚宋韓范之經猷○此亦不可多得也○左屈班馬之著作○韓柳歐蘇之文章○亦皆不朽千古也○且如解梁夫子○浩氣千秋○湯陰武穆忠貫日月○此又縱橫古今而得天地之正氣者也○夫稀者罕也○以其年高而人足稱也○然百年之形體有限○而千秋之精神

無疆夫人而能立德也○則虞舜百有十歲○是云壽矣○而顏氏之子三十有二○未及天也○衛武之耄年切琢○是云壽矣○而龍逢比干○殺身成仁○未云亡也○今日者○捫心自問○果能于臣弟友而克全于義倫乎○果能仁義敬恕而無怨於邦家乎○果能立德立言而堪垂不朽乎○果能紹明聖統○詔示來學○而有裨于奕世乎○果能體認天理躬行實踐○以有限之居諸堅末路之學問○而期不媿于生平乎○否則食息猶人○衣冠猶人○而德之不修○學之不講○則隨流揚波○碌碌與草木同朽也○總之耄耄期頤○不亦深可嘆惜也哉○稀在德而不在年是之不可不辨

續垂棘編三集一

王復初

在德不在年○真千古不朽之論○且將千聖心學揭之筆端○使後學知所適從○其有功於聖門者匪淺○孫遵仰原評○史惺堂答賀書○既載余廣理學備考表二懷○却書說○既載余續垂棘初編○得此鼎立為三○范應西

夢泣魯義姑說

王復初

魯義姑者○未詳其姓名○大約春秋時人也○余從范彪西先生所刊○
垂棘編得讀魯義姑傳○當齊師伐魯○人咸逃匿○姑抱一子○携一子○
以走○迨至危急○而棄其所抱○抱其所携○軍士詢厥故○而知所棄者○
親子也○所抱者猶子也○造次顛沛○能全大義○軍士異之○聞于齊侯○
遂退師而獲保全○封疆矣○余向與家人言之○以為巾幗女流○猶知○
輕重之大節○鬚眉丈夫○反乖同胞之真性○然同胞乖違○多由婦口○
之間隔○其有甥于義姑良多也○甲子中秋夜○夢與諸友講學言及○
義姑一友○感泣予亦感泣○及驚覺而淚濕兩肩矣○因思好義之性○

續垂棘編三集一卷

又七

五經堂彙選

夢中不昧○不假安排○不煩思索○是良知也○然清夜之天○良猶在而○
白晝之牯亡○實深使念念如是○事事如是○則仁義禮知同源而出○
忠孝廉節油然而生○是即致知之學而進修之○大關鍵也○引而伸○
之觸類而長之○作聖之功○其在斯與○其在斯與○嗚呼○義姑我師也○
百世後猶令人感奮流連也哉○

因義姑一事○發出許大議論○可見學至貫通後○橫說豎說○皆成○
至理○孫連仲原評○

隨在取益○觸處體認○寤寐思服○精神流通○善讀書者○當自知之○
西彪

粵遊紀畧小叙

馬光啓

歲辛丑○皇上踐祚之元年○天下大一統○余以賁捧之役○來遊西○
粵○因以有紀○何紀乎○爾紀民俗之憂樂○與夫紀吏治之得失○此觀○
風使者之任○余非其人○胡敢僭擬○輯歌編詩○以歸報○天子若然○
又何紀也○曰○男子志四方○株守一隅○凡職方氏所隸輿圖○所載不○
能足履而目觀焉○將所稱登高作賦○可為大夫○豈異人事乎○此一○
行也○由冀而豫○而楚○以抵百粵○往返萬四千餘里○遊不一日○不○
一地○凡足之所履○目之所觀○其間山川奇勝○林鳥佳麗○雖難以編○
覽○求志亦庶幾有以得其大槩○故為之紀也○然紀止此乎○余之意○

續垂棘編三集一卷

十八

五經堂彙選

不獨為此○古詩四牡之什○憂勤王事○終之以是用○作歌將母來○
小人○有母不遑將養○計今五載○畢役之日○倘得假道○旋里○隨長昆○
率諸子斑舞膝下○即一日承歡○可少盡為子之心○我皇上以孝○
治天下○或亦在所不禁也○
至性真情○透出紙背○攬其光燄○真有竹千尺○玉萬丈之勢○促狹○
窘俗手○何處問道○彪西

張烈婦傳

馬光啓

封氏、崑山人年少、儀容婉媚、德性貞淑、吏部考功司主事張允中繼室也。允中以疾終於京師，氏誓以死殉，傷悼痛哭，勺水不入。口者數日，其家人環跪勸慰，多方解譬，曰：「東峯既歿，貧無以歛，內子必欲伸其志於命，則正矣。旅櫬未歸，墮於原野，非所以妥幽靈、是守小信而失大義也。」氏默然，典醫服藥，易一棺，遂扶掖以行。凡關津城邑，聞見者莫不流涕酸鼻。越二旬，抵里門，經營葬事既畢，乃自經於其柩側，嗚呼！此豈不真烈婦人哉！之死矢靡慝，或以為初出於一時之憤激耳。迨解警大義，始毀粥飲水，延緩月餘，若姑

續垂棘編三集一卷

又十八

五經堂彙選

為隱忍，即不死，終三年喪，較之共姜誓守，與諒柏舟，其貞信昭昭。夫豈少讓胡為自經，必決以從夫遊於地下也。語云：慷慨赴死易，從容就義難。若封氏者，慷慨從容兩得之矣。此豈不真烈婦人哉！予故表而述之，俾後之作史者，就事直書，庶其有據乎。特為傳。禮部為旌表節烈事，據晉撫達疏稱：原任吏部考功司主事張允中，于十三年三月初八日在京病故，繼室封氏誓以死殉。左右勸解，扶柩歸里，于四月十二日將夫柩安置完備，遂縊死。原大文彌質。虎西此絳縣譚見甫抄本也。云得之芸窓紀略，惜余未見全書。又評

臨場藝自序

李旭升

升之得微倖成名也，敢一日忘所自哉。升十齡喪母，越五年而祖母復逝，老父憐升幼，命長子元生教育之。父教既嚴，兄更督責，不特戶外之事有所不聞，即飲食起居亦忘其寒暑饑飽。憶升一日偶恙卧牀上，兄以情故責之曰：「祖宗未竟之緒，賴汝光大之。兩孺人未報之恩，賴汝顯揚之。汝不力學，汝負我我負父命矣。」兄之厚望升也如此。兄質直好學，素以科名自期，二十即食廩，不忍祖父之艱辛，一旦棄舉子業，訓升曰：「子美才他日必高大吾門，我獨代理家務，毋分汝讀書心也。」汝其懋哉！升拜而受教，年二十四章句

續垂棘編三集一卷

九

五經堂彙選

稍成乙卯，誤中副車，兄泣訓之曰：「得而復失，汝德業未修，學問未廣，內省其有疚乎？汝不力學，何以慰祖父之心？使兩孺人遺恨九原，汝負我我負父命矣。」汝其懋哉！升泣而受教，從此愧勵不敢少怠。丁巳以特科中河南鄉試，登堂拜祖，祖視升笑曰：「又增我十年壽矣。」兄喜不形於色，但訓之曰：「祖父望汝不止此，慎毋以一榜自滿也。」已未下第，兄又泣訓之曰：「場中被黜，汝德業未純，學問未進，內省尚有疚乎？汝不力學，祖父之心不釋，使兩孺人懸望於九原，汝負我我負父命矣。」汝其懋哉！升泣而受教，益自愧勵，簡練揣摩，三年晝夜不懈。壬戌始博一第，此固祖宗積行累仁之所致，亦兄

元生慙勤提誨之功居多焉○今坊人堅請近藝問世而升不敢自
匿者○總以見兄教澤之深且遠也○嗟乎升之微倖成名也○豈能一
日○忘所自哉○

洗盡脂粉○清空一氣○不敢逸樂○怠慢○惟是力行孝弟○可作文
昌戒士子兩篇讀○彪西

張爾成先生云○往歲魏環溪先生喬梓○偕其州李恒岳先生○飲
余齋○因言恒岳子孫繩繩○乃孫東生少年奇才○環翁決其必中○
余聞恒岳先生好善樂施○土人慕德不衰○今乃子天龍主戶部
政聲聞籍甚○乃孫魁南宮後下帷好學如寒士○益信張先生之

高士來編三集一卷

五經堂彙選

言為不誣云○憶余輯理學備考時○因缺朱勉齋先生行傳○小注
遍訪賴李貞生○逕惠勉齋碑記一篇○貞生東生之弟也○見玉樂
道人善類如此○附此以識景仰○又評

殉難徐君傳韓數字

李旭升

徐詰字聯吉○大同府廣昌人也○父諱則大○字爾發○舉明經生○君幼
而穎異○絕倫○課章句○輒能誦悟○爾發公深愛器之○年十三采芹○即
食饒邑庠○甫二十額倭舉歲進士○試於廷○授衛州幕○後爾發公偕
舅氏王公諱廷者之安吉任○止於泚○君聞訃○慟幾絕○母夫人諭之
曰○爾父硯穿編絕○終不獲一宰民社○以展生平○子務克振前猷○繼
爾父未盡之業○則雖死猶生○第與觀遠越天南○何不早事執紼○紼
北先塋○君叩悲謝曰○唯唯○蓋君家素乏○無以理裝○母夫人典環珞
俾之○君匍匐奔喪○號於中路○至浙撫父棺泣曰○孤不孝生弗獲侍

續垂棘編三集一卷

李

養承歡○歿弗獲含○飯視飲○罪百身莫贖矣○踴踊朝夕○設位奠之○及
引柩○戒途○披霜沐雨○每靈輜所次○即苦處道旁○歷四千餘程○未嘗
一就旅宿○抵里舍○於郊○母夫人哀毀逾節○君患其年高○或過傷抑
每潛自投淚○善撫慰之○喪葬竣○君讀禮守廬○形銷骨立○而揣摩簡
練益加○冕焉服闋○越圍戰屢北○母夫人曰○以子學裕才優○行必售
其如予影薄西嶼○不克見爾○捧檄何古人之仕○亦有時乎為貧養
者○君俯謝曰○謹受誨○遂膏車北上○復因州幕之職○缺少人綱○投戕
銓曹○請受降推○改授金華郡蘭路佐尹○君怡然奉命曰○職雖藐○猶
得供祿養於親○以將母也○於是飾油幢○勸駕偕母氏以往○既下車

贊勸調御起敝廉頑裁冗清徑苞苴不入服官二稔當事者嘉其
能屬代庖者武義甫視篆吳華震驚君招集鄉勇嚴戰守具寢食
不遑矢圖退賊計不審騎尉張奇章通逆內應賊因揮幟而入君
亟返署彼健甲如雲已喧呼收印綬矣君以從君瞠目怒罵曰
爾輩逆天罪不容死今暫假王師至在旦夕間必磔爾屍醢爾肉
爾得無自悔乎且予頭可斷身不可辱誓當為厲以食爾心賊知
其壯烈不敢犯幽於學宮仍遣人誘以厚祿君曰賊欲餌我乎吾
死已決乃淹淹以待者不及覲我慈闈以言永訣耳勺飲不入口
十有七日覲賊勢未殄起坐室中盥手焚香整衣冠北面再拜曰

續垂棘編三集一卷

重

臣力莫支愧不能繫逆藩之頸於闕下致疆圉失守臣死何辭焉
遂縊而死賊退和碩親藩遣官奠殮事平提督臣李具事以聞
上憫孤忠諭祭葬其文畧曰烈士成仁齋忠而歿忠臣報國捐軀
以從值逆賊之煽亂勵臣節以彌堅臨難不屈其心殞命朕甚悼
焉復循卹典照知縣殉難例贈奉政大夫浙江按察司僉事給與
誥命仍廕一子入監讀書子恭承恩入監尋歿壬戌冬靈歸窆安
而母夫人堅君之配宜人猶筑筑相守時給廩粟昭忠節也
生氣凜凜遺出紙背○兩年前武祇通先生手授此文方擬入
選會淫雨溢患原稿浸漶幸未春日復得原稿如逢故友姑收
於此俟三晉卿賢
集或並傳彪西

先考狀畧

呂元音

不孝讀吾師狀幸文敬先生曰以行實列為狀案而不斷以聽君
子論定焉耳又讀吾師記乃考此曰今之作行狀者名為行狀實
則獎語似頌似贊自表自揚於戲慟哉音不孝不能顯揚萬一固
不敢諛父以文敢沒父之實乎吾父有行可狀也音得而狀之吾
父有畧可記也音得而記之父生於萬曆十年十二月初七日卯
時生而聰明幼即仁讓祖母嘗教音曰汝與隣兒戲每見破口汝
父兒時不與人相罵曰我罵他他罵我是自罵也人皆奇之慟哉
吾父嘗曰子全在教命音朝夕隨起居不使近匪兒音能言即教

續垂棘編三集一卷

重

曰宮宮宮舌居中商商商口開張曰五音之出皆人性自然之韻
毫非勉強音十二三歲將讀時執父命讀先輩名文如于忠肅諱
謙其心休休焉前節陳白沙諱獻章吾之於人也全章商文毅諱
輅管仲之器全章岳文肅諱正惟仁者能好人全章王文恪諱鏊
有朋自遠方來百姓足君孰與不足身不失天下之顯名薛文清
諱瑄大學之道一節章楓山諱懋從我於陳蔡一節蔡虛齋諱清
吾十有五全章王文成諱守仁所謂大臣者一節鄒文莊諱守益
知之者全節茅鹿門諱坤師冕見至某在斯諸篇教之曰兒讀此
等文自然心術正學問純即長而入學中舉做官亦自不差如此

教子豈俗吏之所能乎後為吾祖寃債所困不得已屈志府書自
題其居曰上黨草芥覆紫參可憐無人掛眼崑山破硤混白壁堪
笑多士傾心又題曰帝餓號寒差染指人皆掩口笑拙豐衣足食
其喪心吾且點首哀愚如此存心豈俗吏之所能乎生平愛讀四
書背誦朱註不差一字曰大學一書不露一行字藏行於致知微
哉論語太和元氣包涵六經孟子界限分明體裁嚴肅讀讀書錄
有所悟即解讀邵子觀物內外篇多所發明至二程全書陽明文
粹三蘇評林朝夕披玩逐處洞然如此讀書豈俗吏之所能乎好
味詩不拘平仄嘗口占曰先君不曾作惡行遺我盡爾百無能為

續垂棘編三集一卷

三

五經堂藏

貧強顏就刀筆居卑量力覓斗升一生成敗無意必半世寵辱多
凌兢草芥垂成心未喪浪笑嗜汁忘溺蠅如此吟味豈俗吏之所
能乎所輯書一曰修身理命考一曰諸書序文一曰彩筆遺芳所
著書一曰詩韻直音一曰蒙師便覽如此述古如此立言豈俗吏
之所能乎於戲慟哉先陰倏忽不孝年一十九歲歲在崇禎六年
癸酉冬吾父病乃曰父債既完情志已遂殉母而去所其心焉且
遺治命曰吾生平言行惟爾藉福祖悉焉求筆直叙焉可矣汝百
日內速結大事不可久停服二年外急赴絳州從學辛夫子先明
道理方可應考倘或進學須早完國課不得包攬錢糧不得出入

衙門與人作証汝牢記在心吾亦可以瞑目矣言畢沐浴正官服
而逝如此未諗豈俗吏之所能乎慟哉吾父享壽五十二歲不孝
遵命速結大事父不及見矣不孝遵命受學于辛夫子父不及見
矣為童子試受知于耿老師入庠後受知于道台朱宗師父不及
見矣音固不敢諛父以文敢沒父之實乎敬狀其畧以俟仁人君
子採擇云

乙亥新正元日拜辭主徒步趨絳謁辛夫子夫子時以貢上京
款余三日授余養心錄書曰子歸而求之有餘師見余父墓誌
及諸書序文曰孝子人傑親題其字授不孝不孝拜別而歸自

續垂棘編三集一卷

三

五經堂藏

是始移心八股然文先投胎最難浣洗每讀時藝全不相入仍
取先君所教朝夕讀之音年二十三歲時當府試題係然非與
曰非也音作文一遵先輩果見如於丁丑進士山東館陶耿老
師諱章先批予文曰力追先輩蒼峭高貴此作便可列於名家
之林茶味雪香豈俗人所能識壬午春音入縣庠一名見賞於
道尊朱太宗師諱之馮乙丑進士直隸宛平人批余文曰筆氣
清異自非常品不但進學可以遠到勉之勉之時音年二十七
歲矣今入學四十二年兢兢守拙公門中不敢妄投一字國課
竭力早完雖屢考前列三赴科場僅僅補增委以學業荒疎不

克榮光三代。傾情之罪莫可定。附記以志悔恨。元音自記

孝思溢于言表。更喜無浮詞冗句。○董蘿石以能詩訓後進。從遊遍江湖。年六十有八。居然先輩矣。一旦受業于陽明。陽明再三辭。終成弟子禮。余讀陽明全書至此。每嘆蘿石真古君子。今人不及也。學問惟求變化氣質。氣質之難變。莫如客氣。而不能屈下。誠有如陽明所云者。余以章句小技。倡教霍山之下。不開講堂。不事著作。不主一家言。惟彙刻古今嘉言善行。逢人勸化。到處給散。豈意四方同人。不棄荊菲。如河津陳九錫。諱大設教文清祠內。補綴遺書。修葺廟宇。往返六百里。而選執文清全集。

續子東編三集一

十日

五經堂彙選

為贊來謁。翼城呂仲麓。諱元恪遵度訓謹字學規。年六十有八。手不釋卷。燈下猶能作蚊蚋。楷書開館授徒。成就甚眾。二人皆長余十歲。前後皆來執弟子禮。余終不能辭。夫陽明且曰。蘿石客氣消而天理行。吾之師也。余不及陽明之萬一。豈可作師。附識于此。一以見二人差堪伯仲。蘿石一以見余頗知愧。彷彿守漢之干焉。翰云。彪西

武方塘詩序

白角謙

詩言志也。其為教溫厚和平。盡之。然世之工者。其言多怨而善悲。甚者為慢為侮。負其有餘之材。而不免于失中之病。夫豈性情或乖。抑學有未至也。方塘武君。令求和村。大而邑小。以其暇日。作為詩盈帙。走使千里。求序于予。予聞求和處河山之阻。僻陋險偏。人民少而土地荒。武君憂舍簞食。務拯民疾苦。不以為勞。而區區來歌其志。若此者。豈伊多言。蓋亦不忘學耳。夫古之君子。其仕也。志在行道。不徒利其身而已。以故時地之險夷。功名之難易。皆不以動其心。而或其處險且難也。又資之以為學。故無入而不自得焉。

續垂棘編三集一卷

廿五

五經堂彙選

斯陶斯咏。勿能自止矣。然則武君之為此。所以自寫其艱難。子惠之情。求莫去害之志。奉職忘功之義。華華然以行道為樂。洵非好為多言者也。子夏子曰。仕而優則學。其武君之謂與。予既因君之詩而知其政。故樂為道之。以勸君之美。且以風今之仕者云。隨地可學。隨人可學。隨事可學。先生之善教如此。彪西

近思要錄序

白肩謙

謙小子窮鄉下愚少逐科名之學○惜亡半生○晚始微聞儒先大指○思奮于學○奈宿往多愆○雖悔靡贖○又從簡編中○識改過遷善之義○聖賢不棄夫抑之詩○衡武悔過之所為作也○至于行年九十有五○猶使人日誦于側○其中云○借曰未知亦幸○既老○女雖湛樂從○弗念厥紹○謙今年六十矣○兒子四十○尚昧敬慎之訓○將復何待耶○因取性理諸書○相與窮索之○適見近思錄○乃朱子所緝周程張四子之書○謹采撮如干○使鈔之○命曰要錄○以共習繹○苟即從此而注力焉○不出日用彝倫之間○可通性命神化之理○下學上達○無二致也○謙

續垂棘編三集一卷

廿六

五經堂彙選

雖迫暮願與後生者並焉之

木落水盡千岸枯○迥然吾亦見真吾○
彪西

文氣亦似朱子○又評

朱子要錄序

白肩謙

薛先生曰○孔子之後○有大功於道學者○朱子也○又曰○四書集註○章句○或問○發揮○先聖先賢之心○殆無餘○嗚呼○不有朱子○聖賢之道○何自而昭著於今耶○故又曰○讀其語錄○雜論○斷不若其手筆之書○先生之言○可謂切中肯綮○曩亦謂經書傳註○至於朱子而權衡獨至○則亦可知其造地○不讓孔門諸人也○其教人處○都從踐實一路○乃夫子下學上達○正傳故曰○聖人教人○只是日用常行○底人能就正面○做去○則心之放者○自收○性之昏者○自著○由是觀之○非不能高譚闊論○蓋不敢以欺誤後學耳○然竊怪世儒○妄生訾議○究厥所由○不

續垂棘編三集一卷

廿七

五經堂彙選

過厭其平也○憚其方也○知尊德性而不知問學之必不可舍也○問讀高雲從之節○要曹木忻之語○皆有表章苦心○乃灑然心喜○各撫取如干○亦以要錄名之○續諸近思之後○庶俾學者有所持循○而弗昧吾道之統宗○非細故耳○雖然○錄者言○苟能潛體而力試之○則不僅言也○朱子云○論其至近至易○即今便可用力○論其至急至切○即今便當用力○力之不用○雖聖賢之言○亦無殊糟粕○信哉○信哉○以告今之讀朱子書者○

質朴明顯○想見胸襟○朱子于參同契○陰符經○楚辭○離騷○俱有註釋○通天地人之為○傳朱子有焉○不敢高譚闊論○教人都從踐實一路○可稱朱子知己○彪西

薛子要錄序

白肩謙

先生一語直剖聖傳曰不知性而論道者妄也○蓋前之聖賢多矣○道理發揮殆盡○孟子所以私淑孔門者以能明性下此皆無能出其範圍○故性理一書直指性字便為繼往開來真把柄○則論學于今日文成之良知不若文清之復性○正無弊○庸謙曩有此說○今觀其書總以闡揚性善之理為主○最真切最簡易○無一語雜于異曲○直示學者入聖之門○程朱以後一人也○學者宗之庶乎趨嚮正而進為不虛矣○間竊采錄成本雖條段無多頗屬精當謹附諸近思朱子二錄之後用備省摩尤為不遠之則云

續聖賢編三集一卷

六

五經堂藏書

只闡揚性善之旨一言包盡兩錄○若呆贊薛子便同爵蠟○三錄曰要分明有節取意而言下隱隱一腔虛受情見乎詞○彪西

林下晚聞跋

白肩謙

往余未知學而未嘗不學業舉時弗論入官以後未嘗敢釋卷策遇有聞見并所師心弋獲○朱嘗敢廢楮筆自辛卯奉使還山紀述諸彙刪存無幾外乙未再出有輦下新聞四卷辛丑告歸迄今有林下晚聞十卷皆隨意手錄備遺忘者未嘗敢以就正于人○偶家姪沆仲見之几案間摘其中數則問曰講學語耶余曰昔交呂見齊以斯相約吾謝不敢○呂曰學之不講是吾憂也○吾未有以對○呂又曰薛文清吾河東正傳也○乃始退而取讀書錄卒業焉○然吾聞文清之學門徑不立生徒不聚○況實未知學何能身效一語○即或

續聖賢編三集一卷

六

萬一似之不過師心弋獲○非有真得且余他日有作輒為知契取錄或以災梨增其或報者不少矣○恨追改之無從幸及此未成書而求助于高明與為裁訂其可否庶俾一二可留為老人末路補救及可貽誡吾家後生者尚以茲為草創焉講云乎哉○字字帶出尊光先生殆碩名思義者乎○彪西

履德白氏公宅家祠記

白胤謙

履德白氏公堂公田者○余祖禰之家祠在焉○墳墓在焉○並昔先考府君所營以遺于孫○而子孫仍取以奉祖禰之物也○其詳刻在前記○余不肖歸田○以居地少狹○與兒鴻議析箸○先是鴻為同姓之義○勉受先司空墳第而補葺之○推余還處○余安舊宅○不欲動時猶子熙代謀○請以其居○合公宅融通之讓○余厥意誠厚○余念家禮○凡祠堂所在○子孫世守之○不得分析○復不敢變記中之言○而鴻與熙分屬兩支○長子附處公宅○合奉家祠○迭掌祀事○固善計也○其後熙欲自為親祠○問于余○余作貽示一通云○祖宗創業艱難○所望孝子

續垂棘編三集一卷

卅

五經堂彙選

慈孫世世守之○惟恐弗久○若有分離異析○必非其意○况我履德府君○以韋布樹立德澤○施于後○可謂一家不祧之祖矣○今我兩支幸不甚賤○貧實其積蔭○使然合祠共田○以承祀事○不過取其所遺田宅之一分○未嘗自損毫毛○繼繼繩繩○延諸父遠名實並美而甚易為也○每見鄉里平人家○積數世之主○繁繁幾繁而不病其狹○若果數世之後○生齒蕃衆○祠狹而田不足供○尚思廣為之計○不然縱或弗給○義無敢先棄公物之理○况凡茲盛舉○聯合極難而散敗最易○頃見田漢野侍御○澤航進士二君同祠○祀其二考題柱曰○兩文人云云○又思古人有十二世同居者○李庭芝九世同居者○張公藝料

其家主雖多○亦必無異祠耳○無已○禮有薦新之位○設于私室○取便晨夕拜供○以免入祠煩賓也○吾所居室○久設有之○或可兼做此意而行○至于祠主田園○既立者○萬勿改易○西樓滿日○即增東樓為二祠○其神倉別營處○所此所謂孝弟之事○寧厚勿薄○共圖悠久信美而無非爾○又不然○必欲展已私情○終以是祠為不祧之位○俾與公宅公田同末○祖宗之靈實式憑之矣○康熙九年歲次庚戌元正朔旦謹記

合祠公宅○既不變易其禮○薦新私室○又不遏抑其情○一舉兩善○彪西

續垂棘編三集一卷

卅

五經堂彙選

續垂棘編三集二卷

洪洞范部鼎彙選

受業 同邑王 僑 參閱

書載楓仲孔子弟子傳論後

畢振姬

孔子弟子家語史記七十七人石室圖七十二人古史七十九人
傳疑也公肩子仲定一以為魯人一以為晉人遼山公治長墓意
其子仲石室圖闕不論論其著者狄哲之黑不詳所出闕里志
人左人子行郢古史魯人梁子魚鱸齊人家語有懸竄無鄒單史
記有鄒單無懸單竄字子象單字子家闕里志疑為一人因議祀

續垂棘編三集二卷

一

五經堂彙選

懸竄鄒非也懸自懸鄒自鄒也餘冬錄序曰懸豐今家語懸竄禮
記檀弓之縣子蓋臆云檀以國氏武王時有檀伯達八士之長齊
以檀子守高唐充瑕丘有檀卿檀弓自成一家之書視冉季以下
有名何以不祀或曰檀弓非孔子弟子公儀仲子之喪檀弓免焉
仲子舍其孫孔子曰立孫與林放問禮等所載仲梁子七國人春
秋定公傳載仲梁矣檀弓不與於祀闕里志檀弓縣子其或縣成
一也春秋莊公乘丘之戰懸竄父死御至謬公有縣子至威王有
檀子疑其檀自檀縣自縣也鄒氏未之前聞漢史以為清都路史
以為靖郭清都晉靖郭齊宋儒遠晉而近齊封聊城侯吾疑焉徐

廣斷為鄒單二鄒姓之國鄒藏敗以彌牟為鄒氏大夫祁黃羊

羊舌之十縣唐封銅鞮為是銅鞮晉離宮數里詩書禮樂衣冠文

物之所聚孔子稱伯華叔向子家來學有之其下東鄒直翼春秋

傳王取鄒劉為邾之田于鄒晉後取鄒鄒人走周杜氏註緄氏西

南有鄒聚遠矣鄒子家晉人也黃帝封神農後參盧於潞商周別

為赤白之狄狄歷唐咎皇落九州之戎有隗氏皋落氏戎氏春秋

晉人滅潞以潞子嬰兒歸留吁鐸辰甲氏沙子鼓子奄為晉有有

潞氏路氏露氏榆氏中路氏失地也失地猶稱國於衛亦猶衛之

黎陽也狄氏失族也諸侯之大夫有所降則舍族民無氏矣狄氏

續垂棘編三集二卷

二

五經堂彙選

盛於晉魏唐宋之間皆晉產上下仲章支駒必有家學而哲之列
為衛人吾疑焉狄儀有同母異父之昆弟喪問於子夏子夏謂魯
人衰狄氏非魯人疑衛人衛有林父晉有林父林父古之唐咎狄
宋封林慮為是狄哲之晉人也左人子行亦晉人國語趙襄子使
新穉穆子伐翟勝左人襄子當食有憂色國策衛嬖晉廢以左氏
左人也子行能自振於戎狄之俗學以聖人為歸魯安得左人梁
子魚亦晉人書曰治梁及岐梁古伯夷之封國國西河狐岐春秋
梁亡入晉有由靡餘子故梁山坼晉侯哭少梁河西大梁河南不
與焉齊安得梁子魚與商瞿論易與聞大道退而安其室家母子

之○常○易○可○傳○楚○人○亦○可○傳○晉○人○無○疑○諸○書○不○與○其○為○晉○疑○孔○子○臨○
河○不○濟○晉○人○不○得○為○弟○子○孔○子○弟○子○言○子○游○偃○吳○人○石○作○子○明○面○
秦○人○秦○吳○更○霸○孔○子○無○車○轍○馬○跡○弟○子○以○時○習○禮○其○家○豈○往○教○也○
哉○左○人○今○非○晉○有○若○以○狄○哲○之○祀○路○以○鄒○子○家○祀○銅○鞮○以○梁○子○魚○
祀○西○河○祀○遠○弟○子○用○夏○變○異○咸○尊○聖○人○之○業○而○潤○色○之○以○學○顯○於○
當○世○學○者○仰○止○景○行○去○戎○索○而○習○之○乎○俎○豆○管○絃○崇○鄉○里○之○訓○以○
厲○賢○才○不○復○限○於○世○類○淪○於○國○俗○祭○海○先○河○以○孔○子○教○晉○人○晉○人○
累○世○之○國○憲○家○猷○無○大○此○者○矣○西○河○疑○子○夏○為○孔○子○公○孫○龍○取○塗○
旗○於○子○姚○之○墓○歸○趙○今○吐○祀○子○夏○鐵○不○祀○公○孫○趙○疑○兩○公○孫○龍○田○

續重棘編三集二卷

三

五經堂彙選

子方段干木各崇其師不知弟子之有晉人也非晉人之過也
先聘君三晉正學編序曰尋理學入孔林請自吾晉始又曰泰
岳巖巖可陟其巔洙水洋洋可登其岸吾師此文則授之階梯
引之筏航矣若以文獻通考事文類聚等擬之未免不學面墻
受業範
部鼎識

糾勳臣明分義疏

戴光啓

題為狂悖勳臣因謝肆辦大干法紀懇乞聖明特賜寬處以明分
義事本月二十七日接得南京前軍都督府帶俸誠意伯劉世延
一本感激天恩恭申謝悃併陳誣害情狀以昭心迹以定國是事
奉聖旨覽奏謝知道了本內所辦事情着刑部都察院便看了來
說欽此臣等反覆看詳不勝駭異夫人臣仰戴嚴辟榮辱予奪惟
君主之君或我用則感激圖報而不得矜其能於已君不我用則
悔悟引咎而不得委其罪於人故謝禮也辯非禮也假謝以逞辯
尤非禮也人臣大分大義固有然耳劉世延市井無賴濫叨世爵

續重棘編三集二卷

四

五經堂彙選

自襲任以來未聞片善而徒以遊談獨詐陰濟其貪戾之私親友
鄉隣率遭侵騙官府胥吏深用憎嫌會稽不容則走杭城杭城不
容則走吳下生平諸不法狀未易縷數徃以罪惡盈貫被論建獄
當其時雖按治稍稍過嚴而其自作之孽載在文案終有不能盡
掩者頃我皇上篤念功臣之裔破格昭錄人猶嘖有煩言謂鑽刺
通神僥倖益望世延正當愧死無地翻然藻飭以贖前愆曾未幾
時蕃有此奏茲豈非無所忌憚之小人哉臣等歷詳疏語類皆牽
連往事謬叙微勞訐害言官誹陷風憲裝誣良善聳聽有司文誣
橫恣故態畢露至稱皇太后垂憫無辜等語誰則傳之尤屬欺捏

警則猥獍脫籠旋已作跳號吞噬之形矣欲逞其報復之謀而故
托為陳悃之說抑豈知言謝則不得辯言辯則不得謝因辯以謝
則其謝也不誠假謝以辯則其辯也不信國家二百餘年之典制
與億萬臣工之數對曾未見謝與辯並疏有如今日世延之狂悖
者少知人臣之禮者敢如是耶皇上不即加責下部院覆看臣等
因知聖心無適要亦總攬明謹之意顧世延人非端人言非正言
即皇上錄舊使過必不能抑惡從善矢志績效以副殊遇蓋跡既
往之多愆固可以見今時之錯履由目前之妄動又可以度將來
之類行臣等固熟諒世延之不足用也若不重加究處則世延習

續垂棘編三集二卷

五

五經堂彙選

非稔惡漫無懲創既以累皇上知察之明且恐罪人效尤以希進
諛夫望風以騰蠢亦以傷皇上蕩平之治壞紀亂法必自世延始
伏乞勅下部院將劉世延所奏辯詞速為立案仍賜宸斷重加罰
治以後不得推用則宥罪之仁遠佞之義固先後並行而不悖矣
臣等無任悚切待命之至奉聖旨這本說約是劉世延向已廢黜
朕念伊祖勲勞特與復爵補祿朕昨覽其本內有惡僕故下部院
查看今爾等所奏的是彼既感恩稱謝如何輒恣情逞辯殊失人
臣敬慎之體姑不究着痛自省改以圖報効該部院知道
○膽識雙絕○通志載先生奉命閱三邊條陳八事甚為時相所
知惜八事條陳未見彪西

督師孫公傳畧

戴廷拭

孫督師名傳庭字伯雅山西代州振武衛人少倜儻有大畧喜談
兵對客籌邊料敵推通才中萬曆甲午舉人乙未成進士謁選知
河南未城調繁商丘考最入為吏部主事遷稽勲司員外請假歸
乙亥起驗封司郎中陞順天府丞秦寇方熾廷臣謀以西人屬西
事陞陝西巡撫上召見面陳方略壯而遣之至秦簡募標旅六千
自將之戰屢破賊擒賊首高迎祥獻俘闕下上悅告廟行賞復職
拓養坤乃奮然清屯軍得守卒九千餘人餉銀一十四萬兩米麥
二萬石餘上大悅手勅褒獎總兵左良玉遣人買馬秦邊公繩之

續垂棘編三集二卷

六

五經堂彙選

以法由是與良玉有隙兵部楊嗣昌限期合剿事不就公復自簡
募中精兵自將之出師有日矣會總兵曹文詔自晉來援同擊賊
於楊家嶺黃龍山大破之復擊於職田莊賊走寶鷄取棧道中伏
折而走隴州關山又中伏皆大破之關賊李自成僅以二十餘騎
濟北由秦嶺遁豫秦賊平上晉公階而自成餘黨復合於豫日犯
撫上命公督師公密疏年來疆事決裂之故嗣昌銜之公又以綿
竹督察諸軍失上意疏職嗣昌嫉其黨劾公公通州候勘鬱憤成
疾未幾上復命公巡撫順天嗣昌趣公之保定公請陞見不報引
疾保定乞骸骨嗣昌坐公欺罔革職屬巡按御史驗病果真併建

御史訊公公在請室○幾二年周延儒再相為民望收公上以公佐
樞部召出獄問公所以○戒賊計公指陳當上意上復大悅遣公將
禁旅援汴時秦帥賀人龍敢戰有氣自成遠避其鋒而秦人苦其
暴虐上微知改公督秦軍屬誅人龍公受事即軍中斬之無敢譁
者諸將自此受約束時自成營豫張獻忠營楚楚自漢南踰湖無
完堡而自成圍開封累月周王及司府援絕號令一城推官黃澍
先殲升啓王王與吏士登舟決白馬水大梁自汴以南無橫草賊
日益熾朝議趣公入豫公疏未練之卒不可用弗聽公出馳道戰
於郊賊却後軍潰收軍入關斬潰卒疏請調募訓練恩信既孚鼓

續垂棘編三集二卷 七 五經堂彙選

行而出可○戒賊上善公言命督七省師賜上方劍癸未調募馬步
兵簡汰訓練得勝兵八萬有奇當是時自成據洛窺陝邊兵隸公
麾下又負潼關之險自成欲誘敗之每戰驅老弱當前多所斬獲
捷至上召對群臣出公疏示衆兵部侍郎張鳳翔言賊狡多詐示
弱不可信且傳庭合兵將待戰不如為陛下留此家當上目攝之
群臣順旨皆勸戰未幾果敗削公職充為事官加白廣恩陝西總
兵提兵進剿仍屬公節制進士程源乞勅示傳庭守關勿事浪戰
書奏不報白廣恩老將主守公是廣恩議中軍高傑少年數以戰
激公公在秦義練兵增餉苦秦吏部尚書李遇知秦人也急欲兵

維秦境○德崇中官數以師老諧於上旨下公以兵前前令左良玉
應援公流涕八月出師分道進討以牛成虎盧光祖為前鋒會河
南帥卜從善陳永福軍洛陽以蜀帥秦翼明軍商洛邊王定官撫
民軍陝劉弘起軍河壩高傑諸賊曲折屬以降兵軍關自成悉衆
北嚮成虎戰洛陽最再敗賊河壩遁奔汝州公次汝州降賊李養
純廣恩先祖從攻寶豐却自成援兵拔其城下唐縣殺賊家口傑
遂妻自成愛妻襄洛豪傑並起應公方國安復承天沈萬登復汝
寧毛顯文劉弘起阮賊險尋以無糧道散公避雨朱仙鎮餉道中
絕退復郊縣因糧公食驢騾羊數百而已詔河北山西餉軍自成

續垂棘編三集二卷 八 五經堂彙選

通戰數敗奔襄城降將李際遇貳於賊賊乘官軍乏食約戰廣恩
請退師就食傑爭請戰戰酣廣恩以其衆去傑兵陷泥潭衆潰賊
輅官軍四百里失亡四萬餘人軍資器械稱是公與傑渡垣曲走
陝收集散亡四萬廣恩連戰破賊賊陷關鄉攻潼關以公轟給守
關者聞八自成統出關後夾攻官軍再潰公與廣恩屯渭南渭南
陷諸城以次散降公入西安秦撫馮師孔戰沒公巷戰死城中公
死而國亡人猶傳其吳市為僧焉傑自太行如揚廣恩與成虎翼
明降賊初末福守汴射自成賊其目兵敗就執自成待以不死卒
為自成死太京公所題授監軍喬遷高從公死西安城上僕以尸

歸蓋親見公死所云

戴廷斌曰先生死事之臣也世之論者畧其大而責其小謂先生失御左帥殺賀帥不從白帥守關而任自救之高傑委賊以其饑軍決勝於無糧之地必敗賀人龍圖敗官軍屢矣彼以戰場要市不殺何施良玉父持張獻忠不欲先用其衆於敵之間卒情也先生敗詔良玉勤王曾有一騎過河無有哉廣恩號知兵兵交先去不可倚以守關亦審矣先生即善遇三料賀必走高平左必失期城下廣恩亦為韓陵之爾朱弗續兵法五百里而轉餉者難上將饑軍爭利敗固當也先生乘屢勝之威從天而下洛陽此時堅約

續垂棘編三集二卷

九

五經堂彙選

東守便宜通河北山西糧道賊豈敢越我而西哉賊既西犯潼關林言尚讓之路守關者所知坐令自成繞關後何知勇之不終也賊雖入關若以四萬兵背城視戲下之囚徒萬倍終以走死死焉然哥舒翰死不識聖人先生死事遂其由來以身許國之志丈夫哉

意在記事故不入論斷意在撫實故處處綿密此種手筆似從蘭臺宣域得來科分死所有與通志未合者附記候考鹿西明季死節之臣在太原如陽曲之王孫廷鄧王孫慎鏞王公元雅張公鳳奇任公萬民樂平之趙公國鼎太谷之武公維周保

德之姜公明武清源之吳公用極文水之陳公三接平定之朱公一統葛公凝秀忻州之張公弘業在汾州如汾陽之王孫新越在潞安如長治之王孫迥濤王孫呈權王孫迥沈靳公聖居屯留之張公克儉申公周輔在大同如本州之李公櫟張公爾塾焦公挺朔州之殷公體信山陰之吳公從義宋公長偉柳公毓榮蔚州之張公輔國馬公融公兄曠在澤州如陽城之田公世福王公徵俊高平之楊公暄在遼州如本州之楊公于楷張公友程趙公一亨侯公標公父于幾公弟楷樞和順之藥公濟泉在沁州如本州之魏公都梁張公運亨魏公令望沁源之姚

續垂棘編三集二卷

十

五經堂彙選

公啓崇在吾平陽如臨汾之亢公孟檉桑公拱陽洪洞之申公嘉言絳縣之郭公未固撤公君賜安邑之李公恪李公貞佐景公星蒲州之韓公承宣曲沃之上官公蓋汾西之閻公生斗夏縣之姚公汝明盧公學古河津之趙公輝公季子愔暢公一鵬猗氏之馮公守禮公兩子撫奇拱奇解州之王公國訓垣曲之魯公世任絳州之任公維清霍州之成公德隰州之史公光代公兄光前稷山之吳公繼武翼城之史公可觀靈石之宋公之雋大宰之安公民以上諸公職不論大小有無官不論朝野顯晦皆表表志史中者因讀孫督師傳而並及之又識

蔡忠襄公傳畧 節數字

戴廷杖

公名懋德字維立蘇之崑山人曾祖安以子瞻出嗣於姑歷公父
允忠皆陳姓公既貴復姓蔡少明理學主王新建為制義中萬曆
丙午舉人已未進士謁選得杭州府推官陞禮部郎中出為江西
提學歷嘉湖升陞寧前濟南道四轉至河南右布政使所在講經
濟有用之學步趨新建焉壬午正月巡撫山西撫臣陞見上皆召
對問方畧公對晉鄙數荒當先令百姓有飯吃帝領之至晉才食
不擾虛心好士又書求通民情願聞已過八字於牌期以新建之
學見諸行晉有三立書院祀晉先賢為講堂廢於江陵復於巡撫

續重刊編三集二卷

十一

五經堂彙選

魏允貞吳姓撫晉與提學僉事表繼成造士其中公至約為晉士
講學軍興公奉旨移鎮固關癸未四月解嚴公始還太原勸集晉
士講堂館餼如舊法聘武鄉魏知縣權中絳州韓舉人霖平陽桑
舉人拱陽諸生傅山等講戰講守講火攻講財用講防河各有其
說而山東人李木虎講木虎李木虎者公舊從遊老矣喜談兵意
製木版為虎城凡若干節如衝車中容百許人機行之可以攻城
陷陣而人不能攻之陷之也時號其人為李木虎公講學月凡三
集初集講聖諭六句縉紳先生至鄉耆里老咸在再集講經濟凡
國家切特利病莫不諮辨之期實效而鄉耆不與焉三集則課諸

生制舉不以帖括為時務故後之八月間賊李自成破潼關入西

安晉民倡亂者皆傳賊不殺不淫所過不徵租於是引領西望俄
有秦民王國泰黎大安黏帖於城郭鄉里言賊荼毒逼勒之慘民
大失望更議守實公與傅山所作復作童謡云馬在門內難行走
今年又是弼馬溫即諺所謂猴年閏不祥者亦倣新建遺法也九
月報賊窺河分移防河至平陽啓西河交城二王勸縉紳士民捐
餉無一應者兵饑晉王又遣官請公守太原公狼狽誓關壯繆廟
義不與賊俱生痛哭而返至今平陽人能道之十二月公還太原
檄寧武周總兵遇吉入太原為戰守計而太原人懼邊兵入格其

續重刊編三集二卷

十二

五經堂彙選

議公撤止之遇吉至黃頭寨引還公與左布政使趙建極巡道畢
拱辰畫策死守甲申正月巡按汪宗友劾公不援平陽狀有旨解
任聽勘命郭景昌代之至固關聞賊破汾州不敢進而閭部李建
泰聘傅山韓霖軍前贊畫霖留太原山往請建泰援太原建泰初
受命議捐家財募兵激厲義從報國會曲沃陷知不濟退還真定
又退入保定山密書報公公知援兵不至命都司張某守南關二
月初六日賊來張開關內賊將陳上智公舊中軍來為太原約
降公登西南角樓見之上智戰慄不成語請公自量公斥陳上智
我如何培植爾爾敢叛逆引賊薄我城莫道我不能砍你頭與語

間銃手一發中其臂失聲而逸先是公度郭外要害地瘞斃以待
自成賊至營其上乃夜募壯士發礮自成宿崗上不中餘賊死者
甚衆晉王以三千金旗鼓送至城頭募死士殺賊賊攻北城急公
購擊賊死者人五金須臾中賊二三十人即如購賞之小將王行
儉自縊下城手搏六賊擒上之斬以徇士氣千萬倍無少畏怯分
守官提學黎志陞客於賞不肯即發雖稍稍孤勇敢殺賊士然卒
無亂志會大風作雨沙晝晦東南角樓貯火藥守者以火礮撲賊
火烈風反入角樓藥與火器皆發火光之中衆見綠衣神人上下
標營小將張權者舊賊也守新南門初八日開門納賊公中軍應

續重棘編三集二卷

十三

五經堂彙選

時盛本遼諸生同公巡城段可達先騎引至都司街公曰何往可
達曰出早西門再圖恢復公下馬不肯前時盛擁入三立書院公
北而叩頭疾呼曰新建之良知在天理豈容泯滅臣死有餘愧
時盛懸繩於梁公引頸入一端之縲而時盛即縲其一端引縲而
垂之同死趙公建極畢公拱辰皆以不屈見殺黎志陞從賊時賊
已盈城人猶登屋擊賊北門炮聲不絕婦人死者二萬餘衆并皆
滿桑拱陽不食死傳山出家為道士有明德化入人之深先見於
太原者如此

戴廷杖曰白生孕彩為余言蔡公讀新建之書存新建之心而無

其才與識也○新建初破賊象湖橫水虔吉南昌黔路之逆觸手剗
割天地廓然理其學為有用才與識無兩公自提學江西終晉撫
所在講道德理義命識拔揭重熙萬元吉曾亨應數人先後慷慨
殉國難豈其才盡而為無用之學欺世哉獨惜公無胆耳晉王發
金募死士殺賊提學黎志陞匿其金易以紀功紙票公不敢禁檄
周遇吉守太原迫於衆議又止還軍武公不敢專趨趙為解任聽
勘視昔龍場驛丞何如哉汪御史疏不重於桂尚書揭假令公守
於內周戰於外重賞以倡勇敢太原未必亡也太原不亡賊不能
進守一城捍天下京師可賴以存解任官却劉鄩太原有臣法矣

續重棘編三集二卷

十四

五經堂彙選

胆生於識識生於學○新建變學為覺公自覺而自經蓋胆落於御
史耳覺者良知所不昧公以解任死封疆為其覺也愈於跪伏馬
前受官號踐踐逃死而死者之不覺也嗚呼此新建致命遂志之
學矣

蔡公死節事傳公他有傳此傳可不傳矣竊喜其通篇闡發蔡
公作用符合陽明至於黏秦民之帖作童兒之謠尤得陽明精
意而神明變化出之並錄為讀陽明者法

彪西

周將軍傳畧

戴廷狀

將軍故西北邊外墻人也。幼無姓，後姓周，名遇吉。字蒙謙。年少時，好逐禽，偶弦急失，珠值鹿角山畔中，取而刀截之，加大指。為玦，後指漸大，既貴，此玦狹固，不能去，佩之終身。入邊城行伍，戰必先積功，至副將。以庚辰某月，代許定國為寧武總兵。初至寧武，教場訓練將士，將軍拾矢而射，一發中的，矢矢相屬，十發無一差者。一軍皆驚，將軍廉得俸祿，輒分其麾下，飲食與士共之。然法令嚴明，秋毫無犯，軍與民相安。寧武一邊倚重焉。甲申之變，即以身殉寧武。西河王崑元在圍城中，知將軍死事甚悉，吾聞之王生。

續垂棘編三集二卷

五

五經堂彙選

○曰癸未十二月，聞賊李自成從蒲州渡河，巡撫蔡懋德檄將軍入守太原。太原人譁以為邊兵入城，事不可測。將軍至黃頭寨，離城六十里，衆說蔡公撤止之。將軍退至忻州，登城南望，泫然而泣。欲守以拒賊，既而曰：見故本土不守，留此何為？仍還寧武。賊圍太原，撫標小將張權牛勇守西南門，權舊賊也，開門納賊，勇逃入西山。懋德自經於三立書院，自成志愈驕，謀京師，憚將軍躡其後，先遣尤總兵世祿之子招將軍，而自將兵徐行。或傳甲兵精矣，或傳太原屠矣，或傳淳沱渡矣，寧武大風拔木，民動如烟。副使王循懋與將軍議探賊虛實，將軍遣內親將官鄧某探之，回報賊兵衆所向。

續垂棘編三集二卷

十六

五經堂彙選

無敵拒者，鷄犬不留，猶懋疑其通賊，側目而視。將軍知懋之疑已也，出鄧將不意，抽刃立斬之，謂懋曰：戰守孰勝？懋曰：戰不如守。遂門土為必守計，後數日賊來，未至城二十里，止營。尤賊與將軍有舊，果先馳說將軍，將軍挾弓矢登北城樓，見之，語未發，尤賊見弓影而逸，射不及中。懋曰：乘賊誘將軍，將軍出城伺隙出奇，苟能破賊，不愈於守乎？將軍曰：百聞不如一見，兵難遙度，願隨十人下城看賊情形。選壯士五百人，日暮食夜半潛出，暗擊之，折其盛勢，然後可守也。其妻劉氏生邊外，有胆識，亦善射，軍中呼為智勇夫人。夫人力諫曰：下城倘有所失，兵無主則亂，守豈能久？弗聽。夫人有弟某，先以布繫將軍下城，甫至城半，將軍悔悟，連言曰：從容從容，持布者大聲疾呼曰：何不救一城生靈？竟棄之。賊兵至，無以脫，遂執將軍見自成。將軍不屈，自成愛其忠勇，欲用之，振手語曰：從我侯王可立致也。將軍不答，久之，瞋目曰：我豈苟活者？肯從爾反乎？自成笑曰：不降且引去，遣十賊伺之。自成向賊指揮攻城，少還呼左右曰：請周將軍來。賊撫將軍背曰：前將軍見自成，仍不屈，自成笑曰：不降且引去，將軍離自成稍遠，奪賊佩刀盡殺。伺賊自成怒，率兵圍之，數重。將軍大罵挑戰，賊皆披靡，身亦被數十創，一蹶陷澤中。遂執將軍至城下支解之，顏色不亂。城上見者。

咸感憤流涕爭效死殺賊夫人嗷然而哭召諸將授以戰守之策諸將泣從之自成恃賊衆城隘環四面而攻之兵皆殊死闘不可破賊志少懈城忽自摧一角賊奔而進巷中伏兵皆發出沒如流星當者皆死自辰至酉殺賊二萬餘橫尸扼路是時以百千將盡之卒戰數十萬日益之賊外無救援日暮兵敗而走自成屠城中老幼入官舍見循懸朝服坐堂勅印陳案上賊疑其異以刃擬之不為動循懸叱曰逆賊敢爾邪賊洞心而出夜半圍將軍署署有高樓夫人積薪樓下和藥其中以待變家奴百餘人皆族氏率登屋極引弓外射矢無虛發猶殺賊數百萬自成大怒百計攻之不克有老校退卒知樓曲境引賊從北城下入榜者夫人知不免縱火自投家奴盡從之火藥齊發光芒觸天聲如迅雷閤門無貴賤少長皆焚死賊乘勝攻大同總督衛景瑗入僧舍自縊總兵姜瓖降○

戴廷斌曰世傳周將軍夫婦死事不無異同將軍本可戰可守而臨時失算自縊下城草草死於賊手惜哉惜哉獨有劉夫人鞭策將士巷戰殺賊有古名將風晉劉遐之妻援退於萬衆之中神色不變夫人豈其苗裔邪何行之烈也余中申在京師京城破如兒戲見賊卒自言寧武一戰人已破胆至大同時猶殺賊姜瓖

遣二將具降表長驅入賊營賊不知來意耳目皆亂自成驚起二將俯伏呼萬歲自成色乃定嗚呼蒼天大同亦如寧武之戰賊散矣○

將軍夫婦死事不無異同正須援實以記方可傳信○擬傳將軍平日恩威並濟臨時伏兵出沒算無遺策自縊下城獨情于此哉天或欲借一婦人以觀古今之大丈夫為人臣而懷二心者○

衛巡撫趙布政畢巡道三先生傳畧

戴廷斌

趙建極河南鄭州人萬歷己未進士癸未為山西布政有燕平聲時巡撫蔡公懋德與公同講李自成從蒲州渡河公慫恿蔡公在太原增陴濬隍料簡丁壯防禦俱備紳衿大姓縱妻子出城公嚴禁之府道請寬假安衆心公怒曰縉紳大姓皆民所視為去留者也若聽其山城為之空誰與守者因與蔡公日夕雉堞間嚴防勵卒賊內逼突絕健卒下城生擒賊六人掩殺及中火器者無算有弁張急鬼以城降左右爭匿公民間公曰吾職司守土義無苟活死分也賊悉知公清名授以偽職公不屈賊曳出欲殺之乃厲聲

續垂棘編三集二卷

十九

五經堂彙選

呼萬歲者再且云臣力竭矣賊誤以公求生問公爾怕死呼萬歲何為不受官公曰我萬歲爾耶我萬歲崇禎皇上耳賊大怒滿鼓一箭中公胸既乃殺之與公同志堅守太原死事者有巡寧僉憲畢公

畢拱宸山東萊陽人丙辰進士字星伯官巡寧僉事博覽諸書知古興亡事與高士傳山友勵名節喜著述日夜丹黃不停手所著詩有鳬集在晉有係雁近草其蟬雪彫言作於甲申春未及行世先是賊破西安自汾河以西屬公治者豫示以城守之法與趙公同請於蔡公極言太原兵不可用宜急調寧武總兵周遇吉來

為戰守計蔡公欲從其說衆議不可事載蔡公傳中賊渡河破平陽公分守西城都司張某守南關以城降中軍某勸公偕趙公越城微服直趨寧武鳩周總戎兵圖恢復公不肯棄城城陷賊執公公不出一語脅至晉府前賊遣造利刃數十口欲試人公覲視刃賊問爾視何為公曰我擇利刃殺賊耳賊怒即刃公公有姬美而慧頗解文辭賊脅之遷投并死雖陽南八得死所矣後一月大同巡撫衛公復殉難

衛景瑗字仲玉號帶黃陝西人

少有志聖學於性理近思錄諸書

手不釋卷嘗語人曰制藝博科名世資耳不足了儒者事讀史至

續垂棘編三集二卷

十

五經堂彙選

顏常山傳慨嘆曰大丈夫不當如是耶故律身訓後具是萬曆己酉中乙榜天啓壬戌成進士丁艱以哀毀聞及歸葬畢即講學於馮少墟之門言行正大少墟敬禮之一時學者稱為帶黃先生乙丑殿試授河南府推官却魏道絕情託聽訟得情平反無屈治行為中州最辛未擢山西道御史其於門戶水火懷私挾怨皆謝絕惟直言敢諫以存國體故鑿柄不入丁丑建言召對調行人正己卯轉大理寺寺丞庚辰擢少卿當是時關亂正劇中州楚豫郡縣多陷兵凶疊見而雲中尤要害地朝廷庶公才推撫大同時辛巳三月也公至日首以安民禁兵為務遂為總戎姜瓖所忌及聞逆

破太原至大同。環果具表。陞公孤力不支。至佛刹。自經。家人救者。屢公度不得死。給家人曰。死非易事。我思之無益。爾等無事。苦防家人信之。至三月初六日。仍自經於僧舍。公有季子。歎乃志節如公。復以起義見殺。

戴廷斌曰。趙公畢公衛公。皆殉難忠臣烈士。氣塞天地。義不顧身。他何有哉。說者謂丈夫勢窮力竭。有才莫施。惟一死以塞責。嗚呼。是豈盡三公之心乎。趙宋之末。向使武穆無金牌之遣。則痛飲黃龍之志。必遂。陸丞相無颶風之作。則趙氏之孤。必存。信國無柴市之詔。則歸鄉必能有為。疊山無江南之薦。亦寧肯牖下以老。則死

續垂棘編三集二卷

廿

五經堂彙選

綠於萬不獲已者。非欲以一死盡責已也。

文章不必求工。但期傳出忠烈心事而止。此正千古極工文章。

西鹿

太原三奇人傳畧

戴廷斌

雲丘府掌理將軍名慎鏐。字嗣元。生平喜談節義。不以王孫驕人。嚴繩宗室。毋敢肆虐百姓。一府之人皆敬憚之。城陷。冠帶祭家廟。畢。合門自焚死。凡若干口。烈矣。而寧化府有小二。素無行。不識一字。數兇逞。倡家或曰。實能為劫。所在人苦之。城陷。日賊掠其諸生。荷負入其家。見梁間懸兩死人。一小二一。其妻也。地倒一牀。子傍橫女屍。是所買歌妓。小婢子從窓隙竊視。見小二與其妻妓飲酒。間先逼令妓。妓少難。小二即先拉殺之。而後與其妻投環。其生尚見肴盤狼藉。案上壺觴有餘酒焉。而一燈青炯炯不熄也。嗚呼。

續垂棘編三集二卷

廿

五經堂彙選

奇哉。然二人宗姓也。乃奇復有樊百戶者。樊百戶。晉府典仗官。賊入府。不知索何冊籍。不得。左右云。在樊典仗家。賊即執樊。樊帶酒見賊帥。不肯跪。賊帥問其冊在爾處。萬歲要快。將去樊白眼曰。我入誰是。萬歲我崇禎皇帝。纔是萬歲。群賊喝曰。是如今萬歲要快。取去。遲則死。樊曰。誰見何冊籍者。若崇禎皇帝。要如今就有我入。或曰。悍而欠雅。試觀程朱語。錄未嘗以方寸語而不傳也。你賊娘心的。可呢。賊帥曰。想死樊曰。誰想活也。脫地下一大磚。猛力提之。擊賊帥中頸。幾死。賊群駭。擁見闖曰。見萬歲去來。樊曰。誰怕他。就去見。那賊頭奴。賊引樊至晉府前。闖擁宮女醉卧。劉宗敏斬其頭而去。

戴廷拭曰高皇帝積德累善之世假一時靈爽以宗室見節慎錄將軍尚矣小二樊典仗何知仁義以嚮其利者為有德一從容就義一激烈罵賊視死如歸者彼誠知所處不自重其死雖往古烈士何以加哉

描寫樊百戶一段逼入西圖 鹿西

續垂棘編三集二卷

三

五經堂集選

孟子自齊葬於魯章解

閻若璩

京○山○郝○敬○仲○與○著○孟○子○解○有○云○或○問○孟○子○歸○葬○於○魯○時○未○幾○也○克○虞○治○木○言○前○日○耳○輒○反○於○齊○豈○不○終○喪○而○遂○復○為○齊○卿○乎○按○喪○禮○三○日○成○服○杖○拜○君○命○及○衆○賓○不○拜○棺○中○之○賜○禮○凡○尊○者○有○賜○則○明○日○往○拜○喪○則○孝○子○不○忍○遽○死○其○親○故○贈○祿○之○賜○拜○於○葬○後○孟○子○奉○母○仕○於○齊○母○卒○王○以○卿○禮○舍○祿○及○歸○魯○三○月○而○葬○反○於○齊○拜○君○賜○也○其○止○於○魯○何○也○禮○衰○經○不○入○公○門○大○夫○去○國○踰○竟○為○壇○位○鄉○國○而○哭○此○喪○禮○也○故○自○魯○越○國○至○齊○境○上○為○壇○位○成○禮○於○魯○畢○將○遂○反○也○解○者○不○悉○謂○孟○子○勸○人○行○三○年○喪○而○身○違○之○又○罪○萬○章○之○徒○

續垂棘編三集二卷

廿

五經堂集選

修○文○不○善○可○謂○逐○臭○李○白○白當左袒臧倉者矣愚謂此解精絕古所未聞少錯解止於羸句羸齊南邑名漢屬泰山郡唐并入兗州博城宋為奉符今為泰安州距齊都臨淄尚四百里安有拜君賜於四百里之外者乎且衰經不入公門未聞不入國門也為壇位而哭乃出亡禮非喪者所用蓋孟子母歿於齊及奉喪來歸皆哀戚○匆○遽○無○暇○可○語○唯○至○往○齊○拜○賜○舍○於○逆○旅○始○得○以○一○論○匠○事○耳○以○論○匠○事○於○止○羸○日○故○繫○止○於○羸○亦○猶○與○公○孫○丑○論○不○受○祿○於○居○休○日○故○繫○以○居○休○豈○必○別○有○義○在○乎○或○問○及○解○者○兩○段○俱○出○七○修○類○索○亦○能○疑○人○所○未○疑○者○而○特○不○能○辨○釋○嗚○呼○不○有○仲○與○將○使○誰○

正之哉

按仲與又云充虞問有墨道意○愚按禮斬衰唯而不對齊衰對而不言孟子居母喪正齊衰故猶答充虞以言而但不先發言於人耳竊謂此解亦精○自記

或問子以孟子奉母仕於齊其說亦有微乎○愚曰微之劉向列女傳傳云孟子處齊有憂色擁楹而歎孟母見之云云則知母蓋同在齊自齊葬於魯則知母即歿於齊也然則既歿而葬宜終喪於家曷為而遽反於齊○愚曰此蓋終三年喪復至齊而為卿耳非遽也果爾何以為前日解○愚曰孟子之書有以昔與今對言昔似在

續垂棘編三集二卷

五

五經堂彙選

所遠而亦有指昨日者昔者辭以疾是也○以前日與今對言前日似在所近而亦有指最遠者前日願見而不可得是也○夫孟子久於齊而後去去齊之日上溯其未遊齊之日猶目之為前日安在○僅三年者而不可目以前日耶○或訝曰充虞蓄一疑於心至三年始發之與愚曰此尤足以見孟門弟子之好問也○陳臻從於齊於宋於薛辭受之後而問屋廬子從居鄒處平陸以至見季任不見儲子之後而問其事之相距誠非止一二年而歷歷記憶反覆以究其師之用心者猶一日也○夫充虞亦猶是爾且尤可證者孝子之喪親言不文今也援古論今幾於文矣○三年之喪言而不語語

為人論說也○北魏孝文帝以與公卿往復追用慟絕曰朕在不言之地不應如此○然則孟子反喋喋耶○見顧出孝文下耶○故充虞問答斷自於免喪之後者為得其實也○或又訝曰向所稱京山郝氏之解非與曰非也○曷微乎爾曰微之於儀禮士喪禮云三日成服杖拜君命及衆賓不拜棺中之賜註謂既殯之明日全三日始歎粥矣○禮尊者加惠明日必往拜謝之棺中之賜不施已也○既夕記云主人乘惡車註謂拜君命拜衆賓及有故行所乘也○然則當孟子母歿於齊必赴於王王使人弔與成服後往謝之所謂乘惡車者是王使人弔與則所謂棺中之賜不施已者禮明云不拜

續垂棘編三集二卷

五

五經堂彙選

況葬後耶○郝氏之妄解○可足據耶○總之孟子拜君命非拜君賜拜亦於殯後非葬後皆不出齊都城之事○丘文莊公清家禮儀節有云世俗親友來弔其孝子必具衰經躬造其門謂之謝孝使居喪者繇然衰經奔走道塗信宿旅次甚至浹旬經月考之古禮無有也○夫文莊謂無有而孟子反有之耶○嗚呼喪禮至近代廢闕不講甚矣宜郝氏之說紛紛也

按舊解成於乙卯夏此解於丁巳冬亦見學問日新之益故兩存之○自記

以看世之青白○轉而看書則聖賢之真識見以論人之雌黃○轉而論史則左狐之真是非彪西

與傅青主二丈

閻若璩

向在太原日先生曾以褚師聲子轅而登席公怒下問云古人既
 脫履復脫轅乎雖杜註古者見君解轅然書傳中僅此一見無別
 證何也晚不敢對蓋先生博極群書而復精析入毫芒晚何人敢
 知先生之所未逮乎謹識之不敢忘越四載讀陳祥道用之禮書
 始釋然今報禮書謂漢魏以後朝祭皆跣轅又謂梁天監間尚書
 參議案禮跣轅事由燕坐今極恭之所莫不皆跣清廟崇嚴既絕
 常禮凡有履行者應皆跣轅蓋方是時有不跣轅者故議者及之
 可見六朝時猶然而尤妙者在案禮跣轅事由燕坐二語古祭不
 續垂棘編三集二卷 廿七 五經堂彙選

跣所以主敬朝不脫履以非坐故唯登坐於燕飲始有跣為歡後
 則以跣示敬此亦古今各不同處因怪杜註見君解轅見君字不
 確要須易為古者燕飲解轅耳

又考得漢哀帝紀中山王賜食於前後飽起下轅係解此賜食
 也非燕飲比故轅尚存 自記

其學識與筆力應在石渠天祿之間 彪西

與陶紫司

閻若璩

甚矣檀弓之多誣也季武子之夜曾點倚其門而歌是為魯昭公
 七年丙寅孔子甫十七點少孔子若干歲未可知然論語叙其坐
 次於子路則必少九歲以上也可知計此時尚孩幼安得有倚門
 而歌之事即此以推則世傳孔氏三世出妻以為實本檀弓者非
 唯不足信抑且無所庸其辨焉矣

又

汪鉞翁引鶴山雅言經止有曾祖無高祖之文若果有高祖稱則
 漢惠不應名其父為高祖矣不覺噴飯孝惠嗣立至太上皇廟與

續垂棘編三集二卷

廿八

五經堂彙選

群臣上其父廟號曰太祖謚曰高皇帝史記始為而為高祖班氏
 作漢書即正之曰高帝紀何得誣孝惠憶家居時以明既有世宗
 而弘光朝又上景帝號曰代宗蓋代宗即世宗不重出乎意牧
 掌邦禮或不應至此致書與化李映碧先生問之先生復書曰此
 當日出顧瑞屏手瑞屏時文名家未諳舊典宜來吾子之譏耳老
 夫老矣幸及未死得聞高論噫其虛懷如是洵有前輩風範也
 首作可與讀經次作可與讀史百詩之教我下 彪西

同族六髦偕遊記

朱裴

辛酉之夏○年六十三○以戶部侍郎○家恩致仕抵家以來不用
騶從○不修邊幅○時至祖居寬峪莊○夏則脫巾露頂為避暑計○冬則
坐瓊醺蓋為避寒計○與故舊遺老話家常談往事○恣然樂之○目
之所睹○少者不識其面○壯者日易其面○老而髦者反有飄飄乎不
改其面之意○殊無以解○因而歎且笑曰○梅子籠晴願借梅邊之信
花陰散午○宜飛花底之觴○予莊善釀柿酒○爰藉殷勤載申款洽○去
莊五七里○上有嶺高林古○剝幽篁○良田甘泉○雞犬桑麻○與人世
處竟隔絕○宛然桃源洞口○携三五族老○畧年忘輩任步逍遙○迴視

續垂棘編三集二卷

五經堂彙選

長安車塵馬跡○竟日僕僕○不啻霄壤○雖族老貌朴心愚○無甚慧解
快論○獨羨其年逾七旬○率皆髮黃齒落○而行不持杖○坐不握扇○與
之同遊○枕流漱石○如雁陣寫江湖之影○魚歌驚寤寐之魂○可以消
酷暑○可以滌煩襟○停騶少憩○乃援筆以紀之○族叔字林塘○年八十
三○族兄字近池○年八十七○同祖兄字花峯○年七十八○族兄字龍包
年八十一○同伊弟龍翔○年七十八○從侄和字年七十六○追隨者十
年六十六○洛陽耆英會○古今稱為美談○讀斯傳以老老親親之意○寫春風
沂水之懷○何必耆英哉○
崔小衛原訂 一副孝友圖 鹿西

廣理學備考序

朱裴

彪西理學備考○已酉余附一言於簡端○彪西意猶以為未足復廣
之以嘉惠後學○余為之著其論曰○學者於載籍收之○不可以不廣
看之○不可以不詳思之○不可以不深守之○不可以不約明道一見
謝顯道曰○此秀才展拓得開○下梢可望呂晉伯問伊川讀書止將
要緊處看如何○伊川曰○固是好○若有所得○終不決洽○非收之不可
不廣乎○朱子嘗言其讀書看此一書○只此一書○截頭截尾○踏定脚
根○理會這箇○又言○學者只有白紙無字處○莫看有一字○便與他看
一箇○如此讀書○三年必有長進○又言○看道理只管進○只管細如一

續垂棘編三集二卷

後廿九

五經堂彙選

物相俾剝一重○又有一重○剝得都盡○方見真實○非看之不可不詳
乎○歐公言○作文有三般好○思量枕上馬上○則上今人只打開冊子
思量○冊子不在心○便不在○濟得甚事○康節學於李挺之○每有扣請
必曰○願先生只開其端○勿盡其意○其大意只要待月思量得之○非
思之不可不深乎○朱子又言其舊時看文字○甚費力○如論孟諸家
解○有一箱○每看一段○必檢許多○就諸說上推尋意脉○各見着落○然
後斷其是非○非守之不可不約乎○彪西服膺有明三百年來大儒
著述語錄○四方搜求○惟恐不廣矣○端覽不移○除是無字處不看看
之○惟恐不詳矣○開冊在心○歛冊亦在心○思之惟恐不深矣○但恐守

之不約卷帙繁重不便同學故於諸儒集中技尤領要補其缺失較近代孫徵君孫退谷所刻理學諸書更加備美余敬書朱子語錄數則以期與海內學者共勉焉使人得聞聖道則彪西之功偉矣哉

先輩云心術正大下筆自然光明讀此文想見下筆時一種繼往開來之心直欲千萬人共見此等心術視鈎深索隱以艱澁之詞飾淺近之意者不啻天淵彪西推明廣字之義真無餘蘊可謂如題而起如題而止矣古文今文中如題而起止者能有幾人又評

宗族疏有節句

師謹

考古宗族之法未嘗不詳且盡也而世之人往往大小相凌嫡庶相犯至於疎戚踰等而不顧甚者父子離異兄弟構怨豈盡人之愚不可破而宗族之法不足聯屬其心哉蓋由親睦之道不講於平時以致漸為踈濶而習為固然也古之聖王深察乎此立大宗以合其族立小宗以結其心使嫡庶相安大小相保踈不至於渙戚不至於離而親睦之風久遠而不廢迄厥春秋尚有世鄉雖極紛爭猶不失禮宗族之法猶明也秦漢而下其法漸敝歷及於今去古愈遠無論大宗之法不克復即小宗之法亦寢且廢也何謂

大宗小宗大宗者始祖以來之嫡子是也統乎一族世世為宗貴不敢壓尊不敢抗雖至百世宗子死族人盡服齊衰九月禮云身雖尊貴車馬不敢過宗子之門所以重嫡派也小宗者庶子之嫡子是也或繼禰或繼祖或繼曾祖或繼高祖繼高祖者三從兄弟也繼曾祖者再從兄弟也繼祖者從兄弟也繼禰者兄弟也五世為宗五世之內宗子死皆服太功九月過此則無服小宗之庶子禮其宗子也與大宗等所異者服爾庶子非盡妾出即同胞之眾弟也以大宗論即小宗之宗子亦為庶子以小宗論則大宗之眾子各為宗子故父母之於眾子則期服於嫡子則報服於眾婦則

大功於冢婦則齊衰期年若夫祭祀燕享衆子不得與嫡子並坐
並立並行衆婦亦不得與冢婦並坐並立並行所以別庶支也五
世服盡均名族人族者較本宗而疎之也惟於大宗宗子之禮無
異焉後世滅宗族之典失親睦之道其過始於尊貴尊者恃伯叔
兄長之分以謂我雖庶子伯叔兄長也彼雖宗子弟姪也伯叔兄
長而致禮於弟姪乎此宗族之法所以漸廢於尊也貴者恃卿相
大夫之勢以謂我雖庶子卿相大夫也彼雖宗子士庶人也卿相
大夫而致禮於士庶人乎此宗族之法所以漸廢於貴也且有宗
子貧賤奴隸於富豪貴顯之族而不之恥其富豪貴顯者亦主僕

續重刊編三集二卷

卅一

五經堂彙選

之而不少恤間或有過斥之詈之罪責加之與平人等此即吾之
所謂不講親睦於平時以致漸為疎濶而習為固然也然講親睦
必於復宗法始之復宗法又必於祀神主先之何也宗法久廢卒
然復之則尊者挾難下之情貴者矯顯赫之勢一旦抑尊貶貴而
使之下將至於憤激怨怒而愈不可救矣惟神主之祀今世猶存
其意人則易知易知則易行此復古宗法之漸也神主祀於嫡子
人所知也庶子為祀就而享之亦人所知也此今世之所已行者
由是道之春秋祭享生忌追薦無論尊卑貴賤咸集嫡子之家以
嫡子主祀事嫡子公出其子代之嫡子無子其弟代之由家而行

之本宗則一家之嫡子即小宗之宗子由宗而行之本族則一宗
之宗子即大宗之宗子其始須立為法每逢節旦衆子揖神主後
必進嫡子揖之祀畢畢嫡子復進家長揖之即坐作進退除嫡子
外必序尊卑之分嫡子終祀事亦退居子弟之列衆子有冠婚喪
祭必預赴嫡子告之嫡子之冠婚喪祭也亦必請家長議之衆子
不得恃尊貴以屑嫡子嫡子亦不得恃嫡以矯衆子宗族中十
五以上者必於節旦從之以習禮儀倘春秋生忌失祭祀者有罰
冠婚喪祭不赴告者有罰嫡子不守罰在嫡子衆子不遵罰在衆
子罰事家長主之衆子不禮嫡子也亦家長主之家長隱情飾非

續重刊編三集二卷

卅二

五經堂彙選

告之官府家長與犯者俱以大功服坐罪行之之少習長安則
宗族之法可復親睦之風自成尚有父子離異兄弟構怨大小相
凌嫡庶相犯者吾不信也

意明白而筆疎朗可補孔穎達陳澧諸人所未備 彪西

創建準提閣序

節前半刪後半

師 謙

稽古建廟設像而香火之蓋非無故而然也○無故而建廟設像香
火焉其廟可毀其像可除其香火之僧可杖何也○無故而建廟是
千七百餘所之類也○無故而設像非夏禹泰伯季子伍員之祠也
無故而香火則感世誣民倡率邪教之禿廝也○古之人建廟非第
受神也○設像非第示敬也○香火非第鳴虔也○有建之設之香火之
故也○由此觀之神非立德立功立言於前是為邪神人非有所不
能忘者而祀之○則為淫祀○何言乎立德○義黃周孔身律聲度動止
足法固立德也○即忠孝廉節一行可稱亦立德也○何言乎立功○禹

續垂棘編三集二卷

世三

五經堂彙選

稷皋變平地成天○萬世永賴固立功也○即九派百家一技益世亦
立功也○何言乎立言○聖哲名賢吐詞為經著書說理固立言也○即
卿誼里諺片詞合道亦立言也○後世被其德化食其功利佩其教
言均至於不能忘○惟不能忘故建廟焉○建之不已故設像焉○設之
不已故香火焉○是皆發乎情止乎理得建設香火之正者準提之
祀何為乎○上自都會下逮郡邑克之比閭州黨其祀通天下○卿大
夫不敢議士庶人不敢非意必有所不能忘者在乎釋道之家以
準提謂大梵先天女降九曲華池住摩利支天司福祿壽命生死
榮華之柄誕育七曜胚胎萬象其詞甚詭不可訓也○但始以孝行

入慈林德亦不可忘矣○繼以婆心勸一切功亦不可忘矣○咒止數
十言○三途共諷興起於善言亦不可忘矣○三者一有之遂足享祀
於靡窮此準提閣之所以建準提像之所以設香火之僧所以不
可少也夫○

王陽明先生曰○俗學末堪欺老衲○昔賢取善及陶漁○其春秋以
待衰世之意○小康之事耶○師子可謂解人○
宋儒之力拒二氏者○莫如程朱○按朱子集二程全書內載伊川
答劉元承云○佛亦賢哲○安可慢也○明儒之力拒二氏者○莫如月
川○按月川年譜內載僧舍避暑一節○謝琚背佛像設坐月川曰○

續垂棘編三集二卷

世四

五經堂彙選

只東西列坐○友人問其故○月川曰○昔程伊川遊僧舍一後生置
坐背佛像○亦如謝生○伊川令列坐○門人問曰○先生平日闢佛老
今何敬也○伊川曰○平日所闢者道也○今日所敬者人也○且佛亦
人耳○想在當時亦賢於衆人者○觀兩先生之言○乃知二氏有可
節取處○但取以治身心○持教化○為理學人說法○則不可取為元
惡大慙○與夫村姬野老○話因果講報應○助王法之所不及○公論
之不足畏者○未嘗無小補也○詳在余刻金剛三官續奇報諸錄
小序中○閱洙賢文○殊有合余節取之意○又評

續垂棘編第三集目次

卷三

翟鳳翥 見初集

涑水書院序

關中書院序

豫章大講序

鄉賢傳序

登岱記

芝山書院記

馬祖巖記

石屏記

彭公傳

三忠傳

二高士傳

義善小傳

朱節婦傳

節烈貞娥傳

節烈合傳

節女王氏傳

屯政跋

童子擊虎說

續垂棘編第三集目次

五經堂選定

卷四 于成龍 見二集

寬盜案跡

與荆雲濤書

初至黃郡書

條陳粵西事 節

上張撫臺 節

上徐藩臺 節

報張撫臺

重選鄉約示

勸賑帖

慰急公示

慰士民示

進勸牌

禁嚇詐示

招安示

武昌印

字祇通文水人貢士廣文

跋于山奏 順

附 于先生傳

續垂棘編三集三卷

洪洞范部鼎彙選

受業

翼城呂元音 參閱 同邑任重任

涑水書院序

翟鳳翥

學何爲乎○讀書窮理○以言乎覺也○修身行道○以言乎效也○若曰○佔畢辭章○揣摩科第○學如是而已乎○豈聖賢之學○與鄉約之學○有二乎○豈文人舉業之學○與聖賢之學○又有二乎○堯舜之道○孝弟夫子之道○忠恕○又曰○行在孝○經昔賢註六言○歸本六經○勿作非爲○作慎獨功夫○此鄉約之學○即聖賢之學也○吾儒讀聖賢書○句句在自已

續垂棘編三集三卷

一

五經堂彙選

身心人倫日用家國天下體認○自有所得○其所爲必不苟○發之於文○必坐而言之起而可見○諸行事○以真學問○爲真文章○以真文章○爲真事業○韓歐薛王○何嘗不科第起家○詩賦炳炳哉○此文辭舉業之學○即聖賢之學也○學聖賢也○淺之塗人○孺子○深之賢豪○正士○此物此志耳○然則學可弗講哉○講學之道○可收理學鄉約文字○爲異事哉○理學鄉約文字○一以貫之○可弗爲之○所以聚之○敬其事○以廣之○哉○于才迂識陋○反躬自疚○何敢言學○每一言一行之失○數日不能晏出而對人○如背鍼芒○日書善過○以自檢點○其失益多○嘗側曹桑兩先生之門○與見齋敬嚴太音諸君子○歷年來子弟生徒○質

經問業耳目叢糾強自矜持雖未有能實多裨補則講學之功亦惡可已已也此端社所繇興也社之興二十餘年于茲矣肄舉子業月一課焉次講學首衍六言律鑑諸書經術世務辯晰疑難或曰學求諸已足矣社何為耶曰置身社中規以束之友以弼之則顧畏生顧畏生或一事有失試詰之以立社之義當亦知所修省而不敢肆矣士有諍友不失令名非此謂與或又云如是則學毋乃偽而近於名乎曰名之玉人無方也名固學者不貴而求士於三代以下惟恐不好名况名之所起未必無一二事可傳一二事可勉而至周旋愛惜終始矜修勿以善小不為勿以惡小為之勉

續垂棘編三集三卷

二

五經堂彙選

之又勉漸遠於惡則名亦何必諱耶名之一字欣人於善假道學不猶愈於真小人乎從來言人曰做人言事曰做事言官曰做官做豈自然之說乎西子不潔人皆掩鼻惡人戒沐可祀上帝苟能知非改過即是聖人之徒一日克己天下歸仁非此謂與夫講學不過明體達用而已存良心正行檢體也事功經濟用也此覺效之說也道釋白蓮諸教動聚百千男女登壇說法左道惑眾何如歸一此社講約讀法明體達用之為有裨世道耶且緇衣黃冠者流還名山叔魏利崇事其師祖吾儕讀書任道科名顯仕力尚可為而不為亦二氏弗若矣此涑水書院所繇興也社初立於大覺

寺改於邑城隍廟今於涑水西灣建書院即以涑水名法司馬也中堂塑至聖先師孔子像左配子夏以卜子設教西河今河津有墓在焉右配漢壽亭侯關公以公解人好讀左氏春秋聖賢也次以鄉先賢郭有道王文中十公從祀曰聖壇左右廡廊各五間以課諸生前為泮池再前為星門壇後為洞林內章學堂堂後為太極閣延名儒主之周列洞號以居學者左講堂右射圃統名之曰涑水書院古桐外學也社仍端取友必端以端學也二氏而外皆學人也白鹿蘇湖學規具在願與諸君子共勵焉

講學者日談性道不能發為事業文章到底是半邊學問茲從

續垂棘編三集三卷

三

五經堂彙選

覺效二字看出學問事業文章更不說壞名字是絕好勸學文陸咸一原評本朝文章之有關係者在吾晉時則有若涑水編既錄十篇于續垂棘初編又錄忠孝節義之本于理學者如馮少墟等共五篇又松塢王子等共七篇入于理學備考他如曹月川呂新吾曹真子諸先生等傳周詳縝密因諸先生既見于辛孫諸集姑為割愛甲子秋取涑水編復讀益見美不勝收除前諸拙選既收外又錄若干九京可作余願執鞭以從彪西

重修關中書院

翟鳳翥

關中書院明萬曆間當道諸公為少墟馮先生講學設也先生正學大節詳誌傳中與鄒南皋曹真予馮慕崗諸公稱理學名臣表表一時而書院與白鷺弘運並著堂構歸然號舍布列前開泮沼後起中天閣肖至聖像於其上歲時祀之從先生遊者至五千餘人書院之盛近古未有也天啓朝璫黨柄政奪先生官又以黨郇瑕之喬撫關中毀書院移閣城隅曳先師像為佻達所狎文子云吾道中天者城闕一隅而已時有地震之警璫逆誅書院隨復閣還舊址益大之都御史劉公廣生直指吳公煥吳公銓暨布按諸

續垂棘編三集三卷

四

五經堂彙選

公即以先生木主龕於堂與先師并祀春秋壬午孫督軍假寓弗安築還之皇初肇鼎暫貯火藥嗣有欲材其閣者以像故弗敢動也梁桶半頽雨風不蔽聖體暴露與向之曳狎城闕等人心其安之日者天子重道崇儒廣厲學宮而以禮樂俎豆之地委諸草莽則又當道者過也予不揣越俎以紳士請議諸院臺遷火局而恢聖域以祀先賢以啓後學食曰善且各輸捐以佐厥工也噫嘻佛老之宮淫邪之祠優異優塞之徒爭以金錢事之而其弟子又不惜燒指跣足持鉢延乞以莊嚴其珠宮琳館之脫臂千手眼者圖滿功果也吾輩師祖何人名教何地慕慕薰薰付諸秦灰抑亦佛

弟子弗若矣振絕學而起之其功果又何如乎弘運書院曹先生之教予友呂見齋諸君子世守之矣舊歲走吉陽登白鷺洲堂閣房舍南阜遺蹟煥然事新也關中為自古名都先師之靈少墟先生之祀獨可聽其廢置而弗為之所乎願同志者亟成焉予行矣異日關學再興人文繼美予將策蹇西來登堂瞻禮并尋二筆終南之遊以觀其盛

讀少墟全集二十二卷知建立書院為少墟生平第一緊要事篇終願同志亟成一句書院萬世不朽矣 彪西 翟先生宦遊所至或創或修共得書院七所此其一也 又評

續垂棘編三集三卷

五

五經堂彙選

豫章大課序

瞿鳳翔

天下事作而已作之大者作人作官作文而已人非生而聖賢唯
所自造官必致身盡瘁方克厥職至於文非自出手眼研極理要
通達世務雖剽襲炫耀朝華耳故作文不苟之人即大有為於天
下之人作生於氣氣生於義理義理生於學孟子曰志至焉氣
次焉明道先生云作字必敬朱文公曰看書須在自己身心體認
凡以云作爾理學文章節義事功古推江右以作性異也兵革之
餘學宮茂草士氣摧殘幾與田之荒蕪等而豫林翁勃之氣固薦
薦然余巡行所至即延訪名賢講學問業熟詢民隱無非欲培起

續垂棘編三集三卷

六

五經堂彙選

此氣共勵此作性一時知名士經術文字見者無虛日此正作性
所共起也猶以數淵遐尚在彼一方為憾於是有豫章大社之舉
夫屯余吏也而是不越俎哉然治政之餘無所事事非讀書論文
此心之茅塞不可知也且觀風止修故事孰與白鹿白鷺之有造
有成乎此固余舉社以修月考之意也撫憲蔡公豈弟作人督學
趙公力持風教咸樂與焉又非余一人敢狎齊盟也諸君子惟實
實從人作起行道而有得於心斯立言有主以是出而為天下任
大事建大業三不朽一之矣益之初九利用大作初下也即以大
作期之做秀才以天下已任非歟故曰天下事作而已文成拔其

九者梓之以質之天下之共有作性者

先儒大全陳且腐王唐瞿薛朽如土生平得力段與股採華撫
實禿口吐此余自序拙稿述先達語也時有所感故云今讀作
文不苟之人即大有為之人諸語真可愧世之揣摹墨腔皓首
頭巾而不得得矣而胸無半點墨水日圖溫飽史惺堂所云圈
豕呂新吾所云小郎負貨者彪西

續垂棘編三集三卷

七

五經堂彙選

鄉賢傳序

翟鳳翥

鄉○之○有○賢○鄉○之○望○也○鄉○賢○之○有○祀○鄉○之○心○也○祠○附○孔○廟○列○之○聖○賢○
之○林○其○典○益○重○其○人○益○不○可○輕○或○以○理○學○或○以○孝○義○或○以○事○功○而○
文○辭○爵○第○不○與○焉○若○以○子○孫○之○賢○過○奉○其○先○人○以○一○時○一○二○人○之○
舉○儼○然○與○先○代○名○公○並○饗○俎○豆○恐○幽○明○俱○有○弗○安○者○終○將○祧○之○矣○
噫○嘻○朝○廷○大○典○所○係○一○鄉○風○俗○所○關○天○下○後○世○公○論○所○在○豈○一○人○
一○時○所○得○私○乎○是○傳○本○舊○誌○確○據○迄○與○論○父○定○者○寧○嚴○弗○濫○寧○質○
弗○阿○信○書○也○李○廷○評○曰○余○生○也○晚○何○敢○輕○議○先○達○其○躋○人○物○者○皆○
本○府○州○縣○舊○誌○及○正○祀○考○無○容○別○議○者○其○應○入○未○入○者○附○小○傳○本○

續垂棘編三集三卷

五經堂彙選

名○下○以○俟○參○考○所○不○知○者○闕○之○非○謂○此○外○無○善○可○稱○也○知○我○罪○我○
惟○斯○傳○矣○

我○欲○言○而○不○敢○言○不○能○言○不○忍○言○者○先○生○一○一○言○之○先○生○乎○其○
聞○先○聘○君○之○戒○而○出○此○言○乎○惜○先○聘○君○未○得○與○先○生○握○手○話○心○
也○噫○彪○西○

以○先○生○之○文○合○之○先○生○之○為○人○入○之○鄉○賢○方○稱○有○光○乃○先○生○平○
日○相○戒○身○後○勿○入○佳○公○子○至○今○遵○治○命○屢○止○鄉○人○之○請○雲○恐○公○
論○終○不○能○止○也○拭目○以○俟○垣○曲○私○淑○門○人○石○雲○根○識○

登岱記

翟鳳翥

五○嶽○長○曰○岱○宗○上○為○登○封○臺○左○日○觀○峰○雞○鳴○可○先○海○日○右○泰○觀○周○
越○視○下○界○辰○星○為○近○東○瞰○滄○溟○西○極○河○源○北○瞻○恒○嶠○南○見○吳○門○之○
馬○會○稽○之○山○魯○頌○曰○泰○山○巖○巖○魯○邦○所○瞻○孔○子○所○謂○小○天○下○豈○虛○
語○哉○天○柱○蓮○花○丈○人○玉○女○諸○峰○岱○之○角○翼○也○黃○花○白○鶴○桃○花○水○簾○
諸○洞○岱○之○城○屋○也○雲○宮○阿○閣○金○泥○玉○檢○岱○之○秘○函○也○汶○淙○泗○沂○麓○
水○交○流○岱○之○襟○帶○也○玉○皇○東○嶽○碧○霞○元○君○岱○之○崇○祀○也○無○字○磨○崖○
石○經○大○夫○松○岱○之○舊○蹟○也○松○濤○雪○練○煙○雨○空○濛○日○麗○月○華○海○碧○嵐○
先○岱○之○曠○覽○也○於○戲○大○哉○天○下○之○山○之○高○且○大○也○岱○焉○止○矣○乃○自○

續垂棘編三集三卷

九

五經堂彙選

百○里○外○望○之○弗○見○也○六○七○十○里○外○望○之○庸○睢○與○行○霍○等○即○而○望○之○
無○徂○傲○大○也○私○心○易○之○以○為○天○下○之○山○之○高○且○大○也○如○斯○而○已○乎○
及○自○紅○門○麻○黃○峴○纔○二○十○里○已○天○半○矣○十○八○盤○崑○絕○如○斗○磴○危○如○
梯○輿○嶢○步○節○不○敢○回○頰○望○三○天○門○如○從○穴○中○窺○天○窻○又○如○水○光○一○
線○從○空○瀑○下○石○間○峰○岬○如○在○玉○虛○霄○漢○間○十○餘○里○始○達○厥○巔○萬○山○
皆○處○其○下○即○予○嘗○所○經○覽○詫○為○名○山○絕○巘○者○兒○孫○耳○始○為○下○拜○以○
為○天○下○之○山○之○高○且○大○也○尚○有○加○於○斯○者○乎○於○戲○大○哉○於○斯○得○聖○
人○矣○凡○崇○嶽○峻○嶺○或○秀○削○而○孤○或○昂○聳○而○露○顯○然○可○見○者○其○中○尚○
可○量○也○此○叔○孫○氏○所○謂○端○米○賢○仲○尼○之○說○也○至○崑○崙○之○巔○瀚○森○之○

嶮步之莫得其際○陟之莫究其極○巍巍蕩蕩渾渾敦敦此大而化之○之謂聖也○腹屹嶮嶮舉而不見其多○裕草木禽獸奇珍異物而不示其有○觸石而出○膚寸而合○不崇朝而雨○天下亦莫測其所自者○此聖而不可知之○之謂神也○於戲大哉於斯得聖人矣○予嘗遊孔林復得泰山○

前來鋪叙雄巍中間抑揚起伏○正如行武彘台宕中○疊嶂層岩怪石巉岈末三段則登峰絕頂矣○他人只作遊記○斯文別有領會○真大手筆○沈繹堂原評○

以韓柳歐蘇之筆寫周程張朱之理○必傳必傳○彪西○

續垂棘編三集三卷

十

五經堂彙選

廣大之致耶○精微之盡耶○其先生登岱一記乎○吾又况諸觀海○真有萬壑朝宗之勢○垣曲私淑門人石雲根識○

芝山書院記

瞿鳳書

書院與學有二乎○曰書院所以為學也○書院所以為學又為書院何與○曰書院所以廣學也○廣學胡不於學為之○必易地易名曰書院何與○曰學止郡邑有之○書院則山林鄉社隨人自起○此儼麓石鼓所自始也○或謂學校課試遵時制為科貢之門○書院教養遵古法為性命經濟之學○是又分而二之矣○夫學以明倫○聖賢道統孰大於是○書院講學未嘗廢文○亦未嘗不以科貢應制○二者不容偏廢○予謂郡邑城會庠序焉可也○山林鄉社正宜多建書院使天下家絃而戶誦之○而總其成於學校○洵足為國家樹人地矣○若

續垂棘編三集三卷

十一

五經堂彙選

因學而廢書院○此文公疏云○佛老之宮徧天下○學止一郡一邑一置焉○不知其說也○予於饒建學矣○以學齋不足於文廟之陽○倫堂餘地建書院立舍置租以居○饒學者亦猶太學之明道堂○白鹿洞之文會堂○講堂之制名曰芝山書院者○以饒舊有此名○今即於其學為之者○不欲分而二之也○或又謂故宮遺址為學為書院可乎○饒紳士僉謂予曰○禾黍離離狐兔交交○飛螢走燐城墟蔓野○僅遺磚石為葺梵宮者去矣○故淮王猶暴屏下也○牧樵牛馬日踐其上○何如歸葬安山○以其地為俎豆禮樂之域○不芳草重芳乎○且王好學下士○曾為菁莪書院○韓山青山等皆王庄父為土人涸據重起○

而新之以祀吾夫子以贈吾諸子弟王之澤世享之矣昔梁蕭王
恢捨宮殿為末福寺寺至今存也至今猶知其為蕭梁宮殿也為
寺與為學為書院孰愈耶予因為王營墓而學其地遷著我碑與
芝山書院舊碑并存學門上金二百易王庄為書院租田亦猶鹿
洞志未豐瑞昌之意也書院正堂五間后堂如之兩廊號舍二十
間儀門三間頭門坊一間田計韓山青山渡二處共七百餘畝歲
租七百餘石詳載板冊書院後堂特祀朱文公以郡先賢饒紫諸
公配文公嘗數居饒且咫尺新安饒之士蓋沐其教澤者故特祀
之於庠近聖人之居去聖人之世如此其近且未遠也可不知所

續垂棘編三集三卷

士

五經堂彙選

興起哉

只書院所以廣學一語便自破的篇中句句是廣學意末以興
文教歸本准王見不忘所自以特祀朱文公為興起後學中正
之談有裨世道不淺

陳伯宗原評

為王營墓而學其地三十五字一字一縑一字一拜余之心悅
誠服在此

彪西

遊馬祖巖記

翟鳳翥

戊戌秋初二日翟子携王司理子靜洪明經寧伯再為龍虎仙巖
之遊而先馬祖馬祖視諸峰為幽勝迴雲錦而上六十里林峰隱
隱取不可見至孔泗源溪山秀出禾茂蓮紅有人數家已疑為雲
谷桃源矣越數里為陳坡寨寨斗絕多坎土人常避兵於此北望
怪石巉坼危巖繚繞如城郭四圍者馬祖也巖口一石當關一石
柱立內三面皆巖躋石級而東巖出山腰中空外懸飛瀑自懸巖
下如檐雨淅淅然佛座天成面橫一石如龜伏獅蹲右為僧厨即
以竹節承簷瀑不外汲也左圓通諸閣俱在巖下舊有長廊兵燹

續垂棘編三集三卷

士

五經堂彙選

矣僧於巖下累石為居是夜予與子靜諸君宿焉適官明經朝佑
歐陽秀才儀携雞酒來坐平石月色松濤涼風習習次辰登西巖
半山曲磴側身擇步然後進一洞透巖外兩山夾立約數百仞一
線中分日惟午見澗水下流不敢俯睇鳥跡不經陰風逼人若有
奇鬼怖物處其中自原洞出一石橫斷僧曰此蛇石也巖上似有
坐卧者意為樵子僧曰彼安得有人蹟哉其蒼然髯者老猿也群
而狎弄於其傍者猴孫也昨兩猴戲曳一犬上北巖犬嗥嗥一猴
搥之行僧大聲疾譟如故以所持杖作舉銃狀乃舍而去掉臂回
顧者數若咲若詈其蒼然髯者蹲嶺松不動也噓穿石門歷諸巖

亦異矣一線天幽宵不測非復人境嶺上玃猿其祖師諸仙之化
身乎取鋒間李空同詩步之未足罄其一二也又聞戊巳之亂燬
匿數千人死千賊骸骨山積一僧王姓者河南人初為流寇既為
金王營升一日盡賣其馬轡弓刀燬中拔刺日與二從者負遺骸
收瘞之仍大建醮事懺度亦異人也放下屠刀立地成佛不誠然
歟並志之以示勸

酷似柳州諸小品末一段則柳州不及也 彪西

一以為摩詰輞川別墅一以為淵明堯源古渡子瞻羽化登仙
之吟良有以也而余烏乎遇之憶昔歐陽公在廬之遊尚遜一

續垂棘編三集三卷

籌垣曲私淑門人石雲根識

十四

五經堂彙選

石屏記

翟鳳書

幽堡山多出奇石如芝如花如雲如虬如獸頭鬼面予嘗聞之亦
未信如是之奇也壬寅冬為趙進士晉侯召飲薛莊梅花步澗尋
幽而始覩焉蹲者伏者縣而兀者玲瓏巧怪平泉太湖未多有也
一石似屏其芝雲花虬之狀如雕成者隱泥沙中鄉人數十為予
扛而致之庭後樓下因題其樓曰瑞石又一大者似老人壽星小
者各成文致次第輦之桐園書院堆成峰山噫嘻石之在斯山也
非今日始也邑之先多文人韵士未聞物色出之者物色而出之
必待今日耶或昔之賢士大夫惟政惟學不為米顛其人而好事

續垂棘編三集三卷

十五

五經堂彙選

乃在今日耶噫嘻山川靈秀之氣鍾而為人復鍾而為石石之埋
沒泥沙中也亦猶賢士大夫之生不際時而考槃在澗也為我心
惻矣一旦貴而顯之林苑之中臺閣之上石之幸也亦賢士大夫
之樂也然則物之隱見出處亦各有其時與數歟噫嘻山之有斯
石也奇也石之為予有也奇也鄉之人並非有所為而為予肩而
致之輦而致之不一而足鄉何以愛予至此予亦不知何以得此
於鄉之人也奇也王岷氏為銘曰質溫而栗穎古而奇山間物
色庭際榮施出匣之劍脫穎之錐驥逢伯樂材遇工師千秋百世
挺立如斯

徐仲光曰他日擒天下才當如此石陳天祚曰讀至後幅不勝
鳴咽陳伯宗曰文心靈幻不可方物徐立齋曰感慨歷落遂成
絕作原評之妙如此彪西
一怪石耳備極名狀忽發如許議論幾令我有世道升降之感
人才隱見之既王書升

續垂棘編三集三卷

十六

五經堂彙選

南宮令彭公傳

瞿鳳書

彭公諱士弘號仁家錦州人以癸酉舉人于崇禎十五年壬午知
南宮縣事輕刑杖革火耗平訟獄禮士紳一以廉靜誠恕為政邑
人有慈父母之稱甲申三月流寇由順廣將至南宮公集紳士耆
民人等於關壽亭廟誓以死守有泣公降者公曰奉命守茲土無
降賊理即城不可守予一人任之於百姓無與或又為公妻子計
公曰身且弗卹尚計兒女輩耶邑人感公言從之既而賊至城破
偽權將軍劉芳亮執公諭以降公厲聲曰頭可斷斷不降又索印
急公厲聲曰吾將携以還朝廷匪不與賊怒將刑執刃者曰好官

續垂棘編三集三卷

十七

五經堂彙選

好官苟降為汝請命公厲聲曰殺即殺誰請耶殺之白氣上昇首
懸城南門經月面髮如生刃者驚曰吾夜夢城隍為我披紅公神
矣赴廟焚香懺之即芳亮亦曰自破潼關迄河北以來僅見此人
弗問其妻子并貸百姓宮城以全邑士民數千人收公身首葬城
南號哭之聲震動天地即于墓前立祠塑像祀之像頭有裂痕塗
之復裂如故邑人曰此公志也亦公烈也今存之宮當繼南孔道
往來行者莫不下拜流涕香火與壽亭睢陽二廟並著嗚呼以予
所知予鄉大同巡撫衛公景瑗山西巡撫蔡公懋德寧武總兵周
公遇奇左布政使趙公建極撫標中軍寧公時盛郊縣知縣安邑

李公貞佐其事皆與公類每欲為各立傳而猶未建也噫

筆法絕似龍門又似雍門之歌徐仲光貢評

似龍門處全在末後一段彪西

持已之廉惠民之仁殉難之勇俾我一覽一流涕噫關荆州之

勁膝張睢陽之利齒彭南宮之裂頸固應萬載並著垣曲私淑門人石雲

根惠繁實蹟忠烈聲情神似如生太史子長有斯筆力無此痛快已後學陳懿訓識

已後學陳

懿訓識

太原三忠傳

翟鳳書

爾時盛遼東人為山西撫院中軍饒勇有義氣嘗領八小將殺賊

為諸軍冠甲申二月間賊圍省城時盛隨撫軍蔡公懋德登陴守

不去左右蔡公偶與人語時盛正色曰耳語恐挫人心宜公言

之守八日城陷扶蔡公至三立書院設二綴相蔡公投綴死屠之

几案遂自經於其側同時方伯趙公建極為賊執不屈賊于其署

中得貯金二萬皆有珠封殆他餉未發者賊詰之曰爾忠清鐵從

何來曰人言若暗不識殊封平豈私藏耶賊恚甚仍罵不屈曳地

射十九矢乃死家人星散一門子依依不去賊向射仍不去賊義

續垂棘編三集三卷

十九

五經堂彙選

而置之事平晉人肖三公像于三忠祠並祀三立書院又寧武總

兵周公遇奇素忠勇諸夫人皆善騎射守城月餘殺賊甚眾城破

猶巷戰俱死之大同巡撫衛公景瑗以善襄通賊開門被執不屈

死宣府巡撫朱公之馮賊至自縊死表表大節詳見晉乘

核鍊處雖主左國而風神如生又從韓歐得來鄭曰賜原評

其叙事也脩其取類也大其旨遠其辭朴彪西

二高士傳

翟鳳翥

郝本彰號顯吾安邑坡東人少列邑庠即棄舉子業博覽羣書教授生徒事繼母以孝待異母弟嚴而和家貧樂道一介不苟惟學學勤人為善里中稱為郝古人講學弘運書院曹真予先生友敬之察院武陵楊公贈以詩云陋巷一生顏氏樂清風千載伯彝清制東姜公扁其門曰石渠鴻寶年六十餘乙酉聞新令袖數金不別其妻子一朝逸去不知所之遺有神策程書二集同時夏縣王孝子昱號釋陽亦棄家去不知所之昱為人貧而有守不苟言笑不事舉業不兄有司從曹先生書院講學與安邑孝廉李貞佐善

續垂鍊編三集三卷

十

五經堂彙選

貞佐以庚辰特用令郊縣昱訪焉適流寇至李促昱行昱曰安趨而危去之吾不忍也城破李罵賊不屈賊于南門外割之割舌斷臂死其母喬赴城罵賊亦為賊害家人俱逃昱獨從賊詰曰爾何人曰諸生賊最厭諸生命削其耳鼻又詰曰令爾何人曰憲友曰何不去曰為憲友收骸骨賊義之釋弗殺仍撮土掩貞佐然後行郊人葬令母子於南郊立廟建碑歲祀之昱歸與呂崇烈翟鳳翥裴君子諸人會講弘運人望其鼻耳僉稱曰義士自乙酉以後不復見矣意喜郝顯吾王釋陽與李子無欲皆講學人也李在郊罵賊至碎身不屈其得於學者誠多一不別其妻子一不去朋友之

難使其有職任官守亦必有以自立矣誰謂講學皆名而務文者乎曰自乙酉後不復見者志感也亦志愧也

徐仲光曰插李令死郊一段更見奇峰林孔碩曰烏知二高士不尚在名山川間耶讀其傳呼之或出徐立齋曰明制官三品許立傳以故草澤之士敬德弗彰郝王諸傳挾明制之偏備史氏之闕者陳伯宗曰忠義良友一齊傳出原評之妙如此魏西外臣自昔有由巢不是山人索價高此薛文清咏邵康節詩也移贈二高士庶幾不魂又評

續垂鍊編三集三卷

十

五經堂彙選

義善小傳

翟鳳翥

原評云：起筆如江郎，五石元元天際。

武騰蛟長安縣貼隸也。何海縣前賣膏藥者，以臨潼余印其妻兄。劉才負茶商龐魏周茶銀一百四十七兩，以逃商以印嘗為才鞭。驟馱茶也，告批長安監追償過半矣，餘無出。鬻妻劉得金償之，弗足也。印以終獄，訣妻妻號泣不忍去。騰蛟海見而惻之，謂杜化龍諸人曰：「方今上司舉鄉約宣六諭，勸民為善，且重治誣告私茶者，以法人代人償茶，至鬻妻猶不足，而骨肉離散，終將奄奄就死。因楷下也。」焚香建醮，何為乎？各十金，杜化龍九金，以是官士市井人等咸動焉。彙七十餘金，代完官銀，出印于監，并贖其妻，以歸茶商。

續垂棘編三集三卷

三

五經堂彙選

聞之亦謝所累十八金，弗受。火其券，印夫婦面泉善圖家視之。邑令詳其事于為轉聞各院臺，匾書姓名于城隍廟，仍給紅賞以示風勸。噫嘻！夫人之於人，緩急取予之際，漠然視之，甚且刻厲以行者，豈鮮也哉？武騰蛟一窮隸役，不須索人而施人，且稱貸以施人。何海一賣藥者，以所積藥本不惜十金活人，推此志也，賣卜城都種杏虎林為晏大夫，蓋卒發憤顯庸，亦奚足多乎？邪教聚歛有禁，輟醮事而義行之，真得吾儒博施濟眾之意，而勝作浮圖萬萬矣。余印之妻劉才之妹也，以少婦夫窘且就斃，而號泣不肯去，忠臣義士也。長安又有銀匠孟學其人，孝母篤妹，撫甥猶子，歲荒以百

金濟族人，皆富貴人所難者，又藍屋令駱鍾麟講約化二盜，且得其死力，皆異事也。余故並誌之，誦晨風無衣，諸篇秦風固自尚也。不然何鄉約之速效若此哉？

每見義烈忠節諸事雖小不遺，先生誠樂與人為善者，文更契兀迥出。林孔碩原評。

千帶筆見其古勁，千末句見其謙虛。彪西

續垂棘編三集三卷

三

五經堂彙選

朱節婦傳

翟鳳肅

浮梁桃野汪廷輔妻朱氏茂容年十七歸廷輔繼姑李悍生二子廷立廷烈立悍似其母祖姑徐命折腰為年飢婦勸廷輔復合之祖姑歿舅與繼姑俱歿葬事悉出廷輔已而廷輔遘疾不起時婦年二十有六廷輔意之婦呼天以誓輔微笑而終目不瞑婦以手撫之曰妾雖飢寒斷不失身為夫子羞目始瞑衰經任喪事生一子一女子又囑仲子乘機盜藏據產使生計窘而勢岌岌以從人也私許豪家金姓者婦剪髮夫靈前焚之將以死殉謀者懼而止仲子猶未已也又為歛商胡姓者謀其父曰汝何自苦若是曰吾

續垂棘編三集三卷

廿

五經堂彙選

有誓在曰吾為而憾曰言可憾心可忍乎但以舅未歸土留此殘軀供三代祭祀作守墓一女奴以俟後人從先人吉光也夜掃松葉燎先紡紉誨女淚盈盈下又不敢以哭聲聞人女聘財仲子利之荆布則婦自具女家來迎謝不往曰願從我夫葬浮不他適也仲子又發夫墓需于勢家婦擲金枝血厝暴骸矣仲子之子德化為繼母所逐婦曰猶子亦子也收而撫之化又歿哭之如已子宗人建合祠助金成之曰祖宗有所依也年六十有四卒曰我死當以素服葬夫墓側皆如其言族里弔者胥痛之殯祠中堂表其墓曰朱節婦族里數十人來具婦狀言之猶淚下非飾也故為撰

千折萬磨成就了一个節婦士君子處橫逆遭患難作如是觀

西彪

續垂棘編三集三卷

廿

五經堂彙選

節烈貞娥傳

程鳳者

節烈貞娥上丁村張女也娥生年及笄字宋村薛宗善善貧未及
娶力鹽車走河南爲生十餘年弗歸並無信跡人有言流落物故
者娥曰此身已許薛矣生死以之其父若母勸之嫁弗嫁也宗善
父母謝以絕書命之嫁弗嫁也里富室以佳婿重聘誘之嫁弗嫁
也日與其母紡織土室中歲荒忍饑餓提筐拾麥未嘗有怨意戚
容其父知其必不可奪徒步渡河訪宗善遇諸翁婿對面弗識
也爲同舍人道及乃會携以歸辛未秋張始歸于薛時年已廿九
矣里人競聚觀之嘖嘖曰老女新婦云未幾流寇自西大略至娥

續垂棘編三集三卷

共

五經堂彙選

從其父母匿上丁山洞爲賊所獲猶新婦衣飾也賊偏出洞洞俯
淵數十丈乘間投淵下喊罵不絕賊以三矢穿其口死嗚呼以予
觀古奇女子夫死守志或以生殉或以冠迫不污而死往往有之
迫於一時一事之義與勢其節固可嘉其烈固自異若乃未嫁而
守不字之貞已嫁而矢不屈之烈自始至終一貞不渝者張氏一
人而已予私謚曰節烈貞娥爲建祠立石於宋村道上

歐陽五代史彷彿馬遷只是曲繪情理使人可歌可泣先生斯
傳俱從真摯中寫出傳神妙在阿堵間 汪錚原評

二十九年不嫁較之歷事五季惟恐失之者何如 彪西

節烈合傳

程鳳者

邑渭源令裴倫妻柳以薛舉之亂與二女一婦投井死郡乘志爲
完節與陳頤隕岷趙女繼與並稱謂我原涑水間正氣也於戲峨
原涑水間止一柳事而已哉明崇禎四年辛未冬流寇自西來歷
稷山萬泉至邑西北鄉直薄城下延及東南焚戮擄掠所至無遺
一時婦女全節死者甚多其著則西韓村楊九州妻劉氏九槐妻
張氏九序妻宋氏九前妻孫氏妯娌四人一井死大澤村劉起蜀
母賈氏妻賈氏並其妹適解傳者投岷死小郭店任國祚妻張氏
抱幼女投岷死陽杜趙惟訥妻賈氏投井死下崔婦罵賊赴火

續垂棘編三集三卷

七

五經堂彙選

死呂氏二婦投井死楊庄吉氏抉目破面罵賊死後數年戊己之
變生員杜正燁妻孫氏賊擄半途投井死灌底村李貴美女銀鈴
十二歲罵賊投馬而死皆表表在人耳目者我崑涑水之靈鍾爲
貞淑著爲奇節史冊流徽邑里之光也嗚呼烈女子何知學又何
知有名激慨殺身而弗顧者義也性也天下鬚眉丈夫講道讀書
者豈少哉一當大節大難之間不易其志不辱其身者幾人噫嘻

當與辛復元存烈編並傳千古 彪西

家之烈婦國之忠臣其義一也吾以魏甲申三月十九日之爲

李陵衛律留慶炎趙孟頫者 垣曲私淑門人石雲根識

節女王氏傳

翟鳳翥

康熙三年甲辰冬予再至三山林孔碩先生爲予言曰吾鄉有一貞女姓王字淑京今年五十有奇矣督學王公宇之女大中丞薛公夢雷之孫婦也靜娟知讀書九歲喪母哭極哀家人異之許配中丞孫高字景初未字而高以病卒淑京年十有八歲計聞欲奔喪其兄以未奉父命不許亡何督學公卒南都淑京縞衣茹素科髮垢容坐卧小樓者九年兄知不可奪爲請於其翁翁辭淑京請益力翁乃爲立一祠備禮迎歸既至謁廟謁翁姑受嗣子拜次日自爲文奠故夫景初墓所詞極哀自崇禎辛未歸薛迄今四十餘

續垂棘編三集三卷

廿

五經堂彙選

年如一日嗣子弗世課嗣孫成立有聲贊序撫軍熊公旌其閭刻有貞節錄云翟子聞而嘆曰夫以處子而爲人婦而媳而母而祖母姑垂五十年事上立下薛用以昌盧桓湛孟燕而有之封髮矢栢猶既嫁而守者也讀告廟祭墓等語令人淚下則又貞而才者矣嗚呼予在江右旌四節女今至三山其所稱節烈女者又指不勝屈理學之邦其風尚固自異哉又聞之少司空董公應舉曰薛高未卒前夢入栢閣廟其像女也旦有以女使來者問之則廟前人高姓以夢留之更名曰如珪今與乳母同侍七日高亡如珪慟欲絕聞王來誓終身事之且織且悲三年以嘔血死夫如珪于高

非有平時撫字之恩又未嘗薦枕席愛也且其人甚微乃節烈如是豈感王貞而然耶抑守禮純孝之人天聚其類以相報耶高能孝王能貞如珪能烈皆可不朽矣

高能孝王能貞如珪能烈皆可不朽者此文之力 彪西

續垂棘編三集三卷

廿

五經堂彙選

屯政疏

瞿鳳書

奏為遵 旨條陳以定屯政以卹殘黎以實沛 皇上事竊惟興屯曠舉 皇上軫念荒殘俞諸王大臣議給本濟民專官理墾即古春秋補助勸農管田之典何以加焉苟任斯職者奉行不實下負百姓上負 皇仁誠不容於 先舜之世矣但草創之始穡穡難無成規可循無速效可報此臣日夜拮据以不克勝任為惶惶者也嘗云為治不在多言願力行何如且利民裕 國久安長治之策在內諸臣言之幾無剩義矣 皇上勵精圖治有善必行自親政以來 恩詔上傳屢蒙頒布凡禪於吏治民生者亦既知

續聖錄編三集三卷

廿

五經堂彙選

周乎天下而見諸施行矣臣職茲屯政惟仰體德意勸課農桑以實心為實事以奏實效而已尚何奇術異謀有佐 高深哉然而屯民疾苦屯務紛紜草昧經綸事事棘手實與現成衙門不同臣於一應屯務皆親經理雖深山窮谷虎穴冠林必身至焉立屯長田長以做里甲清有主無主以便官民立常平倉以濟窮民設社學以教屯童講鄉約以宣 朝廷為民興屯至意以勸民歸農招撫山寇安插流遺稽查逃人收養小兒禁止溺女賑卹虎傷此督撫按所目擊者當此興屯之始小民利病攸關 國家根本攸係凡有利於民者宜為民興之凡有不便於民者宜為民祛之臣謹

將屯政切要分為十條為 皇上陳焉一曰廣屯例前部議每頃

給屯本三十兩就北地言也江省荒久茅深坵碎土硬先鋤後耕

兼之修圩車水等費三倍北地已經撫臣 題明 臣原奉部撥屯

本三萬八千兩即全給之止可開一千餘頃總計南昌等七府無

主荒田不下二萬必候 朝廷給本募墾此萬萬不足之數也今

有不費屯本而可收廣墾之功者臣宣布 皇仁四出招民有江

北浙閩之人糾民就屯者又有尚義樂利備牛備穀助濟屯民者

非大加旌賞無以廣招徠也元虞集為江淮使召募農師奉勅牒

十二募百人者授正九品二百人者正八品三百人者從七品就

續聖錄編三集三卷

卅

五經堂彙選

令管所募之人每農夫給鈔十錠今 新例屯田關東招百人以

上者予以實授之官即此法也此例似可通行總憲 臣龔鼎孳已

言之矣即不實授或假以虛銜或給以牌扁如古農官田正之類

以開田多寡分別等級或擇其子弟給以衣頂詳明督撫歲終奏

報是于興屯之中開人功名之路有不鼓舞就屯者乎查江省錢

法久廢藩司行之即以鑄錢接濟屯民仍以籽粒變作錢本亦相

生一法也又一應杖徒軍罪人俱發屯田以罪之輕重定開田多

寡開完釋放願留者未為已業以彰 皇上解網泣罪之仁亦廣

屯一法也前議每歲租穀除十之一以給賞屯長今於開田廣而

輸租多者正數外每多十石內再給二石再多者加賞不及數者責償則屯民益知勸勉而力於屯矣事例廣而勸賞明四方之民自負耒耜而至三五年後田可盡墾賦可漸復省屯本而裕國民孰大於此語曰因民之所利而利之此惠而不費也一曰寬屯恩原議量助牛種者分收籽粒三分之一此即給本多者言也乃有窮民止求口食手自鋤種者又有遠民負農器牛隻願自屯墾者若槩三分取一非所以示賞勸也前臺臣李敬疏有十分取一之議今將量助牛本者減取十分之一且示以今年開者次年租則民樂其租之輕而徵之緩也自屯墾者多矣至于虎傷屯民

屯牛量退屯本免其租粒屢詳督撫知皇上仁愛所必卹也臣日走荒村見新招窮民畫畊山野夜宿草棚無衣無食婦女有編稻草爲裙者苦難圖繪非敢虛飾也一曰折屯穀夫屯分三等取租初一二年根本未立所生籽粒不多原疏已言之矣臣十一年兩年所報籽粒不多正以屯民如積羸始甦元氣未復不敢過苦也若三年以後租日以多運必以船貯必以倉修倉覓船費將何出漏朽鼠耗弊難悉舉屯民所以甚疑且畏者恐如衛所漕運之累耳科臣有分上中下折銀之議誠官民兩便之道也今照漕折之例參以時值每穀一石約折價三錢年歲豐歉穀價貴賤臨時

詳督撫增減赴縣封納另糧徵解如此則歲省屯本而屯民亦無其效可立而待衛所軍屯之疑自樂於屯而開荒多矣一曰設屯官理財莫急於用人古重之矣今屯民日多屯所日廣屯務日繁即有屯長綜理以民治民誰其服之各屬有司又視爲屯事不便責成屯工勤惰屯田多寡或屯民爭訟等情且恐逃人潛匿其中臣一道兩廳顧此失彼勢不能分身而日稽之也查各屬佐貳多缺今於荒多安屯之縣縣丞缺加一丞不缺一主簿責令專管屯務其俸薪等項即於籽粒支給不動正項如此則一縣止復一舊有之官竝無添官之費斯屯民有統屯工可以速成矣至於荒少縣分零星不

便安屯者或印官或衛官帶管可也夫屯道應尚且議裁臣何敢復議添官蓋屯務非優游從事者比也未能歸併則責任愈重臣從屯政起見不得不急爲陳請也一曰備屯防廣信府江湖山界連貴弋鉛瀘等縣久爲賊踞臣向詳撫臣委興屯同知葉承祧領兵勦撫遽穎授首劉省熊虎等招撫屯田江湖山一帶俱屯所矣內多賣刀買槍之人兼以流亡雜處逼連閭閻非設兵防守屯猶不能安也議將屯廳衙門設立山中要害處所四路控制且屯且守查各隘口舊有巡檢司設有坑兵今宜復之即令巡司兼管屯務如此則孽萌自靖屯民自安而見任防兵亦可省矣一曰均里

田臣日履鄉村習見民隱如民多田熟之鄉一應差糧辦納何難
乃有荒村數烟亦與大里甲輪流差役賠累獨苦者皆因田糧人
丁不均故也臣議如一縣田十萬畝宜分爲十里里分十甲里田
一萬畝者甲田應一千畝大縣田多者俱照此例裁多補少不許
參差田定則糧自均矣即民窮賣田本里本甲不必言矣賣於別
里別甲即令別里別甲之人於此里此甲立一寄零戶將田糧收
過明白即於此甲納糧其丁差仍歸原甲充當不許重派如此則
一里一甲之中田有定界糧有定數即有一應雜差力均易舉自
苦樂適平且以清飛灑詭寄之弊而塞強豪兼併之圖此萬世不

續聖錄編三集三卷

廿四

五經堂彙選

易之法也或里田丁不足者即以屯田附近補之即以屯民入甲
充之古者正經界均田限田之法其即此意與一曰豁虛糧江省
田地多濱江湖有水推沙壅者有極磽之田旱乾水淹十秋九荒
者民間包糧非一日矣一聞分別官民盡舉而付之官屯將來槩
責屯墾不重累屯民乎夫屯民亦開其可開者而已其極磽之田
萬不可開并水推沙壅無田可開者須屯官縣官公勘明白詳報
督撫疏請未蠲庶土民無虛糧之累而屯民亦免虛田之累矣此
臣責任不得不預爲聲說者也一曰立社倉社倉常平之法奉
旨屢飭且社倉朱熹行於南康成法具在獨不可行之於今日乎

臣前歲捐俸新銀二百兩同知張慎行業承祧各一百兩共四百
兩買穀一千二百石詳明撫臣現在接濟屯民之多寡口者并虎
傷屯民備棺周給等費但本微穀少所濟幾何今議於屯收籽粒
量貯常平倉爲年年賑濟之需且可遍及地方窮民也歲終將生
出利息隨奏銷冊上聞凡府州縣有實實奉行成效者註以上
考不實奉行以不職論數年之內積貯不可量矣一曰飭鄉約
夫鄉約六條奉旨勅行勸善化惡彌盜息訟保甲之法即寓乎
其中矣誠良規也臣前知饒州府時纂刻成書每條引大清律
名曰鄉約錄書月朔會官寮紳士軍民老幼人等宣讀一次地方

續聖錄編三集三卷

廿五

五經堂彙選

大事即於此日理之蒙撫臣頒行各府今自理屯以來到處講約
勸民歸農而山寇流民多回心復業者實以此也芻蕘之言古帝
好察臣謹將錄書繕進御覽倘有可採乞天語嚴飭蓋庶而
富而教此屯政所最要者也一曰養屯才自興屯一舉江北浙閩
之民多攜家襁子而來臣已詳明督撫分立社學擇其子弟清秀
者延師教之即動支常平倉穀月給社師一石屯童貧者量給三
斗俟有通文義者即附所在縣府應考屯民一聞此舉莫不踴躍
力田但本縣生童動以冒籍攻之即提學臣亦不敢冒收也夫屯
民田爲永業入籍當差豈屯童尚爲冒籍乎乞明旨飭行凡屯

民入籍者其子弟隨在應考入學與本地生童一體作養則四方之民歸心矣以上各條或本舊聞或參時宜或採人言或出臆見平○平○無○奇○實○屯○政○所○切○要○而○王○道○不○外○是○也○語○云○王○道○無○近○功○猶○樹○藝○者○澤○深○本○厚○而○後○生○長○收○成○可○漸○獲○也○豈○朝○夕○之○效○哉○皇○上○以○加○惠○元○元○為○心○興○屯○之○舉○為○民○也○非○為○利○也○為○萬○世○計○也○非○為○一○時○計○也○若○寬○以○年○限○定○以○事○宜○三○年○小○成○五○年○大○成○臣○將○自○許○矣○臣○迂○儒○也○起○家○耕○讀○前○任○饒○州○府○蒙○皇○上○特○賜○袍○服○拔○陞○今○職○受○國○厚○恩○誓○圖○報○效○就○此○親○民○之○官○以○致○講○學○之○志○臣○言○之○臣○期○實○實○行○之○不○敢○一○字○虛○罔○緣○屯○事○草○創○非○詳○陳○莫○悉○字○多

續重刊編三集三卷 廿六 五經堂彙選

長冗言多冒昧伏乞 皇上鑒擇勅部施行奉 旨戶部議奏鄉約錄書留覽 部覆俱奉 旨依議 洋洋千萬言嘔盡心血體貼民隱如此任事而事不治者未之有也 彪西

辛復元衡門片經世石畫兩書得此鼎立為三 又評

葉童子擊虎說

翟鳳翥

劉輯菴弋備集虎說貴溪水門舖一十四歲童子杖擊退虎而脫其兄予心志之適過水門問其人則毛塘舖卒之弟葉小字天德也召見之果十四歲身甫三尺一廋弱童子耳正月間其兄以公文東過水門童子持杖行兄為虎攔將曳以去童子倉皇奮所持杖擊虎虎舍其兄走其兄得免其齒痕尚未愈也嗚呼噫嘻水門毛塘一路號稱虎關往來行者死于虎口不可勝數一十四歲弱童子能擊而走之豈仲子之勇過於卞育哉無他勇生於誠誠生於愛愛生於幼無知識幼無知識則情私利害無以入其心而

續重刊編三集三卷 廿七 五經堂彙選

其心惟一于兄志一動氣氣一動物射石飲羽且然况虎乎坡公云虎食懼已者童子無懼心又云虎畏不懼已者童子無不懼心余為是殆以誠格也誠之所格豈惟虎而已哉以是益信夫人於骨肉天性之際其誠固有所不容已也噫

絕小題目絕大文章蕭魚傳可以不讀 彪西

續垂林編三集四卷

洪洞范部鼎彙編

受業姪

謝崇閱

寬盜案惜人才疏

于成龍

題為盜案之處分久定不敢擅請從寬人才之淹抑可矜特為酌
陳通變以鼓舞積困之勞吏事竊查盜案處分定例內開道路村
庄被劫將承緝州縣印捕官併捕盜同知通判佐俸文到扣算限
一年緝拿若限滿不獲降一級調用又兼轄道官罰俸六個月限
一年催緝限滿不獲再罰俸一年等語此係已定通行之例何敢
輕議變更第直屬之盜案與他省迥不相同直屬圍殘之區民無

續垂林編三集四卷

于字張寶

五經堂彙選

恒產既往往流習非為而又旗民襍處乘馬挾矢呼群引類無可
稽查紛紛申報失事幾無虛日故監司廳印等官求其與盜案脫
然無累得與陞轉之例者十不能三四其間豈無廉能素著之員
可期大受者而一官疲劇之區此案未獲彼案又起一案幸完數
案未獲甚有一日而失盜之案數家經年累月擯眉莫策始焉未
嘗不勵精求為消弭之計而無如飄忽兇徒焚劫不時積案多宗
降罰隨至灰心進步無計自投以朝廷有用之人才而皆以盜
案沉滯鐫級去任殊可憐惜臣目擊淹抑多員不得不亟請稍
為變通也除城內被盜行劫各官仍照定例處分外其道路村庄

續垂林編三集四卷

二

五經堂彙選

失事在州縣身在地方既不能消弭於未行復不能緝拿於已劫
責無可諉一年不能緝獲降級調用允宜但原失事之州縣既降
級去任接緝之官事不切已恐未肯實心搜緝則強盜反有漏網
之弊合無將州縣官於一年未能緝半題參者降一級仍留原
任職犯照案緝拿若於已參議處之後有能續獲一半以上仍許
開復還其原降之級是於懲過之中寓以勸勉則各官不因去任
墮心咸知自奮必能盡力擒拿不致強徒倖免也至於薦舉卓異
行取官員乃朝廷超拔人才之典而亦督撫諸臣盡其以人事
君之義但有才守兼優堪膺斯選者每因一二案未完格於定例
而不敢輕列薦剡致使遠大之器困於百里深為可惜前見江寧
撫臣慕天顏為請旨行取事一疏將有未完錢糧之知縣林象
祖任辰旦題請行取欽奉特旨俞允仰見我皇上憐才之
殷初未欲以成例限人也直隸盜案之多與江南錢糧之繁事同
一轍其中非無品行卓越才具優長如林任二令者倘邀一視之
仁特開破格之舉遇薦舉大計及行取之期容臣將真知灼
見確有才守之員不論盜案之銷否一體薦揚以備擢用庶真才
不致於淹抑而朝廷可收得人之實効矣再查捕盜同知通判
雖專司督緝之任但所屬有十餘州縣及二三十州縣不等既不

能分身經理又無由遍歷搜拿竟同各州縣一體處分似屬過甚
查武職議處之例千把等官為專汛守備等官為兼轄副參等官
為統轄州縣印捕既與武職專汛之員同一處分則同知通判亦
當與武職兼轄之員同一處分也比例更定則各廳員未有不鼓
舞勉力者矣至督緝道員定例原止罰俸臣亦何敢再為置議但
於罰俸之外傳其陞轉限年緝賊今承緝州縣與同知通判既請
量輕處分而道員所轄地方遼闊一歲之內有失事數起至十數
起不等停陞之案先後接續竟無銷結之期故直屬有督緝責任
之道員欲與推轉之列終不可得臣思方面大吏或由京官改授

續垂棘編三集四卷

五經堂彙選

或由外吏陞補歷任既久率多練達之才及其年力精壯正可矢
圖報効乃令因頓一職無復進階之期更為可惜况督緝與承緝
原自不同在承緝州縣等官固應停其陞轉限年緝賊而督緝之
道員既已罰俸似可免其停陞輕重區別之間或亦上下之體統
宜然若夫武職副參等官則又視文職之道員相等所當併請
一體變通以昭畫一之例者也緣係憐惜人才起見敬陳末議如
果臣言可採伏乞 睿鑒 勅部議覆施行臣未敢擅便謹題請
旨奉 旨九卿詹事科道會議具奏
人才不至淹抑盜賊自然屏息立言允稱職要 鹿西

與友人荆雪濤書

于成龍

廣西柳州府羅城縣偏處山隅東北界連湖南道通一帶西北界
連貴州清平一帶其餘土司環繞山如劍排水如湯沸蠻烟瘴雨
比人居此生還者什不一二土民有獠獠狴狼之種帶刀攜鎗其
性好殺父子兄弟反目操戈恬不知怪順治十六年冬初入版籍
成龍於十八年到任製發後親者不以為親友者不以為友行李
蕭條自覺面目可憎賒脚錢寄口食行至清源敵同年王諱吉人
初為蕭山尹繼轉蘇丞時讀禮家居慷慨仗義反覆開明粵西非
吉祥之地素知成龍家食尚可自給力勸勿任以繳憑為高見成

續垂棘編三集四卷

五經堂彙選

龍時年四十五英氣有餘私心自揣讀書一場曾知見利勿趨見
害勿避古人義不辭難之說何為也俛首不答王兄默知其意亦
不復阻灑淚而別五月初三日至家別繼母妻兒資斧艱難典田
賣屋設法止有百金攜蒼頭五人勇壯可伴臨行收族相餞歡飲
至夜扶醉就枕而天已明矣古云壯士非無淚不灑別離間此不
情語也天明舉家拜別大兒廷翼入庠已久猶如處子將祖遺田
產文券開明交付外止云我做官不管你你治家莫想我二語甫
出戶庭而哭聲已達外矣拜別祠堂不覺腸斷門裏門外相聚而
泣不復回顧攬轡登程此時之壯氣真可吞猺獠餐烟瘴而不為

之少屈○迨行至湖南冷水灘○一病頗連○未免英雄氣短○勉強扶病○
陸行至桂林○謁見上臺○皆知羸體伶仃○詢及病狀○咋舌驚訝○惟勸○
以延醫調治○勿亟赴任○抱病之人○至是膽落○往日豪氣○從何得來○
病幾危○以苦孽未盡○不速死扶病至柳州○稍愈○尚不知羅城在何○
方也○羅城與融縣沙鰲連界○行至沙鰲○遇許鄉老○仔細盤問○方知○
對山即為羅境○登山一望○蒿草滿目○無人行徑○周山遍似營陣○哀○
哉此何地也○胡為乎來哉○悔無及矣○從此想敵同年之忠告○不置○
也○癡人作夢○以為邊地如此○漸入腹裏○或不然○可憐黃茅直抵城○
下八月二十日入縣中○一如郭外居民○六家茅草數椽○寄居關夫○
○奉刺史曰○極目蕭條○三兩家○誠哉是言也

續垂棘編三集四卷

五

五經堂彙選

子廟安床於周倉背後○夜不眠○日痛如刀割○黎明上任○無大門○無○
儀門○兩墀茅草○一如荒郊○中堂草屋三間○東邊隔為賓館○西邊隔○
為書辦房○中間開一門入為內宅○茅屋三間○四圍俱無牆壁○哀哉○
此一活地獄也○胡為乎來哉○鬱從中來○病不自持○一卧月餘○從僕○
環嚮而泣○無一生氣○張目一視○各不相顧○無如罪孽未盡○死而不○
死○乞歸無路○扶病理事○立意修善○以回天意○凡有陋弊○清查詳革○
可憾已命不殞○禍及從僕○黃瘦似壁○晝陰鬼相對○而泣○莫能相救○
無何而一僕喪命○餘僕驚惶○不知所似○至康熙元年正月○群謀為○
歸計○成龍自忖一官落魄○復何憾○諸僕無罪○何苦累之○叮嚀各自○

逃生內有一僕蘇朝卿○仗義大言曰○若今生當死於此○回去亦不○
得活○棄主人○流落他鄉○要他們何用○哀哉○幸有此也○其餘掉頭不○
顧○當時通詳邊荒久反之地○一官一僕○難以理事○乞賜生歸○當事○
者置之○一晒而已○本年逃僕歸家○大兒悲念天涯萬里○一主一僕○
何以安身○續覓四僕來任○而三僕皆登鬼錄○止存一僕在衙○晝夜○
號跳○一如風魔○事處兩難○一人難以遠行○欲將存僕伴歸○隻身更○
苦○無如存僕亦有思歸之念○聽其浩然長往○萬里惟餘一身○生死○
莫能自主○夜枕刀一口○床頭貯鎗二桿○為護身符○然思為民興利○
除害囊無一物○猥獲雖頑○想無可取之貨○亦無可殺之仇○帖然相○
○在漢班定遠在清于總憲○千古無兩

續垂棘編三集四卷

六

五經堂彙選

安事到萬不得已之時○只得勉強做來○申明保甲○不許帶刀攜鎗○
咸遵無違○間有截路傷命○無踪盜情○務期跟尋緝獲○隱昧事情○盡○
心推敲○必得真實○立刻誅戮○懸首郊野○漸次心服○地方寧靜○而上○
臺採訪真確○於是有一大事○殺了解省小事○即行處決之通行也○境○
內雖平○憾與柳城西鄉為隣○此地祖孫父子○長於為賊○擾害無已○
申明當事者○以盜案為難置之高閣○成龍思漸不可長身為父母○
而可使子弟遭殃乎○約會鄉民練兵○親督勦殺○以對命為主○殺牛○
盟誓齊心○攻擊先發○牌修路刻日進勦○此未奉上命而專征自揣○
功成亦在不赦之條○但奮不顧身為民而死○勝於瘴病而死也○主○

意已定決不可回而渠魁俛首乞恩講和搶擄男女牛隻盡行退
回仍約每年十月犒賞牛隻花酒一次取各地方甘結存案敢有
侵我境界者不報上司竟行勦滅第僮人不怕殺號令一以剝皮
為主而隣盜漸息至是上臺採訪更確反厭各州縣之請兵不已
報盜不休之為多事也嗣後官民親睦或三日或六日環集問安
如家人父子言及家信香絕悲痛如切已膚上謠武陽崗三年必
反亂一場任至三年寢食為之不安賴人心既和謠言不足信也
又云三年一小勦五年一大勦及至五年又當愁苦賴官民相愛
謠言不足憑也時法令太嚴有犯必殺情誼為重婚娶喪祭民間

續垂棘編三集四卷

七

五經堂彙選

之禮一行無不達之隱羅城之治如斯而已康熙二年藩憲金公
特取入簾諸官損從盛飾成龍止帶皮套一件共相驚訝留意相
難時藩憲峻厲異常輒欲詬詈屬官成龍心不平居閣中屢以抗
直不少挫辱從此見重朝夕必求坐談盛典不可悉數嗣陞本省
巡撫即以條對下詢盡心敷陳民間利病俱係入告重事納言如
流事事題疏而主文者辭不達意旨允者什之七八康熙六
年成龍以邊俸逾期八月陞四川合州時報未到金撫臺面諭兩
司如不舉羅城令本院當特疏薦舉矣兩司唯唯從命而以卓異
聞撫臺又恐地方委用不得人反滋慢害端疏新舊交代哀哉數

年來一舉一動原非為功名富貴計止欲生歸故里日食三餐或
日食一餐讀書堂上坐睡堂上毛頭赤腳無復官長體統夜晚酒
一壺值錢四文並無小菜亦不用著快讀書詩寫俚語痛哭流涕
並不知盆內之為酒為淚也間嘗祝告城隍謂我無虧心事一點
當令我及早還鄉幸得保出性命回想同寅諸公死亡無一得脫
鬼神無爽能不寒心赴蜀之日別金撫臺蒙諭云我薦舉一場指
望行取知道你窮苦我為你湊下盤費誰知你先陞了此亦是你
的命但兩司因認不得你不肯薦舉你本院發怒方纔舉來誰想
督臺將你考語淡薄自甘四字圈了立意與西單舉薦你一個亦

續垂棘編三集四卷

八

五經堂彙選

是公道難泯處今你往四川又是苦了照羅城縣做去萬不可壞
我名聲我與書二封一與總督一與撫臺因此益勵前操至死不
變此數年之大槩也偶書呈以發知己萬里一笑
五更鼓角聲悲壯彪西
黃石齋陳卧子讀太史公報任安書稱為血性奇男子使見此
文當何如贊服北漢先生經濟有目共睹而學問淵源世或
未盡知也節錄文章若干以告同志又評
邵康節云施為欲似千鈞弩操修當如百鍊金敢移以歸于山
公鄉後學石雲根謹識

初至黃郡與友人書

于成龍

天下有極苦之地居之久而不為苦者羅城合州是也天下有不
苦之地入其境而即為苦者黃州是也羅城為蠻烟瘴雨之鄉其
苦古今人共知之然以之而茅屋頽垣布衣蔬食裸體跣足長歌
痛哭習以為常彼其心不在此也在此欲全生歸家而已又久之
而時和年豐盜息民安官民親睦在下易於見德在上易於見功
日用之需費有限而一於儉上司禮節不行無所憎惡迨至合州
人烟絕滅水陸衝煩苦矣其僕也挑水運柴其主也讀書飲酒民
間供應盡裁上司誅求亦寬往來仕客聞風而嘆惜以去夫役因

續垂棘編三集四卷

九

五經堂彙選

之無擾在上則曰清操毅敏又曰刻苦矯厲為良吏美之又加悲
焉憫其窮也在下垂涕號泣無復官民禮此居極苦之地而不為
苦者也若夫黃州則不然居郡丞之位履文物之邦署宰嚴肅役
胥羅列士民聚觀耳目雜遝狐裘煌煌者同寅也衣裳楚楚者屬
邑也蒞斯土者主尚可布衣而步行乎僕尚可挑水而運柴乎為
之治其執事備其傘蓋繁其交際咸借貸以應而冷署如冰下無
以為德上無以為功五窮環至應接不暇如之奈何此居不苦之
地而適為苦者也八年十二月二十五日蚤舟中驟見小火長者
龐然幼者突然竟不識為誰家子徐聽其聲音抱頭痛哭此命數

續垂棘編三集四卷

十

五經堂彙選

寒阮父南于北者九年一旦見面肝腸欲碎者也頃捧手扎數載
隔絕如對芝眉灑淚痛懷始知老年伯奄忽仙遊猶記聶親翁觀
旋寄有尊諭勉慰備至尚存笥中忽焉乘箕上天五內震悼此痛
切而難已者也惟年兄以禮節情為時自玉積緒萬千書不盡意
統希台照不次
馮少墟曰詩文一道亦是古今不可少的聖人不禁人亦不教
人故曰天資高有餘力學之無傷不學亦無傷余錄此一種以
見于先生文章之妙又多能也 彪西

一部頒法馬之宜公用也○粵西地瘠民貧錢糧不容拖欠正宜恤民財以完公事若徒知刻剝則民多一分之私費便缺朝廷一分之正項以至嚴刑追比差役拷索民號泣無訴必倍貸以償目前迨至秋成雖豐田中之禾先歸債主一遇歲歉賣兒鬻女奔走流離是當亟加憫念嚴革收銀用戮以除暗加明加之害凡收條編有司宜親坐堂上將天平法馬置之座右不得拘定某盤放銀某盤下馬聽從百姓充納有司即發印票不得假手書役一力掌定民不敢言如有用戮收銀及書役覓平者許百姓赴告一納銀

續金林編三集四卷

十一

五經堂彙選

夫四月遂當耕耘之候九月又在收穫之時農工正殷而催科值逼民之赴納也已非得已又從而稍延之夫復何望且有司所司何事若百姓納銀米而不即上堂躬收是怠惰也若百姓群集不能隨到隨收即時發放致百姓隔宿守候則有司之才不才亦大可見矣是在嚴察一見年之亟宜閑恤也粵西見年名色與腹裏里長排年為一例係十年輪任正務若不加撫恤任意刻求勢必家破人亡於一年之中即數十年培養之不能復其元氣夫既革其供應矣而用其力以催辦錢糧是正務也然見年亦有田地若

終日奔走挨門逐戶而催之則自己之田禾荒不能顧雖未竭其財而亦已蹶其生矣當開徵之候有司出示曉諭俾百姓隨便上納如輸納不前令見年催冬頭冬頭催花戶可不勞而坐致也至於期望之點卯歲時之謁見日用之伺候當此邊荒極苦之地猶懼畏疑之衆似可盡革而期於相安是在裁酌一雜派之不可包於官由單之亟宜發於民也夫雜派之禁奉旨嚴飭不啻再四然亦有確不可少者每歲之中造由單紙張工墨有派在縣造實徵紙張工墨有派藥材本色額銀不足有派表箋包袱額銀不足有派春秋二祭禮不敢儉起解編銀水脚盤費有派兩次奏銷水

續金林編三集四卷

十二

五經堂彙選

脚費用有派是皆一定之例萬不能除但當堂與民公議期於足用眼同交銀里不得中飽若何其不敢將多派殊單留之百姓為話柄也至於意外之事如往年幫解雲貴之餉費有派幫各道之進表有派幫潯州之水脚有派凡如此類咸由上派定原有定數應將原牌付與百姓從公議派完解庶有司無不可告百姓之事百姓亦無疑畏有司之心上下相知而緩急可以相濟若夫愚弄搖擻欺其無知藉口派項之多在官一力包管初則猶相照顧終則包外加派民苦不堪而逃亡相繼是在亟為勸諭禁止也正賦雜項界限不明總由不發由單

之過○撞撞雖不識字○彼亦知遇人而過問焉○不發由單則原熟新
聖○混淆無所查明○雜派得由而入之矣○然○功令日嚴○諱過愈巧
印結甘結○徒事紛煩○若出其不意○稽查一二鄉民○問其有由單否
而官吏無所施其巧也○即如收銀大流水簿○俱係奏銷時打點停
當○無關實事○止將納銀發票與由單合否○而官吏又何所肆其貪
也○一有司之廉○取宜養百姓之泣○訴宜譯也○夫官之於民○猶父之
於子○父不慈則子不孝○官不清則民不良○况邊徼之民○雖刁與腹
裏大異○腹裏有勢官挾制○豈於把持○先棍肆惡○捕風捉影○若夫蠢
爾蠢獠○則不然○不諳官語○不識文字○惟聽外江流棍○唆哄告狀○詎
騙使用○及至提審○茫無一應○此粵西開關初年之情形也○數年以
來○百姓告官吏者○不一○非盡流棍之唆哄○實有逼於不得已者○夫
民之告官吏○豈盡是子虛○豈盡是刁詐○且有司之於民○宜化刁為
良○上下親睦○至於致民控訴○全無體面○亟宜引罪自悔○聽上處分
辭職離任○庶不致於官民構訟○以傷體統○若反復爭辯○以祈免罪
加民以刁○寧不自愧○縱使辨明無辜○復何面目○覲居民上乎○倘民
含冤不能剖訴○復增一仇敵○愈使民重足而立也○如立意與民洗
冤○此風一倡○始也訴之○出於無奈○猶知犯上之科○究也稍拂其意
而肆行無忌○恐開刁詐之漸○是在憲臺默挽風化○以釀和平之福

也○如有告官吏等事○留中而不必明行○按事而漸除之○以去地方
之蠹○以伸百姓之冤○則官吏知警○不至與民廷辯○庶公法行而廉
恥亦全○百姓知狀之未有准行也○必俯首歸家○不敢居告官之名
及官掛彈章○百姓群頌為上之明○而不自以為得意○是官之罪狀
精明○彈章○百姓群頌為上之明○而不自以為得意○是官之罪狀
取之群議○而無隱匿參核之權○崇之於上○而不顯恃乎告訐○如此
則民情上達○而民風或可幾乎淳良也○且以省案牘之煩○而上下
蒙清靜之休矣○

五段如五行循環○缺一便倒塌了世界○
洞晰情弊○如燭照數計○末段更為法良意美○
鄉後學石雲根謹識

陞閩臬上張撫臺 節錄

于成龍

行政多端目前苦累惟在軍需 王諭一頒時刻難緩然寓仁慈
於催辦之內寬一分則軍民受一分之福一切木料油麻鐵釘等
項先查經理衙門存剩幾何勿令沉匿尚需用幾何量其多寡確
實分派勿令浮冒凡司道分派數目申飭詳報上台詳到之日徹
底對查則沉匿浮冒之弊可杜而吏書不敢作奸至採買米豆等
項現在發價申飭司道不許牌內開如價不足另行補發字樣此
係騙局陽為君子陰為小人止許地方官照時價買解造冊報銷
如有浮冒者痛加駁減如大部奏銷之例則公事易辦而官民無

續垂棘編三集四卷

十五

五經堂彙選

平空填賠之累至驛站之事苦於倒追各驛官無隔宿之糧而施
欠至成千累百號天泣地不可聽聞將何以周恤各屬吏員奔馳
軍前枵腹從事內不能顧妻子外不能瞻跟役衣服藍縷殊無居
官之體將何以存濟排夫數減差使日增累及烟戶漸已逃避將
何以調停大江舟楫乃商賈血脉之路封船不已船戶潛匿商賈
絕跡將何以疏通漢沔一帶堤受水害百姓流亡將何以修築長
江上下塘汛無兵盜賊必致橫行將何以預防湖南一日不復軍
供一日不休楚地居民日就剝削患在肘腋將何以籌度楚民健
訟頓輒傾家敗產縱有一二富室破壞不堪將何以禁止事務多

端難以枚舉此行政之大要也

見得明察得通說得出真視國事過於家事者 鹿西
程子嘗言其識忠義字其識循良字如于山公兼識得四字 後
學石雲 根謹識

續垂棘編三集四卷

十六

五經堂彙選

上徐藩臺書 節錄

親○字○他○人○不○敢○下○筆
一曰親吏書 朝廷之有百官百官之有吏書一也百官之內豈
乏不肖吏書之中豈無賢者亦在因才器使而已耕問諸農織問
諸婢必然之理一身之精力有限衆人之耳目無窮各執事分辦
於下一人察核於上彼焉度哉但不可過疑亦不可過信用人勿
二古之道也樂彼之國其下維維古之言也好而知惡惡而知美
象吏莫不樂為之用何憂財用之不足乎若寂處尊嚴屏絕吏胥
止有一二親信恐利歸他人禍歸一己種種弊生不可枚舉矣
他人只說遠吏書耳此却用親字才膽識俱二十分 鹿西

為地方妖異報張撫臺

于成龍

成龍才疎德薄久荷覆庇兼辱教誨而區區緝盜安民之私素蒙洞鑒至恩援郡守惟履餽是懼倍加防禦幸履任一載頗保無虞忽於去歲五月大風示警以後怪異疊見自冬迄今府城回祿屢虞兵民受困或見為火團或見為赤鴉齋戒祈禱茫無一應此一異也猛虎晝行路絕人稀夜傍民舍巧為緩步之狀故作嘔吐之聲哄人出視犬出吠則卸之而去此又一異也有一等賊民三五成群匿於林中日將暮伺有孤客粧成猛虎一喊跳出將客挾入溪林縛歸藏土室內不見天日通賣他方有一等妖民青天白日

續垂棘編三集四卷

十七

五經堂彙選

大路之上用手將行人臉上一抹其人即不能言語頭畜行李公然收去此又一異也至于山隅孤村有一等惡少高郵汚陽流氓人物魁梧衣服整齊口稱討米勒索無厭稍不如意傾家搜括城市鄉村男扮女粧公然行走沿門乞食徑入內室與婦人關爭全無忌憚人不知覺若夫偷盜牛驢到處皆是成龍欲以德化之而德薄欲以法制之而法窮將刑不勝刑盜不勝盜矣種種怪異從未經見更可異者豫省光羅大雪盈尺即黃岡境內雨雪潤濕而麻城黃安自秋徂冬全無雨雪土堅成塊犁不能入麥未下種野無青菜固成龍不肖所致亦造化苑枯不齊目前開微不知何狀

茲當新正履端之始乃憲臺百福駢臻之會正千官慶賀之辰亦即萬姓望澤之期成龍備敘黃屬情形仰冀憲鑒俯賜軫恤以垂弘庥

天將降大任于是人也故作此盤根錯節以別利器不然青天白日妖恠何處得來應西李文靖作相多書四方水旱災異于山公此報亦猶是意耳後學石雲根謹識

續垂棘編三集四卷

十八

五經堂彙選

重選鄉約示

于成龍

為重慎鄉約以端風化以靖地方事照得朝廷設立鄉約慎選
年高有德給以冠帶待以禮貌每鄉置鄉約所亭屋朔望宣讀六
訓勸人為善去惡甚盛典也後世查奸戢暴出入守望保甲之法
更多倚賴焉無如黃屬風俗澆漓教化陵夷凡有司勾攝人犯差
役不問原被告居址輒至鄉約之家管待酒飯稍不如意詬詈立
至且於朔望點卯之日肆行凌虐倘人犯未獲即帶鄉約回話是
差役之嚇詐鄉約倍甚於原被二犯更有苦者人命盜賊不離鄉
約牽連拖累夾責受害甚之詞訟小事必指鄉約為佐証投到聽

續重錄編三集四卷

十九

五經堂彙選

審與犯人何異且一事未結復興一事終朝候訊遷延時日無歸
家之期離縣近者猶可早來暮去三家店等處遠在縣治百里之
外即以點卯論兩日到縣一日點卯再兩日歸家是半月內在
不過十日加以協拿人犯清理區保手忙足亂無一寧暑若三家
店丘鄉約賣一婢女止應得鄉約一年民間那有許多婢女以供
因公賠累乎凡為鄉約者所宜痛哭流涕也言之可為太息當日
給冠帶待禮貌之優典何在宣讀六訓查奸戢暴之良法何在一
旦責成保甲彼鄉約曾未家居何由而勸人為善去惡何由而諭
人出入守望名實不符上下相蒙世道頹靡大不堪言因之年高

有德鄙為奴隸殷實富家視為畏途或情或賄百計營脫而寡廉
喪耻之窮棍棍攬充役串通衙捕漁肉煙民以編甲漏造為生意
以投呈証佐為活計惟恐地方之不多事也居民之不與訟也差
役之不來照顧官府之不來呼喚也事勢至此尚可言乎故報之
鄉約巡檢有常規差役有常規書辦有常規此等銀兩非出之煙
戶而何鄉約之苦至此極矣於是有半月之鄉約一月之鄉約有
朋應幫貼之鄉約真如問徒擬軍求脫離而不可得更有良心喪
盡之輩報一名賣一名臨時必用陪點上下交接又有頂首積弊
錮習不可救藥欲端風化靖地方宛如癡人說夢茲奉上臺嚴檄

續重錄編三集四卷

十

五經堂彙選

力行保甲本府仰體德意痛革前弊合行曉諭為此示諭地方人
等知悉自示之後有司隨查明鄉分於適中之地立鄉約所亭屋
選年高有德者擇吉迎送給以衣頂行二跪一揖禮在鄉約所任
事朔望諭鄉民聽宣六訓此外一不許票仰協拘人犯二不許差
役到家飯食三不許原被告指為証佐四不許朔望點卯五不許
請立印簿六不許差督編查煙甲七不許買辦軍需八不許人命
盜案牽連姓名九不許投遞報呈十不許紳衿把持凡人命盜案
勾攝人犯惟保甲保長地方是問惟爾鄉約無事則勸化愚民有
事則密稟自封用圖記牢釘星夜飛遞一年更換地方平靖訟獄

不與者年終給以稱職字匾。地方多盜訟獄繁興者年終書不稱職。用木刻條釘於門首。或飲錢擾害不公不法者訪實即時懲革。於縣前懸大木牌書貪惡鄉約姓名於上。以示勸懲。於以端風化靖地方庶幾近之矣。凡我屬邑勉力行之。以宣揚上憲德意。未必於地方風俗無裨益也。

翟方伯之御覽錄書于總憲之重選鄉約一經一緯可法可則。庶西

人之欲善誰不如我。但無實心教化者耳。讀此如對晉城令。後卿學石雲根謹識

勸賑諭帖

千成龍

今歲饑荒太甚窮民畏法甘心餓死罔敢為非凡我士庶孰無惻隱之心本廳已倡輸化緣晝夜憂思自己力薄不能薄施又恐募化錢穀難於周給有一法於此饑民咸有戶族仰戶長稽查合族化米贍養如無戶族責在甲長稽查報知鄉保與練長會議計區內饑民之多寡合一區烟民布施搭救上戶節省酒肉中戶減少飲食集日用口腹之餘瀝救戶族隣佑之死亡鬼神有知必報以戶族興盛隣佑和睦施多者子孫富貴施少者家門平安或饑民繁多竭區內之施化力不能給即據實報明公議設法官助如區

內戶長甲長坐視饑餓不報知族尊鄉保練長以致饑民餓死者戶長甲長照見死不救科罪鄉保練長力不能繼忍心不報官者各倍罰賑此以族中之布施養族中之饑衆區內之布施救區內之饑衆易為照管法似省便且以官賑備其不足或可野無餓殍和氣召祥豐稔可俟將此立斃之殘生得見來秋之大有不惟施救者欣同樂利而更生者不知如何頂戴也此法出自苦心思惟凡我士庶勉強而力行之不勝引領以望

呂豫石救荒疏一勸二勸三四五勸而情猶未已此文專言法何與居鄉情為主法輔之居官法為主情輔之其揆一也。庶西

慰諭急公示

于成龍

為曉諭事○照得滇黔作亂○大兵征勦○鍋槽草豆○勢所必需○非官司之忍心苛求○實兵馬之日費浩繁○爾民遠處山谷○辦解困苦○而各官軍前支放○湊楚尤甚○本府在武昌○答應因草不足○曾撞頭於柱上○因豆不足○曾逼跳於江中○因舡不足○曾捨命於湖內○傷哉九死一生○言之涕泗交流○是屢次派徵爾民有賣兒鬻女之慘○而催解不前○居官有性命存亡之危○即撫部院○朝廷大臣○身受窘辱○大小官員奔走泥塗○實厄運偶逢○三桂造孽○害我官民○夫誰怨尤○在朝廷軫念民艱○一應軍需○現發帑銀○尤恐下情難達○特委三大臣

續垂棘編三集四卷

三

五經堂彙選

料理糧糗○決不派之民間○浩浩皇恩○諭告屢頒○且撫院告示有軍需孔亟○念切如傷○請銷脚價○請緩征賦○宵旦不遑○形神交瘁○之語○昭然在人耳目○爾民閱之○豈不痛哭無如○上恩有餘○而下行則阻○如買草每束一分二厘○未嘗短價○而發銀未能足數○因盤費必有折損○差役鄉約俱有盤費○此項銀兩○豈非一分二厘內數乎○若夫軍前折草○官價一分二厘○如數支給○然每旗有三營○每營甲喇四五名○共有十四甲喇○不等○即分銀十四封○傷折最苦○且五日一放○無限留難○又八旗有八委官○支持每放有賞賜○哀哉此分外費用○不惟開銷責之官○賠窮官有何家業○而能賠耶○爾民之

續垂棘編三集四卷

廿四

五經堂彙選

苦官知之○居官之苦○爾民何能知之○若夫武昌之草費○至二分○荆州之草費○至三分○以外哀哉○官民交病○誰好為之○如催解嚴切○爾民知爾民之苦○本府署武昌○因安撫來麻時○衙中尚有總督令箭○供奉棹上○差官夜不收坐○則衆喧嚷○行則拉馬頭○居官如此之苦○而欲州縣之緩○催得乎○所幸者○禾苗豐盛○天恩也○錢糧停徵○皇恩也○黃屬地處江北○雖有兵馬往來○不過一時之驚○比之荆襄鄖岳○武漢一帶○夫兵駐札○野無青草○糞積如山○民人流離○不知何所○則黃屬尤微○天幸享大平也○合行曉諭○為此示仰黃屬民人知悉○軍前需用○勉力支持○且照糧派解○尤屬衆擎易舉○總受追逼○皆由

天定○切勿怨尤○難星無不過之日○逆孽有速平之機○照項蠲補○以酬勞費○特諭

一難一解○且勸且慰○一副官民先憂後樂圖○彪西

勸諭士民告示

于成龍

為獎勵忠義良善○以靖地方事○照得東山作難○止因被誣士民○嘯聚將附近居民○逼脅入黨○哀哉耆年父老○曾經兵戈之慘○曾罹流亡之苦○萬死一生○留此殘喘○撫兒孫而心酸○觀田宅而魂銷○又有衣冠子弟身受○朝廷恩榮○顧惜祖宗門第○禮義廉恥○不忍棄絕○中夜徬徨○莫知所措○父母妻子○環聚而歎○欷泣下○又有種田農夫○賦性愚樸○十數年來○耳不聞金革之聲○目不覩旌旗之色○止知終歲勤動○納糧之外○積儲粟豆○花布茅屋之中○畜養鷄鴨猪犬○稍有餘裕○買牛生犢○便稱山中富翁○聞此警息○捶胸踢足○件件難捨○又

續垂棘編三集四卷

廿五

五經堂彙選

有商賈之流○或係已資○或係借貸○拋妻別子○經營江湖○折本羞見○故鄉○尚有生意○歸家修理房屋○沽買衣服桌椅○器皿好為精緻婢女僕兒○好為役使○忽聽無端○啓釁顧惜從前辛苦○棄之不忍○守之難保○痛哭流涕○天日昏慘○凡此士民情狀○堪憐○因之族微勢寡者○舍派棄家○遠避他鄉○苟全性命○誠恐族大勢重者○糾合同姓○異姓○督修堡垣器械○能自守衛○決不為三從黨此等苦情○壅於上聞○在爾等各為身家性命在○朝廷便是忠義良善○若不獎勵○何以勵後○合行給示○獎勵為此示諭東山士民○知悉爾等自能守衛者○忠義可嘉○望風遠避者○良善堪憫○自今伊始○潢池赤子○俱是一

家各宜安心樂業○共享山中太平○本府更有囑焉○值此多事之時○不無一二姦民○引誘後生○微倖功名○殊不思耕田鑿井之民○豈慣為披甲荷戈之事○本府曾有訓言○山中正好避兵○農民豈堪將相○古語有云○一將功成萬骨枯○這事豈是容易做的○嗣後須嚴行保甲○責成戶長稽查○詐偽勤約○子弟勿留禍害之種○勿蹈危亡之轍○慎終如始○以靖地方○

直欲取出一副仁慈心腸○與士民共○故字字入情入理○彪西○無論士農工商○願與老安少懷○凡有民社之任者○不可不存此心○又評○

續垂棘編三集四卷

共

五經堂彙選

進勦何士榮給各區牌示 第八節

于成龍

為曉諭事照得何士榮謀叛煽惑無知逼脅良民以致人心驚惶
地方不靖本府特來勦撫命方占魁傳諭何雲章何嫺人速勸何
士榮反邪歸正茲聞何族人等疑畏株連男婦奔竄是豈仁人父
母之所為一人有罪合族何辜果士榮傾心投誠本府哀求撫部
院矜宥亦當待以不死況原未同謀何忍一槩波及且雲章苦口
良言猶彰彰在人耳乎合行曉諭為此示仰何族人等知悉各釋
疑畏寧爾室家凡鄉保地方人等切不許藉端嚇詐柳下跼未嘗
累及柳下惠往古之事也鄒君升未嘗累及鄒君榮近日之事也

續垂棘編三集四卷

廿七

五經堂彙選

王法天理竝行不悖夫何疑畏之有至於何士榮起禍之地涇渭
自別及宵從逃歸之民不止無罪且加獎賞若有出首偽劄者繳
報撫部院題請優叙本府之言天日可矢鬼神可鑒切勿有懷
疑畏妄自奔竄思之慎之

似從龔遂治渤海曹彬下江南之法而互用之更覺神明變化
後來居上 應西

先生有文事兼有武備按禁嚇詐示云本府手刃四十八人又
按張撫臺答書云親翁荷戈擐甲跋涉山中賢勞頗為係念然
以文吏而壇武畧屢著奇功讀此札益服先生為全才也 又評

嚴禁嚇詐告示

于成龍

為曉諭事照得鮑世榮等倡亂本府深入黃市領兵勦滅已經獲
解正法其餘脇從既不追究惟有同惡叛黨恐留根株為爾鄉民
禍端他日報復良善反受禍殃本府保全善類於十一月十九日
離黃市時留一密封硃帖計拿李公茂王子之等一十九名囑汪
拱極收藏與丁企生田穀伯等密議行事此出於神人之公憤勢
不容已嗣後李公茂王子之拿解正法熊遐先當場殺死彭三俊
等六名拿解為兵李廣宇等投見歸農不料人心不良輒起貪殘
藉端生事遍地嚇詐民不安生此豈是仁人長者之當為此豈是

續垂棘編三集四卷

廿八

五經堂彙選

同鄉共井之忍為生死切齒及令本府為善不終召憾於鬼神歟
怨於百姓茲當新正諸神下降清查人間善惡本府每夜泣禱如
亦不敢言也
本府為利傷命刻剝鄉愚忍心屠戮株連無辜乞神速誅及其子
孫但上自官長下至保練咸藉本府為名釀惡無窮是爾等之罪
即本府之罪本府雖自反無愆其何能免爾等罪孽深重之累及
合行曉諭為此示仰士民人等知悉見示之後亟行懺悔有搶擄
婦女者速還婦女有搶擄牛隻者速還牛隻有嚇詐銀錢者速還
銀錢有逼索貨物者速還貨物尚可挽回神怒苟免凶報若執迷
不悟小之得病喪軀大之闔家遭瘟絕滅子孫不義之物仍被旁

人爭奪惹得鬼哭神笑而本府亦不能逃其連累陰司罪案昭彰○
勿占一時便宜不聽本府之言三日內外定有報應速宜遵行各
自懺悔不勝切禱

易曰與鬼神合其吉凶又曰聖人以神道設教而天下服矣書
曰惟爾有神尚克相予以濟兆民無作神羞易書之言如此自
宋儒矯二氏之偏將鬼神多作氣機上說後世小人流入無忌
憚一路明既不怕人非幽又何恤鬼責得此文可作屋漏慎獨
一助○
彪西

招安六安州麻埠告示

于成龍

為勸諭事照得歲比不登小民失業者眾困於衣食往往相聚為
非原其初念豈便甘心作賊不過計窮無聊希延旦夕耳朝廷
知爾民此苦故投誠歸命者概從寬宥分別獎賞各省督撫又悉
此情故倡亂脅從者先事招徠不忍遽剿本府仰體上意俯察下
情疾首痛心無非欲保爾民之身命洗爾等之惡名區區此誠天
日可鑒前者蒲圻不守言者遂指為從逆大將軍震怒將加剪滅
本府單騎入城招徠底定至今安土樂業得免誅戮次值麻邑東
山告變主勦之言一日數至本府親加撫綏各憲賞賚優隆今茲

家室豐登盡為樂土近者羅山賊首隔省來歸本府不以越郡為
嫌督撫不以鄰省岐視迅發銀布衣食移咨豫撫及所在官司赦
其罪愆護其田里彰彰耳目共見共聞此寧本府別有異術不過
仰仗朝廷寬大與各憲慈惠恩德得宜能服其心耳今聞爾麻
埠地方亦有亂信風聞不的虛實未分事屬南州在本府可以膜
視但念爾等同處天壤之間誰非朝廷赤子或為勢豪所迫或
為饑寒所驅或輕信亡命之徒假造偽劄轉相煽誘以致二三無
賴謂黨隙可乘富貴可望甚至謂大兵精銳進討湖南江西可以
乘間陸梁不知挾持偽劄之人即係近省犯罪潛逃者計無復之

故假此入夥○若此輩果係滇黔親信○則彼必留為自用○安肯遠奔數千里之外○其人若果有才能○亦必自戀富貴○又安肯出萬死一生○以試虎口○即爾等偏信不疑○亦須審度時勢○試看湖南江西相持一載○彼曾進尺寸否○自救不暇○焉能救人○目今滿兵一萬○新駐九江○而四王爺李總統大軍不下數萬○正從信陽過師○分駐廬鳳江州等處○倘聞爾等竊發○遣一旅之師○關會江西湖南廣河南江南四省與爾連界郡縣○會兵進剿○爾等求撫不得○欲逃不能○滇黔之遠水不救近火○本地之親鄰盡為敵國○黔者背約先逃○愚者束手待斃○眼前之妻子盡屬他人○祖遺之田產盡為官物○仇讐快意○親

續陞棘編三集四卷

世

五經堂彙選

戚悲傷垂及子孫○尚為笑柄○爾時求本府今日一紙書○安可得耶○如謂本府不出實心○徒以大言相恐○不妨廣為偵探○商之老成○以決從違○蓋好亂喜事之人○常以訛言哄動○爾等不察事勢○轉相傳布○認假為真○至敗方知悔已何及○往年爾等地方○亦曾有亂○彼時首事者○尚有膽識○結連者○尚有數郡○控弦者○尚有萬人○曾幾何時○灰飛烟滅○父老尚能言之○爾等當亦目擊○則其效亦可睹矣○合行出示○為此示仰麻埠士民人等○知悉○或有難白之隱情○切膚之痛楚○以及饑寒科役仇傾○勢挾種種苦情○不妨徑赴本府投訴○本府一面移會爾府官司○善為安插○一面飛詳本省撫憲○轉咨爾省撫

憲求其寬宥賑濟○一如羅山等處○事宜決不食言○其有才力過人志懷報効者○本府定保舉○題敘○以憑錄用○立賜顯榮○必不以傾心向化之誠○置之空言無用之地○此本府一片婆心○故不避越俎之嫌○諄諄勸勉○如慮本府地方區堡嚴密○不敢徑通○當令二三老成○隨傳示人前來○先為照會○倘執迷不悟○則本府與爾輩相隔數百里○風馬牛不及利害○俱非所關○亦坐視爾等之噬臍而已○思之慮之以毋負遠念至意○民吾同胞○物吾與也○想當如此○俗儒自私者○視之必曰○出位多事矣○
處西

續陞棘編三集四卷

世

五經堂彙選

或曰○判與檄俚矣○恐不文何余曰○宋如張明公○朱文公○明如王文成○呂寧陵○諸集皆然○然則判與檄即政即學○是二是一○若夫學如元凱○文似相如○此等才華○世自有好之者○余不能為亦不好也○又評○勸諭周至○一片藹惻心腸○直沁入人心肺○那得不教人呼父呼母○鄉後學石雲根謹識

跋于山奏牘

武昌印

未寧北漢于公○交城奮雪張公○暨余三人○交最久○辛卯春○同肄業
 於會城之崇善寺○會城風俗○繁華良辰美景○嘯歌而管絃者○輻輳
 於寺中○三人厭之○友人荆雪濤時澤○普召三人於城北故晉藩之
 蓮池東書院○晨夕琢磨○以希一遇○放榜三人俱未雋○鍛羽而歸各
 開其戶○戶雖各開而走札相規○依然卯春晤對時○丁酉奮雲登賢
 書余抱病數載○北公以己卯副車出就部選○得粵西柳州之羅城
 假道敝邑○枉顧寒廬○毅然曰○我輩雖無科第○分上古之臯夔稷契
 豈盡科目中人耶○我此行絕不以溫飽為志○誓勿昧天理良心○四

續垂棘編三集四卷

世三

五經堂彙選

字子夙○知我於蓮池書院者○敢為子質言○無隱余由其言想其心
 預信必為包孝肅趙清獻司馬溫公海忠介一流人物○既而由粵
 西而蜀而楚而閩○巡撫○畿輔總制兩江○數十年如一日其剛毅
 自矢○不畏強禦○則包孝肅也○其精白一心○可對天地○則趙清獻也
 其安上利下○扶危定傾○則司馬溫公也○易簣之日○僅餘竹簣敗筍
 汚衣舊靴○銀錢毫無○則海忠介之蕭條棺外○無餘物○冷落靈前有
 菜根也○所云言顧行○行顧言○其北公之謂歟○嗟乎北公生受聖
 天子之褒寵○賜詩賜白金○賜良馬○賜麋魚肉○賜銀鼠掛○及其歿也
 宸翰御書○勒石墓上○北公亦可含笑九京矣○余所不快者○天不恕

老乘箕太速○言念典型○為我心惻○三公子評來○詒表貽行○述奏牘
 數冊○魏余力薄名微○不能表章北公○北公亦無俟余表章○竊念三
 十年友誼○終不能熱然于心○幸洪洞彪西范先生○彙輯三晉人文○

敬將北公諸著作○轉贈范先生○既經收錄○于三晉語錄○晉國垂棘
 等書中○仍借巨筆立傳○以盡余區區之友誼○或可以傳北公忠孝
 廉節之萬一云爾

北公事業震世○疑有天才神授○不知其得力處○止是認得天理
 良心四字○不變初心而已○三復跋文○為後世學北公者○開無限
 法門○彪西

續垂棘編三集四卷

世四

五經堂彙選

續垂棘編第三集目次

卷五

王臣直 見初集

武鄉試錄序

武鄉試齒錄序 鄉試齒錄序

與焦公祖書

陳廷敬 字子端澤州人戊戌進士見任都御史

賑災疏

陟帖樓記

韓文 見初集

啓蒙意見序

續垂棘編第三集目次

五經堂彙選

李淮 字巨川聞喜人正德甲戌進士歷官巡撫

送喬道士序

李汝寬 字嚴夫巨川孫嘉靖丙辰進士歷官評事

寺觀說

相宮辨

聞喜曲沃辨

李諱 字芹君巨川十世孫文學

關佛事說

徐弘先 字文青臨汾人丁酉舉人主事

哭母文

尚書總論

劉時俊 字鵬南趙城人崇禎癸酉舉人知縣

戒殺文

吳夢熊 字兆祥絳州人崇禎間文學

義學碑記

卷六

成

德 字赤公原籍霍州因父贊北直懷柔張氏遂歸張崇
初霍州建祠

天變疏

孤臣疏

擊奸三疏

辭闕疏

請告兩揭

革職後三揭

鄉賢議

河東行事序

初春七藝序

續垂棘編第三集目次 卷六

二

五經堂彙選

讀邸報說

自識藏書錄後 旋赦自誓文

書忠愍抄後

王恭先 字孝伯臨晉人辛卯解元己亥進士知縣

成忠毅傳

張潤民 字敬齋夏縣人丁未進士見任戶部主事

姚忠烈傳

樊虧先生傳

王恭先 補遺

與石現園

與王化六

蟹齋

唐詩鼓吹

兩郝天挺

跋高家傳

六卷終

續垂棘編三集五卷

洪洞范部鼎彙編

男 翻卷閱

武鄉試錄序代

王臣直

龍未可而潛也○貞可而升也○利東海之老願云○天下治○聖人藏天○
下亂○聖人昌○聖人龍之師○貞師利不師升○潛耶抑其不蛟蛟而已○
也不遇盤根錯節○無以別利器○凶水血刃○開放勳懷山一濤○開崇○
伯子舟車輻輳○升之功多於潛矣○天地之德○皆可同之○可而未可○
視目光所置水則寒之火則熱之呵溫吸凉瓦石之變寧在瓦石○
手陰窮大泣陽無介僑離之劇改於尸以庶幾不遠其猶能追日○

續垂棘編三集五卷

五經堂彙選

月之遊矣○故聖人逆用其潛為昌○揮罕絕羈龍遂矣○聖人不道也○
曩于對命督晉士○即已念切疆場○不淨臣子之恥○然予衛士以文○
也士升以文○余升士以文○今文果無裨於疆場○將毋其為八紘蓋○
小子在淵○丈人播船○則予為士之望升者○望士一日短長○遂定升○
潛凍凜冽○射覆之無功也○頃循額授○尤上於闡而吾心命為楚楚○
者闡亦楚楚錄之矣○闡撤而健兒若干○四集旗蠹下○予不任高下○
高下之實○御史臺劾○志厥事事其難視文闡先以飲羽驚天○截飛○
駭止○試射射効○再以風騷霧鬣○斷山扶壑○試騎騎効○予乃得秉所○
汰之半策之獲○俊以升○如我冲人額○乃又不必楚楚錄如文士文○

續垂棘編三集五卷

二

五經堂彙選

士不盡才得以局外謝之○武士不盡才視非夷目予實任其咎則○
予升是六十六人者而祈靈手內朱碧弗信○再祈靈目中絢素弗○
信又復祈靈內之微知母倍明倂先而觸蒙昏弗信則予惶惶弗○
勝割鼻食口喪息之懼矣○於是祈靈晉之山川風物因憶輪蹄之○
所至止○神志之所往來○則遂攬轡晉陽而見北峙方山○南臨孟門○
句注首峙靈山角立也○則思良將居焉○門如李牧其人○遠賢於長○
城如李勣其人○俘獲契丹如張齊賢其人○罷前帥不急之務墾田○
并州如韓琦其人○因而涉兩河見背負關陝南阻大河接汾晉而○
連同華也○則思食邑平陽如曹參其人○授節度平河中之亂如郭○
子儀其人○副河東行營平河中如馬燧其人○承平知他日有警如○
宗澤其人○勇敢封冠軍侯如霍去病其人○至轉附而東也○澤潞處○
賢參分遼沁之間見銅鞮案其前龜山鎮其後則思陸博自混與○
五王夾日如狄仁傑其人○寬徭薄賦如杜豐其人○為政不務首察○
與軍民休息如陳思濟其人○由是登大行之脊見其肘京洛而履○
蒲津倚大原而跨河朔也○則思惠施有聲民乞再留如柴禹錫其○
人○指揮風流屢擊敗石勒如溫嶠其人○持節荷軍威振西域如馮○
奉世其人○乃若雲中雖予車跡所格然一想其層崖刺天古道極○
峻誠用武之地也○則思北逐威振朔漠如蒙恬其人○材氣無○

雙時號飛將軍如李廣其人出私貯養士敵人不敵近塞如魏尚
其人少擊衆縛兩炬三頭如蘇范其人其人皆智仁廉勇求其
名於山川鬼神魄居魂感及吾手目皆得遇之矣迨進若曹而目
交也則惡定其人如其文又惡定其人人郭李在在蘇牧也予仍
恐其為八紘蓋也而予更有以飭若曹矣計若曹肩摩蹙蹙後卒
之隸之亡賴之喑啞而叱咤之頭搶地欲死耳月才匪盈虛倏進
而士之終且將之將之未也而帥之長于師中丈人異日即不盡
取諸若曹亦不必不取諸若曹矣此亦龍之升而利也龍被五色
而遊風雨奉之不足貴貴在一飛而雲從能以函天地者翻江海

續垂棘編三集五卷

三

五經堂彙選

為膏潤故稱利也語曰龍能變水人能變火火視所受而暴其光
故淮南曰受光於隙照一隅受光於牖照北壁受光於戶照室中
無遺一物受光於宇宙照天下矣光照所及其象為昌故曰得全
全昌又曰而邦其昌然非聖人不能昌也而所述變火之說何居
夫盛德在火其位離其色赤其音徵其象兵其氣怒水之不可以
濟水也得火乃濟故曰天下莫相惡於膠漆而其相愛於水火膠
漆合而相毀水火射而相成利於變也變如冬起雷夏造冰枯木
能華豆中攝鬼畫門可開土鬼可語皆在常情無所措手之地妙
有幹旋以收開眼之功則天下亂聖人昌之說乎今東都憤師將

若士相於陰矣陰形勝極陽喪其續故曰卒而後而能自改也陰
極而陽乘極而剛熾極而怒說在易之蠱利用華也勾踐仇吳其
怒在勸胆忍冀間凡於知變若曹通籍鄉書詎即不得以賊遺君
父今縱不以前所稱引諸君子難若曹若曹自旌想撫時艱而怒
氣不覺上於冠也當無難諸君子耳往三試時貫華而氣怒乘馬
班如泣血連如而氣怒文章如鉅鹿之戰而氣怒自今以往怒方
興而未已也矧晉兆方多事於若曹尤迫膚耶頃太乙自參井東
入於齊兩河間應卒起非常之變歲星當居不居其國應亡土太
白當入而不入當出而不出亦又為兵兆矣君子豹變天下文明

續垂棘編三集五卷

四

五經堂彙選

變魯變道其機安在也語有之○水注水即鳴水鳴而注何在石擊
石即光石光而擊何存龍能潛故能升聖人能藏故能昌聖人能
之政妙於見首而不見尾也
胸中無所不有筆下無所不化文章之能事畢矣○鹿西
句句是勉勵多士語却能洗盡一切俗冗陳腐之氣○又評
王復元文章左提關西右携漳浦此倪鴻寶之言也止以文論
亦可以頡頏于文太青黃君泰之問○又評

武鄉試齒錄序代

王臣直

歲而當名服事強國會軍開也○拜命武闈○創得終始○陽月未晦○撤
闈書告天子王矣○諸生循故例論齒○而予應以乘章先計始事○魄
舍肝之夕○再致禱於朱碧之宣○所如郭李○庶收其人○用副拊髀至
意○則此揖讓大將軍○森下者異時將將之○將之克與有榮○弗克與
有辱○匪第在爾曹○錄爾曹者其昏明焉○適則益奢○逆自削異益之
鋪矣○而與以問年也○是即督之習禮○可以鄉別服義○可以長幼其
毋乃刀缺柯折○往血是虞○矧力事不讓○辱事不齒○甲冑之間○無所
用之○而予又與以問年也○乃吾聞諸夫子○蓋有三就焉○夫強乎武

續垂棘編三集五卷

五

五經堂彙選

哉○知未以文也○而文之經○不云乎○兵無刃○師無陳○麟或賓之○溫鉅
鼓矢石先之以德○讓而後勇○可試威○可加於天下○進則如手足之
捍頭目○退則不敢以賊遺君父○讓之至溫之至也○故軍或累車○文
人摧罕內陷之瑕○此不亦軍旅之貴養讓耶○然養讓正在不衛坐
不苟越○不干逆色○只此趨翔周旋○俛仰從命○間恭而遜○耻而不使
其過宿也○悉善而謙其端也○今之亦步亦趨○即異時之步伐止齊
今之疾徐先後○即異時之進退死則今日而○又奚不與爾曹問
年也○土非土不高○水非水不流○人非人不濟○肥瘦黑皙○秀眉弘頤
慧齊舒好賦○形不可倫等○匪但予而不謀爾曹○即爾曹亦未相謀

續垂棘編三集五卷

六

五經堂彙選

面而卒然以爾騎射文章兄弟第於一朝○予亦得師之弟之於
一朝也○非人與人相濟以有今日耶○乃予實不期爾以謀面濟而
期以聲氣濟○不期以頃蓋濟而期以千秋濟○梳孟魏壹壺益何以
能見天地○此龜數著破瓦文石○何以告吉凶○形自通精相感也○蕭
松劍壁火魄於地○子之以魂而班尹季蘭○如呼其靈氣而躍躍起
立○矧爾曹魄居魂守○篤義而觀禮○朝夕焉其相安者乎○山雲草莽
水雲魚鱗○早雲烟火○澤雲波水○形類所赴○相依於其本質爾曹勿
謂相離以處此○黃鶴弦韋於是焉在○而且有精氣之吸引蒸蕩漸
摩於不覺者○即爾曹如賢人之好已正焉○強其所劣而損其所習
其事亦非可襲而得之也○將飛得羽利以登於天○豈輔彊是倚○碩
病下人不知事賢耻不知而又不問也○是必惑闇終其世已矣○曾
是之謂論齒也○乎且爾曹論齒○庚非泛然萍梗者○天涯朋好○遂薰
兄弟大戴禮之論事兄也○兄行有不中○則內外以養之○弟行有不
中○則兄事之○夫弟而兄事之○則亦猶之乎內外以養之矣○過失相
規○薄俗所難重之畏辱而木舌安在○平時肝胆非即遇事胡越者
夫惟不明於相養故至是○子思子亦有言○不信乎朋友○不獲乎上
矣○而又有謂朋友不信○非孝戰陣不勇○非孝則事君事親○端在斷
金矧兄兄弟弟於一日也○今日之事○又非一朋友之誼可了者矣

則○予○試○推○廣○內○外○以○養○之○說○為○諸○生○質○言○之○禮○曰○養○於○內○不○養○於○外○則○是○越○之○也○養○於○外○不○養○於○內○則○是○疏○之○也○臭○味○一○通○功○名○與○其○爾○曹○業○以○騎○射○文○章○相○濟○以○有○今○日○繼○自○今○騎○射○文○章○殆○將○身○之○矣○視○子○於○草○帖○括○不○若○其○忽○焉○而○紙○貴○忽○焉○而○散○帶○也○則○爾○曹○執○此○伎○以○往○來○宜○相○愆○勑○如○戰○法○試○以○名○行○必○善○行○之○若○行○不○行○身○自○將○之○若○行○而○行○因○使○勿○忘○三○乃○成○章○謂○之○法○焉○而○養○道○乃○具○是○矣○縱○良○枯○敏○鈍○人○弗○可○以○一○格○持○然○勇○者○與○之○高○其○氣○智○者○與○之○上○其○慧○燕○者○與○之○鋒○其○骨○才○伎○者○與○之○多○其○功○能○乃○至○腹○大○而○自○遠○與○之○期○于○城○黎○黑○而○膏○膏○與○之○矜○救○世○之○容○又○清○推○其○玉○山○

續垂棘編三集五卷

七

五經堂彙選

辨○驚○其○風○雨○有○如○月○甜○風○酸○日○苦○雲○鹹○水○飛○沙○立○雷○文○蓓○鮮○各○形○於○大○造○而○不○爭○於○動○靜○之○數○及○若○相○須○以○點○綴○化○工○則○今○茲○揖○讓○相○先○於○鄉○固○即○其○浴○日○月○際○風○雲○使○才○如○水○用○兵○如○草○木○者○乎○是○乃○予○有○進○於○論○職○者○矣○而○予○非○故○過○爾○曹○也○東○師○一○債○其○象○為○戈○木○之○盾○射○戈○之○狐○春○秋○大○復○仇○此○爾○曹○今○日○事○也○聞○之○朋○友○之○仇○不○與○聚○鄉○兄○弟○之○仇○不○與○聚○國○君○父○之○仇○不○共○戴○天○仇○在○中○氣○不○得○不○怒○怒○則○懼○其○激○而○敗○也○故○先○與○爾○曹○養○讓○以○積○其○氣○於○深○積○深○而○發○其○為○信○氣○也○中○易○義○氣○也○時○舒○智○氣○也○簡○條○勇○氣○也○壯○直○而○後○乃○仇○君○父○之○所○仇○其○復○也○必○矣○語○曰○衆○人○愈○利○而○後○鈍○更○

人愈鈍而後利養讓之說于固處爾曹以鈍也若其利也則尚需諸後焉耳

從序處看出讓字從讓字看出怒氣復仇恰是此題不刊之論而文思變化古錯五花八門令人驚怖

彪西

續垂棘編三集五卷

八

五經堂彙選

歲大比士例以直指監臨而予竿服厥事其強圉上臨單閼無異
他歲當名乃若予以神房阿閣來計齊徂晉緯列東西單閼實兆
在予不佞兼之東顧憂勤我中人單開更兆在疆場矣蠢聞於東
物差其容思人思地思時物於斯交應則何能無劾也即命羅士
匪予司也然第弗親朱碧也局若鑰靜若譚督若下走當薄其類
深謹罔弗恪風日燈火之從水滿科雖予不自越也聞役已報成
命日嬪月隨不敢知乃時進多士相周旋謀面間陰力吾目光少
觀其信憚而能弟壯觀其繁蕪務行而禮施老又觀其意憲慎強

其所不足而不渝也庶幾變官民能歷其才藝之遺乎維時朝廷
之禮亦既森於鄉書矣則相與檢貌縮足而前乞弁言將循故事
論齒也先後疾徐童則儀之禮可鄉別遂文揖讓而將何以益爾
士因而托朱張之妻子敷班尹之腎腸精可復虛而聲可復立誰
謂爾不千秋以上者而又何以益爾士於是焉易勸為規如周官
人法位志有戒鄙心而勢氣有戒臨人以色高人以氣有戒賢人
以言防其不足而伐其所能有戒然而至友之誼也爾固能自旌
焉而亦非予所以益爾士也天子恢八紘以掩士此亦君子於辰
終莫能圖之時乎玄黃相迎其意感感繼自今以往鍾鼎在懷不

得復謀獲繩間矣孔子曰獨富獨貴君子耻之耻利而後試鈍而
先養而養不第在環玉涎指也處必擇渚游必就士養在防僻邪
通中正強自取拆柔自取束養在疏穢腥以遠其端之所自構布
薪若一火就燥平地若一水就濕養在植其本以悅其類之自感
恥何以使淮偃何以使塗養在相其宜以齊其性躍冶易動囊錐
易露養在上价石而下儼佻山為積德川為積刑養在興風雨而
生蛟龍內耻深於中而所見才勇胆智各有一秘惜之處以盛其
功名而後乃免於不田而穀也乎顧據是為有益於爾士信也未
悉也則予又憶吾夫子之觀川焉通於耻其微貫而幽達其思靜

醜躁思義醜貪而中忠於欲也惟茲其茂在王庭而連官集乘同
憂若一也惟茲故水可比德於君子其赴仞之谿不疑似勇淺者
流行深淵不測似智所及者生所不及者死似仁流行痺下倨句
皆循其理似義受惡不讓又似貞爾晉汾水充其腹黃河控其右
臂請作此觀川之觀進退升潛何之而非水德也耶鯨波秋漲中
派揖眇吾不能清中原有如此水此乃爾有進於觀川者矣即今
予觀少焉觀壯焉訖又觀老焉而飛光駛馳魯戈莫必而少而壯
而老轉盼不可作今觀矣則予更有以饒爾士吾夫子之雉噫而
觀庸也曰吾以愛吾日也噫讓呼吾父師迫於外薪桂米鹽妻子

迫於內至於錐股噉胆○又迫於西之落名孫山時舌禁而無與語
曉懸而不得下○今幸得之○則何可輕釋前仇○悠悠時日為也○爾曹
一念及此○當知矢折軍北之耻○毒於獨富獨貴萬萬耳○山雲蒸柱
礎潤冬水可折夏木可結時不可不乘也○矧載車載杭宜於王之
更矣○懷想修羽○猶將疆其義焉○若何冲霄已具自甘榆枋也乎○即
夫子之他日告君曰○社稷之主愛日未明求衣日昃不食天子亦
且無解於宵旰○則誰能寬然於絕棚斷車之懼也○爾曹誦法孔子
于何敢撫他族緒論亂爾聽聞于言即無足為蔡則有孔氏之標
旨○在矧爾曹以四方萍梗一日芝蘭今既執禮甚恭問言於予則

續垂棘編三集五卷

十一

五經堂彙選

循絃以觀於樂○通雅以觀於古○其必不以予規為瑱矣○語云○以聖
師聖者賢人○以賢師聖者聖人○吾且置爾曹以賢師聖之列○勿謂
是少長之序文也○而名求之也○爾即名求之而予已以實應之矣
若必以為言之不文○行之弗遠也○予計惟馬首是東時當還謝過
於神房阿閣之上○其辭曰○曩應強圍單開之兆○予不佞未敢負天
地負冲人○兼負爾多士爾多士實負予不佞也
君子進德修業欲及時也○序齒之義如是○近日聯宗結盟殊覺
增愧○彪西

與焦公祖書

王臣直

老公祖做此招撫事○真是天地生成之心○郭子儀之免冒見李
綱之單車詣府○不過矣○令甥熱腸任事○令人不得不心服○但直
平舉事必要萬全○此事熟思審處○見賊之貌○聽賊之言○察賊之
尚未必真心來歸耳○知老公祖聰明睿知○萬不肯為賊所愚○然
之心○則不恃賊不肯愚我○而恃賊斷不能愚我○凡其愚我之心○與
可以愚我之事○我俱有以防之也○賊氣尚驕○尚未窮遁○飽載而來
求撫○此非人情不可信也○且所言小卒四散而頭領屬於老公祖
之部下○此計亦未全得○無論其包藏禍心○恐卒起非常而不及備

續垂棘編三集五卷

十二

五經堂彙選

即意果忠順而忽而制人○忽為人制○狼子野心○作亂極易○豈可不
長慮乎○撫愚見撫則撫矣○使其旦晚解散○伊必不肯而我安頓處
置之○地與安頓處置之○法亦非倉卒可圖○且令其引所部之兵殺
未撫之賊○以為歸順之功○如此而撫臺公祖亦可以取信○又以賊
殺賊勝○以我殺賊賊去○而地方安○地方安而招撫乃有功○如其不
肯殺賊○則其以撫而愚我也○必矣○尚可信乎○不然而爾為我詐○我
不爾虞○肘腋之間○一二百精騎潛為內應○此秦之覆轍○宜為殷鑒
又不然而安置鄉吉諸山○逼近黃河之處○使防西賊之渡河○若其
不擾居民○不擾桑麻○不擾耕鑿○而就我統馭○我即以忠順撫之○未

為晚也縱其不測而達於內地終津尤可恃以無恐耳
於撫之之內隱寓控制手段賊即狡詐盡在吾掌中矣引而伸
之可以制敵可以克已可以涉亂世之末流 鹿西

續垂棘編三集五卷

十三

五經堂彙編

急賑災荒疏

陳廷敬

題為 聖澤已弘敷于下土等事臣伏惟 皇上盛德湛恩蟠際
大壤閱念黎元甚于赤子發倉廩蠲租賦弛山海之禁謹儲積之
防重恤農事勤求民瘼所以便利安全兆姓之道甚脩茲者仰賴
皇上德恩歲谷既登惟水災一事猶歷 虞慮夫水旱凶荒荒
湯之世常多矣蓋其脩及于豫而周當其急故民恃以無怨臣
報危災荒敢因 聖意之所垂念者少獻其末議焉臣前見山東
巡撫徐 于康熙二十三年九月起報濟寧海豐霑化水災情形
該部題覆行令委官踏勘于十一月該撫題濟寧等三州縣成災

續垂棘編三集五卷

古

五經堂彙編

分數併無蠲免錢糧冊結該部題覆行令分晰地畝高下于本年
四月東撫張 題濟寧等三州縣併無捏報被災分數照例請免
本年錢糧該部乃覆准蠲免自去年九月至今今年四月八閱月矣
是此一水災之報也巡撫初題報其情形再題報其分數三題稱
無捏報此一水災之免也該部初覆令其委官踏勘再覆令其分
晰地畝高下及其具題至于三也然後覆免是則自報至免巡撫
具題者三戶部題覆者三一事而六疏奏 聞上勞 聽覽以故
德音下逮近省已逾半年遠省將不止一載在 皇上恤民之
至意如彼其勤而在所司出納之際如此其遲迴此非故為鄭重

也○所○行○之○例○則○然○耳○臣○愚○謂○被○災○之○分○數○即○見○于○地○畝○高○下○之○間○
而○地○畝○之○高○下○即○宜○分○晰○于○分○數○多○寡○之○內○蓋○再○題○而○該○部○可○具○
覆○矣○不○必○致○察○至○再○而○具○題○至○三○也○如○此○則○上○宣○聖○主○勤○民○之○
意○下○慰○小○民○望○澤○之○心○中○不○使○猾○吏○奸○胥○因○為○弊○竇○况○該○部○既○行○
令○委○官○踏○勘○分○數○于○初○又○行○令○分○晰○地○畝○高○下○再○其○分○數○高○下○
從○來○惟○以○巡○撫○之○具○題○為○據○不○見○有○所○增○損○其○間○則○咨○行○亦○是○虛○
文○再○駁○逾○覺○可○已○臣○請○于○巡○撫○具○題○分○數○之○後○既○有○冊○結○可○據○該○
部○即○宜○具○覆○蠲○免○更○不○再○駁○務○取○早○結○為○便○昔○漢○武○帝○使○汲○黯○視○
河○內○火○還○報○曰○臣○過○河○南○貧○人○傷○水○旱○萬○餘○家○臣○謹○以○便○宜○持○節○

續垂棘編三集五卷

五

五經堂彙選

發○河○南○倉○廩○以○賑○貧○民○臣○請○歸○受○矯○制○之○罪○武○帝○賢○而○釋○之○夫○黯○
所○視○者○火○而○所○賑○者○水○旱○黯○不○以○非○其○職○自○解○武○帝○不○以○矯○制○罪○
黯○蓋○急○民○之○急○也○昔○人○謂○救○荒○如○拯○焚○溺○若○稽○之○歲○周○始○沛○德○
音○皇○上○如○天○祐○冒○之○心○必○不○若○此○臣○之○所○見○實○聖○意○之○所○及○
故○敢○進○上○愚○說○伏○祈○睿○鑒○採○擇○施○行○奉○旨○該○部○議○奏○
胞○與○為○量○饑○溺○由○已○凡○有○司○民○之○責○者○不○可○不○存○此○心○于○邸○
報○中○睹○此○一○篇○喜○其○經○濟○文○章○不○同○風○雲○月○露○敬○錄○以○傳○言○念○
全○書○引○領○望○之○彪○西○

陟屺樓記

陳廷敬

余○每○讀○詩○至○陟○屺○而○愴○然○流○涕○也○余○弱○冠○通○籍○居○於○外○五○年○謁○告○
歸○省○親○吾○母○問○謂○余○曰○吾○念○汝○每○當○風○雨○晦○蒙○茫○茫○遠○道○兀○然○室○
中○尤○欲○斷○腸○余○時○憶○母○言○蓋○比○之○陟○屺○之○辭○何○其○悲○也○居○三○年○復○
出○出○十○三○年○不○得○返○遂○至○於○大○故○嗟○乎○痛○哉○方○吾○母○之○為○此○言○也○
母○年○逾○四○十○余○年○尚○未○及○壯○而○其○言○之○悲○已○如○此○及○後○十○三○年○以○
來○母○年○漸○就○衰○余○亦○齒○髮○日○益○變○此○十○三○年○計○首○尾○五○六○千○日○其○
間○天○時○之○晏○溫○而○無○風○雨○者○幾○何○日○晦○蒙○而○茫○茫○者○不○知○其○經○幾○
千○百○朝○昏○也○則○母○之○念○子○其○悲○又○當○何○如○也○而○吾○不○及○聞○吾○母○之○

續垂棘編三集五卷

又五

五經堂彙選

言○矣○蓋○詩○所○云○陟○彼○屺○兮○瞻○望○母○兮○此○古○之○孝○子○仁○人○設○為○母○念○
已○之○辭○而○先○以○自○道○其○登○山○望○母○之○意○古○人○有○言○遠○望○可○以○當○歸○
詩○人○之○意○蓋○言○曠○然○高○望○而○遠○懷○雖○不○得○見○吾○親○猶○尚○可○以○舒○其○
懷○思○而○散○其○鬱○積○也○若○吾○母○之○言○晦○蒙○而○茫○茫○兀○然○而○斷○腸○者○其○
可○悲○不○又○有○過○於○詩○人○之○所○言○者○歟○故○雖○古○之○孝○子○仁○人○善○言○其○
思○母○之○情○終○不○若○母○自○道○其○思○子○之○言○其○情○為○尤○悲○也○然○則○天○下○
人○子○之○念○其○親○又○有○逾○於○為○人○親○者○之○念○其○子○之○可○悲○耶○吾○謂○天○
下○有○慈○親○而○難○言○孝○子○也○近○家○墓○西○南○有○土○樓○三○楹○余○居○墓○側○時○
來○憇○於○此○思○十○三○年○望○母○而○不○得○見○登○茲○樓○也○吾○親○舍○在○焉○追○憶○

吾母曩時之言而嘆詩人之所不及且又自恨有慈母而吾不得為孝子也○然猶名之曰陟屺者志吾之臯也○此文無他奇只是入情入理使讀者心○酸淚下不能自禁嗟乎○文章小道耳能使讀者心○酸淚下豈非至文○憶子考妣窈窕之次年曾建一樓于北城之右台高一丈二尺上兩層亦如之○顏曰慕廬一以為吾求諸遠者之地一以為廝養暮夜丘垓之所讀陟屺樓記竊喜同心○彪西

啓蒙意見序 正德八年

韓文

予郡通守韓君在弘治間著易學本原一編藏於家通者侍御崑山周公伯明按臨河東見而奇之○如獲珙璧乃命武守李君鉅梓推守東君校正仍囑予序諸簡端以傳不朽顧予寡學陋識且衰頽之年久踈筆硯豈敢加喙於其間哉第侍御公用心之仁通守君理學之邃皆予所欣慕而樂道者安可以不文辭耶竊惟易之為書潔淨精微歷歲文周孔四聖而成其間卦爻象象之辭河圖洛書之數先天後天之學揲著求卦之法性命道德之微隱顯幽明之故變化無窮生生不已雖老師宿儒呻吟佔畢皓首靡眉尚

莫能窺其涯涘而通守君適當妙齡之際留心是書凡四聖垂世立教之言及周邵程朱註釋之意罔不研精覃思沉潛體察積之既久然後玩心高明默契其妙以見萬物各具一理萬理同出一原衍為圖說繹以已意明白簡切悉有指歸學者一開卷間瞭然在目不啻升階者之有梯入道者之有門也由是率辭以揆其方因言以究其旨引伸觸類由粗及精自易及難而聖人之能事亦庶幾可少窺於萬一矣然則是書之著其於斯文固非小補而侍御公嘉惠來學之意亦豈淺淺也哉君名邦奇字汝節別號苑洛子關輔朝邑人由進士先任銓部員外郎今改前職云若夫老成

之行米藥之操該博之學明敏之才循良之治皆君素所優為者耳茲不贅

言簡意盡理真格老雜之河汾二十卷中不辯伯仲

鹿西

明名臣言行錄載先生為戶部尚書敬皇帝召見命釐革鹽法宿弊先生上七事曰革開中引鹽曰革興販私鹽曰革賤賣官鹽曰革買補錢鹽曰革夾帶錢鹽曰革越境賣鹽曰革運司廢弛之弊指摘剴切深蒙嘉納又聖朝名世考載先生未生時母夢紫衣人與爾文潞公已而生子因名文鼎按先生固為一代名臣其著述無由而考謹於韓苑洛集前得此一序急為表章

續垂棘編三集五卷

十七

五經堂彙選

以志景仰○吾邑自唐虞以迄有明爰有三人三代以前虞士師曰皋陶其墓在邑西南二十里土人名皋陶村春秋時周樂師曰師曠其墓在邑東南二十里土人名師村即余世占籍之地明有忠定公曰韓文其墓在邑正東八里土人名尚書公○吾儕忝列桑梓能無興感

又評

送喬道士序

李淮

弘治十有七年不幸先人背棄余自京師歸葬於家既附率子弟讀書脩真觀遵遺命也後二年丙寅為正德元年汾州道士喬彥瑛適至余見其巾衣整潔行李蕭然所携惟陰符道德二經進而與語果聰明達善遇之自是每視余暇輒執所携經質之鮮畢則揖以退周旋甚謹居無何其友牽以去明年夏復至以所得秘書遺余展而讀之乃兵機也余從而思曰彼既為道士矣而復從余既惟老氏之言是誦矣而復愛儒術是其心必有所不安者殆可教也於是呼而坐之告曰凡人之從子之教者其端有二非情其

續垂棘編三集五卷

十六

五經堂彙選

四體而借此以苟衣食則感於神仙之說而欲因以逃死生也以子之聰明其知神仙之有無耶凡民之所以為衣食者其始固皆勞矣至其子孫既出生則食其力歿則享其祀此其為逸亦甚大也如子者朝秦暮楚以餬其口於四方孜孜矻矻死而後已吾未見其為逸也然則何貴於斯教以棄其人倫而不知反耶夫舍其父母而不養以絕先祖祀不孝食其粟衣其帛而稅與役皆無預焉不忠不孝不孝此天地間何等人也道士曰瑛亦久知其非悔為所誤每欲毀冠裂服歸而養親而畏鄉人之譏笑輒復止余曰子之親尚在邪曰父歿而母在曰子之兄弟凡幾人曰獨有一庶

兄弟適以嫡母命來召瑛寓絳之禪社鄉余曰吁子其忍哉余母
之子若孫森然如立竹昔余之居太學纔二年餘而母子之間日
思以泣行將歷事天曹而復以為憂子僅有一弟而又非其母之
所出雖為同氣然自子之母視之必有間也今也十有餘年而不
一見子之面則其憂思而泣又將何如哉道士泫然泣曰為之奈
何余曰子之歸是也不歸非也豈有舍其非以從其是而人反以
為笑者乎其有笑者不過謬妄之徒謂子計窮不得已而歸耳子
可以此細故而終棄其母耶余請為子序之於是道士欣然起謝
曰如是瑛當詣禪社以謝諸道士且招吾弟與俱來余既許諾復

續垂棘編三集五卷

元

五經堂彙選

為之辭以堅其志曰子之往也惟思罔極之恩不可以不報而虛
無之教無益於身心慎勿為諸道士之所惑也曰敢不如教越數
日果與其弟偕至遂序以遺之嗚呼理義之心人皆有之彼從二
氏之教者亦人耳惟夫世之君子既不知所以導之又從而誇美
稱道之是以終其身而不悟也苟有見其可導者而導之則從而
化者必多矣其為世教補豈鮮淺哉

送廖道士序只是不在其身二語見引他歸正之意何如全篇
直作引子令喬道士當下歸正之為妙也 鹿西

寺觀說

李汝寬

二氏之教古今儒者常欲去之而卒不能去蓋人心陷溺日久雖
賢者不能自免夫民生有欲二氏亦民也順其所欲則從之也輕
按老子之子名宗為魏將世有達人佛氏娶妻曰耶輸陀生子曰
摩侯羅出家十二年歸與妻子復完聚今其徒蓋鰥居而無妻豈
二氏之教哉雖無妻而常犯淫僻之罪知人性之無殊也為今之
計簪剃不必禁聽其娶妻而生子寺觀不必毀因其地勢宏敞借
為社學社倉即以其人供掃除監守之役則其地其人皆為我用
久將自燻其簪剃之醜而亦不便於寺觀之居矣豈非君子以人

續垂棘編三集五卷

廿

五經堂彙選

治人之道孔子從俗獵較之意乎又習儀多於寺觀丘文莊已嘗
非之而祈禱必以僧道厲祭必以僧道何以禁民之作道場修佛
事哉

順其所欲以人治人良法美意直可坐言而起行 鹿西
曾讀翟象陸先生姜嫄墓記開手引先生之言知先生著作甚
富今雖抄讀數首遙望全集尚屬耿耿 又評

桐宮辨

李汝寬

諸志皆以聞喜為桐宮湯陵所在○天○疑○則○不○天○信按劉向傳歷叙帝王陵墓曰殷湯無葬處師古曰謂不見傳記也漢去古未遠劉向班固且不知湯之葬處諸志何以知其聞喜也司馬光宋之大儒其撰聞喜宣聖廟記亦未及此金有張邦彥者誤宣聖廟記據一時儒生父老之言謂文廟古之湯陵引尚書孔安國註以信之而力詆魏文皇覽言湯葬濟陰之非蓋因地名桐鄉且多古栢而附會之也夫安國註尚書桐宮止云此湯葬地也未言所在邦彥何以知其指此也記又曰其地與清原相接故魯僖公三十一年晉

續垂棘編三集五卷

廿

五經堂彙選

蒐於清原杜預註云在聞喜縣北當時雖未名聞喜然亦桐之事實見於春秋者也夫尚書註疏未言桐宮與清原相接他書亦未有言之者邦彥何以知其與清原相接而以為桐之事實也以桐鄉為桐宮已屬無稽又以文廟為湯陵非齊東野人之語乎及考平陽府志山西通志承縣志之誤皆謂為伊尹放太甲地於榮河又皆云湯陵在縣北百祥村西元癸未歲淪於汾河以石樞遷於別地洪武初因建寢廟於陵東以便歲時致祭正德初少卿喬宇題淮脩祠又按文獻通考大明一統志皆云湯葬汾陰又按隋制祀湯於汾陰汾陰即榮河也大學衍義補云帝王陵廟修葺致祭

凡三十六帝而殷湯與焉雖未言所在然亦可見必知其所在而非聞喜矣據漢書則湯陵之所在不可知也據尚書註雖知桐為湯陵而桐之所在不可知也據通考諸書及喬宇所題雖直指榮河而猶未可盡信也乃邦彥始則不知闕疑而輕信儒生父老之言繼則濟以博辨而並失安國元凱之意以致正德間邑博王紳氏修志遂以桐宮為邑之故而州據縣府據州省據府諸志皆誤誰之咎也若曲沃志又謂湯陵在縣西南驛橋村世傳伊尹放太甲於此則湯陵愈多而兩地之父老賢於漢儒遠矣宋人詩云水到蘭亭轉鳴咽不知真帖落誰家蓋惡其賈也余承乏修縣志安

續垂棘編三集五卷

廿

五經堂彙選

得不為之一辨

附會穿鑿古經傳之受害不少吾夫子所以有闕疑一策也先生借桐宮以暢所欲言其亦云救乎

鹿西

聞喜曲沃辨

李汝寬

今之聞喜古曲沃也。今之曲沃古新田也。何以知之。按史記晉昭侯封文侯弟成師於曲沃。註索隱。河東之縣名。漢武帝改曰聞喜也。蓋曲沃改桐鄉。秦改桐鄉改聞喜。武帝縣氏經左邑之相。此不及桐鄉省文耳。晉語驪姬請使申生處曲沃。以速縣韋昭解曰。曲沃晉宗邑。今河東聞喜是也。春秋魯襄公二十二年。晉欒盈入於曲沃。林堯叟註云。曲沃在河東聞喜縣。前漢地理志。河東郡縣二十四。有聞喜。註曰。故曲沃。後漢郡國志曰。聞喜邑本曲沃。晉地理志曰。聞喜故曲沃。文選潘岳笙賦曰。河汾之寶有曲沃之懸匏焉。

續垂棘編三集五卷

三

五經堂彙選

註引漢書曰。河東郡聞喜縣。故曲沃也。綱目集覽曰。聞喜本絳州曲沃縣。漢武帝改聞喜。此非聞喜古曲沃之證乎。魯成公六年。晉遷於新田。曰有汾澮以流其惡。至後魏始置曲沃縣。亦猶武帝改脩武為獲嘉。其後又另置一脩武也。今曲沃人志其邑里。皆曰新田。而汾澮二水。見在其境內。曲沃志亦曰。春秋晉新田地。此非今曲沃古新田之證乎。或曰。詩傳既曰。唐侯子燮改國號曰晉。後徙曲沃。則曲沃即晉都矣。又曰。昭侯封成師於曲沃。豈以其都邑而封成師乎。曰。史不云乎。曲沃邑大於翼。翼晉君都邑也。蓋是時晉自曲沃遷都於翼。而以其故都曲沃封成師。是為桓叔也。其後

續垂棘編三集五卷

四

五經堂彙選

桓叔之孫武公卒。滅晉而代為諸侯。仍都曲沃。至其子獻公始都絳。即今絳州也。至景公復自絳遷於新田。而以故都之絳為絳。山西新通志於曲沃絳縣。皆曰。春秋晉都新田地。誠是也。至漢始以絳為絳縣。未有曲沃也。至後魏始置曲沃縣。即析絳縣地而置之也。知此則三縣之因革甚明。而曲沃之新志多誤矣。沃人李廷寶撰志曰。魯成公六年。晉人謀去故絳。韓獻子曰。不如新田。土厚水深。居之不疾。有汾澮以流其惡。今澮水在沃南二里。汾水在沃西一十八里。故通考以曲沃為晉所都新田之地。若今之聞喜。則去汾澮遠矣。寶之此証。謂今曲沃即古新田是矣。以証今之沃為絳。桓叔所封之沃。則非也。何者。桓叔所封之沃。乃古曲沃也。既以今之沃為新田。又以為古沃。豈以新田古沃為一地乎。如其一地也。晉人謀去故絳。當云復都曲沃。何以言遷於新田也。况故都之水。土晉人豈不知。而必待獻子熟計之乎。寶以通考之沃為古沃。不惟失馬氏之意。且自相矛盾矣。他證與類此。要不俟乎余之贅也。以此法讀古則為真。能讀古者。推此以為學。則為真。學問推此以為人。則為真人。品拔玩再三。益我不淺。彪西

關佛事說

李謹

天下治亂在風俗。風俗淳漓由人心。人心邪正本教化。教化不行。人心不正。風俗以頹。當事者可委其責。與鄉下古號名邦。粵稽唐虞。隸在冀州。豈親遷之五教。未及此地。而漸被歌叙之化。猶有遺與史冊。所傳名人輩出。懿蹟昭然。如霍叔智之忠節。凜若日星。陸雲房之孝貞。堅如金石。杜氏真才。文堪作軌。廬家精力。經真不明。三年廬墓。說焉儒五世同居。傳張政禮義派風。屈指難盡。何近來頹風不振。惑於以佛事親之邪說。沿習不察。即在紳衿家。猶或不免。豈鄉地久為曹瞞奸窟。汙染難更。而石高接踵。餘澤尚有存乎。

續垂棘編三集五卷

廿五

五經堂彙選

昔西門豹之投巫以正邪惡。傳奕之誡佛以尊聖。教赫赫記載。閭清夜自捫。寧不抱愧。道場一事。倡自異端。設為地獄超度之說。吾不知未有佛以前。唐虞三代之民。無人超度。終在地獄。否耶。獨不思吾父吾母。何罪何過。為人子而加親以罪過。置父母於抽劬拔舌。刀山火鐵之地。不孝孰大。且令父母墮果而不血食。於心何忍。於理何安。况招魂發牒。破獄揚幡。種種繚繞。不見於吾儒經傳。何迷而不悟。如此愚民。無知望風而靡。獨怪縉紳詩禮之家。亦效飯僧供佛之謬。我輩為孔孟徒。服濂閩教。縱不能人人火書。遂韓文之志。斷不可隨聲附和。步蕭瑀之塵。何乃舍正而趨邪。竟至於此。

豈朱子家禮一書。獨行於他處。而不宜於此地耶。即曰宰牲儒祭。所費不貲。力有不及者。奈何三五鼓樂。備食可也。潔薄奠而速為殯。無不可也。嗣後仍踵前轍。當事者以法維禮。端教化正人心。變風俗。家不異國。不殊天下。太平矣。議者曰。十王之祀。兩廊之說。相傳非一日。廟宇遍郡城。此何以說。此乃戒惡勸善。神道設教之一端也。不必深非姑存。而不論。

只據朱子家禮立說。便足壓倒百氏。未幅力有不及一段。既見婆心。以法維禮。數語更帶俠骨。鹿西憶余辛酉丁母氏之艱。其不能從俗者頗多。如四日成服。始終

續垂棘編三集五卷

廿六

五經堂彙選

不作佛事。小祥之內。虞祭以前。不用酒肉燕賓。出殯時。不用財棧紙張。一切孝服人等。從家禮與會。典俱極後行。詳見余喪事就正草。今附刻於續垂棘二集中。問世見李君此說。心同理同。喜而不寐。附識

哭母文

徐弘先

嗚呼痛哉我母胡遽棄不孝等而遽然長逝耶思我母之劬勞也三年不免於懷抱思我母之慈愛也終身莫罄其報酬思我母之平生仁善也應享遐齡思我母之半世苦辛也宜膺多福孰意去歲五月間偶以腸滋脾虛延醫調治急服藥餌精神如故也步履如故也在兒等望母百年之心謂可漸漸調理而愈也乃至十月後忽而手足浮腫矣忽而面色痿黃矣忽而嘔吐不止矣我父費盡心力兒等檢遍方書合家大小禱神問卜者無虛日矣兒又於日夜間默祝天地祈增母壽願以身代矣初虔禱於藥王母有

續垂棘編三集五卷

廿七

五經堂彙選

諸病願加兒身繼疏聞於上帝母或數盡願減兒壽又哀懇乎家神憐茲愚誠又焚牒於竈君達此下情兒方冀諸神之我鑒我佑也乃呼天不應禱神無靈竟使我母一疾不復起也嗚呼痛哉天乎人乎命乎數乎終天之恨何日釋乎更可傷者兒朝夕奉事母側百有餘日聽母臨終之言肝腸破碎親父親憂慘之狀血淚常流思長兄之赴選在京欲盡孝而遠難驟至見兩弟之侍立在旁即竭力而亦莫能替憫諸孫之零丁無依叫天而無路哀諸女之往來無主捨地而無門痛哉痛哉兒所以欲死而不欲生也尤有憾者兒雖幸博一第終未盡顯揚之心即辦事半年又未沐榮

封之典縱異時兄弟元邀恩皇家母亦不見母亦不知嗚呼痛哉尚何言哉且也父已七旬雖其事之關中諸務誰其主之思及此際兒心如割兒今雖生生亦何用兒今即死死亦無濟爰竭力而辦喪亦泣血而陳詞茲當首七哭奠極次母其知耶其不知耶痛哉痛哉伏惟尚饗

翟一齋哭父詩徐文青哭母文余每一展卷雖當興酣情暢時未嘗不淫淫淚下並登拙選以告世之承歡膝下者勿徒效余潛焉出涕為噬臍之恨也 鹿西

續垂棘編三集五卷

廿八

五經堂彙選

尚書總論

徐弘先

一部尚書帝王傳心之書也。一○中○字○貫○之○允○執○厥○中○書○所○以○始○成○
中有慶書所以終中者無過不及之理。而萬事萬物之所受裁也。
明此謂精守此謂一肅此謂欽修此謂德安此謂止實此謂誠。此謂敬主此謂善純此謂仁經此為歡叙此謂倫建此謂極。二帝
三王之心法。二帝三王之治法也。堯舜之揖讓授此中也。大禹之
與子傳此中也。湯武之征伐權此中也。夏啓之敬承體此中也。太
甲之悔過復此中也。成康之觀揚守此中也。禹皋益稷之陳謨。微
于未然。微其偶違乎中也。伊呂周召之輔治戒于已然。戒其不合

續書集編三集五卷

五經堂彙選

乎中也。而其要系于一心。辨之于危微惕之以兢業。勵之以克艱
勉之以慈惠。繼之以敬忌。祇承主之以無逸。作所總以慎持此心。
允執乎中而已。故言天言帝。嚴其心之所自出。言性言學。究其心
之所由成。言禮樂教化。典章文物。家國天下。推其心之所由施。存
此心則治。亡此心則亂。治亂之分。顧其心之存不存耳。後之為君
者。有志于二帝三王之治。不可不求其道。有志于二帝三王之道。
不可不求其心。求心之要。舍中何以哉。推之而易之。畫卦演乎中。
之理也。中即太極也。詩之言志。發乎中之蘊也。中即性情之正也。
禮之經曲。協乎中之矩也。中即禮之節文也。春秋之褒貶。施乎中。

之用也。中即賞罰之準也。中之義明而後世中庸一書即本于此。
所謂開萬世聖學之原者。亦不外于斯也。已。
無針無縫。一線引穿。此蟻度九曲訣也。爰作陳剩夫玉鑰匙。用
之陳大士五經讀中。不患鉄門關難過。虎西。
文青讀禮之暇。著述甚富。五經總論。總貫以一字。易以乾詩以
思禮以敬。春秋以王論。儘透徹。惜集完不及並收。附記以見大
畧。又評。

續書集編三集五卷

前記

五經堂彙選

劉時俊

嘗聞天地之大德曰生。凡胎卵濕化一物不若其生。即干天地之
和。是以主人贊化胎不殯。卵不殯。不殯。不殯。不殯。不殯。不殯。不殯。
不猶魚不淦。自和風既遠。人心嗜殺。日取羽毛鱗介之屬。以炮以
燔。以烹以炙。一餐啖群品之膏。一筵萃百物之精。以為萬類無知
而忽之耶。不知畫輦神馬。道洩玄牛。凡物觔奇。則不可殺。鶴修玉
霄。鷄飛丹鼎。凡物貪生。則不忍殺。渡蟻掇狀。搔蛇登仙。凡物善報
則不敢殺。而世且矜猩唇熊掌為上味。魚飯鱉羹為異嗜。使含靈
○是以君子遠庖厨也衆生剝膚裂齒悲號刀砧之下。而人乃列鼎累俎。歡娛几筵之上。

九

五經堂彙選

耶○意○天○運○循○環○禍○福○倚○伏○鑒○觀○既○嚴○報○應○亦○速○願○好○修○者○慈○航○普○
 渡○嚴○戒○勿○殺○一○腔○太○和○能○使○羽○者○天○飛○毛○者○壙○走○鱗○者○淵○藏○介○者○
 窟○居○鳥○獸○魚○鱉○咸○若○萬○物○並○育○不○害○既○培○天○地○好○生○之○德○自○膺○眷○
 顧○不○已○之○命○將○見○鵲○啣○金○帶○鳩○化○玉○印○龍○章○鳳○詔○慶○百○祥○之○濟○至○
 麟○趾○螽○斯○綿○遐○福○於○無○疆○矣○此○正○作○善○之○樞○要○功○名○之○階○級○也○

陰果之說曰禍福倚伏○視其所動○治心之說曰○仁惠慈和○樹德務滋○云云○右戒殺叙布諸人間○仁言利溥○為我心惻○婁東王御識

余刻蓮池大士放生文。愛我者每有二氏之嫌。嗟乎。滿腔子惻隱之心。即廿二氏何妨。陽明先生曰。俗學未堪欺老衲。昔賢取善及僧。遂藉此文者。幸勿以清洩玄牛。慈航普渡少之。毫面。

吳夢熊

絳州城西二十里許兩崖相對有泉泓然縈紆于瀆畝之間蔭菁
蒼鬱樹木陰翳有庄焉名曰丁村居人力穡織席敦本崇儉不事
詩書者蓋數世于茲隱士楊君聚族于是世以耕為業遂以耕之
耕之所餘只賑貧不佞佛既高人二等况又重儒遂道共其餘周卹鄰閭勸善解紛享社修蜡未已也輸田若干畝課其租
入以資塾師俾里之子弟共學焉舊塾在廟社歲時囂喧慮其見
異而遷又損貲建學舍數楹即今諸士萃處所也自君建學舍資
塾師迄于今子弟從師授章句者日益歲增殆不可量矣昔文翁
化蜀常衮開閩垂諸史冊膾炙詞林楊君雅意興學異日儲才雋

十

五經堂彙選

起科第○作人之澤○其有造于里閭○不其偉歟○蓋君曠達好義人也○年甫及艾○卜地為壙○繚以墻垣○樹以松卉○閒則邀親知把酒于內○若池館然○考地志○村之北○所謂疏屬之南○汾水之陽○文中子故居在焉○村之西南有王官谷○司空表聖之隱跡○猶有存焉者○君興學啓後○既有文中子之風○生遊壙中○復有表聖之曠地○接非遙○神明以許○千載而下○詎不足以相輝映哉○君諱櫝○字柱宇○慮田與學舍為強有力者所據○俾余書之石以示後云○

既輸學田以資塾師○又建學舍以集生徒○摠得於耕之所餘也○
世祿之家○不知聞而動心乎否○
彪西

續垂棘編三集六卷

洪洞范部鼎彙選

受業垣曲石雲根黎閱

天變疏

成德

山東兗州府滋陽縣知縣臣成德謹奏為天變可畏祖陵可涕直
指奸輔誤國之罪并陳中外交結之端仰祈聖鑒事臣以二載縣
吏九次乞休落落瑣員非敢博急流勇退之名也目擊奸輔之私
人遍天下而盜賊亦遍天下災異復遍天下也臣憶乙丑有結逆
璫者天表之以王恭廠之雷甲戌有翻逆案者天應之以盛甲廠
之火靜聽數月無有動杞人之憂而墮賈生之淚者而鳳陽之祖

續垂棘編三集六卷

一

五經堂彙選

陵○隨○見○告○矣○臣○不○覺○泣○下○沾○衣○曰○此○巡○鳳○陽○者○何○輔○臣○之○姻○亞○此
撫○鳳○陽○者○何○輔○臣○之○座○師○溫○體○仁○王○應○熊○尚○敢○漫○天○造○謊○以○欺○皇
上○耶○臣○雖○位○卑○言○輕○敢○歷○數○目○前○之○極○重○張○者○而○陳○之○明○旨○核○關
節○也○何○以○南○部○之○疏○稿○早○送○於○刑○廳○先○淫○朋○而○後○君○父○昔○之○作○風
憲○者○果○何○臣○也○聖○明○之○朝○可○容○此○垂○張○乎○明○旨○嚴○士○行○也○何○以○倖
中○之○門○生○淫○宿○於○充○府○重○情○面○而○輕○官○評○昔○之○司○文○衡○者○果○何○臣
也○聖○明○之○朝○可○容○此○垂○張○乎○明○旨○澄○吏○治○也○何○以○翰○林○之○價○三○倍
于○千○金○補○助○之○費○取○償○於○同○籍○鄭○安○仁○何○以○借○李○希○樞○何○以○交○也
聖○明○之○朝○可○容○此○垂○張○乎○明○旨○汰○冒○濫○也○何○以○司○書○之○小○吏○擅○盜

續垂棘編三集六卷

二

五經堂彙選

夫旌表開娼之穢婦陡被以恩綸劉存慧何以始鄭光昌何以終
也聖明之朝可容此垂張乎明旨恤民生也何以科道之糧擅派
於別方有司之命止懸於科道而同門見愛之褚德培同年可聽
之宋之普赫赫乎其難犯也聖明之朝可容此垂張乎明旨諭平
明也何以總憲之權獨宜于烏程天官之署坐待夫總憲而一代
共仰之劉宗周一介不取之章正宸斷斷乎不能容也聖明之朝
可容此垂張乎明旨謹敷奏也何以豫章之士動中于摧折獻媚
之尤獨授以掌道而沿途書帕之溫儼橫遭焚劫之吳振鐸渺渺
然不一問也聖明之朝可容此垂張乎明旨肅考選也張居之五
千史堊胡為宜受鄭光昌之一萬孫從度何地可投而百折不回
之賀王盛萬夫屬望之馮元颺索然其不振也聖明之朝可容
此垂張乎委任無法震驚陵寢而尚揚揚朝署不曰黨援則曰門
戶果若二輔之奸必欲盡履體仁之門各逐應熊之戶將如漢治
鈞黨唐誅清流宋籍偽學身為曹節李振童貫蔡京之續然後快
心滿願祖宗在天之靈寧為奸輔貸耶人之云亡邦國殄瘁願奸
輔之三思之也彼先臣趙南星高攀龍楊漣左光斗周順昌繆昌
期非當日所指之門戶乎身輕似葉名重如山願奸輔之三思之
也臣自知言出禍隨望風乘隙者定加以小臣出位之罪臣侍有

聖明在上心休天變隕涕祖陵願斬汪伯彥黃潛善以謝天下自
有宋朝陳東故事臣生平竊慕先臣楊繼盛之為人與其碎於權
奸之手不若剖於充辟之前臣願生入都門見皇上一言而死伏
乞皇上勅下九卿科道查勘施行臣無任隕越戰慄之至

德于二月初三差快役趙慎孝張嘗榮賞上而通政司多方阻
撓蓋葛水鑑固刑廳李恪之座師也今快役且斃于獄中矣不
知有合上書陳言之律否也群小障天孤忠莫白反蒙異冤可
勝浩嘆敢以告之司言路者崇禎八年三月初五日自記

劉晴川之止建雷殿耶周訥溪之內外不和耶楊斛山之五事

續垂棘編三集六卷

三

五經堂彙選

以慰人心楊椒山之十事以明專政耶讀者不能辯不欲辯亦
不必辯也鹿西

先生全集得之臨晉王孝伯孝伯得之同邑楊可宏孝伯云可
宏從先生七年凡先生詩文皆手錄成帙孝伯諱恭先己亥進
士可宏諱宏度邑庠生附記

孤臣疏

成德

原任山東兗州府滋陽縣知縣今革職究問臣成德謹奏為孤臣
觸首輔之私人自分必死親交結之隱狀萬種堪誅懇祈聖明勅
籍臣家以謝權奸并查核謀以謝天下事臣始任滋陽即為首輔
之私人鄭光昌所忌曾於本年二月初三日拜發天變可畏一疏
早投通政司被抑不封按臣禹好善知而參臣府臣王國賓復遣
力快陳立芳等兼程追逐將具本書投趙慎孝等鎖拏送監其人
見在羈囚而其印文則臣仍收執也臣被解來京黑禁數月自知
大犯兇鋒萬無苟全生理言亦死不言亦死與其不言而死固不

續垂棘編三集六卷

四

五經堂彙選

若言之而臣罪洞鑒在聖明曉然於天下則臣死猶生也其一為
推官鄭光昌之通關節鄧鑛吳炯榮隨至南京多方招引帶銀數
千鑛隨買肥地四十頃與吳炯榮夥開鹽店二所鉅野濟寧產籍
可查後門生吳貞毓來充仍主鄧鑛之家硬與王政民爭娼小春
具呈投訴而臣逐之不理也即撫臣亦有承教姑緩之容作一妥
法之書在卷案見存而私人忌之矣其一為衛憲張以化之冒貞
節縣官李政修利其三千金之入鎖謀題請勳夫監坊臣力行摘
發按臣王邦柱復命具題奉有詳查奏明之旨先昌實係舉主恨
臣入骨臣隨有明旨炳如日星神奸幻若鬼域一申分投六科本

部而私人又忌之矣其一為奸孽鄭安仁之借銀兩營幹翰林魏
送首輔去年十一月十四日夜入充府勤政堂借年伯王國賓銀
三千兩年家李恪銀五百兩俱係庫吏仲文元稱兌照磨李希樞
交付次日仍差快手張勇護送至京刑快趙自新實對臣言而私
人又忌之矣其一為窩棍結黨之毆宗室府陰陽官劉時叙痛辱
宗室壽鏞具呈到縣府臣撤回免究府門子徐除盛惡詈宗室持
平叩府聲冤府臣啓旨墩鎖臣力言其非體而私人又忌之矣其
一為科臣宋之晉之灑新餉滋陽四千兩濟寧七千兩寧陽六千
兩平陰五千兩人言藉藉謂兗州府缺實係之普講成擅加報德

續垂棘編三集六卷

五

五經堂彙選

臣三次申免時奉親王令旨闔城鄉官公呈可查而私人又忌之
矣其一為撫臣朱大典之建生祠各府三百兩各縣一百兩濟南
府驗收即溫儼自東昌濟寧轉而泰安藩臬而下郊迎餞送歷城
貴養性至有黃金百兩之供巡道李政修更有玉帶二條之獻喧
傳省報臣獨無所贈而私人又忌之矣其一為憲臣唐世濟之送
招稿南場汪孟明一案五月十三日差家人唐貴將招送至光昌
門子馬應蛟親見北上至兗王國賓餽銀一百兩李恪餽銀五十
兩冀認首輔門牆拜為義父叅將萬煥夜進貂裘一領親為驛丞
孟大宗所窺書囑撫臣開薦臣毫無所奉而私人又忌之矣臣負

此七忌而藩臬不交恨撫按不交叅今日寧有此平康正直之事
哉當日八九次乞休之文如水沃石後來三知縣講和之情言猶
在耳即舊按臣薦臣為稽查偽收摘發妄冒固已微露禍臣之端
舊漕臣薦臣為波澄萬頃光滿三千不覺自逗違心之案今日自
叅自審自招自奏意在揆地既乏公道局出一手有何良心更可
駭者拜交濟南嘉湖道久為邪翼之人賊破汜水河內縣近為居
停之士臣自分必死惟願抄沒更祈聖明將臣七忌情形稍賜昭
雪臣雖死且不朽矣臣無任戰兢待命之至
崇禎八年十二月
一代憲章千秋爰書赫赫明明森森凜凜
彪西

續垂棘編三集六卷

六

五經堂彙選

擊奸三疏

成德

奏為首輔乃邪謀之首○羣奸之魁○明白說謊○賴人說謊○懇祈皇上○勅下九卿科道從實勘明○即殺臣而不悔○事○臣幽囚園土○臣父泣○言首輔溫體仁○兩次糾臣始曰朋謀○繼曰邪謀○六言說謊○而為世○道人心之計也○夫體仁亦尚知有世道人心乎○八年秉政○一味貪○戾○膽滑筆冷○手辣機深○忠臣全錮於邁軸○私人遍布於天下○徒使○巨寇流賊○茫然蕩掃○惟聖天子焦勞於上○百執事浩嘆於旁○四海○嗷嗷怨歸宰輔○臣竊謂必首輔胸中之大敵淨○而後塞外之大敵○可空○首輔心上之流賊除○而後域內之流賊可滅○此今日世道人○

續垂棘編三集六卷

七

五經堂彙選

心之大機括○亦千萬年世道人心之大本原也○臣請先辯臣之不○說謊○間指首輔一二邪謀○終祈天聽可乎○其一謂撫按奏報在二○月○夫亦想河臣奏報在正月○平亮府九省通衢○距陸不滿千里○臣○聞最確○臣糾最先○此臣之不說謊者○其一謂巡方姻亞○巡撫座○師成德何繇悉知○夫諸臣媚子天下咸聞○不獨臣也○目發憤祖陵○之人為同聲附和之誚○是祖陵可無怨恫○而臺省須效寒蟬矣○此○臣之不說謊者○其二謂初一被參○十一拿問○若似初一日○期不對○從來按院參人○不通首輔○首輔何於臣獨牢記不爽也○前○日之阻抑如假○今日之攔當何真○此臣之不說謊者○其三謂溫○

續垂棘編三集六卷

八

五經堂彙選

儼南還○舟行輟飲○豈臣聞遊泰山之溫儼○冒克首輔之子而生樓○船之溫儼○逼真首輔之兒耶○黃金玉帶銷歸何處○父溺愛而不明○子貪得而無厭○此臣之不說謊者○四其一謂弟甘冷局○遂無私意○獨不思暫居部署○便嘆冷局○則將以父霸綸屏○殊快熱腸矣○宜乎○知止知足之兩無聞○而不殆不辱之萬無望也○此臣之不說謊者○五其一謂光昌與臣○絕無半面○然則五月十三日之封招○將為何○氏之僕○而十一月十四日之借券○又落何人之手○馬應蛟趙自新○之所親見○親供者○抑何事耶○此臣之不說謊者○六若夫一二邪謀○則又有近事可憑○犯官可據者○按臣禹好善○於十一月廿二日差○承差一員○名帖一個○元寶一錠○吳振纓親收之○周盛時親証之矣○不先不後○恰值審期○此謂之邪謀乎○不謂之邪謀乎○太平繁言一○書○前後兩部○姜逢元修飾之○蔡奕琛潤色之矣○逐名賢於一旦○陷○善類于三窟○此謂之邪謀乎○不謂之邪謀乎○其他朋謀甚熾○羣奸○更繁○當從波決東海○書盡南山之例○固無勞囚臣之口誅而筆伐○也○而乃扯吳振纓同年○至厚同官○在京地比天南之鄭鄮張壽祺○者○以為羣奸朋謀之左券○此何異健訟之民○告飛蝗之狀○固非堂○堂宰輔之所為○而自供其說謊○則甚明矣○究謂臣掩貪酷之實○昭○神奪之鑒○臣終謂九次乞休之俗吏○與十層顏甲之台榭品行判○

若天淵借臣自況又何其憤憤然而不知量也哉○即此時首輔殺臣於其手○首輔之私人殺臣於其心○臣終為世道人心傳一快論○揀一勝場○懸首析楊○臣怡然受之矣○宛抑異嘗○字稍踰限○伏乞皇上勅下九卿科道從實勘明施行○臣無任戰兢待命之至○崇禎八年八月○奏為孤臣從糾群奸而入牢獄復從牢獄而糾群奸不奏不已不死不休懇乞聖明勅部提訊責本之人以彰勿欺之節事○臣初有天變可畏一疏○爾時勝稿寫申者臣宅蒙師王允恭也○而上京入告者則書役趙慎孝張常榮楊玉也○初三拜疏○初九封門○府臣王國賓日率照磨李希樞等壯快千人死守臣宅○如衝鋒破敵者然○

續垂棘編三集六卷

九

五經堂彙選

自二月初九○以至四月十四○方敢開封就建○此當日阻奏媚奸一種真情○曾聞科臣林正亨亦目擊而心傷○而道臣湯道衡徐九章所拊心而切齒者○非臣一人一家之私議也○今左通政葛寅亮疏云○捏疏并未到司矣○又云另出一計矣○照應首輔護庇李恪不遺餘力○復牽五月十三○七月初三二疏為証○夫亦想疏中所謂通情弊不宜指者之作何語乎○誦言盈耳○不堪屢摘○即以迴避號簿為言○須將原役趙慎孝等提京面審○查其何日具奏○何日不收○何日被拿○何日送獄○方可服人心○而質公論○未可借不必封進之旨○憑空了事也○左都御史唐世濟疏云○屏絕交際矣○又云火攻下策矣○

臣曾會世濟於昌平驛○不謂非假裝頭面效王莽之謙恭者○似高體仁一籌○然交際絕於南都○而金錢迫於宛府○王李之書○輒萬煥之貂裘○亦惡知有冷眼之成德伺之乎○世濟清夜自思○不免捫心長叫德固先聲奪氣○寧云火攻下策耶○首輔溫體仁且云刻揭俱非德手○投送亦非德人○且云門戶之外○再無相知○逐臣之外○再無職業矣○如原疏非出德手○不妨提德面試○以見真才○臣讀論語孔子曰○誰能出不繇戶○何莫繇斯道也○臣讀孟子曰○義路也○禮門也○惟君子能繇是路○出入是門也○此或者門戶之所繇昉乎○至於體仁之所云門戶○臣比人生長聖天子輦轂之下○曾聞通璫魏忠賢

續垂棘編三集六卷

十

五經堂彙選

慣以二字陷人○體仁想為傳法之沙門乎○又為護法之善神乎○臣又安知體仁之所云門戶者何等也○昨聞史堃張居又有疏矣○奉有坊刻野史○既有明禁○暗傳寫本○尤長澆風之旨○其意蓋為張居而發難端○恐後人書之史冊耳○不知此事出於清苑王之瓚○高陽韓國藩之口○更有翟化儒之七百蕭譽之二千○脏明証確○天下皆知者○又不止張居之五千而已也○借謂野史可禁○寫本必懲○則亂臣賊子將來何所底止○顧秉謙之三朝典要○當服上刑○王應熊之太平繁言○難從未減○史堃何不一語相糾○而必曉曉於孤臣一紙之公揭也哉○群小實繁○幽忠無訴○伏乞皇上勅下該部○將具奏

書役提來面訊一字涉欺萬死不悔臣無任激切待命之至崇禎八年十二月
奏為奸司借不必封進之旨以府穢奸輔假不必進覽之旨以護
局三疏沉抑九重難叩五額聖明早賜臣死籍臣家以力砥世道
人心事臣本年二月初三日具有天變可畏一疏已呈御覽臣不
敢贅十二月初九日具有觸首輔之私人一疏一投左通政葛寅
亮復投首輔溫體仁十二月十三日具有首輔係邪謀之首一疏
一投通政司倪思輝復投輔臣錢士升張至發今首輔如虎如狼
秘不出口通政似醉似夢不作聲若是者果為朝廷爭體統乎
抑為鄉里徇情面耶臣幽閉園中不得其解工臣朱廷煥偶來臣

續垂棘編三集六卷

士

五經堂彙選

監班役有謂王國賓差虎快張勇持勞末嘉私書數通仍挈銀二
千兩同南城兵馬韓奎十一月二十九日夜送寅亮之宅者有謂
勞末嘉遺腹吏楊尚文持私票一通仍挈銀二萬兩同僉憲宋鳴
梧范長班十二月十一日夜擡謝陞之門者宜乎詞臣楊士聰確
言兗州府缺的為宋之善褚德培一講而成歷城知縣貴養性大
耗加二淄川知縣韓承宣火耗加三俱因勞末嘉之密線拜蔡奕
琛為義父而且為之書囑巡方即議行取即議調繁也然則王國
賓李格之書帕萬煥之貂裘憲臣唐世濟直視為等閒之物特首
輔有隻手障天之巧亦竟置之不論不議之間耳臣一腔熱血欲

求一片乾淨地而洒之殊不可得矣更可怪者王吉士廷杖下獄
史堃高捷私書關會竟爾寬放中門告駐款者不下百萬刑臣塞
盈兩袖臺臣張孫振倪于義草疏欲攻亦不知其何故而中止矣
皇上天聰天明無荒無怠而羣邪但從局而起見不從君父起見
必為門戶報仇不為封疆報仇聞宋人趙鼎有身騎箕尾歸天上
氣作山河壯本朝之句非孤臣之所忍言先臣楊繼盛有風吹柳
鎖滿城香簇簇爭看員外郎之悲又豈聖明之所忍聽哉今國
如市囚犯若林政以賄成盡飽郎官之腹威而命賤誰聞司寇之
顏火先頻出於白晝鬼號聲見於更深枯骨含冤於地下子孫禁

續垂棘編三集六卷

士

五經堂彙選

銅於炎荒黃閣學士殊昧自靖自獻之謀刑部大僚皆知殺人媚
人之事單以大擔當委諸聖明絕無一點一畫計在國家還以真
富貴付之姻亞更有千算千方危及善類近聞按臣禹好善闔家
倡逃之後泥木不肯住河內不敢留令兵馬柴可久買東城平江
伯宅一所價銀叁千兩此皆力砥世道人心首輔溫體仁之狎客
而巡按一清如水之左券也敢因此事而并及之臣罪當誅臣產
可籍懇乞皇上納臣法語之言全臣浩然之氣勿令臣再叨不必
封進之旨則臣死不瞑目更不敢歸怨於輔臣矣臣無任激切待
命之至崇禎八年十二月

初讀之欲怒○再讀之欲泣○三四讀之○而不禁啞然大笑也○大忠
大奸○昭昭千古○賴有此文○彪西
食以馱馱之肉○賜以夜光之璧○吾于明懷宗是望○又評

辭闕疏

成德

原任山東兗州府滋陽縣知縣陝西右莊浪衛充軍今赦還選補
直隸楊州府如皋縣知縣臣成德謹奏為小臣蒙恩逾涯望辭天
闕備陳官災家禍始末仰祈聖鑒事○臣籍隸順天府昌平州懷柔
縣人於輦轂之地差近○臣肄業時正當子丑之交瑣瑣熾興○臣閱
時刻見詞臣中有作媚璫百韻穢詩以希進用者○心竊恨之○又讀
邸抄見詞臣中有抗天步恭艱一疏以斥權奸者○心竊慕之○由臣
生而誓不與邪儔共伍○原不知有偏黨聲援也○臣中崇禎辛未科
進士始任滋陽洗心自矢○比癸酉南場奸偽事案連推官鄭光昌○

續垂棘編三集六卷

十四

五經堂彙選

光昌出踈與臣相商而羅列多賢謀深一網○臣微叩之則曰○此敝
房師丁某意也○既曰亦首揆溫某意也○臣直言甚斥其非○光昌遂
止而不上○僅出一揭相報○異時復有宋之普○遍洒新餉之事○臣申
文力阻詞臣楊士聰○科臣范淑泰○見在班行可質也○以前觸怒丁
進遂為故輔溫體仁眼中之釘○以後開隙宋之普○又作邪守王國
賓刀頭之肉○觀臣下獄○按臣禹好善於溫體仁○唐世濟史○蔡宋之
晉等有皆一時正人之褒○勒諸奏章○全無愧恥○則臣子子孤踪○磨
牙切齒于群小之間者○非一日矣○七疏鳴冤○千言不誣○此臣身官
災之始末也○臣被逮北行○臣父成文桂○率合家僑居順義○臣案既

結方逃刑部之羈囚復遭右府之牢鎖一時都人嘯為異事繼臣
於八月十五日出監而冠賊攻破順義臣父已罵賊捐生矣最可
痛者臣妹李白為父死臣妾童氏蕭氏為翁死臣妻劉氏又為臣
賊追呼死則以按臣禹好善復代巡順天也熱血旁決於異縣雉
經將遍於合家隻手埋先沉寃誰訴此臣家禍之始末也臣七年
謫籍萬苦親嘗荷蒙聖恩出臣戎行授臣原職感極涕零致身莫
報謹於十一月十八日焚香叩頭望闕謝恩隨赴如臬新任而官
災賊禍茫茫未明如矢攢心死不償責用是備陳始末仰祈聖鑒
使為人臣者知殺人媚人志士不為而編氓之中雅有舍生取義

續垂棘編三集六卷

五

五經堂彙選

如臣父者是臣區區血忱將為堅晚節而白初心之大端也臣謹
差家人邢襄資奏以聞伏乞聖明省覽施行臣無任激切屏營惕
息待命之至

官災家禍脩奏君父之前臣道也子道也陳白沙曰五倫首重
君臣義一體原同骨肉恩

鹿西

請告兩揭

成德

揭為窩黨勢不敢撓借題殊為可駭歷數得罪之根以鳴去國之
節事早職一介腐儒素乏媚骨叨選茲土在都門時此中鄉紳即
言交中窩棍盛行呼吸風雷制有司如犬馬順之則薦牘可得抗
之則禍機立至職不謂然亦以受爵公朝拜恩私室昔人有死不
為有司而甘聽刀筆之吹噓成何人品刀筆而敢為有司之導師
作何紀綱不要錢不怕死未嘗不可理也誰知正因不要錢不怕
死而反不可為理乎最可恨者交中陋規新官到任日有嘗儀季
有書怕歲有恩典職一掃而空之有犯輒書其罪告之上臺責處

續垂棘編三集六卷

六

五經堂彙選

舊八月奉府尊命有異常奇窩一申爾時府尊亦具揭也非獨職
事也奉府尊票有督撫地方一審此上臺原素訪也亦非職事也
職審張以化時以化即和盤托出備言府廳二窩始合終分某合
某分之故上臺履任歛血齊盟誓無反覆一簿中有十三人一簿
中有四十五人即縣衙書辦亦列其中人人有名件件可問也爾
時即欲具申恐忌成投鼠百計含容一味清苦以今日之所推獻
者錢糧也家有示門有旗花戶自封當堂開拆萬耳萬目職無罪
也今日之所難加者新餉也一申不已繼之再申吏解不能親為
自解一步一淚職無罪也今日之所伺察者贖贖也早堂審完

日發解一人不差一罪不問二十四里所共見。職無罪也。今日之所緊急者號件也。日有嚴程。月有課額。房中有吏。堂上無人。二十七城所共聞。職無罪也。惡得無罪。罪在不能敬奉衙役。屈膝窩訪耳。此十三人四十五人者。在京在外。伺隙而動。惡得而放手。于職也。雖然。職思之矣。衙役之所惡者。職之口也。而上臺之所好者。衙役之口也。職之口能令衙役惡。是職不為衙役用矣。衙役之口能令上臺好。是衙役能用上臺矣。即上臺能以好衙役者。以莫須有之案中。職職獨不能以逼真有之案中。衙役乎。嘻。過矣。安金藏一工人也。不懼剖心之慘。安民一石工也。尚泣鐫名之譏。秦檜不然。

續垂棘編三集六卷

七

五經堂彙選

而殺岳飛父子。莫須有之案。果足以服天下哉。人之所恐者。處分而一去。亦無餘事。人之所恐者。禍福而一死。便成妥法。矧職漕屯兩臺有薦。按臺有薦。科院有薦。職可薦。則必不可處。職可處而復可薦也。則各臺秉公持正。職無先容。何緣有此月旦也。職正當新薦之期。遽作拂衣之想。行藏分際。生死關頭。可以東告宣聖之靈。北呼泰山之主。此不要錢。不怕死。得罪衙役。不能安身之縣官也。在天必曰。賢哉。滋令爾不去。則爾謂清流。授之黃河。使為濁流。悔無及矣。懇祈上臺速賜具題。更委廉幹理官。將職任內一切錢糧號件。逐款查核。稍有纖毫苟且。即當白簡之誅。職不甘以明目張

騰之人。入深情厚貌之網。去後別有搜尋。職不任受。即查核者亦不任受也。明鎗易避。暗箭難防。此言雖小。可以喻大。卑職無任。哭涕涕長太息之至。今除具申各上臺外。理合具揭。須至揭者。右具揭。崇禎八年正月十六日。

是役也。止因爭加新餉。起見。遂罹中傷。借德為贊。奉獻一二巨室諸公。一身受累。百姓相安。從來天下熱腸人。皆天下喫虧人也。嗟夫。德惟有必去一着。而他何望哉。公論國之元氣。敢以告之正人君子焉。自記。

揭為請告。愈切得罪。愈重。事天下之愛官職者。必百計逢迎。一味

續垂棘編三集六卷

六

五經堂彙選

苟且。未有二年之間。辭任至九次者。天下之貪財貨者。必萬念鑽求。千方營計。未有新餉之加。告減至十餘者。天下之昧始終者。必開端澄徹。落尾周章。未有交薦之初。乞身之迫。前後竟成兩截者。天下之昏出處者。必發奸有據。夜行無歇。未有龍扁之解。杜門之因。言行了不相顧者。設使冒肯之張。以化可不揭。過付之李希樞。可弗斥勤政堂之三千五百金。出自府廳之餘。入之鄭安仁之手。者可勿講門生吳貞毓。夜宿小春之寒。畫居司理之署。爭媚具訴。當時可以殺人而媚人。沂州之宋之晉。嶧縣之褚德培。本處錢糧。擅派別城。當時不抗文而直訴。快手鄧鑣之通關節。趙坤之隨指。

引吳峒榮之挈銀數千馬應蛟之親親招稿敢干違天子而制小民先淫朋而後君父如欺罔行私諸不可枚舉者不交口而罵掩面而羞痛哭流涕而不自已則我且袖手高坐不遭殺身滅口之禍不然而賦歸去來亦何致損我生平填我陷阱耶矧郭鄧諸奸前後結夥已至五十八人為四十年來不可療之積病當日書帖有言斧鉞之靈將有所歸者有言府縣一體的不姓名者有言須煩方畧勿使漏網者原札具存豈偽託耶抑夢景耶思欲歸已怨欲歸人替衙人驅異已不遺餘力清夜叩心亦當自愧屈原以忠死伍胥以諫亡岳武穆非謀反也而隕節于秦檜莫須有之三字

續垂棘編三集六卷

亢

五經堂彙選

楊椒山未失機也而擅殺于嚴嵩張經疏尾之一言今加職以不白之名職不任受亦不深辨自有公論在也古之害人者滔滔者天下皆是寧獨職一人而為此不平之鳴耶謹揭崇禎八年二月發奸除弊不遺餘力想其落筆時一往浩然之氣與日月爭光西彪

一氣呵成其文章亦在秦漢之間又評

革職後三揭

成德

揭為生前願籍沒之速定擬乞立決之罪哀鳴籲苦惟望法臺力持此議勿令羈囚死不瞑目事德以二載縣令九次乞身不幸而有異嘗奇窩一申督撫地方一審尤不幸而有新餉背肯一書天變可畏一疏支節繁多不敢屢贅即就按臺開揭反噬府官六字辯之德之所聞者非揭也踈耳噬者又非府官也政輔耳以縣官而噬政輔詎不咄咄怪事然德竊有聞焉陳少陽諫汪黃之誤國吳仕期陳江陵之奪情即秉鈞邪正懸絕然以布衣而抗兇鋒有視死如歸耳况叨兩榜膺七品之職者哉則德之所噬者非怪也

續垂棘編三集六卷

廿

五經堂彙選

嘗也縣官噬政輔而按臺劾為反噬府官詎不咄咄怪事然德竊有聞焉勿龍如淵之於秦檜鄧綰之於王安石龍宗武之於胡橫崔呈秀之於魏忠賢不妨以一身作乾兒義子之倡行一網打盡之計在藩臬既以口舌為鳥喙在撫按自以白簡代砒霜况嘉湖山左線索潛通則劾德之反噬者亦非怪也嘗也獨是藩臬謂滋陽放肆已死不言放肆者何事按臺加德以暴虎馮河不言暴馮者何情真大怪而不可解耳若賊破汜水按臺闔家倡逃所謂臨事而懼山左一差例應與之梁雲構金先辰者按臺以交結溫儼而攘得之果然好謀而成矣高景逸先生語云移山撼岳之威止

供其禦貨獲金之用而乞端登壘之賤且冒居驅邪指佞之官蓋
為若輩留一小影耳更可怪者勞求嘉索添搭明存狀簿陟加咸
德以無踪之火耗宋玖離城守切齒巡方尚恨張璠于已贈之京
卿時事如茲不堪彈舉德丹心未泯血淚長傾黑沉獄底既短生
平之氣稽延追比恐為父母之災此德之所引領望恩死則求速
產則求籍不惜性命以謝權奸止就開揭反噬府官六字聊為辯
駁者也即奉旨議處諸臺高龍老亦受罰俸一年之責只合問之
票擬者似又不必磨牙淬劍于摘發妄冒之官也敢因此事而併
及之伏乞老法臺鑒裁施行德不惟死而瞑目全家亦食老法臺

續垂棘編三集六卷

廿

五經堂彙選

明德於無窮矣萬一瞻仰顧畏德而告二祖列宗在天之靈當
為厲鬼以殺賊不與舉朝同婦人之譏枉死于園中也
揭為巡方餽首輔之私親背旨結奸潛謀傾命事本月初四日午
時有吳儉育同寓犯官周盛時偶言前月廿一二間山東巡按禹
爺有承差一人執名帖一箇元寶一錠跪送吳老爺商量許久收
訖德本時即出一揭盛時惶恐無措口稱吳老爺計較只是死了
不若移在老監去住等語德于是不能不髮指冲冠冒死而再一
言也夫巡方何官刑部何地禹按臺一清如水此銀從何處得來
餽同官者如此則餽貪憲者當若何餽總憲者又當若何餽貪憲

總憲者不知若何餽首輔者又寧知其若何哉聞五月間此中有
一巨璫頌羨高出潛交總憲總憲色喜餽銀百兩仍密獻一策草
太平凡言一書前後二部吳儉育修飾於中姜歲勝潤色於後蔡
韞先恭奉王春石相公益與王紹徽之點將錄同一陰着也初猶
疑為未必爾而今乃知竟果然矣則是皇上三尺之法交結之律
只可加之小吏散曹而堂堂身史勢反有所不敢櫻情反有所不
敢問耳何以服天下人之心瞋貪酷吏之目哉且不先不後恰當
研審之時疑鬼疑神莫測機關之妙嗟夫儉育開門賦詩修齋誦
經所謂殺人之老道非耶若夫平日之慈悲又安在矣將來按臺

續垂棘編三集六卷

廿

五經堂彙選

回道為第一考成德斃死為第一冤德惟歌風吹柳鎖之章告之
椒山先生之靈以冀後來者之論定耳而他何言哉須至揭者
揭為我皇明二百七十年來自胡惟庸族誅而後即萬安劉吉之
狐媚嚴嵩沈一貫之奸貪世之攻之者不一人而彼之陷人者亦
不一法從未有女僕執揭紙捧批草叫九重之門而問權虎之目
者有之自溫體仁之八年秉政始風聞吳儉育明招吳太冲庶嘗
暗唆凌義渠給諫將德老母五次奏牘徧制六科不許封進不惟
欺皇上而壞祖宗之法者抑亦甚矣何物羈囚神通乃爾是儉育
為未入閣之體仁而體仁為未坐監之儉育也忘八相公粉頭御

史一而二二而一者也德已買薄棺一口即此日而赴西市獲與
龍逢比干遊生平之願足矣謹揭崇禎八年十二月
悲壯彪西

續垂棘編三集六卷

廿三

五經堂彙選

鄉賢議

成德

國家從祀之典最不輕畀以薛敬軒王陽明二先生之賢且著持
論者分更析漏久而始定屢屢乎難之矣鄉賢雖不能與從祀比
崇然列在泮宮是亦賢聖之亞旅而從祀之分茅也德北人於帝
鄉差近無敢漫舉鄉賢者而三晉殊不然德非謂三晉名彥如林
了無當於鄉賢正以如林名彥孤情獨迥眾喙難調舉者欠真真
者莫舉耳以德所目睹安邑吳公養海蒞任昌平州知州當魏瑞
隻手障天之時府尹下檄于各邑為魏瑞修祠逼索捐貲助工公
抗辭不之許蓋三見逼而三行抗也識者高之惟因官屬乙榜無

續垂棘編三集六卷

苗

五經堂彙選

人發其幽光為可歎耳乃若聞喜李公倅萬曆乙未進士有功國
本于張差一案提議不撓奪職罔悔而是公告隕一子伶仃甚有
破其巢而取其貲者若非劉令君發奸作主則李公茫茫墜緒靡
有子遺矣而先此有王公宗舜與荷氏何肖山俱嘉靖癸丑進士
曾聞分宜作宰欲召致之屹不起竟得南道其督糧河南高新鄭
遺書為本縣洒糧於通省公毅然爭之及備兵臨清張江陵之姻
家枉道索帕于機戶公復婉辭而謝此其侃侃之節有足多者曾
誦其古銅酒望諸詩不惟通真作者而其清秉英致儼然稱古逸
民無愧也以三公而名不掛鄉賢則鄉賢可知以鄉賢重舉而無

三公之人。俎豆點綴其間。則三公又可知其德行矣。偶與友人興言及斯。輒為悼懷。謹附書于此。以告世之君子。如有君子者。將不以鄙言為河漢也哉。謹議。

唐荆川曰。鄉賢一說。大率出於有力子孫。遮掩門戶。及無恥生員。鋪設之計。共相成之。絕無足為重輕。羅念菴以吉水鄉賢駁雜。恥其父與之同列。欲奉其主以歸。余先人悅服此言。每呼不肖而切囑之。使見成先生此議。其悅服又當何如。鹿西。

河東行事序

成德

今之君子有精神動于局外。而績業映于局中。惠不市而萬民忻。令不亢而三軍治。課不專而百商孚。伊何人哉。則楊子無山之於河東也。憶楊子觀政長安時。德見諸同籍。有言玄者。有言禪者。有言聲若何騰。官若何隆者。有言陽鱗若何承祿。縲若何營者。德相違無多人。大都上者類喜。同潘孟陽飲酒遊山。而其次者不出漢祖所稱善事上官。無失名譽。二語大旨而已。而楊子獨異。是靜躬飲色。惟數樂道。陽明先生云。德心異之。而遽無以窺也。會楊子之河東。河東事且亟矣。寇張於藩。民疲於與。望哺之子。選人而食。制

挺揭竿之禍。行在旦晚間耳。而楊子別務弗遑。特然具疏為諸飢氓請命。間抽陽明一編。反復振諭。宣明聖天子威德。牧愛士民至意。諸士民無不怵怵顧化者。蓋腹雖懸而心已果也。繼奉旨得請。令偕嚴冬。鷄鳴則起身詣粥場。親嘗之。而後遍散之。越五閱月。而自首至訖。若一朝朝若一暮暮耳。此豈同修豸史之容。與民瘼格不相入者哉。前此課民種麥。營設多方。德不識其他。而桑泉歷山之間。德固睹其合掌謳而屈指頌者矣。節歲麥則大熟。野希餓草。予遺涼涼。尚為皇民者。伊誰之功也。魯幾何時。而豫賊西眺。澤潞咸驚。晉有君子。時在都門。識楊子才。合疏力請天子任之。蓋數邀

密旨焉楊子恪恭有加賊旋遁去楊子甫還而靈陝之交又見告
矣楊子憤然義形於色不以賊遺君父重三晉憂提兵疾渡燕滅
此而後朝食也時賊號五十萬楊子指麾門下守備李棟一鼓摧
鋒立斬首五十餘而扶傷棄甲者不與焉賊隨南去地免震隣矯
矯奇猷修扞岩疆者伊誰之功也德也懃不能阿私所好為楊子
誦而楊子之功則具耳皆聞具目皆見具心皆服味者之所不能
奪忌者之所不能惡也而楊子坦坦漠漠如了無可見者然退食
政暇孔思周情則仍此陽明一編而已矣德嘗嘆問左小夫尊不
念卑卑不念尊上則征下下復征上索之粟則曰無有叩之金則

續垂棘編三集六卷

芒

五經堂彙選

閉戶而藏之即名為紳要者排門而逼未種之糧鑽項而吸已枯
之髓雖果積如條峰金流同涑水惟有恨天旱不酷人窮不盡市
價不昂債多不過云爾而楊子楚產也以官則巡鹽也救民勦賊
疑非楊子本責而以身代民以官代令錚錚明明不憚不矜德所
謂精神動於外而績業映於中者正見於此間嘗舉似楊子楊子
則歆然不居曰此陽明先生詔我也德復念之稽自陽明啓教良
知其宗陽明者不少矣而其負陽明者亦復不少楊子救民則曰
陽明勦寇則曰陽明與釋褐時之樂道陽明者隔十二年若合符
節若楊子者雖謂聖天子今日之王守仁可也楊子情同伯起而

不失諸激剛似誠齋而不失諸偏器業宗襄毅而猶格於登庸切
切以陽明為大旨者豈非欲收勲名而靜之於學問與德不肖景
行陽明久矣而茫不識所入今而後庶幾哉於陽明則聞而知之
於無山則見而知之也而楊子許我乎
有用道學有用文章道學文章是二是一
彪西

續垂棘編三集六卷

六

五經堂彙選

初春七義叙

成德

開年○絕不類題○末○後○一點○金○皆俱以○為題○目○而○其○此○法○雖○蘇○
除夕日猶憶與楊棟園挑燈夜話德不肖抗手言曰孔子斥鄙夫
惡鄉愿而孟子羞齊人○今其人子了絕矣○奈何棟園疑吾言太
峻如不近人情者德不肖問解之曰患得患失辟之室中粟索中
金把握不放○不過認自家物甚分明耳○非奪諸人以為己享也○今
惟不奪人者可云今日有鄙夫乎棟園唯唯且夫忠信廉潔鄉原
之所冒以為名也○辟之淫發冒節婦謂之不節可謂之不識節則
不可於此有人焉一變而為馮婦○不可言矣○再變而為河間婦益
不可言矣○今誰非馮婦者可云今日有鄉原乎棟園唯唯詩云既

續垂棘編三集六卷

亢

五經堂彙選

醉以酒既飽以德可知飲食醉飽生人之嘗不必諱也而齊人妻
且妻中庭長泣○淚若奔泉○辟之德不肖謫居以來僕僕向棟園乞
食自活每值友朋不乞新集則乞舊策自十九以至於今四十三
矣何日不乞何時不乞者而以妻與今妻凡五亡妻與今妻凡三
而屈指相泣者誰氏耶○可云今日有齊人乎而齊人妻且妾如稽
康廣陵散不復再聞如華陀青囊書不復再見矣棟園不覺擊案
大笑以不肖為知言○春王正月會諸生某某輩以時作請益者隨
發七題訊之再語之曰生知文之有鄙夫乎與世浮游隨人唱和
不能自豎脊梁者似之生去其鄙而可矣生知文之有鄉愿乎扶

續垂棘編三集六卷

卅

五經堂彙選

進淳風天懷發中逢陣即用此等排衙者是也○生淨其鄉而可矣
生知文之有齊人乎滿腦肥腸不顧題位之安土羹塵飯不論書
理之合一○有引眾育相驅入火坑者非耶○生洗其齊而可矣若夫
正直忠厚之中時帶痛哭流涕之韻此文中生氣辣氣新鮮氣新
鮮氣即丈夫氣也○生勿以隣於齊婦也而嫌之○即程伯淳之定性
書文宋瑞之正氣歌不出此矣○諸生復唯唯遂引除夕閒談而漫
顏於其首
做人作文持身涉世一以貫之○彪西

讀邸報說

成德

邸報者何○天子以其事播於群工○群工以其事達於天子○文武之
黜陟○中外之安危○君子小人之進退○消長○於是乎在○是可讀矣○故
天下○血性○人○敬○之○念○之○繼○之○以○嘆○息○痛○恨○感○憤○流○涕○非○有○他○也○乃
忠○臣○義○士○一○飯○不○忘○君○父○之○心○若○其○擲○之○於○不○讀○讀○之○而○不○動○則
必○無○血○性○者○也○人○之○言○曰○邸○報○為○今○人○設○耳○古○人○則○否○為○有○官○設
耳○罷○官○則○否○此○又○不○然○憶○子○瞻○之○論○劉○曹○也○曰○三○尺○童○子○當○場○觀
戲○睹○劉○勝○曹○則○喜○睹○曹○勝○劉○則○悲○此○最○善○喻○悲○喜○者○於○劉○曹○何○與
焉○固○孩○提○生○來○之○忠○義○也○而○謂○曹○食○人○之○食○衣○人○之○衣○者○冥○然○付
續○垂○棘○編○三○集○六○卷
廿
五○經○堂○彙○選

廿

五經堂彙選

之○罔○覺○乎○我○瞻○古○人○得○其○一○二○軼○事○可○供○尚○論○者○孫○樵○之○讀○開○元
襟○報○也○有○所○激○而○為○之○不○必○真○也○丁○謂○用○而○冠○準○逐○矣○張○再○崖○公
詠○在○陳○一○日○方○食○邸○報○至○公○且○食○且○讀○既○而○抵○案○痛○哭○者○久○之○哭
止○復○彈○指○父○之○彈○指○復○罵○詈○又○父○之○此○又○非○古○人○讀○邸○報○之○確○證
乎○世○猶○曰○此○在○官○者○耳○韓○侂○胄○當○國○專○僭○楊○誠○齋○公○萬○里○憂○憤○成
疾○家○人○知○其○憂○國○也○凡○邸○吏○之○報○時○政○者○皆○不○以○告○忽○族○子○自○外
至○遽○言○侂○胄○用○兵○事○公○痛○哭○失○聲○亟○呼○紙○書○曰○韓○侂○胄○姦○臣○專○權
無○上○動○兵○殘○民○謀○危○社○稷○吾○頭○顱○如○許○報○國○無○路○惟○有○孤○憤○又○書
十○四○言○別○妻○子○落○筆○而○逝○時○以○家○已○十○五○年○矣○夫○準○自○逐○也○兵

自用也○皆朝廷事耳○何涉於二公○而激烈乃爾哉○此吾所謂有血
性者也○一飯不忘君也○錄此觀之○二公之心○與張綱之埋輪○朱雲
之請劍○顏平原之嚼齒穿齦○張睢陽之握拳透爪○何以異耶○今之
人品○行操○持萬不及古人○乃於邸報而亦不能分古人罵詈之一
言○灑慟哭之一淚○是又○可憐而可懼者矣○孟子曰○非天之降才爾
殊也○其所以陷溺其心者○然也○吾於讀邸報而不勝三復於其語
也○作讀邸報說

開卷有益○觸目警心○凡書類然○又不獨邸報為然矣○先生之啓
發後人不淺○鄭履淳論淡泉先生曰○士名博古○有矣○通今則

續垂棘編三集六卷

廿

五經堂彙選

未也○惟吾翁之學能兼之○讀邸報說○應與今言一書並傳○彪西

自識藏書錄後

成德

德生也。陋居恒無他好。惟嗜書。困於庠。勞於宦。錮於獄。流離否鬱。於謫無一日忘此君者。肄業時頗有積。然時藝居其半。弋獲則散之。作令時大有積。然奸人以數萬金相坐。恐以空索招實案。上為吳季英所呵。故棄之。既得友人王生洲之力。貸資返諸親舍。德聞焉。作數日喜也。比謫時。則積之亦大艱矣。予子一身形影自問。屈指七年之中。初豈知有身家。即書是身家而已。又何念有性命。惟書為性命而已。德最不才。頗知世間有廉恥事。至於書多方求假。一似了無廉恥者。近痛受無山子書。不必多購。購不能盡讀。讀不

續垂棘編三集六卷

廿三

五經堂彙選

見有真寔受用之機。幾於以怒詈代鉗錘矣。而德殊不悔也。今荷諸大君子剪拂之誼。行脫成籍。而望帝鄉計。與此君相別。何時覲顏。何時觸手。故班班而序次之。使異日有攷焉。既次之。而復刺之者。欲人人鑒德之陋。造次於書。顛沛於書。其苦心如此爾。崇禎十五年惜不知先生所積何書耳。如孝經小學近思錄伊洛淵源二程全書筆壤集平仲遺書讀書全錄等。固不可一時去手者。其次則有綱目續綱目性理大全等。又其次則有漢魏叢書等。雖要遍觀博覽。當以五經四書為折衷可也。○余輯廣理學備考。逢人借訪。癡似元凱。讀無厭心之言。不禁相視而笑。彪西

敘旋自誓文

成德

聖天子終不以臣德為不肖。允詹沈三臺諫之疏。請兼受十二君子極意虛植。俾德竟得越出謫籍。登堂見母。入閭見人。凡我鄰里鄉黨。有不欣欣然喜色相告者。豈情也哉。雖然。有慮於此。猶憶德之荷戈而西也。宋蔡翁追送於杜氏之梨園。臨岐行交拜禮。且舉酒三祝之曰。天為吾皇扶社稷。肯教夫子不生還。爾時德遜謝不敢當。曰。予方何人。德可漫相比況。而生還之言。不可謂不驗也。雖驗而蔡翁已不及見矣。又憶德在里在官。眼底心頭。絕不知有勢字。縣小役繁。事有不平。念我鄉人不啻如吾兄。吾弟。吾心腹面目。

續垂棘編三集六卷

廿四

五經堂彙選

未審何回開罪於杜紹魁父子。造意加功。千端百緒。此自金多氣豪所致。良不為怪。然為善而不蒙為善之報。德用灰心墮涕矣。尤可愾者。夫鹿遊於宅山。妻雉經於護口。僕以為號渠以為笑。昔人牽對詩句。有云天若有情天亦老。月如無恨月長圓。德三復其音。而媿無以見我鄰里鄉黨也。自今之後。具疏乞身。志在遐邇。云爾。萬曆一服官若上負於君下負於民。飽妻孥而羞冠帶者。有如此日。出玷於邦。入玷於鄉。營生產而甘清議者。有如此日。聽人請託。憑人指授。紛竿牘而徇貨利者。有如此日。當止而牽當足而蔽。捐大節而從小。緣者。有如此日。有債不還。有盟不踐。誦黃夜而驕大廷。

者有如此日○護僕如虎○護傭如豺○飛呈揭而戕桑梓者有如此日○
漢儒張裔言之矣○人自敬丞相長史耳○男子張君嗣附之○疲倦欲
死○每咀其語○輒為痛哭○繼此德將以經籍為鄰○山水為里○以文章
為鄉○聖賢為黨○惕於君嗣疲倦之談○惇惇於蔡公生還之旨○追
將來而補已往○則庶乎其稍有全於晚節也○小宛之末章曰○溫溫
恭人○如集於木○惴惴小心○如臨於谷○當為吾家早戒之○敬哉○故誓
凡我有官○君子讀六箇有如此日○而不動心者○其人必非人也○
西彪

續垂棘編三集六卷

廿五

五經堂彙選

書忠愍集抄後

成德

予辛酉秋聞○獲鳴鳳記於燕市○喜把玩○不去手○壬戌冬○得狂病○幾
死○口呼公朝審詩不絕○予母恠而搜之○書室見而急藏焉○病愈復
夢此記○厥明再得○默送之友人張開之○壬申予之任○狂儒鄭悅點
有演公上疏事○送予者先君不勝大恨○幾罷席○蓋深惡為不祥之
兆云○予被禍○如鄒陽鳴不平○奸人尚指公名斥予○謫西行至客舍
觀公自述年譜○然散亂不可觀○途次定興○夜夢拜神宇○次日晚保
定西關有坊屹然者○詢之土人○則公祠堂在焉○吁亦異矣○退輒自
嘆○以未讀公之全集為歉○日者索之何大椿君○卒業因感公之

續垂棘編三集六卷

共

五經堂彙選

往車而廢書出涕也○公當日抗奏誅賊○千秋泣烈刑○郎史君朝賓
侃侃平反固釋之有功之流○然猶云當局也○若王君世貞款款於
生前○王君遜惓惓於沒後○風槩挺然○不負死友○令人有三代人物
想○然猶云同籍也○若訓導張觀海○獄吏孫東渠○平生所未晤者○乃
爾殷殷有加○其所云通問不絕○主張公議扶持善類○迥出尋常○則
又見於公之自叙與贈詩○嗚呼其可尚已○其視王學益趙文華胡
植鄒懋卿輩○殺人媚人○狗竇冰山○屈膝義父○公所不屑為奴者○今
安在耶○公籍保定之容城○其疏口中○瑤然中瑤弗忌也○竊指公
三木而嘆曰○奈何不以裴高而裴楊公也○噫中瑤而出此言耶○無

以虞夫媚中璫者也○予憶于丑之交○列輦轂者大半與中璫為偶○使其間有如公者○則亦大洪次見之續耳○即秘救定婚如二王君○夢洲孔時之禍○且旋踵矣○李空同有言○正德之人才○不如弘治○弘治之人才○不如成化○予惜補之曰○天啓之保定○不如嘉靖之保定○也○而嘉靖之中璫○大非天啓之中璫者哉○繼此者○又不知作何慨○矣○敢長太息而書於其後○

合先生生平觀之○其人不讓椒山○其文不讓椒山○彪西

成赤公先生傳

王恭先

成德字元修號赤公順天懷柔籍山西霍州人崇禎辛未進士授滋陽知縣德為姚官詹希孟所取士又善文閣學震孟首揆溫體仁素嫉文姚因不快德崇禎八年正月十五日流賊犯鳳陽焚皇陵享殿河按金光宸總河劉榮嗣俱有急奏上疑淮撫報不至淮撫者楚人楊一鵬病且眊閣臣王應熊以主司故常優假之引疾不許而巡按吳振鐸者體仁之同里姻家也越三日疏始聞德乃發憤上書有天變可畏祖陵可涕直指奸輔誤國之罪並陳中外交結之端仰祈聖鑒一疏畧謂奸輔之私人遍天下故盜賊亦遍

天下災異復遍天下自己丑有結逆璫者天報之以王恭廠之雷甲戌有翻逆案者天應之以盛甲廠之火靜聽數月無有動犯人之憂而墮賈生之淚者而鳳陽之祖陵隨見告矣臣不覺泣下沾衣曰此巡鳳陽者何輔臣之姻姪此撫鳳陽者何輔臣之座師溫體仁王應熊尚敢漫天說謊以欺我皇上耶疏入體仁深恨時充守王國賓以派餉屬邑有所私德與之力爭守亦恨焉會巡按御史禹好善者守之同鄉又溫之私人遂承風誣劾得旨逮問德益抗疏力詆體仁廷杖三十下獄坐賊謫戍陝西莊浪衛德之戍陝西也過樊橋驛訪故友荆爾植中悲道舊盤桓數日而行明年丁

丑正月自戊回欲僑居臨晉爾植為館於所親楊應昌家楊故豪俠聞德名禮益恭妻子奔走供設如司馬德操之降龐德公家又命其子侄宏度執贊受業卒為高足弟子德在臨晉著書講學倡明忠孝廉節一時人士遊其門者比于元禮之登龍焉閱七年過赦還起補如皋縣令未任即途拜兵部武庫司主事尋陞武庫司郎中德見年來封疆多變人皆隱忍苟活感憤于中有養節義明廉恥一疏謂宋臣張栻言仗節死義之士當于犯顏敢諫中求之在朝廷之上有以養之而已又曰今者廉恥道喪由于賞罰不明死賊者褒揚不亟則媚賊者服狗彘之衣冠而恬不知愧也言甚激切上為之動容闕賊犯關貽書官諭馬世奇曰老母舍妹俱在此爭欲先引決弟止之以慷慨從容二義為告弟志在為其難懼變起倉卒無以自明故復以此相商也及聞懷宗晏駕往東華門外茶棚下號慟觸堦幾死歸寓自盡母張氏及一妹一妾皆縊死南京贈大理寺卿謚忠毅母張氏贈淑人王恭先曰臣子之于君父非可以報施言也然而知此義者鮮矣若德之直節正氣而受杖荷戈身垂死而家喪亡父乃得補郎署國家之于德亦已微矣卒乃臨難捐軀盡室隕命嗚呼難哉計甫草每為余言六經而後文章之可傳者莫如龍門一書然

續亞棘編三集六卷

廿九

五經堂彙選

續亞棘編三集六卷

四十

五經堂彙選

其可傳處却無他奇特只一潔字而止余謂惟潔則真惟真則傳讀此傳想見至真至潔真種子彪西文潔人更潔文真人更真又評先生原籍山西霍州因父文桂贅懷柔張氏遂姓張中進士仍復姓成甲申盡節本朝謚忠毅勅霍州建祠附記

與石琨園論樂府書

王恭先

來教樂府諸作。歷下所謂胡寬之營新豐。善用其擬者也。僕向亦涉獵。請因而妄測之。以為樂府有就題起義者。有借題發意者。有因時事創新題者。雉子班鷄鳴高樹顛。古人但以標題而下。皆述別事。亦如葛覃卷耳。只取一二字以命篇。此就題起義也。魏武帝之碓露蒿里陌上桑。但用古題而不取其事。此借題發意也。老杜之哀江頭悲青坂。此因時事創新題也。三者各有所至。其極也。亦各有所失。雉子班之但詠雉鷄鳴高樹顛。但詠鷄。此就題起義之失也。擬碓露而曰天地曰惟漢行。擬長歌苦寒而曰鯢鮓曰吁嗟。

續垂棘編三集六卷

四

五經堂彙選

夫離散漫無所適歸。此借題發意之失也。李西崖擬古樂府。因人命題。緣事立義。內取達意外求合律。庶幾一代作者。王元美謂其太涉議論。一史斷耳。此因事創題之失也。有此三失。遂有三難。故僕於斯道。留心有日。而卒不敢一效贖。誠由才識謏劣。亦緣耳目孤陋。無有發其志氣而導之向往者。平昔惟李子景南雅稱同調。乃隱顯隔殊。幾二十年。離羣之歎。兩地如一。幸遇先生。大善知識。每一著述。不惜傾心相示。啓我蓬茅。元微之云。樂天知吾者。不可不使知。僕不敢當。然先生清問。過微之遠矣。草草僭復。暇日尚容載酒請教。

內取達意外求合律。此西崖樂府自序語也。申生而下尊經而上。與此兩言相合者八九。宜乎祿宏取其有裨世道淑人心也。弇州譏其為史斷。此言遠足為西崖見長耳。詩中有史。其失也小。西崖可作。又當以孝伯此書為忠告矣。鹿西
元郭茂倩輯錄樂府詩序。樂府教樂之官於殷曰瞽宗。周因殷。又有大司樂之屬。至漢乃有樂府名。茂倩所輯。有歌曲等辭。以其始漢。故題曰樂府。附記

續垂棘編三集六卷

四

五經堂彙選

與王化六秀才論忠義真經之謬書

王恭先

承示漢壽亭侯忠義經十八章且欲第一一訓話弟則何敢然諦觀此書乃好事者假託以成非侯筆也觀第一述志章已不能掩其偽矣如所云華容釋曹瀾陵挑袍秉燭達旦諸款皆陳壽三國志所不載獨通俗演義有之耳通俗演義者錢唐羅貫中撰貫中宋末元初人嘗編造小說數十種水滸傳尤其最得意之筆敘宋江三十六人奸盜脫騙機械甚詳其撰三國志通俗演義亦正是此一副手段其中無為有移李作張縱其筆底舌端儼如耳聞目見一時文人才士院本彈詞競相傳誦如關漢卿之單刀會尚

續垂棘編三集六卷

四三

五經堂彙選

仲文之秉燭旦斯其選已至於今婦人女子兒童走卒逢場看戲見單刀會莫不壯侯之勇見秉燭旦莫不歎侯之節究其實皆不然夫我輩讀書取信經史二者而已三國志正史也覓米千斛即當時是非不免失實顧欲取薄夫浪子之曲說負鼓盲翁之斗唱敢干畔史而况乃擬經則亦婦人女子兒童走卒之見而已楊襄毅重以楚王之命為弁其端亦未深攷耳其言陳氏演俗似近鄙（是眼有時誤離正不誤）裴不知演俗為羅氏也又謂學士孫奭編述鄙意尤不然奭為宋大儒大中祥符初天書降承天門宰相王旦以下皆稱賀獨奭謂天何言哉豈有書也其識見可謂高出千古世斷無不信天書而

續垂棘編三集六卷

四四

五經堂彙選

顧信通俗演義者且演義起於元奭安得預知而編述之其他十七章旁引錯雜非拾道家之緒言則勦釋氏之餘唾雜以陰陽星占鬼神禍福以之醒世做愚未為不可揆以侯之讀春秋申大義名正言順皎日青天尚隔一層而謂出自侯製是不待智者而決其偽也謹摘其謬誤條列如左大槩以史傳破演俗之失如曰侮聖人之言則吾何敢認理真故出言確讀書博故其引斷有據天祿石渠間不可無此一種手筆 彪西

蟹組

王恭先

錢牧齋勸酒詞酒海花枝夢斷餘○
臘魚枯削恐難如○
冷淘淨肉家嘗飯○
不用門生議蟹組○
按酉陽雜俎何肩修干味食必方丈○
後稍欲去其甚者○
猶食白魚○
鮓○
臘糖蟹○
使門人議之○
學士鍾瓚議曰○
鮓之就腊○
驟于屈伸○
蟹之將糖○
躁擾彌甚○
仁人用心深懷惻怛○
字書鮓與蟹同○
觀驟于屈伸○
可見今以協魚韻○
則直以鮓為蟹○
作子余切矣○
不能不為牧齋歎智者之一失耳○

唐詩鼓吹

世傳鼓吹為元遺山選次○
或謂遺山集中並無一言及此○
故牧齋

續垂棘編三集六卷

四五

五經堂彙選

序文亦以為疑○
直以遺山稱詩主于高華激昂○
與鼓吹所選符合○
遂以意逆為遺山篋中物耳○
非實有所據也○
予觀金源河汾諸老詩集○
載曹克齋讀唐詩鼓吹一首云○
傑句雄篇萃若林○
細看一一盡精深○
不經詩老遺山手○
誰解披沙揀得金○
克齋名之謙○
雲中應人與遺山同為省掾○
日以詩文相唱和者○
同時房祺序文可據○
則鼓吹信出遺山之手無疑也○
牧齋雅嗜金元人詩○
此詩亦偶不及記憶耳○
楊升庵謂鼓吹皆晚唐之最下者○
非遺山所選○
是並未讀遺山集其見又出牧齋下矣○
博學之難也○
升庵猶有未讀唐書何況其他

兩郝天挺

元遺山幼從學于陵川郝天挺○
晉卿子○
初疑註鼓吹者此人○
以弟子選詩而師為註○
解世無是事○
及考金隱逸傳○
則晉卿以布衣終○
而元史中書左丞郝天挺○
出于魯別族○
以勲臣子受業于遺山○
本傳載其註鼓吹十卷○
是當遺山之世○
有兩郝天挺也○
第一為遺山先生○
一為遺山弟子○
亦足異耳○

由博歸約○
是朱子入門真訣○
今之貌為道學者○
襲幾句周程張朱語○
剽兩段薛胡王陳話○
問經典不知○
問子史不知○
而曰玩物喪志○
我不為也○
嗚呼○
不醉反耻○
殆謂是與○
謹錄孝伯蟹組數條○
聊以云醒焉耳○
孝伯具此才學○
應有說約工夫○
故敢以朱子

續垂棘編三集六卷

四六

五經堂彙選

之說進○
虎西

如正統之兩張韓○
景泰之兩宋傑○
天順之兩趙榮○
成化之兩李文弘○
治之兩韓文○
嘉靖之兩吳山○
隆慶之兩陳瓚○
俱同時大臣○
論世者不可不知○
附記

跋嘉興高氏家傳

王恭先

晉人王恭先曰余讀嘉興高氏家傳慨然於遜國諸臣自伏節死
忠在言外事外其匿名晦迹絕域深山鳥拜杜宇之魄食甘首陽之薇如太
常高文忠公者其志亦可哀已八傳至屯田玄期公又以監督藩
邸為雷震寢殿被寃以沒悲夫太常全身遠害其幸而不死者將
遂不得與方練諸人終邀議卹屯田李代桃僵其不幸而宛死者
又將使一腔熱血終化碧磷斯忠臣義士所為仰天太息無以自
鮮而後之哀郢吊湘者至感歎歎歎而不能已也虞部寓公先
生草索上書白父寃聞祖幽值鼎革之際奉母村居抱節以終讀

續垂棘編三集六卷

各頁

五經堂彙選

其病中述志詩曰變境天同夢遺民史闕文此與金川失守遜跡
鴈蕩者異世同揆耶微令子念祖而虞部之孤忠其湮沒又可勝
道哉

用一代手筆作一人家傳恍如獅子捉兔不惜全力可謂意大
于題

彪西

忠烈姚公傳 節數字

張潤民

忠烈姚公者河間府二尹因殉難贈山東按察司副使也諱汝明
宇璧星山西夏縣人天啓辛酉舉人性至孝溫清定省得親歡心
父母有疾終宵侍側百里求藥沒盡禮盡哀守墓號泣服闋後遇
生忌節令必焚香祭奠哭泣如初喪火受業于珍吾王先生其學
不專事記誦必以躬行實踐為要為諸生時有人盜其樹者慚而
自盡其子視為奇貨誣告竟獲公巾公登賢書後其子貧公不惟
弗擊而且賑卹之其待人寬厚類如此時奇荒人相食斗米千錢
公曰吾亦知此數十萬之粟可易金數萬但人命至重富無盡期

續垂棘編三集六卷

四七

五經堂彙選

彼積財者不過欲貽子孫以長享富貴也倘子孫不賢財適足以
為禍耳爰是盡所有之粟大為施賑寒者予衣饑者予粥徒跣者
予襪有疾者予藥死者予棺施義塚地四所以瘞枯骨秦晉豫聞
望公就食者日不下數千人攜載担負相望於道即鄰邑紳衿有
望濟者咸遂厥願本縣庠生貧乏者粟麥各予數石邑侯袁公葵
文章政事有漢循吏風素不媚權貴落落難合獨與公有伯牙子
期之契當是時流寇初自西來侵犯城邑焚屋殺掠邑侯袁公設
奇制勝為戰守之策具備而獨難餉公助豆米五百石為城守資
居民得以無恙驪使楊公繩武撫軍戴公君恩巡按陳公純德交

章入告奉旨旌曰誼足千古及蒞任蠡縣之後猶慙慙命子廣選
送粟一千三百石與邑侯楊公雲梯以為煮粥之資活人甚多且
歸功於邑侯而已不任德其治蠡也寬以撫民嚴以御吏苞苴不
行羨餘不取一切繁費俱取給於家止飲蠡水而已斯時也寇盜
蜂起有渠魁自號勤富王聚黨橫行各府邑其能治公先招安其
黨姚思孝等四百人因使入賊中誘勤富王夾入蠡城擒而殺之
除一方大蠹搗賊穴獲金七千兩公不染指盡數算蠡民正稅當
戎馬交馳之際而公時時為民講六論興教化民遂息訟幾至刑
措蠡民有青天之轡同城道錢公天錫奇之曰至誠動物吾於此

續垂棘編三集六卷

四

五經堂彙選

見之陞河間府同知時我清兵將近河間或勸曰蠡已遭屠掠清
目蒿藜蔽來必不犯河間故富饒恐將不免公遂巡邏行可脫於
難公慨然曰既受天子命為河間同知則河間之城池百姓皆我
責也豈可見危苟免耶遂兼程至任至即登城巡視與知府顏公
邱紹書守禦策身立矢石之衝與民矢死固守越二日攻愈熾公
守城愈堅三日城破執公於城上被執不屈抗節剖胸而死妾任
氏在署投井死僕劉成祿等三人盡死蠡民聞公難群趨河間城
下求公屍於積屍中見公屍刀痕遍體遂痛哭歸櫬舁棺者數百
人直送至公家嗟嗟非平日深得民心詎有已去之官而前任之

民猶如喪私親千里扶柩者乎直隸巡撫楊公進泣然流涕曰姚
公死得其所矣遂與兵科給事曹公良直題請恩卹旨贈山東按
察司副使諭祭一壇戶部左侍郎張公宸極有傳皆崇禎甲申春
月也司馬子長有言人莫不有一死死或重於泰山或輕於鴻毛
姚公之死可無憾矣

姚公居鄉能救荒當官能擒賊可謂真正道學張公敘事不涉
駕修詞不粉飾可謂老實文章 彪西

續垂棘編三集六卷

四九

五經堂彙選

學契虧先生傳 節數字

張潤民

學契虧先生者山西平陽府夏縣人諱濟民號臨溪潤民仲兄也長潤民十五歲生平好學契虧鄉人咸以學契虧先生稱之幼家貧未能讀書每趨庭聆先大夫訓輒解悟立志期以往哲自處方潤民髫齡時仲兄借先孟兄竭力躬耕養親不至甚餒潤民得以讀書甲申先孟兄罹疾不起訣曰余志欲供季弟下帷攻苦今天奪吾算不獲如願命也仲兄泣曰大兄毋以此為憂弟在勉成兄志先大夫力學二十餘稔未獲大展所蘊以軍績授京營把總職銜未任歸回教子為務嘗謂仲兄曰我教潤民讀書非止如世人

續垂棘編三集不卷

五十

五經堂彙選

博一第而已實期上紹前誥下潤生民為天下蒼生造福名曰潤民欲其顧名思義也耘耔之餘即講說諄諄隆冬盛暑周間家甚寒每逢日中市集農器不敢置惟以購書易紙筆為急仲兄即體先大夫志鬻衣購書千里負油俾弟每宵篝燈不輟先是先大夫親教讀書未有塾師自先孟兄沒先大夫躬耕南畝不暇專課潤民誦讀仲兄商於先大夫曰潤民讀書事重宜延師以教或謂曰窮若此亦妄志讀書無過愚耶仲兄志彌堅亟為備贄謁師俾潤民北面焉嗣是雖農務倥傯毫不肯分弟讀書功偶仲兄指為刃傷血湧如泉時田當灌溉潤民欲以身代仲兄曰爾方冲齡一刻

千金余寧力疾東作不忍令汝荒廢學業有違父志也壬辰潤民采芹仲兄傾嫂粧奩為庠師束脩焉癸巳先慈李宜人見背前緣塾師庠師謝儀貧已徹骨至是又遭大故度日維艱勢將廢業仲兄曰貧者士之常甚勿以貧故墜青雲志丁酉庚子癸卯棘闈屢北仲兄供給之志彌堅猶依然泣對先孟兄時心也丙午潤民魁鄉薦丁未捷南宮先大夫欣然歸功仲兄曰此悉汝平日忘爾我敦友于殫心供弟讀書所致仲兄抑然曰此祖宗積德父母教誨所致兒何功焉誠潤民曰人自筮仕之後類多貪婪不過為子孫計耳不知多貪造物之財造物必怒殃及子孫甚可畏也况名利

續垂棘編三集六卷

五

五經堂彙選

數難兼致今天既付吾弟以虛名已屬非分若更欲求富恐獲罪鬼神禍不可測衣止蔽體食止充腸足矣何妄求哉如欲為子孫計但教以讀書為善學契虧便為傳家秘寶又曰人惟不肯學契虧故相率爭奪仇怨無已惟學契虧天下無難了之事天下無難處之人學契虧三字是銷災免禍靈符亦是身心受用妙訣又曰凡人一生皆是命命應富貴雖守拙不貪亦仍富貴命應貧賤雖奔競巧圖亦仍貧賤知其有命只盡其在已聽命於天又曰與人相處讓一步若太狠刻招怨致盜不惟財物一空且傷性命蓋財能生人亦能殺人只在重義輕財善用之耳其心以不貪為主故

其言皆甘澹泊安義命類如此甲寅歲取暨考中翰二檄兼下時
小醜猖獗洵人情有風鶴之恐或教以坐觀時變兄決計曰既
釋褐登第便如處女以身許字雖未歸已屬壻家婦矣利害死生
再計不得萬一即有不幸寧死無二為櫛績姻景親已許允尚未
納采或曰此女風癱不如勿納采仲兄叱曰是亦命也前樊氏合
昏時何嘗有恙今月老已有約斷勿狐疑雖癱疾何傷遂欣然納
采迄于歸方知人言之謬其臨事見理明透惟斷以義不參以私
類如此嘗立志欲學古人謂古人可學而至古人輒謂處今之世
古人如何學得為此言者最害人心古今八分處公在立心行已

續垂棘編三集六卷

五

五經堂彙選

與世運何與嘗指上蒼曰此公無急性有記性最不可欺於人善
惡乘除總算一絲不爽雖幽居獨處當時存臨汝對越之心訓子
孫以讀書立志貴堅曰受得窮不怕餓死忍人所不能忍為人所
不能為方是大丈夫俗唱藍關謂湘子修仙余以為此讀書力學
寓言也訓子女以儉朴為務曰夫人貴賤不在衣裾飲食之間如
止以服食為美彼妓女服飾華麗何為見人稽首關帝白衣大士
澹粧素服胡為人人欽禮蓋人品德行關係最重不可貪富貴而
喪名節不可因饑寒而忘廉恥又曰珠玉寒不可衣饑不可食愚
婦傾家易之故明庚辰辛巳母食子夫鬻妻皆緣平日奢侈以至

此爾等以戴珠為榮我視如汗髮蟻蟲爾等以五穀為賤我視為
救命仙丹嘗服膺中庸至誠之訓曰無論兄弟妯娌戚友僚屬惟
當以至誠相感不辭勞不占利又當自孚只看孺子無知吾以真
心撫愛伊自相親况大人乎其言不能悉紀大抵不隨時趨不喜
侈靡真誠切實類如此人有忿爭難平者造廬來質惟和氣異言
以是非情理反覆開諭令其彼此各相忍讓至有爭財兩不相輸
者竟傾已囊付之不欲異日復償也癸亥乙丑間閩邑士庶暨邑
侯庠師食飲舉鄉飲者賓仲兄再四固辭至丙寅孟冬邑侯致啟
庠師禮賓造廬敦請以光大典閩郡歡騰觀者如堵咸謂斯人方
是泰定哀時微詞也

續垂棘編三集六卷

五

五經堂彙編

稱斯舉邑侯扁於門曰葛天遺逸而吾兄若谷之懷謙抑彌下勤
勵愈篤歆然澹然惟以知足知止卑牧退步為懷毫不敢萌自恃
驕人之心也至於篤友于愛猶子更有非今世恒情所可及者其
事難以枚舉但好學喫虧是吾兄天性美德洵可作子姪模範民
恐梓枿枯不知老人懿行反以學喫虧為愚拙而不之傲也姑述
之為傳云

莖仕一段釋揭一段庚辰辛巳一段欲摘取以補吾理學備考
一書之所不逮族邸吟一書敬齋所著也非念父母即憶兄
長予一讀一拜心焉誠服既錄大畧于拙選晉詩二集中今讀
此傳益想難兄難弟當代僅見俗眼或有避親之嫌者請讀韓
范洛顧涇陽諸理學名公全集便知此傳必不可少也西

續垂棘編第三集目次

卷七

韓文 見重訂垂棘

追冒濫疏

鹽法疏

懲姦貪疏

救荒疏

止寶石疏

全大信疏

庫藏疏

自傳

崔道岸 字文尚黎城文學

烈婦傳

崔起鳳 字滄水文崗子庚子舉人廣文

續垂棘編第三集目次

五經堂彙選

與范徵君書

王復初 見初編

子貢遊說議

讀伯夷傳

曹續祖 字陶菴大寧人甲午舉人

祭壽木文

五思集序

馮孺人傳
張孝子傳

卷八

朱裴 見初編

陳言疏

請禁殉疏

孫子祖 字玉一聞喜人已未進士候選

學論一

學論四

學論五

聞論

春秋論

正朔辨

道學辨

學業說

蜘蛛說

祥槐記

送卜者叙

賀生子叙

馮繼祖 字昭武絳州人貢士廣文

天地論

高暄 字陸石稷山文學

還竹記

郭新 字九子洪洞人崇禎間文學

續垂棘編第三集目次

二

五經堂彙選

壽張太翁

虎谷碑

告妣文

必社啓

續垂棘編三集七卷

洪洞范部鼎彙選

受業 絳州閭 擢初 叅閱 靈石王涵

追冒濫疏

韓文

為追冒濫以正國法事○臣惟異端之害而佛老為尤甚○洪範之政而食貨所當先○是以古昔帝王○於佛老之徒○必深惡而痛絕之○惟恐其蠹吾財○妨吾治也○如往年繼曉○鄧常恩輩○假以方術為名○惑亂聖聰○虛耗國資○我孝宗皇帝即位之初○洞察其姦○明正典刑○財產沒官○以故姦回懾伏○邪佞斂跡○日者妖道陳應循○番僧那卜堅參等○本以市井小人○左道進用○夤緣名號○冒濫錫賞○託建齋醮規

續垂棘編三集七卷

一

五經堂彙選

取官錢數年以來○不可勝計○仰惟皇上○德並乾剛○明同離照○遵先帝之成憲○新繼體之宏規○將真人高士○大國師國師等○職事封號○既已查革○印誥玉帶○又復追奪○嚴出入之禁○峻引誘之法○即今朝野歡呼○軍民慶幸○皆以為堯舜文武之聖○復見於今日矣○臣竊謂朝廷之名器○固所當慎○而庫藏之金帛○亦所當惜○今革奪之典○雖行而給沒之命○未下○使彼優游飽煖之域○逍遙輦轂之下○揆法論情○似不可貸○況前項內帑之珍蓄○皆閭閻小民之脂膏○必須嚴加追治○庶幾痛快人心○臣職司邦計○庫藏之事○亦當與知如蒙乞勅都察院○將陳應循那卜堅參等○捉拏到官○會同司禮監○吊查內府

金銀出入簿籍○但係節年賞賜過一應金銀財帛等物○俱各照數

追出○仍進內承運庫收貯○以備緩急支用○并將各犯○係道流者○俱

發回原籍○還俗為民○係番僧者○俱遞回原寺○永遠閑住○以後再不

許賞緣來京○希求進用○如此○則國法正而妖邪不得以倖進○資典

公而帑藏不至於虛耗矣○緣係追冒濫以正國法事○理未敢擅便○

謹題請旨○

正氣干青霄而直上○赤心耀紅日以飛騰○昌黎家風○庶幾不墮○

西彪

先生立朝大節○夫人而知之矣○余小子幸同桑梓○日切景仰○每

續垂棘編三集七卷

二

五經堂彙選

欲錄其軼事○彙為一書○惜文獻不足○考稽無由○丁卯春訪得先生全集四卷○前朝邑令關中喬公諱因羽所編○大抵勅諭誌記居半○先生著作○尚屬寥寥○謹錄若干○增光拙選○嗣容展墓謁祠謀與同志再圖表章○又識○除群姦保聖躬○誠忠定集中第一篇文章○既見余重訂垂棘中惜當時未載聖旨○恐後人不知其行與否○今謹附錄于此○正德元年十一月某日○奉聖旨○卿等所言○皆是愛國愛君之意○馬永成等朕自處置○但凡一應事○盡皆停止○又識○

鹽法疏

韓文

國家之務莫重於邊餉飛輓之利莫良於鹽法故我太祖高皇帝立為禁條至嚴且備以是先遇邊方有警糧草缺乏召商上納無不應應小民免轉運之勞邊方得緊急之濟效速而大未有過於此者也但近年以來法久弊生世殊時異冒濫阻壞廢弛殆盡開中雖多實用全無荷蒙皇上重慮邊陲弗靖蓄積少克特召臣等恭承聖諭欲通鹽法先求弊端綸音一布朝野懽騰豈但軍民受福而已哉臣等職司邦計何勝慶幸敢不驅策駑鈍仰副聖情萬一謹將祖宗舊制事宜及今日各項弊端逐一條具開款上陳伏

續垂棘編三集七卷

三

五經堂彙選

望皇上少垂睿覽早賜施行上復祖宗之成憲下革今日之宿弊行之數年若商賈仍前不通軍餉照舊告乏臣等甘受妄言責等待罪民部日夜憂惶區區犬馬之誠無任惓惓為國之至一革開中引鹽之弊仰惟祖宗舊制各處鹽課遇有邊方緊急聲息糧草缺乏方許招商開中若權勢之人請買鹽引勘合侵奪民利者犯人問罪鹽貨沒官以是法度嚴明人心敬畏近年以來勢豪之家往往主令家人詭名報中及至赴官上納則減削價值下場關支則不等挨次貨賣則夾帶私鹽經過則不服盤詰虛張聲勢莫敢誰何以致資本微細者歛迹退避不敢營運著實濟邊者

續垂棘編三集七卷

四

五經堂彙選

坐困歲月不得開支及訪得各邊巡撫都御史本部管糧郎中遇有開中著實用心者固多任情忽略者亦有且如外賊出沒軍馬屯聚去處正當多積糧草以備支用却乃不行坐撥一遇緊急束手莫措其不係要害所在或附近腹裏地方糧料草束反至有餘以致年久浥爛不堪支用甚至買窩賣窩而任其規利折銀折布而本色不收商賈不通鹽法弊端其此為甚合無通行禁約今後如有前項豪強之輩冒禁中納事發到官者不分内外文武之家俱查照律例施行其各該巡撫并本部管糧官今後如遇開中務要公同計議照依地方遠近定立斗頭先儘緊關要害及軍馬屯聚去處糧料草束加倍存積務勾主客兵馬數年支用斯為得策其餘不係緊要所在酌量緩急報納以防不虞若是遇有開中再收輕齊不收本色及縱容賣窩買窩等項聽本部指實參究如此則邊鄙充實而軍餉不至缺乏矣一革興販私鹽之弊仰惟祖宗舊制巡禁私鹽每年差委御史一員專一禁革竊弊疏通鹽法而又行文各該守禦司及有司巡檢司於該管地方并附場緊關去處常川嚴加緝捕立法至嚴人不敢犯近年以來各處軍民人等為因艱難缺食不能聊生濱海人家及有硝磺去處私煎小鹽隨處貨賣以致官鹽阻滯不得通

行又有等權豪之徒專買灶丁私鹽假充官鹽發賣經過關津去處其守禦巡司等官畏其勢重不敢擅自阻當任從到處貨賣商賈不通鹽法弊端莫此為甚合無通行各處行鹽地方巡鹽御史嚴督所在守禦巡司等官務要用心設法時常巡視但有與販私鹽之徒即便拏問查例發落干礙內外官員指實舉究不許曲法回護致生別議如此則利興弊革而人皆畏法矣

一革賤賣官鹽之弊仰惟祖宗舊制各處額辦鹽課俱候邊方開中召商報納糧草許令關支近年以來惟淮浙官鹽人皆樂中其四川廣東雲南三省鹽課為因地方寫遠商人多不情願間有中

續重棘編三集七卷

五

五經堂彙選

納者每一引本地價值七八錢止得六七分一兩止得八九分計其邊方所入不及本地十分之一商賈不通鹽法弊端莫此為甚合無今後照依山東福建事例本部行移四川廣東雲南巡撫官督同布政司掌印官并管鹽官員各將提舉等司每年額辦鹽課除客商先年在於各邊上納糧草給有倉鈔本司已投勘合見在守支并舊例存留本處歲用俱照舊外自弘治十九年為始今後每年額辦鹽課俱照彼中時價變賣銀兩傾瀉成錠批差的當官員責限年終到部轉發各邊雜買糧草以備緊急支用行之數年果有利益著為定規日後悉依此例而行如此則鹽不浪費而

軍餉皆得實用矣

一革買補殘鹽之弊仰惟祖宗舊制各處運鹽使司等衙門歲辦

鹽課照依額數徵完堆積在場聽候商人關支百餘年來行之無弊商灶稱便近者慶雲侯周壽家人周洪奏買兩淮殘鹽八十萬

引壽寧侯張鶴齡家人杜成朱達等奏買長蘆兩淮殘鹽九十六

萬餘引各雖買補殘鹽其實侵奪正課以召物議沸騰人心積怨

商賈不通鹽法弊多莫此為甚合無將前項報中殘鹽原領引目

赴官銷繳價銀照數給還未完之數悉皆停止不許陸續上納仍

通行各該運司等衙門今後額辦鹽課務要如法收積聽候各邊

續重棘編三集七卷

六

五經堂彙選

商人挨次關支不許勢要之家假以買補殘鹽為名仍前主令家

人奏討侵奪商利阻壞鹽法違者聽本部及科道論奏究治如此

庶國體不傷而豪強知所警懼矣

一革夾帶餘鹽之弊仰惟祖宗舊制各處運鹽使司等衙門客商

關支引鹽每引帶耗止該二百二十斤但有夾帶餘鹽者同私鹽

法立禁最嚴人不敢犯近年以來官豪之家假以中買殘鹽為名

主使家人下場關支狐假虎威縱橫自如或通同鹽灶作弊或倚

勢挾制官府夾帶餘鹽每引或三四百斤者有之或六七百斤者

有之以致正課虧欠商賈不通鹽法弊端莫此為甚合無本部通

行各該鹽運司等衙門今後務要嚴加禁約但有商人支出官鹽各照斤數掣摺敢有似前夾帶阻壞鹽法者巡鹽御史并管鹽官員拏問如律查例發落如此庶幾人知懼而鹽法得以疏通矣一革越境賣鹽之弊仰惟祖宗舊制設置各該運鹽使司提舉司鹽課司行鹽地方各有界至立法之嚴既周且備但自成化弘治年來長蘆鹽課節該親王順帶食鹽及內臣織造開賣鹽價而回空馬快等船亦皆假借寅緣私自裝載越界前去兩淮地方發賣輒稱欽賞欽賜等項名色橫行江河攪奪市肆商賈不通鹽法弊端莫此為甚合無今後親王之國免帶食鹽內臣織造免賣鹽價

續垂棘編三集七卷

七

五經堂彙選

本部仍通行各處巡鹽御史并管鹽官員務遵舊制及查照節行事例嚴加禁約各照行鹽地方不許私自越境發賣其裏河一帶洪開等處一體搜檢務在鹽法疏通商人得利如此則宿弊可除而邊儲亦與有賴矣一革運司廢弛之弊仰惟祖宗舊制各運鹽使司提舉司鹽課司既設運使提舉等官掌管鹽課又設分司判官各場大使副使等官分理其事立法之意極為周密先年官多得人鹽法修舉額辦正課儘有附餘近年以來各該官員公廩守法者固有貪懦壞事者尤多以致灶丁疲弊日就消耗鹽課虧欠經年不完商賈不通

鹽法弊端莫此為甚合無本部移咨吏部今後各鹽運司掌印佐貳官員務要選用科目出身素有聲望久任老練之人轉補前職其各該場分大使等官雖係吏員出身亦要揀選年力精壯素無過犯之人以充其任仍通行各該巡撫巡按巡鹽等官將各司見任大小官員逐一從公考察要見某官廉能幹濟任內經收鹽課依期早完不失原額相應旌擢某官貪懦無為任內經收鹽課累年拖欠虧損正課相應罷黜明白具奏上請定奪中間又有等姦頑無知之徒欺公玩法靡所不為侵欺盜賣緣無忌憚查有實跡應奏奏者即便參奏應拏問者就便拏問如此庶幾鹽法得人而百

續垂棘編三集七卷

八

五經堂彙選

弊自除矣弘治十八年六月十五日具題本月十八日奉聖旨買補殘鹽你每再議來說其餘都准擬行語語皆本真實經濟而出與修文墨採風雲以娛時君耳目者不同彪西聖朝名世考內正直傳一款載忠定公益法七事悉蒙嘉納又載公為給事時劾都御史王越薦故吏兵尚書李秉王竑語頗涉兩宮惜此三疏原集未載又識

懲姦貪疏 弘治十八年二月

韓文

王者不私其親故能服天下聖人不虛無告故能得民心○日者陛下正位大寶體念元元特頒明詔與民更始而禁止無藉之徒投獻地土及內外勢要之家聽信撥置占奪民田尤為切至以故小民高崇等含冤上鳴仰天控訴若在倒懸而求解若陷水火而求救也本部已經行勘未報而長寧伯周或輒便虛詞奏擾誤犯聖怒蒙差官校將高崇等拏解來京田野愚夫干冒威令震驚之下禍福未測何以異於倒懸益急而水火益甚哉况高崇等與周或爭論地土奉詔訴冤已經行勘是非曲直尚未分別其不當拏解

續重棘編三集七卷

九

五經堂彙選

明矣○臣等切恐四方之人傳聞此事將謂陛下私其所親而遂廢公法何以取信於天下而懾服人心哉伏望聖明俯從群情收回成命將高崇等即賜疎放仍行巡撫等官從公勘理如果前項地土委係軍民徵糧產業被人展轉投獻即與改正就令各家管業辦納糧差如高崇等奏有虛詐從重歸結中間干碍長寧伯周或聽勘官徑自參奏拏問如此則朝廷之公法不廢詔令之大信不失矣奉聖旨是

回天之力 鹿西

急處救荒疏 正德元年二月

韓文

為急處救荒事○臣等切詳商人譚景清等買補殘鹽事情先帝始因各商奏討誤蒙准行未幾垂念邊餉缺乏而隨有查議之旨陛下嗣登大寶之初銳意裁革未幾憐其陳奏懇切而又有分豁之命以故臣下前後建白不下數十餘章戶部議擬覆奏亦經數十餘次○臣等豈不知詔旨之屢勤而紛擾之為煩哉第法有成規事不可緩祖宗設立鹽法專備各邊糧草及賑濟饑荒之用不許官豪勢要人等沮撓占中此法之一定而不可易者也○山陝地方見今饑饉人民隨處流移強賊入寇軍民多被搶掠此事之至急而

續重棘編三集七卷

十

五經堂彙選

不可緩者也法不可易而守法者變之必至於壞法事不可緩而任事者忽之豈能濟夫事哉今鹽法一事○臣等已嘗執奏未蒙陛下俞允若以為成命既下勢難中止則夫祖宗成憲傳之子孫近日詔旨頒之天下者何乃一旦變更而中止乎若以為商人資本恐致失所則夫數百萬饑民轉於溝壑而莫之引手果孰為重乎况今邊方報警強賊在套聲言大舉又將簡練士馬以備調用即今帑藏空虛邊儲無積若買補之害不除則鹽法之壞仍舊官課何從變賣糧草何所措辦一有急用何以應之○臣等反覆思惟再四計處前項買補殘鹽必須遵依詔書內事理盡數沒官方可以

昭國法之至公○全天下之大信○杜姦究之門○通飛輓之利○但念商人譚景清等○銀兩已納在部○盡法沒官○情恐不堪○合無戶部將各商納過銀兩○照數給還○原領引目○盡行追收○不許隨場買補○庶幾情法兩盡○事體相宜○上不失朝廷之紀綱○下可絕群小之覬覦○臣等所見如此○蓋已集衆人之所長○極天下之公論○豈敢偏執阿私而自速罪戾也哉○伏望皇上○大施乾斷○俯從輿情○宗社幸甚○生民幸甚○此外如欲別議○是陛下所以待臣等股肱耳目之臣○不若譚景清等一商人矣○陛下所以為宗社生民之計○不若商人譚景清等一家計矣○此皆臣等之所未喻也○

續章棘編三集七卷

七

五經堂彙選

或陳一定之法○或指至急之事○或遠引祖制○或近恤餓寒○亦既費盡心曲矣○末又以股肱耳目之臣○社稷生靈之計○與區區一商人較○如此奏疏○人君當何如聽聞○彪西

止寶石疏

韓文

為急缺寶石西珠事○臣等議得自古帝王之御天下○不寶遠物○不貴淫巧○一以杜絕蠱惑之漸○一以培養清儉之德○我朝列聖相承○皆用此道○以風動四方○自宣德年來○番國罷珍寶之獻○朝廷嚴收采之禁○正謂異物無益○徒耗財用○矧惟皇上○嗣大曆服之始○一舉一措○關係治體○正宜涵養德性○屏絕奇玩○書曰○慎厥終○惟其始○此其時也○通者承運庫太監龍綬題○該御用監揭帖開稱○即今舉大婚禮○合用寶石西珠○奏行戶部計處○臣等伏觀祖宗以來○婚禮之舉○珍寶之費○率皆取諸內藏○外人不得與聞○何至今日○乃勅戶部計處○平且前代所遺累朝所蓄○番珍海寶○悉萃內藏○今稱缺乏○而欲收買於外○臣等仰荷聖恩○消埃莫報○反覆思惟○實難計處○顧惟國家大婚○敢不仰遵德意○一一奉行○但承平既久○采取進貢○俱已停止○雖欲收賣○何從而得○况即今內而賞賜不敷○外而邊餉告乏○自三月以來○未及一年○陸續運送過銀三百餘萬○兩當此凋弊匱乏之際○而欲辦此難得之物○非惟勢不可為○其實力不能支○查得成化末年○太監梁芳輩○引用儉邪○收買寶石○虛耗庫藏○逮我先帝登極○深察此弊○將梁芳及發賣寶石人章瑾等○俱置於法○至今人心痛快○不意今日○復有是舉○萬一此端一開○姦巧之人○因而貪

續章棘編三集七卷

七

五經堂彙選

人心痛快○不意今日○復有是舉○萬一此端一開○姦巧之人○因而貪

緣○蠱○威○上○心○其○害○有○不○可○勝○言○者○矣○且○先○帝○初○政○禁○之○而○皇○上○初○政○行○之○無○乃○於○善○繼○善○述○之○道○猶○有○未○純○者○乎○伏○望○皇○上○俯○念○各○處○災○傷○頻○仍○百○姓○艱○苦○無○狀○賦○役○科○取○浩○繁○庫○藏○空○虛○益○甚○乞○勅○御○用○監○承○運○庫○太○監○等○官○龍○綬○等○將○內○庫○見○在○寶○石○珍○珠○逐○一○選○取○不○必○求○備○但○係○堪○用○之○數○量○為○揀○用○務○使○舊○典○不○廢○而○大○禮○克○成○仍○禁○左○右○近○習○不○許○指○此○為○由○感○亂○聖○聰○乖○違○成○憲○如○此○則○勤○儉○之○德○日○隆○繼○述○之○孝○益○盛○堯○舜○之○治○可○保○其○不○難○至○矣○弘○治○十○八○年○十○二○月○二○十○七○日○具○題○正○德○元○年○二○月○二○十○七○日○奉○聖○旨○不○必○買○辦○

續登棘編三集七卷

十三

五經堂彙選

維○祖○宗○之○法○養○君○德○之○儉○杜○蠱○威○之○漸○惜○小○民○之○力○一○舉○而○四○善○畢○脩○真○元○老○真○石○畫○彪西

全大信疏 弘治十八年八月

韓文

為○一○詔○令○以○全○大○信○事○竊○聞○詩○著○克○終○禮○稱○謹○始○惟○公○斯○可○以○服○天○下○惟○信○斯○可○以○結○人○心○仰○惟○皇○上○當○九○五○應○運○之○期○正○萬○物○咸○觀○之○日○登○極○一○詔○法○制○具○載○而○益○課○一○款○尤○為○周○悉○群○聽○維○新○惟○呼○動○地○各○該○益○塲○正○在○遵○行○今○乃○奉○有○前○旨○朝○野○驚○愕○罔○知○攸○措○且○前○項○引○益○先○帝○雖○嘗○准○令○納○銀○隨○塲○買○補○後○因○廷○臣○論○奏○尋○復○罷○止○已○而○慶○雲○侯○周○壽○壽○寧○侯○張○鶴○齡○出○名○奏○討○至○再○至○三○乃○不○得○已○准○令○關○支○遂○使○益○法○沮○壞○商○賈○不○通○故○群○工○庶○職○每○特○奏○於○關○庭○雖○田○夫○野○老○亦○嗟○怨○於○閭○巷○先○帝○隨○即○悔○悞○特○優○召○臣○面○授○改過不吝

續登棘編三集七卷

十四

五經堂彙選

勅○旨○惟○欲○查○照○舊○制○痛○革○弊○端○慮○意○所○發○正○謂○此○耳○本○部○備○將○前○項○事○宜○開○款○上○聞○不○幸○仙○馭○升○遐○攀○號○莫○及○然○則○成○先○帝○欲○為○之○志○復○祖○宗○不○易○之○法○不○有○在○於○今○日○乎○**節該伏覲詔書除已**支○賣○外○其○未○支○掣○者○悉○皆○住○支○還○官○欽○此○今○奉○欽○依○除○已○納○價○銀○者○即○係○未○支○應○該○住○支○之○數○及○給○與○引○目○者○即○係○未○掣○應○該○還○官○之○數○若○未○納○價○銀○則○先○帝○已○有○成○命○停○止○固○不○待○於○今○日○矣○邇○者○陛○下○俯○念○內○外○臣○工○人○等○效○勞○先○帝○有○年○大○行○賞○賚○命○集○廷○臣○多○方○議○處○而○帑○藏○空○虛○計○無○所○出○姑○從○眾○議○差○官○分○投○變○賣○各○處○鹽○課○解○銀○赴○京○以○備○支○用○內○外○臣○工○人○等○亦○皆○延○頸○跂○足○想○望○前○項○

鹽銀計日可得○今又准令二家買補○則商賈依舊不行○鹽課何從
變賣而賞賚之典○畢竟廢格而付之空言矣○且慶雲侯周壽等姻
聯戚畹○列官列侯○爵享萬鍾○田連阡陌○其所以為身計而遺子孫
者○不為不厚矣○前項引鹽失之未足為損○得之未足為益○何獨攷
攷需求○漫無厭足○使先帝前日之志○抑鬱而未宣○陛下今日之令
濡滯而不行○祖宗列聖之靈○弗慰于在天也○耶○况今水旱交作○盜
賊蜂起○流移內聚○強敵外攻○地震山崩○日月薄蝕○又京城內外○霍
雨為災○弭月不止○有識之士○孰不寒心○彼周壽等亦陛下人臣耳
亦朝廷赤子耳○安忍獨享富貴○曾不為之一動心耶○臣等才本疎

續垂棘編三集七卷

五

五經堂彙選

庸叨司邦計○憂積于中○至忘寢食○况當財用匱乏之時○事勢危急
之秋○若復緘默不言○將來誤事○罪何益○是以輒敢不顧忌諱○昧
死上陳○伏望皇上○獨斷宸衷○不惑群議○仍照臣等原擬遵依先次
詔旨○將慶雲侯周壽家人周洪壽寧侯張鶴齡家人杜成朱達等
節次奏買長蘆兩淮引鹽○除已支賣外○其未支者○即與住支已支
未掣者○悉皆還官○庶祖宗之法○可遵而可守○先帝之志○成始而成
終○陛下之美○善繼善述而垂裕於無窮矣○豈但鹽課疏通○國計有
賴而已哉○

忠厚惻怛○溢于楮墨○如讀朔日辛卯諸詩○令人悲憤交集○彪西

庫藏空虛疏

韓文

為缺乏銀兩庫藏空虛等事○查得京庫銀兩○以歲入言之○夏稅共
該五萬五百餘兩○秋糧九十四萬四千八百餘兩○馬草二十三萬
七千餘兩○鹽課折銀二十餘萬兩○雲南開辦三萬餘兩○通計各項
實該一百四十九萬餘兩○以歲用言之○宣府年例五萬兩○大同五
萬兩○遼東一十五萬兩○延綏三萬兩○甘肅寧夏各六萬兩○給散京
衛軍官俸糧共三十三萬五千餘兩○內府城造寶冊等項○其餘不
得與知大約并前折俸銀○不下五六萬餘兩○通計各項實收一
百餘萬兩○其間支剩馬草等銀○節該本部題准○俱送太倉收候○以

續垂棘編三集七卷

六

五經堂彙選

備邊方緊○急支用不許別項支銷○故太倉之積○多者三四百萬○少
亦不下二百餘萬○夫何近年以來○前項額辦銀兩○或災傷減免○或
小民拖欠○或詔書蠲免○歲入既虧於原額○而歲用乃過於常數○姑
以近日言之○宣府年例外運送過六十一萬餘兩○太同年例外運
送過七十七萬餘兩○陝西各邊年例外運送過四十萬兩○遼東預
送過三十三萬兩○千餘兩○蓋為邊方緊急○糧草缺乏○鎮巡等官○分
外奏討之數○又征進京軍○給賞過六萬九千六百餘兩○欽賞在京
官軍人等○共用過銀七十二萬四千二百六十餘兩○及各邊官軍
共六十九萬三千三百二十兩○又陝西賑濟銀二十萬兩○密雲紫

荆居庸倒馬關等處召買糧草共銀一十二萬八千餘兩買金進
送內府一萬二千五百餘兩^{切色銀}追上之取用未止其數未可量指一
歲之間實用過四百餘萬兩并計舊例將及五百餘萬兩是舊例
與新用過銀兩殆四倍餘矣帑藏何由而不空國用何由而不匱
也哉^臣等竊聞滄海不能實漏卮杯水不能熄烈火其勢使然也
今值海內虛耗祇見四方災異不時加以兵荒之相仍供億之百
出事變之難日甚于前奢靡之習漸長于後以多方之用欲倉卒
取盈豈不難哉^臣等叨職戶曹繆司國計而極力區畫未敢辭犬
馬之勞但晝繼夜籌量其所出將欲少徇乎人情又恐致傷於國

續垂棘編三集七卷

十七

五經堂彙選

體將欲取給於目前又恐貽患於將來或益少而損多或害重而
利微展轉憂思如芒負背^臣等所以不敢輕為之議者蓋以此也
竊嘗上觀往古迄唐宋遠揆先王之制近觀祖宗之法莫不以理
財為務量入為節以勤儉愛惜為本以侈靡妄費為戒蓋因生之
有限用之無窮若不樽節於平日何以克濟於臨時然樽節之道
未有不^躬自君身始者伏望陛下念天命至重祖業至大民事至艱
躬履儉約為天下先俯將^臣等議擬條件留神覽察斷在必行庶
乎轉畜以為豐伸縮以為贏濟一時之用培萬年之基^臣等下情
不勝惓惓憂惕仰望之至除有禁例難行及各官另有條陳戶部

徑自覆奏外今將會議過事件逐一開坐上請定奪等因具題奉
聖旨是本內所開事件都准議行近年支用緣何比前日漸增加
多至數倍及各邊解送銀兩數多用過存留數目還都備查細究
明白并其餘別有可行長策再議處來說^臣等恭承明命仰窺聖
心以國祚為重以民窮為憂故欲究冗費加增之由查邊方支用
之數再開長策之端特采群工之議^臣等莫不欣躍感激仰戴聖
明苟有管見安敢循默其近年以來內外支用金銀并冗食冗費
大約數目^臣等前奏已嘗備陳而詳列矣追惟其故銀兩支用由
於京軍屢出調度頻繁山陝饑荒供億加倍往者孝廟登極賞賚

續垂棘編三集七卷

十六

五經堂彙選

之費悉出內帑戶部止湊銀三十餘萬兩今次賞賜共銀一百四
十餘萬兩皆自戶部出矣往者內府成造金冊等項皆取內庫金
兩今則戶部節進過金一萬四千八百餘兩矣^{此節更當審}往者戶部進送內
庫銀兩止備官軍折俸等項支用今則賞賜無名無益齋醮多取
而用之矣此銀費所以日增也以冗食言之招收投充之匠傳陞
乞陞之官役占影射之軍皆資緣權貴盡公營私憑城據社莫敢
誰何或^臣不諫言而裁革不行或方行裁革而旋復仍舊根深滋
蔓消耗京儲此冗食所以日增也以冗費言之光祿寺供應每稱
不副內監局工作畧無停息至如玉帶之賜舊例甚為珍重近來

一緊濫賜充滿左右各器不無太濫矣○蟒衣之賞舊例未嘗輕易○

近來一緊濫賞接踵前後靡費不無太甚矣其餘瑣細不敢枚舉

此○冗費所以日增也○夫天下之賦不少加于前而軍國之費乃數○

倍于昔○又蕪水旱之頻仍賦歛之促迫民怨日結于下天道屢變○

於上將來時事豈不誠為可憂哉○臣等切聞自古繼體之君願治○

之主其於庶事不患於不知惟患於不行故傳說建戒高宗曰知○

之非難行之惟艱今日財用匱乏之由樽節愛恤之要○臣等已懇○

懇言之矣○前奏事件已蒙俞允○令各該衙門查奏定奪矣○伏望皇○

上○母視空言斷在必行俟其查奏至日將冗官冗兵冗匠及冗食○

續垂棘編三集七卷

九

五經堂彙選

冗費等項應裁革者即賜裁革○應減省者即賜減省○與夫無名賞○

賜無益齋醮悉皆停止○務復祖宗之舊規○用敦清儉之美俗○天下○

臣民不勝至願○其各邊解送銀兩用過存留數目○臣等難以遙度○

合無行移各邊巡按御史各照地方自弘治十三年為始○取各○

年文卷逐一從實查勘○要見戶部陸續解送銀兩若干○訖今用過○

若干○見存若干○其處糴過糧料草束各若干○中間有無假以按伏○

等項為名○不審賊情緩急○輒便輕動妄冒關支情弊○備查明白○造○

冊奏繳○仍造青冊送部○參究施行○待後戶部奏差科道官員查盤○

邊儲之日○仍照此例行○令嚴加查考○如有前項情弊一體參究○臣

等○今將再議條件開坐上陳○雖非長策○要皆可行○伏乞聖明裁處○

謹題請旨○

一收復官稅○竊惟先王廣山澤之禁○立市廛之征○使地無遺利○國○

無情農○故財用恒足○近年以來○各處空閒山場湖陂○及稅課司局○

河泊等所○多被王府奏討管業○通相倣倣請乞無厭○以此存留在○

官○十無二三○國用不足○此其一也○臣等伏觀祖訓○凡宗室分封各○

有常祿供給○其一應田土稅課○並不該載○蓋以天下之財賦有限○

軍國之費用無窮○不以畜此豐彼○損公益私○亦明矣○合無戶部通○

行天下稅泊司所○但係王府奏討管業者○不分年月○以近盡取還○

續垂棘編三集七卷

十

五經堂彙選

官○仍行撫巡等官查算各該司所歲課所入○照依見行折收錢鈔○

事例○每錢七文折銀一分○鈔一貫折銀叁釐○行令各府類總起解○

戶部○其山場湖陂田土等項○除見管業外○或有王國改遷被人侵○

欺隱占者○亦行撫巡等官從公盡數查出○行令有司召人應佃種○

者○照例每畝徵銀三分○應漁牧者量定則例收取花利○各赴該州○

縣上納○類解戶部○以備各項支用○

一修舉邊屯○切惟足邊之道○屯田為本○蓋進戰退耕得寓兵於農○

之義○自種自食○無千里餽糧之勞○如李牧守鴈門○充國之備金城○

是其明驗○我朝屯田之制○雖存修舉之法○不講年復一年○馴至大○

續先帝博采建議審命科道等官分投清理然但止於腹裏未及
乎邊方臣等訪得沿邊屯田廢弛尤甚近便膏腴之田既侵奪於
權豪鄰境堪種之地復牽制於禁例又兼租額太重軍士不堪往
往逃竄影射拋棄原業遂使禾菽之地盡為草莽之區似此宿弊
難以枚舉子粒既缺則倉廩必虛倉廩既虛則軍餉自乏比來戶
部運送糴買銀兩年例之外加至數倍內帑空虛大率坐此除遼
東另行外合無戶部請勅數道付順便公差人員齎付各邊總制
巡撫大臣會同各該巡按御史有戶部管糧郎中去處仍會同郎
中督同各該巡守管屯等官將原額并新增屯田逐一清查除見

續重棘編三集七卷

廿

五經堂彙選

在軍士領糧外中間但係權豪恃強奪占年久務要從公追究改
正其餘空閒拋荒地土設法處置著令各該衛所軍餘或附近人
民盡數開墾承種寬限三年待其成熟然後起科上納子粒如豪
強之家仍前霸占不即退還者即便指實奏究治以重罪仍追每
年花利入官其或租額太重量為遞減奏聞定奪鄰境之地果係
膏腴可耕亦要隨時酌處不必拘泥禁例務使官軍有警則進而
征操無事則退而務農食既可足兵亦有賴行之歲久獲效必多
事完之日各將清查處置過事宜造冊奏繳仍造青冊送部查考
一查勘官地查得弘治二年九月內節該給事中等官鄭憲等查

勘順天保定等府已故太監莊田造冊前來本部議擬具題節奉
孝宗皇帝聖旨這各莊田欽賞年久其人已故本都當入官但中
間有轉賣等項今定與例不及二十頃的仍與見管業之人耕種
照民田則例起科納糧二十頃以上至三十頃酌量除五頃三十
頃以上的每三十頃通除五頃留與管業之人耕種納糧不願耕
種的聽餘地並收入官其有本主見在的仍管業不勒認種納子
粒的著種納辭退無主的召人佃種以上地畝糧數還著原委官
分撥取勘明白造冊備照欽此欽遵通行外但今經年久各該先
後欽賞莊田業主存亡不一若非差官整理中間受價典賣朦朧

續重棘編三集七卷

廿

五經堂彙選

乞討等項姦弊百出不可悉舉將來弊癘日深愈難救藥合無照
例選差給事中御史本部屬官各一員請勅前去會同順天并直
隸保定等府巡撫巡按將各該內官節年奏討并欽賜各項田土
除見在外其已故者通行取勘要見是何內官何年奏討何年病
故原賞頃畝若干有無包占民田在內即今何人耕種何人收租
其家人弟姪恐被勢要奏討有無投託見在太監勲戚等家稱作
已賣及佃種并隱匿等項情弊務要吊取文冊查照原撥四至盡
數清出遵奉先帝勅旨量為遞減其已管業之人悉照民田則例
每畝三分起科有不願領種者行令有司召人佃種各將租銀送

附近并該管州縣上納類解戶部以備各項支用仍將佃種花名
田地項畝子粒數目通行造冊奏繳仍造青冊一本送戶部備照
如此則上不失公家應得之利下可革姦人隱占之弊矣正德元
年五月二十二日具題二十五日奉聖旨是
鄭曉之吾學編陳建之通紀高岱之鴻猷錄焦竑之獻徵錄鄧
元錫之皇明書王世貞之史料何喬遠之名山藏陳繼儒之史
待補此一疏庶稱完史鹿西

自傳

韓文

文弱冠從雲南解元杜公時恭學易深荷開講後杜擢進士授南
京戶部主事遂入邑庠為弟子員時翰林檢討襄陵邢公遜之以
憂制居家復遊門下與進益力年二十五領成化二年乙酉鄉試
次年丙戌登狀元羅倫榜進士第是年進士例放依親已丑春三
月赴京選補工科給事中越三年壬辰進階徵仕郎勅封父杏庄
先生世恭如己官母吉氏妻張氏俱孺人來歲欽命恭順侯吳鑑
為正使文為副使持節冊封韓府高平王凡所謁遺白金鞍馬段
疋等物纖毫無所受至強之再三亦不從吳頗不悅次日起程遂
清海分疏

續垂棘編三集七卷

四

五經堂彙選

分路而行左都御史王越總制西夏榆林等三邊輕信寡謀邀功
生事假稱搜套引惹邊蠻首倡各科連名上章劾之及稱前吏部
尚書李秉兵部尚書王竑皆骨鯁老臣夙著重望以觸權奸俱令
致仕應合起用及本內頗與兩宮之事忤憲宗先帝意於文華殿
前親問重責三十大棍幸而不死實再生也陝西三邊紀功郎中
張謹奏總兵都御史等官劉聚等殺降報功極為欺罔上命六科
選差公正給事中一員親詣體勘眾以文應詔遂由間道密切詢
訪庶得其實并以官軍所獲首級逐一驗看孰為漢人孰為外賊
孰為男子小厮孰為婦人女子明白開奏朝廷是其言各以罪之

輕重示罰○不少貸縉紳士夫咸稱之曰○如某者庶不負公正二字
矣○一日早朝時方四鼓○至長安西街○於馬上見道左有青袱囊一
件○令僕取之○不知為何物○抵朝房封記○付吏人收候○待天明開視
乃雲南景東衛指揮張幹○襲職公文一帙○及各色寶石金銀首飾
一包○當取紙照數封緘○仍備書得物之由○於各處牌坊貼之○令其
自取○午間果二人帶泣而至○乃失物者○審無偽○遂照原封付之○其
人感歎而去○但云遠人無以為報○惟願相公子子孫孫異代為顯
宦耳○戊戌春九年考滿○在科平昔取怨貴近甚多○該部累嘗奏補
吏刑二科都給事中○俱弗與○待銓選次○幾二年○方有湖廣參議提

續垂棘編三集七卷

廿五

五經堂彙選

督武嘗諸宮觀之除人多屈之○西涯學士以詩餞別○有人言才大
難為用○我愛官閒好讀書之句○某則處之裕如○且曰○參議位居方
面○衣紫腰金○書生之事畢矣○第恐不能稱厥職耳○均州亢旱已踰
三年○軍民甚不聊生○淨樂宮開勅甫畢○須臾天雨如注○平地水湧
三尺○人皆異之○前提督者以責主羽流○事多寬縱○某則惟以敬神
恤民為己任○百凡宿弊悉與剷革○時太監韋貴鎮守本山○頗以聲
勢凌人○但以誠心處之事屬已往者○率不之咎○軍人張福隸貴門
下○恃酒兇狠○無敢與抗者○一日被人訴於案下○覽其狀○百惡皆備
遂按法重治○同類者率皆知懼○多至遠避○貴亦心服其公益加敬

憚各官提典道眾幾六百員○名月有應得口糧○歲有布絹茶鹽等
物○往往時皆為貪饕者侵剋之○至則各照原數分給○又起官倉數連
畝○餘者悉羅谷上倉○近數萬石○羽流有一不守教規者○皆罷遣之○提
督本山僅半年許○適本司左參議缺員○巡撫都憲吳公克誠以某
處非其地○奏補之○左布政何公廷秀○燕公有學第難為人○一見即
為知己○事無巨細咸商確之○湖湘糧重訟繁○素稱難理○巡歷去處
一以鋤強扶善為務○軍民訴冤者悉與辯雪○至駐官汚吏○尤切齒
痛恨○加意懲治○不少恕○九溪衛桑植安撫司長官桑植種頭目白
嘴○悍警殺隣邦侵地奪印○殆無虛歲○累嘗差官撫勘○而頑梗執拗

續垂棘編三集七卷

廿六

五經堂彙選

迷而不悟○撫巡者以為係地方安危至計○必得久任練事深曉夷
情者○以往於是○由三峽抵施州○衛將各夷撫之○諭以朝廷恩威○殺
伐利害○眾皆輸服○就將原印追出○問擬如律○地方幸保無虞○在任
八年○以父喪守制○服滿起復○時三原王公宗貫為冢宰○惜其久淹
仕途○遂有山東左叅政之擢○齊魯之俗○遇旱則群小聚集○以打旱
魘為名○甚至挾仇發塚○開棺見屍者有之○習以為常○恬不為怪○時
分守濟南地方○適有民人王禮者犯之○乃置諸重典○仍通行所屬
一體禁治○至今遂無此俗○甫及一載○禮部侍郎倪公援例奏薦堪
任方伯○遂拜雲南左布政使○舊例司府州縣及倉場庫務等衙門

吏典後滿三年不拘資格高下遇缺即與參克至有八九考或十四五考者弊政因循殊難覺察看得雲南地方文物衣冠迥非昔比特援例奏行出身之資俱照腹裏至今以為定制雲南右衛指揮徐榮侵欺糧銀七百餘兩事發理問所監追一十九年無力完納詢其故乃正妻丘氏恨其取妾王氏與伊另居商同五子誓不相顧止妾王氏貨賣針指供夫飯食遂拘丘氏母子到官詰之果然不勝憤激遂痛加責治乃以原侵官銀分派諸子各照數賠納五日而完指揮徐榮因而保全身命與妻丘氏完娶同居此固一時權宜處置亦使遐方異域知綱常倫理所當重焉越二年陞都

續世錄編三集七卷

七

五經堂彙選

察院右副都御史奉勅巡撫湖廣地方兼贊理軍務時貴州黑苗作亂進兵剿捕命鄰省巡撫官設法運糧各二萬石軍前接濟皆如期而至後地方寧靖特降聖書獎諭至有忠誠為國之褒未幾武昌黃州地方荒歉米價騰貴餓殍枕藉於大江之濱者難以數計且冬雪餘四十日方止耕牛凍死者十至六七乃連具疏乞減免租稅停止徭役上嘉納之民始得蘇餘二載改鎮河南時河北懷慶衛輝彰德三府亢陽為虐秋夏無收者亦二年矣至是民多趁食流移有父子夫妻各自為命者於是行布政司查取官銀一萬兩帶同該道守巡官隨路賑恤仍親詣各府壇所行香祈禱其

應如響由是撫屬去處雨澤在在沾足得以趁時播種內極貧無力缺少牛銀種子者就將前銀量為給發次年二麥大熟民皆復業守備河南府地方都指揮李端貪濁殘忍毒害軍民參摺問革降職閒住人皆稱快再轉戶部右侍郎與尚書周公伯常左侍郎劉公時雍矢心協力共圖報稱是冬連副都御史并侍郎通籌歷任三年考滿誥贈祖父德深父世恭俱正議大夫戶部右侍郎贈祖母李氏封母吉氏妻張氏俱淑人後張氏偶得亟疾捐館朝廷賜祭一壇遣布政司參議繆昌行禮五月老母亦以舊病奄棄欽命工部進士李達造墳安葬本布政司參政孫珪諭祭皆殊典也

續世錄編三集七卷

六

五經堂彙選

服滿起復改吏部右侍郎至則尚書屠公潮宗侍郎林公亨大皆同年夙契且志同道合不敢私為異同是後又偕尚書倪公舜咨馬公負圖侍郎王公濟之梁公叔厚為同僚亦甚相得鄉先生朱繼儒自幼涉獵書史尤長於吏事每以狷介自持後携妻子商販於外者六十餘年雖生計漸微而一毫不肯妄取於人既而妻子相繼淪沒寄葬於長垣之南野村而先生年踰八旬僑居邳州不幸物故淺葬本州城東十里官鋪之側某因慕先生為吾鄉士大夫之雅且與杏庄先人素相知厚乃遺書長垣令白思誠差人親赴本州起取而歸與妻盧氏合葬本家塋次俾先生與妻若子皆

不為他鄉之鬼而吾之夙願亦可以少酬矣一日參贊南京守備
機務兵部尚書缺員廷議謂南都祖宗根本重地佐理留務實為
重任必得公肅端謹之人庶克負荷衆以某薦上乃是之至則又
值天嘗久旱抵任之日忽淋雨大作移時乃止內外守備咸曰福
星至矣時斗米價值百錢隣邦饑民輻輳京城餓死者日以數百
計乃移咨南京戶部將官軍月糧連放三箇月以濟其急昔大司
徒王公用敬以未經奏請為辭某曰前項糧米乃官軍應得之物
非分外事也况恤災如救焚拯溺否則緩不及事矣脫有罪某當
自任遂預放米三十三萬石京城米價遂平餓草始少人心始安

續垂棘編三集七卷

凡

五經堂彙選

先是外守備者凡會同內守備議事率皆畏縮避不敢輕出一
語至於聽斷詞訟亦惟以內守備者為可否某曰天下之事理與
法耳悉以無心處之諸中貴非特不疑且加敬服蓋亦秉彝之良
心也吏部移文改戶部尚書起程之日內外守備及府部諸公俱
至龍江驛餞別兩岸軍民號泣攀留者殆數萬人到京之日陳請
懇辭奉孝宗先皇帝聖旨國計重任以卿清慎老成才望素著特
茲簡命宜勉就職不允所辭是年四月初九日早朝畢召至奉天
門欽奉聖旨祖宗設立鹽法以濟繁急邊餉係國家重務近來廢
弛殆盡商賈不通各邊關中全無實用恁戶部便通查舊例及前

項弊端明白計議停當來說隨將舊制事宜及今日各項弊端列
為七條一曰革開中引鹽之弊二曰革與販私鹽之弊三曰革賤
賣官鹽之弊四曰革買補殘鹽之弊五曰革夾帶餘鹽之弊六曰
革越境賣鹽之弊七曰革運司廢弛之弊俱一一准行未幾宜大
二鎮敵賊犯邊地方失利京營總兵等官統軍征剿糧料草束不
勾主客兵兩月之用又值大喪大婚相繼舉行并內外及各王府
諸邊賞賜銀兩共九百餘萬日夜憂惶強為支持幸免悞事太監
苗達保國公朱暉都御史史琳奉命討賊擁兵自衛辱國喪師且
縱軍剽掠若罔聞知坐費錢糧重貽邊患乃指名糾舉事下該部

續垂棘編三集七卷

卅

五經堂彙選

移文切責朱暉等暗唆苗達出名奏稱各邊缺少糧草數多官軍
支用不敷乞行尚書韓某督理處置實欲乘機中傷之也仰蒙皇
上明見萬里痛悉前弊事竟中止真人謝應循等假以識緯邪術
盜取帑藏金銀不貲奏乞追究還官以備緩急之用雖聖意優容
此流終知驚惕不敢仍蹈覆轍是年春以南京兵部并戶部尚書
通計三年滿考賜二品誥命進階資政大夫追贈祖父父俱如已
官祖母母妻俱夫人又內戚宦官置買庄所報中引鹽或以民舊
捏作牧馬草場或假織造安討官鹽變賣悉與查例執奏多荷俞
允而歛怨招尤亦不顧也吏部尚書二次缺員時吏科給事中丘

俊奏稱某劉方正直才望夙著堪任上命廷臣會議疏名上請皆在首舉俱不與非造物者靳此名器然職線之材不可以補衮豈待智者後知邪太監劉瑾馬永成等狎暱春宮舊愛惑亂聖聰淫巧百出以夜為日恣肆無度以致龍顏清癯起居失節某忝任股肱大臣寧不憂懼於是會同府部大臣及九卿衙門堂上并科道官太師等官英國公張懋等伏闕上章實欲急除群邪以保聖躬以安宗社不料奸人預泄其事遂降級致仕隨該都給事中徐昂論救乞留復職徐坐除名而某亦有冠帶閒住之命遂由陸路旅宿而還未幾高唐知州長男士聰刑部主事次男士奇同日傳奉

讀史錄編三集七卷

世

五經堂彙選

聖旨俱除名切念某本以樗朽濫竽甲第歷官中外餘四十年叨祿苟安殊無寸補况兒輩亦忝科名繼登仕版作郡者乏循良之譽司刑者欠果斷之明反躬自咎愧負良多目今犬馬之齒七十有八且遭太平熙洽之世得為林下散人誠萬萬無涯之福也但恨甘老若穴與草木同腐而先憂後樂之語不能不仰止于前賢云○平實老成不溢不遺一以作當官箴一以作居鄉銘惜前修邑志者不採入藝文一款容旦夕續邑志永作一方琬琰彪西

烈婦崔氏傳

崔道岸

烈婦崔氏余兄崔韓女也生負秀質幼嫻閨訓長字長寧村李嘉嘉寒素受業於其伯冲虛先生婦自適嘉後相夫子事舅姑食貧茹苦晏如也崇禎七年流寇掠村男女奔逃婦獨與賊遇賊簇擁欲劫去婦大罵曰吾儒家女也肯受賊奴辱乎速殺可耳賊鋒刀環列強被以絳繡載諸馬上婦罵不絕口奮身投地者再三觸賊怒殺而碎剗其體時年方十有九見者莫不心摧膽裂聞者亦齒骨俱酸群相謂曰李有婦矣崔有女矣夫天地剛正之氣不為忠孝則為節烈然而慷慨就義在鬚眉男子猶或難之顧

讀史錄編三集七卷

世

五經堂彙選

欲得之弱女愚婦乎考潞志有雄山焦婦正德間為薊賊所執仆地不起賊曳之里許膚裂血流而死同村有趙袁二婦賊擁之馬上投地忿詈賊憐其色復掖之上馬終忿詈不屈而死方之於今可以並垂不朽矣余故質錄其事以為傳云○於崔一人中帶出焦趙袁三人逼真史筆○每見忠臣孝子義士節婦湮沒於騷人墨客者頗多以其塗脂傅粉失却當日面目予故愛質錄二字當與靜修先生紀錄紛紛一絕並傳彪西

與范徵君書

崔起鳳

弟不德叨鐸洪庠兢兢自持惟以坊表庶隅為多士飭連年以來亦頗無蕩檢踰閑之大故矣惜文教一事房行闕廢無款不揀後場古文有美必摘月課六次各社分送庶幾文風丕振乎而子科仍脫雖武閣登第者七人亦僉曰習射圃亭課督論策前此未有弟與力焉而弟亦何敢貪天之功也風水修補亦誠有之今文星樓已成寶崖塔現築弟之贊襄奔走靡不留心本末兼盡實望明年秋捷文武之鵬飛者多多益善而已惟是文廟中東西兩廡傾覆在于去年六月初五日告成在于本年八月初四日備祭丁也

續書林集七卷

五

五經堂彙選

去秋九月開工輸助尚爾給用今春府回邈無一應弟自捐薄俸二十餘金正虞燃眉適承盛伴貴貨伍拾兩雖楊老夫人之功德明垂不朽實老先生之陰德簡在

帝心者耳况約薄邸王年臺迭頒厚助弟敢不仰體至意求為完美

乎弟特急者如與人有隣比之交一旦觀其靡室靡家則不樂今先賢先儒視吾以為佳持也而謂霜棲露處焉安乎所以四十二間西廡之新造者係一十有三其外後垣之安底石者俱五層東西前垣內外俱磚壓以整厚根基俱寬三尺隔墻俱磚園門內墻周圍磚俱二十三層房舍巡補其未動者毫無罅漏先師殿門窓

粧飾大成門三開俱用鉄護其樞兩廡匾聯大成門並鄉賢名宦祠俱補修丹雘前後完緻頗稱煥然始造以迄落成冬不避寒夏不危暑計畫督理與謀家一致片瓦半磚亦必手拾一匠一役亦必親董幾期月矣弟之職實弟之性也諸生以為非弟不能速成弟則以為非先生不能易易云然事關廟社不可無記老先生著作鴻才兼班馬鉅筆敢祈隻字序其顛末并求尊銜以光貞珉弟借諸生感且不朽矣又有請者先生垂棘詩選琪璧海內自愧無才難邀採擇助刻微資統惟莞納不腆聘敬幸勿見拒是祝聖誕禮祀奉教已行附聞

續書林集三集七卷

五

五經堂彙選

叙職業却見勤苦叙功能却見謙虛是為真實文章鹿西某地友人云敝處學宮修完其實則丹雘門楣粉飾墻墉而止殿廡像主之間雨打星觀鼠啣鳥宿一望淒其不可詳也不知睹此文亦動心否崇禎癸未陝西商州周先生諱承文由歲貢廣文于邑刻洙泗纂親一書先聘君每稱其有功聖門予小子念先聘君遺言于康熙癸丑既重刻此書以傳近聞周先生文孫諱蒲鮮已酉解元壬戌進士見任翰林檢討雖吾道不言報應而迪吉實惟影響附記以為廣文之有功聖道者勸又識

辨子貢遊說議 節數字

王復初

吾讀史記孔門弟子傳而深有感于子貢也。子貢結駟連騎雖不受命而聞一知二億則屢中以其天分高也多學而識得聞一貫以其造詣邃也且瑚璉之器言語之科是亦有用之才而有德之言也名列十哲豈非大賢流亞哉胡以為魯說齊先令伐吳為吳起釁又令伐齊再三說越以成沼吳之計此戰國儀衍之流從衡之輩而非孔門之家法也昔夫子於夾谷之會辭嚴義正齊人畏服聖門之徒羞道桓文之事管仲九合一匡猶云器小而何容此狙詐之術哉昔孟子於梁則言仁義於齊進以王道滕小國也告

賈子東編三集七卷

廿五

五經堂彙選

以還守之計宋小國也責以王政之行善戰之輩擬服上刑連結諸侯亦所加罪幾曾批釁成敗損彼益此而肆其欺誣之謀乎如若所為則是功利之徒也周程張朱隱見不同而誠意正心之學確乎不援如若所為是宋儒之所不屑也或者史遷聞疑傳疑而此段紀載未足徵信千古平博雅君子尚其裁諸
玩列傳所載說吳說越聲口斷不出于子貢其為戰國人手筆無疑明眼看破令遊說輩不得以聖賢為口實 鹿西

讀伯夷傳 節數字

王復初

予嘗讀伯夷傳而知史遷之學真足千古而為聖門之徒也何以知之以其尊經而崇聖也夫唐虞揖讓著於尚書夷齊讓國稱於孔子此皆卓越千古也而史遷作傳屢述孔子之言不一而足終之謂夷齊雖賢得夫子而名益彰是以砥行立名必附青雲之士也此等議論堪垂不朽彼許由務光之流文辭不少概見而或為野史之記載莊周之寓言為可與夷齊之賢同年而語哉不特此也叩馬一諫忠諫之論凜凜天壤而謂叟稱其為義人扶而去之豈非仁之至義之盡者哉吾於此因有感於史遷矣史遷之與李

賈子東編三集七卷

共

五經堂彙選

陵非與陵有私暱也亦非欲博名高而為飾說也以陵素行義勇有國士之風稍加寬宥觀其後效如秦穆公不以一眚掩大德此亦一時之深計也乃按以國法遂置宮刑貧不能贖辱親虧體此求義而未得義真可痛哭流涕長太息矣然而一生精力著于作史上自黃帝下及當代筆亦造化學究天人真可續六經之後而與日月爭光矣故知伯夷之傳直可謂傳中之第一而史遷之學真堪為史中之第一也尊經崇聖功莫大焉寧非聖人之徒哉
壬子春余請水壑堯子鴻圖講學言及伯夷一傳一則廉頑立懦可挽今日之貪風一則推崇孔子可破莊列之幻說史遷一

腔熱血首列伯夷堪續六經之後而錚錚千古者也十五年所
于亦忘之近會党子猶問及此偶成鄙論以應其問且魏環溪
先生每薦党子於上台上台聞其名未識其面志士不忘在溝
壑一片冰心在五壺党子清風亦有合於昔賢者耶因讀此傳
而並及之自識
史遷心事歷歷如見可稱千古知己孫遵仰原評
辨子貢說似抑龍門也讀伯夷傳却又揚之合觀兩作讀書之
法見矣論世之識脩矣胡康侯曰明此然後可以操賞罰之權
矣虎西

雲將王先生為吾絳人望年近八旬手不釋卷其著述最富既
散見于垂棘等書此作與辨子貢遊說為先生新藝快讀一過
尤服其眼高千古足稱龍門忠告閣擢識

祭壽木文

曹續祖

維康熙丙寅閏四月九日壬戌石子山樵自製壽木告成迺烹翰
音載酌清醑拜手嘉祭而為之言曰氣聚成形人之生也原始反
終誰能免者百年強半歲制時制達者不諱經營蚤計王官表聖
耐辱居士唐制第一達人
生墳八旬如開別墅招飲故人元章具棺焚香清坐卓犖襟懷無
所不可淵明自祭樂天自銘千古人豪夢覺酒醒予茲藐焉活如
蟲蠅憾不速朽敢言及此乃念狗馬尚需帷蓋矧予為人敝帚四
大裸體王孫固非人情司馬石椁無乃豪橫吾實單寒量力審處
古柏成材僅二寸許龜從筮從吉日命匠決旬奏功班卷在望夏

五天德厥位維乾曆汝安吉為我延年俟百歲後相與同歸嘉賴
實多牲醴告祈方丈之內覆載長存悠久無疆爾惟乾坤狐兔罔
侵隄馳弗鑿完堅固爾惟城郭蟬蛻遠遁蠅蚋高齋繚繞屏翰
爾惟墻垣風雨可蔽霜露不入攸竿攸寧爾惟堂屋惟幙秘密枕
簟清涼義皇寂卧爾惟匡牀不剪菱荷不裁薜荔錦覆恒新爾惟
衣被爾之有情是吾妻妾近身貼肉志同意協爾之酬恩是吾子
孫冬夏溫清定省晨昏爾之執勞是吾義僕護衛環拱求無反覆
爾之能容是吾良友舍垢納污不啓謗口嗟予不才遊爾有緣爾
之生長豈云偶然千秋之物合抱之姿胡為來哉鍾有神奇敢沒

爾善默然不語竭誠昭告聽余莫吐

空中霹靂夜半鐘聲人即聾聵亦將悚動聽聞嗟乎日月逝矣
歲不我與宜乎吳聘君讀朱子六十後長進不多之語為之淚
下也彪西

續垂棘編三集七卷

五

五經堂彙編

五思集序

曹續祖

禮五思將祭而齋之思也。擬我祀既竣或弗思耳。即思矣亦未必
如是之專於戲人子於其親。天性相關終乃身不能忘。心苟未死
如之何。勿思弗思非人情人也。歟哉。雖然思生於感感而後動人
情之常如過墓而思入廟而思。觀遺書栝樅而思觸時景形夢寐
而思思之而歎歎而垂涕愴惻此心緊誰獨無。但有所感而動無
所感而不為動人之於有所感也。一日二日之間其能有幾無所
感不幾久而忘之乎。故孝子仁人特創為提醒之法俾時時感動
而念茲在茲也。惟彪西先生其人哉。聘君竹溪公以理學開基謀
不敏不敏

續垂棘編三集七卷

四

五經堂彙編

孫燕子惟正學一編為范門天球河圖功德偉矣。贈君丹虹公躬
行孝友前丕承而後啓佑仁澤深矣。先生趨兩尊人之庭面受家
學成一代大儒生我成我兼三大之二則溯源反本其能一日忘
乎此五思集所由作也。夫題曰五思祇倣其義不拘其例雖非承
祭而茲編在目無之非齋無之非思矣。豈僅三日為期耶。抑先生
之於兩尊人編續遺書率由舊章祖德禰仁業已身之豈但徒思
且事事是述即時時是思。豈俟有所感而後思而猶有記輯言行
置之座右恍乎優乎呼之或出之云此固先生自為提醒求矢弗
諉而實用以提醒世之凡為子孫者使之無忘而祖而父焉則錫

類之仁○又曲為一種勸善之書也○先生之意微矣○嗟乎○孰無祖父○孰非子孫○讀五思集一通○能無動於心歟○故見者各爭為詩歌以贈○而余不才○亦擬俚言一紙尾附焉○乃並蟲測五思之大意而識諸末簡云○

文章做到入情入理處○不論字句工與否○即以傳世○觀宋儒程朱一派可知○若此入情入理而詞意又復周詳曲折○決其必傳○西彪○生我成我○兼三大之二○自為提醒○未矢弗諼○鼎雖不敏○請事斯語矣○又評

劉母馮孺人貞懿傳

曹續祖

江西瑞州府上高令劉似柳○曹生筆硯友也○似柳生八月而孤○二十一歲遊黌序○二十四歲售尚書○三十五歲作郎官○佩古款百里印○已亥夏四月○扶肩與渡鄱陽湖○奉老母作數千里遊居○未一載○母託與風土忤意○不怡○似柳悟曰○母老矣○鬱鬱客他鄉○豈升斗粟○非母志也○盡速還家園○娛吾親之晚年乎○乃為致政歸○未幾當甲辰夏五月○母果以疾終○曹生為作傳○按孺人姓馮氏○故茂才劉淳宇先生元配也○先生卧奇病○僦鄉人李顯家別室攝養之○携孺人時孺人有身○李夜夢縣官詣其家○朝以告先生○而孺人忽舉一子○即似柳也○先生知其子不凡○疾將革○大泣訣孺人曰○若年十六而歸我○今僅念餘○以年應造人○但八月呱呱兒○後當有異人處若棄之○我不瞑目矣○孺人啗血誓靡他○先生乃肯首逝○先生沒○孺人拮据喪葬○血淚滴塚上○土幾成泥○事竣鍵戶○抱嬰兒哭哺之○房門外○未嘗見孺人足跡也○家貧甚○太公老夫婦在堂○艱於養孺人備針工學績紡以繼之○後送兩尊人終○棺余祭享最豐華○皆取足於孺人十指經營之餘○似柳成童○孺人遣就學○嘗厲色嚴課之○不使即於嬉為○似柳先聘王氏媳○旋天又聘馬氏繼焉○兩番資財俱孺人勤儉所有者○故家雖寒○外不示人以窶○相恐隘小故○夫家門

也似柳性穎慧○善承母氏訓○苦為誦讀○業為諸生矣○孺人不色喜○曰○非先夫子所望也○既而受廩餼○捧進矣○孺人猶不色喜○曰○非先夫子所望也○既而以超等廣辟舉○持檄長西江矣○孺人方喜而旋垂涕○語似柳曰○先夫子之所望謂此也○猶記彌留之際○念兒不凡○以有李老佳夢○在今驗矣○兒勉作良吏○慰先人於地下○似柳哭失聲○始知母氏撫兒苦衷○俱在此○孺人性嚴重○不苟笑○語清苦○數十年○不以貧故下氣於人○及似柳貴○供以厚祿○孺人毫不以侈自奉○對鄉人親戚○無傲色○意若曰○有子若此○不負吾期望○吾可以見先夫子九原矣○富貴吾獨享○其如先夫子不共○何此孺人南土不怡○

貴世東編上集七卷

五經堂彙編

之深意也○孺人念一歲寡○六十一歲終○似柳泣陳母節於邑大夫○大夫上之督撫○旌其門曰節堪維世云○似柳且延地師卜佳城於鶴閣之岡○移淳字先生櫬合墳以葬○昔康熙五年秋七月也○

以曲筆寫至情○故筆筆近情○彪西

陶菴順治甲午孝○燕念母氏春秋高○左右就養○不上公車○去歲母終○居喪循禮○盡哀盡情○宜其傳劉母之周詳而篤摯也○此文得之大寧縣志○志大半出陶菴之手○簡而能該○大得龍門梁字之意○又評

子

張孝子傳

曹續祖

孝子諱文炳○字斯光○大寧縣永樂坊人○明山東霑化縣少尹高山公次子○少尹廉於官○官未久○引年致政○歸家○窮甚○孝子血汗農畝○間供菽水○左右無方○少尹頗嗜麵羹○以恬以養○一夕赴友人宴○被酒歸○遇塗人不遜○以杖擊之○仆於地○不語○以為死矣○踉蹌歸○訣家人曰○我醉中誤殺人○暮夜無知者敢逃○死不言遺○街鄰累乎當自首○詣獄抵罪○來為汝輩別○吾去矣○言已○即踏步走○孝子聞言大驚○挽其衣跪告曰○父若茲○父可以不死○父何遽耶○父醉耳○其人未必死○即死矣○兒自有處○敢遺累街鄰乎○乃奔詣塗人所○驗之○塗人果

貴世東編三集二卷

四

五經堂彙編

死者回報曰○死矣○兒可以處此矣○父勿怖○以自傷○殺人償死○法不可貸○則可代○今擊殺塗人○暮夜無知者○兒出承罪○孰其辨之○以兒代父○豈曰不可○少尹曰○事在我○汝何可死○汝死○吾忍乎○吾自死也○宜吾行矣○孝子挽衣不肯捨○再三跪告曰○父一出○必無生理○以八旬老人○幽囹圄○兒忍乎○萬或不免○臨刑○兒忍乎○不忍於心○兒勢亦必死○與其俱死○無益○何如兒獨死之○愈况兒有可死者○三兒年逾五旬○死期將至○過此後焉知能七八十歲○能百歲而能不以旦暮他疾死○兒可死○一兒為父中子○前有兄○後有弟○可為父終養○計父不至孤獨老也○兒可死○二兒有子○好學而篤行○他日必大吾門○可

承宗祀兒非斬然於嗣者可死三有此三可死用代父罪保父風
燭之年寧不愈於徒死乎少尹且泣且卧徘徊不能決孝子乘間
潛奔塗人所欲出名認事及至無之竊訝大吏乎盜劫乎抑街鄰
惡其及已轉移之他乎遍跡之不可得行至西門觀音閣前聞閣
上呻吟聲入訊之塗人在焉問何來此曰被人簞仆熟睡睡覺夜
失歸路匍匐暫卧此身殊負痛安得茶飲我孝子大喜掖之家少
尹及家人俱大喜作飲食謝塗人去
西山野人曰或曰塗人受擊死矣何以復生將無原未死者少
尹父子於醉迫中誤認耶曰否否王法天理之用也達天者必罹

續重棘編三集七卷 五經堂彙編

法天或使之若天者天必佑之法烏得而及之塗人死矣少尹不
以暮夜無知擬逃罪少尹之心有天矣孝子不以暮夜無知為少
尹盡諱罪策挺然身代之孝子之心有天矣天在孝子父子之心
曰公曰誠可以格天豈不可以回天塗人之不死所以救孝子之
死天實為之也感天地動鬼神孝之德大矣哉
如此孝子俾脫脫諸人早見此定冠冕于李璘甄婆兒九人之
前彪西
原作稱先生今僭易孝子原作少尹高山公今僭變高山公以
便入史傳父附識

續重棘編三集八卷

洪洞范部鼎彙編

導諭陳言疏

男 翔參閱 朱 裴

吏治至今弊甚矣夫外而司糾劾者直指也今巡方久經止息矣
內而司糾劾者臺省也今科道不敢風聞矣止留督撫二年舉劾
之制督撫又徇情面非以微員塞責則大半空疏具復請暫停止
矣嗟嗟參劾全無狼貪安得不鴟張乎上方惜民欲其生羽毛
而貪吏吮之則盡皮膚上司之嚙吏下司之嚙民未有甚于此時
者也請 勅滿漢九卿詹事科道齊集 天安門將直省自大僚

續重棘編三集八卷 五經堂彙編

以及有司許謫言公論擇其貪婪素聞者公舉數人清廉茂著者
公舉數人謂之朝議令詞具題 皇上密遣按名採訪果羣言不
謬下法司嚴加處置懲一警百有清忠廉介者註冊 御前破格
超用如此旌廉與除貪并行則吏治丕變不難轉災為和矣
不用冗語不襲陳詞一往正氣足令豺狼骨慄此與禁殉疏
皆得之先生年譜中禁殉疏為官禮科都時作此疏為任太常
正卿時作語云活萬人者壽萬世即此二疏可卜先生之年彪西

請禁殉疏

朱裴

題為請禁旗殉葬之習以廣皇仁事竊惟傷殘民命者于造化之和僭竊典禮者關王制之鉅臣于八旗身殉主葬一事不能無議焉臣聞旗本主臨終之時多問奴問婢以跟隨本主相詢若已經然諾即報知禮部其人即雖經而死相沿成習視為美俗不分貴賤不論品級凡素封之家皆可為之臣以為泥信幽明僭亂傷生未有如此事之甚者也夫以見存之主命而責問奴僕或畏其威而不敢不從或懷其德而不忍不從二者皆不可為訓也好生而惡死人之常情豈可以一時之偽諾而遂迫其捐軀

讀聖錄編三集卷八

二

五經堂彙編

輕生亦非盛世宜有之事况此典禮古來惟王侯間有之亦多禁絕不行而况于常人乎孟子惡作俑為其像人而用之尚且不可安在習尚相訛而聽其歲傷多命者哉揆之我皇上好生之念當必有惻然于衷者矣伏祈勅下該部通行嚴禁一以保全生命一以崇正人心所關非渺小也

讀陳情表而不孝讀出師表而不忠讀禁殉疏而不愷悌慈祥者必非人也高忠憲同善會日以活人為事近如徐健菴盛珍示諸先生踵其遺規特示之銘曰天下好事無如活人嗟乎活人于未必即死之地視活人于必死之地者其功為何如彪

學論一

孫子相

孔子之言曰吾道一以貫之及門如冉閔以下曾不得與聞焉嘗擇曾子子貢以為庶幾可與言而告之曾子幸唯矣而子貢未也乃疑之何古之學者之愚也今之學者獨不然雖孺子稍知訓詁而領大旨者皆能識一貫之義而口為之辭至于大人先生而名世者求一如冉閔以下之人卒不可得不特不為冉閔已也求一不為庸衆人者而亦不可得若是者何也則以其不知其學之故夫學之道豈獨出於四子書之外哉今之學者于四子書也成童誦習之白首猶不知倦其潛心者自漢唐之註疏以至於宋明儒

讀聖錄編三集卷八

三

五經堂彙編

之說靡不辨論折衷而歸於一不可謂不精矣而謂之不知學何哉吾見今之說書者矣殫數十年之精力而竭有生之知章分而句解之取神于渺不可見之中如與古聖賢面談而耳授者亦幾乎得矣然原其心不過曰便於作時文而止於是敏者項其才勤者竭其力勞者鼓其氣靡不求工於制藝以盡吾為學之道而制藝之必於求工如此者將以取巍科而希榮祿也夫孔子孟子曾子子思子之為是書也豈僅教人以工制藝取巍科希榮祿而已哉此天下所以不知學也雖人人言一貫而聞性天然亦何裨之有欲掃千年陋那能一日忘彪西

學論四

孫子相

古之所為名則節義忠貞之名故歿世而名不稱孔子猶疾之然
 而終不敢求者以其狗人而忘已也今之所為名則功名而已是
 其名已不如古而求則愈反甚得其名則榮及鄉閭不得其名則
 辱及祖先急於名雖途人以為賢於名雖父師以為迂遂使科
 目以外無復有名名以外無復有學求之急者衣不暇着餓不遑
 殮是亦一過門不入之禹朝至日中具不食之文王也不可謂不
 勞矣求之切者生有所不顧死有所不惜是亦一剖心之比干而
 歌薇之伯夷也不可謂不苦矣求之誠而確者乾齒而垂白不休

續垂棘編三集八卷

四

五經堂彙編

息是亦一髦期不倦之衛武而老至不知之尼父也不可謂不堅
 矣至問其所求者何事不過曰登賢書也中禮部也傳臚甲也故
 一登賢書雖再閱不足方其品一中禮部雖子思子與不足挾其
 長一傳臚甲雖孔子不足擬其榮其所學者僅此故既得乎此遂
 不復學則所謂學者非果有所見於學而學之也以不學將不得
 乎此皇皇於此而不得不學也然則四子書亦仕宦之捷徑耳嗚
 呼天下豈尚有學耶故曰學不必登賢書登賢書亦未始非學而
 必以為學在是則不可學不必中禮部中禮部亦未始非學而必
 以為學在是則不可學不必傳臚甲傳臚甲亦未始非學而必以

為學在是則不可吾願天下之學者立志曰學非求名名亦有時
 而至

既不抹殺功名亦不抹殺科目如此立論較胡敬齋辛復元猶
 覺圓融

續垂棘編三集八卷

五

五經堂彙編

學論五

孫子相

學非工制執而求仕求名也。學以作聖人而已。吾甚怪天下之學者。非尊聖人之名如天。而實畏聖人之名如盜賊。相與立誓絕口。而不敢言。設有一人焉。曰。吾將學聖。則聞者不驚必笑。且將視之。為愚而擯之。為狂矣。嗚呼。此豈聖人之心哉。昔者七十子之徒。蓋皆有志於聖人矣。非徒有其志也。且竭其力而事事模倣之。猶不可竟得。然亦終不失為賢人。惟冉有者。遜而讓之。曰。吾力不足。夫子從而切責之。今之學者。不獨不敢為。不敢志。而併不敢言。夫以聖人為志而為之。雖學聖人者百千萬億。吾未必其有一二人焉。

果聖人也。而况於不志不為而不言。天下豈復有聖人哉。不知聖人亦人耳。吾幸有目而能視。吾幸有耳而能聽。吾幸有口而能言。吾幸有手足而能運動。吾幸有骨肉血氣而不死。何一非聖人之具也。吾幸有心可以思之。而無所不通。吾幸有知可以窮天下之幽渺。吾幸有力可以無所不為。而不可得上。何一非聖人之才也。吾幸得天地之正氣而為人。吾幸而為人。不為禽獸。不為草木。吾幸而不為禽獸。不為草木。而具聖人之質。具聖人之質。而不為聖人。則何不耕田力穡。而為農。則何不遷有化居。而為賈。則何不庇財利用。而為工。而必於讀書。書作於聖人。聖人教人以作聖人也。

讀東坡集三集八卷

七

五經堂彙編

故學者欲為聖人。則當讀聖人之書。如其不欲。不如勿讀。何也。讀書者。舍學聖人。無別法也。故為聖人。易為科目。人難為聖人。必之已。為科目。人必之。人亦何憚。而不以聖人為志哉。志也者。欲企之。而必欲至之之謂也。今試語於人曰。我聖人也。則誠愚而狂矣。今也不然。曰。我將學聖人也。則其為聖人。為賢人。為儒人。為庸人。正未可知也。而何狂妄之有。吾之為是說也。願天下之學者。志於聖人而已。誠有其志矣。若夫作聖之法。則曰。在四子書。與吾心。心清則理明。氣暢則筆快。理學飛將。吾道干城。鄙人竊不自揆。妄扁小齋曰。聖人可學。而至讀孫玉一作私喜同心。彪西。

聞論

孫子起

顓孫氏聞人也○曰不然○奉教於夫子而聞之念已久○去夫子之為
是言也○恐其立念或差而誤受聞之禍也○聞之禍如何○曰如王莽
莽之弱冠而恭儉也○初非窺竊神器以為盜善之地○不過求聞而
已○初非期聞之盈宇宙○徹天地而不可掩○求聞之為濁世佳公子
而已○由是忍嗜慾○蕪介里巷稱之○宗族樂之○而聞成矣○彼其心私
且喜曰○我之心不必如是而姑為如是之行○世從而以我為真如
是而如是譽之○甚矣世之可欺也○求聞不已而聞愈不已○聞於一
鄉○聞於一國○聞於天下○聞於天子○聞於婦人女子○雖當世名儒朝

讀聖書三集八卷

五經堂彙編

廷巨卿無不以為賢人君子○彼亦不自知其實非賢人君子也○以
為古之賢人君子皆不過如是○其未遇也○人以為孔顏魯思○彼亦
自以為孔顏魯思○人以為卿相師傳○斷宜彼為○彼亦自以為卿相
師傳○斷宜彼為○其在元成之際也○人以為夔龍稷契○彼亦自以為
夔龍稷契○其在哀平之世也○人以為伊尹周公○彼亦自以為伊尹
周公○人以為宜居攝○彼亦自以為宜居攝○人以為堯舜湯禹○彼亦
自以為堯舜湯禹○以聞求名而名得以聞求利而利得以聞求國
而國得以聞求天下而天下得彼方且以為名與利國與天下皆
我之不求而自至者○並忘其初之為聞矣○迨其後禍及天下生靈

禍及漢家社稷○禍及王氏宗族斗柄不輔○漢刃及頸○彼非不翻然
悟○悔焉悔而身死○禍迫不可及矣○嗚呼○聞之為禍大而為害遠也
如是○可不慎哉○此夫子為顓孫氏立說○實以為天下後世立說○人
亦可以顓孫為師○王莽為戒○毋欺人而自欺也○則可與道矣
講聞之弊○竟以新莽為戒○得無太激乎○宋儒程子曰○收時弊如
扶醉漢○扶起一邊○倒了一邊○不激不足以收欺世盜名之徒○西

讀聖書三集八卷

九

五經堂彙編

春秋論

孫子起

春秋○二○年○開○手○推○定

賞○罰○者○非○天○子○之○事○而○天○之○事○也○天○以○賞○罰○之○權○付○之○主○持○天○下○之○一○人○迨○一○人○不○足○以○賞○罰○乎○天○下○然○後○賞○罰○之○權○復○散○之○天○下○之○人○心○率○而○又○有○一○人○焉○能○以○天○之○心○為○心○於○是○復○以○賞○罰○之○在○天○下○者○合○而○收○之○以○還○之○於○天○故○天○也○者○天○下○之○賞○罰○所○由○出○而○心○也○者○又○天○之○賞○罰○所○由○存○也○不○獨○天○子○之○權○可○以○賞○罰○乎○天○下○凡○有○心○者○皆○可○以○賞○罰○乎○天○下○何○也○一○念○之○公○即○一○念○之○天○也○公○之○天○而○我○不○與○何○不○可○之○有○不○然○雖○食○以○千○里○位○以○公○侯○為○之○寵○而○不○為○之○賞○雖○致○於○縲○紲○斬○於○朝○市○為○之○殺○而○不○為○之○罰○賞○非○其○

續章蘇編三集八卷

十

五經堂彙編

賞○雖○天○子○不○得○賞○之○賞○當○其○賞○存○其○意○無○其○事○不○必○天○子○可○也○罰○非○其○罰○雖○天○子○不○得○罰○之○罰○當○其○罰○存○其○意○無○其○事○不○必○天○子○可○也○今○有○殺○人○者○於○此○雖○童○子○必○殺○之○然○而○不○得○以○童○子○為○僭○何○况○於○賢○者○何○况○於○聖○人○古○之○王○者○賞○人○於○祖○戮○人○於○社○明○乎○賞○罰○之○權○我○固○不○得○而○專○之○其○賞○也○天○賞○之○其○罰○也○天○罰○之○天○者○公○而○已○聖○人○之○心○純○乎○公○純○乎○公○則○一○於○天○春○秋○之○作○以○賞○罰○之○在○天○下○者○收○而○還○之○於○天○也○世○或○不○察○以○紛○紛○之○說○解○聖○人○而○聖○人○始○無○辭○於○天○下○後○世○可○謂○知○春○秋○者○乎○春○者○何○天○之○所○以○榮○也○生○也○長○也○因○其○裁○而○賞○乎○萬○物○也○王○者○知○之○曰○賞○必○以○春○秋○者○何○天○之○所○

以○蕭○也○收○也○殺○也○因○其○傾○而○罰○乎○萬○物○也○王○者○知○之○曰○罰○必○以○秋○作○史○而○名○之○曰○春○秋○以○春○也○者○天○之○賞○秋○也○者○天○之○罰○明○乎○當○時○之○天○子○諸○侯○俱○不○足○以○賞○罰○乎○天○下○而○仍○使○天○賞○罰○之○也○故○士○師○者○天○子○之○吏○而○孔○子○者○天○之○吏○天○子○有○賞○罰○使○士○師○行○之○天○有○賞○罰○使○孔○子○言○之○雖○然○天○有○賞○罰○天○不○能○行○仍○俟○之○天○子○者○有○其○理○而○無○其○事○也○孔○子○有○賞○罰○孔○子○不○得○用○仍○俟○天○下○後○世○之○士○師○者○有○其○道○而○無○其○位○也○或○以○為○春○秋○者○魯○史○之○舊○名○錯○舉○以○言○之○耳○噫○以○為○魯○史○之○舊○名○則○然○以○為○錯○舉○而○言○之○可○謂○不○知○名○書○之○義○者○矣○

續章蘇編三集八卷

十

五經堂彙編

方○正○學○論○作○文○必○以○新○奇○為○主○何○謂○新○奇○如○魯○子○之○大○學○子○思○之○中○庸○橫○渠○濂○溪○諸○人○之○通○書○西○銘○太○極○圖○等○發○人○所○未○發○却○在○人○人○欲○發○中○者○始○為○新○奇○此○文○從○春○秋○二○字○想○出○天○之○賞○罰○豈○非○新○奇○彪○西○

正朔辨

孫子規

天可改乎○曰○何以改之○以正朔改之○正朔改○則天改○天改○則地改○天地改○則天之下地之上○無一不改○是故三代聖人以正朔改天○改正朔○必改月乎○曰○否○尚書記太甲之格廟曰○元祀十有二月○蔡九峰以為改歲不改月○引周詩秦史以辨之○詳甚○然則果不改月乎○曰○不然○朱晦庵註孟子以周十一月為夏九月○以周七八月為夏五六月○非改月而何○夫晦庵九峰為親炙師弟子○其所講究而考證者○非一朝一夕○註經書以示後學○乃至相左如是○人將何所適從○曰○從晦庵九峰之詳○或不如朱子之確○是又大不然○小雅

續章棘編三集八卷

十三

五經堂彙編

六月之章○十月之交○朱子以建未建亥釋之○以周詩証周月○周故未嘗改月也○是則以孟註証書○註朱與蔡左○以詩註証孟○註朱子又自相左○以此為是○則彼非○以彼為是○則此非○一是一非○人果將何所適從○曰○當以春秋為斷○春秋記事之書○孔子之信史也○定三年記春王正月○郊牛之口傷○郊必冬至十一月○而曰正月一証也○成元年記二月無冰○若二月為卯月○無冰何災之有○今以無冰為災○必丑月可知○曰○正月既斷為建子之月○當在冬而冠之春○况夏五月秋七月○書之不啻一二○將改月亦改時乎○曰○不改時○蔡九峰註泰誓以十三年春為建寅月○論語亦言莫春風浴○若暮春為寅

續章棘編三集八卷

十三

五經堂彙編

月浴之風之○亦何所取爾乎○春王正月○胡氏為夏時冠周月是也○曰○非然也○建子之月在夏為冬○若周不改時○當是冬王正月○夫子改冬為春○則是夏以子月為冬○周亦以子月為冬○周不改而夫子改之○於夏為悖○古於周為悖○今將舉周時以垂萬世○矣何為行夏之時○况一歲之中○前一冬末一冬○四時破亂○時不成○時歲不成○歲周先王當不如是差謬○春秋中有不記月而槩云春者○若舊史記冬而夫子改之○其將屬之前歲耶○後歲耶○夫子亦何從而據之○然則改歲改月○改天改地○無時不改之理○詩言四月維夏○論語言莫春○以其自堯舜以來○原有如是之名○民間相習而為歌○非曆書足為憑○理明學博○出言有章○向得崔小衛正月辨○既錄垂棘二集中○今得玉一正朔辨○又服四月莫春等語○為民間相習與曆書章奏不同○恰為確論○何聞喜之多才如此○小衛云○行夏之時○聖人時中之學○春王正月○聖人尊王之義○予又記前輩崔文敏云○行夏之時○夫子之議禮○春王正月○夫子紀事之文○其說與小衛相合○附記以備參考○彪西

高標道學之名辨

孫子祖

明儒之譏宋儒者曰高標道學之名嗚呼此其所以謂明儒與夫道者何路之謂也○今天下庸人孺子日日循行一舉手足而皆是道其至近者也○夫學者何效之焉也○今天下朝吟而夕講人人所佩服者是學其至常者也○如此而謂之高豈復有出於其下者而為淺近者哉○夫以道學之名為高則彼之所為者不過記誦辭章之習則卑之甚者矣○勢不至流於小人而不止○甚矣明儒之陋也○辛復元先生曰學不為理學○所學者何等學也○人不為理學所為者何等人也○得此一辨庶幾不流為小人○
鹿西

續世錄編三集八卷

十四

五經堂彙編

道學舉業說

孫子祖

道學○吾之體也○舉業○吾之用也○以道學為舉業○體中之用以舉業為道學○用中之體○道學之工○在身心性命○舉業之工○在言語文章○以身心性命發為言語文章○是道學中之舉業○言語文章根於身心性命○是舉業中之道學○身心性命確乎不易○尊道也○言語文章隨時轉移○尊王也○尊王奈何○不敢生今而反古○尊道奈何○不敢拘人而忘已○學者於讀書作文時○時時體驗身心性命○知行並進○不出舉業而道學在是矣○豈遠乎哉○豈難乎哉○豈迂乎哉○
王龍溪馮仲好諸先生言雖彰彰似當讓此簡捷
鹿西

蜘蛛說

孫子祖

夫燕蝠頤頤而搖動之○拍拍然兩翼常不及休息○與蚊虻相逐於枋檣間○不可謂不勞者○計其所獲○僅足果其腹而哺其子○所謂力以自給者○非耶○至於蜘蛛則不然○布羅必於戶牖之間○否則開朗之處○夫戶牖之間○蚊虻所必經○而開朗之處○則蚊虻所樂赴也○伏於必經○伺於樂赴○不崇朝而所獲已十倍於燕蝠矣○所謂以有心圖之以無心候之○而一任其自為生死者也○余故常笑燕蝠之愚而勞多○蜘蛛之智而逸○相去蓋什百無算也○乃者蜘蛛營網於荒僻之衢○蜂蝶罕至○蠅蚋不投○再三過之○見其寂寂餓者○終日未嘗

續世錄編三集八卷

十五

五經堂彙編

不訝其愚而嘆其智○不若類也○及庚子季夏○游友人昌鉉書肆○見其簾櫺密相網羅○怒而毀之○翌日則又布之○如此者數四○友人大怒○搜蜘蛛而投之火○歸視向者荒僻之物○則寂寂者如故○若夫燕蝠○則又不忘於人○無損於物○常常愛惜而怜護之○繪弋曾不慕焉○嗚呼○何其用力者勞○而用智者逸也○然貪於得者○亦速於禍○不亟亟于利者○亦終遠于害○而全身彼機械陰謀○適所以自斃也○何也○利之所在○我趨之○才力之不及我者○亦趨之○而才力之過我者○又往往先趨之○趨之必爭○爭則不可割○而禍害繼之○理之必然○無足怪者○故不如智而守之○以愚逸而用之○以勞○
救世文○非罵世文
鹿西

祥槐記

孫子相

曾王父卓軒先生時有木墩一塊方二尺許自伐樹離土削削成器凡十餘年遂便置大門前脩閑坐乘馬之用東移西就枯槁類甌塹明崇禎己巳春正朔越四日有羽客不知所自來蓬髮垢面衣破衲挈竹筥跌坐門闌榜口稱補衲者再三曾祖母趙孺人祖母劉孺人各施衣布若許道士指畫衣布手摩木墩言語諄諄切切不可聽解忽然出閭化清風去越二月間木墩遍發萌蘖青鬱爭上旬日皆成支柯纖者曰休微也不可棄去先曾祖遂移墩樹天井花池中封土溉培之刈其煩冗留大者四本於今五十六春

續五棘編三集八卷

六

五經堂彙編

秋高數尋圍三尺四株下分而上合若共一本枝條橫布圓如傘蓋而濃蔭覆兩院矣嗚呼王晉公責報於天而植槐以人先曾祖修德於人而槐蘇自天有心無心之間彼造物者實鑑觀不爽爵祿名位在人者固不可必凡我後人幸明且洗心無失忠厚詒謀以替厥德庶幾乎天道不遠則觀此槐也不啻鬼神臨汝矣可不勉諸

瓜實並根蓮花同蒂既見河汾全集四十卷中一曰敦行仁義忠孝於不怠一曰尤望不以物之和為喜而益修其德可見賢哲遇禎祥處之自有其道三復鬼神臨汝之言令我佩服

送卜者賈和字叙

孫子相

吾人不幸被名利兩者牢固牽絆心似皇皇不知老之將至悲夫和字以數命二字削斷許多才智網羅相與樂而安之則又不幸中之猶幸者也或者猶以盲為惜不知天地之加厚斯人者蓋在於是何言之夫人睜眼時在三界之中闔眼時在三界之外古之得道於醉夢中者良有以也且天下瞭瞭而不觀雲日者豈鮮哉苟墨墨於目而朗朗於目則和字之得以沉潛于易者未必非盲之故和字勉矣哉事固不可為淺陋人盡洩也願無復為有目者之所為

續五棘編三集八卷

七

五經堂彙編

入之王文成全書中可與論太和楊茂相為伯仲

彪西

賀生子序

孫子相

今天下何風厚也○生子必賀○賀必以文○是士大夫而詩禮相往來者○每於田家昨行之○所謂比屋絃歌○萬國禮讓於茲○蓋嘗卜之所○以余雖都門遊宦○鄉里舉賀者○必求文於余○余亦欣然應○有所不辭○今春來有故人造余○又以賀王君相告○且道其行事曰○王君諱某○字其少服隴畝○壯遊市井○老敦德義○年已六十○艱於嗣○鄉里往往代為禱祝之○相與訴諸上帝○上帝曰○俞○今果誕一子○穎異特達○雖襁褓中○儼然可畏○若出人頭上者○不可以不賀○予思不與父老飲○蜡酒幾十餘載○王君之好修○不得一握手與勸之○其子之瑤環○續世棘編三集八卷

大

五經堂彙編

亦不得一摩而識其頂○又不敢妄稱陰陽福善之說○以上誣高厚○又不敢謾語浮辭以違余之素心○姑就來辭而筆其行實曰○王氏有子○願質實醇朴○願勞力田疇○或早橫六經而光大門戶○其善撫之○其善教之○賀文之弊也○千百周孔滿街聖賢○令人數見欲嘔矣○古道照人○賴此不墜○

鹿西

天地論節數字

馮繼祖

近與一友辯論天地如何安頓○因據古今成說○並天地顯而可見之形象○深加度量○務得一至當而無可議者○方為定論○按王蕃渾天說曰○天形似鳥卵○地居其中○猶卵之黃○故天包地外○半覆地上○半在地下○地之上下四方皆天也○朱子曰○天在外○常周環運轉○地只在中央○不動○惟天運轉不息○故撥絃許多渣滓○在中間而成地○彼有一息之停○則地陷下○二說相通○似矣○又一說○天在地外○水在天外○水浮天而載地者也○夫地既是水載○則水所載者○一地而載水者○又是一地○吾恐地之為地○將千百重而未有已也○說即本神

續世棘編三集八卷

尤

五經堂彙編

農書中亦不可盡信○又西士一說○天包地外○地居天中○亦猶之王○蕃朱子之言○又言地形如一大圓球○一切流峙動植之物○皆粘吸于圓球上○故海水繞球而流○人物環球而生○有正者○有倒者○有橫斜者○此說深覺怪誕○而黃周星信以為然○遂引燕京之與粵東地之相去不滿五千里○而南北極之出入度數已差等詞○以証西士之說之不誣○夫地有高下○不徒有近遠○以燕京之高○視粵東之低○則南北極之度數○安得無差○况地形雖至大至博○不能無上下四傍○其在上一面○可以植立人物○流盪海水○其在傍在下○斷不得有○人物海水○且人物海水○實不能與日月星辰同繫于空虛之中○今

試上觀乎天○非積氣而成者乎○積氣而成○其空虛無物可知○日月星辰同繫于空虛之中○與天旋轉無有一刻止息○此亦可了然者○地之為地○積陰而成○重濁之體○為天氣所抱持○雖上下四方皆氣○而下者之氣○似當沉厚○如重陰○積霧○細縕○薰蒸○不○同○在○上○者○之○輕○清○朗○朗○也○聞○昔○有○觀○星○宿○海○者○途○窮○盡○是○望○砂○舟○車○俱○不○能○前○惟○見○霧○氣○瀰○漫○上○與○天○接○以○是○必○之○亦○必○之○于○理○而○已○不○知○博○物○高○明○以○為○何○如○

前輩程子曰○有氣莫非天○有形莫非地○胡致堂曰○天非若地之有形也○真西山曰○天無實形○許庸齋曰○天以清而浮於上○地以

續重棘編三集八卷 十 五經堂彙選

疑而填於下○許魯齋曰○此一氣消縮○彼一氣便發達○是作擬形論○理○可○作○前○輩○功○臣○彪○西

還竹記 節數字

高 植

余愛竹○小○齊○東○南○種○文○竹○數○竿○西○南○種○武○竹○一○竿○其○根○屈○曲○如○拳○余○憎○其○孤○弱○遂○援○而○棄○之○幼○子○士○植○於○園○南○女○牆○下○數○年○猗猗青○青○冒○烟○雨○搖○星○月○憂○風○颺○凌○霜○雪○寒○暑○晦○明○動○息○之○變○千○態○萬○狀○如○文○清○公○所○云○也○余○見○而○愛○之○擇○吉○移○還○故○處○因○是○重○有○所○感焉○一○竹○也○胡○為○乎○憎○也○胡○為○乎○愛○也○胡○為○乎○憎○而○不○終○憎○也○胡○為○乎○愛○而○不○還○愛○也○余○學○以○理○性○為○功○茲○好○惡○弗○常○取○舍○靡○定○既○之○知○物○之○明○又○無○容○物○之○量○倘○非○幼○子○植○之○不○幾○作○爨○下○灰○乎○記○之○以○昭○余○過○一○竹○也○今○日○之○所○還○非○即○他○年○之○所○棄○者○哉○曾○幾○何○時○而○

續重棘編三集八卷 廿 五經堂彙選

幽棲僻處○飲○天○和○食○地○德○靜○攝○潜○修○以○有○今○日○其○發○越○亦○甚○奇○已○易○曰○天○地○盈○虛○與○時○消○息○故○言○泰○否○言○剥○言○復○此○竹○固○消○而○息○之○時○也○記○之○以○明○物○理○今○而○後○知○天○下○無○棄○物○也○司○用○舍○之○權○者○可○輕○言○棄○哉○雖○然○物○不○能○使○人○愛○之○而○終○棄○之○亦○可○羞○也○若○斯○竹○者○其○亦○可○以○少○舒○憤○恚○矣○獨○是○余○之○慚○悔○靡○有○已○時○

正○好○惡○之○性○慎○用○舍○之○權○嘉○其○幽○棲○靜○揖○戒○以○終○棄○可○羞○絕○大○手○筆○彪○西

壽張太翁八十序

郭新

禹型作吏而有循良聲也○滿天下以禹型進士作循良吏而谿翁之父則今日之壽翁者不能不以禹型為之子而翁無以子為也○即新之得友於翁之子逾十年矣○父而益親為翁今日壽亦無以其子為也○夫豈必至今日壽翁而始無以其子為哉○自翁之知其子之友逾十年而非猶夫友之父者也○新既不達世事獨嗜古人書友天下士於詩酒山水間尤矯節自好不欲與富貴人遊家日貧至不克養其父自名也○為他友父者戒其兒勿與交而翁獨喜之曰是吾兒友也○及新讀書百泉日扁戶不納一客惟禹型時得

讀東坡集三集八卷

又廿一

五經堂彙選

過譚絕不與聞簿書間事雖翁以祿養饋遺亦謝不受間跨一蹇抵禹型署省翁亟走歸扁戶不納客如故而翁益喜之曰非獨兒友亦我友也○夫以翁之知有新不因其子如此曾是新也而友其子始因以知有翁哉○然翁之知其子又有進于是者○方翁去共城也○寇且大至禹型決百泉水溺馬足使寇眾處泥淖中進退失據輒仗劍率忠勇士千人擊其後寇鼠竄去翁壯之喜為禹型畫戰守策遣致勗曰兒無以髦故忘民社父尚能善飯日炯炯看兒斬寇首以報也○寇退民疲率不勝征賦諸上官微牘若雪片下趨云應不及額罰且削禹型固急公而為民命寔不辟罪戾靜以安人

敬以守官不減元使君治泰陵時翁曰兒為民父母能與次山先生同父也○何髦之有故禹型得一意為廉能吏而灑然于兵賦戰守間也○豈非特有翁之知以養其志哉○然而翁之志不自有其子始也○翁之成其為禹型父者從其業孝廉以至今日才十有四年而翁之樂貧篤學自成其為翁者且五十年此五十年中默觀于天道倚伏物理盈虛人事消長之故得乎中而超乎外者如一日○至於今且八十淵如穆如形神愈善翁自有之也○何必為今日禹型父而後為翁今日也哉○豈惟翁不以子為壽○新不以其子壽翁即禹型之為翁壽亦止壽其為翁者而已○而無以子為也○若是則

讀東坡集三集八卷

廿一

五經堂彙選

今之八十又何足為翁壽多焉○一字一思一思一轉壽文如此真能推陳出新○彪西九子詩詞本于晚唐其才情橫溢另是一機袖文雖少讓于詩然猶愈于張帽李戴者多矣○又評

虎谷先生至德碑

郭新

虎谷先生者張少司寇公慎言金銘先生也。先生嘗為侍御矣。天下賢士大夫無論識與不識皆稱金銘先生。而虎谷諸父老不稱其官及其字。獨重其里。以先生有至惠不能忘。曰虎谷先生者。諸父老志也。虎谷在析城溪山深處。如虎負嵎。渴欲飲而下。泊水縈之。聲鳴激越。笑怒偃蹇。狀多奇。其人士簡樸而文。諸父老率子弟力。嵎間磧田壯者。間走遠方供俯仰。先生退居虎谷。不問家人生產。築泊水壘。垂帷卻掃。博覽經史。優游詩文。筆墨間非探山水不出。尤精內典。與一二老衲子俱晨夕。鐙火遠映林外。壬申癸酉流

續重刊編三集八卷

十三

五經堂彙選

寇狎至。以數萬眾壓魏邑。犯山谷田里。皆遍嚴逃穴。辟者莫知道其死。寇去。兵甫肯來。尤而效之。先生移城中。念族黨閭里不置。廼經營虎谷。計墨守得力。其如高閣善遂。破產為之。歲有半報竣。題曰同閭無親疎。恩怨賢愚舉集焉。先生自為記。刻石記事。又感時觸變。情見乎詩。蓋悲慨流連。不自禁云。閭制高五丈。廣方十三丈。各有奇其衡。左右翼又各得十有二尺。而附益之。如人身然。尊其首。尊其趾。虛其心。實其口。明其耳目。振其股肱。維護其脅。與背。獨立不倚。介然一大將軍也。掘井汲泉。儲糗糒。畜炭藥。列矢石。挺刀重門。擊柝堅壁。清野一聞警。遠近如歸。丁壯盡踞其顛。分甲署長。

置遊微縣機設礮靜以待之。寇凡四五過。都仰視莫敢誰何。遠避而疾走。前後所全活甚眾。奔閭不建以死。僅五人。婦若女身名完焉。然閭之役。取材也。弘用力也。眾歷時也。久先生雖世顯實素業。文人耳。坐是餅壘。墨耻不顧也。城之而且墮之。周其里無一家。一

人不安堵。樂生者甲戌後。寇犯大河以南。及荆楚巴蜀。殺掠之慘。殆過秦晉。汴洛楚蜀中人。謂秦晉為寇所自。然秦晉人甚遇。輒撲殺。圖首功。執諸有司者。又倉皇不剖。速膏斧鉞。間或羈留。遷待移文。稽覈不然。勒令從軍討賊。以是秦晉人曾從羈旅。無望生還。前所謂走遠方供俯仰者。累年不還。所俯仰皆大失望。日夜悲且

續重刊編三集八卷

廿

五經堂彙選

哭先生惻然。設方計為乞印文於有司。各署姓氏。年貌識所向。卻手削公牘。諄諄數百言。泣訴交作。擬啓當事者。暴其幽不緘。遽無遑主授。謹幹力持。以往得便宜從事。謹幹力如先生。昔遍走汴洛楚蜀。間求音耗。得曾從羈旅諸狀。輒遽當事者印文。並所削公牘。當事者受讀。無不感且泣。數行下。悉行矜釋。生還者百數十餘人。獲澤滋沁。閭人附以還者。且眾。寇後歲大饑。疾疫大作。死者亦幾與殺掠等。先生出囊中有以急。不能掩華者。視藥餌。以起病者。散粟給絮。以賑饑寒者。所全活又數百餘人。由是虎谷之父老子弟。以及婦人孺子。家傳戶語。僉曰。司寇公活我。終不忘微公。我父子

兄弟妻子安望有今日○莫不鼓舞歡樂已而嗟嗟太息至於痛哭
流涕而重有感也○嗟夫士大夫未遇誦詩書慕仁義於鄰里鄉黨
恂恂然和悅以相下○豈不誠豈弟君子哉○一旦稍稍得志○即睥睨
鄉里○若富翁○若少年○若嫠婦孤兒○率挑囊乘急○設阱露芒○利其資
為己有○又招獻納○偽按紙而籍其業○破人之家○至無告以死者皆
是也○此亦異類所不屑為○聞先生之義○亦可以少思矣○先是乙丑
丙寅先生為侍御○以直節觸忤權奸○與楊左魏周諸君子同時得
辜○謫戍酒泉○命下偕一浮屠○脩然長往○雖妻子不一訣別○居二年
讀書賦詩○課門人以忠孝之大○酒泉人相感而化○賜環歸○送者數

續垂棘編三集八卷

五

五經堂彙選

百人○至洮上不絕○諸部落聞先生在○爭求一見其面○崩厥角稽首○
獻方物○退而大喜○蓋先生至德在天下○遠人且然○何待表揭而後
傳於異世○然非此○無以末父老子弟沒世不忘之懷○乃卓碑虎谷
道左○甚非先生意○諸父老以新從先生遊○伯子履旋與友善○知先
生當深又故不習為諛言○可信○往反千里○至鄴下○請作碑○礱石立
而待會○新讀禮○遷三年○乃克為之○再為頌詩○遺父老子弟使得歌
以末其懷○辭曰○藩叅公當貴盛時○閭里獨以惠居之○海嶽可揖亦
可危○元氣周流人肝脾○閭閻高明帝下窺○嶽降生申答○厥施偉人
天寶闢以私○休養千春一見斯○長缺切雲冠服奇○白簡擊奸宵小

誰荷戈大宛禦遠○楊左身死心相知○咎由稱平理有虞○放歸田
塾○彗星馳殺戮○為耕弄潢池○將卒無煩赤兩眉○傑豈一閭大行齊
淵者其隍崇者碑○士女弱肉謝驅羶○維桑坐鎮羽扇麾○羈旅生別
哭孤嫠一紙風行百口歸○粟散嚴冬哺大饑○家曰司寇餅無儲○宰
官見身度閭閻○妙莊嚴海宜弘慈○虎谷雲生白水漪○
風服金銘先生詩○尚未盡悉先生之為人○讀此文乃見大畧中
幅士大夫未遇一段○尤欲專刻斗方○誕告四方○非專為金銘贊
服○金銘詩為吾晉三百年第一開闢手○九子詩為吾邑三百
年第一開闢手○予既錄兩先生詩大半○于拙選三晉詩中復錄

續垂棘編三集八卷

共

五經堂彙選

此碑記以見兩人心同道合○庶不蹈東坡諛墓之譏○
風慕九子之文未得也○戊辰春令姪冒侯惠我一冊挑燈披讀
驅人腐氣萬千先生之取名曰新殆不虛矣○擇其有關風教者
乃得四首以傳○又評

先妣百日告文

郭新

天啓二年歲在壬戌六月十有三日丁丑為慈妣仇孺人百日尊
大人奠以牲酒命哀兒新從拜如禮哭告於靈之前曰母兮鞠我
二十八年文不經史行不聖賢功名偃蹇妻子愚頑心之憂矣口
終難言鬱極病父厭苦人間兒至不孝呼天籲帝祈代以身願減
其歲百疏陳情一字一淚不意天遐而且帝瞋人母有幾徑奪之
去既絕復蘇攀兒項背詭曰其愈戒兒勿懼兒心如割掩泣長跪
受母遺命痛不忍記尋復思之肝枯膽頽合掌長往兒不能從日
夜哀哭聞否難明時聽極側冀其或甦久不可得推而號哭儼然

續垂棘編三集八卷

廿七

五經堂彙選

忽焉在前在後恨不牽裾地下左右因父在堂又無他子相倚為
命未可覓死雖曰未死禽獸矣嗟彼禽獸母子依依兒罹何罪
死別生離人皆有母繫兒獨無生何不辰天平地乎上愧天地下
忤生平讀書自負龍犀不驚致母客死罪豈可容就使異日立言
策功才人滿坐壯士趨庭垂金節玉列鼎銘鐘登堂失母何樂何
榮盡如於今同母無生母未返葬兒未成名生固不可死又不能
哀哉痛哉母曾有言舊塾不理相土而遷籌厥大事其慎且度徐
以圖文筮月卜年兆域開吉扶櫬歸田葬期踰制罪通于天國日
孔棘旅思皇皇母其有靈或懷故鄉勉焉寧居有兒在旁言念及

續垂棘編三集八卷

廿八

五經堂彙選

此嘔血刺腸焚軀苦塊羸病多艱茹葷食肉於禮未安祇有酒戒
終始三年爰讀喪禮世緣謝絕力受自母敢不盡竭晚研昏榮愛
此日月賴父深仁邀母至德長安豈遠馬不可捷幸我外翁健步
善飯祖母且康餘何勞念死不足悲生不足戀道遙諸天無或感
歎胡夢匡床掩面擁衾就之省視流涕沾襟兒呼母語母語兒聞
急失所在大言未申長號立寔聲動人人次日再夢徘徊山亭少
婢自隨云將遠行兒挽留之堅不肯停一慟而覺遠屋擗踊忽忽
經月尋夢無由天上天下恍惚難求夢其如生淚下且沈歎而不
夢傷如之何屈茲百日母必來歆况是明日兒之生辰兒非有母
何以有今有今無母兒何為心嗚呼嗚呼不知所云
無諛詞無冗語真情至性纏綿筆端視近世祭告祖宗父母滿
口稱頌贊揚者相別天淵 彪西

必社啓

郭新

蓋聞遊於方外一逞不見前人索之暗中再來誰是作者悠悠馳
 顧落落平生表裏河山懷抱今古獨寐寤於知己匪饑渴以定交
 恐失直諒多聞無當鄉國天下年互砥燈研遂足了壯夫優為而
 一倖科名不須有千秋能事亦奚以苟富且貴又何可徒賤與貧
 惟仁賢輩相成斯名教中至樂即經利害死生之變皆歸肝膽性
 命之資吾道不孤自任詎小聖賢遺書踰萬卷敢負婆心朝廷養
 士數百年何補聖世况當寇盜之警莫非臣子之讐倚天長號拔
 地躍起豈經濟無能為者於節義實有素焉才負多英志明一澹

續垂棘編三集八卷

廿九

五經堂彙選

人各挺立絕去朋黨門戶之私交自孤行恥傍俗學籬牆之陋聲
 氣止知我白窮達莫問彼蒼非兩雲隻手易翻為石赤千軍難奪
 盟曰必社訂之同人

雄詞帶出英氣若以四六中風派目之猶屬皮相○如客座祝
 如友道銘當作一篇理學語錄讀 彪西

續垂棘編第三集目次

卷九

衛既齊 字爾錫猗氏人甲辰進士見任山東藩司

郭烈婦傳 跋畢蘭載筆

吳雯 字天章蒲州人貢監

書賈捐之傳後 翻然閣記 蘆邨詩叙

與陳子文書

陳懿訓 字有章聞喜文學

上范業師書

續垂棘編第三集目次

五經堂彙編

譚登仕 字儒優絳縣人天啓辛酉貢七知縣

心學始終篇

曾子沐 一見重訂垂棘再見續垂棘初集三見續垂棘二集

試錄序 馮少墟集序 馮慕岡語錄序

春秋同門稿序 七孝序 題譚生

公餘跋 孟烈孝碑記 仰節堂記

與鄒南阜書 張公墓誌銘 薦舉策

仁體策

卷十

馮繼祖 見八卷

孔子問禮辨

士夫居鄉證

訓幼指迷

徐昌時

字仲宣臨汾人乙酉副榜貢士

與范徵君書

徐弘先 仲宣仲子見五卷

讀律序

讀律跋

准提菴解嘲

慎刑序

論時政疏
祥刑譜

哭父文
四弟文

曹續祖 見七卷

胡其玉記書後

即錄序

贈二張序
遷家佛文

續垂棘編第三集目次

二

五經堂彙編

賈佩徵

字賓臣曲沃人癸卯舉人太原廣文

正木主詳文

張京俊

字半陶安邑文學

關隄風說

舜陵辨後書

月蝕辨附易序

載廷斌 見二卷

高寓公傳

楊敬儒

字恒南忻州人庚戌癸丑進士御史

清丈疏

均楚鄉試疏

漕糧疏

田自立字天植臨汾歲貢歷官懷仁教諭致仕

十卷終

續垂棘編三集九卷

洪洞范部鼎彙編

姪 翹參閱

郭烈婦荆氏傳

衛既齊

烈婦荆氏者猗氏縣興敦坊儒童郭琛妻也祖曰憲副公世爵父曰邑增生文邵母陳為臨湘令陳公澄度女烈婦生三歲而祖卒六歲而父卒母孀無丈夫子止二女烈婦其長也字於郭未及笄而姑卒既適琛值家中落烈婦勤操作茹蔬糲不厭琛善病烈婦朝夕侍湯藥經年無倦色琛疾少間產一子不育已而琛病復作勢且不起領謂烈婦曰汝年少無子終節非易事也善自為計烈

續垂棘編三集九卷

一

五經堂彙編

婦奮然曰吾家世詩禮母氏青年守志豈容有再醮女乎即君不幸誓一死相從地下耳遂歸訣其母曰母十餘年茹辛撫孤女今不得終事母矣母壯之曰能如是乎真吾女哉烈婦乃盡出其衣飾為琛償宿貸又分餘物遺夫之女兄弟視琛疾革遂以醋和毒藥飲之昏仆地家人急救良久乃復蘇琛既醒烈婦撫尸慟絕者數四昏憤中猶作進奉湯藥語及夕氣乃絕昔康熙二十四年十二月二十日也殮之日神色如生年益一十八歲云論曰傳稱慷慨赴死從容就義若烈婦者蓋兼之矣方其奮不顧身吞藥自引決使夫之及見之何慨以慷也乃自侍夫疾時已訣

其母則非發於卒然者矣○殆所稱從容者乎○其母氏素以節著○則烈婦之烈也○有自哉○

對母氏作質語○俾丈夫見實行此等節烈○非得龍門扶風遺意者○未必傳得如此真切○彪西

續垂棘編三集九卷

五經堂彙選

跋卑蘭載筆

衛既齊

子文先生居蓮幕○吟賡不輟○結撰種種○余從鄰郡同學友得讀其詩○刻數十首○歎其曠逸絕群○欲就而問佳句法者○久矣○乙丑夏○初值先生病○未獲晤○蒙出手編卑蘭載筆○相示○廼紀其奉檄馳驅○征途所歷○自山川陵墓寺廟金石遺編○以及蘭臺之墜文○天祿之逸字○靡不旁搜博討○裒集成帙○其用力於文章之境○亦勤矣哉○夫所招之詩○誦於右尹孔惲之鼎傳之戴記○歐陽公集古錄○王氏荃客叢聞○多與史書相參証○可以開函表微○補闕釐訛○不得謂類稗官家言而遺之也○獨是先生當跋涉崎嶇之餘○不憚紆迴困羸○遇有

續垂棘編三集九卷

三

五經堂彙選

名蹟必勤○憑覽探窺○鑿履荒榛○剔蒼苔○摩斷碣○懷毫紙○墨手抄口吟○此其嗜古好奇之性○固有大異人者○而險阻間關○不以憂憊饑寒風雪○不以迷離心有餘清○興每獨往○神之澹定○意之安閒○俱可識於此矣○他日幸晤○更將問天游思恬養○求所謂不過崑崙游乎太虛者○而非徒以文字相質也已○

楊用修之風雅逸編○耶王元美之宛委餘編○耶石鼓詩峒樓碑○從茲真偽辨註○既出矣○筆者跋者有功斯文不小○彪西

書賈捐之傳後

吳雯

賈捐之珠厓之議切實深遠○有太傅之遺風焉嗟呼君房下筆言
語妙天下○尚憂不富貴乎○顧汲汲焉置身讒構之間授之以隙而
使鷹鷂之徒得以乘之○卒自中機阱身名俱喪○豈明於籌人家國
之事而反暗於策已耶○抑區畫大者遠者反有餘○而當近者小者
智反有所不足耶○蓋利達之念急於中而禍福之機蔽於外遂使
立朝墮從前之直而承家墜善後之緒悲夫因思士君子修身約
已其始未嘗不皆思卓然有以自立而後不能不奪於所欲如捐
之者何可勝道○雖其所遭不必皆如捐之之不幸而喪其所守始

續垂棘編三集九卷

四

五經堂彙選

終身反則一也○余曰之更有感矣○人生福命不有定焉者乎○有為
捐之而得者矣○有為捐之而不得者矣○有為捐之而自
可得而反多為捐之者矣○有既為捐之而實得其所得而終惑於
非為捐之謂終不可得者矣○是其所蔽雖有聖人不能喻而止也
可不痛哉

勸世文 彪西

翩然閣記

吳雯

張司空華作鶴鶴賦阮嗣宗見之歎為王佐才而鮮于薦之官廬
欽言之朝後以益顯然讀其辭多類莊周列禦寇之言萬品一區大
小齊觀蓋將自適其適而並忘所為榮遇者子文贊府樂其文詞
而善其意旨取乘居止遊翩然閣自適之語以名其衙齋之閣曰子
盍為我記之於戲子文之趣蓋不可量矣子文負警敏不羈之才
讀書為文章涵演而宏肆公卿之枋文名海內者如梁真定王新
城無不推致而敬憚之揆其所優以與世相交固可大有為也迺
耕牛角破崖岸沈淪下僚為雁鷺吏摘署紙尾宜有甚不滿於丞

續垂棘編三集九卷

五

五經堂彙選

哉之余負者而子文獨視堤堰勸種植息爭訟和風俗暇則臨池
嘯詠讀漢書文選不少輟嗚呼子文之趣誠不可量也矣凡人境
遇何嘗謂為不適則亦何有可適者也謂為可適則亦何有不適
者也使子文而持一不足之念則嘆老嗟卑光榮相眩將戚戚者
終其身矣今子文惟知見境之當安而信在我之可樂則天下何
地非樂土何官非臚仕况夏京奕奕可以施令而行志也哉且其
官閒則其政逸其任小則其罰薄種蔬可以飽妻子釀秫可以醉
賓客下簾清晝卧閣無營在顯仕劇任者執掌告勞之時而子文
方左對孺人右理鳴琴羨松風之徐來嘉槐蔭之滿庭弄柔翰味

新詞誠不知鵬運之為大而鷦之為小也則其有取于鷦鷯之
翻然也又寧過歟獨是茂先賦鷦鷯而顧婆娑九列而不知止反
令人致疑於古人尚不及今人之猶能有此性情也余用是益有
所畏于子文也已為記

安邑丞署廳事後止三間屋于到任半載家人將至不可以居
因除屋後隙地捐素購材復為屋三楹以處家室亦稍用別內
外也遂署其外齋為代農堂而題其新構為翻然閣代農出於
東方生誠子詩翻然則取于張司空鷽鷽賦也依隱玩世詭時
不逢固非俗吏所敢道而為貧糊口柱下為工未嘗無髣髴古

續垂棘編三集九卷

六

五經堂彙選

人之趣也其樂於翻然自適之語亦猶是矣予丁巳冬交天章
於京師已未春就職來晉天章台試被放後予還中條過
訪代農堂慷慨談話酒闌放筆為作開記嗟乎天章可謂知予
之深矣予之不能自言者天章具言之以明予意之實有所樂
乎此然未免溢美之辭予則不敢當將守此意以往隨時用舍
期不負此丞者并不負我良友他日更有所進則斯文之策我
者又何止修文辭之精潔也戊辰夏五海寧陳奕禧題并書
視堤堰勸種植息爭訟和風俗不負此丞在此不負良友在此
他日所進亦在此不得以空空翻然忽過彪西

蘿邨詩叙

吳雯

康熙戊午春上以博學鴻儒徵天下士於是士之能文章者咸
集京師而會稽羅子蘿邨亦用大司農梁公薦應召至時余未
識蘿邨然竊聞其為人行至高君母夫人喪適丁賊亂里人皆驚
避蘿邨獨處空山寺倚廬不肯去會賊大至見偉丈夫哀經骨立
苦由間無懼容賊衆皆嘆異相戒退曰此孝子也願無驚擾孝子
蘿邨生平自立可稱述者甚多不具論論其大節已卓卓如此余
用是急欲識其人是蘿邨之所以至京師者以其文而余之所以
願交蘿邨者則以其人也自是數過從遂發其篋衍盡讀所為詩

續垂棘編三集九卷

七

五經堂彙選

歌古文辭瞻而則約而能肆博辨而深厚私心益敬重之是向之
願交蘿邨者以其人而復以交其人目得窮其所為文也越明年
己未三月余與蘿邨皆放還蘿邨復入湖南幕府涉洞庭下熊湘
而予亦浩然歸卧中條之麓家居數當骨肉之變憂傷荼苦轉以
病困足不出戶限者且一年蘿邨顧於數千里外時通尺一問訊
慰勞無虛月其篤於朋友又如此繼又數勉余作瀟湘之游而余
亦以他事南來得再握手使院中風雨琴樽晨夕無間回憶曩歲
踈蹠黃金臺上時直昨日事而鬢髮各變感慨係之矣已更出其
所已刻詩凡十三卷曰子盍為我益細綸之余自惟不敏何足以

言詩顧竊以為古之為詩者大約皆出於忠臣孝子勞人思婦所不能自己之情初無意於為詩而失口信心其詩亦遂為後世之所莫能及而為聖人之所樂收今羅邨既得其所以為詩者矣尚有疑於聲韻之微體裁之末乎其詩古今體具備而更附以長沙感時賦事諸什蓋羅邨身在軍興又親見戎馬交錯殺傷狼藉婦子疊繫井里蕭條雖大寇已殲而荒郊廢壘殘骸撐拄每悲風四起驚沙亂飛鳥驚啣肉而畫翔豺狼穿穴而暮嚎故其詩益慷慨悲嘯蒼涼激楚而不可讀嗚呼羅邨仁孝凝靜人也向在山中身臨白刃而不懼而何以至此則感憤涕洟之無從也豈非在已

續垂棘編三集九集

八

五經堂彙選

則其天已定而在人則胞與之懷又不能以自已歟然則讀羅邨之詩益以見羅邨之為人也嗚呼羅邨豈但為詩人也哉其論詩與薛德溫陳白沙王陽明崔仲鳧諸名公確合予欲借此以為予三晉詩選兩集總序不知天章許我乎否

彪西

與陳子文書

吳雯

偶爾欲書遂臻妙絕此先生之真書也又添巾箱一寶矣至于書法弟雖不知然書之意竊能窺其一二昔人之論書也謂一須人品高二須師法古夫人品何與書法而苦欲其高何也此正先生汨汨名利不可作書之說也弟雖不能自信為何如人而于榮名厚利實棄如土梗徒以家貧親老妄希祿養清泉白石實未嘗一日去之懷也不寧惟是更覺枯槁寒儉一流亦非聖人所許夫子不云乎隱居以求其志行義以達其道有道在焉其志始為不虛如但深山大澤尚蒔藥釀秫以為口腹即或草衣木食有驕天下

續垂棘編三集九卷

九

五經堂彙選

之心而無洞古今之學恐猿飲鳥言皆可托不拔之操也豈其然哉豈其然哉近處于易竊用究心人事業者不獲靜悟不知何日真能閉門譙夫子何人哉惟知已矣之

郊寒島瘦原無仕之福命仕之才學仕之階梯而動曰高隱試問若輩即欲不隱得乎又有一種仕宦人或飽所欲而不顧仕或有所畏而不敢仕或限于資格而不能仕高者狂飲吟哦下者携妓相羊居則曰吾高隱不仕也果若此是巢父許由愈于稷契皋夔莊周沮溺賢于周程張朱矣讀天章與子文書得不與感

彪西

上范業師書

陳懿訓

昨晤先生容不十分精采。頗帶弱色。退而有憂思。思欲言之。既又不果。雖然不言。則訓心不安。訓亦行乎其心之所安。不予心以不安焉而已。况先生何如明鑑。豈其不知諒者哉。故敢就管見以進。陳凡人之始生。有命焉。有性焉。皆賴先天之元氣以凝聚。是氣也。無形無象。周流于一身。精賴之以結。神賴之以生。日用動靜無非此氣之運行。氣之所關大矣哉。惟聖賢善養之。愚人則戕于淫聲邪色。戕於勞苦思慮。至於氣衰而神不聚。精不固。則形枯色槁。而四體乏力矣。故精氣神老氏謂之三寶。然分而言之則三。合而言

續垂棘編三集九卷

十

五經堂彙選

之則一。吾人欲長生。凡所以壯其氣。保其精。生乎神者。寧無方哉。全真得其方而常用其功。則錢鏐之壽數。信不為多在先生純乎其理。一日而百年。何必言數。雖然。理數兼至。云胡不樂中庸言必得其壽。必之於理也。訓言必得其壽。而人與有力焉。何可不為先生預期之一。曰絕欲。欲動則精耗。精耗則神氣亦隨之。惟為之絕焉。雖不能日益。亦不至日損。夫精為腎水所生。惟水能生萬物。苟一枯竭。則元氣大傷矣。况先生卦氣之將周也乎。鳥可不絕之以培壽基。一曰節勞。凡聖賢之生。其不能不勞者勢也。理也。然勞之而不知節。則足以損乎精神也。實甚。廣成子之言曰。勿勞爾形。勿

續垂棘編三集九卷

十一

五經堂彙選

搖爾精。乃可長生。羅念菴云。身後碑名。空自好。眼前勞苦。為誰忙。此欲人安靜以養神也。一曰寡思。吾人之於理道。鑽之彌堅。嚼之不思而得。其于理道如此。人事亦然。然勞力而有損于身世。皆知之。過思而有損于神。知之者鮮也。思通於神。思之多。即神之衰。求長生者。其法雖有數萬端。然離清靜二字。皆屬邪道。則思之有害於神氣。閱盡千經萬卷。皆如此說。白樂天云。自今學得空門法。消却從前種種心。凡此數言者。諒先生所不屑。亦先生所知戒。訓聞尚書禹諫舜曰。無若丹朱。傲僻。豈若朱之傲者哉。然而防微杜漸。愈見禹之忠誠。在訓何敢與禹較。但愚忠愚孝。自古有之。訓惟盡其愚忠愚孝之心焉已耳。若云過責先生也。則吾豈敢。文不甚高。又雜引二氏。非吾堂中學規。然其用意真切。修辭委婉。有張猛對漢成帝乘船之識。忠告善道。今人棄如土矣。附錄以為及門之知。而不言言而不盡者。勸。彪西。一曰絕欲。似為子婢妾而發。子因于孫孤單。竊比王陽明章楓山而為之一。曰節勞。似為子營放而發。子因鄉里貧苦。竊比高景逸之勸鄉紳白東谷之述先業而為之一。曰寡思。似為子選刻諸書而發。夫選刻似不宜與前兩事埒。而陳生猶進戒之。此等肝腸。愈于唯諾輩萬千。又評。

心學始終篇

譚登仕

有朋問學底格物究其理也。心學始終從何入手。立山子曰：天下萬理總具于心。心固天下之大本。養心天下之大學也。聖賢平生兢兢業業，只要了得此一件而已。即其垂訓，無處不懇懇心字。而世罕知之。孔子即博奕以警人，不用之心；即巫醫以警人，不恒之心；在曾思即視聽以警人，不在之心；即忿懣以警人，有所之心；即飲食以警人，知味之心；在孟子即鷄犬以警人，不收之心；即鴻鵠以警人，不專之心；即權度以警人，不度之心；即桐梓以警人，不養之心；即饑渴以警人，自害之心；即牛羊斧斤以警人，不操之心；即

續垂棘編三集九卷

士

五經堂彙編

從小體以警人不立之心，即異于禽獸；以警人不存之心，即行道乞人以警人失本之心，歷選前聖論心，誰不心地上做工夫？誰不心病上着醫藥？此其故不難知矣。人得天地之中以生，人者天地之心也。人心者斯道之管也。致知格物本於此，盛德大業本於此。參贊位育本於此，除却此心，則進德修業，參天兩地，執何把柄？若天觀此心，有曰：人心之危，有曰：道心之微。虞廷授受業，首丁寧蓋。真見夫一點道心，操之則存，舍之則亡。克念則聖，罔念則狂耳。不可懼哉！欲全此道心，允執厥中，以不失天地之賦畀，是不可不取也。

人者天地之心，人心者斯道之管。只此二語，確合立山子天下萬理總具于心之說。世之妄言心學者，請折衷于斯。鹿西見甫，諱田明，老而好學，謙益彌篤。每讀予諸刻書，一字一義，不輕放過，必再往走札，求信于心而後已。今夏見韓元少先生序予廣理學有執為言理，則理與心一，執為言心，則心與理二等語，因檢乃父此文相質，俾予讀之，以見韓譚人有今古，學無異同。原作不可襲取以下，尚有辯心、辯義、利、辯心之端倪，謹言行慎，獨觀古諸款，娓娓千萬言，予恐發洩太盡，先刻其大畧，以俟讀者觸類善悟可也。又識

續垂棘編三集九卷

士

五經堂彙編

江西鄉試錄後序

曹于汴

此與仁體策為集第一篇亦晉中第一篇即謂有明三百
臣不敏副江西典試之後既告竣當有言夫茲地習譚聖學而諸

士不聖人之學而誰學乎學聖人者心其心行其行言其言舉子
制藝亦言其言者也方其湛重淵之思扶九天之秘魯鄒觀面莘

岐傾懷里巷肩越之語烏能有此不謂聖人口吻可乎哉第孔孟
伊周啓口容聲罔非是物而諸士匪臨場羔鴈鮮不為里巷肩越

之語者要在充其類耳詎寧惟言士亦嘗心聖人之心矣行聖人
之行矣尋常食息大聖如斯雖在牯山猶涵至性忽愴臆於顛連

續垂棘編三集九卷

十四

五經堂彙編

忽報顏於爾女忽莊容於賓祭忽灼知於著掩其於聖心聖行隱
露全露乍合乍離者皆是方其離時一毛萬山當其合時百世同
室亦在充其類耳充之者言有常也行有常也心有常也夫一爵
知五鼎跬步知千里業有其言何不常其言業有其行何不常其
行業有其心何不常其心言之實者其言常行之實者其行常心
之實者其心常其心實無有不實其心常無有不常無不實者至
誠也無不常者不息也克類者致其曲而誠也夫滄浪之味充之
綦隆臻居室之能充之天地察孩提之愛充之仁義達豈以士也
而熒熒隨熄涓涓自封弗克充滿優入聖域哉夫觀天者以昭昭

察地者以撮土學聖者以一隅故棘內可信棘外一緒可窺全體

非過也士誠有此倪也然而由聖倪躋聖極則亦有辨矣臣北產

也既壯而渡江北之所聞恪守實蹈尺步繩趨居多焉渡江所聞

頓解根宗圓通開廣居多焉或相背而各往或相疑而交辯頓解

者曰何為瑣瑣滯滯拘攣格式眼瞳不瞭足趾竟隘恪守者曰何

為艷悟忘修駕大舟細以名節不足檢以疎縱為無礙臣竊謂二

者之言可相濟也俱不可廢也夫恪守之士斤斤於門外者也頓

解之士揚揚於門內者也門外之論終不能勝顧烏得決去藩籬

便其情態躬為嚆矢遺人口實道之闇也殆與有責焉夫障緣愈

續垂棘編三集九卷

十五

五經堂彙編

添本真益昧爾先達之重戒者戒之良是賄賂干請任情執見爾

先達之明糾者糾之亦良是爾多士兩存之一切謹嚴一切脫化

三百三千何思何慮九經九德無臭無聲以此為心以此為行以

此為言淵源孔孟證可伊周豈不偉與不然膠於師說岐於門戶

其為辭也諛諛辭不足辱茲錄而况生於其心發於其行害且更

烈何聖學之足云豈所望於多士哉

江西理學之區須得此等議論方可服多士而進當寧 彪西

馮少墟先生集序

曹于汴

夫道生人失其所以為道則失其所以為人矣誰甘於失其人而每失其道弗思耳道貫於血氣之質弗相離也離道而抱空質焉與土梗何殊乎是道也其大無外或狹而小之其密無間或輟而斷之其粹無滓或點而蟻之是故學為急焉學也者恢廓而使之大綿聯而使之密條過而使之粹也道不待學而有而非學無以保其有非學無以復其有非共學無以公其有故孔子蚤歲志學沒齒不厭也然學亦難言矣性天之界本中有本胡以徹之知見之紛岐中有岐胡以析之習情之鋼忽醒忽迷胡以覺之是用連

續垂棘編三集九卷

十六

五經堂彙編

明講究互參證以求至當相夾持而防墮落故孔子以不講為憂也夫道需學學需講有不啻饑之食寒之衣者而講學顧惟世豈非盡世之尤也不學之士患在不講講學之士患在不副或亦艷為美稱擔簦聊聚朝朝問路歲歲不越閭辟露背而談九容揮玉塵而稱儉素於我乎何有故孔門之訓無行不與夫惟相與以行則學為真講而萬世宗之無教也少墟馮先生沉潛聖學踐履篤至問業之士如雲而先生惟有故似聞揚剴實衛道謹嚴蓋亦以行為講以行為學者也道不在茲哉昔有問楚侗先生以天命之性者先生方欲訓解其人曰意公自言其性耳先生為之矍然慕

岡先生會友於白下凝然相對或曰馮公何無講座上曰此人渾身是講其亦肯於論講矣于汴不肖仰先生之行有年茲誦其講道之集若而卷而窺君子之慥慥也敬綴數語志向往焉請讀少墟全集二十二卷方知此序字字為實錄虎西先生之學於薛文清為繼往於辛文敬為開來記于幼時先聘君曰曹真子仰節堂集當與讀書全錄並傳豈意甲申國變而此集灰燼矣今得重睹除既見垂棘前集不錄外仍錄若干以公海內又識

續垂棘編三集九卷

十七

五經堂彙編

馮慕岡先生語錄序

曹子沐

昔有士人十數相遇於崆峒之陽衣冠甚都吐辭雋永主人肅之各授采牋冀承清論須臾俱就錄而成編覽者珍襲何異程朱比肩哉居頃之叙及生平或曰吾執掌日久崇職不我及奈何或曰時情未可拂將造貴人之門或曰田無妨求舍無妨問不者何以遺子孫主人驚汗吐舌是與錄中之語殊不類人與言可相背而馳也因思前代以詩賦取人未免靡麗之習國朝定以經義周情孔思淋漓筆穎制非不善迨其後也僅借梯榮下不必顧行為文上不聞因文問行若謂舉子業固應爾爾大人先生乃登壇講道

續垂棘編三集九卷

十六

五經堂彙編

彙語為錄評駁古先抉剔造化非法言不言宜亦非法行不行是以高賢大良罕不從事躬修今若此將令異日觀語錄者亦若觀舉子藝乎是可嘆也於是新安戴生以所輯慕岡語錄眎余余交公知公颺言於衆曰是固非憑耳入流之於肺肝非僅口出履之以實踐其通籍二十餘載茅茨猶故秉憲於楚兢兢奉職百務俱興直觸橫璫脫全楚於水火禁詔獄累年講晰益遠茲錄所載獄中為多蓋以自砥亦將覺人塵態光華無所覲覲其亦可尚也乎主人乃適然而喜因敘次所談弁之簡首

聖人曰今吾於人也聽其言而觀其行其斯之謂與

彪西

春秋房同門經稿序

曹子沐

昔仲尼論君子所懷曰德曰刑夫懷德足矣而刑何為乎德辟周行刑辟嚴險以約之有不得不履周行者先正云春秋聖人律令也又云春秋夫子之刑書士宜何如懷焉况業是稱專門構為文義如按律例成爰書撫卷悚悚烏容已乎全經不具論論首數段元年之述戒不仁也即位之制戒不忠孝也盟蔑之惡戒不誠也克段之貶戒不愛也吾而仁乎忠孝乎誠且愛乎讀之坦坦不然則夫子之筆若為我設敢不懷哉余不敏先為理官日檢律例治爰書書成未嘗不心惕也坐堂皇之上奮筆譴牒某坐不仁某坐

續垂棘編三集九卷

十九

五經堂彙編

不忠某坐不孝某坐不誠某坐不愛夫安知吾之仁忠孝誠愛何如也古先哲王立法垂憲以有形警之亦以無形警之或法及而人見或法及而我見法及而警焉者細人法未及而警焉者君子懷以言乎其隱微也邇從愷陽先生後以春秋薦揚多士士按聖經為文矣其用懷若何行且筮仕治民按律例為爰辭其用懷又將若何嗟乎箕子未囚也比干未戮也三桓未貴也通乎是可與論懷可與論刑可與論德矣

天眼極明天耳極聰天筆極周天網極密君子知天畏天此曹先生語錄即曹先生註脚

彪西

楊氏七孝芳聲序

曹于汴

淮陰楊氏通參公○為其封母董孺人病篤惶迫莫可為計禱於天○
封股為羹食之得愈○公之子博士君憶公同配謝孺人復因公病○
封股公之孫把總於庠亦為父憶公封股於邦亦公之子於郊妻○
許公之孫婦達陸率履者公之孫女一為母潘一為祖母某姓一○
為父憶木皆封股乃謝孺人為處女甫四歲時業為母干及既嫁○
又為博士君各封股矣而博士君為諸生時已有孝子之稱於是○
縉紳戚友交美之或旌以扁或贈以詩文曰同心純孝曰奕世忠○
孝曰德行文學曰孝子名士曰孝子之門亦有未及旌揚者蓋有○

續垂棘編三集九卷

廿

五經堂彙編

待也○諸生於陞亦公之孫而博士君之子也○將梓其詩文以傳而○
求序於不佞○時不佞且北行○徒行送百二十里○示懇也○余以其封○
股者七人○命曰七孝芳聲云○因七人而繫楊氏之門○因封股而繫○
七人之孝耳○借謂其孝止於封股則通參公之清修崇望出處有○
聲果何物乎○而其餘可推矣○又謂孝止於七人則于陞之奔走不○
皇求顯其先果何物乎○而其餘又可推矣○洪惟我太祖以孝治天○
下而封股一事不在旌表之列○非薄之也不欲以難事為民倡且○
慮其毀傷戚性重違親意也○顧孝子當親之疾○凡可救療不憚為○
之○斯時也不知有旌而皇知有不旌○夫民心積染或至路人其親○

區區財利校量爾我一語不相能○或至反唇彼其白刃自殘視膚○
肉若瓦礫瀕死無顧豈可易及哉○善乎盧子守恭之言曰○以身療○
親身猶親自治自夫惟以身為親身故能封股故能竭力故無以○
有已故不失身以辱親通參公可作○或以余言為不謬矣○
幸留斯道微言在合有聖人應運興○彪西

續垂棘編三集九卷

廿一

五經堂彙編

題譚生十略

曹于汴

譚生同節篤志聖學○考訂仲尼年譜○正諸家之訛○皆據所見發明
 之○為洙泗考略○居常開卷○藉以尚友○志願不遠哉○既又以生平所
 讀之書○各加纂編○自李聘釋迦○天文地理○古今政事○文藝方術○皆
 為略○以淑其身心○而宏其應用○余得以逐一涉獵○嘉其窺覽之博
 思致之邃也○或謂其言有與孔子不合者○雖然○予嘗有云○善學者
 雖巷語野語○亦切實際○不善學者○雖三墳二典○徒益支撐○顧同節
 之學如何耳○士人童而讀學庸論孟○言言聖訓○然思以是博富貴
 虐取窮民○誰于違者○凌傲鄉鄰○誰于抗者○予讀書得第人也○嗟乎
 續垂棘編三集九卷

廿

五經堂彙編

吾夫子乃令人如是耶○則雖日誦夫子書○何益○乃王文成公過市
 人闢焉○亦謂之講學○士誠好學○無往非益也○且人不聞鷄鳴乎○彼
 以唱曉為事者也○不聞犬吠乎○彼以守夜為事者也○鷄犬之聲○非
 以有為而發○故主人善飼之亦然○訶打之亦然○是之謂率性○然則
 聞其聲得其益○不淺也○同節意若斯乎○其語之會中諸生○當知所
 以求益矣○

作于三晉語錄總序○可作于五經堂外篇亦可○ 彪西

公餘漫興跋

曹于汴

夫意動而為言○言成聲而為詩○詩以抒性靈○洩積臆也○故曰詩可
 以觀○乃有標題開異○抽黃對白○俯仰流光○荏苒情實○敲推幾失常
 度○性情因而成苦○是亦不可以已耶○汴承乏淮陰○其於督撫諸公
 為屬吏○讀公所為詩及詞若干首○大都忠愛孝節之念○隨感而發
 於以佳時動眾○其意油如也○公之性情可觀矣○夫詩家若以沈約
 杜甫為孔子○逐聲呖響○銖兩而較之○曰此為詩○此非詩○其論當自
 有在○乃所願學不在此○謂作詩若公之忠愛孝節○可以法已○夫論
 詩若聽言○其言端方而醇○慤此其人何如也○其言綺麗而浮靡○其
 續垂棘編三集九卷

廿

五經堂彙編

人又何如也○故立言者○斷於不失其為人○聽言者○斷於得其人○通
 乎是可以論公詩矣○
 揚藻振詞○敲字推句○投捋顏謝糟粕○優孟李杜衣冠○何者似兩
 漢四唐○何者似晉魏六朝○則當今定有能詩者○如予前所云○然
 鬚嘔血一派在○則而效之有餘師○無勞讀予三晉詩選矣○此予
 癸丑春自序晉詩言也○今讀先生跋文○敢移以質○ 彪西

孟烈孝祠碑記

曹于沐

蒲之傭民孟端妻邵氏恩蠶寡不欲奪其志抱幼女亥隕於井八
歲女熙墜從之既出屍母猶抱亥熙抱母間巷悲感年友錄汀張
君輝其里人也為之傳誦諸王公卿大夫士共掄揚之薦達天朝
旌其門且為建祠樹坊遷墓手錄各檄牒傳誅授余而以祠記屬
焉余披玩愴然灑泣曰異哉圭竇婦嬰乃至此乎然妻不負夫子
不負母適得其正此常也非異也世有背夫之妻忘親之子則為
異耳末俗以異為常得不以常為異哉夫重淵百尺赴之如歸激
湍絕命固結不解是孰為之氣也即理也循其性之自然之謂道

續登棘編三集九卷

廿四

五經堂彙編

也斯時也精靈粹湛羅貫乾元所謂夫婦知能可以埒聖赤子未
失斯為大人或有岐言理氣析列聖凡高談性命薄視庸常蓋亦
未之思已夫大道渾淪人人具足日用皆是第不知耳顧惟不知
乃為真用也何也知見起於較量較量乃生蹊徑假令邵知死夫
之為烈而後死之熙知死母之為孝而後從之亦何能直截凝一
毫無顧望夾雜也而章縫士人几席跬步或棄大道而不用奚取
於載籍極博或用之而猶知之亦不免利蒂名根其視烈孝何如
乎故學無他亦於忠孝廉節日用不知斯已矣故不識不知為順
則不學不慮為仁義嗚呼詎易言哉祠建景虞門下計堂四楹中

阿居邵熙亥左右侍大門一楹建坊額貞烈祠二門一楹外東西
小屋二居良嫗一以司涓除啓閉東隅井一便自食創於郡刺史
川南郭公元柱成於鄴郡孫公好古登萬曆戊戌庚子方竣云
古今天地不塌壞賴此等人賴此等文彪西

續登棘編三集九卷

廿五

五經堂彙編

仰節堂記

曹于沐

先大人以萬曆四年之春構書舍一區命曰雲津書舍為間者三前敬以會講後分為靜室慕陶靖節邵康節二先生高致題曰仰節堂俾不肖輩學習其中慈訓殷矣迨六年春大人厭世去不肖不能治生產渭弟長成猶未授室遂廢此舍為之完娶事時則十五年冬及十九年不肖叨舉於鄉次年成進士每懷仍建以不泯先緒未能也第於三十六年冬以刑科右給諫奉差過里製堂舍二扁揭於住屋以見未忘而已今歲始庀材建造彷彿當年規制移扁懸之私衷方少寧帖嗟乎先人創業燕翼良遠不肖捐廢之續垂棘編三集九卷

廿六

五經堂彙編

忠孝廉節和盤托出 彪西

與鄒南華先生

曹于沐

今之學人何多岐也○分析門戶○迴避字樣○昔辯朱陸○業既無謂○今別薛王亦似不必提起空無等字○不論是非○輒云此禪此禪○禪者曰我不儒安用禪為○儒者曰我不禪儒若斯已乎○適言至善何必吹疵○妙論市童吾師安可彈駁○先賢見門戶見知解亦必見我而不覺也○遂令同世同生○有許多不欲見之人○不欲見之事○不欲見之書○不欲窮之理○未免狹而不廣○偏而不全○滯而不透○支而不根○是以畛域多情懷○淡戈矛起○同室且爾○况能狄人吾人禽命吾命○草生吾生乎哉○然不能狄人吾人禽命吾命○草生吾生○必不能同室相愛○非不愛也○不能滿也○我塞乎中○其餘能幾于今不攘異域乎○狄人吾人而愛吾人者○無所不用其極矣○攘之安之○亦無所不用其極矣○辟彼流水○原頭之濬○支派之防○必有分○四海之放○必有由也○可憐曰彼猖狂自恣○決去藩籬○吾但固我藩籬而已○安問藩籬外事○然吾儒藩籬不與天同大哉○何可懲噎而廢食也○某於道無窺私心竊疑敢質之老先生○乞明顯開示○仍示進學入道之方可勝冒昧引望之至○南華之言曰若徒規規較量名色器數○先賢語言淺深○所謂貧子談金與沉溺欲界者相似○一見此書想亦相視而笑○彪西

廿七

五經堂彙編

知一張公墓誌銘

曹于汴

公諱九霞字凌漢號知一山西平陽蒲州人初年好丹鼎鉛汞之術比覽太極圖讀其說及讀西銘正蒙二程紫陽文清各語錄憬然動于中遂破窻焚方書散諸言黃白之士日夜華華潛心孔孟之學有得則拈筆錄焉槩見於理言什一山居雜記其句云至有看他未有時又云了塵須是要同塵嗟乎大道之晦不著不察久矣或亦據席高談意見紛起崇有與孰無角立同塵與遺世分馳有者拘攣無者枯滅同者淄染遺者捐棄孰能合已發於未發即經世為出世實孔門之正印巨儒所難窺而公以兩言道盡可不

續垂棘編三集九卷

廿

五經堂彙編

謂適人之學識哉蓋公少負穎質沉重寡言笑澹於世味十三解聲詩十五不為末俗之談是後值太公遭家難拮据左右遂停誦習而太公竟弗寧宇去適於蜀公以筑筑孱弱外捍里人之凌轢者俾不得逞內操作水薪奉母以養祖母劉至傭書里冊以襄祖母葬事諸艱備經始能受室生子不圯其門然如太公無耗何一日太孺人泫然曰汝父客蜀十有五載冉冉桑榆之景矣不則已枯之骨委於異土乎扶掖而來幸已不則與櫬歸丘隴惟汝圖之公伏泣不能仰視曰痛父良苦不致奔呼遠覓者非不念之第以母之膝下僅此隻子之軀耳今婦能事母又延一綫之續此身

可置千長途上問皇天下窮后土不得吾父兒弗歸矣泣拜徒步以西挈貲不盈百錢而往甚毅道遇一士宋姓者感其孝贈之金授之治生術公乃陟秦嶺穿子午道直抵于瀘不可得越滇南歷撒蒙中慶激江大理諸路三易寒暑跋涉五萬里又不可得皇急籲天願瀕死一見買買反還復遇宋於道為占曰會即見大公因就旅次日將曉一叟從外入雪鬢丹顏向客語生平似蒲中人熟聽則太公也持之而號觀者嘆訝遂迎以歸夫形容變易跬步誰何茫茫大地安所訊詰而相繼入次父吐生平兒得聆之何奇也兩遇宋士又何奇也其懷親之念直徹蒼旻神鬼冥冥驅排合湊

續垂棘編三集九卷

廿

五經堂彙編

而父子一體若逆若赴無足恠者一日遇解某加詬詈則笑而受之不與計直曲曰若喪心將自斃吾方彼憐也明日解死其量其明復如是嘗面數一少年之非甚厲迫暮而私為慮衣食輒至淚下方其面折時亦以用愛耳其贖人已鬻之癡女及聞鬻啞女者覓市三日多其直買而畜焉恐他人苦之不遂其生也釋免舍魚火馬之死葬以藁焉往而不愛買啞俾仲嗣養之勿厭薄亦所以寓教也

天意曲成孝子設出許多湊合之法世人父子終日聚首對面視如路人而漠不相關者能不干上蒼震怒否 彪西

夫創業之主閱歷久而至理瑩操慮深而廣智出其意不可運也其制不可關也然或存其制失其意制存若外塗意去若中蠹天下乃病其制而其意晦又或制有所偏存有所偏廢存者遜于象志而未必可獨因廢者逆於衆志而未必可獨革天下乃不識其制而意更晦願治者思其初意還其初制轉衰而盛之善物也緊我皇朝制度宏備學官星比矜韋之士不可勝計若曰三代之學以明倫也君子之學以致道也初意如是官聯棊布簪笏之臣亦不可勝計若曰君之立官以為民也君子之士以行義也初意如

續垂棘編三集九卷

卅

五經堂彙編

是第今之從學從政者可惑焉總角之子甫入鄉塾授以孝經似當講唯諾疾徐之節矣然其家謂此子業儒門戶攸資其父負戴於路予可不問其師誘之勤習動稱華騰蒙泉不亦濁乎是入小學之日即亂小學之日也既進膠庠對越尼父所宜辨明新之工夫別義利之輕重躬學躬習躬悅躬樂試則敷其所得於文仕則達其所文於政耳顧廣求帖括日工雕繪袒裼而玩齊明之句離親而誦遠遊之章書自書人自人曾不思國家何賴於我而窮年作養且薪樵之錄也是入大學之日即亂大學之日也及其致身科名邑里交慶而或乃謂棟樑宜拓食奉宜華址併鄉鄰利吞都

市狎狎僕從囁嚅公庭賓者在間詎者盈衢渠方誇詡謂凡几積學竟抵於成夫學之成也謂道明德立豈以溫飽豪侈謂之成乎是學成之日即學敗之日也昔人學古將以入官學如敝帚仕將焉藉乎自非抱明穎之資保渾樸之稟操刀而輒善割居今而思企古用能魏樹匡時之勛光映名臣之錄稍不檢飭風靡波蕩蓋亦不鮮矣每見初通仕籍問土地之肥瘠訪彌縫之世套罕有感主恩之難報懼民隱之難瘳者而又吏胥逢以故習家人憎其獨潔則謂汝汝之榮享也桓桓之逞臆也容容之固位也炫炫之博稱也閃閃之趨時也詎以四境為家而不廣其百年難保之家以

續垂棘編三集九卷

卅

五經堂彙編

萬姓為子而不私其滿寵不守之子醜莫醜於辱獲悔莫悔於負時其爭謬遠矣有良牧焉聽斷明訟謝息催科善通負瓦酬應周遠通悅賢聲勃起何於家給人足禮備樂和仁漸義摩遜之為未遑闕焉若異任豈簿書期會遽為盡職是似近而猶遠也其或阮於下僚沈於冷署長日咄咄周可事事第抱關亦有常業桑田要在茲長果可僅擁虛器鎖局養時則居卑而聞其體也卑者以一身為廉而尊者以衆廉為廉卑者以一署為理而尊者以衆理為理若不問其職細職巨職綱職紀職近職遠職自廉自理而已則居尊而聞其體也諸如此類治胡以興豈皇祖初意哉蓋建學者制

也○而○意○不○在○春○華○之○飾○任○官○者○制○也○而○意○不○在○虛○文○之○蒙○然○採○春○
華○者○擢○科○而○責○秋○實○於○素○日○必○不○得○之○數○也○按○虛○文○以○登○雋○而○試○
實○政○於○他○年○亦○必○不○得○之○數○也○我○皇○祖○立○法○創○制○殫○竭○睿○思○豈○其○
慮○不○及○此○嗟○乎○皇○祖○籌○之○審○矣○誠○知○制○科○掄○文○非○可○專○恃○而○薦○舉○
辟○召○章○章○可○鏡○也○龍○興○草○昧○之○初○宏○張○羅○網○豹○隱○蒿○萊○之○彥○俱○荷○
立○黃○則○有○孝○弟○力○田○賢○良○方○正○聰○明○正○直○才○識○兼○人○諸○科○其○所○重○
者○薦○而○徵○之○不○欲○其○試○而○媒○之○也○旁○求○之○使○四○出○勸○駕○之○章○日○至○
禮○賢○之○館○濟○濟○髦○儒○金○馬○之○門○彬○彬○耆○碩○繼○繼○制○科○頌○式○而○乍○行○
乍○輟○雖○三○途○並○進○而○薦○舉○居○先○由○癸○丑○以○及○癸○酉○猶○綸○音○之○屢○播○

續世錄編三集九卷

世

五經堂彙編

焉○大○抵○鄭○重○端○良○之○英○菲○薄○辭○章○之○士○故○大○儒○接○踵○名○世○比○肩○淳○
龐○熙○皞○之○治○盛○於○洪○武○之○間○迨○後○科○舉○漸○重○既○明○示○以○右○文○科○獨○
重○甲○更○右○文○之○大○過○薦○舉○乃○止○衆○乃○不○尚○德○而○深○計○之○臣○不○忘○建○
白○或○曠○時○一○舉○則○海○內○以○為○美○談○士○林○以○為○芳○韻○四○方○無○論○試○論○
江○右○遠○歲○無○論○試○論○近○年○則○薦○徵○之○典○吳○臨○川○而○後○猶○及○於○新○城○
之○鄧○安○福○之○劉○南○昌○之○章○四○君○子○者○學○足○明○先○王○之○道○才○可○裕○應○
世○之○猷○或○謂○深○為○粹○品○或○謂○高○多○偉○行○雖○雌○黃○之○口○善○善○不○長○不○
免○厚○責○副○於○盛○名○窮○索○藏○於○洗○垢○獨○計○其○志○存○於○道○乎○亦○庶○幾○得○
學○之○所○在○而○不○僅○以○獵○榮○為○學○矣○向○使○顯○用○其○身○展○抒○其○抱○隨○其○

根○器○不○必○於○建○樹○之○皆○同○宜○將○有○所○自○效○裨○補○於○天○下○非○聊○且○於○
充○位○徒○以○逐○世○而○已○矣○但○世○方○竿○之○好○誰○復○瑟○之○問○故○令○其○鴻○冥○
之○遠○飄○然○驚○序○之○外○耳○儻○申○明○典○制○俾○內○外○當○事○之○人○博○詢○推○薦○
或○馳○使○徵○聘○或○有○司○敦○遣○與○制○科○之○士○相○兼○並○任○有○敦○善○焉○上○之○
所○好○靡○不○象○指○上○好○以○文○乃○極○風○雲○之○變○態○上○好○以○行○寧○無○深○淵○
之○深○功○響○應○必○捷○善○良○必○衆○其○善○一○肇○悅○之○工○原○不○益○成○敗○之○數○
故○朝○登○仕○版○暮○可○弁○髦○業○以○行○收○烏○容○捐○棄○棄○則○立○露○其○短○其○善○
二○與○其○糊○名○易○書○以○下○求○上○孰○若○懷○瑾○握○瑜○以○上○求○下○既○無○枉○已○
之○風○可○致○正○人○之○效○其○善○三○先○資○在○藻○麗○則○拾○人○之○藩○燦○於○筆○楮○

續世錄編三集九卷

世

五經堂彙編

間○足○矣○月○旦○在○真○修○而○可○竊○人○之○行○為○已○之○行○乎○縱○令○其○行○然○而○
心○不○然○猶○愈○於○無○其○行○者○其○善○四○父○母○無○不○愛○子○者○操○觚○足○以○梯○
榮○故○驅○之○攻○苦○以○冀○通○顯○修○身○可○以○僭○爵○誰○肯○不○教○之○孝○義○於○家○
甘○令○情○竄○尤○足○基○化○也○其○善○五○吾○伊○業○舉○者○方○組○其○言○道○德○提○躬○
者○則○繕○其○性○一○實○一○浮○如○蓬○在○麻○孰○無○本○心○不○趨○於○實○其○善○六○文○
士○逢○時○多○恣○睢○之○狀○端○人○在○列○必○矩○矱○之○遵○準○則○植○焉○清○議○明○焉○
黜○陟○行○焉○可○以○丕○變○其○善○七○其○藝○校○之○司○衡○其○政○計○之○銓○吏○不○相○
蒙○也○雖○有○不○肖○主○者○借○口○薦○其○行○而○行○不○副○何○說○之○辭○嚴○行○連○坐○
之○條○誰○敢○不○慎○其○舉○其○善○八○士○非○科○目○不○進○而○樸○茂○不○華○者○終○成○

淪落薦舉既行杞梓皮革之良廣搜並畜野無遺賢其善九行之
既久人有君子之行戶有可封之俗可以一復成周三物之舊其
善十此非肇為之說也祖制所垂也祖意所重也百年之錮習一
新四海之人心俱挽居學校則明經修行何但文為服官僚則濟
世安民原有實詣一舉而三舉一熾而三熾者也不然望士學之
正日考校焉祇精其技耳求吏治之興日督過焉祇理其末耳雖
家置一鐸歲一大計胡可得哉
或謂薦舉未免泥古予曰不然觀篇中相兼並任之說可見如
康熙戊午薦舉一行得人彰彰其一証也彪西

仁體策 丙午江西程

曹于沐

仁人之用仁舉諸我以加諸彼乎曰非然也有彼我則有封域有
封域則有急緩有急緩則有較量其卑者易入於納交聲譽之偽
其高者亦回而不直滓而不粹暫而不恒虧而不滿夫湛然而仁
具油然而仁與奚暇較量哉昔先哲之談仁也曰仁心之德也而
泥之者乃於心之內更求德焉非德不足以見仁也者不知心矣
不知心焉知仁故曰仁人心也言心而不言德而泥之者乃於人
之內更求心焉非心不足以見仁也者不知人矣不知人焉知仁
故曰仁者人也言人而不言心嘻至矣若理若氣若形若性若身

若心貫通矣渾合矣吾以七尺之軀四體五官成其為人而仁固
即此而在焉能使不仁加之顧所謂人者七尺而已耶四體而已
耶五官而已耶一膜之外何與我哉非孔子之所謂人也故曰中
國一人率土而居皆人也皆一人也辟如毛髮續續紛紛聯為一
身然則圓首象天者方趾象地者同七尺者同四體者同五官者
固一人也莫高莫深有知無知奇形異狀曾可謂一人哉亦非孔
子之所謂人也故曰仁者以天地萬物為一體嘻詳矣天若彼其
穹窿不可極也吾之體亦穹窿不可極地若彼其遼杳不可竟也
吾之體亦遼杳不可竟萬物若彼其纖巨不可紀也吾之體亦纖

巨不可紀。天不二於地。地不二於天。天地不二於萬物。天地萬物不二於我。試喻之。惟兄與弟共胞而生。誰不謂一體乎。天之生亦有自地之生。亦有自萬物之生。亦有自生天者。誰生地者。誰生萬物者。誰豈其有生天者。有生地者。有生萬有不齊之物者。若是乎尸之者之衆。必不然矣。天也。地也。萬有不齊之物也。我也。其生之所自一也。鴻濛未闢之始。有合而無分。形象既判之後。似分而實合。不觀夫一氣氤氲。亘於六字。天運於是。地處於是。物生於是。萬相呼也。萬相吸也。萬相屈也。萬相伸也。萬相卷也。萬相舒也。有其吸也。必有來也。來於何所有。其呼也。必有往也。往於何所謂。我之

續垂棘編三集九卷

廿六

五經堂彙編

一呼一吸。不與天地萬物之氣相來往。而與穹窿遠杳。纖巨不可紀之處。有毫芒之間。可乎哉。故靈明各具。天不獨豐。人不獨畜。人不獨得物。不獨闕其中。通也。一陰乍動。一陽來復。倏忽彌漫。周於天地。貫於萬物。亦其中通也。疾病痛癢。相連相關。不但父母兄弟推之一切。莫不皆然。亦以其中通也。而或者乃曰。母齧子痛。則常聞之焉。有物痛而亦痛。嗟乎。母齧子痛。世未必皆其人也。然則父母非一體耶。此其體之木也。木則無不木也。不木則無所木也。入其室。父母兄弟環向而處。不知其暱也。出而遊關闈之中。遇其父母兄弟。則暱之之郡城焉。遇其邑之人。則暱之之會城焉。遇其郡

之人。則暱之之都城焉。遇其省之人。則暱之之海外異邦焉。遇中國之人。則暱之之墟洋之野。木石鹿豕之為叢。遇似人者而暱之矣。方其未暱也。木也。及其既暱也。不木也。且光風霽月。何與於我。而忻狂颺陰霾。何與於我。而慄水光山色。何與於我。而喜荒原頽壁。何與於我。而悽花芳卉榮。何與於我。而賞紅瘁綠凋。何與於我。而惜鳥鳴魚沫。何與於我。而樂鴻斷鴈啼。何與於我。而嘆則風月水石花卉禽魚。固有通於我者。我乃忻之。慄之。喜之。悽之。賞之。惜之。樂之。嘆之。耳。奈何。日日周遊。時時茂對。人所忻人。慄亦慄。以目為賞。以目為惜。語云。我乃行之。不得我心。不自察耳。察則不木。

續垂棘編三集九卷

廿七

五經堂彙編

不察則木。故窺以道眼。則他山之杞。可通於鐘。鳥得遠視之。無情之草。可飛為螢。鳥得頑視之。而何況同類。欲不灑罪人之泣。而潸然不寧。欲不耻溝中之納。而惘然悼念。欲不憫一民之饑溺。而愴然剥膚。障以塵情。則父子可異。庾藏兄弟。可分甘苦。而何況踈迷號呼之聲。鼓吹之供也。血髓之竭。囊篋之充也。水陸之搜。采順之快也。顧華燄之界限。人物之差等。仁人未嘗無別此以別之者。體之也。華得其所。燄亦得其所也。盡人之理。亦盡物之理也。分殊者。脉絡之分理。一者公溥之量。故蛇龍歸道。聖王之愛物。而庸衆不解。但謂祛民之害。仕元明學。魯齊之大用。而世儒過貶。則以疾癘

之○甚○然○征○伐○可○廢○乎○刑○誅○可○弛○乎○仁○人○未○嘗○不○嚴○此○以○嚴○之○者○體○
之○也○仁○與○不○仁○辨○之○以○心○不○辨○之○以○迹○除○莠○剔○蠹○以○殺○機○為○生○織○
花○鍛○鶴○以○生○機○為○殺○故○砭○灼○不○廢○於○肌○膚○夏○楚○不○斬○於○愛○子○虞○庭○
四○罪○魯○國○肆○青○周○王○一○怒○宋○公○不○阮○孰○一○體○孰○非○一○體○必○有○分○矣○
夫○以○天○地○萬○物○為○體○則○體○大○以○四○體○為○體○則○體○小○以○天○地○萬○物○之○
體○為○人○則○人○大○以○四○體○之○體○為○人○則○人○小○大○體○者○能○卷○能○放○流○衍○
於○衆○小○體○之○中○而○衆○小○體○不○能○隔○也○四○體○之○木○則○知○療○之○天○地○萬○
物○之○體○之○木○則○不○知○療○弗○思○故○也○夫○千○萬○世○之○上○此○天○地○也○有○萬○
物○焉○千○萬○世○之○下○此○天○地○也○有○萬○物○焉○天○道○無○窮○地○道○无○窮○物○生○

續垂棘編三集九卷

廿八

五經堂彙編

無○窮○吾○心○亦○無○窮○往○聖○之○絕○學○未○輟○於○念○而○萬○世○之○太○平○輒○營○於○
中○仲○尼○之○生○千○古○不○夜○堯○舜○之○心○至○今○猶○存○即○其○體○存○也○故○曰○會○
人○物○於○一○身○通○古○今○於○一○息○區○區○補○葺○於○百○年○之○間○君○子○以○為○猶○
木○也○顧○所○謂○天○地○萬○物○者○蒼○然○已○乎○隤○然○已○乎○隤○然○已○乎○精○與○之○
注○也○神○與○之○決○也○可○見○者○不○可○見○者○可○聞○者○不○可○聞○者○瑩○徹○無○礙○
六○通○四○闢○契○於○至○微○合○於○無○朕○握○造○化○之○機○緘○達○鬼○神○之○情○狀○體○
物○之○至○仁○也○故○曰○建○諸○天○地○而○不○悖○質○諸○鬼○神○而○無○疑○區○區○補○葺○
於○耳○目○之○及○君○子○以○為○猶○木○也○天○地○之○參○猶○三○之○也○萬○物○之○靈○猶○
二○之○也○合○之○為○一○大○何○以○加○焉○天○地○未○位○萬○物○未○育○吾○體○之○木○未○

療○耳○自○木○自○療○自○位○自○育○我○為○誰○彼○為○誰○胡○可○遇○哉○有○所○委○焉○而○
仁○之○弗○居○自○弃○其○身○者○也○有○所○損○焉○而○自○私○以○利○割○左○股○而○益○右○
股○者○也○有○所○隘○焉○而○愛○之○未○廣○養○其○一○肢○而○忘○其○衆○肢○者○也○盡○法○
諸○天○地○無○遺○覆○也○無○遺○載○也○不○以○天○地○為○一○體○者○必○不○以○萬○物○為○
一○體○不○以○萬○物○為○一○體○者○必○不○以○一○物○為○一○體○故○不○憐○窻○草○便○可○
興○戎○生○理○隔○髮○乾○坤○可○毀○何○也○體○一○而○已○人○一○而○已○故○仁○以○為○已○
任○古○之○成○仁○者○如○此○
塞○乎○天○地○之○間○冠○乎○古○今○之○上○者○此○文○是○也○想○其○命○筆○時○直○欲○
奪○西○銘○之○席○
彪○西○

續垂棘編三集九卷

廿九

五經堂彙編

續垂棘編三集十卷

洪洞范部鼎彙編

勇 翻參閱

孔子師聘及問禮辯

馮繼祖

孟子曰○盡信書○則不如無書○又曰○以意逆志○是為得之○旨哉斯言○足為後學讀古拘泥者之一砭○余素疑孔子問禮老聃一節○不言問者何禮○答者何禮○止有訓誡責備諸詞○大非所以對孔子也○反覆思之○積不能平○及讀宋儒羅子識遺篇○引証詳確○不覺起舞○按孔子師聘之說○肇於莊子○師老子○故其著書○譏誣古今聖賢○獨推老子○又復假設孔子之言○以譽之○後來漢儒輯禮記○承其言曰○問

續垂棘編三集十卷

五經堂彙編

諸老聃○司馬遷史記老子傳○復增許多訓誨○孔子言語○孔鮒作家語○據以為証○益堅後學之信○不知莊子一書○多駕空寓言○時去孔子未遠○知天下崇信孔子之學○故計時所最重者○尊其師○庶幾聃之道益隆○此莊子抑孔子尊老子之實迹也○後儒不察禮記家語史記○出莊子後見問禮一段○備載諸書○不究原委虛實○以訛承訛○信以為然○不思老子之教○主於清淨無為○著書厭薄禮樂○莊子傳其後○從而而培植折衡○追提仁義○絕聖棄智等論○則聃又何有禮之可問○耶○太史公謂道家以虛無為本○因循為用○有法無法○有度無度○故後之尊老莊者○蕩棄禮法○違背垢面○喪酒吊肉○晉代可徵

續垂棘編三集十卷

二

五經堂彙編

也已○豈有以禮訓孔子而最其徒則異是耶○此莊子寓言○借孔子以尊其師○無疑也○後之衛道者○多為孔子分說○未得寓言及尊其師之意○照破莊子之私矣○爾若孔子從聃之事○莊子外篇著聃為藏史○藏慶書所○或者聃所聚多書○孔子因往見聃○以觀焉○客有此理○斷未有因聃為知禮習禮之人而問之○而師之者○不然○魯論何無一言及聃○而聃之禮何不盡傳其徒○使聃為棄名檢蕩禮教之罪人○耶○如此○則孔子師聃及問禮之疑○可大白於天下後世矣○即余積不能平者○得羅子蒼而平之○矣○遂作是解○以釋從前疑案○要之是辯無其事○非謂不屑問不屑師也○觀者須得立言之意

朱小晉曰○辯訛洗髓○漆園亦當下拜○王誠居曰○從老子蕩棄禮法上○辯駁問禮之不可信○獨具隻眼○原評之妙如是○
龜西

士大夫居鄉缺失證

馮繼祖

士大夫退居林下優游泉石以養餘年事事皆可度外置之惟有君親師三者未可一日而釋諸懷也即云休沐解綬是不任職位已耳非併將朝廷而置之也今士大夫居家者於親無可說已於君師大有缺失竟無一人能深察者試言之士大夫一自致仕居鄉以老是委雖遇長至正旦萬壽千秋各大典漢不相關及問其故則曰致仕居鄉從前相沿皆不與也噫致仕居鄉果老病不能起動禮儀通不與聞方可徜徉自便今觀在籍休致告假候補等項每週節序誕辰與官長往來拜祝及遇大節聖壽反不慶賀凡

續垂棘編三集十卷

三

五經堂彙編

遇私家封誥爭先遠接及遇頒發詔書及不郊迎厚薄逆施輕重違背莫此為甚且告老大臣朝廷尚有頒賜之典是朝廷不因致仕而忘臣子臣子反因致仕而忘朝廷矣捫心自揣夢寐難安如謂致仕居鄉謝絕朝儀不思鄉黨所記夫子吉月必朝服而朝夫非夫子致仕居鄉之日乎其必朝也非夫子念念不忘朝廷之明徵耶凡為臣子孰無此念奈何昧於從前缺失之陋習反不法吾夫子千古昭垂之儀型哉此予數年來兢兢不容自己之懷一遇聖誕大節恭設香案望闕叩頭上法夫子遺意下展老臣愚誠此心求安孰云為過特為拈出與同志共為證明更有不忘先師之

說惟有向文廟中以盡其誠蓋文廟非他廟可比無敢私建私祭

除朔望行香春秋祭祀外封閉嚴肅誰敢以香楮牲醴與諸神一體衰責而為鄉紳貢舉者一自策名出學絕迹官場終身再無入廟拜謁之日夫朔望既不行香春秋又不與祭不知更向何地更因何時更備何物以展昭事誠敬之意而祭丁之典屬在鄉紳貢舉各有所頒胙肉夫鄉紳貢舉既不與祭何以受胙此中必有缺失奈何習而不察且春秋二祭鄉賢祠有祖先位者官師此夜在彼行禮而子孫熟睡其家於心何安此予每逢祭丁之夜不能安寢擬隨班行禮此心方懽及讀說郭多書內載崑山呂寅叔先生

續垂棘編三集十卷

四

五經堂彙編

行實一欵乃先得我心同然喜不自勝按先生家寒授徒為養平時不出戶庭每歲春秋祀先師必夜半預請學前候隨班行禮畢輒去不令縣官知歲歲如此雖陰雨不輟人皆稱為篤厚君子效者比比至今不哀抑先生往矣其芳行昭垂若是也總由一念不忘君親師所致也予愧不及前賢幸此心此行同也特立此說以告敦在三之義者

雖然父病無官况每拜名香祝聖君白沙先生語也予作對聯有年去歲國喪曾為位成服具哀小齋又作小樓設聖賢一堂題曰木鐸朝夕對越不知有合于此議否敢質 鹿西

訓幼指迷

馮繼祖

嘗慨吾上訓蒙一道大非良法○兒童生命實係於此○特為拈出○以醒群迷○夫兒童初入學堂○書必口授○字必手持○又讀書不貴聲○貴乎嘿記○寫做不必求工○先求手快○彼童子秉性○本有嘿識者○概教之高聲叫號○不思讀書固要三到○惟心到斯俱到矣○寫字本有手快者○反教之從容消停○不思手熟為能○熱中自然生巧矣○世多沉迷○誤初學不淺○至於塾師設書案如同公堂○置夏楚如同執法○一味裝腔作勢○絕無和顏婉導○使兒童視學舍○如囚獄而不肯入○（實情真景）視先生如冠簪而不欲見○此豈教訓子弟之成憲哉○夫古教如歌

續垂棘編三集十卷

五

五經堂彙編

詩習禮等項○不合今時○頓難易俗○只遵江南一位先生○教一弟子○多不過三二人○同起同卧○五更睡足○時即口授○開正饑○則餌以食○果暇則任其遊嬉○絕無苛責之事○且貼身一童僕○相伴時常教導○較吾土異霄壤○且吾土更有無知父兄○為子弟擇師○以嚴惡為兒童懼怕者○為上噫○真可哀哉○真可惜哉○夫以六七歲冷煖不知之孩童○如草木之萌芽○方吐舒暢之○則條達○摧抑之○則衰萎○當天機正長之候○不能順其生意○使自行發越○反置之約束地○臨以嚴憚人○加以櫻心事○已屬不堪○而且呵訾之○敲朴之○以致終日驚惶○寢食不安○心意愁悶○氣血凝滯○疾病橫生○此必至之理也○奈何世

續垂棘編三集十卷

六

五經堂彙編

多不察○忍令坐此○予向有幼訓一刻○見者即有悔恨○兒郎因此驚成癖疾○傷其生命者○恨此刻之不蚤見也○予今為詳說○不但為訓蒙設教之良規○直足佐慈育幼稚之仁術也○愛養子弟者○深思而留意焉○無負予諄諄告誡之愚意也○予幾倖已○朱小晉曰○一片婆心○與春弦夏誦之意相合○王誠居曰○一先生一弟子○此段絕好教法○原評之妙如此○（彪西）每見近日作家○或評論于史人物○或點綴山川景致○汪洋浩瀚○動成一書○至于發風弊○呼習俗○實有切于世道人心之作○百不得一○蓋憑空縱談○易于見才○而撰事說理○難于中窺也○予愧才

與范徵君書

徐昌時

貴體愈矣。聞有一線之浸。務求全愈。方快。老盟翁日不離卷。手不停批。得勿太勞心乎。端望靜養。一二月。自能康泰。倍常。聞令三公。子方十齡。即應縣試。自是奇才。昌大門間。可喜。執甚。天報積善之家。毫不吝。可。見我輩存心。不得一日或差。弟景雅範。有年未遑。續尾一事。清夜思之。愧汗難洗。昨二小子。將今歲秋審。在朝冊籍。並刑部收詞。審理卷案。統稍與弟覽。諸凡全以寬釋。好生為心。弟因註空冊十二本。稍去。務將每行經手。矜全之事。係何省何人。明白填寫。冊上一月。稍一次。以盡區區之心。明伊輩辜之意。即大

續垂棘編三集十卷

七

五經堂彙編

小子抵任之後。亦註空冊十二本。每日上堂。務要好。事二十件。今日不足。明日補之。一月後。稍迴一本。將原被名姓。填寫明白。倘有急玩。欺誣者。不俟上司。即親往行法。矣。算來一年。可有八千件。告天之事。弟生平。雖有虛願。其如力不從心。何。虛度七十餘年。在世。全無一用。乘茲二子之時代。完未了之愿。豈因伊等得位。為樂哉。不過稍釋隱憾耳。老盟翁。當何以教我。乞直言明示之。以便遵行也。理學書並小子言。沐手領訖。多承高誼。遣伴發下。謝謝。當與立命格。迪吉錄。並傳。仲宣好談因果。今殆現身說法矣。雪夜下馬渡舟。留錢百尺竿頭。拭目以觀。更進。虎西

萬準提庵解嘲

徐弘先

客有問二欽主人者。曰。官居部郎。而僑寓庵觀。得勿非體歟。余曰。唯唯否否。官有尊卑。署有大小。寓之廣狹。視乎其人。余以一介寒微。濫竽西曹。家既貧矣。署又且冷。位既卑矣。俸又且薄。方乞米長安之不暇。而遑計居處乎。其萬準提庵也。非矯也。宜也。何宜乎爾。余進署以後。即指天為誓。凡引律斷罪之時。若耍一分錢。即墮十層地獄。然猶恐其發諸空言。不能見諸實事也。居是庵也。以聽神明之鑒察也。且也。朝夕乾惕。聞鐘聲而警。怠惰之氣。聞經聲而動。慈悲之心。鮮得一條。律勝讀三部法華。活得一個人。勝造七級浮屠。慈悲之心。鮮得一條。律勝讀三部法華。活得一個人。勝造七級浮屠。

續垂棘編三集十卷

八

五經堂彙編

圖居是庵也。慘酷之念。油然而化。不必齋戒。而自齋戒矣。更有潛消罪過者。存心雖云無私。引律恐或偶誤。不知之過。非藉懺悔。何以免此罪譴。居是庵也。訟過知非。時時省察。或可告無罪于天地鬼神矣。然則余之寓準提庵也。非矯也。亦非禪也。宜也。客曰。信如子言。將居庵觀者。為是不居庵觀者。為非歟。余曰。不然。居之廣狹。視乎其人居之既安。又何庵觀之足云。客於是默然而退。聽神明之鑒察。告無罪于天地。總完得見諸實事。不徒托諸空言之意。昔吳伯璵著刑戒。聞鄒南皋議勒石于刑部堂中。如石果存。應當補此文于旁。以作箋註。以為托諸空言者警。虎西

讀律要言序

徐弘先

昔人云○律有以准○皆各其及○即若八字○各為分註○冠於律首○標曰八字之義○相傳謂之律母○又云○八字者○先賢指示讀律之要○必先為會通融貫○而後可與言讀法○今年秋○弘以部屬微員○濫竽西曹○受事以來○日夜冰兢○惟恐律例未諳○有負職掌○有干○聖訓○貽譏賢士大夫○急取律文八字之義○而讀之註之○猶虞其言簡而意未悉也○既而得明德先生讀律佩觿○一再披閱○其于八字之義○反復推論○比類曠觀○詳盡無遺○乃復喟然曰○讀書不讀律○致君光舜終無術○昔賢教我矣○爰錄八字廣義○附以鄙見○雖於全律○未必盡晰○

續垂緘編主集十卷

九

五經堂彙編

苟能明其大指○則引律摘取○庶不借亂差忒○師心自用耳○至若律書開載○條例頗繁○第刑名以人命強盜為重○七殺六賊尤為律中大條○又士君子所當究心也○及閱治安文獻○復得大司寇蘇石水先生七殺六賊總論○闡發律意○明而且確○並輯八字之後○恭以清律用告同事○共相留意○總期仰體○皇上好生之心○不失古人制律之意○敢曰專習名法○徒工刀筆已哉○隨其職守所在○而盡心盡力焉○便是真經濟真學問○王陽明曰○既有官司之事○便從官司的事上為學○信哉○善讀者不得止以讀律律之○
彪西

讀律要言跋語

徐弘先

謹按以准○皆各其及○即若不過八箇虛字耳○與全律何與○不知定罪引律之時○意輕意重○欲出欲入○正在此八字中○引之生則生○引之死則死○一字之間○生死攸分○可不慎歟○况律者○一定而不可易者也○引律者○原情比罪○而不定者也○倘平日不將八字之義○爛熟于胸中○一旦大獄在前○心旌眩搖○茫然無據○勢必假胥役為指南○旁訛案為金鏡○幾何不殺人于刀筆之下哉○故明德先生于八字之義○反覆詳論之○而愚小子不憚註之輯之○而復重梓之也○否則全律雖讀○引斷終無當矣○

續垂緘編主集十卷

十

五經堂彙編

咎由李官也○孟子許其見知○可見明刑弼教○殊途同歸○合觀序跋兩作○方知今人薄視刀筆者○只是學問不透徹○
彪西
文青為仲宣次子○幼遵家傳○穎悟超人○年未弱冠○登丁酉賢書○閉戶下帷○留心經世之學○其餘緒散見于詩文者○予既收錄垂棘晉詩中○今甫拜刑曹○即殫心律例○不負庭訓○而庭訓復諄諄致戒○答于書其一証也○憶仲宣于予○訂交三社○在乙酉丙戌○講學之餘○好談降祥降殃之理○今雖行年七旬○有二而猶不怠宜乎文青之所學如此○附記以堅仲宣父子之志○又識

慎刑要言序

徐弘先

世言刑官不可為以愚觀之刑官不可為而可為也特視其慎與不○慎耳慎則福及生民不慎則殃流後裔慎則免功令之忝罰不○慎則召鬼神之譴責慎矣又須明明則無冤明矣又須公公則無○私公矣又須仁仁則無刻以至慎之心加之以至明之識至公之○念而行之以至仁之術用刑鮮有不當者載觀史冊皋呂明允簡○平仁及百世申韓深文苛激禍及子孫是非其明效大驗歟余自○初秋脩員西曹目擊折楊之具耳聽敲朴之聲用是惻然心痛而○益滋懼每輒一人則咨嗟嘆息曰何此人之無知而犯法也每定

續垂棘編三集十卷

十一

五經堂彙編

一罪則反覆流涕曰何此罪之求生而不得也每點一囚則潸然○下淚曰何此囚之求入牢獄而不能出也每閱一招則掩卷而嘆○曰何此招之定為鉄案而不可開也尤有可矜者一現審也口供○未確衆證未明而胥吏曰揆此是真則以揆此而殺人者不少也○一科抄也恩赦當援參罰當免而胥吏曰不便遽議則以不便而○作弊者更多也余於是益滋懼矣爰輯慎刑數則用以自警即以○勸人又附感應十條蓋以見慎刑者歷歷有應如此則不慎刑者○之陰譴隱罰可知矣書曰作善降之百祥作不善降之百殃易曰○積善之家必有余慶積不善之家必有余殃此之謂也凡我同官

續垂棘編三集一卷

十二

五經堂彙編

君子敬爾由獄上體皇上欽恤之意下開斯民並生之路勿恃○聰明勿任意見勿以獄已成而無事平反勿以限已迫而潦草塞○責勿以一已之喜怒而意輕意重勿以傍人之囑托而故出故入○勿萌染指之念因貧民而刑及富民勿受仇人之誣因有辜而累○及無辜勿為一己之考成視人命為草菅而嚴刑酷炙勿奉上司○之意指以人命為違迎而羅織鉅罪嗚呼一念不慎上帝臨汝天○道好還厥類維彰然則明耶公耶仁耶慎耶司刑者尚其事事留○心時時加意誰謂刑官不可為哉

起庭堅而讀此文應亦首肯

鹿西

○曰召譴責曰禍于孫曰必

有餘殃曰上帝臨汝取出一片真心腸要與鬼神質是非木石○讀之當亦動心又評

附署聯

常將不忍存天地

能到無冤長子孫

上帝好生人應體

聖明寬大臣何功

揆此二字殺人不○少當慎而益慎

不便一言存心多○私宜詳之又詳○合讀三聯文青之存心行事既



論時政疏

徐弘先

題為

聖德之憂勤已至臣工之因循宜飭亟求直言以圖時政以迓天休
事○臣惟帝王之仰答天心而加惠民生也必有格天之實心奉若
不違而後五行叙而八政諧致一世於豐亨之象必有勤民之實
政厚生正德而後六府修而三事和致四海於樂利之休然代天
者君也代君子民者臣也實心愛民之主乾惕於上尤賴有實心
任事之臣奉行於下苟奉行之得其人則庶政咸理庶績咸成於
以進於時雍風動之化也不難我

續垂棘編三集十卷

十三

五經堂彙編

皇上以天縱而兼學問之功以守成而兼開創之才以明斷而兼寬
大之度以仁孝而兼恭儉之德事事法先舜無一日不憂勤惕勵
而化雋唐虞言言遵孔孟無一時不誠意正心而道接洙泗巡江
浙而省耕省斂施數百年未有之曠典閱河工而利國利民垂億
萬載不朽之神功清刑獄而廣肆赦刑期無刑軫民依而恤艱難
治益求治紀綱皆已整飭典章皆已釐定教化皆已興行風俗皆
已丕變百姓皆已殷阜寇逆皆已削平邊陲皆已底定荒服皆已
來臣此開闢以來君德之隆未有如我
皇上一統之盛未有過於今日者也豈尚有政事之或失者哉豈

尚有德意之未至者哉豈尚有所謀議能仰贊

高深者哉乃猶

聖不自聖廣求直言而諮以時政之得失雖帝之有皆王之有訪無
以過也臣伏處草茅志切匡時思得一得之愚以為
與朝拜獻者久矣歐陽修有言曰士患不見用及用矣又曰非吾職
不敢言是終無可言之日也况煌煌
清問實式憑之敢不直陳無隱以對揚
休命乎臣聞之天地交而成泰陰陽和而致祥此必然之理也今者
兩澤未足致歷

續垂棘編三集十卷

十四

五經堂彙編

睿慮之殷殷者臣愚以為非
皇上之德意有未至政事有未得也皆諸臣奉行德意政事者之職
未盡也如一圖治也
皇上勤而諸臣怠如一用人也
皇上公而諸臣私如一明刑也
皇上寬而諸臣刻如一敷教也
皇上敬而諸臣慢如一巡省也
皇上勞而諸臣逸如一祈禱也
皇上誠而諸臣偽

皇上未嘗負諸臣諸臣實負

皇上耳臂之天道下濟而地道不能上行此兩澤之愆期而時政之未盡得也誠使内外文武大小臣工勵潔清之操敦和衷之雅破因循之習振玩愒之氣以愛身之念愛君則利害必悉以謀家之計謀國則處置必周化情面為肝膽則議論必當轉推諉為擔當則負荷必力其在部院必先公務而後私事務使源清而流潔其在督撫必先正身而後率屬務使大法而小蕪其在郡縣必先撫字而後催科務使足其衣食其在學校必先德行而後文藝務使正其人心其在士師必重民命而去煩苛務使當其情法其

續垂棘編三集十卷

十五

五經堂彙編

在將帥必汰老弱而察虛冒務使捍其封疆於以上輔

聖君至盛也仰格蒼昊至順也則萬年有道之長胥本於此又何政

之慮其有得而或失而亟亟直言之是求哉臣芻蕘愚見不識忌

諱仰祈

睿慮施行

鳳鳴朝陽鵲擊御殿邦之司直微斯人吾誰與歸

此為文青官西曹主政時應試

瀛臺筆也聞閱卷者驚嘆贊服進呈

當中有直言敢諫之譽程璜曰若聖則臣直猶信又評

無半梓刑譜

徐弘先

一凡國一國者係行一起好事非一件也其人其事俱有日記手抄不敢明書姓名者特恩出自皇上臣子不敢貪為己功必欲默記功國者違父命不敢不記也其實男之心事不為陰功不為名祇求告無罪於君父云爾一凡一國者內有活一二人者有活四五人者有免奉一二官者有免奉四五官者有免死減等者有全人婚姻者有斷出為民者有已定死罪而直開者亦有少責幾十板少打幾十鞭者總國一國非一人事也又有國上加尖者係說堂交通行天下援赦免罪者

續垂棘編三集十卷

十六

五經堂彙編

此日日遵行生生無窮者也又有連國數國者係一日内一起事

連活十數命也又有以而復加國者是再三說堂必使立新立絞

者似乎足過然其人係真正光棍真正土豪惡紳殺一二人以安

千萬人人人俱服俱感者細思之却是一功所以以上又加國也然

而書功不書過者何也非諱過也亦非無過也無心之失不得而

知必不能自專之事不得而主即堂上亦有掣肘者男返之此心

不要錢不徇情此心無愧維皇上帝實鑒臨之惟於朝望之期焚

香告天而已謹錄於左以上大人

聖賢學術表傑作用菩薩心腸盡在此一篇質朴文章中

哭父文節數字

徐弘先

天○乎○痛○哉○人○誰○無○子○我○父○何○未○得○見○不孝弘一面而竟長遊耶人誰無心不孝何未得見我父一面而竟求別耶天何不殺不孝而乃禍延及我父耶不孝果何罪於天而乃遭此大變耶乙丑哭吾母今又哭吾父不四年而疊罹由禍人即鐵石能不痛傷欲死耶客歲五月遵父命入京赴補我父送至河橋洒淚而別初以為父子之間離別常情誰知牽衣數語竟成永訣耶秋七月不孝叨補西曹秋八月長兄倖選富平我父曾開顏而笑嘗以手書勉勵不孝月常數至不孝視事西署上體

續垂棘編三集十卷

七

五經堂彙編

皇上好生之德○次體吾父行善之心○一年餘多所開釋○祇期積德於冥冥之中○增父福延父壽○誰意天不從人耶○今歲勉力供職○蒙堂上嘉其勤慎○連署數司五月○瀛臺御試蒙二中堂特薦兩經○御覽許以直言敢諫○不孝日期恩拔以慰父心○豈知官方陞而親不待耶○六月間不孝聞父偶病○日夜憂慮○七月接父手書云○偶得水瀉服藥即愈○汝萬勿聽人傳言之妄○過于憂慮○以灰爾心○不孝信為無恙○益加勉勵○八月初三○蒙堂公以才能許薦急報父知○豈知已在病中耶○八月二十忽見家書云○父病偶重○不孝心魂俱飛○淚下如雨○祈天誦經○求神問卜○十晝夜不眠○即欲告假省親○兩次

哭訴於堂○皆不見光○日盼家信再至○即棄職養親而不顧○三發書而竟無回音○方謂父病漸愈○初不知其病之危且重也○八月廿五

叨陞副郎○幸父心稍寬○豈意九月十一日書至而父已歸天耶○嗚呼痛哉○誠知其如此○肯戀職連親一日而離吾父膝下耶○聞計之日痛悼欲死○越半日始能出聲○數日昏憤人事俱忘○急報于堂上○皆為悼傷哀號之餘○念吾父一生積德○不孝倖忝京員○不於此時計開京邸○何以對吾父于地下○雖俸薄職卑○米珠薪桂○即典衣賣身○亦必竭力爰于廿一開弔○廿五止弔○幸蒙閣部九卿親弔○親奠垂淚相勸○我父在天之靈○其亦少慰矣乎○不孝終天之恨○究

續垂棘編三集十卷

十八

五經堂彙編

何能釋也○稍無憾者○客歲十月幸遇單思十一月又蒙恩賞我父受封沐恩矣○天何不再假我父數年○登受榮封○求享祿養耶○痛哉痛哉○不孝即欲從我父于地下○伏念毀不危身○聖賢教之○自今以往○祇以哀毀餘生○報効朝廷○即以顯揚吾父○不孝弘今奔喪歸家○復首七矣○靈兮歸來○其享茲五獻乎○嗚呼痛哉○尚饗○焦金沙曰○廊廟有夔龍○庭闈有曾閔○張廣壁曰○孔云繼述孟云尊養○詎有異義○張若園曰○痛不忘親○哀不滅性○李祖公曰○忠孝至誠之言○合觀諸評○益知其妙○如對生父說話○一字不假○西

哭四弟文

徐弘先

痛哉四弟○汝何一疾竟亡也○耶○汝何一疾竟亡而爾兄竟不知也○
耶○客歲五月○爾兄入京赴補○諄諄囑汝善事吾父○汝何先吾父而
竟長逝也○耶○方汝之初病也○爾兄不聞及汝之病深也○爾兄不知
汝何不急報爾兄以救汝也○耶○迨悌男書來云○汝反胃急需虎肚
吾始知汝病恐其難回○星夜置藥包程而下○祇冀汝服之即愈○孰
知病入膏肓也○耶○後聞汝病重○爾兄晝夜不眠○急與父書救汝性
命○再與兄書助汝藥資○併諭吾子盡心調理○屢書問汝○祇云少愈
再四稍方亦無回音○孰知汝已亡而家人猶諱之也○汝之沒也在

續垂棘編三集十卷

又十八

五經堂彙編

昨歲臘月初一○爾兄今歲正月○猶與汝誦經百卷○祈汝消灾矣○四
月廿七○猶與汝設齋○經祈汝延壽矣○汝其知耶○其不知耶○嗚呼
痛哉○以汝之性○既孝且弟○以汝之心○既公且直○以汝之量○既寬且
洪○宜乎長壽○云胡辭辭以死○耶○所謂天者不可知○而人者不可恃
與○所謂理者不可定○而數者不可測○與○汝之文章○無愧科名○汝之
聲望○久重膠庠○吾方望汝致身清華○與爾兄同列朝班○疇意汝竟
如此○耶○今爾兄奔喪歸家○既哭父○又哭汝○血淚俱乾○想汝在天之
靈○能不恫而茲值小祥○撫柩奠汝○顧汝三子○年皆尚幼○立身成名
爾兄教之○男婚女嫁○爾兄任之○汝之心事○或亦可以少慰矣○乎但

汝既先吾父而逝○汝在九原○其善事父母○盡孝于冥冥之中○吾將
傳子于不朽矣○汝其默聽吾言○嗚呼痛哉○尚享

立身成名十六字○凡遇兄弟無故者○不可不知○凡遇兄弟有故
者○不可不知○鹿西

文青之四弟仲宣之四子也○諱孝先○邑廩生○性孝學醇○同人僉
稱出類○曾晤郡邑諸廣文先生○俱有文學翹楚之譽○辰之冬○念
仲宣老而增哀○余憑其棺且哭且慰○仲宣握余手歷述其孝親
敬兄之實○將來余病間欲成一傳○附記于此○再按恠惻惻即文
中所謂三子尚幼者○並記以堅文青任教之志○又評

續垂棘編三集十卷

前十九

五經堂彙編

胡其玉記書後

曹續祖

康熙己巳夏六月一日路廣文奉上檄求洪洞五經堂全書來余始見三錄合刻中五經堂續記一篇記胡其玉卒後為神事有所謂其玉諱璵沁源明經死而為神事在戊辰六月廿中其玉諱璵沁源明經死而為神事在戊辰六月廿中正好講中庸拘方之見不得怪所不可怪觀范先生論定而以一誠字為結撰蓋誠則明明則神靈爽不昧正氣行天死而不死理之固然異也乎哉越七月二日余適與沁源地師史翼卿會即問其玉翼卿曰其玉為神事誠有之然其玉長者也其為神也固宜乃父諱來質以明經將上京應廷試寔甚遺其玉銀伍錢為其家

續垂棘編三集十卷

十九

五經堂彙編

買水其玉值貧戶逋賦在刑者盡出其銀與之自行河汲水一日街行拾遺囊二十金實里長催輸田賦也里長醉遺之酒醒哭覓不得將捐命其玉驗實立還之其玉敬字紙於城市村落遍置焚字爐人皆化之拾字如約其玉嘗如介休度猪窩嶺遭燒虎來攫其玉仰天祝曰吾不媿天亦斃於虎耶虎俛首去又同其子如洪洞借一貨即行過神佛嶺虎曳貨郎嚙而斃其玉追及以袖拂之虎棄走其玉收貨郎屍歸其大者其玉素以孝聞一夕夜分家婢起春穀母氏往春所監視之其玉聞而弗遑寢亦詣立母氏側母揮之歸其玉曰母在此兒能高枕卧乎其誠孝類大率如此噫

微翼卿言吾意中固知其玉有此等也久若茲其玉不為神而誰為獨怪物之最悍暴者莫如虎負隅捕食人雖有百十人氣勢操挺刃逐之少不為動者而其玉以一書生叱之即竄伏不敢肆非其玉之誠有以勝之耶嘗觀古人之所為經可徙虎可渡或遣負舟之龍或斬入水之蛟其英風凜凜至今猶在天壤而不與草木同腐者皆此誠也寧有伏虎之其玉而死焉有不神者乎異也乎哉

開幽快微一善不遺作者之心術既見大畧○其玉善行頗多意欲成一傳未遑今讀此文喜其先得我心因摘予去歲哭其

續垂棘編三集十卷

十

五經堂彙編

玉詩數句以志同心詩曰其玉從我十七年問道心誠志更堅有時負笈來視予不聞風雨與山川又曰對天對地對衾影暗書功過三十本又曰道路曾拾二十金力訪故主見初心又曰萬事擺脫直等閒惟有老母為徘徊虎西

有得即錄叙節數句

曹續祖

頃五吾同年友也戊戌會試初識於長安道中一見相歡結為好兄弟別後十七年無音問余每念之越甲寅頃五以避地教授宜川之狼似神寨寨與吾寧止隔一衣帶水於其秋頃五一筆航之來余作款相談信信而去丙辰頃五再來留吾卧雲洞中兩日夜出一編貽余頃曰有得即錄實頃五開道之書也已未又來贈余所著詩文若干篇其義大約與語錄同既而聞頃五之長公渭南廣文任潼關憲副某禮聘主開中書院聚徒百餘人講學憲副待之甚恭養之最厚而頃五未幾以疾卒雖然頃五死而實有不死

續金棘編三集十卷

廿

五經堂彙編

者在余初見頃五與之談詩詞猶以頃五為文章之士及再見之而頃五談舉業津津猶似工於舉業者丙辰見語錄始知頃五前此之談詩詞談舉業無非談理學而余不識也原本代書弗工字蹟模糊讀之頗費眼力乃求吾友安慶徵校正繕寫別為善本珍藏中實可與五經堂諸書並重而藉以發余龔讀者也頃五之為人神情開爽逢人講學一化拘儒板腐之陋而俗人無識或笑以為粗鄙而狎易之如白東谷者亦謂之言行粗率嗟乎此皆皮相頃五者也孔門高賢不免有愚者魯者辟者喭者而頃五坦率任真正天性本色不假雕飾以為貴者而豈曰機言機動學鄉愿

奸險以悅人始謂之變化氣質乎是則假之而已矣頃五不為也

同聲相應同氣相求陶菴頃五其人其文殆與一之矣

按頃五姓白諱壽宸陝西清澗人順治甲午舉人隱居不仕生

天啓丙寅卒康熙甲子享年五十有九再按頃五門人韓孝瞻

之言曰有得即錄凡六卷不名語錄者先生自謙也他所著書

有四書抄四卷四書參疑四卷易經抄三卷書經抄一卷詩經

抄三卷春秋集註十卷春秋或問一卷禮記抄一卷太極解一

卷西銘解一卷左傳評六卷公羊穀梁各四卷檀弓文評一卷

孟子文評四卷莊子評六卷離騷章句六卷史記評六十卷古

續金棘編三集十卷

廿

五經堂彙編

文溯三卷文選評十卷杜詩評十二卷唐詩抄八卷韓文評十卷韓文選三卷明詩抄二卷四書易書詩名抄者謙不敢解經也不敢異集註亦不勦說卓乎自得之言也春秋名集註者合諸家以解經也唐明詩名抄無評也又曰先生居身節儉待人寬厚遇大禮節侃侃正論不則恂恂如也足跡遍天下請業者即竭肺肝以示先生之學無所不窺歟不究術數以為術數不易究且亦無用以理觀之思過年矣嘗原本內經宗法丹溪著有醫書抄二卷余節錄大畧以志景行又識

贈二張義行序 節數字

曹續祖

大德張氏世業儒先是建孔聖祠於村肯先師像而下凡十五位
其中祀之洎明季崇禎八年邑尹丁公重修縣學移置肖像於學
廟而大德之祠遂寢廢迄今五十餘年故址猶在而宮室禾黍孔
子門下人無有過而時焉者張之子孫曰璞曰瑗度書而農也有
此○定是以○人情為田者
年矣作而嘆曰祠作於高曾之謂何而衰於中葉且不可今則丘
墟焉詎但自逸聖化之外而究何以見吾祖於地以下於是兩人
執牛耳糾其衆得財僅若干量為度規舊祠而小之成一堂造聖
賢像位置如故功既訖其族人稍稍向人言予聞之文學馮象九
續垂棘編三集十卷 廿一 五經堂彙編
象九喜動眉宇謂予宜會同人造祠展謁且登拜璞瑗兄弟之門
而獎與之不可不有言噫世俗不明分義往往私建廟宇誦事鬼
神三家之村必有淫祠比戶之中都龍佛像如吾孔子者至聖至
神功在萬世宜其家祠而戶祝之也而問之民間反無數椽之棲
半豆之享微但愚民雖為孔子之徒者沐沐泗之榮澤亦惑於竺
乾之禍福求所為辦香之報過孔廟而一拜者曾無幾人也璞瑗
兄弟固農民也實相習而奉燃燈奉教之人焉耳而猶且夢醒平
旦藐燭火而依日月之光則凡為孔子之徒者其又當何如耶雖
然璞瑗兄弟業已尊吾孔子矣毋使於香火間祈靈也二氏冥福

杳不可知而孔子之禍人者如應手而取携焉誠能力田之餘教

其子若弟出皮閣之書就孔子之堂而講習焉以明孝弟以振青
紫無難也不依然儒術家舊風而無愧於爾建祠之先人歟如曰廟
享吾夫子既為牲殺奉祀之人而猶或斷葷燒燭以夾雜乎其間
竊知璞瑗兄弟自今伊始斷斷不為也予故樂道而豫張之
千古義舉一代手筆近日奉

肯纂修幸魯盛典不知總副諸名公可採此軼事附見旁註否
盤屋李中孚徵君昨寄所著二曲集內載益下王心齋樵夫朱
光信吏胥李珠宦匠韓樂吾商賈林訥農夫夏雲峰賣油傭陳

續垂棘編三集十卷

廿二

五經堂彙編

刺夫成卒周小泉綱巾匠朱貧士等雖所造淺深不一俱留心
聖賢列名道學而為徵君所觀感者寄語二張予亦有觀感之
嘆願二張亦以心齋光信諸前輩相感彪西

遷家佛於寺堂告文 節數字

曹續祖

佛慈悲而清淨者也○慈悲故天下之人樂親而祀事之○清淨則居止憇息宜在名山勝剎○避人幽潔之處而不樂擾攘雜沓○混跡於塵俗間○無如世之事佛者○不知心佛之心○行佛之行○而徒欲近佛之先○以為求佛於名山勝剎○遠莫致吾敬也○不若各致之爾室者○便乃為肖梅檀銅鐵之像○龕而祀之內寢之中○瓣香膜拜○妄行祈禱○嗟呼夫如是其褻佛也甚矣○而佛豈福汝哉○何也○釋迦文佛逃父母妻子○隱雪山○自己家屬尚且厭之○而肯寄寓人家○受居室聒聒之擾乎○良家子女素嫻閨訓○雖親而兄弟伯叔猶有男女之別○

續重棘編三集十卷

士三

五經堂彙編

佛西竺人也○非親非故○入人內寢○即婦女計不及此○而佛號聖人○豈肯冒男女無別之嫌乎○况內寢之中○牀第起居○能免私狎耶○孕婦產育○能免穢濁耶○飲食烹飪○所熏蒸○能免葷血惡臭耶○稚子童孺所偃息○能無便溺淋漓耶○吾家供有銅木佛像若干位○力不能別為建屋以祀○而亦在內寢焉○吾懼其辱吾佛也○於是月之吉日○拂拭焚香○捧頂而遷送石城寺○告之曰○佛請往矣○屈在吾家幾十年○藝佛辱佛○不可勝計○知佛寬仁○能相恕○而不吾較者也○吾實悔悟而為佛卜此居○夫此石城寺者○雖非花宮名區○頗有堂殿之幽潔○可以棲遲偃仰也○頗有僧徒之侍奉○可以群類相宜也○頗有鐘

磬香燈之供養○可以神情瀟灑○不為五濁塵土所混也○佛哉佛哉○昔出汝家而反屈在吾家○今去吾家而以再行出家○遷居寺堂○不亦得其所哉○此舉也○非吾驅佛而之遠也○非吾避佛而不敬也○全佛清淨之本然○而不敢有褻焉○實吾恭於事佛之至意也○佛如有靈○必能鑒吾心者○佛請往矣○謹告○

列子載孔子稱佛為西方聖人○隋儒王子宋儒程子○亦有佛西方聖賢之譽○但其教止可行於西方耳○吾儒北學於中國而反乞靈於西域○是謂異端○彪而○此文與佛骨表事同詞異○不止使學佛者逃而歸儒○直可令為

續重棘編三集十卷

廿四

五經堂彙編

佛者笑而趣避○又評

此與贈二張序並見大寧志○陶菴著述極正○而不可多得○如此又識

請正木主詳文

賈佩徵

太原府太原縣儒學為請正木主○以崇祀典○以尊王制○事竊惟禮莫大於祀聖○義莫重於尊王○維我○國朝制作明備○海內遵守而尤崇儒重道○加意學校○其於先師廟內○木主之題稱位次○以及從祀諸儒○罔弗準古酌今○著為成法○今國子監現行之例○繁若日星○斯直省郡縣諸學○所當恪遵罔斁○以昭中外一體之盛者也○平職甫蒞本學○仰瞻木主○紕謬殘漏○不勝驚駭○以題稱論○自先師神位誤之位外○四配內○子思誤子思子○兩廡內○巫馬施施誤期公孫句茲孫誤祖孔忠孔誤子幾仲叔會誤叔仲會孔安國誤子國子安

續垂棘編三集十卷

又廿二

五經堂彙編

國周敦頤程顥程頤邵雍張載朱熹六子先賢誤先儒○其他賢儒俱誤如澹台成明誤澹台子名成明之類○以位次論○十哲內○如東第四位宰子誤仲子之類○凡六○東廡內○如第三位南宮适誤商瞿之類○凡二十四○西廡內○如第二位高柴誤公冶長之類○凡二十九○東廡內○如左丘明誤入西廡之類○凡十○西廡內○如秦非誤入東廡之類○凡十○以從祀論○缺位者○如李侗薛瑄之類○凡八○夫題稱位次之誤○其在聖賢諸儒者固多○而惟周敦頤程顥程頤邵雍張載朱熹六子為甚○查明崇禎十五年內○禮部詳議周敦頤等六子○皆弘闡聖真力闢佛老○精微廣大○真得孔孟不傳之秘○今列在諸儒之

內頗有未安○進改先賢衆論○愈允○遂改題木主○訖○維我○國朝由舊弗變○是題稱之不可誤者○如此○康熙二十二年內○國子監疏請宋代周敦頤等六子位漢唐諸儒之上○於世次似有未安○禮部議覆宋代周敦頤等六子羽翼六經○有功聖學○其與漢唐諸儒論世次之處○無容議奉

旨依議在案○又康熙二十五年內○江南學院題請兩廡賢儒位次○自左丘明而下○當儒同論代同論年九卿詹事科道議覆國子監賢儒位次遵行已久○不便更張○相應照現行例行奉旨依議在案○是位次之不可誤者○如此○至於從祀一項○張栻從祀在

續垂棘編三集十卷

三

五經堂彙編

景定二年許衡從祀○在皇慶二年○陸九淵從祀○在嘉靖九年○李侗從祀○在萬曆四十二年○薛瑄從祀○在隆慶五年○王守仁陳獻章胡居仁從祀○在萬曆十二年○維我○國朝亦復因之○不易是從祀之不可缺者○如此○此皆纂入大常寺會典○洪洞進士范鄣鼎刊有成書○歷歷可考者也○不意本學淆亂闕畧○歷有年所○卑職初經受事○不敢因陋就簡○有負官守○願捐薄俸○照依國子監現行定例○更製木主○誤者釐正○缺者修補○其賢儒字號籍貫○即書本主之陰○用防混亂○伏候憲臺批示○以便遵行○更有請者○太原密邇會城○聲教易訖○而猶缺誤如許○其他各府州縣學○勢必參差○倘蒙槩行查核○崇

祀六而尊王制或亦有助於一道同風之化也為此敬備前由繼
寫國子監現行題稱位次從祀圖冊及本學現行題稱位次圖冊
理合具申伏候憲臺詳奪施行須至申者
提學李批

提詳更正木主釐定位號知其留心于聖道久矣如詳逐一更
正仍候通行各學繳

此為廣文先生第一正事不知諸郡邑廣文先生視之以為迂
否為正否迂者迂正者正請自得之 虎西

關雎首風詩說

張京俊

關雎后妃之德也近有詩說歸疑宮人作之謂若是文王宮人則
文王未娶豈得先有宮人若謂夫人勝妾何得先知其寤寐反側
之狀若曰王季宮人亦何所係其憂樂又琴瑟鐘鼓若指文王則
近港指宮人則近媚又何以風也此詩皆是設辭被之管絃以代
箴銘制時業者遂以為新奇不知其繆理之甚也凡詩書不得實
用皆是看詩書直作文章而不得古人之性情也故以設辭目之
不思事為可有言何必不實事不可有言何必設周公又何以設
辭誣其先人垂之風詩孔子又何以贊之不容口也朱子曰宮中

之人自指得廣凡保母巷伯傳導侍御之人皆是不專指勝妾也
觀之大明之詩曰文王嘉止大邦有子是知文王有聖德王季慎
擇其配且以文王嘉止之年大邦有子尚未字人是知太姒聖德
其父母亦不輕以字人兩慎選而德配德故曰天作之合也朱註
于憂樂二章皆呼此人此德世不常有則是聖女之德流聞禁掖
當華國之未遽許文王何能無心王季太任及宮中之人亦何能
無憂也于其始至宮中之人見其窈窕淑慎真足以配君子而成
內治聆琴瑟鐘鼓而前日之憂勞頓釋不覺喜溢于辭而為是詩
若切身之憂樂故朱子釋以喜樂尊奉之意不能自已即易所謂

交相愛也。於是知后妃之德矣。夫睹草而可以驗風之縱橫，審影而可以知木之曲直。試味衛風之大夫風，退勿使君勞，便可想見莊公之輕佻。詩人之味憂樂如此，則文王太姒之性情穆然可思。宮中之化穆然可思，王季太任之德穆然可思，是敦厚正靜誠愛皆於此詩中見之。孰有美于此者乎？故周公著之首風詩，而孔子贊之不容已。朱子於此人此德二語鄭重之，已得孔子說詩之肯綮矣。是朱子註詩有甚精當，未可以新說議也。

崔仲皋先生關雎解，每疑宮中之人句無處安頓。因將荇流二章作后妃廣於求助說，此文却謂宮中之人自指得廣，識解絕

讀重刊編三集十卷

十五

五經堂彙編

頂惜不能起仲皋於九京而質疑為之三嘆。鹿西

陳六謙丞安邑，陞令深澤，將行寄予一冊曰：文學張半陶係前丁酉榜濱州守，張諱文德，哲嗣年已八十老而好學，舉世莫知。今有近作數篇求正。云附識以見六謙之一善不遺如此。

書舜陵考辨後

張京俊

余有舜陵辨，看陵寺僧質余曰：古昔亦有辨之者乎？茲備述以廣其聞。辨論數十家，大約在蒼梧鳴條二語。即余所謂孟子史記是也。考蒼梧之語出自檀弓，鳴條一語見于孟子。二賢皆可尊信，然問之蒼梧無鳴條，實以鳴條無蒼梧，疑在是故辨在是也。不知虞夏之墟，蒼梧鳴條皆在也。禹營安邑，即鳴條之離宮。安邑舜陵，即蒼梧之野也。山海經薄山之次有條谷之山，即安邑南山。今名中條，謂中經之條谷也。是以有鳴條之名，其山木多槐，桐比十里。超山其陰多蒼玉，桐梧古通名。因物產又有蒼梧之名，故竹書註

讀重刊編三集十卷

共

五經堂彙編

云：鳴條有蒼梧山也。今帝陵在安邑鳴條岡大阜之上，非蒼梧之野。而何今蒲州有蒼陵谷，一名蒼龍峪口，雖有蒼陵之名，而無蒼梧之實可考。似不得與安邑較長矣。且蒲去鳴條宮百八十里，安邑去宮六十里，安邑城南即虞坂，東南虞山之上，虞故城在焉。此之葬也，何不可而遠就于蒲耶？知此則南巡守崩蒼梧之言亦非矣。蓋天子有事於外，皆稱巡守。春秋之狩于河陽是也。安邑在平陽南三百里，則史記南巡守即竹書居于鳴條崩蒼梧，即孟子之卒于鳴條也。孔氏或有聞于古，而史記誤實之以葬九疑也。若國語之云野死，謂卒于離宮，非帝都也。由是言之，則前辨之九書可

合觀數十家之考辨歸一無疑矣

出經入史○據理揆情○當與同邑呂見齋先生舜陵廟記○並存○以採史官採擇○呂記得之安邑志中十年前既收入垂棘第二集第二卷內○龜西

續垂棘編三集十卷

七

五經堂彙編

三記月蝕既狀辨暗虛之非

張京俊

順治丙申閏五月望○月蝕既是歲十一月十六日酉時○月蝕又既○閏月十五日壬戌望○月初上時未昏也○東方少缺○如有黑雲遮掩者○頃之星出○月在斗牛之間也○東去斗魁五尺許○斗在月西○光爛若常○月東一丈許○暗無一星○月中蝕形作規狀○似為圖形所掩者○蝕過半而魄影現○月東之星亦現○自半至既蝕狀倍加疾焉○蝕既光若自南盡○月蝕既而魄影獨存○其體甚赤○久而光不復○若人行二十里許時○自東南復光○光纔復一線○地上便有影○蝕既時魄影雖存而地上無影也○順治庚子九月十五日丁卯○月蝕既始昏月

續垂棘編三集十卷

八

五經堂彙編

見東南方初上也○已蝕過半矣○自下蝕乃東北方也○近月丈餘無星○蝕過處全暗○通無魄影○有頃蝕既○既處餘明一線○又頃亦沒○不知月處竟久○彷彿見明○似雲籠星影狀○又頃若人行數里時○既處漸明○吐出魄影○頃之魄影復圓○赤如朝霞○又移時若人行二十里許○明漸趨東北下方○而西南上方○既處漸暗○頃之東北下方露光○而西南魄影暗○久之魄影復全○及光復將半而月在已方矣○康熙甲辰正月十五夜○月在已位○蝕既自月初虧至既不移一時○較常蝕時甚快○自下上蝕復亦自下而上○其復時晦時遲速與蝕時略相等也○此月蝕狀也○其初虧自東北下方者何○日光下地球之西

北也其蝕處無星者何星月皆借日為光其無星處地形所蔽虧也月蝕其光而魄影獨現者何月見日則生光日為地形掩月映日影則成魄影也蝕過半而加疾者何地球形圓中廣而上下皆坡側日下初在坡側處則暗遲過中廣則暗倍疾也蝕而無魄影者何日月同緯或當地球之中蝕處不得望見日影色也蝕既而上方微明者何日旁地直下其光倒射大虛月背承其影於上也頃之既處復漸明吐出魄影者何緯度已移月高處復見日影也約人行二十里明趨東北下方而魄影復暗于西南者何日西下地球過中日影自地球下復與月接也故東北復光而西南魄影

續垂棘編三集十卷

元

五經堂彙編

全暗也又頃魄影復全者何從東北之日影也甲辰之蝕獨速者何月行北道蝕地球之邊狹處故蝕光晦體復明皆倍疾也申子二蝕其晦時遲又約人行二十里者何地球倍日月之數也昔人謂當月蝕時使人處太虛而望之三九當如一線此謂蝕時一偏之平處日月地球如一線非謂其大小類也二十里許時日行其一隅則大于日月遠甚甲辰十二月戊午朔日蝕如金環是月球又小於日球也由是觀之則日月地三球懸于太虛日陽外光月陰內影地則全暗地處天中日月推移而上下之故日蝕必在朔月與日會從而蔽之也月蝕必在望地當日月之中虧其望處也

則月蝕為地形所掩無疑矣若曰暗虛則中無隔物何其光影虧復先後上下之參差如是乎

龍門天官書博與極矣終不若程朱之說顯而易見或曰日月星辰此為天官家言吾輩可畧也觀程子日月薄蝕之說朱子星辰燈光之喻乃知作者苦心

先君易傳序 節錄

張京俊

先君之易傳直以元陽之氣為易之槓幹故知乾元之始而亨者至利貞乃性情也剛健中正純粹精固元陽之性利貞之後乃人之性也知易有此而從來論性之葛藤斷矣又曰文王說乾元亨

續垂棘編三集十卷

廿

五經堂彙編

利貞孔子說乾元純天御天又說變化正性命聖人原不分說理分說氣知易有此而從來理氣之葛藤斷矣又曰孔子於乾坤知險知阻各加一德行字則坤之德行仍是陽知亦是陽若謂坤質柔體開則世間陰柔之物絕無靈明之知絕無剛正之念絕無活動之機乎則知能德行非陰中之陽而何知易有此而從來氣質之性之葛藤斷矣

可與讀書錄困知記恭看 鹿西

虞部高寓公先生傳畧

戴廷斌

虞部姓高氏名承挺字寓公曾祖文登膠州知州生贈工部屯田清吏司郎中林生萬曆己未進士道素歷仕工部郎中以監督桂王府第風雷震圯寢殿為權璫黃用嫁禍冤死公少時學主王文成有志用世及遘家難上書學使者棄去弟子員會學使者黃鳴俊重其才不許公追思文成有講學不廢進取之說遂發憤讀書適蔡忠襄公懋德為分巡嘉湖道右叅政兼僉事公師事之學日益進崇禎己卯舉浙江鄉試庚辰成進士出翰林院編修胡文節公守恒之門筮仕遷安知縣下車即嚴禁奸豪投充四姓佃戶

續垂棘編三集十卷

卅

五經堂彙編

別為徒黨者使盡復其里社四姓者烈皇后父嘉定伯周奎貴妃父都督田弘遇神宗壻駙馬都尉萬燁勲臣撫寧侯朱國弼也公又勤於課士識拔左都御史劉鴻儒為名臣其他如請減陸運津糧二千石賑饑存活數千人招撫流移復業者一千七百戶開荒三千餘畝修城一百二十七丈此文成治廬陵遺法也調繁寶坻縣地近輦轂民間私自開割者甚衆公援孝宗神宗兩嚴旨禁止且開導人良知護惜父母遺體是時連歲大荒南北寇盜蜂起上命以却敵全城者畀上賞壬午冬十一月大兵入被圍九日不下癸未四月朔再臨之環攻二十四日守禦益嚴不能克朝野壯之

續垂棘編三集十卷

卅

五經堂彙編

文選郎吳某嫉其功譖於考功郎劉某中以大計法當調簡巡撫王繼謨巡按韓文銓巡關御史衛周胤察辦城守御史蔣拱宸合疏爭之烈皇帝詔曰高承挺全城却敵功在封疆仍着從優另叙而銓曹心害公卒調涇縣公以涇之水西書院為先儒過化地每群士子於中講文成之學朔望則於學宮督課不倦厥後乙酉涇城陷教諭周泗訓導劉守中貢士趙瑋太學生趙崇雅諸生趙初浣趙鶴趙純仁趙大中左宜之王日望張載達張學載張一偁劉嘉儒士趙崇炫等死節者五十餘人豈非公平日激發忠義之功歟先是甲申三月十九日都城失守公在涇聞變以頭搶地誓衆曰吾不報國何以見吾師蔡公胡公於地下已而南都立遷工部虞衡清吏司主事伏闕訟父冤上愍之詔吏部覆議准復原職受誥贈如例復拜疏為九世祖文忠公請得如革除死事諸臣補祠定謚即乞歸養母歎曰權相當國天下事可知矣金陵不守奉母村居病不呼醫越三載而沒得年止四十六涇人祀之水西文成書院所著有稽古堂內外集大言可扶世教微言可證道心盡以付其子佑鈺藏焉戴廷斌曰詩書所載忠孝節義萃於一門者為難不知忠孝節義之人得孝子慈孫更難也文忠公之謚非虞部不定屯田公之冤非虞部不白虞部之忠孝又非念祖不傳念祖

讀書尚友守先代之訓而表章祖父功德蓋能以忠孝世其家者也詩云無念爾祖聿修厥德觀虞部命佑銘之字以念祖其無媿文忠之舊德哉

文氣周詳較錢謝諸作有集腋成裘之長

弘光皇帝南渡初謁孝陵告奠畢即顧問懿文太子寢園享祀云何都人傳其語以相訝及其即位命修舉革除典禮追尊上祀悉予遜國諸臣謚優卹備至北轅不歸父老言之皆潸然出涕或歎曰惠宗讓皇帝再來也繇此觀之太嘗得援群忠例議卹施及雲孫沈寃昭雪因緣進會豈偶然哉又曰余作高氏家

續重刊編年集十卷

世三

五經堂彙編

傳表而著之後之傳史無以痛恨權奸之故抑沒主德則余有厚望焉

清文疏

楊敬儒

為敬陳湖南清文之利弊以增國賦而裕民生事臣具官臺末學識迂疎不敢以懸揣臆見屢煩宸聽伏念作吏楚中時民情之休戚久已有懷入告今幸叨言路敢不罄摠所知以仰體我皇上一方南顧之念乎切惟湖南經吳逆兵燹之餘荒熟混冒賦役不均茲蒙特允撫臣題請察行文量仁政必先經界生民之福也今大丈一舉利弊交集在上者馭之太縱官吏易以叢奸在下者求之太急閭閻又必滋擾今開丈伊始謹縷列五款以備皇上之採擇焉一曰禁委官以省騷擾府佐閒員平日垂涎州縣

續重刊編年集十卷

世四

五經堂彙編

匪朝伊夕一經委任則供應浩繁開丈押冊之間皆有常禮兼以坐守催提春文必妨農務夏丈必損青苗百姓之騷擾不堪言矣今惟禁止委員令州縣官自行清理乘民便而假時日則地方安靜之福也一曰寬隱匿以消詐報荒歷年已久山野愚民開墾私種者十或一二倘不肖官員指欺隱公田名色乘機追究將朝廷清畝之典實開貪蠹網利之途矣請明為申令縣許出首免罪于現年起科有司不得再加勘問則人皆樂報隱匿盡出也一曰豁賠賦以甦積困當年報荒之時權操里長賄賂公行富者指熟為荒貧者誣荒為熟甚至產無立錫而錢糧虛賠者有之矣今

幸逢大丈使田多糧少者有增而有糧無田者不減甚非所以恤窮民也且履畝踏勘荒熟有無瞭然在目請將實荒與無田者確查除豁斯積困一甦而窮民之子孫盡被皇恩也一曰簡冊藉以杜科派上下書役通同一氣事關錢糧每假取冊為由一駁則曰格式不正再駁則曰總數不符及需求遂而竟束高閣矣冊費所由滋派今請大明之後花名細冊在本州縣存案其報上文冊祇開原額清出總數冊頁既少所費亦蕪州縣官可以自備庶幾奸吏不得借事生風矣一曰減則例以勸開墾報荒之先後不齊額有新老二種新荒日淺今已漸次全開至老荒田地或侵入湖

續垂棘編三集十卷

五

五經堂彙編

港水落見而水漲復沒或長成榛莽今年去而明年又生如責以原額用工甚苦獲效甚遲百姓所以畏縮不前也請嗣後老荒田地聚以下則領墾明示以六年起科之例庶勸墾者衆野無不耕之土矣凡此數端誠使身任地方者能以實心行實政則事可不煩民可不擾上之隱漏盡開而惟正克下之賦役式均而包賠息湖南一路農桑樂業咸鼓腹于盛世和恒之化也臣從國計民生起見字稍逾格如言可採伏乞勅部議覆施行

陳清文之弊井井有條部議施行拭目望之

鹿西

均楚鄉試疏

楊敬儒

為請均楚開南北科舉之額以勵人才而廣教化事竊惟上天之生才原不擇地而帝王之取士必隨其方我國家崇尚經術三年賓興莫重于科舉較省之大小額數之多寡且一省中間有區別如順天則號分夾旦秦省則另編肆丁隨地求才因才効用總欲使滄海無遺珠而方隅悉被文教化也獨是楚開南北之間則不能無議者查通省舊例額中舉人五十三名自分藩以來隸湖北者八府隸湖南者七府二州其地方之大小士子之衆寡相等也乃秋闈大比入數者皆鄂黃漢沔之士而湖南一省每科不過

續垂棘編三集十卷

六

五經堂彙編

五七人此五七人者盡在岳屬至長沙數郡寥寥不聞焉穀之下方人文較集而湖湘京官絕無一人楚南文運之不振至此極矣伏思我皇上作人雅化遐邇率俾台灣且設師儒琉球亦遣入學文治之光華迥越今古而顧此中土數千里間人才零落教化不興豈非今日所宜亟講者乎况湖南固昔所稱材數也逮不具論即如故明夏原吉李東陽劉大夏等皆表表名臣而蕪溪周子有宋一代大儒鍾生其地今岳麓書院宸翰輝煌登講堂者生徒雲集正多士奮興之會尤當格外引掖以開其功名之路者也臣請于南北兩省三分五十三名之數以二分取之湖北

以一分取之湖南其編立號卷一如京關區分南北之例遠近兼
收而多寡不至于太懸抑臣更有請者楚國編望鄂清湖南衡永
諸郡有遠至二千餘里者洞庭之涉歷既險而寒士之資斧維艱
故入關之數在北者十恒八九在南者十僅一二應之少而欲取
之多不可得也岳屬全書額載科舉盤纏一項歷年係除荒支熟
請嗣後湖南所屬俱照額全給俾得沐皇上破格之仁恩庶幾
有志之士咸踴躍以急功名不至望洋而抱璞相泣乎從此鼓勵
日加英才日出臣不敢謂江漢有名賢而湖湘無奇士也臣因培
植人才起見仰祈 勅部議覆施行奉 旨該部知道

續重校編三集十卷

芒

五經堂彙編

北照引証直可坐言起行湖南人文必有聞風興起者無患今

部覆之無庸議也 彪西

吾鄉先達奏疏昔有太平楊全甫平定張日葵近有聞喜朱介
晉陽城田蕪三諸先生佳作予既收入垂棘等集以傳得此於
前有光又評

漕糧疏

楊敬儒

題為請別湖南漕糧之積弊以上克 天庾而下恤民膏事竊惟
軍國之大計莫亟於漕糧而民依之艱苦亦莫甚于漕糧况湖南
數郡幅員遼闊涉歷洞庭輓運尤為艱瘁而積年收稅之際其弊
有不可勝言者一苦于稅軍之一橫一苦于領運之措勦 朝廷
設立運丁一軍九幫行月原有常典乃運期一至額外橫生未稅
則水脚舡夫花紅酒席等項每石不下二錢方稅則十斛必有三
尖七斛仍高二寸繼以八兩八石四兩四石之名按舡增派百姓
歛跡而不敢視官吏隱忍而不敢呵此稅軍刁橫之害也漕米稅

續重校編三集十卷

六

五經堂彙編

完之後例取實收乃領運二弁把握居奇陋規一日不送則實收
一日不發且為之危其詞曰風波不測賠補責在經徵有司以考
成攸關不得不吞聲應命而濫擲金錢嗚呼非歛自民間乎此領運
措勦之害也查每年開稅調衛守備二員名曰監稅實為翼虎在
彼以漕臣鞭長不及惟視撫臣寬嚴何如耳再請 勅下撫臣如
有仍前怙惡不悛者即將監稅衛官立刻題參究以鈐束不嚴失
察犯贓之罪庶稅運各弁有所忌畏而稍知自戢乎至于省不亟
之浮費以杜侵食之弊源者其說有三一較斛之陋規宜革也開
征必頒制斛然而一年一換糧廩道府衙門重疊非盡飽吏胥之

腸則耽閣不下是防重欽實以滋吏蠹也請下令有漕州縣選堅木製鉄葉釘裹赴道驗正後鑄以年月花押嗣后通年徵收準為定式則一斛可數拾年不變而假公營私之弊絕矣一樣米之常例可省也漕糧上關國貯潔白乾圓始免浥爛故竹木二桶預解京淮所備查驗也然呈樣不過虛文而舡艚未必一色為經承者動指京淮二費為名則科派緣此而起矣臣以為宜停此例惟令過淮抵通逐舡細驗與其憑一袋之米而龔合難槩丘山何如驗全船之米而顆粒無非珠玉乎一官倉之修理宜亟也湖南郡邑倉庫蕩然一空催收寄頓總操于里長之手官與納戶無從見面

續重刊編三集十卷

范

五經堂彙編

也因而包攬折乾無所不有及臨稅周章懸欠累累而官民交病矣今使之設法建倉花戶親納則里長無權貯米在官則民房不賃計省二年私收之濫費即可成百年不朽之困廩矣大抵漕糧一項國計民生所關甚大官吏省一分之費則百姓露一分之恩司漕政者所當亟力釐剔云奉旨該部議奏

除弊必悉弊之原委去害須洞害之顛末非平日實心民事者恐說不出即說出亦是拾唾餘錄套本耳安得詳明痛快至此○庚午中夏偶讀邸抄得楊君數疏喜其句句訐謫因稽仕籍更喜為吾晉翹楚先錄三首適觀厥成瑤篇徐來引領望之西彪

析箸訓畧

田自立

遵先世忠厚起家之道體祖父勤儉貽後之心兄弟友恭骨肉親愛怨怒不蓄患難救扶日用衣食要節儉而勿務侈奢人情禮節止親故而勿攀豪勢非分之福勿妄徵恐干王法不義之財勿貪取恐碍天理勿作無益而害有益勿交匪人而敗身名勿忘恩德而為短行勿結冤仇而招怨尤僧道星相固宜敬遠清客異術尤當謝絕以謹好尚倡優師巫不容入門隣佑婦女亦少往來而肅閨閫勿聽嫉妬婦言致兄弟閭牆之變勿爭嫌疑小忿成骨肉戕害之酷兄弟何謂同氣一昧病則全體傷何謂連枝一枝動則百

續重刊編三集十卷

甲

五經堂彙編

枝搖試看手足垂展同室戈矛盛者幾家存者幾人至於存心尤為根本寧人負我莫我負人終身體行斯言斯心又易簣命其子生瑜曰父無多貽俟長可自圖也書若干卷悉以畀女其勉之哉字字箴銘當與七曲帝君戒士子文並傳○按先生生於萬曆甲戌卒于順治戊子享年七十有五詳見絳州黃太音所作墓誌中再按先生官懷仁時有致政一疏太音曾讀而嘆之曰與令伯陳情表茂烈終養疏同一擊篤知言哉西彪

續垂棘四集序

文以載道也載道之文無如六經四子闡明六經四子之文無如宋周程張朱而世之綴文者曰宋儒頭巾語耳學之其腐矣寧學左國秦漢唐宋大家庶足膾人口而悅人目嗟此所謂大祿擲菽麥而手捧良玉爲鼎珍也饑不堪啖將餓而死雖肉好奚用哉況左國秦漢唐宋大家

續垂棘四集序

曹

之文雖飾詞章亦未嘗不白事理苟學之而僅師其詞不師其意縱章雕句琢自以爲錦繡琳瑯而識者視之不啻瓦礫矣於道乎何裨此師問范聘君先生所以廣正學編而有晉國垂棘之選而徵君婁山先生淵源祖學又爲之續編不一而足也續之初集二集三集予已得盡讀之茲四集又成四卷先生郵寄命予序予安能

贊一詞雖然予不能文亦不敢僭評垂棘之文

但窺先生數集所收錄文品種種非律以一家言亦左國亦秦漢亦大家至亦有紹述太青更不廢巷語方言總取能說周程張朱之理可爲六經四子羽翼者爲定本所以琬琰固賞爲至寶而礫金亦珍爲有用其一切燕石礧礧足以淫道惑世者直沙汰而不少留故集名垂棘正

續垂棘四集序

曹

先生褒重文品金玉正學之本意非徒博採而爲玩好之具者也客或曰先生輯有明三百年理學不拘拘取晉儒而文章之選專以晉人爲一書得無偏重垂棘而魯璠與趙連城楚白珩梁照乘朱結綠俱無足問乎曰先生晉人也垂棘之選在晉言晉也若夫三百年來海內諸儒之文廣羅精擇載之廣理學備考中無慮千餘

精奉爲拱璧美不爲不多矣有目共覩亦奚
煩他人遺珠之慮也客曰是是

康熙乙亥冬十月

大寧後學曹續祖頓首序



續垂棘四集序

曹

續垂棘編第四集目次

卷一

徐弘先 見三集五卷

修律自愧文

寄諸子書

勸倡義文

再勸倡義文

董其恕 字 安邑文學

告荒呈文

王聯捷 字 肇如臨汾縣人順治丁酉副榜

十六景詩序

續垂棘編四集目次

邵嗣堯 字 子昆猗氏縣人康熙庚戌進士參議

在籍候選疏

候選議

臧羅疏

段宗義

字 道復絳州文學

積穀備荒問答

曹續祖 見三集七卷

壽王明府序

海說

黃希聲

字 太音絳州人崇禎壬午舉人

觸物施弁言

求仁說

楊敬儒 見三集十卷

恤奴僕疏

閻擢字公拔絳州人順治丁酉副榜

煮粥碑記

二卷

武全文字藏夫孟縣人順治丁亥進士歷官參議

趙文子遺跡

張潤民見三集六卷

勸止投請又敦勵實行文

曹績祖見三集七卷

續垂棘編四集目次

修觀音堂記

暢鯨字河津人崇禎間文學

殉難疏

師謙見三集二卷

易解序

周易四聖說

周易四儒說

周易諸儒說

續垂棘編四集一卷

洪洞范部鼎彪西南彙選

男朝孫錦金抄錄

修律自愧文

徐弘先

修律難矣哉全律不熟難也群書不博難也增減不當難也註解不詳難也立心不平難也意見不同難也律例不一難也主張不專難也持論過刻難也前後不融難也余小子自入律館追陪修律之例夙夜冰兢夙夜惶恐寢食於律例之中有時而豁然有時而茫然有時而明者復暗有時而暗者復明有時而愈思愈疑有時而愈看愈真再進而加詳焉始曉然於古人之意旨而猶不敢

續垂棘編四集一卷

一

五經堂彙選

自恃也質之同人証之各書庶幾是矣乎而未也又從而辨之註之此心終覺歉然也嗟乎修律難矣哉修律之難尤難於辦事何也在署辦事活得一人止活一人枉得一人止枉一人若修律則事關千秋日日遵行開得一條即活千萬人刻得一條即殺千萬人修之當其功甚大修之不當其罪不小嗚乎可不懼哉余小子思及此際又不禁戰慄不禁涕涕惟恐一字偶差一條偶錯有負皇上好生之心一罪也有負堂堂揆館之意一罪也而且混改前人律一罪也貽害後人之命一罪也嗟乎修律難矣哉即草率從事漫不經心備員可矣其能無憾於心乎其能無贖於官乎其能

免學士大夫之譏笑乎然則如之何而可也○惟有竭吾之力竭吾
之心○師法古人相與有成○以盡吾職業已耳○古人云○罪疑惟輕功
疑惟重○又云○與其殺不辜○寧失不經○此四語者○古聖人制刑之本
意○即我皇上重修之盛心○體此意而行之○則亦庶乎其可也○敢
自命曰○修律云乎哉○
於筆歌墨舞中○却帶解網泣罪之意○文情文思○空絕前後○
彪西

續垂棘編四集一卷

二

五經堂彙選

寄諸子書

徐弘先

京師開暇○重將律書細閱細批○不禁廢書而嘆曰○古聖人制律○
一句一意者○有一句數意者○有一字一意者○有一字數意者○總之
一片哀矜惻怛之心○不欲輕致民於死之意也○嗚呼○古人何其詳
而且慎也○今人引律動則曰○律文如是○苟如是○是亦當矣○而律文
中小字不察也○又曰○條例如是○苟如是○是亦詳矣○而條例中虛字
不察也○甚而引斷不確者○有之○援引過刻者○有之○天理王法之謂
何○而乃疎忽若是○不幾負朝廷而誤殺天下蒼生耶○夙夜以思
祇覺有愧職掌○隨發一願○併撰二聯云○地藏王菩薩發願地獄不
空誓不成佛○弟子今亦發願○囹圄不空誓不司刑○又聯云○欽欽欽
欽○猶光於小○刻番詩之○內意欲願○日不○重出○
欽○獄獄之日○斷罪之時○事或冤枉○怕怕怕怕○無心之失○不明之過
報在子孫○二聯云○欽欽欽欽○偏執之見○太刻之條○多殺人命○欽欽
欽○怕怕怕怕○各出之情○明知之過○即累本身○怕怕怕怕○又常貼一聯
云○只守法只奉公○只為國只愛民○絕期仰答○君父不要錢○不異
勢不通情○不任性○即此上報○朝廷同僚諸公○見者競相傳誦○以
為箴銘○然奉為箴銘○則吾豈敢共相勉勵○予日望之○特寄爾等佩
服○毋數為異日臨民之本云○時壬申三月十五日也○
鉄石讀此也○慈悲○何況吾儕○
彪西

續垂棘編四集一卷

三

五經堂彙選

勸倡義賑荒文

徐弘先

哀我三晉○罹此四殃○諸郡皆饑○平陽尤甚○雨澤愆期○麥不登者三
夏○旱魃肆虐○秋無成者二年○旱而蝗○蝗而蝻○蝻而雹○天乎胡至此
極也○富者貧○貧者窘○窘者餓○人今將何以生哉○室如懸磬○個個皆
鵠面鳩形○野無青苗○處處盡荒田○赤地流離○載道攜男攜婦而堪
憐○餓殍滿途○轉溝轉壑而待斃○千村夜月○幾無犬吠之聲○孤嶺陰
風○都傳鬼哭之事○觀此困苦○顛連○皆吾輩剜心之痛○但餘殘羹剩
米○即小民續命之膏○敢告仁人君子○任力所能○不論升合分文○隨
心而捐○縱鬻一田○典一屋○賣一衣○銷一器○亦無損巨室之身家○苟

續棘編四集一卷

四

五經堂彙選

救一夫○全一婦○存一老○恤一孤○總皆是眼前之功德○况夫生同里
而居同鄉○安忍見死不救○且也非吾親○而即吾故○何得漠不相關
倘遇厄○不憐修寺造塔○以奚貴○若有財○不散泉壘庫積○之何為○吾
聞麥舟義倉○尚聲施之未泯○即如渡蟻活鵲○猶報應之不誣○善雖
小而當為德○以施而愈大○捐不在豐○要於輕財○助不論多寡○期
於當厄○鄉自賑○鄉共敦○出入相助之義○鎮各濟○鎮豈無彼此互報
之誼○凡我簪紳士庶○必有同心○即彼天地鬼神○寧無陰鑒○甚勿曰
我方饑○餒何暇顧人○又勿曰我若多施○恐疑我富○甚勿曰我開善
端○善門難開○又勿曰我即施○捨所濟能幾○不知活得一人○是一人

陰陽延得一日○是一日○福澤幸發○義舉共施○仁恩庶可○下救人命

上感天心○以慰我

皇上賑濟窮民之至意○並無負賢郡侯為民請命之苦心也○已
心無私澤與天同物○我乾坤一本○中隨分而施○無不受方知仁
體合言公○此朱文公性理吟也○移贈此文○庶幾不愧○處西
雖以呂忠節為藍本○而情更切於呂○又評

續垂棘編四集一卷

五

五經堂彙選

再勸倡義賑荒感應文

徐弘先

竊○惟○有○施○必○有○報○天○有○眼○而○人○亦○有○心○能○感○即○能○通○神○能○佑○而○鬼○亦○能○護○作○善○降○祥○積○德○多○慶○自○古○及○今○斷○乎○不○爽○昔○朱○承○逸○居○雪○之○城○東○門○為○本○州○孔○目○官○樂○善○好○施○偶○值○歲○饑○承○逸○以○米○八○百○石○作○粥○散○之○其○歲○生○孫○名○股○熙○寧○登○榜○第○二○人○仕○至○中○書○舍○人○次○孫○肱○隨○亦○登○第○遂○為○吳○興○望○族○李○謙○嘗○遇○歲○歉○出○粟○千○石○以○貸○鄉○人○明○年○又○歎○人○無○所○償○謙○即○對○衆○焚○券○曰○債○既○償○矣○越○明○年○又○大○歉○謙○竭○家○貲○煮○粥○以○濟○之○動○以○萬○計○死○者○復○為○瘞○之○一○日○假○寐○夢○一○紫○衣○人○告○之○曰○上○帝○知○汝○有○德○及○人○報○至○爾○後○言○訖○而○去○後○謙○壽○

續垂棘編四集一卷

六

五經堂彙選

百○歲○而○終○子○孫○數○人○皆○為○顯○官○賀○繁○然○為○諸○生○時○從○秀○水○姚○思○仁○巡○按○山○東○目○擊○中○州○之○饑○自○草○疏○勸○姚○上○疏○請○賑○全○活○數○十○萬○人○陰○司○即○冥○記○其○功○後○貢○隨○成○進○士○官○吏○部○郎○子○孫○皆○世○其○業○書○香○不○絕○嗚○呼○賑○施○若○彼○感○應○若○此○而○功○名○而○壽○命○而○子○孫○皆○獲○厚○報○載○在○史○冊○彰○明○較○著○凡○我○鄉○人○亦○何○苦○而○不○為○也○雖○曰○為○善○者○非○以○為○報○要○之○報○應○之○理○亦○豈○可○誣○也○哉○倘○以○小○善○無○益○而○不○為○一○毛○不○拔○為○得○意○不○知○多○藏○厚○積○忍○值○天○災○人○病○亦○能○令○人○頓○盡○即○不○然○而○子○孫○不○肖○亦○能○蕩○廢○無○餘○又○不○然○而○民○窮○盜○起○公○肆○搶○掠○雖○有○粟○吾○得○而○食○諸○思○之○思○之○終○不○若○廣○施○賑○濟○為○人○心○所○愛○戴○

為○天○心○所○降○鑒○為○鬼○神○所○欽○敬○為○公○祖○父○母○所○獎○譽○絕○不○期○報○亦○地○方○中○一○大○豪○傑○一○大○君○子○也○伏○祈○仁○人○長○者○恕○予○之○誑○辜○諒○予○之○苦○心○共○發○慈○悲○同○結○善○果○是○則○予○之○所○日○望○也○夫○是○則○予○之○所○日○望○也○夫○

呂忠節四勸救荒五勸掩骸得其意者惟文青一人 鹿西

續垂棘編四集一卷

七

五經堂彙選

告荒呈文

董其恕

為叩謝

皇恩

復陳疾苦○祈天上聞○以達民情○以廣帝德○事竊惟天災流行○何代蔑有○極民水火○必待深仁○堯水九年○成天大業○傳自古湯旱七載○自禱仁聲○頌到今○可知天愛賢主○不必盡賜豐年○人樂聖君○正以時逢歉歲○今平屬不幸○四載旱魃○為虐○魏地幸深○一時蝗蝻交集○東來潞府○西踰黃池○南連中州○界北過龍門○山統蒲解二州○在其中○共安臨十邑○居其內○災雖分乎上中下○苦莫甚於安夏間野無青草○夏秋未登○粒粟室如懸磬○歲月烏能空度○個個鴻哀鼠泣○

續垂棘編四集一卷

八

五經堂彙選

誰憐楚女之腰○人人鵠面鳩形○莫救魴魚之尾○斗米七○百文糠粃○亦得入市○斤菜四五分○草木不復生○茅糝藜藿而瘠○饑瘵藜藿得多少○剥榆樹以延生○榆樹能得幾何○少壯者糊口四方○沿門乞食○呼人爺娘而不應○老弱者轉死溝壑○無人掩埋○飽彼禽獸而誰憐○黃以東○餓死橫野○天地於焉色黯條之北○腥氣冲天○鬼神為之夜哭○父棄其子○夫拋其妻○八口人家去五六○此斃於家○彼逃於外○十戶鄉庄留一二○食粥男兒聚廠門○蹶地躡死○不忍顧○逃荒婦女跋山路○搬足泣號○不堪聞○舍家鄉○猶敢跳去○河南如歸市○怨親老而難行○委之城市○盡作他鄉之鬼○恨子稚之帶累○置諸道路○哭殺無

主之兒○白面書生各傭主○朝收暮逐○紅顏女子○娼人先張後李○

人食人肉○食其肉且燬其骨○獸殘人屍○身在此而頭復在彼○立而

視死者○若置之罔聞○仰而號天者○實無處聲訴○雖醫得眼前瘡○苦

此瘡醫而彼復生○即剗却心頭肉○奈肉已盡而剗不止○平陽石太

守親來查驗○詳察三四處○不覺慟地而哭○天安邑俞文林捐俸煮

粥就食千萬人○無如人多而米少○撫憲勒恤民隱○為請借賑於

天朝○聖主好生如天○即沛特恩於山右○移平粟緩其征○十二都中

將斃饑民○咸聞風而起○舞給之粟○散夫銀二千里外○食德俄夫俱

北叩而歌祝○蓋皇恩固已稱極矣○然民情猶有可訴也○太原移

續垂棘編四集一卷

九

五經堂彙選

粟河東路經千里○雖名有而實無○窮黎挾家南竄○土氣不宜○又遭瘟而多死○幸今夏雨一犁○深殘餒稍安○却苦目前麥三寸○秋實難到○且遺耕悉少力之人也○矧秋成在未定之天○乎緩徵雖至七月十丁已亡八九○開徵苦累包賠○勢必留者亦散○嗟乎烟火望絕十里外○傷哉雞犬不聞四境中○今躬逢我皇上仁擬堯舜○義擬禹湯○豐收之年○尚且各省蠲免○被災之地○豈復令其封納○况山陝同災○何彼地蠲而此地否○且均屬赤子○顧秦人孝而晉人逆○但民情聞諸上者○不悉自聖惠逮之下者○未盡○躬被其災○親嘗此苦○饑餓堪憐○不啻水深火熱○雲霓致望○惟期日

照月臨○痛民生之不聊○奇荒徒甚此一方○欲繪圖而入告○君門
實阻於萬里○茲蓋伏遇代天大宗師大老爺德並皇變○天王殿
是任才擬周召○聖主心替為托駕過此地○自目擊而心傷○仁念
所發必詳陳而脩告○草野愚生不知忌諱○瞻天顏於咫尺○敢瀝
血而陳訴○倘得入聞我○后自爾更沛○皇恩○矧視○九天渙雨
露行將三晉起○歡呼先免惟正之供○可使存者不去而去者還來
再發帑金而賑○即云死者不生而生者猶可不死○豈不枯魚得水
一方歌再造之恩○已死復甦○萬代頌重光之德哉○恕誠惶誠恐○稽
首頓首謹奉狀以聞○

續華林編四集一卷

十

五經堂彙選

拙選不收四六○以其有書卷而無性情也○性情書卷合而為一○
如此文吾復何憾○
救荒文用四六○却能無四六堆砌之病○前有呂介孺兵部近有
徐文青刑部得董文學允可鼎立○又評

十六景詩序

王聯捷

世法盡解脫○不得一味逢迎○殊失本來面目○余是以山水成遊癖
也○久矣○嘗慨然曰○登山觀水之趣○真令人心曠神怡○眼界一空○唯
志同道合者○乃不敗興○不則一主一僕○一簞一詠○致足樂也○壬戌
之役○余登太行○涉大河○攬轡中州○寄跡維揚○城外幾於荷花盞中
討生活矣○既而渡洋子江○望三山○泛舟姑蘇○開訪古寒山寺○不可
得遊法墓○縱目太湖○醉虎丘之千人石上○飲憨憨泉而醒○醒後遊
遂得選勝於西湖○靈隱天竺○孤山保叔塔飛來峯諸名景次第而
覽○輒數日不能去○去後渡錢塘○潯陽諸江抵閩粵○歷建寧延平福

續華林編四集一卷

十一

五經堂彙選

州諸名郡○造真西山夫子之鄉○一憑吊焉○凡所歷一花一鳥一草
一木○楓樟榕杉海潮湯泉○異人異地○異事異物○以及飲食笑語隔
絕天壤○無境不奇○無山不秀○無水不折○噫○觀止矣○歸來乘桴浮水
漸大章數十灘○攀仙霞嶺出西江○歷艱走險○頗覺得志○尋復步勝
王開泛鄱陽湖○臨流觀廬山瀑布○詢嚴子陵白居易范蠡淵明舊
蹟○惟有蘆白烟清綠水黃花而已○噫○天地逆旅○光陰過客○振古如
茲○何足恠哉○友人復拉余於金陵上寶塔絕頂○瞻古天子氣極目
吳楚間○萬派千流水光如練○雲氣摩空○幾不知余身上通天際○嗟
乎人知山水之樂○而不知余樂山水之樂○每因境憶人○因人觀景○

古○往○今○來○畫○覺○本○來○而○目○俱○現○相○得○是○又○在○山○水○之○外○敢○曰○天○南○
勝○際○余○一○人○遂○開○歷○殆○盡○耶○邇○來○吾○鄉○中○正○聲○已○頽○風○雅○幾○絕○辰○
星○落○落○遠○興○亦○孤○偶○接○十○六○景○之○唱○和○若○四○君○者○是○何○其○志○同○道○
合○有○如○是○乎○試○看○這○烟○雲○聚○散○亭○閣○隱○見○山○色○淡○濃○流○水○曲○折○林○
樹○遠○近○和○鄰○湖○光○塔○影○花○翻○鶯○語○龍○吟○虎○嘯○月○白○霜○清○吾○鄉○之○勝○
槩○四○君○真○受○用○心○目○開○珠○玉○錯○落○筆○筆○勾○出○何○快○如○之○較○奈○之○一○
主○一○僕○一○觴○一○詠○者○更○進○一○籌○矣○幾○欲○和○韻○久○以○苦○塊○中○斃○斃○骨○
立○輒○開○筆○未○能○續○紹○亦○可○哂○也○噫○情○緒○可○知○已○
一○口○吸○盡○西○江○水○兩○腳○踏○到○須○彌○山○胃○中○豪○氣○作○如○是○觀○
西

續筆棘編四集一卷

主

五經堂彙選

壽昌記紫陽言行有曰○先生一水一石一草一木○稍清陰處○竟
日目不瞬○可圍殆幾幾乎○不然昔年同學時○見可圍有運筯截
柳之勤○閉戶下帷○何肯駕言出遊若此○又評

在籍候選疏

邵嗣光

題為請復在籍候選之例以遵

皇上已行之善政○以收吏治之實效○事○臣○以○已○廢○微○員○荷○蒙○皇○上○
天恩○特○補○清○苑○知○縣○又○蒙○皇○恩○寬○其○不○及○按○置○言○路○愚○昧○如○臣○
躬逢○聖○世○夫○復○何○言○但○候○選○為○吏○道○所○由○始○奢○儉○為○貪○廉○所○自○
出○謹○以○臣○所○身○歷○者○為○我○皇○上○陳○之○我○皇○上○德○化○所○及○幅○輿○
之○廣○從○古○未○有○天○下○候○選○官○員○遠○在○數○千○里○外○守○候○京○師○少○則○數○
月○多○則○經○年○掣○籤○之○後○月○餘○領○憑○盤○費○浩○繁○難○免○借○貸○京○帳○每○六○
十○兩○算○一○百○兩○若○借○六○百○即○算○一○千○到○任○未○久○討○京○帳○者○已○隨○其○

續筆棘編四集一卷

主

五經堂彙選

後○欲○不○取○民○得○平○應○選○官○員○吏○部○先○期○行○知○令○其○在○籍○守○候○有○無○
丁憂○病○故○等○情○亦○令○先○期○聲○明○各○以○該○撫○咨○文○到○部○為○主○每○遇○選○
期○吏○部○仍○於○天○安○門○外○公○同○代○掣○憑○發○該○撫○令○其○轉○給○到○任○彼○其○
初○入○仕○途○廉○隅○自○在○既○無○重○債○相○逼○誰○肯○甘○為○貪○吏○此○我○皇○上○
康熙○五○六○年○間○已○行○之○善○政○相○應○仍○照○舊○例○遵○行○者○也○如○果○臣○言○
不○謬○伏○乞○睿○監○勅○部○議○覆○施○行○奉○旨○該○部○議○奏○部○覆○無○庸○議○
奉○旨○這○事○情○爾○部○會○同○邵○嗣○光○議○奏○
從○貪○廉○著○眼○得○大○主○腦○連○篇○累○牘○冗○句○複○詞○儒○生○讀○之○猶○覺○
頭○岑○岑○重○以○日○有○萬○幾○者○乎○子○昆○諸○疏○言○簡○情○真○可○以○式○靡○
西

請復在籍候選議

邵嗣堯

臣邵嗣堯議得前臣條陳在籍候選一本誠恐天下候選官員路遠日久多借京債勢必取民以償有負

皇上愛民如子至意奉旨該部議奏吏部以在籍給憑恐有年老

丁憂病故詐冒四款迴覆奉旨道事情爾部會同邵嗣堯議奏

欽此臣於十一月十三日同吏部在午門外會議得康熙二十九

年二月二十五日部選題九江道程憲於三月初六日引見皇

上親見跌倒令其休致是年老一款部選未嘗無也鄭俊選富平

縣知縣至黃河丁憂是十憂一款部選未嘗無也又部選知縣崔

續垂棘編四集一卷

古

五經堂彙選

瀛到任十日而亡是病故一款部選未嘗無也至於辨別詐冒吏

部所憑者本縣官印結里鄰甘結耳是吏部認識詐冒不如本縣

有司鄰里認識之更真也吏部駁臣四款部選皆有之但多借一

番京債取償於民耳臣愚所議不免四款亦與部選同但省借一

番京債取償於民耳臣愚所議不免四款亦與部選同但省借一

民便依部臣議於放京帳者便伏候聖裁奉旨九卿占事科

道會議具奏

正色立朝既見一斑

鹿西

減糶積米疏

邵嗣堯

題為通行減糶積米以廣

皇仁以恤窮黎事康熙二十九年十二月二十一日臣見直隸撫臣

郭世隆揭帖稱奉皇上諭遷安等處米穀價貴民食為難務

期平減方濟民困撫臣已經通行遷安薊州遵化等處我皇上

念切民瘼無微不至超越前聖千古僅見誠有如撫臣所云者但

保定清苑等處捐納米內有高梁米先用水浸然後可碾又以九

月停例爭先捐納帶濕入倉堆積更厚春氣一動即便發紅苦不

堪食至夏即漚爛無用此項高梁米尤宜減價速糶者一也雖在

續垂棘編四集一卷

古

五經堂彙選

穀米亦由難於場即登於倉畧帶濕性終難久積况保定清苑府

縣各倉俱滿穀米委積民房寺廟宣大蔚衛等處亦然恐有漏濕

耗損之處必致官民賠補此項帶濕入倉委積寺廟民房之穀米

尤宜減價速糶者二也臣所見聞止於保定清苑以及宣大蔚衛

其餘捐納等處或有高粱米及新穀米委積寺廟民房者亦未可

定伏乞我皇上勅諭撫臣將凡係捐納州縣衛所但有高粱米

及委積寺廟民房之新穀米通行減價速糶不許富民傾糶既無

委積漚爛之虞而窮民得沾實惠至於二十九年減糶價銀除已

糶糶米還倉外下剩銀兩當此青黃不接之時不便糶米入倉若

一責令糴米入倉則米價益貴民食益艱莫若總俟秋成後糴則救荒有備而又免穀賤妨農之虞此皆天恩出自聖裁者也如果臣言不謬伏乞 睿鑒勅部議覆施行

如此經營幾於炊無米之粥矣然又不肯乞鄰稱貸止在甕鍋頭斟酌水薪內調劑已耳謀家謀國事異理同迂儒輩未許問道處西

續垂棘編四集一卷

六

五經堂彙選

積穀備荒問答

段宗義

甲寅春予辭李氏館課諸子弟於家塾是歲又值豐稔將舉吾兄傑生歲積穀備荒之事而卒業焉有客問曰積穀備荒之說令兄倡之於前子復繼之於後其詳可得聞歟予答曰吾兄學問經濟務求實效嘗謂民生首急衣食治世不外教養予服其言素矣是以不避踵事之誚欲觀其成夫天運循環有豐不能無歉邇來晉中屢豐然收穫一過貧民求一飽而不得豐年豈可常哉一遇饑饉立轉溝壑矣明之季世其前鑒也今當道屢有備荒之議豈民間不圖饑饉之需官長縉紳既積之於上吾儕小人亦積之於下

續垂棘編四集一卷

七

五經堂彙選

庶未雨綢繆不待饑而後索食也客曰稽古備荒者有曰義倉常平倉濟農倉義倉假手里胥而詐冒之弊多董以官法而徵求之禍烈不足取也常平倉豐年則糴以為備凶年則糶以濟饑法至善也濟農倉或以官鈔平糶或招民入粟補散官或犯罪情輕法重者聽贖為糶較本是否先有糶本而後可以言積貯不審予之積穀也將何以積備荒也將何以備予答曰不用糶本嘗考隋開皇五年度支尚書長孫平奏令民間每秋家出粟麥貧富為差儲之當社以備凶年今做其說值歲豐稔勸之捐輸使貧富自為備而已客曰迂矣今富貴之家積餘盈千累萬即遇荒歉猶然身衣

綺穀口飢珍饈彼原自富足又何須於備答曰富者備之非以自
為而為人也為人實自為也有三善焉惜福一也積善二也保家
三也請歷言之天之生物有數人之福澤無多幸而我為氣數所
鍾或席祖父餘業處於富厚然不持之以謙守之以節則不能悠
久綿遠今富貴之家競尚奢侈金玉錦繡之飾朝成夕毀務為新
奇每一宴會水陸畢陳賓主所食僅十之一率皆以醉僮僕飽狗
彘珍珍萬物極矣豈不折福乎故願富者稍從儉樸存其餘以濟
貧乏也人莫不知好善然往往為善而為未必善之事不遠千里
而朝山禮佛不吝千金而修寺建塔以至設齋建醮裝金塑像雖

續垂棘編四集一卷

六

五經堂彙選

發念本善要屬虛幻豈若積穀真能救人之死活人之命乎以活
人為善善莫大焉人心不古嫉妒者多每見富便之家私私計曰
某也大富盡駕之以禍某也有餘盡貽之以害而富者方且鮮衣
美食肥馬俊僕誇耀族黨或有乞假慳吝不舍至於責負錙銖必
校富固招怨而又益之以不仁貧者切齒久矣當豐稔之日人猶
畏王法恤廉耻富者得以安享其富至荒歉之歲饑饉將死之人
肯視富家之饕餮而束手就斃乎斯時王法有所不畏廉耻有所
不恤勢必起而奪之矣雖有粟吾得而食諸若積有多穀貧者得
食而富家可保乎是以勸富者積穀以備荒也客曰然則貧者可

無積也貧者終歲勞苦僅免饑餓目前且不足又何有於備乎客
曰貧者愈不可不積也不計之熟矣且如一家二人每食省一
米合而為合積合為升不數日而成斗矣若每食省一合米一人
不過少一口耳無損於飽而積久足以備荒吾家天生畀當明季
年荒時見一餓者將死昇以二斗粟後見其人問何以得至今日
對曰他無所資即以前粟雜野菜而食之延至麥熟遂得苟活計
其食每日二合米若二人之家有四升米便可十日不死有斗二
升米便可一月不死省自一合米而足以救死是以勸貧者積穀
以備荒也客曰若然但勸之各積於家不亦善乎答曰人情寶金

續垂棘編四集一卷

九

五經堂彙選

銀而不寶五穀金銀囤藏便遠服賈五穀頭著難於買遷吾絳富
家積金銀千萬者有之積穀至千萬石者鮮矣至於中人之產不
足之日多有餘之時少方其有餘猶有所積及其不足焉能守目
前之因留後日之需旋積旋費終不能積若積之於公則不能任
意取用庶可積久而備荒也客曰勸輸何時予答曰夏秋成熟之
時粒米狼戾人易於輸使其量入而出焉其無田可耕而有生計
者不拘銀錢與農家一例行之計每戶所出不過升斗積數戶則
可以石計矣其有好義樂施者則又不止一石計矣客曰若遭凶
歲如何給答曰量其家之貧富計其人之多寡先極貧後次貧

不得任意厚薄。疑賴惜使窮民取於公。如取食於家可也。客曰。凶年賑濟。不待言矣。倘積欠有腐朽之患。奈何。予答曰。歲雖成熟。有青黃不接之時。願出息稱貸者貸之。貸止一石。多不過一石五斗。微息以歲之豐歉為率。大熟每石微三斗。中熟微二斗。下熟取其耗而已。貴出賤入。不待凶年。始有益於人也。舊出新入。母出子入。不惟無紅腐之患。所積愈久。所備益裕矣。若非出息稱貸。不得以公家急需。借動升合。亦不得以莊中公事。擅用顆粒。客曰。三等微息。別於放債。終不失周卹困乏之意。是矣。大熟一徵其三。勿乃大過乎。予答曰。新穀必濕。積之日久。難免虧折。大熟所獲既豐。雖

續垂簾編四集一卷

廿

五經堂彙選

多取之。猶勸輸也。客曰。倘有豪惡強借。而不償。奈何。答曰。借有定時。非青苗在地。不得言借。防無收以備賑也。數有定額。無得過多。欲均沾其惠也。借而不償。及以糠粃充塞者。下年再不復與。勉人知廉恥。有忠厚也。客曰。主之何人。予答曰。推有德者以為之長。善處事能會計者以副之。客曰。倘主之者。浸漁奈何。予答曰。每一收發。謹登於籍。務使眾耳眾目。共聞共見。以示至公。雖或不肖。將焉用之。客曰。貯之何地。予答曰。吾族兄九章者。郡增生。當明季流寇猖厥之時。於莊之西北高阜處。創議建堡。未成而殂。康熙初年。乃孫武解元。與家兄傑生。續其緒。今規模粗定。人居漸密。將建舍

房於堡。以貯之。歲歉則備荒。亂世則備兵。均有賴焉。客曰。子意善矣。子謀周矣。不審別莊亦可行否。答曰。雖天下可行也。今吾絳城中。分有五方。即一方計之。其僅足自給者。幾家。貧而失業者。幾家。可以出粟者。幾家。勸之輸粟。悉如郵見。積之本方。公所方。可行也。城外各村各鎮。亦如予言之。各村各鎮。皆可行也。由吾州而推之。他州縣。天下何不可行乎。家兄所謂。匹夫有善。僅能行於一鄉。不能及於一國耳。若當道牧民者。加意於此。焉使一方自備一方之食。猶易易耳。不幸而天災流行。饑饉薦臻。朝廷不費公帑。官長不煩申報。民無奔走之勞。轉徙之苦。全活必眾矣。夫窮民活旦

續垂簾編四集一卷

廿

五經堂彙選

夕之命。國家即享磐石之安。升斗之積。其所裨豈淺鮮哉。客首肯曰。請為子再進一籌。詩云。靡不有初。鮮克有終。願子勉之。有終可也。予謝曰。謹奉教。是有望於繼我而起者。客去。語之家兄。兄曰。善。因命錄之以備前疏之所未悉云。陸宣公奏議恤民凡六條。其五為置義倉。以脩水旱。中如小乏。大乏一段。可謂曲盡民情。取而讀之。其周詳處。似猶讓此文一籌。彪西。許酉山先生云。凡說道理。須是古今上下通行得方妙。茲文深得此意。聞公按。

壽王明府序

曹續祖

庚午春正月得彪西范先生續刻已巳年譜特書冬十一月永和
王明府刷印五經堂全書以歸越夏五月又得范子手書有永和
王公特來執贊受業領去近刻書若干部之云予竊嘆曰賢哉王
公其出於時宦常情之外者乎范子名重今時凡朝紳外吏其傾
心向慕者誠不乏人然亦不過近而造訪遠而徵書以通其懇
請教之意而止並未聞有北面受經謙抑如王公者也公位通侯
於范子有鄰邑父母之尊而忘分至若茲噫此其事宜在今人所
甚難而公能之公豈修名也者為之耶然愚知公之意必有所急

續垂棘編四集一卷

五經堂

五經堂

需於范子為百里計故見有范子不自見有通侯而拜其堂求
其書是以如是勤勤也噫公若茲則公之所以為永和者必大有
異予安得旦暮見知快吾意中之所期也歟會九月五日為公懸
弧辰公門下閭社生童製錦軸祝公而先期推薛郭兩友來求予
撰壽文予茶而問焉曰公常何事曰讀書其政若何兩友畧述
其大者數十條以對予躍起曰如友言是皆公之所得於范子者
也是范書廣理學集中高景逸先生憲約一疏也疏列五十五款
貴成州縣語語金石不啻王政周禮大註脚范子錄而傳之具有
深意苦心但他人得書未必讀讀亦未必省而公口誦而神怡坐

言而起行如立社聚生徒五十餘人課文講學倡教西山實為治
永開宗第一義而他如修學宮清保甲革羨耗裕困穀飯饑人緩
催科繕城堞浚池塘種樹木平市估種種惠政何一非取法憲約
而通變以宜永人者夫五經堂全書至數百卷之多無慮公讀不
盡讀而獨以在官言官於憲約一篇守之最專用之立效是公讀
范子之書因得窺景逸之學則師景逸何莫非自師范子始况促
席五經堂時傾耳面談其所聞又有不止此者歟韓子曰無貴無
賤無長無幼道之所存師之所存也昔張留侯受書圯上翁不辭
屈辱卒成漢業董蘿石詩才雄邁齒且長而師事餘姚與聞正學

續垂棘編四集一卷

五經堂

五經堂

公以貴官執弟子禮於山林有道之門此其心較留侯蘿石倍虛
則公之學他日與年俱進將更有難量者詎但擬之卓魯龔黃為
公博一循良之譽已耶先月也霜菊方勁紅樹滋妍同社諸友奉
百歲觴觴公荷池閣上公與之永歌講論自有君家陽明公天泉
橋上一種風味卓爾可樂也而羔雁鐘鼓之娛必非公所好者亦
焉用予作箕疇套語為兩友曰唯請先生序次其說成章我將述
歸以告吾王夫子矣
高忠憲憲約一疏窮則托諸空言達則見諸實事此吾黨不刊
之書也非我陶菴誰托諸言非我王公誰見諸行自壽壽世易

之來也。擢他出未會。獨王來時。值吾師謝客書。既出。一切公祖父母命。擢負罪善辭。王因暫寓希賢書院。與擢共朝夕。話心曲。序長幼。推擢為薛門閹。王門錢王必再三入請。而後得登五經堂。侍立先生卧榻。日暮剪燭。月出露下。猶請益不倦。宛然一月春風。三尺冬雪景况。宜乎陶菴先生取此意以傳世。固宜。

五經堂彙編

觸物施弁言

黃希聲

君相聖賢天德王道所滿渾布漢宇宙間者仁而已○施設之際萬善全該而探其源非意必固我泯絕無寄未足以盡之否者杏壇受業實効自不乏人而三月不違胡歷歷空顏氏子也則聖人衡仁豈第貴施乎間乎即孟子一變尼父渾渾之旨為奇聞痛切以震喝當時而其微者或曰仁人心也則性覺虛靈本趨物欲或曰仁也者人也則肢體官骸都歸神理或曰形色天性也則精粗隱顯宛爾圓融○此仁豈第征利救嗜殺已乎乃學庸語孟又靡不以恕之一字開方便門知非毋我不足體仁微力施無由續華林編四集一卷 共 五經堂彙選

克已施故有不可略者○余讀宗璧先生集中觸物施一品每為喜躍由繹既久稍稍詮釋而贅論之庶以便自考也○友人或謂之使公同好余謹受教曰宗璧仁心普度迪吉錄諸書業徧海內而荒陬寒牖購獲良艱得此品固不減大帙管鑰也○况蠶測所增讀者因之肯有以益我尤厚幸矣○遂授制剛行之

聞發仁字可以註四子而疏六經非但包攝迪吉一錄而已○偽儒避二氏之嫌并置迪吉錄不問予不知易之積善餘慶積不善餘殃書之作善降祥作不善降殃諸說亦刪平否○處西

求仁說

黃希聲

施者顯仁之事也○其道甚大○而用最切○人之不能充其量者每阻於憚心○則謂博濟之實必資權力而坐失隨在之機宜故也○今觀觸物之施知語嘿動靜無非功用而夫人可自效矣○若夫作聖之基實本於此○尚或有忽焉者請因是而謬論之○蓋聖人之道以仁為至○即夫子不欲自居而及門未始輕許○非但不輕許之也○於格迪之頃亦有階次○惟顏曾乃中人以上者或因問而期之天下歸仁○或迎機而示之吾道一貫○斯無煩反觀推致之勞○可直會萬殊一本之旨○不易得也○外此醇粹如仲弓穎悟如子貢所以告之者一則曰不欲勿施○再則曰不欲勿施○而曾子轉曉門人○亦惟曰夫子之道忠恕而已○是知仁為聖道之極而恕則求仁之方○孔門接引中下未有不出於此○嗣是中庸結之無聲無臭至矣而忠恕達道不遠之訓○孟子標以萬物皆備大矣○而繼闢求仁莫近之塗莫不理規其全功挈其要以逋衍吾夫子之旨○未嘗有或異焉者何也太極未剖之先我尚不立施受義存故曰○人生而靜以上不容說○雖仁亦不得而名之○况恕乎○惟是形氣具而對待生物我分而知見起一真方背萬慮交營○既內見有我而私之○即外貪有物而取之○種種利己損人之端○於是芽蘖蔓延○不可究詰而一膜之外

俱成胡越矣。聖人設教，豈不欲頓破其情，封識隔之藩，直導諸通明公溥之域，而勢有所不能也。不得已而姑使之近，譬使之絮矩，使之強恕，亦欲其反觀，推致之既久，而卒悟天地萬物之一體也。故內不見有能施之我，外不見有所施之物，人已立達一念，普徧者此聖人之母。我仁之德也，以己所不欲之心，度人所不欲之心，隨處體驗，漸除我見者，此學人之克治恕之事也。然恕之一言，舉之以易而體之甚難。子貢自云不欲無加，夫子以爲非其所及，至問終身可行，則又曰不欲無施，豈非勉其從事而不許其已至乎。乃聖人每不勸施而第戒勿施者，於道境反觀其念最真也。反觀

續垂棘編四集一卷

六

五經堂彙選

既以則自私之念必輕，已私漸輕則博愛之道自出，故曰人能充無欲害人之心，而仁不可勝用，則聖賢之效施未嘗不亟亟也。惟其所謂施自非常人，要譽希報，可同日語者耳。不觀諸言志乎，季路願捐車馬輕裘之富，顏淵願伐善施勞之微，一以物施一以心施，雖精粗不同而去此情皆萬萬矣。及夫子自道曰老者安之，朋友信之，少者懷之，併願安願信願懷，置之不言，則其因物付物，人已大同之象，居然可想，而恕之事俱忘，仁之德亦化無施無不施，施乃不可以言思，罄矣。今學者誠知恕之爲道，近攝毫芒，上闡至極，其於一念一事一物之間，自不復膠固已有，而務公之天下

也。明甚而施可忽乎。若孟子斥兼愛之非，正恐昧者效之，有倒行逆施之害耳。非遂因噎廢食，以愛爲諱也。他日平衡言之，則曰親親而仁民，仁民而愛物，夫子亦曰汎愛衆而親仁，分量滿而次第明，吾黨折衷於是焉可也。

倒行逆施，世不乏人。自古最著，則無如梁之武帝，其因亂篡國，大本既虧，不必論。即彼鮑為犧牲，自謂慈心於物矣。然當元魏強盛，勢難混一之際，正宜保境睦隣，以錫休養之福，而乃荼毒萬姓，日尋干戈，且也達天役衆，塞淮駕害，於兩國之民，所殃不知凡幾。是可云能慈乎。又捨身佛寺，自謂不戀一己矣。然於侯

續垂棘編四集一卷

七

五經堂彙選

景叛附，倏忽反側之人，正宜閉關拒盜，以昭同惡之公，而乃夢寐旁皇，垂涎納土，究也岐情通魏，啓釁致斃，以身外之物害身，至於如此，是尚云能捨乎。後世見其敗亡，便譏慈捨之無益，而不知考其行事，顛倒謬誤，正由不能慈捨之故。非因慈捨而致敗亡也。是則可戒也。由是推之，世有割其大而忽於細者，如孟子所云讓千乘之國，而見色於豆羹，蘇氏所云碎千金之璧，而失聲於破釜，是也有矯其細而敗於大者，如華歆棄金示潔，而牢據三公之位，於逆朝安石服珪明操，而忍護一己之偏，以禍世是也。凡此之屬，良由貪種內深，名心外役，故勉飾徒施，而情

態終露非但不能充類之故也學者既悟本源兼修實行自當
心口維一顯微無間鉅細精粗等觀深驗乃能允成體悟之功
而究獲歸仁之效如彼德賊可無痛懲故因論施而類及之以
為自考之殷鑒云自記

絳州辛復元四書說曰明明德是自家做好人新民是與人做
好人止至善是大家做好人到底又聞梓潼帝君曰遇上等人
說性理遇中下人說因果合觀二說方知作者苦心虎西
先生享年僅半百而消極曳杖之時與羅近溪諸公同噫死生
亦大矣確然自作主張宋儒云人生只有這些子先生獨能全

續垂棘編四集一卷

歸矣又許

廿

五經堂彙選

恤所下奴僕疏

楊敬儒

為推廣熱審之例以下恤殘類而上曾

皇仁事切惟國家治刑之典此罪以下莫重於軍流故每年熱審之
期減等發落所以順時令而布寬政也我皇上御極三十年來
泣罪解網曲宥天下之罪人者無慮億萬乃若所下奴僕一經主
告即發遣寧古塔雖遇熱審例不減等竊以為此等犯人近在
輦轂之下疇非赤子其情更有可憫者被投荒遠竄跡窮途饑
寒困頓萬死一生較內地之軍流更苦也且拋離妻子疾病無依
生為隻身死為孤鬼較僉妻之軍流又更苦也惟茲典者自必情

續垂棘編四集一卷

廿

五經堂彙選

罪允當始可以服其心而無怨乃臣見刑部舊例不過范本主送
呈一紙或曰飲酒生事其生事之款不開也或曰行兇作惡其作
惡之迹無據也主立於前僕於下惟不敢置一辨而發遣之爰
書已定矣主人之性情不一而奴僕之蠢愚甚多焉知無一時之
偶錯觸一時之盛怒忽捏虛詞以正其罪乃經官論定而悔不可
追者乎此固情之大堪憫者也況熱審一條乃皇上好生之大
德四海九州之內一應治罪莫不共沐恩全即別犯流徒寧古
塔尚陽堡者俱得從寬減等而獨此無知減獲不得轉容於光天
化日之下猶非以昭聖恩之廣大也臣愚以為主僕之名義本

屬甚嚴然皆主傑教者無論已其餘以生事作惡呈送者務須開明款件或有舊案可稽或有指証可據審明而後議遣至每年小滿十日以後俱得照軍流人犯之例減等鞭責既可以懲從前之過犯亦可開將來之自新而皇上一視同仁之化無間於遐邇矣自今入夏亢暘時勞宵旰臣仰惟聖治光華之下無闕可縫而祇此區區之衷上干宸聽或亦感召和氣之一端也云云所下奴僕獨非人子乎分為主人情同父母鞠育頌復之不暇豈忍投彼有北也願與凡為主人翁者共讀此文彪西朱子曰誠能體此而存之則衆善之源百行之本莫不在是

續垂棘編四集一卷

世

五經堂彙選

吳巨卿煮粥碑記

閻 樞

五行不能不相乖四時不能不相沴天地所無如何賴有仁人君子拯斯民之困以通造化之窮其拯之通之之道有三所處之時之地有二三維何宋儒呂祖謙曰預脩之法一也修李惺之遺二也設糜粥三也二者維何達而在上窮而在下也數者雖不同其爲濟人利物一也歲辛未夏無麥苗秋蝗蝻兩雹遐邇居民室如懸罄野無青草巨卿吳公與予應歲試歸宿襄邑義店夜商曰先君明崇禎辛巳煮粥活人今亦有此心苦積粟不多可奈何予亟贊成之曰博施濟衆堯舜猶病能近取譬求仁之方能養千萬

續垂棘編四集一卷

世

五經堂彙選

人可即養一二人亦無不可巨卿曰唯唯歸于家捐米煮粥起辛未臘月十六日訖壬申二月初十日全活八十餘人庄人劉光前吳三順等沐恩感德思鐫石以誌不朽請予爲文予與巨卿昔聯窓今姻眷其立心制行知之頗悉先是戊辰巨卿輸金一百五十兩建義學置學田曾向予言曰自今以始不積一文錢惟欲做濟人利物事予欣然詢之巨卿曰且不必言予索之再三終不言噫士君子立身天地間非言之艱行之惟艱巨卿不言而義學建學田置庚午做米文公社倉意輸穀一十六石爲賑濟計今又捐米煮粥全活鄉衆予說項於業師洪洞范彪西先生先生曰巨卿之

仁也歟哉○巨卿之孝也○可謂善繼述矣○予因嘆天下事有力所能為而心不欲為者○有心所欲為而力不能為者○有力所不能為而心勉於為○心勉於為而力亦無不可為者○所謂一命之士○苟存心於愛物於人○必有所濟也○知巨卿自此益勉於德○將所為躬行君子○先行其言○而後從之者○庶幾其流亞歟○雖然○人之好善○誰不如我○更望仁人君子○有感於斯○各隨其分○酌其力○皆勉為之○各鄉救各鄉○各族救各族○其所全活○不既多乎○予故以應劉光前諸人之請○且以告天下之有不忍人之心者○巨卿諱偉○別字仲毓○郡廩膳生○長子作賓○庠生○次子衍賓○國學生○例得並誌○

續垂棘編四集一卷

茜

五經堂彙選

前序既往○後望將來○得記述之正體○公拔自戊午來學○於今十有六年○所為濟人利物事○頗夥○予既記其大略於師善錄起○予記諸書中○聞一善言○見一善行○必作文一篇○以誌始末○率筆為之多○不修飾錄此一篇○節二十四字○俾知練字之法○彪西

續垂棘編四集二卷

晉洪洞范郭鼎彙編

受業絳州閻振泰閱

趙文子遺續

武全文

余於趙世家○不揣固陋○參訂既弗厭詳○惟文子當年○聽晉政主夏盟○以仁義為心○以德信為本○以秉禮嫻辭為輔○視一時取威定霸諸臣○迥不相侔○後之人○流覽史冊○品隲名卿○未有特表其微者○余故於霸業相承之餘○推見至隱○為一一臚其遺續○考文子既續趙宗○晉悼公初立○即命為卿○九年○魏絳多功○以趙武為賢○使將新軍而為之佐○十一年○鄭人行成○晉趙武入盟○鄭伯遂會於蕭魚○故鄭

續垂棘編四集二卷

五經堂彙選

囚皆禮而歸之○十三年○使韓起將上軍○辭以趙武○又使欒黶辭曰○臣不如韓起○起願上趙武○君其聽之○乃使趙武將上軍○韓起佐之○是其未執政時○擅隆譽而膺寵秩○固非一日矣○至平公十年○為正卿○初則薄諸侯之幣○而重其禮○謂穆叔曰○自今以往○兵其少弭矣○齊崔慶新得政○將求善於諸侯○武也知楚令尹○若敬行其禮○導之以文辭○以靖諸侯○兵可以弭○此以禮輯鄰志○在弭兵爭之禍也○如是次則齊為餘○以康丘奔晉○襲衛羊角○魯高魚○又取邑於宋○諸侯弗能治○文子為政○言於晉侯曰○晉為盟主○諸侯或相侵○則討而使歸其地○今為餘之邑○皆討類也○而貪之○是無以為盟主也○請歸之○

公曰諾使胥梁帶往執烏餘悉取其邑歸諸侯諸侯是以睦於晉此以義懲奸志在銷背叛之萌也如是次則宋向戌欲弭諸侯之兵如晉告趙孟晉人許之如楚及齊秦並許之皆告於小國為會於宋將盟楚人衷甲趙孟以告叔向叔向曰夫以信召人而以僭濟之必莫之與也安能害我及盟晉楚爭先叔向謂趙孟曰諸侯歸晉之德只非歸其尸盟也子務德無爭先且諸侯盟小國固必有尸盟者楚為晉細不亦可乎乃先楚人書先晉晉有信也子木歸語王曰宜晉之伯也楚無以當之不可與爭此以信自守不沮不懾為強隣所心折也如是次則鄭伯享趙孟於垂隴子展伯有

續垂棘編四集二卷

二

五經堂彙選

子西子產子大叔二子石從請皆賦以觀志子展賦草蟲趙孟曰善哉民之主也武不足以當之伯有賦鶉之賁賁趙孟曰牀第之言不踰閭非使人之所得聞也子西賦黍苗之四章趙孟曰寡君在武何能焉子產賦濕桑趙孟曰武請受其卒章子太叔賦野有蔓草趙孟曰吾子之惠也印段賦蟋蟀趙孟曰善哉保家之主也吾有望矣公孫段賦桑扈趙孟曰匪交匪敖福將焉往卒享文子告叔向曰伯有將為戮矣其餘皆數世之主子展其後也者印氏其次也此爛於文辭審音察微若季札之知盛衰也如是次則晉悼夫人食與人之城杞者絳縣人年長無子往與食使之年曰臣

生之歲正月甲子朔四百有四十五甲子矣其年於今三之一也師曠曰七十二年矣史趙曰亥有二首六身下二如身是其日數士文伯曰然則二萬六千六百有六旬也趙孟問其縣大夫召之而謝過焉曰武不才以晉國之多虞不能由吾子使吾子辱在泥塗敢謝不才與之田使為絳縣師而廢其與尉魯季武子聞之曰晉未可媿也勉事之而後可此以仁恤下不侮寡為鄰封所推服也如是次則欒氏亡所遺州范宣子趙文子韓宣子皆飲之文子曰溫吾縣也二宣子曰自卻稱以別三傳矣晉之別縣不唯州誰獲治之文子痛之乃舍之及為政趙獲曰可以取州矣文子曰

續垂棘編四集二卷

三

五經堂彙選

二子之言義也違義禍也余不能治余縣又焉用州其以微福也此以義自處弗僭弗侈可並為列國風也如是次則子產相鄭伯如晉晉侯以魯喪未見子產使盡壞其館之垣而納車焉為士文伯讓之對曰文公之為盟主也宮室卑痺以崇大諸侯之館庫廡繕修賓至如歸不畏冠盜亦不患燥濕今銅鞮之宮數里而諸侯舍於隸人門不容車而不可踰越盜賊公行天禍不戒實見無時若又勿壞是無所藏幣以重罪也文子曰信我實不德而以隸人之垣以羸諸侯是吾罪也使士文伯謝不敏焉晉侯見鄭伯有加禮厚其宴好而歸之乃築諸侯之館此以德恤隣篤好有加不恃

大以凌小也。如是次則會楚令尹圖及列國大夫於號。葬宋之盟也。和午謂趙文子曰：宋之盟，楚人得志於晉，今令尹之不信諸侯，所聞子弗戒懼。又如宋晉之耻也。子相晉國，以為盟主，再合諸侯，三合大夫，服齊狄，寧東夏，平秦亂，城淳于，師徒不頓，國家不罷，民無謗譏，諸侯無怨天，無大災，有令名矣。而終之以耻，午也是懼。文子曰：宋之盟，子未有禍人之心，武有仁人之心。今武猶是心也，將信以為本，循而行之。譬如農夫，是穰是麥，雖有饑饉，必有豐年。且吾聞之，能信不為人下，楚不為患。楚令尹圖至，請用牲，讀舊書，加於牲上而已。此守信，弭兵久而弗渝，不以飲血為尚也。如是，他如

續左傳編四集卷一

四

五經堂彙選

受鄭捷於前，謂鄭國之辭順，犯順不祥，免叔孫豹於會，稱穆叔之忠義，舍煩宥善，享於令尹，賦小宛而識公子圖不臣，過鄭戒享賦，執葉而受其一獻，凡皆通達國體，美未可更僕盡者。載考檀弓稱文子成室，張老曰：美哉輪焉，美哉奐焉，歌於斯，哭於斯，聚國族於斯。文子曰：武也得如斯，是全要領，以從先大夫於九京也。君子謂張老善頌。文子善禱，與叔譽觀於九原，謂處父不知子犯未仁，願以隨武子為歸，所舉於晉，筭庫之士七十有餘家，生不交利，死不屬其子，為大要其物躬也。謙以厚與人也。公以庶其中，退然如不勝衣，言訥訥然，如不出諸其口。舉春秋來一切矜權謀爭寵利之

習却而勿用，故秦晉和有云：主相晉國於今八季，晉國無亂，諸侯無闕，可謂良矣。即劉定公以禹績相屬，文子云：老夫罪戾是懼，朝不謀夕，亦知止知足，不敢侈然自居之言。後來三宗強晉室，削殊非當日先事挹損本意。至以文子之賢而遇平公，猶以晏子之賢而遇齊景公，雖功烈視桓文時少遜，而德量有餘。孔子刪書獨錄秦誓，取蹇叔重其度也。設使生遇其時，當文武成康之世，必有忠貞篤弼，保乂王家，為仲尼之徒，所樂稱不置者。豈僅紹成季宣孟之舊，同列國伯佐及世卿大家，垂聲施於輓近云爾哉。余故特表其微，告後此之讀史冊與虞祀文子者。

續左傳編四集卷二

五

五經堂彙選

按左傳趙文子軼事頗多，此又特取其長，最得魯史中宋公伐邾曹會自鄭出奔書法，讀史論世，此為獨步。應西石菴武先生太原孟縣人，縣北三十六里，為春秋程嬰藏孤地，至今稱為藏山。故石菴紀事引曰：入山覽勝，拜文子遺祠，可以風天下之為人子，幹父蠱，賜祖烈者。睹公孫及程厚士遺蹟，可以風天下之為人友，為人臣，艱難弘濟，不敗乃翁事者。予謂公孫杵臼程嬰事，載左史諸書，有目共睹，而趙文子世多未考，故特錄於此。又誌

勸止投請文

張潤民

朝廷設立學臣○非止令考校文藝已也○一省之人心風俗實托命焉○近見學臣專市私恩○聽從親族年家鄉紳之情○令孤寒失望○獨不思○朝廷特命學臣○詎為所蔽○窮乏者得我與○勅書言如有鄉紳私書○聽爾據實奏○聞如匿不以奏○加等治罪○學政全書條約有云○學臣曲徇鄉宦私書○將孤寒之士棄如糞土○連鄉紳一同革職○提問鄉紳投刺請酒者○有官者革職○無官者交與刑部從重治罪○若鄉官勢豪干托不遂○暗行中傷者○許學臣徑行揭奏○某某鄉紳高風峻節○不屑干謁○潔清自愛○固令人景慕敬服○深切高山

續垂棘編四集二卷

六

五經堂彙選

之仰○但恐習俗移人○猶有以為成例不可破者○近於別府聞有鄉紳乘軒而來○童子數十從而指之曰○夫夫也○胡為乎來哉○倘所謂嗜利央情者○非耶○既為鄉紳而猶若此○是不可以已乎○若人曰○否○此古今不可破之成例○惡可已○童子曰○勅書未聞開載此條○學政全書未聞開載此條○是豈成例耶○以前賢言輝縣孫老先生○諱奇○曾不為此○睢州湯老先生○諱斌○曾不為此○以目前言○登封耿老先生○諱介○上蔡張老先生○諱本○曾不為此○是豈古今不可破之成例耶○若人曰○窮乏不給○故至此○童子曰○人苦不知足○老先生為鄉紳○猶苦不給○予儕孤寒○宜何如耶○自愛者自不肯嗜利○如有嗜利之心○

雖萬金猶嫌不足耳○若人曰○予非嗜利為薦自己子弟耳○童子曰○若愛子弟○宜嚴加教訓○令學問成熟○人爵自至○如必待薦○則予儕孤寒○將奚所望耶○老先生獨不憶當年寒窗風簷時乎○惟恐學臣從情○惟恨鄉紳央情○豈今日顯榮而遂忘之耶○余聞而哂之○此固童子之非○然亦李嫌○諸老先生亦宜避之○

附再勸止投請節錄

本道自命下以來○即恪遵功令○不赴席宴會○鐵面冰心○雖親戚故舊○門生年姪○俱枷責不恕○今將科試迂拙固執之性○斷不敢稍為遷就○從人以負○朝廷委任至意○如鄉紳勢豪有干托請謁○

續垂棘編四集二卷

七

五經堂彙選

本道視孤寒猶毛裏○視死甘如飴○視棄官如敝屣○惟有舍命舍官○以從事○明知爾我兩敗俱傷○但受皇上委任○而乃寡廉鮮恥○曲以從人○為士林羞○何以教化多士○何面目見天地日月乎○爾等各有所爵秩在身○宜以廉耻自愛○勿沿陋例○貪小利而取顯禍○如以此言為掛壁故套○必欲干謁○本道先將盛辱重責○三十大板○枷號一箇月○爾即同奏○聖明與爾同死○固所甘心○凡此抽豐央情○皆由人心之不正○故爾不知人生有命○當以禮義廉耻自重○以命自安○二程夫子○即康節先生○不抽豐央情○亦未聞餓死○聖諭有云○務本業以定民志○人皆有本業○務本業自可養生○何必舍已求人○徒

招無耻之譏嗣後無論城內城外客店庵觀僧舍俱不許容留本
道下班衙役及本道族人親戚年家故舊知違將店主僧道重責
三十大板枷號一箇月言在必行毋貽後悔慎之慎之
天道原來乘至公受天明命列人中檢才若不依天道王法雖
容天不容此中州曹月川詩也敬齋督學中州而檄文若此月
川在天之靈應為相視而咲彪西

續垂棘編四集二卷

五經堂彙選

敦勵實行文

張潤民

孝經小學乃士子立身楷模生童不可不熟讀詳玩本道已行文
各府州縣但勸諭空言多士未必信從嗣後本道即以此為賞罰
勸懲生員交卷時有文可二等者能透講精通孝經小學拔取一
等文可三等者能透講精通孝經小學拔取二等文可四等者能
透講精通孝經小學拔附三等告巾者亦以此為酌奪童生交卷
時能透講孝經小學者文畧平通即許遊泮此舉似屬迂濶不知
本道實欲多士敦勵實行以正人心故不得不從此引端至於五
經性理通鑑嗣後皆宜熟玩過期多士將聖賢藏籍身體力行以

續垂棘編四集二卷

九

五經堂彙選

程朱諸賢為法不徒弄筆墨以邀利達已也

陳克菴先生督學南畿徧歷郡縣居宿學宮教士讀小學遷河
南副使尋改提學仍以此為教今所傳小學集註是也敬齋禁
止干謁似月川講明小學似克菴世人喜言古今人不相及可
謂自賊者矣敬齋所刻教化書內載檄文五十篇字字從公
明起見止錄其最以見大概彪西

曹續祖

續華棘編四集二卷

+

五經堂彙編

救之反捫吾心其對觀音寧不滋愧耶况作善降祥作不善降殃天其主之矣人或以自作之孽而罹苦難天網難逃天刑難逭為觀音者雖號慈悲莫可如何雖然觀音之於吾類方域雖殊而一氣天生則同也好生莫如天觀音體天心以為心故其慈悲所救無遠弗届使為吾類者能心觀音之心亦同體天心以為心則一體萬物儒之所謂仁即釋之所謂慈悲矣慈悲而救人即惠迪而得吉苦難之厄必且無之亦焉用僕僕析救於觀音為也范頭村舊有觀音堂今重修金粧首事李翦鳳乞余為記余知重修者之意無他祇望為觀音者慈母一方俾村之人悉脫於苦難之外然

而未可盡恃也。請作俚句以相勗之曰：欲呼觀音來救我，須從我能救人始。人心個個有菩提，莫向空堂覓大士。

一篇慈悲心腸喚醒世人。是亦自作一觀音者。鹿西

猶憶康熙戊申春，邑人修觀音大士殿，成余偈題曰：士何能大，詩與書乎？功成即佛異域，亦生古名儒。音可以觀耳，猶目也。醒悟在人，滿街畫是活菩薩。附此以質陶菴。又識。

續筆錄編四集三卷

上

五經堂彙編

殉難疏

暢鯨

奏爲臣父竭力殉疆闔家罹難籲恩優恤以慰忠魂事竊惟舍生取義者臣子自靖之誼表忠崇節者朝廷勵世之權臣父繇丙子舉人崇禎十三年六月選河南尉氏縣知縣以彈丸當汴衝凶疫洊臻流土交訐人民相食軍士脫巾臣父撫字不廢催科三餉漕運俱竣又捐俸建懸樓造窩舖製砲槍備鉛藥煮粥賑貧施藥療病故履任未幾即蒙按臣臧臣薦獎而總計服官十六月血戰居其強半如十三年九月內賊賊一條龍等於尚村此經撫臣李仙風題叙者也十四年四月賊賊徐完等於鄆陵此經按臣高名衡

續垂棘編四集二卷

主

五經堂彙選

薦叙者也十三年十一月賊賊原三夏原三秋等於伊郭十二月賊賊王嘉言等於侯伯川十四年正月賊賊王短子等於三柳張三重等於汴川南席二月敗聞賊於城西賊元老山等於白家潭三月賊賊克敵等於鉄樓王心樂等於良馬十月賊劉千斤等於水坡集此皆申文撫按候叙者也十二月初聞曹連破許鄆等處生父發塘報十餘次請兵不至抵以忠義激發紳民家資犒賞勇士誓同死守十七日賊萬餘突攻生父督發砲石斃賊數百十九日寅時賊統全營圍城臣父手先點砲打死賊渠二名銳石繼發殛賊千餘申時賊列巨砲打壞南城衆湧齊登臣父率家丁孫守

貴等城頭截殺身負重傷猶手刃數賊力竭被執群賊凌逼囚繫并執家眷勒降臣父挺立大罵一踴縛絕提磚擊賊賊大恚怒橫刀砍死臣孀祖母薛氏自焚身死家口被殺者十一人臣頂受一刀匿積屍中倖免二十二日賊去臣同生員石迪光鄉民韓養遂等往尋父屍見顏面如生而頭左中一刀項下腦後中三刀背腹刀傷兩臂繩傷慘死形狀因不傷心十五年正月臣同舉人石如璜等具呈撫按蒙批題叙併給勘合護柩歸里痛念臣父始則殺賊全城終則城亡身殞此其熱血洒地祇知誓死以報君恩而臣抱恨終天何忍不言以彰父節况祖母焚身闔家屠殺尤從來死

續垂棘編四集二卷

主

五經堂彙選

難之忠最烈禍最慘者而臣又以驚傷困病至今方甦匍匐二千里叩關陳情伏乞聖明俯念臣父生建微功死昭大義並臣祖母孀節三十年焚身報國懇祈勅下該部行該撫按察確從優予恤則臣父固枯骨蒙恩臣亦力圖捐糜矣臣無任激切待命之至爲此具本謹具奏聞

此暢令尹一人之忠節耳而中州一方之節義在焉而有明代之季之節義在焉得其詳者可與讀魯之春秋彪西按尉氏令諱一鵬字汝翔號懷菴河津縣人廣文先生諱家傳之子廣文六十二歲氣絕兩時復生告家人曰吾聞空中關夫子告我曰汝忠孝人增壽一紀果享壽七十四歲尉氏令之盡忠始有本與又評

易解自叙

師謙

易解者所以解易也。易自周邵程張朱子而後其解亦云多矣。吾又奚爲之解。蓋有不容不解者。以先儒謂可以不解。而今不得不解。先儒謂不可以解。而今不能不解。此吾之所以解之也。夫卦爻明顯象占別白辭義淺近者。在先儒謂爲衆人之所及知。是亦可。以不解。故畧而弗道。今治易之家。矜奇立異。爲之求顯於微。浚深於淺。乃妄意穿鑿。使明者皆晦。而易理於以不彰。此不得不解者也。伏羲以卦象天道。文王以卦類人事。周公盡其變。孔子明其意。無非性命之精微。先儒謂爲非衆人之所及知。是誠不可以解。故

續垂棘編四集二卷

十四

五經堂彙選

秘而不發。今治易之家。窮高極遠。離人言天。舍天論人。乃任情割裂。判天人爲二。而易道於以不著。此不能不解者也。聖人以辭明道。以道明卦。以卦見象。以象見占。卦以明體。爻以達用。無非時中之妙。今治易之家。牽合扭捏。使卦違乎道。道違乎天。占不本象。象不本卦。而易教於以不行。此不容不解者也。然解以已之所見。是亦矜奇而立異也。是亦窮高而極遠也。是以牽合扭捏於前。而吾又牽合扭捏於後也。解且不如其不解何也。解以釋疑而已。疑以滋疑。是欲釋一疑而反增一疑也。吾烏乎敢。吾惟即易以解易而已。易之占得於象。吾即象以解占。易之象得於卦。吾即卦以解

象易之卦得於天地造化。吾即天地造化以解卦。易本天地造化。以繫辭。吾即以辭明天地造化。易以辭告人。吾即以人事明卦爻。象占之辭。辭明而理明。理明而道明。道明而聖人之教可大行於天下。此吾解易之意也。治易君子。或有取焉。未必無小補云。易奇而法。昔有定論。此却從明顯處說來。可備吾夫子雅言之教矣。解人不當如是耶。鹿西

續垂棘編四集二卷

五

五經堂彙選

周易四聖論

師謙

易之爲書也○始於伏羲之畫卦○成於文王之繫象○而周公盡其文○孔子明其義○要皆陰陽造化之妙用○天地萬物之至情也○而卒不○
篇主意在此
可執孔子之象辭○以爲周公之文○定如是也○不可執周公之文辭○
伊川先生曰易若執一○事則三百八十四爻○作得三百八十
以爲文王之象○定如是也○並不可執文王之象辭○以爲伏羲之卦○
此言義之卦
定如是也○伏羲生於上古○其氣醇其俗朴○其民有誠而無偽○進退○
存亡一如消息盈虛之所以然○故畫卦也○不過寄陰陽造化之妙○
於天地萬物○寄天地萬物之情於奇偶變化○故六十四卦○陰陽對○
待○純乎天道之自然○天位午中○地位子中○寒暑往來○晝夜除乘○君○

續垂棘編四集二卷

六

五經堂彙選

臣之義○父子之親○夫婦之別也○迨其後○氣日以漓○俗日以偷○而君○
子小人雜處焉○善有時窮○惡有時昌○德教不勝而刑法弼之○此文○
王所以抑陰扶陽○而易之以人事之當然○非文之易○有矣於義之○
易也○文之時○非義之時○文之勢○非義之勢耳○文王當三分有二○臣○
忌於下○君疑於上○上下相猜○而時勢危矣○故繫象也○慄慄畏懼○惕○
然於吉凶之介○而致謹於進退消長之幾○憂盛危明○左乾坤而右○
震巽○使長子操天下之柄○其意深矣○至於周公○以懿親位冢宰代○
天子理萬物○亦人事之當然也○而三叔流言○變生骨肉○君臣父子○
兄弟皆有難保之慮○此周公所以抽爻換象○因動以窮天下之變○

續垂棘編四集二卷

七

五經堂彙選

不得爲公○公不得爲文○文不得爲義○而究相發明者○同一陽陰造○
化○天地萬物之理也○故義之所未及者○文及之○文之所未及者○公○
及之○公之所未及者○孔子及之○孔子發文○周而意不必盡出於文○
周○文周發伏羲○而意不必盡出於伏羲○繫其理○不襲其事○襲其事○
不襲其意○如需之象○謂利涉大川○而文云○利用恒履之象○謂不噬○
人亨○而文云○噬人○凶○襲其理○不襲其事也○需之文○謂致寇至○而象○
曰○敬慎○不敗○履之文○謂夫履貞厲○而象曰○位正當襲其事○不襲其○
意也○善學者○得其說而通之○即孔子之言○無不可見○周公之心○即○
周公之言○無不可見○文王之心○即文王之言○無不可見○伏羲之心○即○

何也○隨機而應○緣分而盡也○使伏羲無文○周則消息盈虛之理終
湮沒於卦畫奇偶之中○文周無孔子○則吉凶悔吝之道終當塵埋
於占驗卜筮之途○嗟乎○天為斯道生四聖○四聖為天地明斯道○欲
知斯道○不讀四聖之書○不可也○讀四聖之書○不達陰陽造化之妙
不可也○達陰陽造化之妙○不見天地萬物之情○不可也○見天地萬
物之情○陰陽造化○可得而言矣○達陰陽造化之妙○四聖之書○可得
而言矣○神明乎四聖之書○道可得而言矣○道不在書○非書不可以
入道○得其道○則書亦糟粕矣○惟學者之自至而已○
能挾四聖作易之原○而暢明言之○快心快心○數篇冗字頗有

續垂棘編四集二卷

六

五經堂彙選

子畫其之○俾知說理文字○亦不可無練字之法○彪西
周邵程朱而後○易書雖在○易理不明○有明數百年○惟來瞿塘先
生多心解吾○夫子每稱異之○同門雪齋感而學易○克志十年
遂有易解之述○又六年稿成就○而折衷於吾○夫子○夫子深
為許可○後當必傳○乃先取諸論以問世○同門第垣曲石雲根評
雪齋與予同事○彪西夫子○予治舉子業○雪齋專事著述○著有
洪範十二卷○太極圖說一卷○周易解二十卷○集註十卷○四書集
註本旨二十二卷○辨疑錄八卷○艱於刊刻○附識以見大畧○雲根

周易四賢論

師謙

四賢者○周邵程朱也○孔子沒○治易者不啻數百家○言易而可法可
傳者○不啻數十人○惟茲四賢○蓋登義文之堂○而入周孔之室者也○
苟前無四聖○則不知陰陽造化之所自始○不知天地萬物之所由
來○不知天道為人道之則○不知人道為天道之符○故有天地不能
無河圖○有河圖不能無伏羲○有伏羲不能無文王○周公孔子使不
得四賢以承其後○又孰知易之精○而大不能外○細不能遺也○又孰
知易之變○而通乎無形○達乎有象也○又孰知易之道○切於人而易
之義○適於用也○無論河圖之妙○不可見○即伏羲之畫○文王之象○周

續垂棘編四集二卷

十九

五經堂彙選

公之○父孔子之象○皆不可得而知矣○此四聖之後○所以必有周邵
程朱也○有周子則有太極圖說○有邵子則有皇極經世○有程子則
有易傳○有朱子則有本義○本義者○存乎易之義者也○易傳者○存乎
易之道者也○皇極經世者○存乎易之變者也○太極圖說者○存乎易
之精者也○伏羲仰觀於天○俯察於地○中驗於萬物○盡為六十四卦
以寄天地萬物之理○以體天地萬物之道○以盡天地萬物之變○以
藏天地萬物之精○而文王繫以象○周公繫以文○孔子繫以傳○因其
所寄而為之○開物成務○以發揮乎吉凶悔吝之義○所以決天下之
疑○而定天下之業焉○因其所體而為之○安身利用○以議擬乎貴賤

大小之德所以居則觀其象而動則觀其變焉因其所畫而為之彰往繁來以引伸乎七八九六之數所以成天下之文而定天下之象焉因其所藏而為之極深研幾以妙應乎動靜寂感之神所以不疾而速不行而至焉周子窮神達化上邇無易以前而知天地之所以始下極有象以後而知萬物之所以終故太極圖說於陰陽造化天地萬物條貫而靡遺焉非有得於易之至精而能如是乎邵子通變極數求已往於當前而往者不可過求將來於既往而來者不能滄故皇極經世放之天地萬物合之陰陽造化參伍錯綜而皇帝王伯無遁情飛走草木無遺類非有得於易之至

續華林編四集二卷

千

五經堂彙選

變而能如是乎程子居安樂玩觀消息盈虛於日用倫常之際識窮通得失於屈伸往來之中故易傳所言無非人情物理時事之當然非有得於易道而能如是乎朱子觀象玩占以占索象以象索卦以卦索天地萬物即卦見象即象見占即占見陰陽造化故本義所述詳於中正剛柔謹於吉凶悔吝非有得於易義而能如是乎周也邵也程也朱也均一聖人之徒也而所得有不同者哉會異而其意各有在也秦火之後微言既絕漢唐以來易遂流為術藝之學而聖人之精微不著周子憂之此周之所以不同於三子也當宋之世人襲漢唐之遺風儒者類執畫論卦泥辭求經使

陰陽象數之妙竟成砂印泥畫而聖人之變化不行邵子憂之此邵之所以不同於周子也程子生邵之晚歲而受業周門屢與邵子會其所得不過周邵遺傳而終難悉合者以周邵之道行人之間其風旨竊其餘論群相競於幽深浩渺之途而不知返賢者窮高智者索隱使易復為莫據之談程子憂之此程之所以不同於周邵也至於朱子去三賢頗遠而後之守其教者又各為一家之說使周流於老邵流於術程易止為人事之數端而聖人神道設教原天示人盡人合天之旨槩置不講朱子憂之此朱之所以為朱而不同於周邵程子也後之學者神明其意而會通其說由

續華林編四集二卷

主

五經堂彙選

象占以得卦畫由卦畫以得天地萬物由天地萬物以得陰陽造化陰陽造化無象之易天地萬物有象之易卦爻象占體無象以象有象之易四聖神其道而四賢明其理四聖吾道之天地四賢吾道之元亨利貞也周子得其精而大道之由貞而元也邵子得其變而通道之由元而亨也程子得其道亨而利乃可行也朱子得其義利而貞乃可守也元亨利貞而吾道其不息也夫非四賢何能與此四賢者其四聖之功臣也歟須將四賢全書閉戶沉吟十餘年然後讀此方知作者苦心西理無欠缺詞無滲漏同門弟石雲根評

周易諸儒論

師 譙

易之有諸儒猶天之有星辰地之有川澤也○天以日月而道明○苟無星辰以廣其宿○則明有時息○地以江河而道行○苟無川澤以通其流○則行有時止○此易之所以有四聖四賢而不能無諸儒也○四聖其天地○四賢其日月江河○而諸儒則星辰之散於天○而川澤之布於地也○星辰之衆不可數○川澤之多不可指○而諸儒之衆多亦不可屈指而數○其最著者○則有王韓孔鄭諸君子○王氏輔嗣注兩經○韓氏康伯注二繫○孔氏仲達疏易之詳○鄭氏康成廣易之義○雖見有淺深言有得失○而其爲功於易○亦猶星辰之明○不足以周天○

續垂棘編第四集目次

主 五經堂彙選

而○天○未○嘗○不○賴○其○明○川○澤○之○行○不○足○以○匝○地○而○地○未○嘗○不○資○其○行○也○司○馬○君○實○呂○東○萊○黃○勉○齋○謝○上○蔡○尹○和○靖○楊○龜○山○潛○室○雙○湖○雲○峯○仲○元○輩○莫○不○究○心○於○易○而○惜○無○專○書○有○書○者○又○不○能○造○四○聖○之○奧○如○王○注○詞○多○隱○僻○而○不○達○胡○氏○以○爲○雜○於○虛○無○而○大○亂○古○韓○注○意○多○疎○畧○不○得○聖○人○立○言○之○妙○孔○疏○專○主○王○注○語○雖○詳○而○肯○不○清○三○書○所○以○同○歸○於○廢○若○夫○十○慮○一○得○程○朱○無○不○取○焉○而○其○差○謬○者○未○免○星○辰○之○離○次○而○川○澤○之○傍○溢○爲○功○於○天○地○者○亦○爲○害○於○天○地○善○學○者○加○意○於○淺○深○得○失○之○間○則○明○者○足○以○益○其○明○行○者○足○以○益○其○行○而○離○次○傍○溢○者○舉○不○足○以○亂○之○也○

○開卷有益 虎西

續垂棘編第四集目次

卷三

陳廷敬 見三集六卷

古今易說

泰誓

三禮

野有死麇

夏時周月辨

家氏夏正辨

卷四

陳廷敬

孝經刊誤序

親民官疏

經學家法論

卓茂

與徐宗伯

與畢亮四

續垂棘編第四集目次

關目詞話序

七夕詩序

古不修墓辨

免城後記

射虎記

女奴景記

乳母誌銘

權關藍督劄

又劄

楊效榮

字韶秀 翼城晉者以耳代目著人極四十章節錄三

旨建坊特旌

與李中孚書

王 端

字子方 翼城晉者以耳代目著人極四十章節錄三

上范彪西書

續垂棘編四集三卷

晉洪洞范部鼎彪西甫彙選

受業范爾梅泰閱

古今易說

陳廷敬

易於六經最古○遭秦以卜筮獨得不焚○最為完書○最古而完○實斯文之至幸○而後人必以其意亂之○何為也耶○樂既散亡○二禮經晚出○雖缺○然幸不為後人所亂○書得之孔子屋壁○詩賴諷誦以存○雖不無殘脫○然考詩書之序○或皆繫於篇末○或自合為一篇○其始皆不亂於正經○書自孔安國詩自毛公始別序入經○冠之篇首○義有相抵牾者○則後人為之穿鑿附會○其害於經也滋甚○朱子除其序

續垂棘編四集三卷

五經堂彙選

各合為一編○以置經外而復詩書之舊焉○春秋一經三傳○初皆別行○漢以來儒者欲省學者兩讀○至以公穀配經○左氏分傳附經之○年○朱子雖未及詳定○而亦別出左氏經文○蓋將以復春秋之舊也○經之存者○五惟易最古○而最先亂已○而幸正之卒○又大亂焉○藝文志云○易經十二篇○顏師古謂上下經及十翼○蓋古經也○漢費直以彖象釋經○附於卦後○今乾卦起大哉乾元至用九天德不可為首○是其例也○雖其初加一傳字○以別於經○然十二篇之經○直已亂之矣○漢鄭玄注易○合彖象於經○而所謂彖象不連經文者○猶在○至魏王弼注易○用康成本○又增入乾坤文言○雖加彖曰象曰文言曰

以別於經○然直之所既亂者○弼又從而亂之矣○若說卦等篇○仍其舊○總曰繫辭○自是世儒知有弼易○而不知有古經矣○程子作易傳○因弼本○未暇更正○嵩山晁說之考訂古經○釐為八卷○卦爻一象二象三○文言四○繫辭五○說卦六○序卦七○雜卦八○而呂氏大防周易古經上經一下經二○上象三○下象四○上象五○下象六○繫辭上七○繫辭下八○文言九○說卦十○序卦十一○雜卦十二○王氏原叔家古易本○卦辭一○彖辭二○大象三○小象四○文言五○繫辭上六○繫辭下七○說卦八○序卦九○雜卦十○東萊呂祖謙則定為經二卷○傳十卷○上經一下經二○彖上傳一○彖下傳二○象上傳三○象下傳四○繫辭上傳五○繫辭下

續垂棘編四集三卷

二

五經堂彙選

傳六○文言傳七○說卦傳八○序卦傳九○雜卦傳十○朱子本義從之○故朱子曰○經則伏羲之畫文○王周公之辭也○并孔子所作之傳十篇○凡十二篇○中間頗為諸儒所亂○近世晁氏始正其失○而未能盡合古文○呂氏又更定著為經二卷○傳十卷○乃復孔氏之舊云○按朱子之言○載於本義編端○蓋幸古經之復正也○明永樂時修五經大全○易則從程傳元本○而本義則以類從○夫以程子未及更正之經○取朱子從古經說易之辭○割裂參錯於其間○使古經已正而復亂○而撮其繆戾者○簡首仍載朱子幸古經復正之說○而又不言其不從古經之故○是則所謂復孔氏之舊者○果安在乎○至使前賢之意○乖

刺不明蓋於今三百年餘未有能正之者也○成化間奉化學教諭○成矩謂世之讀易者先本義而後傳遂獨刻本義行於世○今家傳戶誦者成矩之書也○夫朱子因古經作今義明初諸人以本義參附於傳而一之則從今經已失朱子之意矣○然猶曰此集諸儒之說○非專朱子之書也○今矩所訂之書儼然朱子之書而不考其本末顛錯淆亂則尤為朱子之辜人矣○世之學者遵信其書不復知其舛謬之若此也○雖以矩之陋無足深責然以一俗士之力亂聖經而橫塞於天下而舉世之人莫有知而亟正之者豈不亦可慨也哉○

續垂棘編四集三卷

三

五經堂彙選

雲間何士抑應避三舍○豫章何椒丘亦遜一席○彪西○十年前於邸報中得議水旱疏於墨刻中得陟屺樓記亦既借光續垂棘三集六卷內自惜久病謝客無緣窺其全書客冬蒙先生惠教尊聞堂集八十卷拭几展讀大快予心行且載國史傳海內無俟小刻表章矣○抵錄大畧聊志典型○乙亥春附識

秦誓

陳廷敬

書存二誓而終於秦者何○陳子曰存魯所以維其弱而終秦所以抑其強○蓋聖人之志在魯○天下之勢在秦○勢在秦者天也○非人之所能為○然聖人重言天命而必推極於人事之所當為○昔者秦伐鄭晉○秦師於殺穆公○誓告羣臣○孔子錄之○書之終篇○傳者謂穆公悔過○孔子有取焉○孔子易取乎爾○蓋天下之勢在秦○孔子所知也○而聖人曰有人○事焉貴德賤力○守其疆服○毋敢稱兵○構禍獲罪於先王○此人事也以秦前日之所為○雖得天下○不可以久○長以為生民主○今幸其悔心之萌矣○毋敢稱兵○構禍獲罪於先王矣○安知周

續垂棘編四集三卷

四

五經堂彙選

之弱○不可以敵秦之強也哉○又安知彼即有天下○不可以久長為生民主也哉○故於穆公有取云爾○不然○彭衙濟河之師○何有乎悔過○而聖人許之耶○其後秦滅詩書○尚首功○併吞諸國○終有天下○不二世而亡○孰謂聖人之憂為過計耶○或曰秦始孝公富國強兵○穆公僻處西陲○未得為會盟之主○當其時天下之勢烏知其秦也○雖然○後世織緯符命之事○聖人所不道○然天下之勢微聖人烏足知之○

取其悔過○著眼獨高○彪西

三禮

陳廷敬

古禮二經周禮儀禮而已周禮者周官政典之書儀禮者儀法度數之事禮記者則諸儒雜記之書非古禮經也所謂周官政典之書者蓋周公所作載官府職掌之禮漢武帝時河間獻王得而獻之失其冬官哀帝時劉歆校理秘書以考工記補冬官備周官六篇之數今之周禮是也所謂儀法度數之事者蓋周以來朝聘饗射冠婚喪祭威儀之制漢承秦燔書滅學禮經殘壞魯高堂生傳士禮十七篇以授瑕丘蕭奮齊授東海孟卿卿授后蒼后蒼授大戴德小戴聖又有劉氏所傳十七篇次第為優鄭康成從而注之

五

五經堂彙選

續垂棘編四集三卷
今之儀禮是也自后蒼為儀禮之學別錄數萬言號曲臺雜記戴德傳之者八十五篇或云八十一篇今其書存者總四十篇謂之大戴記戴聖傳之者四十三篇曲禮檀弓雜記分上下馬氏增以月令明堂位學記總四十九篇謂之小戴記二戴禮並是曲臺雜記漢世諸儒言禮者並取二家今大戴禮不頒於學官所謂禮記者小戴記也謂為諸儒雜記之書者此也朱子謂周官為禮之綱領儀禮乃其本經而禮記郊特牲冠義等篇乃其義說則是禮記者二經之傳注也宋以前有三禮通禮諸科自王安石行新經義獨存禮記之科迄今莫敢議其非者間嘗論之周禮一書可行於

文武周公之世不能行於春秋戰國之時自是以來儒生雖復誦習而鮮可被之實用故王莽之王田市易安石之青苗均輸以之速亡召亂蓋古今之勢不同而法亦因時而屢變也韓愈嘗苦儀禮難讀謂其行於今者蓋寡公襲不同復之無由是二經者之行亦其勢使然而已矣小戴之書先王之遺訓猶存往行前言彬彬可考焉蓋撥取大戴之精華為一家之記述安石之獨存此科亦不可謂無見也顧其傳述舛駁往往而有月令出於呂不韋王制出於漢儒後世不以為秦漢之書而以為商周之禮不以為傳法而以為經是則可議也有聖人者出必將刪定焉又嘗考戴聖

六

五經堂彙選

續垂棘編四集三卷
治行多不法而聖子賓客為盜身為禮宗奸犯名義君子不以人廢言信哉

有聖人出必將刪定此先生注意處亦千百世學士大夫注意處彪西

野有死麕

陳廷敬

詩言以茅包膚而誘懷春之女又述此女之辭姑徐徐其來無威我悅無使戕吹有幽婉之情無厭峻之意安見其惡無禮也而繫之召南之中不可解矣豈其出秦火之餘而簡編有錯亂者耶秦火之餘簡編錯亂甚多斷非召南之詩較中培更上一層彪西

夏時冠周月辨

陳廷敬

胡氏傳曰左氏曰王周正月○周人以建子為歲首○則冬十有一月○是也○前乎周者以丑為正○其書始即位曰惟元祀十有二月○則知月不易也○後乎周者以亥為正○其書始建國曰元年冬十月○則知時不易也○愚按胡氏引左氏王周正月之說而論之曰周人以建子為歲首○則冬十有一月是也○是明以周正月之說為是○謂冬十一月為周正月矣○而又曰前乎周者書元祀十有二月○則知月不易也○由胡氏之說○則是前乎周者未嘗改月至周始改其歲首之月為正月也○夫殷不改月而周始改月○考之經傳未有明文○胡氏

續垂棘編四集三卷

七

五經堂彙選

之意亦殆不謂然也○其意若以謂建子為歲首耳○未便以為正月也○故下文曰冬十有一月是也○然明引左氏王周正月之文矣○而又斷以為冬十有一月者○不知胡氏之意進退何所據乎○此其謬者也○又曰後乎周者時不易○胡氏之意非遂謂漢不易時而周獨易時也○其意不過謂周不易時○取漢以為證耳○故下文曰建子非春亦明矣○是胡氏不主改時之說也○其又曰乃以夏時冠周月何哉○云者是胡氏亦知周果改十一月為正月矣○特未便以為春是周之正月○乃夏之十一月○仍為夏正之冬也○孔子作春秋取春之一字○加於周正月上耳○是胡氏之意也○故下文又曰聖人語類

續垂棘編四集三卷

八

五經堂彙選

回以為邦則曰行夏之時○作春秋以經世則曰春王正月○此見諸行事之驗○於是而胡氏之謬更有不可勝言者矣○夫周之月建子之月也○建子非春○胡氏自言之矣○使周果不改時○而孔子作春秋以建子非春之月○強取春之一字○加於其上○此乃天時所不受○王法所不容○稍知詩書識道理者○將逆折其萌而不敢以為○而牧兒芸叟婦人女子之所聞而怪笑者也○曾謂孔子而為之乎○行夏之時○子有是言矣○假使周而果不改時也○則建子之月○儼然冬也○冬則正夏之時也○夏之時曰冬○孔子書之曰春○是周本行夏之時○而孔子乃變夏之時矣○行夏之時者○果當若是乎○假使孔子之於春秋○

秋果寓行夏時之意○而周果不改時也○則建子之月○必將直書之曰冬○使後之人猶得有所考而正焉○曰周之不改時如此也○以子月為正月如此也○其不若夏寅月之為正月如此也○此所謂非行夏之時也○後之人由此考正而行夏之時焉○豈不亦甚明白矣乎○而顧冬而書春○曰吾欲行夏之時○豈有是理乎○又其謬論曰以夏時冠月○垂法後世○以周正紀事○示無其位○不敢自專○假使孔子果以夏時冠月○則亦何難以夏正紀事○時可自專○月獨不可自專乎○夫春夏秋冬之時○自正至十二之月○以為可改○則俱可改○以為不可改○則俱不可改也○今改夏之冬為春○曰將以垂法後世○不改周

之子月為十一月曰吾無其位焉爾無其位而改冬為春冬必不
可為春也○不可為春者而悍然命之為春逆天時悖王法無其位
者敢如此乎且使後之人何所取法乎而謂以此垂法後世者其
何法之垂也至其謬之謬者謂夫子有聖德無其位而改正朔夫
正者正月朔者月朔也如胡氏說則正月亦夫子所改矣於正朔
字尚未明遑論其餘耶聖人之言語文章皆其光明正大之心其
語顏子則正告以為邦之事其作春秋則直書以魯史之文魯史
之文曰春王正月孔子書之亦何至如後儒支離剝割之見巧為
新意於其間哉或有如胡氏之見者曰春秋天子之事也若魯史

續垂棘編四集三卷

九

五經堂彙選

曰春王正月孔子書之曰春王正月凡為匹夫皆能之何必孔子
乎何以為天子之事乎余應之曰所謂天子之事者天子有命德
討罪之權春秋有褒善貶惡之旨顯其事使善惡昭然微其文故
褒貶具在是所謂天子之事也是所謂春秋也事蹟之昭昭者尚
不得而飾其辭以變易是非况年時月日之一定者哉若於年時
月日以支離剝割之見巧為新意於其間以誣聖人其得罪聖人
大矣吾不可以無辨
蔡九峰洛書王似鶴力辨其非胡亥國夏時陳樊川亦譏其誤
兩先生皆晉人也故並列垂棘中以見學之不阿所好如此

宋氏鉉翁原夏正辨

陳廷敬

春秋自左氏言周正歷戰國秦及漢諸儒以專經名家至魏晉隋
唐五代之季千七八百年並無異義焉中間惟穀梁解烝祭曰烝
冬祭春興之志不時也似以春為建寅之月亦未顯言之陸淳氏
祖述啖趙氏始往往習攻左氏務與為異然亦未有夏正之說也
逮宋儒始有三代改正朔不改時月之說於是劉敞氏胡國氏陳
良氏諸人競為新意顯信已見不顧聖經而夏正之說紛然淆濁
至不可窮詰矣家氏鉉翁為原夏正益張皇其辭後之附會者若程
端氏俞皐氏眾矣然亦時相牴牾不能自守其說大抵家氏為尤

續垂棘編四集三卷

十

五經堂彙選

雄辨有害經意余不勝憤焉今按採諸家說與左氏同者而裁以
己意為論辨之家氏曰寅卯辰為春寅為歲首此百王不易之正
也虞夏而上春首寅歲首寅天時王正兩得其正自商人以建丑
為歲首周人復以建子為歲首而百王之正與二代之歲首始判
為二夫子行夏之時欲正與時皆以寅為首革二代之歲首而從
百王不易之正此夫子平日之志故筆之於春秋曰元年春又曰
王正月春之下著正以見天時在是王正在是垂萬世不刊之法
也又曰周雖建子為歲首不過發號施令自此而始而所以揆時
授功者夏時夏正也彼謂以建子首十一月者左氏之誤也彼謂

變易四時以子丑寅為春卯辰巳為夏午未申為秋酉戌亥為冬者孔安國鄭康成之大說也歲首者特以發號施令而正月則以紀年授時歲首可改而正月不可改也按歲首者歲之首一月也孔子謂行夏之時不謂行夏之歲首春秋冬謂之時若商周上以丑子月為歲首而不以為春是本不改時也既不改時是時仍夏之時也孔子又何必曰行夏之時乎若不過以歲首發號施令而已春夏秋冬十二月次一無改易則是所關於政治得失之數天時人事後先緩急之宜尤非其最要者而孔子必曰行夏之時不太鄭重矣乎周禮正月之吉始和布治於邦國都鄙乃縣治象

續垂棘編四集三卷

士

五經堂彙選

之法於象魏使萬民觀治象決日而敘之如家氏之說則此正月是夏之正月既以其時布治於邦國都鄙矣而所謂歲首發號施令自此而始者其又所發者何號所施者何令乎號令之大者無過於治象之法今既以夏正月布之於邦國都鄙矣則是歲首更無號令之發施泯然都無所事而周人姑為此無用之虛名而已無用之虛名周人何所取焉孔子何必欲正焉周禮小宰正歲率治官之屬而觀治象之法鄭康成注云正歲謂夏之正月得四時之正以出教令蓋周建子之月既布治於邦國都鄙而於建寅之正歲小宰乃帥治官之屬觀治象之法是正月者周正月正歲者

夏正月也家氏豈知此義乎又按張氏洽云此所謂春乃建子月冬至陽氣萌生在三統為天統蓋天統以氣為主故月之建子即以為春而且寅之氣皆天之所以生劉歆云三統者天施地化人事之紀天施周正建子也地化商正建丑也人事之紀夏正建寅之謂也聖人雖欲行夏之時而春秋因史作經方尊周以一天下豈遽改其正朔哉又按曹魏明帝景初元年有司言魏得地統直以建丑之月為正三月定歷改年為孟夏四月改太和歷曰景初歷其春夏秋冬孟仲季月雖與正歲不同至於郊祀迎氣祈祠燕嘗巡狩蒐田分至啟閉班宣時令中氣早晚敬授民事皆以正歲

續垂棘編四集三卷

士

五經堂彙選

斗建為歷數之序齊王芳復用夏正以建寅之月為正始元年正月以建丑月為後十月於此益知魏承漢後改時改月漢有定制傳之自古魏人知之最明故踵而行之初不以為異也後人以史記漢冬十月為不改時月之證若漢初不改時月魏有司何緣得請以建丑之月為正而魏之君臣頗皆涉學慕古又何緣定歷改年以三月為孟夏四月乎家氏目中並無書卷以耳食之說逞其臆見可謂愚而自用者矣家氏曰書伊訓元祀十有二月乙丑伊尹奉嗣王祗見厥祖太甲中篇三祀十有二月朔伊尹奉嗣王歸於亳此十二月乃商家之歲首而但謂之十二月以見商家雖以

建丑為歲首未嘗改十二月為正月也按趙氏涉云漢書律歷志據三統歷商十二月乙丑朔旦冬至即書伊訓篇太甲元年十有二月乙丑伊尹祀於先王以冬至越第行事其所引書辭有序皆與偽孔書伊訓篇語意不合且言日不言朔又不言即位則事在即位後矣凡新君即位必先朝廟見祖而後正君臣之禮今即位後未逾月復祠於先王以嗣王見祖此何禮也暨三祀十有二月朔奉嗣王歸於亳是日宜見祖而不見又何也所謂古文尚書者擬拾傳會不合不經蓋如此說者乃欲案之以證殷周不改月可乎又言後九十五歲十二月甲申朔旦冬至無餘分春秋歷周文

續垂棘編四集三卷

主

五經堂彙選

王四十二年十二月丁丑朔旦冬至後八歲為武王伐紂克殷之歲二月己丑晦大寒閏月庚寅朔三月二日庚申驚蟄周公攝政五年正月丁巳朔旦冬至禮記孟獻子亦曰正月日至七月至其說皆與傳合夫冬至在商之十二月在周之正月大寒在周之二月驚蟄在三月夏至在七月而太初歷其在立冬小雪則曰於夏為十月商為十一月周為十二月唐人大衍歷追算春秋冬至亦皆在正月孰謂殷周不改月乎陳寵曰陽氣始萌有蘭射干芸荔之應天以為正周以為春陽氣上通雖雖離地以為正殷以為春陽氣已至天地已交萬物皆正蟄蟲始振人以為正夏以為

春慈天施於子地化於丑人生於寅三陽雖有微著三正皆可言春此亦歷家相承之說所謂夏數得天以其最適四時之中爾孰謂建子非春乎家氏曰臨卦之彖辭曰元亨利貞至於八月有凶指觀而言也臨二陽四陰之卦直十二月觀四陰二陽之卦直八月蓋自今年十二月指明明年八月而言當二陽之浸長豫憂四陰之將盛以臨觀相為反對云爾是時商人以丑為歲首而文王之秉惟從夏正此商家月次不易之明證也按張氏寧云本義之說以八月為自復卦一陽之月至遯卦二陰之月陰長陽遯之時又謂此為建酉之八月為觀亦臨之反對兩從其說而不決前說從

續垂棘編四集三卷

古

五經堂彙選

何氏周正也後說從褚氏夏正也復之彖曰七日來復是自夏正五月一陰長數至夏正十一月一陽來復日屬陽故陽稱七日扶之欲其亟長也於七月詩一之日二之日三之日四之日即此義也今臨之彖曰八月有凶是自夏正十二月二陽長數至夏正七月三陰長月屬陰故陰稱八月抑之欲其難長也蓋復彖自復數起為七日矣則臨卦當自臨數起不當又自復數起當自夏十二月數起不當自夏十一月數起若自臨卦夏十二月數起則自臨至觀為夏正之八月又九閏月不可言八月有凶月數起則自臨至觀為夏正之八月又九閏月不可言八月有凶

今日夏十二月數起至夏正之建申七月恰是八月於時為商正之八月也於卦為否三陰長而陽消故其彖曰否之匪人不利君子貞天地不交萬物不通其凶甚矣非若遯猶有厲而觀絕無凶也而况否之彖曰小人道長君子道消而臨於八月有凶之傳曰消不久也正指否卦而言至為明白今若以為遯是文王而用周正也以為觀是文王而用夏正也文王作文辭時為商西伯為商之臣用商之正復何疑乎若為商之臣而用周正是僭號稱王而改商正朔大不可也為商之臣而用夏正是奉時王正朔而用異代正朔亦不可也孔氏從漢諸儒之說是矣近時儒者陸山李

續垂棘編四集三卷

五

五經堂彙選

亦有謂文王演易時猶為西伯安有未代商已用周正此固不攻而自破是矣而又謂臨於月為丑乃商人之正文王遂知咸衰消長之數寄之於易謂今雖盛大臨人之勢後且有終凶必然之理為萬世戒其意微矣愚恐聖人正大寬厚之心不如是也且宋代諸儒極辨文王未嘗稱王而猶為此論故愚極辨文王奉殷正朔以服事殷之為至德者焉家氏曰周書泰誓一月戊午師渡孟津武成一月旁死魄一月者建寅之正月也春大會於孟津者夏時孟春建寅之月也不言正月而言一月者先儒謂商人建丑為歲首故避正之名而謂之一月理或然也孔氏乃以一月為建子之

月其意以為三代改正朔必改月數改月數必以其正為四時之首夫豈知改正朔者不過更其歲首春夏秋冬可得而變易乎十二月次可得而素乎按漢書律歷志云師初發以殷十一月戊子日在析木箕五度月在房五度後三日得周正月辛卯朔合辰在斗前一度斗柄也故傳曰辰在斗柄明日壬辰晨星始見癸巳武王始發戊午度於孟津孟津去周九百里師行三十里故三十一日而度明日已未冬至晨星與婺女伏歷建星及牽牛至於婺女天龍之首蓋志謂戊子者夏正亥十月之戊子而明言殷十一月後三日辛卯朔者夏正之子十一月商正之十二月而明言周正

續垂棘編四集三卷

六

五經堂彙選

月戊子至戊午三十一日明日已未冬至周正月之二十九日夏正之十一月也冬至以十一月周以冬至子月為正月又何疑乎又按律歷志引周書武成篇云惟一月壬辰旁死魄孟康曰月二死魄故言死魄魄字同若翌日癸巳武王乃朝步自周於征伐紂也師古曰霸古魄字同若翌日癸巳武王乃朝步自周於征伐紂序曰一月戊午師度於孟津至庚申二月朔日也四日癸亥至牧豎夜陳甲子昧爽而合矣故外傳曰王以二月癸亥夜陳武成篇云魯若來二月既死霸五日甲子咸劉商王紂是歲也閏數餘十正大寒中在周二月已丑晦明日閏月庚寅朔三月二日庚申癸卯四月已丑朔死霸死霸朔也生霸望也是月甲辰望乙巳旁

之故武成篇云惟四月既旁生霸越六日庚戌武王燎於周廟翌日辛亥祀於天位粵五月乙卯乃以庶國祀職於周廟志所引書顏師古以爲今文尚書而孔穎達謂偽書然其日月與今泰誓武成同而皆以一月爲周之正月家氏未之詳考而直以謂夏時孟春建寅之月其謬甚矣張氏以辨此最詳而又引書所言與周正合者甚衆如金縢秋大熟未獲天大雷電以風禾則盡偃云歲則大熟謂幽風夏正云八月其獲則此云秋者周正七月也八月雷收聲雷電以風爲七月也後言歲則大熟指十月也何以知其爲十月幽風七月之詩曰十月納禾稼黍稷重穋禾麻菽麥朱子集

續垂棘編四集三卷

亡

五經堂彙選

傳以爲自田而納於場者無所不備則禾稼總五穀而言也五穀皆熟爲有年故書之曰歲則大熟猶春秋並書麥禾也禾該五穀而言也五穀咸不熟爲飢歲故書之曰冬大無麥禾蓋周以十一月爲歲首十月爲歲終會計歲事皆於十月以是知其爲十月也此篇春秋不書月以七月於夏周皆秋無俟乎書月春秋書冬不書月以十月於夏商皆冬亦無俟乎書月也然則此篇之秋大熟亦周時也召誥惟二月既望越六日乙未王朝步自周則至於豐惟太保先周公相宅越若來三月惟丙午牒越三日戊申太保朝至於洛卜宅厥既得卜則經營越三日庚戌太保乃以庶殷攻位

於洛納越五日甲寅位成若翼日乙卯越三日丁巳越七日甲子云謂此言周之三月爲農時是夏之正月也則二月既望爲夏之十二月也與小明詩二月初吉同也二月不繫之時者二月於周非春也洛誥曰惟三月哉生魄周公初基作新大邑於東國洛舊脫簡在康誥先儒予惟乙卯朝至於洛師戊辰王在新邑烝祭歲文王騂牛一武王騂牛一王命周公後作冊逸誥在十有二月謂律歷志是歲十二月戊辰晦周公以反政故洛誥篇曰戊辰王在新邑烝祭歲命作冊惟周公誕保文武受命惟七年周十二月夏十月也周以十一月改正月爲歲首故曰烝祭歲孔說是也

續垂棘編四集三卷

大

五經堂彙選

冬祭曰烝此月烝祭者趙匡曰四時之祭皆夏時也篇首惟三月夏之正月也不繫之時多士篇惟三月周公初於新邑洛多方篇惟五月丁亥王來自奄至於宗廟謂二篇皆周月也多方五月不繫之夏考五月於周非夏也顧命惟四月哉生魄王不懌甲子云越翼日乙丑丁卯命作冊度越七日癸酉云謂金縢書時不言月召誥洛誥多士多方顧命書月日不書時蓋周以子月爲正於夏正有兩月之不同夏正自前代行於民間已久而正月正歲又自有參差之不齊故於時月日之書皆不相繫以一臣民之耳目視聽使之不惑此周一代書法也厥後魯公費誓甲戌我惟征徐

戎甲戌我惟築猶周之書法見魯用周正朔也畢命惟十有二年六月庚午肫越三日壬申王朝步自宗周至於豐以成周之衆命畢公保釐東郊謂漢律曆志言康王十二年六月戊辰朔三日庚午故畢命豐刑曰惟十有二年六月戊辰朔三日庚午肫王命作策豐刑孟康注曰逸書篇名漢儒未曾見今畢命也今畢命篇首年月日皆備與周史官書法見於伏生口受者異非特文章體制氣象之不同此所以爲孔壁後出之書也張氏原文凡此皆家氏所未能及故錄焉至所謂春秋冬夏不可得而易十二月次不可得而紊誠有是理矣然使春秋冬夏果不易十二月次果不紊則

續垂棘編四集三卷

九

五經堂彙選

夫子亦無爲貴行夏之時矣按黃氏澤云商周本是錯改時錯改月但學者不肖爲商周認錯若官爲商周認錯則經旨自然明白矣家氏曰詩豳風七月流火九月授衣者夏時也小雅北伐四月維夏六月徂暑等詩與周頌臣工維莫之春者皆夏時也臣工之詩乃諸侯助祭及莫春遠之歸國告戒之辭也曰維莫之春亦又何求如何新畲於皇來牟將受厥明言暮春則當治耕作之事年麥將熟可以受上帝之明賜夫年麥將熟則建辰之月夏正之季春也而鄭氏箋詩乃指周之暮春爲夏之孟春則四時爲之易位其舛豈不甚乎按豳風之詩周公東后稷先公風化之所由也后

稷虞夏之際封於郕及公劉能復修后稷之業遷於豳今作詩述前烈而記以先代之時月豈得取以爲周因夏時之證乎况詩所云一之日觴發二之日栗烈三之日於邾四之日舉趾則又明言周正矣一之日毛氏所謂十之餘蓋十有一月建子之月周之正月也二之日建丑之月周之二月也三之日建寅之月周之三月也四之日建卯之月周之四月也若謂周不改月數何得有此一二三四月之名乎既以建子爲一月而又有二三四月之名則不得仍以子爲十一月丑爲十二月寅爲正月卯爲二月矣此乃事理之顯然無足深辨者而家氏不察何與北伐之詩六月栖栖

續垂棘編四集三卷

二十

五經堂彙選

戎車既飾按張氏序云周六月夏四月也盛暑非微仇入寇時也四月之詩四月維夏六月徂暑秋日凄凄白露其下冬月烈烈飄風發發按張氏序云周之四月夏二月也春秋王正月朱子以爲周改正月爲春則此二月爲夏矣周之六月夏四月也徂暑者言自此而往以至於盛暑也詩曰我徂惟求定曰我徂東山曰自我徂矣三歲食貧曰我征徂西書曰攸徂之民室家相慶皆自此往彼之辭今若以徂暑爲暑往則豳風夏正之七月大火始西流而暑猶未退不可以爲夏六月而暑已往也以爲暑自此而往則夏六月爲季夏非暑自此而往於盛也進退兩無所當故知此詩周月

也朱子集傳曰淒淒涼涼也升草腓病也禮記月令曰孟秋涼風
至天地始肅漢書律歷志曰陰氣奪當傷之物奪則位於申在七
月則秋曰淒淒百卉具腓指夏七月也孟子曰秋陽以暴之集注
曰秋日燥烈也月令仲秋之月育風至注育風疾風也朱子集傳
亦曰發發疾貌則冬日烈烈飄風發發指夏八月也然則此詩之
秋冬亦周時也臣工之詩嗟嗟保介繼莫之春亦又何求如何新
會於皇來年將受厥明明昭上帝迄用康年命我衆人序乃錢鏐
奄觀鉅艾按張氏以云蔡氏書傳引此以爲年麥將熟其爲季春
可知今考之於全篇則其曰如何新會命我衆人序乃錢鏐即七
月之詩曰三之日於祁祁四之日舉趾周官遂大夫正歲簡稼器謂
未耕鋤基之屬修稼政謂修封疆相丘陵原隰皆孟春之事嗟嗟
保介即月令孟春之月天子祈穀於上帝載耒耜措之於保介之
御間帥三公九卿諸侯大夫躬耕帝籍之事也若待建辰之三月
始治新會始序錢鏐不亦晚乎非夏之季春明矣若但以來年將
受厥明爲三月則詩曰將受厥明不曰將熟夫麥種於今之八月
長於三春月至四月而始登五月而盡刈周都關右地尤高寒而
將之云者未爲而預言未至而預期之辭詩人之言緩而不迫似
難以一句蓋全篇而定其爲夏之三月也朱子以此篇爲戒農官

之詩引月令呂覽皆爲藉田而言竊因是說以爲此詩乃孟春祈
穀上帝躬耕藉田而成農官也麥爲五穀之中續食之最重者孟
春之時三陽發動麥已生長是以祈穀之辭先言將受來年之明
賜繼之以迄用康年而終之以奄觀鉅艾祈之明神欲五穀之皆
熟故並言之猶春秋書麥禾於冬以該五穀之義也若以來年將
熟爲春三月則冬十月非麥熟之時不得言無麥矣蓋春秋並書
麥禾於終而著五穀之大無此詩並言來年鉅艾於始而期五穀
之大者然則將受厥明明乃期之之辭非即時賦物之比不可以文
害辭也而此詩爲周之季春夏之孟春也明矣愚謂張氏之說當
矣然詩人之辭引物連類不同記事如幽風之詩兼用夏月周月
而又或引楚辭攝提貞於孟陬悲哉秋之爲氣以證夏正者亦何
足辨哉家氏曰周官冬至祀圜丘夏至祀方澤季春出火季
秋納火仲夏斬陰木仲冬斬陽木皆指夏時而言也凌人掌冰正
歲十二月令斬冰傳者云夏正十二月今之季冬也若以爲周正
十二月今之孟冬水始凍冰未及堅冰可藏乎內宰仲春詔內外
命婦始蠶夏仲春也若以爲周之仲春今十二月而可蠶乎天官
正月始和布治於邦國都鄙者亦夏正正月也傳乃以爲周正建
子月此一時而從周從夏之不同其實正月布治者亦夏正月也

又如禮記月令一篇純用夏正者也。按冬至祀圜丘。夏至祀方澤。及出火納火諸事皆用夏正者。周禮有正月正歲。若此類皆所謂正歲者也。禮記月令皆用夏正。亦周禮正歲之義。是以朱子有云。據周禮有正歲正月。則周實是元改作春正月。蓋此正可以證周正之實。不可舉以為夏正之驗也。家氏曰。雜記載孟獻子之言曰。正月日至。可以有事於帝。七月日至。可以有事於祖。此一節乃漢儒記禮者傳聞之誤。古有冬至夏至。未聞有春日至。秋日至者也。今指周正建子為春。為正是春。而日至也。其可乎。又指周正建午為秋。為七月是秋。而日至也。其可乎。二至既分。

續聖錄編四集三卷

五

五經堂彙選

亦隨之而舛。必將以夏正十二月半為春分。六月半為秋分。陰陽可得中乎。寒暑可得平乎。按家氏此論。則是自攻其說矣。獻子言正月日至。不言十一月日至。言七月日至。不言五月日至。家氏明知其說之非。是而雜記之言。不易叛也。故移其咎於漢儒記禮者。適足以彰其陋而已矣。至於分至啓閉。則周禮正歲之說。禮記月令之文。可以得其義也。而豈慮其或舛乎。按趙氏云。傳於僖公五年。春記正月。辛亥朔日南至。昭十七年。夏六月。記太史曰。在此月也。日過分而未至。當夏四月。是謂孟夏。又記梓慎曰。火出於夏。為三月。於商為四月。於周為五月。皆以周人改時。改月。春夏秋冬。

之序。則循周正分至啓閉之候。則仍夏時。趙氏之說。得其義矣。家氏曰。汲冢書周月解。時解。訓等篇。四時中節。大率與月令相似。且其言曰。夏數得天。百王所同。亦越我周作正。以垂三統。至於敬授民時。巡狩。烝享。猶自夏焉。又有嘗麥解。曰。成王四年。孟夏初謁宗廟。乃嘗麥於太祖。若以卯月為孟夏。安有麥可嘗乎。按汲冢書雖不可為據。依然明言周家作正。以垂三統。而家氏則以為周不改時。月明言敬授民時。巡狩。烝享。猶自夏時。而家氏則凡若此類。輒據以為夏正之證。何其說之自相矛盾耶。至成王即位四年。初謁宗廟。事不見於經傳。嘗麥之解。不足深論也。家氏曰。又如魯論曾

續聖錄編四集三卷

五

五經堂彙選

點舍瑟一章。所謂暮春者。亦可指為夏正之正月乎。今之正月。寒意猶凜。既非春服可成之候。其浴其風。皆不當在此時。則此暮春。非夏時而何。按此乃一時問對之語。記者筆之於書。當時文章論議。民俗話言。風謠傳播。猶多因夏正。如今人稱官爵州郡。猶承用古時名目者。然未可執是以為確證也。家氏曰。孟子十一月徒杠。成十二月與梁。成云者。本言修治橋梁。必在冬深水涸之時。徒杠十一月可成。澗水先涸也。與梁必十二月乃成。河水後涸。至是時乃可施工云耳。傳者引夏令為證。則非本旨。按朱子集注曰。周十一月。夏九月也。周十二月。夏十月也。夏令曰。十月成梁。而家氏強

為之辭其悖甚矣。家氏曰：河南程先生謂春秋假天時立義，有夏時冠周月之說。胡文定祖述其說，一以夏時周月為斷。時夏時則寅卯辰為春，月周月則子為歲首。時自時，月自月，不相為謀。夫子春王正月之意，果若是乎？嘗竊觀程子之意，似謂夫子以夏時冠周月，以見行夏時之意。但春秋有年之下，書時而紀事者，如隱二年春公會戎于潛之類，自舊已然。蓋史失其月，僅著其時，而春秋因之耳。聖人之意，正謂周家以建子為歲首，降而至於衰世，王正不修，歷紀廢壞，民聽惶惑，有以冬為春，以春為夏者，如絳縣之年號童之謠，百姓於二代之正，莫知所從。故修春秋行夏時以正之。

續垂棘編四集三卷

五

五經堂彙選

今以為夫子冠以夏時，猶存正月，豈不然與？按趙氏云：何氏哀十四年傳注曰：河陽冬言狩，獲麟春言狩者，蓋據魯變周之春以為冬，去周之正而行夏之時，以行夏之時說春秋，蓋昉於此。然何氏固以建子為周之春，但疑周不當狩而妄為之辭。至程子門人劉質夫則曰：周正月非春也。假天時以立義，爾則遂疑建子不當言春。此胡氏夏時冠周月之說所從出也。家氏亦知夏時冠月之非，而特以其言出於程子之門，不敢直斥之，而欲為之委曲回護。其說益支離而難通。家氏曰：自左傳一失，以春王正月為周王正月，孔鄭再失，以周正說詩傳書杜元凱三失，撰為長曆，以從左

傳之謬，而曆法有未易知者，故依違而不敢議，而不知曆務遷就以求其合，改易閏餘，求合周正，卒不得合。每為之遁辭曰：此經誤也。此曆誤也。按漢書律曆志：援據三統歷春秋歷殷歷，而其言冬至也在周正月丁巳朔旦。漢書皆遷就以求合者乎？今謂杜氏撰長曆以求附會左氏，若三統歷春秋歷殷歷亦漢人偽造，以附會漢書者乎？唐人大衍歷春秋冬至亦在正月，豈唐人亦附會長歷者乎？至又嘗長歷置閏不合古術，家氏亦未嘗知歷者則亦臆說而已矣。家氏曰：左氏自不能固守周正之說，每雜引周夏正以揆一時之事，而杜氏曲為說以通之。隱三年左傳云：四月鄭祭足

續垂棘編四集三卷

五

五經堂彙選

帥師取溫之麥，秋又取成周之禾。夏之言麥，秋之言禾，其為夏時固宜。而杜氏乃以此四月為周之四月，以此秋為周之夏。按杜氏謂筮踐之，或曰：因園牧用耳。理當然也。家氏曰：晉伐虢，圍上陽門之卜，偃曰：吾其濟乎？對曰：童謠云云。其九月十月之交乎？冬十二月丙子朔，晉滅虢。左傳以周正紀事，卜偃以夏正釋童謠。從左傳乎？從卜偃乎？卜偃生於當時，世典晉卜，若周家以建子為正月，卜偃何為以十二月為夏正之十月乎？按卜偃之語亦言天者以夏正之義也。何足辨與？家氏曰：絳縣老人云：臣生之歲，正子甲子朔四百四十五甲子矣。師曠士文伯以歲考之，定為七十三歲。老人

蓋生於魯文公十一年夏正建寅之正月朔至襄公二十九年夏正十二月為二萬六千六百六十日為歲七十三藉令老人隱者誤舉夏正師曠士文伯博極精詣不當與之俱誤周家以建子為正而二子以夏正計老人始生之歲必無是也按張氏寧云當是年夏正正月之癸未今傳書在三月則周之三月夏之正月也又云人習見夏時之久與人話言不舉夏正以明之則無以見是月之為周正也家氏曰莊二十五年六月辛未朔日有食之鼓用牲于社左傳云惟正陽之月應未作日有食之用幣伐鼓則以是月非正陽之月不當用正陽之禮故經以是為譏爾夫既非正陽之

續垂棘編四集三卷

壬

五經堂彙選

月則是月乃夏正之六月奚疑杜元凱求以通周正之說乃曰以長曆推此六月朔乃七月朔置閏失所以致月錯此借曆法之不可知者以為遁辭非經意亦非左傳所以立例之本意按長曆以為置閏失所此或當然若謂此借曆法之不可知者以為遁辭夫曆法家氏所不知而世之知之者多矣杜氏豈敢以此欺天下後世之人哉家氏曰又如城築興作之事左氏一以周正為斷宣八年十月城平陽傳曰書時也夫以水昏正為興作之候者傳例也以周正而言此十月乃夏正之八月時北方七星何由昏正而左氏乃以城平陽為得時而書則十月乃夏正而非周正亦明矣按

城平陽書時者經實不書月左傳必當有考耳今以蒙上十月之文而責之非矣家氏曰請即經之正文而驟論之冬而烝禮之常也春秋常事不書桓八年正月書烝五月又書烝再書之以譏烝之不以時穀梁子似亦知聖人行夏時之說其言曰烝冬事也而春興之夏又興之春秋所以譏胡文定又引周官大司馬仲冬田而烝者以證正月為建子月其可哉周禮仲冬固是夏時十一月十一月而田維其時矣十一月而烝亦其時矣而春秋之正月乃夏時之正月正月而書烝謂其過時而書豈得反以周禮仲冬之田而證春秋正月之烝必指春秋正月為周正建子月謂春秋以

續垂棘編四集三卷

壬

五經堂彙選

一歲再烝而書不以不時而書若然則春秋夏五月一書烝以譏不時可也正月之烝既得其時又何以書為哉按桓八年正月己卯烝陸氏淳云公羊曰譏亟也啖子曰此書之以彰下文爾非譏也穀梁曰烝冬事也春興之志不時也趙子曰正月之烝不失時也經為五月又烝故書此以明一歲再烝若不書即似春有故不烝夏乃烝耳啖說是也孫氏覺云春秋之正月夏時之十一月也十一月烝之時也得時而烝又書之者為夏五月烝張本也不書正月之烝無以見又烝之失故先書之以示其數程子云冬烝非過也書之以見五月又烝為非禮之甚也又曰正月烝矣而非時

復書者必以前烝為不備也。黷亂甚矣。黃氏仲云：烝用建亥之月，故傳曰閉蟄而烝。今烝用建子，不及時矣。不及時則為息。正月已卯，烝是也。烝舉則為黷。夏五月丁丑，烝是也。趙氏汾曰：周雖以建子為正，至於祭祀則用夏時。本月愚謂胡氏傳言穀梁以為烝冬事也。春興之志不時也。是以閉蟄而烝為是，與周制異矣。春秋非以不時志也。為再烝見黷書也。胡氏此論最明。又合諸說觀之。家氏之非自見矣。家氏曰：桓十四年辛未，御廩災。乙亥嘗八月而嘗時也。常事不書，此所以書為御廩災甫三日而嘗，所以譏爾。御廩者，梁盛之所藏。今而告災，不知戒懼，且不易梁盛而嘗，春秋是以

續垂棘編四集三卷

无

五經堂彙選

譏公穀二傳皆同，而孫泰山胡文定乃謂此八月乃周正之八月，周正之八月乃夏正之六月。六月而嘗不時，所以書失春秋繼災書嘗示警之意矣。夫烝之不時者，以為時嘗之時者，以為不時，不過以證夏時。冠月周正紀事之說，而非夫子平日行夏時志也。按譏不時非獨孫氏胡氏說也。孫氏覺云：春秋之八月夏時之六月，而嘗不時也。御廩災而嘗不時且不敬也。葉氏夢云：嘗秋事，建未之月嘗失時也。張氏洽云：祭祀用夏時，此八月乃夏之六月，未嘗時祭何為汲汲然以四日之間遽舉嘗祭乎。趙氏鵬云：六月稼未登場，安得新而嘗之以陳為新，非所謂嘗也。故書之著不時而烝

先典也。觀此知家氏謂此八月為夏正之八月者，非矣。家氏曰：且以春秋所書寒暑災變而言，於夏時大槩可通，其不可通者小有疑而未定焉耳。隱九年三月癸酉大雨震電，庚辰大雨雪，記異也。震電非異，震電而雪，所以為異。按公羊云：記異也。何異爾不時也。何氏云：三月夏之正月兩當冰，雪雜下，雷當聞於地中，其雖雖電未可見，而大雨震電此陽氣大失其節。范氏曰：劉向謂雷未可以出，電未可以見，雷電既已出見，則雪不當復降，皆失節也。孫氏復云：周之三月夏之正月也，未當大雨震電。既大雨震電又不當大雨雪，甚哉八月之間天變若此也。孫氏覺云：周之三月夏之正月

續垂棘編四集三卷

三

五經堂彙選

陽氣尚微，雷未當出，電未當見。既已雷電，則雪不當降。大者非常之辭，春秋常事不書，大惟非常則加大以別之。程子云：陰陽運動有常而無忒，凡失其度皆人為感之也。故春秋災異必書漢儒傳其說不達其理，故所言多妄。三月大雨震電不時，災也大雨雪非常為大亦災也。葉氏夢云：大雨震電不書，此何以書不時也。建寅之月未當雨水而大雨，雷未發聲而震電，又云大雨雪不書，此何以書不時也。建寅之月也。趙氏鵬云：陽極而大雨震電陰極而大雨雪，大雨必於夏大雪必於冬，陰陽之運然也。今於正月而兼冬夏之電雪，天變甚矣。黃氏仲云：周之三月夏之正月也，陽氣未力而

震電若威陽之月○雷雨既動而雨雪若凝陰之時○况大而非常則陰陽之錯繆甚矣○汪氏克○云○或謂春秋用夏正○故建辰之月○雨雪為異○苟實建辰之月○則震電未必書矣○愚謂家氏以為震電非異○謂夏正三月也○震電而雪○所以為異○謂三月無雪也○且家氏不聞三月雪乎○陋可知矣○家氏曰○僖十年○冬○大雨雪○書冬不書月○且加以大字○記是冬寒氣大盛○屢雪之為災耳○若以此冬為八月九月○是時秋氣始肅○餘暑未艾○安有連三月之雨雪乎○按葉氏○得○云○大雨雪○不志此○何以志建酉建戌之月○書不時也○趙氏○飛○云○周之冬○夏之秋○非大雪之時○而大雪○常寒之謂也○洪範曰○聽之不聰○

續垂棘編四集三卷

主

五經堂彙選

是謂不謀○厥罰常寒○則大雪非苟記異○所以責時君不能建皇極也○黃氏○炎○仲○云○雨雪常也○惟大而為害○故書獨桓八年○雨雪不言大者○周之十月○今之八月○非雨雪之時○故以異書也○俞氏○阜○云○春秋之冬○今之秋八月九月冬十月也○此亦紀其非常○故書家氏謂秋氣始肅○餘暑未艾○豈十月而猶可謂餘暑未艾乎○亦不思之甚矣○家氏曰○僖三十三年十二月○隕霜不殺草○李梅實○嚴冬不殺草○氣煥也○若謂此十二月為建亥月○則夏時之十月○草木盡殺○猶或有之○春秋何以遽書為災乎○竊詳經文○十二月乙巳○公薨之下○書隕霜不殺草○李梅實○此於歲終併書一冬之異○非專為此月書也○杜

氏以其長曆而推○謂此十二月乃周之十一月○今九月也○指此為舊史記錄之誤○春秋因之○九月之霜○不能殺草○猶未足為異○春秋何以動色而書之○曰○隕霜不殺草○李梅實乎○此夏正之冬○何疑○按孔氏○達○云○隕霜不殺草○李梅實○此在十一月下○杜以長曆校之○乙巳是十一月十二日○謂經十二月為誤○遂以此經四事皆為十一月○夏之九月○霜不應重重○又不能殺草○所以為災也○何氏云○周之十二月○夏之十月也○易中孚記曰○陰假陽威之應也○早實霜而不殺萬物○至當實霜之時○根生之物○復榮不死○斯陽假與陰威○陰威列○索故陽自實霜而反不能殺也○孫氏○覺○云○春秋之十二月○夏時

續垂棘編四集三卷

主

五經堂彙選

之十月也○十月隕霜而草不死○李梅實皆異之大者也○春秋之法為災而及於死民物者○則書為異○而反常者○則書十月之霜○草當殺而不殺○十月之李梅○不當實而反實○天地陰陽之義○非常可怪者也○趙氏○飛○云○詩曰○九月肅霜○况十月乎○宜霜威之動而無草不黃也○今隕霜不殺草○異之大者○霜不殺草○猶姦宄之不誅○暴亂之不戢○天之垂戒○顯矣○黃氏○炎○仲○云○經書隕霜○二○曰○隕霜不殺草○一曰○隕霜殺葢○周之十二月○夏之十月也○霜當殺草而不殺草○異也○周之十月○夏之八月也○未嘗隕霜而殺葢○亦異也○夫杜氏以十月為今之九月○家氏疑之矣○其以為十月者○則諸家之說也○十

月隕霜不殺草李梅實豈得不為異乎以杜氏之未可從而盡點諸家之說家氏之說可為篤論與家氏曰書無冰而皆在春以冰政不舉而書耳詩七月二之日鑿冰沖沖謂十二月取水三之日納於凌陰謂正月藏冰四之日其早獻羔祭韭謂二月開冰周禮藏冰開冰與之略同春秋於桓十四年春正月成元年春二月襄二十八年春三月書無冰皆為冰政不舉書以譏之耳按桓十四年春正月無冰何氏云周之正月夏之十一月法當堅冰無冰者溫也此夫人淫佚陰而陽行之所致穀梁云無冰時煥也范氏云皆君不明去就政治舒緩之所致五行傳曰視之不明是謂不哲

續垂棘編四集三卷

三

五經堂彙選

厥咎舒厥罰常煥孫氏覺云春秋之春夏時之冬也冬而無冰則為陽氣不闕而陰氣不凝也張氏洽云常煥也二之日鑿冰沖沖乃周正建丑之月涸陰返寒之時而不冰陰不能成物之災趙氏鵬云周之正月夏之十一月凌人斬冰而藏之時而無冰焉則無以備暑矣非徒無以備暑而鮮羔開冰何以薦寢廟外內饗何以供水鑑賓客何以供饌饌夏無以頒秋無以刷其為闕禮大矣洪範庶徵曰豫恒煥若君政逸豫則恒煥應之春秋之君勤於政者固無有也則無冰乃恒煥之應與俞氏阜云此亦見是周月紀事若夏正月則東風解凍宜無冰也汪氏克云此年正月書無冰成

元年二月書無冰襄二十八年春無冰則知因陽盛氣煥而隨時以紀之苟以發冰而知無冰則當常以二月而不在正月矣若曰或藏冰無冰而書無或發冰無冰而書無抑何紀事之錯亂乎趙氏汾云無冰不月終時無冰則志之周之春夏之冬也成元年春二月無冰杜氏云周二月今之十二月而無冰書冬溫孔氏云襄二十八年春無冰彼春無冰則是竟無冰此亦應竟春無冰而書在二月下者以盛寒之月書之也何氏云周二月建丑之月夏之十二月也此月既是常寒之月於寒之中又如加甚常年過此無冰終無冰矣孫氏復云周之二月夏之十二月無冰冬溫也書

續垂棘編四集三卷

四

五經堂彙選

日備常陽若無冰常陽之應也襄二十有八年春無冰穀梁云時煥也胡氏安云今仲冬之月煥而無冰則政治縱弛不明之所致也俞氏阜云冬溫也李氏廉云此條注杜氏明以建子為春矣諸家之說無冰彰彰如此而家氏但以冰政不舉四字了之夫冰政何以不舉乎所不舉者何政乎家氏卒不能置一辭也其陋甚矣夫家氏亦知詩有一之日二之日使周不改月緣何有此名目乎家氏曰書蚤有在夏秋者為其賦苗而書有在冬者則以陽氣不斂蟄出為災耳哀十二年冬書蚤十三年冬又書蚤皆記異也竊冬沍寒閉蟄已久而蟄生焉其為異大矣左傳乃託夫子答季

孫之語歸過於司曆之失閏春秋為記異而書豈為曆乎按哀十有二年冬十有二月○蠡杜氏云周十二月今十月是歲應置閏而失不置雖書十二月實今之九月○司曆誤一月九月之初尚溫故得有蠡何氏云周十二月夏之十月不當見故為異孫氏復云周之十二月夏之十月也為異之甚○蘇氏轍云周之十二月夏之十月不當有蠡蓋失閏也故季孫問於仲尼○仲尼曰丘聞之大夫而後蠡者畢今火猶西流○司曆過也○趙氏鵬云春秋書蠡者十有八皆在夏秋之交固以為災矣然未若哀公之世書蠡者二皆在於閏蠡之後○閏蠡之後穀既登場○蠡固不能為害然其異亦甚矣○禮

續陸林編四集三卷

世

五經堂彙選

仲秋行夏令則蠡蟲不藏○孟冬行夏令則方冬不寒○蠡蟲復出此則常燠之證也○燠而蠡振猶有然也○燠而蠡生是謂災異兩興也○聖人可不志之哉○黃氏震云蝗蝻在地冬雪乃深入○今冬燠而有蠡將蔓延為來歲之災矣○十有三年十有二月蠡杜氏云前年季孫雖聞仲尼之言而不正曆失閏至此年故復十二月蠡實十一月何氏云周十一月夏九月日在房心○房心天子明堂布政之庭○於此且見與日爭明者諸侯伐主治與法滅絕之象是後周室遂微諸侯相兼為秦所滅燔書道絕○張氏洽引許氏云蠡每在十二月傳以為司曆之過此曆不時不革之弊與愚嘗謂蝗蝻之生雖

今之冬亦有之杜氏謂曆之失閏蓋本夫子答季孫之言而逆推之以知曆之果失也○亦非避冬無蠡生之理而託閏以文左氏之非也○家氏於此過求之以證其夏正之說至謂春秋豈為曆乎云云者文義並難通矣○家氏曰莊七年秋大水無麥苗傳者謂周七月為夏五月故以無麥苗為災非也○中原之地種麥最早故月令仲秋勸種麥○令曰無或失時是歲以大水之故種麥失時故曰無麥苗○非謂已熟之麥而言也○莊二十八年冬大無麥禾謂歲終計公私所儲蓄而言不然麥熟在夏禾熟在秋何以書無麥禾於此際乎此春秋所書寒暑災變合於夏時者也○外是亦有一二之疑

續陸林編四集三卷

共

五經堂彙選

皆可以義例而通要以不害於大體之合○按莊七年秋大水無麥苗○公羊傳云無苗則曷為先言無麥而後言無苗一災不書待無麥然後書無苗何以書記災也○杜氏云今五月周之秋平地出水漂殺熟麥及五稼之苗○孔氏云直言無麥苗似是麥之苗而知麥苗別者公羊傳曰曷為先言無麥而後言無苗待無麥然後書無苗如彼傳文知麥苗別也○且此秋今之五月麥已熟矣不得方云麥之無苗故知熟麥及五稼之苗皆為水漂殺也○孫氏復云水不潤下麥與禾黍之苗同時而死故曰無麥苗○劉氏敞云曷為先言麥而後言苗麥苗同時麥成而先敗也○孫氏覺云春秋之秋夏時

之夏麥已大成而禾苗方盛大水之災而麥也苗也皆無也○災之
甚者○故書之○二十八年麥禾之無經書之曰大大者非常之辭○麥
苗之無以水災而無也○災之所不及者○猶有存焉○不得曰大無也○
麥禾之無書之於一歲之卒歲凶而至於冬一國之內舉無收也○
蓋大無焉○不得但曰無也○故無麥苗志之於秋○見水災也大無麥
禾志之於冬○見歲凶也○春秋一字聖人必盡心○無苟然者○蘇氏○
云是時麥熟五稼苗而未秀○皆為水所害也○葉氏○得云秋夏之建
午建未建申之月也○麥成而稻苗大水則皆敗矣○故曰無凡稻苗
而後秀秀而後實○趙氏○飛鵬云周之秋夏之五月五月麥將實而大

續重校編四集三卷

世

五經堂彙選

水焉○為水所厭而不實○故先書大水○繼書無麥苗○以見災五月麥
未登場○不可舉其實○故曰麥苗說者以麥苗為二物○麥且未艾○安
得徒有苗此蓋疑五月之際○麥將實不可曰苗也○不知未登場○
安得舉其實○二十八年冬書大無麥禾○則穀既登場○圖矣○故明舉
其實○此則麥未實為水所盡耳○何疑乎○莊二十有八年冬大無麥
禾○杜氏云書於冬者○五穀畢入○計食不足而後書也○家氏之說○
本杜氏而與莊七年無麥苗並書○欲以援證夏時其義亦不倫矣○
家氏所言春秋寒暑災變自以為合於夏時而又謂外是亦有一
二之疑○可以義例而通○夫家氏之所不疑者○學者之所疑而取信

於先儒者也○一二之疑者○乃學者之無可疑○而家氏之所終不能
解者也○宜乎其披猖悠謬之言○得罪聖經○欺惑後世○吾不能不
與之辨○

改時改月之說○前輩聚訟○吾晉崔小衛孫至一兩作意明詞快
既收入小刻二集三集中○此作大意與崔孫同○而意明而詳詞
快而確○應在崔孫之上○吾晉原有讀書人○竊願修南豐一辯而
從之矣○
彪西

九峯蔡氏與明儒寧陵呂氏之論○皆與家氏所見同○學者幾不
知所適從矣○然朱子斷以建子非春○聖人正是為其不順○故欲

續重校編四集三卷

世

五經堂彙選

改從夏時耳○呂晚邨謂其一言直破紛紜○他如陳定宇史伯璿
林堯叟之說○皆主周正○近世黃梨洲復證以左氏之名分至日
食之入食限○尤鑿鑿可據○此文原本朱子○該括諸家博大精深
有功經學大矣○
范梅臣

續垂棘編四集四卷

晉洪洞范鄆鼎彪西南彙選

垣曲受業石雲根參閱

孝經刊誤述釋序

陳廷敬

朱子孝經刊誤經一章傳十四章自朱子定此經有能從之者固少矣孝經列於學宮著令貢舉為論校士蓋世所誦習之書也而顧用今文舊本余嘗怪焉後在直廬見勅撰孝經衍義其所排纂並依經傳之義可謂超然遠見者也而世誦習獨與此異何與六經見於今者五易詩從朱子書蔡沈本用師說春秋胡文定公傳朱子亟稱之獨禮經從陳皓夫世崇朱子書至此經乃手定

續垂棘編四集四卷

五經堂彙選

之書而顧其之從非矣余是以僭為述釋而傳之昔朱子論中庸以謂程子因其語而得其心惜其所以為說者不傳而石氏之輯錄僅出於其門人之所記今以朱子手定之書無有殘脫得傳於世不至如朱子所致歎者亦斯文之至幸也而或謂刊誤非朱子之書何其陋與吳氏草廬因刊誤而更竄易之何其僭與當與呂忠節孝學並傳彪西

考試親民之官疏

陳廷敬

恭惟皇上宵衣旰食存心於天下加志於窮民洞知閭閻之疾苦歷觀稼穡之艱難擢用循良振興吏治將使官奉其職民樂其生永臻太平郅盛之風竊謂與國家共理此民者外則督撫司道府州縣等官督撫司道彈壓表率府州縣以理民者也而與民最親者無踰於知府知州知縣者矣愚謂親民之官其職至重至於文移簿書期會訟獄之事皆身自經理不得假手胥吏使貪緣為奸其事又甚難也自捐納以來有未經考試之人輒授正印親民之官者夫古者以經術為吏治必學古然後可以入官今即

續垂棘編四集四卷

二

五經堂彙選

不能盡然而亦須略曉文義之人委以民社之寄查俊秀一項初捐既是白身有司曾未一試而吏部輒與選補則其文義通關何由得知此項人若一槩束之高閣則既已嘗許其得官若盡數錄用則自古未有不曉文義之人可以為民父母者也查兵部有考試武職之例凡副將參將遊擊等官單雙月選補先期考試弓箭不合式者不准選補下月復考至於再四必待其合式而後用之武職重之如此何況親民之吏乎臣又查吏部有考試招民知縣之例招民之與捐貲事體相類又不宜彼重而此輕也臣愚謂知府知州知縣凡俊秀捐納有已經考職後捐納者依例選補

有未經考職遂行捐納者於補選之時仍行考試文義略曉者即與選補否則且令肄業聽其再試凡考試之時若繩以一殷經義既非其所素習亦難以猝然而能合無試以時務策一道判一條但須嚴加防察毋得令其代倩徒應虛名如此則既不絕其功名仕進之路亦使之有鄭重名器之思庶可以責吏治之實效也伏祈 睿鑒勅議施行康熙二十四年正月二十四日上本月二十九日奉 旨九卿詹事科道會議具奏簡捷明快最合古大臣告君之體 鹿西

經學家法論

陳廷敬

朱子論貢舉治經謂宜討論諸經之說各立家法而皆以注疏為主易則兼取胡瑗石介歐陽修王安石邵雍程頤張載呂大臨楊時書則兼取劉敞王安石蘇軾程頤楊時晁說之葉夢得吳棫薛季宜呂祖謙詩則兼取歐陽修蘇軾程頤張載王安石呂大臨楊時呂祖謙周禮則劉敞王安石楊時儀禮則劉敞二戴禮記則劉敞程頤張載呂大臨春秋則啖助趙正陸淳孫明復劉敞程頤胡安國大學論語中庸孟子則集解等書而蘇軾王雱吳棫胡寅等說亦可采令應舉人各占兩家以上於家狀內及經義卷子第一

行內一般聲說將來答義則以本說為主而旁通佗說以辨其是非則治經者不敢妄牽己意而必有据依矣愚按朱子此議欲治經者以注疏為主而兼取諸家之說以求其至是亦未欲其專取一家之言也而曰以注疏為主是更不欲攬注疏而不用明矣今之學者不然易則專取本義詩則集傳書則蔡沈春秋則胡安國禮記則陳澧周禮儀禮廢已久蓋不惟諸家之說概不列於學官而舉朱子所云專以為主之注疏學者有終其身不知為何物者矣即如所謂大全者又非甚別於專家之說而有獨見之明也其與朱子所云以所治之說旁及佗說而後以己意辨晰以求其至

是者亦大異矣。且大全之書明承樂朝急就之書也。七年開館於
祕閣。十三年帝問纂修如何。館中人聞之。懼倉卒錄舊書略加刪
節。以進。四書則倪氏輯釋。易則董楷輯疏。書則董鼎輯錄。詩則劉
瑾通釋。春秋則汪克寬纂疏。禮記則陳澧集說。故大全者甚不全
之書也。然學者尤憚其煩苦而不之讀。所服習者本義集傳蔡沈
胡安國陳澧之所謂五經而已。易書詩禮經文學者猶加誦習焉。
春秋則概刪聖人之經。不讀讀胡氏傳。傳亦不盡讀。擇其可為題
目者。以其意鋪叙為文。不敢稍逾分寸。以求合於有司。又最甚者
擇取傳中字句文義。以意扭捏妄牽。聖經移彼就此。名為合題。豈

續垂棘編四集四卷

五

五經堂彙選

惟不合經意。揆之傳者之意。亦初不自知其何以位置安排。違戾
乖刺之如此也。慢棄聖言。割裂傳注。又如朱子所謂名為治經。而
實為經學之賊。號為作文。而實為文字之妖者也。蓋經學之弊。原
於時文。昔者經義之興。本以論斷為體。不執一說。引據史傳。非如
後之描畫聲口。簞鼓吻唇。乳兒小生。侮聖言而代為之詞。執不得
不單守一家之話訓。以便行文。而其腐朽惡爛。不逾時歷歲。改頭
換面。以趨新巧。使學者窮年積月。從事於無用之空言。考其實。枵
然無所得也。又何有於經學哉。然則何以正之。曰。必如朱子之言。
而後可。朱子論經義。欲令明著明白之文。而疏其上下文。通約三

十字以上。次列所治之說。而論其意。又次旁列他說。而以已意反
復辯晰。以求至當之歸。但令直論聖賢本意。與其施用之實。不必
如今日分段破題對偶。專行體。每道限五六百字以上。則雖多
增所治之經。而答義不至枉費辭說。目力亦有餘矣。蓋今之時義
又與南宋之時異。朱子所謂不問題之小大長短。而必欲分為兩
段。仍作兩句對偶破題。又須借用他語。以暗貼題中之字。必極於
工巧。而後已。其後多者二三千言。別無他意。不過止是反復專衍
破題兩句之說而已。今之八比。雖與此異。而其為弊則一也。故欲
正經學之失。須革時文之弊。時文之弊。革然後學者可以旁通諸
家。收實學之效也。

續垂棘編四集四卷

六

五經堂彙選

破拘儒之論。開經學之門。有功聖道不淺。彪西

卓茂

陳廷敬

史載卓茂二事錄之使覽者勸焉其一初爲丞相府吏有人認其馬茂問曰子亡馬幾何時對曰月餘日矣茂有馬數年心知其謬解與之侖日馬主別得亡馬乃詣府送嚮所解馬叩頭謝之其一爲密令人有言部亭長受其米肉遺者茂避左右問之曰亭長爲從汝求乎爲汝有事囑之而受乎將平居自以恩意遺之乎人曰往遺之耳茂曰遺之而受何故言耶人曰竊聞賢明之君使人不畏吏吏不取人今我畏吏是以遺之茂曰凡人所以貴於禽獸者以有仁愛知相敬事也今鄰里長老尚致饋遺此乃人道所以相

續世錄編四集四卷

七

五經堂彙選

親況吏與民乎吏顧不當乘威力強請求耳凡人之生羣居雜處故有經紀禮義以相交接汝獨不欲修之寧能高飛遠走不在人間耶亭長素善吏歲時遺之禮也人曰苟如此律何故禁之茂笑曰律設大法禮順人情今我以禮教汝汝必無怨以律治汝何所措其手足乎一門之內小者可論大者可殺也且歸念之於是人納其訓吏懷其恩蓋茂所爲大抵類此其名蹟留天壤人至今稱之而史獨舉此二事豈人所甚難行者哉病不爲耳其效至於能使蝗獨不入密縣界蝗於蟲豸爲最凶頑無知識之物而茂以是化之信及豚魚良然哉及光武初即位先訪求茂方之止千商容

之賢封褒德侯茂薨車駕素服親臨夫茂非有殊能顯功而世祖重之如此或曰茂當王莽居攝以病免歸不仕更始政亂又以年老乞骸骨歸世祖之重之者以此然本傳載茂與同縣孔休陳留蔡勳安衆劉宜楚國龔勝上黨鮑宣六人同志不仕王莽時建武初劉宜獨存世祖以宜襲封安衆侯其所褒寵不能及茂觀當時所以重茂與茂之所以見重於當時者人苟欲自立其所嚮慕取法可以爲勸矣

三歲兒童曉得八十老翁行不得 彪西

續世錄編四集四卷

八

五經堂彙選

與徐宗伯論一統志書

陳廷敬

一統志保定一府蓋全志之權輿○百六十府之律度繩矩○創始者
難為功○微吾健菴○莫任此事也○廷敬才力薄○少弗學○且今衰鈍○曾
何足以語製述之事○而左右於萬一○自以與健菴同被○命為此
書○既愿心汗顏○不以讓於能左右吾健菴者○今被○命且又而以
荒陋無所能自解○則尸素之愆○知不免矣○然以健菴壹心力○勤考
據○發凡起例○規模大定之書○而必欲逞其私意○以求自解○免於咎
責○妄加吹索○則天下庸有是理也○哉○語曰○泰山演渤○不以丘垤細
流而損其高深○又云○愚者之慮○十有一得○則遠豕野人之片○皆吾

續垂珠編四集四卷

九

五經堂彙選

健菴之所先得乎心者○而願謂然謂吾能左右於萬一○亦何異
此蟬之撼大樹○而腐草之螢○求爭光於星日也○其為愚僭謬○展詎
不甚哉○惟吾健菴○有以容之而已○謹按今志之作○合天下與地人
物而備載○一書不患事少○但慮文多○顧文既多矣○而猶未免乎挂
漏之虞○是知事貴博○而文取約也○蓋不博不足以備事○不約則不
足以載博○如所編建置沿革○博以全史○而約之行墨之間○此昔之
所無○而今之獨擅者也○山川則錄其雄峻○關梁則有繫於要害○此
昔之所無者○而一切詠歌之辭○風人之旨○可以備採聽而資興觀
者○集豈弗錄○則昔之所有而失之○濫今之所無而病其大略者也○

續垂珠編四集四卷

十

五經堂彙選

戶口田賦○昔之所略○今詳焉○而或竟仍前代○或斷自○國初○似應
以新編賦役全書為準也○名宦人物○則三不朽之業○卓卓可考者
以某事得稱○廉能以某事某書而得○名孝弟文學○若都無事實○而
但曰政聲卓然○曰讀書樂道○非所以褒前勸後也○名宦既有美政
可紀○雖其人為賢者○或以他故○不得有所施設○亦不必載○蓋既錄
之曰名宦○而事績不著○則名與實長矣○且賢者何患不傳○而予之
以無實之名耶○又志與史略相似○而與史有異者○史所重在人事
而地理郡國其附見者也○推此而論○志與史各有詳略之可言矣○
宗工鉅卿○史所詳者○志不必更詳○片長軼事○史不及載者○志不可
不載○其法與史相經緯○又不與史相雷同○乃為得耳○事取博矣○文
取約矣○而所貴者○書法則宜古而不宜今○宜雅而不宜俗○如志遷
擢○則曰陞士子首選○則曰解元○曰會元○曰狀元○曰及第○宜悉改易
南昌人物○不書字○保定書○或書或不書○宜酌也○舊志人物○一府合
載○故於人名下○分注曰某邑人○今志則逐縣分記○不待詳志而始
知○可以不仍前例也○南昌志○得之分繫之例○名宦最難○蓋古之郡
國○非今之郡國○如豫章一郡○幾盡江西之地○漢時豫章太守○自當
繫於江西布政司之後○不當專入南昌府○然此猶易定者也○他如
一郡而跨兩省○如會稽郡○今一省而雜數郡○如山東一郡而包絡

幾府○如○豫○章○幾○郡○而○并○成○一○郡○如○江○南○則○兩○漢○牧○守○不○知○將○何○編○置○
始○得○允○愜○此○當○熟○論○者○也○今○之○督○撫○藩○臬○監○驛○學○政○驛○傳○糧○儲○提○
督○總○鎮○自○當○列○於○各○布○政○司○之○後○一○省○而○有○兩○巡○撫○兩○布○按○雖○分○
地○而○治○亦○當○與○統○轄○全○省○者○同○列○雖○駐○別○府○如○江○蘇○巡○撫○布○按○
布○按○駐○而○不○得○即○繫○於○所○駐○之○府○重○體○統○也○惟○分○巡○守○道○及○總○鎮○
轄○一○二○府○者○則○隨○其○所○駐○之○地○而○繫○之○北○直○巡○撫○不○繫○於○順○天○而○
繫○於○保○定○者○所○以○謙○尊○也○使○省○初○不○得○以○為○例○至○北○直○督○學○亦○當○
繫○於○保○定○也○又○志○前○朝○事○與○志○當○代○事○自○別○志○當○代○則○其○辭○嚴○重○
故○明○人○書○諸○帝○曰○某○陵○某○廟○書○上○書○報○可○曰○特○蒙○施○行○書○卷○人○曰○

續垂棘編四集四卷

十二

五經堂彙選

逆○理○逆○璫○其○體○法○宜○爾○今○志○中○或○一○二○仍○其○文○而○諸○葉○尤○所○宜○悉○
易○者○此○其○大○較○也○諸○所○欲○商○確○者○已○識○浮○簽○於○上○而○江○西○省○未○經○
論○定○者○亦○并○開○具○如○左○以○俟○財○擇○焉○謹○啓○不○宜○
閱○此○書○札○全○志○可○不○讀○矣○閱○此○書○札○全○志○又○不○可○不○讀○具○此○議○
見○應○使○蘭○台○石○渠○諸○名○儒○統○遜○一○席○彪○西○

畢亮四論訂歷科經義序

陳廷敬

畢○先○生○亮○四○生○同○鄉○初○不○相○識○及○余○有○母○之○喪○畢○先○生○來○弔○來○會○
葬○父○之○往○謁○謝○未○至○數○里○迷○失○路○別○使○人○問○畢○先○生○則○身○自○耕○於○
田○要○所○使○人○留○止○其○家○與○之○坐○而○食○以○食○畢○先○生○無○僮○指○其○所○食○
使○人○食○皆○身○自○食○之○且○食○且○身○自○飼○其○蠶○日○晡○時○至○畢○先○生○家○則○
蓬○蒿○滿○門○徑○牛○欄○雞○埕○雜○置○堂○下○堂○中○則○所○自○飼○蠶○處○肅○客○入○其○
東○一○室○流○塵○蔽○凝○畢○先○生○擁○膝○撤○席○揖○客○而○坐○坐○定○視○畢○先○生○蓋○
冥○然○農○家○者○流○耳○及○相○與○語○則○談○天○衍○雕○龍○爽○多○數○過○身○吾○雖○未○
見○其○人○聞○其○語○意○者○即○畢○先○生○其○人○其○言○是○也○畢○先○生○家○與○農○民○

續垂棘編四集四卷

十三

五經堂彙選

最○下○者○比○所○守○甚○危○苦○而○家○獨○多○藏○書○勝○國○君○臣○事○跡○典○故○文○字○
關○史○家○者○尤○多○其○他○書○皆○世○所○不○常○見○其○議○論○磅○礴○澶○漫○汪○洋○恣○
肆○旁○紹○曲○撫○橫○貫○勁○出○指○畫○口○道○如○瀛○海○汗○灑○浩○乎○無○垠○而○天○光○
瑩○晶○也○如○蛟○龍○奮○翔○鱗○爪○開○張○而○波○騰○雷○動○也○如○驅○騏○驎○騁○裏○駕○
重○車○臨○廣○途○停○策○委○轡○不○終○日○而○馳○千○里○而○驚○馬○顧○望○嘶○鳴○踴○躍○
遶○乎○其○後○也○子○所○信○為○其○人○其○言○者○豈○謂○過○與○畢○先○生○語○不○休○子○
亦○勤○息○不○能○遽○以○去○飯○我○以○脫○粟○酌○我○以○流○泉○因○留○相○與○深○語○而○
後○別○居○無○何○為○書○數○千○言○以○所○輯○錄○明○以○來○制○科○之○文○數○百○篇○抵○
其○皆○手○自○抄○寫○旁○註○夾○注○細○書○如○繭○絲○牛○毛○每○一○人○則○飲○其○問○學○

治○行○著○述○本○末○皆○可○系○之○國○籍○屬○之○史○乘○皆○前○所○謂○世○不○常○見○者○
近○時○館○局○編○纂○家○其○能○有○此○乎○不○也○畢○先○生○曰○藏○之○名○山○傳○之○其○
人○吾○之○志○也○予○實○慙○非○其○人○而○悲○畢○先○生○之○志○惜○其○將○老○而○無○傳○
也○為○序○其○訂○交○之○所○始○而○因○以○略○著○其○得○於○畢○先○生○之○萬○一○者○如○
此○

畢方伯寫真圖

施西

讀畢先生書聞畢先生事方知此文之妙能傳出真清真廉真
學真問又評

續垂棘編四集四卷

五

五經堂彙選

關目詞話序

陳廷敬

始○吾○觀○屈○建○不○以○芟○祭○事○誠○未○知○其○賢○與○否○乃○今○然○後○知○建○之○果○
不○得○為○賢○也○昔○者○屈○到○嗜○芟○有○疾○召○其○宗○老○而○屬○之○曰○祭○我○必○以○
芟○及○祥○宗○老○將○薦○芟○屈○建○命○去○之○曰○國○君○有○牛○享○大○夫○有○羊○饌○士○
有○豕○犬○之○奠○庶○人○有○魚○炙○之○薦○遵○豆○脯○醢○則○上○下○共○之○不○羞○珍○異○
不○陳○庶○侈○夫○子○不○以○其○私○欲○干○國○之○典○卒○不○用○芟○禮○曰○文○王○之○祭○
也○事○死○如○事○生○又○曰○如○見○親○之○所○愛○如○欲○色○然○如○欲○色○云○者○言○其○
想○像○親○平○生○所○愛○之○物○如○見○親○有○欲○之○之○色○也○今○建○直○以○謂○大○夫○有○
羊○饌○之○禮○夫○芟○微○物○耳○比○之○珍○異○比○之○庶○侈○又○斥○之○以○為○私○欲○正○

續垂棘編四集四卷

五

五經堂彙選

之以國典○嗚呼建獨非人子耶○人子之將祭其親也○齊而思其志○
意○思○其○所○樂○思○其○所○嗜○建○為○人○子○而○顧○忍○獨○絕○其○親○之○所○嗜○且○使○
其○親○平○生○所○愛○之○物○直○有○欲○之○之○色○而○建○思○而○見○之○而○遂○絕○之○亦○
何○以○異○於○禮○所○云○耶○且○使○其○親○而○尚○在○能○禁○格○其○所○嗜○耶○今○已○矣○
建○則○曰○是○乃○由○我○則○是○事○死○者○不○如○其○生○也○建○為○得○謂○之○賢○耶○敬○
事○母○淑○人○不○能○得○一○日○之○歡○茫○茫○乎○思○吾○母○之○志○意○思○吾○母○之○所○
樂○思○吾○母○之○所○嗜○而○不○可○得○也○蓋○淑○人○性○幽○貞○莊○肅○澹○然○於○物○無○
所○嗜○獨○喜○觀○書○偶○見○楊○用○修○史○略○詞○話○而○悅○之○嘗○謂○用○修○詞○話○以○
一○人○之○聲○詞○集○括○全○史○之○事○蹟○有○聲○韻○而○無○關○目○不○若○人○各○舉○其○

事人自言其情○寫興亡之踪跡○促今古於須臾○尤為感人之深也○
名之曰○關目詞話○書未就而淑人見背○夫淑人所嗜○六經諸史○吾
不能讀○吾母之書○矣○顧沾沾焉不忘於此者○將以比屈子之楚而
痛建之忍於其親也○

仁孝至性○發我情矣○竊欲借此○為小刻五思集作總序○先生然
乎否○彪西

續垂棘編四集四卷

主

五經堂彙選

七夕唱和詩序

陳廷敬

詩窮者而後工○豈然哉○古之工詩者○類皆不過而窮○或遇而卒以
窮○或遇而不窮○而若有窮焉者○使其人皆遇而不窮○而亦無有與
為窮焉者○其詩亦未必不工○然而卒反是者○若有天焉○詩能窮人
豈非信然哉○予觀七夕唱和詩○諸子皆不過而窮者○故其詩之工
至如此○而予視諸子為既遇○宜其詩之不工於諸子也○諸子行且
遇矣○遇而無所與為窮者○矣○苟求遇焉○且將無所與為窮焉○則無
為貴詩之如此其工也○諸子曰○先生之言○有戚也○夫雖然○予則烏
乎敢○既乃次其語○以為七夕唱和詩序○

續垂棘編四集四卷

主

五經堂彙選

文到化境此類是也○彪西

古不修墓辨

陳廷敬

孔子葬母於防○為四尺墳○遇雨而崩○弟子修之以告孔子○孔子流涕曰○吾聞之古不修墓○劉向曰○蓋非之也○又言殷湯無葬處○文武周公葬於畢○秦穆公葬於雍○秦宮新年館下○擣里子葬於武庫○皆無丘隴○謂為賢君○智士遠覽○獨慮無窮之計○嘻亦過矣○凡向之言○特借以成其薄葬之說○而不自知其言之過也○夫以人子之葬其君親○必令後世無丘隴之可尋○恒人之情○有不安於此者矣○而謂弟子之修墓○孔子非之○則尤為不知言○而昧於聖人之所為也○儀禮盆棺曰○度茲幽宅○兆基無有後艱○既井椁則又卜之曰○考降

續垂棘編四集四卷

亡

五經堂彙選

無有近悔及葬實土三○其慎如是○孟子所謂盡於人心也○古不修墓之語○殆猶無有後艱○無有近悔之義乎○墳而崩○蓋孔子傷之也○非非之也○向之言○何其過與○康熙庚申閏八月晦日書於百鶴新阡丙舍
引經立案○掩體伸情○非如芭山諸辨○憑臆而言也○起藁火老人於今日○得不膜拜○彪西

陽城白巷里免城役記

陳廷敬

前明太子太保吏部尚書○陳巷王公○國光為戶部尚書時○聞朝廷命有司○即其所居之里○為治第以寵之○公謝不敢當○既而曰○君命也不敢辭○顧竟以其治第之金○覽陽城縣城○城故不覽陽城之城○至今號自公始也○當公之時○天下承平○無事後數十年○流賊起秦○滋蔓天下○寇晉晉郡縣罔不破壞者○攻陽城○城卒賴覽以完○賊無所得引去○其後天下數更變○故城不被兵○覽之功為多焉○去年秋霖雨○城之復於隍者○且甚○縣令延津都君○要築之一縣皆受役○公所居里人○援公前事言於縣曰○公覽茲城○城數得不被兵○公功誠

續垂棘編四集四卷

六

五經堂彙選

多宜惠及其子孫○請免役○都君咨於縣之人○縣之人曰○吾儕安朝夕而脫兵燹○繁誰之使然乎○公覽茲城○服惟公功宜惠及其子孫○惟免役於是○白巷之免城役○志公之功於其所居之里○示不忘也○嘗竊觀明之盛時○往往為其臣出官帑治居第○高檐巨楹○彤彤雕煥者○今或為公廨馬廐矣○居高位享厚祿○或多營良田美宅○連阡陌而溢衢巷者○今或數易主○或化為頽垣敗壁○荒榛蔓草矣○而公嘗所覽之城○巋然獨存於世○較其所得失○為何如耶○余聞當萬曆間○江陵秉政○公於是時同而能異○特立而不阿○其事蹟載冊書而功名被天壤者○豈獨其一鄉一邑之云乎哉○輒近士大夫知有身

宋而已○遑恤人之城○社卒之身家不可自保也○而公之所為○數世之後○循惠及其子孫○如此然則觀乎此者○其亦可以興起也哉○仕宦家各書一通於座右○庶不為子孫蛇蝎乎○彪西

續垂棘編四集四卷

九

五經堂彙選

射虎記

陳廷敬

樊山上有虎○自吾居山中○避去數月○已又復來○有跡可視○獵夫伏弩射虎○或曰虎有知能○避伏弩○或曰虎非有知○阡東五里外農家有牛晨出暮歸歸則喘且卧農察其狀有異晨尾牛後見牛虎鬪虎不勝牛明日農繫利刃牛角端縱之出遇虎虎中牛角端刃立死農刺虎張虎皮於石明日牛視之以爲虎也復與鬪角觸石牛亦死虎夜騎人屋明日人穴其所居屋上茅虎夜復來則下其一蹄穴中人以鐵鈎引虎蹄絙而墜以石乘屋擊虎虎佯斃人燃火炙虎蹄虎痛縮其蹄知虎佯斃也遂復乘屋大擊之虎乃死老婦人攜其二子過虎於道婦人被虎噬大兒搏虎不勝小兒以馬鎗中虎睛虎痛摩其眼婦人與兩兒得脫去虎定追上山山上人轉石壓虎虎死余在山中所見聞如此虎卒不勝人是虎果無知也今有貌人而虎行者其無知也與哉然鮮有虎行而能自解免於人禍者其終歸於無知而已矣後數日果伏弩射殺二虎當與捕蛇說並傳
彪西

續垂棘編四集四卷

十

五經堂彙選

記女奴景事

陳廷敬

女奴景贅夫柴乙皆從子京師○康熙二十五年九月乙病○景與以歸及家而乙死○既瘞○景時節與瘞所虎銜承來○熟視景景哭極哀○不見虎○樵人還見呼景○景近虎尺許○虎卒不傷景○其家諸柴數逼○景嫁不從○諸柴數鞭撻之○居二年人或勸之以告吾家○景曰○吾居主家父主嘗不預外人事○吾柴氏人豈以吾事累主家○諸柴益旬旬盡則環伺景○景益急夜趨赴縣訴道遠遇虎當路○景趨過虎傍虎亦卒不傷景○抵縣門未開坐守至天明門開景趨入號訴縣庭縣尹哀其情立召諸柴責戒後諸柴益恨○鞭撻之無已○縣尹行案

續垂棘編四集四卷

廿

五經堂彙選

境中景遯道訴又責諸柴○諸柴益恨○不惟初乙死時屬景曰主家過我厚我死終不能報主人恩○景一日提攜其九歲女六歲男跣行道乞食野宿○行五閱月而達京師○自吾家至京師二千里多峻山大水○水潦秋方盛○深及要腹以上○景凡徒涉水則先負一兒送之至東嶺上又返西嶺負其一兒送如前○蓋其艱如此○至之日家人以告子○詢之得實○感其事不禁泣然泣下左右觀者無不皆泣○女奴賤者耳○其卓然能自行立使人感動如此○況士大夫之行有大於此者○其使人感而泣下者鮮矣○陳子曰○景之行出乎誠○誠斯動物○或曰○景習見主家行誼○有以陶冶鎔化之○非景之能自致此也○雖然吾何敢自以謂能焉○
閩幽表微 彪西

乳母趙墓銘

陳廷敬

乳母趙乳陳氏兒廷敬時歲饑兒生月有十日凡以乳入陳氏門者已連十許輩兒見輒啼趙來兒就其乳食不啼趙一乳室以一乳乳兒母夫人憂之要易他乳又輒啼不食於是趙乳兒五年出陳氏門年七十二以疾卒及見所乳兒官御史大夫云蓋至是母夫人見背已九年矣當夫人在時及見廷敬為翰林學士於時方優游文墨之場責輕而寵深有餘樂而無他憂也此者游歷公卿出入禁闥兢兢乎懼不克終吾少而病老而憂憂之時吾母夫人不及見而趙見之今已矣誰其憂吾之憂者趙卒以某年月日某年

續垂棘編四集四卷

廿

五經堂彙選

月日葬於玉溪之西原○銘曰玉溪之泉其流濺濺玉溪之峰高雲游空既固既崇惟保母之宮○語云作詩必此詩定知非詩人惟文亦然識得時鏡花水月歌不得刻舟守株○
彪西

錢法堂權關監督

陳廷敬

為○知○事○竊○惟○皇○上○留○意○錢○法○特○命○督○理○原○為○革○除○積○弊○有○益○錢○法○不○累○關○差○徹○底○澄○清○立○法○垂○後○是○以○本○院○本○部○自○受○事○之○日○即○偕○同○科○院○監○督○當○堂○立○誓○如○有○於○錢○局○關○差○私○取○銅○錢○一○文○銀○一○分○以○上○者○男○為○盜○女○為○娼○身○受○橫○戮○指○天○矢○日○茹○葉○飲○冰○天○地○鬼○神○照○臨○鑒○察○竊○恐○有○各○關○包○攬○辦○銅○人○役○踵○習○陋○規○借○口○各○衙○門○使○費○賺○騙○關○差○各○關○監○督○為○其○所○愚○仍○被○誘○詐○奸○人○惟○利○是○圖○不○顧○有○玷○本○院○本○部○清○名○不○畏○朝○廷○國○法○曖○昧○之○事○既○屬○難○明○欺○索○之○情○不○能○究○詰○各○關○止○圖○了○結○已○事○不○惜○浪○費○錢○財○上○下○相○

續聖訓編四集四卷

三

五經堂彙選

蒙○牢○不○可○破○如○此○情○弊○髮○指○皆○裂○深○堪○痛○恨○本○院○本○部○身○為○國○家○大○僚○若○言○清○行○濁○亦○豈○肯○以○身○家○性○命○指○立○誓○詞○人○可○欺○心○不○可○欺○心○可○欺○天○不○可○欺○自○矢○如○此○橫○被○惡○名○不○得○不○窮○究○到○底○直○探○弊○源○所○有○各○關○差○監○督○差○回○者○刻○日○赴○寶○泉○局○衙○門○逐○一○詰○問○有○無○此○等○情○弊○未○差○回○者○到○之○日○各○具○文○申○說○有○無○此○等○情○弊○務○從○實○確○報○嗣○後○有○包○攬○辦○銅○人○役○仍○不○悛○改○欺○索○關○差○該○監○督○既○已○深○信○本○院○本○部○弊○絕○風○清○言○行○如○一○即○時○連○人○呈○報○以○便○究○擬○如○本○院○本○部○等○有○此○等○不○肖○之○行○願○干○斧○鑕○如○無○此○等○情○弊○為○包○攬○辦○銅○人○役○賺○詐○法○在○不○宥○倘○該○監○督○徇○隱○姑○容○止○為○身○謀○不○

為○本○院○本○部○身○名○本○院○本○部○已○廣○布○耳○目○密○為○訪○察○必○立○行○題○參○治○罪○決○不○輕○貸○須○至○割○付○者○康熙二十三年歲在甲子十一月二十七日

又

照○得○本○院○本○部○奉○命○督○理○錢○法○以○來○悉○心○革○弊○矢○志○廉○清○誓○告○神○祇○約○束○員○役○不○敢○欺○人○欺○已○干○冒○天○誅○披○瀝○肺○肝○屢○行○禁○誡○特○恐○仍○未○明○晰○再○為○剖○喻○所○有○已○經○嚴○飭○事○情○外○今○思○關○差○監○督○聽○信○包○攬○辦○銅○人○役○欺○誘○詐○索○錢○財○者○即○未○敢○公○然○指○稱○本○院○本○部○名○色○或○借○端○鑪○頭○檢○驗○銅○色○高○下○衙○役○秤○兌○餉○兩○盈○虧○投○文○或○有○勒○索○實○收○或○有○留○難○銅○餉○到○局○或○有○割○包○搶○攘○等○情○打○點○包○賠○必○

續聖訓編四集四卷

三

五經堂彙選

須○雜○費○關○差○監○督○見○其○種○種○名○目○難○以○究○詰○出○其○征○斂○之○餘○浪○供○泥○沙○之○用○任○其○指○撥○不○復○推○求○凡○此○情○弊○誓○在○革○除○如○銅○色○則○本○院○本○部○偕○同○科○院○監○督○當○堂○親○視○不○假○鑪○頭○之○手○則○借○端○鑪○頭○之○弊○從○此○革○除○如○餉○兩○則○本○院○本○部○偕○同○科○院○監○督○隨○意○遣○人○稱○兌○不○假○胥○吏○之○手○則○借○端○衙○役○之○弊○從○此○革○除○如○投○文○則○隨○到○隨○赴○寶○泉○局○監○督○即○刻○收○注○如○有○延○緩○即○係○勒○索○則○借○端○投○文○之○弊○從○此○革○除○如○實○收○則○收○銅○之○日○即○行○給○發○如○有○延○緩○即○係○留○難○則○借○端○實○收○之○弊○從○此○革○除○如○銅○餉○到○局○本○院○本○部○嚴○令○該○役○巡○視○如○有○不○法○之○徒○立○行○拿○送○刑○部○治○罪○則○借○端○割○包○搶○攘○之○弊○從○此○革○除○

除以上諸弊既除而茲人仍復借口關差監督不行出首者本院本部訪知必立行題參並解銅人役送刑部究擬決不輕貸慎之毋以身試法也須至剗付者康熙二十三年歲在甲子十二月初一日意則赫赫明明詞則森森標標快讀一通直令冷水洗背凡百君子有官有土皆可類推彪西客曰尊聞堂集以言乎事功節義理學文章則備矣剗示其外者耳子幸心之何居子曰請讀宋橫渠紫陽明西極沙隨諸君子集則知子剗示之意庶有在乎又識

與李中孚先生書

楊效榮

丙寅接手教蒙示若火之始然泉之始達則拳拳服膺不敢少忘想先生道履咸亨德造高明不卜可知也程朱之統夫何辭焉如晚者前三年學致曲已抵形著今竟止於此爾然明動變化之階莫可企而及也天耶人乎命矣夫前頒賜學程並富平答問令臨池高氏熟習之一日問端倪曰端倪本於老子明儒陳白沙襲語者也曰先儒言有李先生言無何謂也曰端倪無名強名之曰端倪先儒言有或知老子之有也李先生言無或知白沙之無也周子曰天地間至尊者道至貴者德而已矣至難得者人而至難

得者道德有於身而已矣噫子不問自己身中之有無空談他人欲上之長短深可慨耳孔子謂太極是言先天之無也周子謂太極是言後天之有也李先生雲端倪之無是識先天之理也白沙言端倪之有是知後天之學也故曰不知言無以知人也又問曰或云學道必欲出家曰不然李先生未嘗出家為當代真儒邵子曰能休塵境即真境未了僧家是俗家不向此中尋洞府更於何處覓曇花曰知道難乎曰不難邵子曰聖人能事不難知曰得道難乎曰不難程子曰得道至易邵子曰得之至容易曰初學下手要得道須費幾何功夫曰前已言之矣顏子三月不違易六七日

來復傳曰○沒字歌○念則樂○不學老子○不學佛學○聖人夢兒事○雖在陋巷○勝大樂曰○得道樂乎○曰樂○邵子云○賓朋莫怪○沒拘束○真樂○攻心不自由○曰○或云○必欲參禪○打座乎○曰○此佛老之教也○吾儒不然○堯舜一日○萬幾○孔子週流○列國○大禹三過其門而不入○周公一沐三握髮○一飯三吐哺○何暇坐也○曰○忌葷酒乎○曰○不○孔子膾炙不厭○細七十衣帛○食肉○非肉不飽○易云○君子以酒食晏樂○惟酒無量○不○及亂○程子曰○飲酒微醺○邵子曰○太和將酒飲曰○斷房慾乎○曰○堯舜禹湯文武周公○孔子顏曾思孟○周程張朱○未聞之嗣也○敢問不之之故曰○學道者○修心養性而已○盡其心者○養其性也○養其性者○養

續垂棘編四集四卷

宅

五經堂彙選

其氣也○養其氣則陽勝而陰衰○嗣應繁而不應乏也○故曰○不孝有三○無後為大○俞成龍先生敬孝篇○畧云○父母慈後得道於身○謂之大孝○謂之達孝○故曰○舜其大孝也○與○武王周公其達孝矣乎○張子曰○窮神善繼人之志○知化善述人之事○苟不得道○何以窮神知化○故曰○堯舜之道○孝弟而已矣

處處以帝王聖賢為証○據其言可法可則○
辛未十月抱病○霍亂○家僮馳告○翼城楊孝子○以子代僕○重蘭而○來子遣姪○翹出候○潛窺舉動○真性至孝○益於手足○跡其携二人○小像隨寓○拜稽每飯不忘○亦一徵矣○再三納拜於子○力辭不獲○汗顏受之○相與論學○以窮理盡性四字起子○且規子燕刻之太○繁也○生平不事著述○故止錄此○孝子字韶秀○廬墓三載奉○
附識

上范彪西先生書

王端

竊惟道有正宗○學有正派○道之宗○至孔子而極○學之派○至朱子而全○舍孔子之道○無以為學○舍朱子之學○無以入道○端之守此言久矣○未嘗敢以聞於人○側聞老先生○學本五經○識超千古○旁搜遠紹○表彰理學○海內學者○奉為山斗○端自幼歲○即仰其名○特以遭逢多故○雖百里之近○未獲躬謁○函丈吐出胸中○所知見質之高明○今幸矣○得孝子楊君之遇○可以自達於座右矣○端世籍翼邑○曾大父王懷宇先生○萬曆戊子鄉薦○歷官清廉○其事載邑志○鄉賢中○端嘗自許以為當吾世而拙守○得為廉吏子孫足矣○八九歲時○從丙辰科

續垂棘編四集四卷

宅

五經堂彙選

進士李次左先生學習舉子業○十四歲先生宦遊○端乃退而自力於家塾○僅從事詞章訓詁已耳○十六歲得大學或問○玩持敬之說○詳格物之論○乃知持敬窮理不容偏廢○朱子真我師也○理欲交勝○勤怠相半○如是者數年○二十歲先大人捐館○歸葬後○生計漸窘○老母在堂○無以為養○遂館於鄉○得束脩以供日用○需探索詩書○冀成厥志○二十四歲忽病目而盲○抑鬱無聊○悵悵何之○如是者三年○乃復自憤曰○無所能人○宜以盲廢○有所能人○雖盲當廢於庸人○不當自廢○且見廢於學孔子之道者○由是兀坐一齋○命童子開篋披讀○以耳代目○凡五經四書性理近思錄等編○無不求其指歸○窮其理

趣特以質陋識淺乏師友之助故至今三十五歲業勤心憤而卒未之有成○昨○年○孝○子○楊○君○自○先○生○歸○端○於○楊○君○友○也○聞○其○至○馳○往○省○之○不○暇○出○一○言○且○先○訪○先○生○起○居○楊○君○述○先○生○道○範○甚○悉○退○自○悲○卒○以○盲○故○不○得○聞○先○生○教○不○能○致○其○身○於○門○牆○老○死○戶○牖○無○知○已○耳○今○年○夏○與○楊○君○語○及○太○極○之○說○楊○君○曰○吾○將○復○於○先○生○且○並○通○子○名○端○應○之○曰○見○先○生○者○端○之○素○志○今○既○不○可○得○而○有○為○之○通○名○者○端○則○幸○矣○因○不○自○揣○而○敢○以○私○書○奏○之○先○生○先○生○亦○應○俯○而○教○之○使○不○背○於○孔○子○之○道○朱○子○之○學○可○也○附○有○同○學○李○懷○德○者○年○僅○三○十○志○行○不○苟○其○設○心○以○尊○聖○教○行○聖○道○為○急○務○素○從○楊○君○遊○

續垂棘編四集四卷

元

五經堂彙選

得嵩陽耿逸菴先生孝經易知捐貲發刻並附以西銘五倫總論又因學宮啓聖祠傾圮輸金助葺其樂善慕義出於天性蓋亦有異人者○今將合刻三書進之先生皆有刊跋可覽○端○亦有自著人極四十章不知有合於斯道否○敢求指其是非○開示愚蒙○更祈先生為道自愛○以副海內學者之望○端○臨楮不勝依切之至○議論醇正○氣度樸實○我思其人○應在姚江門中○湯茂之上○彪西

續垂棘編第四集目次

卷五

張聯星 字槐丘垣曲人順治辛卯舉人廣文

改過自新說 積善餘慶解 英氣審事論

李 成 字昭侯陽城文學

先君制義序

李 恒 字益侯陽城文學

先君制義序

馮雲駿 見續垂棘初編

續垂棘編四集目次卷五之六

五經堂彙選

面說

武全文 見二卷

公勸修省文

皇甫高士辨

高允翟黑子辨

徐節孝辨

聞詒說

生息說

還金錄

旌義錄

述知錄

與楊韞齋書

書先人田冊後

王 樸 字子郁絳州文學

名樸說

魏 珮 字德卿武鄉文學

禪隱山松記

上苑老師書

薛文清行實叙制行

邵嗣堯 見一卷
歷官江南學院

自述

卷六

姚檀 字培吾萬曆甲午舉人薦舉不仕
安邑人

與曹真子書

告楊果質文

董其起 見一卷

補家譜引言

代父病文

代王節婦文

上 皇長子文

魏光緒 字元白武鄉人萬曆癸丑進士歷官湖廣巡撫

續垂棘編四集目次卷五之六

二

五經堂集選

昭孤跡疏 附二段

周再勲 字仲錫崇禎丙子舉人知府
長治人

叙荒記

傅山 見初集三卷二集二卷

補曹績祖 見三集
七卷

原命

原性

原心

劉崇文 字朴菴安邑人萬曆

私諡清公

進士歷官吏部郎中邑人

贈董節婦序

王恭先 見三集六卷

王氏族譜序

族譜列傳

族譜條約

續垂棘編四集五卷

洪洞范鄆鼎彪西南集編

男 翔抄錄

改過自新說

張聯星

凡人有過能自知心之明也能自認志之虛也能自悔念之善也
能銳然自改力之勇也德之新也福之基也是故孔子曰能補過
者君子也不然有過必文謂之小人剛愎不悛謂之凶人求為君
子惡可得哉抑吾於改過之人所尤許者一改永改日新又新脫
然舊染之外痛懲氣質之偏譬彼行者既獲康衢不復投乎險蹊
乃謂之真能改過者書曰德日新易曰日新之謂盛德且見善則
一
續垂棘編四集五卷
一
五經堂集選
遷有過則改此風雷之勇所以為君子之益也至於懲忿窒慾皆
君子所以損其有過自成其益者也其在古昔改過不吝檢身若
不及者非成湯乎知過自幸學易期於無過者非孔子乎告過則
喜者非子路乎有不善即自知知之未嘗復行者非顏子乎諸如
知非寡過抑戒自儆此賢公卿虛己自新老而不倦皆可以為後
世楷模者即如晉之周處初亦凶狠暴厲人耳一日聞父老三害
之言遂射虎斬蛟克已改行期年間州府交薦授官迄今稱為忠
臣孝子此其改過可法可傳者雖然過亦不同矣有口過有身過
有心過苟能言不過辭擇而後出口過其免乎行不過則慮而後

動身過其免乎善念存存洗心浴德神與古處如對天帝心過其免乎倘由此而進進不息焉其為功何可勝量哉其履福何可勝量哉

有頌法有禱法步步引人勝地彪西

續垂棘編四集五卷

二

五經堂彙選

積善餘慶解

張聯星

易曰積善之家必有余慶先儒解云善謂孝弟忠信之屬此四者善之綱領也孝為德之本弟為德之序忠信為萬善之主不愛其親而愛他人者謂之悖德不敬其兄而敬他人者謂之悖禮悖德悖禮則惡矣凡人存心必以忠信為尚苟不忠信而欺詐偽妄則惡矣故曰四者善之綱領也由四者而積之親親而仁民仁民而愛物自有一物不殘一介不苟者此之謂真能積善可以感天地動神明可以長集福祿而無艾矣今之積善者吾惑焉或以齋僧修醮而當之或以登山朝頂而當之或以宰牲供糖焚錫獻樂而當之或以活蟲放生持齋誦咒施茶念佛而當之凡此類者何嘗非善端之發也然而細矣矣苟於重且大者不知慎重即有仁民愛物一二事皆偽而已矣偽則非真能積善者不真不誠奚能感天帝動神明長享福祿而無患哉今世聞勸善之說者又曰吾貧甚其如為善之資何夫人之為善寧必盡需財物之多哉譬若子之於親昏定晨省冬溫夏清出告反而菽水承歡皆善也此不能隨時隨力而為之乎又如存公正心行公正事道公正言親公正人謙恭慈厚不凌人傲物不淫妬欺罔此不能隨時隨力而為之乎余觀先哲所定功過格中其立功改過大約需財物者不

續垂棘編四集五卷

三

五經堂彙選

過什之二其不需財物者什之八奚得靡靡然以為善無資為辭哉吾願人之志善者由本而達末則善成請事而無待則善行矣意透詞朗想其落筆時直欲提四民之耳動以夜半鐘聲處西

續垂棘編四集五卷

四

五經堂彙選

英氣害事論

張聯星

夫人之生也不論哲愚咸有一種英氣載之性中貴在善養而善發之果其發之而當也為剛方為果毅為勇敢為嚴氣正性足以敏事而樹功鋤強而禦侮成孝而作忠以之致福有餘此孔子贊乾之剛健必以中正為大耳如其發之不當也為狂躁為凶狠為暴橫為鴛驚不馴至於悖禮而賊義犯上而凌尊危親而辱身以之致殃有餘此孔子惡勇而無禮果敢而窒耳惟君子察其然故深之學問之力凜乎聖賢之教動心忍性變化氣質而以中和之理陶鎔之涵養之時自省察克治而裁抑之矯其偏而歸之正固

續垂棘編四集五卷

五

五經堂彙選

或率已徑行焉即孔子所謂好好勇必以好學為尚者皆此義耳孟子善養浩然之氣正舉英氣而範之道義之中也顏氏子舜何人予何人有為若是之言其英氣何嘗不勝顧其英氣發於道義中非徒以英氣勝者其後粹過匡人之阨遂克洞契乎予在之旨而不輕試其鋒也漢之子房錢鏐擊祖龍固猶逞剗聶政之雄者英氣太勝幾乎不免其身後幸受教於圯上老人是以忍小忿而就大謀為帝師而成漢業宋之孝肅公迹其生平行事嚴毅峻厲近於英氣太勝者然詳揆之一以仁義忠信為本聰明正直為用饒有神易不測之機行乎其間故能身名俱泰稱一代卓犖

偉異之品。迄於今。僉推為賢聖神哲之流亞矣。吾願世之期為豪傑之士者。厚其動忍之功。殫其陶冶之術。祇率古先之型。毋諭詩禮之訓。善養而善發之。其庶乎遠英氣之害。而取其福矣。程子曰。英氣甚害事。吾蓋因其說而廣其義者有如此。

老頭巾讀之。可以知進。任後生讀之。可以知退。只不許鄉愿黨中人借口。彪西

槐阿今年八十有四耳。聾目久。心聰不蔽。所著心聰錄一書。文不求匹秦漢。意惟欲便雅俗。節取三首。僭效枝兒。竊於與人為善者共之。丙子春附識

先君制義序

李咸

盈天地間者。非文也歟。觀乎天。日月星辰之經緯有文。觀乎地。名山大川之流峙有文。觀乎人。君臣令共。父子坐立。夫婦昆弟朋友之揖讓。晉接有文。而其間晦明消長。而秦而漢。而兩晉六朝。以迄有明。諸子百家。各出其心思才力。離奇變化。與烟雲萬狀。波濤出沒。不可端倪者。同成三極巨觀。則皆文之勃發而不可遏抑者也。先父應童子試時。即見賞識於周萊峰梁浩然先生。迨屢戰棘院。而北堂之春秋邁矣。共菽水。耽閒靜。留心理學。嘗曰。文不過理主之氣輔之辭達之如是焉止矣。生平著作甚富。不留稿。日身將

隱用焉。文之已已。夏初。溘然長往。不孝與悌。搜羅博采。僅存十一於千百。得四書解一部。易解一部。詩古文辭數十篇。制義一百餘首。大約得之孩如原舅氏居多。則舅氏珍藏功。又何敢沒諸限於刊賞。今登十有二義。象歲之月。增詩象歲之閏。寓四時錯行無窮之義。什襲藏之。是一日月星晨之經緯於吾家者也。是一名山大川之流峙於吾家者也。是一經書史冊離奇變化勃發而不可遏抑。精英畢萃於吾家者也。庶先父往矣。其文在其人。如在。仁孝至性。溢於筆端。披讀一過。不禁淚下。彪西

先君制義序

李恒

嘗聞之子不讀父書手澤存也。不孝謂正手澤存不讀不忍蓋音容兩隔欲見無由即結之意想形之夢寐若或見究何所見讀父書一如見父較之虛存於思恍恍而難憑者猶近於實也先父工書法窺右軍元章堂與獨是性不近名筆不輕走故其跡落落焉然於東臯雪嶽眠雲鋤月之頃亦嘗揮毫染翰任其意之所適而止不孝思集手澤或得諸壁間題咏或得諸翰東往來或得諸峻石層崖或得諸殘編斷簡片紙隻字業已登之冊葉况制義一道尤生平心力之所積聽其散軼而不為之所忍而不可為也庚午

續垂棘編四集五卷

五經堂彙選

冬門對寒流。曉羅凍雪竹韵松聲。蕭蕭颯颯猶是當年之景色也。吾父之釣雪臨流。壺觴引酌。寄傲松竹間者。香乎其不可復得。因思罔極而無從。盟諸。理宗。濂洛法本。瞿唐如。昨。盤。視。兒。恣。其。所。取。不。孝。得。頻。頻。拜。覽。如。晤。父。言。也。又。烏。在。手。澤。存。父。書。可。不。讀。乎。哉。

此即小刻五思集之遺意也。當與呂叔簡先生四禮疑一書並傳。彪西

臨矣。益侯兄弟。曾携乃父因之先生。八股制義一冊。生平孝友。數事。求子評定。又携祖父祖母遺言。乃父乃母遺言。兩冊。求子。品題。于觀。二子。頗有文名。其著作甚多。略自己而傳先人。加人。一等矣。各錄其一。以廣錫類。附識。

面說

馮雲驤

人之一身。秉天地陰陽之氣以生。故兩目兩耳鼻兩孔。三偶象坤口與大小便三奇象乾。乾下坤上。象泰口上鼻下。是為人中人中之位在面也。人身之尊在首。首之用在面。故喜怒哀樂於面之容微變。色聲香味於面之竅。收功。睥面。稱於儒者。而壁著於禪家。面之用亦靈貴矣哉。乃有位君子。或怒頑梗之刁詐。惡兩造之欺誣。遂有擊面掌嘴之刑。此法不知始自何人。創於何日。考之史傳。無明文。按之律令。無定例。乃相沿通用。習以為常。昔唐太宗閱明堂針灸圖。去管背之法。天下稱其仁。後世頌其德。我皇上以百官

續垂棘編四集五卷

九

五經堂彙選

為股肱。萬民為赤子。善者安全。惡者誅殛。有重刑。有輕刑。未嘗許用此刑也。上天生人。體膚有高下貴賤。既已尊之為面。豈宜賤之如贅。且或臨堂聽訟。威怒一時。有用至數十。用至百數者。以致受刑之人。耳聾鼻陷。目睛突出。滿口噴血。牙齒飛零。嗚呼。慘矣。奉啓大人君子。順天心。遵王制。永遠禁止。亦仁政之一端也。謹白。

從來仁人君子所未及言者。此獨言及之。却是仁人君子之所必當言者。文章至此。方登作者之堂。彪西

起吳伯璵先生於今日。應採入刑戒中。又評

公勸地方修省文

武全文

伏惟孟邑風俗素厚人心素淳所以鼎革以來神天庇佑山城一隅獨無水旱刀兵之患天時人事良非偶然乃近茲數十年時移事異風俗競趨於流人心寢流於偽幾幾乎江河日下莫知所終推類備舉逐一昭鑒或逆理違天虧心短行或滅倫乖紀背義負恩或倚勢作威恃強凌弱或受賄囑託顛倒是非或奢侈驕盈費用無節或貴賤長幼等級不分或狂悖妄談詆毀時俗或匿名造帖攻訐陰私或凌傲同儕欺侮先輩或縱子徇僕肆惡行兇或累債并吞傾人田產或設計陷害壞人身家或出入衙門表裏作奸

續重棘編四集五卷

十

五經堂彙選

或起滅詞訟蠶食里甲或游手結黨橫行街衢或利己損人把持行市或窩賭酗酒陷阱自投或盜竊姦淫法網不顧諸凡機械變詐口是心非悻悻乖張爭強較勝傷忠厚而長黨風不可勝數有一時無知誤陷於非者有明知明蹈不暇顧忌者有謂作惡為無傷行善為無益者首自鄉紳子衿次及居民人等均不得辭其責以是招戾干和天屢示警始而冰雹非常尾屋俱碎既而旱魃為虐災疫頻仍今雖閭閻殷憂祈禳引咎叨蒙神祐積善頗弭而四境之內和氣未復戾氣猶存是天心未克遽回災咎未易全消而惕厲修省曾不宜彼此偶疎且夕少懈也無已則屬一邑之眾家

傳戶諭示天於無徵曰天道不可誣神明不可欺凡我紳士居民人等自今以後務期洗滌肺腸痛改前非務期常循天理恪守本分務期父慈子孝兄友弟恭務期友信臣忠夫義婦順務期廉耻自愛名行無虧務期崇儉黜奢消愆惜福務期急公好義息訟寡爭務期幽畏鬼神明遵法度務期強無凌弱眾無暴寡務期小無加大私無滅公務期永息刁風共存厚道務期奸蠹不作伎害不生務期市井公平兵民和輯務期不賄不賂不盜不淫約舉其要總以諸惡莫作眾善奉行為主從此時時兢惕事事省存一人修德則一人享和平之福一家修德則一家享和平之福人人修德

續重棘編四集五卷

十一

五經堂彙選

則閭閻享和平之福使此一方人日漸月摩風俗淳龐人心渾厚養成一片吉祥世界則天意無不可自我回災咎無不可自此消易云積善之家必有余慶積不善之家必有余殃書云惟德動天至誠感神孟子云禍福無不自已求之者此實理實事古聖賢固未嘗一語欺我天地神明固未嘗一日絕我一日負我也如曰氣數有定天道無知視祈禳為具文詆修省為迂濶是即招戾干和之尤天與人並有不容者願吾儕共糾之督之陰陽文耶勸善書耶維風冊耶迪吉錄耶吾心悅誠服不能辨不欲辨亦不必辨也 彪西

皇甫高士辭

武全文

皇甫高士先生○在晉史○史稱皇甫謐○素履幽貞○是矣○至其以高士繫諸晉於義則未然○按漢皇甫氏世為朝那人○自規嵩相繼忠勳○懋著累代○簪纓不絕○玄晏先生○固其後裔也○先生處晉魏之間○遭曹馬更相篡奪○自以世為漢臣○義不仕偽○坐一牀三十年○足不履地○可謂不忘漢矣○玄守諸論○屬詞見志○矯矯乎與後此陶靖節歸去來辭之指相符○當日史氏景其行○崇其節○不及追述前代○乃以謐為有晉高士○嗚呼○是豈先生終其身玄守本志乎○未紫陽綱目一編○繼春秋而作○嚴統紀○正名義於陶靖節書晉處士陶潛卒○續重棘編四集五卷

士

五經堂彙選

則靈此物此志也○彪西

高允恐負翟黑子辯

武全文

初北魏遼東公翟黑子○有寵於上○受布并州事○覺著作郎高允教以實對○黑子不聽○遂見殺○後允及崔浩○以史事被收○太子因允侍講○日大見帝○言國史皆浩所為○請貸其死○及問允○允以實對○帝稱其直○赦之○他日太子讓允○允言臣與浩實同史事○苟免殆非所願○退謂人曰○我所以不奉東宮指導者○恐負翟黑子故也○讀史者曰○忠直如高允○不匿短○不欺君○凜凜乎可泣鬼神○而買金石○凡為人臣者○當如是○今日恐負翟黑子○是信友為先○忠君為後○以小信掩大節也○不然○則鑒前事之失○而倖免罪也○使當日於史事被收之先○無翟黑子之事○將遂奉東宮指導○不奉東宮指導○可倖免罪○將遂矯情○以要君○為高允者○何以自處○抑何以處君臣之間○子朱子又何援古立訓○編入小學外篇○為後來作忠者勸○君子曰○此其理固易辨○讀者如以辭害意○則先儒教天下為人臣之旨○隱而弗彰○夫高允之教翟黑子○以實對○固教以勿欺也○教以勿欺○固較然以忠教也○為人臣而事其君者○忠為共明於責已○而昧於責人○猶可言也○責人則嚴而責已○或恕○寧可乎○高允之意○若曰○吾負吾君○是負翟黑子也○吾不負翟黑子○是即不負吾君也○吾負翟黑子○是不信○斯不忠也○吾不負翟黑子○是信於友○即忠於君也○忠信無異

續重棘編四集五卷

士

五經堂彙選

理○獲○上○信○友○無○異○道○允○也○以○責○人○之○心○責○已○以○信○友○之○義○事○君○庶○
幾○乎○不○得○罪○於○聖○賢○矣○然○則○當○史○事○既○發○太○子○前○此○導○允○後○此○見○
讓○之○頃○胡○勿○以○翟○黑○子○事○對○切○具○奏○直○至○退○後○始○舉○以○告○人○抑○又○
何○說○曰○方○高○允○同○太○子○見○帝○問○以○史○事○據○實○奏○對○發○於○至○誠○初○未○
嘗○憶○及○翟○黑○子○事○也○後○此○太○子○見○讓○據○實○回○答○發○於○至○誠○亦○未○嘗○
憶○及○翟○黑○子○事○也○逮○罪○赦○事○定○退○而○追○思○往○事○乃○深○自○慰○解○曰○此○
其○事○正○與○遼○東○公○翟○黑○子○同○明○於○責○人○昧○於○責○已○之○誚○吾○知○免○矣○
推○此○以○言○孰○忠○孰○欺○孰○得○孰○失○翟○黑○子○以○不○實○對○被○殺○高○允○以○實○對○
蒙○宥○君○誠○不○可○欺○也○即○翟○黑○子○不○以○實○對○僥○倖○全○生○高○允○以○實○對○
一折更快

續重棘編四集五卷

古

五經堂彙選

弗○蒙○赦○宥○君○寧○可○欺○耶○余○故○曰○高○允○恐○負○翟○黑○子○一○言○可○以○教○天○
下○之○為○人○臣○者○史○臣○立○言○自○有○本○末○朱○文○公○編○入○小○學○外○篇○非○無○
謂○也○

千○轉○百○折○吹○毛○求○疵○總○要○逼○出○不○欺○君○一○片○心○腸○
彪○西

徐節孝辯

武全文

宋○儒○徐○節○孝○先○生○積○行○過○石○不○踐○終○其○身○不○用○石○器○以○父○名○石○故○
也○或○曰○孝○至○此○耶○唐○李○賀○舉○進○士○時○論○以○類○父○名○為○非○韓○昌○黎○辯○
之○既○詳○今○曰○父○名○石○不○踐○石○不○用○石○器○使○父○名○土○遂○不○踐○土○甚○則○
父○名○果○終○身○不○食○粟○父○名○水○火○遂○從○此○不○生○活○有○是○理○耶○聖○人○言○
孝○惟○曰○立○身○行○道○揚○名○於○後○世○以○顯○父○母○舜○格○頑○禹○幹○蠱○武○周○易○
侯○而○王○至○今○赫○赫○以○孝○稱○不○聞○其○以○不○踐○不○器○為○孝○也○以○不○踐○不○
器○為○孝○孝○斯○陋○矣○君○子○曰○不○然○孝○植○於○天○不○可○強○古○仁○人○孝○子○之○
用○心○一○言○焉○不○忍○忘○一○行○焉○不○忍○忘○食○息○寢○處○胥○此○物○胥○此○志○也○
情理倍至

續重棘編四集五卷

五

五經堂彙選

積○如○是○是○可○觀○孝○子○之○用○心○矣○行○與○器○小○物○云○爾○而○必○舉○孝○焉○志○
惟○謹○况○其○它○耶○故○以○徐○子○之○孝○詔○於○人○曰○是○為○孝○必○如○是○為○孝○是○
以○小○孝○教○天○下○也○以○徐○子○之○孝○詔○於○人○曰○是○非○孝○如○是○而○非○孝○又○
將○以○何○者○為○孝○耶○嘗○考○昔○人○孝○行○所○著○如○刁○少○雍○之○不○食○羊○肝○張○
根○之○條○聞○雞○聲○鮮○于○文○宗○當○種○羊○則○鳴○咽○薛○元○超○對○磐○石○則○流○涕○
皆○與○節○孝○先○生○之○至○情○前○後○相○類○而○親○受○孝○經○首○以○孝○見○推○於○聖○
門○者○莫○如○曾○子○孟○子○云○曾○曾○嘗○羊○棗○而○曾○子○不○忍○食○羊○棗○夫○羊○棗○
與○石○等○不○踐○不○器○同○於○不○忍○食○噉○不○食○羊○棗○非○孝○也○不○忍○食○猶○不○
得○為○孝○耶○
破○迂○儒○之○論○開○仁○孝○之○門○一○字○一○線○
彪○西

聞話說

武全文

今日儒者終其身○在窮理講學中○而此不加省○彼不加察○責諸人○則嗷嗷焉○返諸已○則貿貿焉○究其實○與盲人俗子毫無聞見等○有聞而詬於市者○甲曰○爾無天理○乙亦云然○甲曰○爾欺心○乙亦云然○王陽明先生聞之○謂門弟子曰○聽無忽○夫淳淳講學也○弟子曰○詬也○焉學諸日○而不聞其語曰○天理曰○人心○學舍此○更安講耶○曰○既學矣○焉詬曰○夫夫也○惟知責諸人○不知返諸已○故也○噫○悠悠斯世○智愚殊形○心與理有不同○然者○誰撫衷自問○孰有孰無○能不自欺者○幾人哉○為因詬者○偶然之言○引端以喻曰○人苟反躬內省○不

續重棘編四集五卷

六

五經堂彙選

悖理○不達心○時以責人之心○責已○則是非得失○鑒觀不遠○大學格致之方○與中庸省察之要○胥於是乎在矣○豈必嚴師在前○良友在後○博取古今○聖經賢傳○名儒語錄○手傳口授○今日云○循天理○明日云○求放心○然後沾沾然號於人曰○講學講學耶○陽明先生○所以詔弟子者○悚然可聽○毋習笑不察也○

舉目即見○隨耳有順○置此文於天泉之側○應使緒山龍溪輩○相視而笑○彪西

生息說

武全文

章楓山先生○家世清白○猶子拯○官至司空○清操與楓山等○致政歸○得餘俸四百金○楓山先生聞之曰○汝此行○作一場買賣○歸大有生息○拯有慚色○君子曰○宦途○非買賣場也○仕宦人○非商賈也○乞墻登壘○孟子羞稱○而今之博科名○膺圭組者○一入宦途○較職位之炎冷○計境地之肥瘠○惟知求寵利○潤身家○是務問以朝廷設官分職○吾儒居位行道○為何事○則漠然不顧○嗟乎○習俗相尚○行同商賈○聞有以無生息為慚者矣○曷嘗以有生息為慚乎○前輩清白○如楓山先生若而人○義嚴一介○近今固不可多得○即猶子拯之○欽承家範○翻

續重棘編四集五卷

七

五經堂彙選

然自愧○亦幾幾乎難之○余乃代為解嘲○並告當世仕宦人曰○人臣位至司空○秩不為不崇○祿不為不厚○餘俸四百金○猶有慚德○視歷官所至○滿載而歸○旁及方物寶玉○靡不羅致○以此為鄉黨隣里誇美○甚至貪得無厭○搜括地方物力○剝削民間脂膏○充囊溢篋○尚自謂所獲無幾者○其本心果安在哉○

一以當冷○一以當怒○罵子曰○只是欲喚醒一副貪心濁肝○彪西

還金錄

武全文

嘗聞先恭人言先公壯年遊北塞一醉弁領餉歸過旅舍遺囊金而去及暮獲囊檢之約盛餉金百餘兩旋封如故嘆曰酒能誤人如此倘落他人手若危矣吾不以若千金陷一人性命是夜卧不安枕晨起馳入市訪失金者俄至一酒肆人音鼎沸趨眎之見主人呼天仰泣捧血爲誓而前醉弁引十餘走卒怒詈曰囊中物我所領軍糧也衆倚爲命昨醉遺於此若匿不吐誓與若不俱生昔衆口哢然食爲弁憤慙不平而主人有冤莫白先公直前呼其入云事宜緩過急則獲金者疑畏不敢應隨索紙筆命備書失金數

續重棘編四集五卷

六

五經堂彙選

目曰請代爾取還原金其人忻然書之主人並一時觀聽者皆相顧錯愕不解所爲先公覽畢對衆曰原金豈果符非謬也因謂前弁君昨醉金實遺我所何不自憶在此誣執平人乎於是酒主舉手加額如釋重負有衆譁然羣稱先公長者先公不顧手攜其人疾至寓出原金如數還之失金者驚喜過望請分金以酬不許無已則感泣下拜不許曰君自失金金自歸汝於我何與終身對人絕口不言其德先恭人曰乃父生平積善還金一節亦事屬偶然非有心爲子孫樹德也然所以遺子孫者爲已至矣小子識之余不肖敬應曰諾錄此勉圖祇適母忘前人之令德並勗我後人

旌義錄

武全文

崇信郭暖里收頭解糧之郡遺囊金於路里民趙承彥獲之慨然曰私匿亡金非義也損人所有以自肥非仁也不仁棄義不如求其人而予之行至縣衙忽失金者涕泣而至詢其實立解囊以付無德色於是旁觀者皆以承彥爲見利不忘義而白其事於令余輩之擊節稱嘆曰古者盛世路不拾遺外戶不閉是之謂大同亦越近代有召子子金相讓久之者至今侈爲美談曰人皆可以爲堯舜蓋觀於此而知之崇信陋邑也余恐其俗淪於偷妄向士民諄諄以敦禮讓爲言不謂里民趙承彥乃能臨財不苟輕利重義

續重棘編四集五卷

九

五經堂彙選

如是是猶有古長者遺風使一邑之內盡類是人效是事何荒陬僻壤不可化爲禮義之俗而唐虞三代化行俗美之舊遂難再見於今日也昔人云有一善則從而賞之嗟嘆而樂與之則民知慕而善人多其特加旌表給以義扁爲斯民之好義者勸表厥宅里樹之風聲古聖人勵世磨鈍大作用在此彪西

述知錄

武全文

平○涼○窮○瘠○崇○信○為○特○甚○方○全○盛○時○編○戶○共○四○里○民○不○支○半○以○其○
地○投○充○入○宗○藩○國○稅○聚○不○可○問○以○故○歷○來○有○司○無○一○獲○陞○遷○者○明○
末○寇○災○相○尋○城○市○蕭○索○四○野○丘○墟○幾○於○無○人○無○土○無○已○則○并○四○里○
為○二○里○舍○舊○治○營○山○城○半○壁○依○壘○以○居○計○其○糧○僅○千○餘○石○子○遺○則○
三○百○餘○丁○而○已○宰○是○邑○者○時○與○鳩○形○鵲○衣○胥○役○十○數○人○攢○臂○束○手○
相○向○無○聊○抑○何○敢○復○以○出○頭○為○望○乎○余○於○丁○亥○釋○褐○筮○仕○茲○土○上○
首○為○地○方○受○累○被○劾○羈○留○即○縣○尉○亦○然○愀○然○曰○此○前○與○後○見○在○榜○
樣○也○努○力○荒○城○拮○据○經○理○艱○苦○備○嘗○者○有○年○金○直○指○夢○齋○盧○公○巡○

續重校編四集五卷

平

五經堂彙選

歷○平○涼○察○得○下○吏○積○瘁○特○列○刻○章○曰○長○才○清○節○惠○心○實○政○無○有○如○
崇○信○令○者○或○資○緣○欲○以○他○令○易○之○公○正○色○曰○我○樹○必○桃○李○荆○棘○何○
為○且○逾○格○獎○藉○手○札○慰○勉○云○頃○按○臨○知○崇○信○之○苦○一○至○於○此○然○今○
日○之○官○於○秦○者○何○地○不○苦○惟○門○下○耐○心○做○去○天○道○自○有○平○等○之○觀○
廟○堂○自○有○酬○勞○之○典○正○不○必○鬱○鬱○以○久○困○為○慮○也○余○讀○之○益○感○激○
自○勵○治○殘○邑○六○年○有○半○頗○自○信○生○聚○教○訓○成○績○有○可○觀○已○而○遷○刑○
曹○去○繼○此○者○一○以○那○移○隕○軀○一○以○不○及○降○調○余○乃○為○感○慨○今○昔○竊○
幸○無○罪○曰○吾○庶○幾○前○後○得○為○完○人○乎○每○憶○及○窮○荒○知○已○如○夢○齋○盧○
公○誠○近○今○所○罕○觀○手○諭○數○言○不○獨○一○時○足○昭○感○勸○凡○作○吏○者○所○當○

永○奉○為○箴○銘○無○數○也○錄○其○言○敬○置○座○石○朝○夕○省○覽○且○使○人○知○天○下○
無○不○可○處○之○地○無○不○可○為○之○官○畏○難○苟○安○則○日○見○沉○淪○銳○意○振○作○
則○疲○瘁○立○起○天○道○與○人○事○固○有○相○成○不○誣○者○幸○勿○以○偶○然○忽○視○之○
一○生○清○苦○溢○出○筆○端○當○與○永○寧○于○清○端○初○任○廣○西○羅○城○時○合○為○
一○傳○彪○西○

續重校編四集五卷

士

五經堂彙選

與楊粗齋丈人書

武全文

久不晤足下嚮往殊甚賢嗣來知以小人狎侮鬱鬱乖和益復榮懷不置令先人倡明理學敦崇古道為一時士大夫宗近世所傳如婁公之盛德蒙正之雅量與張公藝百忍皆自聖賢紀而不校中來足下豈不熟悉聞之何不善排遣至此竊謂人生處世如虛舟飄瓦覆雨翻雲變態本自不測如必謂我守正道安本分人遂與我相安無一拂意事及我此情勢所斷不然亦事理所不盡然也但須時常履坦以中庸無入不自得為法則順逆舉可一視文王箕子以及宜尼處憂患而縛如良有以也况以我大度視若所

續奎林編四集五卷

廿

五經堂彙選

為仍是以好事及我耳足下山斗名裔期何等超曠豈宜以么廢子小忿芥蒂於中而忌萬金軀哉凡事惟平心以思則一切怨尤無不渙然冰釋並勉強排遣亦竟無所用不則皆客氣為累非吾徒所宜自待即非所以待天下人也傍自髫年受經備經動忍自謂於聖賢持身應物道理窺見幾分不揣狂瞽為高明解頤一見如呂伯恭讀論語躬自厚而薄責於人一語憤懷一旦全消則甚善矣千萬珍重鄙言不再

粗齋撫枕披讀霍然病已後此時置案頭旋讀旋快因命曰冰釋書自記不作縹眉事任他切齒人如此心胃天空海闊彪西

書先人田冊後

武全文

不肖筮仕鵠觚陟刑曹巡關西歷宦幾二十年先大夫家居朴素克勤克儉不少作世俗豪華態宜乎豐殖田產過中人數十倍今細閱前後手書遺冊簿田僅如許噫何少也雖然由今憶昔先大夫萬曆年起家有田數十畝耳及崇禎末增田若干畝則已足矣鼎革初為田不過二頃餘自不肖釋褐後到於今增田若干頃則已饒矣豈必連阡陌擁膏腴溝洫相望然後可遺留子孫謂然鳴得計於閭里哉語曰知足不辱知止不殆余不肖竊以此自慰也又曰賢而多財損其志愚而多財益其情余不肖竊以此自慰

續奎林編四集五卷

廿

五經堂彙選

且以此為善後計也世祿之家田連阡陌固屬可厭然有矯之者因遊宦而蕩盡先產恐亦不可為訓也先生釋褐到今增田若干云已饒矣此等議論方是中道彪西

原缺

薛文清公行實跋

魏 珮

夫正學之在天下也。如日月之經於天。如河嶽之麗於地。如布帛菽粟之用於人。誠一時不可外一。地不可無者也。好奇者不貴日月而貴景星慶雲。不貴河嶽而貴洞天福地。不貴布帛菽粟而貴金玉珠寶。夫景星慶雲洞天福地金玉珠寶。非不貴也。然使無日月之恒運。則雖景星慶雲之日出。而天運息矣。無河嶽之大觀。則雖洞天福地之徧布。而地道泥矣。無布帛菽粟之生養。則雖金玉珠寶之山積。而人類絕矣。世乃不此之務。而彼之騁。不見其惑乎。珮嘗謂此道之在天下。必有權輿之於始。必有開繼之於後。必有

續重刊編四集五卷

五經堂彙選

五經堂彙選

躬行實踐之一人。以體之於身。必有刪定表章之一人。以傳之於世。則此道始大明而無息。山石自中天起運。聖聖傳心。西河割素。王之席。龍門續經史之傳家。濂洛而人關。閩固自不乏。而求其得真銓衍正派。必以薛夫子為宗。夫子生理學中絕之時。獨能闢西河之緒。而得其菁華。振龍門之響。而規於正大。謂非盛德之至哉。時當春秋去古未遠。學士大夫猶知以禮淑身。以道範世。西河氏又得聖人以為之依歸。其權輿斯道於一隅。易也。尚不三五傳而已。有儒墨之分。龍門生分裂初合之際。獨能步驅東魯。規恢制作。開繼之功。亦不可泯。但元經上擬麟筆中說。直追齊魯較之綱目。

續重刊編四集五卷

五經堂彙選

五經堂彙選

不敢上接獲麟。其用心固有間矣。獨薛夫子用心於內。認性於天。不肯波靡凡俗。不敢唐突聖賢。使後之人隨其步趨。皆足以力學而有得。謂非躬行實踐。繼往開來。為功於聖門。而接古今聖賢。通傳之統緒乎。苟不叙其軼事。錄其遺編。則後死者何由觀感。而興起此刪定表章之必需。其人也。姜山范夫子。用心於斯道。表明夫理學。種種著作。無非羽翼往哲。光昭來世。其於薛夫子。猶其所尊慕。無已者。故既刊其讀書兩錄。河汾全集。復取其從祀始末。彙為行實錄三卷。附之以年譜一卷。刊而傳之。而使文清公千百萬世之尊崇。七十六年之行實。悉大彰明顯著於斯世。是又為文清公之功臣矣。珮既承夫子之貺。受而卒業。不揣謏劣。僭跋一言於篇末。庶使天下人共知之日。山石正學之傳。權輿者西河氏也。開繼者龍門王子也。躬行實踐。繼往開來者。河津薛夫子也。紹其統緒。刪定表章者。姜山范夫子也。謹跋。

老實文章當與河汾全集為一派 彪西

神隱山松記 節數句

魏 珮

神隱山蓋多松云其勢有直者曲者稚者齒者走者峙者人立者
偃蓋者盡如其上者虹蜺相薄者局拙者婉以斂者踈而濶者密
而加濃者其形則又若跪若坐若遠望若雁行若並肩若舒翼若
闕若結若飛若舞若布棋枰若羅星宿若劍戟之相撞若旌旄之
闕亂故土人取其近似者而名之曰長老曰羊角曰大夫曰龍爪
曰虹影蓋大小數百餘株而各有其勝焉郝子貞生告予曰予計
此山之木而得十四種焉有檜有栢有櫟有櫟有櫟有櫟有櫟有
柳有槐有榆有栢李杏等而松惟最予答曰山無松則峯巒不韻
續重棘編四集五卷 五經堂彙選

松無衆木則精氣亦孤故衆木所以綴松而松所以表山也無此
則清賞之士有避而不齒過而不留者矣惟其有之故達者喜其
標清者欽其繁行者庇其蔭然者資其材即貪鄙者亦挹其所有
以興采顧而神隱於是乎不泯泯所謂相與以有成也郝子曰有
是哉松之有於山也亦滋久矣山之閱於人也亦已衆矣或表其
物色或紀其興廢或談山水之奇或侈遊覽之樂未有特記其松
者今茲之遊山林其起于哉可以記矣爲之筆
一松耳有曲有直有疎有密同生一十四種而松爲最可想和
而不同羣而不黨之意且能相與以有成也可想有用之材愈
於河干之楫之意取譬不遠觸類旁通無徒於錯落中羨古致
也彭西

上范老師書

魏 珮

前具短札呈進未得吐胸中欲言中實不憚門生之欲侍教於先
生者非徒然也念此身放逸日久不能自爲拔擢前讀薛夫子行
實錄別有詩始知從前差徑路將四十年髮白穎禿之業誣擲
之騷風弄月之間良可浩歎今欲救正念非下學不能而下學自
靖者四事敢呈之左右一慎檢身先子在日以慎修名齊平時之
庭訓易簣之遺言無非以慎之一字爲諄諄先子見棄不肖時方
童年遂爾繁情詩酒日事傲逸自號曰逸菴又爲逸菴自傳敗名
傷教玩時愒日真有如文中之責五斗者自接侍後見師範粹精

舉動不苟始知曩者之爲流於匪僻今將逸菴傳焚棄改號慎軒
以謝先人於地下但恐立脚不定久久復形故態不知先生何以
教之二正學業生人在世各有學業儒者學業言行而已然無規
矩準繩從事於小廉曲謹緝語膚詞皆先正所謂市道所謂苟作
也門生束髮稍解讀書泛濫於諸子百家旁藩之稗官野史雲霧
既深晦蝕日甚以致言離世俗行趨卑下今欲歸正又恐流入旁
門前讀大刊目錄內有深涵纂親讀書兩錄真可作指迷津梁尚
期他日一爲卒業以啓塵襟三勤述作士生天地之間惟倫紀可
以束身典籍可以娛目苟憚然衣食卒無事事故爲天地中贅疣

即寄身典籍畧無表亦書籍中蠹魚愚自丙辰以來從事於此
有詩選指南感應篇抄定三才名物要錄本縣人物紀畧數種初
亦覺有闕發今視之悉皆虛假土曼故不敢請正於大人長者嗣
成陰陽文抄定魏氏家譜續本雖屬正業亦無補於人心世道今
續訂鑑古治統錄一書以任賢制用田賦學校禮樂刑政賑貸災
祥八事為經以五帝以來下迄明季君臣事蹟為緯中分善可為
法惡可為戒二類又以鄙意為引結論斷務期有裨實用但篇帙
頗煩不能猝就大約在明春夏之交質成成此之後又欲為三
晉正學一編三晉文獻一編不知能如意之所期否四聞孝節天

續重校編四集五卷
經人紀忠孝做成淑世勸人闡揚第一皆不可任其沒沒也故明
以來國史雖有蒐羅大約散逸者多亦忠臣義士孝子節婦之不
幸也欲取自明初至本朝忠孝節義之人或合傳或分傳合成
一書雖人微言但不足重輕亦以盡愚心之耿耿也以上四事千
慮一得今以質之座右倘若不繆祈賜教益庶幾失之東隅者猶
可收之桑榆也尚有敬言楮墨不盡臨穎易勝悚仰之至

合近思錄而錄之而成文却無優孟而錄一字此書東之有闕
係者○丙子大比予携幼子童孫應試兼為徵收三晉文獻而
出也寓左魏德卿先介寓主田廣文惻予次寄手抄陰陽文疏
解數萬言沁人心脾予既心服舉動之不苟矣既而來謁進退
中禮別後又以先人著作來質宛然孝子正學可與進也錄此
以堅將來彪西

制行解
吾儒制行必衷之聖人然聖人之行無不可學而在吾人則不可
有輕於學聖人之心如無可無不可孔子之行也故可以為行可
之仕可以為際可之仕可以為公養之仕先儒謂之太和元氣風
雨露雷無不可自我操縱之而各得此制行之最貴者也吾儒學
之不謂之貶道趨時則謂之和光同塵矣居仁由義孟子之行也
故能居天下之廣居立天下之正位行天下之大道先儒比之太
山巖巖謂其英氣勃發有壁立千仞之舉不可向邇此亦制行之
最貴者也吾儒學之不謂之傲倪不屑則謂之隘與不恭矣然必

續重校編四集五卷
如何而可亦曰學聖不得必由學賢而入學賢不易必從前儒之
制行而入制之云何制其交際往來之私而歸之於尊德樂道制
其乞墻貨取之私而歸之於禮義廉恥不受人鄙亦不受人憐不
為過中亦不為已甚持身以伊川為法接人以明道為歸苟不兢
兢於此漫謂聖人所為無不可學不慎持夫廉隅而希志於通方
不酌中於道德而矜持於崖岸則通方之弊勢至於卑汚崖岸之
弊頓流於客氣則害有不可甚言矣蔡虛齋曰處今世有多少避
嫌處不可便以聖賢自擬王虎谷曰此蓋魯男子善學柳下惠法
也欲制行者尚其於二先生之言三復焉集制行○學不躐等
彪西

魏 珮
五經堂彙選

自述

邵嗣光

邵嗣光字子昆、世居猗氏之智光村、自祖士元、徙居北大陳、先封翁諱國昇、字熙宇、因之先封翁三子、長宗光、次先兄庠、增廣生諱憲、充字子衣、又次舉、不肯問之卜者、卜者曰、此甲科中人、可善視之、七歲同兄子衣入學、讀書無所苦、一老生過之、指庭前樹曰、樹生芽能對乎、余應聲曰、麥吐穗、各舉所見言也、老生喜曰、此兒殊異他人、吾不及見其成也、既為庸師所誤、年十六尚不省文事、歲丙申、同兄入城、受業於文敬公之門、居無何、語人曰、此子可與言斯道、及講周易、先兄於師說、纖微必記、同學諸子有遺忘、必就質

續聖林編四集五卷

五經堂彙選

焉、先生曰、吾易之傳、其在邵氏兄弟乎、戊戌、兄游穎、癸卯、已酉、領薦、薦為主司所駁、歲癸丑、終於內寢、文敬先生手誄曰、吾門誠靜廉、慤如子衣者、指不多屈、遽爾長逝、天乎人也、何尤、余辛丑入學、縣府皆冠軍、未經歲試、癸卯、與鄉薦、庚戌、成進士、其甲辰、丁未、下第、時有泣下者、同行勸之曰、子昆獨不下第耶、為人務尋樂處、余曰、有意尋樂、終須不樂、甲寅、部檄至、催謁選、告病二年、丙辰、秋、泣山東青州府臨淄縣任三日、入府謁青州道張公諱能麟、曰、貴治有盜案、歷兩官未結、本道現住、俸貴縣新發於、必能獲也、問逸賊既久、焉能便獲、張公曰、賊現在、但前官不敢過而問耳、余問其

姓名遺址、遣役連夜出青州城門、一時獲九人、蓋彼各有窟宅、方觀望、不知吾捕之速也、中有一賊、名泊二、賊首為之、解脫曰、諸人不枉惟泊二、非真真者、乃在申家橋、言其年貌甚悉、余單騎下鄉、捕獲時、泊二為人僱工、其主母力辨其冤、同里人皆力辨其冤、余乃另縛一人、至與賊首辨、賊首堅供曰、爾真泊二、奈何使平民代汝死、余曰、爾誤矣、此我燈夫王興也、賊首乃吐真情、太守崔公諱俊白其事於撫軍趙公諱祥星、趙公語兩司曰、此令頗有怪聰明、是歲奉有出首、隱地六百頃、不論俸滿、即陞之、旨臨淄隱地最多、而余不以報、太守差人守提曰、他縣皆有此縣、何得獨無、不獲

續聖林編四集五卷

七

五經堂彙選

已報三、頃、太守曰、當不止此、余曰、自順治元年至今、臨淄知縣有一不為錢糧不完去者乎、太守曰、誠如子言、余曰、現在之地、年年不完、則地瘠民貧、可知、而天令其出首、行無不遺矣、太守曰、似爾存心、真所謂為國為民者、丁巳、秋、八月十五日、牛山下溫泉、開在、有明三百年、開二次、每次不過月餘、戊午、春三月、余丁父憂去、泉始開、辛酉、服闋、補任直隸真定府栢鄉縣、到任甫三月、有盜燒殺人、失主秘不報、余親下鄉、驗之、賊無當場獲者、群以為不當報、余曰、噫、勿乃為賊請耶、即日報盜案、隨密訪從前有過犯、是夜不在案者、三日而盜首斯獲、至第十八、供出窩主為趙州快手、以是

趙牧密囑諸賊親屬訟誣良為盜其定府批其定知縣徐公諱王
駟審各賊俱改供最後解一巨賊張霍樓至曰若輩欲反招耶向
聽我言不近相鄉境焉有是耶諸賊俱服因詰前訟誣良者一賊
婦曰趙牧教我為之自是賊歟先是相有千金渠失其故處疑
即午槐二河河無水每西山大雨則水流三四日夜可灌民田余
製木板數十隨河身窄處揮之令兩岸有田者自壅河堤試水後
水發果可及民田乃於署臨城募時捐金七十作石堤十一處其
開板則官路枯樹為之撫軍清端于公聞之召至保定府曰趙維
有具呈開滄陽河達於獲鹿者汝能興水利可為我往觀出守巡

續修縣志

卷五

五經堂彙選

兩道執余手曰此工成立薦汝矣余至樂城鄉民遮道稽首曰康
熙十七年曾動此工早則先乾潦則傷田無益徒苦吾民耳余曰
撫軍特令我與爾民商議可行則行不可則止民大悅余據民言
詳覆其畧曰勿論此河必不可通即令可通則舟楫之利富商受
之而挑濬之害窮民年年受之矣凡舉一事必因天時順地利度
民力量民財察民情五者缺一不可可行也詳報清端公稱善方攝
篆臨城時有殺二羊客於秦家庄者在唐山境內移尸柩界撫軍
于公批該縣素稱明敏一方依賴何必與尋常較是非仰作速緝
拿勿使死者啣冤地下時賊逸月餘余書聖賢城隍神位及死者

姓名於書燈日久焚香禱之一日早睡起耳畔聞呼彭三元外傳
拿獲弄猴人王定因詰定何處人曰元氏曰現住何地曰彭村問
彭村距秦家庄幾何曰三里余曰是有鬼神爾當實招定曰殺人
者秦尚功父子也隨於尚功家得斧二柄血跡宛然因以王定三
人解赴撫軍同兩道親審三賊不刑自招既而秦賊以計脫後余
署唐山印務復拿獲秦尚功父子詰之不服余曰供汝父子者王
定也尚功問王定安在次日而王定牽猴至矣余問定何來曰知
公來此必究此案耳既見秦尚功遂各服辜時紳民各以早為言
余曰視余審尚功父子當天當雨不當天勿雨是日大雨如注後

續修縣志

卷五

五經堂彙選

以不善逢迎失巡道意且順德府快手查雨有所需索余薄責之
解赴本府本府訊起二十五日斃命而予遂以酷刑揭報矣院
批保定同知汪公諱華高審理兩原告各力辨余冤格公曰信如
子言得非我錯恭耶汪公曰憲台能自檢舉方是大賢格公撫胸
曰我誤聽人言恭一賢令道魏敏果公巡查直隸地方見相人家
尸而尸祝之且遮訴於道敏果公面詰撫軍巡道曰邵令初任山
東賢聲素著今者相人愛戴若此何辜而革乃職兩人面相觀各
不能答比入真定境撫軍言於隆平令張公諱范曰爾山西人耶
為我謝相令我為人所誤耳幸勿辨敏果公亦語張令曰撫軍抱

悔已極語仰令勿辨也○丙辰秋九月遊江南東過揚州宿仙女廟
夢先太孺人語云母以見出門之日亡語且北歸江太霧有白虹
見十月初五日早行亳州江岸上江出雲有氣如輪五色燦爛如
佛頭圓光照人如鏡行數里乃散及抵家先太孺人病月餘矣又
二十日見背癸亥冬聖駕幸霸州問循吏於撫軍于公公舉余
名以對上問今安在曰章職去上諭即補清苑縣知縣縣為
南北通衢往來大差住民店民苦之余為捐俸修金臺驛館民稱
便撫軍于公為文記之○後歲歉有士子具呈謂有富民積穀當令
其賤糶不則令其貸之民間俟年豐後還者余詰其人曰爾為寒

續重刊編四集五卷

卅

五經堂彙選

士自應云爾但爾地風俗不知積穀今遇凶年使積穀者得重利
則積穀者多矣若從子之請則積穀者為罪人而爾等不積穀之
家反為有理人矣再遇凶年誰復積穀惟有相率而餓死耳其人
慚去次日有生員殷霖具呈願捐高粱五石賑濟饑民且曰生員
久有此心但所積不多恐不足以應求者昨聞公言積粟者得安
枕矣今茲捐粟出於誠願余急下堂優禮之為言於撫軍旌其門
後捐粟者日益衆計義商善士共捐穀三千石捐銀一千二百兩
是歲民賴以不饑冬奉旨發帑金三十萬賑濟直省余分宣府
四處至則問在城各員散銀便散米便皆言在倉老米二萬石原

係備賑蒙古若動支此米則官民兩便而宣府所屬共報二萬餘
口○余曰若過查則饑民且死盡矣即日南望焚香謝恩開倉令
年力精壯者來老幼男女不許出門有遠在二百里外者余差的
當百戶招之有謂戶口宜減不宜增者余曰聖天子發帑金以
賑饑民而我輩減口以報非聖天子意時有報名在先而凍餒
死道路者百戶謂不當與余曰彼死於道遺寡婦孤兒奈何悉如
數與之後數日饑民擁至余令每屯各書旗一杆使百戶領之呼
某屯至然日散不過八百人余乃開四廩置八斛大小等各四百
每一大口一大等一小口一小等余呼名給籌隨查富民之冒領

續重刊編四集五卷

卅

五經堂彙選

者守備汪公諱元功及各把總按籌給米日可散二千餘人凡二
十日告竣庚午上問九卿科道外官應行取者在朝諸君子多
以余名對上諭行取入京授江西道監察御史月餘以在家候
憑事啓奏乾清宮奉旨爾部會同邵嗣堯議奏後以平糶倉
米啓奏乾清門部覆無庸議奉旨斥還再議究依余疏行辛
未二月蒙欽點會試場內監試事竣以流徙贖緩事啓奏暢
春苑上諭這本說的是隨奉九卿詹事科道會議具奏之
旨尋以直隸守道缺員奉旨這員缺要緊着邵嗣堯去次日
上諭九卿云邵嗣堯不是外轉他次日再蒙上諭如前赴任

後設復來亭於金臺驛館散米民間越明年孺人亡有勸余續娶者余曰吾年五十三兩女已嫁大兒年十五小兒年十一所不欲再娶者以有知之兒呼無情之娘為痛耳後余得嘔血症告病詳上撫軍郭公不准行次年春蒙上諭著邵嗣堯前往會同料理時九卿議襄陽運米故也時二月二十四日自保定行抵襄陽至西安見總督佛公議停運既復自西安至襄陽作米家菴記入郡志又自襄陽至河南荆子關秋九月上念民運維艱諭令停止季冬抵保定今歲春奉旨特簡提督江南學政余念才不踰中人而平生讀書又無幾承煌煌天語焉敢負之故衡文必

手自披閱有以取文當合時尚而兼以節勞為言者余曰嘻近日作文盡趨詭僻而人心風俗亦遂因之余之所取必光明正大之文恐假手於人未必似我盡心耳秋七月二十九日試江寧蘇松三郡畢忽得瘧症寒熱無時百藥罔效支離床褥已逾四旬余自料無復生理而恐兒輩撫拾古人之嘉言善行為余行述也因自志焉

附鄭方南所作誌銘祭文

鄭韓星湖廣人庚戌進士歷任刑科給事中

五十五歲甲戌正月奉提督江南學政著邵嗣堯去之先是上諭廷臣曰如邵嗣堯陸隴其做學道定是不賣秀才者五月十

二日到二十一日校試江寧於句容次按崑山試蘇松二郡無一息之暇八月十九入江陰已抱病二旬矣走召至署九月十三日具疏乞歸十六日六脉俱伏十七日脉條有條無是夜自作遺疏謝恩兼條陳三事一天下三教堂以孔子位次佛氏之側大非我皇上尊崇孔子之意請飭有司將孔子迎入社學佛像移入寺院其廟專祀老氏一生員三十年方准告頂之例然有五十歲始入學者請飭學臣親驗眼花手顫即准告頂不必滿三十年之限一文風爭尚詭僻人心陷溺為甚請飭學臣取光明正大之文庶文風正而人心亦正矣○官臨淄時邑有朝山香會其

降神者以大鐵釘貫其兩頰金鼓喧迎勸人施錢公曰每歲効尤則傷其面者多矣遂登山會降神者自上而下兩不相讓公詰之降神者曰我奉祖師命教人布施公曰我奉上帝命教朴責汝遂杖侍郎念東高公諱微服往觀嘆其神明○令清苑時折獄多神奇有謀財而傷其命者以無証狡辨公曰爾謂無對証耶命隸卒出大門外招鬼魂來隸卒入有陰風飄然如生似跪於謀財者之側彼即自認不諱此包公之名所由來也○右墓誌十七日謂是日我試三郡一塵不染自到任迄今一切食用盡取給於學租今應發應存者共二千六百金子其為我求貨少保

公想自憐而允之。右祭文

附生卒

生於崇禎十三年庚辰閏正月十八日丑時卒於康熙三十三年甲戌九月十九日丑時享年五十有五子二念意

附著述

四書易知解、易經合說、易知解、太上感應篇註釋、道德經略解、此經解、退思堂雜著、時文翼經集、諸書行世、諸疏載于續聖錄、三仕一得載于三

附建祠始末

續聖錄編四集五卷

苗

五經堂彙選

康熙三十三年九月十九日卒。本年十一月常州府無錫縣貢監生員丁紹美、顧鑒、秦天棧等有建祠澄江之呈。公舉總督撫學三部院即批准行。又鄉紳夏公霖、朱公鳳台、秦公松齡、高公爾、公趙公申喬、朱公廷鉉有勸助建祠之啓。次年十二月祠成。安主。共費訖銀二百四十八兩六錢五分。各府縣捐助姓名詳見邵公徵信錄。刻本按子昆試三郡而歿。原未嘗及常州無錫。乃建祠之舉。倡於無錫。宜乎夏朱諸公有圖報之思。出於未嘗受恩之人。真千古難事之啓也。夫未受恩而圖報。直道公論。固不可沒。即平病樵與子昆雖未謀面。風重其人。當初膺司衡江

南之

命

曾說項於無錫張秋紹。諱夏所著有雜言。倡于和汝。不日成之。丙子四月秋紹走字告子曰。邵祠之成。舍親顧儒生。諱高紫超。諱之力居多。然則秋紹儒生紫超。三人此舉。不尤千古難事。更不可沒與。彪西

秋紹頗信子

續聖錄編四集五卷

五

五經堂彙選

續垂棘編四集六卷

晉洪洞范鄆縣彪西彙選 沁水受業張繪章參閱

與曹真子書

姚 檟

燈下讀共發編至出世為人○人成則暢然可迴○不則雖不得不迴○然未可也○竊謂即論語朝聞道夕死可矣之義○而語尤明顯○令讀者猛自警省○然取譬之事○尚覺未到此○科不得中○可待來科○此選不得官○可待下選○至死不成○人者○亦有可待乎○且科第不成○猶得為秀才舉人○求官不成○猶得為聽選人○為人不成○將遂不得為人矣○可與並論乎○必求其似○其懷挾搜出者乎○科第不成○且併舊有

續垂棘編四集六卷

五經堂彙選

之衣冠而視之○何面目迴鄉里○雖然亦未到也○懷挾搜出者○猶可舍故鄉而他適○為人不成者○將何適乎○是則舉人世極醜之事○無可喻為人不成者○第迴期迫矣○自度未可也○兄未嘗以一事之失責弟○豈忍弟雖不得不迴○終未可乎○十年前弟有差失○朴兄必正色切責○故弟得亟改之○朴兄逝後○弟不復得聞過○弟所以時時哭朴兄也○兄愛弟與朴兄無異○徒此一節○不相似友道○便覺有未盡處○弟欲暢然迴○微兄無可望者○惟見弟有不善○即不吝叱責○使弟得寡過處○即兄自盡友道處○吾兄弟皆可迴矣○是弟所亟願者○一字一汗○一字一淚○彪西

告楊寒質樞文

姚 檟

維天啓四年歲次甲子九月壬子朔越八日己未○憲侍教生姚檟○揮淚陳姓告於新逝賢弟楊寒質之靈曰○昔年為先母先兄甘旨之供○壽器之需○陸續用過宅上三十二金○幾二十載矣○二月間賴有餘粟○買金還弟○弟不悅曰○兄何拘也○朋友之義○豈計此瑣瑣乎○所送兄亦未如此之多○兄加利還我耶○還已不是○加利益不是○力辭不受○余亦固讓○因置金坐側几上○日暮辭歸○取金授我曰○方送兄時○豈望兄還○弟有兄無○又何必還○余曰○弟不望還○可耳○我不還可乎○且幸已有此○安得謂無○曰○兄所有者○此耳○聲所有還我○視我

續垂棘編四集六卷

五經堂彙選

為何如人○不覺色變○余不復能強權持以歸○告子文耀且曰○此金終當歸楊宅○今以付汝○汝善藏之○吾兩人既終汝還汝楊叔之子○迄今數月耳○弟已記玉樓矣○余聞計東向慟哭○哭已○文耀曰○前所藏金○可送楊宅矣○余曰○然命僕性醜○與金至陳樞下○嗚呼○我還金之心○即弟辭金之心○弟之心已得遂矣○我之心○可中變乎○弟尚體我○勿終謂拘○呼嗟○朴兄已逝○弟復繼之○相知益寡○可勝歉歉謹告○父子兄弟朋友間○有因財而參商且爭訟者○讀此不知動心否○彪西○明季先生曾同辛復元在弘運書院開講○吳撫台特薦屢徵不起○愚慕先生有日近得董心推搜出藏本○畧錄一斑○以砥末流○識

祈代父病文 節數字

董其恕

安邑縣東孫塢村長留里八甲生員董其恕。沐手焚香叩頭流涕。敢昭告於皇天后土本縣城隍三代祖宗之前曰。自古生死雖為定數。轉易亦有良術。不然無以昭造化之不測。人心之妙用也。恕父董繼舒今年六十有六。所生恕等五人。四幼殤除兩妻祖父母大事外。終日奔忙營逐。無非為恕等讀書婚娶計。飲食不得合時。起居不避風雨。數年來神勞力竭。形體漸瘠。以故致疝氣之疾。帶累殊甚。前於十月初八日。偶爾眩暈。恕等急為延醫調治。幸即獲安。又於二十日。覺左腿疼甚。不能下床。恕等侍左右。衣不解帶者十餘日。兩手並裂。雙目俱爛。惟欲邀天幸以復元也。今又於十一月初九日。匪但腿未見愈。且飲食不食。泄瀉不止。數日來神衰氣弱。病勢危甚。或吾父之命當有如是之大病耶。奈近七十歲老人。痛忍難當。傳曰。有事弟子服其勞。夫勞可服。病何不可代。祈將吾父之病移於恕身。即至傷骨折腿。有所不惜。不然或吾父之命當如是止耶。夫以吾父生平之苦。人所不堪。未獲安閒一日。而忽乃如是。似天地報復之理。不足取信人間矣。即謂大數已定。年不輕假。惟願奪恕之壯生。以為吾父之餘年也。夫諸子中獨恕可代。以死長兄長子也。任大責重。不可代。仲兄過繼伯父也。不可代。吾弟

五經堂彙選

年幼為父母愛所獨鍾。亦不可代。惟恕所居勢若無用。且入庠十餘載。生子有三人。得代父命。豈非所甘。然使死而父母無所倚也。猶或不可。今上有二兄。下有一弟。承歡既有人也。恕何不可死哉。且恕之罪大彌天。年踰三十。讀書娶妻養子。愆吾父之精神。獨多平日不能力耕供職。又不能博升斗以養身。舉於鄉以悅心。是乃棄子也。死又何足惜。使世無年高者而恕獨欲吾父之多壽。此固庸人妄想。不足聽。今觀之吾鄉。八十者有人。九十者有人。而吾父何獨不可乎。天地之大也。去一人不見少存一人。豈見多耶。即曰身有大故。宜奪其生。而父子一體。又何分彼此耶。今於十一

五經堂彙選

四

五經堂彙選

月十五日。粒米未進。點水未入。誠心誠意。獨舉香案於當天之下。涕泣仰訴。和血陳詞。伏乞天地衆神鑒察施行。奢望後想。出於為子之口。却是大孝真情。應能感神動天。讀此文而不動心者。必非人也。虎西。先祖母病篤時。家徵君為疏以代之。鄉人或笑其癡。請頂董君以為何如。范孝伯。

代王節婦告賑邑宰文

董其恕

呈為代陳下情乞天軫恤苦節以救性命事。嘗讀孟氏書見所載文王治岐之政於鰥寡孤獨發政施仁必先焉。蓋以四者乃天下之窮民而無告者。猗歟王政誠天理之極而人情之至也。今鄉中有王門李氏係貧人王志英妻。英於康熙二十三年物故遺子女甚幼貧困不堪氏矢死靡他。堅心守節。嘗表其門而贈之以詞。數年來無尺土地。惟自食其力。間有絕糧時。乃從而周之。故衣食雖不飽煖。亦可免得饑寒。今不幸天災流行。餓屍橫野。精壯有力男子尚不能餬口四方。况我輩一老寡婦乎。天台煮粥食人。

續重刊編四集六卷

五

五經堂彙選

誠良法美意。但敝鄉距本縣三十里。距運城二十五里。距北相鎮二十里。窮寡婦少氣無力。萬不能每日就食粥廠也。日今母子三人。替替待斃。情實堪憐。一介寒儒。素樂施予。奈今年自顧不給。實無餘力以相周也。窮民無告。其此為甚。雖鄉中餓死者尚有俱屬可惜。然猶曰庸人耳。惟此苦節風化所關。綱常攸賴。若立而視其死。將何以對皇天后土也。亦豈不有負天台由已之政乎。然氏窮而怨。不能救其窮。氏無告而怨。猶能代為告懇。乞仁恩宗師體先王必先之意。格外施仁。拘本村鄉保諸訪真情。急速按日給米。以救苦節之命。倘得延至麥間。不惟節婦啣結。世世即生員。

亦感恩無既矣。

其文其事俱堪不朽。俞色侯原序。

擴而充之。真可福庇海宇蒼生。馬衡公原評。

附贈聯

無衣無食凍餓不堪風雨夜。竟矢死靡他。人都笑他為堅執癡。女有兒有女室家要就米雪中。誠一生不二。我偏說此是真正節婦。

文之不朽盡於二評。人之不朽盡於兩聯。予何言哉。彪西。

續重刊編四集六卷

六

五經堂彙選

上 皇長子箋文 癸酉四月初九日

董其恕

山西平陽府解州安邑縣草莽臣儒學廩膳生員董其恕稽首馬前焚香道左為叩謝

皇恩詳陳疾苦伏祈再沛 天澤以救殘黎以固國本事竊惟天災流行何代蔑有救民水火必賴深仁故堯水九年聖人有憂傳自古湯旱七載身禱仁聲頌到今可知天愛賢主不必盡賜豐年人樂聖君正以時逢歉歲伏以平屬不幸四載旱魃為虐晉地辜深一時蝗蝻交集東鄰潞府西踰黃河南連中州界北過龍門山統蒲解二州在其中共安臨十邑屈乎內各邑有司掣肘不敢報荒

續世錄編四集六卷 七 五經堂彙選

巡行大臣出位有嫌不問敢以昔年流亡之狀備為 殿下陳之已已以後癸酉之前雨澤愆期夏望秋而秋猶夏蟲傷疊告蝗生子而子復蝗間有微雨不過數點洒塵常煽烈風每至連旬不已以致野無青草夏秋不登粒粟室如懸磬歲月何能空度個個鴻哀鼠泣誰憐楚女之腰人人鵠面鳩形莫救魴魚之尾斗米七百文糶糠亦得入市斤菜四五分草木不復生茅掃蒺藜而瘳饑疾藜寧得多少剝榆樹以延生榆樹能有幾何少壯者糊口四方呼人父母而不應老弱者轉死溝壑飽彼禽獸而誰憐河以東饑屍橫野天地於焉色黯條之北腥氣冲天鬼神為之夜哭父棄其子

夫拋其妻八口人家去五六此斃於家彼逃於外十戶鄉庄留二三食粥男兒聚斂門蹶地殍死不忍顧逃荒婦女跋山路仰天號泣不堪聞舍家鄉猶故疑去河南如歸市怨親老而難行委之城市盡作他鄉之鬼恨子穉今拖累棄諸道路哭殺無主之兒白面書生各備主朝收暮逐紅顏女子自嫁人先張後李雖醫得眼前瘡苦此瘡醫而彼復生即剗却心頭肉奈肉已盡而剗不止賣房典地沿村求售惜無主投水懸梁各尋自盡復尤誰為民司牧者若置之罔聞號天痛哭者實無處聲訴又兼之瘟疫忽發病傷者亦如餓數用簞以捲屍尚稱富家土坑而積魄屋為墳墓故村墟

續世錄編四集六卷 八 五經堂彙選

寥落嗟乎煙火望絕十里外人民稀少傷哉鷄犬不聞四境中平陽石太守親來查驗詳察二處不覺慟地而呼天請命之詳文不堪多讀安邑俞文林捐俸煮粥就食千萬人無如人多而米少凡遇之小民皆可備問提之山陝接壤晉苦亦猶秦苦彼此同災河東不減河西仁彼早報而此終隱故秦見休而晉含冤幸石府尊力為申請竟欲棄官而歸迫葉撫憲萬不得已始具一詳而奏我皇上好生如天即沛 特恩於山右愛民若子隨 命借賑于河東移平果緩其徵十二都中待斃饑民咸聞風而起舞給之米散夫

銀二千里外食德餓夫俱北叩而歌祝故今日筑筑子遺未死者

聖主賑緩之所生○未去者皆○聖主賑緩之所留也○蓋已彼之○皇○
恩○固已稱極矣○然現今之民情○猶有可訴者○帝力同天○幸今春○
好雨數次○殘餒稍安○王德挽救○喜目前麥長一尺○生期有望○見○
梅止渴○欲飽粟食於有夏○苟延性命○先採野蔌以為生○但錢糧未○
完○欠者積累三年○只因去者去而死者死○大半無所歸着○今催科○
甚緊○徵者並歛一時○可憐敲日敲而扑日扑○小民體無完膚○非不○
知食毛踐土○自當竭力以輸上○奈值此血盡骨乾○却將稱貸於何○

續垂棘編四集六卷

九

五經堂彙選

人○况晉人財無別出止有力農一事遇凶便難言也○農家積不能○
餘一年止辦一年數載豈能應乎前之有緩原欲待償於後後之○
所得實難借辦於前又其間造船河津覓工役覓水夫各出公費○
運米河南納口袋納車子還雇脚夫大同草束折價封銀種種雜○
徭實難屈指目今石衛之夫役又派平陽之百姓即以安邑一縣○
言之數有八百餘名路遙二千餘里算來所費工食將多正項錢○
糧富歲亦屬萬難凶年豈能辦應且此中逃亡所遺勢皆累現在○
包賠恐今後現在不支又將效逃亡故事昔歲饑屍堪憐共道存○
者樂而亡者苦今年追呼難支反說死者好而活者難勢必將前○

之生於賑緩者今復死於析楊前之留於賑緩者今復斃於道路○
矣此等情形聞之真可太息幾番苦衷說來俱是傷心我○

聖天子仁擬堯舜義擬禹湯豐收之年尚且各省蠲免被災之地豈○
復忍其封納况山陝同災必不蠲乎彼而徵乎此且均屬赤子豈○
曰秦人孝而晉人逆何陝民逃散中州者給日費給牛種多方招○
來而不已而存者固無論也晉民苟延故土者嚴地徵嚴力役奔○
走奉令而不遑而去者又誰問乎但民情壅於上聞自聖惠○
無由下逮臣起躬披其災親嘗此苦饑餓堪憐不啻水深火熱雲○
霓致望惟期日照月臨痛民生之不聊苛荒徒甚此一方欲繪圖○

續垂棘編四集六卷

十

五經堂彙選

而入告君門實阻於萬里茲茲伏遇我皇千歲殿下天姿玉○
裕萬邦屬心敬承繼道孝慈頌於國中拜穰封神聲靈震乎四海○
方入境之三日即慶雨之一犁共稱龍到有水群欣星照福臻○
駕過此地觀乎風問其俗自諮訪而心傷仁念所發重民依篤國○
本必詳陳而脩告臣起草茅愚生不知忌諱竊以天下者天地之○
天下祖宗之天下也非天地孰與持其運非祖宗孰克創其業○
又以天下者王者之天下亦儒者之天下也非王者不能救○
其民非儒者不肯言其事臣今日位雖下士忠豈無心既屬草莽○
臣固久食王家之德當言草莽事敢坐視王民之斃與其恐○

取戾有司。孰與不忠於聖主。與其徒苟默當世。孰與負罪於

皇天。況河東本神京之右臂。且為通秦蜀要地。萬不可久令空虛

也。故不避死以偷生。敢泄血而陳訴。誠以赤子良可憫。而疾病特

赤子尤為可憫。仁政固當急。而患難中仁政更覺當急。伏乞速達

我

后。自爾更沛深恩。先免積欠之賦。以救民於敲朴。可使存者不去而

去者還來。再加稽查之方。以救民於包賠。即云死者不生而生者

猶可不死。懲貪吏以紓民憤。去夫役以安人心。豈不枯魚得水。一

方歌再造之恩。已死復甦。萬代頌重光之德哉。將見殘黎安則生

續垂棘編四集六卷

聚自繁。元氣可復。國本固則泰運日升。悠久無疆矣。臣若一言涉

虛。上有皇天不覆。下有后土不載。幽有關夫子監察。明有

皇上千歲電問。雖然。臣山石一布衣耳。何得輕言天下事。惟願我

皇上急救殘喘之苦。窮黎得保生全。然後治臣愚賤多言之罪。職命

當戮不悔。臨筆涕泣。不知所云。顛倒錯訛。罪當萬死。稽首頓首。謹

以聞上

懷慨數陳。淋漓痛快。不咸鄭監門流民之圖。杜少陵石壕之什

也。其文氣汪洋如長江深潭。而抑揚頓挫。復有波折滯澀之致。

可以徵才。可以徵膽。景就貞先生原評。復有波折滯澀之致。

前歲上兵部索先生書。與此大同小異。既收入第一卷。今又錄此

何居。前書陳饑饉未陳。故糾同而意異。各有注也。即使意

家譜引言

余家系出萬泉之小槐。自始祖諱思文者。兵燹來安邑。已十有一

世。支族蕃衍。雖倫次秩然。而親疎莫辨。宗法不講。其何以上尊祖

先。下示子弟也。丙子歲將告除。脩祀先品。大人忽語不肖曰。吾家

族譜之脩。而祖有志而未逮。僅有八世之名字存焉。而父今病而

不能。而孟輯之以了。我兩人志也。不肖唯唯。即搜家笥。果得先王

父譜稿一冊。惜例義未定。列傳終缺。今年丁丑。於族叔家得叔魯

祖孝廉公遺稿。且為其子從叔祖應候公所增修者。披閱之下。真

不勝言。而稽其歲次。適在前崇禎之丁丑。倘所謂祖意是耶。非耶。

續垂棘編四集六卷

笑持歸而告家大人曰。譜可成矣。遂以少時之耳。於先王父者。再

質之家大人。增其缺。若干補其遺。若干竊謂自出罔據。終屬恍惚。

於是乎首增源本。身無定隸。輕去其鄉。於是乎次增里第。分支別

派。倫次昭昭。祖遷於上。宗易於下。不有世系之可考乎。積德累仁。

良非旦夕。不擇巨細。皆可作法。不有列傳之具存乎。身膺華袞。顯

揚前人。雖學功積苦。而非陰陽培植。則湮沒不彰者。豈少哉。故錄

科第。以云報也。矢死靡他。比於烈士。雖婦德宜然。而非志堅不奪。

則舍藐孤而他適者。比比矣。故序貞節。以表苦也。芳名垂史。族之

光也。則邑誌不可以不詳。嘉言孔彰。家之寶也。則庭訓不可以不

董其恕

述核實閩幽披文相質攻彼他山永垂天壤欲圖不朽誌表良有
以哉兆域儼然既封且樹顧瞻曠野骸骨允藏過墓知哀塋圖豈
徒然乎至於栢棧有設以示守殷薦合時以妥靈而遺器祭祀又
孰非緣情以制者哉余小子於斯舉也頗有苦心錄集成帙以復
家大人曰祖先積善以成德兒今集衆德以成譜則知吾家本
本相承其來舊矣願我宗人各念爾祖各修爾德受命家子藏諸
家笥以俟後人可也

極似潛學編家譜序一十二款各有注意文有真性此類可觀
他作青藍互出聯宗睦族諸詞未免數見不鮮

彪西

昭雪孤踪疏

戊寅

魏光緒

魏光緒

先皇帝以長君當立何嫌何疑而無端燕啄皇孫瓜抱空蔓燕人
構煽每思為所欲為海內正人君子一有指斥輒以東林淮上為
穿驅除既盡釀禍遂烈並封妖書之事恨不從心而張差挺擊之
謀作矣幸九廟有靈旋就撲滅據其招詞恫心賊目此時稍有人
心請劍殺賊宜如何激乃當事者首捏風癩以為後來脫卸張本
司官承望風指曲意偏護千遮百蓋惟求與風癩二字相肖王之
案據審原招明白入告而諸姦恨不附已置之祭典既又負緣中
旨削奪之李倬曾奉堂批駁正恭語於其轉官之日聲言處分勒
令致仕陸大受張庭上疏告變其後庭憂死而大受以大計調處
此之來諸臣所繇得罪羣姦始末也今聖明在御恩及林藪而三
臣去國孤踪未蒙昭雪此忠臣義士所以感忿不平也乞勅所司
從公查勘倘之案等果為法受惡處非其罪當破格優異立賜擢
用以為忘身殉國者勸

又壬寅

王之來一事關係國本公論久鬱今若再為沉匿先帝在天之靈
必有愀然於心者臣冀垂結此局為先帝褒直臣為皇上廣孝思
為朝廷持公道也且慈寧召對之時皇上不嘗侍側也當時逆天

之變葉經聖目豈今日而遂忘先帝耶皇上不忘先帝豈遂忘之
宋等耶

又丁酉

張差一案當時屢起官掖御史劉廷元一則曰風癩再則曰黠猾
若惟恐不能為出脫地者說者謂萬金之賄賂是有其數紅廟之
瓜分是有其地千戶陳紀中書吳中彥之過付是有其人以君父
之危難為若輩博利之地若廷元者所謂元惡大憝窮兇至奸當
五加赤族之誅以洩神人之憤者也員外勞來嘉郎中胡士相岳
駿聲曾道唯唐嗣美劉繼禮等朋謀脫卸或改抹招詞或抵漏情

續重刊編四集六卷

三

五經堂彙選

節司寇之堂公然為錢奴之地禁掖之內幾乎成蹠血剝之場
即與劉廷元等同正典刑亦不為過乃至今未見處分之彈文何
也倘皇上不忘先帝乞將黨劉廷元等立刻削職仍勅法司從
重處分庶挺擊之局結而先帝之靈其慰乎

天青日白萬人共見

彪西

按通志載先生官御史力疏張差東巡按招撫寇孽任太僕爭
出牧地撫湖廣計平土司居鄉里練兵築城先生功在朝野大
率如此其著述自撫楚奏議以至潞水客譚約有十餘種附記
其名企予望之又識

叙荒紀

周再勳

下民暴殄元氣放乎滿盈遂使上千天怒降之盜降之兵未已也
復降之歲即歲矣以至烹飪蒸餾割裂九族詢之貞髮皆曰未之
前聞豈非疾威之最赫者乎子與氏曰天下之生久矣一治一亂
及叙仁義竟塞乃曰此率獸食人人將相食則此之為既有烈於
洪水毒於龍蛇慘於楊墨者矣至寃其撥亂之本歸之正人心夫
人心不正天怒不可得而回也且不暇遠引即如餓殍枕籍白骨
盈城此乾坤何等時乃有以凶年為樂歲利粟死而金生者幸苗
蔡急絨滕以貽子孫而不知皆鄉鄰戚屬之血肉也是何肺腸又

續重刊編四集六卷

五

五經堂彙選

如流亡載道銀燭自照華堂易子折骸供給至於罷市甚則崇之
發止為繼富之需救之食亦為奇贏之貨又是何肺腸矧其父可
養子可憐夫婦可磨牙相向弟兄手足皆可煎熬燔炙推腹而刺
之乃天理絕人道蔑矣其寃也况亦不旋踵而亡乎爰至人事舛
於下天道變於上慧見霜隕雹飛川竭天雨粟天鼓鳴草木昆蟲
之怪異種種疊出故洪範以五事徵應五行捷如桴鼓繇是言之
凡此皆人心沴盪之氣所結之影也烏乎正余也力食不逢年硯
田既糠粃躬耕復逢耗數乃身困瘁蓋未有權藉以援天下之溺
惟○有○畏○天○命○憫○人○窮○而○已○達○萬○壽○關○閉○戶○著○書○自○恨○聞○見○不○廣○爰

述所耳而目之者○編次成帙○皆庚辛兩年事○用志一時○實錄下○不敢獻之○採風上○不敢貢於天子○亦曰言之者○無罪○附稗家之後○云爾○既成○知罪者○聽是○蓋有不忍言○不敢言者○但覺蕭索淒涼之氣○迴翔於紙上○崇禎辛巳

畏天命○憫人窮○是先生全書注意處○是何肺腑○言重詞複○又是先生畏憫至意○喚醒世人處○豈弟惻怛○仁人之文如是○彪西

著娛齋集先生之詩也○十年前從同門呂大呂借觀全書○大快予心○小刻晉詩初集○所收最多○以先生之詩○非關世道人心○即係古今治亂與俗手之推字○畝句者不同○既得先生擇言○又借

續重棘編四集六卷

五

五經堂彙選

光於三晉語錄○今得荒紀七十五葉○真可以補國史而垂世鑑○惜其事與晉詩語錄而小刻之不類也○祇叙荒一紀○與續重棘類故收於此○聞今科解元為先生蘭孫○解元公而欲紹衣德言○表章乃先著作也○必自先生荒紀始矣○附識

壽孫邑侯序

傳山

吾聞治晉陽者○必言尹鐸○其後任此邑者○無間治否○人皆類以保障○諛之尹公○豈易及者哉○歷千百餘年○始得見今邑侯遜菴孫公○公以甲辰名進士來治是邑○天性豈弟○下車日○即教戒叮嚀○不以搏擊博聲稱○未踰月○晉陽黔首○皆不忍欺○號大治○於催科日期○無適○吾不忍督迫○使無升斗贏○於收徵日○苟數色足○尚何耗○吾不忍作輕重於取用日○給價何行○戶于諸生曰○汝自愛○毋入於非道○於訟日○吾則能得其情○教不必撲○每自言曰○吾亦何問晉陽黔首○皆不我欺○但求自心不愧○其退處實蓋如此之數者○皆晉陽黔首

續重棘編四集六卷

六

五經堂彙選

口實彰彰○較著若孫公者○足繼尹公矣○今月八日○公初度○邑薦紳皆躋公堂上○壽索不佞言為介○不佞素慙○不能文章媚人○自信非類○諛者彼詩曰○令德壽豈人壽○公壽國豈僅此最爾邑○

不必多為表揚○而孫公之可以表揚者○已盡於此○各人手筆○故自不同○彪西

附記○公諱闓達○字天士○號遜菴○江南通州人○康熙甲辰進士○甲寅四月蒞任太原○辛酉六月告致○其題公堂聯云○存一片活人心○可

與神明共爾室○行幾件昧已事○有何顏面坐中堂○題賓館聯云○欲達下情須下已○能言吾過是吾師○並見太原儒童新日升抄本

原命

曹續祖

朱子解天命之句曰命猶令也。朕則天命之也。偏執人物而詳諄乎曰否造化流行而已。觀詩言維天之命於穆不已。可知矣。不已者造化之流行是謂天之命。流行而生人生物焉。直如天令之生者。朕是謂天命之故。天之命以天道而言。天命之以天道之及於人物者而言。命體也。命之用也。體用一源。不得區而二之矣。蓋造化流行。一生生之氣焉耳。氣無時不朕。則無時不生。無時非命也。氣無處不有。則無物不生。無物非命也。但氣之聚也有厚薄衰旺之不同。故人物之稟命也。亦榮枯修短之各異。榮枯修短者。一生

續重棘編四集六卷

十七

五經堂彙選

之命而吉凶禍福。又命之流行於一生。一如天運之否泰災祥。互乘而時有者也。故曰其非命也。而抑知立命造命。則又在人事之有為乎。居易修身以俟。而榮枯修短吉凶禍福。聽之自朕。所以立命也。讀書修德。則賤者可貴矣。勤儉營生。則貧者可富矣。謹身寡欲。則疾者可壽矣。惠迪則吉。何有於凶。自求多福。何有於禍。所以造命也。能立命。則謂之順天。能造命。則謂之回天。士君子之所為不當如是耶。至夫窮理而知化育盡性。而智仁不達。至命而範圍。不過此聖人之能事也。有志者。未嘗不可學而至焉矣。若惑於陰陽術數之說。而以年月日時定生平曰命也。則恃命而不立命。委

命而不造命者多矣。此愚人棄天襲天之甚者也。是之謂不知命。幸復元對文湛六曰。聖賢言命。皆見經書。原以理言。俱是天之有知。又曰。人能戰兢保護。自知命安。命俟命而為君子。可以立命。造命。凝命。而為聖人。可與此文並傳。 乾西

續重棘編四集六卷

大

五經堂彙選

原性

曹續祖

無極而太極○天地人物之一理也○何以謂在天曰理○在人曰性○蓋性即理也○特以天人之界○不可無分○故一理而二其名○非二其名而究不一其理也○朱子曰○天以陰陽五行○化生萬物○氣以成形而理亦賦焉○於是人物之生○各得其所賦之理○以為健順五常之德○所謂性也○夫人得所賦之理○以為性○性與理豈有二乎哉○理無二○由於天人之氣○無二○天人之氣○無二○故天人之理○無二○理氣合一也○無疑矣○詩曰○有物有則○則不外物也○孔子曰○繼之者善成之者性○成之在物也○孟子曰○形色天性○性不外形色也○朱子曰○若無

續聖錄編四集六卷

九

五經堂彙選

此氣此理何處頓放○故程子以為論性不論氣○不備論氣不論性○不明二之則不是也○由斯以觀○則理氣合一也○愈無疑矣○即張子論性有氣質天地之分○亦以天地之性○墮在氣質中而言○非謂氣質之中別有一性也○愚故曰○性為氣質之性○正以性為氣質之主○而非知覺運動之血性為性也○况氣質之性一語○有三說○理不稊○氣亦一○雖氣是曰氣質之性○血性有剛柔燥濕之殊○猶稊性有寒熱溫涼之異是亦曰氣質之性○性本善而為氣質昏濁所蔽○虧是亦曰氣質之性○豈柴曰氣質之性○混焉而無別耶○而無如言性者○或求之食色作用之間○而專以氣質為性○是論氣不論性矣○或

索之空虛窈冥之中○而離氣質言性○是又論性不論氣矣○夫以氣質為性○則是有物而無則矣○將恣情縱慾○何所不至○離氣質言性○豈能有則而無物乎○其懸想虛景○抑何所著落○此談性者之日殊而聖道所以不明也○愚以不若由程朱之說○求入孔孟之用○反諸吾身○驗之吾心○確認仁義禮智之實○即是昊天賦予之種○是則所謂性也○夫

氣質之性○始有明解○可稱程子知已○彭西

續聖錄編四集六卷

十

五經堂彙選

原心

曹續祖

人之為臟者五○而心其一也○則心為形氣之屬無疑矣○但其竅
虛而氣靈故為五官百骸之主○而獨號為神明焉○所以能具衆理
而應萬事也○心之體心之量也○能應萬事者○心之用心之才也○
非此心之外別有一心矣○自非聰明睿智如聖人○而下焉者○或為
氣拘而物蔽之○則量必有所不能充○而才必有所不能盡○此學問
開拓之功○在○所不容已者也○古聖人言心○自舜始○別危微於人心
道心○而即授以擇執之方○曰○惟精惟一○允執厥中○故聖如孔子○以
其心為具明德之心也○必格致誠意以正之○賢如孟子○以其心為

續重錄編四集六卷

止

五經堂彙選

同○朕○理○義○之○心○也○於○有○故○也○必○學○問○以○求○之○况○又○曰○盡○其○心○曰○克
其○心○是○明○以○理○不○外○氣○必○用○功○天○以○全○本○體○而○後○能○立○此○大○者○也○
孔孟言之○程朱從而解之○心學一道○已日月中天矣○而無如程朱
以後之言心學者○愚竊有感焉○或曰○性即心也○夫性具於心○心之
生理也○心有形而性無形○何得以性為心○或曰○理即心也○夫理即
性之條理而萬殊者也○心能窮理而理不能外心○何得以理為心○
心之性理彼則曰○形氣之心○非性理之心○以形氣言○心則一塊肉已耳○揆之
無聲無臭不合也○求之不覩不聞無當也○於其著相而墮支離○何
如直捷而得易簡乎○嗟乎○此空無無心之說○所自來也○能不論胥

而為禪耶○故靜坐之學○有流而為瞋目入定者○良知之學○有流而
為披剃剃方者○曰○而祇言冥悟○不事詩書○直將腔中之物○置為死
血○而心之為心○皆羣起而追逐於無何有之鄉矣○心學顧如是耶○
第不知五臟之心○固為形氣○而性理之尊○非形氣將何屬也○人焉
而果有身外之性理哉○

心學二字○原無可病○但恐認錯○則貽害不淺矣○此文其云○救乎
彪西

小集之借光於陶菴者多矣○乙亥三月○又惠大作一冊○方擬收
錄○適同人假讀○袖石不還○丁丑八月○改本來質因搜前冊而恭

續重錄編四集六卷

止

五經堂彙選

讀之○益服心虛功密○於此道惓惓不已○如此○附識

贈董節婦謝氏序

劉崇文

節婦謝氏方十五齡移天於董諱九德者舉二男在抱而董忽不
祿時節婦齡甫二十二即不起不食欲以死從地下解慰者曰死
易守難自古為嘆今雙親垂白二孤正赤縱自毀而自完也奈董
之先何奈董之後何胡不知難之勉顧區區易之就乎節婦慨然
泣諾斷髮額天誓從一於董之家而身代夫子拮据之不懈砧杵
秋月桑柘春風勤婦業也湯藥必嘗定省不曠盡婦道也三遷自
墓百忍示箴備母儀也冰霜凜凜六十年如一日修女德也婦兼
乎男之事內預乎外之職辛苦備嘗聞見者皆為節婦流涕而節

續重校編四集六卷

廿

五經堂彙選

婦處之宴如也卒遇二親以天年終克襄大事子男各成立蘭孫
又峙王矣自古所謂難者節婦獨視之易乎會國典以新冊東宮
褒崇節義而節婦與表揚之列則數十年之艱辛或可少酬董謝
二氏之家聲亦庶幾藉以不朽予聞之不覺過慶姑次序俚言以
贈且俟觀風者採焉

近日節婦大半在富貴之家而贈者紛紛吾不知其節果符其
文否劉先生為古君子其文可知其人可知其節更可知彪西

王氏族譜自序

王恭先

古者氏族紀於史官周禮小史掌邦國之志莫系世辨昭穆尚矣
秦興滅學史失其職司馬遷搜集古文遺書約世本作史記因周
譜明世家乃知姓氏之所自出魏晉以降特重門第立九品置中
正而譜牒始盛然自衣冠世系至卑姓雜譜皆藏于有司迄唐不
改五季之亂放失無存宋之歐蘇始為族譜歐陽氏之譜自吉州
府君琮以下至八世孫萬始復見於譜蘇氏之譜自眉州刺史味
道至於鉞二百餘年世次皆不可紀故其譜圖之法斷自可見之
世為高祖下至五世而止我王氏自晉河東太守卓永嘉之亂子

續重校編四集六卷

廿

五經堂彙選

孫留居創立太原鄉名殘碑見存所謂桑泉王者歷隋唐更宋元
趙哉渺不可追惟縣西之四里十家莊析自太原鄉者尚見於舊
譜譜云洪武初兄弟三人者先世自太原鄉遷居是莊其高祖學
右峙於上壬山丙向莊次其下恭先載閩唐貞元中卓翁碑陰云
惠州文城令府君葬臨晉縣西北二十里蛾眉原宏土樊村之北
岡宏土樊村今仍古名而十家莊之祖塋雖累累微茫不復可辨
所謂壬山丙向者形勢宛然又值蛾眉原宏土之下足千百年來
祖孫遺墟上下相望蓋可知已夫木本有水有源桑泉王氏始自
卓翁而譜不及者中窮於不可知也恭先謹據舊牒條列世次而

畫為圖自明洪武初迄於本朝三百二十餘年墳墓昭然宗祠如故子孫歲歲拜奠者羣奉存禮公為始祖存禮公一傳而有四宗下逮恭先十世矣遞而上之不以歐蘇之例五世為限者彼固曰譜為親作也親見於服服盡則親盡塗人已爾恭先則以譜為族作即為親作也高祖之上復有高祖可見之世習聞之人舊牒具存非歐蘇之遠不可稽也雖服盡親盡寧敢遺諸恭先衰老於宗人中又見曾孫輩列矣繼自今賢嗣哲續考本尋源以此譜而引之勿替雖百世可也豈但十世哉立格詳而有體敘事實而可法彪西

續重刊編四集六卷

五

五經堂彙選

康熙丁丑春翁寶林先生惠教族譜一冊其自叙云漢唐以來士大夫家所謂譜牒者皆以門第相誇耀而吾獨於前人之所以力本務農與後人之所以流離失業之故迴環與感一篇之中三致意焉世俗將群起而訕笑之弗顧也可與此文並傳不朽又識

王氏族譜列傳

王恭先

先考府君諱萬基字磐石幼孤依先曾祖成立年十八為諸生十九補廩督學表臨侯先生江右名宿奇府君文拔置第一延入三立書院數奇九試于鄉不售崇禎己卯以歲貢除汾州府儒學訓導甲申國變棄官歸里於順治三年六月十四日遘疾以歿年五十六府君讀書能強記家世業毛詩嘗曰吾於朱子集註上自關雎下迄殷武背誦不失一字家貧樂施崇禎甲戌歲饑道殣相望府君惻然自嘉平一日至歲終止以三石米為率每日煮粥挾活數十人又以薦薦收掩露齒蓋量家之盈虛隨施合於釋氏六度

續重刊編四集六卷

共

五經堂彙選

之一矣居常做昔人立命編以識每日善過月終則焚告於天曰清獻此著固下學上達之一法也汝曹毋忽恭先俯首受教辛卯鄉舉後唯不食牛犬終身凜遵亦試功過格未幾輒止隕越先志不孝莫大焉敬因序傳而自疏其罪狀如此

近見名手作先人誌傳似頌聖表似美新論却疑聖人修魯史不大書特書防叔伯夏於息姑黑肱之間者為失記也使讀此文應報報然彪西

按原誌磐石先生力行善事風格多有天啓丁卯赴省試邑令曹選關中名進士夜夢晉榜發王某居首曹素不識王覺而訪

之遣役預報○竟無驗○是月孝伯生○順治辛卯○孝伯冠晉榜始知
曹夢為不誣云○甲申閩賊之變○磐石居永寧州○畫夢白衣垂救
次日城陷屠洗一空○而磐石獨無恙○列傳畧而不書○杜說恠之
原為俗士信因果者之隱救也○于附錄之以見積善餘慶有如此
又識

王氏族譜條約錄一

王恭先

宗法之亡久矣○吾族舊有族長之設○始於明萬曆癸巳迄今百有
餘年○蓋子姓繁衍○散而無紀○立族長以統攝之○其名有正有副○遇
有事必告族長○諮議商決○族有不公不法○怨憤詬闢者○不訴官司○
咸來取直○族長處置平允○兩情輸服而去○若梗不率教○輕議罰重
以夏楚收之○亦無敢逆命者○當萬曆之季○承平日久○奸偽未起○惇
睦流風○至今以為美談○族長不論年齒尊卑○擇賢而有德者○衆議
僉同○然後舉焉○賀循宗議所謂宗位既定○雖有高明之屬父兄之
尊○而不得干其任者○此猶其遺意○蓋亡於禮者之禮也○世衰道微○

續重刊編四集六卷

七

五經堂彙選

此法漸廢○十年前仍修故事○名存而實亡矣○少年惡子○卑凌尊賤
妨貴貧○恨富甚以一二私事○持族長之短長○而族長亦且翫駁嬉
耍○遇事曲解○噫其弊也○今與宗人約○嗣後族長當如前奉耐○菴肖
川兩公之禮○而族長亦須自正○正人允服○衆志其有敗類圯羣○侮
族長而蔑祖制者○則宗人會衆舉官○繩以國法○亦弗恤也○謹約
親親之仁○敬長之義○合而為一○較金牛先生睦族之法○加出一
等○彪西

寒族立戒訟碑○於今三十餘年○大約奉祖宗以治子孫○其族長
即戒訟碑是也○附記

續垂棘編第四集目次

卷七

賈佩徵 見三集十卷

六世祖墓表

勸賑帖子

本戶積穀序

賈鳴重 見初集三卷

雪龕勸哭稿序

亡弟墓誌銘

祭明經范陶菴

常倫

見重訂晉國垂棘

筆山賦

張五典

字忠烈公貴贈太保

沁水人萬曆壬辰進士曆官兵部尚書以子

續垂棘編四集目次

五經堂彙選

大松寺三松說 泰山道里記

吳璵

字銅川沁州人順治己亥進士刑部尚書內閣大學

政餘輯畧序

徐隱華文集序

丁大年

字介眉大同府人順治丙戌舉人廣文

從祀孔廟議

廣桐葉封弟辯

李子全節傳

節義成雙傳

張總戎傳

賣薪事親傳

李暄亨

字麗生蔚州人康熙甲戌會魁庶吉約齋之子東生

雲中節義錄序

朱道存詩序

張

字

夏縣人明經

考妣行狀

李暉吉

字貞生拔貢麗生之兄

雲中五人傳

卷八

胡以溫

字公嶠忻州人籍宣府前衛順治乙酉丙戌聯捷知

辨疑

李武曾詩序

劉龍

見重訂垂棘

壺關三老碑

貞烈倡和詩序

曹續祖

見三集七卷

續垂棘編四集目次 卷七之八

二

五經堂彙選

玩月說

卧雲洞記

藍關詩辯

戒殺蠟文

書才子記後

辭真殺牲帖

弔真祭辯

李旭升

太僕寺卿詳見三集一卷

人才疏其一

人才疏其二

人才疏其三

人才疏其四

勉齋伯兄傳

張象蒲

字萬陸臨汾人癸酉解元庚辰進士庶吉

為父禱天疏

三七告靈文

七終告靈文

桃鄉記

某建義橋疏

續重刊編四集七卷

晉洪洞范鄆鼎彪西彙選 受業 沁水張繪章 桑閣 安邑董其忠

六世祖墓表

賈佩微

公諱世隆字逸生卒年月亦逸父付岩母成元配趙繼常舉子三人孟仲禮仲賢季仲孝生平嘉言懿行家乘殘闕莫考惟是閭門中署尚行左記年嘉靖右列義民某迄今百餘年矣字畫塗漬幾磨滅不可辨識而里中父老及四方之親戚朋友過吾門者咸賁賁夫夫也咨之仁者蓋當明嘉靖間歲饑人相食餓殍載道公慨然出廩粟若干石給糴人子糴人子活無筭邑令列狀層累上

續重刊編四集七卷

五經堂彙選

諸部部報可旌焉夫公力田者耳非有學士大夫談道講德之習也公父付岩公當其受產於公之祖欽也屋斤斤一楹田斤斤二十五畝由承先而推貽後又非有陶朱之富可分其餘以及人者也顧殷然急病如此此非天性忠厚貧而好行其義者耶傳曰積善之家必有余慶又曰視乃烈祖迄今百餘年矣子姓林立幾五十有奇其食報於先德者固未有艾而仰追原本勉我繼述祖宗之家風正不遠也百世而下斯碑可觀已

字僅三百一十六箇而孝子仁人義士之真精神真作用咸在焉張芑山愛讀短篇古文起芑山於今日不知鍾愛何如彪西

勸賑帖子

賈佩微

遇此荒年又當青黃不接之時吾村中饑死者已有數人其餘奄奄待斃不一而足老夫家口衆多不能分一粒以與人殊為可愧偶思昨夏曾奉本縣勸諭村中尚義諸公捐銀若干救濟貧民彼時陸續給散各輸一半簿籍見存可據不幸至於今日比屋炊斷各家罄懸較之昨夏更過數倍斯誠危急存亡之秋也當時登簿數目似當通完以成救災恤鄰之義老夫已勉措一金買豆數斗與官中積練一同分俵矣無如人多物少終不濟事又念自今至於麥熟尚有六十餘日就使人日一食亦須六十餘餐此六十餘

續重刊編四集七卷

二

五經堂彙選

餐典賣無物借貸無門哀此寡人勢不死於溝壑不已也展轉思維幾欲商之諸公而或謂老夫每舉一事則牽引衆人借人之力以市恩而博名老夫因是不敢復言既而自思古人有云眼前都是好人當時諸公既肯尚義豈至今日頓變初心特因無人言及遂置之不記耳必不至如或者云云也即使果有後言而避嫌遠怨坐視死亡而不之拯此鄉里小丈夫之行老夫所不敢出矣今敬與諸公約可念吾村中凡係土著者非我之親戚則我之朋友即流寓者亦嘗為我奔走為我驅馳共發仁心同行義事照簿全輸交付鄉保能抹人一日之性命即是聖賢作用倘有情願不完

者請從其便○老夫亦不敢過強也○諒之諒之○

詞婉而達○意摯而周○一片活人心腸○洋溢筆端○
豫石先生救荒四篇○娓娓千萬言○茲既包含殆盡○又評

續重刊編四集七卷

三

五經堂彙選

本戶積穀序

賈佩徵

康熙三十七年春歲饑○斗米四百錢○靈石霍州汾西隰州蒲縣一
帶流民無算○邑令聞人潘則煮粥以食來者○為厥三蒙城一候馬
一縣東關一捐俸錢外○諄諄勸賑○里凡若干甲凡若干本戶奉命
唯謹○既輸若干猶有存者○蓋二麥告成○粥廠遂亦已矣○老夫私念
凡此若干存者○還其人不足當一日之費○若留為公共之物○以時
出入○權其子母○日積月累○十年之後○或有補於吾父老子弟○不淺
也○蓋吾戶自祖宗以來○士者工者商者○落落晨星○率皆務農以自
活○而地狹勢亢○雨暘偶愆○枯槁立至○若不蚤為積貯○一旦天災流

續重刊編四集七卷

通樂

行富人聚財而不顧市兒涌價以自飽○嗟我父老子弟○將奚冀乎○
老父自愧八月寒○兒子兩年冷局○不能分我五斗○瞻此宗族○今
特乘賢有司仁政之緒○餘以為一本百世之計○因人成事○昔人所
謂碌碌也○惟我後之人○世守而力行之○是則老夫之所深幸者矣○
較汪貞菴義田錄更為簡明○予雖不敢以顧涇陽先生自居○竊
欲合前篇而亦顏之曰願義編○
彪西

雪龕慟哭稿序

賈鳴璽

慟哭家太傳往事雪龕慟哭稿者則今不孝於先君子哭其稿而不知慟也而胡為乎繫以雪龕也先君子嘗自稱東園老人龕實東園雪龕中老人如先君子者實嘉賴之不孝犬馬之齒且踰六十其報相貽政當不遠即或鮮民不死則亦慟哭以謝焉耳矣離變之年十月十日

續垂棘編四集七卷

五

五經堂彙選

心之學也林靜風來則先君子養氣之學也一草一木生意不斷而萬殊一本則先君子格物窮理之學也閒雲出岫倦鳥還林則先君子進禮退義之學也然則雪龕其先君子之學之稿乎若夫先君子之年譜之附錄之遺事當其俯仰龕中問津洙泗書以沃之琴以游之晨夕以泳之故言行交修行藏咸宜無入而不自得而其可敬而不可狎也高簡閑逸若有孤桐寒菊古雪照人之趣焉然則先君子之學其雪龕之稿乎抑稿之云者成蹟畧備定論未著不孝慟哭之下不能無所待於天下後世天下後世或有知人之君子者出焉流覽而歎賞之慨然想見先君子之為人且悲

不孝不忍沒親之意筆之書而揚諸朝庸登國史不然而公諸野以示四方之學者即不然而藏諸家附名山之業以信今而傳後東園雪龕中老人如先君子者實嘉賴之不孝犬馬之齒且踰六十其報相貽政當不遠即或鮮民不死則亦慟哭以謝焉耳矣離變之年十月十日

讀是序則雪龕全書可不讀矣讀是序則雪龕全書宛然讀矣左顧右盼呼之或出覺小刻五思集猶有形迹拘執之病彪西原本續年譜云夢奠之辰為諸孫說仁人心也人皆可為堯舜兩章謂鳴璽曰孟子初說時仁義並列後來單舉求其放心義

續垂棘編四集七卷

六

五經堂彙選

在仁中固自明白又說孝弟便是堯舜之道而有子嘗說孝弟是為仁之本可見堯舜是從來仁人也只從孝子悌弟做起仁故是性又是善之本故孟子他日道性善言必稱堯舜也由孝弟入手自然成仁人義士仁人義士自然能復性復性自然到聖賢路上人皆可以為堯舜只句書須如此說財見得天地間道理原自貫通附識

祭明經范陶菴

賈鳴璽

九原不作君今若此○白馬素車○咸歌蒿里○不孝與君○雖未謀面○而○以世交○精神如見○聞君之質○朗朗玉山○抑如鷄群○鶴立其間○聞君之學○滔滔雪海○兼之春華○秋實是待○維君王父○聖賢之徒○手持雲漢○逍遙清都○維君伯兄○厨俊之儔○筆挾波濤○瀟洒玉樓○五經堂中○獨君大人○道學世傳○寄君一身○夫何遽化○弗永其年○私心竊疑○豈人○豈天○以為人耶○人則何仇○君家好施○憂人之憂○以為天耶○天則何意○君家積善○誌不勝誌○或念厥祖○服勞天上○咲傲風雲○以慨以慷○或思厥兄○致恭地下○商榷古今○曰班曰馬○如其然與○不孝以喜

續重棘編四集七卷

十

五經堂彙選

蓋自奉諱○慟哭怙恃○泉路茫茫○君儻遇焉○推愛白髮○為我周旋○嗚呼○不孝已矣○君實有親○道成名立○為古天民○客秋登堂○出見子孫○問君何在○曰居隣村○今年書來○痛深西河○自數骨肉○如聽悲歌○君是孝子○應念慈父○回首北闕○淚寧不雨○曷歸曷歸○竹窓梅牖○其鑒不孝○高堂老友○尚饗

此為予季子翱而作○旌獎之過○雖增予媿○然其為規為箴處○真令在九泉者讀之○亦自歌泣交集○予雖媿不敢忘也○彪西

筆山賦

常倫

山形○墨石色○磬○驅神兵○加斧鑿○儼乎大境之開○凜乎寒玉之削○雄一邑之崔嵬○鎮三晉而橐籥○極萬仞之盤旋○聳五峯之立卓○疑天上之飛仙○遺袖中之筆閣○以天草為顏毛○化硯池為溝壑○石立人形○崖崩虎攫○怪怪奇奇○磊磊落落○東則沁河浩蕩○山環其中○萬頃一碧○泛綠浮紅○波搖明月○浪拍長空○可登兮可釣○可浴兮可風○一瀉千里○莫竟其窮○南則小山玉立○狀若崑崙○黃沙崖半○翠栢成叢○乾坤秀氣○造化神工○肩武夷兮丹山○碧水分太行兮怪石危峯○若紀計之有盡○雖九章而無功○於是自西而望○則雲林縹緲○有山翕

續重棘編四集七卷

十一

五經堂彙選

然煙霞出沒○光景連綿○藤鎖樵人之路○花迷仙子之崑○鄴楚山兮六六○妬巫峽兮三三○自北而眺○則山名鳳凰○一參一差○一弛一張○集岐山之瑞來○沁水之陽異○兩石之分立○若一办之所傷○玩斯山也○則浩浩乎若憑虛御風○而不知身之幾許○飄飄乎若謝塵羽化而不覺其心之徜徉也○客有自西方而來者○舉以告先生○先生曰○噫嘻○嘻此吾志也○試為子言之○粵彼晉陽○實子之鄉○山塵兩趨○天之一方○胡馬依風○丹葵向陽○故嘗知外之不足貴○抑亦思本之不可忘○第欲早尋平青山之廓○將以晚構乎綠野之堂○聽子言之○是使我心而皇皇○客乃俯而歎曰○於戲○物華兮天寶○人傑兮地靈

惟山川之秀乃豪俊之鍾蓋聞筆山之所由美因究筆製之所由
興故夫太極抱真造化蘊藉神機之破鬼物之泣雲漢昭回日星
分級此天地之所以為筆也鳳鳥有感麟獸就經隻字褒褒片言
斧抑群后臧否天王黜陟此春秋之所以為筆也雷奔電歷霜懸
露滴兔盡南山鴻飛西適出入有神迅速無覓此學士之所以為
筆也實核事工褒當貶的一笑所言萬世所適正人直書絕惡如
敵此史氏之所以為筆也今先生名著於海宇望隆于公卿筆端
霜擁筆陣風生吐胸中之錦繡樂筆雨之崢嶸驅海濤兮硯滴煥
星斗兮文明固將以經綸之大手寫天下之太平而晉之山名為

續重棘編四集七卷

士

五經堂彙選

筆者又奚足以為先生之經營哉雖然蕭齊始號古以別名後之
因之是則是憑或趨夫山水或扁夫軒亭脫姓字以尊美與詩人
而結盟緣小子之何識為先生其自評與其十里之徒慕孰若一
號之稱情慨筆山今何幸共美人今俱清乃歌曰沁之水兮筆山
仰高峯兮難攀挹先生之清兮與斯山而班班先生亦起而歌曰
筆之山兮沁之淵身清流兮心高於巔予之號兮予之宜良有得
兮我心之同然客喜而笑相為飲樂月落尊空客去卒酬先生援
筆而書拂琴而操益有得於高山流水之調也
組織經史賦體回應如是然其錯綜變化引伸推廣之致更覺

意大於題 趙西

此先生十五歲時作也先聘君晉國重棘收此傳世已久明季
兵燹板帙魚魯每一披閱不免夏五郭公之感近得沁邑志書
校正無訛拙選風不收賦若勾注集之賦晉國與先生之賦筆
山是又不可一例論也故重錄之又識

續重棘編四集七卷

士

五經堂彙選

大雲寺三松說

張五典

楹山寺三松列植釋迦殿前中左二株圍各一丈五尺右一株差小然其高皆數丈也膚理瑩膩如雪蓋山中萬松皆然而此其大者一耳山中人習見之不以為異也余嘗陟岱嶽中道有五松柯幹尋常非有殊異而說者謂此秦皇所封五大夫也密縣有白松一株觀者異其色為之歌詠為之繪圖以為寓內第一松矣抑豈知此山有三松乎玉骨凌霄瓊枝插漢視岱嶽五松小管窺小方之密縣彼一此三其數不敵也然數千年來未有稱其奇者蓋托根巖寺岑寂巖嶮無論車駕所不到而文人墨客亦罕有涉其境

西

五經堂彙選

續重刊編四集七卷

者安得與太山密縣同被榮名也余因是而知天下士矣彼其據高位履亨途即一材一能皆可樹勲名而垂竹帛彼山林高隱之士閤才瑰抱老死無聞者可勝數哉四皓之才未必劣於三傑桐江釣叟且超雲臺而上之若匪高光之世亦泯泯無聞也吾於三松乎有感

可與薛文清捕蛇說王虎谷補燭記鼎立為三 魁西

泰山道里記

張五典

岱史載漢官儀云泰山自下至古封禪處凡四十里又郭璞書云從山下至頂四十八里參百步予再陟其巔而知其不若是之遙也迺立一法量之其法用豎杆一根長一丈刻以尺寸竿頭置一環用橫竿一根長亦一丈當中置一環兩頭皆五尺取其輕重相稱也以繩繫於橫竿之環而又穿於豎竿之環牽其繩之尾則橫竿可上可下而不失其平也於是豎竿所立之處視橫竿所至之處則五尺為一步矣此以量其遠近也每量一步若在平地則橫竿由端以至豎竿前後俱着於地若前高而後下則橫竿前着

續重刊編四集七卷

五

五經堂彙選

於地而後懸於空視竿所懸處至地尺寸若干此以量其高下也又置一格眼冊每葉用三百六十格每量一步則填一格平地則於格內填一平字其高若干尺若干寸亦於格內註之填完一葉則足三百六十步為一里其高則累尺寸而計之不爽也屬盛守州轉委巡檢張嘉彩如法量之由山下至絕頂凡量四千三百八十四步而紆迴曲折皆在其中高三百八十六丈九尺一寸內除倒盤低十八丈五尺七寸抵高數外淨高三百六十八丈三尺四寸折步七百三十六步六分八釐平高共積五千一百二十步有奇實一十四里零一十餘步耳昔人所稱四十餘里者果何所見

哉○此○而○推○天○下○之○不○可○信○者○殆○如○此○矣○

辟○言○淆○亂○表○諸○聖○此○類○是○也○老由

格○物○之○一○斑○又○評

續○重○棘○編○四○集○七○卷

前○聖

五○經○堂○彙○選

先考妣行狀節

張 幹

先大人諱潤民字膏之又字敬齋己丑應本縣童子考冠軍辛卯
讀尚書既卒業識其末簡曰此書篇篇有天君民三者惟天愛
民惟君奉天君果愛民君即是天丁酉盜穿屋盜我布去則慰先
王父曰我不慎而渠乘之盜教我深矣己而廉得其人或請訟不
許且曰一訟則無改過之地也戊戌補廩膳生丙午以策論中本
省鄉試第四名方赴試時家四壁立得麥一斗雜以穀為餼糧負
之而北丁未成進士己酉四方來學者益眾立日新會癸丑應中
書舍人考名列二十七丙辰補內閣撰文中書舍人退食後掩關

續重棘編四集七卷

五

五經堂彙選

蕭寺一僕侍側輦上諸要人罕有識其面者丁巳元旦瓶無儲粟
水且告竭僕人張倬煮雪以進先大夫啖之曰是物與吾肝腸最
宜凌晨呼僕作糜間啜市門粥一兩孟徒步而去出則持數錢賃
白衛乘之遇無錢仍徒步歸鄉先生賈中丞膠侯聞之嘆曰此古
君子延為西席教其諸公子同官賈荊生贈以句曰退食曾聞仍
設帳趨朝近見但騎驢中丞歿返蕭寺中貧乃益劇有女子家累
數百萬錢遣媒妁說先大夫則厲聲曰天理何在先宜人聞之謂
家人曰迂儒故態為製一衣寄之戊午分校順天鄉試自誓以詩
三畏四知範此身素承庭訓憶諄諄而今若易平生志夢寐如何

王法雖容天不容大器如此

對鬼神先是某枋人屬同人為私人地比○分經其贖在焉○筆塗抹○墨汁淋漓○如老樹槎枒○或見而尤之○以為誤耶○怒曰○吾故不誤○未幾又失去一卷○告於眾曰○本房失某號卷子○其詞某頗心識○若使雋某當奏聞○明旦擲庭中視之○則讚賞之辭○踰於歸胡矣○蓋或者先以利誘○嗔其不應而故攘之也○聞事竣○鄉先生魏公敏果過○我居○居委巷中○狹不受輿○魏徐下○樞衣登堂○為之下拜曰○公道在○若人○吾為國家慶也○後拜疏有曰○如張某者○其於試事可謂至公○至慎云○辛酉有需次舍人者○將代先大夫遵例捐主事而承其乏○謝之曰○仕學一致○不盈科而遽進可乎○壬戌館同官耿公白山

續重刊編四集七卷

六

五經堂彙選

家訓其子弟滿洲戴某來學○語人曰○非學其文學其人耳○丁卯寄諭○不孝畧謂吾人一生品節全在立志○志一立定○雖生死亦不計較○何況功名富貴如此○則自有浩然之氣○直可以古聖賢自命○我一生讓人○至於事之關係○節義廉恥者○自信百折不回○雖權要在前○亦所不畏○時有包攬青藍校布者○陽為國家省金錢○而實欲罔利○病民膏血○吏胥為奸○利事垂成矣○先大夫力持之曰○為國家之金錢計○尤當為國家之百姓計○百姓金錢所自出也○某一日在衙門○此事一日不行○乃罷○戊辰請假旋里○卧先王父母木主側○事伯父恭謹無間言為○不孝疏太極以上天之載○無聲無臭證之○暇則躬親稼穡之事○自記一聯云○大樂祗求無愧作○至誠乃克有經綸○又戒家人云○人家無論男婦○不可不讀幽風○無逸○已已上書邑侯○請裁冗費○省私謙○庚午謁鹽使○請罷鹽河二季禮○邑人德之○先大夫曰○吾不與也○如都補戶部江南司郎中○辛未○欽差提督河南通省學政○為詩六章以自矢○既受事○吏抱牘前曰○某公需若干○某項需若干○某公某項需若干○計三年中需十萬金有奇○指其牘曰○歷來相沿定例○冊可覽也○先大夫遽問○是將奚出○吏不取對○朝齋莫盥○如寒素書生○按部所及○屬吏供帳俱撤出○庖中所列○止瓦器粒米根些○先子直而後入之○宮中每出○從遊者聚數人○牛車內不

續重刊編四集七卷

七

五經堂彙選

得乘堯子以勞民○當祁寒○取布巾束其首○車騎赫奕中○徒行者凡數里○蓋華觀既敞○數以墨塗○遂至不敵米霜○至平時之履○則皆先宜人手製者也○其教士也○先德行○後文藝○開雕士範約言○教化書桂籍○神符心相篇○法門真印○古文大衍○諸書流布河之南北○入闈日○則召諸生立堂下○講解孝經小學兩書○又命各儒學教授等官倡率學者○或幼童中○有於兩書成誦者○則錄以示勸○同年友某遺以一刺○懲其倖人逐之去○親戚某叩門請見○幾斃杖下○某故人招搖市中○遇諸百泉○命屬吏械之○返其籍○遂死大行之間○某太守郵京朝官尺牘盈二三寸○不納而使焚之○每鎖闥縛草人三○列之通

衢榜之曰。若進賄者。若受賄者。若通賄者。提調官某。先於府冊外。自為一冊。列童子數十名。謁而請曰。願有益也。則取學政全書示之。書中有府冊無名。不准收考等語。遂拂意去。後又有所要求。亦不許。則大怒。及試卷發。其衙門堅持不為拆號。意欲更填其所。賤者。先大夫置利刃懷袖間。遂坐堂皇。趣左右召某來。吾且以頸血。澆其衣。教授等官皆大懼。而某亦稽首謝罪。即張榜訖。校閱之。暇寄示。不孝曰。兒輩莫以我今日做官。便放縱了。不肯勤儉。我且以我父母之事。為兒言之。我父讀書三十年。未得進步。為門戶所累。田產典賣殆盡。某年臘月三十日。家中無米。我母拆襖袖。子向張

續垂棘編四集七卷

六

五經堂彙選

萬聖母換穀幾升。我大兄二兄。四五歲時。逐日拾榆枝。積之如丘。我姑見而憐之。曰。二子苦矣。又六七月間。拾風落小青棗。食之一日。自卯至午。我母未食。自去碾穀。饑餓倒地。踰時始甦。又夏天亢熱。我母受暑。投穀無人送飯。飲水瘵饑。自負歸家。還要乳哺子女。如此困苦。使我讀書。不知費了多少心。多少力。才有今日。今日正是謹守孝弟忠信。禮義廉恥。以報我父母之時。我若任兒輩。美衣美食。壞了家教。異日我何以見父母於地下。與兒輩約。自今以往。孩子不得穿紬緞。婦人不得戴金珠。男子十五以上。入學方許娶妻。非四十無子者。不得娶妾。大家勤以修身。儉以齊家。勿貽累老

子矣。壬申分俸金百兩。建張氏世祠。歲試甫完。即興科試之役。某童子故葉豆腐者。兒也。積學不售。有年矣。父迫之輟讀。則佐之業豆腐。以一手扶木。一手挾冊子。朗誦統屋而行。然當試時。輒不往。曰。必不及我。及先大夫來。欣然就道。貨隣翁錢三百文。及豆腐之業之母。為飲食具。縣學榜下。而名乃落。隣翁來索逋。父又譙訶之。以為且廢吾業。兒真毒我。童大慚。乃去投繯也。市門忽大譁。報人來豆腐兒成秀才矣。蓋名列府學榜中耳。童甦而父子相抱哭。笑並作。先大夫聞之。惕然謂。不孝曰。使此子終不遇。不且以公道殺人乎。是故不可不慎也。八郡之中。歌頌載道。而或者乃亟有所索。

續垂棘編四集七卷

九

五經堂彙選

不報禍且旦夕至。先大夫自顧七尺而外。無長物。便將以七尺報之。八郡諸生童。爭醵錢以濟先生之急。會伯父入署。慰勞再四。而先宜人亦脫簪珥。雜佩之屬。寄到。索者之意亦解。乃成欺慊。自知編而序之云。向來雖云主敬存誠。而虛浮游移。終是蹉跎。今日殊覺愚下之人。功力不狠。終無入道之期。自今以往。自誓卧薪嘗胆。不爐不扇。力持三戒。恪守四勿。無論朝夕。無論動靜。俱用萬倍功夫。刮磨此心。不至放失。庶易簪時。無悔。謹依功過格。善惡逐日登記。以便省改。此節工夫。欺慊自知。而人固不能知。我亦不求人知也。十月河南巡撫薦舉奉旨。以參議道用。甲戌。自河南歸籍。候

補次榮陽諸生某持一金獻車前却之答以近體詩中有云不貪
為寶子迂腐葉廣惟勤爾就將抵家奉俸餘九十兩為伯父壽乙
亥為侄孫姻迎婦禮成視不孝輩倍之伯父曰吾弟過苦答云兄
二十年不憚苦而弟敢憚苦耶凡祭必先期致齋丙子冬取已醺
納伯父席下伯父不可中割之各用其半丁丑三冬不雪鄉人大
恐先大夫齋七日昧爽率父老步禱未歸雪下盈尺戊寅會先宜
人之喪宗人有以續絃說者不答而三月二十四日病遽執伯父
手而逝迴憶先宜人棄不孝時取所織布中未成者予家人曰為
吾了此而餘閣之奠脯醢皆其手釀者迨陳衣猶是十四歲嫁時

續重刊編四集七卷

干

五經堂彙選

物也在兩大人誠全受全歸而不孝無父無母矣先大夫生崇禎
八年六月三十日亥時卒康熙三十七年四月初九日亥時享壽
六十四歲先宜人崇禎七年十一月初六日卯時卒康熙三十
七年二月二十九日戌時享壽六十五歲

其叙勤苦處與余夙聞符合以其無一字涉虛也此行狀之可
傳者彪西

張年兄歲試時會聞喜敝門人陳有章即次河南鄧州州例新
進二十人竟無一敢通賄者州人嘆為近代所希有我心敬服
讀此狀兼信又評

黃靜菴政餘輯畧序

吳 璣

士君子策名服官簿書鞅掌蚤作而夜思勤力而勞心日不暇給
矣顧安得所謂政餘者借或稍有餘矣陶情遣興與幸俄頃無事
大率流連光景抒寫情文矜為登高作賦之材習為月露風雲之
語非有能裨贊身心增長神智所謂危言無當展卷寡益者有識
者弗尚也古人著書立說必有關乎天人性命之微經術治理之
要吐論則闢發幽新豎義則鍼砭頑懦而後可以藏之名山傳之
其人此立言所以為三不朽之一然亦大抵皆不得志於時之所
為屈於此故伸於彼所以展其蘊落金鬱蹇產勃發專精凝思注

續重刊編四集七卷

廿

五經堂彙選

以全力故足傳也若夫從公服政任重責鉅不敢自暇自逸尚安
能手揮五絃目送飛鴻復作老經生持一編摩娑拂拭以與兀首
牖下者校勝負哉閩海黃君靜菴來鄂渚出其所為政餘輯畧一
書示余書凡二十卷分門判類綱舉目張上下古今出入經史鉅
細畢該言行備載一展卷而數為哀然稽古之學卓然經世之書
也余與靜菴傾蓋於燕郊班荆於楚澤解衣傾倒已非一日抑不
知其留心尚論好學深思有素若此今且勿問靜菴之才為何如
徒觀其試繁歷剌自觀察以至承宣位高任重績懋心勞而恢恢
乎游刃有餘若此此亦足以知其才與其所為政矣今靜菴且引

疾乞歸客有問其宦遊所得者第出此編示之靜菴亦足以自豪矣哉

真西山文章正宗○刁蒙吉斯文正統兩書得此一序方知古人立言之意必有以也彪而練格練意練句練字確與河汾全集四十卷大同○又評

續書棘編四集七卷

三

五經堂彙選

徐華隱文集序

吳璣

余質直少文○自仕宦以來○游歷中外○大率簿書案牘之日居多方朝夕而行之猶懼不逮故於流連光景風雲月露之辭恒廢置不講○兼負性硜拙○平生孤陋寡交○雖當世賢士大夫能文之彥○每不獲時時過從○相與揚確而詞人墨客則又素鮮往還○更無怪乎其記一而不識十也○然間見好學深思博物洽聞之士○輒中心好之○而年來所承諸名家投贈○自製詩文各集○旋就披讀○偶有會意亦欣然諷詠○不能釋歲已未○國家闢門額俊○野無遺賢○而攜李徐子華隱○首膺斯選○余曾於葉訥菴先生所獲讀其文一二篇○知其

續書棘編四集七卷

三

五經堂彙選

為能言之士○去年秋○余承乏入內閣○而華隱為學士○朝夕同論文○甚懽○華隱沉涵於經○屢歛於史○出入諸子百家○矢口而談○靡不典核○然後嘆向之知華隱者未深也○今華隱方予告旋里○出其素著詩文○而以題辭為請○夫余非能專意詩文者○然吾聞構里山川秀傑○其中多稽古自命之士○往有錢子爾載者○從余遊○其為人直諒多聞○頗有古益友之風○以視華隱○雖出處不同○而其問學真實積厚○而發類非其他○鹵莽剽竊莫尋統緒者○之所敢望矣○豈獨詩文得山川之秀也哉○華隱諱嘉炎以文字相與者十餘年即余理學中德夫先生之孫也附識溫厚和平古文正式中庸不可能殆謂此與○彪曲

從祀孔廟議

丁大年

今之議從祀孔廟者紛紛矣○大抵非濫則隘○夫濫非隘亦非也○夫
既議從祀孔廟○即當推本孔子之意○為權衡孔子真士之志於學
者○忽之以為易○不能懋進於緝熙○故於及門之徒○獨薦顏子為好
學○其他固不輕為許也○又未嘗重為絕○曾閔而下○如仲弓之仕季
氏○方之汶上弗如也○曾不因是而不欽之以駢角○子貢之不受命
而貨殖○方之屢空弗如也○曾不因是而不珍之為瑚璉○鼓瑟之由
門外斥之○未嘗不亟稱為升堂之品○聚斂之求○鳴鼓攻之○未嘗不
許其從政之藝○此數子者○瑕瑜固不掩也○孔子卒不因瑕而併棄

續垂棘編四集七卷

苒

五經堂彙選

其瑜何哉○蓋聖人之取人也○惟其真○不惟其備○苟非天性之真○忠
信廉潔○無瑕之珉○眾人皆取而獨棄○非隘也○如其任質之偏○愚魯
辟疹○有瑕之玉○眾人皆棄而獨取○非濫也○總之嚴以斥其偽○寬以
納其誠○聖人之作人如是而已矣○而今之議從祀者○何獨不然○苟
其志出乎聖道之外○專務畸言異行○無實而盜名○妄以聞人自矜○
若者必黜○使在泮之子○衿服聖道之至正○而不敢為邪徑之由○若
其志入乎聖道之中○則古稱先○能以博覽述稽之功○發明聖經賢
傳之旨○若者必收○使環橋之觀瞻○樂聖道之有容○而不苦於學道
之艱○本此以議從祀○是孔子與潔與進而不為甚之意○凡所以褒

嘉乎前哲者○皆可以勸進乎後學○且於朝廷廣勵學宮之意○指庶
其有合也○乎天地無全功○聖人無全德○人能才難得自古為然○讀此
可知帝王官人之法○吾儒論世之方○不徒為從祀議也○
如此持論○破盡從前聚訟○愚欲借此為小刻○兩理學總序○彪西

續垂棘編四集七卷

苒

五經堂彙選

廣桐葉封弟辨

丁大年

柳子厚辨之曰此非周公之所為也○余謂惟周公能為之何也○忠臣之愛其君也○塞違救失○固不可從○君之欲昭德揚美○尤不可沮○君之善其在詩曰○因心則友○成王之封弟○是以因心之孝○而推為愛弟之友者也○入賀成之○謂非昭君之德○而揚其美乎○但封弟而出以桐葉之戲○乃其失也○因成王曰○吾與之戲○乃儼然正對曰○天子無戲言○謂非塞君之違○而救其失乎○一舉而昭德塞違○兩得之余故曰○非周公不能為也○曰○柳子之辨○謂人君所言非雖百易之而不為過○豈可曰言出於君○遂可順之○而莫違○當日幸以桐葉戲

續重棘編四集七卷

共

五經堂彙選

封其弟也○設以桐葉戲封其婦○亦可賀以成其不中禮之戲乎○柳子之辨○胡可少也○予曰○柳子之辨○臣君之正經也○語曰○賢者守經○聖人達權○周公聖人也○惟能順君之欲○以引君於道○令君樂從大道○而不覺其匡弼之苦○蓋變化乎經○而神明於權者也○齊王好世俗之樂○孟子曰○王之好樂甚○而齊庶幾○夫好世俗之樂○猶可引之以同民○以之致王而不難○矧封建大典○可不將順○以成其愛弟之仁乎○曰○柳子之辨○又曰○或云○史佚成之○予曰○不然○記曰○成王幼而不能踐祚○周公相踐祚而治○當其時○敬小慎微○事無大小○悉諮于公○况茲封建大典○苟非決擇于公○史佚遽敢成之哉○桐葉之封

周公成之無疑也○抑猶有說○因其好世俗之樂○而廣之與民同○非孟子不能也○下孟子一等○則為逢君之惡矣○當以莊暴之不對為正○因其桐葉之戲○而入賀以成之○非周公不能也○下周公一等○則為遂君之非矣○當以柳子之辨為正

明道先生讀西銘○謂只是須得他子厚有如此筆力○他人無緣做得○又謂大要儘近理○愚昔僭評之曰○惟其有理○所以有筆○今移以評此文○殊覺為可○虎西

憶三十年前○介眉司簡城鐸○與之傾蓋○半夜而別○初不知其能文章而重節義有如此○今讀佳作○深悔當面錯過○為誌一過○附

續重棘編四集七卷

芒

五經堂彙選

從祀孔廟○桐葉封弟○兩作一字○不敢移易○傳文五篇○僭節贊語一二九原有知願效他山之石○未知可否○又識

李子全節傳

丁大年

李子諱若葵字向日大同縣庠廩生父以世廩為神將時邊烽告急奮不顧身而沒於軍上聞特賜卹贈以旌其忠嫡男若葵身出戎胃之門篤嗜詩書髫年游泮屢試冠軍癸未歲闖賊入寇大同總戎開門揖盜代藩望塵拜迎李子一介書生義不共天先城破三日風興沐浴焚香告父隨入寢告母與母永訣曰賊勢猖獗城破在即誓不失身賊手今願見吾父於地下不能左右就養吾母矣其母仰天大笑曰兒儔弟子員未叨一命之榮尚不忍失身於賊矧我王朝命婦配殉國義夫可偷生瓦全上玷輝煌錦詠以為

續重棘編四集七卷

艾

五經堂彙選

烈丈夫羞哉兒能如是與兒偕死李子再拜稽首即日盛設酒筵於內寢一外庭一內寢母服命服坐於席上子侄弟男之婦皆子衿婦也酌酒奉姑行家人拜跪禮畢昭穆序坐酬酢盡歡未嘗以生死之際芥蒂於胸作婦女態外庭李子率子侄弟男之在庠者皆衣儒服內一儒童縣試壓卷未及學院試錄服童生服舉行家人拜跪禮畢昭穆序坐修爵無算席上稱道皆古昔見危授命舍生取義之大節席撤望闕遙拜跪禮畢仍詣父靈拜畢各就本所別內外序昭穆投環縊死李子於其臨縊仍援筆大書一門全節於庭牆從容中道惟聖者能之彪西

任省愚節義成雙傳

丁大年

任子諱之俊號省愚雲郡庠生也幼失恃繼母愛其子因而酷虐任子任子孝事繼母無異於生母愛弟如一母之弟余與任子辱在入泮同案且交稱莫逆者有年對余非為一言未嘗道及母之酷虐並繼之一字亦未嘗出諸口他日余嫂問余嚶鳴之契同志合方者誰則舉任子以對孰意嫂知之確而道其詳然後知任子之母為繼母任子為學不揣摩時尚而深求聖賢立言本旨所以寥寥然調彌高而和彌寡年逾壯尚未有室詢其故曰吾欲擇女中淑慎敬謹佐餒而能致親歡者方敢娶之以為婦於是遲之久

續重棘編四集七卷

艾

五經堂彙選

而歷為訪果得淑慎敬謹善事舅姑者以其琴瑟之友助其壘麓之和亡何遭賊闖之變叛將開門而迎親藩望塵而拜任子誓必舍生取義或有勸之者曰子一介蓬簞未綰半綸輕生無益盍不念父母在堂愛身以承膝下之歡者為愈乎任子曰余正重念父母故念吾身為父母之身倘辱身屈賊縱日用三牲之養豈得為孝乎聞賊勢猖獗先破城三日與妻永訣其妻曰子不忍以父母之身忍辱其身於賊手我亦念吾身為從一而終之身方不貽父母羞任子喜曰能如是是女中烈丈夫矣與汝同死節義成雙夫婦風興沐浴從容自縊於其寢足傳不朽彪西

張總戎傳 節

丁大年

總戎張公諱安別號西樓大同人也初家貧編籍軍伍為隊長主帥器之為千總日者操練田家時暮有遺金於路者公見掇而置之袖中家人莫之知也夜午隣人闢室震隣即遺金者因沉湎於酒不知金為已遺妄以為妻匿且疑其有私通者威逼幾死張公叩門而詢其故迺取諸懷而予之隣人喜如更生曰吾妻命婦也吾疑不鮮而吾妻難活吾命亦難獨存今公義還者數金而長活者二命必以陰陽荷天之眷矣後級陟至元戎訓子則嚴督以文事稍不敬業威以夏楚又訪士之伏案穎出者折節禮之以為觀

續垂棘編四集七卷

卅

五經堂彙選

摩且按期課文公早詣會所親以手悅拭案其子跪而勸之曰此僕從事敢勞吾父公怒而叱之曰吾望兒曹擗管而發聖賢之蘊敬之重之視為天地間第一等事嗣是果獲重文之報其子秉禮舉於鄉有司以卧虎蟠螭表其第子念公年登耄壽急圖捧檄以歡其心遂釋褐為昌邑令時丁多事官兵圍城風聞邑令殉難友人有踵門弔傷者公正襟危坐而對客曰舍生取義此烈士夫事非吾兒所能也如果能此可謂有子矣諸君當賀何吊為嗚呼余初憶公庭訓之嚴也方為以科目光門第孰知公貽謀之遠也乃以名教振家聲哉簡而能括 虎西

賣薪守身事親傳 節

丁大年

吾鄉有賣薪者以薪所易之金詣李家餅舖曰吾以八分金買四分餅欲其油糖加倍以上奉老母李家敬而重之曰吾家以市餅為業二世矣有夫為妻而買吾餅父為子而買吾餅卒未有奉母以買吾餅者如其言製餅極其精而反其價且曰吾重子之孝而愛其能助也賣薪者固辭李家固反必不獲已而受之越數日逢朔且賣薪者悉出李家所反之金請易關夫子紙詣廟而醮之且祝曰小人有母豈可無故而食李家之餅時有聞者驚而異之奔告李家者噫嘻吾始而敬若者之孝也今若此更重若者之孝造

續垂棘編四集七卷

卅

五經堂彙選

其虛而及見之遇諸塗懇留至舖效詩人之授餐獻其餅而食之次日賣薪者約計餅價售之以薪而送諸家丁氏曰漢朝制科取士首曰孝廉非孝自孝而廉自廉益孝者必廉亦惟廉乃孝也孔子曰啜菽飲水盡其歡斯之謂孝孟子曰不失其身而能事其親吾聞之矣失身而能事其親未之前聞如吾所述賣薪者未嘗身烈士林口誦孔孟其養親也安分自盡若非分之宜有一介不苟所云盡歡之孝守身之廉不當如是耶吾故表而出之以愧夫身烈士林口誦孔孟者

世人每言無好人三字者讀此不知何如 虎西

郭子敦行古道傳

丁大年

郭子諱璉字叔鳴雲郡庠生也。生於巨富之家。不悅紛華。好讀先秦以上有關倫常名教書。且志切嚮往。必力行實踐。而乃已。行文獨抒心得。人莫之奇。惟覃先生見而奇之。崇禎十七年。叛帥迎賊入城。初郭子父兄風聞九賊經過。肆行劫掠。早爲之防。一門深藏。山陬幽僻。中至是賊悉索富家甚急。郭生跪請諸父曰。勢迫矣。兒出當之。郭門悉嘗。猶可不絕。父兄泣爲之留曰。死則俱死。何忍吾子獨死也。郭子姑應之曰。敬承命。俟家人防閑稍疎。乘間而出。奔赴賊所。曰。郭氏子也。賊嚴刑以拷。曰。女告父兄匿處。即貸女死。郭

續重刊編四集七卷

世

五經堂彙選

子厲聲曰。人之異於禽獸者。以其知有父兄也。今父兄避難而我則告之。是我殺其父兄也。賊怒。痛加捶楚。體無完膚。忍死不告。乃繫於獄。嚴限威比。未幾。大清寇寇郭子方免於難。居亡何。父以病殞。郭子寢苦枕塊。水漿不入口者三日。杖而後起。葬畢。篤行古禮。不入內寢。不飲酒食肉。將近大祥。又遭逆帥之叛。雲人餓死於圍城者十有其九。郭子絕粒已三日矣。其兄以數十金易牛脯一片。召郭子同啖。強之不可。且曰。弟不能舉火者數日矣。若食兄所惠之脯。不過緩死。須臾耳。終不能生。吾何愛須臾之生。忍變吾敦行古禮之心乎。終不食而死。

孝弟之至。通於神明。彪西

雲中節義錄弁言

李暄亨

白沙子謂節義爲道之藩籬。山谷亦云。平居無甚異於俗人。至臨大節而不可奪。則不俗人也。蓋人自天生地成以來。其三光五岳。清明正大之氣。固無日不呼吸往來於人心。而惟得其清且正者。則獨能全而受之。全而歸之。以至齊利害。一死生。而確有以維綱常名教之重於不衰。故論人而至節義難矣。至節義之真足傳於後。尤難。節義之真足傳。難矣。節義之真足傳於後。而且獲傳於朴拙荒僻之鄉。更難。蓋名邑大都。其間之聞人志士。類皆能懷鉛握槧。表隱聞微。且其俗又各風雅相高。一唱百和。故一人也。而或繪

續重刊編四集七卷

世

五經堂彙選

之於簡牘。或形之爲歌咏。一事也。而或播之以梨棗。或勒之於貞珉。雖千百世下。聲銷響寂。而講古尚友之好者。猶能得之。斷簡殘碣間。有以考其跡。而卒以不沒於後。若夫荒僻之鄉。其俗朴。既不知有名之可傳。其人質。又不計事之重後。即鄉里後生。與二三讀書好古之士。又皆泊然。視爲斯人斯理之所應爾。故雖其節甚苦。其義足傳。亦徒沉湮汨沒於荒風冷雨。寒煙蔓草中。而卒不獲炫耀稱述於當世。是節義在文物之邦。不患其滅沒。而第患失實。節義在荒僻之鄉。又不患其失實。而特患滅沒。蓋傳世若是之難也。不佞生長荒隅。僞員金馬。每好探討軼聞逸事。較古人真面目。因

嘆吾鄉俗朴人醇其間負川岳正大之氣網維名教節義之卓然可稱者在在不乏然或鬱而未著或語焉不詳故往往時先大父曾有雙烈之傳先大夫又有孝子之表小子夙企懿行仰承先志竊不自揆妄欲網羅遺聞共維雅化且以力矯吾鄉質勝之病與一聞往烈而發幽光而第恨隱德多湮彙稽無自僅就耳目所及有合於白沙所謂道之藩籬山谷所謂不俗人者都為一帙顏曰節義錄行將上之館閣傳之史局大書特書以副聖天子扶獎人倫振興風化至意而兼以成先大父與先大夫樂道人善之盛心於未艾也夫

續重棘編四集七卷

苗

五經堂彙選

朱子曰其自外角讀論孟自後欲一本文字高似論孟者竟無之拙選吾晉垂棘訖第四集矣高似此文者恐難一二教也

西彪

朱道存詩序

李暄亨

詩自選家濫觴猥以優孟聲格標為鵲鈴學人飲毒傳注心府幾令風雅一途索然殆盡巴人下里甫識之無遂欲握兔園冊執詞壇牛耳一唱百和率為輕圓浮華之習炫宅俗目而又互相標榜錄木災梨挾若羔雁以為釣名邀榮之具究之其骨益卑其氣益靡其為味也不啻如杭人之柑金玉其外而敗絮其中矣惟昔之聞人風雨晦明研精殫慮幾數十年沉鬱頓挫而後發為聲歌直據其中之所欲宣讀之者雖千百世後形聲未接皆能悠然曠然以想見其時之情與境為何若良由古人宗矩確有本源其所唱

續重棘編四集七卷

五

五經堂彙選

咏要皆流自靈府不為苟且遷就之謀以詭隨俗好其理確故其法為獨嚴其情真故其詞為不易甚哉詩不易作作詩者之不可易易也余友朱君道存少負逸才晚年喜讀異書騷雅章句之學雖不屑屑留意然於酒酣耳熱時開喉放聲相與商確詩人源流利病一一能抉奧窔且欲力挽末流大惧近世圓浮之習不可砥救起而矯之為力甚難其風性拓落間有吟唱輒散佚不自珍惜今春廣搜同人得其所為近稿清姿絕俗風骨皎然集成囑余為序余不敏於詩無能為役謹就曩之相與商確者述於簡端以見詩不易作作詩者之不可易易如此

王弼讀易掃象武子比之桀紂梁山來矣鮮從萬溪山中看出武子此言以為定論愚每讀嚴滄浪詩有別才非關乎理之說亦竊欲效象武子之評輔嗣者以評之三百篇詩之祖也孔夫子聖之至也教伯魚訓小子皆以詩為諄諄理乎否古人著書立言除却理字更從何處作生活耶讀麗生理確情真四字為之起舞彪西

續彙編四集七卷

共

五經堂彙選

雲中死事五人傳

李暉吉

永慶郡王者明宗室也失其名以封永慶居雲中時雲中多宗室而代為親王其王以二字名者親稍殺甲申正月閻寇將度雁門掠雲中郡中諸王素富貴多懦弱皆聚謀為迎降苟免計王獨不從曰奈何以宗祖血戰地與人不羞見先人地下乎已而聞寇逼城王手自伏鉞率左右鼓噪出將赴敵死語其下曰今日乃孤畢命日也卿輩寧死同時毋辱賊手騎道方抵門適遇姜瓖率眾叛與王衛卒戰有射王中肩者王遇害官屬殲焉瓖遂擁眾開門降朱俊案亦明宗室也封鎮國中尉管理襄垣王府事明制親以秩

續彙編四集七卷

地

五經堂彙選

第其親由一字二字皆王下始為將軍中尉案為人慷慨喜談大節平居復恂恂儒雅工八分書寇警既告案聚其家諸婦語之曰今事亟婦人留此無益徒亂人意耳宜自為謀而翁不爾恤也遂驅出逸之不令反顧問二日寇愈逼案復聚其弟侄謀曰所不令汝輩先去者欲同急難耳然計同死無益若不見微子之去伍員之復仇乎我死令宗室有殉國臣爾輩各從所志毋我恤也語畢復為驅去如初乃閉戶大書於壁曰襄垣管理殉國盡忠旁書九二慧泉遂自刎蓋慧泉其字九二行也數日寇去家人潛回收其屍顏色不變如平生衛景瑗關中人舉明進士崇禎末奉勅巡撫

雲中甲申正月閏逆犯太原邊境振動公乃謀駐兵雁門與寧武相犄角以遏賊長驅搗邊時公家關中久淪於賊衆咸疑公有他志聞於代藩諸王共議沮之公亦逆知其意嘆曰事已至此若輩刺肥持梁終日泄泄尚足謀哉乃不得已要諸僚屬定盟爲固守封疆計令晨會漢壽亭侯祠上詰朝公先至侯衆畢集徑步趨至神前歎血曰某爲國守土所不與侯同心者願殲偃月之下以下遂依次就歎監司朱家仕總戎姜瓖與焉既寇陷寧武應州諸處且抵大同姜瓖因殺永藩迎降公聞變遽麾所部出署道遇代藩將出迎公以大義責之曰大王素疑臣有他志今日乃先他志何

續重刊編四集七卷

共

五經堂彙選

耶高皇帝子孫宜如是乎王色沮爲返駕及賊入公巷戰不勝遂被執罵不絕口賊欲誘降之不能得令姜瓖入勸公瓖方入侍側公怒叱之曰叛奴國法可逃壽亭乃獨不可畏乎瓖汗浹背俯首不敢言旋遣公諸同年說之公色益厲謾罵率與瓖語等既而公之曰厚子不能佐父成仁乃欲我降爲若富貴地耶當先殺若令我無遺恨耳其子亦倉皇哭走匿時左右復勸公曰公所許朱公已降矣公何自苦若是也公笑曰是言詐耳朱公見在我上必不身罹賊手且人生貴自監立即朱降與我何與耶賊既知不可屈

命牽出閉別室中公遂衣冠自縊死賊憐其忠給其子殮具令歸葬焉朱家仕陝之河州人舉明崇禎戊辰進士爲大同監司嘗聞寇警輒搥腕歎曰男兒不幸當殉國耳何待再計耶時與衆議多不合獨巡撫衛公心奇之會集壽亭侯前以次歎血諸人皆異懦逸巡久而後進或相視以目若不勝趣容者公獨義形於色髮盡上指誓語琅琅響徹數十間步衛公見復竊嘆曰他日盟可無負必斯人矣至是聞賊急城未陷先一日具衣冠投井死衛公稱爲見出我上蓋謂公也時諸生李若葵者聞賊至知城必不守爲濡毫壁上曰一門俱死大節已完鍵戶投繯其死適與公同日越七

續重刊編四集七卷

光

五經堂彙選

日始具殯殮舉家顏色如慧泉李子曰是五人者皆明死事臣也或以宗室或以守臣至諸生極矣然諸生猶然懿親若代率計出諸生下何哉終至被掠索金播越誅殛是死等耳處死異若是之懸耶瓖以反覆小人叛明叛闡復叛我朝不一而足卒歸授首宜矣壽亭之刃不既驗歟余從雲郡聞諸故老深恨往跡湮沒亟書其事於策至論次更詳不死者於死者不益可知歟嗚呼可以鑒矣叙事簡而文運筆古而逸由此語言以論心術自無受屈人矣令弟既列天祿石渠間將來正史總裁應虛左以待昆玉處西

續垂棘編四集八卷

晉洪洞范鄆鼎彪西彙選

受業武鄉魏

珮參閱

辨疑

胡以溫

春秋元命包謂高陽高辛唐虞三代皆黃帝之後而禮祭法亦曰有虞氏禘黃帝而郊嚳祖顓頊而宗堯史紀帝王世次謂昌意魯孫敬康與堯為四從兄弟堯乃舜之高祖猶在總服之內而堯以二女女焉在伏羲時已作嫁娶之禮正人倫之本而民不瀆至堯舜乃更瀆乎吾有以知之矣知之以大傳也其曰庶姓別於上蓋氏為庶姓而別於高祖以上也其曰戚單於下謂四從兄弟各自

續垂棘編四集八卷

五經堂彙選

為宗而戚盡也故堯典師錫帝曰有齔在下曰虞舜孟子亦曰舜尚見帝帝館于貳室使非戚單於下可謂之曰甥曰虞舜歟此庶姓之別之驗也大傳又謂繫之以姓而弗別綴之以食而弗殊雖百世而婚姻不通者周道狀也夫謂之周道則夏商以前可知矧陶唐太上古未遠禮制猶儉若以周道律陶唐是武王聖於帝堯周公賢於五臣矣家語孔子答子羔問有曰殷周之祖宗其廟可以以不毀其他祖宗者功德不殊雖在殊代亦可以無疑觀此則舜所以祖之宗之者皆有功德者也左氏魯桓僖廟災子曰禮祖有功而宗有德故不毀其廟今桓僖親盡又功德不足以存其廟而

續垂棘編四集八卷

二

五經堂彙選

魯不毀是以災觀此則窮蟬為顓頊庶子舜不宗堯而誰宗乎先儒胡致堂以祖功宗德之說疑於子孫選擇其祖宗而丁南湖謂史遷帝王世次為不足信則亦未為定論矣羅氏本拾遺云詩易春秋不可逐句看尚書論語可以逐句看此雖為解意而發然理義或可臆說典古必難杜撰朱子曰近日學者空言無實不濟事讀此可以知懼彪西

李武曾詩序

胡以溫

古者太史所陳列國所貢人不必皆其鄉事不必皆其土蓋雖羈
旅行役其言有足為勸戒者聖人皆錄於國風而不遺此後世紀
遊所自始故凡山川城郭之登臨歲時風物之經閱與夫民生吏
治以至出塞從軍有感於衷多以詠言出之於是有歌行近體有
賦有比有興其源一本於國風見形之士以為適情體誠之夫以
為皆理甚或目為詩史非謂其真能繼熄迹而追春秋亦猶是擅
三長耳迨詩人日多黠者既為盜竿而弱者殆可壑量無論比興
寡乏即自詭能賦允宜擬子虛準長揚立成數千言何為繩繩於

續垂棘編四集八卷

三

五經堂彙選

近體八句中豈非技止此耶嘉禾李子武曾客上谷數月相相過
從與之商訂今古每片言隻字必折衷當理不臆比而講學不組
轍而經世非僅欲以詩鳴者間出其緒餘矢為詠歌未嘗不以質
余頗行彙其誌我風土及其北上道中諸作得若干篇為序之
雖有正變之不同大都皆原本於國風初武曾訪余見山堂中携
桐城方爾止氏貽余書謂李子國士理學文詞殆少與雙惜韓之
不生吳中也今遊塞上知必傾倒矣夫爾止老詩人於人少所許
可乃獨推美武曾不置余敢為佞乎昔子張子橫渠講易關中一
夕聞程子至遽命撤已坐輟不復講其讓善如此乃余猶序武曾

詩者匪惟服之無繹且藉以謝爾正云

遠情皆理其源一本於國風如此評詩似從白沙序朱時傑得
來彪西

續垂棘編四集八卷

四

五經堂彙選

壺關三老墓碑

劉龍

按漢孝武時壺關三老茂者史失其姓邑之故蹟雖見郡志然實未得其地三原張君友直來宰是邑謂漢名賢不宜泯泯為千古闕典蓋潛心數載求之未釋也間嘗以公事遠出過一村曰崇賢意村以賢得名必有材賢出乎其間因以訪諸村之父老則曰村左純山之陽有巨塚不詳所自至則亦荒榛野草無可徵者或言此地耕者曾得片石隱隱有字藏之近村古寺取視則唐人令狐信墓誌也其序世系則曰昔先祖茂夾輔周室光翼漢朝封為三老謚曰徵君是以茂為遠祖茂之姓當為令狐矣又後漢書郡國

續重棘編四集八卷

五

五經堂彙選

志引上黨記亦云令狐徵君隱城東山中去都六十里卒葬其山即武帝末年上書訟太子寃者也前史失其姓亦無徵君之號據誌則姓號與上黨記合豈信欲祖茂取記為譜系而傳會之邪令狐為姓罕壺關亦小邑宜不多得雖漢唐相去之遠苟名賢後無絕則信為茂出亦理所有况其誌得於茂所隱山假令妄以為祖身後之石何以特出此地其墟墓相聯屬昭穆相承傳宜非自外至者但江充之禍漢興已百餘年三老之為官必者宿乃得周制五十命為大夫夾輔又卿相之職今跨秦而上雖在周季據上書已老之身迺股肱先任之日亦無虞二三百載胡不倫如是也否

續重棘編四集八卷

六

五經堂彙選

則信所取在姓不在壽夾輔之說可無庸矣或謂周末賢者避世若圯上老人呼留侯孺子後不復見疑為鬼物四皓隱商山至高帝末乃出羽翼太子其年皆不可考彭越壽聞夏商之世亦安敢謂其必無也哉所惜班氏父子號古良史不能為三老考姓太史公足跡遍天下最漢儒博雅與茂同晉產且目擊巫蠱之事史記亦復逸之觀史者類以先入為主曰遷固實然餘復何望雖記於上黨志於郡國畧無寃心焉者坐是故也張君乃千載後復得信誌雖遙遙華胄難以取必而茂姓益有徵其高蹈之所首丘之地皆因以考見非其懷賢好古物色之表章之何以完是曠古之關

典哉自今過者欽衽起敬或低徊不能去歲時伏臘將有以蘋藻走者君實為之書於石喜三老之遇也若其訟太子寃為漢家國本計則史備載前人有論予可畧云

龍門記一百三十卷弘文館學士索隱蘭臺令一百二十卷琅邪縣國子集注一時亦云備矣今得張君之考索兼遇劉君之碑注不獨在學士國子之右應當入龍門蘭臺之內

虎西

貞烈倡和詩序

劉龍

貞烈倡和者何詠潞女之賢也何賢乎潞女遇大盜之逼伏節死義非貞且烈者能如是乎潞女死於大盜者為誰辛未之歲盜起齊魯鼓行而西無慮數千直抵潞境西火鎮劫掠財物搜獵婦女莫敢誰何四女傑然出乎其間投馬大罵剔目斷臂而死者趙氏女也仆地被搜膚裂血流道路朱殷罵而被殺者焦相妻程氏也不受甘言之誘怒目大罵與程同殺者袁氏女也被驅遇井自謂得死所抱幼女投死者王川妻平氏也死為人所甚惡四女就戮如飴所惡有甚於死者以見則定以守則堅其貞烈誠可加已嗚

續重棘編四集八卷

七

五經堂彙選

呼為臣死忠為女死烈古今之大開也當是時潞之士有王佐者尹西平抗賊守城力盡被執憤罵不屈甘受分裂天下聞而壯之西平為王臣事易上達贈官錄恤典亦既腆矣四女民家之微其得與西平並著者何潞多良也若致仕吏目仇君時濟儀賓立君時茂牛君廷瑞栗君廷珮郝君宗魯皆郡之良曾美好學行義相尚一掃戚畹富貴之習謂四女之節卓然與史傳所紀者無愧不可使遂泯也白於撫按憲臣而上其事於是有貞烈之旌而四女為不死矣五君雅能詩復詩以詠之和者彙至帙成付梓其為風化之助豈淺淺哉○字字出之劉君手方見心術之真○

玩月說

曹續祖

元宵中秋夜世人無不玩月者吾初亦隨人玩焉而今懼矣夫月何物也而玩之與月天之神也於天為目神則尊目則有靈敬且不暇而玩也哉玩之為云狎褻之謂也人焉而狎天褻天其罪如之何況月之為月有形也而形不無員缺焉有氣也而氣不無盈虛焉有光也而光不無晦明焉變化消長厥有由然豈但以一物視之耶以一物視之而玩之則謂之玩物喪志而月之所以為月榮乎其不鮮也非俗人之見也哉故謝莊之賦謂乎詞者也庾亮之樓捉乎影者也李太白之詩酒乎酒者也詞之於月塵土矣影

續重棘編四集八卷

八

五經堂彙選

之於月夢寐與酒之於月皆狂矣三子者雖同在照臨之下而嬉遊於混沌之鄉者也月之所以為月果仰觀而會之心也耶或曰月之所以為月若之何曰形之所以為形也氣之所以為氣也光之所以為明也有道存焉道烏乎存曰請問之無極翁天根月窟之間願借此文以問津○

卧雲洞記

曲續祖

洞在邑城西十里石城寨之巔。寨其山而砢者也。巖石戴土土踊起形如橐駝脊中凹而兩在隆南隆之峰東南豐員而西漸回曲下臨碧水面古寺前對栢峰風景頗佳於是穴山為洞適在回曲之處洞凡六南其三面以屋三楹處眾口北其三建先祠三楹位於上構書舍三楹當洞之西面而開門亥子交隅方則予讀書坐靜之所也鍵關却掃人跡罕到讀書之倦飲酒數杯倚隱囊卧洞中看朝嵐夕霞從眾山來繚繞洞口淡然一身宛在雲深處也故安名曰卧雲洞自康熙乙巳罷公車棲遲此中凡二十年安土自

續重錄編四集八卷

九

五經堂彙選

可養懶遂閒雖偃息縷縷膚寸間然遠望蒼狗之變幻霖雨之遮天以至五色爛漫一片孤飛諸種種俱付之無何有而了不關情矣則是洞也其為予之安樂窩乎無奈丁卯病作勢不可為洞中人而一旦棄去移城居非予意也而勢又不可復往矣嗟嗟城居轉瞬抑又十年雖蓬蒿數椽差可為我老免聚焉然而洞門雲封院宇寂寥每繫予懷不能放下恐不幾年難免桑田為滄海而洞蹟杳然無有也故筆記之以存巢父之巢名於箕山潁水間此即陶菴之自傳也文雖平平吾取其事愧予前蒙廵撫傅公諱廷俊之表余間曰足表當世願移以贈陶菴庶幾不愧

昌黎公藍關詩辯

節數字

曹續祖

小人嫉君子之異已多造為訛言以誣讎之或傳為口實或形之文墨古往今來不知凡幾矣是賴讀書論世者推原情理究詰真偽明白於天下後世方為有識之士若聞其說信以為然而附和之則亦小人之歸也已矣如昌黎韓公承孟子距楊墨之後峻開佛老以衛吾道其佛骨一表原道一論真足羽翼六經而薪傳孔孟者豈非堂堂大儒為唐人中一真君子哉無如以諫佛骨謫潮州而左袒佛老者遂捕形迹語言之風文致而詆毀之謂公抵潮與僧大顛遊意其悞謗佛得禍故佞佛而異其解免也又謂阻雪

續重錄編四集八卷

十

五經堂彙選

藍關望救於入道之湘子至形諸歌吟其情甚慘始關佛老而究且乞哀焉其何以為退之解此証昌黎者之血口也夫與大顛遊一案公自辯其傳者之妄已悉於答孟尚書一書有目共睹至藍關自吟詩俗子註解誕妄殊甚且有附會而演為藍關記令花面優伶逢場宣唱以惑人者是烏可不特為之辯註詩者曰雲橫秦嶺象何在雪擁藍關馬不前為公姪湘子為神仙預報公阮藍關之句而公述之者也知汝遠來應有意好收吾骨瘞江邊二句為公望湘子扶救之詞也今按湘子為公兄介子老成之子老成即公所為文以祭之十二郎也湘公之孫也姪也云乎哉十二郎死

湘市十歲公撫而教之必令讀儒書以世其業豈有身拒老氏而肯聽湘以入道修仙乎則湘子非神仙也的矣或曰藍關之遇何也曰公官京師常貶謫時或湘在里居聞公謫潮而追從之追及藍關適遇阻雪公即景吟詩以寫骨肉聚會天涯有託之意已耳豈真湘子為神仙先詩以報兆旋及期而飛身以來候公於此耶假令湘子當日果背公出家而為神仙公於此時乍見之必且深惡其怪而叱之矣而湘望其憐我而救我也則人其人火其書之說公又忽焉而忘之耶然未有諫佛骨不畏犯顏以死之昌黎轉而惴惴風雪幸委骨於叛吾道而不令之子孫者甚矣說公詩者

續書棘編四集八卷

士

五經堂彙選

之誣公以非禮也况公詩情景現然讀之者即公之人以論公之詩而詩可知也幸勿為邪說所愚自陷於小人之歸焉庶可與之讀書矣

薛文清公曰漢四百年識正學者董子唐三百年識正學者韓子前有文清後有陶菴藍關一記應人其人而火其書彪西

戒殺蠍文

曹續祖

蠍其微者耳雖具有毒尾祇以自衛其背焉者初未嘗故挾以刺人也人犯焉而惟彼之螫是自求辛螫矣於蠍乎何尤夫蠍之命在背猶龍領之有逆鱗也批鱗而龍怒犯背而蠍怒豈情有可已而故為是忿忿哉鱗與背將必有不勝其痛楚者能木然忍受而了不為護疼地也耶故蠍有犯而刺隨之亦猶人受螫而必殺是蠍也護疼之情實相等也嗚呼護疼之情固有同然者而報之亦不可以無其道遭蠍而罹其螫勢不至於死人也捕而殺之則已甚矣若夫遭蠍而未受毒螫焉輒捕而殺之是誠何心也造物之

續書棘編四集八卷

士

五經堂彙選

生生何所不有豺虎虺蛇之惡天地猶且容之而蠍之惡不如豺虎虺蛇萬萬也人惡而必殺之何以對天地心焉忍乎哉况蠍之為物也一生數十子無處無之殺且不可盡殺也人如蠍何哉無寧投畀而遠去之禹之放龍蛇周公之辟毒蟲駭人害而全物命是兩得之善道也仁人之心不當如是耶

不惡而嚴觸類旁通彪西

書七才子琵琶記後

曹續祖

狂後生

姑蘇諸生金聖歎負文名有批評六種書行世。各界曰才子書繼。又有警生毛聲山者評註琵琶記。署曰第七才子書。蓋踵聖歎第六才子書西廂而七之也。聲山之書予既觀之。而聖歎之書止觀西廂。其他未之見也。夫兩人批評諸書。俱稱作者為才子。即以所作之書為才子之書。雖立意皆在指點作文運筆之妙。然於為書之是非可否亦不可不論也。如屈莊遷杜所為書。雖非六經四子。比然以文章之妙而謂之曰才子。庶不媿才名矣。若夫水滸之誨盜也。西廂之誨淫也。似乎耐菴實甫。其不才為實甚。而聖歎亦目

續書林編四集八卷

七

五經堂彙選

之為才子則何也。至高東嘉之琵琶記。更有大謬不然者。按大園索隱謂東嘉諷王四棄妻而作琵琶。夫欲諷王四。或別假一烏有之名。為王四作對針。亦何不可之有。而顧乃借名蔡邕。斥呼而痛罵之。令中郎千載含冤。此何說乎。史稱邕曠世逸才。忠孝素著。不幸而罹董卓之難。縉紳莫不流涕。故彼時有虎賁親類中郎者。孔北海猶引之共坐。曰雖無老成人。尚有典刑。而東嘉著書文致。而故坐為拋親棄妻之人。嗟彼東嘉。不啻病風矣。若之何聲山遽以

為才子也。以其為文之妙。正以蔡邕之非王四。而故為託言。以寓諷。但取其文。而不論其文之是非可否。矮人觀場。公然見一不

孝不義之伯喈。為未有不戰指而切齒者。其託言寓諷之微意。孰從而深知之。為聲山者。縱委婉批註。極力斡旋於其間。其亦徒費筆墨矣。東嘉之得為才子否。我不敢知也。

敬齋謂人著書才有一毫為名。便是悖逆天理。况詭誕浮華。害於世者乎。如金如毛。諸批評誨盜誨淫。真是賊中賊。妖中妖矣。王法可寬。天譴難容。得吾陶菴一辯。不禁嘆服。彪西

續書林編四集八卷

古

五經堂彙選

辭奠亡妻殺牲贖錢帖

曹續祖

唐荆川先生辭朋友為妻舉奠大意云古喪禮饋奠在主人服制在族戚朋友各以親疏輕重自製之今一切反是此古所謂野於禮者也况近今喪奠多尚殺牲富貴人家一日享數十家之奠大牲小牲割割狼藉至千百計夫鬼神情狀與人情不甚相遠今若此不惟使生者靡費抑亦令死者不忍夫既不能放生以資冥福反為之殺牲以重冥咎揆之人心殊為未安是以痛為亡妻謝此業債荆川之言如此愚佩服有年矣茲值故妻暢氏之喪卜奠二月二日其於服制一項已遵古禮聽族戚自製於無服友朋不敢

續重棘編四集八卷

五

五經堂彙選

濫散巾絰外至發引前一日知切近親戚惠賜一奠情不容已只可用果蔬香燭光賁極前存歿均感萬勿宰殺猪羊以滋慘傷亦勿代折銀錢並開贈紙張益我貪鄙則君子愛人以德其大乎是若乃鄉里平交素無瓜葛者槩祈無煩歛錢賜奠更為高雅專此預啓伏惟鑒允

荆川先生原文有曰即使吾身後諸友只須如是行之但能相體不為無情也余既錄入廣理學中今復錄此欲吾輩皆為有情人耳

彪西

喪禮中奠祭三字辨義

曹續祖

按字彙者問終也慰也蓋問以唁生者慰以傷死者故俱曰弔奠者薦也薦食於尊也故喪主人薦在殯者曰饋奠祭者祭祀也蓋三月而襄奠事方舉祀事是以有三虞卒哭祔主小祥大祥中月而禫之祭皆吉祭也由是觀之弔者特賓朋之事與服親入哭者不同也分卑而稍親與臨喪次拜且問分尊而疏或平交與祔踵門問慰喪主人不入臨拜喪次如居在遠但移書唁之而已若夫奠與祭乃喪主人之事而賓朋無與者也未奠奠而不祭故有朝夕朔望奠七七奠蓋上食進酒事死如生也將葬遷柩設祖奠

續重棘編四集八卷

六

五經堂彙選

蓋做祖道饒行之意如生人遠行而為之送別也既奠而題主以歸則形亡而神反矣方可以神事之故牲殺以致祭焉弔也奠也祭也義各有在而禮所不容紊者也世俗不明此道或弔死而不唁生已失弔字之義矣且於發引之時以主人所不當祭者而賓朋率祭之封牲張樂行禮極醴腥血淋漓紙錢焚飛是主人方以人禮送之而賓朋遽以鬼享之也此禮不知何所考矣或曰賓朋之舉是奠也非祭也嗚呼奠用脯醢特食物之類已耳牲殺非所用也賓朋如有慰死之情其為奠也亦如喪主人祖奠之意張具柩前傾爵致饌一若送朋友遠行然不亦可乎若之何且牲殺紙

錢以祭而漫謂之奠也哉此奠祭兩字之義混淆而無別者也
不才無知識妄據字義疏辨之未知是否幸高明裁教之
議論極似五雅而精義却為五雅之所未及每讀文公四禮竊
謂呂新吾疑翼兩書實能補文公所未備若鄧潛谷之詮註則
不及也起新吾而見此文當亦首肯彪西

繼母喪服辨節數字

曹續祖

人道禮為大禮之用莫要於正五倫而五倫之所由正也自夫婦
始孔子序卦傳曰有夫婦然後有父子有父子然後有君臣夫婦
之倫緊重矣哉蓋婦也者女子既嫁之通稱也而偶乎其夫而嫡
之則曰妻妻者齊也從一而終死生與夫偕者也故臣之良也無
二君夫之義也無二妻而婦之貞也無二夫矣胡氏春秋傳曰古
者諸侯不再娶於禮無二嫡惠公元妃卒繼室以聲子又娶仲子
傳曰繼室經曰仲子俱不稱夫人春秋之不夫人聲子仲子乃夫
子正名定分立萬世之大坊後人獨不講於繼室之道則何也繼

室之婚以女也猶不可為妻而納再醮三四醮之孀婦而妻之抑
又何也且孀婦而再醮三四醮是婦也而有三四夫矣其為婦也
貞乎如馮道之於五代歷事四姓十君其為臣也良乎不貞不可
繼人妻以為之妻庸可繼人母而為其子之母乎母非其母則子
非其子也明矣若之何援家禮繼母之死之服不辯其為何繼母
也而貿為之服也乎朝廷貤封之典不及品官再醮之婦蓋所以
抑改節而勵貞烈也士大夫於改節者為繼母而概為服如士大
夫以品官而例應封其母亦將冒及此母乎夫之封不得及再醮
之婦則子之封必不得及再醮之母也亦明矣夫家禮定制為繼

母義服三年原為其父娶女妻而繼為人母者也且不曰正服而曰義服焉則嫡繼之義自在矣若奉再醮三四醮之婦而槩曰繼母為子者悉居憂而成服焉繼母之服之義顧如是乎於乎禮教不興江河日下父子夫婦之倫亡也父矣能勿辯乎哉

極似朱萬善論婚姻律使熊先生見之應當附學統之後作一注疏

曹先生目擊婚姻之道日非特著此辯家大人取而公諸世誠有慨乎其中矣敢僭續一言曰繼母之服人子所以事其父也再醮之娶為人父為人夫者之責也斯辯固與文公禮義相

發明云後學范頤頓首識

元

五經堂彙選

人才疏其一 進士

李旭升

題為仰體 聖主憐才之盛心敬陳疏通之末議祈 賜採擇事
竊 臣 遠鄙庸儒猥荷 皇恩拔置言路思無寸長仰答 高深竊
見我 皇上軫念民依憂勞宵旰比歲以來非常蠲賑曠古難能
誠 至德彌天深仁匝地者矣乃尤於用人之際時為加意伏於
正月十八日 臣 隨九卿班末恭聞 聖諭以正途壅滯為念天
語煌煌真足垂萬世典謨一時諸臣跪聽之下罔不 手嵩呼為
社稷蒼生慶幸伏念我 皇上加意右文於春秋兩闈 慎簡公
明種種典禮至隆至備即此制科一途不知費幾許金錢勞幾經
續 臣 棘編四集八卷 升
慮 慮而始得連茹彙征儲材待用則此輩正宜及時効力上報
國恩乃挨年需次遲至十餘年始得選授知縣志氣既已隳頽
雖竭蹶辦事筋力就衰易至貽誤地方所關匪淺鮮也伏查舊例
雙月大選知縣十缺之中進士分選二人舉貢三人推舉捐納五
人近增招民例一人十一缺之中進士僅選二人分缺太少益致
壅滯 臣 愚以為既可增捐納者一名於十一人中分項選用獨不
可增進士一二名於十二三人中分項選用乎再查卑月初選俱
係捐納及起復之員進士急選從未得與合無於卑月缺內亦量
增進士一二名似亦疏通之一法也至於近省舉人五科始得揀

選揀選之後又須守候十餘年則三十歲中式之舉人至是已年
近六旬服官之日幾古人致仕之期即令精力康強而案牘簿書
蕭然疲役未有不致覆餗者臣愚以為揀選舉人亦宜併議作何
疏通俾向之需次以待者可以早選數年則進士舉人不致有壅
滯之患而均得以有用之身上圖報効且於吏治民生未必無小
補也云奉旨應如所題着增進士二名
辭婉而達理約而周讀者但見其踈踈朗朗以為奏對之體式
應如是而不知作者用意殊深且遠也管子曰百年之計莫如
樹人猶信彪西

人才疏 其二 教職

李旭升

題為教職關係士風文教請酌均平選授之法以勵人才以弘造
就事竊惟 皇上御極以來文德覃敷聲教四訖雖山海海濱之
鄉亦莫不詣辟雍而就學爭自濯磨以奮興於 聖世我 皇上
夙夜宵衣無在不以崇儒重道為務故於 簡畀學臣之際往往
其難其慎益誠以所關者甚鉅也伏念教職之設雖屬微員實關
風化方今士習浮囂奔競日甚膺斯任者必得經明行修老成者
宿之彥庶足坊表人倫興行文教則凡思授歲副皆係正途貢生
自宜一體選授俾其鼓舞思奮樂赴觀光而於 皇上教育人才

之至意方周浹而無遺也臣於此不禁竊有請焉查定例內教官
一途惟歲貢由廩生積年挨次始授訓導此固其應得之職而思
授副貢除教習考授知縣外悉與捐納監生一體考職今捐納之
歲貢借此捷途皆得選授教職而思授副貢竟不得與夫以授副
貢生素習詩書寒窗燈火之苦久已身歷備嘗以之明倫講業課
士校文正所優為乃元元窮年冀一教職而不可得反不能與捐
納歲貢相頡頏良可憫也臣請嗣後凡係授副貢生不論已未考
職有情願就教者亦准與歲貢一體分缺選授庶司鐸多老成而
寒儒不致淪落上可以付 皇上崇儒重道之盛典而亦網維士

風文教之一端也○云奉 旨該部一併議奏○

教職實關風化○此千古名論也○試觀故明盛時○有為御史者○為翰林者○若楊文貞○魏文靖○年尚書等○皆由教官出身○近得此疏○應有後來居上之兆○老西

續重棘編四集八卷

三

五經堂彙選

人才疏 其三 部屬

李旭升

題為請酌行取候補之員○分別補用○以收實効○以勵官方○事○臣山
右鑒儒○滋叨科目○歷任戶科○今轉兵垣○感教罔極○思効寸長○伏見
我皇上萬幾親總○百度咸新○特於吏治用人之際○尤加詳擇○凡
有超擢補用之員○俱行引見○靡不斷自○宸衷伏查康熙三十八
年○部覆臺臣朱廷鑑條奏○候補保題卓異等官○不入各項班次○遇
缺即補○欽遵在案○即今行取考選科道八員○除梁任已補禮科給
事中○外○其未補七員○皇上軫念補期淹滯○奉 上諭○魏壽期等
俱着授為試監察御史○仰見我皇上加意賢良○自亘古以來○作

續重棘編四集八卷

廿

五經堂彙選

人之盛○未有如此異數也○獨是行取知縣○除考選科道外○其餘以
主事用者○俱回籍候補○輾轉接次○不無壅滯之虞○臣查從前行取
自康熙三十六年○候補主事梁浩之等二十人○今次考選主事○蔣
彥泗等二十三人○前後四十餘員○至今尚未接補一員○若拘定例
與捐納各項人員○分缺候補○則部缺少而選項多○他途壅滯○正補
寒寒不至守候○十有餘年不止○臣竊思行取諸員○皆由督撫保舉
更經 皇上親定○較之卓異人員○尤為鄭重○即當敘之中○未必人
盡奇蕪異等○而錢糧清楚○無累考成○案牘明晰○罔罹叅罰○以視夫
貪婪不法○與虧空帑庫○動至盈千累萬者○相去奚啻什百○乃不能

及時効力展厥才猷而後年需次坐致衰頽不亦重可惜乎臣請
將此向行取主事或比照卓異人員不由班次遇缺即補之俞
旨及錄而用俾之辦事部曹必收成效即或分項候補請較捐納
人員破格多用酌補行取二人間補捐納一人著為定例庶壅滯
疏通選途平直知人安民一以實之司曹有實用之材外吏感奮興之節將見撫事知
恩循良奏績莫不踴躍於聖明之朝矣云奉旨梁浩之等四
十三員俱著即以五部主事額外補授
注意無偏無黨立言有典有則宜乎諫行言聽捷於桴鼓也西彪
先生自記曰一朝而盡授額外主政已屬未有客冬又於額外

續重棘編四集八卷

五

五經堂彙選

中擢台垣七人附識以見

國朝四目四聰之盛云

後學范期

人才疏 其四 武科

李旭升

題為敬陳武科進士考授之法以疏選途之壅滯以資干城之實
用事臣辦事衙門仰見我皇上神武天授德威遐播而睿
深長時勤武備提鎮大臣屢加試閱副參遊守悉令陛是親加
考試下至領運守御千總等員亦令內大臣部院堂官較閱弓馬
分別優劣考居前列者即行選用又於庚辰科會試中式武進士
內特選騎射優長人才強幹者三十餘人量才授擢誠以糾桓之
士用貴及時皇上破格選才慎重疆場之寄至深且遠也臣伏
思歷科武進士按年推選為期恒遠蓋中式之時必多年力積壯
演習技能至於守候部選或遲至五六年或八九年不得一官又
致閒散銷磨困頓人才壯健者漸就衰朽弓馬嫻熟者多致生疎
即有諳識兵機通曉韜畧之人而齒衰力弱不足副關外之任用
循坐齊疎為可惜臣愚仰請睿裁合無將武進士至庚辰科以
前未經選授有情願効力赴考者不拘科分准其於本省督撫具
呈咨送兵部按期彙齊題請皇上親試或遣大臣會同考閱
分別優劣等次如弓馬技勇果係精練考居上等者不必挨定科
分遇缺即照名特補其餘照常部選或候習練精熟下次考居優
等仍如前擢用若考定人數用完預為咨明再行考取如此稍為

續重棘編四集八卷

共

五經堂彙選

變通則人人感激思奮無精銳有及鋒之用老弱無倖進之虞不
但武科疏通而地方實收得人之効行見宣力疆圉者皆桓桓虎
衛之英折衝禦侮者皆赫赫鷹揚之寄矣云奉旨該部確議具
奏

孫月峯評子瞻無沮善曰說得盡情却又近情鍾伯敬評子瞻
蓄財用曰論事之文如說理惟子瞻能之合觀兩評曲盡此文
之妙彪西

前後四作洗盡脂粉獨抒情理真經濟莫如此大文章莫如此橫約齋先生
未竟之志事績環極先生格心之作用者吾於晴海幸觀厥成又評

勉齋伯兄傳

李旭升

先兄諱昉辰字元生號勉齋自十世祖由孝義遷蔚遂為蔚著姓
先王父恒嶽公先府君約齋公立朝居鄉遠邇至今尸祝弗替吾
母史恭人生余兄弟五人勉齋兄其長也少有大志惟以讀書砥
行為務余在髫髻時同就外傳兄即隨事誘誨望旭升之成甚於
已天性友愛諸弟倚之如慈母而稍不若於訓則呵責之若嚴師
余幼間事嬉戲未嘗不畏兄之見之也迨補博士弟子員日凜兄
教惟謹兄於文攻苦有得每試必高等然數奇輒不售維時府君
宦於朝先王父春秋高不任勞勩內外事繁乃昇兄肩其任鉅細

斬斬無不就理者以故不能專力於學而屬望旭升者日益切一
不以家事相潤間謂旭升曰吾以弱質上代大父勞學殖荒落所
不暇惜若英才不早自努力異日何以大吾門為祖德光也且兩
恭人皆前遊不思有以慰地下心乎語未終淚為簌簌下旭升亦
涕泣承命弗敢忘乙卯薦詩房首卷倖中副車兄法然曰幾得復
失汝事當有未盡者可徒咎命哉丁巳始獲與計偕兄亦以是年
貢於廷壬戌旭升成進士兄而後喜可知也曰吾祖之種德深今
之食報將於是乎始先恭人自此有子矣旭升倖博一第方謂自
今以往甘苦與兄共之而豈意其奄然遽逝也先是辛未春兄來

視○旭○升○京○師○最○以○古○人○臣○事○君○之○義○余○亦○幸○兄○共○晨○夕○可○匡○吾○所○
弗○逮○以○先○府○君○在○堂○席○未○煖○即○歸○兄○向○以○積○勞○致○疾○至○冬○勢○增○劇○
旭○升○在○京○邸○聞○之○為○日○夜○跪○禱○祈○以○身○代○幸○漸○得○瘳○當○兄○病○時○有○
從○兄○昌○齡○鄰○居○每○夜○秘○不○使○人○知○輒○焚○香○籲○天○曰○寧○死○余○願○全○弟○
以○撫○我○之○子○若○孫○也○噫○異○哉○從○堂○昆○弟○不○難○捐○其○生○以○益○算○兄○平○
日○所○以○待○之○者○可○知○矣○則○兄○之○所○以○待○同○氣○者○更○可○知○矣○乙○亥○夏○
先○府○君○見○弟○兄○哀○毀○逾○度○自○喪○迄○葬○盡○誠○盡○禮○無○毫○髮○憾○而○病○亦○
寢○深○百○日○後○旭○升○奉○府○君○像○偕○母○氏○歸○城○中○越○三○四○日○輒○一○候○起○
居○見○兄○形○雖○瘠○而○神○氣○不○少○損○當○不○致○有○意○外○憂○無○何○風○疾○忽○大○
續○垂○棘○編○四○集○八○卷○
前○廿○八○
五○經○堂○彙○選○

發○遂○至○委○頓○惟○問○旭○升○不○置○口○時○正○丙○子○春○二○月○一○日○也○余○適○以○
是○日○至○兄○一○見○喜○甚○握○手○慰○勞○如○常○時○初○不○及○永○訣○語○乃○竟○於○是○
夜○端○坐○逝○矣○嗟○嗟○彌○留○之○際○專○盼○旭○升○至○乃○相○對○轉○無○一○言○者○以○
余○能○默○喻○兄○意○不○欲○以○待○恒○人○者○待○弟○也○兄○於○旭○升○之○死○彌○切○四○
十○年○來○友○愛○周○至○與○周○極○同○痛○兄○愛○弟○一○生○弟○未○報○兄○一○日○此○旭○
升○所○為○仰○天○椎○心○過○時○而○悲○愈○甚○也○屈○指○數○載○以○前○垂○白○承○權○垣○
筮○迭○奏○天○倫○樂○事○視○若○固○然○旭○升○承○床○席○庇○得○以○其○身○殫○力○王○事○
可○幸○無○內○顧○憂○曾○不○幾○時○而○先○王○父○捐○館○舍○先○大○夫○繼○之○伯○兄○又○
繼○之○旭○升○即○強○顏○視○息○其○於○吾○生○之○盛○衰○聚○散○為○何○如○也○然○則○余○

之○悲○兄○者○又○安○有○窮○乎○哉○兄○有○五○子○俱○有○志○樹○立○異○日○仲○兄○未○竟○
之○志○而○勉○勵○之○使○有○成○者○固○余○責○所○不○敢○辭○者○已○
任○丘○龐○氏○壇○曰○魯○論○首○章○孝○弟○為○仁○之○本○次○章○惟○孝○友○於○兄○弟○
故○聖○賢○於○孝○弟○三○致○意○焉○東○生○道○其○家○世○孝○友○之○氣○藹○然○可○掬○
云○皖○水○龍○氏○繁○曰○讀○給○諫○君○制○義○自○序○云○十○歲○喪○母○父○命○長○子○
元○生○教○育○不○特○外○事○不○聞○即○飲○食○起○居○亦○忘○其○寒○暑○饑○飽○云○合○
觀○兩○評○勉○齊○之○人○東○生○之○文○一○以○貫○之○矣○彪○西○
李○公○凱○之○伯○氏○行○畧○李○東○生○之○勉○齊○兄○傳○可○作○壺○箴○並○吹○又○評○
續○垂○棘○編○四○集○八○卷○
前○廿○八○
五○經○堂○彙○選○

為父禱天疏 二月二十三日

張象蒲

牒為父病安危未卜子職纖微罔効謹願天延壽哀請身代以終
養道以答深恩事竊惟造物之脩短莫定人寧違天親恩之浩蕩
無涯子恒瞻父讀蓼莪之雅生鞠偕悲發金縢之書子臣全願人
懷可愜天聽匪高茲因 蒲父山西大同府渾源州儒學訓導張峻
瑞叶星雲靈鍾河岳毓東王發越之秀氣滿西關孕北極含蘊之
精華放南斗孝純忠正風節標經史以傳智員行方名實越儕俗
而上冲齡蜚聲早領袖手文壇強年布青瑣能鼓吹夫鐸訓棲
枳棘而養晦時運才長餐官藉以流芬不厭官拙十載薄宦四海

續重棘編四集八卷

文

五經堂彙選

空囊競推楊震之四知將騰聲於芹藻胡貳鄭虔之三絕倏遭疾
於膏肓憂切同官徒懷山崩之懼驚聞多士誰弭星隕之災銀鹿
寒心黃犬急足時不孝棲遲燕邸瞻遊子而忘歸忽門役奔自
陰告嚴君之抱恙一朝耳信百道魂飛覽手書則顛斜不倫半疑
非而信是訊倅語又荒惑無實覺多危而少安擬買卜占籤總是
呼天難問奈遙山阻水急欲縮地無籌妻楚何言驚悸焉措伏念
父官卑祿薄僅獲綰此半綸戶大家貧咸借支於一木內難與
外侮交伺如薪積多而欲燃上疑與下貳叢生似川壅久而將潰
弱線挽千鈞之弩不堪斷絃孤石砥三江之潮豈容決障彼尚平

續重棘編四集八卷

文

五經堂彙選

必生亦不敢生故願損小年益大年雖有身猶將贖也倘許奪少
筭增多筭即九死亦無悔焉伏祈留未喪之斯文俯垂護念扶浩
然之正氣默示篤生如不孝蒲柳春姿望秋始零則求戒十年之
壽蟠固喬木萬一 蒲木槿朝榮抵暮即落不妨殲一介之命代僵
松筠帝鑒臣心憐其子當更憐其父天從人願假以日不啻假以
年飲淚乞靈叩哀請命

句斟字酌意轉筆隨一腔純孝透出楮墨之外若但以文章論
之猶是皮相 彪西
辛酉春先祖母病篤家大人曾有此疏予小子比而讀之心同
理同其揆一也 後學范鼎

三七告靈文 三月初五日

張象蒲

痛哉父也。捐賓客已二十一日。哉。今上已後二日。為寒食辰。見。然香。陳毅將涕泣致一詞。謹先設祖考妣主座於西屋。焚幣奠酒。以妥。以侑。而亡弟金亭附之體父志也。我父其知耶。其不知耶。見。於成。服之日。累累數千言。告我父。祈於夢中一語。今又數夕矣。竟不可。得意者在今夕乎。然我父何絕。一至此耶。我父平時愛兒如珍。從前鞠育教誨。以及成立。竭盡心力。不具論。自去臘十二日來。暑我父不衣衣。我不食食。我且已勞而佚。我已寒而燠。我較之往年。倍增鍾愛。即赴都時。父以目送。俟兒去遠。乃歸。歸覺不樂。然終不形於言。爾時亦不知。僮僕輩頃為言之。父之愛兒如此。今竟不畧為顧念。俾寐夢中一會耶。豈果生死異路。幽明永隔乎。不然。猶是恨。見。入都不返。未得訣別。遺囑故棄絕。一至此也。兒念來復之說。雖云杳冥揆之以理。亦有固然。吾父生而為英。死必為靈。日星河岳同此不朽。精魂豈遂藐藐耶。素稟羸弱。兼以嫫嫫哀痛。面目黧黑。形容枯槁。數夕以來。伴我父之棺。無時不哭。幾不成聲。且不能淚。我父即恨。棄兒。獨不憐兒之望父。幾於肝腸斷絕乎。我父平日倔強勤苦。志願甚奢。綠寒毡。繫凡百心事。未能了。易簀之時。骨肉無一侍側。父即欲言。誰是可與言者。彼時既

讀聖陳編四集八卷

卅

五經堂彙選

讀聖陳編四集八卷

卅一

五經堂彙選

未及言。豈能鬱鬱終不言者。見。之日。夜悲號。祈求晤面。正欲細聆。庭訓。銘諸哀腸。以圖次第報命耳。不然者。不孝之軀。又何面目見。我父之玉貌乎。父屬續時。所存銀錢。已用盡。見。自京帶回者。又用。盡。不惟衣衾棺木。此心負負。即計七致奠。亦未能盡。此心於萬一。傷哉。貧也。生無以為養。死無以為葬。見。之罪。通於天矣。經懺之舉。吾鄉惡習。異日歸家。子婿輩。或不能免。茲謹遵家禮。一舉屏絕。今日之奠。酒饌餅果。香燈錢紙。而外。一無所有。我父尚其鑒之。但兒實不肖。不能繼我父之志。慰我父之心。有負我父之愛。而垂於人子之誼。我父之來。其為含笑耶。為攢眉耶。見。皆不敢知。惟異日之

夕矣。統於夢中示之。我父其聞耶。其不聞耶。傷哉父也。竟與兒作生死別。幽明隔哉。傷哉痛哉。

讀此文而不下淚者。其人必不孝。或疑此人子之同情也。子曰。不然。人同矣。情未必同情。同矣。揮筆磨墨。落紙伸腕。時未必同。處西。

翟一齋哭父一篇。李麗生思父九問。得此鼎立。乾坤可不塌壞。又評。

七終告靈文

四月初四日

節數字

張象蒲

嗚呼吾父七七之盡何其速耶兒自奔喪以來哀至則哭薦饌則哭撫衣裳則哭觸所經行坐卧處則又哭遇公事父獨不與又哭檢書司遺筆墨則又哭或夢中哭或寤後哭或求夢不得而哭我父來臨亦必愴心慘目今四十九日之期盡矣過此以往豈遂逝而不復耶兒於五七後屢夢極驚憂疑無出從僕人之請設家神座於東室祝之妥之數夕來稍稍安恤我父魂魄想應晏如其庶幾永憑依於此以待返輶車乎前擬歸觀入宅恐家中惑於俗言故未敢啟今已商妥矣喪事用度亦着預為料理歸家或無足慮

讀聖陳編四集八卷

世

五經堂彙選

所慮者此行之艱於起耳目斷關河心傷荆棘鄧通山既不我假長房杖又不可得束手無展惟有日夜涕泣而已昨張州尊自都門寄來唁札兼致賻儀尚存古道至其他則皆可望而不可知矣嗚呼時勢兩難人情萬變僕斗役辜息大半擬一二日內分別驅散非敢改父臣也我父靈爽昭昭尚其鑒取至我母日夜涕零祈於夢中勸之陳姨染病垂危祈於冥中念之大妹稍有起色仲弟頗萌悔心似可無虞惟兒哀窘交集廷羸不任仰冀我父默相於陰嗚乎七雖盡而父在天之神必不遽往兒在疚之心必不能忘自此以後兒有生之日皆我父之靈式憑而有哀悽愴也

聞懷見乃思成之驗讀禮說詩全一思也永言孝思兒不敢僭竊以是志之但不得而無財恐亦不能盡禮惟竭誠致哀而止今日之奠雖云菲薄猶是向者之菽水也我父鑒兒苦心當必慰瞻望而歆甘旨目下諸事膠葛不能遽竣輶車載駕當在夏秋之間我父尚時時鑒臨附極言旋萬勿以七七已盡遂留戀天上無意人世而一逝不復還也嗚呼孤影自憐靈燈為對四十九日幾於千秋萬歲矣傷哉痛哉言之悽然雨淚言之重詞之複總是事死如生事亡如存一片真心腸彪西

讀聖陳編四集八卷

世

五經堂彙選

桃鄉記 已未

張震藩

一桃主人於修月堂前。執桃一章五年而成陰。柯葉舒茂。葩實灼離。而其最足寓目者。影橫疎斜。如龍伸蛇。眠狀雖酷暑之辰。綠蔭交鎖。四壁如秋。主人卧絳雲榻。酌葡萄酒。手奉掌筆。容與其間。殆將老是鄉焉。爰扁其窓曰桃鄉。而自號曰漁史。且綴以詞曰。桃李不言。下自成蹊。非吾所志也。天下桃李。盡在公門。非吾敢期也。曼倩之偷隣於誕。劉阮之採近於媼。彌子之餘桃。權倖階也。香山之櫻桃。風流過也。余之以桃鄉也。其在桃花源乎。夫桃花源漁父之說。自淵明始。後世言避世者。必稱桃源。而卒無有好奇問渡如漁郎。

續重林編四集八卷

苗

五經堂彙選

者何哉。功名熱於中。富貴橫於內。酒色迷其神。嗔愛耗其精。入朝市則情怡。過山林則氣結。遇古衣道貌。則鄙若楚囚。見鮮衣怒馬。則羨若天僊。嗚乎。縱使若輩。梯山泳水。偶覩所謂真桃源者。在亦必當面錯過。不亦雲霞障其面。草樹翳其門。虎豹馳蜴。張舞於前。魑魅山魘。恐怖於內矣。何者。神山之中。必無凡夫。而活國之衆。鮮具仙骨也。如淵明所記境界。一一自漁郎口中道出。而太守則迷而歸。劉子驥復病而不果。豈二君之好奇。反不如漁郎與漁郎忘機息氣。真如羲皇上人。無一毫名利橫其胸次。故神與天游。得一觀桃源之勝。然究之。亦以愚而入。非以悟而入者。向使漁郎果能

續重林編四集八卷

苗

五經堂彙選

絕欲定情。抱真守潔。入山惟恐不深。入林惟恐不密。則避秦人必將賦招隱之詩。結游仙之侶。與之徜徉洞壑。而不使復出矣。豈待洩露春光。而乃為之迷其歸路耶。夫刺股懸梁。而枕戈手刃者。名為之動也。跋山泛海。而宿雨餐風者。利為之役也。而所謂真桃源者。往往在澗壑斷續之交。藤蘿蒙翳之地。猿猱居宿之間。妖氛雄據之內。其中有人焉。不知其姓氏也。何名之求。不復有烟火也。何利之逐。處綠溪丹嶂之外。而無名韜利鎖之招。宜乎問津者避之如仇。而去之若免也。主人五歲屬文。十齡就校。困頓偃蹇。一無所就。洎今二十年矣。讀靖節先生記。頗有悟於其間。故因桃為鄉。以漁作史。亦自附於山水之餘。而中立於朝野之間者矣。無名利斯無榮辱。不伎求乃不怨尤。醉可以鄉睡。可以鄉安。知桃源無棟宇也。花可以史樵。可以史安。知漁郎無筆削也。榻以綉雲。無金針也。而花可生彩堂。以修月無玉斧也。而筆可代柯。則是桃之為鄉。誠廣漠之野。空濶之疆也。英雄本色。不為世人牢籠。而一片雄心。兩隻俊眼。必能跳脫於身外。領會於宇中。即不必毀冠冕。變姓名。攀松蘿。隱林麓。而離奇偉岸之氣。幽巽宕往之才。蕭疎散誕之風。靈變空曠之致。自能與洞壑岡嵐相為出入上下。又安知蘿姑洞中。水肌雪膚者。非即當時之避世人。而特闢此別天。以待奇士耶。世

固未嘗無好事之儔。而或以畏怯不敢至。或以羈絆不得至。或以
罷驛不能至。且有求爲洞中之桑麻鷄犬不可得者。而主人乃自
結一廬。醉夢其間。手二十一部之史書。論其興亡得失。而私爲訂
正。於見聞之異詞。即自稱曰漁史。不亦可乎。是故桃花爛熳。得吾
史之豔。桃片飛揚。得吾史之狂。桃葉蔥郁。得吾史之腴。桃枝扶疎。
得吾史之潔。而惟是一影橫窓。相吊相憐。春夏秋冬。各變其態。風
雨日月。晏正其容。縱橫顛立。肖高士峭厲之行。偃仰屈伸。協達人
時宜之用。則主人所坐卧與游。而古今是稽者也。世無漁郎。必有
望吾鄉而反顧。却走者。然桃影踰躑。窓外萬一有好事若太守者。

續集編四集八卷

共

五經堂彙選

來亦不致有分明便是桃源洞。不見溪頭流落花之歎耳。吾將以
繼淵明之好奇。而嗤子驥之無緣也。豈但爲醉鄉睡鄉之續而已
哉。

忽翻忽整。忽莊言。忽誕語。頃刻之間。變化萬狀。此殆得公孫子
漆園子之神者。文章至此。盡乎技矣。子猶取其中有呼聲振聵
語。不減姑蘇城外半夜鐘聲。彪而
此篇陸爲諸生時筆也。想其胸中海濶天空。又評

莫建義橋疏引

張象蒲

○之所謂義者。去古遠矣。古之行義也。於事之宜者。斷然爲之。不
貪福也。不好名也。何利之與。有後世俗。踰行衰。惟自私自利之爲
於義之宜。蔑如也。孔子言見義不爲無勇。豈自今哉。近之或因果
者。固佞佛而喜捨。慕豪俠者。亦輕財而樂施。雖非信能義。義之名
恒歸之。故學有義學。田有義田。塚有義塚。而原其心。非邀福則務
名。仍無出自私自利之爲耳。然而以利始。以義終。苟其於事成。而
人濟。君子有取焉。吾平郡西潁汾水。夏漲冬涸。行人患之。故有官
紅官橋。居人猶病涉也。以善紅善橋。濟之。仍不給。又建義紅義橋。

續集編四集八卷

七

五經堂彙選

亦猶是善之意也。地震之餘。紅既漂沒。橋亦腐朽。今夏余倡義造
紅。紅成矣。橋未遑也。故建橋首事人某某。食謀於余。余辭。食曰。君
於紅之義。勇以爲之矣。於橋之義。顧退。然是事不終也。天下有好
義而不終事者。哉。盡以三寸管倡之。余竊惟人之趨利也。如鶩。從
義也。如登。貪心先之。慳心繼之也。惟貪也。故趨之易。惟慳也。故從
之難。舍易而就難。誰其與之。雖然。今使人無故而出其金錢粟帛。
以行義。則人必吝。如曰。爾能出金錢粟帛。則可造無量福。吾知其
咸樂於施矣。又使人毅然而出其金錢粟帛。以赴義。則人必怯。如
曰。爾能出金錢粟帛。則可得不朽名。吾知其咸勇於施矣。此無他。

貪利之心不勝其貪福而好利之慳時破於好名也且夫利以專
敗義以衆舉茲役也使一人而施一樹則百人可以爲功一村而
成一間則三十村可以有濟今吾汾以西之村不下數十而其爲
人也亦夥矣苟易其貪利之心以貪福好利之心以好名將虹梁
架天龍馭蟠地可計日竣也於以紆官橋之困於義爲急公分善
橋之勞於義爲成美而即以繼吾船事之終於義爲任事堅而濟
衆溥斯其爲義豈有量耶或曰今將醵金輸粟以成斯舉也猶之
乎義學義田義塚耳烏乎義余曰此所謂以利始以義終者也夫
今之所謂義者去古遠矣然余猶幸其好此義也義故爲之序
○照應前後能乎古文作法

義爲事之宜爲確是中人以上事說到邀福好名處似乎可以
不疏矣雖然猶幸有此好義也○想作者注意當求之春秋與六
千機之間○○虎而

續重棘編第四集目次

卷九

周訓成 字方更安邑人已亥進士歷官大參

祖傳序 上吳制臺書 答修家譜書

靈魚傳 與趙言命書 與劉靜宸書

重修藥廟記 招撫逃亡令 申飭官方令

上江集序

馬光裕 字玉笏安邑人丁亥進士歷官吏部終養

題憶椿錄序 馬氏族譜序 送孫左遷序

續重棘編四集目次

楊先生三傳 康窩記 寄閩族

賈鳴璽 見七卷

存悔稿自序 存悔稿自叙

晉洪洞范鄆鼎彪西彙選 受業靈石宋一弼參閱

始祖高曾祖傳序

周訓成

裔孫某曰大行受大名小行受小名周公之教也泰乃嫌其臣議
○君○子○議○父○夫○議○不○可○頌○揚○獨○不○可○乎○不○察○其○義○輕○舉○古○法○而○廢○棄○
○之○此○與○捐○其○祖○父○何○異○且○獨○陰○不○生○獨○陽○不○生○獨○天○不○生○三○合○然○
○後○生○物○之○與○人○一○也○一○於○人○而○不○能○言○物○之○所○以○愚○一○於○物○而○能○
○詳○其○本○末○人○之○所○以○智○若○前○人○有○媿○後○人○不○為○之○稱○道○得○無○庶○物○
○同○蠢○乎○惟○夫○風○不○捉○影○不○捕○事○物○不○具○無○所○觀○以○史○氏○之○例○推○之○

賈世棟編四集九卷

五經堂彙選

五世祖以上盤古之前也既不能鑿空為名號曾祖以上結繩之
○際○也○亦○不○能○無○端○為○文○字○雖○立○傳○示○不○敢○畧○卒○莫○能○具○一○事○蓋○郭○
○公○夏○五○史○之○闕○文○孔○子○稱○之○矣○

祖父傳序

周訓成

諺云子孫有善歸美祖父是殆不然後世以幹蠱為名將何以處
○其○前○人○乎○夫○地○族○而○生○齊○聖○亘○古○一○人○耳○其○餘○後○先○相○若○為○幸○至○
○察○其○行○事○本○末○率○皆○百○千○以○積○十○一○以○報○適○生○天○地○報○德○之○時○不○
○知○藉○蔭○而○然○顧○謂○子○孫○為○光○於○祖○考○不○亦○過○乎○
○習○俗○移○人○賢○者○不○免○合○觀○兩○作○脫○盡○習○俗○迂○見○彪○西○

上吳制臺書

周訓成

某舊係編氓頃為屬吏伏惟憲台大人閣下風行兩粵氣備四時
○凡○在○宇○下○莫○不○沾○恩○至○曲○宥○踈○直○俾○得○暢○所○欲○言○教○其○可○否○以○施○
○行○于○粵○西○因○之○叨○遷○內○地○則○未○有○如○某○之○厚○幸○者○也○九○月○奉○辭○憲○
○階○又○過○蒙○獎○借○寵○頒○迭○下○感○激○之○心○永○於○江○水○後○以○十○月○初○四○日○
○卸○事○初○八○日○出○桂○林○計○自○龍○城○登○舟○凡○三○閱○月○然○後○抵○江○左○顧○念○
○感○恩○圖○報○者○天○下○之○同○心○慮○患○國○存○者○當○官○之○大○義○某○雖○遠○離○右○
○江○仍○有○不○敢○去○諸○懷○而○竟○置○不○論○者○夫○粵○西○之○不○安○者○十○有○一○其○
○救○之○之○道○八○今○請○先○言○其○不○安○民○各○謀○生○或○驅○以○死○吏○之○贖○貨○也○

賈世棟編四集九卷

五經堂彙選

盜之焚劫也徃徃之窺伺侵掠也加以水旱不時饑寒切體民之
○蚩○蚩○其○何○以○安○追○呼○者○在○前○號○饑○寒○者○在○後○露○刃○相○攻○者○在○左○右○
○士○獨○何○心○能○安○弦○誦○朝○攻○暮○奪○途○途○狼○顧○行○旅○何○以○安○成○樓○相○望○
○晝○夜○不○遑○兵○何○以○安○干○戈○之○後○拋○荒○散○離○賦○額○難○克○考○成○期○迫○為○
○有○司○者○能○安○乎○毒○蛇○猛○獸○瘴○癘○彌○天○文○書○期○會○奔○走○不○暇○食○雖○斷○
○役○可○得○其○安○乎○奸○猾○唆○使○爭○奪○攻○訐○大○小○土○司○得○安○其○土○者○有○幾○
○乎○歷○世○銜○怨○賊○殺○相○尋○強○必○兼○弱○眾○必○暴○寡○子○忍○鬻○親○兄○婚○弟○室○
○則○徃○徃○之○不○得○其○安○也○為○尤○甚○法○不○嚴○則○廢○事○令○太○急○則○民○逃○久○
○之○胥○役○受○賄○畏○刑○挾○與○同○竄○有○司○遂○至○於○束○手○是○官○吏○與○民○上○下○皆○

不相謀而不得其安也。深菁熟阪種類各殊。薰之邊楚邊黔。漢邊安南。內既隱憂。外仍虎視。分防四五百里。額兵不過二萬。策應不及。則大小將領。欲其無危心也難矣。或道路或鄉曲。或本地風烟。或他鄉流劫。有司聞警而不能制。則請兵。兵分力薄。戰氣不壯。避險諱亡。則恐以養癰而釀成他日之大變。此不但兵民下吏不安。上憲之心。不且如懸旌之無所終薄乎。所謂地方之不安者。蓋如此。其拯救之道。一曰除貪墨。獎廉吏。二曰練鄉勇。代戍兵。三曰省小過。以全人才。四曰核空糧。以實軍旅。五曰和文武。以銷內讐。六曰驅逐外奸。撫綏強種。而變易其風俗。七曰靖土司之難。八曰崇學校。正人心。以爲久遠之計。夫粵西大疫之後。見存者皆死。事之餘也。撫育尚恐難全。顧可肆行股削乎。誰爲即墨。誰爲東阿。點陟明而吏可勸。民生乃可安。若或兩存政。必不舉。然以多變之地。雖有善政。不能卒化。剽掠禁。獷俗難改。有司之法。令不行。兵甲之誅勦。不及東捕西出。不勝其紛。此莫若察其可與爲善。素爲鄉里信服之人。誘而結之。釋其前事。督以後效。使之練土人。遏亂萌。蓋其同鄉共里。深知踪跡。內變難生。外侮難入。雖或事出意外。發而即獲。以視有司之追捕遣兵之後。期其爲效也。殆不止於十倍。此法既行。即分防之兵。竟可撤而歸伍矣。天下之入仕途者。喜

粵西之爲官吏者。懼一懼死亡。一懼謫謫。每有掛冠保妻子之心。爲政不力。逋賦流言。又亂其意。則勉勉救時。以副委任者。無怪乎其寥寥矣。是故伏莽不靜。但責其緝。莫盜不以參劾奪其職。歲事不克。但求其完額數。不以後期爲之愆。溫以相接。誘掖獎拔。開其前進之途。則人人樂於有爲。政事必有可觀矣。額兵不足以敷戰守。尚可虧缺乎。主帥無計。以資奢侈。能無扣剋乎。少扣仍不足多扣。又恐其諱諛。於是乎傷亡不報。缺額不補。而冒支其名糧。按冊有兵。臨機無伍。廝養僮與。又受餉不入正隊。經制一千。不盈七百。今當痛除此弊。兵必稽實。餉無虛冒。然後可戰可守。行伍不患其單弱。設兵以衛民也。兵聚而民散。兵強而民畏。畏之既久。必有禍心。且無論其操戈也。猜忌一生。訛言孔多。爲之上者。不平其心。各求其勝。將見外侮易禦。內憾難除。非地方之利也。察其起事之因。銷其未形之患。惟在推長引過。以保地方無事而已矣。其嘗招致獷人。身入其室。分之以食。繼之以賞。彼皆樂於見用。效力成功。以是知撫險不出。犯法違禁。皆他鄉之裁兵猾。屢犯誅戮之徒。竄匿盡。故激其紛擾。以借爲安身取利之圖也。今察其名之顯著者。先驅之而後。及其餘黨。庶引誘之路既絕。作惡之心可改。因而漸與接近。導以羞惡。變其野歌內亂之風。化其種樹誅仇之舊習。

其土養其人各食己力不貪他人之所有即毒霧窮荒可以一變而為樂土也土司之保外奸更甚於獮人初惑於奸偽後受其傾危媒合逆目紊亂宗支引誘稱兵擾亂爭奪此其法在必除也明矣奈何藏匿不舉欲遣無由今惟核明宗序以定承襲其有屢爭奪者累世不寧者計惟改土為流以斷其本焉然後可至於昔之為吏者飲土司今之為土司者疾流官不論清濁槩稱攘已奉文不報越奏上臺夫內外之分上下之辨猶如室之有壁堂之有階通進通上而知其尊若踰牆而登則已視堂上為野外之丘狐狸將越之尚何尊敬之有此在戒有司之正已不貪土司之利而土

續重棘編四集九卷 五 五經堂彙選

司亦不得蔑上妄行以亂古今之大體夫如是則越民可保越地可寧變亂可以不作然後頒詩書崇教化培植有用之才董率無知之衆庶幾前以慮患圖存後以久安長治也然必擇人以為之先而使其餘者觀法焉若卒然槩責以速效則恐移風易俗使民回心而向道類非俗吏所能為雖內地猶難之況彼文身烙跡之別徼乎哉其身離粵地心念舊恩故敢以長言瀆憲聽伏惟賜覽而採擇之臨稟南望不勝悚切瞻戀之至

設身處地對症下藥實經濟真文章力能行當以行言力不能行當以言行 彪西

答友人修家譜書 周訓成

吾家譜牒殘缺久欲修集緣病不能舉草頃念時變不可知加以衰老日尋今茲不為提筆恐祖宗盛德竟成湮沒後茲或欲觀法無從焉寧不惜哉夫作譜之難不在不文在不核核矣猶恐不嚴朱虛之歌所當深念而前世又患於濫引文昭武穆動飾觀聽夫既已海澱山隈千年編戶猶以古聖先賢為口實祇見其顏之厚耳是故應闕者闕不須百世應削者削勿滋他族惟於應補者則補之祖父之傳不辭草創誥教之文所當載入廟祀龍圖必務周詳訓詞禮節必馴雅可傳而乃可執筆也公今日汝南同譜乎是

續重棘編四集九卷 六 五經堂彙選

所謂邑令尹之赴任者也晨出古碑下鐫曰文中子故里尹曰文中子之後有人乎有隸遠承之詢其名文某也尹曰曾之顧不可以噴飯乎

昔承翁銖菴惠教族譜不溢不遺甚愜予心使見此書應亦相視而笑 彪西

蠹魚傳

周訓成

蠹魚者名蟬書城人也體弱善伏好群居而嚙其先世有曰鬼者與蒼頡同時頡造字鬼害其能夜哭因聚族謀欲除之適女媧氏煉補天石未就雲漢決而下流遂漂其族化為魚湯之時天下大旱魚子復為蝗食禾稼湯禱於桑林而驅之或集於木竅木處中其名為蠹或伏壁復為魚形而小因名壁魚或因其色名白魚惟入人篋笥書帙者則兼稱蠹魚云初鬼之族不盡漂散處四方在上蔡者為李氏其裔子名斯者最與書相習而仇益甚聞秦昭王之相祿嘗盛稱五帝三王布其書關中韓公子非亦入關頗著書

續重校編四集九卷

七

五經堂彙選

其徒皆好稱引古文不置口斯恨之曰欲除六國莫如兵欲除六書莫如火非秦之強不足以成吾事遂西行游說得其柄諫逐客譖韓公子殺之相秦並六國尊秦為皇帝然終不忘相祿所布書與韓非之徒也怒曰吾以法令佐強秦並冠帶之倫安所用古文詞若屬乃敢盛相稱許爭是古以非今無乃欲形吾短而使秦法不見重於天下乎於是立起見始皇帝請盡誅諸挾書之徒聚故六國時諸所藏詩書於咸陽雜燒之令下十日匿不以報者族斯於是大喜曰祖宗積怨此其盡復乎此時韓公子非之死久矣復得請上帝假手趙高終殺丞相斯及其子太守由至陳涉起兵沛

續重校編四集九卷

八

五經堂彙選

公西至霸上蕭何收秦圖籍書乃復行其後魯壁得詩書春秋魏安得王墓得竹書伏生者年九十尚能口授尚書卜商申公之屬所著詩序傳與諸家春秋皆續出蓋除書之令之必不能行也如此然李斯父子死而不忘其仇乃見其鬼祖謀所以復之鬼祖曰嗟乎寬哉殺也初作難自蒼頡暴起中書自管城子橫被天下能以版行自楮先生千年之間日以寢盛自生民以來未有縱橫若是之甚也是誠不可以力爭吾聞孟嘗君之客能入人秘笈竊其裘今效其法而變其所為入諸藏書之所嚙食之即不能盡籍然斷簡缺其文不愈於聽其盛行無忌乎因遣蠹魚舉族以行戒之曰石渠之閣盛其縑緇口延秦火毀自一方無聲無臭弱以謀強自是南陔白華由庚遂以絕其他古文或絕或缺亡天下不復有今書諸治古文者察其跡爭欲得之甘心焉其族繁顧不可勝誅則筮之兆曰有椒其香於頡有光於是以椒沃篋蠹魚即奪氣以死問有詣中書上其事者遂定椒壁之制故壁魚為之不振云太史公曰李斯火諸書蠹魚復居中食之身既伏誅子孫亦為人所撲滅天之報除書之令何如哉雖斯有別子不盡誅然冒他姓散為椒棘敢於增減文書漢魏以來已苦之其與蝕木之蠹同稱而見惡於天下焉宜矣或言蠹魚之化為豚望乃通於仙何其不經乎

與趙鍾秀同年言命書

周訓成

命之罕言也○懼謗耳○孱弱無健步○強梁復得藉口曰○維天之故○斯○君子懼之○矣○乃今二者比比○復未嘗一言及命○吾恐任己之過○甚○於謗天○寧若制之以言命○而善可慰望○不善亦可安分乎○且知其○不善而使力以挽之○但有至誠○回天○未見鬼神掣肘○夫然後耳目○生動○心膽不狂○不至以頑真決裂○遺憾天下○然則善學聖人者○豈○必膠柱於罕言乎哉○幸勿曰○此岑寂中破除一着也○

袁了凡立命書○有此心思○無此筆力○彪西

續重棘編四集九卷

九

五經堂彙選

與劉靜菴書

周訓成

昔澤潞步卒雄天下○公驅馬太行○見其制猶有存者乎○經獲鹿○曾○否○謂淮陰侯之廟○天下事不可去懷○不可着手○徒對古跡○能無留○連乎哉○今抵燕市○幾何日○或尚有慷慨悲歌者○幸告當事曰○朝廷○有西顧憂○若屬也可○令○以免○且白首乎○

靜凡焚香讀之○見援劍斫地○五更鼓角氣象○彪西

重修藥王廟記

周訓成

賀東城為廟○祀唐孫真人○曰藥王○由來遠矣○城善地○廟以歲損里○之人○規濶狹半成之○厚自下○蹙之○達顛○遂易材新其廟○直廟西駕○道○揭兩楹而三通焉○工起訖有年矣○歲甲寅○始請余為之記○欲彰○善也○示不忘也○余曰○宜哉○夫人捐已私○以急於公○善事也○雖一木○一石○更歷年歲而終有不可忘○然君子之所謂善○顧惟是一木一○石之不移○云爾乎○夫以天道好生○人情畏禍○復得若神操方藥○以○調劑其間○宜乎天之好○無不遂○人之畏○無不免矣○何乃呼籲時聞○呻吟難起○耳目之前○天扎往往而有○則知神之於人○祐其可祐○不○

續重棘編四集九卷

十

五經堂彙選

顏壯其迪吉錄○袁了凡立命書盡在於此○彪西

招撫逃亡令

周訓成

為太平無失所之民○流落有應還之日○亟與招徠○共歸樂土○事照
 得吳頭楚尾○水闊山高○風尚清淳○民無厚蓄○歸綠閭越○流氛致有
 烽烟數歲○兵既結而餉遂增○既已塵而吏尚怒○初亦不甘於遠竄
 既而事出於千辛○但取偷生○違言保業○及其流離既久○苦於衣食
 多艱○轉念歸期○復愁索逋○此所以目斷流鴻○而心灰故里者也○今
 者深悉此痛○嘉與維新○凡爾脫籍○皆我編氓○始綠逼迫而逃○原非
 得已○今奉招徠○而返○豈不為歡○莫言到處為家○終是故鄉可戀○別
 已久而重歸○相逢如夢○經多艱而再聚○食萃成甘○若恐地方再擾○

續重棘編四集九卷

士

五經堂彙選

仍不免於奔亡○當念天心厭亂○已全歸於底定○劍閣一鼓而平○況
 此黃茅之嶺○漢池三驅而靜○何言錦水之濱○鳳閣之雲霓不遠○法
 約三章○虎臣之旗鼓更新○凱旋六詔○誰復輟隴上之耕○當共受王
 明之福○試念幾年流散○婦子難免於饑寒○若能一旦來歸○隣里仍
 通其水火○田闢而食可飽○燈明而枕可安○與其斷蓬無定○豈如集
 澤爭先○即或曾經迫脅○一朝騎馬○皆須痛洗前非○此日投戈○雖復
 故間蕩盡○念已歸無可歸○亦當就近投名○求其樂能永樂○倘狃於
 望屋而食○不肯回顏○應計其無地可棲○終難着脚○抱虎狼以終日○
 豈可為常保稼穡而安居○永言無禍○至若歸來之日○一例登收○諸

凡積怨之家○不容修報○凜凜冰霜○從茲消盡○昭昭天日○自可同觀○
 我不食言○爾勿多懼○

風有我徂東山○雅有我出我車○將此二詩熟讀○方知此文之妙○
 彪西

此集第一篇又評

續重棘編四集九卷

士

五經堂彙選

申飭官方令

周訓成

照得粵西土曠人稀○山多賦少○況經兵革之餘○草下零星四五○雖在城垣之內○風前寥落兩三家○蒞斯土者○能無以烟瘴驚心○撫斯民者○豈忍於虎狼嚼骨○苟王曾無溫飽之志○何須多所誅求○雖弘羊為培克之臣○到此亦當改過○彼荒途之劫掠頻聞○豈其在官而亦切在稽古則循良是慕○奈何出政之無良○故不得藉口於百孔千瘡○乃陰欲染指於火耗○常例止知已所應得○不念民之萬難○豈為民父母之理乎哉○本道奉教而來○首先察吏○今者下車伊始○務在寧民○牧民豈得虐民○且漫繫升堂之鼓○貪吏何如廉吏○可輕

續重棘編四集九卷

十三

五經堂彙選

收暮夜之金○況朝廷之功○令森嚴○誰容假借○在制節之激揚○痛切爾莫輕嘗苟為○頃鼠我聞而即以上聞○如有甘棠民愛○則無不共愛○從此有陞有降○兩路相分○以及為貶為褒○一言立判○惟有清廉可尚○而非情面可干○慎之慎之○勿貽後悔○包蒙吉評羅一峰諭屬文曰○說職守極着痛痒○說貪墨極中膏肓○說本等受用處○有浮雲富貴之想○說沒身遺臭處○有汗顏名教之悔○吾願移以評此文○彪西

上江集序

周訓成

將欲以詩詞得名乎○即名亦為愧○蓋進無補於當時○退亦無可觀○法於鄉里○俯仰多慙○返躬有憾○尚藉口近體三唐樂府為漢魏○無論聖賢不許也○即鄉黨自好○豈所樂聞耶○古昔賢士大夫○朝會贈答○穆如清風○雖未嘗不以此見重一時○聲施後世○但其所以傳且重者○有在故其緒餘亦相隨表見耳○不然○不察事機之變○義理之安懷○慚而取悅○蓄怨以求歡○美刺失倫○聲情岐二○則亦安望其矇瞍可誦○朝廟可歌○爛焉與日月爭光哉○今也負荷經年○承恩子告方求秦越人之不暇○又何六義之與居乎○惟是渡江無期○鄉關

續重棘編四集九卷

古

五經堂彙選

千里羈愁與旅雁同時○無未與有鎮共告○恭逢聖明恤患○漕轉三河○但以數百萬嗷嗷待哺之民○方在旦夕○其保奈河水如建瓴○溯流若登天○竊恐野草先枯○沾思不及是斷草難於回生○徒仰負上天之雨露也○每一念之○如癢如痛○倉卒非有推敲○徑向等於野哭○夫豈得已乎○以視向之頌德○紀盛○如出兩人○姑並存之以備採風史遷曰○藏之名山○傳諸其人○他日靈蘭有效○或更有別業可觀○則又不在於此矣○沉民國耶○金鑑錄耶○石壕什耶○吾目眩心欽○不能辦○不欲辦○亦不必辦也○彪西

題景子憶錄序

馬光裕

人子不忍沒其親○酒○血○淚○之○筆○寫○哀○慕○之○誠○此○景○子○應○能○憶○椿○錄○
所○由○輯○也○親○有○善○則○必○書○親○生○平○之○歲○銘○勸○誠○則○必○書○親○之○偶○爾○
觴○詠○寄○興○達○志○則○無○不○書○自○環○環○在○疚○以○逮○拮○据○喪○大○事○有○祭○告○
焉○則○書○有○所○悔○於○中○歷○歷○數○之○若○無○以○自○解○肝○欲○碎○腸○欲○裂○則○又○
書○推○景○子○之○心○無○非○罪○已○呼○天○妻○惻○悲○慟○曲○致○其○思○親○之○苦○衷○思○
之○故○輯○之○嗚○乎○輯○斯○傳○傳○斯○永○君○子○於○此○乎○觀○孝○矣○
借此以作小刻五思集句言引不知玉筍以爲何如○
彪西

續重刊編四集九卷

五

五經堂彙選

范陽馬氏族譜序

馬光裕

余友馬子爾楹○生於范陽○具特達之識○志節不讓古人○蓋篤行君○
子也○既師事徵君孫先生○亦嚮余北面○惟謹○謂余與徵君素以聖○
學相砥礪也○今歲秋七月○來自蘇門○手族譜一帙○門戶全覽其世○
次井井秩秩○如木之枝葉暢茂○非有二本如水之流支分派衍○未○
可測量○溯而上之○其源則一也○慨宗法之不講○匪自今始○馬子能○
修舉○可謂知本務哉○使觀是譜者○孝弟之心油然而生○則有如蘇○
氏之說○夫一族即一身也○身有疾痛○非風狂喪心○自必自戕○鮮有○
不欲安全者○至於視其族○不若視其身○此惑之甚者也○則有如羅○

續重刊編四集九卷

六

五經堂彙選

氏之說○小宛之詩○兄弟相誠勉而作也○一則曰○明發不寐○有懷○
人再則曰○各敬爾儀○天命不又○敬德之聚也○父慈子孝○兄友弟恭○
夫義妻正○姑惠婦順○德莫盛焉○福莫大焉○經所謂自求多福○在我○
而已○則有如鄒氏之說○昔有富翁○方對客談○適垢衣敝屣○如屠沽○
者自外至○翁肅起迎之上○坐退而拱立○其人命之坐○乃坐○客問翁○
彼何人○斯翁曰○某族叔父也○客哂之曰○吾族則無此翁○曰○但君族○
未廣耳○客大慚○夫一手五指○誰能齊一○矧族至數十人○寧得盡富○
貴賢哲○乃秩序固自在也○苟不思所以敦睦之○將令翁與垢敝如○
屠沽者聞之而咲○則有如周氏之說○嗚呼○數君子立言○雖不同其○

於厚葬○常移風俗○詐有殊指哉○余因進徵諸古○以申其義○維成周
盛時○宗族之法○行故棠棣行葦之美○作於上○反弓升木之刺○不聞
於下○以此教家○而家就理○以此治國○而國有倫○以此繫民○而民不
散○所貴乎躬厚○薄責而藏身以恕也○余願與馬子共勗之矣○
開手頌馬氏一段○遂即撥開通篇○只講宗法○雖不專為馬氏設○
其所以頌馬氏者○至矣○此善於鑄意者○
彪西

送孫明府左遷序

馬光裕

嚮余謂守令寬一分催科○即是一分撫字○近今功令嚴○惜官者
不得惜百姓矣○請為賢守令轉一語曰○惜百姓者○當亦不得復惜
官○嗟乎○作吏如是其難哉○關西孫公○年少老成○宰茲衝疲○清飛諒
禁○強暴繕城堞○修學宮○調劑驛站○申免荒糧○政固漸次克舉○且將
報最於朝○乃忽以左遷去○曷為乎○以左遷去也○惟不申抗糧花
名○故不申抗糧花名○奈何曰○荒既除矣○逋賦殆無多也○令公惜一
官○必不惜百姓○申一人○則一家哭○申十人○則十家哭○而公之官自
若也○公則曰○吾不忍也○寧去吾官○嗟乎○公以此去○官公之餘榮矣○

頃聞大中丞惻然念公○無妄欲白其事○復公官○公將造福於他邑○
余邑之父老子弟○思借寇而不得○遂丐余言○以送公○余揖父老子
弟而告之曰○自今伊始○歲輸無怠○無俾方來之大夫○為地方受累○
余因廣昔人撫字心勞○催科政拙○兩言之意○而徧告守令曰○民間
歲輸止有此數○不費之於鞭扑○則歸之度支也○否則日筭以千數○
日費民間以百數○合天下計○即日費公家以萬數○而其拙愈甚○孰
如我公以惜百姓去也○噫嘻○公行矣○

呂叔簡曰○官是外來的心○是自家的○孰輕孰重○高明自能辨之○
西彪○諭賢守令○勸良百姓○一舉兩善○又評

楊念庭先生三傳有引

馬光裕

縣南條山下鄉名界村楊氏居此地者有東西與南之別攷先生譜系蓋世稱西楊云高曾以來多隱德弗耀歷傳至先生德彌純積彌厚厥孫給諫公炳平山左蓮妖有功於當時而前緒益光大焉識者謂天之眷佑先生理有必然抑不止此也先生壽百齡學修不倦生平懿行固未易悉數余特聞其逸事作三傳以告大君子之樂取為善者先生諱學詩號念庭明萬曆壬午登賢書仕至別駕

或問頑可格乎馬子光裕曰德以感之誠以動之雖異類可格人

續重刊編四集九卷

九

五經堂彙選

即頑焉有不可格之理昔楊先生處鄉惡少某酗酒毀譽先生聞戶若弗聞也者尋且肆益甚命蒼頭飲以茶惡少如夢初醒又如既死復生者俯首請罪頓改前非由是鄉人化之有不善惟恐先生知古者彥方表閭端明居洛先生可與並傳矣右格頑先生初仕隆平令庫藏缺白鏹若干前官謂吏某當賠補吏故貧又無盜庫狀先生惻然念之不忍虐無辜竟受代吏之身家賴以保全越五十餘年河東饑使者陳公諱某直隸人甫下車即折節問先生安否道及活吏事感不啻口出先生獨抑抑乎不自居也夫為善不求人知謂之陰德若先生者德澤在人愈久而人思慕

之乃並忘其為善焉豈非盛德之至者哉右活吏

嘗讀關西夫子紀乘暮夜畏四知清風介節允為百世之師以余所聞楊先生却餽金後先若合符茲特表而出之以示來許先生歷官至別駕有羔羊素絲之操無敢干以私者一故弁家欲屬以他事率呈經籍兩部先生公餘將展讀命子啓函鑿卷空其中兼金隱焉貳函亦如之乃復緘固平明付門吏以手札論弁曰夜閱來書即焚香告天矣仍舊封還當檢收自愛先生子諱斯榮後以子貴稱封君曾傳其事嗟乎躬勵冰蘗以清白貽子孫哲人典型固在也聞之者可以興矣右却金

續重刊編四集九卷

十

五經堂彙選

以此種人當此種文亦千古文亦千古彪西

康窩記

馬光裕

孔子稱好學○謂食無求飽○居無求安○考亭解志有在而不暇及蟋蟀詩人嘗三致戒於太康○取法者惟瞿瞿良士○寓胡爲以康名憶昔衛之役○溯河源○陟蘇嶺○孫既有臺○邵復有窩○長老各往往爲余指其遺跡○景高風於曩哲○嘆有志而未能旋且任刺類○蚤負見星往還不遑寢處○今始歸休乎林臯○險絕不以駭余目○驚濤不以怵余衷○爰闢荒徑○築土爲室○膝僅堪容○肱亦可曲○偶爾假寐于于焉適也○時而問花訪竹○散步微吟○陶陶乎自得也○形寄於丘壑之中○神遊乎羲皇以上○願爲君子之居易不爲小人之戚戚○庶幾理順○

續重校編四集九卷

廿一

五經堂彙選

康節云

言者心之聲也○讀周易下傳第十二章之末○方知此文妙處○處識得○易侯命○理順心安○八箇字到處皆是正安樂窩矣○不然非針毡即廁坑也○又評

寄園族

馬光裕

吾家仰賴祖宗福蔭○啓弟得聯捷南宮○想叔伯兄弟愈加喜慶○易曰謙受益○滿招損○理數之常○毫絲不爽○願我族屬處鄉黨親朋日用應酬○不可有驕心溢志○以致凌厲决裂○既貽辱於祖宗○復見惡於鄉里○人倫不齒○官長責懲○其隕家聲也多矣○須是安分守己○士農各勤本業○貿易務求公平○不許分外生事○錢糧及時封納○酌淫尤所當戒○如婚嫁死葬○不能自贍○或遺書商量○或當面講說○裕勉力助給○斷不吝惜○薄俸膜視宗族也○壬辰六月初六日書○立心行事○持已待人○當官居鄉○盡在此百餘字中○

續重校編四集九卷

廿一

五經堂彙選

存悔稿自序 六聲猿

賈鳴璽

往覽徐文長所為四聲猿者○感慨悲歌中忽莊忽誕欲笑欲啼以爲怨而不怨風人之遺而幽憤窮愁亦子長餘音也○及得其中恨不得填滿了○普天饑饉一語反覆唱嘆誰抱此恨者○文長其仁人乎○仁之體畧見先子疏巧言令色章內○本邨積穀本族積穀兩記與勸賑帖子亦稍稍著其用文在雪龕勸哭稿中○憂患餘生服膺庭訓○偶觸填滿之意○熱腸怛怛輒摘孟子饑餓不能出門戶句○漫成八股六首嗟乎○執執筆人子吾之同胞自顧七尺以外真無長物○讀書五十餘年於世一無所濟爲可愧也○若夫詞粗意淺酸楚

續金瓶梅詞話卷九

五經堂彙選

特甚○如與貧士傳中諸人相對太息○政恐文長復生讀之益增其恨耳○其曰六聲猿者○義本詞場不忘所感而仰瞻北堂遺書徒存則仍慟哭之哀響也○

作一篇仁孝書讀俗儒以文視之淺矣○彪西

通篇不粘西銘點墨而立意修辭全是西銘○程子曰其得此意只是須得子厚如此筆力他人無緣做得愚亦云○又評

存悔稿自叙 八股

賈鳴璽

今年病益甚○閉門謝客○從藥籠中檢出入股若干○又群兒收拾若干○如斷梗如浮漚○觀其詳如隔世○蓋散佚者不知凡幾矣○既屬條聲兩兒錄訖○則倚枕正其字畫而愀然有餘悔也○先子讀書東園嘗命三樂章題既授簡○思及中間一段報然已之以他故辭寅卯間○兩奉大人諱○卯夏壯弟復逝○間到園中擬捉筆一報前命思前一段又泣下不知所云也○顧獨念當時四子書中何句何字不有負者而於此靳之不爲悔一癸卯之役楊夫子執王知我過當後讀鷄鳴犬吠諸章自愧難爲其弟而楊爲我指此道與矣○聽之忘

續金瓶梅詞話卷九

苗

五經堂彙選

倦甲寅後晤唐峻甫四表○許子畏自俊於燕市○許謂我第一墨提處立言殊過獨一承可觀○唐則謂第二墨領脈高束精餘俱尋常說話而許又謂第二墨小講起句吾子何亦爲此○學者雖爲應世之業要須正其心術○聞兩人說不覺汗下○乃至於今猶故我耳○悔二成於丑寅之前者○猶經先子裁定其他則竄群兒塾中作爲多或群兒就試苦不當聊爲爲之○或同學諸子問業後技痒不禁或不快於坊本或感時撫事假之以鳴然而膚者粗者率者枯稿者生硬者直而鈍者諧而謔者詭而細者悲憤而怒者雜出楮間上之不能發明聖賢之道○次之不能如古大家卓然成一家言下之

不能步趨時賢取悅當時以梯貴而弋富悔三嗟乎忘詩禮之訓
負師友之望費有盡之心力而成無用之筆墨亦何惜此區區者
為然嘗見里中叟有善謳者自矜調高諸少年方為新聲爭笑之
叟乃獨撰樂章非雅非俗不古不今笑者聞之不知其為何代之
音則又大怪而叟於無人時微吟高唱以為娛樂窺其中將有不
能舍然者乎而吾殊不類是身既老矣志在炳燭倘天假以年不
即填溝壑日與群兒商確此事元本如先子之所謂聖道王制也
者或取此敝帚反復之進退消長之故其亦有以自考也斯存悔
之意也夫

續垂棘編四集九卷

五

五經堂彙選

詩禮之訓未嘗忘也師友之望未嘗負也解人應當如是再玩
束結處進退消長有以自考益見一息尚存不容少懈之意
西彪

續垂棘編三集十卷四集九卷

山西巡撫
採進本

國朝范鄆鼎編鄆鼎有理學備考已著錄初鄆鼎父
芸茂當明末年嘗選輯山西之文二十卷題曰晉
國垂棘鄆鼎復取其鄉近人之文依例彙輯成帙
謂之續垂棘編前後共為四集茲僅其三四兩集
非全本也三集所錄凡五十二人四集所錄凡四
十七人然多有人已前見而文屬補錄者又有
集之中而一人之文前後分見者蓋隨選隨刊故
漫無體例如是耳